

خلاصة البيان  
تفسير القرآن


١١-١٢













28

R. Y

2374



القول في بيان...

الفران في...

مقيم...

خلاصة...

في...

او...

فقره...

امانت...

بعبده...

راغب...

دفتر...



28

T. C.
MILLI EĞİTİM BAKANLIĞI
RAGIP PAŞA KÜTÜPHANESİ
MÜDÜRLÜĞÜ
Sayı: 2073
9-10-8



950
956
اون طغوزنجی جزو دن : یکرمی و صبی صرته قدر



## خلاصة البَيِّنَات

سورة شعراء

آخرنده درت آیتدن ماعداسی مکة مکرمهده نازل اولمشدر . ایکبوز بکرمی بری  
آتی حاویدر .

بِسْمِ اللَّهِ الرَّحْمَنِ الرَّحِيمِ

﴿ طسم ﴾

بولفظ، خازنده بیان اولوندینی وجهله ( ابن عباس ) حضرت تدرندن روایت اولوندیفته  
نظراً اسماء الهمزة بر اسم الله تعالى طرفندن قسم اولونمشدر . بوکا نظراً معناسی :  
[ طسم اسمنه یمین ایدرم ] دیمکدر . یاخود اسماء قرآنه بر اسم الله ونعمت الله افندیکنک  
بیانه نظراً ( طسم ) حرفلری رسول اللهک اسملرینه اشارتدر . مثلاً ( ط ) حرفی  
طالب، ( س ) سالم و ( م ) حرفی ماحی اسمنه اشارتدر . بوکا نظراً معناسی : [ ای  
سعادت ابدیهی طالب و علائق دنیویهدن قلبی سالم و اخلاق ذمییهی ماحی یعنی ازاله  
ایدیجی اولان پیغمبر ! ] دیمکدر .

﴿ تِلْكَ آيَاتُ الْكِتَابِ الْمُبِينِ ﴾

[ شو سوردهنک آیتلری جمیع احکام دینی و دنیویهی بیان ایدن کتابک آیتلریدر . ]  
یعنی : حبیب ! طسم اسمنه یمین ایدرم که شو او قوناجق آیتلر اعجازدن ظاهر و صحتی  
باهر اولان کتابک آیتلریدر .

قرآن وحدانیت الهیهی وسائر انسانه لازم اولان احکامی وفوائد دینی و دنیویهی  
تمامیه بیان و اظهار ایتدیکندن کتاب لفظی مبین ايله توصیف اولونمشدر . چونکه

اون طقوزنجی جزؤ

فَنَفْسِكَ الْفِتْنَانِ

سورة شعراء  
( ۳ )

قرآن ؛ الی یوم القیام نی بشر اوزرینه جریان ایده جک حادثاتک احکامی تمامیه بیان  
ایدر . بناء علیه ؛ بالعموم حوادثک احکامی قرآندن استنباط ایتک قابل اولدیغندن فقهاء  
عظام احادیث نبویهنک معاونتی علاوه ایده رک قرآندن استنباط و کتب فقهیه به درج ایتشلردر .

﴿ لَعَلَّكَ بِاَخِيعِ نَفْسِكَ اَلَّا يَكُونُوا مُؤْمِنِينَ ﴾

[ یا اکرم الرسل ! اهل مکةنک ایمان ایتدکری ایچون نفسکی حزنله اولدوره جکسک . ]  
یعنی ؛ ای نبی محترم ! نفسکه شفقت ایت . اگر نفسکه شفقت ایتزه سک قومک  
سکا ایمان و کتابکی تصدیق ایتدکرینه کدر کدن نفسکی اهلاک ایتک مأمولدر . بناء علیه ؛  
سن آنلرک عدم ایمانلرینه حزن ایتمه . زیرا ؛ سنک امورکی تأیید وشانکه تعظیم ایچون  
سکا کتاب مبینی کوندردک . شو حالده سکا لازم اولان ، وحی اولونان احکامی جمله انسانلره  
ممکن اولدیغنی قدر بالذات ویا بالواسطه تبلیغ ایتدکدر که ایمان ایدوب ویا ایمان ایتدکرینه  
باقیسنین تبلیغ ایتکله وظیفه مودوعه کی ایفا ایتش اولدیغکدن نفسکی الماف ایده جک  
درجهده اسف ایتک لازم دکدر . چونکه ؛ سنک اسفک آنلرک ایمانلرینه سبب اولامیه جنی  
جهتله فائده سز اسفده معنا یوقدر .

خازنده بیان اولوندیغنه نظراً آیتک سبب نزولی ؛ رسول الله قومک ایمان ایتکله عذابدن  
قورتولملری صوک درجه آرزو ایدوب مکة لیلرک حاللری آرزوی نبویلرینک خلافة  
ظهور ایتدیکندن غایت مضطرب و مکدر اولسنه بناء جناب حق او قدر اسف لازم  
اولمایوب آنحق اللهک کلامی تبلیغ کافی اولدیغنی بیانه رسولی تسلیه ایچون بو آتی  
انزال ایتشددر .

بو آیت کرچه رسول الله خطاب و آتی تسلیه ایچون نازل اولمش ایسهده فاسقلرک  
حاللرینه شدتله حزن ایدوب نفسنه مشقت ویرنلری دخی تسلیه و حزنله افراطدن منع  
ایتشددر . چونکه ؛ هر زمانده انسانلرک صلاحی ؛ سفها و فسقه کروهنک وبالخاصه کفره  
وظلمه نک حاللرینه اسف و بغض ایدر لر . صلاح ایچون بغض فی الله بر مزیت و عین عبادت  
ایسهده آنلرک حاللرینه حزنی و کدرینی ایلری کوتوروب مضطرب اولاجق و وجودینه  
مشقت ویره جک قدر افراط ایتک لازم اولمادیغنه بو آیت دلالت ایتشددر .



واجب تعالی بوندن اولکی آیتده رسولنه قومک ایمان ایتدکرینه اسفله «نفسکی اهلاک ایده جکسک ، بوقدر اسفده فائده یوقدر . شو حالده شدتله حزن ایتمه» دیمکله کافرلرک ایمان ایتدکرینه تحسردن ضمناً نهی ایتشدی . ایشته او نهیک علتی بیان ایتک اوزره ﴿إِنْ نَشَأْ نُنْزِلْ عَلَيْهِمْ مِنَ السَّمَاءِ آيَةً فَظَلَّتْ أَعْنَاقُهُمْ لَهَا خَاضِعِينَ﴾ بیوریور .

[اگر بز ایسته سهک آنلر اوزرینه سعادن بر آیت انزال ایدرز که او آیته آنلرک بویونلری کمال اطاعتله اقیاد ایدرلر .]

یعنی ؛ حبیب ! سن قوم قریشک ایمان ایتدکرینه شدتله تأسف ایتمه . زیرا ؛ اگر آنلرک ایمانلرینی ایسته سهک بز آنلر اوزرینه سعادن بر علامت انزال ایدرز که او علامت آنلری ایمانه مجبور ایدر . یاخود بر بلیه ویررز که او بلیه آنلری ایمانه مجبور ایدر . بناء علیه ؛ آنلرک بویونلری او آیته تمامیه اقیاد ایدر اولور و لکن آنلر اراده لرینی ایمانه صرف ایتدکلرندن بزم اراده من ایمانلرینه تعلق ایتدی ، بلکه عدم ایمانلرینه تعلق ایتدی . شو حالده آنلرک ایمان ایتدکرینه سنک ایچون کدر لازم دکدر .

(اعناقهم) آنلرک بویونلری دیمکدر . چونکه ؛ انسانک بر امره اقیادینک اثری بویونده ظهور ایتدیکندن آیتده اطاعتلری بویونلرینه اسناد اولونمشدر . خضوع ؛ اطاعتک صوک طبقه سیر که ایشته اطاعت اوقدر اولور آنک فوقنده اطاعت اولماز . شو حالده آیتده هر نه قدر بویونلری اطاعت ایدر دینش ایسه ده کندی شخصلری اطاعت ایدر دیمکدر . یعنی اگر الله تعالی آنلرک ایمانلرینی مراد ایتسه ایدی آنلر اوزرینه سعادن آنلری ایمانه مجبور ایده جک بر آیت انزالیه ایمانه اجبار ایدردی . بناء علیه ؛ آنلرک جمله سی او آیته اقیاد ایدر اولورلردی و لکن ایمانده معتبر اولان اختیاری اولدیغندن آنلری ایمانه اجبار ایتدی . چونکه ؛ اجبار ایتسه ایمان اجباری معتبر اولمازدی .

فخر رازی و بیضاوینک بیانلری وجهله اعناق ایله مراد ؛ قومک رئیسری اولور . محتملدر . بوکا نظراً معنای آیت : [اگر بز ایسته سهک آنلر اوزرینه سعادن آیت انزال ایدردک . آنلرک رئیسلری او آیته صوک درجه اطاعت و اتباعلری ده آنلره اقیاد ایدرلر و بناء علیه ؛ جمله سی مؤمن اولورلردی و هپسی او آیت آلتنده تیره دورورلردی

ولکن اختیارلریله اولمادیغندن ایمانلری معتبر اولیه جفته بناء آیت انزال ایتدک [دیمکدر . تفسیر طبریده بومعنائی تأیید ایدن بروایتده موجوددر . بناء علیه ؛ بواحتماله نظراً رئیسلی ذکرله اکتفا اولونمشدر . چونکه ؛ انسانلر دائماً رؤسایه تابع اولدقلرندن رؤسا ایمان ایتش اولسه لردی جمله سی ایمان ایدرلردی . حالبوکه رئیسلی ریاستلرینی محافظه ایچون حتی ستر ایدرک ضعفاء ناسی آلداندیلر . بو مثللو حیلله لره عالمده هر زمان وقوعات شاهددر . زیرا ؛ عوام ناسی آلداتمق ایچون هر زمان ایلری کلنلر حیلله دوشونمکدن خالی قالمامشلردر . رئیسلر صلحادن اولدیغنده ناس درحال صلاح کسب ایتش ورئیسلر مبالا تسز اولورسه ناس ده درحال مبالا تسز لغه دوکولوب نتیجه ده برطاقم بلایا ایله تربیه اولدقلرینه تاریخ شاهددر .

..

واجب تعالی کافرلرک ایمان ایتدکری تمرد و شدت و عنادلرندن اولدیغنی بیان ایتک اوزره ﴿وَمَا يَأْتِيهِمْ مِنْ ذِكْرِ مِنَ الرَّحْمَنِ مُحَدَّثٍ إِلَّا كَانُوا عَنْهُ مُعْرِضِينَ﴾ بیوریور .

[یکی بروعظ و آیت رحمن تعالی طرفندن آنلره کلز ، الا آنلر او وعظ و ذکر کردن اعراض ایدرلر .]

﴿فَقَدْ كَذَّبُوا﴾

[بناء علیه ؛ آنلر او آیتی و ذکر تکیذب ایتدیلر .]

﴿فَسَيَأْتِيهِمْ أَنْبَاءُ مَا كَانُوا بِهِ يَسْتَهْزِؤْنَ﴾

[آنلرک حاللری تکیذب اولونجه یقین و قتده آنلره استهزاء ایتدکری آیتلرک خبرلری البته کلیر و حق اولوب اولمادیغنی آنلر اوزمان بیلیرلر .]

یعنی ؛ مشرکلرک ایمانه اراده لرینی صرف ایتدکلرندن اراده من آنلرک ایمانلرینه تعلق ایتدی . بناء علیه ؛ آنلر کفر اوزرینه مصر اولدیلر . و هر نه زمان رحمن تعالی طرفندن آنلره نفسلرنده اولان فنانی قالدیرمق و آنلری صلاحه دعوت ایتک اوزره یکی بر آیت کمدی ، الا آنلر او آیتدن قاچارلر و اصلاً قولاق آصا زلر و قبولی طرفنه قطعاً میل ایتملر



و کمال تندرلینه بناءً او آیتی تکذیب ایدرلر . حتی تکذیبده قناعت ایتیه رک استهزایه قدرده جسارت ایدرلر . حالاری اللهمک آیتلرینی استهزایه قدر جرأت اولونجه البته استهزا ایتدکاری آیتلرک حق و قبوله شایان اولدیغنک خبرلری آنلره کلیر و اوزمان آیتلرک اطاعته شایان اولدیغنی بیلیرلر ، فقط فائده ایتمز . چونکه ؛ عذاب السعی نازل اولدقدنصکره خطاسنی بیلیمک و آکا ندامت ایتمک فائده ایتمز .

مشرک لک معامله لرینک شناعته و جنایتلرینک عظمتنه اشارت ایچون اسماء حسناندن لطف و احسانی مشعر اولان رصم اسمی وارد اولمشدر . چونکه ؛ ابوالسعود افندینک بیانی وجهله مطلقا جانب السهیدن کلدیکی بیان اولونان آیتلردن یوزدوندورمک قباح و جنایت اولدیغنی کی انعامی و احسانی مشعر اولان رحمن تعالی طرفندن کن آیتلردن یوزدوندورمک دها بویوک جنایت و شناعته اولدیغنه اشارت ایچون رحمن اسم شریفی وارد اولمشدر . چونکه محسن اولان ذات طرفندن کن و اصلاح لرینه عائد اولان آیتدن اعراض ؛ البته قباحتک بویوکیدر .

بیضاوینک بیانی وجهله ذکرله مراد ؛ موعظه اوزرینه مشتمل قرآنده بر طائفه در . محدث ایله مراد ؛ یکی انزال اولونمسه دیمکدر . یعنی « قرآندن یکی انزال اولونمش بر موعظه کلدیکنده آنلر البته او موعظه دن اعراض ایدر یوز دوندورورلر و تکذیبده اصرار ایدرلر ، حتی اصرارلری استهزایه منجر اولور و استهزایه قدر جرأت ایدنجه یقینه او استهزا ایتدکاری ذکرک حق و یا باطل اولدیغنک خبرلری آنلره کلیر و آنلرده تصدیقه و تعظیمه شایان و موجیله عمل ایتمهک لایق اولدیغنی بیلیرلر » دیمکدر .

\*\*\*

واجب تعالی کافرلرک قرآندن اعراض ایتدکاری بیانی ایتدکی کی قدرته دلالت ایدن دلیللردن بعضیلرینی دخی بیان ایتمک اوزره ﴿ اَوَلَمْ يَرْوُا إِلَى الْأَرْضِ كَمَا أَنْبَأْنَا فِيهَا مِنْ كُلِّ زَوْجٍ كَرِيمٍ ﴾ بیوریور .

[ کافرلر قرآنی استهزا ایدرلرده یر یوزینه نظر ایدوب کورمدیلر می که بزیر یوزنده

هر صنف اولتاردن و اکیلدردن کوزل نه قدر شیلر بیتیردک و او بیتیردیکمز نباتات حیوانلره و انسانلره نه قدر فائده ویرر و نه کوزل غذا اولور . بونلرک جمله سنه نظر ایدوب دوشونمک و هر برندن عبرت آلمق و بزم قدرتمزک کالنه استدلال ایتمک لازم دکلیدر ؟

﴿ إِنَّ فِي ذَلِكَ لَآيَةً ﴾

[ زیرا ؛ یر یوزنده اولان نباتاتک هر برنده بزم قدرتمزه علامت واردر . ]

﴿ وَمَا كَانَ أَكْثَرُهُمْ مُؤْمِنِينَ ﴾

[ حالبوکه اکثر ناس بونلردن غفلت ایدره رک ایمان ایدر اولمادیلر . ] و آنلرک میداند . اولان حقیقته ایمان ایتدکارینه حییم ! سن محزون اولما . زیرا ؛

﴿ وَإِنَّ رَبَّكَ لَهُوَ الْعَزِيزُ الرَّحِيمُ ﴾

[ سنک ربک آنلرک جمله سنه غالب و آنلردن انتقامنی آلمقه قادر و مرمحتی بول رحیم متعالدر . ] بناءً علیه ؛ رحمتی ایجابی آنلرک عذابی تعجیل ایتمز و وقت مرهونه قدر تأخیر ایدرکه آنلر دوشونسونلر و متنبه اولسونلر . اگر متنبه اولور ایمان ایدرلرسه غضب السهیدن قورتولمش اولورلر و اگر متنبه اولمازلرسه معذور اولماسونلر . چونکه ؛ مساعده ایتندن هلاکده ؛ آنلر « بزه مساعده اولسه ایدی دوشونور و حقیقتی بولور ایمان ایدرلرک » دیمک احتمالی کسمک ایچون جناب حق آنلره مهلت ویرر .

بیضاوینک و ابوالسعود افندینک بیانلری وجهله واجب تعالی یر یوزنده خلق ایتمش اولدیغنی هر درلو نعمت لک منافع کثیره و برکت تامه سی اولدیغنه اشارت ایچون هر نوع نباتاتی کرم صفتیله توصیف ایتمشدر . کرچه یر یوزنده موجود نباتات و سائر مخلوقاتده بر چوق مضرتلی اولانلرده وارسده او مضرتلی کوردیکمز شی البته بر چوق منفعتی متضمندر « ولکن بز بیلیمه بز و بزم بیلیمه مکملکمزدن فائده سی و منفعتی اولماق لازم کلر . چونکه ؛ الله تعالی نیک خلق ایتدکی شیلرک جمله سنه بزم بیلیمدیکمز منفعتلر و حکمتلر موجوددر . زیرا ؛ نباتاتدن بعضیلری بالذات انسانه نافع اولدیغنی کی بعض دیکریده بالواسطه نافع اولور . مثلا بعض اوتلر طوغرودن طوغرویه ینسه انسان ایچون سم قاتل اولدیغنی حالد حیوانات ییوب سوده انقلاب ایتدکی حالد عین منفعت و شفا اولدیغنی میداند



بر حقیقت در که انکاری غیر قابلدر . بناءً علیه ؛ الله تعالى خلق ایتش اولدینی مخلوقانده تودیع ایتدیکی فائده ومنفعتلرک عظمتنه اشارت ایچون یوکسک مرتبهیه اشارته موضوع اولان ( ذلک ) کلمسی وارد اولمشدر . هر صنف نباتانده اولان عجیب وغریب اسرار الهیه ایمانی ایجاب ایدوب و کفردن منعه دلالتر ی بویوک اولدیغنه اشارت ایچون ( آیه ) لفظی تعظیمه دلالت ایدن تنوینله نکره اولارق وارد اولمشدر .

واجب تعالی نیک احسانی قدرت کامله سی نسبتنده اولدیغنه اشارت ایچون قدرتنه دلالت ایدن عزتی، رحمتی اوزرینه تقدیم ایتمشدر . زیرا ؛ قدرت صاحبی اولان بر ذات هر شیئی احسانه قادر اولدیغندن البته عاجز اولان بر کیمسه نیک احسانه نسبت قبول ایتمز والبته قدرته برابر احسانده تأثیر زیاده اولور .

زوج ؛ نباتانده هر صنف دیمکدر . کریم ؛ ممدوح ومنفعتی یورو دیمکدر . ( کم ) کلمسی کثره و ( کل ) کلمسی هر فرده دلالت ایتدیکندن تفصیل اوزره انواع نباتاتی بیتیردیکنی بیانه واجب تعالی قدرتنک عظمتنه تنبیه ومشرکری تفکره دعوت ایتمشدر . خلاصه ؛ انسانلرک یر یوزینه نظر ایدوب جناب حقک برکتی چوق ومنفعتی بویوک اولارق بیتیرمش اولدینی اوتلردن عبرت آلمسی لازم کلدیکی وبونلرک هر برنده قدرت الهک کالنه بویوک دلالتر بولوندینی وبونلرک برابر ناسک اکثرینی ایمان ایتدکلری والله تعالی نیک جملهیه غالب انتقامه قادر اولدینی ومرحمی ایجابی عذابلرینی تأخیر ایتدیکی بو آیتدن مستفاد اولان فوائد جمله سنددر .

\*\*\*

واجب تعالی کافرلرک کفر اوزره اصرارلرینی وقرآندن یوز دوندوردکلرینی ووحدانیه دلالت ایدن دلیلره نظر ایتدکلرینی بیان ایتدیکی کبی بو حاللرک بوامته مخصوص اولمایوب کچمش امتلرده دخی موجود اولدیغنی بیان ایتک اوزره ﴿ وَاِذْ نَادٰی رَبُّكَ مُوسٰی اَنْ اَنْتَ الْقَوْمَ الظّٰلِمِیْنَ ﴾ قَوْمَ فِرْعَوْنَ ﴿ بیوریور .

[ ذکر ایت حییم ! شول زمانی که او زمانده ربک تعالی موسی علیه السلامه ندا

ایتدی ویدی که « یا موسی ! حدود الهیه دن چیققله ظلمی ارتکاب ایدن فرعونک قومنه کل، آنلره تبلیغ احکامده بولون . زیرا سنی ؛ آنلری طریق حقه دعوته مأمور ایتدم . »

﴿ اَلَا یَتَّقُوْنَ ﴾

[ « آنلر اللهدن قورقازلرمی وطریق حقه نه ایچون تبعیت ایتزلر ؟ » دیدی . ] یعنی ؛ یا اکرم الرسل ! سن قومکه موسی علیه السلامه قومی بیتنده جریان ایدن احوالی وشول زمانی بیان ایت که اوزمانده ربک تعالی موسی علیه السلامه ندا ایتدی ویدی که « یا موسی ! ظالم اولان قوم فرعونه کل » دیمکه کلمسی امر و « آنلر بو قدر ظلمی ارتکاب ایدرلرده اللهدن قورقازلرمی ؟ » دیمکه حضرت موسایی آنلره تبلیغه مأمور ایتدی . چونکه ؛ فرعون وقومی یر یوزنده فساد وظلمی نشر وتعمیم ایتدکلری کبی بنی اسرائیل اوزرینه ده ظلم وتسلطلرینی آرتیرمشلردی . حق اوغلان چوجقلرینی قتل وقیزچوجقلرینی ابقا ایدرلردی . بو ایسه بنی اسرائیلک انقراضلرینه سبب وحیثیلرینه تجاوز ایدی . ایشته شو منوال اوزره ارض اوزرنده ایستدیکی ظلمی اجرا ایدن قومه اولاً صورولاجق شیئک اتقا یعنی اللهدن قورقوب قورقادلرینی سئوال ایتک اولدیغنی بیان ایتدی . ﴿ اَلَا یَتَّقُوْنَ ﴾ خطاب صورتیه (الاتقون) قرائت اولوندیغنه نظراً حضرت موسانک آنلره ندن اتقا ایتدکلرینی واللهمک عذابندن قورقمق لازم ایکن ندن قورقادلرینی وغضب الهیه دن قورتولمای نه ایله تأمین ایتدکلرینی ونهیه کووه ندکلرینی سئوال ایتکه مأمور اولمشدر . بو قصه یی ذ کردن مقصد ؛ رسول الهی تسلیه وایمان ایتمینلری ایمانه دعوت ایتمکدر . چونکه وقعته نیک خلاصه سی ؛ قوم فرعون پیغمبرلرینی تکذیبله هلاک اولدقلری کبی سزده رسولکزی تکذیبده دوام ایدرسه کز هلاک اولورسکز دیمکدن عبارتدر .

﴿ اَلَا یَتَّقُوْنَ ﴾ ده کی همزه ؛ استفهام انطاری وتوئیح ایچونده . یعنی « آنلر اللهدن قورقادلریمی وقورقماق برامر منکر دکلی وبو منکر نه ایچون ارتکاب ایدرلر ؟ » دیمکدر . خلاصه ؛ حضرت موسایه جناب حقک ندا ایدوب « کل فرعون قومنه ! ایمانه دعوت



ایت « دیدیکی وقوم فرعونک ظالم وغدار اولدینی واللهم قورقادرلی وقورقامقله  
تویسخ اولوندقاری بو آیتدن مستفاد اولان فوائد جمله سنددر .

..

واجب تعالی نک موسی علیه السلامه قوم فرعونه رسول اولدیغنی بیان ایتسی اوزرینه  
حضرت موسانک جوابی بیان ایتک اوزره ﴿ قَالَ رَبِّ إِنِّي أَخَافُ أَنْ يُكَذِّبُونِ ﴾  
بیوریور .

[ موسی علیه السلام رسالتله فرعونک قومی حقه دعوته مأمور اولونجه « یاربی !  
فرعون وقومنک بنی تکذیب ایتلرندن بن محقق قورقارم » دیدی . ] وسوزینه شونی ده  
علاوه ایتدی و دیدی که :

﴿ وَيَضِيقُ صَدْرِي وَلَا يَنْطَلِقُ لِسَانِي ﴾

[ « یاربی ! کوکم طارالیر ولسانم سویله من تبلیغه قصور ایدرم » . ]

﴿ فَأَرْسِلْ إِلَىٰ هَارُونَ ﴾

[ « بناءً علیه ؛ یاربی ! جبریلی هرینه کوندر و آنی ده بنمله برابر رسول قیل که بکا  
یاردیم ایتسون وتبلیغ نقصان اولماسون » . ]

﴿ وَلَهُمْ عَلَىٰ ذَنْبٍ ﴾

[ « حالوکه آنلرک بنم اوزریمه برکنه دعواسی واردر » . ]

﴿ فَأَخَافُ أَنْ يَقْتُلُونِ ﴾

[ « بناءً علیه ؛ آنلرک بنی اولدورملرندن بن قورقارم » دیمکه جناب حقندن یاردیم  
ایسته دی . ]

یعنی ؛ الله تعالی موسی علیه السلامه « کل فرعون طرفه ! دعوت ایت آنی » دینجه  
موسی علیه السلام خطاب الهی به جواباً « ای بنم ربم ! بنی آنلرک تکذیب ایتلرندن

بن محقق قورقارم و آنلرک تکذیبلرندن لسانم سویله من و قلم طارالیر لایقوله تبلیغی ادا  
ایدهم . بناءً علیه ؛ جبریل امینی برادرم هرینه کوندرکه امر تبلیغه بکا معاونت ایتسون  
و آنلر ایچون بنم اوزرمده بر قیل دعواسی واردر . قورقارم بنی قیل ایدرلر « دیمکه  
جناب حقندن معاونت ایسته دی . چونکه ؛ موسی علیه السلامک اولجه لساننده رکاکت  
اولدیغندن آنلرک یولسز معاملهلرینی کوردکجه قلبنه عارض اولاجق اضطرابدن متأثراً  
بالکلیه سویله میه جکندن قورقدیغنی اظهار و قلبنک اضطرابی لساننه برقات دها آغیرلق  
ویره جکنی درمیان ایتدی وسویله میه جکی بر زمانده سوزینی اکمال وتبلیغی لایقوله اجرا  
ایتمک ایچون برادرینک کندینه یاردیمچی اولسنی ایسته دی وحقسز بر دعوالری اولدیغنی  
واو دعوانک حقیقتنی تدقیق ایتکسزین ظلم ایتلرندن قورقدیغنی بیان ایتدی . بناءً علیه ؛  
بیضاوینک بیانی وجهله حضرت موسی برادرینک رسول اولسنی اوج منی اوزره  
ایتنا ایتدی : برنجیسی ؛ تکذیبلرندن قورقمی ، ایکنجیسی ؛ تکذیبلرندن متأثر اولارم  
قلبک طارالمی ، اوچنجیسی ؛ قلبنده ماحصل اولارم طارلرندن لسانک سویله من بر حاله  
کلمسیرر . زیرا ؛ بو اوج حال بر آریه کلنجه قلبنه منانت ویره جک و نقصانی اکمال ایدم جک  
بر یاردیمچی به احتیاج ضروری اولدیغندن برادرینک یاردیمچی اولسنه لزومی بو اوج  
سبب اوزرینه بنا ایتشد . یوقسه حضرت موسانک مقصدی حاشا امر رسالتی تلقیده  
تعلل وتردد دکدر ، بلکه تحمیل اولونان عظمتنی دوشونه رک معیتنه برمعین ایسته مکدن  
عبارت وامر رسالتله لایق اولدینی قدر اهمیت ویرمکدر .

حضرت موسانک بو آیتده بیان ایتدیکی ذنب ایله مراد ؛ قرآنک متعدد آیتلرندن

بیان اولونان قتل مسنددیر . چونکه ؛ حضرت موسی مصردن (مدین) ه کیتمزدن  
اول بنی اسرائیلدن بریسیله غوغا ایدن بر قبطی بی حقسز و ظالم کوردیکندن بر توقات  
وورنجه قبطی اولمش ایدی . قبطینک قتلی خطاء وقوع بولدینی جهته موسی علیه السلام  
حقنده ذنب دکلسده قبطیلر کنه اعتقاد ایتدکلرندن آنلرک زعم باطللرنجه ذنب  
دینشدر . شیمدی موسی علیه السلام « یاربی ! اولجه بر خطادن طولای آنلرک بنم



اوزرمده بر دعوالری واردر . قورقارم او دعوی ايله بنی مؤاخذه ایدرلر « دیمکه ربسنگ معاوتنی استرحام ایتدی .

\*\*\*

واجب تعالی حضرت موسانک شومناجاتی اوزرینه امرینی بیان ایتک اوزره ﴿ قَالَ كَلَّا فَاذْهَبْ بِآيَاتِنَا اِنَّا مَعَكُمْ مُسْتَمِعُونَ ﴾ بیوریور .

[ واجب تعالی موسی علیه السلامه دیدی که « یاموسی ! سن آنلردن قورقا . چونکه ؛ مسئله سنک ظنک کی دکلدر . زیرا ؛ سنی بز رسالتله اختیار ایدوب آنلره رسول کوندرنجه بز سنی آنلرک شرندن محافطه ایدرز . بناء علیه ؛ ایکیکز برابر بزم آیتلریمزله کیدک ، قورقایلک . چونکه ؛ بز سزکله برابر بینکیزده جریان ایده جک سوزلری ایشیتیرز . ] شوخالده هر زمان معاوتمز سزکله برابرر و آنلر هر زمان سزه بر ضرر قصد ایدرلرسه بز آنلرک آلارینی طوتار بلالری سزدن دفع ایدرز وسزک آنلرک شوکت وقوتلرینه باقارق قورقا کز جائز اولاماز . زیرا ؛ آنلرک قدرتلری سزی قتله کافی دکلدر .

﴿ فَاتِيَا فِرْعَوْنَ فَقُولَا اِنَّا رَسُوْلُ رَبِّ الْعَالَمِيْنَ ﴾

[ بناء علیه ؛ ایکیکز برابر فرعونه کلک و « بز عالملرک ربسنگ رسوللری بز » دیکنر وکال شجاعت وجسارتله رسالتکزی تبلیغ ایدیکز . ]

﴿ اَنْ اَرْسِلَ مَعَنَا بَنِي إِسْرَءِیْلَ ﴾

[ ای فرعون ؛ بزمه برابر بنی اسرائیلی ارض مقدسه کوندر ] و آنلرک آباء واجدادلرینک بلدهلری اولان شام جهته کیتلرینه مانع اولماییکز وقوتندن اصلاً پروا ایتمیک « دیمکه جناب حق موسی وبرادرینک خط حرکتلرینی تعیین ایتشددر .

واجب تعالی آنلرک مباحثلرینی ایشیتدیکنی بیانله شجاعتلرینی تزئید ونصرتی وعد ایتدی وعاقبت فرعونی وقومنی غرق ایدوب حضرت موسایی وقومنی ساحه سلامتیه چیقارمقله وعدینی انجاز ایتشددر . اول امرده ظلمک قالدیرلمسی واجب اولدیغندن بنی اسرائیله رخصت ویرمسيله آنلرک اوزرندن ظلمنک قالدیرلمسی وشام جهته کیتلرینه

مساعدده ایتسی فرعونه تکلیف اولونمشدر . یوسف علیه السلامدن صکره بنی اسرائیلک مصرده درتیوز سنه قالدقلری وحضرت موسانک رسالتله مصره کلدیکنده بنی اسرائیلک عددی آلتیوز بیکه بالغ اولدینی روح البیان صاحبک جمله بیانانددر .

واجب تعالی نک امری اوزرینه موسی علیه السلام مصره کلوب برادريله برلشهرک برابرجه وقت فوت ایتمکسزین فرعونک قبوسنه کلدیلرواستیدان ایتدیلر . فرعون مساعدده ایدوب ایجرویه کیرنجه « بز اللهک رسوللری بز ، سنی طریق حقه دعوته کلدک » دیدیلر .

\*\*\*

واجب تعالی موسی وهرون علیهما السلامک فرعونی دین حقه دعوتلری اوزرینه فرعونک سوزینی بیان ایتک اوزره ﴿ قَالَ اَلَمْ نُرَبِّكَ فِثًا وَلِیْدًا وَ لَبِثْتَ فِثًا مِّنْ عَمْرٍکَ سِنِیْنَ ﴾ بیوریور .

[ موسی علیه السلام فرعونه رسالتلرینی تبلیغ ایدنجه فرعون موسی علیه السلامه خطاب ایده رک دیدی که « یاموسی ! چوجق اولدیغک حالده بز سنی اویمزده بسله یوب بویوتمدکی وسن عمرکدن چوق سنه بزم ایچمزده وخانه مزده اکلشمدمکی ؟ » ]

﴿ وَفَعَلْتَ فَعْلَتَکَ الَّتِی فَعَلْتَ وَاَنْتَ مِنَ الْکَافِرِیْنَ ﴾

[ « وایشله دیکک قتل فعلنی سن ایشله یوب بنم قبیله مدن برینی قتل ایتدکی ؛ حالبوکه سن بنم نعمتلریمی انکار ایدن وحق تربیه می اونوتانلردنسک » دیمکه موسی علیه السلامه دیلنی اوزاندی وشدتی کوستردی وکچمش نعمتلرندن بحث ایتمکه موسی علیه السلامه نعمتلرینی صایمقله صوصدورمق ایسته دی . ]

فخررازینک بیانی جهله بعض روایتله نظرآ فرعون برسنه مساعدده ایتهمش وحضرت موساده کیروب کوروشمک ورسالتی تبلیغ ایتک ایچون دوام اوزره قبوسنی چالمشدر . بر سنه دنصکره فرعون مساعدده ایتمش ودمشدرکه « قویویرک کلسون هیچ اولمازسه اویونجاق ایدر اکلنیرز » . ایشه فرعون حضرت موسایی اویونجاق اتخاذا ایتک اوزره حضورینه کلسنه رخصت ویرمشدر . حضرت موسی ککنجه آیتده بیان اولوندینی وجهله اولاً نعمتلرینی صایمش وثانیاً کندینه قارشى موسی علیه السلامک ایشله دیکک قتل



خطاسنی پک بویوک عد ایدرک بیان ایتشدرد. چونکه؛ حضرت موسانک قتل ایتدیکی قبطی فرعونک بندکانندن اکهکجیسی اولدیغندن قتلی آغزه آلتاز و سولیمز درجهده بویوک بر خطا عد ایدرک « بر فعل که سن آنی ایشله دک اوفعلی سن ایشله مدکی » دیمکه وقوع بولان فعلک تصریحی مناسب کورمیه رک کنایه صورتیه بیان ایتش و بوسوزنده بویوک رک عادتلرینه رعایت ایتشدرد. چونکه بویوک رک عادتلری؛ کوچوک کوردیکی کیمسه یه عتاب ایدر جککری زمانده اولاً نعمتلرینی صایمق و ثانیاً قباحتی بیانه عتاب ایتکدر. فخر رازی وقاضیک بیانلری وجهله فرعونک موسی علیه السلامه « سن کافر لر دنسک » دیمک دن مقصدی؛ درت و جهره نومه اولونور: برنجیسی؛ سن بنم نعمتی انظار ایدر لر دنسک دیمکدر. چونکه؛ کفر؛ نعمتی انظار معنانه در. ایکنجیسی؛ فرعون حضرت موسانک حالی بیلمدیکندن موسی علیه السلام آنک سراینده ا کله شدیکنده کندی دینده ظن ایتسیدر که سن نه لافرسک دیورسک مالبوکه سن ده بزم کبی لافر لر دنسک دیمک ایسته مشدر. حالبوکه موسی علیه السلام آنک سراینده بولوندیغنده دینی رد ایدردی ولکن فرعونک خبری یوقدی. اوچنجیسی؛ سن کفرانه نعمتی کنه یه عادت ایدر کیمسه لر دنسک که بنم خواصی بنر لافمره ببنی قتل ایتدک دیمکدر. در دنجیسی؛ فرعون بنم الوهیمه لافرسک دیمک ایسته مشدر. چونکه؛ بعض روایتیه نظراً حضرت موسی مصر دن (مدین) ه کیتزدن اول صورت علانیه ده فرعونک دینه طعن ایدردی. فرعون کندی دینه طعن ایتدیکنی بیلمدیکندن کندی زعم باطلنه نظراً « سن کافر لر دنسک » دییه رک عتاب ایتک ایسته مشدر.

\*\*

واجب تعالی فرعونک سوزینه موسی علیه السلامک جوابی بیان ایتک اوزره  
﴿ قَالَ فَعَلْتُهَا إِذَا وَأَنَا مِنَ الضَّالِّينَ ﴾ بیوریور.

[ موسی علیه السلام فرعونک سوزینه قارش دیدی که « بن او قتل حادثه سنی ایشله دیکم زمان خطا ایدر لدنم. زیرا مقصدم؛ قتل ایتک دکلدی، بلکه تأدیب ایتکدی ولکن

مقدرمش قتل وقوع بولدی. بناء علیه؛ بنم ایچون او قتل ماده سی بر جرم دکلدرد. دیمکه قتل مسئله سنه جواب ویردی. [ وشونی ده علاوه ایتدی ویدی که:

﴿ فَعَزَّزْتُ مِنْكُمْ لَمَّا خِفَّكُمْ ﴾

[ « قتل وقوع بولونجه بن سزدن قورقدیغ زمان فرار ایتدم. ] چونکه؛ ظالم سکر. خطا ایله قصدی اولان افعال ببنی تفریق ایتز سکر. بناء علیه؛ در حال تجزیه یه قیام ایدر جککزی بیلمدیکم ایچون سزدن فرار ایتکی اهن کوردردم. »

﴿ فَوَهَّبَ لِي رَبِّي حُكْمًا وَجَعَلَنِي مِنَ الْمُرْسَلِينَ ﴾

[ « احوال بو منوال اوزره جریان ایدنجه ربم بکا حکم ویردی و بنی رسول لر دن قیلدی و رسالتی تبلیغ ایچون سکا کلدیم ایشته تبلیغ ایدیورم قبول و عدم قبول سکا عاڈ بر وظیفه در » دیمکه فرعونه مقابله ده بولوندی. ]

فخر رازیک بیانی وجهله حضرت موسانک ضلالت ایله مرادی؛ زهول و غفلتدر. یعنی « بنم قبطی یه ووردیغ بر یومرو قدر. او، بر یومروغک قتله سبب اولاجغندن غفلت ایتدم » دیمکدر. شو حالده « وانا من الضالین » دیمک ( وانا من الغافلین ) دیمکدر. بوکا نظراً موسی علیه السلام فرعونه « بو فعل بنم فرارمی ایجاب ایتدردی ولکن سزک ظالم ایدر جککزی بیلمدیکم دن فرار ایتدم. سز بکا کوتولاک ایتک ایسته دیکز. الله تعالی آکا مقابل بنم شامی اعلا ایتدی. زیرا؛ بکا نبوت ویردی و سزی اصلاحه مأمور ایتدی » دیمکه فرعونک ظالم اولدیغنی کندی نه بلا پروا سویلهدی. یاخود بیضاوی و مدار کده بیان اولوندیغی وجهله بوراده حضرت موسانک ضلالت ایله مرادی؛

نیاندر. یعنی « قتل فعلی وقوع بولدیغی زمان بن ضالیندن ایدم » دیمک « قبطی یه ووردیغ بر یومروغک قتله مؤدی اولاجغنی اونوتانلردن ایدم » دیمکدر. فرعونک صایدیغی نعمتلرک جوابی حضرت موسی تأخیر ایتدی. زیرا؛ رسول اولان بر ذات عندنده منع و غیر منع جمله سی مساوی اولدیغی جهته. فرعونک کلامندن اتهام ایتک ایسته دیکی قتل مسئله سنه جوابی اهمیتلی عدایده رک آنک جوابی تقدیم ایتدی که فرعونک اتهامندن نفسی تبرئه ایتسون. بوندن صکره فرعونک تعداد ایتدیکی نعمتلره جوابی مناسب کوردی ویدی که:



﴿وَتِلْكَ نِعْمَةٌ تَمُنُّهَا عَلَيَّ أَنْ عَبَّدْتَ بَنِي إِسْرَائِيلَ﴾

[ « ای فرعون! شو سنک صایمیش اولدیغک تربیه و بنم سنک سرائیکده ا کله شمم بر نعمت که سن آنی بنم اوزریمه صایبورسک . او نعمت ، سنک بنی اسرائیلی کوله اتخاذا ایدوب آنلره اهانت ایتمکدن عبارت اولدینی کی بنم سنک سرائیکه کلمده آنلرک بغیرحق اوغلانلرینی قتل ایتمکدن نشأت ایتمیشدر . شو حالده نعمت دیدیکک شی ؛ عین نعمتن عبارتدر ، یوقسه نعمت دکلدر » ] .

یعنی ؛ فرعونک حضرت موسایه « سنی تربیه ایدوب بیوته دمی و بنم اومده برچوق سنه لر ا کله شوب عمرکک چوغنی اوراده کچیرمدکی ؟ » دیهرک صایدینی شیرک حقیقتده نعمت اولمایوب بلکه عین نعمت اولدیغنی و نعمت ظن ایتدیکی شیده فرعونک ظالم و غدار اولدیغنی کندینه تبلیغ صورتیه موسی علیه السلام دیدی که « ای فرعون ! شو سنک صایدیغک شی که آنی بنم اوزریمه نعمت اولارق قید ایدیورسک . ایشه او نعمت دیدیکک شی حرالصل اولان بنی اسرائیلی سنک کوله قیلوب خدمات شاقه ده کمال اهانتله آنلری استخدامکدن عبارتدر و بنم سرائیکه کلمککمه سببده سنک ظلمکدن نشأت ایتمیشدر . زیرا ؛ سن بنی اسرائیلک اوغلان چوجقلرینی قتل ایتمه مش اولسه ایدک بن سنک سرائیکه مسافر اولورمی ایدم و بنی والدهم و پدرم بسله مزلمی ایدی ؛ شو حالده ای فرعون ! بزه نعمت صایدیغک شی عین عذاب دکلدر ؟ اکر سنک ظلمکدن قورقومن اولسه ایدی سنک کفریاتله طولواولان سرائیکده برکون دکل بر ساعت بيله قالیرمیدم ؟ » دیمکه فرعونک نعمت دیدیکی شینک عین ظلمدن عبارت اولدیغنی کمال صلابتله بیان ایتدی و فرعونده بوکا قارشى مهوت اولدی . بناء علیه ؛ بو خصوصه دائر برشی دیه مدیکندن باشقه بجه انتقال ایدیوردی .

فخر رازینک بیانی وجهله کافرک کفری واقع اولان نعمتک شکرینه استحقاقه بوآیت دلالت ایدر . زیرا ؛ حضرت موسی فرعونک نعمت صایدینی شیره « نعمت دکلدر ، بلکه عین ظلم و عذابدر » دیمکه مقابله ایتدی ده « نعمتدر اما سن کافر اولدیغک ایچون آنک شکرینه مستحق دکلکک » دیمدی . یعنی نعمت اولسه ایدی شکره استحقاقنی نفی ایتزدی .

شو حالده « کافرک بعض کیمسه لره یایمیش اولدینی انعامک ثوابی کفری ابطال ایدر ولکن انعام ایتدیکی کیمسه لر طرفندن شکره ومدح و ثنایه استحقاقنی ابطال ایتمز » دیمکدر . انسانک انسانه شکری ؛ کوردیکی ایلکک قدرینی بیلیمک و اوایلکی یابان کیمسه یی مدح و ثنا ایتک و اهانت ایتمه مکدر . بناء علیه انسانلرک لطف کوردیکی کیمسه نک قدرینی تقدیر ایتسی ؛ او نعمتک شکری اولدیغندن بو جهته دقتله بیلرند محبتک ادامه سنه غیرت ایتک لازمدر . زیرا انسانلر آره سنده محبت ؛ چوق ایلککله وسیله اولاجغندن هر شخصک بو جهته اعتناسی اهل اسلام ایچون بویوک بر سرمایه و توکنمز بر خزینه در .

\*\*\*

واجب تعالی ؛ فرعون حضرت موسانک سوزنده اولان متانتنه و کندنده اولان صلابت و شجاعتنه نظرایدرک او یونجاق اولاجق و کولمک واستهزا ایتمکه باشند صاوولاجق برشی اولمادیغنی و غایت اهمیتی اولدیغنی آکلادیغنی جهته موسی علیه السلامک اصل دعواسنه اعتراضه باشلادیغنی بیان ایتک اوزره ﴿قَالَ فِرْعَوْنُ وَمَا رَبُّ الْعَالَمِينَ﴾ بیوریور .

[ فرعون « کیمدر عالملرک ربسی ؟ » دیدی . ]

یعنی ؛ موسی علیه السلام « بز عالملرک ربسنک رسوللری یز » دینجه فرعون « سن کیم اولویورسک و نه جسارتله رسالت دعوا سنده بولونیورسک ودها دون بزسنی بیوته دمی ؟ » کی سوبله دکلری شیرلی سوبله مش ایهده آنلره حضرت موسایی الزام ایده میه جکنی آکلانجه « عالملرک ربسی دیدیکک کز کیمدر و آنک حقیقی نه در و آکازی نه ایچون دعوت ایدرسک ؟ » دیمکه اولاً الهیاتدن مباحثه کیریشدی .

\*\*\*

واجب تعالی فرعونک بو سؤوالنه حضرت موسانک جوابی بیان ایتک اوزره ﴿قَالَ رَبُّ السَّمَوَاتِ وَالْأَرْضِ وَمَا بَيْنَهُمَا إِنْ كُنْتُمْ مُوقِنِينَ﴾ بیوریور .

[ موسی علیه السلام فرعونه و جماعته خطاب ایده رک « اکر سزارباب ادراک و اذعاندن خلاصه البیان : اون برنجی جلد — ۲ » ]



ایسه کز عالمک ربی سموات و ارضک و آنلرک آره سنده اولان مخلوقاتک ربسیدر »  
دیمکه جناب حقک آثاريله جواب ویردی .

یعنی ؛ فرعونک سؤالنه موسی علیه السلام جوابده « ای فرعون ! عالمک ربی شو کوردیککز عالم علوی و سفلی و آنلرک بدنده اولان جمله موجوداتک خالق و ربسیدر . اکر اشیانک حقیقته علم و عرفانک و ارسه بونی بیلیرسکیز » دیمکه فرعونک جهالت و حماقته اشارت ایتدی . چونکه ؛ سموات و ارض و آنلرک آره سنده موجود اولان اشیانک جمله سی ممکن و مرکب اولدیغندن البته واجب لذاته بر فاعل مختارک اثری اولدیغی میدانه بر حقیقت ایکن هنوز آنی تحقیق ایدوب بیلیمه مک حماقت و جهالتدن باشقه بر شی دکلدر دیمک ایسته دی .

بیضاوی و نیسابورینک بیانلری و جمله فرعونک سؤالی ؛ واجب تعالی نک کنهندن و حقیقتنددر . حضرت موسانک جوابی ؛ آناری و افعالیله جوابدر . چونکه ؛ الله تعالی نک کنهنی بیلیمک بشر ایچون ممکن اولمادیغندن آثاريله تعریف و بوجهتله ده فرعونک وظیفه سزلکنی بیانله فرعونه حدیخی بیلیمسنی توصیه ایتمشدر . زیرا دنیاده بشر ایچون بیلیمسنی ممکن اولمایان شیئی سؤال ایتمک ؛ حدیخی و معجزینی بیلیمه مکدر . بناء علیه ؛ حضرت موسی بشرک ادر اکنک احاطه ایده بیلیمه جکی بر صورتده تعریف ایتمکه فرعونی وظیفه سنه دعوت ایتدی . فخر رازینک بیاننه نظراً فرعون الله تعالی بی بیلیر ولیکن ملک و ریاست ایچون کفری اختیار ایدرایدی . یا ضور « هر شئیک فاعلی افلا کدر » دییهن دهر یلردندی . یا ضور حلولیه مذهبندن اولوب کنندینه الوهیتک حلولنی اعتقاد ایتدیکندن الوهیت دعواسنه قدر جسارت ایتشدی . بناء علیه ؛ موسی علیه السلام ده الله تعالی جمله مخلوقاتک ربی اولدیغی بیسانده فرعونک ده ربی اولدیغی فرعونه تفهیم ایله الوهیت دعواسنده ساخته کارلغنی میدانه قوبمشدر .

\*\*\*

واجب تعالی فرعونک بو جوابده حیرته قالب کندیسنه عارض اولان شاشقینلق اثری اولارق ایراد ایتدیکی سوزینی بیان ایتمک اوزره ﴿ قَالَ لِمَنْ حَوْلَهُ أَلَا تَسْتَمِعُونَ ﴾ بیوریور .

[ فرعون اطرافنده اولان جماعته « ایشیتیمورمی سکیز ؟ » دیدی . ]

یعنی ؛ فرعون موسی علیه السلام و یرمش اولدیغی جوابدن تعجب و استهزا طریقيله اطرافنده اولان جماعته ده تعجبه سوق و ذهنلرینی باشقه وادییه تحویل ایتمک ایچون قومک اشرافندن حضورنده بولونان اعیان و ارکانه « ایشیتیمورمی سکیز موسانک سوزینی ؛ بن ربسنک ماهیتندن سؤال ایتدم او بکا آثارندن خبر ویردی . جوابی سؤالنه موافق دکلدر » دیمکه مجلسده کیلرک ذهنلرینی تغلیط ایتمک ایسته دی که بحثی مغالطه ایله بیتیرسون . چونکه ؛ حضرت موسانک سوزنده بر تأثیر بلیغ کوردیکندن جماعتک میل ایتسندن و خارجه سرایتندن قورقدی و حضرت موسانک محق اولدیغنی آکلاتمق ایسته مدی .

\*\*\*

واجب تعالی فرعونک بو کلامندن صکره حضرت موسانک کلامنی بیان ایتمک اوزره ﴿ قَالَ رَبُّكُمْ وَرَبُّ آبَائِكُمُ الْأَوَّلِينَ ﴾ بیوریور .

[ موسی علیه السلام « عالمک ربی سزک و سزدن اول کچن بابالریکیزک دخی ربسیدر » دیدی . ]

یعنی ؛ فرعون موسی علیه السلام « عالمک ربی سموات و ارضک ربسیدر » دیمکه و یرمش اولدیغی جوابی قومنه بر خطا کی کوستروب سموات و ارضک حقیقتنی انسانلر ایچون بیلیمک بر آز اوزاق اولدیغندن موسی علیه السلام هر کسک انکار ایده میه جکی بر دلیلله انتقال ایتدی که او دلیل هر شخصک کندی وجودیدر . چونکه ؛ هر کس کندی وجودینک بر طاقم آتدن و کمیکدن و سائر اجزادن مرکب اولدیغنی و صکره دن میدانه کلدیکنی بیلنجه بره وجد حقیقینک ایجاديله اولدیغنی اقرار ایتسی لازم اولدیغندن بو حقیقتنی انکار مجرد عناددن عبارت اولاجنی جهتله موسی علیه السلام « عالمک ربی سزک و سزدن اول کچن بابالریکیزک ربسیدر » دیمکه فرعونه « سنک ده ربکدر . بناء علیه ؛ سنک ربوبیت دعواسنده بولونمقاغک ساخته کارلقدر » دیدی .

خازن و ابوالسعودک بیانلرینه و ابن عباس حضرت تلرندن بر روایته نظراً بو مباحثه نک جریانی انساننده فرعونک مراسم ایچون حاضر لائمش بویوک صالونده قولاری بیله زیکلی



ارباب رتبه دن و مملکتک اشراقدن بشیور کیشی حاضر ایش. چونکه؛ فرعون حضرت موسی طرفندن مصره و اطرافه طاغیلش حوادثک اوگنی آلق امیدیه مجلسده برچوق کیمسه لر بولونیدردی که حضرت موسای الزام ایتسون و بونی هرکس بیلسون و حضرت موسانک بردها سسی چیمه-اسون. بو جهتلری دوشوندی ولیکن مقصدینک عکسی حصوله کله جکشی دوشونمادی.

\*\*\*

واجب تعالی موسی علیه السلام شو دلیلنه فرعون جواب بولاماچیه حضرت موسانک شانه لایق اولماق برطاقم افتراه جرأت ایتدیکنی بیان ایتک اوزره ﴿ قَالَ إِنَّ رَسُولَكُمْ الَّذِي أُرْسِلَ إِلَيْكُمْ لَمُجْنُونٌ ﴾ بیوریور.

[ فرعون حاضر اولان جماعته خطاب ایدهرک دیدی که « سزه ارسال اولونان سزک رسولکیز محقق والته مجنوندر. ] زیرا؛ بنم سؤاله جواب ویریور آغزینه نه کلیرسه آنی سوبله یور و سؤاله مو فی جواب ویرمدیکی جهته آداب کلامه رعایت ایدهمه یور، بو ایسه مجنون شانیدر. فرعون بو سوزلریله جماعتک ذهننی تغلیط ایتک ایسته دی و بجی حضرت موسانک شخصه آتلاتدی. حالبوکه حضرت موسی اللهک آثاریله و افعالیله جواب ویردی که اثر دن مؤثره انتقال مباحثه ده جمله عقلانک قبول ایتدیکی بر طریق واضحدر. لکن فرعون یا او طریق بیلمه دی و یا خود بیلمک ایشنه کله دی. بناء علیه؛ شان نبویلرینه لایق اولماق برطاقم اسناداته قالدیشدی. چونکه مباحثه ده مغالطه؛ اثر عجزدر. فرعون ده جوابدن عاجز اولونجه مغالطه جهتی التزام ایتشدیر.

\*\*\*

واجب تعالی فرعونک عجزنی اظهار ایتسی اوزرینه موسی علیه السلام اوچنجی دفعه ده ایراد ایتدیکی کلامی بیان ایتک اوزره ﴿ قَالَ رَبُّ الْمَشْرِقِ وَالْمَغْرِبِ وَمَا بَيْنَهُمَا إِنْ كُنْتُمْ تَعْقِلُونَ ﴾ بیوریور.

[ موسی علیه السلام « اکر ادراک ایدهرک عقلکیز وارسه عالمک ربسی مشرقک و مغربک و آنلرک آرمسنده اولان موجوداتک ربسیدر » دیدی. ]

یعنی؛ موسی علیه السلام فرعونک « مجنوندر » دیمسی اوزرینه ده آجیق و واضح بر دلیلله انتقال ایدهرک موسی علیه السلام « ای فرعون! اکر دوشونه جک عقلکیز وارده تعقل ایدرسه، کز عالمک ربسی هر کون کونشک طوغدینی مشرقک و ایندیکی مغربک و آنلرک بیتنه اولان موجوداتک ربسیدر. بونی انکاره محالکیز یوق. زیرا؛ هر کون کوزو کزک اوگنده جریان ایدن بر حالدر. چونکه؛ کونش کلوب عالمه ضیا ویریور. بونی خلق ایدن کیمدر؟ دوشونمکیز لازمدر. کونش اینیور، قارا کلق کلیور، استراحت ایدیورسکیز. ضیائی کیده روب قارانلی کتیرن کیمدر؟ بونی ادراککیز لازمدر. اکر عقلکیز وارسه بونلری دوشونمکی سکیز، نه ایچون دوشونمکیورسکیز؟ ای فرعون شوموال اوزره کونلری، آیلری و ییللری خلق ایتکله فصول اربعه یی یعنی یاز، کوز، قیش و بهار موسمیری میدانه کتیرمکله خلقک مصالحنی تسویه و تدبیر ایدن کیمدر، سنمیسک؟ دیمکله فرعوننی رسوای ایتدی. چونکه؛ فرعون کونشی بن خلق ایدیورم دییه مزدی.

\*\*\*

واجب تعالی فرعونک حضرت موسانک بوسوزینه غضبایله تهدیداتی بیان ایتک اوزره ﴿ قَالَ لَئِنْ أَخَذْتُ الْهَأْ غَيْرِي لَأَجْعَلَنَّكَ مِنَ الْمَسْجُونِينَ ﴾ بیوریور.

[ فرعون موسی علیه السلام خطاب ایدهرک « عزتمه یمین ایدرم که اکر سن بنم غیری بر معبود اتخاذا ایدرسه ک بن سنی البته محبوسلر زمره سندن قیلارم » دیمکله تهدید ایتدی. ]  
یعنی؛ موسی علیه السلام فرعوننی قطعی دلیللره و حدایتی اقراره دعوت ایدنجه فرعون کمال کبر و غرور و غضبه « یا موسی! اکر سن بنم غیری بر معبوده عبادت ایدرسه ک البته سنی زندانه قویار و محبوسلر زمره سندن قیلارم » دیمکله تهدید ایتدی.  
قاضی، مدارک و خازنک بیانلرینه نظراً فرعونک زندانی اولدورمکدن ده مشکل



اولدینی مرویدر . چونکه ؛ فرعونک حبسه خانه سی بر آدم آلاق قدر قویوردن متشکل ایدی . غضب ایتدیکی کیمسه یی یالکز اولارق اوقویویه ایندیرر ، کوز کورمز و کیرن چیقماز اولونجهیه قدر اوراده قالیردی . بناء علیه فرعونک زندانی ؛ عالمی تهدیده الکبویوک بر وسیله اولدیغندن حضرت موسای آنکه تهدید ایتشدر .

\*\*\*

واجب تعالی موسی علیه السلام فرعونک تهدیدینه قارشى ایراد ایتدیکی کلامی بیان ایتک اوزره ﴿ قَالَ أُولُوْ حِجَّتْكَ بَشِيْءٌ مُّبِيْنٌ ﴾ بیوریور .  
[ موسی علیه السلام فرعونه خطاباً « دعواکم صادق اولدیغنه دلالت ایدر آجیق بر معجزه کتیرسم دخی حبسه قویارمیسک ؟ » دیدی . ]

﴿ قَالَ فَاتِّبِ بِهِ اِنْ كُنْتَ مِنَ الصّٰدِقِيْنَ ﴾

[ فرعون « یا موسی ! اکر سوزکده صادق ایسه کتیر معجزه کی » دیدی . ]  
چونکه ؛ معجزه یی رد ایتسه هرکس جوابدن عاجز اولدیغنی بیله جکلر . بناء علیه ؛ معجزه یی رد ایتک ایشنه کلمدی . زیرا ؛ « معجزه کی طانیام » دیمک آجیقندن اظهار عجز اولدیغندن معجزه طلبنه قرار ویردی .

\*\*\*

واجب تعالی موسی علیه السلام معجزه سی میدانه قویدیغنی بیان ایتک اوزره ﴿ فَالْتَقِ عَصَاهُ فَاِذَا هِيَ ثُعْبَانٌ مُّبِيْنٌ ﴾ بیوریور .

[ فرعونک « سوزکده صادق ایسه کتیر معجزه کی کتیر » دیمسی اوزرینه موسی علیه السلام عصاسنی یره آتدی . برده کورولدی که عصا بویوک بر ییلان اولوویردی . ییلان اولدینی هرکسجه ظاهر اولوب شبهه اولونا جق برجهتی یوق ایدی . ] عصانک ییلانه انقلابی کورونجه فرعونک « باشقه معجزه لک وارمیدر » دیمسی اوزرینه

﴿ وَنَزَعَ يَدَهُ فَاِذَا هِيَ بَيْضَاءُ لِلنّٰظِرِيْنَ ﴾

[ حضرت موسی ائی قویبندن جیقاردی . برده کورولدی که ائی ، کورنلرک و باقانلرک کوزلرینی قماشدیرر درجه ده کونش کی پارلاق و بیاض اولارق ظهور ایتدی . ] بناء علیه ؛ فرعون بویکی معجزه یی کورونجه شاشیردی .

\*\*\*

واجب تعالی عصانک در حال ییلان اولمسی و ائک کونش کی بر حال کسب ایتسی فوق الطبعه اولوب انسانلرک یاپامیه جنی برشی اولدیغنی بیلدیکنندن باشقه دییه جک برشی بولاما یجه فرعونک « بو ، سحر در » دیدیکنی بیان ایتک اوزره ﴿ قَالَ لِلْمَلَأِ حَوْلَهُ اِنَّ هٰذَا لَسَاحِرٌ عَلِيْمٌ ﴾ بیوریور .

[ موسی علیه السلام معجزه سی کورونجه فرعون نفسنه عارض اولان قورقونی صاقلادی و اطرافنده اولان و کلاسنه خطاب ایدرک « شو موسی ای بیلیر بر ساحر در » دیدی . ] بونکله ده اکتفا ایتدی ، اطرافنده بولونانلرک غیرت لرینی تحریک و قانلرینک غیباتی ایجاب ایدرک سوزه باشلادی و دیدی که :

﴿ يُرِيْدُ اَنْ يُخْرِجَكُمْ مِنْ اَرْضِكُمْ بِسِحْرِهِ فَاِذَا تَأْمُرُوْنَ ﴾

[ « شو ساحر سحر یله سزی ارضکزدن یعنی یوردیکزدن جیقارمق ایسته یور . حال بویله اولونجه نه کی شی امر ایدر و بوکا نه تدبیر دوشونورسکز ونه کی تشبثاله بونک اوکنی آلمق لازمدر ؟ » دیمکله مسئله یی مشاوره یه حواله ایتدی . ] چونکه ؛ فرعونک زماننده سحر مشهور اولدیغندن در حال حضرت موسانک سوزلرینی قبولدن ناسی منع ایتک ایچون « بو سحر در ، فقط سحری ایی بیلیر » دیمکله خاقی آلدایمق ایسته دیکی کی معینده بولونانلرک غضبلرینی تحریکه دخی چالیشدی . زیرا ؛ انسانلرک هر زمان قاتنی تحریک ایدن ایکی شیدر : برنجیسی ؛ امر و مه ، ایکنجیسی ؛ مملکتیدر . بناء علیه ؛ فرعون « بو ساحر سحر سیبیل سزی وطنکزدن جیقارمق ایتر » دیدی و ایشی استشاره یه حواله ایتدی . حالو که فرعون الوهیت دعوا سنده بولونور و دیگرلری کنندن قوللاری عد اولنور کن شیمدی قوجه فرعون قوللرینک رأینه مراجعه محتاج اولدی و دوشونمندی که ربوبیتله



قوللرك رأينه مراجعت بپننده مناسبت يوقدر . مع هذا موسى عليه السلامك غلبه ایده جكنه  
وملك ومملكتنی آلاجهنده اشارت ایدیوردی . چونكه «سزى ارضكزدن چيقاره جق»  
ديمك «ملككزى الكزذن آلاجق» ديمكدى . ملكى آلق ايسه غلبه يي مستلزمدر .  
بناء عليه ؛ هم مملكتنك كیده جكنی دوشونیور همده برچاره سنی آراوردی .

\*\*\*

واجب تعالى فرعونك معيتمده کی اركانك رأينه مراجعت ايتديكنی بساندنسكره  
اركانك رأيلرینی بیان ایتك اوزره ﴿ قَالُوا اَرْجِهْ وَاَخَاهُ وَاَبْعَثْ فِي الْمَدَائِنِ حَاشِرِينَ ﴾  
يَا تُؤْكِبُ كُلَّ سَحَابٍ عَلِيمٍ ﴿ بيوریور .

[ فرعونك وكلاسی «موسایی و برادرینی تأخیر ایت ، قتل ایتمه . زیرا ؛ اداره كده  
بولونان قصبه لره آدملر كوندر آنلر ایی بیلن هر ساحری سكا كتورسونلر « دیدیلر . ]

یعنی ؛ فرعون معيتمده اولان جماعته « بونلر حقنده نه کی تدبیر لازمدر ، حبس ویا  
قتل ویا خود مملكتدن طرد ایتك خصوصلرندن هانكیسنی اختیار ایده لم ؟ » دیمسی اوزرینه  
اركان حكومتی و فرعونك جماعتی « بونلر ك تجزیه سنی تأخیر ایتك موافقدر . زیرا ؛ علی العجله  
قتل ایدرسه ك فتنه یه بادی اولور ، همده خلق سنك عاجز اولدیغکی ظن ایدرلر . بناء عليه ؛  
قتلری خصوصنده عجله ایتمه . كرك موسایی و كرك برادرینی دوردور . اطراف وا كنافده  
اولان قضالره آدملر كوندر . آنلر سكا ایی بیلن وسحر علمنده ماهر اولان هر ساحری  
كتورسونلر . ساحرلر بونلرله امتحان اولسونلر . هر حالده بز غلبه ایدر و بوايشك اوكنی  
بوصورتله آلیرز » دیدیلر . بویله ديمكله فرعونك اضطرابی بر درجه تسکین ايله کویا  
برتدبیر مصیب یامش اولدیلر . فرعون ده بورأی صواب کوردی و اطرافه ژاندامه لر  
كوندردی و هر ساحری كتیرملرینی امر ایتدی . ظن ایتدیلر كه چوققلقه غلبه ایدرز .  
حالبو كه اراده السیهیه قارشى قوللرك كثرتنك قارنجه قدر بيله تأثیر ایده میه جكنی بيله مدیلر .

\*\*\*

واجب تعالى ساحرلرك كلديكنی بیان ایتك اوزره ﴿ جَمْعَ السَّحَرَةِ لِيُقَاتِلَ يَوْمَ  
مَعْلُومٍ ﴾ بيوریور .

[ تعیین اولونان يوم معينك وقتنده ساحرلر جمع اولوندیلر . ]

﴿ وَقِيلَ لِلنَّاسِ هَلْ أَنْتُمْ مُجْتَمِعُونَ ﴾

[ وفرعون طرفندن ناسه خطاباً «وقت معینده سز اجتماع ایدرمی سکز؟» دنیلدی . ]  
یعنی ؛ یولارده و چارشولرده دلالت ندا ایتدی و ناسك جمله سنك يوم معینده تعیین  
اولونان ساعت و محله اجتماع ایتلمی امر اولوندی . چونكه ؛ فرعون وعونه سی غلبه  
ایده جكلرینی امید ایدرلردی . بناء عليه هر كسك سیروتماش ایتلمی و ساحرلرك غلبه سنی  
کورملری ایچون هر كسك طوللو بولونمی و بر طرفه کیتمه سنی امر اولوندی .

﴿ لَعَلَّنَا نَتَّبِعُ السَّحَرَةَ إِنْ كَانُوا هُمْ الْغَالِبِينَ ﴾

[ «ا كرساحرلر غالب اولورلرسه مأول كه سحره یه اتباع ایدرده موسایه اتباع ایتمز  
و هر كس نظرنده حقیقت تجلی ایدر واسکی دینزه صاحب اولورز » ديمك ایسته دیلر . ]  
چونكه ؛ سحره نك دینی فرعونك دینی اولدیغندن « ساحرلره اتباع ایدرز » ديمك  
« فرعونك دینته صاحب اولورز » ديمكدی .

فخر رازینك بیانی وجهله يوم معلوم ايله مراد ؛ فرعونه مضرت موسی بپننده  
قرارلاشمیوردی بایرام کونیمر كه يوم زیننده اجتماع ایده جكلری و يوم زینتك بایرام  
کونی اولدینی و او کونده قوشلق وقتی اجتماع اولوناجنی (سوره طه) ده کی آیتده بیان  
اولونمشدی . ایشته او وقتده خلقك اجتماع اولونمی فرعون طرفندن امر اولوندی .  
چونكه ؛ فرعون ساحرلره اعتماد ایده زك الله قارشى حاشا غلبه سنی ایی امیدله نیوردی  
و بیلیموردی كه عالمه قارشى رذیل اولاجق و یامش اولان شمعهُ سلطنتی سونه جك و انقاضی  
قیامته قدر عالمه عبرت اولاجق . فرعونك کندیسیده بر آن اول مدت سلطنتك ختام  
بولسنی تعجیل ایدیور و آلته قازمه و کورمك آلارق تملندن ده ویرمك ایسته یوردی . چونكه ؛



انسائلك ایشی دائما قدره قارشى چیرینمق و اجله قارشى بر آدیم ایلری وارمقدر .  
فرعونده عین حالده عجله ایدیوردی .

\*\*\*

واجب تعالى سحره نك كلوب فرعونله محاوره ايتدكلرينى بيان ايتك اوزره  
﴿ فَلَمَّا جَاءَ السَّحَرَةُ قَالُوا لِفِرْعَوْنَ أَئِنَّا لَنَأَجْرَآ إِن كُنَّا نَحْنُ الْغَالِبِينَ ﴾

بیوریور .

[ وقتا که سحره تعیین اولونان کونده قوشلق و قی معلوم اولان محله کلدیلر سه  
فرعونه خطاب ایدرک « اکر بزغله ایدر سه ک بزم ایچون اجرت وارمیدر؟ » دیدیلر . ]

﴿ قَالَ نَعَمْ وَإِنَّكُمْ إِذَا لَمِنَ الْمُقَرَّبِينَ ﴾

[ فرعون آنلرک اجرت ایستملرینه قارشى « اوت! غلبه ایدر سه کز سزک ایچون اجرت  
واردر . حالبوکه غلبه ایتدی ککز تقدیرده سز بزم مقربلرمدن سکز . ] شو حالده هر وقت  
بکامصاحب اولاجغککز کی احسانمی ده بول بول آلیر سکز . یوما فیوما اقبالککز آرتاجقدر .  
دیملکه ساحرلره بویوک وعدلرده بولوندى . آنلرده بو وعده راضی اولدیلر و میدان  
معارضه یه کیریشدیلر .

﴿ قَالَ لَهُمْ مُوسَى أَلْقُوا مَا أَنْتُمْ مُلْقُونَ ﴾

[ موسی علیه السلام ساحرلره « ای — ساحرلر ! آنک آلکزده کی آتاجغککز  
شیئی ، کوره لم هنریکزی » دیدی . ]

﴿ فَالْقُوا جِبَالَهُمْ وَعَصِيَّيَهُمْ وَقَالُوا بِعِزَّةِ فِرْعَوْنَ إِنَّا لَنَحْنُ الْغَالِبُونَ ﴾

[ ساحرلر موسی علیه السلام تکلیفی اوزره خلقلک کوزینی بویامق ایچون کتیرمش  
اولدقلری ایپلرینی وعصارلرینی یره آتدیلر و دیدیلر که « بز فرعونک اولولغنه یمین ایدر ز که  
الته غالبز . » ] ساحرلر بو سوزلریله فرعونه اعتماد ایدرک عبودیتلرینی اظهار ایتدیلر  
و کندیلرینک کثرته و ایپلرینک وعصارلرینک چوقلغنه کووه نرک غلبه ایده جکلرینه جزملرینی

یمینلریله تقویه ایتدیلر . بیلمدیلر که ضعیف حق؛ قوتلی باطله غلبه ایدر . بعض روایتله نظرآ  
ساحرلر پک چوق اولدقلری کی هر برینک متعدد ایپلری وعصارلری ده بولوندیغندن  
طاغ ، طاش خلقلک کوزنده ییلانله طولدی . کرچه ایتلرده عدد اوزره صراحت یوق  
ایسه ده ساحرلرک عددی پک چوق اولدیغنه دلالت واردر . چونکه؛ سوره جمع صورتنده  
وارد اولدینی کی اطرافده بولونان قصبه لره آدملر کوندرلیدیکی و بوتون ساحرلرک جمع  
اولدینی بیان اولونمشدر . شو حالده بوتون مملکت داخلنده بر چوق ساحر اولدینی  
شبهه سزدر . زیرا؛ هر برینی جلب ایچون آدملر کیتدی و کتیردیلر .

فخر رازینک بیانی وجهله ایپلر جیوه ایله جلالتمش وعصارلرک ایچی اویولمش جیوه  
قونولمش اولدیغندن کونش قیزنجیه جیوه نك حرکه سیله ایپلر وعصارلر ییلانلر کی حرکت  
ایدوب خلقلک کوزینه بر چوق ییلان کوروندی کندن غلبه ایده جکلرینه امید ایتشلردی .  
فقط بوتون امیدلری بوشه کیتدی و عاقبتلری هلاک منجر اولدی .

« حضرت موسائک ساحرلره ( آنک الکزده بولونان آتاجغککز شیئی ) دیمسی  
سحرله امردر ، سحرله امر ایسه باطلی ایشله مکله امر اولدیغندن موسی علیه السلام ایچون  
جائز اولماز؟ » عنواننده وارد خاطر اولان سئواله شویله جواب ویریلور : موسی علیه السلام  
امری؛ فخر رازی و بیضاوینک بیانلری وجهله اظهار حق ایچون امردر . زیرا؛ آنلر  
آلرنده کی آلتلرینی یره آتوب هنرلرینی اجرا ایتدی که حق ظاهر اولیه جغنی بیلدی کندن  
حق اظهار ایچون آنلره امر ایتمشدر . یاخود « اکر بحق ایسه کز آتاجغککز شیئی  
آنک » دیمکدر ، یوقسه باطل ایله امر دکدر . یاخود امر؛ آنلری تهدید ایچوندر که  
« هایدک یاجغککزی یاپک باشکزه کله جکی ده دوشونک » دیمکدر .

\*\*\*

واجب تعالى فرعونك جمع ايتش اولدینی ساحرلرک سحرلرینی اجرا ایتدکلرینی  
بیاندنصکره نوبت حضرت موسایه کلوب معجزه سنی اظهار ایتدی کنى بیان ایتک اوزره  
﴿ فَأَلْقَى مُوسَى عَصَاهُ فَإِذَا هِيَ تَلْقَفُ مَا يَأْفِكُونَ ﴾ بیوریور .

[ ساحرلرک وظیفه لرینی بیتیرملری اوزرینه موسی علیه السلام عصاسنی یره آتدی  
برده کورولدی که عصا آنلرک افترا ایله یایتمش اولدقلری سحرلرینی لقمه ایدوب یوتیور . ]



﴿ فَأُلْقِ السَّحَرَةَ سَاجِدِينَ ﴾

[ ساحر لر بو حالی کورونجه در حال سجده ایدر اولدقلری حالده یره سریلدیلر . ]

﴿ قَالُوا آمَنَّا بِرَبِّ الْعَالَمِينَ \* رَبِّ مُوسَى وَهَارُونَ ﴾

[ ساحر لر یالکیز سجده ایله اکتفا ایتدیلر و ایمانلرینی اظهاره مسارعتله « بز عالم لک ربسی اولان موسی و هرونک ربسنه ایمان ایتدک » دیمکه ایمان ازیلرینی اظهار ایتدیلر . ]  
زیرا؛ ساحر لر عصای موسانک ییلانه انقلابی و کندی سحر ایتدکلری ایپلری و عصالری یوتمسی سحر اولمایوب بر امر سماوی و معجزه اولدیغنی ادراکله وقت فوت ایتمکسزین همان سجده یه قیاندیلر و موسی و برادزی هرونک حقا نبی اولدقلرینی اقرارله فرعونه صورت قطعیه ده جواب و یردیلر و بوضورتله باطل علملریله استفاده ایدره کحقه واصل اولدیلر .  
یعنی ؛ ساحر لر سحرلرینی اجرا ایدوب موسی و هرون علیهما السلام سیر و تماشا ایدوب نوبت آنلره کلنجه امرالهی اوزره حضرت موسی عصاسنی یره براقچه در حال عصا آنلرک حیلله و یالانله یامش اولدقلری سحرلرینی لقمه ایدوب یوتمسی اوزرینه ساحر لر بونک سحر اولمایوب حق اولدیغنی بیلدیلر و کچمش قباحترلرینه استغفار ایدره ک همان یوزلرینی تراب مذله سورمک اوزره سجده یه قیاندیلر و دیدیلرکه « بز عالم لک ربسی اولان رب موسی و هرونه ایمان ایتدک و بونک معجزه اولدیغنی بیلدک شبهه من قالمدی » .  
ساحر لر بوسوزلریله فرعونی رد ایتدیلر .

فرعون ربوبیت دعواسنده اولدیغندن ( رب العالمین ) ایله مرادلری ؛ فرعون اولمق احتمالی قالدیرمق ایچون عالم لک ربسی ایله مرادلری ؛ حضرت موسی و هرونک ربسی اولدیغنی تصریحله مقصدلری فرعونه ایمان اولمادیغنی اعلان ایتدیلر . چونکه ؛ فخر رازینک بیانی وجهله حضرت موسانک عصاسی آغزینی آچوب بوتون ساحر لرک ایپلرینی و عصالرینی یوتونجه حضرت موسی عصاسنی آله آلوب عصا اسکی حالته عودت ایدوب یوتمش اولدیغنی شیلردن بر اثر کورولمه یجه سحره بونک حق اولدیغنی بیلدیلر و شبهه لری قالمادی و فرعونده او یولده جواب و یردیلر . زیرا عصا ؛ اوقدر ایپلری و عصالری یوتدیغنی حالده جئه سنه اصلا بیومک کلدیکی کبی اسکی حالندن تغیر و تبدلده کورولمه مسی آریجه بر معجزه در . یعنی

عصانک ییلانه تحولی معجزه اولدیغنی کبی اوقدر شیلری یوتدیغنی حالده جئه سنه تغیر عارض اولماسی ده ایکنجی بر معجزه در . چونکه ؛ یالکیز غلبه ایتمکه آنلرک آلتری آلرندله قالسه ایدی خلقک نظرندله عصای موسانکده سحر اولمق شبهه سی زائل اولمازدی که « ایکی کیمسه نک یاریشمسندله البته بری غالب دیکری مغلوب اولمق عادتدر ، بوده اوقیلدندر » دنیلیمک لسان ناسه قولای اولور و فرعونده بویه تاویل ایتمکه بر یول بولوردی . لیکن عصای موسی یالکیز غلبه ایله اکتفا ایتدی ، بلکه خصمینی بوتون محو ایتدی اورتدن قالدیردی و دره لرو تپه لر طولوسی سحرلردن بر اثر براقادی . بناء علیه ؛ سحر اولمادیغنی عالمه اعلان ایتدی .

بیضاوینک بیانی وجهله سحرک الک نهایی خلقک کوزینی بویامق و تخیلاتدن عبارت اولدیغنه بویایت دلالت ایتدیکی کبی هر فنده ماهر اولان کیمسه نک البته منفعت کوره جکنه دخی دلالت ایدر . چونکه ؛ ساحر لر سحرک الک یوکسک طبقه سنی بیلوب آنک فوقنده سحر اولامیه جغنی بیلدکلرندن حضرت موسانک معجزه سنک سحر اولمادیغنی و امرالهی ایله اولدیغنی بیلدیلر و علملری اهتدالرینه سبب اولمشدر .

\*\*\*

واجب تعالی ساحر لرک ایمان ایتدکلرینی بیاندنصکره فرعونک ساحر لره یامش اولدیغنی معامله سنی بیان ایتک اوزره ﴿ قَالَ آمَنْتُمْ لَهُ قَبْلَ أَنْ أَدْنِ لَكُمْ إِنَّهُ لَكَبِيرُكُمْ الَّذِي عَلَّمَكُمُ السِّحْرَ فَلَسَوْفَ تَعْلَمُونَ ﴾ بیوریور .

[ فرعون ساحر لره خطاب ایدره ک « بن سزه اذن و یرمزدن اول سزه موسایه ایمان ایتدیکیز . زیرا ؛ موسی سزه سحر تعلیم ایدر بویوککیزدر . بناء علیه ؛ سزه البته باشکیزه کله جکینی بیلر سکیز . سزه کوستیریم : انتقام آلفه قادر اولان بنییم ، یوقسه موسانک ربسیمیدر ؟ » دیدی ] و سوزینه شونی ده علاوه ایتدی .

﴿ لَا قُطْعَنَ أَيْدِيكُمْ وَأَنْزَلَكُمْ مِنْ خِلاَفٍ وَلَا صَاحِبَكُمْ أَجْمَعِينَ ﴾



[ «البته بن سزك اللریکزی و آياقلىرىکزی مخالف اولارق کسر والته جيعىکزی آصارم» ديمکله تهديدى تشديد ايتدى . ]

يعنى ؛ ساحرلر ايمان ايدنجه فرعون خلقه قارشى خجالتى بيلديرمه مک و خلقک ذهنته عارض اولان شهيه ازاله ايتمک صورتى دوشونه رک ساحرلری تهديد به باشلادی و دیدی که « ای ساحرلر ! بن اذن ویرمزدن اول سز موسایه ايمان ايتديکیز . زیرا ؛ موسی سزک شول بویوککزددر که اوسزه سحر تعلیم ایدن استاد کزددر و ناس بئنده بزى رسواى ايتمک اوزره کیزی اتفاقکزد احکامنى اجرا ايتديکیز . بناء عليه ؛ ايمانکیز حقيقى برايمان دکلدرد و ايمانکیزک آجيسى بن سزه کوستيرم . بناء عليه ؛ يقينده ايمانکیزک عاقبتى بيليرسکیز » دیدی و بونکله ده اکتفا ايتدی و ساحرلره تهديدى تفصيل ایده رک دیدی که « البته بن سزک صاغ الکزی وصول آياغکزی کسر و جمله کزی بردن آصارم که هر کسه عبرت و اوسون و بزه مخالفت جائز اولما ديغنى و مخالفت ايدنلرک در حال جزالرينى کوره جکلرينى بيلسون و قلبنده مخالفت فکرى طاشيدانلر اوفکزدن و از کچسونلر » ديمکله عموم خلقه تهديداتده بولوندى و بوسوزلریله ناسک دائره اطاعتدن چيقملرى احتمالى قاپامق ايسته دی واسکى سطوتى محافظه ايجون برنمايش ياپدی . چونکه ؛ ساخته کارلرک عادتلری بو مثللو مقامده خلقه قارشى دائما غيرتى ألدن قويمامقدرد .

فخر رازينک بيانى و جمله بوسوزلرنده فرعون حضرت موسادن خلقى تنفير ايجون درت شيده تشبث ايتدی . برنجيسى ؛ بن اذن ویرمزدن سز آکا ايمان ايتديکیز ديمک اولده آکا ايمان ميل ايمسه سکز که تحقير ايمده ايمان اير بويورديکيز . بناء عليه ؛ ايمانکیز تحقير مستند و معتبر دکلدرد ديمک ايسته دی . ايکنجيسى ؛ موسی سزک بويوککزددر . سزه سحر تعليم ايتدی ديمکله اولده بونکزه هفتى بر اتفاق نجيصى اولاره بزى محبوب ايتمک ايجونه مغلوب اولديکيز و ايمانکیز مواضعه در ، حقيقى ايمان دکلدرد ديمک ايسته دی . اوچنجيسى ؛ سز البته يقينه بيليرسکيز ديمکله تهديد ايتدی . در دنجيسى ؛ نه بويورديکيز و آياقلىرى کسمکله تفصيل و بوجزايى باياصفتى بمينه تا کير ايترى که مخالفتدن هر کس چکينسون .

\*\*

واجب تعالى فرعونک تهديدنه قارشى ساحرلرک جوابلرينى بيان ايتمک اوزره ﴿ قَالُوا لَا ضَيْرَ اِنَّا اِلٰى رَبِّنَا مُنْقَابُونَ ﴾ بيورييور .

[ ساحرلر فرعونک تهديدنه قارشى « بزم ايجون ضرر يوقدر . زیرا ؛ بزمک حضورينه انقلاب ايدرز . بناء عليه ؛ سنک تهديدک بزه تأثير ايتمز و بزى ايمانزدن دوندوره مز ، ديديلر . ] و سوزلرينه شونى ده علاوه ايتديلر و ديديلر که :

﴿ اِنَّا نَطْمَعُ اَنْ يَغْفِرَ لَنَا رَبُّنَا خَطَايَانَا اِنْ كُنَّا اَوَّلَ الْمُؤْمِنُونَ ﴾

[ « چونکه ؛ بوکون ايمان ايدنلرک اولى بزم اولديغمز ايجون البته بزمک خطالريمزى عفو ايدوب مغفرت ايتمى امید ايدرز . بناء عليه ؛ سن نه قدر تهديد ايتسه بزم ايمانزدن دونه يز » ديمکله فرعونک تهديدنه اهميت ویرمدکلرينى اعلان ايتديلر . ]

بوآيته نظراً ساحرلر ؛ فرعونه ايکي جهنم جراب ویرديلدرد ؛ برنجيسى ؛ سنک نه بزمک بزه ضرر ویرمز و تاثیرى يوقدر ديديلر . ايکنجيسى ؛ بزم ايمانمز مواضعه دکلدرد ، حقيقى در . بناء عليه ؛ بزمک خطايامزى عفو ايدره بکمه اميرمز قويمرد ديمکله فرعونى رد ايتديلر . « ضرر يوق » ديملری « آخرت عذابنه نسبتله ضرر يوق » ديمکدر . « بزم مؤمنلرک اولى يز » ديمکدن مقصدلری « اوکون اوراده حاضر اولانلردن اول ايمان ايدنلرز » ديمکدر که فرعونک تبعه سندن بونلردن اول ايمان ايدن اولما ديغنه اشارت ايتملر در .

\*\*

واجب تعالى فرعونک ايمان ايتمه چکى تحقق ايدنجه موسی عليه السلامه بنى اسرائيلى مصردن آلوب چيقمى امر ايتديکنى بيان ايتمک اوزره ﴿ وَ اَوْحَيْنَا اِلٰى مُوسٰى اَنْ اَسْرِ بِعِبَادِى اِنَّكُمْ مُّتَّبِعُونَ ﴾ بيورييور .

[ بزم موسی عليه السلامه وحى ايتدک و دیدک که « یا موسی ! سن کيجه ايله قوللرمله مصردن حرکت ايت . زیرا ؛ سز فرعون طرفدن تعقيب اولونوب اتباع اولونا جقسکيز ، قورقا همان کيجه ايله چيق » . ]



یعنی؛ موسی علیه السلام مصرده چوق زمان ا کله شدی و هر زمان فرعون و اتباعی توحیده دعوت ایتش ایسه ده تأثیر ایتنه بجه هلا که مستحق اولدینی تحقق ایتسی اوزرینه واجب تعالی حضرت موسایه کیجه ایله مصردن حرکت ایتسی وحی ایله امر ایتدی و فرعونک عسکری ایله برابر تعقیب ایده جگنی دخی خبر ویردی و خبر ویرلدیکی وجه اوزره وقوع بولدی .

مدار کده بیان اولوندینی وجهله حضرت موسی برقاچ کون اول بنی اسرائیله مصردن حرکت ایدیله جگنی خبر ویردی و تدارک اوزره بولونملری امر ایتدی و بنی اسرائیل حرکت ایده جگاری کیجه بزم بایرامز وار دیهرک قبطی اولرنده بولونان حلیاتی آلمش و او کیجه بنی اسرائیل حرکتلری تسهیل ایچون جناب حق قبطیلرک خانه لرنده خسته لق و بعضیلرنده و فیات و سائر مشغولیتلر خلق ایتدی که هر کس کندی دردیله مشغول اولدیغندن بنی اسرائیل سلامت چیقار کیدرلر، قبطیلردن هیچ بر فردک خبری اولماز . چونکه؛ فرعونک شرندن خلاص ایچون چیقوب کیتملری جناب حق اراده ایتدیکی ایچون البته حرکتلری تسهیل ایتشدر .

حضرت موسانک مصرده مدت تبیلینی اوتوز سنه اولدینی و مصردن (مدین) کیتدیکنده اوتوز یاشنده بولوندینی و (مدین) ده اون سنه اقامت ایدوب مصردن حرکتلر ایتش یاشنده اولدینی و االی سنه ده مصردن حرکتلر صکره معمر اولوب یوز یکریمی یاشنده وفات ایتدیکی مرویدر . سورة اعرافده تفصیل اولوندینی اوزره حضرت موسانک تبیلینی زماننده فرعون و قومنی انصافه و تنبه دعوت ایده جگ قحط و غلا و قوربغه و چکرکه کبی برچوق مصیبتلر ظهور ایتدی ولیکن هیچ برندن متنبه اولمادیلر . چونکه؛ فرعون و قومنک سفاهت دوری اولدیغندن آنلرک اضمحلالی زمانی یا قلاشمشدی . بناء علیه؛ وعظ و نصیحت و تبلیغ و مصیبت هیچ بری کندیلرینه تأثیر ایتموردی . زیرا؛ هلا که محکوم اولان هر ملتده احوال بویله جریان ایتدیکنی تاریخ اثبات ایتکده درکه سفاهته کندینی قایدیرمش اولان ملتلردن اصلاح حال ایده رک نفسنی محافظه ایتش بر ملت عالمده اندردر .

\*\*

واجب تعالی امری وجهله حضرت موسانک بنی اسرائیلی آلوب مصردن چیقدیغنی و فرعونک تدبیری و بنی اسرائیلی تعقیبنی بیان ایتک اوزره ﴿فَارْسَلْ فِرْعَوْنَ فِي الْمَدَائِنِ حَاشِرِينَ﴾ بیوریور .

[ بنی اسرائیل مصردن چیقنجه فرعون تحت اداره سنده اولان قصبه لره عسکر جمع ایده جگ آدملر کوندردی . ]

﴿إِنَّ هَؤُلَاءِ أَشْرَ ذِمَّةٍ قَلِيلُونَ﴾

[ « ایشته فرار ایدن بنی اسرائیل بزه نسبتله آز بر جماعتدر . » ]

﴿وَأَنَّهُمْ لَنَا لَغَائِظُونَ﴾

[ « حالبوکه آنلر بزه مخالفتله بزی غضبلندیردیله . » ]

﴿وَإِنَّا لَجَمِيعٌ خَازِرُونَ﴾

[ « و بز قوتلی بر جماعت و دشمنک شرندن حذر ایدر احتیاطلی بولونورز ، دیمکه عسکر طویلامغه باشلادی . » ]

یعنی؛ موسی علیه السلام امر الهی به امتثالاً بنی اسرائیلی مصردن آلوب چیقنجه فرعون تعقیب ایچون تدارکاته باشلار و مملکتی داخلند حکمنک نافذ اولدینی شهرلره ضبطلر کوندرد و عسکرینی سلاح آتته دعوت ایدر و عسکرلرک قوه معنویه لرینی تقویه و تزئید ایچون خصمک یعنی فرار ایدن بنی اسرائیلک آزلغندن و کندینک غضبلندیکندن و فراریلره قارشى قوتلی اولدقلرندن بحث ایدر و دیرکه « شو فرار ایدنلر بزه نسبتله بفرقه قلیله در . بناء علیه؛ بزم قوم بزه قارشى مقابله ایده جگ برحاله دکلردر . همان از بر زمان ایچنده ایشلرینی بتیرر کیری دوزر و تعقیب ایتسه کده اولابیلر سده آنلر بزه مخالفتله بزی غضبلندیردیله و رأیمز خلافتده حرکتله غیظمزی جلب ایتدیله . اگر مخالفت ایدنلرک عرقنی کسوب تیز آلدن چاره سنی آرماز سهق حکومتز ترلزله اوغرار و مخالفت ایدنلر چوغالیر . حالبوکه بز قوتلی بر جمعیت و شوکتلی بر حکومتز و بوکی دشمنلره قارشى احتیاطلی بولونور شرنندن حذر ایدرز ، دیمکه عسکرینی و امراسنی تشجیع ایتدی .



تفسیر خازن و مدار کده بیان اولوندیغی وجهله فرعون، بوسوزلری عسکرک تجمعدن صکره بویوک بر میدانده وزرا، وکلا و اشراف وارکان بلده حضورنده عسکره خطاباً بر کرسی اوززنده ایراد ایتدیکی نطقنده سویله مشدر . اساساً عسکر جمعه کوندر مش اولدیغی آدملرینه ده بویولده تعلیمات و یروب نصایحه بولونلریغی امر ایتدیکی مرویدر . بو نطقندن مقصدی ؛ عسکره و اهالی به منانت قلب و بر مکدر و مهم ایشلرده بومثلونطقلر پادشاهلرک عادتلری اولدیغندن فرعون ده اردوسیه حرکتدن اول بو عاده تبعاً بر نطق ایراد ایتمشدر .

فرعونک نطقنک خلاصه سی ؛ ایکسیر : برنجیسی ؛ بنی اسرائیلی قلمده وزنده ذم ایدوب عسکرینی تشجیع ایتمشدر . ایکنجیسی ؛ کندیلرینک قوتی و عسکرینک کثرتی اولسی و بویوک امور مصلحتده احتیاطی بولونوب نیز آلمه اوکنی آلمه عادتلری جمعه سنده اولسی و شحرکت لزومند اولابوب عسکر جمعی و اردونک حرکتی ایجاب ایدوب مسائلمه اولدیغنی پانه ایتمشدر . حالبوکه فخر رازینک ، ابن عباس حضرتلرینک روایتنه استناداً بیاننه نظراً بنی اسرائیلک یکریمی ایله آلتش آره سنده بولونان و مقاتلهیه مقتدر اولان آلتوز بیك کیشی سی موجود ایش . فقط فرعونک عسکرینه نسبتله غایت آزا اولمسنه بناء بنی اسرائیلی آزا اولمیرله ذم ایدوب عسکرینی تشجیع اساس اتخاذا ایتمشدر . بناء علیه ؛ امرای عسکریه ایچون دائماً کندی عسکرینک قوتی اولدیغندن و خصمک ضعفندن بجه عسکرینی تشجیع ایتمک مهم بر وظیفه اولدیغنه بو آیت دلالت ایدر . زیرا جناب حق قرآنده بزه بیان ایتسی ؛ تعلیم ایتمک و عسکره بویولده نطق ایراد ایتلک اسکی بر عادت لازمه دن اولدیغنی بزه آکلا تمقدر .

فرعون نطقنده بنی اسرائیلک مخالف حرکترلرینه غضب ایتدیگندن بجه مخالف حرکتده بولونانلرک تجزیه سی حکومت ایچون لازم اولدیغنی آکلامق ایسته مشدر . لکن مخالفنک حقی بر مخالف اولوب حقی مخالفنک ایسه جزایی مستلزم اولمادیغنی قاله آلاماشدر . چونکه ؛ بو جهتدن بحث ایتمک ایشنه کلیوردی . حالبوکه بنی اسرائیلک مخالفی ظلمه و شرک قارشى مخالفت اولدیغندن کندینک ظلمی و شرکی ترکله دائرة صلاحه داخل

اولسی الک مهم بر وظیفه ایدی . ایشته بومهم وظیفه یی ترکله سطوتنه استناداً ایشه باشلامسی هلاکنی موجب اولمشدر . فرعونک اثنای حرکتده ؛ معینده بنی اسرائیلک عددندن قات قات فضله عسکرله حرکت ایتدیکنه نطقنده سویله مش اولدیغنی سوزلری دلالت ایدر . زیرا ؛ او زمانده دنیاده موجود حکومتلرک اک قوتلیسی و آزا زمانده برچوق عسکر جمعه مقتدر مصر حکومتی اولدیغندن آزا زمان ایچنده تدارکات حربیه سنی اکیلا ایدوب برچوق قوتله حرکت ایتمشدی . تدارکات حربیه سی مکمل اولدیغنه ده نطقنده دشمندن حذر اوزره احتیاطی بولوندیغندن دخی بحث ایتسی دلالت ایدر . چونکه دشمنه قارشى احتیاطک معناسی ؛ زمانه کوره حربیه آشنا عسکر و مهمات حربیه حاضر لامقدر . زیرا ؛ عسکردن و مهمات حربیه دن قافل بر حکومت دشمنه قارشى احتیاط ایش اولماز .

\*\*\*

واجب تعالی فرعونک کمال دبدبه و داراتله مصردن حرکتی بیان ایتمک اوزره ﴿فَاٰخِرُ جَزَا۟هُمْ مِّنْ جَنّٰتٍ وَّعِیۡۤوۡنٍ ۖ وَكُنُوۡرٍ وَّمَقَامٍ کَرِیۡمٍ﴾ بیوریور .  
[بزم اراده من آنلرک هلاکنه تعلق ایدنجه بز آنلری مصرک کوزل باغچه لرندن و باغچه لرک قاینسایان پیکارلرندن و آلتوندن و کموشدن مدفون و غیر مدفون خزینه لرندن و کوزل یابیلمش یوکسک سرایلرندن و سرایلرک قولتوق و قنابه کی موبیلله لرندن چیقاردق .]  
بناء علیه ؛ بوتون راحتلریغی و ماللریغی ترکله بنی اسرائیلی تعقیب ایچون یوله چیقیدیلر .  
﴿كَذٰلِكَ﴾

[ایشته بویله جه غضبلریغی تحریک ایدوب بز آنلری مصردن چیقاردق .]

﴿وَاَوْرَثْنٰهَاۤ اِبْنِیۡۤ اِسْرَآئِیۡلَ ۖ فَاتَّبَعُوۡهُمۡ مُّشْرِقِیۡنَ﴾

[و بیان اولونان متروکاتلرینه بنی اسرائیلی وارث قیلدق و مصری ترک ایدوب یوله چیقینجه فرعون و عسکرى بنی اسرائیله تابع اولدیلر و برکون کونش طوغارکن بنی اسرائیلک آرقه سندن اولاشدیلر و ایکی اردو بربری کوره جک قدر یاقین کلیدیلر .]

﴿فَلَمَّا تَرٰٓءِ الْجَمْعَانِ قَالَ اَصْحٰبُ مُوسٰی اِنَّا لَمُدْرٰکُوۡنَ﴾



[ وقتا که ایکی طرف عسکرلری بربرینی کوردیلرسه موسی علیه السلام مقارنلری  
و بنی اسرائیلک ایلری کلنلری « فرعون وعسکری بزه قاووشا جقدر . بناء علیه ؛ بزم  
ایچون حیات امید قالمادی ، دیدیلر . ]

﴿ قَالَ كَلَّا ﴾

[ موسی علیه السلام آنلره « حقیقت حال سزک ظنکنز کی دکل در » دیدی . ]

﴿ إِنَّ مَعِيَ رَبِّي سَيَهْدِينِ ﴾

[ « زیرا ؛ ربکم معاوتی بنمله برابر در . بناء علیه ؛ طریق خلاصی بکا الهام ایدر و بزی  
قورتاره جق بر یوله واصل ایدر . ] چونکه ؛ خلاصمزی بکا وعد ایتدی ، وعدنده خلف  
اولماز . البته بزی قورتاره جقدر « دیمکه معیتنده بولونانلری تسلیه ایتدی . فرعونک  
عموجه زاده سی ایمان ایتدیکندن حضرت موسی ایله برابر اولوب حضرت موسی « ربم  
بکا هدایت ایدر وقورتولا جق بر یول کوستر » دینجه « نزهه کیده جکسک اوگمز دکر  
آرقه من دشمندر » دیمی اوزرینه موسی علیه السلام شو دطای او قودیفنی ( ابن مسعود )  
حضرتلری رسول اللهدن روایت ایدر و دیر که « رسول اللهدن ایشیتد کدنصکره او دعای  
اصلا ترک ایتدم . اودعا شودر : ( اللهم لك الحمد واليك المنة ) و بك المستغاث وانت المستعان  
ولا حول ولا قوة الا بالله ) یعنی « ای ربم ! مدح و ثنا و شکر آنجق سکا مخصوصدر  
و شکایت آنجق سکا منتهی اولور و سندن باشقه دشمندن شکایت ایدرک عرضحال ایدرک  
بر کیمسه یوقدر و یاردیم طلب اولونمق سکا منحصردر و بر مکندن دیکر مکانه تحول  
و دشمنه قارش قوت و قدرت اولمادی ، آنجق سنک عنایتکله اولدی » دیمکدر .

جواب حق مصرک اوزمانده غایت معمور و دنیاچه هر دورلو صفا و اسباب راحت  
موجود اولدیغنه و اهلینک صوکه درجه ثروت و سامان صاحبی و کوکل اکلنه جک باغیر  
و باغچهلر و آقار پیکارلر و کوشکلر و سرایلر موجود بولوندیغنه بو آیتله اشارت ایتدیکی کی  
حق اولان دعوت اجات ایتمه یئرکده نعمتلری هر زمان زواله معروض و کندیلرینک  
هلا که مستحق اولدقلرینه دخی اشارت ایتشد .

بنی اسرائیلک مصرک املاکنه وارث اولملری ایله مراد ؛ تفسیر خازنده بیان

اولوندینی وجهله فرعونک همکنر نصکره مصره عودنه وارث اولور احتمالی و اریسه ده  
بو احتمال ضعیفدر . چونکه ؛ عودت لرینه دأثر آیتده صراحت اولمادینی کی باشقه جه بر  
دلیلده یوقدر . شو حالده بنی اسرائیلک وارث اولمسی ایله مراد ؛ آنلرک نسلربنک  
وارث اولمسیور . بناء علیه ؛ بنی اسرائیل حضرت سلیمان زماننده مصره تماماً مالک اولمشلردر .

\*\*\*

واجب تعالی فرعونک مصردن جق دیغنی و ایکی طرف عسکرینک بربرینی کوردیکی  
و بنی اسرائیلک اندیشه ایتدکلرینی بیاندنصکره بنی اسرائیلک خلاصی و فرعونک غرق  
اولدیغنی بیان ایتک اوزره ﴿ فَأَوْحَيْنَا إِلَىٰ مُوسَىٰ أَنْ اضْرِبْ بِعَصَاكَ الْبَحْرَ ﴾  
بیوریور .

[ فرعونک عسکری بنی اسرائیله یاقلاشنجه بزموسی علیه السلامه وحی ایتدک و دیدک که  
« یاموسی ! عصا کی دکره وور » . ]

﴿ فَأَنفَلَقَ فَمَا كَانَ كُلُّ فِرْقٍ كَالطَّوْدِ الْعَظِيمِ ﴾

[ موسی علیه السلام امرنزه امتثالاً عصاسنی دکره و ورنجه دکر یارلدی و اون  
ایکی پارچه اولدی . بناء علیه ؛ هر پارچه و دکرذن هر فرقه بویوک طاغ کی اولدی  
و پارچه لرک آره لری بنی اسرائیله آجیق یول اولدی . ]

﴿ وَأَزَلْنَا ثُمَّ الْآخَرِينَ ﴾

[ بز او مقامده فرعونی و عسکرینی بنی اسرائیله یاقلاشدیردق . ]

﴿ وَأَنجَيْنَا مُوسَىٰ وَمَنْ مَعَهُ أَجْمَعِينَ ﴾

[ بزموسی علیه السلامه و آنکه برابر اولانلرک جمعیسنه نجات و یردک و فرعونک  
شرندن قورتاردق . ]

﴿ ثُمَّ أَغْرَقْنَا الْآخَرِينَ ﴾



[ بز فرعونى وعسكرينى دكزه غرق ايتدك . ] يعنى موسايه نجات ويرد كدنسكره فرعونى معيتيله برابر غرق ايتدك .

﴿ إِنَّ فِي ذَلِكَ لَآيَةً وَمَا كَانَ أَكْثَرُهُمْ مُؤْمِنِينَ ﴾

[ ايسته شو عين مكانده فرقنك برينه نجات ويرد كدنسكره ديكرينى غرق ايتدكده قدرتمزه وموسى عليه السلامك دعواسنك صدقه بويوك علامت واردر . حالو كه بوعلامت ميدانده ايكن انسانلرك اكرتيسى ايمان ايدر اولماديلر . ] مع هذا بوكي وقوعاتدن انسانلرك عبرت آلملرى وامر الهى به مخالفت ايمهملرى لازمدر .

يعنى ؛ موسى عليه السلام دكز كنارينه كلوب فرعونك عسكرى آرقه دن ياقلاشوب كلدكارنده بنى اسرائيلك انديشهيه دوشملرى اوزرينه موسى عليه السلام خلاصرينه دائر استرحامده بولونونجه بز موسايه وحى ايتدك وديدك كه « سن عصاكي دكزه ووز » . امرمن اوزرينه موسى عصاسنى دكزه وورمسنى متعاقب دكز بنى اسرائيلك اون ايكي قبيله سنه اون ايكي يول اولدى ودكزك اويوللر آره سنده كي پارچه لرى بويوك طاغلر كي بربرى اوزرينه ييغيلدى واومكانده بز بنى اسرائيله فرعونك عسكرينى ياقلاشديردق كه بنى اسرائيلك كچديكنى كورسونلر وجسارت آلسونلر وبزموسى عليه السلامه ومعيتنك جيعيسنه نجات ويردك وفرعونك شرندن قورتاردق وفرعونى وعسكرينى غرق ايتدك وموسى عليه السلامك معجزه لرندن دها بويو كي بوتون مهالككن نجاتلرينه سبب اولديغنى آنلره رأى العين كوستردك . چونكه ؛ فخر رازينك بيانى وجهله حضرت موساك بومنوال اوزره كچمسنده بش جهتدن معجزه واردر : صوبك يارمه لوتوب بول اولسى ، صوبك صوبتنى بر طاغ كي بربرى اوزرينه ييغيلوب دورمى ، بنى اسرائيل كچمجه بر قدر فرعونك عسكرينك ظلمت ايمنده هبس اولوب قالمسى ، طاغلر كي يارمه لرك آره لرنه كچركن صوبك بللور كي اولوب بنى اسرائيلك بربرينى كورمى وفرعونه وعسكرينك تماماً دكزك ايمه كچمجه بر قدر صولرك صوبتنى غيب ايمه مسير .

( وازلقتا ثم الاخرين ) ده كي ( ازلقتا ) بز ياقلاشديردق ( ثم ) اومطامده ديمكدر .  
آخرين ؛ فرعونه وعسكرى در . كيملك كيمه ياقلاشديغنده اوج اهمال واردر : برنجيسى ؛

فرعونه وعسكرينك بنى اسرائيله ياقلاشديردق . چونكه ؛ فرعون وعسكرينك بنى اسرائيله قاريشه جق درجدهه تقرب ايدوب لکن بردومانله حاصل اولان قارائلق آنلرى برمدت توقيف ايله رك بنى اسرائيلك سلامت كچدكلى مرويدر . ايكنجيسى ؛ فرعونك عسكرينك بعضينك بعضينه ياقلاشديردق . چونكه مقصد ؛ دكزه طوپلو اولارق كيروب خارجهه بر فرد قالمقسرين هپسك بردن هلاك اولمسيذر . اوچنجيسى ؛ اومطامده اولاره فرعونه وعسكرينك موده ياقلاشديردق . چونكه ؛ بنى اسرائيل كچدى ، فرعون وعسكرى آنلرك ايزينه دوشدى ودكزك احاطه سيله بردن هلاك اولديلر . بومعنا لرك اوچنكده جمعنده بر مانع يوقدر . زيرا ؛ فرعونك عسكرى هم بنى اسرائيله همده كندى فرقلى و آلايلرى بررينه ياقلاشديغنى كي اولوملرى دخى وقوع بولمشدر .

مصر اهالي سندن حضرت موسايه ايمان ايدن فرعونك حرمى ( آسيه ) واقرباسندن ( حزقيل ) اسمنده بر كيمسه - بعض آيتلرده حضرت موسايه معاوننده بولونديغى بيان اولونان ذات اولسه كر كدر - و ( مريم ) اسمنده بر خاتوندن باشقه ايمان ايدر اولمادىغى تفسير خازنده مذكوردر كه ساحر لردن باشقه ديمكدر .

﴿ وَإِنَّ رَبَّكَ لَهُوَ الْعَزِيزُ الرَّحِيمُ ﴾

[ حالو كه حبيب ! سنك ربك تعالى فرعون كي دشمنلرينه غالب وموسى عليه السلام كي دوستلرينه مرحمت صاحبيذر . ] بناء عليه ؛ فصل كه موساك دشمنندن انتقامنى آلدى ، سنك دشملر كندن ده انتقامنى آليز وسكاده نصرت ومعاونتله مرحمت ايدر .  
بو آيت ؛ رسول اللهى تسليه ودشمنلرينى تهديد ايتمشدر . چونكه عزيز اسمى ؛ دشمنلرينه غلبه و رحيم اسمى دوستلرينه مرحمت ايدمجه آچيق صورتده دلالت ايدر .

\*\*\*

واجب تعالى رسولنى تسليه ايجون حضرت موسى ايله فرعونك وقوعاتلرينى بيان كنسكره



ابراهيم عليه السلام قوميله واقع اولان مباحثه لرني بيان ايتك اوزره ﴿وَآتِلْ عَلَيْهِمْ نَبَأَ  
إِبْرَاهِيمَ﴾ اذ قال لآبيه وَقَوْمِهِ مَا تَعْبُدُونَ ﴿بيوريور .

[ حبيم! قريش قومي اوزرينه جد اعلا كز ابراهيم عليه السلام شوزمانده كي خبرني  
تلاوت ايت كه اوزمانده ابراهيم پدرينه وقومنه خطاب ايدرك «سزك عبادت ايتديككز  
شي ندر ونه عبادت ايدرسكز؟» ديدى . ]

﴿قَالُوا نَعْبُدُ أَصْنَامًا فَنَظَّلُهَا عَاكِفِينَ﴾

[ پدرى وقومي «بزپوتلره عبادت ايدرز. بناء عليه؛ آنلره عبادته دوام ايدرز» ديديلر . ]  
يعنى ؛ يا اكرم الرسل ! جدكز ابراهيم عليه السلام قوميله وبالخاصه پدريله اولان  
مباحثه سنى مشركلر اوزرينه سن تلاوت ايت شول زمانده كه او زمانده ابراهيم عليه السلام  
قومك مذهب لرينك باطل اولديغنى آنلره آكلا تمق اوزره درين بر مباحثه كيريشه رك  
پدرينه وپدرينك مذهبداشرينه «سزك عبادت ايتديككز شيك ماهيتي ندر ونه  
عبادت ايدرسكز؟» ديدى . ابراهيم عليه السلام بو سئواله جواب اولارق آنلرده «بز  
پوتلره عبادت ايدرز. بناء عليه ؛ كوندوزلرى آنلك عبادت لرينه دوام وخدمت لريني يرينه  
كتيريرز» ديديلر . ابراهيم عليه السلام آنلك پوت پرست اولدق لريني بيليردى ، فقط آنلره  
بر مباحثه قوسى آچق واو وسيله ايله آنلرى الزام ايتك وعبادت ايتدك لرى شيلرك عبادته  
استحقاق لرى اولماديغنى آنلره بيلديرمك ودين حقه دعوت امر مهمنه بناء بو سئوالى ايراد  
ايتمشدر . بو سئواله جوابده «يالكز پوتلره عبادت ايدرز» ديمك كافى ايكن اصنام عبادت لريله  
مسرور اولدق لريني وآنلره خدمتله افتخار ايتدك لريني اظهار ايچون اصنامك خدمت لرينه  
كوندوزلرى دوام ايتدك لريني بياني جواب لرينه علاوه ايتديلر .

( فنظّل لها عاكفين ) كوندوزلرى پوتلره عبادت اوزره اقامت ايدر آبرطاز  
ديمكدرك . چونكه عاكف ؛ عبادت ايتك ايجوره نفسى بربرده هيس ايمره كيمسدر .

شو حالده «بز پوتلره عاكف اولورز» ديمك «آنلره عبادت ايچون نفسمى حبس  
ايدرك آنلك باشنده اقامت ايدرز» ديمكدرك .

\*\*\*

واجب تعالى حضرت ابراهيم ايكنجى سئوالى بيان ايتك اوزره ﴿قَالَ هَلْ  
يَسْمَعُونَ نَسْكَمُ إِذْ تَدْعُونَ﴾ اَوْ يَنْفَعُونَ نَسْكَمُ اَوْ يَضُرُّونَ ﴿بيوريور .

[ پدرى وقومي «پوتلره عبادت ايدرز» ديينجه ابراهيم عليه السلام آنلره «سز  
چاغيرديغكزده اوپوتلر سزك سوزكزى ايشيتيرلرمى وياخود سزه آنلر منفعت ويا مضرت  
ايدرلرمى؟» ديدى . ]

﴿قَالُوا بَلْ وَجَدْنَا آبَاءَنَا كَذَلِكَ يَفْعَلُونَ﴾

[ ابراهيم عليه السلام سئواله جوابده «بلكه بز بابالريمى بويله ايشلرلر بولدى ،  
آنلك طريق لريني ترك ايدمه يز» ديديلر . ]

يعنى ؛ ابراهيم عليه السلام پدرى وقومي «بز پوتلره عبادت ايدرز» ديينجه ابراهيم  
عليه السلام پوتلرك عبادته استحقاقى اولماديغنى آكلا تمقه مذهب لرينك فسادني بيان ايتك  
اوزره آنلره «سز پوتلره عبادت ايدرسكزده مهم ايشلريكزده دعا ايدوب آنلرى  
چاغيرديغكز زمان دعا كزى ايشيتيرلرمى وياخود عبادت ايتديككزده دنيا ده رزق كزى  
ويروب آخرته ثواب ويرمك كى سزه منفعت ايدرلرمى وياخود عبادتي ترك ايتديككزده  
رزق كزى كسمك وعذاب ايتك كى مضرت ايدرلرمى؟» ديينجه آنلر پوتلرك منفعت  
و مضرت مقتدر اولمادق لريني وچاغيردق لرينه سوزلريني ايشيتمدك لريني بيلدك لرى ايچون  
بوجهته كوز يومارق همان تقليده التجا ايتديلر وديديلر كه «شو سئوال ايتديكك شيلردن  
آنلرده هيچ بريسى يوقدر ، بلكه بز بابالريمى بوتون بويوك لريمى پوتلره عبادت ايدرلر  
بولديغمزدن وبويله جه ايشلرلر كورديكمزدن بزده آنلرى تقليد ايدرز وآنلك مسلكندن  
دوغمه يز» ديديلر .

تفسير خازنده بيان اولوندينى وجهله بو آيت ؛ تقليدك مذموم اولديغنى بيان ايتمشدر .



چونکه ؛ تقلید جائز اولسه ایدی ابراهیم علیه السلام آنلره « کیمی تقلید ایدیورسکنز و پوتلره عبادته کیمک طریقه اتباع ایتدیکنر؟ » دیردی . حالبوکه دلیلدن سئوال ایتدی تقلیددن سئوال ایتدی . ایشته حضرت ابراهیمک دلیلدن سئوالی تقلیدک مذموم اولدیغنه دلالت ایدر .

\*\*\*

واجب تعالی ابراهیم علیه السلام تکرار سئوالنی و آنلری الزامنی بیان ایتک اوزره ﴿ قَالَ أَفَرَأَيْتُمْ مَا كُنْتُمْ تَعْبُدُونَ \* أَنْتُمْ وَأَبَاؤُكُمْ الْأَقْدَمُونَ ﴾ بیوریور .  
[ ابراهیم علیه السلام قومنه خطاب ایده رک دیدی که « سز عبادت ایدرده باقدیکنر کوردیکنمی سز و سزدن اول بابالریکنزک عبادت ایتدیکنر شیلری ؟ » ]

﴿ فَإِنَّهُمْ عَدُوٌّ لِّي إِلَّا رَبَّ الْعَالَمِينَ ﴾

[ « اوسزک عبادت ایتدیکنر معبودلریکنر بنم ایچون دشمنلردر ، الا عالملرک ربسی بنم دوستمدر » دیدی . ]

یعنی ؛ ابراهیم علیه السلام پدرینک و قومنک اعتقادلرینه دائر صور دینی سئواله آنلر آنجق تقلیدله جواب ویرنجه ابراهیم علیه السلام کنننک حق اولان اعتقادینی بیان ایده رک آنلری دعوت ایتک اوزره دیدی که « سز تأمل ایدوب بیلدیکنمی سزک و سزدن اولکن بابالریکنزک عبادت ایتدیکنر شیلری ؟ آنلر بنم دشمنمدر ، لکن عالملرک ربسی بنم یاردیمجیم و معبودمدر . زیرا ؛ آنک غیری یاردیمجی بر معبود یوقدر و سزک معبودلریکنر هپ باطلدر » دیمکه معبودلرینک عبادته استحقاقی اولمادیغنی و آنلره محبتلرینک آخرتده عداوته انقلاب ایده جکنی و آنجق معبود اتخاذه لایق عالملرک ربسی اولدیغنی پدرینه و قومنه تبلیغ ایتدی .

حضرت ابراهیمک « سزک معبود کنر بنم دشمنمدر » دیمکدن مقصدی ؛ « عبادت ایدنلر دشمنمدر » دیمکدی . یا ضو « سزک دشمنکنزدر » دیمک ایسته دی ولکن نصیحتده تأثیر زیاده اولسون ایچون کندی نفسندن باشلادی و آنلره تعریض ایتدی . چونکه ؛

پوتلردن ضرر کوره جک پوتلره عبادت ایده جکلردر و پوتلره عبادت ایدنلر پوتلردن عقلا دن زیاده ضرر کوره جکلرینه و پوتلری عقلا صره سنده کوزه تدکلرینه بناء حضرت ابراهیم آنلرک عمرو اولدقلرینی بیان ایتمشدر ، یوقسه حجر و شجر قیلندن اولان پوتلرک عداوت شانلرندن دکلدر . یا ضو آخرتده جناب حق پوتلره لسان و یروب عبادت ایدنلره بیلرنده مخاصمه جریان ایده جکنه بناء پوتلره دشمنی تعبیر ایتمشدر .

\*\*\*

واجب تعالی ابراهیم علیه السلام عالملرک ربسی معبود بالحق اولدیغنی بیاندن صوکر ا رب تعالی نک عبادته استحقاقنی بیان ایتک اوزره ﴿ الَّذِي خَلَقَنِي فَهُوَ يَهْدِينِ ﴾ بیوریور .  
[ « عالملرک ربسی شول ذات در که اوزات بنی خالق ایتدی . بناء علیه ؛ بنی هدایتده قیلار » . ]

﴿ وَالَّذِي هُوَ يُطْعِمُنِي وَيَسْقِينِ ﴾

[ « ورب تعالی شول ذات اجل و اعلا در که اوزات بسکاطعام بیدیرر و صوابچیرر » . ]

﴿ وَإِذَا مَرِضْتُ فَهُوَ يَشْفِينِ ﴾

[ « و ربم بن خسته اولدیغمده بکا شفا ویرر » . ]

﴿ وَالَّذِي يُمِيتُنِي ثُمَّ يُحْيِينِ ﴾

[ « و رب تعالی دخی شول ذات در که او ذات بنی اولدورور ، صکره دیرلیر » . ]

﴿ وَالَّذِي أَطْمَعُ أَنْ يَغْفِرَ لِي خَطِيئَتِي يَوْمَ الدِّينِ ﴾

[ « ورب تعالی شول ذات در که اوزاتک یوم جزاده بنم کناهلریمی مغفرت ایده جکنی امید ایدرم » دیدی . ]

یعنی ؛ ابراهیم علیه السلام قومنک مذهبلرینک باطل و مذهب صوابک ؛ عالملرک ربسی معبود بالحق اتخاذا ایتک اولدیغنی بیاندن صکره عالملرک ربسنک عبادته استحقاقنی بیان ضمننده



واجب تعالى لك صفات عليه سندن بشی ذکر ایتدی و «عالمك ربی شول ذاترکه او ذات بنی عناصر اربعه دن مرکب اولارق خلق ایتدی . بناء علیه ؛ بنی طریق حقّه واصل اولاجق اسباب خلقیله هدایتده قیلار . دیمکه منافع دینیّه و دنیویّه نك هر جزئك جناب حقن اولدیغنه اشارت ایتدی . چونکه انسان ؛ سعادت دینیّه و دنیویّه وجود سایه سنده نائل اولدینی جهته وجود اولسه جمیع سعادتدن محروم و اصلا مطلوبنه واصل اولماز . شو حالده انسانك وتون سعادتّه وصولی موجود اولسی واللّٰه هدایتده قیلیمسیله اولدیغندن بوايكي کله ايله حضرت ابراهیم بوتون سعادتّه اشارت ایتشدر . زیرا ؛ واجب تعالی هر مخلوق دنیا و آخرت منفعتنه هدایتده قیلار . بناء علیه ؛ بدایت خلقتندن نهایت اجلنه قدر اللّٰه هدایتی هر کسك امدادینه یتشیر . مثلاً انسانك بدایه خلقتنده آناسنك رحمنده ایکن رحمن آقان قانلرله تقدییه هدایتده قیلدینی کبی دنیا به کلدیکنده والده سنك نمه سنی آرامق و آندن سود اتمکه هدایتده قیلار و بویویوب عمرندن قطع مراتب ایتدجکه هر مرتبه و دورلو دورلو زمانه کوره هدایتلر توالی ایدر و بلوغ زماننده جنتك یوللرینی ونعمتلری ايله تلذذ ایتمه نك طریقلرینی کوسترر و رسوللری و کتابلر واسطه سیله ترغیب ایدر و جهنمك یوللرینه سلوک ایدنلری جهنمدن تنقیز ایلر . بناء علیه ؛ جنتك یولنی طوتان ابدی بر سعادتّه و رضایه واصل اولور و جهنمك یوللرینی طوتان غضب الهی به مظهر اولور . شو حالده هدایت ؛ انسانلر ایچون طرف الهیدن فیضان ایدر پك بویوك برنعمتدر .

حضرت ابراهیم اللّٰه خلق ایتدیکنی و هدایتده قیلدینی بیانله عبادته استحقاقنی اثبات ایتد کدنصکره انسانك دنیا به یشایا بیلملری یمك و ایچمك ايله اولدینی جهته بوايكي نعمتی احسان ایدنك واجب تعالی اولدیغنی ذکرله دخی اللّٰه عبادته استحقاقنی بیان صدندده «نم ربم طعام یدیرر و صو ایچیرر ، سزك پوتلریکسزك بونلردن هیچ برینه قادرا ولما دقلری جهته عبادته استحقاقلری یوقدر » دیدی .

یمك و ایچمکه حیاتی ادامه ایدن واجب تعالی اولدیغنی بیاندنصکره انسانه عارض اولان بلایای دفع ایدن دخی واجب الوجود اولدیغنی بیانله عبادته استحقاقنی بیان بیوردی و « بن خسته اولدیغمده نم ربم بکاشفاویرر حالبو که سزك پوتلریکسز سزه شفا و یررمی و خسته لغکزدن شفاویرمکه قدرتی اولمایان عاجزله نه ایچون عبادت ایدر سکسز ؟ » دیمکه مشرک لری توبیخ ایتدی .

جناب حقك انسانلری اولدوروب دیرلتمسی ایلده عبادته مستحق اولدیغنی بیان ایتدی . چونکه ؛ انسان نه قدر اوزون یشاسه اوله جکسه و اولد کدنصکره فصل حقوق ایتك و هر کسك عملنك جزاسنی کورمك ایچون حیات بولا جغه و آنلری اولدوروب دیرلتن الله تعالی اولدیغنه و پوتلرک بونلردن هیچ برشیته قادر اولما دقلرینه اشارتله جناب حقك معبود بالحق اولدیغنی و آخرتك وقوعنی اثبات ایتش و اولوب دیرلد کدنصکره جمله نك آرزو ایتدیکی مغفرتی و کناهلری عفوی احسان ایدنك واجب تعالی اولدیغنی بیانله جناب حقك عبادته استحقاقنی بیان ایتشدر که شویاننده حضرت ابراهیم انسانك حین ایجاددن موتنه قدر و موتندنصکره حیات بولوب الی الابد فیضان ایدن بالجمله نعمتلرک جناب حقك احسانی اولدیغنی و پوتلرک بونعمتلرده اصلا مدخللری اولما دینی بیانله کافر لری الزام و اسکات ایتش واللّٰه تعالی خطالری دنیا به مغفرت ایدر سده اثری یوم قیامتده ظهور ایدیه جکسه بناء ابراهیم علیه السلام خطالری یوم قیامتده مغفرت ایده جکنی بیان ایتشدر .

\*\*

واجب تعالی ابراهیم علیه السلامك خالقنی ثنادنصکره دعاسنی بیان ایتك اوزره .

﴿ رَبِّ هَبْ لِي حُكْمًا وَأَلْحِقْنِي بِالصَّالِحِينَ ﴾ بیوریور .

[ « یاربی ! بکا علم و موجبیله عمل وناس بیتنده حکم ویر و بنی صالحلر زمردنه الحاق ایت که عند الوهیتکده مقبول اولان قوللر کدن اولایم » . ]

﴿ وَاجْعَلْ لِي إِنْشَانَ صِدْقٍ فِي الْآخِرِينَ ﴾

[ « ونم ایچون صکره کلن انسانلرک لسانلرنده ذکر جمیل و کوزل ثنا و عموم عندنده قبول عامه ویر که هر کسك لساننده ائی سویله نیم » . ]

﴿ وَاجْعَلْنِي مِنْ وَرَثَةِ جَنَّةِ النَّعِيمِ ﴾

[ ابراهیم علیه السلام سعادت دنیا بی طلبدن صکره سعادت آخرتی دخی طلب ایتدی و « یاربی ! بنی جنت نعیمك وارثلرندن قیل » دیمکه هم دنیا سینه همده آخرته دعا ایلدی . ] شو حالده دعا ایده جك کیمسلر ایچون دعاسنی یالکسز برجهته حصر ایتیه یوب هرايكي جهته







[يوم قیامتده جنت متقیله یاقلاشدیریلور وکافرله جهنم اظهار اولونور .]

﴿ وَقِيلَ لَهُمْ آيِنَ مَا كُنْتُمْ تَعْبُدُونَ \* مِنْ دُونِ اللَّهِ ﴾

[وکافرله دنیلورکه « اللہک غیری عبادت ایتدیکنز معبودلریکنز نره ده در و آنلرک شفاعت ایده جکلرینی اعتقاد ایدیوردیکنز؟ »]

﴿ هَلْ يَنْصُرُونَكُمۡ اَوْ يَنْصُرُونَ ﴾

[ « آنلر سزدن عذابى دفعله سزه یارديم ايدرلرمی ویاخود کندیلرندن عذابى دفع ایده بیلیرلرمی ؟ » ]

﴿ فَكُنْ بِكُتُبِكُمْۢ اَوْفِيهَا هُمْ وَالْغَاوُونَ ﴾

[وبومنوال وجهله سئوال اوزرینه بوتلر وپوتلره عبادت ایدن عاصیلر یوزلری اوزرینه جهنمه آتیلیرلر .]

﴿ وَجُودُ اِبْلِيسَ اَجْمَعُونَ ﴾

[ابلیسک عسکرینک جمعیسی یعنی ابلیسه تابع اولانلرک جمله سی دخی قهرآ نار جحیمه یوزلری اوزرینه آتیلیرلر .]

یعنی ؛ شرکدن وسائر کناهلردن قاچینان مؤمن متقیله ، عرصه محشرده مقاملری کورمکه فرحلى زیاده اولسون ایچون جنت آنلرک کوره جکلری درجه ده یاقلاشدیریلورکه جنتی سیر و تماشایتمکه مسرتلری تزايد ایلسون . دنیاده طریق حقدن آیریلش وشهوات نفسانیه سته تبعیتله بر طاقم کفریاتی وسائر کناهلری ارتکاب ایدن کافرله جهنم اظهار اولونور ، کوستریلورکه مسرتلری وحزن و الملری زیاده اولسون و آنلرده وارا جقلری مکانلری کورور و بیلیرلر . کافرلر جهنمی کورونجه طرف آهیدن آنلری تکدیرایچون «اللهدن باشقه اولارق عبادت ایتدیکنز معبودلریکنز نره ده در؟ چاغیرک آنلری . کلسونلر ، سزی عذابدن قورتارسونلر و آنلرک شفاعت ایده جکلرینی اعتقاد ایدیوردیکنز . شیمدی اعتقاد کنز وجهله آنلر سزه یارديم ایدیورلرمی ویاخود کندیلرندن عذابى دفع ایده بیلیرلرمی ؟ »

دنیلور . بویله سئوال اولوندقدنصکره عاصیلر وعاصیلرک عبادت ایتدکلری پوتلر وابلیسک عسکرلری جمعیسی بربری اوزرینه تپه لری آشاغی جهنمه آتیلیرلر ، هیچ بر فرد خارج قالماز . چونکه ؛ دنیاده جمله سی نصل شرک اوزرنده اجتماع ایتدیلسه آخرتدهده جمله سی بردن جهنمه آتیلیرلر . زیرا عملده اشتراک ؛ عذابده اشتراکی ایجاب ایدر .

تفسیر طبریده بیان اولوندینی وجهله ابلیسک عسکرلری ایله مراد ؛ کرک کنری ذریقنده وکرک اولور آدمیه الی بوم القیام آلا تابع اولاند و آنک عسکرلر . بناء علیه ؛ تابع ومتبوع جمله سنک جهنمه داخل اولاجقلرینی بیانه جناب حق ابلیسک تابعلرینی تهدید اتمشدر .

( فکبکبوا ) یوزلری اوزرینه آتیلیرلر دیمکدر . چونکه کب ؛ یوزلرسته آنلرکدر کبکبه ؛ بونک تکراریدرکه لفظک تکراری معناده دخی تکراری ایجاب ایدر . بناء علیه ؛ مشرکلر جهنمه آتیلدقلرنده یوزلری اوزرینه دونه دونه جهنمک آلت طبقه سته وارنجهیه قدر کرارآ مرارآ یوزلری اوزرینه دونه جکلرینه اشارت ایچون ( کبکبوا ) وارد اولدینی زحشرینک جمله بیاناتندر . زیرا ؛ دنیاده دخی یوکسک محلدن دوشن کیمسه نک حالی بوکاشاهددر . چونکه ؛ یوکسک یردن دوشن کیمسه طانه اینتجهیه قدر دونه دونه دوشر برسیاق اوزره اینمز . ( والغاون ) غوی ؛ آرمه معناسنده در . لفرلر طریق مفاک مار جهنمه آرمغان ایتدکلر نره کافرله غاوون دینمشدرکه آرمغی لفرلر دیمکدر .

\*\*\*

واجب تعالی عاصیلرک جهنمه آتیلاجقلرینی و آتیلمالرینک کیفیتنی بیاندنصکره جهنمده جریان ایده جک سوزلرینی بیان ایتک اوزره ﴿ قَالُوا وَهُمْ فِيهَا يَخْتَصِمُونَ \* تَاللّٰهِ اِنْ كُنَّا لَفِي ضَلَالٍ مُّبِينٍ ﴾ بیوریور .

[ جهنمه کیرن کافرلر بربرلرینه وبالخاصه معبودلرینه خصومت ایدر اولدقلری حالده دیرلرکه « اللهه یمین ایدرزکه بز محقق آچیق برضالنده ایدک » . ]

خلاصة البيان : اون برنجی جلد - ۴



﴿ اِذْ نُسَوِّیْكُمْ بِرَبِّ الْعَالَمِیْنَ ﴾

[ « زیرا ؛ ای — پوتلر ! بز سزی عبادتده عالمك ربسنه مساوی قیلدق . ] آكا عبادت ایدر کبی سزه عبادت ایتدك . سزك کبی عاجز طاش و آغاج پارچه سنه عبادت البته ضالالتدر . زیرا ؛ مخلوقاتك اك عاجزلرینی واجب تعالی یه مساوی قیلدق طریق حقدن خارج اولدینی میدانددر . »

﴿ وَمَا أَضَلُّنَا اِلَّا الْخُرْمُونَ ﴾

[ « حالبوکه بزى اضلال ایتدی ، الایزم رئیس لریمز اولان مجرملر اضلال ایتدیلر . ] چونکه ؛ بزى یولدن چیقاران آنلردر . زیرا ؛ بزم طریق ضلالی ارتکابمز آنلره اتباع و آنلری تقلید ایتمک کمزدر . اگر تقلید ایتدیمش اولسه ایدك یولدن چیقمازدق ، دیمکه اضلال ایدن مجرملری اتهام ایده جکلردر .

﴿ فَمَا لَنَا مِنْ شَافِعِیْنَ ۖ وَلَا صَدِیْقِ حَمِیْمٍ ﴾

[ « بز جهنمه کیرنجه جهنمدن قورتاره جق و شفاعت ایده جك برشافع اولمادیکی کبی صداقتی اقر بامزده یوقدرکه خلاصمه برچاره دوشونسون . » ]

﴿ فَلَوْ اَنَّ لَنَا كَرَّةً فَنَسْكُوْنَ مِنَ الْمُؤْمِنِیْنَ ﴾

[ « شفاعت ایده جك شافع و صداقت ایده جك دوست بولونمايجه کاشکه بزم ایچون دنیایه بردها رجعت اولسه ده بزمؤمنلر زمهره سندن اولسه ق و ارتکاب ایتدیکمز کفری ترك ایتسهك » دیمکه تحسر و حزنلرینی اظهار ایدرلر . ]

یعنی ؛ اهل جهنم جهنمه کیرنجه بر لرلیله مخصوصه ایدر اولدقلری حالدده کندیلرینك ضالالتده اولدقلرینه یمین ایده جکلری والته آچیق ضالالت ایچنده اولدقلرینی اقرار ایدوب پوتلره « بز سزی عالمك ربسنه مساوی قیلدق . سزله عبادت ایتدك » دییه جکلری و « بزى اضلال ایتدی ، آنجق مجرملر اضلال ایتدی » دییه رك مجرملره عطف جرم ایده جکلری کبی برشافع وایشه یارار صداقتی اقر بالری اولمادیغنی بیانله جهنمدن خلاصك چاره سی اولمادیغنی بیلدکلرندن دنیایه

دونمك امکائی اولسه ده بزده مؤمن اولسه ق دییه جکلری بو ایتلردن مستفاد اولان فواید جمه سندنر . چونکه ؛ انسانك عذابدن خلاصی کندى ذاتنده اولان اخلاصه در . اگر اخلاصه قورتولا مازسه برشافعك شفاعتیه اولابیلر . بونلرك جمه سندن قطع امید ایدنجه ندامتلرینی اظهار ایده رك « آه نه اولسه اولسه ده دنیایه بردها دونسهك و بزده عقلمزى باشمزه آلسه ق ایمان ایدن مؤمنلر زمهره سندن اولسه ق » دیمکه تحسرلرینی اظهار ایدرلر .

﴿ اِنَّ فِیْ ذٰلِكَ لَاٰیَةً ﴾

[ حییم ! ابراهیم علیه السلامك قومیله واقع اولان شو مباحثه سنده قدرتمزه دلالت وعقلی اولانلر ایچون موعظه عظیمه واردر . ] چونکه ؛ ابراهیم علیه السلامك مباحثه سنك ترتیبی غایت منتظم و تقریری غایت کوزل اولدیغندن آزیحق ادراکی اولان کیمسه دوشونونجه کلامنده اولان اصول اعتقادیه و علوم عملیه دایر و عظمی درحال قبول ایدر و دعوتنه اجابتده اصلا تردد ایتمز .

﴿ وَمَا كَانَ اَكْثَرُهُمْ مُّؤْمِنِیْنَ ﴾

[ حالبوکه قومنك اکثریسی مؤمن اولمادیلر . ] زیرا ؛ ادراکاری قیسه و شہوات نفسانیه لرینه اتباعلری زیاده اولدیغندن ابراهیمك وعظی آنلرده تأثیر ایتدی .

﴿ وَاِنَّ رَبَّكَ لَهُوَ الْعَزِیْزُ الرَّحِیْمُ ﴾

[ و سنك ربك تعالی حییم ! دشمنلرینه غالب و دوستلرینه مرحمت ایدر . ] بناء علیه ؛ دشمنلردن انتقامی آلیر و دوستلرینی احسانه مستغرق قیلار .

\*\*\*

واجب تعالی رسولنی تسلیه ایچون حضرت ابراهیم و حضرت موسانك مباحثه لرینی بیان ایتدیکی کبی حضرت نوحك مباحثه سنی دخی بیان ایتك اوزره ﴿ كَذَّبَتْ قَوْمُ نُوحٍ الْمُرْسَلِیْنَ ۖ اِذْ قَالَ لَهُمْ اٰخُوهُمْ نُوحٌ اَلَا تَتَّقُوْنَ ﴾ بیوریور .



[ نوح علیه السلامك قومی رسوللری تکذیب ایتدیلر شول زمانده کی او زمانده برادرلری نوح آنلره « سز اللهدن قورقازمیسکمز ؟ » دیدی . ]

﴿ إِنِّي لَكُمْ رَسُولٌ أَمِينٌ ﴾

[ « زیرا ؛ بن ، سزه امین بر رسولم » . ]

﴿ فَاتَّقُوا اللَّهَ وَأَطِيعُوا ﴾

[ « بن رسول امین اولونجه اللهدن قورقك وبكا اطاعت ایدك ، سوزمی دیکله يك » دیمکله قومنه نصیحتده بولوندی . ]

رسل کرام امتلرینه جمیع انبیایه ایمان ایتلرینی امر ایتدکلری جهته برینی تکذیب جمله سنی تکذیب مقامنده اولدیغندن حضرت توحی تکذیبله جمله رسوللری تکذیب ایتمش اولدقلرینه بناء قوم نوحك ده رسوللرك جمله سنی تکذیب ایتدکلری بیان اولونمشدر . نوح علیه السلام آنلره غایت بلیغ نصیحتده بولوندی واللهدن قورقق لازم اولوب قورقماق برامر منکر اولدیغنی آنلره تبلیغ ایتدی . چونکه قوم نوح مقلد اولوب مقلده تهدیددن قورقدینی ایچون تهدیدینی نصیحتنه مقدمه قیلارق سائر نصایح اوزرینه تقدیمله ( الاتقون ) یعنی « سز اللهدن قورقازمیسکمز ؟ » دیدی . و بوندن صوکرانفسنی ایکی صفند

توصیف ایتدی : برنجیسی ؛ طرف التهمینه کونمرطه رسول اولمی ، ایکنجیسی ؛ امین اولمیسیر . چونکه نوح علیه السلام نبوتی اظهار ایتزدن اول قومی ایچنده امانتله مشهور اولدیغندن کآن قومنه دیدی که « بن بوندن اول سزك عندکزده امین اولدیغم حالده سز شیمدی بنی نه ایچون تصدیق ایتمز ونه دن اتهام ایدرسکمز ؟ یوقسه بن دیکشدمی و اولدنبرو بیلدیککز و امین طانیدیدگکز نوح دکلمیم واول سوزیمه اینانیردیکزده شیمدی نه دن ایمان ایتمز واینانمازسکمز ؟ » دیمکله قومی حسدله اتهام ایتدی و « حال بویله اولونجه اللهدن قورقك وبكا اطاعت ایدك » دیمکله قومی طریق حقه دعوت ایلدی . وسوزینه شونی ده علاوه ایتدی و دیدی که

﴿ وَمَا أَسْأَلُكُمْ عَلَيْهِ مِنْ أَجْرٍ إِنْ أَجْرِيَ إِلَّا عَلَى رَبِّ الْعَالَمِينَ ﴾ فَاتَّقُوا اللَّهَ وَأَطِيعُوا

[ « ای قوم ! بن یامش اولدیغم نصیحت اوزره سزدن اجرت ایسته مم . زیرا ؛ بونصیحتده بنم اجرت اولمادی ، الا عالملرك ربی اوزرینه اولدی . شو حالده سوزمی دیکله يك ، اللهك عذابندن قورقك وبكا اطاعت ایدك » ] دیمکله نصیحت وطریق حقه دعوتنده اجرت مادیه ایسته مدیکنی ونصیحتی ودعوتی اغراض دنیویه شائبه سندن عاری اولدیغنی واجرت معنویه سی جناب حقه عاؤد اولوب معنویانه قومك قاریشامیه جفنی بیسانله قومی اطاعته دعوت ایتدی . اتقا ایله امر ؛ صورتده تکرار کی کوریلورسده حقیقتده تکرار یوقدر . چونکه ؛ فخر رازینک بیانی وجهله اولکی آیتك معناسی ؛ « بکا مخالفتدن قورقك . زیرا ؛ بن اللهك امین رسولیم ، دیمکدر . ایکنجی آیتك معناسی ؛ « بکا مخالفتدن قورقك . زیرا ؛ بن سزدن اجرت ایسته میورم » دیمکدر . شو حالده اتقا ایله امرك مرجعلری باشقه باشقه در .

\*\*\*

واجب تعالی نوح علیه السلامك نصیحتی اوزرینه قومك مدافعه لرینی بیان ایتك اوزره ﴿ قَالُوا أَنْتُمْ مِنْ لَكُمْ وَاتَّبَعَكَ الْأَرْذَلُونَ ﴾ بیوریور .

[ نوح علیه السلامك قومی « بز بوقدر ثروت وسامانمزله برابر سکا ایمان ایدرمی بز ؟ حالبوکه سکا ناس عنندنه قدرلری آشانی اولان برظائم فقرا کروهی اتباع ایتدیلر . بز آنلره برابر بولونا بیلیرمی بز ؟ » دیمکله نوح علیه السلامك دعوتنه اجابتدن امتناع ایتدیلر . ]

﴿ قَالَ وَمَا عَلَّمِي بِمَا كَانُوا يَعْمَلُونَ ﴾

[ بونلرك امتناعی اوزرینه نوح علیه السلام « بکا ایمان ایدنلرك عمللرینه بنم علمم لاحق دکدر ، بنم دعوتمه اجابتله حق قبول ایتدیلر . بناء علیه ؛ بن آنلری اینی بیلیرم » . ]

﴿ إِنْ حِسَابُهُمْ إِلَّا عَلَى رَبِّي لَوْ تَشْعُرُونَ ﴾



[ «اگر بیلیرسه کز آنلرک حسابی ، آنحق الله تعالی اوزرینه در . زیرا ؛ آنلرک اسرارینه ربم مطلعدر ، بن قلبرینه مطلع دکام . [ شو حالده بن حکمی ظاهره بنا ایدرم وایمانلرینی قبول وکندیلرینی محب صادق بیلیرم . سزک آنلره اراذل کروهندن دیمکزه اصلا التفات ایتهم » دیدی .

﴿ وَمَا أَنَا بِطَارِدِ الْمُؤْمِنِينَ \* إِنْ أَنَا إِلَّا نَذِيرٌ مُّبِينٌ ﴾

[ حالبوکه بن مؤمنلری حضورمدن طرد ایدر اولمادم . زیرا ؛ بن اولمادم ، الا آچیقندن قورقوتور اولدم . ] بناء علیه ؛ مؤمنلره محبت ایدروسزک کبی ایمان ایتمینلری عذاب الهی ایله قورقوتورم وقورقوتامده ظاهر ودلائلی میدانده در . بناء علیه ؛ کیمسه نک شبهه سی یوقدر « دیدی .

فخر رازینک بیاننه نظراً حضرت نوحه ایمان ایدنلر ؛ فقرا کروهندن وصنایع خسیسه اربابندن اولدقلری جهته زنکین ومنصب صاحب لری آنلری بکنمداکلرندن حضرت نوحه آنلری باشندن طرد ایتسنی تکلیف ایتلری اوزرینه حضرت نوح « بن ایمان ایدنلری سزک آرزو کزله حضورمدن طرد ایدر اولمادم . زیرا ؛ شرف و ثروتک ایمانده مدخلی یوقدر . بناء علیه ؛ بر فقیر مؤمن عندالله میلیونلرجه زنکین کافرلردن خیرلیدر . شو حالده بنم وظیفهم زنکین و فقیر هرکیم اولورسه اولسون ایمان ایدنلرک ایمانلرینی قبول وایمان ایتمینلری عذابه انذار ایتمکدر » دیمکله قومنک تکلیفلرینی رد ایتدی .

\*\*

واجب تعالی نوح علیه السلام قومنه ویرهش اولدینی جواب اوزرینه حضرت نوحی تهدید ایتدکلرینی بیان ایتک اوزره ﴿ قَالُوا لَنْ لَمْ تَنْتَهُ يَا نُوحُ لَتَكُونَنَّ مِنَ الْمَرْجُومِينَ ﴾ بیوریور .

[ قوم نوح دیدیلرکه « یانوح ! الله یمین ایدرزکه اکر سن سوز کدن دونمزسهک البته سن طاشله اولنلردن اولورسک . ] زیرا ؛ شودعوا کده مصر اولور وشریعت عنواننده کتیردیگک شیدن دونمز و ترک ایتمزسهک بزسنی طاشله اولدوررز » دیمکله حضرت نوحی

شدتله تهدید ایتدیلر . چونکه رجهله اولدورمک ؛ موتک الک فناسیدر . بناء علیه ؛ الک فنا اولومله اولدوره جکلرینی سویلیدیلر و بیلمدیلرکه حضرت نوح حایه الهیه آلتنده در وقتله آلاری دکیه جک و آنی قتله تهدید ایدرکن کندیلری الک فنا اولومله اولمکه محکوملردر .

\*\*

واجب تعالی قوم نوحک تهدیدلرینی بیاندنصکره حضرت نوحک ذات الوهیتنه استرحانی بیان ایتک اوزره ﴿ قَالَ رَبِّ إِنِّي قَوْمِي كَذِبُونَ \* فَافْتَحْ لِي أَبْوَابَ نَجَاتِي \* وَنَجِّنِي وَمَنْ مَعِيَ مِنَ الْمُؤْمِنِينَ ﴾ بیوریور .

[ نوح علیه السلام قومنک ایمانندن مایوس اولونجه درگاه الوهیته مراجعتله دیدی که « یاربی ! بنم قوم بنی محقق تکذیب ایتدیلر و طرفکدن هر نه که کلدی آنی تبلیغ ایتدم ایسه انکار و بنی سفاقتله اتهام ایتدیلر . حتی هلاکی قصده و رجهله بنی قتله قدر جسارت ایلیدیلر . شو حالده آنلره بنم آره مزده الفت وصحبت امکانی قالمادی . بناء علیه ؛ آنلره بنم بینمزده عدالتله حکمکی اظهارایت و فتوحات ویر . بنی ومؤمنلردن بنمله برابر بولونانلره نجات ویر و بولنلرک شرندن بزنی قورتارکه مؤمنلر لطفکدن مستفید اولسون و کافرلرده قهرکله هلاک اولسونلر » دیمکله جناب حقه تضرعده بولوندی . ] بو خبری ، جناب حقه شکایت طریقیله در ، اخبار طریقیله دکلدر . چونکه ؛ جناب حق هر شیئی بیلدیکندن نوح علیه السلامک اخبارینه احتیاجی یوقدر . نجاتله دعا ؛ آنلرک شرندن و آنلره نازل اولاجق عذابدن یعنی هرا یکسندن ده نجات ایسته مکدر . چونکه ؛ آنلر شدتله تهدید ایتدکلری کبی آنلره نازل اولاجق عذابیه بیلوردی . بناء علیه ؛ ایکسینه بردن دعادر .

\*\*

واجب تعالی نوح علیه السلامک دعاسی اوزرینه نجات ویردیکنی بیان ایتک اوزره ﴿ فَأَنْجِنَاهُ وَمَنْ مَعَهُ فِي الْفُلِّ الْمَشْحُونِ ﴾ بیوریور .

[ نوح علیه السلامک دعاسی اوزرینه بز نوحه ونوحله برابر دولو کیده بولونانلره



نجات ویردک . [ که اوکی مردورلو اشیادن وهرنوع حیواندن برر چفت بولونمقله طولو ایدی . او طولو کی ایله آنلری غرق اولمقدن خلاص ایتدک .

﴿ ثُمَّ أَعْرَقْنَا بَعْدُ الْبَاقِينَ ﴾

[ نوحی و معینی خلاص ایتدکدنصکره طوفانله عاصیلری غرق ایتدک که آنلردن بر یوزنده هیچ بر فرد قالمادی . ]

﴿ إِنَّ فِي ذَلِكَ لَآيَةً ﴾

[ ایشته شو بزم عاصیلری غرق ایدوب مؤمنلره نجات ویرمکده بزم قدرت قاهره مزه بویوک علامت و دلالت واردر . ]

﴿ وَمَا كَانَ أَكْثَرُهُمْ مُؤْمِنِينَ ﴾

[ حالبوکه بوقدر علامتلری کوردکلری حالده ناسک اکثریسی ایمان ایتمز لر . ]

﴿ وَإِنَّ رَبَّكَ لَهُوَ الْعَزِيزُ الرَّحِيمُ ﴾

[ یا اکرم الرسل ! ربک تعالی محقق اولارق دشمنلرینه غالبدر و دوستلرینه لطف واحسان ایتمکله مرحمت ایدر . ]

خلاصه ؛ جناب حقک حضرت نوحی و معیتنده بولنان مؤمنلری طوفاندن خلاص ایدوب عاصیلری غرق ایتدیکی و بونده اهل بصیرت ایچون عبرت آلمق لازم اولدیغی ولکن اکثر ناسک ایمان ایتدکلری والله تعالی تک دشمنلرینه غالب و دوستلرینه مرحمت صاحبی اولدیغی بو آیتلردن مستفاد اولان فوائد جمعه سندندر .

\*\*\*

واجب تعالی رسولنی تسلیه ایچون نوح علیه السلامک قومیه اولان مباحثه لرینی وقومنتک عاقبتنی بیاندنصکره حضرت هودک قومیه اولان مباحثه سنی بیان ایتدک اوزره ﴿ كَذَّبَتْ ثَوْدَادُ الْمُرْسَلِينَ ﴾ اِذْ قَالَ لَهُمْ أَخُوهُمْ هُودٌ أَلَا تَتَّقُونَ ﴿ إِنِّي لَكُمْ رَسُولٌ

أَمِينٌ ﴾ بیوریور .

[ عاد قبیله سی رسوللری تکذیب ایتدیلر شول زمانده که اوزمانده آنلرک کندی عرقلرندن برادرلری هود علیه السلام آنلره « سز شرکی و سائر کناهلری ارتکاب ایدرده اللهدن قورقازمیسکمز ، نه ایچون بوجایتلری ارتکاب ایدرسکمز ؟ سوزیمی دیکله یک ، اللهدن قورقک . زیرا بن ؛ سزه طرف الهیدن کوندرلمش امین بر رسولم . » ]

﴿ فَاتَّقُوا اللَّهَ وَأَطِيعُوا ﴾

[ « بن سزی اصلاح وارشاد ایچون کوندرلمش رسول امین اولونجه ارتکاب ایتدیکمز جنایتلردن اتقا ایله بکا اطاعت ایدک . » ]

﴿ وَمَا أَسْأَلُكُمْ عَلَيْهِ مِنْ أَجْرٍ إِنْ أَجْرِيَ إِلَّا عَلَى رَبِّ الْعَالَمِينَ ﴾

[ « حالبوکه بن شوتبلیغ اوزره هیچ بر اجرت ایسته نم . زیرا ؛ بنم اجرتیم اولمادی ، الا عالملرک ربسی اوزرینه اولدی . ] شو حالده مألوف اولدیغکمز کناهلری ترک ایدک ، بنم سوزیمی دیکله یک . زیرا ؛ بن ایچکمزده نشأت ایتدم . بناء علیه ؛ احوالم و امانت صاحبی اولدیغم و یالان ارتکاب ایتدیکمز سزجه معلومدر و سزه تبلیغاتم آنجق سزک منفعتکمز ایچوندر « دیدی و سوزینه شونی ده علاوه ایتدی .

﴿ أَتَبْنُونَ بُكْلًا رِيعًا ﴾ آيَةً تَعْبَثُونَ ﴿ وَتَتَّخِذُونَ مَصَانِعَ لَعَلَّكُمْ تَخْلَدُونَ ﴾

[ « هر یوکسک محله علامت یا بمقله اویونمی اوینارسکمز و دنیا ده مخلد قالمق ایچون اولریکمز حوضلر و درلو صنعتلرمی اتخاذا ایدرسکمز ؟ » دیدی . ]

یعنی ؛ هود علیه السلام قومنتک بعض فنا عادت لرینی بیانله طریق مستقیمه دعوت ایتدی و « سز هر یوکسک محله اویون اوینامق و کلوب کچن یولجیلری استهزا ایتدک ایچون یوکسک ابنیه لرمی یا پارسکمز و دنیا ده ابدی قالمکمز ایچون کیرچلرله دوگدورولمش یوکسک و محکم سرایلری بامق ایچون لزومندن زیاده صنعتلی بنالرمی اتخاذا ایدرسکمز ؟ » دیمکله قومنی بیهوده عمر کچیرمکله اتهام ایتدی . چونکه قوم هودک عادت لری ؛ یوکسک محللاره یول اوزر لرینه قره قول خانه کی ابنیه لر یا پارلر ، آنکله افتخار ایدرلر و کلوب کچن یولجیلرله اکلنه نیرلر و آنلری استهزا ایدرلر دی و دنیا ده مخلد قالا جق و اولیه جک کی بویوک سرایلری یا پارلر و دورلو چیچکلر



وساؤه اتخاذاً يتمكده بهوده عمر افنا ايدرلردی . بو کبی دکر سز شیلرله مشغول اولمقله  
هود علیه السلام آنلری اتهام و بو کبی لزوم سز شیلری ترک ایتلرینی توصیه ایتدی .  
ریعه ؛ یوکسک محل دیمکدر . ( تعبون ) عبثه اشتغال ایدرسکزدیمکدر . مصانع ،  
صو یوللری و مروضه و یاخود کیرمه بایلمه صنعتی قوناقلر دیمکدر . فخر رازینک  
بیانی وجهله بونلرک یوکسک محله علامت بنا ایتلری ایله مراد ؛ بول اوزرینه عموماً  
یابم و قوله لر بابوب بولجیلری کورمک و آنلری اسهزا ایدوب اکلنک و باظاصه هود  
عالمه السومی زیاده کلنله ازیت اتمک ایچونه بایرقلری اینه لرده . حضرت هود قومی  
بو کبی فائده سز شیلرله مشغول اولملرینه بناءً توبیخ ایتمشدر . بوکا نظراً معنای آیت :  
[ ای قوم ! بول اوزرینه یولجیلری کورمک و استهزا اتمک اوزره بوقدر کفقتلی  
اینه لر یاپار عبثله اشتغالی ایدرسکزدیمکدر . باضود صرف اویون ایچون اینه لر یاپارلر ،  
اوراده اجتماع ایدرلرک اویونلر اوینارلردی . حضرت هود آنلری بونکله توبیخ ایتمشدرک  
زمانمک اویون محللری بوقبیلندر . باضود کوکرجین ایچون برجلر یاپارلر ، اورالده  
کوکرجین اتخاذایدرلر و آنلرله اوینارلر وقت کچیرلردی . حالبوکه بونلرله اوینامق دنیوی  
و آخروی بر فائده تأمین ایتدیکندن حضرت هود عبثله اشتغالدن عبارت اولدیغنی بیانه  
قومی توبیخ ایتمشدر . کوکرجینه اوینامق قوم هودک عادت قبیحه لرندندر .  
عاد قومنک فنا عادتلرندن بریسی ده ثروتلریله افتخار اتمک ایچون یوکسک اینه لر  
و کیرچله دوکدورلمش بویوک قوناقلر انشا اتمک و ایچنه جسم حوضلر یامقله عمرلرینی افنا  
ایلمک ایدی . انسانلر ایچون لزوم سز شیلرله اشتغال اتمک طوغرو برشی اولمادیقندن  
حضرت هود قومی بونکله دخی توبیخ ایتدی و دیدی که « دنیا ده مخلد قالمکزی امید  
ایتدیککزد ایچون ابدی یاشایاجق کبی محکم و صنعتی اینه لر می اتخاذا ایدرسکزدیمکدر . ایشه  
بوصورتله حضرت هود جسم اینه نکده دنیا ده و آخرته آنلره فائده سی اولمادیغنی بیان  
ایتدی . دنیا ده عمر هر نه قدر اوزون اولسه دخی آزدن آزا اولدیغنی ایچون « مخلد قالا جق  
کبی اینه یه عمر صرف ایدیورسکزدیمکدر . دیمکله عمر بشرک بو کبی کفقتله تحملی اولمادیغنه  
اشارت ایتمشدر . چونکه ؛ قوم عادک عادتلری لزومندن فضله اینه یامق و آنکله اوغراشه

اوغراشه عمرلرینی افنا اتمک اولدیقندن حضرت هود آنلری بو کبی لزوم سز شیلرله اشتغالدن  
منع ایتمشدر ، یوقسه لزومی قدر اینه یامقندن وسائر لزومی امور دنیادن منع ایتمه مشدر .

\*\*\*

واجب تعالی قوم هودک اوچنجی عادت کریمه لرله هود علیه السلامک آنلری ذم  
ایتدیکنی بیان اتمک اوزره ﴿ وَإِذَا بَطَشْتُمْ بَطَشْتُمْ جَبَّارِينَ ﴾ فَاتَّقُوا اللَّهَ وَأَطِيعُوا  
بیوریور .

[ هود علیه السلام قومه خطاب ایدره رک دیدی که « ای قوم ! سز بر کیمسه نک  
قصورینه بناءً تربیه ایچون مؤاخذه ایتدیککزده حدی تجاوز ایدره رک ظلمله مؤاخذه  
ایدر و شدتله قتل ایدرسکزدیمکدر و یاخود شدتله ضرب ایدرسکزدیمکدر اصلاً انصافکزدیمکدر .  
شوحالده اللهک قوللرینی انصافک خارجنده ظلمله مؤاخذه ایتمکدن قورقک واللهم اتقا  
ایدک و بنم سوزیمی دیکله یک و بکا اطاعت ایدک حقکزده خیر اولور . ] چونکه ؛ اللهک  
قوللرینی تأدیب ایچون وضع اتمش اولدیغنی قانونک خارجنده تأدیب اتمک بشر ایچون  
جائز اولماز . سز ایسه اک فنا اشکنجه لرله مؤاخذه ایدرسکزدیمکدر قومی مؤاخذه ایتدی .  
یعنی ؛ عاد قومنک کندی ایشلرنده لزوم سز یولسزلقلر اولدیغنی کبی اینه جنسلرینه  
معامله لری دخی یولسزدرد . زیرا ؛ آنلر کندیلرینک غیری به جباره معامله سی یاپارلر  
و اصلاً انصافلری اولمازدی .

جبار ؛ متکبر و ظلمکار و اولمدر و بیکنی غضبه اولمدر و درو کربیکنی غضبه دوکر اصم  
انصافی و مرصتی اولماز دیمکدر . بطش ؛ شدتله طوغرو برک یا قلمی ایله مؤاخذه  
ایتمکدر . شوحالده « سز طوطدیغکزی مرحمت و انصاف سزجه طوتارسکزدیمکدر .  
قوم عادک اضمح و زمیمه لر نه برنجیسی ؛ اویونه محللری بابوب اویونلر وقت کیرمک  
و بولجیلری اسهزا اتمک و کوکرجین ایله اوینامق . ایکنجیسی ؛ یوکسک اینه لر یابم  
و بونکله تکبر و افتخار ایتمکدر . اوچنجیسی ؛ اینه جنسلرینه انصاف سزجه معامله بایمقدر .



ایشته جناب حق قرآندہ قوم عادک بوکی اخلاق ذمیمہ لرینی بیان ایتمکه بزى بوکی اخلاق ذمیمہ دن منع وامت محمدیه بونلردن حذر ایتک لازم اولدیغنی توصیه ایتشدرد .

\*\*\*

واجب تعالی حضرت هودک نصیحت ایتدیکی سوزلری بیان ایتک اوزره ﴿وَاتَّقُوا

الَّذِي أَمَدَّكُمْ بِمَا تَعْلَمُونَ \* أَمَدَّكُمْ بِأَنْعَامٍ وَبَنِينَ \* وَجَنَّاتٍ وَعُيُونٍ \*

[ ای قوم! سز شول ذات اجل و اعلايه اتقا ایدک که اودات سزه بیلدیکنز بر جوق نعمتله امداد ایتدی و یالکز امدادی بر نوع نعمته منحصر اولمادی و سزه قیونلر و دوه لرله و اوغلانلر و باغلر و باغچهلر و آقار صولرله دخی امداد و دنیاچه انواع نعمتلری سزه احسان ایتدی و سز ایسه شکری ادا ایتدیکنز و شکری ادا ایتدیکنز جهته حالکزدن و نعمتک زوالندن قورقولور . ]

﴿إِنِّي أَخَافُ عَلَيْكُمْ عَذَابَ يَوْمٍ عَظِيمٍ﴾

[ « زیرا بن سزک اوزریکزه بویوک کون اولان یوم قیامتک عذابندن قورقارم . » ] دیمکه هود علیه السلام شونعمتلری و یرن الله تعالی به ایمان لازم اولدیغنی و ایمان ایتدیکنز صورتده عذاب اولونا جقلرینی بیانله تهدید ایتدی . چونکه ؛ جناب حق نصل که انعامه قادر ایسه اولهجه انتقامه دخی قادردر .

بیضاوینک بیانی وجهله واجب تعالی نک اولاً بیلدیکنز نعمتله امداد ایتدیکنز هود علیه السلام اجمالاً بیاندنصرکه نعمتک دوام ایده جکنه تنبیه ایچون امدادی بعض جسم نعمتله تفصیل ایتدی که انک شکری ؛ شرک و سائر معاصیدن اتقا و ایمان ایتکدر . اکر اتقا اولمازسه امدادک کسبله جکنه دخی اشارت ایتشدرد .

نیسابورینک بیانی وجهله نعمتی تفصیلده حسن ترتیه رعایت واردر . چونکه ؛ انسانک معیشتته باشلیجه خادم اولان دوه ، قیون و صیغیر کی حیوانات اولدیغنی جهته اولاً حیواناتی ذکر ایتدی . حیواناتک محافظه سی اولادله اولدیغندن حیواناتی ذکر دینصرکه اوغلان اولادله امداد ایتدیکنز بیان بیوردی . یالکز انسانک معیشتله اکتفا ایتدی ،

بلکه انسانک تلذذ و تفکک ایتدیکی باغلر و باغچهلرله امداد ایتدیکنز دخی ذکرله ایمانه ترغیب ایتدی . باغلرک و باغچهلرک میوه سنک تکملی صویه محتاج اولدیغندن آقار صولرله امداد ایتدیکنز دخی بیان ایتدی که نقصان سز نعمتلری مقابلنده قصور سز ایمان لازم اولدیغنه اشارت ایتشدرد . امداد ؛ **امسانه** **ایروب و یرمک** معناسنه اولدیغندن « بونلرک جمله سنی سزه و یرن الله تعالی به ایمان ایدک » دیمکدر . ایمان ایتدیکنز صورتده قیامتده معذب اولاجقلرینه دخی اشارتله سوزینه ختام و یردی که حضرت هود نصیحتنده نقصان برجهت برافقادی .

\*\*\*

واجب تعالی حضرت هودک نصیحتنی بیاندن صوکره قومنک جوابلرینی بیان ایتک اوزره ﴿قَالُوا سَوَاءٌ عَلَيْنَا أَوَّعْتَ أَمْ لَمْ تَكُنْ مِنَ الْوَاعِظِينَ﴾ بیوریور

[ هود علیه السلام نصیحتی اوزرینه قومی دیدیلر که « یا هود ! سنک وعظ ایتک ایله ایتمه که بزم اوزریمزه مساویدر . ایسترسه ک وعظ ایت ایسترسه ک اصلا وعظ ایدنلردن اولما . ] چونکه ؛ بزه هیچ تأثیری یوقدر . زیرا ؛ بزنک سوزیکی دیکله مه بزوامر که امتثال ایتمه یز « دیمکه ایمان ایتمه جکلرینه قطعی جواب و یردیله و دیدیلر که

﴿إِنْ هَذَا إِلَّا خُلُقُ الْأَوَّلِينَ \* وَمَا نَحْنُ بِمُعَذِّبِينَ﴾

[ زیرا ؛ شو بزم عادتیز اولمادی ، الا اول کچنلرک عادتلی اولدی . بناء علیه ؛ یوکسک ابنهلر یاپار و جبارلک ایدرز و بونلرله بزمعذب اولما یز . ] زیرا ؛ بز دنیا به کلیرز ؛ اول کلر کی و اولورز ؛ اول اولنلر کی . قبردن قالمق ، حساب اولونمق و عذاب اولمق کی شیلر یوقدر . شو حالده بزنک وعظکله اسلافک عادات و اخلاقی ترک ایده مه یز « دیدیلر .

﴿فَكَذَّبُوهُ فَأَهْلَكْنَاهُمْ﴾

[ شو سوزلری سولکله هود علیه السلامی تکذیب ایتدیله . بزه آنلری اهلاک ایتدک . ] اهلاکلی تکذیبلری اوزرینه ترتب ایتدیکنه اشارت ایچون ترتیه دلالت



ایدن فا لفظيله ( فاهلکناهم ) وارد اولمشدر . یعنی « بز قوم هودی اهلاك ایتدک .  
زیرا ؛ آنلر هودی تکذیب ایتدیلر . هر قوم که هودی تکذیب ایده . بز آنلری اهلاك  
ایدرز . شو حالده قوم هودی بز اهلاك ایدرز » دیمکدر .

( ان هذا الا خلق الاولین ) جمله سنده برقاج احتمال وارددر : برنجیسی ؛ ( خلق ) لفظی  
فانك ولامك ضمید قرائت اولوندیغنه نظراً معناسی : [ شو بزم عادتمز بزدن اول کچن  
بابالریمزك عادتیدر . آنلر نصل یاشادیلر و کوشکلر و سرایلر یابدیلر اولدیلر سه بزدن اولیه  
یاشار و اولورز . سنك سوزكله بز عادتمز ترك ایده مه یز » دیمکدر . اکر ( خلق ) لفظی  
فانك ولامك قحید قرائت اولونورسه معناسی : [ یاهود ! شو سنك سویله دیکك شیلر  
سندن اول کچنلرک یالانلریدر . اول کچنلرده سنك کبی سویله مشلردی ] دیمکدر .

﴿ إِنَّ فِي ذَلِكَ لَآيَةً وَمَا كَانَ أَكْثَرُهُمْ مُؤْمِنِينَ ﴾ وَإِنَّ رَبَّكَ لَهُوَ الْعَزِيزُ الرَّحِيمُ  
[ ایسته شو عصیان ایدنلری اهلاك ایتمکده بزم قدرتمزه دلالت ایدر علامت عظیمه  
وارددر . حالوکه اکثر ناس بو آیتلریمزدن عبرت آلارق ایمان ایتمز لر و حییم ! سنك  
ربك تعالی دشمنلر کدن انتقامکی آلیر و دوستلریکه مرحمت صاحبیدر . ] بناء علیه ؛ قریشك  
حاللرندن متأثر اولما . زیرا ؛ ربك تعالی آنلردن انتقامکی آلیر و سکا ایمان ایدن مؤمنلره  
احسان ایتمکله رحمتدن حصه یاب ایدر .

\*\*

واجب تعالی رسولنی تسلیه ایچون هود علیه السلام قومنه نصیحتنی وقومی قبول  
ایتمه یوب هلاك اولدقلربی بیاندنصکره صالح علیه السلام امتیله واقع اولان وقعه سنی  
بیان ضمتنده ﴿ كَذَّبَتْ ثَمُودُ الْمُرْسَلِينَ ﴾ إِذْ قَالَ لَهُمْ أَخُوهُمْ صَالِحٌ أَلا  
تَتَّقُونَ ﴿ إِنِّي لَكُمْ رَسُولٌ أَمِينٌ ﴾ بیوریور .

[ ثمود قومی رسوللری تکذیب ایتدیلر شول زمانده که اوزمانده برادرلری صالح  
علیه السلام آنلره « اللهدن قورقازمیسکز ، نه ایچون فسق و فجوری ارتکاب ایدرسکز

ونهدن طریق توحید واستقامتدن چیقارسکز ؛ بن سزی اصلاح ایچون طرف التهدن  
کوندلرش امین برسولم . ] بناء علیه ؛ سزی ، احوالکزی اصلاح ایده جك افعال حسنه  
ترغیب و حالکزی افساد و اعمالکزی ابطال ایده جك افعال قبیحه دن تنفیر ایدرم .

﴿ فَاتَّقُوا اللَّهَ وَأَطِيعُوا ﴾

[ « بناء علیه ؛ اللهم غضبندن قورقك ، سوزیمی دیلهك وبكا اطاعت ایدك . زیرا  
بكا اطاعت ؛ سزك ایچوك منفعتدر » دیدی . ]

﴿ وَمَا أَسْأَلُكُمْ عَلَيْهِ مِنْ أَجْرٍ إِنْ أَجَرِيَ إِلَّا عَلَى رَبِّ الْعَالَمِينَ ﴾

[ صالح علیه السلام آنلره نصیحتنه شونیده علاوه ایتدی و دیدی که « بنم سزه نصیحتم  
مأموریتیم اقتضایی و رسالتك وظیفه سیدر . بناء علیه ؛ بن نصیحتم اوزرینه سزدن اجرت  
ایسته مم . زیرا ؛ بنم اجرتم عالملری نعمتیله تربیه ایدن ربم تعالی نك اوزرینه در . ] سزه  
احکامنی تبلیغ ایچون بکا جر اخروی و یره جکدر » دیمکله آنلردن اجرت ماده ایسته مدیکنی  
بیان ایتدی .

انبیاء عظام حضراتی کوندرمکدن مقصد ؛ جناب حقك قوللربی طریق حقه دعوتله  
اطاعت ایدنلری ثوابه یا قلاشدیرمق و کناهدن اوزاقلاشدیرمق در . جمله انبیا بومقصدده  
متفق اولدقلربی و تبلیغدن حرص و امل دنیا و اجرت کبی خسیس شیلر مقصود اولما یوب  
روح مسئله اطاعت و اتقا اولدیغنی بیان ایچون بوسورده ده بیان اولونان رسل کرامك قصه لری  
اطاعت و اتقا ایله امر صورتنده باشلامشدر .

﴿ أَتَشْرِكُونَ فِي مَا هُمْنَا آمِنِينَ ﴾

[ « ای ثمود قومی ! بودنیاده زوالدن امین اولارق بونعمتلر ایچنده قالیرز  
و حالز اوزره ترك اولونورزیمی ظن ایدرسکز و بویله جه ترك اولونورمی سکز ؟ » ]

﴿ فِي جَنَّاتٍ وَعُيُونٍ ﴾ وَزُرُوعٍ وَنَخْلٍ طَلْعُهَا هَضِيمٌ

[ « اوسزك ایچنده بولوندیغکز نعمتلرکه آنلر باغلر و باغچه لر و قایار بیکارلر و اکیملر  
و خرما آغاجلری که آنلردن ظهور ایدن چیچکلر غایت یوموشاق و میوه لری هضمی



بينلره اصلا زحمت ويرمز . [ شو صاييلان نعمتلر ايچنده ترك اولونور قاليرمي سكرز ؟ بويله ظن ايدرسه كز ظنكرز يا كليشدر . زيرا ؛ سزدن اول كچنلرده سزك كبي ظن ايتمشلردى . حالبوكه هيچ بر فردى بولوندينى نعمت ايچنده قالديمى كه سز قالا سكرز . ]

﴿ وَتَخْتُونُ مِنَ الْجِبَالِ بُيُوتًا فَارِهِينَ ﴾

[ « اى نمود قومى ! سز كمال حذاقله طاغلرده اولر يونار و طاشلردن اويار كمال راحتله اوتورور سكرز و اوله جككز اصلا خاطر يكرزه كلز . ] همان حظوظات نفسانيه كزله مشغول اولور سكرز وييه جك و ايچه جك كزى دوشونور و اوله جككز اصلا خاطر يكرزه كلز . حالبوكه بونلرك هر بندن آريلا جق و ترك ايدم جك و آخرتده هپسندن سؤال اولونا جقسكرز . »

﴿ فَاتَّقُوا اللَّهَ وَأَطِيعُوا ﴾

[ « حالكز بويله اولونجه اللهدن قورقك ، كناهلردن و از كچك وبكا اطاعت ايدك سوزيمى ديكله يك . » ]

﴿ وَلَا تُطِيعُوا أَمْرَ الْمُشْرِكِينَ \* الَّذِينَ يُفْسِدُونَ فِي الْأَرْضِ وَلَا يُصْلِحُونَ ﴾

[ « وشول مسرفلرك امرينه اطاعت ايتميك كه آنلر ارضى افساد ايدر اصلا اصلاح ايتملر و جمله افسادلردن بريسي سزى كفر و سائر كناهلره تشويق ايدرلر و انواع فسادی ارتكابدن كبرى دورماز و اصلاح جهتنى اصلا التزام ايتملر . ] بناء عليه ؛ ايشلرى يالكز فساددن عبارت و صلاح شائبه سى يوقدر ، ديمكله صالح عليه السلام قومنى صلاحه دعوتله مفسدلرك امرينه اطاعتدن نهى ايتدى و نعمتلرينى بيانله او نعمتك محافظه سى صلاح ايله اولاجغنده تنبيهاتده بولوندى .

تفسير خازنده بيان اولوندينى وجهله بو آيتده مفسدلرله حضرت صالحك مرادى ؛ بوسوره نك عقينده كى (سورة نمل) ده بيان اولونان صالح عليه السلامك دوه سنى اتدرف و مفسد سز قاصر ايمده قوم صالحلره طقوز قبيله نك رئيسلرى طقوز مسرفلر ، يا خود مطلقا سز كلر دره بونلرك دائما ايشلرى افساددن عبارت اولوب اصلاح قاريشيغى اولما ديغنه اشارت ايچون

حضرت صالح افسادلرينى بيانلنصكره مصلح اولما دقلرينى علاوه ايلمس و نعمتلرينى بيانله نعمتك دوامى اتقا و پيغمبرلرينك امرينه اطاعت ايله اولوب مسرفلرك امرينه اطاعت نعمتك زواله سبب اولاجغنه اشارت ايتمشدر . باغلرى و باغچه لرى ذكردنصكره خرمانك سائر ميوه لر اوزرينه سرفنه اشارت ايچون خرما آغا جلرى باغچه ده داخل اولدينى حالده آريجه ذكردن اولونمشدر .

(فارهين) فاره ؛ نشاط و فرح ايله باشا بانه كيمسه در كه هذا قنله ايشه كورمه و راحتده معيشت ايمروپ معيشت بوزنمده مشقت كورميه كيمسه فاره دينور . ايشته قوم نمودك كمال رفاه ايله بوتون نعمت دنيايه نائل اولدقلرينه و نعمتلر ايچنده ياشادقلرينه اشارتله كنديلرينك شكره دوام ايتملرى لازم اولديغنه تنبيه ايتمش و بونلرى جناب حقك قرآنده امت محمده حكايه سى عين احوالك انسانلرده هر زمان جارى اولوب نعمت صاحبلىرينك نعمتلرينى محافظه لرى اتقايه و پيغمبرلرينه اطاعته موقوف اولديغنه و زمانلرنده موجود اولان مفسد و مسرفلره اطاعت ايتمك نعمتلرينك زواله و عاقبت هلاكلرينه سبب اولاجغنه اشارتله جناب حق قوللرينى صلاحه دعوت ايتمشدر .

خلاصه ؛ انسانلرك دنياجه نائل اولدقلرى نعمتلر ايچنده قالا جقلرينى ظن ايتملرى خطا اولدينى و قوم نمودك مهارت و حذاقله طاغلردن و طاشلردن اولر بوندقلرى و كمال راحتله تعيش ايتدكلرى و انسانلر ايچون وظيفه ؛ الله اتقا و رسوللرينه اطاعت ايتمك اولدينى و مسرفلره اطاعت ايتمك جائز اولما ديغنى و مفسدلرك عادتلى دائما افساد اولوب اصلاح جهتنى التزام ايتدكلرى بو آيتلردن مستفاد اولان فوائد جمله سندندر .

..

واجب تعالى حضرت صالحك نصيحتنه قاشى قومتك جوابنى بيان ايتمك اوزره ﴿ قَالُوا إِنَّمَا أَنْتَ مِنَ الْمُسَحَّرِينَ ﴾ بيوريور .

[ « يا صالح ! سز سحر اولونمش عقلى مختل اولانلردن سك » ديديلر . ] و سوزلرينه شونى ده علاوه ايتديلر :

خلاصة البيان : اون برنجى جلد — •



﴿ مَا أَنْتَ إِلَّا بَشَرٌ مِّثْلُنَا فَأْتِ بِآيَةٍ إِنْ كُنْتَ مِنَ الصَّادِقِينَ ﴾

[ « سن اولمادك ، الا بزم كبی بشر اولدك . بشریتدن باشقه برصفتك یوقدر . شو حالده بشردن بشره رسول اولمازكه سن بزم رسالت دعواسنده بولوناسك . حالك بشریتدن عبارت اولونجه اكر سوزك طوغرو ايسه وسن طوغرو سويله ينلردن اولدك ايسه بزم علامت كتير » ديمكه نصيحتی ديكلمدكلى اظهاری ايتديلر وبشریتی رسالته منافی كوردیلر . ]  
فخر رازینك بیانی وجهله قوم صالحك « علامت كتير » ديمكدن مقصدلری ؛ معجزه ايستمك و ايستمدكلى كتيره من ظنيله حضرت صالحی عاجز قیلارز ظن ايتلیدر .  
صالح علیه السلام نه كبی معجزه ايستمدكلى آنلردن سؤال ایتدی . آنلرده طاشدن اون آیلقی بودلاشمش بر دوهك چيغمسنى ايستمدیلر . جبریل امینك تعریفيله صالح علیه السلام ایکی ركعت نماز قیلوب جناب حقه دعا ایتدی و جناب حق ده قومك آرزولری وجهله طاشدن ايستمدكلى صورتده دوهی چیقارمقله نبوتی تصدیق ایتدی .

\*\*\*

واجب تعالی ، دوه ایله قومی بیتنده صالح علیه السلام صوبی نوبته باغلا دیغنی و دوهیه ضرر قصد ایتمه لری تنیه ایتش ایکن ديكلمیوب دوهی اتلاف ایتدكلى وعاقبت هلاك اولدقلى بیان ایتك اوزره ﴿ قَالَ هَٰذِهِ نَاقَةُ لَهَا شَرِبٌ وَلَكُمْ شَرِبٌ يَوْمَ مَعْلُومٍ ﴾

بیوریور

[ صالح علیه السلام قدرت الهیه ایله معجزه اولارق ظهور ایدن دوهیه اشارت ایدهرک دیدی كه « ايشته شو دوه ايستمدكلى دوهدر . صوبك برکون نوبتی دوهنكدر ومعلوم اولان كونده صوبك نوبتی سزكدر نوبتكزه صاحب اولك دوهك نوبتنده صوبه كلكيك . » ]

﴿ وَلَا تَمْسُوْهَا بِسَوْءٍ فَيَأْخُذَكُمْ عَذَابٌ عَظِيمٌ ﴾

[ « و دوهی دوكمك و قیویه كتیرمیوب صوصاتمق كبی بر کوتولككه دو قونمايك كه سزی بویوك كون اولان قیامتك عذابى طوتمسون . اكر بر کوتولككه دوهیه طوقونورسه كز یوم قیامتك عذابى سزی طوتار . » ]

﴿ فَعَقَّرُوْهَا فَاَصْبَحُوْا نَادِمِينَ ﴾

[ صالح علیه السلامك نصيحتنه رغماً دوهی اولدوردیلر . بناء علیه ؛ صباح وقتی نادم اولدیلر . ]

﴿ فَآخَذَهُمُ الْعَذَابُ ﴾

[ دوهی اولدورنجه آنلری عذاب اخذ ایتدی ، هلاك اولدیلر . ]

یعنی ؛ صالح علیه السلامك قومك ايستمدكلى كبی معجزه اولارق طاشدن دوه ظهور ایدنجه حضرت صالح امر الهی ایله مشهور قیونك صوبی نوبته باغلا دی ویدی كه « ايشته شو سزك ايستمدكلى دوهدر و لیکن قیونك صوبندن دوهك برکون صوحی وارد و معین بر كونده سزكدر . بناء علیه ؛ هر کس نوبتی بیلسون و نوبتی تجاوز ایتهرک حقه راضی اولسون و سز دوهیه دوكمك و اولدورمك كبی بر کوتولك ایله طوقونمايك كه سزی بویوك كونك عذابى اخذ ایتسون . » بوقدر تنبیهاتی ديكلمیهرك دوهی اولدوردیلر و عذابك اماره لری کورونمسی اوزرینه صباح وقتی ندامت ایدر اولدیلر و لیکن ندامتلى فائده ایتهدی . چونكه ؛ عذابك اماره سنى مشاهده ایتدیلر . بناء علیه ؛ آنلری عذاب اخذ ایتدی .

كله جك عذابك عظمتنه اشارت ایچون حضرت صالح عذابك كله جکی كونی عظمتله توصیف ایتش و دوهی اولدورونجه در حال عذابك كلدیكنه اشارت ایچون بلا مساعده تعقیبه دلالت ایدن فا لفظيله وارد اولمشدر .

یوم عظیم ایله مراد ؛ یوم قیامت اولق محتملدر . بوكا نظراً عذاب آفرینه نه سید ایتمشدر . یا خود دنیاده آنلره عذابك كلدیكى كوند . بوكا نظراً عذابك شدنه اشارت ایتمشدر . دوهی سیکیرلری کسهرک اولدورن (قدار) اسمنده برکیمسه ايسه ده (قدار) « اولدور » دیدكدر (قدار) « بن اولدورورم ، اكر جمله كز راضی اولورسه كز » دییوب قومك جمله سی « راضی یز » دیملری اوزرینه اولدورمه سنه بناء دوهی اولدورمك قومك جمله سنه اسناد اولونارق (فعقروها) جمع صیغه سیله وارد اولمشدر . حتی مدار كده بیان



اولونديغنه نظراً طول خاتونلرك وعافل چوجقلرك رأينه وارنجيه قدر مراجعت ايدوب  
جمله سنك رأي آلدقدنصكره اولدورمشدر. بناء عليه؛ دوهك اولدورلسنه راضى اولماق  
برفرد بيله قالماسنه بناء دودي جمله سى اولدورديلر دنيلمشدر. ندامتلى عذاب قورقوسنه  
مبنى اولوب توبه اولماديغندن ندامتلى عذابك دفعنه سبب اولامامشدر. ياخود ندامتلى  
توبه ايدى ولكن بو ندامت عذابى مشاهده ايتد كدنصكره اولديغندن قبول اولونامشدر.

﴿إِنَّ فِي ذَلِكَ لَآيَةً وَمَا كَانَ أَكْثَرُهُمْ مُؤْمِنِينَ﴾ وَإِنَّ رَبَّكَ لَهُوَ الْعَزِيزُ الرَّحِيمُ

[ ايسته شوصالح عليه السلامك قومك هلاك اولسنده عقلى اولان انسانلره عبرت  
آمیز علامت ودالات واردر. ] زیرا؛ پیغمبرلرینک نصیحتی دیکله مه ملری هلاک لرینه  
سبب اولدیغندن پیغمبرینک سوزینی دیکله مه من هرملته بو حالک جریان ایده جکنه و طاقبت  
هلاک اولاجغنه دلالت ایدر. [ حالبوکه اکثر انسانلر ایمان ایتدیلر. حییم! سنک  
ربک تعالی قوم نمود کبی ایمان ایتمین دشمنلرینه غالب و ایمان ایدن دوستلرینه  
مرحمت ایدیجیدر. ]

\*\*\*

واجب تعالی بوسورده امتلریله مباحثه لری بیان اولونان انبیاء عظامدن آلتنجیسی  
اولان لوط علیه السلامك مباحثه سنی وقومنه نصیحتی بیان ایتك اوزره ﴿كَذَّبَتْ قَوْمُ  
لُوطٍ الْمُرْسَلِينَ﴾ اِذْ قَالَ لَهُمْ أَخُوهُمْ لُوطُ أَلَا تَتَّقُونَ ﴿ بیوریور.

[ لوط علیه السلامك قومی رسوللری تکذیب ایتدیلر شول زمانده کی اوزمانده  
برادرلری لوط آنلره «اللهدن قورقماز ونفسکزی کناهرلدن صاقینمازمیسکزی؟»  
دیدى [ وسوزینه شونی ده علاوه ایتدی :

﴿إِنِّي لَكُمْ رَسُولٌ أَمِينٌ﴾ فَاتَّقُوا اللَّهَ وَأَطِيعُوا

[ «سوزمی دیکله یك. زیرا؛ بن سزه امین بر رسولم، بناء عليه؛ اللهدن قورق  
وبکا اطاعت ایدک. ] عالمده هیچ بر کیمسه نك ارتکاب ایتدیکی لواطه کبی فنا بر فعلی  
ارتکاب ایتیهک. اگر بوفعلکزدده دوام ایدر سه کز هلاک اولورسکزی و بن سزه منفعتکزی

کوستریورم. دیکله یك بنی، واز یك عذابکزی موجب اولان افعالکزدن وغضب الهیدن  
نفسکزی صاقینک. »

﴿وَمَا أَسْأَلُكُمْ عَلَيْهِ مِنْ أَجْرٍ إِنْ أَجَرِيَ إِلَّا عَلَى رَبِّ الْعَالَمِينَ﴾

[ « حالبوکه بوتبلیم اوزرینه بن سزدن اجرت ایسته م. زیرا؛ اجرت عالمک ربی  
اوزرینه در » دیمکله لوط علیه السلام قومنه تبلیغانده بولوندى. ]

\*\*\*

واجب تعالی حضرت لوطك قومك فنا فعللرینی انکار صورتیله ایراد ایتدیکی  
سوزلرینی بیان ایتك اوزره ﴿آتَاوُنَا الذُّكْرَ إِنْ مِنَ الْعَالَمِينَ﴾ وَتَذَرُونَ مَا خَلَقَ  
لَكُمْ رَبُّكُمْ مِنْ أَنْفُسِكُمْ بَلْ أَنْتُمْ قَوْمٌ عَادُونَ ﴿ بیوریور.

[ « ای قوم! سز عالمک جمله سندن اولان ارککلره لواطه ایدرده ربکزک حلال  
اولارق سزک ایچون خلق ایتدیکی زوجهلریکزی ترک می ایدرسکزی؛ بلکه سز ظلم  
وتعدی ده حدینی تجاوز ایدن بر قوم سکزی. ] زیرا؛ هم نفسکزه همده غیرلره ظلم  
ایدیورسکزی. چونکه؛ عالمده امثالی سبق ایتدک چیرکین بر فعلی ارتکاب ایدرسکزی که  
اللهدن قورقادیغکز کبی قوللردن ده اوتانمیورسکزی » دیمکله قومی تکدیر ایتدی.

بوآیت قادینلره دخی لواطه نك حرمتنه دلالت ایدر. چونکه ﴿من ازواجکم﴾  
لفظنده بولان ﴿من﴾ بعضیه معناسنه دلالت ایتدیکنه نظراً معنای آیت: [ سز ارککلره  
لواطه ایدر وربکزک سزک ایچون خلق ایتش اولدینی زوجهلریکزدن بعض اولان محل  
مباحی ترک ایدرده مباح اولمایان محله می اتیان ایدرسکزی؟ ] دیمکدر که قوم لوطك زوجهلرینه  
لواطه ایتدکلرینه تعریض و آنلری تویخدر. بناء عليه؛ رجاله لواطه حرام اولدینی کبی  
ولوسه کندی حرمی اولسون نسوانه دخی لواطه نك حرام اولدیغنه دلالت ایدر.

\*\*\*

واجب تعالی لوط علیه السلامك شو نصیحتنه قارشى قومك سوبلدکاری سوزلرینی



حکایه ایتک اوزره ﴿ قَالُوا لَئِنْ لَمْ تَنْتَهِ يَا لُوطُ لَتَكُونَنَّ مِنَ الْخَاسِرِينَ ﴾ بیوریور.

[ لوط علیه السلام قومی دیدیلرکه « یالوط ! اکر سن بزم فعلمزی انکارده دوام ایدر و طعن ایتمکدن واز کچمزه سکه البته سن قریه دن چیقاریلانلردن اولورسک. ] زیرا ؛ سن بزم طعن ایتمکده دوام ایدر سکه البته بزمی قریه دن نفی ایدرز» دیمکه تهدید ایتدیلر. یعنی ؛ لوط علیه السلام قومی مبتلا اولدقلری فنا فعلدن شدله منع ایتمکه چالیشجه آنلره اصلاً تأثیر ایتدیکی کبی شدتلی تهدید. قالدیلر و « یالوط ! واز کچ بزم مداخله دن. اکر واز کچمزه سکه البته سن قریه دن چیقاریلانلردن بری اولورسک. زیرا ؛ سن بزم طعن ایتمکده دوام ایدر سکه بزمه سنی بولده ده دور دورمايز» دیدیلر و مقتدر اولورلر سه قریه لرندن نفی ایتمکه قرار ویردیلر. چونکه آنلرک عادتلری ؛ سومدکلری کیمسه یی قریه لرندن نفی ایتک اولدیغه بوایت دلالت ایدر. زیرا ؛ « بزمی چیقاریرز » دیمدیلر، بلکه « قریه دن چیقاریلانلر وار، سن ده آنلردن اولورسک » دیدیلر. بناء علیه ؛ بوندن اول قریه لرندن چیقاردقلری کیمسه لر اولدیغه اشارت ایتشلردر. شو حالده انسانلرک مقتدر اولدقلری صورتده سومدکلری کیمسه یی نفی ایتک یکی ایجاد اولونمش برشی دکل بلکه اسکی بر طاعتدر.

\*\*\*

واجب تعالی قومنک تهدیدینه قارشی حضرت لوطک جوابی بیان ایتک اوزره ﴿ قَالَ إِنِّي لِعَمَلِكُم مِّنَ الْقَالِينَ ﴾ بیوریور.

[ لوط علیه السلام قومنه خطاب ایدرک « بن سزک عملکزه بغض ایدنلردنم » دیدی. ] وربسنه النجا ایدرک دیدی که :

﴿ رَبِّ نَجِّنِي وَاهْلِي مِمَّا يَعْمَلُونَ ﴾

[ « یاربی ! بنی و اولاد و عیالی آنلرک عمللرندن خلاص ایت » دیمکه ربسنه النجا ایتدی ]

﴿ فَنجَّيناهُ واهله أجمعين ﴾ إلا نجوزاً فی الغابرین ﴿

[ لوط علیه السلام بو مناجاتی اوزرینه بزم عظیم الشان لوطه و اولادینک جمیعسنه

نجات ویردک و آنلره نازل اولاجق عذابدن خلاص ایتدک ، الا لوطک حریمی بر قوجه قالدین آنلرک عمللرینه راضی اولمسنه بناء عذابده باقی قالمسی مقدر اولدیغندن عذاب اولونا جقلر ایچنده قالدی. ] چونکه کنانه رضا ؛ عین کنانه اولدیغندن اوفعلک فاعللری ایله برابر جزایه مستحق اولدی. بناء علیه ؛ هلاک اولانلر ایچنده قالدی و عذابدن قورتولمادی. قالی ، شمرتم بغض ایتدی معناسنهدر. یعنی « بن سزک عملکزه شدتله بغض ایدنلردنم. بناء علیه ؛ بن سزک عملکزه بغض ایتمکدن و سزنی منعه چالیشمقدن واز کچم. زیرا ؛ عملکزه هر زمان بغض ایتمکه لایقدر و سزده الکزدن کلنی کیری قویماک » دیمک ایسته دی. غابرین ؛ کیری ده قالدیلر و هموکلری مقدر اولانلر دیمکدر. بناء علیه ؛ حضرت لوطک حریمی لوطه برابر یوله چیقما یوب قریه ده قالدیغه آیتده دلالت واردر. چونکه ؛ قومک عملنه راضیه و آنلری سور و حضرت لوطه بغض واذ ایتمکدن ده کیری طورمازدی. هر کسک سودیکی کیمسه ایله حشر اولونا جغه بناء سودکلری ایله برابر قالدی و آنلره برلکده هلاک اولدی. کرچه حضرت لوطک حریمی ایسه ده نورنبوتدن استفاده قابلیتی اولمادیغندن حضرت لوطک فیضندن محروم اولمش و ابداً خسران ایچنده قالدیلر.

\*\*\*

واجب تعالی حضرت لوطه واهله نجات ویردکدن صوکره قومی اهلک ایتدیکی بیان ایتک اوزره ﴿ ثُمَّ دَمَرْنَا الْآخَرِينَ ﴾ وَأَمْطَرْنَا عَلَيْهِمْ مَطَرًا فَسَاءَ مَطَرُ الْمُنْذَرِينَ ﴿ بیوریور.

[ لوط علیه السلام نجات ویردکدن صوکره بزم کیری ده قالدین قومی اشد هلاکله اهلک ایتدک و آنلر اوزینه طاش یاغدیدرک. بناء علیه ؛ لوط علیه السلام طرفندن انذار اولونا نلرک یاغموری نه قدر فنا یاغمور اولدی که آنلرک یاغمورلری هادک خلافته اولدینی جهته عجائی متضمنی بر چیرکین یاغموردی. ] زیرا ؛ آنلر اوزرینه یاغان شی طاش اولدیگی کبی هر کسه اصابت ایدرک طاش ده آنک اسمی یازیلی ایدی و اصابت ایتدیکی درحال اهلک ایدردی. حتی آنلردن مملکت خارجده بولونا نلره دخی اصابت ایتدی.



﴿إِنَّ فِي ذَلِكَ لَآيَةً وَمَا كَانَ أَكْثَرُهُمْ مُؤْمِنِينَ﴾ وَإِنَّ رَبَّكَ لَهُوَ الْعَزِيزُ الرَّحِيمُ  
[ایسته شو قوم لوطك هلا كنده آنردن صكره كلنره عبرت ولواطهك هلا كه سبب اولديغه دلالت واردر . بناء عليه ؛ ادراكی اولانلر بوكی وقوعادن عبرت آلوب متنبه اولملى درلر . حالو كه انسانلرك اكثریسی مؤمن دكلردر . وحییم سنك ربك تعالى لوط قومى كبی امرینك خارجنده حرکت ایدن دشمنلرینه غالبدر و آنلردن انتقامی آلیر ولوط علیه السلام و آكا ایمان ایدن مؤمنلر كبی دوستلرینه مرحمت ایدر وهلاكدن قورتاردر.]

..

واجب تعالى شعیب علیه السلامك قوميله واقع اولان مباحثه سنی بیان ایتك اوزره  
﴿كَذَّبَ أَصْحَابُ آلِ نِيْكَهٍ الْمُرْسَلِينَ﴾ إِذْ قَالَ لَهُمْ شُعَيْبٌ أَلَا تَتَّقُونَ ﴿ إِنِّي لَكُمْ رَسُولٌ أَمِينٌ ﴿ فَاتَّقُوا اللَّهَ وَأَطِيعُوا أَمْرًا وَمَا أَسْأَلُكُمْ عَلَيْهِ مِنْ أَجْرٍ إِنْ أَجْرِيَ إِلَّا عَلَى رَبِّ الْعَالَمِينَ﴾ بیوریور .

[ اصحاب ایكه رسوللری تكذیب ایتدیلر شول زمانده كه اوزمانده شعیب علیه السلام آنلره دیدی كه « اللهدن قورقازمیسكز ؟ نه ایچون کیله كزده و ترازو كزده حقدن آریلیر و خلقك حقنی نقصان ویررسكز . بنم سوزمی دیکلهيك ، اللهدن قورقك و بكا اطاعت ایدك . زیرا ؛ بن سزه محقق طریق السهیدن كلش امین بر رسولم . سزه منفعتكزی تبلیغ ایدرم . حال بویه اولونجه اللهدن قورقكز و بكا اطاعت ایتكز واجبدر . حال بوكه شو تبلیغ اوزرینه بن سزدن اجرت ایستهم . زیرا ؛ بنم اجرتم عالمك ربی اوزرینه در . چونكه ؛ آنك طرفندن سزه احكامنی تبلیغه مأمورم » دیمكه ( ایكه ) اهاالیسنه تبلیغاته بولوندى .

ایكه ؛ بیضاویك بیانی وجهله میده هوارنمه میده آغاهلریله اورمانلر بر محله . مدین اهاالیسیله نسبه مناسبتری اولمادیغندن شعیب علیه السلامه آنلرك قارداشلری دنیلمه میشدر . جناب حق حضرت شعیبی ( مدین ) اهاالیسنه رسول قیلدینی كبی ( ایكه )

اهالیسنه دخی رسول قیلمشدی . چونكه ؛ مدین اهاالیسی كبی ایكه لیلرده کیله و ترازو لرنده نقصان ویرمكه باشلا دقلرندن واجب تعالى حضرت شعیبی هم ( مدین ) . وهمده ایكه به رسول كوندردی و آنلری اصلاحه مأمور ایتدی و شعیب علیه السلامده وظیفه سنه باشلا دی و آنلره رسالتنی تبلیغ ایتدی و اتقا و اطاعته دعوت ایتدی و دیدی كه :

﴿أَوْفُوا الْكَيْلَ وَلَا تَكُونُوا مِنَ الْخُسْرَيْنِ﴾

[ « سز کیله كزی تام اولچك و سز اولچكده نقصان ویرلردن اولمايك . » ]

﴿وَزِنُوا بِالْقِسْطَاسِ الْمُسْتَقِيمِ﴾

[ « مستقیم و طوغرو اولان ترازو ایله طارتك و نقصان ترازو ایله طارتمايك . » ]

﴿وَلَا تَبْخَسُوا النَّاسَ أَشْيَاءَهُمْ﴾

[ « وناسك ماللرینی فیئانندن آشاغی قیروب قیمنتدن نقصان اولارق آلقله حقلمی ضایع ایتميك . » ]

﴿وَلَا تَغْنَوْا فِي الْأَرْضِ مُفْسِدِينَ﴾

[ « ویر یوزینی افساد ایدر اولدیغكز حالده فساده سعی ایتميك . » ]

﴿وَاتَّقُوا اللَّهَ الَّذِي خَلَقَكُمْ وَالْجِبِلَّ الْأُولَى﴾

[ « وشول ذات اجل واعلايه اتقا ایدك كه اودات سزی و سزدن اول كچن بابالریكزی و سائر انسانلری خلق ایتدی . شو حالده آنك عذابندن نفسكزی صاقینك » دیدی . ]  
یعنی ؛ شعیب علیه السلام رسول اولدینی ایكه اهاالیسنه درت نوع تبلیغاته بولوندى :

برنجیسی ؛ کیده كزی تام اولچرايه و برك و نقصانه ویرميك كه ناسك حقوقه تجاوز ایتميكز و طوغرو ترازو و قنطارله طارتك كه ناسه خیانتك ایتمه اولميكز ، ایكنجیسی ؛ ناسك ماللرینك زرضنی آشاغی ایندیرميك یعنی مملتك حقوقنی هیچ بردهمده نقصانه ایتميك و هیچ برصورتنه تجاوزنمه بولونمايك ، اوچنجیسی ؛ بر یوزینی افساد ایتميك دیدی . یعنی



« یول کسمک وغیرک مالی نهب و غارات ایتک واکینلرینی و سائر حاصلاتلرینی حیواناته بیدیرمک و آغاجلرینی کسمک کی فسادادن واز کچک » دیمشدر. دردنجیسی؛ اتقا ایله امرور. بوامر؛ اولکی و صایانک جمله سنه شامل و آنلرک روحی مثابه سنه در. چونکه اتقا؛ بالجمله فرائض و واجباتی ادایه و بالعموم محرمانی ترک و اخلاق حمیده نک جمله سنی التزامه شامل اولدیغندن اتقا ایله امر جمله سنی جامعدر. بناء علیه؛ حضرت شعیب بوندن اولد قومه تبلیغ ایتدیکی اوامر و نواهینک خلاصه سنی مثابه سنه اولان اتقا ایله سوزینه ختام ویردی.

بوآیتده تام اولچمک و طارتمقله امر؛ وجوب افاده ایتدیکنندن نقصان ویرمه نک حرام اولدینی ثابت اولمشدر. زیرا؛ وجوبی ترک ایتک حرامدر. كذلك نقصانده نهی واقع اولوب نهی ده حرمت افاده ایتدیکنندن نقصان ویرمکه خلقک حقوقنه تجاوزک حرام اولدینی ایکی جهتله ثابت اولمش و حرمتی تأکید اولونمشدر. بالکمز کیله ده و ترازوده زیاده ویرمک خصوصنه دائر برشی وارد اولماش ایسه ده فخر رازی و مدارکده بیان اولوندینی وجهله برکیسه کندی رضاسیله کیله ده و ترازوده زیاده ویریرسه ایلیک ایتش اولدیغندن جائزدر. چونکه؛ رضاسیله مالی آخره ویرمکدن هیچ برکیسه ممنوع دکلدر. اما نقصان ویرمک غیرک حقنه تجاوز اولدینی جهتله بغیرحق غیرک حقونه تجاوزدن هرکس ممنوعدر. زیرا؛ انسانلرک مشروع اولان هر حقلمی محفوظدر. بناء علیه؛ برکیسه نک اذنی اولمق سزین آنک ملککنده و سائر حقوقنه باشقه برکیسه نک تجاوزی و تصرفی و مداخله سی جائز اولاماز. كذلك حضرت شعیب فساددن نهی ایله بوتون انسانلرک ضرردن محفوظ اولملری اصولی و اهالی بیننده انتظامی تأسیس ایتک ایسته مشدر. کرچه شوا حکام؛ شعیب علیه السلام دن حکایه اولونمش ایسه ده بزه ده عین شریعتدر. چونکه؛ جناب حقک قرآنده و رسولنک حدیثنده بیان ایتدکلری انبیاء سابقه نک شریعتلری بزه ده عین شریعت اولدینی قواعد شرعیه مزاقضاسنددر. بناء علیه؛ شعیب علیه السلام ک شوتبلیغاتی بزم ایچون شریعت اولوب و موجیله عمل واجبدر. چونکه الله تعالی نک قرآنده بزه بیانی بزم ایچونده امردر. خلاصه؛ معاملات ناسده کیله بی تام اولچمک و ترازوده تام طارتمق واجب اولوب نقصانی حرام اولدینی و بومثللو حقوق ناسی ارتکاب ایدن کیسه نک عاقبتی برباد اولاجنی

وناسک مالنک نرخنی آشانی تنزیل ایتک جائز اولمادینی ویر یوزنده هر صورتله افساد و خلقی راحتسز ایتک من کل الوجوه ممنوع و جهله انسانلرک خالق تعالی به اتقاری واجب اولدینی بوآیتلردن مستفاد اولان فوائد جمله سنددر.

\*\*\*

واجب تعالی حضرت شعیبک شونصیحتلری اوزرینه قومنک جوابلرینی بیان ایتک اوزره ﴿ قَالُوا إِنَّمَا أَنْتَ مِنَ الْمُسَحَّرِينَ ﴾ بیوریور.

[ ایکه اهالیسی شعیب علیه السلام ک شو نصیحتی اوزرینه دیدیلرکه « یا شعیب! سن آنجق سحر اولونمش و سحرله عقلی بوزولمش کیسه لردنسک ». ]

﴿ وَمَا أَنْتَ إِلَّا بَشَرٌ مِّثْلُنَا ﴾

[ « حالوکه سن بزم کی بشرسک و سنده بشریت صفتندن باشقه بر صفت یوقدر. شو حالده بزم اوزریمزه مزیتک نه درکه رسالت دعواسنده بولونورسک. زیرا؛ سحرله عقلک مختل اولمسی رسالت منافی اولدینی کی بشریتک دخی رسالت منافیدر. » ]

﴿ وَإِنْ أَنْظَرْنَاكَ لِمَنِ الْكَاذِبِينَ ﴾

[ « و بزم سنی محقق یالانجیلردن ظن ایدرز. بناء علیه؛ سوزیکه اینانامیورز. » ]

﴿ فَاسْقِطْ عَلَيْنَا كِسْفًا مِّنَ السَّمَاءِ إِن كُنتَ مِنَ الصَّادِقِينَ ﴾

[ « شو حالده اگر سن طوغرو سویله یئلردن ایسه ک اوزریمزه سمان برپارچه دوشور و بزی اهلاک ایت » دیمکه عنادلرینی اظهار ایتدیلر. ] چونکه؛ شعیب علیه السلامه یالان اسناد ایدنجه حضرت شعیبک سمان عذاب کله جکفی بیانله تهدید ایتسی اوزرینه « سوزک طوغروایسه سمان برپارچه دوشورده بزی اهلاک ایت » دیهرک استهزا ایتدیلر. انسانلرده مألوف اولدکلری عادتلرینک خلافی سویله ین کیسه بی تکذیبله افترا ایتک عادت حکمنده اولدیغندن اکثر انبیانک امتلری، نیدارینی سحرله و یالانله و بشریتک رسالت منافی اولمسیله مدافعه و اتهام ایتشلردر. حضرت شعیبک قومی ده عین مسلکی تعقیب ایتدکلرینی



جذاب حق بو آیتله بیان بیورمشدر . چونکه ؛ انسانلر آرزولرینک خلافتی قبولدن دأما استنکاف ایدرلر . بو حال امت محمدده دخی جاریدر . بناء علیه ؛ تا عصر سعادتدن زمانمزه کلنجه یه قدر احکام شرعیه نك سفاهتدن منع ایدن احکامنه اعتراض ایدنلردن هیچ خالی قالماش ولیکن هیچ تأثیری ده اولمامشدر واولاماز . چونکه ؛ قانون الهی یی تغییر ایتمک هیچ کیمسه نك حدی دکدر ، مکر کندی تغییر ایده . اما احکامیه عمل ایدنلر آزالیر ویا چوغالیر . بو جهت شریعتک متانتنه خلل کتیرمز . زیرا ؛ احکامیه عمل اختیاریدر . توفیقه مظهر اولانلر عمل ایدر ، توفیقه مظهر اولمایانلر بر طاقم شیطانک وسوسه سیله اوهام وخیالاته صابیشیر . چونکه ، شیطانک ده نصیبی وار ، جهنمک ده انسانلردن قسمتی واردر . بناء علیه ؛ اراده سنی خیره ویا شره صرف ایدنلر الی یوم القیام بولونا جقدر .

\*\*\*

واجب تعالی شعیب علیه السلام قومنک ایمانندن مایوس اولونجه ربسنه التجا ایتدیکنی بیان ایتک اوزره ﴿ قَالَ رَبِّیْ اَعْلَمُ بِمَا تَعْمَلُوْنَ ﴾ بیوریور

[ شعیب علیه السلام قومنک ایمانندن مایوس اولونجه ربسنه عرض حاجات ایتدی و دیدی که « بنم ربم ! سزک عمالکزی بیلیر و عمالکزه کوره جزا ویرر » . ]

﴿ فَكَذَّبُوْهُ ﴾

[ بو سوز اوزرینه آنلر شعیب علیه السلامی تکذیب ایتدیلر . ]

﴿ فَآَخَذَهُمْ عَذَابُ یَوْمِ الظُّلَّةِ ﴾

[ بناء علیه ؛ آنلری کولکه لی کونک عذابی اخذ ایتدی . ]

﴿ اِنَّهُ كَانَ عَذَابَ یَوْمٍ عَظِیْمٍ ﴾

[ زیرا ؛ او کونک عذابی بویوک بر کونک عذابیدر . ] بو سوزیله آنلره کله جک عذابک پک بویوک اولدیغنی بیان ایتدی .

فخر رازینک بیانی وجهله اصحاب ایکه رسوللرینی تکذیبده دوام ایدنجه حضرت

شعیب جناب حقه تفویض امور ایتدی و عذابلرینک وقت مرهونی کلنجه یدی کون بونلر اوزرینه صیجاق شدتلندی . حتی اوقدرکه حرارتدن آقان صولر قاینادی و روزگار اسمدی ، طاقتلری کسیدلی و طاغله سرینک آرامق ایچون التجا ایتدیلر . یدنجی کون واجب تعالی سیاه بر بلوط خلق ایدر وهرکس آنک کولکه سنه جان آتار وجهه سی بلوطک آلتنه جمع اولونجه بلوطدن آتش یاغار وجهه سی هلاک اولور . چونکه ؛ سمان بر پارچه اینسنی ایسته دیلر وایسته دکلری وجهله سمان اینن آتش پارچه سیله هلاک اولدیلر . زیرا ؛ بوسوزدن مقصدلری استهزا اولدیغندن استهزالی کندی آیاقلرینه دولاشمش و استهزا ایتدکلری شیله عالم دنیا یه فجیع بر صورتده وداعله جهنمک یولنه روان اولمشلردر . بناء علیه ؛ حضرت شعیبک مبعوث اولدیغنی ایکی قبیله دن (مدین) اهالیسی جبریلک صیحه سیله و (ایکه) اهالیسی ده سمان اینن آتشله هلاک اولمشلردر .

بو سوره ده رسول الهی تسلیه ایچون بیان اولونان بعض انبیانک وقایع مهمه لری نهایت بولدی وجهله سنک آخرنده جناب حق بووقعه لرده امت محمد ایچون عبرت اولدیغنه تنبیه ایتمکه برابر بو هلاک اولانلرک هلاکلری کناهرلندن نشأت ایتدیکنی بیانه اهل نجومک سوزلرینی دخی رد ایتمشدر . چونکه ؛ آنلر بو کبی حوادثلری ییلدیزلره نسبت ایدر و بعض ییلدیزلرک بعض آخره تماسی ویاخود بعض ییلدیزلرک بعض بر جده بولونمسنی سبب عد ایدرلر . حالبوکه بو فکرک بطلانی ظاهر در . چونکه ؛ اکر ییلدیزک تأثیریه اولسه او ییلدیز بولوندیجه او اثرک بولونمسی لازم کلیر . حالبوکه امر بالعکسدر . چونکه ؛ ییلدیز وار ، تمامی وار فقط اثر یوقدر .

هموکلری بلوطک کولکه سی آلتنه اولدیغندره اوکونه یوم الظله دیمشدر . چونکه ظله ؛ کولکه معناسه در .

﴿ اِنَّ فِیْ ذٰلِكَ لَاٰیَةً ﴾

[ ایشته شوایکه اهالیسنک بلوطدن نازل اولان صاعقه وامثالی آتشلره هلاکرنده قدرت الهیه یه دلالت ایدر علامت عظیمه واردر . ] چونکه ؛ بلوطک شانی رطوبت ویاغموور یاغدیرمق ایکن بالعکس یاغموورک ضدی اولان آتشک یاغمسی البته علامت عظیمه در



و بونك اوفاجق موده لی هر زمان کور و لمکده در که کور و اتولی و یا غمورلی هوالده اینن صاعقه لر ایکه اها لیسنه یاغان آتشک بر نمونه سیدر . بناء علیه ؛ بوکبی خارقه لر قدرة اللهه نسبتله غایت اهو ندر . او حالده انسانلر قصورینی اعتراف ایدهرک دائما جناب حقه غضبندن رحمتنه و عنایتنه التجا ایتلیدر .

﴿ وَمَا كَانَ أَكْثَرُهُمْ مُؤْمِنِينَ ﴾

[ حالبوکه اکثر انسانلر ایمان ایتزلر . ]

﴿ وَإِنَّ رَبَّكَ لَهُوَ الْعَزِيزُ الرَّحِيمُ ﴾

[ حییم ! سنک ربک تعالی دشمنلرینه غالبدر و دوستلرینه مرحمت ایدر . ]

واجب تعالی بوسوردهده انبیاء عظام حضر اتنک وقایع مهمه لرندن بعضیلرینی بیاندنصکره بووقوعاتلرک حق اولوب قرآنک معجز و فخر کائناتک نبوتی صادق اولدینی بیان ایتمک اوزره

﴿ وَإِنَّهُ لَتَنْزِيلُ رَبِّ الْعَالَمِينَ ﴾ بیوریور .

[ قرآن ؛ عالمک ربسنک ایندیردیکی بر کتابدر . ]

﴿ نَزَلَ بِهِ الرُّوحُ الْأَمِينُ \* عَلَى قَلْبِكَ لِتَكُونَ مِنَ الْمُنْذِرِينَ ﴾

[ او قرآنله حییم ! جبریل امین سنک قلبک اوزرینه نازل اولدی که سن امتلرینی انذار ایدن انبیاء عظام زمره سیندن اولاسک . ]

﴿ بَلِلسَّانِ عَرَبِيٍّ مُبِينٍ ﴾

[ او قرآنی ربک تعالی آجیق و آکلا شلمسی غایت قولای لسان عربی ايله انزال ایتدی . ]

﴿ وَإِنَّهُ لَفِي زُبُرِ الْأَوَّلِينَ ﴾

[ و قرآنک حییم سکا انزال اولوناجنی سنک اوصافکه برابر اول کچن انبیانک کتابلرنده مذکوردر . ]

یعنی ؛ واجب تعالی شو سوردهده بیان ایتدیکی وقوعاتلرله نبوت محمدیهنی تصدیق و تأیید ایتشددر . زیرا ؛ قرآنک عالمک ربسی طرفندن انزال اولوندیغنی و جبریل امینک قرآنله نازل اولدیغنی و رسول اللهک امتلرینی انذار ایدن انبیاء زمره سیندن بولوندیغنی بیان ؛ قرآنده شو بیان اولونان قصه لرک طرف الهم سیندن انزال اولوندیغنی و قرآنک انزال اولوناجنی کتب سابقهده مذکور اولدیغنی و حالبوکه رسول اللهک بر کتاب مطالعه ایتمکسزین و بر معلمدن تعلم ایتمدن عینله و قوطانی خبر و یرمسی مؤید من عند الله اولدیغنی بیان ایتمکدر . قرآنک ، انسانلرک تربیه سنه کافی اولدیغنه اشارت ایچون عالمک ربسی طرفنده نازل اولدیغنی بیان ایتشددر . فقط قرآنک رسول الله واسطه سز نازل اولقی احتماله بناء واسطه ايله نازل اولدیغنی بیان ایچون واجب تعالی « حییم ! سنک قلبکه قرآن ، روح امین اولان جبریل ايله نازل اولدی » بیورمشدر . جبریل امین ناسک امور دینره بجا ایلرینه سبب اولاده و همه مؤکل اولدیغنی هر هنر حیات دینره و سید اولاده روح متابع سنره اولدیغنره جبریل روح امین دینشددر . انبیاء کرامده واجب تعالی آرمنده جبریله اینه امانت اهل اولدیغنره جبریل علیه السلام امین عنوانی احرار ایتشددر . قرآنک رسول اللهک قلبنده اصلا تغیر قبول ایتزددرجهده موثوق اولدیغنه اشارت ایچون رسول اللهک قلبنه نازل اولدیغنی بیان اولونمشدر . مکالمه به مخاطب اولان قلب اولوب سائر اعضا قلبه مطیع اولدیغنه اشارت ایچون قرآنک جبریل واسطه سیله قلبه انزال اولوندیغنی بیان اولونمشدر . چونکه ؛ بیضاوینک بیانی وجهله معانی قیلندن اولان شی اولا روحه و روحدن صکره قلبه انتقال ایدر . زیرا ؛ قلبه روح بیننده تعلق واردر . بعده قلبدن دماغه عکس ایتمکه دماغه نقش ایدر .

قلبک مخاطب اولمسی بوآیت و بونک امثالی آیتلرله واحادیث نبوی ايله وعقلک دلالته ثابتدر . زیرا ؛ جناب حق قرآنک قلب اوزرینه نازل اولدیغنی بوآیتده بیان ایتدیکی کبی دیگر آیتلرده قرآندن متأثر اولاجق قلب اولدیغنی دخی بیان ایتشددر . رسول الله بر حدیثنده « آگاه اولاک ! بدننه برأت پارچه سی واردر . اکر اوأت پارچه سی صالح اولورسه بوتون اعضا صالح اولور و اکر اوأت پارچه سی فاسد اولورسه بوتون اعضا فاسد اولور » بیورمشدر . ایشته بوحدیثده ادراکک محلی قلب اولدیغنه دلالت ایدر . قلبک مخاطب اولمسنه عقلک دلالته کلنجه ؛ قلب ؛ انسانک غموم و هموم و فرح و سرورینک محلیدر . بناء علیه ؛



قلبه فرح اولورسه بوتون اعضا فرحلی ونشاطلی اولور واکر قلبد کدر اولورسه جمله اعضاده کدر اولور واحوال تبدل ایدر. شو حالده قلب جمله اعضانک رئیس و مکلف اولان خطاب الهی بی ادراکک محلیدر. کرچه «عقلک معدنی دماغدر» دییه نلر وارسه ده اصح اولان عقلک معدنی قلبدر، دماغ؛ قلبک آلتیدر. قلبک عقله معدن وادراکه منبع وسائر اعضانک امیری اولمسنه وجودک اورته سنده بولمسی و سائر اعضایه وجودده جریان ایدن قانلری تقسیم ایتسی دخی دلالت ایدر. چونکه؛ حکمدارلر ووالیرلر حکم ایده جکی مملکتک اورته سنده بولونمق عادتدر. وسطده بولونمق هر طرفه حکمده واسرلری نشر وتعمیمده قولایلق اولدینی کبی کندیسیده آفادن و دشمنک تعرضدن سالم اولور. اما حکمانک دیدیکی کبی اکر عقلک معدنی دماغ اولسه دماغ اقلیم بدنک برطرفنده بولوندیغندن دماغک محلی رئیسک اقامت ایده جکی بر محل دکدر.

«معدن عقل؛ دماغدر» دییه نلرک دلیللری اوچر: برنجی دلیللری؛ مواسم ظاهره نلرک منفذلری دماغه اولمسیدر. اهل شرع طرفندن «حواسک دماغه خادم اولوب دماغده قلبه خادم اولمسیله» جواب ویرلشدر. یعنی هر نه قدر حواسک یعنی کوز، قولا، اغز، بورون و بونلرک دلیکلری دماغه طوغرو کیدوب ادراک ایتدکلری شیلری دماغه کوتوریورلرسه ده دماغک تمامیه حاکم اولمسنه دلالت ایتیز. زیرا؛ بونلر دماغه خادم، دماغده بونلردن آلدینی معلوماتی قلبه ویرمک صورتیه قلبک خادمیدر. بناء علیه دماغ؛ قلبک باش وزیری مقامنده در.

ایکنجی دلیللری؛ حرکات اختیاریه آلت اولور اعصابک دماغه نافذ اولوب دماغه نرابت بولمسیدر. بوکا اهل شرع طرفندن «قلب ادراک ایتش اولدینی شینک اثرینی دماغه ویرر و دماغده کندینه نافذ اولان اعصاب واسطه سیله اعضایی تحریک ایدر. دماغک اعضایی تحریکه واسطه اولسی محل ادراک اولمسی ایجاب ایتیز» دیمکه جواب ویرلشدر. چونکه تحریکک سببی دماغه کوندرن؛ قلبدر.

اوچنجی دلیللری؛ دماغه آفت اصابت ابرجه عقلک محفل اولمسیدر. بوکاده اهل شرع طرفندن «قلبک سائر اعضاده تأثیرینک شرطی دماغک سلامتیدر. زیرا دماغ؛ قلبک ادراک کنه واسطه در» دیمکه جواب ویرلشدر. بناء علیه؛ عقلک محلی دماغ اولمسنه

دائر حکمانک دلیللری مجروحدر. عقلک محلی قلب اولدیغه قرآن واحادیث شریفه وادله عقلیه دلالت ایتمکده در. شوقدرکه ادراکده دماغک دخی مدخلی وارددر. زیرا؛ بر حکمدارک ندیم خاصی او حکمدارک امور خصوصنی آکلامقده اجنبی کبی اولاماز. شو حالده دماغ، قلبه خادم اولدینی جهته قلبک ادراک ایتدیکی برچوق شیلری ادراک ایتدیکی کبی برچوق شیلری ده قلبه عکس ایتدیرر. بناء علیه؛ دماغده ادراک کدن خالی دکدر. قلبک وجود انسانده حاکم اولدیغه فن تشریح دخی دلالت ایتمکده در. زیرا؛ انسانک وجودندن اول میدان ککل جزؤک قلب اولدینی کبی اک صکره روحدن افتراق ایدن ده قلبدر. شو حالده اول وجود بولوب اک صکره حیاتدن آیرلمسی ده قلبک اقلیم بدنده حاکم اولمسنه دلالت ایدر.

\*\*\*

واجب تعالی رسولنک صادق اولدیغه دلالت ایدن ایکنجی بردلیلی بیان ایتمک اوزره

﴿أَوَلَمْ يَكُنْ لَهُمْ آيَةٌ أَنْ يَأْتِيَ الْبَنِي إِسْرَائِيلَ﴾ بیوریور.

[مشرکرک حالا شبهه ایدیورلرده بنی اسرائیل علماسنک رسول اللهی صقیله بیلملری آنلره دلیل وعلامت اولمادی بنی اسرائیل علماسنک رسول اللهک حقا رسول اولدیغنی طائیلری مشرکره دلیل بونندن کافی کلدیمی؟]

﴿وَلَوْ نَزَّلْنَاهُ عَلَىٰ بَعْضِ الْأَعْجَمِينَ﴾ فقر آه علیهم ما کأنوا به مؤمنین

[واکر بز قرآنی عربک غیری بعض عجم اوزرینه انزال ایتش اولسه قده اوبعض عجمی مکه اهالیسی اوزرینه قرآنی قرئت ایتسه ایدی آنلرینه قرآنه ایمان ایدر اولمادیلر.] زیرا؛ لغت عربک غیری برلسان ایله اولدیغندن «بز معناسنی بیلمیورز. بناء علیه؛ ایمان ایده مهیز» دیرلردی.

یعنی؛ مکه اهالیسنک ایمان ایتدکلری تمرلرندندر. چونکه؛ یهود علماسنک تور ائده کوردکلری اوصاف اوزره رسول اللهی بیلملری و (عبدالله بن سلام) کبی بعضیلرینک ایمان ایتسی حضرت محمدک حقا بنی اولدیغه دلالت یونندن کافیدر. بو دلالت قناعت ایتمین هر دورلو دلیل دخی قناعت ایتیز. حتی بز قرآنی رسول اللهک و عربک غیری خلاصة البیان: اون برنجی جلد - ۶



ملتدن برکیمسه اوزرینه انزال ایتسه کده اوکیمسه قرآنی کندی لسانیه بونلر اوزرینه قرائت ایتسه ایدی بونلر کرک قرآنه وکرک قرآنی انزال ایتدیکمز کیمسه ایمان ایدیچی اولمادیلر .

﴿كَذَلِكَ سَلَكْنَاهُ فِي قُلُوبِ الْمُجْرِمِينَ لَا يُؤْمِنُونَ بِهِ حَتَّى يَرَوُا الْعَذَابَ الْأَلِيمَ﴾  
[ مؤمنلرک قلبرینه قرآنی ادخال ایتدیکمز کبی مجرملرک قلبرینه دخی ادخال ایتدک . مجرملر عذاب الیمی کورونجهیه قدر قرآنه ایمان ایتزلر و عذابی کورونجه ایمان ایدرلر ولکن اووقته ایمان منفعت ویرمز . ]

﴿فَيَأْتِيهِمْ بَغْتَةً وَهُمْ لَا يَشْعُرُونَ﴾

[ بناء علیه ؛ آنلره عذاب فجئة کلیر . حالبوکه آنلر عذابک کلدیکنی وکله جکنی اصلا ادراک ایتزلر . ]

﴿فَيَقُولُوا هَلْ نَحْنُ مُنْظَرُونَ﴾

[ عذاب کلنجه آنلر کچیرمش اولدقلری ایمانی و عبادتی تدارک ایتک ایچون «بزمهلت اولونورمی یز» یعنی «ایمان ایتک اوزره بزه مساعده اولورمی» دیرلر، فقط فائده ایتمز . ]  
یعنی ؛ بز ایمان ایدن مؤمنلرک قلبرینه قرآنی ادخال ایتدیکمز کبی مجرملرک قلبرینه دخی ادخال ایتدک . زیرا ؛ مؤمنلر اوزرینه قرائت اولوندینی کبی عینیه مجرملر اوزرینه قرائت اولوندی ولکن مؤمنلر صفوت قلبرینه بناء ایمان ایتدیلر، مجرملر ایسه تمدلرینه بناء عذاب الیمی کورونجهیه قدر ایمان ایتزلر . بناء علیه ؛ مجرملر ادراک ایتدکلری حالده آنلره آکسزین عذاب الیم کلیر . آنلرده «بزه مهلت یوقی و آزیحق بر مدت مساعده اولونمازمی» دیرلر .

بعض روایتیه نظراً مکلیلر مدینه ده بولونان یهود علماسنه رسول اللهک احوالی خبر ویرمک ونی اولوب اولمادیغنی تحقیق ایتک اوزره برهیئت کوندردیلر . او هیئت مدینهیه کلوب یهود علماسنه رسول اللهک اوصافی خبر ویرنجه یهود علماسی شمائل نبویهک تورانه

موافق اولوب آخر زمان نیسی اولق احتمالی سوبله مشلر سده مکلیلر قبول ایتدکلری جهته جناب حق بوایتلرله آنلری توبیخ ایتشد .

\*\*\*

واجب تعالی کافرلرک عذاب کلنجه مهلت ایستهیه جکلرینی بیانله توبیخ ایتدیکی کبی عذابی استعجال ایتلریله دخی توبیخ ایتک اوزره ﴿أَفَبِعَذَابِنَا يَسْتَعْجِلُونَ﴾ بیوریور .

[ آنلر عذاب نازل اولونجه مهلت ایستترلرده بزم عذابیزی استعجالی ایدرلر ؟ ]  
مادام که عذاب کلنجه مهلت ایستهیه جکلر، شیمدی نه ایچون استعجال ایدرلر ؟ مساعده ایستهیه جکلری عذابک عجله کلینی ایسته مکده بر معنی یوقدر . چونکه ؛ مشرکلر رسول الله «سعادن کلسون نه کله جکسه، و وعد ایتدیکک عذابی کتیریور سوزک طوغر وایسه» دیرلردی . حالبوکه آکسزین عذاب کلدیکنده مهلت ایستهیه جکلردر . بناء علیه ؛ شو ایکی حالت آده سنده تناقض واردر . چونکه ؛ یا استعجال ایتمه ملی و یا خرد استعجال ایدنجه مهلت ایستهیه ملی در .

﴿أَفَرَأَيْتَ إِنْ مَتَّعْنَاهُمْ سِنِينَ ثُمَّ جَاءَهُمْ مَا كَانُوا يُوعَدُونَ﴾

[ یا اکرملرسل ! آنلر عذابی استعجال ایدرده سن نه دیرسک خبر ویر کوره بیلدیکی، اکر بز آنلره نیجه سنلر عمر ویرسک دنیا نعمتلریله انتفاع ایتسه لر صکره آنلر وعد اولوندقلری عذاب کلدیکنده . ]

﴿مَا أَغْنَىٰ عَنْهُمْ مَا كَانُوا يُمْتَعُونَ﴾

[ آنلرک دنیا ده عمرلری و انتفاعلری آنلره کان عذابی دفع ایدرمی ؟ ] شو حالده بونلره مهلت ویرسک ینه اولاجقلری بودکلی و بوعدا دلرندن واز کچرلرمی ؟ البته کچمز لر . زیرا ؛ بوقدر یا شادقلرنده حاللری نه ایسه مهلت ویرلدیکنده عین حالده بولونا جقلرندن آنلره مهلت ویروب ویرمه مک مساویدر .

﴿وَمَا أَهْلَكْنَا مِنْ قَرْيَةٍ إِلَّا لَهَا مُنْذِرُونَ ذِكْرَىٰ وَمَا كُنَّا ظَالِمِينَ﴾



[ بز هیچ بر قریه اهلینسی اهلک ایتهدک ، الا او قریه اهلینسه وعظ و نصیحت ایتک ایچون آنلری عذابله قورقوتیجی پیغمبرلر واردر . بناء علیه ؛ آنلره طریق حق بیان ایتدی وحقه اتباع ایتمینلری جهنم عذابله قورقوتدی ؛ حالبوکه بز ظلم ایدر اولماق . ]  
چونکه ؛ طریق حق بیان ایدر بر رسول کوندرمکسزین بر قومی اهلک ایتهدک که اهلک اولانلرک اعتذارلری اولماسون . زیرا ؛ رسول کوندرمه دن اهلک ایتمش اولسه ایدک آنلر بزه « طوغری یولی کوستره جک بر رسول کوندرملش اولسه ایدی بز حق قبول ایدروایمان ایدنلردن اولوردق ورسول کوندرمه دن بزى اهلک ایتک ظلمدر » دییه بیلیرلردی ، فقط رسول کوندروب حقه دعوت ایتدیکمز جهنم ظالم اولماق .

خلاصه ؛ مشرکر سنه لرجه معمر اولدقلری حالده ایمان ایتدکلی کبی آنلره تکرار عمر ویرلسه ایمان ایتیه جکلی و صکره وعد اولوندقلری عذاب کلدیکنده آنلرک عمرلری و نعمتلری آنلردن عذاب دفع ایدمه یه جکی و بالعموم اهلک اولونان قریه اهلینسه حق بیان ایدر بر نبی کوندرمکسزین اهلک اولونما دقلری وهر امته ارشاد ایدر بر نینک کلدیکی و هر امته طوغری یولی کوستر نبی کلسنه بناء ایمان ایتمینلر ایچون اعتذار قاپولرینک قاپاندینی و آنلری اهلکده الله تعالی ظلم ایتمش اولمادینبی ، زیرا ؛ کناهلری ایجابی هلاکه مستحق اولدقلری بو آیتلردن مستفاد اولان فوائد جمله سنددر .

\*\*

واجب تعالی قرآنک عالمک ربسی طرفدن نازل اولدینی وکچمش امتلرک کتابلرنده بیان اولوندینی و جهله ائم سالفه نک احوالی بیانله رسولنک رسالتنی تصدیق ایتد کد نصکره مشرکرک « قرآن شیطان طرفدن سویله نور ، محمد ﷺ ده الله تعالی طرفدن کلدی دییه رک بزه خبر ویرر » دیدکرینه جواب اولق اوزره ﴿ وَمَا تَنْزَّلَتْ بِهِ الشَّيَاطِينُ \* وَمَا يَنْبَغِي لَهُمْ وَمَا يَسْتَفْهِمُونَ ﴾ بیوریور

[ قرآنله شیطان نازل اولماز و قرآنله نازل اولق شیطانله لایق اولماز و شیطانلر قرآنی سویلکه قادر اولمازلر . ]

﴿ إِنَّهُمْ عَنِ السَّمْعِ لَمَفْزُولُونَ ﴾

[ زیرا ؛ شیطانلر ایشیتمکدن معزوللردر . ]

یعنی ؛ لفظاً و معنأ معجز اولان قرآنله شیطانلر نازل اولمازلر . زیرا ؛ قرآنک ظاهری و باطنی هدایتدر . شیطانلرک ایسه ایشلری دائماً ضالالتدر . زیرا ؛ نبی آدمی اضلال ایتمکه مشغوللردر . بناء علیه هدایت محضه اولان قرآن ، ایشلری دائماً ضالالت اولان شیطانلر طرفدن القا اولونماز و شیطان طرفدن خبر ویرلسی و شیطانک آنکه نازل اولسی لایق اولماز . زیرا ؛ آنلر قرآنی انزاله قادر اولمازلر . چونکه ؛ آنلر قرآنی ایشیتمکدن ممنوعلردر و آنلرک قرآنی ملکلردن ایشیتملری ملکلرله ذاتلرنده و صفتلرنده مناسبت اولغه محتاجدر . حالبوکه ملکلرله شیطانلر آره لرنده اصلاً مناسبت اولمادیغدن سمان طرد اولونمشلر و قرآنی ایشیتمکدن منع ایدلمشلردر . هدایت وارشاد ؛ طیب نفسدن و تمیز فطرتدن و فضله درایتدن و صفوت خلقتدن نشأت ایدر . حالبوکه شیطانلرک وجودلرنده خبانت و ذکارلرنده حماقت و طبعلرنده خیانت اولدیغدن قوللرک هدایت وارشادینه مخصوص اولان قرآنی نقل و بیانه مقتدر اولامیه جقلرینی جناب حق بوآیتله بیان ایتشددر .

آیت جلیله نک سبب نزولی ؛ کافرلر قرآنه معارضه دن عاجز اولونجه « قرآن بشر کلامی اولماقدن الله تعالی نک کلامی اولق لازم کلز . زیرا ؛ جنیلرک و شیطانلرک کلامی اولوب آنلر طرفدن محمد ﷺ سویله نوب آنکده بزه الله تعالی نک کلامیدر دییه رک دیکه تمک ایسته مسی جائزدر » دیملری اوزرینه آنلری رد ایچون الله تعالی نک بوآیی انزال ایتدیکی مرویدر .

خلاصه ؛ قرآنله شیطانک نازل اولامیه جفی و قرآنک شیطانلرک آغزلرینه لایق اولمادینبی و آنلرک قرآنی رسول الله سویلکه مقتدر اولامدقلری و قرآنی ایشیتمکدن محروم اولدقلری بوآیتدن مستفاد اولان فوائد جمله سنددر .

\*\*

واجب تعالی قرآنی شیطانلرک کتیرمه قادر اولامدقلرینی بیاند نصکره شیطانک انسانلره



الفا ايتديكى شرکك جائز اولماديغنى بيان ايتك اوزره ﴿ فَلَا تَدْعُ مَعَ اللَّهِ إِلَهًا آخَرَ فَتَكُونَنَّ مِنَ الْمُعَذِّبِينَ ﴾ بيورييور .

[يا اكرم الرسل ! سن اللهه برابر معبود آخره دعا ايتمه كه معذب اولانلردن اوليهسك واكر سن معبود آخره چاغيررسكه معذب اولانلر زمهره سندن اولورسك . ]  
يعنى ؛ اى خلقى حقه دعوت ايدن رسول ذى شان ! سن فرد واحد اولان الله تعالى ايله برابر معبود آخره دعا ايدوب چاغيرمه كه انواع عذابه معذب اولانلردن اولما . اكر الله آخره دعا ايدرسك معذب اولانلردن اولورسك . بناء عليه ؛ اللهه برابر معبود آخر اتخاذا ايتمه كه معذب اوليهسك .

فخر رازينك بيانى وجهله بو آيتده خطاب ؛ هر نه قدر رسول اللهه ايسه ده مراد مشركلره تعريضدر . چونكه ؛ رسول اللهه غيرى معبود آخره دعا ايتمكدن معصومدر وجهله خلقى توحيدده دعوت ايدن ذات شريفدن حاشا شر كه دائر بر شيتك صادر اولماديغنى كجى اوليله بر شيتك صدور نندن ده منز اولديغنى حالده آنى شر كدن نهى ايتك ؛ آنك غيريلرى نهى ايتمكله قوللرينى توحيدده دعوت ايتمكدن . چونكه ؛ رسول اللهه جمله ناسك افضللى وقدرى عند الله تعالى اولديغنى حالده واجب تعالى نك آكا خطاب ايدرك « اللهه برابر معبود آخره دعا ايتمه ، اكر دعا ايدرسك معذب اولورسك » ديمسى آحاد ناسه « سز شر ك ايدرسه كز معذب اولاجغكز اولويتله ثابت اولور » ديمكدن .

\*\*

واجب تعالى رسوله وقرآنه طمن ايدنلرك طعنلرينى رد ايتد كدنصكره اقربا وتعلقا تى انذار ايتمسنى امر ايتك اوزره ﴿ وَأَنْذِرْ عَشِيرَتَكَ الْأُولِينَ ﴾ بيورييور .

[حبيم ! بك يقين قبيلهك واقربا وتعلقا تى عذابه قورقوت وآنلرى هر كسدن زياده انذار وشانلرينه اهتمام وغضب الهى يى موجب اولان شر كدن آنلرك خلاصنه سعى ايت . ]

﴿ وَاخْفِضْ جَنَاحَكَ لِمَنِ اتَّبَعَكَ مِنَ الْمُؤْمِنِينَ ﴾

[ومؤمنلردن سكا اتباع ايدن كيمسه لره قناديكى دوشه وكال تواضع اوزره آنلره مصاحبت ايت وغايت طائلى سويله وملايم بولون . ]

﴿ فَإِنْ عَصَوْكَ فَقُلْ إِنِّي بَرِيءٌ مِمَّا تَعْمَلُونَ ﴾

[سك تواضعك اوزرينه آنلر سكا عاصى اولورلر سه سن آنلره « بن سزك عملكزدن برى ايم » دى كه آنلر سك كندى مذهب لرنده اولماديغكى بيلسونلر . ]

جناب حق رسوله بو آيتده ارج شيد امر ايتمكدن : برنجيسى ؛ بك يقين اقربا

وتعلقا تى انذار ، ايكنجيسى ؛ ايمانه ايمده مؤمنلره تواضع ايتمى ، اوچنجيسى ؛ ايمانه

ايتمك بوب عصيان ايمده كيمسه لرك عمل لرنده برائتنى اعملده ايلمى در . بناء عليه ؛ خازنده

بيان اولونديغنه نظراً بو آيت نازل اولونجه رسول الله حضرت على به طعام حاضر لامسنى

امر ايدر . حضرت على طعمامى احضار ايدنجه عبدالمطلب اوغلانلرينى دعوت ايدر .

اوكونده عبدالمطلب نسلندن اركك اولارق قرق كيشى بولونور . حتى رسول اللهك

عميلرى ( ابو طالب ) ، ( حمزه ) ، ( عباس ) و ( ابو لهب ) ده برابر بولونورلر . طعمامى

ييد كدنصكره جمله سى طويار . رسول الله « اى عبدالمطلب اوغوللرى ! بن سزه دنيا نك

وآخرتك خيرلىسى بر دين كيتردم . بو دينى اعلاده بكا يارديم ايدمك هانكيكزدر »

ديدى . فقط هيچ بريارديم ايدرم ديهن اولمادى . آنجق حضرت على هپسك كوچوكى

اولديغنى حالده « يارسول الله ! بو دينى اعلاده بن سبك وزيرك اولورم » دير . رسول الله آنك نويته

صاريلير و « بو بنم برادر مدر ووصيمدر . سز بوكا اطاعت ايدك » دينجه اوراده بولونان جماعت

كولوشورلر و ابو طالبه « باق ! يكنك سكا اوغلو ك على به اطاعت ايتمك كى امر ايدىيور » ديرلر

وطاغيليرلر . بوندن صكره خازن وفخر رازينك بيانلرينه نظراً رسول الله صفا اوزرينه

چيقاروبوتون قريش قبيله لرينك اسملرينى ذكر ايدمك چاغير ، اهالى اجتماع ايدر ،

ابولهبدده حاضر اولديغنى حالده . رسول الله « اى قريش قبيله لرى ! بن سزه شو طاغك

آرقه سنده مال كزى يغمما ايتك اوزره بر بلوك آتلى كليور ديسم اينانيرميسكز ؟ » دينجه

قريشك هپسى بر آغزندن « اوت ! شمدي به قدر سنده يالانه تصادف ايتديكمزدن اينانيرز »

ديديلر . رسول الله ده « بن سزه او ككزده كوره جككز عذابه قورقوتور وسزى طريق



حقه دعوت ایدیورم، ایمان ایدک بکا، بیوردی. اومقامده حاضر اولان (ابولهب)  
«هلاک سکا اولسون، بزی بوکامی چاغیردک؟» دیدی، جماعتده طاغیلدی. بو وقعه  
اوزرینه (تبت) سوره سنک ابی لهب حقنده نازل اولدینی مرویدر.

ایشته بو آیت جلیله انصانک هر کسدن اول اقربا وتعلقاتی اصلاحه چالیشمی واجب  
اولدیغنه دلالت ایدر. زیرا؛ الله تعالی رسولنه اقباسنی انذار ایتمی امر ایتدی. رسولنه  
امر؛ امتنه امردر. کذلک آیت جلیله؛ اهل ایمانک یکدیگرینه قارشى تواضع ایدوب تکبر  
ایتمه مسنه وخیرخواهانه انسیت ایمانک لازم اولدیغنه دخی دلالت ایدر. چونکه جناب  
حقک رسولنه مؤمنلر اوزرینه قنادینی دوشه یوب تواضعله امر ایتمی؛ امتی حقنده دخی امر  
اولدینی جهته مسلمانلرک بربرینه مرحمت قنادلرینی دوشه یوب ملایم بولونملری وبربرینه معاونت  
ایتملری لازمدر. اما منافقلره معاونت وتواضع لازم اولمادیغنه اشارت ایچون بعضه دلالت  
ایدن من لفظیله (من المؤمنین) وارد اولمشدر. چونکه؛ رسول الله تبعیت ایدن هر مؤمنه  
تواضع لازم ایکن «بعض مؤمنلره تواضع ایت» دیمک «اخلاص اوزره ایمان ایدنلره  
تواضع ایت، ایماننده اخلاص اولمایان منافقلره رعایت ایتمه» دیمکدر. بناء علیه مؤمنلر  
طرفدن هر زمان رعایت شایان اولان؛ مؤمن خالص اولانلردر، یوقسه اسمی علی ولی اولوب  
ظاهرده مسلمان کسوه سی آلتنده باطنی کفر یاتله طولو اولان منافقلر معاونه شایان  
دکلردر. فقط ایجاب زمانه کوره مداراتک واجب اولدینی دخی اولایلیر. چونکه؛  
شریرک شرندن ومفسدک فسادندن نفسنی محافظه ایمانک هر مؤمن ایچون بروظیفه معینهدر.  
یاخوره بیضاوینک بیانی وجهله رسول الله تبعیت ایدن دین ایچون تبعیت ایتدیکی کی باشقه  
بر مقصده مبنی دخی تبعیت ایدنلر اولدیغندن رسول الله تواضع ورعایتنه شایان اولان  
دین ایچون تبعیت ایدنلر اولدیغنی بیان ایمانک اوزره من پانیله (من المؤمنین) وارد  
اولمشدر.

جناب حقک رسولنه «اگر سکا عصیان ایدرلرسه آنلرک عمللرندن برائتکی اعلان ایت»  
دیمسی؛ امتی حقنده دخی عین امر اولدیغندن عاصی اولان فاسقلرک عملندن مؤمنلر آنلره  
اشتراک ایتمه مکله فعلاً برائت ایتدکلری کی ممکن اولدینی قدر آنلره نصیحت ونهی ایمانک  
صورتیله قولاً دخی عمللرندن برائتلرینی اعلان ایتملری لازم اولدیغنه آیت دلالت ایدر.

چونکه؛ عاصیلردن اجتناب ایمانک مطیع اولان مؤمنلر ایچون امر اهدر. زیرا؛ اللهدن  
قورقما یانلردن قورقما لازمدر.

\*\*\*

واجب تعالی قریش قبیله سی عصیان ایتدکارنده رسولنه برائتی اعلان ایتمی امر  
ایدنجه برائتی اعلانی تقدیرنده وقوعی ملحوظ اولان عداوت وهجوملرینه قارشى رسول اللهک  
آلاجنی وضعیتی تعیین ایمانک اوزره ﴿وَتَوَكَّلْ عَلَى الْعَزِيزِ الرَّحِيمِ﴾ الَّذِي يَرْيُكَ  
حِينَ تَقُومُ ﴿وَتَقْلِبُكَ فِي السَّاجِدِينَ﴾ بیوریور.

[یا اکرم الرسل! سن دشمنلرینه غالب دوستلرینه مرحمت ایدن الله تعالی به اعتماد  
ایده رک تفویض امور ایت. او الله تعالی که کیجه تهجد نمازینه قالدیغنه کده وسجد ایدنلره  
نماز قیلوب وآنلرک حاللرینی تفتیش ایتدیکی دخی کورور و بیلیر. بناء علیه؛ اکا اعتمادک  
لازمدر.] زیرا؛ سکا عصیان ایدنلرک شرلرندن سنی حفظ ایمانک وآنلرک شرینی کندی  
علملرینه دوندورمهک ودوستلرینه یاردم ولطف واحسان ایمانک قادردر.

﴿إِنَّهُ هُوَ السَّمِيعُ الْعَلِيمُ﴾

[چونکه؛ او الله تعالی سنک مناجاتکی وآنلرک سنک حقکده سویلدکلری سوزلرینی  
ایشیتیر وجهله کزک افعالکزی ونیتکزی بیلیر.] بناء علیه؛ اکا اعتماد تام لازمدر.  
زیرا؛ دشمنلرکدن انتقامه قادر وهراسته دیکیکی ویرر ودنیوی و اخروی سعادت ایتاله  
مقدر وایشکی بیلیر وسوزیکی طویار بر ولی منعمدر.

﴿وتقلبک فی الساجدین﴾ رسول اللهک سجد ایدنلر حقنده تقلبی ایله مراد؛

فخر رازی وقاضینک بیانلری وجهله نماز قیوملرک وعباده معی ایمانک احوالی تفتیش  
ایتمسیر. چونکه؛ تهجد نمازی ابتداء اسلامده فرض ایکن صکره نسخ اولونونجه  
رسول الله نسخ اولوندینی کیجه امتنک عبادت لرینه کمال طمعنه بناء فرضیتی نسخ اولونان  
تهجد نمازینه مقابل نه کی عمل ایله مشغول اولدقلرینی تفتیش ایچون اصحابنک خانه لرینی  
دولاشوب هر خانه یی آرینک قووانی کی ذکر الله وتلاوت قرآن ایکتیسی ایله طولو کوروب



مسرور اولسی اوزرینه جناب حق بوآتی انزاله رسولنک حالی تصویر ایتشدرد . بوکانظراً  
معنای نظم: [ حبیب ! اصحابک حالنه مطلع اولق ایچون کیجه ایله کزدیککی ربک تعالی  
کورور و بیلیر ] دیمکدر . یاخود قلب له مراد ؛ رسول الله جماعته امام اولدیفنده  
اصحابک هائی مراقبه ایتسیر . بوکا نظراً معنای نظم: [ حبیب ! ربک تعالی سجده  
ایدنلر ایچنده سنک مراقبه و تصرفکی کورور ] دیمکدر . چونکه ؛ رسول الله  
اوکنده اولانلری کوردیکی کبی آرقه سنده اولانلری دخی کوروردی . بناء علیه ؛  
نماز ایچنده آرقه سنده جماعتک حالی نظر مراقبه سندن اوزاق طومازدی و اهل  
سجودک احوالی تفتیش ایچون کوزینی کزدیرردی . ایشته بوآیتله جناب حق رسول لاهک  
شو حالی تصویر ایتشدرد . یاخود قلب ایله مراد ؛ امور دینی مشبهت ایچونه کزوب  
دولاشمقدرد . بوکا نظراً معنای نظم: [ حبیب ! سن شول ذات اجل و اعلایه اعتمادایت که  
او ذات سنک دین خصوصنده برامرا ایچون قیام ایدوب مؤمنلرله برابر دونوب دولاشدیغی  
کورور و بیلیر ] دیمکدر .

\*\*

واجب تعالی شیطانک قرآنله نازل و قرآنی اوقومغه قادر اولامیه جغنی و رسول الله  
اقرباسنی اندارک و مؤمنلره تواضعک و عزیز و رحیم اولان الله توکلک لزومنی امر  
ایتد کدنصرکه شیطانک کیملره نازل اولاجغنی بیان ایتک اوزره ﴿ هَلْ أُنَبِّئُكُمْ  
عَلَىٰ مَنْ تَنَزَّلُ الشَّيَاطِينُ ۖ تَنَزَّلُ عَلَىٰ كُلِّ أَفَّاكٍ أَثِيمٍ ﴾ بیوریور .

[ ای مشرکله شیطانلر کیملر اوزرینه نازل اولدیغنی بن سزه خبر ویره میی؟  
شیطانلر ؛ افک و افترایه جرأت ایدن هر کناهکار اوزرینه نازل اولور . ]

﴿ يُلْقَوْنَ السَّمْعَ وَ أَكْثَرُ هُمْ كَاذِبُونَ ﴾

[ شیطانلر ملکلردن ایشیتدکلری مسموعاتلرینی دوستلرینه القا ایدرلر . حالبوکه  
آنلرک اکثریسی یالانچیلردر . ] زیرا ؛ ایشیتدکلرینی یالانله قاریشیدرلر .

یعنی ؛ ای مشرکله سزک زعمکز کی قرآنله بکاشیطان نازل اولیور . چونکه ؛  
شیطانک بکا مناسبی یوقدر . شیطانک کیملر اوزرینه نازل اولدیغنی بن سزه خبر ویره میی؟  
شیطانلر هر یالانچی و کناهکارلر اوزرینه نازل اولورلر و ملکلردن چالقله ایشیتدکلری شیئی  
عالی اضلال ایچون دوستلرینک قولاقلرینه آتارلر و فالجیلره برچوق یالانلرله قاریشیدرلر  
خبر ویررلر که بونلرله برطاقم کیسه لره اعتقادلرینی بوزسونلر و عالمی افساد ایتسونلر .  
زیرا ؛ اکثریسی یالانچیلردر . چونکه ؛ سرقله ایشیتدکلری کمازی یا کلش تاقی ایدرلر و یا کلش  
خبر ویررلر . زیرا ؛ کمال شرتلردن فهملری و ایشیتدکلرینی لایقله حفظ ایتملری قیسه  
اولدیغندن یا کلش ضبط ایتدکلری و یا کلش خبر ویردکلری جهته خبر ویردکلری شیلرک  
چوقلری یالان اولور و آکلادقلرینی دوستلرینه آکلتمقدد دخی خیانت ایدرلر ، آزی  
چوق و چوغی آز خبر ویرمکدن چکینه دکلردن اکثریسی یالان اولور .

واجب تعالی بوندن اول شیطانک قرآنله رسولی اوزرینه نازل اولامادیغنی و قرآنی قرائته  
لایق و قرآنی کتیرمکه اقتداری اولمادیغنی بیان بیورمسی اوزرینه بو آیتده ایکی جهته  
رسول الله اوزرینه شیطانک نازل اولامیه جغنی تا کید ایتشدرد . برنجیسی ؛ شیطانک یالانچی  
و کناهکارلر اوزرینه نازل اولدیغنی بیان یالانلره و کناهلره معصوم اولان رسولی اوزرینه  
نازل اولامیه جغنی بیان ایتسیر . ایکنجیسی ؛ شیطانلرک سرفقت صورته ملکلردن آلدکلری  
شیلرک بانه ظن و تخمین صورته بر بوقه شیلر عموده ایدرک دوستلری اولان یالانچی  
کناهکارلرک قولاقلرینه قولاقلرینه بر بوقلری یالان اولور . حالبوکه قرآنده هر نه بیان  
اولونور خبر ویریلرسه عینله ظهور ایدر ، تک بر دانه سی بیله یالان اولاماشدرد . شو حالده  
اگر مشرکلرک دیدکلری کبی قرآن شیطان طرفدن خبر ویرلسه ایدی البته یالان اولق  
لازم کلریدی . حالبوکه قرآن هر نه دن خبر ویرمش ایسه جمله سی واقعه مطابق در و اصلا  
یالانی یوقدر .

شیطانلرک ملکلردن بعض شیلری ایشیتملری : رسول الله ظهورندن اول سایه  
چیقار و ملکلردن ایشیتدکلرینی بر یوزنده کندیلری آلت شر و فساد اولان انسانلره  
یالان یا کلش قاریشیدرلر ، لکن رسول الله ظهورندن نصره سعادتن طرد



اولونقلری جهته سمایه سرقت صورتیه چیقار، بعضیلری آتش پارچه سیله هلاک اولورلر و بعضیلری ده قاجار قورتولورلر و ایشیتدیکی برشی اولسه بیله یالانیله برابر دوستلرینه خبر ویرمکه برچوق کیمسه لک اعتقادلرینی افساد ایدرلر. چونکه؛ سرقت صورتیه کیدوب کلدکلرندن لایقیله دیکله یه مدکلری جهته دویقلرینی لایقیله آکلایامدقلرندن اکثریسی یالاندر. بونک امثالی یر یوزنده انسانلر آره سنده دخی جاریدر. چونکه؛ انسانلردن خیرسنلرا اکثر مال صاحبی طرفندن منع اولونور، ألنه برشی کچمز بوش دوزو و بعضیلری بر مقدار شی چالار قاجار و بعضیلری ده مال صاحبنک قورشونیه مقتول دوشر. ایشه رسول اللهک ظهورندنصکره شیاطین سمان طرفدا اولونونجه انسانلری اغفال ایتمه حریرص اولدقلرندن سرقت صورتیه ملکلردن برشی ایشیتمک ویانه بر چوق یالان علاوه سیله دوستلرینه خبر ویرمک ویر یوزنده یالانلرینی نشر و تعمیم ایتمک ایچون سمایه کیدنلرک بعضیلری آلی بوش دوز و بعضیلری بر ایکی کله ایشیتیر قاجار و بعضیلری ده قاجارکن آتش پارچه سیله اتلاف اولونورلر. شو حالده انسانلر آره سنده جاری اولان احوال ملکلرله شیطانلر آره سنده دخی جاری دیمکدر.

(یلقون السمع) جمله سنده ایکی احتمال واردر: برنجیسی؛ بیضاوینک بیانی وجهله شیطانلر ملکلرده آردقلری خبری دوستلرینک قولاقلرینه آتارلر دیمکدر. ایکنجیسی؛ انسانلرده افک و افترایه برأت ایدرلر قولاقلرینی شیطان طوتارلر و شیطانلر بر طاقم شیدر کشف ایدرلر کللر بنه نشر ایدرلر. بناء علیه؛ اکثریسی یالاندر.

..

واجب تعالی قرآنک شیطان طرفندن کلدیکنی و رسولک کاهن اولمادیغنی بیاندن صوکرده شاعرده اولمادیغنی بیان ایتمک اوزره ﴿وَالشُّعْرَاءُ يَتَّبِعُهُمُ الْغَاوُنُ﴾ بیوریور. [شاعرلر ضلالتی ارتکاب ایدن آزعینلر اتباع ایدرلر.]

﴿أَلَمْ تَرَ أَنَّهُمْ فِي كُلِّ وَادٍ يَهِيمُونَ﴾

[حییم! سن کورمدکی؛ شاعرلر هر دره یه کیدرلر.]

﴿وَأَنَّهُمْ يَقُولُونَ مَا لَا يَفْعَلُونَ﴾

[و آنلر کندیلرینک ایشه مدکلری شیئی سویلرلر.]

یعنی؛ ای مشرکلر! سزک زعم فاسد کز کی محمد علیه السلام شاعر دکلدر. زیرا؛ شاعرلرک اتباعی بر طاقم آزعین، طاعی، متکبر و فاسقلر اولور. محمد علیه السلامه اتباع ایدنلر ایسه اهل رشد و اهل صلاح اولان متقیلردر. حییم! سن کورمدکی؛ شاعرلر کال حیرتله ایشلرینه یارایان هر دره یه کیدرلر و آزعینه کلن هر شیئی سویلرلر. مثلا بر کیمسه یی مدح ایتد کدن صوکره ذم و ذم ایتد کدنصکره مدح ایتد کدن و تحقیردن صکره تعظیم و تعظیمدن صوکره تحقیر ایتد کدن چکینمزلر و افعاللرند و واقع اولان تناقضدن اصلا اوتانمازلر و سوزلریله اصلا حق آراماز، ایشلرینه نصل کلیرسه او یله سویلرلر. بناء علیه؛ سوزلری اوزلرینه موافق و قوللری فعللرینه قطعیا مطابق اولماز. زیرا؛ مقدمه لرینک اکثریسی حقیقی اولماق خیالات اوزره بنا اولونور. عرض و ناموسه تعرضدن و نسیبه طعنندن و یالان وعد و باطل ایله افتخاردن و مدحه لایق اولمایانلری مدح و مدحه مستحق اولانلری ذم ایتد کدن چکینمزلر: اما فخر کائناتک شاعرلرله اصلا مناسبتی یوقدر. زیرا؛ سوزینک اولی آخیرینه و ایشنک ابتدایه انتها سینه موافقدر. چونکه؛ ابتداء امرده اللهک قوللرینی اللهک رضاسنه دعوتله باشلادی و انتهای امری ده بوموال اوزره جاری اولدی و احوالنده اصلا تحول وقوع بولمادی و شاعرلر کی هر ساعتده بر رنکه کیرمدی و سویلدیکی سوزندن اصلا دویمه دی و ایشی سوزینه و سوزی اوزینه موافق حرکت ایتدی. شاعرلر ایسه هب بونک عکسنه در؛ سویلر ایشه مز و غیره امر ایدر کندی طوتماز. مثلا جود و وسخایه ترغیب ایدر کندی اصلا یاناشماز و بخلدن هر کیسی تنفیر ایدر کندی بخله اصرار ایدر و بر کیمسه یه مدحه حدی تجاوز ایدر و ذم ایدر سه افترا و بهتاندن و ناموسه طوقوناچق شیئی سویلدکدن چکینمز. اما رسول الله کندی ایشه یه مدیکی و ایشه یه میه جکی شیئی غیره امر ایتمز و امر ایتدیکی شیئی اول کندی ایشلر و اولاد و عیالنه ایشه تیر. بناء علیه؛ فخر کائناتک شاعرلرله بکزر بر جهتی اولمادیغنی کی ایشنده و سوزنده دخی شاعرلرله مناسبتی یوقدر.

بیضاوینک بیانی وجهله مشرکلرک ﴿قرآنک معناسی شیطاندر﴾ دیدکلرینی بوندن اولکی



آيتلره رد ايتديكي كې لفظنده شعرا كلامي ديهرك طعن ايتلريني رد ايجون جناب حق بو آيتلري انزال بيورمش ورسول اللهك شاعر وقرآنك شعر اولماديغني بيان وبو ادعاده بولونانلري كمال بلاغته رد ايتمشدر .

خلاصه ؛ شاعرلره اتباع ايدنلرك ضلالتی ارتكاب ايدن كيمسهلر اولديني وشاعرلرك حيرت ايجنده ايسه دكلري وادیده سوز سويله دكلري وآنلرك عادتلري ؛ ايشله مدكلري شينئي سويله مك و آخره امر ايتك اولديني وشو اوصاف ذميمه دن رسول اللهك بري اولوب شاعره بكنزه برجهتي اولماديني بو آيتدن مستفاد اولان فوائد جمله سندندر .

\*\*

واجب تاملی شاعرلري ذم ايتد كدنصكره شاعرلردن درت صفتله متصف اولانلري ذمندن استثنا ايتك اوزره ﴿إِلَّا الَّذِينَ آمَنُوا وَعَمِلُوا الصَّالِحَاتِ وَذَكَرُوا اللَّهَ كَثِيرًا وَانْتَصَرُوا مِنْ بَعْدِ مَا ظَلَمُوا﴾ بيوريور .

[ شاعرلر هر دريه كيدر ومرام اجرا ايدرلر و ايشله مدكلريني سويلرلر ويالاندن چكينمزله ، آنجق شول كيمسهلر مستشادر كه آنلر ايمان ايتديلر و ايمانلرينك مقتضاسي اولان عمل صالح ايشله ديبلر والهي جوق ذكر ايتديلر وباشقهلري طرفندن ظلم اولوندق د نصكره حديني تجاوز ايتكسز ين كنديلريني ودين اسلامي هجو ايدنلردن انتقاملريني آلديلر . ]

﴿وَسَيَعْلَمُ الَّذِينَ ظَلَمُوا أَيَّ مُنْقَلَبٍ يَنْقَلِبُونَ﴾

[ و يقينه شول كيمسهلر بيليرلر كه آنلر كندى نفسلرينه و ذمه مستحق اولمايائلري ذم ايتكله غيريلره ظلم ايدنلر هانكي محل انقلابه انقلاب ايده جكلريني بيليرلر . ] زيرا ؛ آنلر وفانلرنده غايت چيركين بر محله انتقال ايدرلر وبو انتقاللريني يقينه بيليرلر .

بو آيتده مستثنا اولان شاعرلرك درت صفتي بيانه اولونمشدر : برنجيسي ؛ ايمانه تاملدر . چونكه ايمان كامل ؛ صاحبنى فنا فعلدن منع ايتديكندن شاعر اولسه ده مدح و ذمه حديني تجاوز ايتمز . ايكنجيسي ؛ عمل صالحدر . چونكه ؛ اعمال صالحيه

موفق اولان كيمسه غيرك ناموسنه ونسبه طوقوناجق شيلردن حذر ايدر . اوچنجيسي ؛ الله تعالى بي هويو ذكر ايتك و مدح و ثنا ايتك و رسولنى ثنا ايله خلقى حق دعوت ايتكدر . در دنجيسي ؛ كنديلريني ذم ايدنلري بالقابله انتقام طريقه ذم ايتكدر ، فقط حديني تجاوز ايتك مك شرطدر . چونكه ؛ جناب حق « انتصار ايدرلر » بيوردي . انتصار ايسه حقى مقراري انتقام آلوب ايدرونه تجاوز ايتكدر . زيرا ؛ حقندن زياده سي ظالمدر . فخر رازى وقاضيك بيانلري وجهله بو آيتده استثنا اولونان شعرا ؛ ( عبدالله بن رواحه ) ، ( حسان بن ثابت ) ، ( كعب بن زهير ) و ( كعب بن مالك ) رضى الله عنهم در . چونكه ؛ بونلرك اشعارى توحيد والهي ثنا وقوللريني طاعته ترغيب ورسولنى مدحه متعلق اولديغندن ممدو حدر . رسول الله بونلره مشركلري هجوايتلريني امر ايتدى وديدى كه « قرين مشركلريني هجوايتك اوقله وورمقندن دهسا تاثير ايدر » . چونكه ؛ آنلرك مذهبلرينك باطل وايشلرينك چيركين وعادتلرينك فنا اولديغني ودين اسلامك علويتنى عاله بلاغته اعلان مشركلر ايجون اولومدن دهسا مؤثر ايدى . كچه آيتده زمان سعادتده بولونان شعراء اسلاميه مراد اولونديني بيان اولونمش ايسده شودرت صفتله متصف والى يوم القيام بولوناجق اولان شعراء اسلاميه دخی بو استثنا ده داخلدر .

واجب تعالى رسوانى تسليه ايجون سورهنك آخرنده ظالملري شدتله تهديد ايتمشدر . چونكه ؛ جناب حق رسولنى تسليه وقلب نبويلردن الم و كدرى ازاله ايجون بوسورده ده بعض انبياء سابقه نك امتلريه مباحثلريني بياندن صكره رسولنك نبوتى اثبات ايدر ادله عقليه ي ذكر و مشركلرك رسولنه « قرآنى شيطان خبر ويريور ، كاهندر و شاعر در » ديدكلرينه جوابى وكاهن وشاعر اولماديغني بر جوق دالملره اثبات ايدوب رسول الله شاعرلر يئنده فرقلر بولونديغني ورسول اللهك شاعرلره بكنز برجهتي اولماديغني بياندنصكره ظالملرك فصل محله انتقال ايدوب بلالريني بولا جقلريني بيانله سورده ختام و يرمشدر .



روى بيك اوچيوز اوتوز سنه سى تشرين اولنك برنجي چهارشنبه كونه تصادف ايدن عربى بيك اوچيوز اوتوزايكى سنه سى ذى القعدة نك يكرى بشنچى كوفى ايكندى اذاندنصكره بوسوره نك ترجمه سى بعونه تعالى ختام بولمشدر .



سورة نمل

مکه مکرمه ده نازل اولان سورة لردندر. طفسانه اوج ويا طفسانه درت آتی جامعدر.

بِسْمِ اللَّهِ الرَّحْمَنِ الرَّحِيمِ

﴿ طَسَ تِلْكَ آيَاتُ الْقُرْآنِ وَكِتَابٍ مُبِينٍ ﴾

بعض سورة لرك اوللرنده اولان حروفاتك تاويلنی تجویز ایدن خاف مذهبه كوره  
(طس) اسماء الهیه ده بر اسمدر و مجبدر. بوكا نظراً معنای نظم: [طس اسمنه یمین  
ایدرم که شو تلاوت اولونان آیتلر قرآنك و کتاب مبینك آیتلریدر] دیمك اولور. یاخود نعمت الله  
افندیك تاویلنه نظراً (ط) لفظی رسول اللهك طلبه و (سین) سعادت و سیادت اشارت  
و منادی در. بوكا كوره معنای نظم: [ای سعادت ابدیه و سیادت سرمدیه طالب  
اولان رسول! سکا ندا ایدر و دیرم که شو تلاوت اولونان آیتلر قرآنك و کتاب مبینك  
آیتلریدر] دیمك اولور.

روح البیانده ذکر اولوندیغی وجهله قرآنه السنه ناسره قرائت اولونمیزی ايجوره  
قرآن و قلمده بازمیزی ايجوره کتاب و امطام دنیا و آخرتی بانه ابتدکی ايجوره مبین  
دنیلمشدر و شاننه تظیم ایچون تعظیمه دلالت ایدن تنوینله نکره اولارق (کتاب)  
وارد اولمشدر.

﴿ هُدًى وَبُشْرَى لِلْمُؤْمِنِينَ ﴾

[بو کتابك آیتلری مؤمنلره هدايت و مژده اولدیغی حالده نازل اولمشدر.]  
قرآن بالعموم ناسه طوغرو بولی کوستردیکی جهتله هر کس حقنده هادی ايسه ده  
بالفعل مقصده ایصال ایتك معناسنجه هدايت مؤمنلره مخصوص اولدیغندن جناب حق  
بو آیتده قرآنك هدايتنی اهل ایمانه تخصیص ایتمشدر. چونکه قرآن؛ هر کسه طریق حق  
کوستر و لکن او طریق اختیار ایدن آکا ایمان ایدنلردر. اما تبشیرات؛ البته مؤمنلره

مخصوصدر. زیرا؛ اهل کفره تبشیرات اولماز. چونکه قرآنك تبشیراتی؛ انواع سعادات  
و منوبات و اصناف خیرات و برکاته نائل و رفع درجانه واصل اولونا جفته دأر اولوب بونك  
جمله سی ده اهل ایمانه مخصوص اولدیغندن قرآنك تبشیراتی مؤمنلره تخصیص اولونمشدر.  
زیرا قرآن؛ احکامنه تمسك ایدنلری تبشیر ایدر. شو حالده احکامنه یا پیشمایانلری  
تهدید ایدر، تبشیر ایتمز. بناء علیه؛ کافرلر احکامیه عمل ایتدکلرندن قرآنك تبشیراته  
مستحق دکلردر.

..

واجب تعالی قرآنك مؤمنلره انواع سعاداتی تبشیر ایتدیکنی بیاندن صکره سعادت  
و رفع درجانه نائل اولمغه مجرد ایمان کافی اولمایوب سائر فرائضی ادا ایتك لازم اولدیغنی  
بیان ضمنتده ﴿ الَّذِينَ يُقِيمُونَ الصَّلَاةَ وَيُؤْتُونَ الزَّكَاةَ وَهُمْ بِالْآخِرَةِ هُمْ  
يُوقِنُونَ ﴾ بیوریور.

[قرآنك تبشیراته مستحق اولان مؤمنلر شول کیمسه لکه آنلر نمازی اقامه و زکاتلری  
ادا ایله برابر آخرته ایمان ایدرلر.]

یعنی؛ قرآن شول مؤمنلر حقنده هدايت و بشری در که او مؤمنلر طرف الهیدن کندیلرینه  
اوقات مخصوصه ده فرض قیلان شرطلرینه رعایت ایده رک ادا ایدر و اصلاً استخفافله  
تأخیر ایتدکلری کبی بالحمه واجبلرینی و سنتلرینی یرینه کتیرلر. چونکه؛ نمازك اللهه  
تقریه و رفع درجانه سبب اولاجغنی بیلدکلرندن قصور ایتمه مکه سعی ایدرلر و بالکزعبادت  
بدنیله ایلده اکتفا ایتزلر، بلکه کندیلرینه فرض اولان زکاتی ده ادا ایتمکه فقرانك حقنی  
و یرمك صورتیه دنیا به محبتلری اولمادیغنی اظهار ایدرلر. حالبوکه آنلر آخرته علم یقینه  
ایمان ایتدکلرندن دنیایی دائماً آخرته وسیله اتخاذا ایدرلر. بناء علیه؛ هر عمللرینی نیت  
خالصه ایله ادا ایدرلر و رضاء باری بی آرامقندن کیری طور مازلر. زیرا آخرت؛ جزا محلی اولدیغندن  
آخرته ایمان ایدن کیمسه عملنی تقییدندن و نفسنی محاسبه دن خالی قالماز و بیلیر که آخرته  
هپسندن سئوال اولونا جق. البته کرك نماز کبی حق الله اولسون و کرکسه زکات کبی  
حق عبد تعلق ایدن اولسون جمله سنه دقت و اعتنا ایدر. اما آخرته ایمانی اولیان کیمسه  
خلاصة البیان: اون برنجی جلد — ۷



بونلردن هیچ بریسی اهمیتہ آلمادینی کی احکام دینہ دن هیچ برینہ مبالات ایتمز ، بلکہ برنجی بر جانوار کی هر یرہ صالدر ، آله نہ کچرہ ییر و ایجر و قوہ شہوانیہ سی نہ ایسترہ آنی کوزل کورور و عقلنه نہ کلیرہ آنی ایشلر منفعت و مضرتی دوشونمز . چونکہ ؛ آخرتہ ایمانی اولمادیغندن عاقبت قورقوسی اولمادینی جہتلہ حرام حلال هر نہ یاپارسہ کار بیلیر کچر کیدر .

فخر رازینک بیانی وجہلہ بوآیتده واجب تعالی کالات انسانیه نك روحی بیان ایتشد . چونکہ کالات انسانیه نك اساسی ؛ اوجہ برنجیسی ؛ ایمانہ ؛ ایکنجیسی ؛ عبادت برینہ مالہ ، اوچنجیسی ؛ آخرتہ ایمانمقدرد . تکالیف السیہ نك کافسی بو اوچده داخلدر . زیرا ؛ برنجی مرتبہ ده انسانہ لازم اولان ایمان اولمازسہ سائر عبادتک حکمی اولمادینی کی مجرد ایمانلہ اکتفا ایتسہ ده سائر عبادتده تکامل ایتسہ جنتہ کیرسہ ده عالی درجہ نائل اولماز . شو حالده ایمانک لزومی قدر عبادات سائرده لازمدر . آخرتہ ایمانی اولمہ اعمالک هیچ بر فائدہ فی کورہ مز . بناء علیہ ؛ قرآنک ہدایتلہ ایتدا و تبشیراتلہ مبشر اولق ایچون ایمان و عبادت بدنیہ و مالہ و آخرتہ یقین اوزرہ اینامق لازم اولدینی جناب حق بوآیتده بیان بیورمشدر و ایمانلہ برابر اقامہ صلات و اداء زکات ایدنلرک آخرتہ ایمانلرینک قوتنہ و صاعلام ایمان بونلری ایشلہ ینلرہ مخصوص اولوب بونلری ایشلہ مینلرک ایمانلری ضعیف اولدیغنه اشارت ایچون (وہم بالآخرہ ہم یوقنون) جملہ سندہ ضمیر تکرار ذکر اولونمشدر . یعنی «آنلر آخرتہ آنجق آنلر ایمان ایدرلر» دیمکدر .

خلاصہ ؛ ایمان ایتمینلرک و عمل صالح ایشلہ مینلرک و آخرتہ یقینی اولمایانلرک قرآندہ بیان اولونان تبشیراتہ مستحق اولمادقلری و تبشیراتہ و درجہ مستحق اولانلر آنجق شوبیان اولونان اعمالی ایشلہ ینلر اولدینی بو آیتدن مستفاد اولان فوائد جملہ سنددر

..

واجب تعالی تبشیراتک مؤمنلرہ مخصوص اولدینی بیاندنصرکہ کافرلرہ نازل اولاجق

عذابی بیان ایتک اوزرہ ﴿إِنَّ الَّذِينَ لَا يُؤْمِنُونَ بِالْآخِرَةِ زَيَّنَّا لَهُمْ أَعْمَالَهُمْ فَهُمْ يَعْمَهُونَ﴾ بیوریور

[شول کیمسہ لرکہ آنلر آخرتہ ایمان ایتزلر . بز آنلرہ کندی اختیارلری ایلہ ایشلہ دکلی چیرکین عمللری کوزل کوستر و تزین ایدرز . بناء علیہ ؛ آنلر ایشی دوشمش سرخوش کی متحیر اولورلر . چونکہ ؛ ایشلہ دکلی عمل اوزرہ ترتب ایدہ جک مضرتہ ایمانلری یوقدر .]

﴿أُولَٰئِكَ الَّذِينَ لَهُمْ سُوءُ الْعَذَابِ﴾

[ایشتہ آنلر شول کیمسہ لرکہ آنلر ایچون دنیادہ قتل و اسارت کی کوتوعذاب واردر .]

﴿وَهُمْ فِي الْآخِرَةِ هُمْ الْآخَسِرُونَ﴾

[حالبوکہ آخرتده ناس ایچندہ الکزیادہ ضرر ایدہ جک آنجق آنلردر . زیرا ؛ ثوابی فوت ایتدکلی کی شدتلی عذابده مستحق اولمشلردر .]

یعنی ؛ شول کیمسہ لرکہ آنلر آخرتی تصدیق ایتزلر . بز آنلرک اعمال قیجہ لرینی کندی اختیارلریلہ کسب ایتدکلی ایچون کوزل کوستر تزین ایدرز . چونکہ ؛ آنلر ارادہ لرینی شرہ صرف ایدنجه بز آنلرہ ایشلہ دکلی عمللری کوزل کوستر و قلدلرینہ محبت و نفسلرینہ او عمل ایچون آرزو خلق ایدرز و آنلرک سوء اختیارلری سییلہ شدتلی عذابہ مستحق اولسونلر ایچون برچوق زمان مساعدہ ایدرو بعض تنبیہ ایچون امتحانده ایدرز . فقط متنبہ اولمازلر ، بایکہ او فنا عمللرندن حاصل اولان آزیجق برلذتہ آلدانیر و باشندن و ورلمش سرخوش کی متردد و متحیر بر حالده کززلر و نصیحت دیکلہ مزلر و کندی ییلدکلرینہ کیدرلر . ایشتہ آخرتہ ایمان ایتیبو ضلالت و غفلت ایچندہ متحیر اولانلر ایچون دنیادہ بر طاقم امللر و خلیلرلہ کوتو عذابلر واردر . چونکہ ؛ بونلرک آخرتہ ایمانلری اولمایوب هر امللری دنیایہ منجصر اولدینی جہتلہ هیچ بر شی ایلہ متسلی اولمازلر . دنیا اوغرنده یانوب کول اولدقلری کی بر طاقم عذاب دنیایہ دخی مبتلا اولورلر و آخرتده ناس ایچندہ اک زیادہ ضرر کورہ جکده بونلردر . زیرا ؛ بونلر آخرتہ ایمان ایتدکلرندن عمرلرندن مقصد اصلی اولان اجر و ثوابی ضایع ایتدکلرندن سرمایہ دن ضرر کوردکلی



کبی حاصل اولاجق تجارتی دخی غیب ایتشدر . بناء علیه ؛ ایکی جهته ضرر ایتدکری  
کبی شدتلی عذابہ دخی مستحق اولدقلندن بوندن دها زیاده ضرر اولاماز . چونکه ؛  
منفعت یرینه مضرت کسب ایتدیلر . بوضردن قورتولامیه جقلرینه اشارت ایچون مصره  
دلالت ایدن ضمیر فصلله (هم الاخسرون) وارد اولمشدر . بناء علیه (سوء العذاب)  
آخرته ایمان ایتمینلرک عذابلرینک شدتندن عبارتدر و هر برلری ایمان ایتدکری صورته  
نائل اولاجقلری درجانی کفرلری سببیه جهنم آتشنه د کیشدکری ایچون ضررلری هر کسک  
ضرردن زیاده اولدیغه اشارت ایچون زیاده معناسی مفید اولان اسم تفضیل اوزره  
(الاخسرين) لفظی وارد اولمشدر .

خلاصه ؛ آخرته ایمان ایتمینلرک افعال قبیحه لری کندی آرزولرینه بناء کوزل  
ومزین اولدینی و آنلر دائما او کوتو عمللری پیشنده متحیر اولارق دولاشدقلری و آنلرک  
کوتو عمللرینه مقابل عاقبت کوتو عذاب کوره جکلری و آخرته الک زیاده ضرر کوره جکلر  
بونلر اولدینی بو آیتدن مستفاد اولان فوائد جمله سنددر .

\*\*

واجب تعالی آخرته ایمان ایدنلرک درجه لرینه و ایمان ایتمینلرک دوچار اولاجقلری  
وخامته اشارتدنصکره انبیاء عظامدن بعضیلرینک وقوعاتلرینی بیانه مقدمه اولق اوزره  
﴿وَإِنَّكَ لَتَلْقَى الْقُرْآنَ مِنْ لَدُنْ حَكِيمٍ عَلِيمٍ﴾ بیوریور .

[یا ا کرام الرسل ! محقق قرآن سکا علمی مرشیثی محیط اولان حکیم تعالی طرفندن  
القا اولونور . سن ده آتی تلقی ایدر و معناسی لایقوله بیلیرسک .]

یعنی ؛ ای رسول ذیشان ! قرآن مشرکلرک دیدکری کبی سنک ایجادک دکلدر .  
زیرا قرآن ؛ علمله و حکمتله متصف اولان ذات الوهیت طرفندن سکاوحی ایله القا اولونور  
وسن ده لایقوله تلقی و حفظ ایدر و احکامی امتکه تبلیغ ایدرسک .

حکیم ؛ علمله برابر عملیاتی حکم و منین اولوب حکمت و مصلحت اوزره منضم اولاده  
نامر . علیم ؛ علوم نظریه و عملیه جمله سنه شامل اولدینی جهنم علیم ، حکیم دن اعددر .

قرآنک علمی ؛ ایکی شیء منحصر اولوب برنجیسی ؛ حکمت اوزره مؤسس اولاده عقلم  
و شرائع . ایکنجیسی ؛ قصص انبیاء . احکامی جامع و بعض مغیباتی خبر و یردیکنه  
وجله احکامی و اخباری طوغرو اولدیغه اشارت ایچون قرآن ، حکیم و علیم اولان الله تعالی  
طرفندن انزال اولوندینی بیان اولونمشدر که قرآنه ایمان ایتمینلر تعریضدر . زیرا علم  
و حکمتله متصف اولان ذات باری طرفندن انزال اولونان قرآنه ایمان ؛ انواع فوائدی  
متضمن اولدینی جهته ایمان ایتمینلر و یاخود ایمان ایدوبده احکامیه عملده تکامل ایدنلر  
شو فوائدی فوت ایتدکلندن توخیه مستحققلدر .

\*\*

واجب تعالی رسولنه قرآنی انزال ایتدیکنی بیاندنصکره رسول اللهدن اول کچن  
انبیادن بعضیلرینه دخی وحی ایتدیکنی و آنلرکده طرف الهمیدن کتاب تلقی ایتدکلرینی  
بیان ایتک اوزره ﴿إِذْ قَالَ مُوسَى لِأَهْلِهِ إِنِّي آنَسْتُ نَارًا سَاءَ تَكُنُّ مِنْهَا خَبَرٌ

أَوْ أَتِيكُمْ بِشِهَابٍ قَبَسٍ لَعَلَّكُمْ تَصْطَلُونَ﴾ بیوریور .

[یا ا کرام الرسل ! ذکر ایت شول زمانی که اوزمانده موسی علیه السلام اهلنه « بن  
اوزاقدن بر آتش کوردم . سز دورک بوراده ، بن کیدیم آتشک یانه . او آتشدن بر خبر  
کتیر برم و یاخود بر آتش پارچه سی کتیر برم که سز ایصنیرسکز » دیدی .]

یعنی ؛ حیدم ! موسی علیه السلامک (مدین) ده شعب علیه السلامدن مصره کیتمک  
اوزره اذن آلوب حرم محترمه لری و خدمتجیلری ایله برابر یوله جیقوب طور طاغی  
جوارینه کلدیکنده اوزاقدن کوردیکی نور الهمیدن استفاضه ایتک اوزره اهلنه « سز  
بوراده طورک . بن بر آتش کوردم ، سزه آتشدن بر خبر کتیر برم و یاخود سزک ایصنیرسکز  
ایچون بر آتش پارچه سی کتیر برم ، دیدیکی زمانی خاطرکه کتیر که مشرکلرک اذالرینه محزون  
اولیه سک . چونکه ؛ حضرت موسی کیجه نک قارالغنده شدتله فورطنیه طوتولوب غایت  
مضطرب و اندیشه ناک اولدینی بر زمانده نور الهمیمز امدادینه ایریشدیکی کبی مشرکلرک  
اذالرینه امداد سبحانیه من سکاده ایریشه جکدر . بناء علیه ؛ محزون اولما .



فخر رازی و نعمت الله افندیك بیانلرینه نظرأ حضرت موساك (مدین) دن حرکتی قیش کونی اولدیغندن طور جوارنده کیجهك قارانلغنده شدتلی فورطنه یه طوتولش و یولی شایریش دهشتلی و هیجانی و قسوت انکیز بر زمانده اضطراب الیم ایچنده ایکن طور طباغندن نور الهی بی کورور و آتش ظنیله آیتده بیان اولوندینی وجهله اهلنه « بن آتسه طوغرو کیدهیم ، یا آتشک یاننده یول کوستره حک بر آدم بولور خبر کتیررم و یاخود بر آتش پارچه سی کتیررم . مأمول که سز ایصنیرسکز » دیدی . فقط هر نه قدر آتشک محلی اوزاق ایسه ده کله جکفی وعد ایتشدر و ایکی مطلوبدن برینی آله ایده جکفی امید ایدهرک اهلنه وداع ایتدی و ایکی مطلوبدن برینه نائل اولاجغنه جناب حقه اعتماد ایدهرک سوزینی ایکی شق اوزره بنا ایلدی . چونکه عادت الهیه ؛ قولنک احتیاجلرینک جمله سندن مأیوس ایتمز ، بلکه بعضیسندن مأیوس ایدرسده بعض آخره نائل قیلیمقدر . بناء علیه ؛ حضرت موسی شو ایکی احتیاجدن برینه باری نائل اولاجغنه امید ایدهرک کتیدی و لکن اونورالهییدن مستفید اولارق هم سلطنت دنیا همده عزت آخره نائل اولاجغنی خاطرینه کتیرمیوردی . حالبوکه اونورالهی دنیا و آخرت سعادتلرینه نائل اولسنه سبب اولش و بهمه حال آتش کتیره جکفی بیلمدیکندن ره بایه و امیره دلالت ایدن ( لعل ) کله سیله ایراد کلام ایتش و مسافهك اوزاقلغنه اشارت ایچون سیع ایلله ( سآتیکم ) دیمشدر .

..

واجب تعالی، حضرت موسی طوره کورمش اولدینی آتسه کیدوب کله جکفی اهلنه سولدیکنی بیاندنصکره طوره کلنجه ظهور ایدن تجلیاتی بیان ایتک اوزره ﴿ فَلَمَّا جَاءَهَا نُودِيَ أَنْ بُورِكَ مَنْ فِي النَّارِ وَمَنْ حَوْلَهَا ﴾ بیوریور .

[ وقتا که موسی علیه السلام آتسه کلدی ایسه طرفالهییدن ندا اولوندی و دنیلیدی که « آتش آرایان موسی علیه السلام و آتشک اطرافنده بولونان ملکر مبارک قیلنمقله خیر کتیره نائل اولدیلر . » ]

﴿ وَسُبْحَانَ اللَّهِ رَبِّ الْعَالَمِينَ ﴾

[ وعالمك ربی اولان الله تعالی بی جمیع نقائصدن تنزیه ایدرم . ]

یعنی ؛ موسی علیه السلام بولدن خبر و یاخود آتش پارچه سی کتیرمک اوزره اهلندن آریلوب آتسه کلنجه حضرت موسایه تعظیم اولمق اوزره ندا اولوندی و دنیلیدی که « آتشک بولوندینی مکنده بولونان موسی و اطرافنده بولونان ملکر مبارک قیلندی . » بناء علیه ؛ انواع خیرات و برکته مستغرق اولدیلر و عالمی انواع نعمتلیله تربیه ایدن الله تعالی جمیع نقائصدن منزهدر که قوللرندن ایسته دیکفی ایسته دیکفی نعمتیه تلطیف ایدر . نصل که حضرت موسای کیجهك قارانلغنده نورنبوتله تلطیف ایتشدر .

شو برکته ندا ؛ طرفالهییدن موسی علیه السلامی سلامله تلطیف و تحیه الهیه ایلله تکریمدر . خازنده بیان اولوندینی وجهله بو آیتده نار ایلله مراد ؛ نورالهییمدر . حضرت موسی آتش ظن ایتدیکندن نوردن نارله تعبیر ایتشدر . فخر رازینک بیانی وجهله برکت ؛ حضرت موسایه رازموقدره بولونانه ملکره و اومحلك اطرافنده اولونه اهلایه و بهودساره بر معنی شام اراضینه قدر شامدره . بناء علیه اومحلك محل برکت اولمسی ؛ بوکی نورالهیینک اورالده ظهور ایتسی و اکثر انبیانک اومحلكرده بعث اولومسی و وحی الهینک محل نزولی و حضرت موسایه تکلم کی نظرالهیینک اورالده تجلی ایتسیله در . ایشته شویان اولونان اسبابه بناء اراضی مقدسهك برکتی الی یوم القیام باقی اولاجغندن ارض شامه ارض برکت دنیلمشدر و بو آیتده اومحلك محل برکت اولدیغنه دلالت ایدر . بناء علیه ؛ اراضی مقدسهك برکتی هریردن زیاده اولدینی میدانده بر حقیقتدر .

اومقامده ظهور ایدن امرک عظمتنه و جلالت قدرینه اشارت ایچون جناب حق ذاتی نقائصدن تنزیه ایتشدر . چونکه ؛ جمیع نقائصدن منزه اولان رب تعالی طرفندن کلن احسان و نبوت بویوک اولدینی کی ظهور ایدن خارقهكده البته بویوک اولاجغنده شبهه یوقدر . بناء علیه ؛ واجب تعالی حضرت موسی حقنده نازل اولان برکتک نقصانن عاری اولدینی بیان و اعلان ایچون آیتک آخرنده نقائصدن منزه اولدینی تسبیحله بیان ایتشدر .

..



واجب تعالى طوره حضرت موسايه بر کتله ندا ايتديکني بيانصکره صفات السهيه سني تعريف ومکالمه سني بيان ايتک اوزره ﴿يَا مُوسَى إِنَّهُ أَنَا اللَّهُ الْعَزِيزُ الْحَكِيمُ﴾ بيورييور .  
[ يا موسى ! حال وشان شويله در : سکا ندا ايدن ؛ عزيز وحکيم اولان الله تعالى در . ]  
يعني ؛ اي موسى ! حال وشان بن الوهيتله متصف اولان اللهم . او الله تعالى که جمله موجودات اوزرينه غالب وايشلري محکم وحکمت اوزره مشتملدر . بناء عليه ؛ سکا واقع اولان خطايمله مشرف سک .

بوآيت ؛ واجب تعالى نک حضرت موسايه ويره چکي معجزه لک صحنه واوهام وخيالاندن عاري اولوب قدرت قاهره صاحبي اولان ذات الوهيتک خلق ايتديکني بر مقدمه در .  
فخر رازينک بياني وجهله او مقامده ندا ؛ ذات الوهيتک نداسي اولديغنه دليل ومعجزه ايسه آتشک يشيل آغاجده يانوبده آغاجک يانماسيدر . چونکه عادت ؛ آتشک آغاجي ياقماسيدر ودها بزم بيلمديکمز بعض خارقه لرله بيلمشدر .

نيسابورينک بياني وجهله بوآيتده واجب تعالى حضرت موسايه ويره چکي معجزه لک محکم اولوب معارضلک بوزاميه جقلرينه اشارت ايچون حکيم اولديغني و دشمنلري حضرت موسايه بر ضرر ياباميه جقلرينه اشارت ايچون عزيز اولديغني بيانله حضرت موسايک قلبي تقويه ايتشدر . چونکه ؛ معجزه يي ويرن ذات حکيم اولونجه ويرديکي معجزه نک محکم ومتين اولوب قوللري بوزاميه جني و عزيز يعني جمله يه غالب اولونجه دشمنلري طرفندن رسولنه آل اوزا تيلاميه جني شهبه دن عاري در .

\*\*\*

واجب تعالى الوهيتله ذاتي توصيفدنصکره حضرت موسايه واقع اولان امريني بيان ايتک اوزره ﴿وَأَلْقِ عَصَاكَ﴾ بيورييور .

[ « يا موسى ! الگده کی عصاکی يره آت ، دیدی . » ]

﴿ فَلَمَّا رَأَاهَا تَهْتَزُّ كَأَنَّهَا جَانٌّ وَلَّى مُدْبِرًا وَلَمْ يُعَقِّبْ ﴾

[ امره امتالا عصاي يره قويونجه کآن برييلان کبي عصاي تيتير وحرکت ايدر کوردی ايسه موسى عليه السلام آرقه سين آرقه يه دوندی وعصانک آرقه سنجه کيتمدی . ]  
﴿ يَا مُوسَى لَا تَخَفْ ﴾

[ عصا ، در حال يوکروک يورويشلی کوچک برييلان صورتنده کورولونجه کندينه عارض اولان قورقو ودهشتدن و کورمش اولديغني عجائبدن حاصل اولان هيشتدن موسى عليه السلام کري صيچرايجه طرف السهيدن خطاب عزت ظهورايدهرک « يا موسى ! قورقا » ]  
﴿ إِنِّي لَا يَخَافُ لَدَى الْمُرْسَلُونَ ﴾

[ « زیرا ؛ بنم عندمده وحضورمده رسوللر قورقازلر . » ]

﴿ إِلَّا مَنْ ظَلَمَ ثُمَّ بَدَّلَ حُسْنًا بَعْدَ سُوءٍ فَإِنِّي غَفُورٌ رَحِيمٌ ﴾

[ « الا شول کيمسه که او کيمسه خطاء بر کنه ايشله مکله ظلم ايتدی ، او ظالم کيمسه قورقار . صکره توبه وندامتله او کنه اي ثوابه قلبه کوتولکی ايلکه تبديل ايتد کدنصکره او کيمسه قورقاز . زیرا ؛ بن کنه اهلري مغفرت ايدر وتوبه لريني قبول ايتمکه مرحمت ايدر » ديمکه موسى عليه السلام ک قورقوسنی ازاله وقلبه قوت ويردی وتمکين اوزره بولونمسنی وانديشه دن وارسته اولسنی توصيه ايتدی . ]

يعني ؛ طوره جناب حق موسى عليه السلامه خطاب ايدهرک الوهيتله متصف بر حکيم وعلیم اولديغني بيانصکره موسى عليه السلامه معجزه لريني کوسترمک اوزره « يا موسى ! عصاکی يره براق ، دیدی . امره امتالا موسى عليه السلام عصاي يره براقنجه کآن کوچوک برييلان کبي عصاي جديتله حرکت ايدر کوردی ايسه موسى عليه السلام حاصل اولان هيته بناء آرقه سنه دوندی وعصاي تعقيب ايتمدی . طرف السهيدن « يا موسى ! قورقا . زیرا ؛ بنم حضورمده رسوللر قورقازلر ، الا ظلم ايدن ظالملر قورقار . ظلم ايتد کدنصکره کنه اي ثوابه تبديل ايدر وکنه انه ندامت وتوبه ايله کوتولکی ايلکه دوندورن کيمسه لر اولکی خطالردن قورقاسونلر . زیرا ؛ بن کنه اهلري مغفرت ايدر وتوبه لريني قبول ايله مرحمت ايدر » دیدی .

نبوتی اظهاردنصکره انبيادن عن عمد کنه صادر اولماز . اما آنلر حقنده اولی اولان



برشی ترک ایتک مرتبه لرینه نسبتله کوچوک برکنهه مثابه سنده در و آنلردن صادر اولان زله تاویلده ویا اجتهاده خطا قیلندن اولدینی جهته اجتهاده خطا طرف السهیدن وحی ایله ویا الهامه بیان اولونجه اونبی خطا وزله بی کندی حقنده کنهه عد ایده رک توبه واستغفاره مسارعت ایدر. نته کیم آدم علیه السلام اجتهاده خطا قیلندن اولان شجره منهه دن بید کدنصرکه خطا اولدینی تین ایدنجه توبه واستغفار ایتشدی. سائر انبیاء کرام حضراتی ده هر نه قدر وقوع اولان خطا معفو ایهده منصب نبویلرینه نسبتله کنهه عد ایده رک استغفار ایدر لر. چونکه؛ انبیاء عظام معصوم اولوب آداب السهیه بی لایقیه بیلدکلرندن آنلردن کنهه وظلم صادر اولماز. شوقدرکه آنلر کندیلرینک زله لرینی مرتبه لرینه نظراً بویوک عد ایده رک ظلم تعبیر ایتدکلری واردر، یوقسه حقیقه ظلمدن منزهلردر. زیرا آنلرک رسول کوندرلارنده کی حکمت؛ ظلمدن ظلمی قالدیر مق اولدینی جهته رببری آنلری ظلمدن محافظه ایدر. اگر ظلمدن محفوظ اولسه لر عوام ناسه «ظلم ایتیهک» دیبا منزلر و دیسه لر تأثیری اولماز. چونکه؛ کندی ظلم ایدوب دوررکن آخره ظلم ایتیه دیمکده بر معنی اولماز، فقط «ایلرک حسنه لری مقرب اولان کیمسه لرک سیئه سی منزله ده» دنیلدی کی انبیادن صادر اولان خطایه بو آیتده ظلم تعبیر اولونمشدر. شو حالده معنای نظم:

[یا موسی! قورقا. زیرا؛ بنم حضورمده رسوللر قورقاز، الا اولابی ترکه ظلم صورتنده خطا صادر اولان کیمسه قورقار ایهده او خطانک وقوعدنصرکه توبه واستغفارله او خطایی ثوابه تبدیل ایدرسه او کیمسه قورقاز. زیرا بن؛ توبه ایدنلری مغفرت ایدر و عبادتله درگاه الوهیتیه رجوع ایدنلره مرحمت ایدرم] دیمکدر. فقط شومعنا (الامر ظلم) مرابین ده مستثنا اولدیرغه نظر ادر. اما خازنده بیان اولوندینی وجهله (الا من ظلم) ابتداء کلام و مستثنا منقطع اولدیرغه نظراً معنای نظم:

[یا موسی! بنم حضورمده رسوللر قورقاز. لکن آحاد ناسدن شول کیمسه قورقارکه او کیمسه نفسه افعال قبیحه ارتکابیه ظلم ایتدی. فقط سیئه بی ارتکابدن صکره اوسیه بی توبه واستغفارله حسنه به تبدیل ایدرسه او کیمسه قورقاسون. زیرا بن؛ اوسیه بی مغفرت و حسنه بی اختیارینه بناء مرحمت ایدرم] دیمکدر.

خلاصه؛ جناب حقک حضرت موسایه معجزه سنی کو سترمک ایچون «عصا کی یره

براق» دیدیکی وعصای یره براقجه کوچوک بر بیلان صورتنده کوردیکی وقت موسی علیه السلام کورقوب کیری به دوندیکی وعصای تعقیب ایتدیکی و طرف السهیدن «یا موسی! قورقا. زیرا؛ بنم حضورمده رسوللر قورقاز لکن آحاد ناسدن نفسه ظلم ایدنلر قورقار. شوقدرکه توبه ایدر لر سه بن مغفرت ایدرم» دیدیکی بو آیتدن مستفاد اولان فوائد جمله سنددر.

واجب تعالی حضرت موسانک ایکنجی معجزه سنی بیان ایتک اوزره ﴿وَادْخُلْ يَدَاكَ فِي جَنبِكَ تَخْرُجْ بَيْضًا مِنْ غَيْرِ سُوءٍ فِي ثَلَاثِ آيَاتٍ إِلَىٰ فِرْعَوْنَ وَقَوْمِهِ إِنَّهُمْ كَانُوا قَوْمًا فَاسِقِينَ﴾ بیوریور.

[«یا موسی! الکی جیهکه ادخال ایت، اصلاً آفت ومرض اولمقسزین کونش کی بارلار بیاض اولدینی حالده جیهکدن چیقارکه سکا معجزه اولسون وعصایله أَلْكَ بِيَاضًا سکا ویریلن طقوز معجزه ده داخلدر. سن فرعون و قومه رسول اولارق کیت. آنلری دین حقه دعوت ایت. زیرا آنلر؛ اطاعت السهیه دن چیقمش قوم فاسق اولدیلر. [شو حالده آنلر دائره اطاعته دعوت ایده جک بر رسوله محتاج اولدکلرندن سنی آنلره رسول قیلدم. بناء علیه؛ کیت آنلره، دعوت ایت طریق حقه» فرمان السهیه سی ظهور ایتشددر. بیضاوینک بیانی وجهله حضرت موسانک طقوز معجزه سی شونلردر: عصا، بیضا، ایمانه ایتدکلری صورتده قحطی، مبره لرینک نقصان اولسی، طوفانه، جگرکه، قور بغه، بیت ذیل صوبنک آنلر مقلدانه قانمویل اولونمیسدر. بونلرک تفصیلاتی سورة اعرافده کچدیکی ایچون [۱] بوراده تکرار تفصیلاتنه لزوم کوروله مشدر.

واجب تعالی حضرت موسانک معجزه لرله برابر فرعون کلوب تبلیغاته بولوندینی و آنلرک ایمان ایتدکلرینی بیان ایتک اوزره ﴿فَلَمَّا جَاءَهُمْ آيَاتُنَا مُبْصِرَةً قَالُوا هَذَا سِحْرٌ مُبِينٌ﴾ بیوریور.



[ فرعون و قومنه هر کسک کوره جکی درجه ده آچیق بزم آیتلریمز کلدی ایسه آنلر « شو کوریلن شیرلر آچیق بر سحر در » دیدیلر . ]

﴿ وَجَعَدُوا بِهَا ﴾

[ واو آیتلری انکار ایتدیلر . ] حالبوکه آیتلر بزم قدرتمزه و حکمتمزه و موسی علیه السلامک دعواسنک صدقنه دلالت ایتملردی .

﴿ وَاسْتَيْقَنَتْهَا أَنْفُسُهُمْ ظُلْمًا وَعُلُوًّا ﴾

[ حالبوکه آنلرک کندی نفسلری او آیتلرک حق اولدیغنی و قولک ایلله اولاجق برشی اولمادیغنی یقیناً بیلدیلر و لکن ظلمی اختیار ایدهرک کندیلرینی موسی علیه السلامه ایمان ایتمکدن عالی عد ایتدکلرندن انکار ایتدیلر . ] شو حالده حق اولدیغنی بیلدکلری حالده انکارلری ظلم و تکبردر .

﴿ فَانْظُرْ كَيْفَ كَانَ عَاقِبَةُ الْمُفْسِدِينَ ﴾

[ حبیلم ! فرعون و قومی معجزه لرك حق و موسی علیه السلامک دعواسنک صدقنه دلالت ایتدیکنی بیلدکلری حالده ظلماً انکار ایدنجه نظر ایت باق که مفسدلرک عاقبتلری نه اولدی . ] حق ترک ایدوب باطله میل ایدن و نفسی طریق حق قبولدن دها عالی کورن و حق بیلدیکی حالده عناد و تمردله انکار ایدن مفسدلرک حاللری نه یه منجر اولدیغنی کورکه قریش مفسدلرینک عاقبتلرینی بیله سک .

یعنی ؛ موسی علیه السلامک آچیق و هر کسک خارق العاده اولدیغنی و هر کورن کیمسه نك صدق دعوا به دلالت ایدرد لائل جمله سندن اولدیغنی بیله جکی راده ده ظاهر آیتلریمز موسی علیه السلام واسطه سیله فرعون و قومنه کلنجه آنلر « موسی علیه السلامک کتیردیکی شو کوریلن شیرلر آچیق بر سحر در و سحر اولدیغنی میدانده در » دیدیلر و کندی نفسلرنده سحر اولمادیغنی یقیناً بیلدکلری حالده او آیتلریمز ظلم اولارق و حضرت موسایه ایمانندن کندیلرینی عالی عد ایدهرک انکار ایتدیلر . بناء علیه ؛ دنیاده هر قلله هلاک اولدیلر . شو حالده حبیلم ! باق کورکه مفسدلرک عاقبتلری نه اولدی ؛ سنک قومکندن ده آنلر کی تمرد

ایدوب ایمانندن استسکافله یر یوزینی افساد ایدنلرک عاقبتلری بونلر کبی هلاک اولدیغندن آنلرک اذالرینه محزون اولما . چونکه عادت السهیه ؛ مفسدلری اهلک ایتک اولدیغنی جهته نتیجه ده بونلری ده اهلک ایده جکدر .

\*\*\*

واجب تعالی رسولنی تسلیه ایچون موسی علیه السلامک قصه سنه اشارتدن صکره حضرت داود و سلیمان علیهما السلامک زمانلرنده کچن وقوعاتک بعضیلرینه اشارت ایتک اوزره ﴿ وَلَقَدْ آتَيْنَا دَاوُدَ وَسُلَيْمَانَ عِلْمًا ﴾ بیوریور .

[ ذات الوهیتمه یمین ایدرم که محقق داود علیه السلامه و اوغلونه بز علم و یردک . ]

﴿ وَقَالَا الْحَمْدُ لِلَّهِ الَّذِي فَضَّلَنَا عَلَى كَثِيرٍ مِنْ عِبَادِهِ الْمُؤْمِنِينَ ﴾

[ و آنلر بزم و یردی کمز نعمتله شکر ایتک اوزره دیدیلر که « حمد ؛ شول الله تعالی به مخصوصدر که او الله تعالی بزی مؤمن قوللرندن چوقلرینک اوزرینه تفضیل ایتدی » ایشه بوسوزلریله جناب حقه حمد ایتدیلر . ]

یعنی ؛ ذاتمه یمین ایدرم که بز داود و اوغلو سلیمان علیهما السلامه احکام شرعییه و عموم عبادک احوالی تدبیره علم و یردک که آنلر قوللریننده جریان ایده جک احوالی محاکمه به و عادتلرینک ضبطنه و حدود شرعیه نك اقامه سنه و دشمن حدودلرینک محافظه سنه تمامیه واقف اولدیلر و داوده قوشلرک و طاغارک تسبیحلرینه و اوغلونه قوشلرک و سائر حیواناتک لسانلرینه علم و یردک و آنلرده بو نعمتلریمز شکر ایتک اوزره دیدیلر که « بالعموم السنه دن صادر اولان حمدو ثنا و بالجمله جوار حدن صادر اولان عبادات فرد و احد اولوب کافه محامده مستحق اولان الله تعالی به مخصوصدر » دیمکله شکر ایتدیلر « و او الله تعالی که بزی مؤمن قوللرندن چوقلری اوزرینه تفضیل ایتدی » دیمکله شکرلرینی اکیال ایتدیلر . بو آیت ؛ علمک پک بویوک نعمت و اهل علمک علمی اولمایانلر اوزرینه بر شرف و مزیت صاحبی اولدیغنه دلالت ایدر . چونکه ؛ کرک حضرت داود و کرک حضرت سلیمان، علمی جمله فضائلک اساسی عد ایتدکلرندن هر نعمتن اول علم اوزرینه شکر



ایتمشردر . شکرک نعمت مقابله اولسی و آنلرکده علمه شکر ایتملری علمک  
نعمت عظمی اولدیغه دلالت ایدر .

بیضاوینک بیانی وجهله عالم اولان کیمسه بی بوآیت، علمک شکرینی ادایه ترغیب  
ایتمشدر . علمک شکر ایسه طلبیه تعلیم و ناسه احکام شرعیه بی تبلیغدر و تواضعده تشویق  
واردر . کنديک برچوق کیمسه لر اوزرینه فضیلت و مزیتلری وار ایسه ده کنديلرینک  
اوزرینه برچوق کیمسه لر اولدیغی اعتقاد ایتک لازم اولدیغه آیتده اشارتده  
واردر . چونکه ؛ حضرت داود و اوغلو جمله اولاد آدم اوزرینه تفضیل اولوندقلرینی  
بیان ایتدیلر، بلکه برچوقلری اوزرینه تفضیل اولوندقلرینی بیان ایتدیلر که کنديلرندن  
افضل بعض کیمسه لر اولدیغه اشارت ایتمشردر .

..

واجب تعالی حضرت داود و سلیمان علم و یردیکنی و آنلرک شکر ایتدکلرینی بیاندنصکره  
بالخاصه سلیمان علیه السلامه یردیکنی نعمتلردن بعضیلرینی بیان ایتک اوزره ﴿ وَوَرِثَ  
سُلَيْمٰنُ دَاوُدَ ﴾ بیوریور .

[ سلیمان علیه السلام پدرینک وفاتندنصکره پدری داود علیه السلام حکومت و مملکنه  
و مملکته وارث اولدی . ]

﴿ وَقَالَ يَا أَيُّهَا النَّاسُ عَالِمُنَا مَنَظِقَ الطَّيْرِ وَأُوتَيْنَا مِنْ كُلِّ شَيْءٍ ﴾

[ سلیمان علیه السلام خلقه نبوتی و معجزه سنی بیلدیرمک ایچون « ای ناس !  
قوشلرک سوزینی بیلیمک وحی ایله بزه تعلیم اولوندی و ناسدن سائرلرینه یرلمه یں هرشی  
بزه یرلدی » دیمکله نبوتی تصدیق ایتملرینی تکلیف ایتدی . ] چونکه ؛ جناب حق پدرینه  
یردیکنی نبوتی و سائر نعمتلری یردیکنی کی پدرینه و سائرلرینه یرلمه یں برچوق نعمتلری  
سلیمان علیه السلامه یرمشدر . مثلاً انس و جنک اطاعتی و روزکارک انقیادی و قوشلرک  
لسانه واقف اولق کی پدرینه میسر اولمایان برچوق نعمتلر کندينه یرلدی .

﴿ إِنَّ هَذَا لَهُوَ الْفَضْلُ الْمُبِينُ ﴾

[ « ایشته شو نعمتلرک جمله سی آنجق ظاهر و انکاری غیر قابل فضل الهی و احسان  
سبحانیدر » دیمکله سوزینه ختام یردی . ]

یعنی ؛ داود علیه السلام وفات ایدنجه اوغلو سلیمان علیه السلام مملکنه و حکومتنه  
وارث اولدی و نبوتی خلقه تصدیق ایتدیرمک ایچون معجزه سنی بیان ایتک اوزره  
« ای ناس ! طرف الهیدن وحی ایله قوشلرک لسانی بزه تعلیم اولوندی و بزم  
امثالزده یرلمه یں هرشیدن بزه برر مقدار یرلدی . ایشته شو احسان ؛ آنجق اللهم  
بزه لعقیدر » دیمکله معجزه سنی خلقه اعلان ایتدی . بوسوزدن مقصدی ؛ اللهم کندينه  
یردیکنی نعمتلری ذکرله خلقی طریق حقه دعوت و دعوتنه اجابتک واجب اولدیغی  
بیان ایتمکدر . قوشلرک صداسنده هر نه قدر حرف یوق ایسه ده سلیمان علیه السلامک آنلرک  
لسانلرینه واقف اولسی قوه قدسیه و الهام الهیه ایله قوشک صداسندن مقصدینی آکلامق  
و اوصاددن غرضی بیلیمکدر . بناء علیه ؛ هر قوشک صداسندن مقصدینی آکلامق حضرت  
سلیمانک معجزه سی و خارق العاده در . زیرا ؛ عاتده انسانلر ایچون قوشلرک مقصدلرینی آکلامق  
یوقدر . بو، آنجق سلیمان علیه السلامه مخصوص بر احسان الهیدر . بناء علیه ؛ حضرت سلیمان  
هر قوشک صداسندن مقصدینی بیلیردی . حتی خازنده و مدارکده بیان اولوندیغه نظر آ  
یرکون طاووس قوشی اوتدیکنده سلیمان علیه السلام اصحابنه نه دیدیکنی سؤال ایدر . آنلر  
« بيله میز یا نبی الله ! » دیدکلرنده « دنیاده دیانتکز کی آخرتده جزا کورورسکز »  
دیمک ایسته دیکنی بیان بیورمشلردر . سرچه اوتدیکنده « ای کنهاکلر ! الله  
استغفار ایدک » و باغیرتلق قوشی اوتدیکنده « سکوت ایدن سلامت بولور » و خروس  
اوتدیکنده « الهی ذکر ایدک ای غافلر ! » دیدیکنی خبر یرمشدر .

بیضاوینک بیانی وجهله حضرت سلیمانک کنديلرینه یرلمه یں هرشی ایله مرادی ؛  
تأمل اولدقلری شبرک بافتلرینه یرلمه یں ده ها جوده اولسی و اوزمانده الهیه یرلمه یں  
شبرک یک جوقلرینک آنلرده یرلمه یں کنایه در . یوقسه « دنیاده موجود اولان هرشی  
یرلدی معنانه » دکلدر . سلیمان علیه السلامک سلطنتی قرق سنه دوام ایتدیکنی و مملکنک  
غایت واسع اولدیغی و دنیاده انس و جنک و قوشلرک و حیوانلرک و روزکارک و شیطانلرک



کندی نه مطیع اولدقلری وزمانده صنایع عجیه وفنون غریبه احداث اولوندی خازنک جمله بیاناتنددر. فقط بالاخره (بخت نصر) ک بنی اسرائیلی قهر و تدمیریه حکومتلرینک منقرض اولمسیله صنعتلریله برابر ارباب صنایع ده منقرض اولدیغندن مع التأسف صکره کلن اقوام اوصنایع غریبه به دسترس اولامدقلرندن اوصنایع نفیسه نابید اولمش کیتمشدر.

\*\*\*

واجب تعالی حضرت سلیمانک پدرینک سلطنتنه وارث اولدیغنی وزمانده ویرلمسی ممکن اولان هر شئیک کندیلرینه ویرلدیکنی بیاندن صکره عسکرینی جمعه به مض سیر و سفرنده جریان ایدن وقوعاتلری بیان ایتک اوزره ﴿ وَحُشِرَ إِسْکَیْمَنْ جُنُودُهُ مِنَ الْجِنِّ وَالْإِنْسِ وَالطَّيْرِ فَهُمْ یُوزَعُونَ ﴾ بیوریور.

[ سلیمان علیه السلامک امرینه امثالاً انس وجندن وقوشلردن عسکرلری طویلاندی. بناء علیه؛ اولی آخرینه مساوی اولسون ایچون عسکرک اولی حبس اولوندی. ]

یعنی؛ سلیمان علیه السلامک امری اوزرینه اطراف و اکنافدن و ممالک مختلفه دن انس وجندن وقوشلردن ترتیب اولونان عسکرلر جمع اولوندی. بناء علیه؛ عسکرک اول کلن صفلری امرای عسکریه طرفندن تعیین اولونان محللرده دور دورلدی. زیرا؛ یالکز عسکرک جمعیله اکتفا اولونمادی، بلکه نظام و انتظامنه ده دقت اولوندی و هر صنف موضع معینده صف بسته اولارق امره حاضر اولدی و عسکرک اولی آخرینه مساوی اولارق حرکت مهیا اولدی که عسکرک هپی بر یرده بولونسون و فرقلر یکدیگرنه خبردار اولسون. چونکه؛ عسکرک متفرق اولمسی دشمنک غلبه سبب اولدیغندن هر زمان طویل اولمسی مصاحته موافقدر.

خازنک، نيسابورینک ونعمت الله افندیکن بیاتلری وجهله حضرت سلیمانک اردو مرکزی یوز فرسخ مسافه اولدیغنی و بر فرسخ اون ایکی بیک آدیم اولوب بوندن یکریمی بش فرسخی انسه، یکریمی بشی جنه و یکریمی بشی قوشلره و دیگر یکریمی بشی سائر حیواناته تخصیص اولوندیغنی و هر نوع عسکر محل معینده وضیمت آلدیغنی و هر نوع عسکرک کندی جنسندن باش بوغلری و امرای و سائر ارکان عسکریه سی بولونارق

هر کس طرفندن عسکرینک انتظامنه و تعلیم و تربیه سنه دقت اولوندیغنی و جنیلره جسم طابله یابدیریلوب هوایه قالدیغنده اوطابله اوزرنده قالدیغنی و حضرت سلیمانک کرسیسی اورته ده بولونوب اطرافنده انسانلردن وزرا و وکلای و علما و ارباب فن و آنک اطرافنده انساندن عسکرلر و آنک اطرافنده جنیلر و آنک اطرافنده قوشلر و قوشلرک اطرافنده سائر حیوانات بولوندیغنی حالده روز کاره امرایدر روز کارک ده طابله یی هوایه قالدیروب ایسته دیکی محله سیر و سفر ایتدیکی مرویدر.

اساس؛ روز کارک امر سلیمانه مطیع اولدیغنی و کرسیسی هوایه کو توردیکنی جناب حق قرآنده بیان بیورمش اولوب یالکز کرسیسینک مقدارینه و عسکرینک مجموعه دائر تفصیلات قرآنده یوق ایسه ده زمانمزه ایجاد اولونان و کون بکون ایلروله مکده بولونان طیاره لر قرآنی تصدیق و سلیمان علیه السلامک کرسیسینک بویوکلکینه و عسکرینک چوقلغنه و هپسینک بردن طابله اوزرنده طیران ایتدیکنه دائر تفصیلاتی تأیید ایتکده در. بونلری کورنلر قرآنک بیاناتی اینانمغه مجبور و استبعاد ایتسنه عقل یورماز. چونکه بو کون بالفعل موجود اولان بر شئی انکار ایتک؛ مکابره و کولونجدر. اساساً معنویاتی و بالخاصه قرآنی اعتقاد ایدن کیمسه قرآنده ذکر اولونان شیئه در حال اعتقاد ایدر، استبعاد ایتز. لکن معنویاته ایمان ایتمه یی و دیانتله علاقه سی اولمایان کیمسلر بو کبی خارقه لرک امکانلرلغندن بحثله معجزاتی انکارله حاشا انبیایه طعن ایتک یلته نیرلر، فقط صنایع واسطه سیله هوایه طیرانی کورونجه قدرت السیه ایله سلیمان علیه السلامه و آنک امثالی انبیاء عظامه و یریلن خارقه لره دیلنی اوزاتماق لازم کاور. چونکه؛ قدرة الله نسبتله بو کبی خارقه لرک هیچ اهمیتی یوقدر.

حضرت سلیمانه احسان اولونان نعمتلردن بریسی ده بر کیمسه نک سویلدیکی سوزی روز کارک قولاغنه ایصال ایتسیدر. حتی بر کون عسکریه هوایه طیران ایدرکن بر چیفتجی نک «الله تعالی آل داوده و یردیکنی کیمسه یه و یرمدی» دیهرک کال تعجیله غبطه ایتدیکنی ایشیتمسی اوزرینه چیفتجینک یانه اینوب «سن تدبیرینه مقتدر اولمادیغک شئی ایسته مه. زیرا؛ مصالحی تدبیر ایده میه جکی شئی ایسته مک مصیبتدر واللهم قولندن قبول ایتدیکی بر تسبیح، آل داوده و یردیکنی دنیا نعمتلرندن افضلدر» بیوردیغنی نعمت الله افندیکن جمله بیاناتندر. شو حالده حضرت سلیمان انسانک دائماً هضم ایده بیله جکی نعمتی ایسته می لازم اولدیغنه اشارت ایتمشدر.

\*\*\*



واجب تعالى حضرت سليمانك عسكرك جمع اولونديغى بياندنصكره سير وسفرنده واقع اولان بعض غرائى بيان ايتك اوزره ﴿حَتَّىٰ إِذَا تَوَّأَ عَلَىٰ وَادِ النَّمْلِ قَالَتْ تَمْلَهُ يَا أَيُّهَا النَّمْلُ ادْخُلُوا مَسَاجِدَكُمْ﴾ بيوريور .

[ سليمان عليه السلام عسكركى جمع ايدوب عسكربله برابر هواده كزر كن قرنجهسى چوق بر دره اوزرينه كلنجه قرنجهك رئيسلى سليمان عليه السلامك عسكربله او درهيه اينه جكنى بيلمسى اوزرينه كندى اتباعك ضرر لانا مسنى دوشونهرك خيره دلالت ايتك اوزره « اى قرنجهلر ! كيرك مسكنلري كزه ، آچيقده و طشرده كيمسه قالمسون » .

﴿لَا يَخْطُبَنَّكُمْ سُلَيْمٌ وَجُنُودُهُ وَهُمْ لَا يَشْعُرُونَ﴾

[ « سزى ، بيلمكلى حالده سليمان عليه السلام و آنك عسكرى چيكنه مسونلر » ديمكله قرنجهلرك رئيسلى نصيحتده بولوندى . ]

يعنى ؛ سليمان عليه السلام عسكربله برابر سفره حركت ايدوب قرنجهك چوق بولونديغى بر درهيه كلوب ايتك مراد اينجه قرنجهلرك رئيسى معيتنده بولونان افرادى ضرردن وقايه ايچون نصيحتده باشلادى و « اى قرنجهلر ! چكلك مسكنلري كزه كه سليمان و آنك عسكرى بيلميهرك سزى چيكنه مسونلر . زيرا ؛ آنلر بيلمى اولسه لراهل تقوى اولدقلرندن سزى ايچيتمزلر و لكن سزك جته كز كوچوك اولديغى جهته دقت ايتمه نجه كورولز سكر . بناء عليه ؛ بيلميهرك آياق آلتنده قالير و چيكنه نيرسكز » ديمكله كندى جنسه تنبهات اجرا ايتدى .

بوآيتده ( وادى نمل ) ك طائفده اولديغنه دائر روايت و ارايسه ده بىضاوينك بىاني وجهله شام جوارنده اولديغى مرويدر . نصيحت ايدن قرنجهك ديشيسى اولديغنه اشارت ايچون ( نمله ) مؤنث صورتيه وارد اولش و قرنجه عقلايه يقين بر مرتبه ده اولديغندن عقلايه خطاب ايدر كى خطاب ايتمشدر . يا هور اوزمانده جناب حقل سويلكه وسويله نن سوزى آكلامغه قرنجيه بر قدرت و بر مسنه بناء عقلايه مخصوص اولان بر خطابله ( يا ايها النمل ) ديمشدر . بو خطابدن آكلاشيلديغى وجهله قرنجه حضرت سليمانك نبى اولوب جبر و ظلم

صاحبى اولماديغى و او واديه قرنجه اولديغى بيلمى اولسه لر چيكنه ميه جكلى بىانيه نصيحتده بولوندى و اكر بر ضرر كليرسه بيلمى دكلرندن كله جكنى بيان ايتدى . بناء عليه ؛ قرنجه حضرت سليمانى و عسكركى عدالتله توصيف ايدرك منصب نبوته لايق اولان آدلى يرينه كيتردى . چونكه ( وهم لا يشعرون ) بيلمكلى حالده سزى چيكنه مسونلر . زيرا ؛ بيلمى اولسه لر چيكنه مزلر ديدى .

فخر رازينك بىاني وجهله بوآيتده يولده يوروين كيمسه يه احتراز لازم اولمايوب يول ايچنده بولونانلر احتراز لازم اولديغنه و قرنجهك شو سوزنده انبيانك بغير حق آخرى ايچيتمك كى شيلردن معصوم اولدقلرينه دلالت واردر . چونكه ؛ قرنجهلره عسكرك كزه جكى يرلرده بولونمايوب مسكنلرينه چكيلملى توصيه ايتمشدر كه احتراز عسكره لازم اولمايوب عسكرك يولى اوزرنده بولونانلر لازم اولديغنه اشارت ايتدى . كذلك بر قومك رئيسندن مطلوب اولان ؛ اوقومى ضرردن حمايه ايدوب خيره دلالت ايتك اولديغنه دخی آيت دلالت ايدر . چونكه ؛ قرنجه حيوانات ايچنده اك اوقاق بر حيوان اولديغى حالده رئيسلرينك معيته خيره نصيحت و ضرردن محافظه اولونمالرينى دوشونديكلى جناب حقل قرآنده بزه بيان ايتسى انسانلرى عبرته دعوت و ابنا جذبى خير يوله سوق ايتك لازم اولديغنه و ابنا جنسى خيره سوق ايتمين و خير خواهانه نصيحتده بولونمايان انسانلرك قرنجهدن دها آشاغى اولدقلرينه اشارت ايچوندر . شو حالده بوتون انسانلره لازم اولان ؛ معيتنى خيره سوقله ضرردن وقايه ايتمكدر . بناء عليه ؛ عائله رئيسى عائله سنه ، محله رئيسى محله اهاليسنه و قريه رئيسى قريه اهاليسنه نصيحت و خيره دلالت ايتمكله مكلفدرلر .

بىضاوينك بىسانه نظراً قرنجه حضرت سليمانك او درهيه اينه جكنى آكلاينجه آياق آلتنده قالمق قورقوسنه بناء قاچار كن آكسزين قورقو عارض اولان كيمسه دن اختيار سز چيقان صدا كى قرنجهدن بر صدا و بر و او يلا چيقنجه ديكر قرنجهلرك آكا تبعيته مسكنلرينه كيرملى كآن امر و خطاب كى اولديغندن امر صورتنده تعبير اولوندى ديهرك توجه ايدلمش ايسه ده ظاهر آيت موافق اولان قرنجهك معيته خطاب ايدرك سويله مسيدر . جناب حقل قرنجيه لسان و يروب سويله تمسى سليمان عليه السلام ايچون بر معجزه اولديغى كى بزلرده بو وسيله ايله يول كوسترلمسى بعيد اولماديغندن تأويله



حاجت یوقدر . بناء علیه ؛ قرنجہ نصیحت ایتمش وحضرت سلیمان دہ ایشیتمشدر و آیت دہ  
آجیقدن بوکا دلالت ایتکده در . شو حالده تأویلی ایجاب ایدر بر سبب دہ یوقدر .

..

واجب تعالیٰ قرنجہ نک بوسوزنی ایشیتمه سی اوزرینه حضرت سلیمانک کولدیکنی بیان  
ایتمک اوزره ﴿ فَبَسَمَ ضَاحِكًا مِنْ قَوْلِهَا ﴾ بیوریور .

[ قرنجہ بویله سویله نجہ سلیمان علیه السلام قرنجہ نک بوسوزندن کولدی . ] چونکه ؛  
قرنجہ اوقاق بر مخلوق اولدینی حالده سوزی ، مهم تدبیری وقومشولریله حسن معاشرتی  
وقرداشلریله آداب صحبتی جامعدر . بناء علیه ؛ هلاک اولمقدن قرنجہ لری صاقینمه سندن تعجب  
ایتدی وکولدی .

﴿ وَقَالَ رَبِّ أَوْزِعْنِي أَنْ أَشْكُرَ نِعْمَتَكَ الَّتِي أَنْعَمْتَ عَلَيَّ وَعَلَىٰ وَالِدَيَّ ﴾

[ ویدی که « ای بنم اوزریمه و پدرم و والدہم اوزرینه احسان ایتدیکنک  
نعمتلیکه شکر ایتمه می بکا میسر قیل ، الهام ایت . ]

﴿ وَأَنْ أَعْمَلَ صَالِحًا تَرْضَاهُ ﴾

[ « یاربی ! سنک راضی اولاجنک عمل صالح ایشله مه می بکا نصیب ایت « دیدی . ]  
وسوزینه شونی دہ علاوه ایتدی ویدی که :

﴿ وَأَدْخِلْنِي بِرَحْمَتِكَ فِي عِبَادِكَ الصَّالِحِينَ ﴾

[ « یاربی ! احسانکله بنی صالح قوللرک زمره سنه ادخال ایت « دیمکله مناجاتده بولوندی . ]  
یعنی ؛ سلیمان علیه السلام قرنجہ نک سوزندن کولکه میل ایدرک تبسم ایتدی ، یعنی  
کولومسه دی وقرنجہ نک سوزنی ایشیدوب آکلامق نعمتی کندینه جناب حقک احسان  
ایتدیکنه سرورندن خفیجه کولدی ویدی که « ای بنم ریم ! سنک شول نعمتک  
شکر ایتککله بنی باغلا وربط ایت که او نعمتی سن بکا و پدر و والدہمه انعام ایتدک

وسن راضی اولاجنک عمل صالح ایشله مه می بکا الهام و بنی رحمتکله صالح قوللرک زمره سنه  
ادخال ایت که عمل صالح ایشله مکله شو نعمتک شکرینی ادا ایدیم « دیمکله ربسنه  
تضرعه بولوندی .

حضرت سلیمانک صالحین ایله مرادی ؛ انبیاء عظام و آنره تابع اولوه صلواتدر .  
ابوینه احسان اولونان نعمتلی سلیمان علیه السلام کندینه نعمت عد ایدرک کندینه .  
ویریلن نعمتله شکر ایتدیکی کی ابوینه احسان اولونان نعمتله ده شکرینی بیان ایتدی .  
چونکه ؛ ابوینک شرفی اولاده شرف اولوب آنلرک نعمتندن علی الاکثر اولاد مستفید  
اولدیغندن آنلرک نعمتی اولاد حقنده نعمت اولدیغنه اشارت ایتدی و نعمته شکر ایتکه  
و عمل صالح ایشله مکله جناب حقندن معاونت ایتدیکی کی آخرتده صالحین زمره سندن  
اولسنی دخی ربسندن استرحام ایتدی . چونکه ؛ هر شیک حصولی معاونت السیه ایله  
اولاجندن کرک شکرینه و کرک عملنه معاونت السیه به مراجعتله هر شیده معاونت  
السیه دن استمدادک لزومه اشارت ایتدی و آخرتده جنته کیرمک رحمت السیه ایله اولاجغنه  
اشارت ایچون رحمت السیه ایله جنته دخولی استرحامده بولوندی . جناب حقک قرآنده  
بزه بیانی ؛ کندیسندن استرحام ایدرک اولان کیمسه نک سلیمان علیه السلامک استرحامی  
کی استرحامده بولونمسی لازم اولدیغنی بیاندر .

( اوزغنی ) طبری ، خازن و مدارکده بیان اولوندیغنی وجهله ( الهمنی ) یعنی  
الهام معناسنه « یاربی بکا نعمتکله شکر ایتککله می الهام ایت « دیمکدر . بیضاوی  
و نیسابوریده بیان اولوندیغنه نظراً ( اربطنی ) یعنی ربط ایدروب باغلاوم معناسنه « یاربی  
بنی نعمتکله شکر ایتککله ربط ایت باغلا که بن شکرکدن باشقه بر شیله مشغول  
اولماییم « دیمکدر .

خلاصه ؛ اولاً آخرت ثوابنه سبب اولاجق عمله تشبث ایدوب ثانیاً ثواب آرامق  
و عمل صالحه موفق اولسنی جناب حقندن استرحام ایتک وظائف عبودیتدن اولدیغنی  
وانسانک کندینه احسان اولونان نعمته شکر ایتک واجب و ابوینک نعمتی اولاد حقنده  
نعمت اولدیغندن ابوینک نعمته اولادک شکر ایتمی لازم و جنتده درجانه نائل اولمق عمل



صالحه اولورسه ده جته کیرمک فضل الهمی ایله اولدینی بو آیتدن مستفاد اولان فوائد  
جمله سنددر .

..

واجب تعالی حضرت سلیمانک نائل اولدینی نعمته شکری بیاندنصرکه بعض قوشلرله  
واقع اولان مکالمه بی بیان ایتک اوزره ﴿ وَتَفَقَّدَ الطَّيْرَ فَقَالَ مَا لِيَ لَا أَرَى الْهُدْهُدَ أَمْ  
كَانَ مِنَ الْغَائِبِينَ ﴾ بیوریور .

[ سلیمان علیه السلام قوشی یتیردی (غیب ایتدی) ویدی که « بکانه کبی شی عارض  
اولدی که بن هدهد دنیان قوشی کورمیورم ، یوقسه غائب اولاندردن می اولدی ؟ » ]

﴿ لَاُعَذِّبُهُ عَذَابًا شَدِيدًا أَوْ لَا أَذْبَحْنَهُ أَوْ لِيَأْتِيَنِي رَسُولٌ مِّنْ رَبِّي ﴾

[ « الله یمین ایدرم که اگر بولورسم شدتلی عذابله عذاب ایدرم ویاخود البته آنی  
بوغازلارم ویاخود غائب اولسنک سبینه بکا البته آجیق بر دلیل کتیرر آنی عفو  
ایدرم » دیدی . ]

یعنی ؛ سلیمان علیه السلام بعض سفرنده حسب الایجاب هدهدی آرادی وتعیین اولونان  
وظیفه سی باشنده بولامادی وهدهدک وظیفه سی ترک ایتدیکنه غضب ایتدی ویدی که  
« بکانه اولدی که بن هدهدی کوره میورم ، یوقسه خدمتمدن قاچوب غائب اولاندردن می  
اولدی ؛ الله یمین ایدرم که اگر آنی بولورسم آنک تویی یولدورمق وجنسک غیرله  
حبس ایتک صورتله البته شدتلی عذاب ایدرم ویاخود سائرلرینه عبرت اولمق اوزره آنی  
البته بوغازلارم ویاخود غائب اولسنده کی سبی بیان حقنده آجیق وشبهه دن خالی ارباب  
عقولک قبول ایده جکی بر دلیل کتیرر » دیمکه هدهدی آراشدیردی .

حضرت سلیمانک هدهدی آراماسنده کی حکمتی خازن ونعمت الله افندی شویله بیان  
ایدیورلر: سلیمان علیه السلام هدهدی صوآرامق وظیفه سنده استخدام ایدرمش . چونکه  
هدهدک خاصه سی ؛ بلور ایچنده بزم صوبی کوردیکمز کی طوبراغک آلتنده صوبی  
کورمکدر . بناء علیه ؛ طوبراق آلتنده صوبک اوزاق ویقین اولدینی بیلدیکندن احتیاج

زمانی آنی کونددر صوبک یقین اولان یرینی تعین ایدر درحال جنیلره امر ایدر قویورلر  
قازیلر آرز برزمان ایچنده اردونک صوبی تأمین اولونورمش . ایشته صوبه احتیاج اولدینی  
بر زمانده هدهدی آرار بولاماز . مکلف اولدینی وظیفه سی باشندن اذلسز غیب اولدیغه  
حدت ایدر وکلدیکنده عذاب ایده جکنه ویاخود بر عذر مشروع بیان ایدرسه قبول  
ایده جکنه یمین ایدر .

بیضاوی ، خازن ومدارک بیانلری وجهله عذاب شدیدده دت احتمال واردر :  
برنجیسی ؛ تویی بولوب کوشه آتمو ، ایکنجیسی ؛ مینک غیرله مین ایتک ، اوچنجیسی ؛  
کندی اقرانه خدمتچی ورمک ، دردنجیسی ؛ الفت ایتیکی کیمسه لردنه آیرمقدر .  
چونکه ؛ بونلرک هربری ادرا کی اولان حیوان ایچون عذاب شدیددر . انسانک منفعتی  
ایچون حیوانک کیسلمسی حلال اولدینی کی مصلحت سیاسییه بناء هدهده تعذیب ایتمک ده  
حلال اولدیغه بوآیت دلالت ایدر . زیرا ؛ جناب حق قوشلری حضرت سلیمان مطیع  
قلوب قوشلردن هانکیسی ایسترسه بر وظیفه ده استخدام مآذون اولونجه اطاعتده  
سیاست لازم اولدیغندن مکلف اولدینی وظیفه یی بلاستیدان ترک ایدنی سیاسة تأدیب  
لازم اولدیغه دخی آیت دلالت ایدر . بناء علیه ؛ هدهد مکلف اولدینی وظیفه سی ترک  
ایدنجه مقبول بر عذری اولمادینی صورتده عذاب ایده جکنه یمین ایتدی . چونکه ؛  
شریعتلرک کافه سنده حکومتلرک قانونلرنده بلاستیدان وظیفه سی ترک ایدنلرک تأدیبی قواعد  
مرعیه دندر . عین قاعده یه حضرت سلیمان رعایت ایدیوردی . هدهد ؛ سرپر قوشی  
نوعنره ارفاچه بر قوشدر . هدهدک حضرت سلیمان طرفندن بر وظیفه ایله مکلف  
اولدیغه بوآیتده دلالت واردر چونکه ؛ تکلیف اولما یجه تأدیب وتعذیب اولماز بناء علیه  
تعذیب ایده جکنی بیان ؛ مکلف اولدینی بیانی مستلزمدر .

..

واجب تعالی حضور سلیمان هدهدک کلدیکنی وغیوبتنک سینی بیان ایتدیکنی ذکر



ایمک اوزره ﴿فَكَثَّ غَيْرَ بَعِيدٍ فَقَالَ أَحَطْتُ بِمَا لَمْ تُحِطْ بِهِ وَجِئْتُكَ مِنْ سَبَإٍ بَنِيًّا يَقِينٌ﴾ بیوریور .

[ سلیمان علیه السلام آرامی اوزرینه همان آرز بر زمان دوردی کلدی و سلیمان علیه السلام زریه کتدیکنی سؤال اتمی اوزرینه هدهد جوابده دیدی که « یا بنی الله! سنک احاطه اتمدیکک و علمک لاحق اولادینی برشیتی بن احاطه ایتدم و مطلع اولدم و سکا قوم سبأدن یقین بر خبرله کلدیم . » ]

﴿إِنِّي وَجَدْتُ امْرَأَةً تَمْلِكُهُمْ﴾

[ « زیرا ؛ بن بر قادین بولدم که اوقادین اهالی سبأه مالک اولیور . » ]

﴿وَأُوتِيتَ مِنْ كُلِّ شَيْءٍ﴾

[ « و او خاتونه پادشاهلرک محتاج اولدقلری هرشی ویرلمشدر . » ]

﴿وَلَهَا عَرْشٌ عَظِيمٌ﴾

[ « حالبوکه او خاتونه مخصوص بویوک بر کرسی ده واردر » دیمکه کتیردیکی خبری تفصیل ایتدی . ]

یعنی ؛ سلیمان علیه السلام حسب الاحباب هدهدی آریوب بولامادیغندنصکره اوزاق بر زمان کچمکسزین همان آرز بر زمان دوردی و دوردینی اوزاق بر مدت دکلدی . بناء علیه ؛ هدهد سرعتله کلدی اثبات وجود ایتدی . سلیمان علیه السلام زریه کتدیکنی سؤال اتمی اوزرینه هدهد اعتذار ایدرک دیدی که « یا بنی الله ! سنک علمک لاحق اولمایان برشیته بنم علمم لاحق اولدی که سنک و عسکر کدن هیچ بر کیسه نیک بیلمدیکی برشیتی بن تحقیق ایتدم و قوم سبأدن بر خبر یقینله سکا کلدیم » دید کدنصکره خبری بیان ایتکه باشلادی و « بن سبأ قومنه مالک و آنلرک پادشاهی بر خاتون بولدم و او خاتونه پادشاهلره لازم اولان هرشی ویرلمش و او خاتونک بک بویوک سرائی و کوشکی ده واردر » دیمکه غیبوتقی و زریه کتدیکنی بیانله جواب ویردی . سبأ ؛ قوطانه نسلرله و (صنعا) به ارج قوتانه مسافرده

(مأرب) شهرینی بنا ایدر سنهک اسمیر . بناء علیه ؛ اوبلدهیه (سبأ) واهالیسنه (قوم سبأ) دنیلمشدر .

هدهدک اورایه کیمه سنک سببی ؛ خازن ، بیضاوی و نیسابورینک بیانلریته نظرآ سلیمان علیه السلام بیت مقدسک بناسنی اکالدنصکره حجه نیت ایدر و عسکر یله برابر مکه مکرمهده حجه ادادنصکره بر کون صباح و قتی یمن جهته حرکت ایدر و اوکله دنصکره (صنعا) اوزرینه کلوب منظره سی غایت لطیف برارض کورونجه نماز قیلمق ایچون ایندی . فقط صو بولامایجه درحال هدهدی آرادی بولامادی . حالبوکه یوقاریده بیان اولوندینی وجهله هدهد صو تفتیشنه مأمور ایدی . مکر هدهد هوایه دوغرو بر جولان یاپدیغنده غایت کوزل بر باغچهده کندی کی بر هدهدی کورور . آنکه بر مقدار مصاحبت ایدوب کیری کلمک اوزره باغچهیه اینر . اوراده بولونان هدهد آنک زردلی اولدینی ونه ایچون کزدیکی صورار . هدهد سلیمان علیه السلام دبدبه و داراتی بیاندنصکره حضرت سلیمانک هدهدی ده عین سؤالی باغچهده بولونان هدهده ایراد ایدر . اوده باغچه (بلقیس) ک اولدینی و بلقیسک احوالی تفصیل ایدر . بلقیسک سرائی کوسترمک اوزره آلیر کورتورور و سرائی بلقیسی تماشا ایدر کلیر . فقط بر مدت وقت کچر و مطلع اولدینی احوالی حضرت سلیمان خبر ویرمکه قصورینک عفونی استرحام و بوسیلله ایله حضرت سلیمانک غضبی تسکین ایدر . بناء علیه ؛ عذابدن قورتولور . چونکه ؛ سلیمان علیه السلام کلامنده قبوله شایان بر اعتذاری اولورسه و مهم بر خبر کتیررسه عفو ایدر چی مندرج اولوب هدهدهد بو خبری کتیرنجه یمینی یرینی بولدی و هدهدک قصورینی عفو ایتدی .

بیضاوینک بیانی وجهله بو آیتده سلیمان علیه السلام نفسی حقیر کورمه سنه و علمنی غایت آرز عد اتمسنه تنبیه واردر . زیرا ؛ هدهد کوچوک بر مخلوق اولدینی حالده آنک بیلمدیکی بیلیمسی و « سنک احاطه اتمدیکک شیئی بن احاطه ایتدم » دیمسی طرف الهیدن کندینه بر تنبهدر .

هدهدک واقف اولدینی خاتونک اسمی (بلقیس) در . پدرینک اسمی قحطان نسلندن (شرحیل) در . بلقیسه و یریلن هرشی ایله مراد ؛ پادشاهلره لایق اولورده مال ، عسکر و مهمات هر یوره هر شیر . هر نه قدر سلیمان علیه السلام سلطنتی باقیسدن چوق فضله ایسه ده



بلقیسک سرایی کبی بر سرای یامغه التفات ایتدیکندن هدهد بلقیسک سرایی عظمتله توصیف ایدرهک (ولها عرش عظیم) دیمشدر . یاغور حضرت سایمانک سلطنته کورم سرایلری واردی ولکن هدهدک مقصدی باقیسه نسبتله سرایی بویوک دیمکدی . قاضینک بیانه نظرآ بلقیسک سرایی؛ بناسی جهندن اوزمانه نسبتله دنیانک اک قیمتدار سرایلرندن اولوب مجوهراته مزین و مرصع و هر درلو زینتی حاوی ایدی . کرچه آیتده سرایی عظمتله توصیف و ارایسهده بناسنک کیفیتنه و طرز معماریسنه و زینتنه دائرتفصیلات یوقدر . آنجق اوزمانده اک قیمتدار و سیر و تماشایی دکر بر سرای اولدیغنه اشارت واردور .

\*\*\*

واجب تعالی ، سایمان علیه السلام غزایی سور و بالخاصه مشرککری طریق توحیده دعوته محبت ایدر اولدیغندن هدهدک بوخبرینی دهازیاذه تفصیل ایتسنی آرزو ایتدیکنندن هدهده مساعدده و قوم سبأک دیانتلرینی تحقیق ایتسنی اوزرینه هدهدک کلامنی حکایه ایتمک اوزره ﴿وَجَدْتُمَا وَقَوْمَهَا يَسْجُدُونَ لِلشَّمْسِ مِنْ دُونِ اللَّهِ﴾ بیوریور .

[ « بن اوخاتونی و قومنی اللهمک غیری شمسه عبادت و سجده ایدرلر بولدم » . ]

﴿وَزَيْنَ لَهُمُ الشَّيْطَانُ أَعْمَالَهُمْ﴾

[ « شیطان آنلره باطل عبادتلرینی تزین ایتدی » . ]

﴿فَصَدَّهُمْ عَنِ السَّبِيلِ﴾

[ « بناء علیه ؛ شیطان آنلری طوغرو بولدن منع ایتدی » . ]

﴿فَهُمْ لَا يَهْتَدُونَ﴾

[ « شیطان منع ایدنجه آنلر طریق مستقیمه اهتدا ایدمهزلر » دیمکله مذهبیلرینی تفصیل ایتدی . ]

یعنی ؛ هدهد بلقیسی و بلقیسک سرایی تدقیق ایتدیکی کبی بلقیسک مذهبنی دخی تدقیق ایتدیکنه بناء مذهبنی سلیمان علیه السلامه خبر و یروب دیورکه « بن بلقیسی و قومنی

اللهک غیری کونشه سجده ایدرلر بولدم و شیطان آنلره اعمال قبیحهلرینی تزین ایدرهک آنلری طوغرو بولدن منع ایتمش . بناء علیه ؛ آنلر شیطانک تزیناتنه آلداندق طوغرو بولی بولامازلر . چونکه ؛ اکری عمللرینی طوغرو ظن ایتدکلرندن طریق مستقیم آرمازلرکه اهتدا ایتسونلر . شو حالده آنلری ایقاپ ایدمهجک بر مرشد کامل لازمدر . بو آیتده قوم سبأک اهتدا ایدمهملرینک سببی ؛ شیطانک آنلری طوغرو بولدن منع ایتسیدر و بوجهله آنک نتیجهسیدر و منطقجه قیاس تقریری شویلهدر : « قوم سبأ اهتدا ایدمهزلر . زیرا ؛ شیطان آنلری طوغرو بولدن منع ایتمشدر . هر قوم که شیطان آنلری طوغرو بولدن منع ایدمه ، آنلر اهتدا ایدمهزلر . بناء علیه ؛ قوم سبأ اهتدا ایدمهزلر » دیمکدر . شیطانک آنلری طوغرو بولدن منعنک علنی و سببی ؛ عمللرینی تزین ایتسیدر و بوجهله آنک نتیجهسیدر و تقریری شویلهدر : « شیطان قوم سبأ طوغرو بولدن منع ایتدی ؛ زیرا شیطان ؛ آنلرک اعمال قبیحهلرینی تزین ایتدی . هر قوم که شیطان آنلرک اعمال قبیحهلرینی تزین ایدمه ، آنلری طوغرو بولدن منع ایدر . شیطان قوم سبأ طوغرو بولدن منع ایتدی » دیمکدر .

﴿أَلَا يَسْجُدُوا لِلَّهِ الَّذِي يُخْرِجُ الْخَبْأَ فِي السَّمَوَاتِ وَالْأَرْضِ وَيَعْلَمُ مَا تُخْفُونَ وَمَا تُعْلِنُونَ﴾

[ شیطان آنلرک عمللرینی تزین ایتدی که آنلر شول الله تعالی به سجده ایتسونلر او الله تعالی سموات و ارضده اولان کیزلی شیلری چیقاریر و سزک کیزله دیککز و آشکار قیلدیغکز شیلری بیلیر . ]

یعنی ؛ شیطان قوم سبأک عمللرینی تزین ایدرهک طوغرو بولدن منع ایتدی که آنلر الله تعالی به سجده ایتسونلر . او الله تعالی که کوکلرده کیزلی اسباب رزقندن اولان یاغور دانهلرینی ویرلرده نباتاتی میدانه چیقاریر و آنلره رزق قیلار و سزک کیزله دیککز و اظهار ایتدیگکز شیلرک جملهسنی بیلیر . بناء علیه ؛ سجده به و عبادته مستحق اودر . آنک غیری عبادته اهل اولادیغندن غیره عبادت شرکدر .

بو آیتده (الا) تخفیفله و یا حرف ندا اولق و منادی اولان قوم کله سنک مخذوف



اولسبله قرائت واردر . بوکا نظراً بیضاویونک بیانی وجهله بو آیت الله تعالی دن ویاخود سلیمان علیه السلام دن ابتداء کلام وسجده ایله امردر . سلیمان علیه السلام کلامی اولدیغنه نظراً معنای نظم : [ ای قوم ! شول الله تعالی به سجده ایدک که او الله تعالی کوکارده ویرده کیزلی اولان شیلری اخراج ایتدیکی کبی سزک کیزلی و آشکار قیلدیغکز شیلرک جمله سنی بیلیر ] دیمکدر . اگر جناب حق دن ابتداء کلام فرض اولونورسه معنای نظم : [ ای قوللرم ! سجده ایدک شول الله تعالی به که او الله تعالی سموات وارض دن جیقه احق دانه لری ورزقاریکیزی چیقاریر و سزک خفی و جلی جمله اسرار و افعال کیزی بیلیر ] دیمکدر . اولکی معنای کوره سجده یی ترک اوزره بلقیسی و قومنی ذم اولوب ایکنجی و اوچنجی معنایله نظراً سجده ایله امر اولدیغدن کرک سجده یی ترک اوزرینه ذم و کرک امر هر جمله سی سجده نک واجب اولدیغنه دلالت ایتدیکندن آیت جایله هرایکی قرائته نظراً سجده نک واجب اولدیغنه دلالت ایدر . سجده یه ترغیب ایچون واجب تعالی کمال قدرت و علمنی بیان ایتشد . چونکه ، سموات وارضه کیزلی اولان شیلری اخراج ایتک قدرت کامله یه دلالت ایتدیکی کبی کیزلی و آشکار هر شیئی بیلیمکده علم کامله دلالت ایدر . شو حوالده سجده یه مستحق آنجق الله تعالی اولوب اللهک غیری هیچ برکیمسه نک سجده یه اهل اولمادیغنه دلالت واردر .

\*\*

واجب تعالی سجده یه مستحق اولدیغنی بیاندنصکره واحد حقیقی و معبود بالحق اولوب عرش اعظمک صاحبی اولدیغنی بیان ایتک اوزره ﴿ اَللّٰهُ لَا اِلٰهَ اِلَّا هُوَ رَبُّ الْعَرْشِ الْعَظِيمِ ﴾ بیوریور .

[ الله تعالی دن باشقه معبود بالحق یوقدر ، آنجق معبود بالحق الله تعالی واردر که او الله تعالی عرش اعظمک صاحبدر . ] عرش اعظم ، اجسامک اول خلق اولونانی اولدیغنی کبی اجسامک جمله سنی ده محیطدر . بلقیسک عرش ی بلقیسه و آنک امثالی پادشاهلره نسبتله بویوک اولدیغنی کبی الله تعالی نک عرش ده جمله مخلوقاته نسبتله بویوکدر . شو حوالده عرش

بلقیسه عظیم دنیلدیکی کبی عرش اعلا یه ده عظیم دیمکده منافات یوقدر . چونکه عرش بلقیسه عظمه ؛ بلقیسه نسبتله در واللهم عرشنده عظمت ؛ جمله مخلوقاته نسبتله در . بو آیتلر هدهدک کلامی اولدیغنه نظراً هدهد جناب حقک وحدانیتی اقرارله توحید ایتدیکنه آیت دلالت ایدر . چونکه ؛ واجب تعالی نک وحدانیتی و فاعل مختار و قدرت کامله صاحبی اولدیغنی تصدیقه ایمان ایدن برکیمسه الله تعالی نک هدهده حضرت سلیمانله سوبله شمهک والله ییلوب وحدانیتی اقرارله توحید ایتمهک قدرت ویرمسنده ترد ایتدیکی کبی بو مثللو عجائباته اعتراض ایتمز . اما اللهم قدرت ی تمامیله تصدیق ایتمین نفس خبیثه صاحبی اولان برکیمسه کند ی مسکین نفسنه قیاسله خالقک عزتیله مخلوقک ذاتی بینتی تفریق ایتدیکندن بو مثللو نفوس قدسیه صاحب لردن ظهور ایدن تجلیات الهیه یه اعتراض ایدر لر سه ده نفس لرنده کیزلی اولان نفاق لرنی اظهار ایتمکدن باشقه برشی یا پمش اولمازلر . بو آیتده بیان اولونان ایکی قرائتک هر هانکیسی تلاوت اولونسه تلاوت ایدن وایشیدن کیمسه لره سجده تلاوت واجبدر .

\*\*

واجب تعالی بلقیسک احوالنه دائر سلیمان علیه السلام هدهدک کتیردیکی خبری بیاندنصکره حضرت سلیمانک سوزلرنی و معاملهنی بیان ایتک اوزره ﴿ قَالَ سَتَنظُرُونَا اَصَدَقْتَ اَمْ كُنْتَ مِنَ الْكَاذِبِينَ ﴾ بیوریور .

[ سلیمان علیه السلام هدهدک کلامنی کمال دقتله دیکله دکنصکره دیدی که « ای هدهد ! البته بز سنک خبرکده تأمل و تفکر ایدر بر آرز دوشونورز . باقالم سن خبرکده صادق میسک ، یوقسه یا لانجیلردن میسک ؟ » ]

﴿ اِذْ هَبْ بِكِتَابِنَا هَذَا فَالِقَهُ اِلَيْهِمْ ﴾

[ « سن شو کتابله کیت و او کتابی آنلره آت . » ]

﴿ ثُمَّ تَوَلَّى عَنْهُمْ فَانْظَرْ مَاذَا يَرْجِعُونَ ﴾



[ «مکتوبی آندقدنصرکه آنلردن کیری چکیل سوزلرینی دیکله نظرایت باق بربرلرینه نه کبی سوزلرله مراجعت ایدرلر واستشاره لری نه یولده جریان ایدرسه بکا خبر کتیر» دیمکله هدهدک وظیفه سنی تعیین ایتدی وبلقیسه کوندردی. ]

یعنی ؛ سلیمان علیه السلام هدهدک سوزلرینی دیکله دی وکلامک متضمن اولدینی علم وحکمتی صحفه دلیل عد ایدرک هدهدک اعتذارینی قبول وقصورینی عفو ایتمش ایسه ده خبرک متضمن اولدینی بلقیسه دائر خبری تمامیه تحقیق ایتک لازم اولدینی وهنوز بو خصوصه دائر قطعی بر خبر اولمادیغنی اشعار ایتک اوزره دیدی که « بز سوزیکی دیکله مش ومحتنه حمل ایتمش ایسه ده بز البته نظر ایدر باقارز. سنک سوزک طوغرومیدر، یوقسه سن یالانخیلردن میسک ؟ بو جهت تمامیه تحقیقه محتاجدر. سن شو کتابله بلقیسک سراینه کیت وبو کتابی بلقیسه وجماعته آت وآنلرک اولدینی محلدن دون کیری وآنلرک کورمیه جکلری برمحله چکیل دیکله سوزلرینی. نه کبی سوزلر وتدبیرلرله بربرینه مراجعت ایدر واستشاره لرینک خلاصه سی نه یه منجر اولورسه بکا خبر کتیر » دیمکله هدهدک حرکتی تعیین ایتدی.

فخررازی وخازنده وروح البیانده ذکر اولوندیغنه نظراً هدهد مکتوبی منقاریله کوتوردی. بلقیسک سراینک پنجره سندن کیرمک صورتیه بلقیسک کوکسنه قویدی وحضرت سلیمانک امری اوزره کیری چکیددی وپنجره نک برطرفه صاقلاندی ونتیجه یه انتظار ایتدی. بلقیس او یقودن او یاندی کوکسندن نامه یی آلوب مهر سلیمانی کوروپجه وجودینه برتیره مک عارض اولوب قورقو هرطرفی احاطه ایتسی اوزرینه درحال وکلاسی طوبایه رق مذاکره یه باشلادی وهدهده تماماً سوزلری دویاجق قدر یقین بر پنجره ده اخذ موقع ایدوب دوردی.

\*\*\*

واجب تعالی بلقیسک کلامی ونامه سلیمانی وکلاسنه او قودینی بیان ایتک اوزره  
﴿ قَالَتْ يَا أَيُّهَا الْمَلَأُوْاِیْنِی اُلْتِیْ اِلَیْ کِتَابِ کَرِیْمٍ ﴾ بیوریور.

[ بلقیس وکلاسنه ومملکتک اشرافه خطاب ایدرک دیرکه « ای اولو کیشیلر وبویوک آدمیر ! محقق بکا کوزل بر کتاب آتیلدی. » ]

﴿ اِنَّهُ مِنْ سُلَیْمَانَ وَ اِنَّهُ بِسْمِ اللّٰهِ الرَّحْمٰنِ الرَّحِیْمِ ﴾ اَلَا تَفْلُوْا عَلٰی وَاَتُوْنِیْ مُسْلِمِیْنَ ﴿  
[ «او کتابک صورت تحریری شویله در: او کتاب سلیماندر و او کتاب رحمن ورحیم اولان اللهک اسمنه مقارندر. سز بنم اوزریمه کبر ایتیک وسز بکا تمامیه مطیع اولارق کلک دیور» دیدی. ]

بیضای ونیسابورینک بیانلری وجهله مکتوب مهرلی اولوب ومهری عجائب اوزره مشتمل اولدینی کبی لفظی ده اسم الله اوزرینه مشتمل اولدیغندن بلقیس کتابی کرامتله توصیف ایتمش وفراستیه بر نبی طرفدن کلدیکنی واهدایه دعوت اولدینی بیلدیکندن نامه یه تعظیم ایتمش وبو تعظیمی اهداسنه وعاقبت سلیمان علیه السلامه ازدواجنه سبب اولمش وبو وسیله ایله سعادت دارینه نائل اولمشدر.

فخررازی ونیسابورینک بیانلرینه نظراً رسول الله « کتابک کرامتی مهیردر » بیورمش وبلقیس ده کتابی مهیرده کوردیکی عجائب دن دولای کرامتله توصیف ایتمشدر. بناء علیه ؛ مکتوبی مهرله مک سنت انیسادندر. حتی بزیم پیغمبریمزده نفسی ایچون مهر اتخاذایتمشدر ونامه لرینی مهرله مشدرکه ابتداسی عجم ملکینه یازدینی مکتوبدن باشلامشدر. فقط عجم ملکلی نامه رسول اللهی تحقیر ایتدیکندن عاقبت کندی حقیر وملکی پریشان وحکومتی منقرض اولمشدر. بلقیس مکتوبی حکایه ایدرکن حضرت سلیمانن اولدینی بیانی تقدیم ایتدیکندن حکایه صورتیه آتیده سلیمان تقدیم اولونمشدر. یوقسه سلیمان علیه السلامک تحریرنده بسمله مقدم اولدینی اکثر مفسرینک جمله بیاناتلرندن در.

انبیاء عظام حضرتلری سوزلرینی دائماً مقصده حصر ایدر زیاده سوز سوزلرله بناء علیه ؛ حضرت سلیمانک شوکتابی غایت مختصر اولقله برابر انسانه دنیا و آخرتده لازم اولان مسائلک جمله سنی جامعدر. چونکه ؛ انسانه لازم اولان اولاً اعتقاد وعملدر واعتقادک عمل اوزرینه مقدم اولدیغنه اشارت ایچون سلیمان علیه السلام نامه سنده بسمله یی تقدیمه واجب تعالی نک وجودینی والوهیتله متصف وعلم وقدرت واراده واحسان صاحبی برخالق لمزل اولدینی بیانه ذات الوهیته متعلق مسائل اعتقادیه یی اجمالاً بیان ایتمشدر. زیرا رحمن ورحیم اولق ؛ صفات ثبوتیه نک جمله سنی جامع اولدیغندن حضرت سلیمان بسمله ایله عبادتک آنحق الله تعالی یه اولوب اللهک غیری عبادته مستحق بر کیمسه اولمادیغنی بیان



وعقائد حقیه اشارت ایتشددر . یالکز اعتقاد حق بیانه اکتفا ایتدی ، بلکه عمل صالح لزومه دخی اشارت ایتدی . چونکه ؛ ( الاتملوا ) کله سی نفس اماره یه اتباعله هوا وهوسنه تبعیتدن وتکبردن نهی ایتک ایله اخلاق ذمیمه یی ترکک لزومه اشارت ایتشددر که اخلاق ذمیمه یی ترک و اخلاق حمیده ایله اتصاف لازم کلیر . مسلم اولارق کلریله امر ؛ تمامیله انقیاد و لازم کلن عبادتی ادا وایان و انقیاد ایله نفسی قیلیددن محافظه و حیات دنیا وسعادت اخری یه نائل اولمغه چالیشملریله امر و توصیه در . شوخالده بو ایکی جمله ایله سلیمان علیه السلام آنلری ایمانه و انقیاده دعوت ایتدی . حالبوکه « آنلره قارشى نبی اولدیغنه دائر معجزه سنی اظهار ایتدیکندن شو دعوت تقلید ایله اکتفای مستلزم اولماز می و اصول اعتقاد اولان ایمانده تقلید جائز اولور می و معجزه سنی کوسترمکسزین بلقیسی و قومنی کندینه ایمانه فصل دعوت ایتدی ؟ » عنواننده وارد اولان سؤاله جواب : حضرت سایان معجزه سنی آنلره قارشى اظهار و دعوتی آنک اوزرینه بنا ایتدی . شوخالده تقلیده تکلیف ایتدی . چونکه ؛ سلیمان علیه السلام بلقیسه کوندردیکی ایلچیسی سرچه قوشی نوعندن اوافاجق بر قوشدر . نیسابوری وفخر رازینک بیانلری وجهله بلقیسک یتاق اوطه سی یدی قابو ایچنده اولوب قابولرک هپسنى آرقه سندن کلیدلر ، حتی آناختارلری یاصدیغنک آلتنه قویدیغندن بونامه یی انسانک کتیرمسی و بلقیسک بولوندیغنی اوطه یه کیرمسی ممکن دکلددر . شوخالده بویله حکمت آمیز والوهیتدن خبر ویرر و عملیاتله امر ایدر و اخلاقیاته اشارتله تهذیب اخلاقه دعوت ایلر برنامهنک کوکسی اوزریده بولونمسی سمان وحی کلش کبی غرائی متضمن اولدیغنی جهته نامه یی کوندرن ذاتک قوه قدسیه صاحبی پک بویوک بر ذات اولمسه دلالتی معجزه یونندن کافی اولدیغندن بلقیس در حال قبول جهتنه میل ایتمکله نامه یه تعظیم و کرامتله توصیف ایتشددر . حالبوکه اصح روایتله نظراً هدهدینجیره دن کیروب بلقیسک کوکسینه نامه یی قویاجغنده بلقیسی دقدقه سیله او یاندرمش . بو روایتله نظراً بلقیس هدهدک نامه یی کتیردیکنی کورمش . بناء علیه ؛ هدهدک نامه کتیرمه سندن دهها زیاده بر معجزه اولور می ؟ البته اولاماز . چونکه ؛ بویله بر قوشک ایلچیلک یامسی عادتک خلافیدر و او قوشک ، کوندرن ذات اطاعت ایتسی و تنیه اولونان خدمتلی تمامیله یرینه کتیرمسی و کتیردیکی نامهنک غایت قیمتدار اولاسی نامه یی کوندرن ذاتک نبوتنه دلالت ایدر معجزات قیلندن اولدیغنی جهته سلیمان علیه السلام

معجزه سنی اظهار ایتش و آنلری ایمانه دعوت ایتشددر . بناء علیه ؛ شو دعوتده تقلیده اکتفا یوق که سؤال وارد اولسون .

\*\*\*

واجب تعالی بلقیسک نامه یی قرائتدنصکره و کلاسنه خطاباً ایراد ایتدیکی سوزلری و وکلاسنک سوزلرینی بیان ایتک اوزره ﴿ قَالَتْ يَا أَيُّهَا الْمَلَأُوْا أَفْتُونِیْ فِیْ أَمْرِیْ مَا كُنْتُ قَاطِعَةً أَمْرًا حَتّٰی تَشْهَدُوْا ۚ ﴾ بیوریور .

[ بلقیس و کلاسنه خطاباً کمال اضطرب و المله « ای — اولو کیشیلر و بویوک آدملر ! شومشکل امرمه بکا جواب ویرک و مسئله یی حل ایدک و احتیاطه رعایتله دوشونک عریض و عمیق قونوشون . زیرا ؛ سز حاضر اولونجه یه قدر بومسئله ده بن رأی و یروب کسیدیره مدم . شیمدی سزه تفویض ایدیورم ، تأمل ایدک اطرافیله دوشونک و بکا برفتوا ویرک ، مسئله پک مهمدر . سزک راییکزک تقرر ایتدیکی شیئی بنده امضا ایدیم » دیدی . ]

﴿ قَالُوا نَحْنُ أُولُو قُوَّةٍ وَأُولُوا بَأْسٍ شَدِیدٍ وَالْأَمْرُ إِلَیْکَ ﴾

[ وکلا مسئله یی دوشوند کدنصکره دیدیلر که « بز قوت و قدرت صاحبی بز و بز امر حربده شدت هجوم و شجاعت و جلادت صاحبی بز ، صیتمز عالمه انتشار ایتشددر . بناء علیه ؛ دشمندن قورقماز و مهمات حربیه من مکملدر و عسکریمز چوقدر . شوخالده قورقومز یوقدر . اکر حرب ایتک ایسترسهک تلاش ایتمه ، حالبوکه امر سکا راجعدر . » ]

﴿ فَانْظُرْیْ مَاذَا تَأْمُرْ ۖ ﴾

[ « بناء علیه ؛ نظرایت باق محاربه و یا مصالحه دن هانکی جهتی اختیار و امر ایدرسهک بز امریکی قبوله حاضرز » دیگله استشاره لرینک خلاصه سنی بیانه برابر رأی بلقیسه مراجعت ایتدیلر . ]

بو آیتده حکمدارله و کلاسی بیتمده ارتباط و امتزاج و یکدیگرینه قارشى صداقت و وکلانک حکمداره کمالیه اطاعتلری لازم اولدیغنه اشارت وارددر . چونکه ؛ جناب حق خلاصه البیان : اون برنجی جلد — ۹



حکمدار اولان بلقیس وکلاسنه مقصدی اظهار ایدوب ایشک اهمیتنی آکلاتوب و مسئله نکل حافی آنلره حواله ایتدیکنی بیانله حکمدار طرفندن وکلایه قارشنی اولاجق معاملہ نی بیان ایتدیکی کبی وکلانکده شمدییه قدر تضییع اوقات ایتیه یوب محاربه مهماتیلہ مشغول اولدقلرینی و هر دورلو احتمالاته قارشنی تدارک انده بولوندقلرینی و عسکری تعلیم و تربیه ایلہ شجاعت و جسارتہ آلیشدیردقلرینی و حکومتہ لازم اولان تشبثاندن کری دور مادقلرینی و حکمدار اعلان حرب ایتک ایسترسه هیچ بردشمندن چکینمیه چکلرینی اشعارله جوابلرینی بیانله وکلانک حکمداره قارشنی وظیفه لرینی و محاربه ایتک طرفنه میل ایتدکلرینه اشارتله برابر ایشی عاقبت رئیس حکومتک رأینہ حواله و حسن معاشرت و کمال اطاعتلرینه دخی اشارت ایتمکله بر حکومتک وکلاسندن لازم اولان وظیفه نی بیان ایتشدیر. چونکه ؛ بلقیسک وکلاسنه ایشی حواله دن مقصدی ایکیدر : برنجیسی ؛ وکلانک قبلرینی تطیب ایتک ، ایکنجیسی ؛ آنلرک رأیلرندن استفاده ایتمکله برابر معاونت و مظاهرت بکله مک و مملکت حقنده دوشوندکلرینی و تدبیرلرینی آکلامقدر . کذاک وکلانک جوابنک خلاصه سی ده ایکیدر : برنجیسی ؛ اگر حکمدار محاربه ایتک ایسترسه محاربه یه اقتدارلرینی و حاضر اولدقلرینی بیان ایتک ، ایکنجیسی ؛ اگر حکمدارک مقصدی مصالحه ايسه آکاده موافقت ایدچکلرینی بیانله حکمداره اطاعتلرینی اظهار ایتمکدر . اساساً مذاکره اولونان مسئله یه ده چاره ایکیدر : یا محاربه و یاخود حضرت سلیمان طرفندن واقع اولان تکلیفی قبول ایتمکله مصالحه در . چونکه ؛ تکلیفک ایجابی بوایکیدن برینی اختیار ایتمکدر . زمانزده بو مثللو تکلیفاته نوطه دینور که نتیجه سی یا حرب و یاخود تکلیفی قبول ایتمکدن عبارتدر . ایشته بو مثللو وقعہ لری جناب حقک قرآنده بیانی ؛ امت محمدہ درس ویرمک و حکمداره و وکلاسنه لازم اولان وظیفه لرینی و امنیت متقابله نکل لزومی بیان ایتمکدر .

\*\*\*

واجب تعالی وکلانک جوابلرینی بیاندن صکره بلقیسک کلامنی بیان ایتک اوزره ﴿ قَالَتْ إِنَّ الْمُلُوكَ إِذَا دَخَلُوا قَرْيَةً أَفْسَدُوهَا وَجَعَلُوا أَعِزَّةَ أَهْلِهَا أَذِلَّةً وَكَذَلِكَ يَفْعَلُونَ ﴾ بیوریور .

[ بلقیس وکلاسنه جوابده دیدی که « اوت! سزک دیدیککز کبی بزم قوتمز واردر ولکن حرب خدعه در و محاربه مشکدر ، عاقبتی معلوم اولاماز . بناء علیه ؛ کثرته و جرأتہ اعتبار یوقدر . اگر مأمولزک خلاقی ظهور ایدرامر بالعکس اولورسه مملکت خراب اولور و بزلرده ذلیل اولورز . زیرا ؛ پادشاهلر بر مملکته کیردکلرندہ او قریه نی و مملکتی افساد و معموره لری تخریب ایدرلر و اهلینک قویلرینی ضعیف و عزیز اولانلری ذلیل قیلارلر . بناء علیه ؛ اگر سلیمان علیه السلام و عسکری بزم مملکت مزه قهرآ کیره چک اولورلرسه بزمده مملکت مزی تخریب ایدرلر و وزنکینمزی فقیر و اشرافزی ذلیل قیلارلر . ایشته بنم دیدیکم کبی بویله جه ایشلرلر و بویله جه ایشله مک پادشاهلرک عادتلریدر « دیمکله ، مصالحه نکل موافق اولاجغنی و اوجهته میل ایتدیکنی بیان ایتدی . ] چونکه ؛ بیضاوینک بیانی وجهله بلقیسک بوکلامدن مقصدی ؛ وکلانک قدرت ذاتیلری که جسملری و شجاعتلری و قدرت عرضیه لری که مهمات حربیه نکل کافی مقداری موجود اولدیغنی بیانله محاربه یه رغبت کوسترملرینی تزییفدر و محاربه نکل برعکس اولدیغنی صورتده عاقبتک و خاتمتی بیانله کندینک مصالحه یه رغبتنی اظهار ایتمکدر و محاربه نکل و خاتمتی دخی بیان ایتدی که مملکتی تخریب ایتک و اعزہ نی اذله قیلمقدر .

خلاصه ؛ بلقیسک وکلاسیله استشاره سنی بیانله حکمدارله وکلاسی بیتنده جریان ایدچک معاملہ نکل و وکلانک و حکمدارک بینلرندہ یکدیگرینه قارشنی ارتباطک نه درجه اولاجغنه دائر مسئله نکل روحنی بو آیتلرده واجب تعالی نکل بیان ایتدیکی و بو وسیله ایلہ اصول مذاکره و مشاوره نکل اساسنی تعلیم بیوردینی بو آیتلردن مستفاد اولان فوائد جمله سندندر .

\*\*\*

واجب تعالی بلقیسک مصالحه یه رغبتنی بیاندن صکره کلامنه علاوه ایتدیکی سوزی ده بیان ایتک اوزره ﴿ وَإِنِّي مُرْسِلَةٌ إِلَيْهِمْ بِهَدِيَّةٍ فَنَاظِرَةٌ بِمَ يَرْجِعُ الْمُرْسَلُونَ ﴾ بیوریور .

[ بنم رأیم ؛ بوکون قیلججه صاریلارق محاربه قیوسنی آحق و یاخود آغیر تکالیفی قبول



ایله مصالحه اولق بزه موافق دکلدر . بناء علیه فکرجه بن آنله مناسب اولان برهدیه کوندره جکم و اوهدیه بزم و آنلرک شانزه لایق اولاجق و بن انتظار ایده جکم، کوندر دیکمز ایلیچیلر من آنلرک احوالی تجسس ایتسونلر . باقالم بزم رسولریمز نه کبی حوادلله مراجعت ایده جکلر ونه کبی صحبته بولونا جقلر وقوت و قدرتلری نه دن عبارتدر . بو جهتلرینی ایلیچیلریمزدن تحقیق ایدوب قارشیمزده کی خصمک حالی اکلا دقدنصکره بزم ایچون موافق اولان حربمیدر و یاخود صلحمیدر اوزمان مذا کره ایده لم» دیدی . [ و بو سوزیله خصمک حالی آکلامق سبب بزم برجهته قرار و یرمک خطا اولدیغنی بیان ایتدی . بلقیسک شوتدیری کمال فطانت و درایت و مملکتی ادارهیه قدرت کامله و رأی صائب صاحبی اولوب امور مملکتی ضبط و محافظه و ووظیفه امارتی صیانته اقتدار صاحبی اولدیغنه دلالت ایدر که حکمدارلرک بوصفتلری حائز اولملری لازمدر . کذلک سلطنتک سیاستنه واقف اولدیغنه و برحکومت قارشوسنده بولونان حکومتک حالی بیلیمکسبب محاربه و یا مصالحهیه کیریشمک خطادن خالی اولما دیغنه و بناء علیه هر حکومتک وظیفه سی خصمنی تفتیش اولدیغنه دخی دلالت ایدر . بیضاوینک و نعمت الله افندیکن بیانلرینه نظراً بلقیس و کلا سندن ( مندر بن عمرو ) نامنده برذاتی هدیه یی کورتوره جک جماعته رئیس تعیین ایده رک کوندر . هدیه نک تفصیلنه کلنجه : نسوان البسه سنده اوغلانلر و اوغلان البسه سنده جاریه لر و بر حقه ایچنده دلیکسز بر ایجو و بر بونجق که اگری دینمش و مجوهرات و آلتون و کموش و سائر قیمتمدار ماللر که اوزمانده نفیس و قیمتمدار اولان هر شیئک موجود اولدیغنی مرویدر . بلقیس کیدن ایلیچییه تنیه ایدر و دیر که « اکر سلیمان علیه السلام نبی ایسه بو جاریه لرله اوغلانلری دها سز کیریدن کلیرکن بیلیر و تفریق ایدر و ایجو نبی طوغرو و تیر و اگری بونجه ایلیکی طاقار و اکر بونلری بیلمز و غضبی بولونورسه بیلک که بادشاهدر ، نبی دکلدر . اکر پادشاه اولوب نبی اولما دیغنی تحقق ایدرسه بن آندن قورقام . ایشته بلقیس بو کبی تعلیماته ایلیچی هیئتتی بوله چیقاردی .

\*\*\*

واجب تعالی بلقیسک ایلیچیلرینک هدیه لرله حضور سلیمانه کلدکلرنده وقوع بولان احوالی بیان اتمک اوزره ﴿ فَلَمَّا جَاءَ سُلَيْمُنُ قَالَ اَتَمِدُّوْنِي بِمَالٍ ﴾ بیوریور .

[ وقتا که بلقیسک ایلیچی سی سلیمان علیه السلامک حضورینه کلدی ایسه او زمانده عادت اولان مراسمی بعدالاجرا سلیمان علیه السلام « بکا مال ایله می امداد ایده جکسکز» دیدی . [ و سوزینه شونی ده علاوه ایتدی و دیدی که

﴿ فَمَا اَتَانِي اللَّهُ خَيْرٌ مِّمَّا اَتَيْتُكُمْ بَلْ اَنْتُمْ بِهَدِيَّتِكُمْ تَفْرَحُوْنَ ﴾

[ « اللهک بکا و یرمش اولدیغنی نبوت و حکمت و علم و ملک و مملکت سزه و یردیکی اموالدن خیرلیدر ، بلکه سز کندی هدیه کزله فرحلانیرسکز » . ]

﴿ اِزْجِعِ الْيَهُودَ ﴾

[ « ای ایلیچی ! دون کیری کتیردیکسکز هدیهیه بزم احتیاجز یوقدر » . ]

﴿ فَلَنَاتَبَيَّنَّهْمُ بِجُنُودِ لَاقِلَ لَهُمْ بِهَا ﴾

[ « بلقیسه و قومنه سویله اکر نامه مزده بیان ایتدیکمز وجهله کمال تواضعه مسلم اولارق بزه کلیرلرسه منازعه یوقدر و اکر مسلم اولارق کلزلر و هدیه کوندرمک کبی شیرله وقت کچیرمک ایستلرلرسه البته آنلرک مقابله ایده میه جکلری عسکرله بزم آنلره کلیرز » . ]

﴿ وَلَنُخْرِجَنَّهُمْ مِنْهَا اَذَلَّةً وَهُمْ صَاغِرُونَ ﴾

[ « و بزم البته آنلری ذلیل اولارق مملکتلرندن چیقاریرز . حالبو که آنلر حقیرلدر » دیمکه ایلیچی به حکومتک قوتی آکلاتدی » . ]

یعنی ؛ بلقیسک ایلیچی سی سلیمان علیه السلامک حضورینه کلنجه سلیمان علیه السلام ایلیچییه و یاننده بولونانلره خطاب ایده رک دیدی که « سز بکا اهل دنیانک غایه امللری اولان اموال دنیا ایله می امداد ایده جکسکز و آنکه می کندی کیزی سودیره جکسکز ؛ اللهک بکا و یردیکی نعمت سزه و یردیکی نعمت دنیا دن خیرلیدر . بناء علیه ؛ بنم سزک کتیردیکسکز ماله احتیاج یوقدر ، بلکه سز دنیا مالندن عبارت اولان هدیه کزه مغرور اولور و آنکه فرحلانیرسکز . چونکه ؛ املک سز دنیا ماله منحصر و آخرتدن خبریکز یوقدر .



ای ایچی ایت مملکتک بلقیسه وقومنه سویله . بنم آنلردن و آنلرک امثالندن مطلوبم دنیا مالی دکلدر ، آنحق آنلردن مطلوب اولان ایمان و شریعتہ انقیاددر . شو حالده اگر مطلوب اولان ایمانی یرینه کتیروب انقیاد ایتمز لسه البته بز آنلره مقابله ایدمه جکلری برعسکرله کلیر و خور و حقیر اولدقلری حالده آنلری مملکتلرندن چیقاریرز » دیمکله مقصدینی ایچییه آکلادی و ایچییه نئی اولدیغنه قناعت ایددرک عودت ایتدی . چونکه ؛ نعمت الله افندیکنک وقاضی ونیسابوری وخازنک بیانلری وجهله حضرت سلیمان ایچییره قارشى غایت بشوش ، کولر یوز و طمانلی لسانله ملول و محزون وغایت یانیق بر صورتده دنیایه و آخرته متعلق صحبتده بولوندی و آنلرک مملکتلرندن و پادشاهلرینک حاللرندن سئوال ایتدی . بلقیس تنبهنده « اگر ملایم بولونورسه نیدر » دیمشدی . بناء علیه ؛ حضرت سلیمانک مرتبه نبوته لایق بر صورتده صحبتی بومقصدی تأمین ایتدی . یعنی نئی اولدیغنی اثبات ایتدی و دیگر امتحانلرندن اینجونی بر قورده ده لدرمک و بونجوغه ایسیلیکی طاقدرمق صورتیه حاصل اولدی . جاریه لرله اوغلانلرک بیلرینی تفریقه کلنجه ؛ سلیمان علیه السلام آنلره آلرینی و یوزلرینی بومقله امر ایتدی . مکر جاریه لر صوبی بر آللرندن دیگر آلرینه و صکره یوزلرینه دوکمله ییقارلر اما اوغلانلر نصل صوبی آلرینه دوکرسه اوله جه طوغرو یوزلرینه کوتورورلر . آنلری ده بوجهتله تفریق ایدنجه بلقیسک تنبیه ایتدیکی امتحانک کافه سی حاصل اولدی . فقط حضرت سلیمانک دبدبه و داراتی و سلطنتده وارلغنی کورونجه بالطبع کتیردکاری هدیه نك اوسلطته نسبتله هیچ برقیمتی اولمادیغنی بیلدیلر . سلیمان علیه السلام ده آیتده بیان اولوندیغنی وجهله هدیه لرینی قبول ایتدی و رد ایتدی و حتی بعض تهدیداته دخی بولوندی . چونکه ؛ اولجه بیان اولوندیغنی وجهله هد هد سرایک بنجره سنده بلقیسک مشاوره سنی و کوندره جکی هدیه لرینی و امتحان ایچون تنبیهاتی و ایچیسنی و الحاصل بلقیسک سراینده بوخصوصه دائرجریان ایدن احوالی تمامیه سلیمان علیه السلامه خبر ویردیکندن سلیمان علیه السلام غایت واسع بر میدان کرسیلر قوردورمش و انس وجندن معیت عسکرلرینک صفرله بولونملرینی امر ایتمش و سلطنتک قوت و قدرتنه عائد نه قدر دبدبه و داراتی وار ایسه آنلری ایچییرک کوره جکلری برحاله قویمقله کمال سطوتی آنلره اظهار ایتشدر . تکلیفی قبول ایتدکلری صورتده محاربه یه حاضر اولدیغنی

دخی اعلان ایتدی . بناء علیه ؛ بووقوعات بر حکم داردن دیگر حکمداره ایچی کوندرمک و کان ایچییره سطوتی کوسترمک مشروع اولدیغنی قرآنده بیان سبب اولمشدر . بلقیسک ایچیسی ( منذر بن عمرو ) کیرو کلوب حضرت سلیمانک صحبتی و احوالی و مشاهداتی تمامیه خبر ویرنجه بلقیس سلیمان علیه السلامک نئی اولدیغنی تصدیق ایددرک محاربه طوغرو اولمادیغنی و مصالحه ایله اطاعت لازم اولدیغنی و کلاسنه تفهیم و حضرت سلیمان یقین و قتده حضورینه کلوب مشرف اولاجغنی بیان ضمننده ایکنجی بر ایچی ایله برنامه کوندردی و کندی یول تدارکانه باشلادی و کرسیسنی سراینک یدی قابو ایچنده اولان کندینه مخصوص کوشکنده متعدد بکچیلرک تحت محافظه سنده بر اقدی و بوله چیقدی .

\* \*

واجب تعالی ، بلقیسک حضرت سلیمانک اقامتگاهنه بر قوناق مسافه یه کلدیکنده سلیمان علیه السلامک آندن اول کرسیسنی کتیره جک بر کیسه آراددیغنی بیان ایتک اوزره ﴿ قَالَ يَا أَيُّهَا الْمَلَأُوْا اِیْکُمْ يَا بَنِي إِسْرٰٓءٰٓءَیْلَ بِعِزِّ رَبِّهَا قَبْلَ اَنْ يَّاتُوْٓنِيْ مُسْلِمٰٓیْنَ ﴾ بیوریور .

[ سلیمان علیه السلام « ای اولو کیشیلر ! بلقیس و آنک اتباعی بکا مطیع اولدقلری حالده کلزدن اول آنک کرسیسنی بکا کتیره جک بکا هانکیکیز کتیریر » دیدی . ]

﴿ قَالَ عَفْرِتٌ مِّنَ الْجِنِّ اَنَا اَتٰٓیْکَ بِهٖ قَبْلَ اَنْ تَقُوْمَ مِنْ مَّقَامِکَ ﴾

[ جنیلردن عفریت دیدی که « بن بلقیسک کرسیسنی سن اوتوردیغک یرکدن قالمادن اول سکا کتیریرم » ]

﴿ وَاِنِّیْ عَلَیْهِ لَقَوِیْٓ اٰمِیْنُ ﴾

[ « حالبو که بن آنک کرسیسنی کتیره جک اوزره قوی یم و آنک زینتندن هیچ برشی ده ضایع ایتم . زیرا ؛ امینم » دیمکله ضرر سز کتیره جکنی وعد ایتدی . ] فقط سلیمان علیه السلام بونی بر آرز تأخرلی عدایده رک دها سرعلی کتیرلمسنی آرزو ایتسنه بناء



﴿ قَالَ الَّذِي عِنْدَهُ عِلْمٌ مِّنَ الْكِتَابِ إِنَّ أَتِيكَ بِهِ قَبْلَ أَنْ يَرْتَدَّ إِلَيْكَ طَرْفُكَ ﴾

[ شول بر کیمسه « بن عرش بلقیسی سن کوزیکی یومهدن آلیر سکا کتیریم » دیدی که او کیمسه عندنده لوح محفوظدن علم واردی واسم اعظمی ده بیلیدی . ]

﴿ فَلَمَّا رَأَاهُ مُسْتَقَرًّا عِنْدَهُ قَالَ هَذَا مِنْ فَضْلِ رَبِّي ﴾

[ او کیمسه عرش بلقیسی وعدی وجهله درحال آلوب کتیرنجی وقتا که سلیمان علیه السلام عرش بلقیسی کندی حضورنده قرار ایتش کوردی ایسه ربسنه التجا وتوجهله دیدی که « ایشته شو نعمت بنم ربک بکا فضلیدر » . ]

﴿ لِيَبْلُوَنِي ءَأَشْكُرُ أَمْ أَكْفُرُ ﴾

[ « ربک بونعمتلی احسانی بی امتحان ایچوند که بن کندمده استحقاق کورمکسزین نعمتلی ربمن بیلرک شکر بی ادا ایدرمیم، یوقسه نفسمده استحقاق کوره رک نعمتک شکر بی اداده قصورمی ایدرم ؟ بو جهتلی بی امتحان معامله سی یایمق ایچون طرفه العینده عرش بلقیسی کتیرمک کی بویوک نعمتلی بکا احسان ایتدی » دیدی . ]

﴿ وَمَن شَكَرَ فَإِنَّمَا يَظْكُرْ لِنَفْسِهِ وَمَن كَفَرَ فَإِنَّ رَبِّي غَنِيٌّ كَرِيمٌ ﴾

[ « حالبوکه بر کیمسه شکر ایدرسه نفسی ایچون شکر ایدر وا کر کفر ایدرسه کندیسه مضرت ایدر . زیرا ؛ بنم ربم غنیدر ؛ چونکه هیچ کیمسه نک شکرینه احتیاجی یوقدر و کریمدر ؛ زیرا شکر ایدنه وشکرایمهینه انعام ایدر » دیمکله جناب حقه شکر ایتشدردر . ]  
عفریت ؛ هنده هبیت ومنکر بر کیمسدر . سلیمان علیه السلام بو کیلری خدمات شاقدهه استخدام ایدردی . اسمی ( ذکوان ) ویا ( صخر ) در . عفریتک مقام سلیمان ایله مرادی ؛ حکومت قوناغیمدر . چونکه ؛ فخر رازینک بیانی وجهله حضرت سلیمان صباحدن زوال وقته قدر حکومت کرسیسنده اوتورور، مصالح عباد وحکومتله مشغول اولوب زوالدن صکره باشقه ایشلرله مشغول اولدیغندن عفریتک « بن مقامکدن قالممازدن اول عرش بلقیسی کتیریم » دیمسی « حکومت قوناغندن قالممازدن اول کتیریم »

دیمکدی . بناء علیه ؛ سلیمان علیه السلام آتی اوزون عد ایتدی ده اول کلمسی ایسته مسی اوزرینه کتابدن علمی اولان ( آصف بن برخیا ) « بن عرش بلقیسی کوزیکک قباغنی سکا رد ایتمکسزین یعنی کوزیکی آچوب یوممکسزین کتیریم » دیدی و امر سلیمانی اوزره درحال کتیردی . عرش بلقیسی کتیرن ذاتک جبریل امین اولدیغنه دأثر روایت وار ایسه ده بو روایت ضعیفدر . اصح اولان سلیمان علیه السلام وزیر اعظمی وتیزه زاده سی ( آصف بن برخیا ) در . آصف حضرتلی کتب السیه بی وبالخاصه تورانی تلاوتله مشغول حقایقی لایقوله بیلوب موحیله عمل ایدر واسم اعظمی بیلیر دعاسی مستجاب بر ذات اولدیغندن نریمه کیتسه خیرله کایر بر ذات عالی صفات ایدی . کوز آچوب یومونجهیه قدر عرش بلقیسی کتیرمسی آصف حقنده کرامت وحضرت سلیمان حقنده معجزه در . چونکه ؛ بر نینک امتنده ظهور ایدن خارقهر او نینک شریعتک محنته دلالت ایتدیکی جهتله او بی حقنده معجزه در . کرامت اولیانک حق اولدیغنه بو آیت دلالت ایدر . چونکه ؛ آصف ولیدر ، بی دکدر . کتابله مراد ؛ لوح محفوظ اولمق محتمل ایسه ده اصح اولان کتب سماویدر . شو حالده آصفک کتب سماوییه علمی اولدیغنی بیانله جناب حق آصفی ثنا ایتشدردر .

سلیمان علیه السلام عرش بلقیسی کتیرمکدن مقصدی ؛ هدهد واسطه سیله کوسترمش اولدیغنی معجزه لر بر معجزه ده کوسترمکله معجزه سابقه سی تقویه وقدره الله دلالت ایدن عجایی بلقیسه مشاهده ایتدیرمکله توحیده دعوتدر . بلقیسک ملکی اولان عرشی اذنی اولمکسزین کتیرمک مسئله سنه کلنجه ؛ بلقیس هنوز کلوب شرف ایمانله مشرف اولمادیغندن اجنبیه بر مشرکه اولدیغنی جهتله آنک مالی الملق حلال اولسنه بناء حضرت سلیمان عرشک کتیرلمسی امر ایتشدردر . عرش بلقیسی کندی کتیرمکه مقتدر ایکن آصفه امر ایتسی ؛ امتی وبالخاصه وزراسی ایچنده بویله صاحب کرامت کیمسه لرک بولوندیغنی عالمه اعلان ایتک و آصفک قدرینی یوکسالتمکدر . بناء علیه حکمدارلر لایق اولان ؛ رعایاسی وبالخاصه وکلاسی ایچنده بولونان ارباب اقتداری تقدیر ایله قدرینی اعلا ایتمکدر . عرش بلقیسک طرفه العینده هم ینده همده قدسده بولونمسی بر جسمک آن واحدهه ایکی مکانه بولوندیغنی جهتله خارق العاده وکرامت اولشدردر ، یوقسه بر جسمی بر مکاندن دیگر مکانه سرعتلی



وسرعتن نقل ایتک هر زمانده وهر شخص طرفدن یا بیلایله جکندن عرش بلقیسی یا لکز نقل ایتک جهتی خارق العاده دکلدر .

عرش بلقیس آصف واسطه سیله در حال حضورینه کلوب قرار ایدنجه سلیمان علیه السلام بومثللو خارق العاده لر کندی اقتدار یله اولمایوب آنجق الهک احسانی یله اولدیغی اقرارله شکرینی ادایه مسارعت ایتدی و دیدی که « ربم بنی امتحان ایچون بونعمتلی بکا احسان ایدیور که بن شکرمی ایده جکم، یوقسه نعمته لازم اولان شکری ترکه کفران نعمت می ایده جکم ؟ حالبوکه اکر بر کیمسه شکر ایدرسه شکرینک منفعتی کندینه عاؤدر . زیرا شکری؛ الهک ویردیکی نعمته قارشی عهده سنه ترتب ایدن وظیفه سنی ادا ایتمش اولدیغی کبی نعمتک تزیادینی ایسته مکدر . چونکه شکر ؛ نعمتک زیاده لمنسه سبیدر وشکرله مشغول اولان کیمسه عبادتله مشغولدر . چونکه شکری ؛ منعمنی ذکرله ثنا ایتمکدن عبارت و بوده عین عبادتدر . اکر بر کیمسه شکر ایتز کفران نعمت ایدرسه ضرری کندینه عاؤدر . زیرا ؛ الله تعالی آنک شکرندن غنی در و احتیاجی یوقدر، لکن الله تعالی کریمدر . زیرا ؛ قوللرندن دنیاده شکر ایدنلره نعمتی احسان ایتدیکی کبی شکر ایتمه یئلرک ده رزقلرینی کسمز، آنلرده نعمتی احسان ایدر . چونکه ؛ دنیاده حیات رزقله قائم اولدیغندن دنیاده یاشامسی مقدر اولان هر قولک رزقنی کسمز .

نیسابورینک بیانی وجهله (آصف بن برخیا) نک عرش بلقیسی کتیر مستک کیفیتی؛ سلیمان علیه السلامه «آج کوزیکی باق یمن جهته» دید کدن صکره اسم اعظمه ربسته دعا ایدر و دعاسنک قبولیه ربی عرش بلقیسی مکانندن غیب ایتمکه حضور سلیمانده اظهار ایدر، یوقسه آصف یمنه کیدوب آرقه سنه یوکه نوب کلک صورتیه کتیر مش دکلدر، بلکه قوه قدسیه و قدرة الله التجا ایتک صورتیه کلشدر . افلاکک و بعض ییلدیزلرک حرکه سنی بیان و قدرة الله ایمان ایدن والکتر یقده کی سرعتی کورن عرش بلقیسک بوقدر سرعتله نقلی بعید عد ایتز

..

واجب تعالی حضرت سلیمانک عرش بلقیسی کتیر تدیکی بیاندن صکره بلقیسی امتحان

ایچون عرشنی کوستردیکی بیان ایتک اوزره ﴿ قَالَ نَكِرُوا هَاهُنَا نَنْظُرُ أَتَهْتَدِي أَمْ تَكُونُ مِنَ الَّذِينَ لَا يَهْتَدُونَ ﴾ بیوریور

[ بلقیسک کوشکنی آصف کتیرنجه سلیمان علیه السلام « بلقیسک کرسیسینی بلقیسه تغیر ایدک و بیلمز بر حاله کتیرک که بز نظر ایدم باقالم کندی کرسیسینی بیله بیلیرمی، یوقسه بیله میهنلردنمی اولور ؟ بو جهتلرینی تدقیقه درجه ذکاسنی تدقیق ایدرز، دیدی . ]

﴿ فَلَمَّا جَاءَتْ قِيلَ أَهْكَذَا عَرْشُكَ ﴾

[ وقتا که بلقیس حضور سلیمان کلدی ایسه ده حاضر اولان جماعت طرفدن « سنک کرسکده بویله میدر ؟ » دنیلیدی . ]

﴿ قَالَتْ كَأَنَّهُ هُوَ ﴾

[ بو سؤاله قارشی بلقیس کرسی یی نظر دقتدن کچیرد کدنصکره « کآن بو کوشک او کوشکدر » دیدی ] و سوزینه شونی ده علاوه ایتدی :

﴿ وَأَوْتَيْنَا الْعِلْمَ مِنْ قَبْلِهَا وَكُنَّا مُسْلِمِينَ ﴾

[ « بزه بو معجزه دن اول سزک نبوتکیزه علم ویرلیدی و بز سزه مطیع و منقاد اولدق » دیمکه ایماتی اظهار ایتدی . ]

یعنی ؛ عرش بلقیس کانه سلیمان علیه السلام و کلاسنه « عرش بلقیسی جزئجه تغیر ایدک بز نظر ایدم کوردم عرشنی بیله بیلیرمی ، یوقسه بیله میهنلردنمی اولور ؟ دیدی . در حال کرسینک وضعیتنی و اوزرنده اولان مجوهراتدن بعضیلرینی دکیشدیرمکه تغیر ایتدیلر . وقتا که بلقیس کلدی ایسه « سنک عرشکده شو کوردیکک عرش کییمیدر ؟ » دنیلیدی . بلقیس کرسی یی نظر دن کچیردی و « کآن بو کرسی بنم کرسمک عینیدر » دیدی و سوزینه شونی ده علاوه ایتدی : « بزه بو معجزه دن اول قدرت الهیه و سزک نبوتکیزه علم ویرلیدی . بناء علیه ؛ بزلر ایمان ایتدک و مسلم اولدق » دیمکه اطاعتنی اظهار ایتدی . نیسابورینک بیانی وجهله عرشنی تغیردن حضرت سلیمانک مقصدی ؛ بلقیسک درایت



وفطانتی، فراست و کیاستی امتحان ایتدی. چونکه؛ بلقیس کلزدن اول جنیلر حضرت سلیمان هماقتله ذم ایتدکلرندن بلقیسک عقلنک مقداری تجربه ایچون کرسیسک ظاهرینی بیلمز بر حاله کتیرلمسنی امر ایتدی که باقلم بلقیسک آنی بیله جک قدر ذکاسی وارمیدر، یوقسه جنیلرک دیدکلری کی احمقمیدر؟ کرچه بلقیس پادشاه ایسه ده پادشاهلق پدردن موروث اولدینی جهته فراسته وفطانتله دلیل اولماز. چونکه؛ مملکتی وکلاسی اداره ایتک احتمالنه بناء تجربه یه لزوم کورولمشدر. بناء علیه؛ کرسیسک قرمزی مجوهراتی یشیله تبدیل وجزئیجه هیئتنی دکشیدیرمک صورتیله امتحان ایتدی وبلقیس ده کال درایت وفطانت صاحبی اولدیغندن درحال عرشک کندینک عرشی اولدیغنی بیلدی ولکن بدی قابو ایچنده کلیدلی و برچوق محافظلر تعیین ایدرک بر اقدیغندن کندی کرسیسی اولماق احتمالی ده خاطرنده طوتارق تشبیه طریقیله الاستیقی و دیپلوماسی به موافق بر جواب وردی که یالاندن نفسنی محافظه ایتدی. چونکه؛ قطعاً اودر دیسه بلکه دکلدرد و دکلدرد دیسه بلکه اودر. بناء علیه؛ ایکی جهتی ده اداره ایدر جک عاقلانه بر جواب وردی که یالاندن و حماقتدن و هرجهته اتمامدن نفسنی وقایه ایتدی و سلیمان علیه السلامک بوجوابی قبول و تقدیر ایتدیکنی بیلدیکندن بلقیس درحال نبوتی تصدیقه مسارعت ایتدی و «بومثللو خارق العاده و معجزه لراه بزی امتحانه حاجت یوقدر. زیرا؛ شوکو سترمش اولدینک معجزه لری اظهاردن اول سنک نبوتکه بزه علم ویرلدی. بناء علیه؛ مسلم اولارق سکا اطاعت اوزره کلدک» دیمکه ایمانی اظهار و حضرت سلیمان عرض مطاوعته مسارعت ایتدی.

..

واجب تعالی بوندن اول بلقیسک حال کفرده اولدیغنی بیان ایتک اوزره ﴿وَصَدَّهَا مَا كَانَتْ تَعْبُدُ مِنْ دُونِ اللَّهِ إِنَّهَا كَانَتْ مِنْ قَوْمٍ كَافِرِينَ﴾ بیوریور.

[اللهک غیری اولارق عبادت ایتدیکی کونش بلقیسی ایماندن منع ایتدی. زیرا؛ بلقیس کفر اوزره بویومش کافر اولان بر قومدن ایدی.]

یعنی؛ بلقیس عقلی ودرایتی ایله ده اول ایمان ایدردی ولکن بلقیسی ایماندن اولجه

عبادت ایتدیکی باطل معبودی منع ایتدی. زیرا؛ بلقیس ایمان ایتزدن اول کافر اولان قوم سبأندی. بناء علیه؛ تا حدات سنندن بو آنه قدر الفت ایتدیکی مذهبی ترک ایدر مه مشدی. نعمت الله افدینک توجیهنه نظراً آیتک معناسی: [الله تعالی بلقیسی اولجه عبادت ایتدیکی کونش و سائره کی باطل معبودلره عبادتدن منع ایتدی. چونکه؛ الله تعالی عنایتیله امداد ایتدی و ایمانی توفیق ایتکله باطله عبادتدن قورتاردی. زیرا؛ بلقیس اولجه باطله عبادت ایدن کافر لردن اولمشدی، یا خود بلقیسی باطله عبادتدن منع ایدن سلیمان علیه السلامدر. چونکه؛ اهدا-نه سبب اولمشدر] دیمکدر.

..

واجب تعالی حضرت سلیمانک بلقیسی امتحانی بیاندنصکره بللوردن یاپیش برحولی به داخل اولمسنی امرله امتحان ایتدیکنی بیان ایتک اوزره ﴿قِيلَ لَهَا ادْخُلِي الصَّرْحَ﴾ بیوریور.

[بلقیس کلوب کرسیسی حقنده صوریلان سئواله جواب ویرد کدنصکره سلیمان علیه السلام طرفندن بلقیسه خطاب ایدیلرک «ای بلقیس! سرائیک حولیسنه کیر» دنیلدی.] وصالونه کیرمسنی طرف سلیمانیدن امر اولوندی و کیرمک اوزره حاضر لاندی.

﴿فَلَمَّا رَأَتْهُ حَسِبَتْهُ لُجَّةً وَ كَشَفَتْ عَنْ سَاقَيْهَا﴾

[سلیمان علیه السلامک امرینه امتثالاً سرائیک صالوننه کیرمک اوزره قابویه کلوب صالونی کورونجه دکز ظن ایتدی و البسه سنی اینجیکلرندن یوقاری چمرده دی (صیوادی، طوبارلادی) و اینجیکلرینی آچدی.]

﴿قَالَ إِنَّهُ صَرْحٌ مُّمَرَّدٌ مِنْ قَوَارِيرَ﴾

[سلیمان علیه السلام او حافی کوردی و «صالون صاغلام بللوردن یاپیش سرت و دو کدورلمشدر. سنک کوردیکک کی صو دکلدرد، قورقما کیر» دیمکه صالونک حافی بلقیسه تعریف ایتدی.]



﴿قَالَتْ رَبِّ اِنِّی ظَلَمْتُ نَفْسِیْ وَاَسْلَمْتُ مَعَ سُلَیْمٰنَ لِلّٰهِ رَبِّ الْعٰلَمِیْنَ﴾

[ بلقیس بو حالی کورونجه احوال سابقه سنه ندامتی اظهار ایدره ک دیدی که ] ای  
بسم ربم ! نفسه ظلم ایتدم بنی مغفرت ایت و بن سلیمان علیه السلامه برابر عالمک ربسنه  
ایمان ایتدم و اسلام اولدم . [ بوضورتله بلقیس ایمان ازلیسنی اظهار ایتدی و سلیمان  
علیه السلامک بوجهته امتحانی تمام اولدی . چونکه ؛ نیسابورینک ودها بعض مفسرینک  
بیانلری وجهله جنیل طرفندن غرض فاسد اوزره بلقیسک انجیکلری انسانه بکزه مدیکندن  
بحث ایتلری اوزرینه حضرت سلیمان سرائک اورتیه سنه بللوردن برصالون یادیرو وصالونک  
آلته صهرنج کی صو طولدورو و صویک ایچنه بالق و سائر کی صو حیوانلری قویار .  
یک نظرده باقان بللوردن آلتده کی صوی کورونجه صالونی برکول حالده کورور . بناء علیه ؛  
بلقیسه صالونه کیر امرینی و یروب صالونه اوده کیرمک اوزره کلوب اوراسنی صو حالده  
کورونجه اتکلری صویه کیره جک کی صیوامغه مجبور اولمشدی . سلیمان علیه السلام بو حالی  
کورونجه صالونک بللوردن اولدیغنی و اتکلری صیوامغه حاجت اولمادیغنی درحال خبر  
ویردی و جنیلک عز و یاتلری یالان اولدیغنی هر کسجه تبین ایتدی و بلقیسده بو عظمت  
قارشوسنده همان درگاه الوهیه التجایله قصورینی اعتراف ایدره ک اسلامیتنی اعلان ایتدی  
و مشهور روایته نظراً حضرت سلیمان بلقیسی تزوج و ملکی اوزرنده تقریر ایتدی و مملکتیه  
کوندردی و حقوق زوجیتی ایفا ایتک اوزره آراق آراق بلقیسک سرائینه کلوب برقاج کون  
اقامت ایتدیکی مرویدر . کرچه آیتده تزوج ایتدیکنه دائر صراحت یوقدر . بناء علیه  
بو خصوص ؛ ظن افاده ایدر بر روایتدن عبارتدر . ارحالده العلم عذرائه دیمک ده  
طوغرودر . بنی اسرائیل دورنده بللور و صیرچه صنعتک غایت ایلری کیتدیکنه و صاغلام  
یا یلوب صالونلره و حویلره دوشونه جک قدر محکم اولدیغنه آیت دلالت ایدر . شیمدی  
جسم ابنیه لک طاملرنده و صالونلرنده کوریلنلرده بوقیل بللوردن . بللورک خارق العاده  
اولارق آنی میدانه کلش بر معجزه اولدیغنه دائر آیتده صراحت یوقدر . بناء علیه ؛ او  
زمانک صنعتیه حاصل اولدیغنی و بوسعتک غایت ماهرانه ایلری کیتدیکی آکلاشیمقده در .

..

واجب تعالی رسولی تسلیه و امتی عبرته دعوت ایتک اوزره حضرت داود و اوغلونک  
بعض قصه لرینی بیان نصکره صالح علیه السلامک قومیه کندی آره سنده جریان ایدن و قهر لرینه  
اشارت ایتک اوزره ﴿وَلَقَدْ اَرْسَلْنَا اِلٰی ثَمُوْدَ اَخَاهُمْ صَالِحًا اَنْ اَعْبُدُوْا اللّٰهَ﴾  
بیوریور .

[ ذات الوهیمه یمین ایدرم که محقق بز ثمود قومنه برادرلری صالح علیه السلامی  
رسول اولارق کوندردک و صالح علیه السلام آنلره «الهی توحید ایدره ک عبادت ایدک»  
دیدی . ]

﴿فَاِذَا هُمْ فَرِیْقَانِ یَخْتَصِمُوْنَ﴾

[ صالح علیه السلام آنلره توحیدی تکلیف ایدنجه برده کورولدی که آنلر بر برلریله  
مخاصمه ایدر ایکی فرقه در . ] چونکه ؛ بری صالح علیه السلامه «مؤمن» دیکری «کافر در»  
دیدیلر . شو حالده مؤمن اولانلر کافر اولانلری و کافر اولانلر مؤمن اولانلری سومن  
یکدیگریله مناقشه ایدرلر . زیرا ؛ هر فرقه کندی حقی کورور .

یعنی ؛ ثمود قومنک ظلم و عدوانلری و فسق و فجورلری صوک درجهیه وارنجه بز  
محقق اولارق آنلره الهیه عبادت ایتلری امر ایدر برادرلری صالح علیه السلامی رسول  
کوندردک . صالح علیه السلامده آنلره «الهی عبادت ایدک» دییوب حقه دعوت ایدنجه  
بر برلریله خصومت ایدر ایکی فرقه اولدیلر .

﴿قَالَ یٰۤاَقَوْمِ لِمَ تَسْتَعْجِلُوْنَ بِالسَّيِّئَةِ قَبْلَ الْحَسَنَةِ﴾

[ آنلر ایکی فرقه اولونجه صالح علیه السلام آنلره «ای قوم ! نه ایچون توبه دن  
اول عقوبتی استعجال ایدر سکنز» دیدی . ]

﴿لَوْلَا تَسْتَغْفِرُوْنَ اللّٰهَ لَعَلَّكُمْ تُرْحَمُوْنَ﴾

[ «مرحمت اولونما کز ایچون الله تعالی به استغفار ایتزمی سکنز؟ کاشکه الله استغفار  
ایتسه کزده مرحمت اولونسه کز» دیمکله نصیحت ایتدی . ]



یعنی ؛ صالح علیه السلام قومی توحیده دعوت ایدوب آنلرده ایکی فرقه اولونجه صالح علیه السلام حالرینه آجیمق وشفقت ایتک صورتیه قومه دیدی که « انواع سعادتکزی موجب اولان ایماندن اول کفری وکفرک ایجاب ایتدیکی عقوبتی نه دن اسبعجال ایدرسکز؟ نه اولور کندیکزه مرحمت اولونما کز ایچون الله استغفار ایتسه کز واستغفار کزله مرحمت الهیه مظهر اولسه کز » دیمکله نصیحتده بولوندی .

نیسابورینک بیانی وجهله صالح علیه السلام آنلره « ایمان ایدک . اگر ایمان ایتزه کز سزه اللهک عذابی کلیر . بناء علیه ؛ عذاب کله دن کنه اهلریکزه توبه ایدک » دیدیکنده آنلر « یا صالح ! اگر سنک بو دیدکله طوغروایسه وعد ایتدیکنک عذاب کلسون اوزمان توبه ایدرز » دیملری اوزرینه حضرت صالح « نه ایچون حسنه اولان توبه دن اول سیئه اولان عذابک عجله کله نی ایسترسکز ؟ » دیمکله عذابی استعجاللری اوزرینه تکدیر ایتدی . شو معنایه نظراً بو آیتده حسنه ایله مراد ؛ توبه ، سیئه ایله مراد ؛ عذابمه . یاخود « نه ایچون غضبی موجب اولان کناهی ایشلرسکزه رحمت الهی نی ولطف سبحانی نی مستلزم اولان خیرات وحنانات وعباداتی ایشله مزسکز » دیمکدر . بوکا نظراً سیئه ایله مراد ؛ مصیبت وحسنه ایله مراد ؛ عبادتمه .

\*\*

واجب تعالی حضرت صالحک شونصیحتی اوزرینه قومنک مقابله سنی بیان ایتک اوزره

﴿ قَالُوا اطَّيَّرْنَا بِكَ وَبِمَنْ مَعَكَ ﴾ بیوریور .

[ آنلر « صالح ! بز سنکله وسکا ایمان ایدنلره تشام ایدرز » دیدیلر . ]

﴿ قَالَ طَائِرُكُمْ عِنْدَ اللَّهِ بَلْ أَنْتُمْ قَوْمٌ تُفْتَنُونَ ﴾

[ صالح علیه السلام آنلرک شومدافعه لرینه جوابده « سزک شامتیکز وباشکزه کلن بلا عندالله مقدردر ، بلکه سزفته اولونمش بز قومسکز » دیدی . ]

یعنی ؛ صالح علیه السلامک نصیحتی اوزرینه قومی دیدیلرکه « یا صالح ! بز سنکله

وسکا ایمان ایدن معیکله تشام ایدرز . زیرا ؛ بودینی ایجاد ایدملی بز باشمز بلادن قورتولمور و بز سزک سبیکزله اوغورسز اولدق ، وقایع عجیبه ومصائب عدیده دن خلاص اولامادق . بونلرک جمله سی سزدندر . چونکه ؛ سز بویله بر دین میدان قویماندن بوبلاردن هیچ بریسنه معروض قالمادق » دیمکله حضرت صالحه عتف و شدت کوستردیلر . صالح علیه السلام آنلرک شو مقابله لرینی ایشیدوب ایمانلردن مأیوس اولونجه دیدی که « ای قوم ! سزک اوغورسز لکزه عندالله یازیلیدر . زیرا ؛ سز اراده کزی کفره وبلا ایجاب ایدمک بر طاقم کناهلره صرف ایتدیکنکزدن الله تعالی سزک باشکزه کله ک بلالری یازمشدر ، بلکه سز بر قومسکز که خیر وشر ، عزت وذلّت ، راحت وشدت ابله تجربه اولونویورسکز ولکن بیلمیورسکز » دیمکله تشام کندی افعاللری ایجابی اولدیغنی بیان ایتدی . طائر ؛ نیسابوری وقاضینک بیانلری وجهله تشام در . یعنی سز لردک شیک مصرونه سبب صابریغنی شیه طائر دینور . ایشته قوم ثمود قحطلق وماللرینک تلف اولمسی کی سومدکلری برطاقم آفتلرک حصوله حضرت صالحک اورتیه قویدینی دین حق سبب عد ایتدکلردن « بز سزکله تطیر یعنی تشام ایدرز و کوتولکلره سبب سزسکز » دیمشدر .

﴿ وَكَانَ فِي الْمَدِينَةِ تِسْعَةُ رَهْطٍ يُفْسِدُونَ فِي الْأَرْضِ وَلَا يُصْلِحُونَ ﴾

[ ومدينة صاحده طقوز شخص واردی و آنلر دائماً ارضی افساد ایدر اصلاح ایتزلردی . ]

﴿ قَالُوا تَقَاسَمُوا بِاللَّهِ لَنُبَيِّتَنَّهُ وَأَهْلَهُ ثُمَّ لَنَقُولَنَّ لِوَلِيِّهِ مَا شَهِدْنَا مَهْلِكَ أَهْلِهِ وَإِنَّا لَصَادِقُونَ ﴾

[ آنلر بیلنلرنده بالاتفاق یمن ایتکه قرار ویردیلر : « یمن ایتسونلر هر بریمز دیکریمزک یاننده ، البته کیجه بز صالحی واولاد وعیالنی قتل ایدم ، صکره صالحک ولیسنه بز آنک هلاک اولدینی محله حاضر اولماق و بز بو سوزمزده صادقلرز . زیرا ؛ آنک هلاکندن خبریمز یوقدر دیبیم » دیدیلر و بو منوال اوزره قرار ویردیلر . ]



یعنی؛ صالح علیه السلام قومك اصلاحه نه قدر چالیشدی ایسه قومی ده اونیستده طغیانلری تزیید، حق قتله قدر جرأت ایتدیلر. زیرا؛ صالح علیه السلام مسکنی اولان (حجر) اسمنده کی قصه ده طقوز قبیله واردی. آنلرک عادتلی یریوزنی افساد ایتکدی. بناء علیه؛ اصلا اصلاح ایتزلردی. جمله فسادلرندن بریسی ده کیجه وقتی حضرت صالحی و اولادینی قتله یمن ایتلریدر. چونکه؛ او طقوز قبیله نك اشراق زاده لرندن طقوز دلقانی قومیه تشکیل ایدرک حضرت صالحک و آکا تابع اولان اولاد و عیالک قتل خصوصنده مشاوره به باشلادیلر و دیدیلرکه «بزم هیمز الله تعالی به یمن ایتسون و یمننده دیسون که بزالبته کیجه صالحه واهله بیتوت ایدم یعنی کیجه هجوم ایدرک کندینی و اولادینی قتل ایدم و ولیسنه دیهلم که بز صالحک اهلاک اولوندینی محله حاضر اولماق و بوسوز مزده بزصادقز. بوسورتله دیتندن ده قورتولالم» دیدیلر. خازنده بیان اولوندینی وجهله سوزلرنده صادق اولماری شویله توجیه ایتدیلر: «بزیا لکز صالحک اهلاک اولدینی محله و ارمادق. دیدیکمز طوغر ودر. چونکه؛ بز صالحک واهلک مجموعک اهلاک اولدینی محله و ارمادق، یوقسه یالکز صالحک و یاخود یالکز اهلک اهلاک اولوندینی محله و ارمادق دیرسه ک صادق اولورزه دیمکه تاویل ایتک ایسته دیلر. ایشته بو کبی تزویراتک انسانلرده اسکیدن بری عادت اولدینی بو وقعه ایله ده آکلاشیلماقده در.

طبریده بیان اولوندینی وجهله (تقاسموا) امر اولدینی صورتده معنای نظم: [بزم هیمز بربریمزک یاننده یمن ایتسون] دیمکدر. اگر ماضی و خبر صورتنده قرائت اولونورسه معنای نظم: [آنلر یمن ایدر اولدقلری حالده دیدیلرکه «بزالبته کیجه ایله هجوم و صالحی واهلی قتل ایدم»] دیمکدر. یمنلرینک صورتی؛ ایکبر: برنجیسی؛ کیم ایدر هجوم ایدر ایدر مکرر. ایکنجیسی؛ بز اولور مکرر دیرک انظر ایتلریمر.

(لنیتنه) بزالبته بیتوت ایدم دیمک کیم ایدر اهموکنی قصه ایدم دیمکدر. چونکه؛ نيسابورینک بیانی وجهله بیتوت؛ کیم ایدر دشمنی اهموکن ایتک اوزره قصه

ایتمکدر. «افساد ایدرلر اصلاح ایتزلر» دیمک «حالری همان افساددر، اصلا صلاح قاریشینی یوق» دیمکدر.

یالان، انسانلر نظرنده هر زمان فنا برشی اولدیغندن نمود قومی شرکی و رسوللری قتل کبی جنایتلری ارتکاب ایتدکلی حالده سوزلری یالاندن وقایه ایتک اوزره برطاقم تاویلاتله تکلف ایتشلردر.

\*\*\*

واجب تعالی بو اتفاقلرنده عناد ایدرک هلاک اولدقلری بیان ایتک اوزره ﴿وَمَكْرُؤًا مَّكْرًا وَمَكْرُؤًا مَّكْرًا وَهُمْ لَا يَشْعُرُونَ﴾ بیوریور.

[قوم نمود نیلرینه حیله یا یق و غدر ایتک ایله حیله به باشلادیلر و آنلرک بو حیله لرینه قارشی بزده حیله به بکزر براهلاک ایله آنلری اهلاک ایتدک، حالوکه آنلر بیامیورلر.]

﴿فَانْظُرْ كَيْفَ كَانَ غَاقِبَةُ مَكْرِهِمْ﴾

[حییم! سن نظر ایت کور و تفکر ایت بیل که آنلرک حیله لرینک عاقبتی نه اولدی.]

﴿أَنَا دَرَسْنَا هُمْ وَقَوْمَهُمْ أَجْمَعِينَ﴾

[زیرا؛ بز آنلری و آنلرک جماعتلرینک جمعیسنی اهلاک ایتدک، تک بر فردیله قالمادی هپسی خاک هلاک سرلیدیلر.] چونکه؛ حیله نک نتیجه سی فلاکت و عاقبتی خسراندر.

فخر رازینک بیانی وجهله الله تعالی نك صالح علیه السلامی قتل ایتک اوزره اتفاق ایدنلره

مکرنده اوج اهتمال واردر: برنجیسی؛ حضرت صالح بر مغاره یی مسجد اتخاذایدوب کیجه لری اوراده عبادتله مشغول اولوردی. مفسد لر حضرت صالح کلنجه قتل ایتک اوزره آقشامدن مغاره یه کیردیلر. مقصدلری اولاً مسجدده صالح علیه السلامی اولدوروب صکره کوروب اولاد و عیالی اولدورمکدی. بیلمیورلردی که کندیلرینی الله تعالی حضرت صالحدن اول اهلاک ایدرک. بناء علیه؛ مغاره اوزر لرینه یقلمقد اهموکن اولدیلر. ایکنجیسی؛ کیجه ایله صالح علیه السلامک خانه سنه هجوم ایله کندینی و اولادینی قتل



ایتمکدی . بیلیمورلردی که اوراده حضرت صالحی بکله مک اوزره حاضر اولان ملککر آنلری صالحدن اول قتل ایده جککر . بناء علیه ؛ ملککر آنلری طاشد اولدورولدر . ومفسدر طاشک آتیلدیغنی کورورلر، فقط طاشی آنلری کوره مزلردی . اوچنجیسی ؛ الله تعالی آنلرک اتقاقندن حضرت صالحی خبردار ایتدی . صالح علیه السلام ده اهل وعیالیه برابر صاقلانندی . آنلر آرامشلسده بولامادیلر وعاقبت جمله سی بردن هلاک اولدیلر . هلاکری قطعیدر . زیرا آیت ؛ هلاکرینه قطعی صورته دلالت ایدر . فقط هلاکرینک کیفیتنه صراحة دلالت اولمادیغندن هلاک کیفیتنه دائر روایت مختلفدر . مکر ؛ مبدیایمی ايسه ده جناب حَقَّ حیلَه یه احتیاجی اولمادیغندن بوراده مبدیه بکزر به اهلکله اهلک ایتدک دیمکدر . چونکه مکر ؛ هضمک فبری اولمقنیه مبدیه مبدی اولدیغندن جناب حقه بونلری بیلمدکری ومأمول ایتمکری جهندن اهلک ایتدیکندن « آنلرک مکرینه قارشى بزده مکر ایتدک » دیمشدر که حیلهرینی هلاکرینه سبب قيلمشدر .

﴿فَإِنَّكَ بُيُوتُهُمْ خَاوِيَةٌ بِمَا ظَلَمُوا﴾

[ ايشته شوکوریلن خرابه لر ظلملری سببيله ییقلمش اولدیغنی حالده آنلرک اولریدر . ]

﴿إِنَّ فِي ذَلِكَ لَآيَةً لِّقَوْمٍ يَعْلَمُونَ﴾

[ ايشته شوخرابه لرده و آنلرک صاحبزینک برصیحه ایله هلاک اولمزلنده علم وعرفان وادراک واذعان صاحبزری ایچون علامت عظیمه واردر . ] چونکه ؛ بالعموم خرابه لر عین انسانلر طرفلرندن یایلمش بعدد آنلر ویا اولادلری طرفندن ارتکاب اولونان جرم وجنایت وظلم سببيله هلاک اولوب اولری خراب اولدیغندن صوکره کلنلره برر درس عبرت اولسی و آنلر کبی بونلرده ظالم ارتکاب ایدرلرسه خراب اولاجقلرینی دوشونملری لازمدر .

﴿وَأَنْجَيْنَا الَّذِينَ آمَنُوا وَكَانُوا يَشْقُونَ﴾

[ وبزشول کیمسه لره نجات ویردک که آنلر صالح علیه السلامه ایمان ایتدیلر وکناهلردن

تفسیرینی وقایه ایدر اولدیلر . ] زیرا ایمانک نتیجه سی ؛ سلامت واکثر آفلردن قورتولمقدرد . بناء علیه ؛ مؤمنلر نجات بولدی وکافرلر هلاک اولدی . روح البیانه ذکر اولوندیغنه نظراً حضرت صالحه قومندن ایمان ایدوب نجات بولان اون بیک کیمسه یمنده الیوم ( حضر موت ) دنیلن بلده یه هجرت ایتدیلر . چونکه ارض ظلمدن ارض صلاحه هجرت ؛ سنت انبیادندر . حضرت صالح اورایه واروب اوراده وفات ایتدیکندن اولده یه ( حضر موت ) دینورکه « حاضر اولدی واولدی » دیمکدر .

\*\*\*

واجب تعالی حضرت صالحک قومیله واقع اولان وقوعاته اشارتدنصکره حضرت لوطله قومی بیننده جریان ایدن مباحثه یه اشارت ایتک اوزره ﴿وَلُوطًا إِذْ قَالَ لِقَوْمِهِ

أَتَأْتُونَ الْفَاحِشَةَ وَأَنْتُمْ تُبْصِرُونَ﴾ بیوریور .

[ بز لوط علیه السلامی قومه رسول کوندردک شول زمانده که اوزمانده قومه دیدی که « سز کوزلریکزله کورور اولدیغکز حالده فاحشه می کتیریورسکزر ولوطه کبی چیرکین بر فعلی ارتکابی ایدیورسکزر ؟ » . ]

﴿أَتَشْكُمُ لَأَتُونَ الرَّجَالَ شَهْوَةً مِنْ دُونِ النِّسَاءِ بَلْ أَنْتُمْ قَوْمٌ تَجْهَلُونَ﴾

[ « سز البته شهواتکزه تبعیت ایدرک نسوانک غیری برطاقم رجاله می شهوتکزی قضا ایدرسکزر ؟ بلکه سز جاهل بر قوم سکزر » دیمکه قومی تکدیر وایشله دکری فعلی انکار ایتدی . ] چونکه همزه ؛ استفهام نظری اولدیغنی کبی صورت علانیه ده اوفعلی ارتکاب ایتدکری بیسانله آنلره ذمئی تزید ایتدی . زیرا ؛ ( واتم تبصرون ) جمله لطیفه سی فخر رازینک بیانی وجهله اوج امتکای مابدر ؛ برنجیسی ؛ کوزیکزله کوره رک اوفعلی کتیرسکزر دیمک آنلری صوک درجه ذمدر . زیرا ؛ آنلر او قدر فنا اخلاقی بر قوم ایدی که بو چیرکین فعلی علی ملا الناس ایشلمکدن چکینمز وهیچ کیمسه دن پروا



ایتزلردی . ایکنجیسی؛ سز کوزیکزل کورد اولدیفلکزه مالده ایشلرکزد دیمک «سزدن اول عالمده بوفعلی ارتکاب ایدن اولمادیغنی والله تعالی ارککی ایچون خلق ایتدیکندن بوفعلکزد حکمت الهیه مخالف اولدیغنی قبلکزله بیلدیکنز حالد ایشلر، علمکزله عمل ایتبورسکز، دیمکدر . اوچنجیسی؛ سزده اول یکن عاصیبرک اموالی کوزیکزل کوردیکلزه مالده عبرت آلبورسکز دیمکدر . بناء علیه لوط علیه السلام کلامی؛ قومی شدتله تکدیری مشعردر . (بل اتم قوم تجهلون) دیمک قبلکزله فعلمکزد فنا اولدیغنی بیلدیکنز مالده علمکزد مرصید عمل اتمز باهلدرکی عمل ایدر سفیرلرکزد دیمکدر که دنیاده انسانلر ایچون سفاهتدن اشاغی برصفت اولمادیغندن قومی سفاهتله توصیف ایتشدردر . حق کافرلریله کفره راضی اولور، سفاهته راضی اولمازلر . بناء علیه؛ کافر اولان بر کیمسه مالنده تصرفدن منع اولونماز . حالبوکه سفیه اولان ملککنده تصرفدن منع اولونور که سفیهر نظر شرعده بهایم منزله تنزیل اولونورلر وعقلادن عد اولونمازلر .

\*\*

یکرمنجی جزؤ

واجب تعالی لوط علیه السلام قومی تکدیرینه قارشى آنلرک جوابی بیان ایتک اوزره ﴿فَمَا كَانَ جَوَابَ قَوْمِهِ إِلَّا أَنْ قَالُوا أَخْرِجُوا آلَ لُوطٍ مِنْ قَرْيَتِكُمْ إِنَّهُمْ أَنَاسٌ يَتَطَهَّرُونَ﴾ بیوریور .

[ لوط علیه السلام سوزینه قارشى قومک جوابی اولمادی، آنحق «کویکزدن آل لوطی چیقارک . زیرا؛ آنلر بزم افعالمزدن پاک بر طاقم کیمسه لردر » دیمکدن عبارت اولدی . ] همان بوتون سوزلری «آل لوطی قریه کزدن چیقارک » دیملری اولمشدر .

یعنی؛ لوط علیه السلام قومک حضرت لوطدن ایشیتدکری نصیحتله قارشى جوابلری اولمادی، آنحق «آل لوطی قریه کزدن چیقارک » دیمکدن عبارت اولدی . چونکه؛ شهوات نفسانیله تبعتله کال ضلالت وغفلت ایچنده اصرار ایتدکریدن خیر اوکود قولاقلرینه

کتمیوردی و آل لوطی چیقاره جق اولمالرینک سببی ده آنلرک طاهر، کندیلرینک ملوث اولمالریدر که کندی دلیللری کندی علیهلرینه اولدیغندن عذرلری قباحتلرندن دها بویوکدی . چونکه؛ آنلر «بزم قومزدن طهارت دعوا سنده بولونیورلر . بناء علیه؛ بزمه مناسبتلری یوق » دیمک «بز فنایز آنلر اییلردر . شو حالده بزم ایچمزدده یاقیشمازلر » دیمکدر . لکن سفیه اولوب نه سوبلدکلرینی بیلمدکلرندن کندی علیهلرینه دلیل سرد ایتدیلر، فقط فرقده اولمادیلر . چونکه ارتکاب ایتدکری فعلک فبالغی بیلیرلر سده مقصدلری؛ اخلاقلرینه مداخله ایدر بر کیمسه بولونمیه رق لافمز وسوزسز مراملرینی اجرا ایتکدی . زیرا سفها مجلسنده بولونانلر؛ ائما ارتکاب ایتدکری جنایتک فبالغی بیلیرلرولکن یانلرنده فکرلرینه مخالف بر کیمسه بولوندیرمق ایسته مزلر که سفاهتلرنده اولاجق رسوالنی کیمسه بیلمسون .

﴿فَأَنجَيْنَاهُ وَأَهْلَهُ إِلَّا امْرَأَتَهُ﴾

[ قومی بو حال اوزره اولوب نصیحت دیکله مه ینجه بزم لوطه واهله نجات ویردک، آنحق لوطک حرمی نجاتدن مستنادر . ]

﴿قَدَرْنَاهَا مِنَ الْغَابِرِينَ﴾

[ زیرا؛ بزم لوطک حرمنه عذابده هلاک اولوب کچلردن اولسنی تقدیر ایتدک . ] چونکه؛ امرأه لوط قومک افعاله راضی بر کافره اولدیغندن قومیه برابر هلاکی مقدر اولدیغنی جهتله هلاکدن قورتولامادی . عذابده قالماسیله حکم الهی لاحق اولدی .

﴿وَأَمْطَرْنَا عَلَيْهِمْ مَطَرًا قَسَاءً مَطَرُ الْمُنْذَرِينَ﴾

[ و بزم لوط قومی اوزرینه طاشدن یاغور یاغیدردق . بناء علیه، لوط طرفندن قورقوتولمش اولان قومک یاغموری نه فنا اولدی . ] چونکه؛ آنلردن هیچ کیمسه قالمادی کبی حیواناتلرندن دخی هیچ بر شی قالمادی، هپسی هلاک اولدی کیتدی .

\*\*

واجب تعالی انبیاء عظام حضراتندن بعضیلرینک امتلرینک عذاب دنیویه ایله عجیب صورته هلاکلرینی بیاندن صوکره امت محمدیه ده بو کبی هلاک اولمادیغندن بزم نیمزه



حمد و ثنا اتمکله امرینی بیان ضمنتده ﴿ قُلِ الْحَمْدُ لِلّٰهِ وَسَلَامٌ عَلٰی عِبَادِهِ الَّذِیْنَ اصْطَفٰی ﴾ بیوریور.

[یا اکرم الرسل! سن «حمد و ثنا الله مخصوص صدر و دنیا و آخرتده سلامت اللهم اختیار ایتدیکی قوللری اوزرینه نازل اولیجیدر» دیملکه سکا و امتکه و یردیکم نعمتله شکر ایت .]

﴿ اَللّٰهُ خَيْرٌ اَمَّا يُشْرِكُوْنَ ﴾

[«الله تعالی می خیرلیدر، یوقسه مشرکله شرک ایتدکری شیرمی خیرلیدر؟»]  
یعنی؛ بزم سکا بعض انبیانک امتلریله واقع اولان حاللری بیانمزدنصکره سکا و یرمش اولدیغمز نعمتلیزمزه هدایت و دی که «الحمد لله . یعنی انس و جندن و عموم قوللرک لسانلرندن صادر اولان حمد و ثنائک کافه سی الله مخصوصدر، اللهم غیری حمده لایق برکیمسه یوقدر». بویله دید کدنصکره انبیارادرلرینک امتلرندن چکمش اولدقلری زحمتله مکافات اولق اوزره آنلره سلامتله دعا ایت و «دنیا و آخرتده سلامت شول کیمسه لر اوزرینه اولسون که او کیمسه لر اللهم نبوت و صفوتله اختیار ایتدیکی قوللریدر» دیملکه دعاده بولون که اخوتک و طائفی ایضا اتمش اولاسک. بوندنصکره مشرکلدن سؤال ایت دی که «قوللری سعادت دارینه ایصال و بوتون منفعت و مضرتلری خلق ایدن الله تعالی می خیرلیدر، یوقسه مشرکله شرک ایتدکری عاجز حجر و شجر پارچه لریمی خیرلیدر؟». البته قادر و قیوم و هر شئی فیض ایدن الله تعالی خیرلیدر. بونی هر ماقلاک ادراک ایتسی لازم اولدیغندن بوسؤال مشرکلی الزام و آنلری استهزادر. بناء علیه؛ آیتک جمله اخیره سی مشرکله رأیلری تزییف ایچون وارد اولمشدر. چونکه؛ مشرکله معبود اتخاذایتدکری پوتلرده اصلاخیر و اقتدار یوق که واجب تعالی ایله مقایسه اولونسونلر. شو حالده مشرکله «نصل الله تعالی می خیرلیدر، یوقسه سزک معبودلریکزمی خیرلیدر؟» دیملک آنلری استهزادن باشقه برشی دکدر. زیرا؛ معبودلرنده اصلا اقتدار اولمادیغنی آنلرده بیلیرلر.

خازنده بیان اولوندیفته نظراً اللهم اختیار ایتدیکی قوللره مراد؛ انبیاء عظام حضرت ائمه و یا خود انبیا ابد برابر امتلرینک صلواتیور. بیضاوینک بیانی وجهله بوآیتده

حمدله امر؛ رسول الله اولدیغی کبی لوط علیه السلامه اولق احتمالی ده واردر. بوکانظراً معنای نظم: [«یا لوط! دشمنلرک اولان قومک هلاکی و سنک معیتکه برابر نجاتک اوزرینه الله هدایت و دی که «الحمد لله» و سنک کبی امتندن زحمت چکن انبیایه سلامتله دعا ایت] دیملکدر.

\*\*\*

واجب تعالی مشرکلی الزام ایچون «الله می خیرلی یوقسه مشرکله پوتلریمی خیرلی؟» عنواننده ایراد اولونان سؤالدنصکره ذات الوهیتک خیرلی و قدرت قاهره صاحب اولدیغنه دلالت ایدن بویوک دلیللردن بعضیسی ذکر ایتک اوزره ﴿ اَمَّنْ خَلَقَ السَّمٰوٰتِ وَالْاَرْضَ ﴾ بیوریور.

[ای مشرکله! سزک معبود اتخاذایتدیکنز پوتلریکزمی خیرلیدر، یوقسه سموات و ارضی خلق ایدن خالق می خیرلیدر؟]

﴿ وَاَنْزَلَ لَكُمْ مِنَ السَّمَاءِ مَاءً ﴾

[واو خالق سزک ایچون سما جهتندن یاغور صوبی انزال ایتدی .]

﴿ فَاَنْبَتْنَا بِهِ حَدَائِقَ ذَاتَ بَهْجَةٍ ﴾

[بناء علیه؛ بز او صو سبیلله کوزلاک صاحب اولان باغچه لر بیتردک .]

﴿ مَا كَانَ لَكُمْ اَنْ تُنْبِتُوْا شَجَرَهَا ﴾

[سزک ایچون او باغچه لرک آغاجی بیترمک ممکن اولماز .]

﴿ اِنَّ اِلٰهَ مَعِ اللّٰهِ ﴾

[شو اشیاء موجوده یی خلق ایدن الله برابر باشقه معبودی واردر؟]

﴿ بَلْ هُمْ قَوْمٌ يَعْدِلُوْنَ ﴾

[بلکه آنلر حقندن آیریلش بر قومدر .]



یعنی ؛ شهبانہ اتباعہ بابالربنی تقلید ایدن مشرکک رک عاجز بوتلری می خیرلیدر، یوقسه اصول عالم و منافک منعی اولان کوکاری ویری خلق ایدوب و سزک ایچون سماجهتندن یاغور صولری ایندیروب بهجت و نصرت یعنی کوزلک و لطافت صاحبی اولان باغچهلری و اوتلری و اکیلری و هر درلو چیچکلری بیتین و بونلرک هر برینی کونا کون رنکلر و شکلرله میدان کتیرن الله تعالی می خیرلیدر ؛ البته بونلرک جمله سنی خلق ایدن الله تعالی خیرلیدر . زیرا بونلری خلق ایتک الله مخصوصدر ، اللهک غیری خلق ایده جک یوقدر . چونکه ؛ سزک ایچون او باغچهلرک تک بر آغاجنی بیلہ بیتیرمک ممکن اولاماز . شوخالده مکوناتی ایجاد ایدن و صنایع بدیعہ قادر اولان الله تعالی ایلہ برابر آندن باشقه بر معبود وارده حاشا الله تعالی به معاونت می ایدیور ؛ بو عالم مکوناتی خلق ایدن خالقه کیم شریک اولابیلیر ؛ بلکه اللهله برابر معبودک وارلغنی ادعا ایدنلر حقندن باطله میل ایتش یعنی حقن قویمش باطله کچمش بر قومدر .

واجب تعالی بو آیتده اشیایی بیتیرمک کندینه مخصوص اولدیغنه اشارت ایچون غائبدن تکلم صورتنه التفات ایتشد . چونکه ( وازل ) غائب صورتیلہ کلدیکی حالده ( فابتننا ) تکلم صورتیلہ کلمشدر .

\*\*

واجب تعالی قدرت قاهره سنہ دلالت ایدن دلیلردن بومقامده ایکنجیسنی بیان ایتک اوزره ﴿ اَمْثَلْ جَعَلَ الْاَرْضَ قَرَارًا وَجَعَلَ خِلَالَهَا اَنْهَارًا ﴾ بیوریور .

[ ای مشرکک ! سزک عبادت ایتدیککز معبودلریکزمی خیرلیدر ، یوقسه ارضی سزه قرارگاه قیلان و ارضک آره سنده نهرلر خلق ایدن الله تعالی می خیرلیدر . ]

﴿ وَجَعَلَ لَهَا رَوَاسِي وَجَعَلَ بَيْنَ الْبَحْرَيْنِ حَاجِزًا ﴾

[ وارض ایچون یوکسک طاغیر خلق ایدن و ایکی دکر آره سنہ مانع خلق ایدوب آجی صوبی طائلی به قاریشدیرمایان الله تعالی می خیرلیدر ، یوقسه سزک عاجز معبودلرکزمی خیرلیدر ؟ ]

﴿ اِنَّ اِلٰهَ مَعَ اللّٰهِ ﴾

[ بونلرک جمله سنی خلق ایدن اللهله برابر باشقه معبودمی واردر ؟ ]

﴿ بَلْ اَكْثَرُهُمْ لَا يَعْلَمُوْنَ ﴾

[ بلکه انسانلرک اکثریسی آداب عبودیتی بیلمز جاهلردر . ]

یعنی ؛ ای مشرکک ! سزک عبادت ایتدیککز حجر و شجر پارچه لرندن عبارت اولان بوتلریکزمی خیرلیدر ، یوقسه یر یوزینی انسانلره و حیوانات سائرہ به قرارگاه و محل راحت اولارق خلق ایدن الله تعالی می خیرلیدر ؛ او الله تعالی که یر یوزینی حیواناته مسکن اولغه آلوریشلی خلق ایتدیک کی یر یوزینک آره لرندہ حیواناته و بالخاصه معیشتلرینی اکال ایچون نهرلری و ارضک ثبات و قراری ایچون طاغیری و او طاغیرده انسانلرک منفعتی ایچون انواع معادنی و بیکلرجه پیکارلری و حیوانات ایچون اوتلری خلق ایتدی و ایکی دکر آره سنده آجی صو ایلہ طائلی صوبی بر برینه قاریشمسون ایچون مانع خلق ایتدی . ایشه بونلرک جمله سنی خلق ایدن خلاق البته سزک عاجز بوتلریکزدن خیرلیدر . زیرا او بوتلردن هیچ بریسی بونلردن بر ذره بیلہ خلق ایده مزلر . بونلری خلق ایدن اللهله برابر باشقه بر معبود وار ، اللهه معاونت ایتدی ده سزآنی می معبود اتخا ایدیورسکز ؛ بلکه انسانلرک اکثریسی جاهلردر . بناء علیه ؛ اصلا منفعت آلدن کله ین و شعور و ادرا کدن خالی اولان خسیس شیلری معبود اتخا ایدرلر . چونکه ؛ عبادته مستحق اولان ذاتله اصلا عبادته استحقاقی اولمایانلری تقریق ایده جک قدر علمه مالک دکلردر .

بو آیتده جناب حق ارضک انسانلر ایچون درت بهرته منفعتنی بیان ایتشد : برنجیسی ؛ ارضک انسانلره قرارگاه اولسی در . چونکه ؛ فخر رازینک بیانی وجهله ارضک قرارگاه اولسی ایلہ مراد ؛ ارضک طاسه کی غایت سرت اولورده انسانلر اذیت ایتدیک کی صو کی بیورس اولوب انسانلک آباغی بانمابوب ایکیسی آره سنده انسانلک بانوب اولورسنه و اکوب دیکسنه آلوریشلی اولسی و کونشک ضیائی طونمقد حرارتی



قابل اولوب نباتانی بنیرمه قابیلنی بولونمیسیر. چونکه؛ اکر ارض کونشی طومناز برحاله اولمش اولسه ایدی صوئوقدن اوت بیتمز و حیوانات یشایامازدی و اکر حرکتی انسانلرک حس ایدجکی بدرجهده اولسه ایدی ارض اوزرنده انسانلرک قراری ممکن اولمازدی. شمسک ارضه بعض کره یا قلاشوب بمضاده اوزاقلاشمسیله فصول اربعه نك حصولی ده انسانلره قرارگاه اولمسنك باشلیجه خادمیدر. چونکه ارض؛ انسانلرک بیله جکلری درجهده متحرک اولسه انسان دائماً مضطرب اولور یشایامازدی. بوکا زلزله آنلری شاهددر و فصول اربعه اولسه اصلاً انتفاع اولونماز و انسانلرده یشایامازدی.

ایکنجیسی؛ ارضه اوزرنده نهرلرک جریانه اتمیسیر. چونکه؛ ارض اوزرنده نهرلرک جریاننده انسانلر ایچون منفعت معلومدر و نهرلرک کوکی (منبی) ارضده اولدینی جهته بونلرک منفعی ارضک منفعتدن معدوددر و جناب حق نهرلری ارضک منافعتدن صایمقله قوللرینی او نهرلردن انتفاع اتمک ترغیب اتمشدر.

اوچنجیسی؛ ارضه اوزرنده طاغلرک بولونمیسیر. چونکه؛ اکثریا بلوطلر طاغلرده اولوب اولاً رحمت طاغلردن باشلاوب اووه لره یا غمور طاغلردن کلدیکی کبی انسانلرک انتفاع ایتدیکي پیکارلر و معدنلر طاغلرده اولدینی جهته انسانک منافعه خادم اولان کرک پیکارلر و کرک معدنیات طاغلرده اولوب طاغلردن دخی براوزرنده اولدیغندن طاغلرک منافعی ارضک منافعتدن معدود اولمش و طاغلردن انتفاع ایدوب معطل قالمغه واجب تعالی قوللرینی ترغیب اتمشدر. پیکارلرک طاغلرده اولملرینک سینه کلنجه: طاغلرک طوپراغنده بخاری محافظه ایدجک قدر صلابت اولمیسیر. چونکه؛ یرک آلتنده تراکم ایدن بخاری طاغلرک طوپراغنک محافظه ایدوب بخار تراکم ایتدیکجه تکاثف ایدجک مسبب الاسباب اولان خلاق عالم او تکاثف ایدن بخاری صویه تحویل ایدر. بناء علیه؛ انیه قک منفذی کبی طوپراغک آره سندن بر منفذ بولمقله هان مرکزی اولان یر یوزینه هجوم ایدر و بمضاده منفذ بولما یوب یرک آلتنده او قدرده تضییق اولما دیغندن طوپراق ایچنده محبوس اولارق قالیر. اما اووه لره کلنجه: طوپراغنده رخاوت اولوب بخاری محافظه ایدم دیکندن صویه ماده و اساس اولاجق بخار بولونما دینی جهته اووه لره پیکارلر نادر در. طاغلرده بلوطک چوق اولسنه کلنجه: طاغلرده بلوطی جذب ایدجک رطوبتک چوق اولدینی کبی بلوطی

محافظه ایدجک قدر صوئوعک و بلوطک ماده اصلیه سی اولان بخارک چوق اولمیسیر. کذلک معدنیاتک اساسی بخار اولوب بخارده طاغلرده تحصن ایتدیکندن و معدن حاله کلسیله مدت مدیده به محتاج اولدینی جهته ال دکمک صاعلام طوپراق اقتضا ایتدیکندن بونلرک جمله سی طاغلرده بولونمسنه بناء معدنیاتک مسکنی طاغلردر.

دردنجیسی؛ آبی صواب طانی صوابه مندر مانع بولونوب بربرینه قارشمقله افساد اتمی و دکزک صولرینک آبی اولمیسیر. چونکه؛ صولرک آجیسی طاتلیسنه قارشمقله یکدیگرینی افساد ایتسه انسانلر ایجه جک صو بولما دقلری کبی دکزلرک صولری طاتلی اولسه تعفن ایدوب انسانلرک راحتلرینی سلب ایدجکی و بلیکه امراض عمومیه به و تناسلک انقطاعنه سبب اولاجنی جهته دکزلرک صوینک آبی اولمی انسانلر حقنده لطف الهیدر. بناء علیه؛ انسانلرک شو لطف الهی به آریجه شکر ایتلری عبودیتک وظیفه لرنددر.

\*  
\*\*

واجب تعالی یرلری و کوکلری و یرده اولان منفعتلری خلق ایتدیکنی و مشرکلرک معبودلری بونلردن هیچ برینی خلقه قادر اولما دقلرینی بیانه مشرکلری توبیخ ایتد کدنصکره خلقک احتیاجنی دفع جهتندن دخی قدرت کامله صاحبی اولدینی بیان ایتک اوزره ﴿أَمْ يَحِيبُ الْمُنْظَرُ إِذَا دَعَا وَ يَكْشِفُ السُّوءَ أَوْ يَنْجِيكُمْ خُلَفَاءُ الْأَرْضِ﴾ بیوریور.

[ای مشرکلر! سزک عاجز معبودلریکزمی خیرلیدر، یوقسه مضطر اولان کیمسه دعا ایتدیکنده آنک دعاسنه اجابت ایدن و ایسته دیکنی و یرن و او مضطر اولان کیمسه به اصابت ایدن کوتولکی قالدیران و سزی یر یوزینه خلیفه قیلان الله تعالی می خیرلیدر؟]

﴿إِنَّ اللَّهَ مَعَ الَّذِينَ﴾

[اللهه برابر بونلری ایجاد و قوللرینک احتیاجنی دفع ایدن بر معبود وارده آکمی عبادت ایدرسکز؟]



﴿ قَلِيلًا مَّا تَذَكَّرُونَ ﴾

[ دوشونجه کز غایت آذوقیسه در . زیرا ؛ قادری براقوب عاجزه عبادت ایدرسکزر . ]  
یعنی ؛ ای مشرک ! سزک شرک ایتدیککز پوتلریکزمی خیرلیدر ، یوقسه مصائبدن بر مصیبتیه ویافقر وخستعلق کبی درد وآلامدن مضطر اولان و خلاصنه چاره آرایان بر کیمسه نك دعا ایتدیکی زمان دعاسنی قبول ایدوب مصیبتنی عافیتیه و فقرینی غنایه وخستعلقی صحته تبدیل ایتکله ساحه سلامته چیقاران قادر و قیوم می خیرلیدر ؛ البته قوللریک احتیاجنی دفع ایدن ودعاسنی قبول ایدوب ایسته دیکنی ویرن الله تعالی بونلردن هیچ برینه قادر اولامایان پوتلردن خیرلیدر . بناء علیه ؛ معبود بالحق اودر ، آنک غیری عبادته لایق کیمسه یوقدر والله تعالی سزه یر یوزنده تصرفه قدرت ویردی وسزندن اول کچنلره خلیفه قیلدی . شو حالده سزه یر یوزنده وبالخاصه املا کککزده تصرفه قدرت ویرن ذات اجل واعلایه عبادتکزر لازمدر . اللهله برابر باشقه بر معبود وارمی که غیره عبادت ایدرسکزر وسزه آنا فانا توالی ایدن نعمتکزر کیمدن کلدیکنی دوشونمکزر غایت آز اولدیغندن عزیزی وقوی بی براقوب عاجز و ذلیله عبادت ایدرسکزر .

نیسابورینک بیانی وجهله بو آیتده مضطر ؛ جنس اولوب آزه دیورمه شامل اولدیغندره « جنس مضطرک دعاسنی قبول ایدر » دیمک « مضطر اولانلردن بعضیلرینک دعاسنی قبول ایدر » دیمکدر . بناء علیه ؛ « بعض آخرک دعاسنی قبول اولیور » دیبه رک سوال وارد اولماز . چونکه ؛ جناب حق اوزرینه دعانک قبولی واجب دکلددر . شو حالده ایسته دیکی کیمسه نك دعاسنی قبول ایدر و ایسته مدیکنی قبول ایتمز و قبول ایده چکی شخص و زمان معلوم اولمادیغندن هر کس هر زمان ربسنه مراجعتیه محتاجدر . مع هذا شرائطنه رعایتله اخلاص ورقه قلبله وقوع بولان دعانک علی الا کثر قبول اولوندیغنی معلومدر و قبولنه معین بر زمان اولمادیغندن بزم قبول اولونمادی ظن ایتدیکمز دعالر قبول اولونورده بزم خبریمز اولماز و یاخود دها ایلورده قبول اولونا جق ولکن بز عجله ایدیورز .

﴿ اَمِّنْ يَهْدِيكُمْ فِي ظُلُمَاتِ الْبَرِّ وَالْبَحْرِ وَمَنْ يُزِيلِ الرِّيَّاحَ بُشْرًا بَيْنَ يَدَيْ رَحْمَتِهِ ﴾

[ ای مشرک ! سزک معبودلریکزمی خیرلیدر ، یوقسه قره نك ودکزرک قاراللق کیمه لرنده سزه یول ویرن و کیده جککزر محله یولکزی طوغرولتان و یاغمورک اولنده مژده چی اولارق روز کارلری کوندرن الله تعالی می خیرلیدر ؛ البته سزی هدایتده قیلان وروز کارلری رحمتیه بشارت یابان الله تعالی خیرلیدر . ]

﴿ اِنَّ اللَّهَ مَعَ الَّذِينَ ﴾

[ اللهله برابر اللهک غیری معبودمی وارکه سز پوتلره عبادت ایدرسکزر ؟ ]

﴿ تَعَالَى اللَّهُ عَمَّا يُشْرِكُونَ ﴾

[ مشرککزر شرککزدن و شرک ایتدکری معبودلردن الله تعالی یوجه اولدی و آنلرک افتزالرندن منزله و علوصفاتیه مالکدر . ] زیرا ؛ قره ده ودریاده انسانلره یول ویرمه و هدایتده قیلغه قادردر . پوتلر ایسه بونلردن هیچ برینه قادر دکلددر . شو حالده البته قادر اولان الله تعالی عاجزلردن خیرلیدر .

\*\*

واجب تعالی دنیایه متعلق اولان نعمتلیرینی بیانه قدرت قاهره صاحبی اولدیغنی بیاندنصرکه آخرته متعلق نعمتلیرینی بیانه ده قدرتی اثبات ایتک اوزره ﴿ اَمِّنْ يَبْدُو الْخَلْقَ ثُمَّ يُعِيدُهُ وَمَنْ يَرْزُقُكُمْ مِنَ السَّمَاءِ وَالْأَرْضِ ﴾ بیوریور .

[ ای مشرک ! سزک پوتلریکزمی خیرلیدر ، یوقسه اولاً سزی ایجاد ایدوب سکره اولدوروب تکرار اعاده ایدن و ساجانبندن یاغموری یاغدیرمق ویردن برکتلری بیترمک صورتیه مرزوق قیلان الله تعالی می خیرلیدر ؛ البته ایجاد و اعاده یه و قوللرینه رزق ویرمه قادر اولان الله تعالی خیرلیدر . ]

﴿ اِنَّ اللَّهَ مَعَ الَّذِينَ ﴾

[ اللهله برابر باشقه معبودمی وارکه سز باطل معبودلره عبادت ایدرسکزر ؟ ]



﴿ قُلْ هَاتُوا بُرْهَانَكُمْ إِنْ كُنْتُمْ صَادِقِينَ ﴾

[ حبیلم! سن آنلره دی که «اگر ای مشرک! شر که دائر سوز کز طوغرو ایسه دعوا کزه دلیلکزی کتیرک» ] و سنک بوسوزک آنلری الزام ایدر . چونکه ؛ اللهک غیری بر معبود اولدیغنه دلیل کتیرملری محالدر . زیرا ؛ یوق که کتیره بیلسونلر . واجب تعالی بو آیتده انسانلر ایچون ایکی نعمت ذکر ایتتمه : برنجیسی ؛ اولدر که نصکره و برلر توب اعاده ایتکمر . چونکه ؛ نعمت ابدیه نائل اولمق موته محتاج اولدیغندن اهل ایمان ایچون خیرلی اولوم یک بویوک نعمتدر . زیرا ؛ اولومک کو پریمی کچمدکجه نعمت ابدیه نائل اولمق ممکن دکدر . ایکنجیسی ؛ رزقدر . چونکه نعمت ابدیه وصول ؛ حیات دنیا و حیات دنیا ایسه رزق محتاج اولدیغندن اعاده یی ذکر د نصکره انسانلری مرزوق ایتدیکنی ذکر ایتمشدر .

هر دعوی دلیله محتاج اولوب دلیلسر دعوی مسموع اولمادیغندن وبالخاصه اعتقادات البته بر دلیل مستند اولمق لازم اولدیغنی جهتله جناب حق مشرکدرن دلیل ایسته مسنی رسولنه امر ایتمشدر .

\*\*

واجب تعالی قدرت کامله صاحبی اولدیغنی بیاند نصکره علمنک کمالی بیان ایتک اوزره

﴿ قُلْ لَا يَعْلَمُ مَنْ فِي السَّمَوَاتِ وَالْأَرْضِ الْغَيْبَ إِلَّا اللَّهُ وَمَا يَشْعُرُونَ أَيَّانَ يُنْزِلُ ﴾

یُنْزِلُونَ ﴿ بیوریور .

[ یا اکرم الرسل! سکا قیامتدن سئوال ایدن مشرکله سن دی که «کوکرده اولان ملکر و یرده اولان انس و جندن هیچ بر کیسه غیبی بیلمز ، آنجق الله تعالی بیلیر . حالبو که جمله انس و جن نه زمان قیامت قائم اولوب قبرلرندن قالقه جقلرینی بیلمز لر . ] چونکه ؛ غیه اطلاعی الله تعالی ذاته حصر ایتمشدر . بناء علیه ؛ مخلوقاتدن غیبی بیلن یوقدر ، آنجق بعض مغیاتی اللهک بیلدیردیکی کیسه بیلیر .

تفسیر خازنده بیان اولوندیغنه نظراً بو آیت مشرکله حقنده نازل اولمشدر . چونکه ؛ مشرکله رسول الله قیامتک قیامتدن و بعثتک نه زمان اولاجقندن سئوال ایتلری اوزرینه جواب مقامنده بو آیتک نازل اولدیغنی مرویدر . مدار کده بیان اولوندیغنی وجهله حضرت عائشه رضی الله عنها « یارینکی کونده اولاجق شیئی بیلیرم دین الله بویوک افترا ایتیش اولور » بیورمشدر .

خلاصه ؛ اللهدن غیری غیبی بیلیر بر فرد اولمادیغنی بو آیتدن مستفاد اولان فوائد جمله سنددر .

﴿ بَلْ أَدَارِكْ عَلِمُهُمْ فِي الْآخِرَةِ بَلْ هُمْ فِي شَكٍّ مِنْهَا بَلْ هُمْ مِنْهَا عَمُونَ ﴾

[ آنلر نه زمان بعث اولونا جقلرینی بیلمز لر ، بلکه آنلرک علمی آخرتده لاحق اولور . چونکه ؛ آخرتده بعث اولونونجه عین یقین بیلیر لر ، بلکه بو دنیا ده آنلر قیامتدن شک ایچنده درلر . بناء علیه ؛ انکاردن چکینمز لر ، بلکه آنلر آخرتدن غافلدر . عادتاً اعمی کبی آخرتی کورمدکلرندن اینانمازلر . ]

یعنی ؛ الله تعالی نک غیری انس و جن و ملک غیبی بیلمز و قیامتک زمانندن صورارلر . بودنیاده بعث اولونا جقلری زمانی بیلمز لر ، بلکه آنلرک بعث اولوندقلری زمانه علملری آخرتده واصل اولور ، بلکه بودنیاده آنلر آخرت حقنده شک ایچنده درلر . حتی آنلردن بعضیلری یالکیز شک ایتسکله ده اکتفا ایتمز لر ، بلکه قیامتدن واحوال آخرتدن بوتون غافلدر . بناء علیه قیامتک وقوعی انکار ایدر لر و دلیللرینی ادرا که صرف ذهن ایتمز لر و شدله تکذیبه قالقارلر .

بو آیت جملله ده آخرتک وارلغنده تردد ایدنلرک مرتبه لرینی جناب حق بیان ایتمشدر . چونکه ؛ اولاً بعث اولونا جقلری وقتی بیلمدکلرینی ، ثانیاً قیامتک وقوعی بیلمدکلرینی ، ثالثاً شک ایچنده متحیر اولدقلرینی و رابعاً بالکلیه غافل و منکر اولدقلرینی بیان ایتمشدر . (بل ادارک) قیامت علملری وقوعنده صکره آخرتده لامی اولور ، نظاره مجالدری قالمز دیمک اولدیغنی کبی (ادارک) (انتهی) (اضمحل) یعنی آخرتده علملری نرابت بولور و مضمحل اولور کیر معنای دخی محتملدر . چونکه ؛ آخرته واروب رأی العین مشاهده ایدنجه خلاصه البیان : اون برنجی جلد - ۱۱



علمی کانه واصل اولور و بو خصوصه دائر علم نهایت بولور و برشی نهایت سینه وارنجی  
یوق اولور . یاخود ادا رک؛ مارك معنانه در که بوضوحه دائر اولور علملی بربری  
آرقه تابع اولور، منی آفرت و هور بولوب آرقسی کسینجه قدر دیمکدر . چونکه؛  
آخرت وقوع بولوب رای العین کورولونجه « واردی و یاخودیوقدی » دیمکه احتیاج قالماز .

\*\*

واجب تعالی حشرک وجودینه بیاننصکره حشری انکار ایدنلرک بعض احوالی بیان  
ایتمک اوزره ﴿ وَقَالَ الَّذِينَ كَفَرُوا إِذَا كُنَّا تُرَابًا وَآبَاؤُنَا أَنَّا لَخِرَّجُونَ ﴾

بیوریور

[ کافر اولان کیمسه لر دیرلرکه « بز و بابالریمزده طوبراق اولدیغیمزده قبریمزدن  
قالقاجق و طوبراقدن چیقاریلاجقمی بز ؟ » ]

﴿ لَقَدْ وَعَدْنَا هَذَا نَحْنُ وَآبَاؤُنَا مِنْ قَبْلُ ﴾

[ الله یمین ایدرزکه بز و بوندن اول بابالریمز شونکله یعنی حشر اولونمقله محقق  
وعد اولونمشدق . ]

﴿ إِنَّ هَذَا إِلَّا آسَاطِيرُ الْأَوَّلِينَ ﴾

[ ایشته شو اولد کدنصکره دیرلمک اولمادی ، الا اول کچن امتلر طرفندن یازلمش  
یالانلردر « دیمکه حشری تماماً انکار ایدرلر . ]

یعنی قیامت بالکلیه انکار ایدن کافرلر دیدیلرکه « بز و بابالریمز طوبراق اولدقنصکره  
قبرلریمزدن اخراج اولورمی بز و حیات بولوب دنیاده کی حیاتمز کی بر آدمی اولاجغز؟  
بونی عقل قبول ایدرمی ؟ و محقق بز و بزدن اول بابالریمز شو حشرله محمد ﷺ طرفندن  
بزلر و باشقه نبی طرفندن بابالریمز وعد اولونمشدق . ایشته شو وعدلر اولمادی ، الا اول  
کچن امتلرک یالانلردن و کتابلرینه یازلمش سطرلردن عبارتدر « دیمکه قیامت تماماً  
انکار ایتدیلر .

\*\*

واجب تعالی کافرلرک حشری انکارلری بیاندنصکره آنلره ویریله جک جوابی رسوله  
تعلیم ایله تسلیه ایتمک اوزره ﴿ قُلْ سِيرُوا فِي الْأَرْضِ فَانظُرُوا كَيْفَ كَانَ عَاقِبَةُ  
الْجَائِزِينَ ﴾ وَلَا تَحْزَنْ عَلَيْهِمْ وَلَا تَكُنْ فِي ضَيْقٍ مِّمَّا يَمْكُرُونَ ﴿ بیوریور .

[ حبییم ! سن حشری انکار ایدن کافرلره دی که « ای — مشرکلر ! یورویک  
سزیر یوزنده و کوروک سزک کی کناهاکارلرک عاقبتلری نه اولدی ؟ » . یا اکرم الرسل !  
آنلرک سنی تکذیب ایتلرندن سن آنلر اوزرینه محزون اولما و آنلرک سکا حیللرندن سن  
طارلق ایچنده اولما . ] زیرا ؛ الله تعالی سکا کافیدر .

یعنی ؛ ای — رسول ذی شان ! مشرکلر قیامتی انکارلرنده اصرار ایدر و هوالرینه  
تبعیتدن واز کچملرسه سن آنلره دی که « ای — مشرکلر ! سزک قیامتی انکار کز  
دنیا به محبت و منصبکزه رغبتکز سبیللردر . شو حالده سز سیر ایدک یر یوزنده و نظر عبرتله  
خرابه لره باقک کورک که سزک کی دنیا به هوسله آخرتی انکار ایدنلرک عاقبتلری نه اولدی ؟  
حیرتله سیر و تماشا ایدک . زیرا ؛ عاقبتکزده آنلرک عاقبتلردن باشقه برشی دکلددر «  
دیمکه تهدیددنصکره حبییم ! سندن اعراض و قیامتی انکار ایتلرندن سن آنلر اوزرینه  
محزون اولما و سنک حقکده یامش اولدقلری حیللرندن کوکس طارلقی یایما . سن قلبی  
بول و یوزیکی کولر و بشره کی بشوش طوت . زیرا ؛ الله تعالی سنک یاردیمجیک درو آنلرک  
شردن هروقت سنی محافظه ایدر . بناء علیه ؛ سن آنلرک احوالندن متأثر اولما .

﴿ وَيَقُولُونَ مَتَى هَذَا الْوَعْدُ إِنْ كُنْتُمْ صَادِقِينَ ﴾

[ و قیامتی انکار ایدن کافرلر « شو وعد ایتدیککز قیامتک زمانی نه وقتدر ، تعیین  
ایدک زمانی ، اکر طوغرو سویلر اولدیکز ایسه » دیرلر . ]

یعنی ؛ شدتله انکارلرینه بناء « سزک سوزیکز یالاندر . اکر طوغرو سویلر سزک  
وعد ایتدیککز قیامتک زمانی تعیین ایدک « دیمکه مقابله ایدرلر .

\*\*



واجب تعالی آنلرک بومقابله وسؤاللرینه جوابی بیان ایتک اوزره ﴿قُلْ عَسَى أَنْ يَكُونَ رَدِفَ لَكُمْ بَعْضُ الَّذِي تَسْتَعْجِلُونَ﴾ بیوریور .

[یا اکرم الرسل! سن آنلره جوابده «سزک علی العجله کلمسی ایستدیککیز عذابک بعضی سزه یقینه تابع اولور و لکن عادت التبهیه؛ قوللری متبه اولسونلر و مصر اولدقلری کناهلرینه توبه ایتسونلر ایچون برمدت موقته مساعده ایتکدر. بناء علیه؛ عجله ایتیهک ایستدیککیز شیک یقینه کلمسی مأمولدر» دیمکه جواب ویر.]

﴿وَإِنَّ رَبَّكَ لَذُو فَضْلٍ عَلَى النَّاسِ وَلَكِنَّ أَكْثَرَهُمْ لَا يَشْكُرُونَ﴾

[حالبوکه حییم! ربک تعالی ناس اوزرینه فضل واحسان صاحبدر و لکن ناسک اکثری شکر ایتزلر.] بناء علیه؛ مساعده التبهیه دن استفاده ایده مزلر. چونکه؛ قوللرینک ارتکاب ایتدکری کفر و طغیان و ظلم و عدوان اوزره درحال اهلاک ایتیب مساعده ایتسی اللهک بویوک احساندر و بواحسن اوزره توبه واستغفار ایتکله شکر ایتک لازم ایکن بالعکس شکر ایتزلر. اگر مساعده نک نعمت اولدیغی بیلهرک توبه به مسارعتله اولنعمتک شکرینی ادا ایتسهر عذابدن قورتولورلر و نعمتدن مستفید اولورلر و لکن بونعمتی تقدیر ایده مدکرندن اول کچنلر نصل هلاک و عذاب ابدی به مستحق اولدیلرسه بونلرده عین حاله دوچار اولاجقلردر.

(عسی) (لعل) و (سوف) کلهلری آماد ناسک سوزلر نه هر نه قدر رجایه دلالت

ایدرسده حکمدر لک و امرانک سوزلر نه قطعی و محقق معناسی افاده ایدر. چونکه؛ امرانک جزئی بر اشارتلری صراحة بیان کبی اولدیغندن باشقه لرینک کلامنده رجایه دلالت ایدن الفاظ آنلرک کلامنده قطعیه دلالت ایدر. کذلک واجب تعالی نک کلامنده دخی حال بویله اولدیغندن هر نه قدر بو آیتده (عسی) کلهسی ذکر اولونمش ایسه ده واجب تعالی صورت قطعیه ده کافرلره عذابک لاحق اولاجغی بیان ایتشددر.

﴿وَإِنَّ رَبَّكَ لَيَعْلَمُ مَا تُكِنُّ صُدُورُهُمْ وَمَا يُعْلِنُونَ﴾

[حییم! سنک ربک تعالی کافرلرک قیلرنده کیزلی اولان اسرارلرینی و آشکار ایشله دکاری ایشلرینی بیلیر.]

﴿وَمَا مِنْ غَائِبَةٍ فِي السَّمَاءِ وَالْأَرْضِ إِلَّا فِي كِتَابٍ مُبِينٍ﴾

[چونکه؛ یرده و کوکده غائب برشی اولمادی، الا او غائب لوح محفوظده موجود و یازیلیدر.]

یعنی؛ یا اکرم الرسل! آخرتی انکار ایدن مشرکدرن سن اندیشه ایتیه و حاللرندن محزون اولما. زیرا؛ آنلرک حیلهری سکا ضرر ویرمز. چونکه؛ سنک ربک تعالی آنلرک قیلرنده صاقلی اولان بغض و عداوتلرینی و سنک حقکده دوشوندکری حیلهرینی و کندی لسانلریله اظهار ایتدکری عداوتلرینی بیلیر و آنلره جزالرینی ویرر، انتقامکی آیر. زیرا؛ سباه و ارضده هیچ برغائب اولمادی، الا او غائب ربک تعالی عندنده محفوظ و لوح محفوظ کتابنده یازیلیدر. شو حالده کچمش و کله جک، اولمش و اولاجق هر نه وارسه جملاسی علم التبهیه مندرج و علمندن خارج برشی یوقدر. بناء علیه؛ آنلرک عذابنک تأخری حاللرندن کیزلی اولسندن دکدر، بلکه ربک تعالی عندنده مقدر اولان وقته معلق اولدیغنددر.

(وما من غائبة) صیغه مبالغه اولدیغندن شرنه کیزلی و غائب اولمادی، الا اونی الله تعالی البه بیلیر دیمکدر.

\*\*\*

واجب تعالی دنیایه و آخرته و وحدانیتنه متعلق اولان مباحتی بیاندنصکره نبوتی اثبات ایتک اوزره اک بویوک دلیل قرآن اولدیغندن قرآنک معجز اولدیغی بیان ضمننده ﴿إِنَّ هَذَا الْقُرْآنَ يَقُصُّ عَلَىٰ بَنِي إِسْرَءِيلَ أَكْثَرَ الَّذِي هُمْ فِيهِ يَخْتَلِفُونَ﴾ بیوریور.

[ایشته شو قرآن بنی اسرائیل اوزرینه آنلرک اختلاف ایتدکری مسائلک اکثریسی حکایه و بیان ایدر.]



یعنی ؛ قرآن کتب سماویہ نک کافہ سنک مندرجاتی جامعدر . زیرا قرآن ؛ بنی اسرائیل اوزرینہ آنلرک اختلاف ایتدکری عیسی و عزیر علیہما السلامک حقلرنده وحشر جسمانی و روحانی کبی اختلاف ایتدکری مسائلک چوقلرینی آنلر اوزرینہ بیان ایدر . بناء علیہ قرآن ؛ معجزدر . زیرا ؛ ام سالفہ عائد قصہ لک توراتہ و انجیلہ موافق اولسی قرآنک طرف السہیدن انزال اولوندیغنه دلالت ایدر . چونکہ ؛ رسول اللہک امی اولوب بر معلمدن تعلم ایتدیکی کبی کتب سابقہ بی دہ مطالعہ ایلدیکی حالده قرآنک بیاناتک واقعہ موافق اولسی طرف السہیدن منزل اولدیغنه دلیل کافیدر .

فخر رازینک بیانی و جملہ بنی اسرائیلک اختلاف ایتدکری مسائل ایلہ مراد ؛ بربرینہ مخالف اعتقادلری و تفسیر و تحریف ایتدکری مسئلہ لر . چونکہ ؛ آنلرک عیسی علیہ السلامک سماہ چیقوب چیقما دیغنی حقندہ و تحریف ایتدکری مسئلہ لر حقندہ اختلافلرینی قرآن حل و فصل ایدہ رک حقیقتی تمامیلہ بیان ایتشددر . شو حالده بونلرک نقصانسر بیانی ؛ طرف السہیدن اولدیغنی اثباتده کافیدر .

\*\*

واجب تعالی قرآنک معجز اولدیغنه ایکنجی دلیلی بیان ایتک اوزره ﴿وَإِنَّهُ لَهْدَىٰ  
وَرَحْمَةً لِّلْمُؤْمِنِينَ﴾ بیوریور .

[ قرآن ؛ البتہ مؤمنلرہ رحمت و ہدایتدر . ]

یعنی ؛ بنی اسرائیلک مشکلاتی حل ایدن قرآن حشرہ و نشرہ و قیامتہ و احوال آخرتک کافہ سنہ عائد عقلی و نقلی دلیللری مؤمنلرہ کوستردیکندن مؤمنلری طوغرو بولہ سوق ایدر ہدایتدر و قرآنک احکامی عقول سلیمہ یہ موافق اولوب موجبیلہ عمل ایدنلری رضاء السہی یہ ایصال ایتدیکندن احکامیلہ عمل ایدن مؤمنلرہ رحمتدر . و قرآندن انتفاع ایدن مؤمنلر اولدیغنی جہتلہ قرآنک ہدایت و رحمت اولسی مؤمنلرہ تخصیص اولونمشدر . چونکہ ؛ کافرلر ایمان ایتیب انتفاعدن محروم اولدقلرندن آنلر حقندہ رحمت دکلددر .

\*\*

واجب تعالی قرآنک دعوائ نبوتک صادق اولدیغنه دلالتی بیاندنصرکہ ایمان ایتمین کیمسہ لری تہدید و رسولک حق اوزره اولدیغنی بیانلہ کافرلرک مذہبلرینی تزییف ایتک اوزره ﴿إِنَّ رَبَّكَ يَقْضِي بَيْنَهُمْ بِحُكْمِهِ وَهُوَ الْعَزِيزُ الْعَلِيمُ﴾ بیوریور .

[ یا اکرم الرسل ! سنک ربک تعالی آنلرک بینلرنده عدالتلہ حکم ایدر . زیرا ؛ ربک تعالی ہر کسہ غالبدر ، حکمنی رد ایدہ جک بر کیمسہ یوقدر و ہر شیئی بیلوب علمندن خارج برشی اولما دیغندن حکمنی عین عدالتدر . ]

﴿فَتَوَكَّلْ عَلَى اللَّهِ إِنَّكَ عَلَى الْحَقِّ الْمُبِينِ﴾

[ حبییم ! ربک تعالی عدالت اوزره حکم ایدنجہ سن اللہ تعالی اوزرینہ اعتماد ایت . زیرا ؛ آجیق برحق اوزرنده سک . بناء علیہ ؛ آنلرک حاللرندن متأثر اولما . ] چونکہ ؛ خطا و یا اصابت ایدنلری ربک بیلیر و بینلرینی حل و فصل ایدر . شو حالده سنک ایچون تلاشہ محل یوقدر . یالکزر اللہہ توکلکدہ دوام ایت و آنلرک عداوتلرینہ مبالات ایتہ .

﴿إِنَّكَ لَا تَسْمَعُ الْمَوْتَىٰ وَلَا تَسْمَعُ الدُّعَاءَ إِذَا وَلَّوْا مُدْبِرِينَ﴾

[ چونکہ ؛ حبییم ! سن اولمش موتی منزلندہ اولان کافرلرہ سوزدو یورامازسک و صاغیرلرہ جاغیرمقلہ ایشیتدیرہ مزسک . زیرا ؛ آنلر شہوات نفسانیہ لرینہ محبتلرندن حقہ آرقہ لرینی دوندکری زمان آنلرہ سوزدو یورمق امکانی یوقدر . ] چونکہ ؛ حق ایشیتمکدن استنکاف ایتدکری جہتلہ حق ایشیتمکہ ارادہ لرینی صرف ایتزلرک ایشیتسونلر و جاغیرانلرہ سسنی ایشیتمہ مک ایچون آرقہ سنی دوندلرہ سوزدو یورمق احتمالی اولما دیغندن کافرلرک حق سوزی دویمق احتمالی یوقدر . حق اوقونان ایتلری دویمق ایتہ مدکلرندن بو آیتدہ موتاہ تشبیہ اولونمشلردر . چونکہ ؛ حیانتک شانی ایشیتمک و آنکک انتفاع ایتک اولوب آنلر ایسہ بوانتفاعدن محروم اولدقلرندن عین موتی کیدرلر . حکم و قضا ایکیسہ بر معنایہ اولورسہدہ بو آیتدہ حکم ؛ عدالت معناسنہ اولدیغنی جہتلہ آیتدہ تکرار یوقدر . بوکا نظراً معنای نظم : [ حبییم ! ربک تعالی آنلرک بینندہ عدالتیلہ حکم ایدر و انکارلرینک جزاسنی لایقیلہ ویرر ] دیمکدر .

﴿وَمَا أَنْتَ بِهَادِي الْعُمْيٰ عَنْ ضَلَالَتِهِمْ﴾



[حالبو که ای رسول ذی شان! سن کورلره بکزه من کافرلری ضلالتلرندن هدایتده قیلار اولمادک. [بناء علیه؛ آنلره حق ایشیتدیرهوب ضلالتی ترک ایتدیره مزسک.

﴿إِنْ تَسْمِعُ إِلَّا مَنْ يُؤْمِنُ بِآيَاتِنَا فَهُمْ مُسْلِمُونَ﴾

[زیرا؛ سن ایشیتدیره مز، الا بزم آیتلریمزه ایمان ایدن کیمسه یه ایشیتدیره مزسک. چونکه؛ آنلر مطیع و منقاد و مؤمن مخلصلردر. [بناء علیه؛ مؤمنلر سویلدیکی دیکلر و موجیله عمل ایدرلر.

یعنی؛ حییم! سن قلبلری قساوتله طولش و بصر بصیرتلی قاپانمش اعمالر کی اولان کافرلره نصیحتکی تأثیر ایتدیره مز و آنلری ضلالتدن قورتاره مزسک و آنلر انتفاع ایتک قصدیه سوزیک دیکله مزلر که نصیحتک تأثیر ایتسون. شو حالده سن سوزیک ایشیتدیره مز، الا آیتلریمزه ایمان ایدن مؤمنلره ایشیتدیره مزسک. زیرا؛ آنلر سکا مطیع اولدقلرندن انقیاد اوزره سوزیک دیکلر و انتفاع ایدرلر. انسانلرده اکثریا علی العاده محاوره لرده بیله بو حال جاریدر. عن قصد دیکلر سه دویار و مقصدی آکلار، فقط آکلامق ایسته مزسه دیکلر کی کورولور و لکن سویلنن سوزی صورسه ک اوراده یوق ایمش کی هیچ بر شیدن خبری اولماز. ایشه کافرلر که عین حالده اولدقلرینی جناب حق بو آیتده بیان بیورمشدر.

..

واجب تعالی قیامتک علامتندن بعضیسنی بیان ایتک اوزره ﴿وَإِذَا وَقَعَ الْقَوْلُ عَلَيْهِمْ أَخْرَجْنَا لَهُمْ دَابَّةً مِّنَ الْأَرْضِ تُكَلِّمُهُمْ أَنَّ النَّاسَ كَانُوا بِآيَاتِنَا لَا يُوقِنُونَ﴾ بیوربیور.

[ذکر ایت حییم! شول زمانی که او زمانده ناس اوزرینه موعود اولان قولمزواقع اولدیغنده ناس ایچون بز ارضدن بر حیوان چیقاریرز که او حیوان ناسه تکلم ایدر. زیرا؛ او کونده ناس بزم آیتلریمزه یقین اوزره ایمان ایتزلر. [

یعنی؛ یا اکرم الرسل! ذکر ایت شول زمانی که اوزمانده ناس اوزرینه عذاب واجب

اولوب بزم غضبمک نزولی و قیامتک حلولی یا قلاشدیغنده بز ناس ایچون یردن ناسه تکلم ایدر بر بویوک حیوان چیقاریرز که او حیوان قیامتک یقین اولدیغنه علامت اولور و اودابه؛ ناسه عمللرینک اییسنی و کوتوسنی بیانله مؤمنی و کافری تفریق ایدر. ایشه اوزمان ظهور ایدر که ناس بزم آیتلریمزه ایمان ایتمه مش، بلکه انکار و اکثریسنی تکذیب ایتشلردر. چونکه؛ اودابه نک مؤمنی، کافری تفریقندن ا کلاشیلر که اسلام اسمنده بر چوق منافق واردره طبریده بیان اولوندیغنه نظراً دابة الارض؛ قیامتک عسرت کبر اسمندر. ناس آرمسند امر بالمعروف و نهی عن المنکر بیان ایدن بولونمادینی زمانده چیقاجقدر و طبرینک روایتنه و خازنک و نیسابورینک بیانلرینه نظراً بو آیتده بیان اولونان دابه نک اوج دفعه چیقوب غیب اولاحفی مرویدر. چونکه؛ بر دفعه یمندن چیقوب بادیده دابة الارضک چیقدینی شایع اولاجق و بو شیوع مکله کله دن غائب اولاجق، ایکنجی دفعه ده بادیده دن چیقاجق و چیقدینی مکده شایع اولوب تکرار غائب اولاجق، اوجنچی دفعه ده مکده زلزله اولوب خلق مضطرب اولدینی بر زمانده مکده صفا دنیان محل یاریلا جق، اورادن چیقاجق و ناسه تکلم ایدر که ایمان ایتدکلری بیله نک و بناء علیه؛ اسلام کسومه سی آلتنده بر چوق منافق یقین اوزره ایمان ایتدکلری بیله نک و بناء علیه؛ اسلام کسومه سی آلتنده بر چوق منافق اولدینی آکلاشیللاجق. فقط اوج دفعه چیقجغنی روایت اولونمش ایسه ده قاضی و فخر رازیده بیان اولوندیغنه نظراً اصح اولان روایت مکدن، بر دفعه چیقاجقدر. چونکه؛ رسول اللهدن دابة الارضک چیقاجغنی مملکتدن سئوال اولوندیغنده «عند الله حرمتی بویوک اولان مسجد حرامدن چیقاجغنی» بیان بیورمشدر که چیقماسنده تکرار اولاجغنی بیان ایتمه مشدر. اکر چیقماسنده تکرار اولسه ایدی رسول الله بیان ایدردی. زیرا؛ چیقاجغنی بلده دن سئوال نره لردن چیقجغنی بیانی ایجاب ایتدیکندن تکرار اولسه همه حال بیان ایدردی. شو حالده یالکسر مکدن چیقاجغنی بیانله اکتفا ایتسی بر دفعه چیقاجغنه دلیل قویدر.

دابة الارضک جسامتنده مختلف روایت وار ایسه ده جسامتنه حکم تعلق ایتدیکندن بومقامده ذکرینه لزوم کوروله مشدر. چونکه مسئله؛ قیامتک قیلنده بویله بر حیوانک چیقوب و یا چیقمه مسنده در. آیت جلیله ده جناب حق چیقاجغنی بیان ایتدیکندن بویله بر حیوانک چیقاجغنی و انسانلره تکلم ایده چکی قطعیدر. چونکه؛ قرآنده چیقاجغنی بیان



اولو نمشدر . تکلمنه کلنجه ؛ فخر رازی وقاضینک بیانلرینه نظر آ ایکی احتمال واردر :  
برنجیسی ؛ مفیقده سوز سولمکدر . چونکه ؛ ناسک ای ویا کوتو عمللرینی کندیلرینه  
خبر ویره جک و مؤمنله کافر بیننی تفریق ایده جک حق مسجده نماز قیلان کیمسه لردن  
بعضیسنه « سن اهل صلات دکلک » دییه جکدر . ایکنجیسی ، تکلم ایله مراده  
کلمدر . یعنی ؛ فقط لاموردر . زیرا ؛ اکثر روایتیه نظراً دابة الارضک الله عصای موسی  
ومهر سلیمان اولاجق وعصایله مؤمنک آلتیه ( هذا مؤمن ) یازیلی بر بیاض نقطه ومهرله  
کافرلرک بورسک اوجنه ( هذا کافر ) یازیلی بر سیاه نقطه باصاقدردر ووجهته مؤمنله  
کافرک بیننی تفریق اولوناجنی مرویدر .

جناب حق قدرت کامله سنه ایمانی اولان کیمسه بومثللو عجائبی انکاره خسارت  
ایتمز . زیرا ؛ دوه کی عجیب و فیل کی ضرب حیواناتک و زلزله کی دهشت انکیر  
وقعه لرله یر یاریلوب بویوک کوللرک وسائر غرائبک ظهورینی کوروب دوررکن قیامتک  
اولنده قیامته علامت اولارق بویله بر عجیب مخلوق خلق ایتمکله مک کی ام البلاد اولان  
بر محله مؤمنله کافر بیننی آچیقدن تفریق ایتدیره جکنی بعیدعد ایتمک بر سبب یوقدر .  
آنحق طینتده خبائت اولانلر شقاوت اصلیه سی اظهار ایچون استبعاد ایدرلر و اعتراضه  
یلته نیرلر ، یوقسه اصدق مقال اولان فخر کائناتک هر دیدیکی طوغرو اولورده حاشا  
بو وبونک امثالی بعض بیاناتک پاکلیش اولوق احتمالی وارمیدر ؟

خلاصه ؛ قیامتک اولنده قیامته علامت اولارق جناب حق بویله عجیب بر حیوان  
چیقاره جفی و او حیوانک ناسه تکلم ایدوب مؤمنله کافر بیننی تفریق ایده جکی و قیامتک  
قیلنده بویله بر حیوانک چیقاجفی انکار ایدن کیمسه نک بو آتی انکار ایتش اولدینی  
جهنله تکفیر اولوناجنی بو آیتدن مستفاد اولان فوائد جمله سنددر .

\*\*\*

واجب تعالی قیامتک قیلنده اولاجق بعض علامتی بیاندنصرکه قیامتده واقع اولاجق

بعض احوالی بیان ایتمک اوزره ﴿ وَیَوْمَ نَخْشِرُ مِنْ کُلِّ اُمَّةٍ فَوْجًا مِّمَّنْ یُکَذِّبُ  
بِآیَاتِنَا فَهُمْ یُوزَعُونَ ﴾ بیوریور .

[ ای رسول ذی شان ؛ ذکر ایت شول زمانی که اوزمانده بز هرامتدن برر  
جماعت حشر ایدرزکه اوجاعت آنلرک رئیسلی و بزم آیتلریمزی تکذیب ایدنلردندر .  
آنلر حشر اولونونجه حبس اولونورلر که آرقه ده اولانلر کلسون آنلره اولاشسون واولاری  
آخیرنه مساوی اولسون واولی آخری برلشد کدنصرکه سوق اولونسونلر . ]

﴿ حَتّٰی اِذَا جَاؤْا قَالَا کَذَّبْنٰمْ بِآیٰتِیْ وَلَمْ تُحِطْ بِهَا عَلٰمًا ﴾

[ آنلر مجتمع اولارق سوق اولونوب محشره کلدکلرنده الله تعالی آنلره دیرکه  
« ای کافرلر ؛ سزک علمکز بنم آیتلریمک حقیقتنی احاطه ایتدیکنی و قبوله شایان  
اولوب اولمادیغنی تدقیق ایتدیککز حالده آیتلریمی تکذیب ایتدیکز می ایدی و صحنه  
دائر دلائلی تدقیق ایدوب ذهنکزی یورقمسزین تکذیبیه نصل جرأت ایتدیکز ؟ »  
دیمکله کافرلری توبیخ ایدر . ]

﴿ اَمَّا ذَا کُنْتُمْ تَعْمَلُوْنَ ﴾

[ « تکذیب ایتد کدنصرکه هانکی عملی ایشلیدیکز خبر ویرک بکا . ] چونکه ؛ آیتلری  
تکذیب ایتمک و بکنمه مک او آیتلرک احکامندن دها ای بر عمل ایجاب ایدر . بناء علیه ؛  
سز نه کی عمل ایشلیدیکز ایسه سویله یک بیللم « دیمکله کافرلری اسکات والزام ایدر .  
چونکه ؛ آنلرک تکذیبلری جهالتدن باشقه برشی اولمادیغندن جوابه مقتدر اولامازلر .  
زیرا ؛ « فلان عملی ایشلهدک » دیمکله مجاللری یوقدر . شو سوال « آیتلری انکار ایدنجه  
آیتلردن دها ای بر عمل وجوده کتیرملی ایدی ، انکاردن باشقه نه ایشلهدیکز ؟ دها ای بر عمل  
وجوده کتیره بیلدیکز می ؟ کتیردیکز ایسه سویله یک . کتیره مه یجه انکاردن فائده کز  
نه اولدی ؟ » دیمکدن عبارتدر . چونکه ؛ انسان بر عملی بکنمه یوب رد ایدنجه آندن دها  
اعلی بر عملیه سعی ایتسی عادتدر . شو حالده آیتلری رد ایدنلرک باشقه عمللری اولمایجه



تکديره مستحق اولدقلرندن جناب حق محشرده آنلری تکدير و تزدیل ایده جکني بو آیتله بیان بیورمشدر .

\*\*\*

واجب تعالی محشرده کافرلری توبیخ ایده جکني بیاندنصکره آنلر اوزرینه عذاب نازل اولونجه سوزسویله مکة قادر اولامیه جقلرینی بیان ایتک اوزره ﴿وَوَقَعَ الْقَوْلُ عَلَيْهِمْ بِمَا ظَلَمُوا فَهُمْ لَا يَنْطِقُونَ﴾ بیوریور .

[کافرلرک بزم آیتلری میزى تکذیبه کندی نفسلرینه ظلم و غیریلری اضلال ایتلری سببیه آنلر اوزرینه عذابه حکم واقع اولوب عذاب نازل اولونجه آنلر اصلا سوزسویله منزلر.] زیرا؛ اعتذاره مجاللری اولماز . چونکه؛ آنلر آتش ایچنه یوزلری اوزرینه باشلری آشانی فجیع برصورتده آتیلدقلرندن سوزسویله مکة قدرتلری قالماز که عذابه مشغولیتلرندن اعتذاره زمان بولایلسونلر . بو آیت؛ کافرلرک ظلملری سببیه دوچار اولاجقلری فلا کتلی بیانه قوللرینی ظلمدن تنفیر و ظلمه اصرار ایدنلری تهدید ایتمشدر .

\*\*\*

واجب تعالی کافرلری قدرت الهیه دلالت ایدن آیتله نظر ایتدکلرینی بیانه توبیخ ایتک اوزره ﴿أَلَمْ يَرَوْا أَنَّا جَعَلْنَا اللَّيْلَ لَيْسَ كُنُوزًا فِيهَا وَالنَّهَارَ مُبْصِرًا﴾ بیوریور . [آنلر ظلم ایدرلرده کورمدیلر و بیلمدیلر می؟ بز کیجه بی آنلر ساکن اولسونلر ایچون قارنلق و کوندوزلری آنلرک حرکتلی ایچون کوز کورور ضیالی خلق ایتدک.] ﴿إِنَّ فِي ذَلِكَ لَآيَاتٍ لِّقَوْمٍ يُؤْمِنُونَ﴾

[ایشته شوکیجه لری ناسک راحتلی ایچون قارنلق و کوندوزلری مشی و حرکتلی ایچون ضیالی خلق ایتدکه آیتلری میزه ایمان ایدن مؤمنلر ایچون قدرتمزه دلالت ایدر علامتلر واردر.]

یعنی؛ مشرکله نظر ایدوب عین عبرتله باقادیلر می بزم بو قدر میدانده اولان مصنوعاتمه؟

وقدرتمز تحنده مقهور اولدیغنی کورمدیلر می؟ هم کوردیلر و هم ده بیلدیلر و او مصنوعاتمز جمله سندن اولارق کیجه لری ناسه استراحت و سکونت ایچون قارنلق خلق ایتدک که انسانلر اویقو ایله وجودلرینی دیکله ندرسونلر و دغدغه و اشتغالدن فارغ اولسونلر . خلی ذهنله یارینکی کون یا باجقلری شیلری دوشونسونلر و کوندوزی ضیالی اولارق خلق ایتدک که ناسک سیر و سفرینه ألوریشلی اولسون و تجارت و زراعت کبی اسباب معیشتله مشغول اولسونلر . ایشته بو منوال اوزره خلق ایتدیکمز مخلوقاتمه نظر ایدوب باقق لازم ایکن نظری ترکله کفر اوزره دوام ایدنلر عذابه مستحقدرلر . زیرا؛ بو کبی مخلوقاتمه نظر عبرتله باقان قوم مؤمن ایچون قدرتمزه و آخرته علامتلر واردر . چونکه؛ شوبیان اولونان علامتلره کمال دقت و اهتمامله نظر ایدن کیمسه لر ایچون حشره و نشره متعلق احکامی انکار ایتک شویله دورسون درحال تصدیقه مسارعت ایدرلر . بناء علیه؛ کافرلرک تصدیق ایتدکلری، نظر عبرتله باقادیلرندن نشأت ایتدیکندن نظری ترک ایتدکلری جهته عذابه مستحق اولمشدر .

\*\*\*

واجب تعالی قیامتده اولاجق احوالک بمضیسی بیاندنصکره بعض آخری بیان ایتک اوزره ﴿وَيَوْمَ يُنْفَخُ فِي الصُّورِ فَفَزِعَ مَنْ فِي السَّمَوَاتِ وَمَنْ فِي الْأَرْضِ إِلَّا مَنْ شَاءَ اللَّهُ﴾ بیوریور .

[ ذکر ایت حییم! شول کونی که او کونده صوره اوفورولونجه یرده و کوکده اولان ذی روحک کافه سی فزع و فریاد ایدر، آنجق اللهک فزع ایتلرینی مراد ایتدیکی کیمسه لر فزع ایتلرلر .]

﴿وَكُلُّ أَنفُسٍ دَاخِرِينَ﴾

[وامواتدن هربری ذلیل و حقیر اولدقلری حالده صورله آنلری چاغیران دعوتجی طرفه کلرلر .]

یعنی؛ یوم قیامتده اسرافیل طرفدن صور دنیلن شیته اوفورولونجه یرده و کوکده



ساکن اولان جمله مخلوقات او صدائک شدتندن اضطراب اوزره فزع و فریاد ایدرلر، الا الهک هلاکاری مراد اتمدیکی خاص قوللری فریاد ایتمز لر و جمله سی احیا اولوندقدنصکره خور و حقیر اولدقلری حالده محشره کلیرلر. یعنی؛ هرکس خلاق عالم حضورینه کمال تضرع و تواضع اوزره ازیك بوزوک بر حالده کلیرلر. بناءً علیه؛ دنیاده تکبر ایدن جابرده اصلا کبر اماره سی کورولمز.

فخر رازینک بیاننه نظراً صور؛ بر بوری در. آنی اوندورمکه مأمور اولده اسرافیل علیه السلام در. احادیث نبویه ده بیان اولوندیغی وجهله اسرافیل صوره اوج دفعه اوفوره بکمره. برنجیسی؛ قیامتک اولنده اوفوره بکملر فزع و فریاد ایدر بکمره. ایکنجیسی؛ قیامتده هرکسی الهک اجمونه اوفوره بکمره. اوچنجیسی؛ قیامتده هرکسی قبرنده قالدیرم اجمونه اوفوره بکمره. مدار کده بیان اولوندیغنه نظراً بو آیتده نفخ ایلله مراد؛ فزع اجمونه اولاندر. یاخود فزع له مراد؛ ههوک اولدیغنه نظراً ههوک اجمونه اوفورولمک اولاندر. چونکه؛ صورتک صداسی اوقدر شدتلی اولاجق که آنی ایشیدن ذی روحدن هیچ بر فردک قوت طبیعیه سی تحمل ایده مدیکندن بر کره صدا ایلله جمله سی هلاک اولاجقدر، الا الهک هلاکسی مراد اتمدیکی کیمسه لر مستشاردرلر. خازنده بیان اولوندیغنه نظراً هلاکدن مستثنا اولانلر؛ جبریل امین، اسرافیل، میکائیل و عزرائیلدر. چونکه؛ (ابن عباس) دن نفخه اولی ده بودردک هلاک اولیه جقلری مرویدر.

\*\*

واجب تعالی صور اوفورولونجه خلقک فزع و فریاد ایده جکسی بیاندنصکره قیامتده وقوع بولاجق احوال دن بعضی آخری بیان ایتک اوزره ﴿وَتَرَى الْجِبَالَ تَحْسَبُهَا جَامِدًا وَهِيَ ثَمَرٌ مِّمَّا السَّحَابُ﴾ بیوریور.

[جیمیم! سن طاغری کورور او طاغری ثابت و جامد ظن ایدرسک. حالبوکه قیامت کوننده او طاغر هواده بلوطلرک بورودیکی کی بورور و بلوطلر کی حرکت ایدرلر.]

﴿صُنِعَ اللَّهُ الَّذِي أَثَقَّنَ كُلَّ شَيْءٍ﴾

[ایشته بو طاغلرک ثابت کی کورولوب حالبوکه هواده حرکت ایتسی هر شیئی صاعلام قیلان و عجیب تدبیرلرله تدبیر ایدن الله تعالی نک ایشیدر.] بناءً علیه؛ الهک بوکی ایشلرنده عقللری حیرته قیلاجق حکمتلر و مصلحتلر واردر، فقط قوللری بیله مزلر.

﴿إِنَّهُ خَبِيرٌ بِمَا تَفْعَلُونَ﴾

[زیرا؛ الله تعالی قوللرینک ایشله دیکی افعالک کافه سی بیلیر و جمله سندن خبرداردر.] ولکن قوللری آنک ایشلرنده اولان حکمتلرک اکثریسی بیلمز لر و بیلمدکلرندن حیرته قالیر و کونا کون مذهبله ذهاب ایدر و مختلف فرقلر حاصل اولور.

(جامدة) (واقفة) معناسنه یعنی قیامتده سن طاغری کورسک آنلری بر نقطه ده دورور ظن ایدرسک، حالبوکه آنلر هواده بلوطلرک بورودیکی کی بورورلر دیمکدر. چونکه؛ بویوک جسملرک حرکتلری نه قدر سریع اولسه ده افاق جسملرک حرکتلری کی باقیجه فرق اولونمادیغنی آنی کورنلر ایلک کوروشده حرکت ایتمز دورور ظن ایدر. حالبوکه آنلر سیر سریعله حرکت ایدر. (اثقن کل شیئی) (احکم کل شیئی) یعنی «هر شیئی خلق ایتدی و صاعلام قیلدی و محکم یابدی و وزل ایلادی» دیمکدر.

\*\*

واجب تعالی علامات قیامت بیاندنصکره قیامتده جریان ایده جک احوال دن بعضیسی

بیان ایتک اوزره ﴿مَنْ جَاءَ بِالْحَسَنَةِ فَلَهُ خَيْرٌ مِنْهَا وَهُمْ مِنْ فَزَعٍ يَوْمَئِذٍ آمِنُونَ﴾ بیوریور.

[اگر بر کیمسه آخرته ثوابله کلیرسه آخرته آنک ایچون او ثوابدن دها خیرلیسی واردر. حالبوکه حسنه ایلله کانلر او کونک فزع و فریاددن و محن مشقتدن امینلردر.] بناءً علیه، آنلر او کونده اضطراب چکمز لر.

﴿وَمَنْ جَاءَ بِالسَّيِّئَةِ فَكُبَّتْ وَجُوهُهُمْ فِي النَّارِ﴾



[ واکر بر کیمسه اللهک نهی ایتش اولدینی بر کناهله کلیرسه آنلر یوزلری اوزرینه جهنم آتشنه آتیلرلر . ]

﴿ هَلْ تُجْزَوْنَ إِلَّا مَا كُنتُمْ تَعْمَلُونَ ﴾

[ آنلر جهنمه کیرنجه عذابلرینی تزیید ایچون طرف التهمیدن « سز جزالانماز ، الا عملکزله جزالانیرسکیز . ] یعنی ؛ سزک شو کوردیککز جزا عملکزک جزاسیدر » دنیلورکه حسرتلری آرتسون وعذاب اوزره عذاب اولسون .

تفسیر خازنده بیان اولوندینی وجهله بو آیتده حسنه ایله مراد ؛ کلمه توحید و عملده امر موصرد . بوکا نظراً معنای نظم : [ اکر بر کیمسه کلمه توحید و عملنده اخلاص ایله کلیرسه آخرتده آکا کتیردیکی عملدن ده خیرلی درجه وار ] دیمکدر . فقط حسنه لفظی عباداتک جمیعسنه شامل اولوب اعتبار لفظک شموله اولدینی جهتله حسنه ایله مراد ؛ عباداتک عملدیمرد . شو حالده معنای نظم : [ اکر بر کیمسه اللهک امر ایتدیکی عبادتی ایشلر و ثوابله کلیرسه آخرتده آکا ایشله دیکی عبادتدن ده خیرلی اجر وار و یوم قیامتک شدتندن ده امین ] دیمکدر . چونکه ؛ عبدک دنیاده شرعه موافق ایشله دیکی هر عملک آخرتده ثوابی اولدیغندن حسنه بی کلمه توحید و تخصیصه حاجت یوقدر . کذلک سیئه ده منهی اولره هر کناهه شاملدر . بناء علیه ؛ کناهله آخرته کلن کیمسه جهنم آتشنه مستحقدر . آنجق عفو مظهر اولانلر عذابدن مستثالردر .

\*\*

واجب تعالی مبدئی و معادی و نبوتی و قیامتک بعض علامتی و اهل جنت و اهل جهنمک حالنی بیاندن صکره بونلرک جمله سی اصول اعتقادییه متعلق اولدیغندن اصول اعتقادی بیان ایتک اوزره ﴿ إِنَّمَا أُمرْتُ أَنْ أَعْبُدَ رَبَّ هَذِهِ الْبَلَدَةِ الَّذِي حَرَّمَهَا وَلَهُ كُلُّ شَيْءٍ ﴾ بیوریور .

[ بن آنجق شو بلدهنک ربسنه عبادت ایتک و ریاسز اخلاص اوزره توحید ایله امر

اولوندم که او رب تعالی بوبلده بی محترم قیلدی . حالبوکه هرشی اوبلدهنک صاحبی اولان رب تعالی نک ملکی و مخلوقیدر . بناء علیه ؛ هرشیتک تصرفی آکا عاؤدر . ]

﴿ وَأُمِرْتُ أَنْ أَكُونَ مِنَ الْمُسْلِمِينَ ﴾

[ وین اوبلدهنک ربسنک امر ونهینه و جمیع احکامنه انقیاد ایدنلردن اولمقله امر اولوندم . ]

﴿ وَأَنْ أَتْلُو الْقُرْآنَ ﴾

[ وسزی ارشاد ایچون انزال اولونان قرآنی سزه تلاوت و جمع ناسده خلقه تبلیغ ایتمکله دخی امر اولوندم . ]

﴿ فَمَنْ اهْتَدَىٰ فَإِنَّمَا يَهْتَدِي لِنَفْسِهِ ﴾

[ بناء علیه ؛ اکر بر کیمسه اهتدا ایدرسه آنجق کندی نفسی ایچون اهتدا ایدر . ] زیرا ؛ اهتداسدن انتفاع ایده جک کندیسیدر .

﴿ وَمَنْ ضَلَّ فَقُلْ إِنَّمَا أَنَا مِنَ الْمُنْذِرِينَ ﴾

[ واکر بر کیمسه قرآندن اعراضله ضلالتی ارتکاب ایدرسه حییم ؛ سن دی که « بن آنجق اللهک قوللرینی انذار ایدنلردنم . بناء علیه ؛ وظیفه سزی انذار ایدوب احکامی تبلیغ ایتمکدر . شو حالده بن وظیفه می ایفا ایدنجه سز ایستر قبول ایدک ایسترسه کز قبول ایتمیک » دیمکله آنلره حقیقتی بیان ایت . ]

بیضاوینک بیانی وجهله بو آیتده بلده ایله مراد ؛ مکرمه در . واجب تعالی هر بلدهنک ربسی اولدینی حالده مکرمه اضافتله مکرمه ربسی اولدینی تصریح ؛ مکرمه تعظیم و تشریف ایچوندر . چونکه ؛ الله تعالی مکرمه بلده سنی جمله بلده لردن افضل و اشرف و محترم قیلدی و اوبلده مکرمه یه انسانلر نظرند بر حرمت و قیمت ویزدی و بو فضیلتنه بناء آیتده او بلدهنک ربسی اولدینی تصریح ایتدی . بناء علیه ؛ انسانلر ایچون او بلدهنک حرمتی قالدیرمق و شرفی کیده رمک ممکن اولاماز . زیرا ؛ اللهک ویردیکی شرفی قالدیرمق کیمک حدیدر ؛ او شرفی باشقه بلده یه نقل ایتک دخی ممکن دکدر . نصل که ( ابرهه ) یمه خلاصه البیان : اوز برنجی جلد — ۱۲



تقل ایتک ایچون چالیشدی وعاقبت هلا کنه سبب اولدی ایسه اولده نك حرمتی کسرایتک  
ایچون چالیشانلر هپ خائب اولدیلر. چونکه؛ انسانلردن بعضیلری دنی الطیعه اولوب همی  
آنجق دنیا زینته ولذته مصروف اولانلر مکک نك قورو برچولده حظوظات دنیادن خالی  
بر محل اولدیغندن شرف معنویسی ادر ا کدن عاجز اولان کیمسه لر شرفی، صولی، باغلی  
وباغچلی اولان یرلرده ظن ایدر و مکیه کندی خسیس نظریله باقار و قیمتسز کورور  
واو شرفک باشقه محله نقلی ممکن فرض ایدر. فقط بوطنی خیالنده قالیر وعاقبت خسران  
ابدی به مظهر اولور کیدر.

جناب حق سوره نك بدایه سندن بورایه کنجیه قدر وقوع بولان دعوتک تکمل  
ایتدیکنه اشارت ایچون رسوله کندی حالیه مشغول اولوب رب نك عبادته مستغرق  
اولدیغنی بیان ایتسنی امر ایتشدیر.

..

واجب تعالی رسولنک عبادته امر اولوندیغنی بیاندانصکره ویرمش اولدیغنی نعمتله  
حمد ایتسیله امر ایتک اوزره ﴿ وَقُلِ الْحَمْدُ لِلّٰهِ سَيُرِيْكُمْ اٰيٰتِهٖ فَتَعْرِفُوْنَهَا ﴾ بیوریور  
[ ای رسول ذیشان ! سن « الحمد لله یعنی حمد و ثنا و او کومک الله تعالی به مخصوص صدر  
دیمکله نبوت و علم و عمل کبی ویردیکنز نعمتک شکرینی ادا ایت و حمد ایتمین کافرله  
خطاباً دی که « البته یقینده الله تعالی قدرته دلالت ایدن آیتلرینی سزه کوستر و سزده  
او آیتلری بیلیرسکنز ولکن او زمانده بیلیمکنز فائده ایتمز » . ]

﴿ وَمَا رَبُّكَ بِغَافِلٍ عَمَّا تَعْمَلُوْنَ ﴾

[ حبییم ! سنک ربک تعالی سزک عملکزدن غافل دکدر . ] بناء علیه ؛ سنک وسکا  
تابع اولان مؤمنلرک اعمال صالحه کزی بیلیر و هر برینه مکافاتی ویرر و کذلک کافرلرک  
کفریاتلرینی وسائر کناهلرینی بیلیر و آکا کوره جزالرینی ویرر . شو حالده آیت جلیله؛  
مؤمنلری حسنه ترغیب و کافرلری سبتادن تنفیر ایتشدیر . کافرلرک کفریاتلرینه قارشى

عذابلرینک تأخیری حاشا جناب حقت غفلتدن دکدر ، بلکه وقت مرهونی کلدیکنسندیر.  
بناء علیه ؛ ظالملر ظالملرینک انتقامنک تأخیرنه مغرور اولماسونلر .



رومی بیک اوچیوز اوتوز سنهسی ایلونک اون بشنجی کونه تصادف ایدن عربی بیک اوچیوز  
اوتوز ایکی سنهسی ذی القعدة نك یکرمی برنجی کونی بمونه تعالی بو سوره نك ترجمهسی ختام بولشدیر.

سورة قصص

مکک مکرمهده نازل اولان سوره لردندر . یالکیز (الذین آتینا هم الکتاب) آتی  
مدینه منورهده نازل اولشدیر . مکماه مکز آتی حاویدر .

بِسْمِ اللّٰهِ الرَّحْمٰنِ الرَّحِیْمِ

طسم

شو لفظک اسماء السیمیه بر اسم اولدیغنی (ابن عباس) دن روایت صورتیه طبرینک  
جمله بیاناتدندر . یاخود قرآنک اسم السیمیه بر اسم . نعمت الله افندینک بیاننه نظراً  
(طسم) لفظی رسول الله ص و هر حرفی بر اسم اشارتدر . مثلاً (ط) یا طالب  
السعادة الابدية ، (س) یا سالم السر و (م) یا منزله عن موهبات الضمونه دیمکدر .  
بوکانظر آ معنای : [ ای سعادت ابدیه طالب و سری عبثله اشتغالدن سالم وجهالات  
وضلالدن منزله اولان ذات شریف ! سکا ندا ایدر دیرم ] که :

﴿ تِلْكَ اٰیٰتُ الْكِتَابِ الْمُبِیْنِ ﴾

[ ایشته شو سوره نك آیتلری حلالی و حرامی بیان ایدن کتابک آیتلریدر . ]



فخر رازی و خازنک بیانلری، نظراً کتاب له مراد؛ لوح محفوظ اولق محتمل ایسه ده  
اصح اولان قرآنر. قرآن؛ انسانلر ایچره مهول و مرام اولاره شیری معناسیله  
واللهک کلامی و رسول اللهک نبوت دعواسنده صادر اولدیغنی فصاحت و بلاغتیله و اهل  
صبر و ضلالت مالک الیمنی احکامیله و امم ماله و لامقه نکه مالک الیمنی حکایه سیله بیان ایتمکدره  
کتاب مبین لفظیله توصیف اولونمشدرکه «او کتاب شوا حکامی بیان ایدر» دیمکدر.  
بناء علیه قرآن؛ کتاب مبین عنوانی احراز ایتشدرد.

﴿تَلَوْا عَلَیْكَ مِنْ نَبِیِّ مُوسَى وَفِرْعَوْنَ بِالْحَقِّ لِقَوْمٍ یُؤْمِنُونَ﴾

[یا اکرم الرسل! موسی و فرعونک خبرلردن بعضیلرینی حق اولارق سکا ایمان  
ایدن قوم مؤمنک انتفاعلری ایچون بز سنک اوزریکه تلاوت ایدرز.]

یعنی؛ حبیلم! سکا ایمان ایدن قومک دنیا و آخرت ایشلرینده عبرت اولق و منفعلری  
اوغرینده بعض احکام استنباط ایتلری ایچون موسی علیه السلام له فرعونک خبرلردن  
بعضیسنی سنک اوزریکه حقه مقارن اولارق بز تلاوت ایدرز و بوتلاوتله بیان ایتمکدر  
خبرلر واقعه مطابق اولدیغندن سنک نبوت دعواسنده صادق اولدیغکه دلالت ایدر.  
زیرا؛ سن امی اولوب بر کتاب مطالعه ایتدیگک حالده بو خبرلرک واقعه مطابق اولمسی  
سکا وحی الهی اولدیغنه و سنک نبوت دعواسنده صادق بولوندیغنه دلالت ایدر معجزات  
قیلندردر. بناء علیه؛ بونلرک صدق سنک صدقکه دلالت ایتمکندن قومک سنی تصدیق  
ایتلری واجب اولدیغنی جهتله تصدیق ایتمینلر عذاب ابدی به مستحق اولمشلردر. موسی  
علیه السلامک و فرعونک خبرلردن انتفاع ایده جکدر قرآنه ایمان ایدن مؤمنلر اولدیغندن  
تلاوتدن غایه و مقصد ایتده مؤمنلره تخصیص اولونمشدر. حالبوکه قرآنک احکامی عمومی در، فقط  
آندن انتفاع ایتک قبول ایدنلره مخصوص اولدیغندن قبول ایتمینلرک اسملری ذکر اولونما مشدر.

\*\*

واجب تعالی حضرت موسی ایله فرعونک خبرلردن بیان ایده جکنی وعد ایتمدیکی بعض

خبری بیان ایتک اوزره ﴿إِنَّ فِرْعَوْنَ عَلَا فِی الْأَرْضِ وَجَعَلَ أَهْلَهَا شِیْعًا یَسْتَضِیْفُ  
طَائِفَةً مِنْهُمْ﴾ بیوریور

[فرعون ارض مصرده تکبر ایتدی و علویت دعواسنده بولوندی و اهل مصری  
فرقلر قیلدی و آنلردن بر فرقهی ضعیف عد ایتدی.]

﴿یَذِیْحُ آبْنَاءَهُمْ وَیَسْتَخِیْیُ نِسَاءَهُمْ﴾

[ضعیف عد ایتدیکی فرقه نکه اوغلانلرینی بوغازلار و قیزلرینی ابقا ایدردی.]

﴿إِنَّهُ كَانَ مِنَ الْمُفْسِدِیْنَ﴾

[زیرا فرعون؛ یر یوزینی افساد ایدنلردن اولدی.]

یعنی؛ فرعون کندی مملکتک ارضنده تبحر ایتدی و حکومتی قوت و شوکت  
بولدی. حق کندنده او قدر علویت کوردی که مملکتی اهل یسنه «بن سزک ربکزم»  
دیمکه قدر جرأت و اهل مصری فرقه لره تقسیم ایتدی و ایستهدیکی فرقهی ایستهدیکی  
خدمته استخدام ایدردی. و فرقلردن بر طائفهی غایت ضعیف عد ایدر آنلرک اوغللرینی  
اولدورر و قیزلرینی ابقا ایدر ایدی. زیرا فرعون؛ یر یوزینی افساد ایدن مفسدلردندی.  
بیضاوینک بیانی وجهله بو آیت؛ واجب تعالی فرعونک خبرینی تلاوت ایده جکنی وعد  
ایدنجه «او تلاوت اولونا جق شی ندر؟» عنواننده وارد ارلان بر سئواله جوابدر.  
ارض ایله مراد؛ ارض مصر که کنری حکومتی داهلنده بولونانه مملکتلردر. اهل یسنی

فرقه لره تقسیم ایله مراد؛ هر صنفک خدمتی آیرم و هر صنفی کنری ایچره تعیین اولونانه  
خدمته قوللر مقدر. یا خود بعضیسنی امر و بعضیسنی رعایا قیلر مقدر که امر و واسطه سیله  
رعایای طوعاً و کرهاً اطاعتده بولوندورسون و هر کسی آرزو ایتدیکی خدمته استخدام  
ایسون کیمسه سس چیقارماسون. یا خود مملکت اهل یسنی جماعتلره آیرم و آنلرک آره منه  
نفاق و شقاق قورم و آره لرنده ضرورتلر تولید ایتمکدر. چونکه فرعون؛ آنلری  
بر بریله اوغراشدیرردی که اتفاق ایدوب فرعون علیه قیام ایتسونلر و هر فرقه یالکدر



قالسون و آنلرک افتراقدن فرعون استفاده ایتسون. بوکي فساد اخلاق حظوظات نفسانيه سه تبعیت ایدوب عدالتدن نصیبي اولمیان حکمدارلرک اکثریسنده بولونمشدر. چونکه؛ او مللولرک دوشونجه لری آنحق کندی نفسی و حرصی و املی اولدیغندن مملکتک عمارتی و اهالیسک رفاه و سعادت قی خاطرینه بیله کلز.

واجب تعالی بو آیتده فرعونک اوصاف ذمیمه سندن دردینی ذکر ایتشدر :  
برنجیسی؛ فرعونک ارضه اوزرنده تکبر ایتسی، ایکنجیسی؛ مرامی زور بجه قولایلر اولسونه ایمونه اهالی آره سه نفره فرمسی، اوچنجیسی؛ بنی اسرائیلک اوغوللرینی اولدوروب قیزلرینی هیامنه برافتمسی، دردیجیسی؛ کنیزلرک مفسرلرینه اولمیسدر.  
فخر رازینک بیاننه نظر آ بنی اسرائیلک اوغلانلرینی فرعونک بوغازلامسک سبینده اوچ روایت وارد.

برنجیسی؛ برافتمک بنی اسرائیلرینه طوغامه برافتمک بربله مملکتک زوال بولامق  
دومومتک منقرصه اولامقنی خبر درمسی اوزرنه بنی اسرائیلرینه طوغامه اوغوللرک بالعموم قتل اولونمسی امر ایتدی. بناء علیه؛ بوندنصکره طوغان اوغلانلری اولدورر، قیزلری ابقا ایدرلردی. فقط بوامریله فرعون عالمه حاقتی اعلان ایدیوردی. چونکه؛ اگر کاهن طوغرو سویلر اعتقاد ایدیورسه کاهنک سوزی اوغلانک اولیه جکی و او اوغلان سبیلله مملکتک خراب اولمسی ایدی. شوخالده طوغان چوجقلری اولدوره جکم دیهرک اوغراشمسند برفائده یوقدی. البته اولاجق شی اولاجقدی. اگر کاهنی تصدیق ایتیورسه قتلده ینه بر مقصد یوق دیمکدر. شوخالده هرایکی صورتده بوفعلی، حاقتی اثبات ایتشدی ولکن کنیزلرک بوندن خبری یوقدی.

ایکنجیسی؛ فرعونک برزبایسی سبب اولمشدر. چونکه؛ فرعون رؤیاسنده بیت مقدسدن برآتش ظهور ایدر، کندی سرانی و اطرافنده اولان قبطی اولرینی یا قار. بنی اسرائیل اولرینه سرایت ایتز. بورؤیاسنی بر معبره حکایه ایدر. معبر بنی اسرائیلک کلدیکی جهتدن بر کیمسه ظهور ایدوب سنک ملککی تخریب ایده جک» دیمسی اوزرنه بنی اسرائیلدن طوغاجق اوغلانلرک اولدورلمسی امر ایتشدر.

اوچنجیسی؛ حضرت موسی دنه اول کجی یغمبرلر موسی علیه السلام بنی اسرائیلرینه ظهور ایدوب فرعونی رقوننی دینه دعوت ایده جکنی و عاقبت همکله سبب اولامقنی خبر درمشدری. فرعونک بو خبری ایشیتمسی بنی اسرائیلک اوغلانلرینک قتلنی امر ایتسنه سبب اولمشدر. بناء علیه؛ طوغان چوجق ارکک اولورسه اولدورر قیز اولورسه ابقا ایدرلردی. ایشته حضرت موسانک ظهورینه مانع اولق ایچون بنی اسرائیلدن پک چوق صیلر قتل اولوندی و او زمانده فرعونک آرادینی و اولدورلمسی پک زیاده مطلوبی اولان حضرت موسی طوغدی و آشاغیده بیان اولوناجنی و جهله فرعونک قوجاغنه آتلدی و آتی هر کسدن زیاده صیانت ایدن فرعون اولدی. چونکه قدر ظهور ایدنجه حذر قائده ایتز.

\*\*

واجب تعالی فرعونک جاهلانه معامله سینه قارشى مراد التهدیسی بیان صدندده ﴿وَرُيِدُ أَنْ نَمُنَّ عَلَى الَّذِينَ اسْتَضَعُوا فِي الْأَرْضِ﴾ بیوریور.  
[بز شول کیمسه اوزرنه نعمتلر ویرمک مراد ایدر زک آنلر فرعون طرفدن یر یوزنده ضعیف عد اولونمشدری.]

﴿وَنَجْعَلُ لَهُمُ أُمَّةً﴾

[و بز ضعیف عد اولونان کیمسه لری امر خیرده ناسه اماملر و مقتدابه قیلحق مراد ایدرز.]

﴿وَنَجْعَلُ لَهُمُ الْوَارِثِينَ﴾

[و بز آنلری فرعونک اتباعنک ملکته وارث قیلحق مراد ایدرز.] بناء علیه؛ فرعونک قدره و بزم مراد مزه قارشى تدبیرینک قائده سی اولماز.

﴿وَنُمَكِّنْ لَهُمْ فِي الْأَرْضِ﴾

[و بز او ضعیف عد اولونان قومه یر یوزنده قدرت ویرمک ایستهرز.]



یعنی ؛ فرعون ظلم و تعدی دہ نہایتہ واردی و اللہک قوللرینہ جور و جفادہ حدینی تجاوز ایتدی . بناء علیہ ؛ بز فرعون و قومی طرفندن ضعیف عد اولونان بنی اسرائیل اوزرینہ احسان ایتک و بول نعمت و یرمک ایستزکہ آنلری اتباع اولدقدنصکرہ متبوع و فرعون نظرندہ خور و حقیر و خدمہ کروھندن اولدقدنصکرہ عزیز و بویوک آدملر قیلمق و خلقتک مقتدا بہلری و شوکتلی حکومت صاحبی قیلمقلہ فرعونک ملکنہ وارث و یر یوزندہ قدرت و یروب خلق اوزرندہ سوزلرینک نافذ اولسنی مرادایدرز . بو مرادمن وجہ اوزرہ فرعون و اتباعی ذلیل و بنی اسرائیلی عزیز قیلمق کہ فرعون حقندہ اسماء حسنان منزل اسمک اثری ظهور ایدہ رک آنلری ذلیل و بنی اسرائیل حقندہ معز اسمک سری ظهور ایتشد کہ آنلری عزیز قیلمق .

خلاصہ ؛ فرعونک متصف اولدینی اوصاف ذمیمہ سنہ قارشى مرادالہینک بنی اسرائیلی نعمت صاحبی و عالمہ مقتدایہ و فرعونک مملکتستہ وارث و یر یوزندہ قوت و سلطنت صاحبی قیلمق اولوب فقر و ذلتدنصکرہ بنی اسرائیلی غنی و قوی قیلمق و عجزدنصکرہ قدرت و محنتدن صوکرہ راحت و یرمک اولدینی بو آیتدن مستفاد اولان فوائد جملہ سندندر .

\*\*

واجب تعالیٰ بنی اسرائیلی عزیز و فرعون ذلیل قیلاجقنی بیان ایتد کدنصکرہ فرعونک قورقدینی باشنہ کلدیکنی بیان ایتک اوزرہ ﴿ وَزُرِیْ فِرْعَوْنَ وَهَامَانَ وَجُنُودَهُمَا مِنْهُمْ مَا كَانُوا يَحْذَرُونَ ﴾ بیوریور

[ بز عظیم الشان فرعونہ و هامانہ و آنلرک عسکرلرینہ بنی اسرائیلدن قورقدقلى شیئی کوسترمک مراد ایتدک . ]

یعنی ؛ فرعون بز طرفدن قدر الہینک اوکنہ سد چکمک ایستر ، دیگر طرفدن بزده آنک کبر و غرورینہ نہایت و یرمک مرادایدرز . بناء علیہ ؛ فرعونہ و آنک حکومتندہ یاش و کالتی احراز ایتش اولان و اقران و امثالہ فخر و مباہات ایدن وزیرى (هامان) و آنلرک مفسد تنکارانہ امرلرینی تلقیہ حاضر و مراملرینی اجرایہ آلت اولان عسکرلرینہ بنی اسرائیل

طرفندن قورقدقلى شیئی کوسترمک مراد ایتدک . چونکہ ؛ آنلرک قورقدقلى شیئی بنی اسرائیلک ایچلرندن بز ذاتک ظہوریلہ غلبہ ایتلری و آنلرک ائندہ مصر حکومتک منقرض اولسنی ایدی و اویلہ جہ اولدی . زیرا ؛ حضرت موسیٰ ظہور ایتدی و بنی اسرائیلی فرعونک اسارتندن قورتاردی و فرعون عسکری و اتباعیلہ برابر غرق و حضرت سلیمان زمانندہ بنی اسرائیل مصر اراضیسنہ تمامیلہ وارث اولدی .

\*

\*

واجب تعالیٰ بنی اسرائیلہ بز طاقم نعمت و یرہ جکنی بیاندنصکرہ وعد ایتش اولدینی نعمتک ابتداسنی بیان ایتک اوزرہ ﴿ وَآوَحَيْنَا إِلَىٰ أُمِّ مُوسَىٰ أَنْ أَرْضِعِيهِ فَإِذَا خِفَتْ عَلَيْهِ فَالْقِهِ فِي الْيَمِّ وَلَا تَخَافِي وَلَا تَحْزَنِي ﴾ بیوریور .

[ بز موسیٰ علیہ السلامک والدہ سنہ وحی ایتدک و دیدک کہ « سن موسایی امزیر ، سن امزیرینجہ فرعون طرفندن موسیٰ اوزرینہ بز ضرر کلہ جکندن قورقدیغکدہ سن موسایی دکرہ آت ، قورقا و محزون اولما » ]

﴿ إِنَّا رَأَوْهُ إِلَيْكَ وَجَاعِلُوهُ مِنَ الْمُرْسَلِينَ ﴾

[ « زیرا ؛ بز موسایی سکا رد ایدہ جکز و آنی رسوللردن قیلاجقز » ] دیمکلہ والدہ سنی تسلیہ و اوغلونی محافظہ خصوصندہ تدبیری کندینہ تعریف ایتدک .

یعنی ؛ موسیٰ علیہ السلامک حیاتنہ مانع اولق ایچون فرعونک او قدر ظالمانہ تدبیرلرینہ قارشى بز موسیٰ علیہ السلامک دنیاہ ظہورندہ حیاتی محافظہ و فرعونک ظلمندن وقایہ خصوصندہ والدہ سنہ الهام صورتیلہ وحی ایتدک و دیدک کہ « سن موسایی امزیر و آنک آغلاماسی و قومشولرک سسنى ایشیتوب خبر و یرملرندن قورقدیغکدہ آنی دکرہ یعنی دکرہ بکزه بن ( نیل ) صوبنہ براق . هلا کندن قورقا و سندن آیرلہ سنہ محزون اولما . زیرا ؛ بز آنی سکا البتہ رد ایدہ جکز و سن آکا امزیکجی اولاجقسک . بناء علیہ ؛ اوغلو کدن آیریلغک اوزون مدت دوام ایتیه جکدر و بز آنی مصر و شام جهتنہ کوندربلن رسوللر زمرہ سندن قیلاجقز » دیمکلہ والدہ سنی مسرور قیلمق .



بیضاوی و نسابورینک بیانلری وجهله بو آیتده وحی ؛ الرهام معناسه در . زیرا ؛ حضرت موسانک والدهسی بی اولمایوب وحی ایسه انبیایه مخصوص اولدیغندن بوراده وحی ؛ الرهام معناسه در . یعنی قلبنه اولیه دوغمشدر .

نسابوری وفخر رازینک بیانلرینه نظر آ حضرت موسایی والدهسنک دکزه براقی شویله اولمشدر : فرعون حامله اولان خاتونلره قابله لر تعیین ایتدیکی کی بررده مأمور تعیین ایتمشدی . قابله چوجغک اوغلان ویا قیز اولدیغنی خبر ویرر مأمورلرده تحقیق ایدر . اوغلان اولدیغنی صورتده کوتوریلور تعیین اولونان محله انصافسزجه سنه قوزی بوغازلارکی بوغازلارلردی . فقط اراده الهیه موسی علیه السلامک حیاته تعلق ایتدیکندن حضرت موسانک والدهسنه تعیین اولونان قابله والدهسیله دوست اولدی . موسی علیه السلام طوغونجه چوجقده کوریلن نجابت وپارلایان نور نبوت اوزرینه قابله یه عکس ایدن محبت قابله نک هرطرفنی احاطه ایدوب خبر ویرمک شویله طورسون محافظه نک چاره سی دوشوندی ووالدهسنه دیدی که « سنک اوغلوک بزم دشمنن اولدیغنده شهیم یوقدر ، لکن بنده کی شدت محبت آنی خبر ویرمکه مانع در ، اوغلوکی محافظه ایت» دیدی و صاووشدی کتدی .

قابله نک حقیق دیغنی کورن مأمورلر همان سرعتله خانه یه کیرمشلر و تحری ایتک ایسته مشلر سه ده والدهسی قابله نک توصیه سی اوزرینه حضرت موسایی صاقلامش وتولده دائر والدهسنده بر علامت ده کورمه نیجه قابله نک نه ایچون کلدیکنی صورارلر . حضرت موسانک والدهسی بینلرنده دوستلق اولوب دوستلغه بناء محبت ایچون کلدیکنی سویلر . مأمورلرده طوغرو تلقی ایدر کیدرلر . کرچه جناب حق حین ولادتنده محافظه ایتمش ایسه ده بو صورتله محافظه اوزون مدت دوام ایدمه چکندن دکزه براقاسی والدهسنه الهام ایتدیکنی بیان ایتمشدر . بوالهام اوزره والدهسی دولکره کیدوب چوجق جسامتنده برصندوق یا بمسی سویله نیجه دولکر ایشی آکلار و خبر ویرمک ایسترسده خبر ویره جکی وقت سویله مز و نه خبر ویره جکنی بیله مز . چونکه ؛ اراده الهیه قارشکی کیم نه یا بایلیر ومقدر اولان شیئی بوزمق و آکا قارشکی کلک کیمک حدیدر ؛ فقط انسانلر مراد الهی بیلمدیکندن قدره قارشکی تدبیرلره مشغول اولورلر ولکن فائده سی کوره منزلر ایشته بوکی وقعه لری جناب حق

قرآنده بیانله انسانلری وبالخاصه ظالملری عبرته دعوت ایتش وقدرت قاهره سنه قارشکی هیچ کیمسه نک برشی یا پامیه جغنی بیانله هرکسک دائما کندینه اعتماد ایتسی لازم اولدیغنی توصیه ایتمشدر . چونکه ؛ فرعونک او قدر سطوت وجبروتی قارشوشنده عالم سس چیقاره ماز بر حلاله ظالمی هرکسی تیتزه تمش و حضرت موسایی اولدورمک ایچون خزینهلر صرفیه مأمورلر تعیین ایتش ایکن بونک هپسی جناب حق قابله یه حضرت موسی حقنده ویرمش اولدیغنی محبت قارشوشنده محو اولوب کیدیور . زیرا ؛ بو قدر تدبیره قارشکی قابله اوغلان اولدیغنی خبر ویرمکه مجبوره اولدیغنی حالدده حضرت موسایه حاصل اولان محبت نسبتله فرعونک جبر و شدتی هیچ اولدیغنی کی والدهسنه ویردیکی جسارتله اوآنده چوجغک صاقلانسی ومأمورلر شدتله تحری وتضییقه مأمور اولدقلری حالدده سطحی برسئواله ویریلن ضعیف بر جوابه قناعت ایتلری انسانلری حیرته براقان غرائب احوالندر .

خلاصه ؛ جناب حقک حضرت موسانک والدهسنه الهامی درت شیئی متضمن اولوب برنجیسی ؛ اوغلونی امزیروب آج براقاسی ، ایکنجیسی ؛ اوغلونک تلفه دائر قورقو کلدیکنده دکزه آنسی ، اوچنجیسی ؛ اوغلونک تکرار کندینه اعاده اولونا بمسی ، دردنجیسی ؛ حضرت موسانک مرسلرینه قبله بمسی مهترده والدهسنک قورقماسی لازم کلدیکی بو آیتدن مستفاد اولان فوائد جمله سندندر .

\*  
\*\*

واجب تعالی حضرت موسانک والدهسنه اوغلونی امزیرمسی وایجاب ایدرسه دکزه براقسنی الهام ایتدیکنی بیاندنصکره الهام الهی وجهله دکزه مسافر ویرلدکنصکره واقع اولان حادثه بی بیان ایتک اوزره ﴿ فَالْتَقَطَهُ آلُ فِرْعَوْنَ لَیْکُونُ لَهُمْ عَدُوًّا وَحَزَنًا ﴾ بیوریور .

[ عاقبتده موسی علیه السلامک آنلره دشمن و حزن واسف اولسی ایچون فرعونک اتباعی موسی علیه السلامی بولدیلر آلدیلر . ]



﴿ إِنَّ فِرْعَوْنَ وَهَامَانَ وَجُنُودَهُمَا كَانُوا خَاطِئِينَ ﴾

[ زیرا؛ فرعون و هامان و آنلرک عسکرلری خطا ایدر اولدیلر . ]

یعنی؛ والده سی بر صندیق ایچنه قویوب اوغلو موسای نیله براقنجه نیل تابوت موسای فرعونک سرای داخلنده اولان باغچه یه آلدی کوتوردی و سرای خلقی آنی بولدیلر، آلدیلر که عاقبت کندیلرینه دشمن و حزن اولسون. چونکه؛ فرعون و وزیراعظمی (هامان) و آنلرک عسکرلری ظلم و غدر ایتمکه خطا ایدر و کناه ایشلر اولدقلرندن الله تعالی آنلره دشمنلری کنندی آلرله تربیه ایتدیردی و بویوتدی .

فخر رازینک بیانی و جهله فرعونک (برص) علتنه مبتلا قیزندن باشقه بر اولادی اولمایوب قیزینک علتنه تداوی خصوصنده اطبا عاجز قالوب کاهنلره استشاره ایتدیکنده کاهنلر « فلان آیک فلان کوننده صباح وقتی صندیق ایچنده سرائکز داخلنده انسان صورتنده بر صبی ظهور ایده جک آنک تو کرو کنی سورر سه کز قیزیکز بو علتدن قورتولاجق » دیملری اوزرینه او کون حضرت موسایک ظهورینه انتظار ایتمکه لر دی . بناء علیه؛ او کون صباحدن فرعون و حرمی (آسیه) سرائک باغچه سنده کنندینه مخصوص محله اوتورورکن نیلک سرایه کلن ایرماغنده صندیقی بر آغاجه طاقلمش کوردیلر و آلدیلر فرعونک حضورینه کتیردیلر و آجدیلر که حضرت موسی نور نبوتله صندیق ایچنده پارلایور . در حال جمله سنی محبت موسی استیلا ایتدی . کاهنلرک تعریفی اوزره حضرت موسایک تو کرو کنی فرعونک قیزینک علتلری اوزرینه سوردیلر . باذن الله تعالی علت زائل اولونجه محبتلری بر قاندها تزاید ایتدی . کرچه فرعون و وکلاسی آرادقلری چوججک بو اولمسی خاطرلرندن اوزاق طوتمامشلسه ده سرای خلقنک و فرعونک محبتی قتلنه مانع اولویوردی . ایشته او کون و اوساعتدن اعتباراً فرعون تاج و تختک خرابنه سبب اولاجق ذاتی کنندی قوجاغنده کال حرمتله بویوتمه یه باشلامشدر . فقط بونه غریب جلوه الهیه در که بر طرفدن بو چوجنی آرامق ایچون خزینلر صرف ایدیور و بیکلرجه معصوملرک دمنی هدر ایدوب آنلرک و بابالرک یورکارینی ده لیور، دیگر طرفدن آرادینی چوجنی کنندی آلیله تربیه ایدیوردی . عالمده بونک امثالنه چوق تصادف ایدیور . اکثر ظالملرک، کنندی دشمنلری کنندی اکسکریله بسله دکری و عاقبت کنندینه بنده عد ایتدکاری کیمسه لرک آلنده هلاک

اولدقلری کورولمکده در . چونکه؛ الله تعالی او ظالمدن انتقامنی باشقه صورتله آلمغه قادر ایکن کنندینه بنده اولان و ظالمک کووهندیکی بر کیمسه ایله انتقامنی آلمقه ظالمک عجزینی هر کسه کوستمک اولدینی کبی عبرت ده زیاده در .

.\*

واجب تعالی سرای خلقنک جمله سی حضرت موسایه محبت ایتمشلسه ده بالطبع فرعونک حرمک فرعون اوزرنده نفوذینک تأثیری زیاده اولدینی جهتله جمله سندن زیاده حرمک قتلنه مانع اولدینی بیان ایتک اوزره ﴿ وَقَالَتْ امْرَأَةُ فِرْعَوْنَ قُرَّتْ عَيْنِي لِوَلَدِكْ لَا تَقْتُلُوهُ ﴾ بیوریور

[ فرعونک حرمی (آسیه) فرعونه خطاب ایدرک « بکا و سکا بو صبی کوزیمزک نوری و سروریدر ، اولدورمه یک بو چوجو غی » دیدی ] و سوزینه شونی ده علاوه ایتدی و دیدی که :

﴿ عَسَى أَنْ يَنْفَعَنَا أَوْ نَتَّخِذَهُ وَلَدًا ﴾

[ « زیرا؛ او چوجو غک بزه منفعت ایتسی و یا خودبزم آنی ولد اتخاذا ایتمه مز مأمولدر » دیمکه فرعونی قتل ایتک فکرندن دوندورمه ک جالیشدی و قتلنی ترک ایتدیردی . ]

﴿ وَهُمْ لَا يَشْعُرُونَ ﴾

[ حالبوکه آنلر عاقبتک نه اولاجغنی بيلمزلر . ]

یعنی؛ صندیقی آچوب موسی علیه السلامی کورونجه کندیلرنده حاصل اولان محبت اوزرینه سرای خلقنک جمله سی چوجو غک قتلنه راضی اولمامشلسه ده ایچلرندن کز زیاده تأثیر نفوذه مالک اولان حرمی رجایه جرأت ایتدی و « بو چوجو بکا و سکا کوز نوریدر . بناء علیه؛ اولدورمه یک بونی . مأمول که اوزره منفعت ایدر ، بز آندن منفعت کورورز و یا خود آنی کندیمزه ولد اتخاذا ایدرز ، دیمکه فرعونی قتل فکرندن دوندوردی . کرچه بعض روایته نظراً وکلاسی قتلنه قرار ویرمشلسه ده قرارلری (آسیه) نک تأثیرینه



قارشی حکم سرز قالدی و فرعونک حرمی ده عاقبت ایمان ایتمکه شوسعینک فائده سنی کوردی. فرعون و سرای خلقی قتلندن فراغت ایتدیلر. حالوکه آرادقاری دشمنلرینک بو اولدیغنی ادراک ایدمه دیلر و بو وسیله ایله او زمانده بنی اسرائیلدن هیچ کیمسه یه نصیب اولمایان بر صورتده موسی علیه السلام فرعونک سراینده قالدی. نه عجیب قدرت الهیه درکه بویه بر ذاتک دنیا یه کلمه سی و کلیر سه ده بقا بولامسی ایچون بر چوق تدبیر لره تشبث ایدوب بیکلرجه نفوس تلف ایدره ک بو خصوصده هیچ بر فراکارلقدن چکینمه ین و هر درلو تقیدات و احتیاطه رعایت ایدن فرعون، اولدورمک ایچون آرادنی ذاتی آلوب باغرینه باصیور و ایله اکمک بیدیروب بویوتیور و سرای خلقنک اک زیاده ممالزلردن قیلیور (سبحان الذی یخیر فی عجاظه العقول) یعنی «شول ذات اجل و اعلا ی تقایصدن تنزیه ایدرزکه آنک عجاظا بنده عقللر حیرت ایدر».

\*\*

واجب تعالی آسینه ک رجاسی و کندنده حاصل اولان فرط محبت اوزره قتلندن فراغت ایدلر یکنی بیاندن صکره حضرت موسانک والده سنه عارض اولان حای بیان ایتمک اوزره ﴿وَأَصْبَحَ فُؤَادُ أُمِّ مُوسَىٰ فَارِغًا﴾ بیوریور

[صبح وقتی موسانک والده سنک قلبی عقلدن و صبردن خالی اولدی.]

﴿إِنْ كَادَتْ لَتُبْدِي بِهِ لَوْلَا أَنزَلْنَا عَلَىٰ قَلْبِهَا لَتَكُونُ مِنَ الْمُنْظَرِينَ﴾

[حتی اوقدر مضطرب اولدی که اگر بز، اللهم و عینی اینان مؤمنلردن اولسون ایچون آنک قلبنه سکینت و وقار ربط ایتمه مش اولسه یدک همان آزالدی موسی علیه السلام کندی اوغلو اولدیغنی و دکزه آتدیغنی فریاد و فغانله اظهار ایدیوره جکدی.] بناء علیه؛ بزم ثبات و یرمه مز اولسه ایدی مسئله نک حقیقتی اظهاره یاقلاشمشدی. فقط بزم آکا و یرمش اولدیغمز سکینت سایه سنده مسئله یی صاقلامغه موفق اولدی.

یعنی؛ موسی علیه السلام والده سی کیجه صندیقله اوغلونی دکزه آتوب صباح وقتی فرعونک آلنه کچدیکی شایع اولونجه عقلی باشندن چیقدی و شفقتی غلیان ایتدی.

چونکه؛ فرعونک قتل ایدمه جکنی ظن ایتمه سنه بناء و اوایلایله آزالدی ایشی میدانه قویاجق و فریاد و فغانی هر کسه دیوره جکدی. بناء علیه؛ قلبی صباح وقتی عقلدن و صبردن خالی قالدی ولکن بزم، اوغلونی کندینه رد ایدمه جکزه دائر و عدیمزه اینان مؤمنلردن اولسون ایچون بز آنک قلبی سکونتله و عدمزه ربط ایتدک. اگر بز قلبی و عدمزه ربط ایدوب باغلاماش اولسه ایدک همان موسی کندینک اوغلی اولدیغنی و صندیقه نصل قویدیغنی سویله مک یاقلاشمشدی. فقط قلبنه ربط ایتدی کمز صبر و استراحت سببیه آچیغه آمادی. چونکه؛ بعض روایتیه نظراً صباح وقتی صندیقک فرعونک آلنه کچدیکنی ایشیدنجه «واه اوغلو! بوقدر امکرم بوشه کیتدی. ینه دشمن آلنه کچدی» دیمکه خانه دروننده فریاده باشلادی و همان سسی قومشولری ایشیده جک برحاله کلدی. ایشته اوزمان امداد الهی ایریشدی، عقلی باشنه آلدی و اوغلونک کندینه اعاده اولونا جغه دائر الهام صورتیه وعد الهی خاطرینه کلدی و وعد الهی یه ایناندی، صبر و سکونت ملازمت ایتدی. بناء علیه؛ باغیروب چاغیرمنی بوشلادی و عاقبتیه انتظار ایلدی.

موسی علیه السلام قلبنک فراغی ایله مراد؛ فخر رازینک بیانی وجهله قلبنره حضرت موسانک کدرنده با تقربیتنک بولونما سببر، یا خود ایشک اولنده وعد الهی یی تنفین اولانه الهام رده غافل اولسیر.

\*\*

واجب تعالی حضرت موسانک والده سنک قلبی صبر و ثباته ربطله فزع و فریاددن فراغتله وعد الهی یی خاطر لایوب قلبی سکونت بولدقن صوکره اوغلونک احوالی اکلامق اوزره فرعونک سرای جهتنه کریمه سنی کوندردیکنی بیان ایتمک اوزره ﴿وَقَالَتْ لِأُخْتِهِ قُصِّيهِ﴾ بیوریور.

[موسی علیه السلام والده سی همشیره سنه «سن کیت! موسانک آرقه سنه تابع اول، کوزت نه یاپدق لری، کور و بکا خبر کتیر» دیدی] و احوالی ترصد ایتمک اوزره قیزی کوندردی.



﴿فَبَصُرَتْ بِهِ عَنْ جُنُبٍ وَهُمْ لَا يَشْعُرُونَ﴾

[والده سی کوندرنجه والده سندن آلدینی امر اوزرینه همشیره سی (مریم) آرقه سی کوزه تمک ایچون فرعونک سرانی طرفه کیتدی و اوزاقدن موسی علیه السلامی فرعونک اولدورمه جگنی و اولادلق اتخاذا اید جگنی بیلدی و سرایده جریان ایدن احوالی آکلادی. حالبوکه سرای خلقی همشیره سی بیلدیورلردی و مریمک اورالرده نه ایچون کزدیکی ادراک ایتزلردی.] چونکه (اذا جاء القضى عمى البصر) یعنی «قضا کلدیکنده کوز کور اولور کورمن» فحواسنجه فرعونک فلاکتی یا قلاشدیغندن اسبابی کندی حاضر لایوردی. حضرت موسانک آرقه سی تعقیب ایدن همشیره سی آنا بابا بر همشیره سیدر واسی (مریم) در. جناب کلیم اللهک موسی اسمنی (آسیه) تسمیه ایتشد. چونکه؛ تفسیر خازنده بیان اولوندینی وجهله آسیه «بونی اولدورمه، مأمول که منفعت کورور و یا خود اولاد اتخاذا ایدرز» دینجه فرعونک «بنم احتیاجم یوقدر، سنک اولسون» دیمسی اوزرینه آسیه کندیته ولد اتخاذا ایتد کدنصره اسمنه (موسی) دیدی. نه ایچون موسی تسمیه ایتدیکی سؤال اولندیغنده «(مو) صو و (سی) ده شجر معناسندر. بزده بو چوجنی صوابله آتاج آرهنده بولدیغمزدن (موسی) تسمیه ایتدک» دیدیکی مرویدر.

\*\*

واجب تعالی حضرت موسانک امزیکجیلردن ائمه دیکنی و همشیره سنک آناسنک امزیکجی اولاجنی خبر ویردیکنی بیان ایتک اوزره ﴿وَحَرَّمْنَا عَلَيْهِ الْمَرَاضِعَ مِنْ قَبْلُ﴾ بیوریور.

[والده سی بولمازدن اول بزموسی اوزرینه امزیکجیلری حرام قیلدق.] بناء علیه؛ موسی علیه السلام کتیریلن امزیکجیلرک مملرندن ائمه دی.

﴿فَقَالَتْ هَلْ أَدُلُّكُمْ عَلَىٰ أَهْلِ بَيْتٍ يَكْفُلُونَهُ لَكُمْ وَهُمْ لَهُ نَاصِحُونَ﴾

[موسی علیه السلام امزیکجیلردن ائمه نجه همشیره سی آریه کیرر و سرای خلقنه «بن سزه برأو عائله سنه دلالت ایده بی می که او عائله چوجنه نصیحت ایدر امزیرمه سنده و

تربیه سنده قصور ایتز اولدقلری حالد و چوجنی حفظ ایدرلر، اصلا ضایع ایتز و هر امورینه کفیل اولورلر» دیدی.

یعنی؛ موسی علیه السلام والد سنده اوغلونی کندیته رد ایده جگمزی بزوعدا ایتشدک. بو وعیمز یرینی بولمازدن اول بزموسی اوزرینه والده سندن باشقه امزیکجیلرک ائمه لری حرام قیلدق و والده سی کزدن اول کتیردکلری امزیکجیلردن ائمه سی منع ایتدک. بناء علیه؛ او محله حاضر بولونان همشیره سی سرای خلقنک امزیکجی آرادقلری کورونجه «بن سزه بر خانه اهلی خبر ویره بی و آنلری سزه کوستردیم که آنلرک چوجقلری قتل اولوندیغندن نازه چوجق اواسه امزیر جکلر و آنلر اویله بر عائله در که چوجنی کندیلرینه ضم ایدرلر و امزیرمه سنده و تربیه سنده قصور ایتزلر. چونکه؛ آنلرک جمله سی چوجنه خیر مراد ایدرنا صحرلدر» دیدی. بیضاوینک ونعمت الله افندینک بیانلری وجهله او مجلسده حاضر بولونان (هامان) مریمک بوسوزندن حضرت موسایه قرابتی اولدیغنی حس ایدر «بو چوجنی بوقادین بیلور، طوتک بونی حقیقتی خبر ویرسون» دینجه مریم «بنم مقصدم او عائله، حکمدارک قوللری اولدقلرندن چوجنه حرمتی حکمداره حرمت بیلرلر. بناء علیه؛ چوجنه خیر مراد ایدرلر دیمکدر» دیدی و بو سوزیله هامانک کلامنی رد ایتدی و هامانک سوزی آرده تاثیر سز قالدی. چونکه؛ وعدا الهیده خلف اولمز، البته یرینی بولاجق اولدیغندن فرعون حکومتنده آمر مطلق و سوزی جمله به نافذ و شری عالمی تیره تمش اولان هامان بک عجزه دن کوردیکی مریمک سوزیله مبهوت اولدی قالدی و سوزینی تکرار سوزیله یوب امرینی انفاذا ایده مدی. اوسیره ده چوجق فرعونک آئنده آغلار، کان امزیکجی قادینلرک هیچ برندن ائمه ز. بناء علیه؛ سرای خلقی شاشدی و چوجنک آغیدنی (آغلامنی) دور دورمه بر چاره بولامادقلرندن مریمک بوسوزنی منت بیلدکلری جهتله فرعون همان مریمک سوزیله دیکی خاتونی کتیرملرینی امر ایتدی. مریم فرصتی غنیمت بیلهرک همان سرعتله کیتدی و والده سی کتیردی. موسی علیه السلام مئمنی آلدی و سسینی کسیدی. سرای خلقی بوندن نمون اولمشلر سده فرعون ترده و اردی. برآز دوشوند کدن صکره خاتونه «سن بو چوجنک نه سی اولورسک؟ بر چوجق قادینلرک مئمنی آلامدینی حالد سندن هیچ نکول ایتمک سزین مئمنی آلدی. هر حالد بو چوجنه بر مناسبتک اولسه کر کدر» خلاصة البیان: اون برنجی جلد — ۱۳



دیدى . خاتون ده . بنم رایحهم کوزلدر وسودم طائیلدر . بنم سودمدن اُمهین چوجق اولماز ، دیدى وفرعون ده بوسوزه ایناندی .

..

واجب تعالى، چوجفك اُمهینر مسنه وتریه سنه اجرت تعیین ایده رک چوجفی والدہ سنه تسلیم ایتدکربی بیان ایتک اوزره ﴿ فَرَدَدْنَاهُ إِلَىٰ أُمِّهِ كَىٰ تَقَرَّ عَيْنُهَا وَلَا تَحْزَنَ ۚ وَلَنَعْلَمَ أَنَّ وُعْدَ اللَّهِ حَقٌّ وَلَكِنَّ أَكْثَرَهُمْ لَا يَعْلَمُونَ ﴾ بیوریور .

[همشیره سنک دالاتی اوزرینه بزموسى علیه السلامی والدہ سنه رد ایتدک که والدہ سنک کوزى نورلانسون راحت ایتسون و اوغلونک فراقه محزون اولسون واللہ تعالیٰ نک وعدى حق اولدیغنى بیلسون ولكن ناسک اکثریسی وعد الہینک حق اولدیغنى بیلمز لر . ] یعنی ؛ بزم موسای والدہ سنه ردایتدی کمز اوج پیہ پیہیر : برنجیسی ؛ والدہ سنک کوزى بیلک سوره آغیدینی کسونه . ایکنجیسی ؛ اوغلونک فراقی اوزرینه درامی محزوره اولسونه . اوچنجیسی ؛ اللہک وعدى من اولدیغنى بیلسونه رقبینی ربسنه باغوسونه . بیضاوینک بیانی وجهله بو آیتده حضرت موسانک والدہ سنه تعریض واردر . چونکه ؛ بوندن اول بیان اولوندیغی وجهله موسی علیه السلامک صدوقه سی فرعونک اُلنه کچنجه وعد الہی بی اونوتارق صبر سزلقله فریاده باشلامشدى وآز قالدی مسئلہ بی هر کسه اعلان ایدیوردی . لکن جناب حقک امدادیلہ سکونتی محافظه ایده بیلیمشدر . بناء علیہ ؛ بو آیتده جناب حق وعدینک حق اولدیغنى ولكن اکثر ناسک بیلمدیکنى بیانله تعریض ایتشدر . زیرا ؛ تعریضه مستحق در .

فخر رازینک بیانہ نظر آ حضرت موسی والدہ سنک ممه سنی آلوب آغیدینی کسوب سرای خلقی نمون اولونجه هر بر لرینک آلتون وکوش و مجوهرات وسائرہ ہدیہ ایتدکری مرویدر . جناب حقک عنایتی یتیشجه هرشی اولور . آقشام یاوروسنی دکزه مسافر وبرمکه محزون وصباحلین فرعونک اُلنه کچدیکنی ایشتمکه اولدوره جک ظنیلہ قلبی پریشان وناله وفغان ایچنده کول کباب اولدینی حالده قوشلق وقتی هر آفتدن سالم

وکوکلی هرجهتله راحت وسرور ایچنده قوجه فرعونک سرایى داخلنده هر کسدن التفات کورور و هر برندن قیمتدار ہدیہ لر آلیر وضایع اولدی ظن ایتدیکی جکر پاره سنی قوجاغنده بولور . ایشته جناب حقک کتابنده بونلری بزه بیانی بزم ایچون بیکلرجه وقوعاته درس عبرتدر .

..

واجب تعالى حضرت موسای والدہ سنه تسلیمدن صکره جریان ایدن احوالی بیان بیان ایتک اوزره ﴿ وَلَمَّا بَلَغَ أَشُدَّهُ وَاسْتَوَىٰ آتَيْنَاهُ حُكْمًا وَعِلْمًا ﴾ بیوریور . [ وقتا که موسی علیه السلامک یاشی کمالی بولدی وعقلی وفکری مساوی اولدی ایسه آکا بز حکم وعلم ویردک . ]

﴿ وَكَذَٰلِكَ نَجْزِي الْمُحْسِنِينَ ﴾

[ ایشته بویله جه ارباب احسانی بز کوزل جزالره جزالاندیریرز . ] یعنی ؛ موسی و والدہ سنک احسان صاحبی اوللرینه بناء بز کوزل جزا ایلہ جزالاندیردیغمز کبی بالعموم احسان صاحبیرینی کوزل جزالره جزالاندیریرز . چونکه احسانک جزاسی ؛ آنجق احساندر . انسانلرک احسانی ایلہ مراد ؛ عبادت و طاعتنره شرع موافق صورتمه حرکت ایتمکدر . بناء علیہ ؛ شرع موافق صورتمه عبادت ایدنلر حسن جزایه مستحق و نائل اولور لر .

بیضاوینک بیانی وجهله اشد ؛ اونوز یاشنره قرقه قرردر . چونکه ؛ اوتوزله قرق آرہ سنده انسانک وجودی تکمل ایتدیکی کبی عقلی ده تکمل ایتدیکندن جناب حق بوسنه بالغ اولدیغنده علم وحکمت ویردیکنی بیان بیورمشدر . حضرت موسایه ویریلن حکم ایلہ مراد ؛ حکمت علمیہ وعلم ایلہ مراد ؛ علم فقه و دیانہ و آخرتہ متعلق علمدر . یاخود اشد له مراد ؛ اوده سکزابله اونوز آرہ سیمدر . چونکه ؛ اون سکز یاشنده قوای جسمانی تکمل ایدر و اوتوزینه قدر قوتی تراید ایدر وعقلده اونسبتده نما بولور .



بوکا نظراً معنای نظم : [ وقتا که موسی علیه السلام اون سکز سنه بالغ اولدی ایسه بز آکا حکمانک حکمتی و علمانک علمتی و یردک . بناء علیه ؛ ظاهر احکامه عالم وناس بینده عدالتله حکم ایدر اولدی . چونکه ؛ احسان صاحبیرینی بز دائماً کوزل جزا ابله جزالاندیریرز ] دیمکدر .

خلاصه ؛ حضرت موسی رشدینه بالغ اولونجه واجب تعالی نک حکمت و علم احسان ایتدیکی وارباب احسانه دائماً کوزل جزالر و مکافاتلر و یردیکی بوآیتدن مستفاد اولان فوائد جمله سنددر .

..

واجب تعالی موسی علیه السلام سنی کالنه واصل اولدقدنصرکه جریان ایدن احوالی بیان ایتک اوزره ﴿ وَدَخَلَ الْمَدِينَةَ عَلَى حِينٍ غَفْلَةٍ مِنْ أَهْلِهَا فَوَجَدَ فِيهَا رَجُلَيْنِ يَقْتَتِلَانِ هَذَا مِنْ شِيعَةِ وَهَذَا مِنْ عَدُوِّهِ ﴾ بیوریور

[ موسی علیه السلام اهل مصرک غفلته اولدقلری بر زمانده مصر قصبه سنه داخل اولدی . قصبه کیرنجه منازعه و مقاتله ایدر ایکی کیمسه دن شو بریسی موسانک کندی قبیله سی بنی اسرائیلدن و شو دیکری کندینه دشمن اولان قبطی طاقه سنددر . ]

﴿ فَاسْتَعَاثَهُ الَّذِي مِنْ شِيعَتِهِ عَلَى الَّذِي مِنْ عَدُوِّهِ ﴾

[ موسی علیه السلام مقاتله ایدن ایکی کیمسه نک یانلرینه کلنجه موسانک کندی قبیله سندن اولان اسرائیلی دشمندن اولان قبطی اوزرینه بر یاردیم ایسته دی . ]

﴿ فَوَكَزَهُ مُوسَى فَقَضَى عَلَيْهِ ﴾

[ قبیله سندن اولان کیمسه نک یاردیم ایسته مسی اوزرینه موسی علیه السلام قبطی به بر طوقات ووردی . وورمش اولدینی قبطی اوزرینه موته حکم اولوندی و بوفعلدن محجوب اولدی . ]

﴿ قَالَ هَذَا مِنْ عَمَلِ الشَّيْطَانِ إِنَّهُ عَدُوٌّ مُضِلٌّ مُبِينٌ ﴾

[ قبطی اولنجه موسی علیه السلام دیدی که « شو چیر کین فعل ، شیطانک عملنددر . زیرا شیطان ؛ آچیقدن اضلال ایدر بر دشمندر . ]

روح البیانده ونیسابوریده ذکر اولوندیغنه نظراً حضرت موسانک کندی قبیله سندن اولان رجل سامری و دشمن اولان قبطی فرعونک مطبخنده خدمتجیلردن ایدی . نزاعک سببی ؛ مطبخه اودون کوتورمک ایچون سامری به جبر ایدیور سامری ده کوتورمک ایسته مدیکندن بینلرنده عریبه چیقیدینی زمان موسی علیه السلام کلیور . سامری حضرت موسان یاردیم ایسته نجه نزاعی فصل ایتک ایچون قبطی به بریومروق ووردیغنه قبطی نک اجلی کلش و اولمش بولونور . موسی علیه السلام اولدوردیکی قبطی مشرک اولدینی جهته دی مباح ایدی ولکن موسی علیه السلام اولدورمسی امر اولونمادیغندن استغفار ایتشد . قتل قصیدله وورمادیغندن دی مباح اولسه بیله قتلی خطادر ، معصیت دکدر ولکن شو خطانک وقوعنه استغفار ایتشد . قبطی مطبخه اودونی مجاناً و ظالماً کوتورمک ایسته دیکی جهته ظالم و اسرائیلی اولان رجل مظلوم اولوب مظلومی ظالمدن قورتارمق واجب اولدیغندن حضرت موسی مظلومی ظالمدن قورتارمق ایسته مشدی . قبطینک اجلی کلش اولدیغندن خطا وقوع بولدی .

بیضاوینک بیانی وجهله حضرت موسانک داخل اولدینی مدینه ؛ فرعونک سرابی بولونانده مصرکه شمدی کی مصرک غربنده در واسمی (منفیس) درکه طرفاندنصرکه ارض مصرده اول بنا قیلنان شهردر ، یاخود (عين الشمس) دنیلن محلدر . حضرت موسانک ناسک غفلتی اوزرینه شهره کیرمسند فخر رازینک بیانی وجهله اوج احتمال واردر :

برنجیسی ؛ جناب حقک بیان بیوردینی وجهله حضرت موسی رشدینه بالغ اولوب کندینه علم و حکمت و یریلنجه فرعونک دینک باطل اولدینی بیلدی و طعن ایتکه باشلادی و فرعونک ظلمندن بحث ایدر اولدی . بناء علیه ؛ فرعون و قومی تهدید ایتدکلرندن موسی علیه السلام آچیقده کزه مز بر حاله کلدی و بنی اسرائیلدن خفی بر جمعیت تشکیل ایتدی . او جمعیت حضرت موسانک سوزینی دیکلر و کیتدیکی یوله کیدرلردی . ایسته او زمانده ناسک قوشلق اویقوسنده اولدقلری زمان و یاخود آقشامله یاتسو آره سند ناسک اولرینه چکیلدکلری بر زمانده چارشویه کیردی و بو نزاعه تصادف ایلدی و قبطی وفات ایتدی .



ایکنجیسی؛ موسیٰ علیہ السلام رشیدنه بالغ اولدیغنده فرعونک بیدیکی آتله بینر و کیدیکی البسه لردن کیر و فرعونک اوغلو دییه شهرت بولور. بر کون فرعونک باغچده و خارج شهرده بولونان سرایندن شهره کلیر و او نزاعه تصادف ایدر وقوعات اولور.

اوچنجیسی؛ موسیٰ علیہ السلام حال صباوتنده عصا ایله فرعونک باشنه وورور و ایله صقالتی یولار. فرعون بوندن خویلا نور و بویو دیکنده فرعونه طعنه باشلاخجه فرعون سرایدن و مملکتدن چیقارلمسفی امر ایدر. بناء علیه؛ مملکتدن چیقاریلیر بر مدت مصر خارجده بولونور. حق اسمک اونوتولور بر حاله کلدیکی زمان ناسک غلبه لکی کسیدیکی قوشلق وقتنده مصرک چارشوسنه کلیر حادثه واقع اولور. چونکه؛ ترکده «آقاجق قان طمرده دورماز» دیرلر. زیرا؛ قدر ظهور ایدنجه حذر فائده ایتز. بناء علیه؛ موسیٰ علیہ السلام (مدین). مسافرت زمانی کلشیدی، آنکده سبی بو وقوعات اولاجقدی. اولدی، اوده (مدین). مسافرت ایتدی.

\*\*

واجب تعالیٰ خطانک وقوعی اوزرینه حضرت موسانک استغفارینی بیان ایتک اوزره ﴿ قَالَ رَبِّ إِنِّي ظَلَمْتُ نَفْسِي فَاغْفِرْ لِي ﴾ بیوریور.

[موسیٰ علیہ السلام واقع اولان خطا اوزرینه ندامت ایدرک ربسنه التجا ایتدی و «ای» بنم ربم! بننفسه ظلم ایتدم. بناء علیه؛ بنی مغفرت ایت» دیمکله ربسنه تضرعه بولوندی.]

﴿ فَغَفَرَ لَهُ إِنَّهُ هُوَ الْغَفُورُ الرَّحِيمُ ﴾

[ربسنه تضرع ایدنجه ربسی آتی مغفرت ایتدی. زیرا؛ رب تعالیٰ قولارینک قصورینی ستر ایدر و درگاهنه التجا ایدنله مرحمت بیورر.] بناء علیه؛ قولارندن احسانتی اسیر که من. موسیٰ علیہ السلام شو استغفاری قبطی بی قتل ایتسنه در، لکن بو استغفار قبطی بی قتل کنه اولدیغه دلالت ایتز. زیرا؛ مقتول اولان قبطی کافر بالله اولدیغندن قتل

مباح ایدی و کافر اولدیغه (وهذا من عدوه) کلامی دلالت ایدر. چونکه مؤمن اولان، حضرت موسانک دشمنندن اولماز. فقط حضرت موسی قتلنه مأمور اولما دیغندن استغفاره لزوم کورمشدر. بوکا نظراً (هذا من عمل الشيطان) یعنی «شو قتل شیطانک عملندن» دیمک. «قبطی بی قتلده مندوب اولان تأخیر ایدی بو مندوبی ترکله عجله قتل ایتک شیطانک عملندن» دیمکدر.

یاخود فخر رازینک بیاننه نظراً استغفارک معناسی «یاربی! به قبطی بی قتل ایتک» سببه ظلم ایتدم. زیرا؛ فرعونه دربارسه بنی قتل ایدر. شومالده یاربی! بو خبری فرعونده بر مدت موقته سترله بنی مغفرت ایت که به فرعونک شرمده فورقولايم» دیمکدر. بناء علیه؛ موسیٰ علیہ السلام خلاصنه سبب حاصل اولونجهیه قدر فرعون مسئله وضع ید ایدوب جدی بر تحرییه باشلاماشدر که موسیٰ علیہ السلام قورتولمش کیتمشدر. بو وقوعات حضرت موسانک نبوتی اظهاردن اول اولدینی جهته انبیادن کناهک صدورینه دلالت ایتز.

\*\*

واجب تعالیٰ حضرت موسانک بوندن صکره کی مناجاتی بیان ایتک اوزره ﴿ قَالَ رَبِّ إِنِّي ظَلَمْتُ نَفْسِي فَاغْفِرْ لِي ﴾ بیوریور.

[«یاربی! بنم اوزریمه انعام ایتدیکک نعمتله سکا یمین ایدرم که البته بن توبه ایدرم. بناء علیه؛ بوندن صکره مجرمله آرقه اولمام» دیدی.]

یعنی؛ جناب حق مناجاتی قبول ایدوب بر آزیحق زمان قبطینک قتلنی فرعونه دو یورماخجه موسیٰ علیہ السلام یمین ایتدی و دیدی که «یاربی! سنک بکاو یردیکک نعمتلی انعامک حق ایچون یمین ایدرم که البته بن توبه ایدرم. بناء علیه؛ مجرمله یار دیمچی اولمام». بوکا نظراً حضرت موسانک یار دیم ایتدیک اسراییلینک کافر اولدینی آکلاشیلیر. چونکه؛ مجرمله مراد؛ لاف لر اولدیغی کی هنوز موسیٰ علیہ السلام نبوتی اظهار ایدوب دین حقه دعوت ایتده مشدی و مرور زمانله بنی اسرائیل آباء واجداد لرینک دینی اونو تمشلرله یابدق لرینی



بیلیمورلردی. بناء علیه؛ کافر اولق احتمالی غالبدر. یاخود مجرملرله مراد؛ معارنلری  
جرم مہب اولونه کیمسکره معاونت ایتیم، دیمکدر.

فخر رازی و نيسابورینک بیانلری وجهله ظلمه و فسقهیه معاونتک جائز اولمادیغنه بو آیت  
دلالت ایدر. ابن عباس حضرت تلمی «اگر حضرت موسی بوندنصکره مجرملره معین  
اولام سوزینه ان شاء الله کله سنی علاوه ایتیم اولسه ایدی بویله بروقهیه بردها تصادف ایتزدی  
ولکن ان شاء الله دیمه دیکندن ایرتسی صباح بویله وقعه ایله بردها مبتلا اولمشدر». دیمش  
ایسه ده بوروایت ضعیفدر. زیرا؛ ایرتسی صباح تصادف ایتدیکی وقعه ده معاونتی ترک  
ایتدیکنی بوندنصکره کی آیت بیان ایتمشدر.

\*\*

واجب تعالی قبطی بی قتلنی و مناجاتی بیاندنصکره حضرت موسانک کچیرمش اولدینی و قوعادن  
بعض آخری بیان ایتیمک اوزره ﴿فَاصْبَحْ فِي الْمَدِينَةِ خَائِفًا يَتَرَقَّبُ﴾ بیوریور.  
[قبطی نک مقتول دوشمنی اوزرینه موسی علیه السلام مقتولک اولیایی طرفندن  
خصوصت ایدر جکله رینه و مقاتلهیه کله جکله رینه انتظار ایدر رک قورقار اولدینی حالد مدینه ده  
اوکیجه صباحه قدر قالدی، فقط قورقار و اطرافنی ده کوزه تمکدن خالی قالمادی.]

﴿فَإِذَا الَّذِي اسْتَنْصَرَهُ بِالْأَمْسِ يَسْتَصْرِخُهُ قَالَ لَهُ مُوسَى إِنَّكَ لَغَوِيٌّ مُبِينٌ﴾

[صبح اولونجه آکسزین دونکی کون یاردیم ایستهین اسرائیلی دیگر بر قبطی ایله  
منازعه ایدر و تکرار یاردیم ایتیمس ایستهینجه موسی علیه السلام آنی رد ایتدی و «سن  
آزغین بر کیمسه سک و بولدن چقمش سک و ضلالتک میدانده بر شخص شریر سک.» زیرا؛  
دون بر قبطی ایله نزاع ایتدک و قبطینک قتلنه سبب اولدک. بو کون دیگر بر قبطی ایله نزاع  
ایدیور سک تکرار بزی بر بلا ایله ده مبتلا قیامق ایسترسک سن فنا بر آدم سک» دیمکله  
او کیمسه بی تکدیر ایتدی. بو تکدیری نصیحتی ده متضمن در. چونکه؛ بر کیمسه  
«سن کوتوسک» دیمک «کوتولکی ترک ایت» دیمکدر.

﴿فَلَمَّا أَنْ أَرَادَ أَنْ يَنْطِشَ بِالَّذِي هُوَ عَدُوٌّ لَهُمَا قَالَ يَا مُوسَى أَتُرِيدُ أَنْ تَقْتُلَنِي  
كَأَقْتُلْتَ نَفْسًا بِالْأَمْسِ﴾

[موسی علیه السلام اسرائیلی نک تکرار یاردیم ایسته موسی اوزرینه اسرائیلی به و کندینه  
دشمن اولان قبطی بی اسرائیلدن آیرمق اوزره طوتمق ایستهینجه قبطی دیدی که «یاموسی!  
دونکی کون بر نفس اولدوردیکک کبی بنی ده اولدورمکمی ایسترسک؟»]

﴿إِنْ تُرِيدُ إِلَّا أَنْ تَكُونَ جَبَّارًا فِي الْأَرْضِ﴾

[«سن هیچ بر شی مراد ایتیم، آنجق ریوزنده جباردهن و ظلمه دن بر آدم اولق  
ایسترسک».]

﴿وَمَا تُرِيدُ أَنْ تَكُونَ مِنَ الْمَصْلُحِينَ﴾

[«سن مصلحلردن اولق ایسته مرسک».]

یعنی؛ موسی علیه السلام کمال خوف و تلاشه صباحی بولوب صباح وقتی چارشوده  
دونکی اسرائیلی بی دیگر بر قبطی ایله نزاع ایدر کورونجه اسرائیلی نک تکرار یاردیم طلب  
ایتمی اوزرینه موسی علیه السلام هر ایکسینه دشمن اولان قبطی به الی اوزاتجه قبطی  
دیدی که «یاموسی! دونکی کون بر آدم اولدوردیکک کبی بو کون ده بنی می اولدورمک  
ایسترسک؟ سن مراد ایتیمسک، آنجق ارض اوزرنده ظالم اولق مراد ایدرسک و سن  
ایکی کیمسه بیننی اصلاح ایدن مصلحلردن اولق مراد ایتیمسک» دیمکله دونکی وقوعاتی  
میدانه قویدی.

شو بیان اولونان معنا حضرت موسایه «دونکی کون بر آدم اولدوردیکک کبی بو کون ده  
بنی می اولدورده جک سک؟» دیهین کیمسه نک قبطی اولدیغنه نظر آدر. اما خازنده بیان  
اولوندی و جهله بو سوزی سویلهین حضرت موسادن معاونت ایستهین اسرائیلی اولق  
محملدر. چونکه؛ حضرت موسی معاونت ایستهین کیمسه به «سن آزغین بر آدم سک»  
دیمکله تکدیر ایتدیکندن دشمن اولان قبطی بی طوتمق اوزره الی اوزاتجه دوست اولان  
اسرائیلی کندینی طوتمق ظنیه بو سوزی سویلدی و دیدی که «سن دون بر کیمسه قتل



ایتدیک کی بوکوندہ بنی می قتل ایدہ جکساک؟ و سنک مرادک یر یوزندہ جبارہ دن اولمقدردہ یوقسہ مقصدک اصلاح دکلدر « دیدی. بوتوجیه نظراً اوزمانہ قدر دونکی قبطنی کی مک قتل ایتدیک ہنوز معلوم دگلش ، حضرت موسادن معاونت کورن اسرائیلی بو سری افشا ایدیوردی .

کرچہ قبطنیک قتل اولوندینی معلوم ایسده لکن قاتلی ہنوز معلوم دکلدی وحکومت طرفدن قاتل تحری اولونیورسده ہنوز بولامامشردی. چونکہ ؛ موسی علیہ السلام وقوعاتی فصل ایتدیک زمان ناسک غفلتی و چارشونک انساندن خالی اولدینی زمان اولق سبیلہ اسرائیلدن باشقہ کی مک قتل ایتدیکنی بیلن یوقدی . کرچہ حضرت موسی دویولور ظیلہ کیجہنی اندیشہ ایله کچیرمش ایسده بیلن اولمادیغندن حکومت بولوب چیقاراماشدی . مع التأسف معاونت کورن دوست . بو سری افشا ایدیوردی و نزاع ایدن قبطنی حکومتہ اخبار ایتدی و مقتولک اولیاسی دہ قصاص طلب ایتدیلر .

..

واجب تعالیٰ فرعون و وکلاسنک قصاصہ قرار ویردکلرینی و حضرت موسایہ خبر ویرن کی مسہ نک کلدیکنی بیان ایتک اوزرہ ﴿ وَجَاءَ رَجُلٌ مِنْ أَقْصَا الْمَدِينَةِ يَسْنَعُ ﴾ بیوریور .

[ مدینہ نک اوست طرفندن قوشارق بر رجل کلدی . ]

﴿ قَالَ يَا مُوسَى إِنَّ الْمَلَأَ يَأْتَمِرُونَ بِكَ لَيَقْتُلُوكَ فَاخْرُجْ إِنِّي لَكَ مِنَ النَّاصِحِينَ ﴾ [ اورجل « یاموسی! فرعون وندماسی سنک حقکده استشارہ ایدیورلر کہ سنی قتل ایتسونلر . شو حالده آنلرک شری سکا طوقونمادن سن چیق شهری ترک ایت . زیرا ؛ بن سکا خبر مراد ایدن ناصح لر دنم ، دیمکله موسی علیہ السلامی حکومتک قرارندن خبردار ایتدی . ]

﴿ فَخَرَجَ مِنْهَا خَائِفًا يَتَرَقَّبُ قَالَ رَبِّ نَجِّنِي مِنَ الْقَوْمِ الظَّالِمِينَ ﴾

[ بوخبر اوزرینہ موسی علیہ السلام زمان فوت ایتمکسزین قورقار و آرقه سنی تعقیب

ایدن اولوب اولمادیغنی کوزہ تیر اولدینی حالده درحال قصبہ دن چیقدی و « یاربی ! بنی ظالم اولان قوم فرعونک شرندن قورتار و لطفکله ساحۃ سلامتہ کوتور » دیمکله ربسنہ التجا ایتدی . ]

یعنی ؛ مقتول اولان قبطنیک اولیاسی طرفندن قصاص طلب اولونمسی اوزرینہ ارکان حکومت قصاصہ قرار ویردیلر و بو حقسز قرارہ راضی اولمایان بر کی مسہ سرعتله کلدی و موسی علیہ السلامه « یاموسی! مملکتک اولولری سنک حقکده استشارہ ایتدیلر و قتلکله قرار ویردیلر . بناءً علیہ ؛ سن درحال قصبہ دن چیق . زیرا ؛ بن سکا خفی خبر ویرن و خبر یول کوسترنلردنم » دیدی. بونک اوزرینہ موسی علیہ السلام زمان فوت ایتمکسزین همان مدینہ دن چیقدی و لکن قورقار اولدینی حالده آرقه سنده کوزہ تیردی و آراق آراق کلن اولوب اولمادیغنی بیلیمک ایچون دوزر دوزر آرقه سنه باقاردی . او حالده ربسنہ مناجاتدن کیری قالمزدی و دییوردی کہ « یاربی ! بو ظالم قومک شرندن بنی محافظه و خلاص ایت . ایشته حضرت موسی مدینہ دن هم کیدیورهمده بوصورتله ربسنہ التجا ایدیوردی . حضرت موسانک شودعاسی قبطنی قتل مباح اولدیغنه دلالت ایدر . چونکہ ؛ فخر رازینک بیانی وجهله اکر قبطنیک قتل ظلم و کتناه اولسه ایدی بو قراری ویرنلرک حقلی و ظالم اولاملری لازم کلیردی . حالبوکہ حضرت موسی آنلرک ظالم اولدقلرینی بیان ایتمشدر کہ قرارلرینک ظلم و بو قرارک حقسز بر قرار اولدیغنه اشارت ایتمشدر .

چونکہ ؛ قبطنیک مشرک اولدینی جهتلہ قتل مباح اولسنہ بناءً قصاص لازم کلدیکنی کی قتلک خطا اولدیغندن دخی قصاص لازم کلزردی . بناءً علیہ قصاصله حکم ؛ البتہ ظلم ایدی . بونکله برابر قرار ، طرفینی دیکله مک و محاکمه ایتمکله اولاجغندن محاکمه سز قرارک البتہ ظلم اولاجغنده شبه یوقدر . ایشته شو اساسلره بناءً ظالم اولدقلری جهتلہ حضرت موسی « یاربی ! شو ظالم قومک آلدن بنی قورتار » دیمشدر .

موسی علیہ السلامک ایکنجی کون یاردم ایتک ایسته دیکی اسرائیلی مظلوم اولدیغندن قبطنیک آلدن قورتارمق ایسته دیکی و اییلکله قارشی اسرائیلینک کوتولک ایدوب سری افشا ایتدیکنی نعمت الله افندینک جمله بیاناتنددر . نیسابورینک وقاضینک بیانلری وجهله ﴿ يَا تَمْرُونَ بِكَ ﴾ ( یتشاورون بسببک ) یعنی « سنک سبیکله استشارہ ایدیورلر »



دیمکدر . استشاره ایدن کیمسه لر انای استشاره ده بربرینه امر ایتدکلرندن استشاره دن ائتمارله تعیر اولومشدر .

مدار کده بیان اولوندینی وجهله حکومتک قرارینی حضرت موسایه خبر ویرن کیمسه نک فرعونک عموجه زاده سی که سرای خالقندن وارکان مملکتندن واسرار حکومته واقف اولانلردندر ، لکن کندیزی تمیز وجدانی بر ذات اولدیغندن بو حقسنر قراره راضی اولمادینی جهتله خبر ویرمشدر . حتی طبریده بیان اولوندینی وجهله ویریلن قراری اجرا ایتک اوزره حضرت موسای بولق ایچون فرعونک کوندردیکی آدملردن اول خبردار ایتک اوزره حضرت موسی طرفنه علی العجله سعی ایده رک کلدیکی جناب حق بیان بیوردینی کبی یولک قیصه جهتی اختیار ایتدیکی واسمنک (شمعون) ویا (سمعان) اولدینی دخی مرویدر .

خلاصه ؛ حضرت موسانک قتلنه حکومتک قرار ویردیکی وبقراری خبر ویرمک اوزره مدینه نک اوزاق جهتندن برکیمسه نک موسی علیه السلامه کلوب « یاموسی ! وکلا استشاره ایتدیلر وسنک قتلکه قرار ویردیلر . همان سن شهردن چیق بن سکا نصیحت ایدنلردنم » دیدیکی و حضرت موسانک قورقار و آرقه سنه باقار اولدینی حالده همان مدینه دن چیقدینی و « یاربی ! بو قوم ظالمک شردن بنی قورتار » دیدیکی بو آیتدن مستفاد اولان فوائد جمله سندندر .

\*\*\*

واجب تعالی حضرت موسانک شهردن چیقدینی بیاندنصکره توجه ایتدیکی جهتی واورالرده کچردیکی حیاتی بیان ایتک اوزره ﴿ وَلَمَّا تَوَجَّهَ تِلْقَاءَ مَدْيَنَ قَالَ عَسَىٰ رَبِّيَ اَنْ يَّهْدِيَنِي سَوَاءَ السَّبِيلِ ﴾ بیوریور .

[ وقتا که موسی علیه السلام قورقو ایله مصردن چیقدی وشعیب علیه السلامک قریه سی اولان (مدین) جانبه توجه ایتدی ایسه « اومارم ربم بنی طوغرو یوله سوقله هدایتده قیلار » دیدی . ]

بیضاوینک بیانی وجهله مدین ؛ ابراهیم علیه السلامک مربی اسمنده اوغلونلر ایتدیکلرده حضرت شعیب قریه نه بانینک اسمیدر مدین دینمشدر ومصره سکزقوناق مسافه ده در . (مدین) بادیده اولدیغندن فرعونک حکمی اورالرده نافذ دکلدی . حضرت موسی مصردن چیقنجه مصرده بویومش و بریر کورمه مش اولدیغندن زده کیده جکفی بیله مدیکی حالده اوچ یوله تصادف ایدر وجناب حقدن طوغرو یوله سوق ایتسنی ایستر . اشبو اوچ یولک اورتده اولاننی ترجیح ایتش و کیریدن تعقیب ایدنلر کملش ایسه ده ایکی طرفده اولان یوللره کیتدکاری و بناء علیه ؛ ضررسز (مدین) . واصل اولدینی مرویدر . چونکه ؛ فخر رازینک ابن عباس حضرتلردن روایه بیسانه نظرأ حضرت موسی مصردن چیقدیغنده (مدین) ی قصه ایتمه مشدی . فقط توجهی مدین جهته ایدی . الله متوکل اولدی وطوغرو یوله سوق ایتسنی ایسته دی و بو التجاسی اوزرینه الله تعالی ارض مدینه سوق ایتدی . بعض روایتده مصردن چیقارکن مدینی قصد ایتدی و آیتده بیان اولوندینی وجهله او جهته توجه ایلدی . چونکه ؛ مدین اهالیسی ایله کندی بیتنه قرابت اولدیغی بیلیوردی . زیرا ؛ مدین اهالیسی حضرت ابراهیمک براوغلونک و بنی اسرائیلده دیگر براوغلونک نسلندن اولدقلری جهتله بیدارنده عموجه زاده لک اولدیغی واوراده قرار ایده بیله جکفی دوشوندی و او جهته کیتمسندده الله تعالی هدایت ایتدی . چونکه هدایت ؛ الله کدر . بناء علیه ؛ سلامتله یولنه دوام ایتدی وهیچ کیمسه مانع اولامادی .

\*\*\*

واجب تعالی حضرت موسانک مصردن چیقوب مدینه توجهی بیاندنصکره مدینه کلدیکنده جریان ایدن احوالی بیان ایتک اوزره ﴿ وَلَمَّا وَرَدَ مَاءَ مَدْيَنَ وَجَدَ عَلَيْهِ اُمَّةً مِّنَ النَّاسِ يَسْكُنُونَ ﴾ بیوریور .

[ وقتا که موسی علیه السلام مدینک صوبی یعنی صوقیوسنک باشنه کلدی ایسه ناسدن برجاعت بولدی حیوانلرینی صولارلر . ]



﴿ وَوَجَدَ مِنْ دُونِهِمْ امْرَأَتَيْنِ تَذُودَانِ ﴾

[ و او قيودن اوزاق و ناسك آشاغي طرفلرند ايكي قادين بولدي كه آنلر حيوانلرينك قويه گلشي و باشقه لرينك حيوانلرينه قاريشمسي منع ايدرلر . ]

﴿ قَالَ مَا خَطْبُكُمَا ﴾

[ بو ايكي خاتوني بو حالد كورونجه نظر دقتي جلب ايتدي و حاللريني سوال ايدهر ك « سزك حال و شانكزنه در كه قويونلر يكزي صودن منع ايديو رسكز و بوندن مقصد كز نه در ؟ » ديدى . ]

﴿ قَالَتَا لَأَنْتَقِي حَتَّى يُصْدِرَ الرِّعَاءُ وَأَبُونَا شَيْخٌ كَبِيرٌ ﴾

[ او قادينلر جوابده ديديلر كه « چوبانلر صولا يوب كيرى دونوب قيو و قوغه سي بوشالمايجه بزويه واروب صولاماز . حالبو كه بزم بابامز شيخ فانيدر ، قويونلري صولامغه طاقتي يوقدر و بزده چوبانلر ك ايجه قاريشاماز . بناء عليه ؛ آنلر كيدوب بزه نوبت كلنجهيه قدر بكلرز » ديمكه افاده مرام ايتديلر . ]

﴿ فَسَقَى لَهُمَا ﴾

[ موسى عليه السلام بونلر ك سوزلريني ديكه يوب حاللريني آكلايجه مرحق غليان ايدهر ك آنلر ك قويونلريني صولادى . ]

﴿ ثُمَّ تَوَلَّى إِلَى الظِّلِّ فَقَالَ رَبِّ إِنِّي لِمَا أَنْزَلْتَ إِلَيَّ مِنْ خَيْرٍ فَقِيرٌ ﴾

[ قويونلري صولادق دكصره بر كولكيه چكيلدي و ديدى كه « ياربي ! رزق دن خير اولارق بكا هر نه انزال ايدر كوندر رسك محتاجم . زيرا ؛ آجيقدم » . ايشته بو صورته حضرت موسى ريسنه عرض حال ايتدى . ]

خازن و بيضاوينك بيانلري وجهله حضرت موسانك قويونلري صولامسك كيفيتنده اختلاف واردر . بعض روايته نظراً اهالينك قويونلريني صولادق لري قيودن باشقه ، آغزي آغيزجه بر طاشله قاپامش بر قيونك آغزندن طاشي قالديردى و اهالى به قاريشمقسرين

او قيودن صولادى ، فقط قيونك آغزندن كي طاشي بر قاج كيمسه نك قالديرمسي مشكل اولديني حالد يالكز قالدير يورمسي كرك خاتونلر ك و كرك سائرلرينك نظر حيرتلريني جلب ايتشدر . ديكر بر روايته نظراً اهالينك آره سنه كيردى و آنلري آرالا شيردى و صولادى . با ضرر اهالى ايشني بيتيرد ك دكصره صولادى و الحاصل شيب عليه السلامك قويونتي صولاديني قطي فقط كيفيتي مختلفدر . آنحق حضرت موسى نك عجله ايله مصردن آريقسز چيقيديغندن يوللرده اوت و آغاچ ياراغيله ادامه حيات ايتديكي مرويدر . ايشته آجلني نهايته وارد يغندن كولكيه چكيلجه احتياجندن بحث ايتشدر .

او ايكي خاتونه كلنجه : آنلر شيب عليه السلامك قيزلري اولديني و شريعت شعيده حيوانات صولامق ايچون قادينلر ك چيقيمنده بئس اولما ديغندن حضرت شيبك مساعده ايتديكي بومسئله يي تفصيل ايدن آيتلردن آكلا شلمقده در . بالخاصه ضرورتلر هر زمان و هر شريعتده مستنا تشكيل ايدر . بونلر ك قويون صولامغه چيقيملري ده ضرورته مبنى اولديغه سوزلري دلالت ايدر . چونكه ؛ پدرلرينك شيخ كير اولديغندن بحث ايتلري صولا ياجق كيمسه لري بولونما ديغندن كنديلرينك چيقيما سنده ضرورت اولديغندن بحث ايتكدر . خلاصه ؛ حضرت موسانك مدينه كلديكي و قيو باشنده قويون صولار بر جماعت بولوب آنلردن اوزاقده ايكي خاتون قويونلريني قويه كلكدن منع ايدر اولدق لري حالد بولديني و آنلر ك حالندن سئوال ايدوب آنلرده چوبانلر صولا يوب كيدنجهيه قدر بكلي . جكلريني و پدرلرينك شيخ فاني اولديغي سوبله دكلري و آنلر ك قويونلريني صولا يوب كولكيه چكيلديكي و اوزمان جتاب حقه قارشى احتياجندن بحث ايتديكي بو آيتدن مستفاد اولان فوائد جمله سنددر .

قويونلريني موسى عليه السلام صولا يجه عادتلرينك خلافي عجله كلكلردن حضرت شيب كرمه لرندن سئوال ايدوب آنلرده بر كيمسه كلوب قويونلريني صولاد يغندن بحث ايتلري اوزرينه « بريكز كيدك او آدمي بكا كتيرك » ديدى .

..

واجب تعالى حضرت شيبك كرمه لرندن برينك حضرت موساي دعوت ايتديكني



بیان ایتک اوزره ﴿جَاءَهُ إِخْدِيهُمَا تَمْشِي عَلَى اسْتِخْيَاءٍ قَالَتْ إِنَّ أَبِي يَدْعُوكَ لِيَجْزِيَكَ أَجْرَ مَا سَقَيْتَ لَنَا﴾ بیوریور.

[شعیب علیه السلام قیزلرندن بری کمال حیا اوزره یوریوب موسی علیه السلام کلدی و دیدی که «بزه قویونمزه صولادیغک اجرتیله سزی جزالاندیرمق ایچون پدرم سنی دعوت ایدیور. بمله برابر بزم خانہ بی تشریف ایدہ جک واجرتکی آلاجقسک» دیمکله دعوت ایتدی.]

\* \*

واجب تعالی بو دعوتہ حضرت موسانک اجابتی بیان ایتک اوزره ﴿فَلَمَّا جَاءَهُ

وَقَصَّ عَلَيْهِ الْقَصَصَ قَالَ لَا تَخَفْ نَجَوْتَ مِنَ الْقَوْمِ الظَّالِمِينَ﴾ بیوریور.

[وقتا که موسی علیه السلام دعوتہ اجابتله شعیب علیه السلام حضورینہ کلدی و باشندن کچن وقایعی حکایہ ایتدی ایسه شعیب علیه السلام «قورقما، قوم ظالم اولان فرعون و قومنک شرندن نجات بولدک قورتولدک» دیدی.]

یعنی؛ شعیب علیه السلام کریمہ لرندن برینی کوندروب دعوت ایدنجہ موسی علیه السلام دعوتہ اجابت ایتدی، حضور شعیب کلدی و باشندن کچن حادثہ بی و مصردن فرار ایتدیکنی حکایہ ایدنجہ شعیب علیه السلام «قورقما یا موسی! ظالم لک شرندن خلاص اولدک. زیرا؛ فرعونک حکمی بورالره نافذ دکلدر» دیمکله تسلیہ ایتدی. شو حالده برکیمسه باشندن کچن وقایعی بر اهلنه حکایہ ایتدی مشروع و حکایہ ایدیلن کیمسه نک تسلیہ ایتدی و لازم کلن معاوتی یا یمسی بر امر مستحسن اولدیغنه آیتده دلالت واردر.

موسی علیه السلام بو خاتونک دعوتہ اجابتی دعوتده شخص واحدک کلامنه اعتمادک جائز اولدیغنه دلالت ایدر و موسی علیه السلام قویونلری الله تعالی نک رضاسنی تحصیل ایتک و آخرت آزینی اولمق اوزره صولادیغندن دعوتہ اجابتی اجرت آلمق ایچون دکلدر. حتی فخر رازی و قاضینک بیانلری وجهله موسی علیه السلام کلدیکنده یمک سفره سی حاضر لانتش اولدیغندن «بیورک! یمک یمک» دنیلدیکنده حضرت موسانک «اعوذ بالله

بز اهل بیتدتر، دینمزی دنیاہ دیکشمه یز و آخرت ایچون ایشله دیکمز عمل مقابلنده دنیا اجرتی آلمایز» دیمسی اوزرینه حضرت شعیب «بوسکا اجرت دکلدر» بزم عادتیز هر مسافره بویله در و مسافره طعام بییدیرمک بزم آباء و اجداد منک سنتیدر» دیدیکی مرویدر. حضرت شعیب بوتأمیناتی اوزرینه موسی علیه السلام ده طعامدن یمش و آچلق بلیه سندن قورتولشد. کرچه حضرت شعیب قریه سی مصره سکز کونلک مسافره اولدیغندن فرعون حکومتک قوتنه نسبتله حکمی اورالره نافذ اولمق عادتده لازم کلیرسه ده فرعونک مملکتی و حکمی ده ا اوزاق مملکتلره کیتمشدر و لکن بادیه جهتنه اهمیت ویرمه مش و مملکتدن عد ایدوب حکومتی او جهته اوزا امدادیغندن اورالرده حکومت تشکیلاتی اولماسنه بناء حضرت شعیب ظالم لک شرندن قورتولدیغنی تبشیر ایتدی و موسی علیه السلام ده مستریح اولدی.

\* \*

واجب تعالی موسی علیه السلام حضور شعیب کلوب طعام بید کدنصکره بینلرنده جریان ایدن محاورانی و واقع اولان عقد ازدواجی و قویون کوتمک اوزره یابدقلمی مقاولہ بی بیان ایتک اوزره ﴿قَالَتْ إِخْدِيهُمَا يَا أَبْتَ اسْتَأْجِرْهُ إِنَّ خَيْرَ مَنِ اسْتَأْجَرْتَ الْقَوِيُّ الْأَمِينُ﴾ بیوریور.

[شعیب علیه السلام کریمہ لرندن بریسی «ای بابام! سن بو ذاتی استیجار ایت. زیرا استیجار ایتدیکنک کیمسه لک خیرلیسی؛ قوت و امانت صاحبی اولاندر. [بوذاتده قوت صاحبیدر که برقاج کیشینک قالدیرمه جفی طاشی یالکز قالدیردی و امانت صاحبیدر که بزم قویونمزی صولادی یوزیمزه طوغرولوب باقادی. بناء علیه؛ بو ذاتده مطلوب اولان قوت و امانت واردر، استیجار ایدرسک خیر کورورسک» دیدی. بوسوزی سویله یز حضرت شعیب بویوک کریمہ سی و اخیراً حضرت موسانک زوجہ سی اولان (صفورا) اولدی بی مرویدر.]

﴿قَالَ إِنِّي أُرِيدُ أَنْ أُنكِحَكَ إِحْدَ ابْنَتَيَّ هَاتَيْنِ عَلَى أَنْ تَأْجُرَنِي ثَمَانِي حَجَاجٍ﴾

خلاصۃ البیان: اوز برنجی جلد — ۶۴



[ کریمه سنک « ای بابام ! بوذاتی سن استیجار ایت » دیمسی اوزرینه شعیب علیه السلام حضرت موسایه خطاباً دیدی که « سکز سنه قویونمی کوتمک وبکا اجیر اولق اوزره شوایی قیزلرمدن برینی سکا نکاح ایتمک مراد ایدرم » . ]

﴿ فَإِنْ أَتَمَمْتَ عَشْرًا فَمِنْ عِنْدِكَ ﴾

[ « بونکاح اوزرینه اکر اون سنه بی اتمام ایدرسک اوسنک کندی عندکدن احسانکدر، بن سکا امر ایتیم » . ]

﴿ وَمَا أُرِيدُ أَنْ أَمْلِكَ عَلَيْكَ ﴾

[ « حالبوکه بن سنک اوزریکه مشقت ویرمک ایستهم » . ] یعنی قدرتک فوقنده بر شی تکلیف ایتمکه سنی مشفته قوشمام .

﴿ سَتَجِدُنِي إِنْ شَاءَ اللَّهُ مِنَ الصَّالِحِينَ ﴾

[ « سن بنی ان شاء الله صالحلردن بولورسک » دیمکه کریمه سیله ازدواج ایتسنی ومهرینه مقابل بر مدت قویوتی کوتسنی تکلیف ایتدی . ]

حضرت شعیب ، کریمه سنک مهری سکز سنه قویوتی کوتمک اولاجغنی قطعی سولدیکندن عقد صحیح در . کرچه « اون سنه یاپارسک اوسنک احسانکدر » دیمکه سوزنده تردید وار ایسهده اوتردید سکز سنه اوزرینه واقع اولان عقد اوزرینه زائد وصرکه در . بناء علیه ؛ عقدی اخلاص ایتیمز . اساساً تردیده واقع اولان عقدده اجرت اقل اوزره واقع اولدیغندن تردید اولسه بیله عقد صحیح در . حالبوکه بوپازارلق سکز سنه اوزرینه در . سکزدن یوقاریسی اولورسه حضرت موسانک احسانی اولاجقدی . اجرتک مهر اولاجغنی بعض فقها بوایتدن اجتهاد ایتشلردر . چونکه ؛ حضرت شعیبک شریعتنده جائز اولدیغنی جناب حقک قرآنده بزه بیان ایتسنی بزم ایچون شریعت اولدیغنه دلالت ایدر .

( وما ارید ان اشق ) بر کیمسه یه مشقت ؛ قدرتک فوقنده ایش تکلیف ایتمکه اولدیغندن حضرت شعیبک « بن سکا مشقت تکلیف ایتیم » دیمسی « قدرتک فوقنده ایش کوسترم وقویونمی کوتمک خصوصنی رایکه براقیر وسکا سهولت کوستیریم » دیمکدر .

انبیاء عظام حضرتانک عادتلی معاملات ناسده قولایلق کوسترمکدر وجهله اهل ایمانه یاقیشانده بودر . « سن بنی صلحا زمره سندن بولورسک » دیمک « حسن معامله وعهدنی وفا ایدنلردن بولورسک » دیمکدر . اللهمک توفیقنه اعتمادینه اشارت ایچون شعیب علیه السلام سوزینه « ان شاء الله » کله سیله ختام ویرمشدر .

\*\*

واجب تعالی شو عقدده حضرت موسانک راضی اولدیغنی بیان ایتمک اوزره ﴿ قَالَ ذَلِكَ بَيْنِي وَبَيْنَكَ أَيَّمَا الْأَجَلَيْنِ قَضَيْتُ فَلَا عُدْوَانَ عَلَيَّ وَاللَّهُ عَلَيَّ مَانِقُولٌ وَكِيلٌ ﴾ بیوریور .

[ موسی علیه السلام « شو بیان ایتدیکنک مقاوله ودرمیان ایتدیکنک شرطلر سنکله بنم بینمده معتبر وقائم وثابتدر . قبول ایتدم و بیان ایتدیکنک ایکی مدت که سکز ویا اون سنه در . بونلردن هانکیسنی قضا ایدرسهم بنم اوزریمه سزک طرفکزدن تجاوز یوقدر . بناء علیه ؛ خارجنده واقع اولان تکلیفی قبول ایتیم . حالبوکه الله تعالی بزم سوزلریمز اوزرینه شاهد و وکیلدر . ] شو حالده باشقه شاهده حاجت یوقدر « دیمکه مقاوله بی امضا ایتدی و طرفین راضی اولدیلر . شعیب علیه السلام ده بویوک کریمه سی (صفورا) بی تزویج ایتدی . حضرت موسی ایشنه باشلا یاغنی زمان اینه برعصا ویرمسنی شعیب علیه السلام کریمه سنه امر ایدر . کریمه سی اولدنبری برآراده دوران عصا لردن برینی آلیر ویرمک اولدیغنده حضرت شعیب او عصانک ویرلمسنه راضی اولماز . مکر او عصا حضرت آدمک جتندن کتیردیکی عصا اولوب انبیاء عظام حضرتانندن نقل صورتیه شعیب علیه السلام ید امانته کان وکندیسیله تبرک اولونان عصای مبارکه اولدیغنی ایچون ویرمک ایستهمه مش ایسهده قاج دفعه باشقه عصا آلق اوزره آلرینی اوزاتمشلر سده عین عصا آلرینه کلنجه حضرت شعیب بونده بر عجیب حکمت اولدیغنی تفکر ایدمک ویردیکی مرویدر . بناء علیه ؛ عصای ویرمه مک ایدمده . چونکه ؛ عصانک صاحبی موسی ایدی وعصانک برچوق خارقه لره آلت اولاجغنی زمان کلشدی . عصای مبارکه بو وسیله ایله صاحبک اینه کجیدی .

\*\*



واجب تعالی حضرت موسائک ا کمال مدت ایدوب مصره عودت ایتدیکنی بیان ایتک اوزره  
﴿ فَلَمَّا قَضَىٰ مُوسَى الْأَجَلَ وَسَارَ بِأَهْلِهِ آنَسَ مِنْ جَانِبِ الطُّورِ نَارًا ﴾ بیوریور .  
[ وقا که موسی علیه السلام مدت مقاوله بی قضا ایتدی و مصره عودت ایتک اوزره  
اهلیله برابر یوله چیقدی و یورومکه باشلادی ایسه طور طانغی جهندن بر آتش کوردی . ]  
﴿ قَالَ لِأَهْلِهِ امْكُثُوا إِنِّي آنَسْتُ نَارًا لَّعَلِّي آتِيكُمُ مِنْهَا بِخَبَرٍ أَوْ بَشِيرٍ أَوْ جَذْوَةٍ مِنَ النَّارِ  
لَعَلَّكُمْ تَصْطَلُونَ ﴾

[ موسی علیه السلام اهله « سز بوراده دورک . زیرا ؛ بن بر آتش کوردم او آتش  
طرفه کیدیم . مأمول که سزه آتشدن بر خبر و یا خود بر آتش پارچسی کتیریم . امید ایدرم که  
سز او آتشدن ایصنیرسکز » دیدی . ]

یعنی ؛ موسی علیه السلام قان بدریله واقع اولان مقاوله ده تعین اولونان مدتی ا کمال  
و تعهد بی ایفا ایتدی و مصره عودت ایتک اوزره شعیب علیه السلام مدن مساعدده آلدی و اهلیله  
یوله چیقدی ایسه کیجه نک قارالغنده فورطنه یه طوتولوب یولی غیب ایتدیکی بر زمانده  
طور جانبدن بر آتش کوردی و اهله « سز بوراده بر مدت دورک . بن اوزاقدن  
بر آتش کوردم . عاتده آتشک یانده انسان بولونور ، مأمول که آتشدن بن بر خبر کتیر  
یولازی طوغرولتیریم و یا خود بر آتش پارچسی کتیریم . امید ایدرم که سز او آتشدن  
ایصنیرسکز » دیمکه اهله و اتباعنه وداع ایتدی و قطعاً کله جکنی سویلدی .

فخر رازینک بیانی وجهله حضرت موسی تعین اولونان ؛ ایکی مدتدن اون سنه بی  
ا کمال ایتدیکی بر حدیثله ثابتدر و شعیب علیه السلام رخصتیه زوجسی و خدمتجیسی  
برابر یوله چیقمشدر . فقط ( سورة طه ) ده بیان اولوندی و جهله کیجه نک قارالغنده  
فورطنه یه طوتولوب یولی غیب ایتدیکندن شلکه و آتسه شدتله احتیاج اولدینی بر زمانده  
نور الهی بی آتش صورتنده کوردی و او طرفه کیتدی . چونکه ؛ یولی بولق ایچون  
آدمه و ایصنمق ایچون آتسه احتیاج شدید واردی . بناء علیه ؛ کمال سرعتله آتش طرفه  
کیتمشدر .

بعض روایتہ نظراً شعیب علیه السلام قویونک برسنه قوزوسنی تماماً قیزینه و دامادینه  
هدیه ایتدیکندن آندن حاصل اولان نما ایله بر چوق قویون صاحبی اولوب برابرنده  
کوتورورکن او کیجه قارالغنده و شدتلی روزکار و دهشتلی یاغمور لر آره سنده قویونلری ده  
طاغیلوب هریری بریره کیتدیکی و کیجه نک قارالغنده طوبایا مادینی جهتله دخی اندیشه لی  
اولدینی بر زمانده نور الهی بی آتش صورتنده کوردیکی مرویدر .

\*\*

واجب تعالی آتشی کوردیکی محله کلنجه واقع اولان ظهورات الهی بی بیان ایتک اوزره  
﴿ فَلَمَّا أَتَاهَا نُودِيَ مِنْ شَاطِئِ الْوَادِ الْأَيْمَنِ فِي الْبُقْعَةِ الْمُبَارَكَةِ مِنَ الشَّجَرَةِ أَن  
يَا مُوسَى إِنِّي أَنَا اللَّهُ رَبُّ الْعَالَمِينَ ﴾ بیوریور .

[ وقا که موسی علیه السلام آتسه یقین بر محله کلدیسه قطعته مبارکه ده موسی علیه السلام  
صاغ جانبنه کلن دره نک کنارنده بولونان آغاجدن « یا موسی ! بن طالمک ربسی اولان  
الله تعالی یم » نداسی ظهور ایتدی . ]

یعنی ؛ آتسه و یا خود یول کوستره جک بر آدمه شدتله احتیاج اولدینی بر زمانده  
جبل طورده ظهور ایدن نور الهی بی آتش ظنیه عاتله سنه « سزدورک بوراده ، بن کیدیم  
سزه آتش و یا بر خبر کتیریم » دیه رک اولاد و عیالی الله امانت ایدوب آتسه یقین  
کلنجه خیر کثیر صاحبی اولان بقعه ده و موسائک صاغ جانبنه کلن دره ده آغاجک آره سندن  
« یا موسی ! محقق بن الله تعالی یم و طالمک ربسی یم » نداسی ظهور ایتدی و بویه مبارک بر  
ندا ایله ندا اولوندی .

بیضاوینک بیانی وجهله بو آیتده کی لفظ ندا ، ( سورة طه ) ده بیان اولونان لفظ  
ندایه مخالف ایسه ده هر ایکی آیتده مقصده مخالفت اولمادیغندن یکدیگرینک عینیدر .  
تفسیر خازنده بیان اولوندینی وجهله حضرت موسادن بوندانک اللهک نداسی اولدینی  
نه ایله بیلدیکی سسوال اولوندیغنده « ندای و جودمک هر جزئیه ایشیتدم . وجودمک  
هر جزئنده قوه سامعه خلق ایتک الله مخصوص اولدیغندن مذکور ندانک اللهک نداسی



اولدیغنی بیلدم . دیمشدر . یاہور یشیل آغاجله آتشی جمع ایتک اللہ مخصوص اولمسیله بیلمشدر . یاہور جناب حق علم ضروری خلق ایتدی کہ ندانک طرف السہدن اولدیغنی بیلدی . بناء علیہ ؛ ندانک اللہک نداسی اولدیغنه باشقہ دلیل ایستہمدی .

اہل سنتدن ( منصور ماتریدی ) مذهبندہ آغاجدن ایشیدیلن کلام ذات اللہلہ قائم اولان کلام قدیم اوزرینہ دلالت ایدن حروف واصواتدر ، یوقسہ ذات السہی ایلہ قائم اولان کلام السہی دکدر . چونکہ ؛ کلام قدیم اوزرینہ دلالت ایدن حروف وصدای آغاجدہ خلقیلہ ایشیدیرمک جائزدر واولہدہ اولمشدر . اما ( اشعری ) یہ کورہ ذات السہیہ ایلہ قائم اولان کلام قدیمی ایشیتیمک ممکندر ، فقط ( ماتریدیہ ) یہ کورہ حروف واصواتدن عاری اولان کلام قدیمی ایشیتیمک ممکن دکدر . آنجق انسانلرک صدا وحروفلہ مقصدلرینی افادہ بی بربرینہ ایشیدیردکلری کبی جناب حق دہ کندی کلامنہ دلالت ایدن حروف واصواتی خلقلہ حضرت موسایہ ایشیدیرمشدر . کلام السہی بہ دلالت ایدن صدانک ایشیدلیدی آغاجک ہانکی نوعدن اولدیغنه دائر آیتدہ صراحت یوقدر . فقط بوکرتان ، یاخود ماقبر ویاخود صارماشیہ آغاجی اولدیغنه دائر روایت وار ایسہدہ قطعی بر دلیل اولمادیغندن آغاجک نوعی تعیین ایتکدن ایسہ سکوت ایلک دہا اولی در . چونکہ ؛ آغاجی تعیینہ تعلق ایدر بر حکم دہ یوقدر . شوراسی قطعیدرکہ طور دہ مبارک بردرہ نک کنارندہ بیتمش بر آغاجدہ ذاتیلہ قائم کلام قدیمنہ دلالت ایدن صدای خلقلہ جناب حق کلامنی حضرت موسایہ ایشیدیرمشدر . زیرا ؛ قرآنک متعدد آیتلرندہ ربمز بزہ بیان ایتمشدر . بناء علیہ ؛ بو جہتدہ شہہ یوقدر وشہہ ایتیمک دہ جائز دکدر .

\* \*

واجب تعالی الوہیتی بیانلہ ندانصکرہ حضرت موسانک معجزہ سنہ طائد نداسنی بیان ایتک اوزرہ ﴿وَأَن أَلْقِ عَصَاكَ﴾ بیوریور .

[ موسی علیہ السلامہ ندا اولوندی و دنیلدی کہ « یا موسی ! أَلکدہ بولونان عصا کی برہ آت . » ]

﴿ فَلَمَّا رَاَهَا تَهْتَزُّ كَأَنَّهَا جَانٌّ وَلَّى مُدْبِرًا وَلَمْ يُعَقِّبْ ﴾

[ امر السہی بہ امتثالاً در حال عصای یرہ قویونجہ کوردی کہ تیتیرہ یوب دہ برہ نیرکان بریلاندر . او حال کورونجہ موسی علیہ السلام آرقہ سنہ دوندی وعصای تعقیب ایتدی . ]

﴿ يَا مُوسَى أَقْبِلْ وَلَا تَخَفْ إِنَّكَ مِنَ الْآمِنِينَ ﴾

[ طرف السہدن « یا موسی ! یونکی عصایہ دون ، قورقا . زیرا ؛ سن قورقولا جق شیرک جملہ سندن امین اولابیلیرسک . بناء علیہ ؛ سنک ایچون قورقو یوقدر ، دنیلدی . ]

فخر رازی وخازنک بیانلری وجملہ عصا، بیلان صورتندہ حرکتہ باشلا نجہ اوکنہ کان شیرلری یوتمش اولدیغنی جہتلہ حضرت موسی بومہابتدن قورقدی وآرقہ سنہ دونوب قاجق ایستہدی ، لکن تأمینات السہیہی حاوی ندا کلدی و دنیلدی کہ « یونکی عصایہ دون ، قاجہ وعصانک حالندن قورقا . أَلکدہ طوت اسکی حالنہ عودت ایدہ جکدر . زیرا سن ؛ ظهور ایدن خارقلردن قورقاجقلردن دکل ، بلکہ امین اولانلردنسک ، دیمکدہ جسارت ویرلدی . اشبو عصا ؛ شعیب علیہ السلامک خانہ سندن آلمش اولدیغنی عصادرکہ ازلدہ بو عصانک موسانک أَلنہ کجہ جکی وبر چوق خارقلرہ آلت اولاجنی تقدیر اولوندیغندن زمانی کلدی ہزینی اجرایہ باشلادی . کرچہ عصا شعیب علیہ السلامہ آندن اول برچوق انبیاء عظام حضر اتندن نقل اولونمش گلش ایسہدہ آنلردہ بوکی خارقلرہ آلت اولمامشدر . زیرا ؛ آنلر عصای ازلدہ تقدیر اولونان صاحب حقیقیسی ایچون محافظہ ایدیورلردی . بو خارقلرک ، آنجق صاحب حقیقیسی اولان حضرت موسی یدندہ ظهور ایدہ جکی مقدر ایدی . کرچہ عصا ایلہ تبرک ایدرلر واللرندہ بولوندورورلردی ، لکن آنلرک آللری موسانک آلی دکلدی . یعنی عصا او عصا ایدی ، فقط آل او آل دکلدی . بناء علیہ ؛ بو خارقلر جناب حقک فاعل مختار اولدیغنه دلالت ایدر . زیرا ؛ عصانک طبعییلہ اولسہ ایدی عصادن بو خارقلرک ہر زمان و ہر نبی یدندہ ظهور ایتسی لازم کلیردی ، حالبوکہ بویلہ اولمادی .

\* \*

واجب تعالی حضرت موسایہ طور دہ واقع اولان ندانک اوچنجیسنی بیان ایتک اوزرہ



﴿أُسْلِكَ يَدَكَ فِي جَيْبِكَ تَخْرُجَ بَيْضَاءَ مِنْ غَيْرِ سُوءٍ وَاضْمُمُ إِلَيْكَ جَنَاحَكَ مِنَ الرَّهْبِ﴾ بیوریور .

[یا موسی ! الکی جیبک ادخال ایت وعلل وامراضدن سالم و بیاض اولدینی حالده چیقار وایکی قناده مثابه سنده اولان آلریکی قولتوقلریکه ضم ایت که قورقو کدن آلریکی اوزاتما .]

﴿فَذَانِكَ بُرْهَانَانِ مِنْ رَبِّكَ إِلَىٰ فِرْعَوْنَ وَمَلَئِهِ إِنَّهُمْ كَانُوا فَاسِقِينَ﴾

[ایشته کوردیکک ایکی علامت سنک ربکدن فرعون و جماعتنه قارشنی سنک ایچون ایکی معجزه در . زیرا ؛ فرعون و قومی حدود البهیه خارجه چیقمش قوم فاسق اولدیلر . یعنی ؛ واجب تعالی موسی علیه السلامه عصانک معجزه اولدینی کوسترد کدنصکره

ایکنجی معجزه سنی کوسترمک اوزره دیدی که « یا موسی ! الکی قوینکه ضوق ، بیاض و کونش کی پارلار و کورنلره حیرت ویرر و کوزلری قاماشدیرر اولدینی حالده قوینکدن چیقار ، فقط بویاضلق برخستلق وعلت اثری دکدر » دینلجه موسی علیه السلام امره امتثالاً درحال الی قوینته قویدی و کونش کی پارلار اولدینی حالده چیقارنجه کندیته بر قورقو عارض اولدیندن قورقان کیمسه نك قورونمق ایچون آلرینی اوزاندینی کی موسی علیه السلامده آلرینی اوزاتجه واجب تعالی او قورقویی ازاله ضمنتده « یا موسی ! سکا عارض اولان قورقویی کیده رمک ایچون آلریکی قولتوغکه قوی » دیدی . چونکه ؛ قورقان کیمسه نك قورونمق ایچون آلرینی آجسی و اوزاتمسی عاتدر . اما قورقودن سالم اولان کیمسه نك آلری قولتوغی آلتنده باغلی اولدیندن جناب حق « یا موسی ! قورقان کیمسه کی الکی آجا ، بلکه قورقودن امین اولان کیمسه کی آلریکی باغلا . دیمکه قورقوسنی ازاله ایله جسارت ویردی . بوجهته هریکی معجزه ایله انسیت حاصل اولونجه بیوردی که « یا موسی ! شو عصا ایله الکلک بیاضلنی فرعون و آنک جماعتنه و قومنه قارشنی سنک ایچون نبوت دعواسنده صدقکه ایکی شاهددر . آنلر بومعجزه لریکه مقابله ایدهمیه جکلردر . زیرا ؛ آنلر قوم فاسق اولدقلری جهته بر رسول طرفدن ارشاده محتاجلردر . بناء علیه ؛ سنی آنلره رسول اولارق کوندریورم » دیدی .

تفسیر مدار کده بیان اولوندینی وجهله واجب تعالی حضرت موسایه عارض اولان قورقویی ازاله ایچون الی کوکسنه و یاخود بوکرینه قویمسنی امر ایتدیکندن ابن عباس حضرتلری « قورقو عارض اولان کیمسه الی کوکسنه قورسه قورقوسی زائل اولور » بیورمشدر .

خلاصه ؛ موسی علیه السلامک طور طاغنده ظهور ایدن تجلیات الهیه مشرف وعصا ایله ید بیضا نبوتک صدقته دلالت ایدر ایکی معجزه اولدینی و او هیبتدن عارض اولان قورقویی ازاله ایچون آلرینی بوکرلینه قویمسنه دایر امر الهینک ورود ایتدی و حضرت موسانک قوم فاسق اولان قوم فرعون ارشاده مأمور رسول اولدینی بو ایتلردن مستفاد اولان فوائد جمله سنددر .

\*\*\*

واجب تعالی موسی علیه السلامک رسول اولدینی بیاندنصکره ربسنه التجا ایتدیکنی بیان ایتک اوزره ﴿قَالَ رَبِّ إِنِّي قَتَلْتُ مِنْهُمْ نَفْسًا فَأَخَافُ أَنْ يَقْتُلُونِ﴾ بیوریور . [موسی علیه السلام ربسنک امرینی دیکه یوب قبول ایتد کدنصکره دیدی که « یارب ! بن آنلردن بر شخص قتل ایتدم . بناء علیه ؛ آنلرک بنی قتل ایتلردن قورقارم » .]

﴿وَأَخِي هَارُونُ هُوَ أَفْصَحُ مِنِّي لِسَانًا فَأَرْسَلْهُ مَعِيَ رِذَاءً أَلْيَصَدَّقَنِي﴾ [ « حالبو که بنم برادرم هرون لسان جهندن بندن دها زیاده فصیحدر . بناء علیه ؛ یارب ! بنله برابر برادرمی رسول کوندر که بکا آرقه اولارق بنی تصدیق ایدر » .]

﴿إِنِّي أَخَافُ أَنْ يُكَذِّبُونِ﴾

[ « زیرا ؛ بن آنلرک بنی تکذیب ایتلردن قورقارم » دیمکه ربسنه تضرع ایتدی . ] یعنی ؛ الله تعالی موسی علیه السلامه « سن فرعون و جماعتنه رسول سک . کیت آنلری حقه دعوت ایت » دینجه امر رسالتک اهمیتنی نظر دقه آلاق اعتذار ایتک و یاردم ایسته مک اوزره دیدی که « یارب ! بن آنلردن خطاء بر کیمسه اولدوردم و اساساً قلمه



قرار و یردیلر، سن بنی قورتاردک. بناء علیه؛ اسکی قرارلرینی اجرا ایدوب آنلرک بنی قتل ایتملرندن قورقارم و بنم برادریم هرون لساناً بندن دها آجیق و صرامنی بندن دها زیاده بیانه مقتدردر. شو حالدہ آنی دہ بکا یاردیمجی اولارق رسول کوندرک حقیقہ خالصہ و دلایلری تقریر و شبہلری ازالہ ایدرک بنی تصدیق ایتسون. زیرا؛ آنلرک بنی تکذیبیلرندن قورقارم» دیمکله کندینه معاونت ایتک اوزره برادرینک رسول اولمسی استرحام ایتدی. (ردء) بیضاوینک بیانی و جهله معنی و ناصر معنایه در یعنی «قارداشی» نملة برابر کوندرک بکا یاردیم و بنی تصدیق ایتسون. زیرا؛ دعوت ایدن ایکی کیمسه اولورسه سوزلری قبوله دها شایان اولور» دیمکدر.

\*\*

واجب تعالی شو التجاسی اوزرینه حضرت موسانک دعاسنی قبول ایتدیکنی بیان ایتک اوزره ﴿ قَالَ سَنَسُدُّ عَصْدَكَ بِأَخِيكَ وَنَجْعُلُ لَكُمَا سُلْطَانًا ﴾ بیوریور.

[موسی علیه السلامک التجاسی اوزرینه واجب تعالی دیدی که « یا موسی! سنک بازوکی بز برادرکله قوتلندیررز و سزک ایچون بز آنلر اوزرینه تسلط و غلبه خلق ایدرز»]

﴿ فَلَا يَصِلُونَ إِلَيْكُمَا ﴾

[« بناء علیه؛ آنلرک ضرری سزه واصل اولماز.»]

﴿ بِأَيَاتِنَا ﴾

[« بزم آیتلریمزله کیدک، آنلری دعوت ایدک حقه. کوسترک معجزه لریکزی، تبلیغ ایدک احکامی.»]

﴿ أَنتُمْ وَمَنْ آتَبَكُمْ كَمَا الْعَالِيُونَ ﴾

[« سز و سزه اتباع ایدنلر فرعون و قومنه غالب سکز، دیمکله دعاسنی و جهله برادرینکده رسول اولدیفنی بیان ایتدی.»]

یعنی؛ موسی علیه السلام فرعون و قومنه رسول اولدیفنی بیان ایدنجه موسی علیه السلام

برادرینک کندینه رفیق اولمسی تضرع ایتسی اوزرینه جناب حق ایسته دیکنی و یردی و دیدی که « یا موسی! سنی برادرکله تقویه و سزک ایچون قوت و شوکت خلق ایدرز. بناء علیه؛ بزیم آیتلریمز سبیلله آنلرک ضرری سزه واصل اولماز. چونکه؛ و یردیمکز معجزه لره معارضه ایدمه جککاری جهله سز و سزه تابع اولان اهل ایمان هر زمان غالب سکز. شو حالدہ سزک ایچون قورقو و تلاش یوقدر» دیمکله غالب اولاجقلرینی تبشیر ایتدی.

فخر رازینک بیانی و جهله حضرت موسی برادرینک رفاقتنی ایسته مسنده کی سبب؛ کندینک لسانده رکاکت اولمسیدر. هرونک فصاحتنی بیان ایتسی دخی سبک بو اولدیفنه دلالت ایدر. حضرت موسانک عصاسی معجزه اولدیفنی کی فرعونک شرینی دفعه ده کافی اولدیفندن واجب تعالی بو آیتده « کیدک آنلره. بزیم آیتلریمز سبیلله آنلرک ضرری سزه اولاشماز» دیمشدر. چونکه؛ هر نه زمان ایسترسه حضرت موسانک عصاسی بر اذدرها صورتته کیردیکندن دشمنلری اوزرینه کله مزلردی. زیرا؛ ایسترسه حضرت موسی عصایله ایسته دیکنی اهلاک ایدردی. بناء علیه؛ فرعون و عونیهی حضرت موسانک قورقار و اوزرینه وارمقدن چکینیرلردی.

بو آیتده یالکز حضرت موسی ایله برادرینه ضررلری واصل اولیه جغنی بیان ایتدیکندن فرعونک ساحرلری آصمسیله بو آیته اعتراض وارد اولماز. چونکه؛ بو ایکسینه ضررلری واصل اولیه جغنی بیان باشقه لرینه ده ضررک واصل اولیه جغنی بیانی لازم گلر که اعتراض وارد اولسون. غلبه ایله مراد؛ معجزه ایله غلبه در. یا خود ایدر دره غلبه اولمیفنی جرئتد بعض تابع اولانلرک مغلوب اولملریله شوال وارد اولماز. بناء علیه؛ حضرت موسایه ایمان ایدن ساحرلرک فرعون طرفندن ظلماً صلب اولونملری بو آیتده بیان اولونان غلبه یه منافی دکلدر. بو توجیهاته احتیاج؛ ساحرلرک صلب اولوندق لرینه نظر آدر. بعض روایته نظر آ فرعون ساحرلری « سزی البته آصارم» دیمکله تهدید ایتمش ایسه ده صلب ایدمه مشدر. بو روایته نظر آ شوال ترتب ایتدیکندن توجیه ده حاجت یوقدر.

\*\*

واجب تعالی حضرت موسانک طورده امر التهیسنی تلقی ایتدیکنی بیان نص کره



عائلہ سنی آلوب مصرہ کلہ رک وظیفہ رسالتی ادایہ باشلادیغنی بیان ایتک اوزرہ ﴿فَلَمَّا جَاءَهُمْ مُوسَى بِآيَاتِنَا بَيِّنَاتٍ قَالُوا مَا هَذَا إِلَّا سِحْرٌ مُّقْتَرَىٰ وَمَا سَمِعْنَا بِهَذَا فِي آبَائِنَا الْأَوَّلِينَ﴾ بیوریور۔

[وقتا کہ موسیٰ علیہ السلام بزم آجیق آیتلیمزلہ فرعونہ وقومہ کلدی وطریق حقہ دعوتہ باشلادی ایسہ آنلر «شوموسانک کتیردیکی شی اولادی، الا افترا اولونمش بر سحر اولدی و بز اول کچن بابالریمزدن موسانک دیدیکی شوشیتی ایشیتمدک» دیدیلر۔] ﴿وَقَالَ مُوسَىٰ رَبِّيْ اَعْلَمُ بِمَنْ جَاءَ بِالْهُدٰى مِنْ عِنْدِهٖ وَمَنْ تَسْكُوْنُ لَهُ عَاقِبَةُ الدَّارِ﴾ [آنلرک بوسوزینہ قارشى موسیٰ علیہ السلام «بم ربم کندی طرفندن هدایتلہ کن کیمسہ بی و کندی ایچون عاقبت دار اولان کیمسہ بی بیلیر۔ بناء علیہ؛ عاقبتکیز ہلا کدر» دیدی۔]

﴿اِنَّهُ لَا يُفْلِحُ الظَّالِمُوْنَ﴾

[«زیرا؛ ظالمرفلاح بولمازلر، سزده ظالم اولدیغکیز جہتلہ فلاح بولمازسکیز» دیمکلہ حقیقتی سوبلدی۔]

یعنی؛ موسیٰ علیہ السلام طورده مناجاتی بیتروب عائلسیلہ برابر مصرہ کلنجه بزم کندینہ خصمنی الزام ورسالتی تصدیق ایچون ویردیکمز آیتلیمز و آجیق حجتلیمزلہ امرالسیمیزی تبلیغ ایچون فرعونہ واتباعہ کلدی ایسہ آنلر کال جہالت و ضلالتہ طالمش اولدقلرندن «موسانک کتیردیکی شوشی اولمادی، الا افترا اولونمش بر سحر اولدی۔ یعنی سحردن باشقہ برشی دکلدز و بز بابالریمزدن و اول کچن اجدادمزدن بویله برشی ایشیتمدک۔ زیرا؛ معبود بر اولسون، قوللرینی اصلاح ایچون رسول کوندرسون، آنلر قوانین شرعیہ وضع ایتسون۔ بوعقلک خارجی برشی در۔ بناء علیہ؛ بز بویله برشی ایشیتمدک» دیدیلر۔ چونکہ؛ فرعون واتباعی غایت جاہل و تقلیدہ مصر اولدقلرندن اوقدر آجیق معجزہ لرہ قارشى بابالرنده بویله برشی کورمدکلرینی بیانلہ مدافعہ ایتدیلر۔

حالبوکہ حقیقتدہ مذهبلرینی بر دلیل ایلہ استدلالہ مقتدر دکلدردی۔ بناء علیہ؛ بابالرینی تقلیدلہ مدافعہ یہ مسارعت ایتدیلر۔ آنلرک شو مدافعہ لرندن ایمان ایتیمہ جکلرینی بیانجه موسیٰ علیہ السلام «بم ربم هدایت ورشدلہ کندی طرفندن کان کیمسہ بی هرکسندن زیادہ بیلیر و آنلرہ انواع کرامتلہ اکرام ایدر و عاقبت دار یعنی عاقبت حمیدہ کیمک ایچون اولدیغنی دخی بیلیر و لکن ای فرعون؛ سز فلاح بولماز وسعادت کورمزسکیز۔ زیرا؛ ظالمسکیز۔ ظالملرایسہ فلاحیاب اولامازلر» دیمکلہ فرعون واتباعنک ظالم اولدقلرینی و ظلملری فلا کتیرینہ سبب اولاجغنی بیان ایتدی۔

..

واجب تعالیٰ حضرت موسانک کلامندن صکرہ فرعونک سوبیلہ دیکی سوزلرینی بیان ایتک اوزرہ ﴿وَقَالَ فِرْعَوْنُ يَا اَيُّهَا الْمَلٰٓئِکَةُ مَا عَلِمْتُ لَکُمْ مِنْ اِلٰهٍ غَيْرِیْ﴾ بیوریور۔ [فرعون موسیٰ علیہ السلامک تبلیغی دیکلہ کد نصکرہ موافق بر جوابہ مقتدر اولمادیغندن کال خجالتنی سترلہ عونہ سنک عجزہ نسبتندن قورقدینی ایچون دیدی کہ «ای جماعت! بن سزک ایچون بن دن باشقہ بر معبود بیلیمیورم۔ بندن باشقہ آلہ اولدیغنی موسیٰ نصل دعوی ایدیور»۔]

﴿فَاَوْقَدْ لِيْ يٰ هَامَانَ عَلَى الطِّينِ﴾

[«شوحالده یا هامان؛ بنم ایچون چامور اوزرینہ آتش یاق کیرہ مید پیشیر»۔]

﴿فَاجْعَلْ لِّيْ صَرْحًا لَّعَلِّيْ اَطَّلِعُ اِلٰى اِلٰهِ مُوسٰى﴾

[«کرہ مید پیشنجه او کیرہ میددن بنم ایچون یوکسک بر کوشک یاب۔ بن کوشکک اوزرندن مأمول کہ موسانک معبودینہ مطلع اولورم»۔]

﴿وَإِنِّیْ لَا ظَنُّهُ مِنَ الْکَاذِبِیْنَ﴾

[«حالبوکہ بن موسایی یالان سوبیلہ ینلردن ظن ایدیورم»۔]



یعنی ؛ فرعون موسی علیه السلام کلامی دیکله کد نصکره حاضر اولان جماعته خطاب ایدره ای **اولو کیشیلر ! بن سزک ایچون موسانک دیدیکی کبی بدن غیری** بر معبود اولدیفنی بیلیمورم . ای **هامان ! آتش یاق بنم ایچون ، چاموردن کرپیچ** پیشیرت و او کرپیچه یوکسک بر قصر یاپ . بن اوقصرک اوزرینه چیقایم . باقایم مأمول که موسی علیه السلام معبودنی بولورم و احواله مطلع اولورم . حالبوکه بن موسایی یالانچیلردن ظن ایدیورم ، دیمکه ایشی کچیشدیرمک و عجزینی اطرافنده بولونانلره آکلاتماق ایستدی . بو آیتده بیان اولوندینی وجهله فرعون هامانه کیره مید یاپدیرمسنی امر ایتدی . فقط آندن اول کیره مید وارمیدی بوراسی معلوم دکدر . شو حالده کیره مید فرعونک ایجادی اولوق محتملدر . بناء علیه طوغله ؛ دنیاده ایجاد اولونان صنعتلرک ایجه اسکیلرنددر . زمانزده دخی بوصنعت رواجنی غیب ایتمه مش وابنه و عمارت خصوصنده پک مهم عامللردن اولدینی جهتله اعتناسی لازم اولان صنایعدندر . چونکه ؛ انسانلر ایچون اکمکدنصکره سکنا لوازم بشریه نک ایکنجی مرتبه سنی تشکیل ایتدیکندن کیره میدک اهمیت آشکاردر . حتی فرعون کیره مید پیشیرمسنی امر ایتد کد نصکره ابنیه ده استعمال ایدره چکنه اشارت ایچون بر کوشک یاپیلیمسنی علاوه ایتمشدر . تفسیر خازنده بیان اولوندینی وجهله ( هامان ) در حال اوسته و عملیه نی طویلادی . آرزمان ایچنده کیره میدی پیشیردی . فرعونک امری وجهله بر قصر و ایچنده استرله چیقلاچق یولده یاپدیردی که فرعونک استرله اینوب چیقدینی مرویدر .

فرعونک بوسوزنده تناقض وارددر . چونکه ؛ کندنن باشقه معبود اولدیفنی بیلمدیکی و او یله بر معبود اولمادیفنی سویلدیکی حالده حضرت موسانک معبودنی آرامق ایچون بر طاقم ابنیه کلفتیه مشغول اولدی و هامانه عرض احتیاج ایتدی . کندی زعمنجه اله اولونجه ایجاد ایدیورملی ایدی . فرعونک اعتقادنجه اله موجود اولسه سواده بر جسم اولاجقندن سما جهتندن آرامغه قرار ویردی .

بیضاوینک و ابوالسعود افندینک بیانلری وجهله فرعونک امر ایتدیکی بنا رصدخانه اولوب بوندن مقصدی ییلدیزلرک احوالی ترصد و تفتیش ایتک و بر اله اولوب رسول کوندرمکه دلالت ایدردلیل آرامق و دولتک انقراضنه دلالت ایدر علامت اولوب اولمادیفنی

تحقیق ایتک اولدیفنی مرویدر . یاخود موسی علیه السلام « بنم ربم سموات وارضک ربسیدر » دینجه سمانک ربی سواده اولور ظنیله سما جهتنده آرامغه قالمشدر و بیلیمه مشدر که رب تعالی مکندن مزهدر .

﴿وَاسْتَكْبَرَهُوَ وَجُنُودُهُ فِي الْأَرْضِ بِغَيْرِ الْحَقِّ وَظَنُوا أَنَّهُمُ الْبَالُغُونَ﴾  
[ فرعون و عسکری بر یوزنده بغیر حق استکبار ایتدیلر و کندیلرینی بویوک حایدیلر و ظن ایتدیلر که آنلر اولد کد نصکره بزم حضور مغنویمه ارجاع اولونمازلر . ]  
یعنی ؛ فرعون غایت جاهل و احق اولدیفندن بالاصاله کندیسی واکا تبعیتله عسکری کندیلرینی بر یوزنده حقسز اولارق بویوک عد ایتدیلر و آنلر ظن ایتدیلر که بزم حضور مغنویمه حشر اولونوب کلزلر . چونکه ؛ عسکرک طور و حرکتی ملکک طور و حرکتی اوزره اولوق عادتدر . حالبوکه آنلر حشر اولونوب کله جک و کبرلرینک جزاسنی کوره جکلردر .

\* \*

واجب تعالی آنلرک استکبارلرینی بیاندنصکره کبرلرینک نتیجه سنی بیان ایتک اوزره  
﴿فَاَخَذْنَاهُ وَجُنُودَهُ فَنَبَذْنَاهُمْ فِي الْيَمِّ فَاَنْظُرْ كَيْفَ كَانَ عَاقِبَةُ الظَّالِمِينَ﴾  
بیوریور .

[ بز عظیم الشان فرعونی و عسکرینی طوتدق دکزه آندق . حییم ! سن نظر ایت کورکه ظالملرک عاقبتی نه اولدی . ]

یعنی ؛ فرعون و عسکری استکبار ایدوب ایماندن امتناع ایدنجه بز قهر و غضبمزله آنلری عذابله مؤاخذه و دکزه آتمقله هلاک ایتدک . یا اکرمرسل ! سن نظر ایت کورکه ظالملرک عاقبتلری نه اولدی . ( فنبذناهم ) نبذ ؛ انه اوفاجوه جاقبللری آلوب آنمقره . شو حالده فرعون و عسکری هر نه قدر کندیلرینی بویوک عد ایتمشلر سده جناب حق آنلری انسانک ألتک اوجیله آتمش اولدیفنی چاقبللره تشبیهله تحقیر ایچون ( فنبذناهم )



یعنی « بز آنری اوفاجق چاقیلر کبی دکزه آندق » بویورمشدر که « عادتاً اهمیتدن عاری برشی کبی دکزه آتیلویردیلر ، حتی آزر زمان ایچنده اثرلری بیله قالمادی » دیمکدر . چونکه ؛ کبرک عاقبتی فلاکت و ذلت و مسکنتدر .

﴿ وَجَعَلْنَاهُمْ أُمَّةً يَدْعُونَ إِلَى النَّارِ وَيَوْمَ الْقِيَمَةِ لَا يُنصَرُونَ ﴾

[ بز فرعون و عسکرینی عاصیلره اماملر قیلدق که آنلر ناسی و بالخاصه عصیان ارتکاب ایتک ایسته یلری جهنم آتشی ایجاب ایدن کناهلره دعوت ایدرلر و یوم قیامتده آنلر هیچ برکیمسه طرفندن یاردیم اولونمازلر . ]

یعنی ؛ فرعون و وکلاسی و قوتی محافظه ایدن عسکرینی بز عاصیلره مقتدابه قیلدق . زیرا ؛ آنلر کندیلرینه اتباع ایدن عاصیلری جهنم آتشنه دعوت ایدرلر . یعنی بر طاقم کناهلره دعوت ایدرلر که او کناهلر جهنم آتشنه سیدر . و یوم قیامتده کبرک تابع و کبرک متبوعلردن هیچ بریسی برکیمسه طرفندن یاردیم اولونمازلر . چونکه ؛ آنلره شفاعت ایده جک برکیمسه بولونماز .

﴿ وَاتَّبَعْنَاهُمْ فِي هَذِهِ الدُّنْيَا لَعْنَةً وَيَوْمَ الْقِيَمَةِ هُمْ مِنَ الْمَقْبُوحِينَ ﴾

[ شو دنیاده بز آنلره لعنتی تابع قیلدق و یوم قیامتده آنلر اهلاک اولونانلردندر . ]

یعنی ؛ عاصیلره مقتدابه اولانلر یوم قیامتده فصل یاردیم اولونورلر . البته یاردیم کورمزلر . زیرا ؛ بودنیاده آنلرک آرقه لرینه بز لعنت تابع قیلدق . شو حالده آنلر یوم قیامتده البته یوزلری چیرکین اولارق حضور مزدن واکرامزدن طرد اولونانلردندر . چونکه ؛ دنیاده آنلره ملککر و مؤمنلر الی یوم القیام لعنت ایتدکلرندن دنیاده السنه ناسده ملعون اولدقلری کبی آخرتده درکاه الوهیتدن طرد اولونورلر . فرعون و اتباعی عتف و شدتله طرد اولوندقلری جهنله البته یاردیم کورمزلر . بالعکس اهانت و حقارت کورورلر که دنیاده کی تکبرلرینک جزاسی حقارتدر .

طبریده بیان اولوندیغنه نظرآ فرعون و قومنه دنیاده تابع اولان لعنت ایله مراد ؛ غضب و مقارنه اهلک والی یوم القیام السنه ناسده زم ایله عالم عبرت اولملریدر .

مقبوح اولملری ایله مراد ؛ مقارنه اهلک اولوندقلری کبی آخرتده اهانت لازمیه معروضه اولملریدر . ابوالسعود افندیکنک بیانه نظرآ مقبوح ایله مراد ؛ یوزلری سیاه و کوزلری کورک اولور کبی چیرکین و قبیح عمل مندرله عندالله و عندالناس منفور و احسانه الیه بریده محروم و رحمتده محروم اولملریدر .

.\*

واجب تعالی فرعون و عسکرینک دکزه غرق اولوندقلرینی و لعنته مستحق رحمت الیه بدن مطرود اولدقلرینی بیان ایتدیکی کبی حضرت موسایه توراتی و یردیکنی دخی بیان ایتک اوزره ﴿ وَآتَيْنَا مُوسَى الْكِتَابَ مِنْ بَعْدِ مَا أَهْلَكْنَا الْقُرُونَ الْأُولَىٰ بَصَائِرَ لِلنَّاسِ وَهُدًى وَرَحْمَةً لَّعَالَهُمْ يَتَذَكَّرُونَ ﴾ بیوریور .

[ ذات الوهیتیه یمین ایدرم که بز قرون اولای اهلاک ایتدکدنصکره ناسک قلبلرینه انکشاف ایچون نورلر و طوغرو یوله ارشاد ایچون هدایت و رحمت اولدینی حالده بز تورات کتابی موسی علیه السلامه یردک . مأمول که ناس تذکر ایدرلر ، دوشونورلر و مواظیلله منتصح اولورلر . ]

یعنی ؛ فرعون ، عاد و هود قوملرینی برر کونا آفتله بز اهلاک ایتدکدنصکره موسی علیه السلامه توراتی و یردک که او تورات ناسک قلبلرینه ضیا و یرر بصیرتدر . زیرا ؛ او کتابله انسانلر جهالت و ضالالتدن قورتولورلر و احکامیلله عمل ایدوب منافع دینی و دنیویه لرینی او کتابدن استنباط ایتدکلرندن آنلر حقنده تورات عین نور و بصیرتدر . تورات انسانلره طوغرو یولی کوستردیکندن عین هدایت و احسان الیه سبب اولان عمللری بیان ایتدیکندن عین رحمتدر . چونکه ؛ احکامیلله عمل ایدنجه آنلری سعادت ابدیه یه ایصال ایدر . و بو کتابی بز موسی علیه السلامه یردک که ناس دوشونوسونلر و وعظیلله متعظ و کمال تفکر و تذکرله احکامندن مستفید اولسونلر .

حضرت موسایه توراتک انزالی فرعون ایله کدنصکره اولدیغنه بو آیت دلالت ایدر . خلاصه البیان : اون برنجی جلد — ۱۵



چونکه ؛ قرون اولی ده فرعون ده داخلدر . زیرا ؛ نعمت الله افنديک بسانه نظرآ  
قرون اولی ايله مراد ؛ قوم نوح و هود و صالح ايله قوم فرعوندر . بونلرک جمله سی  
هلاک اولوب اثرلری قالمادی بی بر زمانده تورات نازل اولوب ناس بینهده قواعد شرعی بی  
تأسیس وعدالتی نشر ایتیش و طوفرو یولی کوسترمشدر . بناء علیه ؛ جناب حق بو آیتده  
توراتی ناسه بصیرت و هدایت و رحمت اولمقله توصیف ایتدیکی کبی توراتی انزالدن مقصوده  
ناسک احکامی تذکر ایدوب موجیله عمل ایتلری اولدیغی بیان ایتشدر .  
فخر رازینک بیانی وجهله واجب تعالی توراتی انزالدنصکره یوم سبته رعایت ایتمینلری  
عذاب دنیا ايله اهلاک ایتیش و آنلردنصکره عذاب دنیا ايله هیچ بر قومی اهلاک ایتمه مشدر .

\* \*

واجب تعالی بو سورده حضرت موسانک حال صباوتندن تورات انزال اولونونجه به  
قدر کچیرمش اولدیغی دوره لری و قرون اولی نک هلاک کنی و توراتک کلمی خلقک  
احتیاجی تأمین ایچون اولدیغی بساندنصکره بزم پیغمبریمزک بونلری وحی ايله بیلدیکنی  
و رسول اللهک و قرآنک ، ناسک احتیاجنه بناء کوندرلدیکنی بیان ایتک اوزره  
﴿ وَمَا كُنْتَ بِجَانِبِ الْغَرْبِيِّ إِذْ قَضَيْنَا إِلَى مُوسَى الْأَمْرَ وَمَا كُنْتَ  
مِنَ الشَّاهِدِينَ ﴾ بیوریور .

[ یا اکرم الرسل ! سن ، موسی علیه السلامه بز امرمزی وحی و معاهده ایدوب  
فرعونی حقه دعوتی ایچون رسول اولدیغی بیان و حکم ایتدیکمز زمان موسانک غربنه  
کلن دردهده و شجره مبارکه میانده اولمادک و او مقامده حاضر اولاندردن ده دکلدک .  
شوحالده بونلری سنک بيلمهک آنجق بزم سکا و جیمزلدر . زیرا ؛ وحیک غیری بر  
سبيله بیلنور بر شی دکلدر . ]

یعنی ؛ حییم ! شوبیان ایتدیکمز وقوعاتی سنک بيلمهک نبوت دعواسنده صادق  
اولدیغک دلالت ایدر معجزه در . چونکه ؛ بووقوعات واقع اولورکن طورهده موسانک  
غرب جانبده اولمادیغک کبی بو وقوعاتی مشاهده ایچون او مقامده حاضر اولاندردن ده

اولمادک که بوخبرلری مشاهده ایتدیکنک وجهله خبر ویرمش اولاسک . شوحالده بونلر  
سکا نسبتله مغیباتدن خبردر . بوايسه آنجق وحی ايله اولایيله جکندن البته سنک نبوتکک  
صدقه دلالت ایدر . چونکه ؛ کچمش وقوعاتلری بيلمک وحیک غیری اولارق تاریخ  
مطالعہ سی ايله و یاخود بر استاذدن تعلمله اولورسهده سنک ایچون بونلردن هیچ بری بی  
اولمادیغندن خبر ویردیکنک شیلرک جمله سی آنجق وحی ايله در ، وحیک غیری اسباب علمدن  
برسبيله دکلدر . بناء علیه ؛ مشرکلرک نبوتک صدقده شهبه لری و اهیدر . زیرا ؛ شهبه لرنده  
استناد ایده جک دلیللری یوقدر .

\* \*

واجب تعالی رسولنک شو وقوعاتی بيلمی وحی ايله اولدیغی بساندنصکره وحیک  
سبب مستقلی خلقک احتیاجی اولدیغی بیان ایتک اوزره ﴿ وَلَكِنَّا أَنشَأْنَا قُرُونًا فَتَطَاوَلَ  
عَالِمُهُمُ الْعُمُرُ ﴾ بیوریور .

[ یا اکرم الرسل ! سن موسایه وحی زماننده حاضر دکلدک ولکن بز بونلری سکا  
وحی ایتدک . زیرا ؛ بز موسی علیه السلامدنصکره برطاقم قوملر و انسانلر ایجاد ایتدک  
و آنلر اوزرینه زمان اوزادی و مدت تمدادی ایتدی . ] بناء علیه ؛ موسی ايله سنک آره کزده  
برجوق امتلر حاصل اولدی و اول کچن انبیانک زمانی اوزایجه شریعتلریکنک احکامی  
اونوتولدی و اللهک امری یرینی بولماز اولدی . شوحالده یکی بر شریعت انزالنه احتیاج  
کورولدیکنندن سنی رسول اولارق کوندردک و قرآنی ناسک احتیاجنه بناء انزال ایتدک .

﴿ وَمَا كُنْتَ ثَاوِيًا فِي أَهْلِ مَدْيَنَ تَتْلُو عَلَيْهِمْ آيَاتِنَا وَلَكِنَّا كُنَّا مُرْسِلِينَ ﴾  
[ و حییم ! سن اهل مدین ایچنده اوزون مدت اقامت ایدوب آنلره آیتلریمزی  
تلاوت ایدر اولمادک ولکن بز رسوللر کوندرر و آنلر واسطه سبيله وقوعاتی خبر ویریرز .  
کذلک سکا بووقوعاتک جمله سی رسالتک سبيله خبر ویردک . ] بناء علیه ؛ سنک قومک  
بوجهتلری دوشونهرک سنی تصدیق ایتلری لازمدر . زیرا ؛ موسی علیه السلامه لیل  
مناجاته بینمزده وقوعبولان محبتی و عهدی و شعیب علیه السلامه موسی بینهده جریان



احوالی سنک وحیدن باشقه نه ایله بیلیمهك ممکندر . و كذلك موسادنصكره وسندن اول  
يكن امتلك احوالی خبر ویردك و آنلك زماننده دولتر تبدل ایتدی وزمان دكیشدی  
واحكام السیه تغییر اولوندی وناس ضلالت ایچنده قالدینی برزمانده ارشاد واصلاح ایچون  
بزی سنی کوندردك . بونلری غنیمت بیلوب درحال ایمان ایتلری لازم دگلی ؟ حالوکه فتنه  
وفسادك چوغالدینی وظلم وعدواندن هر کسك بزار اولدینی و آرای باطله وافکار فاسدهك  
ناس اوزرنده حاکم اولوب یکی برشریعت وبرپیغمبره احتیاج مس ایتدیکی بر زمانده بزی  
سنی کوندردك . بواحتیاجی تقدیر ایدوب حسن قبول کوسترهك ایکن بالعکس تورد ایتلری  
عیب دگلی ؟

﴿وَمَا كُنْتَ بِجَانِبِ الطُّورِ إِذْ نَادَيْنَا وَلَئِنْ رَحِمَهُ مِنْ رَبِّكَ﴾

[ حبییم ! موسی علیه السلامه ندا ایدوب توراتی ویردیکمز زمان سن طور طاغتك  
برجانبنده اولمادك ولكن ربك تعالی دن رحمت واحسان اولارق بزی سکا اوراده جریان  
ایدن احوالی بیلیردك . ]

﴿لِتُنذِرَ قَوْمًا مَّا أَتَتْهُمْ مِنْ نَذِيرٍ مِنْ قَبْلِكَ لَعَلَّهُمْ يَتَذَكَّرُونَ﴾

[ ناس تذکر وطریق صوابی قبول ایتسونلر ایچون سندن اول کندیلرینه انذار  
ایدیجی برپیغمبر کلهین قومی انذار ایتك مقصدینه مبنی حبییم بزی سنی رسول کوندردك . ]  
چونکه عیسی علیه السلامدن صکره وسندن اول رسول کلهین امتی انذار وارشاد ایتکه  
احتیاج مس ایتدیکندن انذار مقصدینه بناء سن امتلری ارشاده مأمور قیلندك .

بیضاوینك بیانی وجهله حضرت عیسی ایله بزم پیغمبریمز آره سنده رسول کلدیکسندن  
بو زمانه فترت زمانی واهالیسنده اهل فترت دیمشدر و بومدتده اکثر روایتیه نظر آبشیوز  
سکسان سنده . شو حالده کندیلرینه نذیر یعنی پیغمبر کلهین اهلالی ایله مراد ؛ زمانه  
فترت اهابسیر . یاخود قوم ایله مراد ؛ رسول اللهك قومی اولاره قوم عربدرکه آنلره  
رسول اللهدن اول واسمعیل علیه السلامدنصكره بر رسول کله مشدر . بوکا نظراً معنای نظم :  
[ سندن اول وجدك اسمعیل علیه السلامدنصكره پیغمبر کلهین قومی انذار ایتك ایچون

حبییم سنی رسول کوندردك [ دیمکدر . شو معنایه نظراً رسول اللهك قوم عربی انذار  
ایچون رسول اولمسندن باشقهلرینی انذاره مأمور اولماسی لازم گلز . زیرا ؛ بر قومه  
رسول اولدیغنی ذکر ایتك باشقهلرینه رسول اولماسنی ایجاب ایتدیکی کبی دیگر آیتلرده  
رسول اللهك عامه ناسه پیغمبر اولدینی مصرحدر . برشیئی ذکر ؛ ماعدایه منافی اولماق  
قاعدهدر .

واجب تعالی موسی علیه السلامك اوج مهانی ذکر ایتدی : برنجیسی ؛ مصروده  
(مربیه) کبرهك حضرت شعب ندومه اقامتی ، ایکنجیسی ؛ مریزده حرکت ایدوب  
کبره جناب مقده مناهانی وفرعونیه وقومنی دعوتیه مأمور اولدیغنی ، اوچنجیسی ؛ بنطوره  
جناب مقده توراتی تلقی ایدوب دینه موسایی تقریر و تأسیسیر . بونلرک هیچ برنده رسول الله  
بولونمادینی حالده وقوعاتی عینیه نقصانسر خبر ویرمسی وحی ایله بیلدیکنه ونبوت  
دعواسنده صادق اولدیغنه دلالت ایدر .

بوندن اولکی آیتده واجب تعالی رسولنه خطاباً «حبییم ! سن جانب غربی ده اولمادك»  
وبو آیتده «طور جانبنده اولمادك» بیوردی . اولکی آیت ؛ حضرت موسانك طوره  
برنجی مناجاتی ورسول اولدیغتك کندینه بیلدیرلیدیکی زمانی بیان ایدر . ایکنجی ، یعنی  
بو آیتده فرعونك هلا کندنصكره طوره ایکنجی مناجاتی و توراتی تلقی ایتدیکی زمانی  
بیان ایدر . بناء علیه ؛ تکرار یوقدر .

\*\*\*

واجب تعالی رسول کوندرمهك برنجی سببی ناسك احتیاجی اولدیغنی بیان ایتدیکی کبی  
ایکنجی سببی ناسك اعتذارینی قطع ایتك اولدیغنی بیان ضمنتده ﴿وَلَوْ لَا اَنْ تُصِيبَهُمْ  
مُصِيبَةٌ بِمَا قَدَّمَتْ اَيْدِيَهُمْ فَيَقُولُوا رَبَّنَا لَوْ لَا اَرْسَلْتَ إِلَيْنَا رَسُولًا فَنَتَّبِعَ  
آيَاتَكَ وَنَكُونَ مِنَ الْمُؤْمِنِينَ﴾ بیوریور .

[اگر آنلره کندی قازاندقلری کناهلری سیبیله عقوبت اصابت ایتدیکنده آنلره ای



بزم دین ! کاشکه بزم بر رسول کوند رسد اید که او رسول بزم آیتلری تبلیغ ایتسه ده بزم آیتلریله اتباع ایتسه که وسکا ایمان ایدن مؤمنلر زمهره سندن اولسه اید که « دیمه مش اولسه لر دی بزم سنی رسول اولارق آنلره کوند رمزد که ولکن رسول کوند رمدی کمز تقدیرده بو سوزی سویله یوب اعتذار اید جکلرندن شو اعتذار قابوسنی قاپاتق ایچون بزم سنی آنلره رسول کوندرد که سویله جک بر سوزلری قالمسون . بناء علیه ؛ آنلرک « بزم بر رسول کله ایدی ایمان ایدرد که و آیتلره تابع اولور و موجیله عمل ایدر بو عذابلری کورمزد که « دیه رک اعتذاره و اعتراضه محل قالمشدر . چونکه ؛ رسول کوندرنجه بو سوزلرک قابوسی قاپاتمشدر .

\*\*

واجب تعالی مشرک لک رسول کله مش اولسه اعتذار اید جکلرینی بیاند نصکره رسول کلدیکنده ایمان ایتدکلرینی بیان ایتک اوزره ﴿ فَلَمَّا جَاءَهُمُ الْحَقُّ مِنْ عِنْدِنَا قَالُوا لَوْلَا أَوْتِيَ مِثْلَ مَا أُوتِيَ مُوسَى ﴾ بیوریور .

[ وقتا که بزم غنمزدن او مشرک لره حق کلدی ایه آنلر کاشکه « موسی علیه السلامه ویریلن معجزه لک مثلی بو نبی یده ویریش اولایدی ده بزم ایمان اید اید که « دیدیلر . ]  
﴿ أَوَلَمْ يَكْفُرُوا بِمَا أُوتِيَ مُوسَى مِنْ قَبْلُ ﴾  
[ مشرک لر بویه دیرلده بونلردن اول کندیلری کبی کافر اولانلر موسی علیه السلامه ویریلن معجزه لره کفر ایتدیلر می ؟ ]

﴿ قَالُوا سِحْرَانِ تَظَاهَرَا ﴾

[ آنلر موسی ایله برادری هرون « بونلر ایکی ساحر لردر ، بربرلینه معاونتله غلبه ایدیورلر « دیدیلر . ] و بویه دیکلده قالمادیلر .

﴿ قَالُوا إِنَّا بِكُلِّ كَافِرُونَ ﴾

[ « و بزم بونلرک رسالتلرینه و شریعتلرینه و کتابلرینه کفر ایدرز « دیدیلر . ]

یعنی ؛ آخرتده عذابی کورونجه « نه اولای ایدی بزمده رسول کلمش اولای ایدی ده بزم ایمان اید اید که « دیه نلره وقتا که حق اولان رسولز کلنجه دیدیلر که « کاشکه موسایه ویریلن معجزه لک مثلی بوکاده ویریله ایدی هیچ شبهه من قالمز ایمان ایدرد که ولکن معجزه سی حضرت موسانک معجزه سی کبی اولمادیغندن ایمان ایتد که « دیمکه معجزات نبویه نک کندیلرینه قناعت ویرمدیکندن بحث ایتدیلر . چونکه سوزلرنده نباتلری یوقدر . آنلر بویه دیرلده بونلردن اول موسی علیه السلامک قومی موسایه ویریلن معجزه لره کفر ایتدیلر می ؟ کافر لک هپسی غناد و تمردده مساوی دکلر می ؟ و آنلر موسی ایله برادری هرون علیهما السلام حقلرنده « بونلر ایکی ساحر لردر . بربرینه معاونت و مظاهرتله سحر ایجاد ایدیورلر و بزم بونلرک هر کتیر دکلرینه کافر ز . زیرا ؛ بزم بویکی شیری بابالریمزدن دویمادق . بناء علیه ؛ اینانامیز « دیمدیلر می ؟

بیضاوینک بیانی وجهله حضرت موسایه ویریلن شی ایله مراد ؛ نورانک دفعه نازل اولسی و عصا و بیضاور . طرف الهمیدن کلن حق ایله مراد ؛ بزم رسولز قرآنه رسائر معجزات نبویه در . ( اولم یکفروا ) جمله سنده کی کفر ایدنلره مرادده فخر رازینک بیانی وجهله بر قاج احتمال واردر :

برنجی احتمال ؛ حضرت موسانک معجزه سنه کفر ایدر بهرودیلر . چونکه ؛ یهودیلر مکه اهالیسنه حضرت موسانک معجزه سی کبی معجزه ایسته ملرینی امر ایتمشلردی . جناب حق « آنلر بویه امر ایدرلده حضرت موسانک معجزه سنه آنلر کفر ایتدیلر می ؟ « دیمکه یهودیلری توبیسخ ایتمش و حضرت موسانک معجزه لرینه کفر ایتدکلرینی بیانله رسوای قلمشدر . بوکا نظراً معنای نظم : [ ای قریش قبیلہ سی ! یهودیلر سزه حضرت موسانک معجزه سی کبی معجزه ایسته مکزی امر ایدرلده کندیلری موسی علیه السلامک و برادرینک معجزه لرینه کفر ایتدیلر می ؟ بونلر ایکی ساحر در بربرینه معاونت ایدیورلر دیمدیلر می ؟ شو حالده نصل اولوبور که حضرت موسانک معجزه سنک مثلی ایسته مکزی سزه امر ایدیورلر ] دیمکدر .



ایک نچی احتمال ؛ قریب قیبر سیدر . کرچه زمان سعادته بولونلر موسی علیه سلام زمانده یوقلر ایسه ده اوزمانده موجود اولان اجدادلری ایمان ایتدیکندن آنلرک عدم ایمانلری بولرله اسناد اولومشدر . بوکا نظراً معنای نظم : [ آنلر موسی علیه السلام معجزه سی کی معجزه ایستلرده موسایه ویریلن معجزه لره کفر ایتدیلمی ؟ مادام که موسانک معجزه سی کی معجزه ایستلردی . او حالده حضرت موسانک معجزه سینه کفر ایتمه لری لازم ایدی ، نه ایچون کفر ایتدیلمی ؟ ] دیمکدر .

اوچنجی احتمال ؛ قریب قیبر سنک کنه یلریم . چونکه ؛ آنلر یهودیلردن رسول الله کی اولوب اولمادیغی و توراتده نه کی اوصافی اولدیغی صور دیلر . یهودیلرده توراتده اولان اوصافی خبر ویردیلمی و آلدقلری اوصافک رسول الله اوصافنه موافق اولدیغی کورونجه « حضرت موساده حاشا ساحر ایدی ، محمد ﷺ ساحر اولدیغی کی بولر ایکی ساحر لردن بولرک کلیسنه کافر » دیمکه حضرت موسایه ده کفر ایتدیلمی . صکره رسول اللهدن موسی علیه السلام معجزه سنک مثلی ایسته نجه جناب حق « موسانک معجزه سی ایستلرده بوندن اول آکا کفر ایتدیلمی ؟ » دیمکه حضرت موسایه دخی کفر ایتدیلمی اعلانه توبیخ ایتمشدر . فقط بو احتمالات ایچنده بو آیتده حضرت موسایه کفر ایدنلر له مرادک قریب اوطی احتمالی اعلبدر . چونکه ؛ آنلر نبوتی معتقد اولمادقلردن هیچ بر نبینک نبوتی طایمادقلری حالده حضرت موسانک معجزه سی کی معجزه ایسته نجه « مادام که موسانک معجزه سی ایسته یورلر آکا کفر ایتدیلمی ؟ » دیمکه توبیخ ایتمشدر . چونکه اولجه قبول ایتدیلمی بر شینک مثلی ایسته یوب قبول ایده جکلرینی بیان ایتک ؛ ایشی تصعب ایتمکدن و یورغونلق ویرمکدن عبارت ساخته کارلق اولدیغی جهته مکه اهالیسنک حاللری تکدیره شایان اولدیغدن جناب حق تکدیر ایتمشدر .

..

واجب تعالی رسولدن مشرک لک حضرت موسانک معجزه سنک مثلی ایسته دکلرینی

بیاندن صکره رسولنه آنلری الزام طریقنی توصیه ایتک اوزره ﴿ قُلْ فَأْتُوا بِكِتَابٍ مِنْ عِنْدِ اللَّهِ هُوَ أَهْدَى مِنْهُمَا أَتَّبِعُهُ إِنْ كُنْتُمْ صَادِقِينَ ﴾ بیوریور .

[ یا اکرم الرسل ! قرآنه و توراته سحر در دیین کافر لری الزام ایچون سن دی که اکر سوز کزده صادق ایسه کز طرف الیه دن تورات و قرآن دن دها زیاده طوغرو بولی کوستر و نافع بر کتاب کتیرک بنده اتباع ایدیم . ]

یعنی ؛ ای کافر لر ! توراته و قرآنه سحر دیوب ایمان ایتیمور سکز . حال کز بویله اولونجه جانب الیه دن بر کتاب کتیرک که او کتاب قرآن دن و تورات دن دها زیاده انسانلرک منافع دینه و دنیویه لری تعریف ایدر طوغرو بولی کوستر اولسون . بنده او کتابه اتباع ایدیم . اکر سوز کز طوغرو ایسه بویله بر کتاب کتیرک کوردم « دی که آنلری الزام ایدیم سک . چونکه ؛ آنلرک بویله بر کتاب کتیره بیلملری محالدر . بناء علیه ؛ رسول الله اتباعی ده محالدر . کذلک آنلرک بو ایکی کتابه طعنه صادق اولملری دخی محالدر . زیرا بو آیتده امر ؛ امر تعجیزیدر که آنلره « بویله بر کتاب کتیرک » دیمک آنلری تعجیز ایچوندن و رسول الله نبوتک صدقه قطعی دلالت ایدن دلیل لر دندر . چونکه ؛ قرآنه طعن و معارضه ایدن بر کیسه سیه « قرآنی بکه تمزسه ک آندن دها ایی و نافع بر کتاب کتیره بز آکا اتباع ایدیم » دیوب آنکده او یله بر کتاب کتیره سیه آنک عجزینه و کتاب صاحبک صادق اولدیغنه البته دلالت ایدر . زیرا معارضلری حاجز براقان شی ؛ البته قوتلی و طوغرو اولور .

..

واجب تعالی مشرک لری اسکا ایچون قرآن دن و تورات دن دها نافع بر کتاب کتیرمسی امر دن صکره آنلرک بو امره جواب ویرمکلری جهته حاللرینک اک کوتو بر حال اولدیغنی

بیان ایتک اوزره ﴿ فَإِنْ لَمْ يَسْتَجِيبُوا لَكَ فَاعْلَمْ أَنَّمَا يَتَّبِعُونَ أَهْوَاءَهُمْ ﴾ بیوریور .

[ یا اکرم الرسل ! سن آنلره « قرآن دن دها ایی بر کتاب کتیرک » دیوب ده آنلرده



سکا جواب ویرہ مزلر وایستہ دیکک کتابی کتیرہ مزلرسہ سن بیل کہ آنلر آنجق کندی  
هوارینه اتباع ایدرلر و قطعی بر دلیله اتباع ایتمزلر . [

﴿ وَمَنْ أَضَلُّ مِمَّنْ اتَّبَعَ هَوَاهُ بِغَيْرِ هُدًى مِنَ اللَّهِ ﴾

[ اللهمدن هدایت و توفیق اولمقسزین کندی هواسنه اتباع ایدن کیمسه دن دها زیادہ  
ضالاتی ارتکاب ایدن کیم اولابیلیر . البتہ کیمسہ اولاماز . چونکہ ؛ هواسنه اتباع ایدوب  
نفسنک امریلہ یوروین کیمسہ دن دها زیادہ ضالاندہ اولان بر کیمسہ اولماز . ]

﴿ إِنَّ اللَّهَ لَا يَهْدِي الْقَوْمَ الظَّالِمِينَ ﴾

[ زیرا ؛ الله تعالى هواسنه وفسنه اتباع ایله ظلم ایدن قوم ظالمی هدایتدہ قیلماز . ]  
بناء علیہ ؛ او کیمسہ دائما ضالالت ایچندہ قالیر . [

یعنی ؛ حبیب ! سن آنلرہ « قرآنہ و توراتہ طعن ایدیورسکمز . اگر سوزکز  
طوغرو ایسہ بونلردن دها نافع بر کتاب کتیرکده بن آکا اتباع ایدیم ، دینجہ آنلر  
اویلہ بر کتاب کتیرمکدن عاجز اولور و سکا جواب ویرہ مزلرسہ سن بیل کہ آنلر آنجق  
هوا و هوسلرینہ و آرزوی امللرینہ تابع اولمشلردر . چونکہ ؛ اگر آنلر بر دلیله استناد  
ایده رک اعتراض ایتمش اولسه لردی البتہ اودلیلک مقتضاسی کتیرلردی . شو حالده سزک  
طرفکزدن تکلیف اولونان کتابی کتیرہ مه نیجه صرف کندی هوارینه اتباع ایستدکری ظاهر  
اولور . اللهمدن هدایت و توفیق اولمقسزین کندی هواسنه اتباع ایدن کیمسہ دن دها زیادہ ضالاتی  
ارتکاب ایدن کیم اولور ؛ البتہ هواسنه اتباع ایدن کیمسہ نک ضالاتی هر کسدن زیادہ اولور .  
زیرا ؛ هواسنه اتباعله نفسنه ظلم ایدن قومی الله تعالى هدایتدہ قیلماز . چونکہ ؛ آنلر  
غفلت دریاسنه طالدفقرنذن طوغرو یوله کیتمک خاطرلرینہ کمز و اراده لرینی صرف ایتمزلر کہ  
الله تعالى آنلری هدایتدہ قیلسون . چونکہ ؛ طوغرو یول آرایان البتہ طوغرو یول  
بولاماز . بناء علیہ ؛ آنلر اراده لرینی ضالته صرف ایستدکلرندن جناب حق آنلرک کسب  
ایستدکری ضالالی خلق ایدر .

خلاصہ ؛ رسول الله دعوتنه اجابت ایتمین و قرآنہ طعن ایدوب آندن دها ایسنی  
کتیرہ مه بن کیمسہ نک کندی هواسنه اتباع ایتمش اولاجنی و هواسنه اتباع ایدن کیمسہ دن

دها زیادہ ضالاندہ بر کیمسہ نک اولمادی بنی والله تعالى نک هواسنه اتباع ایدن ظالملری هدایتدہ  
قیلمیه جنی بوآیتدن مستفاد اولان فوائد جملہ سندندر .

..

واجب تعالى قرآنہ طعن ایدنلری تفکرہ دعوت ایتمک اوزرہ ﴿ وَلَقَدْ وَصَّلْنَا  
لَهُمُ الْقَوْلَ لَعَلَّهُمْ يَتَذَكَّرُونَ ﴾ بیوریور .

[ ذات الوهیتمه عین ایدرم کہ قرآنہ اعتراض ایدنلرک تذکر ایدوب دوشونملری  
ایچون بز قرآنک آیتلرنده سوزی بربرینہ اولاشدیردق . ]

یعنی ؛ مشرکلرک وبالخاصه هوا و هوسلرینہ اتباع ایدنلرک اصلا اعتذاره مجاللری یوقدر .  
زیرا ؛ بز محقق قرآنک آیتلرینک بعضیلرینی بعضیلرینہ ربط ایستدک وانسانلرہ نافع اولان  
احکامی برر برر تفصیل ایلدک . مثلاً طوغرو یول طوتان مؤمنلرک حاللرینی و نائل  
اولاجقلری درجه لرینی بیان ایستدیکمز کی آنک آرقه سنده هواسنه اتباع ایدن کافرلرک  
حاللرینی و کرفتار اولاجقلری درکه لری و آخرتک احوالی بیان ایستدک . دنیاده اولان  
بر کیمسہ یه رأی العین آخرتی کورمش کی احوال آخرتی و هر طریق اربابنک مقاملرینی  
بیلدیردک و کذلک امر عقینده نهی و موعظه یی و نهی عقینده عبرت بخش اولاجق ضرور  
امالی و هر برر لرینی برر قصه و اوجرمی ارتکاب ایدنلرک حاللرینی و عاقبتلرینک نهیہ منجر  
اولدیفنی و کناهلردن هر برینک نه کی فلا کتله سبب اولدیفنی و دها اولاجفی و اهل  
ضلالک ضالئلری اوزرینہ عذابلرینی برر برر صایق و سبیلرینی میدانہ قویدق که هر کس  
حالی تطبیق ایله ایشنه یارایانی آلسون و هیچ بر اعتراضه مجالی قالمسون . شو حالده هر کسک  
قرآنک آیتلرینی ایی دوشونملری لازمدر .

..

واجب تعالى رسولنک رسالتی تأیید ایدن دلیللردن بعضیلرینی بیاندرنصرکه بعض آخری  
بیان ایتمک اوزرہ ﴿ الَّذِينَ آمَنُوا هُمْ أَكْثَرُ النَّاسِ مِنْ قَبْلِهِ هُمْ بِهِ يُؤْمِنُونَ ﴾ بیوریور .



[ شول کیمسه لکه قرآندن اول بز آنله کتاب ویردک، آنلر قرآنه ایمان ایدرلر. ]  
**﴿وَإِذَا يُتْلَىٰ عَلَيْهِمْ قَالُوا مَثَابَهُ إِيَّاهُ الْحَقُّ مِنْ رَبِّنَا إِنَّ كُنَّا مِنْ قَبْلِهِ مُسْلِمِينَ﴾**  
 [ وآنلر اوزرینه قرآن تلاوت اولوندیغنده آنلر «بز قرآنه ایمان ایتدک . زیرا ؛ قرآن بزم ربم طرفندن حقدر . چونکه ؛ بزقرآندن اول کتابلریمزدده بیسان اولوندینی وجهله قرآنک جمیع احکامنه انقیاد ایدر اولدق ، دیمکه ایمانلری اظهاری ایدرلر . ]

**﴿أُولَٰئِكَ يُؤْتَوْنَ أَجْرَهُمْ مَرَّتَيْنِ بِمَا صَبَرُوا﴾**

[ ایشته شو اوصافی حائز اولان کیمسه لکه تکالیف الهیهیه صبرلری سببیه اجرلری ایکی کره ویریلر . ]

**﴿وَيَذَرُونَ بِالْحَسَنَةِ السَّيِّئَةَ وَمِمَّا رَزَقْنَاهُمْ يُنفِقُونَ﴾**

[ وآنلر حسنه ایله سیئهیی دفع ایدرلر و بزم کندیلرینی مرزوق ایتدیکمز رزقندن محتاج اولانله اتفاق ایدرلر . ]

یعنی ؛ قرآنک طرف الهیدن نازل اولمش بر کتاب و محمد علیه السلامک دعوی نبوته صادق اولدیغنه دلالت ایدن دلائل جمله سندن در : اهل کتابک قرآنی تصدیق ایتلری . چونکه ؛ آنلر شول کیمسه لردرکه بز آنله قرآندن اول تورات وانجیل کبی کتابلری ویردک و اوکتابلرک موحییه عمل ایتدیلر . آنلر قرآن نازل اولدیغنده آنجق قرآنه ایمان ایدرلر و دیرلرکه «بز قرآنه ایمان ایتدک . زیرا قرآن ؛ بزم ربم طرفندن نازل اولمش حقدر . بز ، بوکا ایمانده تردد ایتدیز . چونکه ؛ قرآنک نزولندن اول بزم کتابمزدده قرآنک حق اولدینی و آخر زمان نبیسنک طرف الهیدن کوندولمش بر رسول اولدینی بیان اولوندینی جهتله بز قرآنه دها اول انقیاد ایتدک » دیمکه طرف رسالتدن آنلر اوزرینه قرآن تلاوت اولوندیغنده هیچ تردد ایتدکسزین ایمانلری اظهاری ایدرلر . زیرا ؛ آنلر کندی کتابلرنده اولان احکامک جمله سنی تصدیق ایدوب اعتقادات دینه سنه اهتم ایتدکلرندن و کتابلرنده اولان احکامک بعضیسی ده قرآنک حق اولدیغنه دائر اولدینی جهتله کندی کتابلرینه ایمانله قرآنده ایمان ایتدکلردی . قرآن نازل اولوب

طرف رسالتدن آنلر اوزرینه تلاوت اولوندیغنده درحال تصدیق ایدرلر و انقیادلری بیانده نکول ایتلرلر . ایشته شو اوصافی حائز اولان اهل کتابه صبرلری سببیه ایکی کره اجر ویریلر . برنجیسی ؛ قرآنده اول کتابلرینه ایمانله قرآنه ایمانله ایتدکلریمزدده . ایکنجیسی ؛ قرآنک نزولندن نصکره قرآنه ایمانی نمیدر ایتدکلریمزدده . آنلر یالکمز ایمانله اکتفا ایتلرلر . زیرا ؛ ثوابلری ایله کناهلرینی دفع ایدر و بزم کندیلرینه ویردیکمز رزقندن محتاج اولانله اتفاقده ایدرلر . چونکه ؛ آنلر قبل الهیدن کان تکالیفک مشقته صبر ایتدکلری کبی انواع عذابی و رسوالنی ایجاب ایدن کناهلری ثواب جهتنی التزام ایله ترک ایدرلر . یعنی امرک موحی ایشله مکله منهای ترک ایدرلر . زیرا حسنه و امرک مقتضای ؛ انواع خیراتی جالبدر . بناء علیه ؛ بونلردن مقتضای بشریت بر قصور صادر اولورسه درحال او قصوری توبه و استغفارله ازاله ایتدکله برابر بر حسنه ایشلرلرکه او حسنه کناهلرینه کفارت اولور و حسنه ایله مشغول اولور و سیئاتدن واز کچرلر . جناب حق بوآیتده ایمان ایدن وایکی کره اجره نائل اولان اهل کتابی اهدوق صبره دده اوج شیده ثنا یوردی . برنجیسی ؛ ایمانله ، ایکنجیسی ؛ حسنه ایله سیدنی دفع ایتدک ، اوچنجیسی ؛ مرزوق اولدیغنی رزقده غیرانه اتفاق ایتدکلر .

جناب حقت بو اوج صفتله اهل کتابی ثنا بیورمسی انسانلری بوصفتلری اکتسابه تشویق ایتدکدر . بونله ایکی کره اجر ویرلسنک سبی ؛ بر کره بعثتدن اول رسول الله ایمان و برکرده بعثتدن نصکره ایمان ایتدکلرندندر . بناء علیه ؛ ایکی شریعتله عمل ایتدکلرندن ایکی اجره نائل اولمشلردر . خازنده بیان اولوندینی وجهله رسول اللهک « انسانلردن اوج صنف کیمسه ایکی اجر آلیرلر . برنجیسی ؛ اهل کتابدن بر کیمسه بر کره کندی کتابنه ونیسنه و بر کرده قرآنه و آخر زمان پیغمبرینه ایمان ایدرسه ایکی اجر آلیر . ایکنجیسی ؛ بر کوله که هم افندیسنک حقنی همده جناب حقت تکالیفنی ادا ایدرسه ایکی اجر آلیر . اوچنجیسی ؛ بر کیمسه نک جاریه سی اولور ، آنی کوزل تربیه ایله آزاد ایدر و نکاح ایدرسه ایکی اجر آلیر » بیوردینی حدیث شریفی بومعنائی تأیید ایدر .

فخر رازی ، خازن و بیضاوینک بیانلری وجهله آیتک سبب نزولی ؛ اهل کتابدن



ایمان ایدنلر حقلرنده نازل اولمشدر . چونکه ؛ حضرت جعفرله برابر اوتوز ایکیسی حبشدن وسکز کیشیده شامدن کلدی . بوقرق کیشی رسول الله ایمان ایتدیلر . اهل اسلامک حاله باقدیلر و « یا رسول الله ! بزم مملکتمزده مالز وار کتیرهلم اهل اسلامک احتیاجنه صرف ایدلمی؟ » دیمکه استیدان ایتدیلر . رسول الله اذن ویردی وسوزلرینی یرینه کتیرنجه جناب حق آنلری مدح ایچون بو آتی انزال بیوردینی مرویدر . فقط بومثللو مقامده اعتبار لفظنک عمومته اولدیغندن شوصقتلر هر کیمده بولونورسه او کیمسه بو آیتک حکمنده داخلدر .

\*\*

واجب تعالی رسولنه ایمان ایدن اهل کتابک اوصاف حمیده لرندن بعضیلرینی بیاندنصکره بعض آخری بیان ایتک اوزره ﴿وَإِذَا سَمِعُوا اللَّغْوَ أَعْرَضُوا عَنْهُ﴾ بیوریور .

[ آنلر فائده سز سوز ایشیتدکلرنده آندن اعراض ایدرلر . ]

﴿وَقَالُوا لَنَا أَعْمَالُنَا وَلَكُمْ أَعْمَالُكُمْ﴾

[ و آنلر دیرکه « بزم عمللریمز وار سزکده عمللریکمز وار » . ]

﴿سَلَامٌ عَلَيْكُمْ﴾

[ « بزم طرفزدن سلامت سزک اوزریکمز اولسون » . ]

﴿لَا تَبْتَغِ الْجَاهِلِينَ﴾

[ « زیرا ؛ بزم سزک کبی جاهللرله محبت ایتک ایسته میز » دیمکه جهلا ایله منازعه ایتیه جکلرینی بیان ایدرلر . ]

یعنی ؛ اهل کتابدن ایمان ایدنلرک اخلاق حمیده لرندن بریسیده آنلر دینی و دنیوی مصلحتدن خالی لزوم سز بر سوزی ایشیتدکلرنده او سوزدن اعراض ایدرلر و آتی دیکله مک و بیهوده وقت کچیرمکدن نفسلرینی محافظه ایدر و رضاء الهی به مخالف سوزلری ایشیتمکدن حذر ایدرلر . چونکه ؛ آنلری منع ایتکه مقتدر اولامانجه نفسلرنده اولان

طهارت ایجابی بومثللو لغویاتی ارتکاب ایدنلره دیرلرکه « بزم کندیمزه مخصوص عملمز وار سعیمزله حاصل اولمشدر . بناء علیه ؛ آنک اوزرینه ترتب ایدن جزا بزه طأددر ، سزه تجاوزی یوقدر . شو حالده بزم عملمز مداخله به حقکز اولاماز . کذلک سزکده عملکز وار کندی سعیمزله حاصل اولمش ، جزاسی سزه طأددر . بناء علیه ؛ بزم طرفزدن سزه سلامتله دعا وار منازعه و مجادله یوقدر . شو حالده بینمزده برمدت موقه مشارکه وار . سزک توبه به موفق اولمکزه دعا ایدرز . زیرا ؛ بزم سزک کبی جاهللرله مصاحبت ایتک ایسته میز » دیرلر .

فخر رازینک بیانی وجهله اهل کتابدن ایمان ایدنلره کندی ملتندن کوتوسویله ین وسب ایدنلره آیتده بیان اولوندینی وجهله مقابله ایتدکاری وحق یهوددن ایمان ایدن ( عبدالله بن سلام ) حضرت تدرینه دین موسایی ترک ایتدیکندن دولایی اتهام ایدوب کوتوسویله ین کیمسه لره « سلامتله وسزکده و بزمده عملمز وار هر کسک عملی کندینه عأده دیمکه مقابله ایتدیکمی مرویدر .

خلاصه ؛ کوتوسویله ینلردن قاجق و ایسلکه مقابله ایتک عندالله مرضی و جاهلانه معاملیه قارشى نازکانه مقابله ایتک ممدوح اولدینی بو آیتدن مستفاد اولان فوائد جمله سنددر .

﴿إِنَّكَ لَا تَهْدِي مَنْ أَحْبَبْتَ وَلَكِنَّ اللَّهَ يَهْدِي مَنْ يَشَاءُ وَهُوَ أَعْلَمُ بِالْمُهْتَدِينَ﴾

[ یا اکرملرسل ! سن سودیکک کیمسه ینی هدایتده قیلامازسک ولکن الله تعالی دیله دیکی قولنی هدایتده قیلار . حالبوکه الله تعالی اهتدا ایدنلرینی هر کسدن زیاده بیلیر . ]

یعنی ؛ جیم ! سن محبت ایتدیکک کیمسه نک دین حقه داخل اولوب طریق مستقیمه سالک اولملرینه هر نه قدر حریص اولسهک وسعی ایتسهک طوغرو یوله ارشاد ایدم سزک ولکن قوللرینک استعداد و قابلیتینی ییلن الله تعالی دیله دیکی قولنه ایمانی توفیقله هدایتده قیلار و هدایتده داخل اولان مهتدیلری ایی بیلیر . شو حالده سنک اوزریکه واجب اولان تبلیغدر . زیرا هدایت و یرمک و طوغرو یوله سوقله ارشاد ایتک ؛ اراده الهیه به باغیدر . فخر رازی و مدارکک بیانلرینه نظراً بو آیت ابوطالب حقنده نازل اولمشدر . چونکه ؛ ابوطالب مرض موتنده قریشک دلیقانلیرینه وصیت ایتمش و دیمشدرکه « ای کنجدر !



محمد علیه السلامه ایمان ایدک، فلاح بولک. بوسوزی اوزرینه رسول الله « ای عمی! کنجلره وصیت ایدر، نفسکی ترک ایدرسک. ایمان ایت هیچ اولمازسه بر کره لاله الا الله دی که آنسکه الله تعالی حضورنده سکا شهادت ایدیم، سنی جهنمدن قورتاریم » دیمش. ابوطالبده « ای یکنم! سنک حقانی اولدیغی بیلیم ولکن شیمدی ایمان ایدرسه قریشک تعیب ایده جکرنندن قورقارم. بناء علیه؛ ایمان ایدیم » دیمسی اوزرینه بو آیتک نازل اولدینی مرویدر. کرچه ابوطالبک ایمان ایتدیکنه دائر بعض روایت موجود اولوب بو آیت کفر اوزره وفات ایتدیکنه دلالت ایدرسه ده قطعی بر دلیل اولماجی برجهته حکم اولوناماز. زیرا؛ آیت قطعیدر. لکن ابوطالب حقنده نازل اولدینی ظنیدر. شوحالده قطعی بر حکم ویرمک طوغرو اولاماز.

هدایتک ابی معنسی واردر: برنجیسی؛ جنه دعوت ایتک و طوغرو بولی کونترمک دریللمی بیانه ایتکدر. رسول الله بو معناجه هدایتله مأمورد که هر کسه یول کوستر، جته دعوت ایدر و هر کسک طریق مستقیمه کیرمسنه سنی ایدر. ایکنجیسی؛ بالفعل مطلوبه ایصال و ایمانه اذغال و ابی عملدره نوفیق ایتکدر. بو معناجه هدایت؛ الله مخصوصدر. شوحالده بو آیتده نفی اولونان هدایت؛ بالفعل ایمانه ادخال ایتک معناسیجه هدایتدر. بناء علیه؛ بعض آیتده رسول الله اسناد اولونان هدایت معنای اولجه هدایتدر. شوحالده آیتلر بیتنده منافات یوقدر. چونکه؛ رسول الله نفی اولونان هدایتک معنسی باشقه و اثبات اولونان هدایتک معنسی باشقه اولدیغندن آیتلر آره سنده تناقض یوقدر. خلاصه؛ مطلوبه ایصال ایتک معناسیجه هدایتی خلق ایدن الله تعالی اولدینی و قوللرک اراده لرینی صرفلری اوزرینه الله تعالی نک دیله دیکی قولنی هدایتده قیلدیغی و اهتدا ایدنلرک هدایتلرینی الله تعالی نک ای بیلدیکی بو آیتدن مستفاد اولان فوائد جمله سننددر.

\*  
\*

واجب تعالی مشرکارتک بعض شبهه لرینه جواب ویرد کدنصکره بعض آخره جواب ویرمک اوزره ﴿ وَقَالُوا إِنَّا نَتَّبِعُ الْهُدَى مَعَكَ نَخْطِفُ مِنْ أَرْضِنَا ﴾ بیوریور.

[ کافرلر بزر سنسکه برابر یا محمد ﷺ هدایته اتباع ایدرسه ک ارضمزدن یعنی یوردلریمزدن چیقارتیلورز، دیدیلر. ]

﴿ أَوَلَمْ نُمْكِّنْ لَهُمْ حَرَمًا آمِنًا يُجْنِبِي إِلَيْهِ ثَمَرَاتُ كُلِّ شَيْءٍ رِزْقًا مِنْ لَدُنَّا ﴾ [ آنلر بویله ظن ایدرلرده دوشونمزلمی بزر آنلری هر دورلو قورقودن امین وهر شیتک میوه سی بزم طرفزدن رزق اولارق کندیسنه طویلانان و جلب اولونان حرم شریفده آنلری اسکان ایدوب قرارلاشدیرمادقی؟ ]

﴿ وَلَكِنَّ أَكْثَرَهُمْ لَا يَعْلَمُونَ ﴾

[ ولکن آنلرک اکثریسی بونعمتک قدرینی بیلمزلر. ]

یعنی؛ اهل مکدن بعضیلری دیدیلرکه « یا اکرم الرسل! بزر سنک حق اوزره اولوب کتیردیکنک دینک حق اولدیغنی یقیناً بیلدک ولکن بزر سنسکه برابر بو هدایته اتباع ایتسه ک بزی مملکتتمزدن چیقاریرلر. زیرا؛ بزر قوم عربدن اولدیغمز جهتله عربده مخالفت ایدرسه ک عادت جاهلیه اوزره قبائل عرب کلیر، نهب و غارت ایدرلر، دیملری اوزره جناب حق آنلری رد ایتدی و دیدی که « آنلر ایمان ایدرلرله اقوام عربدن قورقارلرده دوشونمزلمی بزر آنلری حرمدن قرارلاشدیرمادقی؟ او حرم که هر قورقودن امین و بالکلیه مکارهدن سالم و انواع خیراتی جالبدر. بویله مبارک بر محلی بزر آنلره مسکن قیلما دمی؟ و او حرم که بزم طرفزدن رزق اولارق هر شیتک میوه سی و خلاصه سی واک اغلاسی اوزاق بلده لردن جلب اولونور ولکن اکثر ناس بو لطفمزی بیلمزلر. بناء علیه؛ بونعمتک شکرینی ادا ایتمز و شیطانک وسوسه سنی درمیان ایدرلرده جناب حقک ویردیکی تأمیناتی تفکر ایتمز و نور ایمانک فوائدینی بیلدکلری حالده اونورک فوائدندن محروم اولمغه راضی اولورلر. ]

فخر رازی، قاضی، مدارک و خازنک بیانلرینه نظراً بو آیت (عبد مناف) اوغوللرندن (حارث) اسمنده بر کیمسه حقنده نازل اولمشدر. چونکه؛ حارث حضور رسالتده « یا محمد! بزر بیلیرز سن حق سویلرسک، فقط بزر هر یک دینی ترکله مخالفت ایدر و سکا اتباع ایدرسه ک عرب بزمه محاربه ایدر و بزی مملکتتمزدن چیقاریرلر، دیدی. خلاصه البیان: اون برنجی جلد — ۱۶



چونكه؛ عريده يغما كرك و نهب و غارات و بربرلرني قتل و افنا ايتك عادت اولديغندن بوعادندن قورقدقلىرىدن بحث ايتدى و جناب حق بودوشونجه نيك يا كليش اولديغنى برقاچ وجهله بيان ايله فكرلرني رد ايتدى . برنجيسي؛ هر م شريفك بونونه قورقورده امين اولسى، ايكنجيسي؛ هر طرفك رزقنره اورايه جلب اولونمى و رزقلى حمايه الهه آلتنره بولونمى، اوچنجيسي؛ كفر هالنده رفاه ايله ياشادقلى هالده هر م شريف هرمنه برده نومير هرمنى ضم ايدرلر ده ازياده راحتهلرنيك ماملول اولمير . حق او محل مبارك اك قورقونج زمانلرده بيله سائر بلادده نسبتله امين اولديغندن جناب حقك اولده خلقنى چوق زمان دشمنلرينه بسله تديكي كورولمشر .

(تخطف) تخطف؛ قايمى، قايمى معناسه در . بوراده «زهديته اتباع ايدرسهك قايلور و قاچيلورز» يعنى «عرب قومى بزي قاپارلر قاچارلر» ديمك «بزي يورديمزدن چيقاريلر» ديمكدر . (يحيى) جلب و جمع اولونمقده كه «هر يك رزقندن اورايه جلب اولونور» ديمكدر .

..

واجب تعالى شوشه لرينه ايكنجى بر جواب اولق اوزره ﴿وَكَمْ أَهْلَكْنَا مِنْ قَرْيَةٍ بَطَرَتْ مَعِيشَتَهَا﴾ بيوريور .

[معيشلرى كنديلرينه فرح و برن برچوق قريه اهاليسى بزي اهلاك ايتدك . چونكه؛ آنلك رزقلى بول، نعمتلى چوق و هرشى مبذول اولديغندن كبر و غرورله طغيان ايتدكلى جهته بزي آنلى اهلاك ايتدك .] مكه اهاليسى ده آنلر كى طغيان ايتدكلى ايتدكلى اهلاك ايدرز .

﴿قَتَلَكَ مَسَاكِينُهُمْ لَمْ تَشْكُرْ مِنْ بَعْدِهِمْ إِلَّا قَلِيلًا﴾

[ايشته شو كوريلن خرابه لر آنلك مسكنلى و مملكتلريد . بزم آنلى اهلا كمزدنصكره آنلك مسكنلنده اسكان اولونمادى، آنجق مرور و عبور دن آز بر كيمسهر اسكان اولوندى .]

﴿وَكُنَّا نَحْنُ الْوَارِثِينَ﴾

[خالو كه بزي آنلك وارثى اولدق .] زيرا؛ آنلر كيتدى بزي قالدق . چونكه؛ آنلك آرقلرنده يوردلرينه متصرف اولاجق بر كيمسه قالمادى كه وارث اولسهر . اساساً آنلر فاني بزي باقى اولديغمز جهته وارث كى بزي قالدق و ملكمى ايشته ديكمزه ويريرز . (بطرت معيشتها) بطر؛ زنىلر اولده كيمسك موه الهى محافظه ايتيوب مالهده

سور استعمال ايدرك آرفين اولمير . بويا نظراً معنای نظم : [معيشتلرينك بول اولمى طغيانلرينه سبب اولان چوق قريه اهاليسى بزي اهلاك ايتدك . شو كوريلن خرابه لر آنلك مسكنلريد . ساكن اولاجق كيمسه قالمادى، آنجق آز بر زمانده خرابه لرنده مسافرلر ساكن اولورلر] ديمكدر . والحاصل مكه اهاليسك «بزي بودينك حق اولديغنى بيلدك، ايمان ايدجكز و لكن قبائل عرب بزه هجوم ايدر اولر يمزدن چيقاريلر و ايمانمى نعمتمزك زوالنه سبب اولور» ديملرني جناب حق اولكى آيتله رد ايتديكي كى بو آيتله دخى رد ايتمش و ديمشدر كه «ايمان؛ نعمتك دوامنه سببدر، زوالنه سبب دكلدر . بلكه نعمتك زوالنه سبب؛ كفر اوزره اصرار ايتكدر . چونكه؛ مكه اهاليسى كى نعمته مغرور اولوب نعمتى محافظه سبب كفر اولاجغنى ظنيله كفرده دوام ايدن ام سالفه دن چوق قريه لرى اهلاك ايتدك . اكر مكه اهاليسى ده نعمتله مغرور و اونغنى محافظه يي كفره دوامده ظنيله اصرار ايدرلرسه بونلر ده اهلاك ايدرز» ديمكه «بزي ايمان ايدرسهك نعمتمزك زوالندن قورقارز» ديدكلى رد ايتمشر .

..

واجب تعالى عاصى اولان چوق قريه اهاليسى اهلاك ايتديكنى بيان ايدنجه «مكه اهاليسى عاصى اولدقلى حالده نه ايچون اهلاك ايتدى؟» عنواننده وارد اولان سئواله جواب اولارق ﴿وَمَا كَانَ رَبُّكَ مُهْلِكَ الْقُرَىٰ حَتَّىٰ يَبْعَثَ فِي أُمِّهَا رَسُولًا يَتْلُوا عَلَيْهِمْ آیَاتِنَا﴾ بيوريور .

[حبيم! ربك تعالى كويلرك اساسنده و بويو كنده بزم آيتلر يمزى اهاليسى اوزرينه



تلاوت ايدر بر رسول كوندرنجهيه قدر اهل قرابي اهلاك ايدر اولمادى كه رسول كلوب  
آنلره آيتلى تلات ايدنجهيه قدر مساعده ايدر .

﴿ وَمَا كُنَّا مُهْلِكِي الْقُرَىٰ إِلَّا وَأَهْلُهَا ظَالِمُونَ ﴾

[ حالبوكه بز اهل قرابي اهلاك ايدر اولمادق ، آنجق اهل قري كنديلرينه مبعوث  
اولان رسولك آيتلى تلاوتندفصكره ظالم اولورلرسه آنلى اهلاك ايدر . ]

يعنى ؛ عموم قري وقصبانك رئيسى بولونان قريده بر رسول كوندروب اورسول  
بزم آيتلرئى آنلره تلاوت ايدوب احكامئى تبليغ ودين حقه دعوت ايدنجهيه قدر  
بك تعالى حبيب قريهلى اهلاك ايدر اولمادى و نينك بعثدنفصكره قريه اهاليسى اهلاك  
ايدر اولمادق ، آنجق قريه اهاليسى ظالم اولورسه اهلاك ايدر .

رسل كرام اولاقومك اشراقه وعقلاسه واهالينك رئيسلرينه تبليغه مأمور اولدقلرندن  
وقومك عقلاسى بويوك قريه لرده بولوندقلرينه بناء جناب حق قريه لرك آناسى مثابه سنده  
اولان بويوك قريده رسول بعث ايمه نجه اهاليسى اهلاك ايمه جكنى بيان ايمشدر .  
چونكه ؛ بويوك قريه واشرافه رسول اولانك كوچوك قريه لرده وعوام ناسه رسول اولاجنى  
اولويتله ثابتدر . زيرا ؛ هرشيدم كوچوكلرك دائما بويوكلره تابع اولملى قادندر . شو حالده  
متبوعه رسول اولانك تابعه رسول اولاجفنده شبهه يوقدر .

فخر رازينك بيانه نظر آ رسول اللهك بعثدنفصكره جناب حقك شر كه دوام ايتدكلى  
حالده مكه اهاليسى اهلاك ايمدبكنه سبب ؛ بزجوقلرينك ايمان ايدوب دين اسلامه بويوك  
خدمتلر ايفا ايدجكلى و بزجوقلرينك ده نسللرندن دينه خدمت ايدر مؤمنلر كله حك  
اولسيدر . كفردده بك شدت كوسترئلى ده بدر وقعه سنده اهلاك ايمشدر . بو آيت ؛ هلاكه  
سببك ظلم اولديغه دلالت ايدر . چونكه ظلم ؛ انسانلرك حياتلرينى قطع ايتديكى كى  
رزقلرينه دخى مانعدر . زيرا رزق ؛ شكرله قائمدر . حالبوكه ظلمله شكر اولماز .

\*\*

واجب تعالى مشركلرك شبهه لرندن بعض آخره جواب ويرمك اوزره ﴿ وَمَا أُوْتِيتُمْ

مِنْ شَيْءٍ فَمَتَاعُ الْحَيَاةِ الدُّنْيَا وَزِينَتُهَا ﴾ بيوريور .

[ اى مشركلر ! سزه ويريلن شى حيات دنياك منفعتى وزيتيدر . ]

﴿ وَمَا عِنْدَ اللَّهِ خَيْرٌ وَأَبْقَى ﴾

[ والله تعالى عندده خيرلى وباقيدر . ]

﴿ أَفَلَا تَعْقِلُونَ ﴾

[ اعلايى ادنايه وباقى فانيه دكشيرسكزده هيچمى عقلكزله ادراك ايمزسكز ؛ ]  
يعنى ؛ اى محبت دنيا قبللرينى بورومش اولان كيمسه لر ! سزه اسباب دنيا دن  
ويريلن شينك كليسى حيات دنياك منفعتى وزيتيدر . بناء عليه ؛ آنكه انتفاعكز آنجق  
دنياه معمور اولدقجه اولدينى جهته عمر كز ختام بولونجه اومنفعت ولدتده ختام بولور .  
زيرا ؛ حياتكز ودنيا هر آن توكه نك اوزره در . دنيا ايسه سقوط ايدوب ييقلمغه  
محكومدر . شو حالده منفعتى وزيتيدر زواله معروضدر . حالبوكه الله تعالى عندده اولان  
ثواب و آخرته متعلق عمل خيرلى ودواملى وبقايدر واصلا شر قاريشينى اولمادى كى زوال  
احتمالى ده يوقدر . خير محض وباقى اولان ثوابى ، فاني ومضرته قاريشيق اولان لذت دنياه  
دكشيرده هيچ تعقل ايمز ميسكز كه اعلايى ادنايه وباقى فانيه دكشيرسكز وعقلكزى  
لايق اولدينى وجهله استعمال ايمزسكز .

فخر رازينك بيانى وجهله آخرتك خيرلى اولملى ؛ منفعتك بويوك ودواملى ورزقك  
كدردن سالم اولمىله در . چونكه ؛ دنياه انسانك عمرى نه قدر اوزون اولسه ينه طابق  
اولوم اولدينى كى نعمتى نه قدر چوق اولسه محنت ومشقتله قاريشيق و زواله معروضدر .  
بناء عليه ؛ تفسير خازنده بيان اولوندينى وجهله آخرتى دنيا اوزرينه ترجيح ايمه ين عقلى  
اوليان كيمسه در . زيرا ؛ عقلى اولان آزي ترك ايدر چوغى آليز . حق امام شافعى بر كيمسه  
عقلى چوق اولان كيمسه يه وصيت ايتسه آخرت عمليله مشغول اولانلره ويريلور ، بيوريور .  
بو آيت ؛ دنيايى آخرت اوزرينه ترجيح ايدنلرك عقللرى اولمادى غنه دلالت ايدر .  
چونكه ؛ جناب حق دنياك نعمتى فاني و آخرتك نعمتى باقى اولدينى بياندنفصكره تعقل  
ايمه ينلرى يعنى عقليله دوشونمى نلرى توبيخ ايمشدر .

\*\*



واجب تعالی آخرتی دنیا اوزرینه ترجیحک لزومنی بیاندنصرکه آخرتی اختیار ایدن کیمسه نك دنیای اختیار ایدن کیمسه به مساوی اولامیه جعفی بیان ایتک اوزره ﴿اَفَسَوْفَ نَعْتَدُ لَهُ وَعْدًا حَسَنًا فَهُوَ لَا يَخِفُّ عَنْ مَتَاعِ الْحَيَاةِ الدُّنْيَا ثُمَّ هُوَ يَوْمَ الْقِيَمَةِ مِنَ الْخَاسِرِينَ﴾ بیوریور.

[ فاینک باقی به مساوی اولاجعفی دوشونورلرده شول کیمسه که بز آکا وعد حسن اولان جنتی وعد ایتدک . بناء علیه ؛ جنته قاووشاجق اولان کیمسه شول کیمسه کبی اولورمی که بز او کیمسه به حیات دنیانک منفعتی ویردک و صکره یوم قیامتده او کیمسه جهنمه آتیلحق ایچون حاضرلانیان کیمسه لردن اولاجق . بویکی کیمسه بربرینه مساوی اولورمی ؟ ]

یعنی ؛ مؤمنله کافر ومطیعله عاصی بربرینه مساوی اولورمی ظن ایدر-کمز؟ البته مساوی اولامازلر . چونکه ؛ بر کیمسه که بز ایمانه جنتمزی وعبادتیه درجاتی وعد ایتدک و او کیمسه وعدهمزی تصدیق ایدرک چالیشدی و وعد ایتدیکمز جنته مستحق اولدیغندن البته وعدهمزه قاووشدی . زیرا ؛ وعدهمزه خلف یوقدر . شو حالده جنت ودرجه لری کندینه وعد اولونوب و او وعده ملاقی اولان مؤمن شول کیمسه کبی اولورمی و آکا مساوی عد اولونورمی که بز او کیمسه به یالکمز حیات دنیانک منفعتی ویردک و آنکله انتفاع ایتدی و آکا آلداندی و بزه ایمانی و عبادتی اونوتدی ، همان لذا نذ جسمانیه ایله اکتفا ایتدی و وفاندنصرکه یوم قیامتده سوء اعمالی ایجابی جهنمه کیرمک اوزره حاضرلانیلردن اولدی .

خلاصه ؛ الله ایمان ایدن و آخرته اینانان و آخرت ایچون تدارکاتده بولونان مؤمنله الله ایمان ایتدین و آخرته اینانان و تدارکات آخرتدن غافل اولان کافرک مساوی اولامیه جعفی بو آیتدن مستفاد اولان فوائد جمله سنددر .

\*\*\*

واجب تعالی مؤمنله کافرک مساوی اولامیه جعفی و مؤمنه جنت وعد اولوندیغندن

آکا ملاقی اولوب کافرده جهنمه کیرمک ایچون حاضرلانیلردن اولاجعفی بیاندنصرکه یوم قیامتده کافرلرله واجب تعالی آره سنده جریان ایدمک سوزلری بیان ایتک اوزره ﴿وَيَوْمَ يُنَادِيهِمْ فَيَقُولُ اَيْنَ شُرَكَائِيَ الَّذِينَ كُنْتُمْ تَزْعُمُونَ﴾ بیوریور .

[ حیم ! ذکر ایت شول کونی که او کونده جناب حق کافرلره وبالخاصه مشرکله ندا ایدر و دیرکه . ای مشرکار ! سزک دنیاده بکا شریک اعتقاد ایتدیکمز شریکرم نره ددر ؟ آنلری کوسترک « جناب حق کافرلره بو صورتله خطاب الیه سیله اعتقادلریک باطل اولدیغنی تفهیمله غضبی اظهار ایدر . ]

﴿قَالَ الَّذِينَ حَقَّ عَلَيْهِمُ الْقَوْلُ رَبَّنَا هَؤُلَاءِ الَّذِينَ أَغْوَيْنَا أَغْوَيْنَاهُمْ كَمَا غَوَيْنَا تَبَرَّأْنَا إِلَيْكَ مَا كَانُوا إِيَّانَا يَعْبُدُونَ﴾

[ جناب حقک « نره ددر سزک اعتقاد ایتدیکمز شریکرم ؟ » دینجه غضب الیه سیله اوزرلرینه حکم واقع اولان مشرکارک رئیس لری دیرلرکه « ای بزم ربمز ! شو بزم اغوا ایتدیکمز کیمسه لری بز اغوا ایتمکه یولدن چیقاردق ، نصل که بز یولدن چیقدق آنلری ده بز آزدیردق . ]

یعنی ؛ « آنلرک ضلالتیه بزم ضلالتمز مساویدر . چونکه ؛ بز نصل کندی اختیار مزله ضلالتی ارتکاب ایتمز ایسه ک آنلرده کندی اختیار لریله ضلالتی ارتکاب ایتدیلر . زیرا ؛ آنلری ضلالتیه اجبار ایتدک ، فقط شری و چیرکین عمللری تزیین ایتمکه آزدیردق و آلداندق ، آنلرده آلداندیلر . بناء علیه ؛ یاربی ! آنلردن و عمللرندن بز سکا التجا ایله آنلردن تبری ایتدک . زیرا ؛ آنلر دنیاده بزه عبادت ایدر اولمادیلر ، بلکه کندی هولرینه و نفسلریک آرزوسنه عبادت ایتدیلر . شو حالده بزمله آنلر آره سنده مناسبت قلامشدر ، دیمکه رئیس لری کندیلرینه تابع اولانلردن تبری و قطع علاقه ایدرلر . یا خود بوموزی سر براندر شیطانلر . شو حالده شیطانلر دنیاده اغفال ایتدکلری عاصیلردن آخرتده تبری ایدمک لری جناب حق بو آیتله بیان ایتددر که انسانلر کوزلری آجسونلر و شیطانک طوزاغنه



طوتولماسونلر . بومعامله نك نمونه سی دنیاده هر زمان کورولمکده در . چونکه ؛ بر کیمسه دیگرینی آلداتیر وبر طاقم خلیالره اوکنه دوشر شاشیرتیر ، نتیجه ده ایش بر عکس اولونجه کآن هیچ مدخلی یوق ایش کبی ایشك ایچنده صیریلیر چیقار هیچ صاحب اولماز و « کندی دوشدی جزاسنی کندی چکسون بن وور دیدمسه اولدور دیدم آ . عقلی واردی دوشونوب یایمه یه ایدی » دیمکله اوطاتلی الفتلی و کوزل محبتلی بر ایکی سوزه فدا ایدر کیدر . ایشته بوکی معامله لر آخرنك نمونه سیدر . بناء علیه ؛ آخرته عین معامله نك جریان ایده جکفی جناب حق بو آیتله بیان ایتشدرد .

\*\*\*

واجب تعالی مشرکری تکدیر ایچون الله تعالی به شریک اعتقاد ایتدکرینی و شریک لک زه لرده اولدیغنی سوال ایده جکفی بیاندنصکره مشرکله شریک لکرینی دعوت ایتلرینی امرله رسوای ایده جکفی بیان ایتک اوزره ﴿ وَقِيلَ ادْعُوا شُرَكَاءَكُمْ فَدَعَوْهُمْ فَلَمْ يَسْتَجِيبُوا لَهُمْ وَرَأَوُا الْعَذَابَ لَوْ أَنَّهُمْ كَانُوا يَهْتَدُونَ ﴾ بیوریور .

[واو کونده طرف السهیدن مشرکله خطاب ایده رک دنیلورکه « چاغیرک شریک لکرینی شفاعت ایتسونلر سزه » . بویه دنیلنجه آنلرده شرک ایتدکری شیلری دعوت ایدرلر ، فقط او شریک اعتقاد ایده رک عبادت ایتدکری بوتلری آنلره هیچ جواب ویرمزلر . بناء علیه ؛ مشرک لک امیدلرندن مأیوس اولورلر . چونکه ؛ آنلر دنیاده او باطل معبودلرک شفاعت ایده جک لکرینی امید ایتدک لکرینی امیدلری وجهله دعوت ایدرلر ، فقط آنلرده کال عجز و حیرت لینه بناء اجابت ایتمزلر . زیرا ؛ اجابت قدرتلری یوقدر وشو محاوره دنصکره اهل شرک عذاب کورور و کال حسرتله دیرلرکه « آه کاشکه او شریک لک دنیاده حقه اهتدا ایتش اولسه لردی کندیلری عذابدن قورتولور ، بزیده قورتاریرلردی » . ایشته مشرک لک بوضو رتله اسفلرینی اظهار ایدرلر .]

شو معنا آیتده ( هم ) ضمیری مشرک لکله راجع اولدیغه نظر آدر . اما ضمیر مشرک لکله راجع اولدیغه نظر آ معنای نظم : [آخرنده مشرک لک عذاب کورونجه دیرلرکه آه نه اولایدی

کندیلری اهتدا ایتش وطوغرو بوله کیتمش اولالرده بو عذاب کورمیه لردی زه ده یاردیم ایدرلر ، شیمدی زده کورمز دیرلر .]

بومعنا ( لو ) کله سی نمى ایچونه اولدیغه نظر آدر . اما بیضاوینك بیانی وجهله ( لو ) کله سی شرطیه وجوابی مخذوف اولدیغه نظر آ معنای نظم : [اگر او مشرک لک دنیاده طریق حقه اهتدا ایتش اولسه لردی آنلر آخرته عذاب کورمز لردی ، لکن اهتدا ایتدک لکدن عذابه مستحق اولدیلر ] دیمکدر .

مشرک لکله طرف السهیدن « چاغیرک شریک لکریکی » دیمک استهزا وتهکم ایچوندرد . چونکه ؛ آنلری اعتقادلری اوزرینه رسوای ایتدکدر . کذلک دنیاده بو محاوره نك امثالی ده چوقدر . زیرا ؛ کوتو کیمسه لری دوست اتخاذا ایدنلره اولجه خالص دوستلری طرفدن نصیحت اولونوب اونصیحتی دویمایان کیمسه نك باشنه برایش کلدیکنده کوتو دوستلر سلام ویرمزلر و خالص دوستلری ده نصیحت سابقه لینه اشارت ایتک و او کیمسه یه آلاى اولق اوزره « چاغیر یارانلریکی یاردیم ایتسونلر سکا ، زه ده قالدی او محبتلر » دیرلر . بوسوزه ، او آدمی استهزادر . چونکه یارانلرک یاردیم ایتک امکانی اولمادیغنی کبی سمتنه بیله اوغرامازلر . ایشته جناب حق قرآنده بوکی محاوره لک عین قوئلری ایله کندی آرده سنده جریان ایده جکفی بیانه عاصیلری ایفاظ وانصافه دعوت ایدیور .

\*\*\*

واجب تعالی آخرته جریان ایده جک دیگر محاوره یی بیان ایتک اوزره ﴿ وَيَوْمَ يُنَادِيهِمْ فَيَقُولُ مَاذَا أَجَبْتُمُ الْمُرْسَلِينَ ﴾ بیوریور .

[حییم ! ذکرایت شول کونی او کونده الله تعالی مشرک لکله ندا ایدر دیرکه « سزه کلوب طریق حقه دعوت ایدن رسوللره نه جواب ویردیکز ؟ » ] چونکه ؛ آنلر سزی عمل صالحه و محرماتی ترکه دعوت ایتدیلر . آنلرک بودعوت لینه سزه نه کبی سوزله مقابله ایتدیکز ؟

﴿ فَعَمِيَتْ عَلَيْهِمُ الْأَنْبَاءُ يَوْمَئِذٍ ﴾



[ جناب حَتَك بوسئوالنه قارشى آنلر اوزرينه اوكونده جواب ويرمك ايچون خبر قابولرى تماماً قاپانير. ] چونكه ؛ كمال حيرت ودهشتلرندن عقللرى باشلرندن كيدر برشى سويلكه اقتدارلرى اولماز كه جوابه تصدى ايتسونلر .

﴿ فَهُمْ لَا يَتَسَاءَلُونَ ﴾

[ بناءً عليه؛ آنلر نه جواب ويره جكلىرینه دائر بررلىرینه سئوالده ايدمزلر. ] زيرا؛ اقتدارلرى تماماً منسلب اولديغندن بررلىرینه مراجعت ايله بيلمكلىرى اوكره نوب جواب ويرمك جهتنده التزام ايدمزلر . چونكه ؛ جمله سى حيرت ايچنده شاشقين اولورلر .  
يعنى ؛ واجب تعالى يوم قيامته كافرلردن سئوال ايدر ديركه « سز رسل كرامه نه يولده اجابت ايتديكنز ؟ » . بوسئواله قارشى آنلر اوزرينه بوتون خبرلر ك قابولرى قاپانور وقلبلرى كور وديللرى طوتوق اولور . بناءً عليه ؛ كندبلرى بر جوابه مقتدر اولامدقلىرى كى بيلمكلىرى جهتي بررلردن سئوالده ايدمزلر . چونكه ؛ قباح صاحبى هر زمان محجوب اولور وسوز سويلكه محالى اولماز وسويلسه خجالتنه بناءً ياريم سويلر .  
والحاصل شو اوج آيتده بيان اولونديغى وجهله واجب تعالى يوم قيامته كافرلردن اوج شيشى سئوال ايدم مكلر . برنجيسى ؛ شربكلر زمره وشربكلر زمره اولمديغندره سئوالده بوسئوالدن مقصد ؛ فنا اعتقادلردن دولاي آنلرى تحقير ايتمكلر . ايكنجيسى ؛ آنلره شربكلر شيشى دعوتده امر ايدوب شربكلر زمره اجابت ايتمكلىر زليل اولمكلر . اوچنجيسى ؛ رسل كرامه نه ايدم اجابت ايتمكلىر زمره كه اجابت ايتمكلىر زمره دولاي توبيخ ايتمكلر .

..

واجب تعالى كافرلر احوالندن بعضيسنى بيان نسكره مؤمنلر حاللارنى بيان ايتك اوزره ﴿ فَأَمَّا مَنْ تَابَ وَآمَنَ وَعَمِلَ صَالِحًا فَغَسَّيْنَا أَنْ يَكُونَ مِنَ الْمُغْلَبِينَ ﴾ بيوريور .

[ اما شول كيمسه كه كناهلرينه توبه وایمان ايتدى وعمل صالح ايشلهدى . شو عمللرى ايشلهنجه او كيمسه فلاحه داخل اولانلردندر . ]  
يعنى ؛ بر كيمسه كه مقتضای بشریت ايشلهديكى كناهلردن توبه ايله جناب حَقَك دركاهنه التجا وربسندن قصورينك عفونى استرحام ايتدى وایمانله عملنى اخلاص اوزره ايشلهدى . بويله اولان كيمسه محقق فلاحه داخل اولانلردندر . بناءً عليه ؛ قورقديغندن قورتولور واومديغنه نائل اولور .

فخر رازينك بيانى وجهله ( عسى ) كلسنده اوج احتمال وارده : برنجيسى ؛  
نخبه درمحبوب ايموره اولمكلر . چونكه ؛ كريم اولان كيمسه « مأمول كه فلان شى شويله اولاجق وياخود شونى فلانه ويره جكم » ديرسه او شى محقق اولاجق صابيلير .  
زيرا كريم ؛ وعنده خلف ايتم . بناءً عليه ؛ اللهم كلامنده ( عسى ) تحقيق ايچوندر .  
ايكنجيسى ؛ ( عسى ) كلسنك دلالت ايتديكى رها معناسى توبه ايدن كيمسه به راجعدر .  
بوكا نظراً معنای نظم : [ توبه ايدن كيمسه فلاحياب اولمسنى اميد ايتسون مأمول كه توبه سى قبول اولمقله فلاحياب اولور ] ديمكلر . اوچنجيسى ؛ ( عسى ) كلسنى شرط معناسندر . بوكا نظراً معنای نظم : [ توبه وایمان ايله عمل صالحه دوام ايتملرى مأمولدر . اكر دوام ايدرلرسه فلاحه داخل اولانلر زمره سندن اولورلر واكر دوام ايتملرسه فلاح بولمازلر ] ديمكلر .

..

واجب تعالى مؤمنلر حاللارنى بيان نسكره كافرلر رسول الله رسالتى مناسب كورمكلىرینه جواب ويرمك اوزره ﴿ وَرَبُّكَ يَخْلُقُ مَا يَشَاءُ وَيَخْتَارُ مَا كَانَ لَهُمُ الْخِيَرَةُ ﴾ بيوريور .

[ حليم ! ربك تعالى ديلهديكى شيشى خلق ايدر وانسانلر ايچون خير اولان شيشى اختيار ايدر واوزرينه هيچ برشى واجب اولماز . ] بناءً عليه ؛ ايستهديكى خلقنده بر مانع بوقدر .



﴿سُبْحَانَ اللَّهِ وَتَعَالَى عَمَّا يُشْرِكُونَ﴾

[ ذات الوهیتی نقائصدن تنزیه ایدرم والله تعالی آنلرک شرک ایتدکلری شیلرک جمله سندن عالی اولدی . ]

یعنی ؛ یا اکرم الرسل ! سنی انواع نعمتلیله تربیه ایدوب کمالکه ایصال ایدن ربک تعالی ایسته دیکنی خلق ایدر، هیچ کیمسه قاریشاماز و دیله دیکی قولنی نبوته اختیار ایدر هیچ کیمسه نک « نه ایچون بونی اختیار ایتدی » دیمکه حق یوقدر . الله تعالی آنلرک رأینیه مراجعتدن مستغنیدر و نقائصدن منزله اولق الله مخصوصدر و جناب حق آنلرک شریک اعتقاد ایتدکلری شیلرک جمله سندن عالیدر .

( ما کان لهم الخیر ) ده : ( ما ) نافیة اولق احتماله نظراً معنای نظم : [ ربک تعالی دیلدیکنی ایشلر و ایسته دیکنی نبوته اختیار ایدر . زیرا ؛ مشرکالر ایچون اختیار یوقدر . چونکه ؛ الله تعالی قوللرینک استعدادینی و نبوته قابلیتی اولان قولنی بیلیر و بیلدیکی وجهله ایشلر ] دیمکدر . شو معنایه نظراً ( خیر ) لفظی اختیار معنایه در . اما ( ما ) لفظی موصول اولدیغنه نظراً ( خیر ) ضمیمه معنایه در . بو صورتده معنای نظم : [ حییم ! ربک تعالی ایسته دیکنی خلق ایدر و آنلر ایچون خیر اولان بشیتی ایشلر ] دیمکدر .

خازن و قاضینک بیانلرینه نظراً بو آیتک سبب نزولی ؛ کافرلرک « الله تعالی کاشکه قرآنی طائف ایله مکه قریه لرندن بر بویوک ذات اوزرینه انزال ایتسه ایدی » دیملری اوزرینه نازل اولمشدر . چونکه ؛ مشرکالر طائفده ( ابا مسعود ثقفی ) نی و مکده ( ولیدین مغیره ) نی بویوک بیلدکلرندن رسالتی آنلردن برینه مناسب کوردکلری جهته بوسوزی سولمشلردی . زیرا ؛ بو ایکی کیمسه زنکیکن اولدیغندن رسالتله اموال دنیا بیتمده مناسبت وار ظن ایدرلر و رسالتی بونلره مناسب کورورلردی . بناءً علیه ؛ جناب حق امر رسالتک تمشیق آنلره عائد اولمادیغنی و اموال دنیا کی ناس بیتمده شرف عد ایدیلن شیلرله امر نبوت بیتمده مناسبت بولونمادیغنی و نبوتی دیله دیکی قولنه احسان ایتدیکنی بیانله آنلرک اعتقادلرینی رد ایتمشدر .

..

واجب تعالی رسالتی دیله دیکنه و یردیکنی و مشرکلرک قبلرینه کان کی اولمادیغنی بیاندن صوکره مشرکلرک نبوتی رسول الله مناسب کورمدکلرینک سببی مجرد حسدلرندن اولوب بونی ده ذات الوهیتک بیلدیکنی بیان ایتمک اوزره ﴿وَرَبُّكَ يَعْلَمُ مَا تُكِنُّ صُدُورُهُمْ وَمَا يُعْلِنُونَ﴾ بیوریور

[ حییم ! ربک تعالی آنلرک قبلرینده اولان کیزلی اسرارلرینی و اظهار ایتدکلری شیلرینی بیلیر . آنلر هر نه قدر صافلاسه لر ربک تعالی آنلرک قبلرینده حسدلرینی بیلیر . ]  
یعنی ؛ یا اکرم الرسل ! کافرلرک مکدن و طائفدن بر بویوک کیمسه نک نبی اولمسی آرزولری مجرد حسد و سکا بغض وعداوتلریندندر . زیرا ؛ ربک تعالی آنلرک قبلرینده کیزله دکلری حسدلرینی و لسانلرله سویلده دکلری قناسوزلرینی بیلیر . بناءً علیه ؛ امانت نبوتی تودیع ایده چکی قولنی بیلیر و آتی اختیار ایدر . شو حالده کافرلرک اهل کورملرله بر کیمسه نبوته اهل اولاماز . اهل اولسه ایدی واجب تعالی آکا و یرردی . چونکه ؛ جناب حق هر شئی لایقیله بیلیر و امانتی اهلنه و یرر .

..

واجب تعالی نبوته اهل اولان قولنی بیلدیکنی بیاندن صکره اول و آخر حکم کندینه مائد اولوب حکمنه هیچ کیمسه نک مداخله حق اولمادیغنی بیان ایتمک اوزره ﴿وَهُوَ اللَّهُ لَا إِلَهَ إِلَّا هُوَ لَهُ الْخِزْدُ فِي الْأُولَى وَالْآخِرَةِ وَلَهُ الْحُكْمُ وَإِلَيْهِ تُرْجَعُونَ﴾ بیوریور .

[ حییم ! ربک تعالی ؛ الله تعالی در و معبود بالحقدر و آندن باشقه معبود بالحق یوقدر . اول و آخر یعنی دنیاده و آخرتده حمد و ثنا آکا طئددر . زیرا ؛ آندن غیری حمده شایان بر کیمسه یوقدر . چونکه ؛ هر نعمت آندن فیض آلدیغندن هر کسک شکرینه و حمدینه لایق اودر و مخلوقات بیتمده حقیق حکم آکا مخصوصدر . زیرا ؛ آندن غیرینک حکمی خطادن خالی اولمادیغندن اعتبار یوقدر . بناءً علیه ؛ نبوته کیمی لایق کورور و حکم ایدره نبی اودر ، باشقه لرینک مناسب کورمسنه و حکم ایتسنه اعتبار اولیه جنی شبهه سزدر .



ويوم قيامته آنجق محاکمه وحساب وجزا کورمک ايچون حضور الهی به ارجاع اولونورسکيز. [بناء عليه؛ جمله اعمالکيزک جزاسنی کورورسکيز. شو حالده هرکس عبادتی اخلاص اوزره الله حصر ايتلیدر. زیرا؛ اول و آخر جزاسنی ترتیب ایدہ جک آنجق الله تعالی اولدینی جهتله آنک غیری به عبادت عین جنایتدر.]

خلاصه؛ واجب تعالی نک واحد حقیقی ومعبود بالحق اولدینی ودنیاده و آخرتده حد ونا آکا مخصوص اولوب آندن غیری حمده لایق برکیمسه اولمادینی وحکمک کلیسی آکا منحصر اولوب آندن غیری هیچ برکیمسه دن حقیقی برحکم صادر اولامیه جنی وعاقبت هرکسک مرجعی حضور باری اولاجنی جهتله آندن غیری به عبادتک اک بویوک جنایت اولدینی بو آیتدن مستفاد اولان فوائد جمله سندندر.

..

واجب تعالی دنیاده و آخرتده ذات الوهیتک حمده مستحق اولدینی اجمالاً بیاندنصکره حمده استحقاقتک بعض اسباب ودلیلی بیان ایتک اوزره ﴿قُلْ اَرَاَيْتُمْ اِنْ جَعَلَ اللَّهُ عَلَيْكُمُ النَّيْلَ سَرْمَدًا اِلَى يَوْمِ الْقِيَمَةِ مَنْ اِلَهٌ غَيْرُ اللَّهِ يَأْتِيَكُمُ بِضِيَاءٍ﴾ بیوریور. [ای رسول ذی شان! مشرکله سن دی که «اگر الله تعالی الی یوم القیام کیجه بی سزک اوزریکزه اوزاتیرسه اللهدن غیری سزه ضیایی کتیره جک معبود کیمدرو بو خصوصه دائر رایکزه ندر؟»]

﴿اَفَلَا تَسْمَعُونَ﴾

[سز شرک ایدرده معبودک بر اولدینی ایشیتمز ودوشونمز میسکيز وبو خصوصه دائر موعظه یی ودیلاری نه ایچون ایشیتمز سکيز؟]

یعنی؛ حییم! اللهک ویردیکی نعمتاری انکارله حمده استحقاقنده غیریلری شریک قیلان مشرکله سن دی که «ای مشرکله! رایکزه ندر؟ خبر ویرک بکا، اگر الله تعالی سزک اوزریکزه الی یوم القیام کیجه بی اوزاتیرو کونشی سزه کوستر مزسه و کوندوزی

اوزریکزدن قالدیررسه سزه ضیا ویرن کونشی کتیره جک اللهدن غیری معبود کیمدر و دائماً کیجه اولورسه نه یارکيز و شرک ایدرده بومثللو نصیحتاری قولاغکیزی آجوب دیکله مزمی سکز و جان قولاغیله هیچ تفکر ایدوب دوشونمز می سکز؟ کرچه کافرلر ایشیتیرلر سده ایشیتدکاری کی عمل ایتدکیردن ایشیتمین صاغیر مثابه سنده اولدقیرینه اشارت ایچون «ایشیتمز میسکيز؟» دنیلملهکله توبیخ اولونمشلردر. چونکه؛ ایشیتماک شانندن اولان برکیمسه «قولاغک دویمادی می؟» دیمک دیکله مدیکی جهتدن آتی ایتماک ایتدکر.

..

واجب تعالی حمده استحقاقنه و ملک کدینک اولدیغه ایکنجی دلیلی بیان ایتک اوزره ﴿قُلْ اَرَاَيْتُمْ اِنْ جَعَلَ اللَّهُ عَلَيْكُمُ النَّهَارَ سَرْمَدًا اِلَى يَوْمِ الْقِيَمَةِ مَنْ اِلَهٌ غَيْرُ اللَّهِ يَأْتِيَكُمُ بَلِيلٍ تَسْكُنُونَ فِيهِ﴾ بیوریور.

[یا اکرم الرسل! سن مشرکله دی که «خبر ویرک بکا رایکزه ندر؟ اگر الله تعالی یوم قیامته قدر سزک اوزریکزه نهاری اوزاتیرسه اصلا قارنلق کلز، دائماً کوندوز اولورسه سزک ساکن اولوب راحت ایدہ جک سکز کیجه بی اللهک غیری سزه دتیره جک معبود کیمدرد؟»]

﴿اَفَلَا تُبْصِرُونَ﴾

[اللهک نعمتارینی اونوتدیکزده کوزیکزله کور میور می سکز؟]

یعنی؛ حییم! سن کافرله خطاب ایدرک دی که «کیجه ایله کوندوز سزک احوالکیزی اصلاح ودنیا و آخرت ایشلریکیزی تسویه ایچون خاق اولونمش نعمتلر اولدیندن بونلرک شکرینی ادا ایتک اورره اخلاصله الله عبادت ایتکیز لازمدر. زیرا؛ انسانک حیاتی کسبله قائم اولوب کسب ایسه معاملات و معاملاتده نهاره محتاج اولدینی جهتله حیات بشریه نک بقای کوندوزله قائم اولسنه بناء کوندوز انسانلر ایچون جناب حقک اک بویوک لطفلرنددر. بناء علیه؛ بونعمتک شکرینی ادا واجبدر. کذلک انسانک وجودینه عارض اولان بورغونلوی کیده رملک ایچون استراحت محتاج اولوب



استراحت ده سکونته موقوف اولدیغندن کیجه نك ظلمتی سیک انقطاعه وانسانلرک استراحتلرینه اویریشلی خلق اولوندیغندن کیجه انسانلر حقنده شکری واجب اولان بویوک نعمتلر جمله سندنلر . حال بویله اولونجه « ای مشرکلر ! خبر ویرک بکا ، اکر الله تعالی قیامته قدر اوزریکزه نهاری اوزاتیر ، کیجه یی غیب ایدرسه استراحتکز ایچون سزه کیجه یی کتیره جک اللهدن باشقه معبود وارمیدر ؟ اللهدن باشقه بونلری خلق ایتمک قادر بر معبود اولما یجه عبادتکزی الله حصر ایتمکز لازم دکلیدر ؟ بونعمتلری کورمزمی سکز که الله شرک ایدرسکزه ایچون بوکی حیاتکزه واستراحتکزه خادم اولان نعمتلری دوشونمزده اللهک غیری بر طاقم جماداتی معبود اتخا ایدرسکز ؟ »

﴿ وَمِنْ رَحْمَتِهِ جَعَلَ لَكُمُ اللَّيْلَ وَالنَّهَارَ لِتَسْكُنُوا فِيهِ وَلِتَبْتَغُوا مِنْ فَضْلِهِ وَلَعَلَّكُمْ تَشْكُرُونَ ﴾

[ الله تعالی نك رحمتی واحسانی جمله سندن سزک ایچون کیجه یی و کوندوزی خلق ایتدی که کیجه ده حرکه دن کس یلوب استراحت و کوندوزده فضل الهی رزقکزی آریاسکز و بویکی مساعد وقتی خلق ایتدیکنه بناء الله شکر ایده سکز . ]

یعنی ؛ کیجه یی و کوندوزی سزک مصلحتکزه موافق خلق ایدن معبودک رحمتی جمله سندن اولارق کیجه ده استراحت ایتمه کز و کوندوزده رزقکزی آراما کز ایچون سزه کیجه ایله کوندوزی خلق ایتدی . مأمول که بو نعمتلرک شکری ادا ایدرسکز . کرچه نهاده استراحت ایتمک و کیجه ده کسب تجارتله مشغول اولق ممکن ایسه ده اکثریت اعتباریله کیجه یه موافق اولان استراحت و کوندوزده موافق اولان سعی و عمل اولدیغندن جناب حق هر برینه مناسب اولانی ذکر ایتمشدر ، یوقسه کیجه ده همه حال یاتملی و کوندوزده همه حال سکیرتملی دیمک دکلدرد . فقط طبیعتله کیجه تجارتده مشکلات واردرد . زیرا قارائلق برچوق شیلره مانع اولدینی کی ضایع دارکی ده مصرفه محتاج در . اما کوندوزده بوکی مشکلات یوقدر . بناء علیه ؛ کیجه یه یاقیشان استراحت و کوندوزده یاقیشان تجارتدر .

خازنک بیانی وجهله جتده کسب وسائر صورتله مشقت اولما دیغندن کیجه یه و کوندوزده احتیاج اولما دینی جهته جتده کیجه و کوندوز یوقدر . بناء علیه ؛ جتده هر زمان بودنیانک

صبح نمازندن سوکره و کون طوغماندن اولکی وقت کیدر . شو حالده عالم آخرت صیحا و صوتوق کی انسان راحتنر ایده جک اذالردن عاری و غایت لطیف انشراحلی بر هوایه مالک و کدردن سالمدر .

\*\*\*

واجب تعالی مشرکلرک مذهبلینک بطلانی بعض دلائل ایله بیاندنصکره طریق آخرله دخی بیان ایتمک اوزده ﴿ وَيَوْمَ يُنَادِيهِمْ فَيَقُولُ أَيْنَ شُرَكَائِيَ الَّذِينَ كُنْتُمْ تَزْعُمُونَ ﴾

بیوریور

[ حبیلم ! ذکر ایت شول کونی که او کونده ربک تعالی کافرله ندا ایدر دیرکه « دنیاده بکا شریک اولدقلرینی اعتقاد ایتدیکنکز شریکلم زده ددو ؟ کوسترک کوردلم . » ]

ایشته جناب حق شو خطاب الهیسیله مشرکلری تکدیر ایدر .

آیتده شرکک غضب الهی یی هرشیدن زیاده جالب اولدیغنه اشارت واردرد . چونکه ؛ توحیدک هر شیدن زیاده رضایی داعی اولسی آنک ضدی اولان شرکک هر شیدن زیاده غضبی جالب اولاجقنده شبهه یوقدر .

﴿ وَتَزَعْنَا مِنْ كُلِّ أُمَّةٍ شَهِيدًا فَقُلْنَا هَاتُوا بُرْهَانَكُمْ ﴾

[ بز آنلره « کتیرک دلیللریکزی « دینجه آنلر بیلیرلرکه الوهیت اللهک حقیدر واللهک غیری الوهیه لایق یوقدرو آنلرک افترا ایتدکلری شیلر آنلردن غائب اولور کیدر . » ]

﴿ فَعَلِمُوا أَنَّ الْحَقَّ لِلَّهِ وَضَلَّ عَنْهُمْ مَا كَانُوا يَفْتَرُونَ ﴾

[ بز آنلره « کتیرک دلیللریکزی « دینجه آنلر بیلیرلرکه الوهیت اللهک حقیدر واللهک غیری الوهیه لایق یوقدرو آنلرک افترا ایتدکلری شیلر آنلردن غائب اولور کیدر . » ]

یعنی ؛ قیامتده ناس محشره جمع اولونجه بز هر امتدن کندی اوزرلرینه بز شاهد چیقاریز و شاهدلر آنلرک خیر و شر عمللرینه شهادت ایدرلر . بونک اوزرینه بز آنلره دیرزکه « دنیاده حق اولدیغنی دعوی ایتدیکنکز شرکک صحنه دلیللریکزی کتیرک . »

آنلر دلیل کتیرمکدن عاجز اولونجه علم یقینله بیلیرلرکه حق ؛ الله تعالی نکدر و دنیاده خلاصۃ البیان : اون برنجی جلد — ۱۷



معبود دیہرک عبادتہ افترا ایتدکاری شیرل آنلردن غائب اولور . زیرا ؛ معبود اتخاذ ایتدکاری پوتلری آنلره اصلا معاونت ایدمه نیجه حقیقی تماماً آ کلارلر .

فخر رازینک بیانی وجهله بو آیتده شهیدله مراد ؛ انبیاء عظام مضرا بمره . چونکه ؛ هر بی کندینه ایمان ایدلره و ایمان ایتمه یلره شهادت ایدر . حق کنندنصکره کلنلرک حاللرینه دخی شهادت ایدر . زیرا ؛ بازار ایتسی و پجشنه آقشاملری امتک اعمالی او امتک نیسنه عرض اولوندینی حدیث نبوی ایله ثابتدر . چونکه ؛ انبیاء عظام قبرلرنده حیاته اولدقلری جهته کرک حال حیات و کرک حال وفاتلرنده امتلرینک اعمالنه واقفلردر . یاخود شاهدله مراد ؛ هر زمانه امتی خیره دعوت ایدمه کیسه لردر .

روح الیاند ذکر اولوندینی وجهله شرک یالکز شرک ظاهری به منحصر دکلدر ، بلکه شرک باطنی دخی اولور . چونکه ؛ بعض کیسه نفسنک امرینی الله امری اوزرینه ترجیح و بعضیلر زوجهنه اطاعتی الله اطاعت اوزرینه تقدیم و بعضیلری ده تجارتی تکالیف الهیه اوزرینه ترجیح ایدر و بوسیدلره عبودیتی اونوتور و بونلردن هیچ بریسی ده یوم قیامته منفعت و برمز و آنلردن غائب اولور . اوت ؛ تجارت لازمدر ، فقط او تجارت قدرت و یرن الله عبودیتی ترک ایتمه مک شرطدر . بناء علیه ؛ تجارتی عبادته مانع طوتان کیسه نک عندالله اعتداری مقبول دکلدر .

.\*

واجب تعالی مشرکک بعض احوالی بیاندنصکره حضرت موسانک منافق اولان قارونک حالی بیان ایتک اوزره ﴿ اِنَّ قَارُونَ كَانَ مِنْ قَوْمِ مُوسٰی فَبَغٰی عَلَيْهِمْ ﴾ بیوریور .

[ قارون محقق موسی علیه السلام قومندن اولدی و بنی اسرائیل اوزرینه طغیانله تکبر ایتدی . ]

یعنی ؛ قارون بنی اسرائیلدن اولدینی حالده آنلر اوزرینه طغیان ایتدی .

فخر رازینک بیانی وجهله قارون حضرت موسانک عمجه زاده سی و یاخود عموجه سی ایدی و بنی اسرائیل ایچنده تورانی قاروندن زیاده قرائت ایدن یوقدی و صورتی غایت

کوزل اولدیغندن لقبه منور دیمشلردی و ناس بیتده عالم و فاضل و شرفلی اولدینی حالده حضرت موسایه منافقلق ایدردی . فقط نفاقنی کیزله مدی عاقبت اظهار ایتدی و سببی ده شویله در ؛ الله تعالی فرعوننی غرق ایدوب بنی اسرائیلی ساحه سلامت چیقارنجه هرون علیه السلام بنی اسرائیلک قربانلرینه ناظر تعین اولوندی . قربان یاقیق ایچون مقن اولان محله هرکس قربان یا باجقلری هدیه بی کتیرر حضرت هرونه تسلیم ایدر ، هرون علیه السلام آنی محل معینه قور سمان بر آتش نازل ولوب او هدیه بی یاقسی قربانک قبوله دلیل اولوردی . قارون هرونه حسد ایدر ، حضرت موسایه « سنده رسالت وار برادر کده قربان ریاسی وار بنده برشی یوقدر . بن بونی چکه کم ، بکاده بر ریاست و برملی ، دیمکه حسدنی اورتیه قویدی . حضرت موسی « برادر مه ریاستی بن و برمدم ، الله تعالی و یردی ، دینجه قارون « الله تعالی نک و یردیکنه بکا بر علامت کوستر ، دیمسی اوزرینه وحی الهی کلیر . حضرت موسی اشرفدن قرق کیشینک عصا لریله برابر عبادت اولونان قبه آلتنه کللری امر ایدر . قارون ده هرون علیه السلام ده عصا لریله کلیر ، قبه نک آلتنه صباحه قدر بکلرلر . صباحدن هرون علیه السلام بادم آغاچندن عصاسی ، یشیل یاپراق و یرمش کورولور . موسی علیه السلام « ایشته علامت ، بو کا نه دیرسک ؟ » دیدیکنده قارون « یوسنک سحر کدر ، دیمکه نفاقنی میدانه قویدی و اتباعیله برابر حضرت موسادن آیرلدی و آچیقدن اذیه و طغیانله باشلادی و فقرای استخفاف ایتک و حققرینی و یرمه یوب ظلم ایتک و کبر و غرورله هرکس عظمت صائمق و نفسنده هرکس اوزرینه فائق بر مزیت کورمک و کندینه امتیاز و یرمک اوزره علامت فارقه اولارق البسه سنی اوزون کیسک کبی شیرله تشبث ایتدی .

.\*

واجب تعالی قارونک بقیه حالی بیان ایتک اوزره ﴿ وَآتَيْنَاهُ مِنَ الْكُنُوزِ مَا اِنْ مَفَاتِحُ لَسُوْا بِالْعَصْبَةِ اُولٰٓئِ الْقُوَّةِ ﴾ بیوریور .

[ بزقارونه خزینه لردن اولارق او قدر چوق مال و یردک که او خزینه لک آناختارلری قوت صاحبی اولان بر جماعته کوتورمسی آغیر اولیوردی . ]



﴿إِذْ قَالَ لَهُ قَوْمُهُ لَا تَفْرَحْ إِنَّ اللَّهَ لَا يُحِبُّ الْفَرِحِينَ﴾

[ ايشته اوزمانده قارونك قومی قارونه ديديلر که «يا قارون ! مالکک مغرور اولوب فرح ايمه . زیرا ؛ الله تعالى زياده فرح ايدنلری سومز» . ] ايشته قومی ، بوسوزلرله قارونه نصيحتده بولونديلر .

يعنی ، بزعم الشان قارونه چوق مال ویردک ، حتی ویردیکمز خزینہ نک آناختارلری قوت صاحبی بر جماعتہ کوتورمک آغیر اولور و کوچ کوتورورلردی . آناختارلری طاشیمق و خزینہ لک هر برینی بيلمک آنلره مشقت ویریبوردی . بو خزینہ لری آکا ویردیکمزده قومی وبالخاصه حضرت موسی نصيحت ایتدیلر ديدیلر که «يا قارون ! دنیا مالنه مغرور اولوب فرحلا نما . زیرا ؛ الله تعالى دنیا مالنه فرح ايدنلری سومز» . هر نه قدر قارونه بو منوال اوزره نصيحت ایتمشلرسده قارونک دیکله مک امکانی یوقدی . زیرا ؛ هر طرفی کبر و ضرور و دنیا به محبت احاطه ایتش اولدیغندن بویله نصيحتلره قولاق آصماز و کبرندن واز کچمزدی . بناء علیه ؛ عاقبت غروری هلاکنه سبب اولمش و هلاکی ناس بیتده ضرب مثل قالمشدر . قارونک قومی نصيحتلرینه دوامله ديدیلر که :

﴿وَابْتَغِ فِيمَا آتَاكَ اللَّهُ الدَّارَ الْآخِرَةَ﴾

[ «ای قارون ! اللهک سکا ویردیکی نعمتله سن دار آخرت طلب ایت . املکی بوتون دنیا به حصر ايمه ، بلکه دنیا نعمتی آخرت نعمته سبب قیل واللهک ویردیکی نعمتی رضاسنک خلافتنه صرفله نفسکی مهلکيه قويما . » ]

﴿وَلَا تَلْسَ نَصِيبَكَ مِنَ الدُّنْيَا﴾

[ «و دنیا دن صوک نصيبک اولان کفنی اونوتما . » ]

﴿وَآخِزْ كَمَا أَحْسَنَ اللَّهُ إِلَيْكَ﴾

[ «واللهک سکا احسان ایتدیکی کبی سن ده قوللرینه احسان ایت و فقرانک حقوقه رعایتله ظلمدن نفسکی صاقین . » ]

﴿وَلَا تَبْغِ الْفُسَادَ فِي الْأَرْضِ﴾

[ «ومالکک مغرور اولوب یر یوزنده فساد آراما . » ]

﴿إِنَّ اللَّهَ لَا يُحِبُّ الْمُسْرِفِينَ﴾

[ «زیرا ؛ الله تعالى مفسدلری سومز» دیمکه غایت بلیغ ومؤثر نصيحتده بولونديلر . ]  
يعنی ؛ قارونک قومی قارونه نصيحت طریقيله «مالککی فقرایه تصدق وصله رحم واهل ایمانه معاونت کبی خیراته صرف ایتمکه آخرت ثوابی ایسته که مالکدن استفاده ایتش اولاسک . چونکه مالدن مقصد ؛ هم دنیا ده همده آخرته صاحبک انتفاع ایتسیدر . دنیا ده انتفاع ؛ نفسه و سائر اتفاقی واجب اولان اولاد و عیال و اقربایه اتفاق ایتمکدر . آخرته انتفاع ایسه فقرایه تصدق ایتک و دشمن قارشوسنه عسکر تجهیز ایتک و اسلحه و سائر مهمات حربیه آلق و مسجد و کوپرو و مدرسه کبی و الحاصل عامه نک انتفاع ایده جکی خیراته صرف ایتمکدر . ای قارون ! مالکک اوقدر مغرور اولما ، دنیا دن نصیبکی اونوتما . زیرا ؛ دنیا دن انسانلرک صوک نصیبلری کفندر . سنک آلاچکک صوک نصیبک دخی کفندر واللهک سکا بو خزینہ لری احسان ایتدیکی کبی سن ده قوللرینه احسان ایت که نعمتک شکرینی ادا ایتش اولاسک و هیچ بر زمانده یر یوزنده فساد آراما . زیرا ؛ الله تعالى یر یوزنی افساد ايدنلری سومز» ديدیلر . فقط قارون بونلرله قطعاً عامل اولما مشدر .  
(لنوء بالعصبة) تنوء (نقل) یعنی آغیر اولور و کونوره کیمسنک آغیر لفته بناء بی اکیلیر دیمکدر . عصبة ؛ اوزره فرقه قمر بر جماعت دیمکدر . دنیا مالنه غرور و فرحک محبت السهیه مانع اولدینی بیان اولونمشدر . چونکه دنیا به تماميله محبت ؛ رضاء السهیه وسيله اولان عبادته مانع اولدینی جهته اللهک محبتنه وسيله اولاجق عبودیتک وظیفه سنی ترک ایدنجه البته الله تعالى او قولنی سومز .



واجب تعالی قارونک شو نصایحه اهمیت ویرمدیکی بیان صدندده سویلدیکی سوزنی  
بیان ایتک اوزره ﴿ قَالَ إِنَّمَا أُوتِيتُهُ عَلَىٰ عِلْمٍ عِنْدِي ﴾ بیوریور .

[ قارون قومنک نصیحتنی دیکله دکنصکره کال ضرور وکبر وعظمت واستبداده دیدی که الله تعالی بو مالی بکا بنده اولان علم اوزرینه ویردی . ] وبنده سزدن زیاده برمزیت واستحقاق کورمه ویرمزدی - حالبوکه بنده اولان علم و هنر وصنعت سایه سنده ویرلمشدر . زیرا؛ علم کیمیا وتجارت وصنعت وزراعت بنده سزدن زیاده در . بناء علیه ؛ بن بونلری سزدن زیاده بيلمکله بو مالی قازاندم ، دیدی . شو حالده قارون آئنده بولنان ماله هرکسدن زیاده کندنده بر اهلیت واستحقاق کوردیکی بیان ایتمشدر .

قارونک کندنده سائرلرندن زیاده بولوندیغنی ادعا ایتدیکی علم له مراد ؛ بیضاوی ، خازن ومدارکک بیانلرینه نظراً نورانک معنائنه واطمانه ووجهه و فقره ورموزات و اشاراته علممدر . چونکه ؛ بوندن اول بیان اولوندیغنی وجهله بنی اسرائیل ایچنده توراتی الکی زیاده بیلیردی . بناء علیه ؛ علمنه مغرور اولدی وهرکسدن زیاده بر لیاقت دعواسنده بولوندی وبوسوزی صرف ایتدی . یاخود علم له مراد ؛ فماره وزراعته وانواع مطایبه علم وارضیه نصرانی ابی بلیمسیر . چونکه ؛ بونلرک جمله سی تقدیر الهی به موافق اولدیغنی صورته اسباب غنادندر . بناء علیه ؛ دنیاده هرزنکینک ثروتنک اساسی تدقیق اولونورسه تجارت وزراعت وصناعتدر . قارونده بونلری ابی بیلدیکندن « بن علم سایه سنده مالدار اولدم » دیمشدر . یاخود علم له مراد ؛ علم کیمیا در . چونکه ؛ روایت اولوندیغنه نظر آقارون علم کیمیا به واقف ایش . حتی قالای کموشه وباقری آلتونه تحویل ایدرمش . ثروتنک اساسی علم کیمیا به مستند اولوب باشقه بیلن ده اولمادیغندن « بنده اولان علم سایه سنده بو ثروت بکا ویرلدی » دیمشدر .

بوکی معدنیاتک بعض اجزا ایله باشقه برشیته تحویلی بعید اولمادیغنی کی بالفعل وقوعی ده بعض فن واسطه سیله نابستدر . مثلاً الکتریک ده کورولدیکی وجهله صویک قوتی بعض وسائطه آتسه تحویل ایدیور وکوکورت چوق اولورسه جیوه واسطه سیله کموش معدنک آلتونی

کموشدن وقورشوندن دهاجوق اولور . وبونلرک جمله سی کیمیا به دلالت ایدر . لکن خارجه ده یک جوق کیمیا ایچون اوغراشانلر هپ مفلس در . چونکه ؛ سائر معدنیاتی آلتون وکموش یایبق ایچون برچاره بولامامشدر . اوت ابرجوق کتابلرده یازمشدر فقط هپ نظریاتدن عبارتدر ، فعلیات ساحه سینه برشی میدانه جیقمامشدر . زیرا نظریات ؛ قلمله یازی ویدیل ایله دیش آردسندده قالیر . بناء علیه ؛ علی الا کثر نظریات فعلیاتده تأثیرینی کوسترمز . والحاصل کیمیا جیلقد نظریاتدن باشقه برشی اولمادیغنی وفعلیات ساحه سنده تأثیرینی کوسترمه مدیکی معلومدر . حکمته موافق اولانده بودر . چونکه ؛ جناب حق عالمک بقاسنی معاملات ناسه ومعاملات ناسی ده آلتونه کموشه ربط ایتدیکندن آلتونه کموش انسانلرک نظرندده غایت قیمتی ورواجلی قیلدی که وقت مرهونه قدر عالمک انتظامی آنکه دوام ایتسون . شو حالده آلتون وکموش دنیانک قوامنه وبقاسنه خادم اولدیغندن قیمتدن دوشه جک قدر مبذول اولمسی حکمته مخالفدر . شو تفصیلاته نظراً اگر الله تعالی علم کیمیایی هر فکر صرف ایدن کیمسه به ویرسه هرکس کیمیاجی اولور وکیمیا واسطه سیله ایسته دیکی قدر آلتون وکموش یاپاروقولای برصنعت اولدیغنی جهته هرکس رغبت ایدر وهرشخص برقارون اولور . شو حالده عالمده آلتونه کموشک قیمتی قالماز و آلان وصاتانده بولونماز ومعاملاتده دونمز . چونکه معاملات واسطه اولان ثمنه رغبت قالمایچه معاملاتک قابولری قاپانیر هرکس آلاجنفی آلاماز وصاتاجنی صاناماز برحاله کلیر وعالمک خرابنه بادی اولور ، حق اکی اکن بولونماز . چونکه ؛ صاتاجق اولسه پاره به احتیاج یوق وپاره آلسه قیمتی یوق . بناء علیه ؛ چیفتجی کندی بیهجکی قدر اکر ، چیفتجی اولمایانلر بغدادی آلاجق اولسه پاره ویره جک ، پاره نک ايسه قیمتی یوق والحاصل شو حکمتله ودها زیاده بزم بيلمديکمز برجوق حکمتله مبنی اولمیدر که کیمیا ایله اوغراشانلرک چوقلرینی جناب حق فقرله مبتلی قیلار ومعدنیاتی آلتونه کموشه تبدیلنه موفق قیلماز ، یوقسه تبدیلی ممکن اولمادیغندن بولامیورلر دکادر ، بلکه ممکندر فقط برجوق حکمتله بناء الله تعالی اوعلمی انسانلره ویرمیور ، آنجق نظریات ساحه سنده قالیور . چونکه فعلاً وجودی ؛ ثمنک قیمتی خللدار ایتدیکندن حکمته مخالف اولدیغنی کی سعی وعملک لزومی قاعده سینه دخی منافیدر . اوت نادراً بعض کیمسه نک موفق اولمسی بعید دکادر ، فقط قارون کی عاقبتی فلاکت اولور . چونکه



امکسر ميدانه کن ثروت؛ هر زمان صاحبی نامعقول افعاله سوق ايتديکندن حقنده فته عظيمه اولور .  
خلاصه؛ علمنه مغرور اولارق بئلاک دعواسنده بولونمق مذموم اولدينی بوآيتدن مستفاد اولان فوائد جمله سنددر .

\*\*\*

واجب تعالى قارونك بوسوزی اوزرينه تكدير ايتك اوزره ﴿أَوَلَمْ يَعْلَم أَنَّ اللَّهَ قَدْ أَهْلَكَ مِنْ قَبْلِهِ مِنْ الْقُرُونِ مَنْ هُوَ أَشَدُّ مِنْهُ قُوَّةً وَآكَثَرُ جَمْعًا وَلَا يُسْئَلُ عَنْ ذُنُوبِهِمُ الْمُحْزَمُونَ﴾ بيوريور .

[ قارون بوکي سوزلری سويلده بيلمديمی؟ الله تعالى کيندنن دها قوتلی و مال و منال يونسدن کيندنن دها جمعيتلی چوق قبيله لری و ملتلی اهلک ايتديکني واللهک بوقدر قوتلی و جمعيتلی کيمسه لری اهلک ايتدی ده قارونک کيندي اهلک ايتمه چکني . حالبوکه اللهک اهلک ايتديکي مجرملر کناهلرندن سئوال اولونمازلر . زيرا ؛ جناب حق آنلرک هلاک لرينی موجب اولان کناهلرينی بيلير ، سئواله احتياج بوقدر . ]

يعنی ؛ طاعی اولان قارون نائل اولدينی نعمتلی کندی علم و فضلی سايه سنده استحقاقيله اولدينی ادعايه جرأت ايدرده بيلمديمی که الله تعالى نک قاروندن اول قرون ماضيه دن مالجه و اولادجه کيندنن دها قوتلی و اموال دنيايی جمع ايتمی دها زياده اولان قبيله لری اهلک ايتديکني و کوزينک اوکنده فرعون و عسکری هلاک اولوب کيتمديمی و توراتک آيتلرندن بوکي شيلری آکلما ديمی ؟ اکر قارونک ديدیکي کي مال و اولاد هرکسک استحقاقه مربوط اولسه مالدار اولان کيمسه لرک مال سبيله غضب الهی به معروض اولساملری لازم کليردی ، حالبوکه امر بالعکسدر . شو حالده هيچ کيمسه نک نروتي کندی استحقاقيله دکل ، بلکه لطف الهيدر . بناء عليه ؛ قرون سابقه نک اهلکي کي قارون دخي اهلک اولونا جعنی خاطرندن چيقارمسون .

الله تعالى نک دشمنلرندن انتقامنک سرعت تفوذينه اشارت ايجون غضبه مستحق اولان

مجرملرک کناهلرندن سئوال اولونميه جني بيان اولونمشدر . زيرا علم الهی ؛ آنلرندن انتقام آله و استقامی موجب اولان کناهلرينی بيلمکه کافی اولديغندن سئواله احتياج بوقدر . ياغور مجرملر جهنمه کيره چکلرنده ملکر طرفندن آنلر کناهلرندن سئوال اولونمازلر . زيرا ؛ سيمالرندن جرملرينک نوعی بيليرلر . بناء عليه ؛ سئواله حاجت قالماز . ياغور کناهلرينی بيلمک ايجون سئوال اولونمازلر . چونکه ؛ معلومدر ، آنجق توبيخ و تکدير ايجون سئوال اولونورلر ، ديمکدر .

\*\*\*

واجب تعالى قارونک قومی طرفندن واقع اولان نصيحتلری دیکله ميوب علميله و ماليله افتخار ايتديکني بياندنصکره کيتدجه غروری ترايد ايدوب سوز تاثیر ايتديکني بيان ايتک اوزره ﴿خَرَجَ عَلَى قَوْمِهِ فِي زِينَتِهِ﴾ بيوريور .

[ قارون سوز دیکله مه نجه قومنک بولوندينی محله زينيله برابر چيقدی و زينتی هرکسه کوسترمکه کبر و غروری آرتدی . ]

﴿قَالَ الَّذِينَ يُرِيدُونَ الْحَيَاةَ الدُّنْيَا يَا لَيْتَ لَنَا مِثْلَ مَا أُوتِيَ قَارُونُ إِنَّهُ لَذُو حَظٍّ

عَظِيمٍ﴾

[ قارونی بو حالده کورن و بالکز حیات دنيايی مراد ايدنلر ديديلرکه « نه اولايدي قارونه ويريلن دنيا مالنک مثلی ده بزه ويريله ایدی . زيرا ؛ قارون دنياجه حظ عظيم صاحيدر » . ]

يعنی ؛ قارونه نصيحت تاثیر ايتدی . بناء عليه ؛ برکون کمال غرور و سرورله زينتی ايجنده مستغرق اولدينی حالده قومنک بولوندينی بر جمعيت اوزرينه چيقدی و ناس آنک زينتی سير و تماشا ايتديلر و قوم ايجندن بالکز دنيايی مراد ايدن کيمسه لر ديديلرکه « آه نه اولايدي قارونه ويريلن دنيا مالنک مثلی بزه و ويريله ایدی . زيرا قارون ؛ دنيايه نصيب کامل صاحيدر » ديمکه تحسزلرينی اظهار ايتديلر .

بيضاوی ، مدارک و خازنک بيانلرينه نظراً قارونک زينتی ؛ اکرى آلتوندن وسائر



مجوهرات به مزین استر اوزرنده بیندلی والبسه سی اوزمانک الیو کسک و قیمتلی قوماشلرندن ومیعتنده کندی کسوه سنده درت بیک آتلی وصاغ طرفنده غایت مزین اوچیوز کوله سی وصول طرفنده اوچیوز جاریه سی خدمته منتظر اولارق کلسیدر. ایشته بواحتشامی کورنلر واملی دنیا به منحصر اولانلر قارونه ویریلن نعمتک مثلنی کندیلرینه ده ویرلسنی ایسته دیلر. زیرا طبع بشر؛ دنیا مالنه میالدر. قارونک مرتبه سی ایسته یئرلرک مؤمن ویا کافر اولدقلرینه دائر آیتده صراحت یوقدر. قارونک حالی آرزو ایدنلر آرزولرینی حسدندن قورنارمق ایچون قارونه ویریلنی عیناً ایسته میوب مثلنی ایسته دکلری قاضینک جمله بیاناتنددر.

\*\*

واجب تعالی قارونک کلدیکی جمعیت ایچنده بر قسمی قارونک حالنه غبطه ایتمشلر سده دیگر بر قسمک ثواب ایسته دکلرینی بیان ایتمک اوزره ﴿وَقَالَ الَّذِينَ أُوتُوا الْعِلْمَ وَيَلَكُمْ ثَوَابُ اللَّهِ خَيْرٌ لِّمَن آمَنَ وَعَمِلَ صَالِحًا وَلَا يُلْقِيهَا إِلَّا الصَّابِرُونَ﴾ بیوریور.

[شول کیمسه لرکه کندیلرینه علم ویرلدی. آنلر قارونک نعمتک مثلنی کندیلرینه ویرلسنی ایسته یئرلر. دیدیلرکه «هلاک سزک اوزریکزه. اللهم قوللرینه آخرتده ویره جکی ثواب؛ ایمانله عمل صالح ایشله یین کیمسه لره دنیا متاعندن خیرلیدر و آخرت مثوبت عظامانه ملاقی اولماز، آنجق دنیا ده بلایه صبر ایدنلر ملاقی اولورلر، دیمکه دنیایی آرزو ایدنلرک حاللرینی قییح ایتدیلر.]

یعنی؛ کندیلرینه علم لدنی ویریلن معرفت کامله صاحب لری قارونک مرتبه سی ایسته یئرلر. دیدیلرکه «هلاک سزه اولسون. ای عقلی قیصه کیمسه لر! سز املکزی دنیا به حصر ایدیورسکز. حالبوکه الله تعالی نک قوللرینه آخرتده انعام ایده جکی ثواب دنیا مالندن و متاعندن چوق خیرلیدر. فقط بوخیر؛ آنجق ایمان ایدن و ایمانک مقتضای وجهله عمل صالح ایشله یین کیمسه لر حقنده در و بومثللو ثوابه و درجات عالیاته نائل اولماز، آنجق تکالیف السیه نک مشقته صبر ایدنلر نائل اولورلر. زیرا؛ آنلر اللهم عبادتنه دوام و منهائی ترکه صبر ایدوب اللهم ویردیکی نعمته قناعتله هیچ کیمسه نک جاه و منصبنه و ثروت

وسامانه تحسر ایتدکلرندن درجات آخرته مستحقلر در. لکن املنی دنیا به حصر ایدنلر آخرتی اونوتدقلری جهته دنیا ده نائل اولدقلری نعمته الدانیر و آنکله قالیر و آخرتده مأیوس و مبهوت و حیران و فوت ایتدکلری نعمتله تحسر ایدر و ابدآ معذب اولورلر.

\*\*

واجب تعالی قارونک نصیحت دیکله میوب عصیانده دوام ایدنجه هلاک اولدیغنی بیان ایتمک اوزره ﴿فَخَسَفْنَا بِهِ وَبِدَارِهِ الْأَرْضَ﴾ بیوریور.

[قارون انصافه کله نیجه بز قارونی و خانه سی برابر یره باتیردق.]

﴿فَمَا كَانَ لَهُ مِنْ فِئَةٍ يَنْصُرُوهُ مِنْ دُونِ اللَّهِ وَمَا كَانَ مِنَ الْمُنْتَصِرِينَ﴾ [قارونی بز یره باتیرنجه اللهم غیری قارونه یاردم ایدر بر جماعت بولونمادی. بناء علیه؛ قارون یاردم کورنلردن اولمادی.]

یعنی؛ قارونه قومی چوق نصیحت ایتمشلر سده اصلاح نفس ایتیه نیجه بز قارونی و خانه سی برابر کنهای ایجابی یره باتیردق. اللهم باشقه قارونک اعتماد ایتدیکی احباب و یارانندن قارونه یاردم ایدر بر جماعت بولونمادی و کندیسیده اوقدر خدم و حشمه عذابدن قاچوب قورتولامادی. زیرا؛ انتقام السیه دن هیچ برعاضی قورتولاماز.

قارونک هلاکنه بر چوق سبیلر وار ایسه ده قاضی، طبری، نيسابوری، خازن و مدارکک بیانلرینه نظراً صوك سبب شویله در: زکات آتی احکامنه توفیقاً حضرت موسی قاروندن مالنک زکاتی ایسته نیجه قارون کندی ویرمکدن امتناع ایتدیکی کبی بنی اسرائیلی تشویق ایدر و «سزه حضرت موسی هر نه امر ایتدی ایسه طوتدیکز شیمیدی ده مالکزی الکزدن المی ایستر. بونک چاره سی دوشونملی، دیر. چونکه؛ هر درلو اذایی حضرت موسایه روا کورمکدن چکینمز بر منافق ایدی. بناء علیه؛ بر فاحشه یه، حضرت موسایه بایرام کونی ملاء ناسده افترا ایتمک اوزره بیک دینار ویرر و قارون حضرت موسایه بوافترایی یا بقله بنی اسرائیلک ذهنی اغفال و اطاعتدن چیقاراجم ظلیه عمرینک آخر کونی بایرام موقعنه کمال عظمت و غرورله کایر و موسی علیه السلام و عظنده



﴿وَأَصْبَحَ الَّذِينَ تَمَنَّوْا مَكَانَهُ بِالْأَمْسِ يَقُولُونَ وَيَسْتَطِيعُ الرِّزْقَ لِمَنْ يَشَاءُ مِنْ عِبَادِهِ وَيَقْدِرُ﴾ بيورييور .

[ دونکی کون قارونک مرتبه سنی ایستینلر بوکون صباح وقتی دیرلرکه « نه عجیب شی که الله تعالی دیله دیکی قولنک رزقنی بول و دیله دیکنک رزقنی طار ویرر » . ]

﴿لَوْلَا أَنْ مَنَّ اللَّهُ عَلَيْنَا لَخَسَفَ بِنَا وَيَكَانَ لَا يُفْلِحُ الْكَافِرُونَ﴾

[ و سوزلرینه شونی ده علاوه ایتدیلر و دیدیلرکه « اکر الله تعالی بزم اوزریمزه احسان ایتسه ایدی بزی ده باتیریدی ونه عجایب شی کافرلر انتقام الهیدن اصلا قورتولمازلر » . ] ایشته بویله دیمکه دونکی کون واقع اولان تمیسانلرینه ندامت ایتدیلر و قارونک مرتبه سنی ایسته مک خطا اولدیغنی بیلدیلر . چونکه دونکی کون قارونک رفاه و سعادتیه غبطه ایدنلر بوکون اومالک باعث فلاکت اولدیغنی کورونجه کمال استغراب و تعجیله خطالرینی اعترافه واللهم لطفی اقراره مجبور اولدیلر .

بیضاوینک بیانی وجهله ( ویکان ) تعجب معناسنه اولان وی ایله تشبیه معناسنه اولان کان دن مرکبدر . بوکا نظراً معنای نظم [ نه عجایب برامر مشاهدکه الله تعالی رزقنی دیله دیکی قولنه ویرر و توسیع ایدر . یوقسه قولنک توسیعی ایجاب ایدر کرامتنه مبنی دکل ، بلکه اللهم دیله مسیله در و کذلک بعض قولنک رزقنی طار ویرمی او قولنک رزقنک طار اولسنی ایجاب ایدر بر قصورینه مبنی دکل ] دیمکدر . یاخود هموک معناسنه اولان ویک دن مأخوذدر . بوکا نظراً معنای نظم : [ هلاک بزه اولسون که بزه نه عجایب خطا ایتمشز . حالبوکه قوللرینک رزقنی بول ویا طار ویرمک اللهم مشیتنه معلق ایشز ، یوقسه قولنک استحقاقیله دکلش . بناء علیه ؛ اکر بزم اوزریمزه اللهم لطفی واحسانی اولماش اولسه ایدی بزه ده مال ویرر ، طغیان ایتدیرر و قارون کی بزی ده باتیریدی . لکن الله تعالی لطف ایتدی که باتیرمادی وای هلاک بزه اولسون که کافرلر اصلا فلاح بولمازلرمش ] دیمکدر . وی لفظی ؛ فخر رازینک بیانی وجهله انسانک بر شینک وقوعه

زنا به متعلق بحشده زنا ایدن کیمسه بی رجم ایدرز دینجه قارون « سن زنا ایدر سه کدخی حکم اوله میدر ؟ » دیر . حضرت موساده « اوت اینم حقمده ده حکم اوله در » دینجه قارون « بنی اسرائیل سنک حقنه فلان خاتونه زنا ایتدی دیورلر » دیدی و خاتونی چاغیردی . لکن خاتون طوغروی سوبله یوب قارونک افترا ایتک اوزره کندیسنه بیک دینار ویرد بکنی آچقندن بیان ایتمکه قارونی رسوای و حضرت موسای تبرئه ایتدی . جناب حق حق اظهار ایتدیکنه شکر اولمق اوزره حضرت موسی سجدهیه قاپاندی و قارونک هلاکنی ربسندن ایستدی . جناب حق ارضی حضرت موسانک امرینه مطیع قیلدی . بنی اسرائیل حضرت موسی طرفه کجی . قارونک یاننده یالکزی ایکی کیشی قالدی . موسی علیه السلام ارضه امر ایتدی . قارونک اولدیغنی طرف حرکت ایتدی قارون یره باتدی و بنی اسرائیل سفهای « حضرت موسی قارونک مالنه طمع ایتدی هلاکنه سبب اولدی » دیملری اوزرینه حضرت موسی کندیلر برابر قارونک بالجمله اموالک باتمنی جناب حقندن استرحام ایتدی و بالعموم مالی ده کندیلر برابر باتدی و هر کس شرندن قورتولدی . چونکه ؛ هیچ بر اثری قالمادی و آنحق هلاکی ، الی یوم القیام عالمه ضرب مثل اولارق قالدی . زیرا ؛ نفاقک نتیجه سی هلاک و فلاکتدر . ایشته طلمده هر زمان اهل ایمانه قارشی بر طاقم منافقلر بولونمقده در . مؤمنلرک در جاتی ترفیع و منافقلرک در کاتی تزید ایچون جناب حق دائماً ایملری کوتولرله مبتلا قیلار و انبیاء عظام حضرتانک هر برلری ده زمانلرنده کونا کون منافقلرله مبتلا اولمشلر در آنلر طرفندن وقوع بولان اذالره صبرله هلاکترینک وقت مرهوتی بکله مشلر در . قارونک وقعه سنده برچوق موعظه و عبرت آمیز مسئلهلر اولسنه بناء قرآنده قارونک وقعه سنی بیسانله نصیحت دیکله مهین و کبر و غروری کندینه عادت ایدن و مالنک زکاتی ویرمهین و بغير حق افتراه جرأت ایدنلرک عاقبت برر کونا سبیلرله هلاک اولاجقلرینی امت محمدک بووقعه ایله استدلال ایتلرینی و بوکی فنا اخلاقندن و از کچملرینی جناب حق بو وسیله ایله توصیه ایتشددر . چونکه انسانلردن اول کچنلرک سرگذشتی ؛ صکره کلنره برر درس عبرتدر .

\*\*

واجب تعالی قارونک هلاکنی بیاندن صکره قومنک متنبه اولدقلرینی بیان ایتک اوزره



اسفنی اظهار مقامند استعمال اولونور . بناء عليه؛ بر شيدك وقوعه تعجب واسفنی اظهار  
ايچون « وای فلان شی شویله اولمش نه عجیب » دیمکله اسفنی اظهار ایدر .

\*\*

واجب تعالی قارونک هلا کنی وقومندن قارونک مرتبه سنی ایسته یئرلرک متنبه اولدقلرینی  
بیاندنصکره دار آخرت کیملر ایچون اولدیغنی بیان ایتمک اوزره ﴿ تِلْكَ الدَّارُ الْآخِرَةُ  
نَجْعَلُهَا لِلَّذِينَ لَا يُرِيدُونَ عُلُوًّا فِي الْأَرْضِ وَلَا فَسَادًا وَالْعَاقِبَةُ لِلْمُتَّقِينَ ﴾  
بیوریور .

[ شو دار آخرتی بز شول کیمس لرایچون خلق ایتدک که آنلر ریوزنده الله قوللری  
اوزرینه علویت و کبر و فساد مراد ایتمزلر . حالبو که عاقبت حمیده یه نائل اولمق متقیلره مخصوص صدر .]  
یعنی ؛ حییم ! شو اوصافی بیان اولونان دار آخرت و جنت اعلا یی شول کیمس لرایچون  
ایچون خلق ایتدک که آنلر ریوزنده عباد الله اوزرینه تسلط و غلبه مراد ایتمدکاری کی  
ناس اوزرینه ظلم و جبرله ماللرینی المقله و سوء عقیده تلقین ایتمکله اخلاقلرینی افساد دخی  
مراد ایتمزلر . حالبو که عاقبت حسنه یه و یوکسک درجاته نائل اولمق محرماتدن ؛ نفسی وقایه  
و عباداته دوام و ناس اوزرینه کبر و غرور و فساددن اتقا ایدن کیمس لره مخصوص صدر ،  
یوقسه قارون کی کبر و غرور و ظلم و عدوانله ریوزینی افساد ایدنلره عاقبت حسنه یوقدر .

\*\*

واجب تعالی دار آخرتده درجات عالیه کیملره مخصوص اولدیغنی بیاندنصکره متقیلرک  
نائل اولاجقلری ثوابک خیرلی اولاجغنی بیان ایتمک اوزره ﴿ مَنْ جَاءَ بِالْحَسَنَةِ فَلَهُ  
خَيْرٌ مِنْهَا ﴾ بیوریور .

[ اکر بر کیمسه حسنه ایشلر و او حسنه ایله آخرته کلیرسه آنک ایچون او حسنه دن  
خیرلی درجه واردر . ]

﴿ وَمَنْ جَاءَ بِالسَّيِّئَةِ فَلَا يُجْزَى الَّذِينَ عَمِلُوا السَّيِّئَاتِ إِلَّا مَا كَانُوا يَعْمَلُونَ ﴾  
[ واکر بر کیمسه سیئه ایشلر و او سیئه ایله آخرته کلیرسه سیئه ایشله یین کیمس لرایچون  
جزالانمازلر ، لا عمل ایتدکلری سیئه نک مقداری جزالانیرلر . ]

یعنی ؛ بر کیمسه دار دنیاده شرعک امر ایتدیکی عبادت بدنیه و مالییه متعلق حسنه  
ایشلر و عند الله مقبول اولان عمل ایله حضور باری یه کلیرسه او کیمسه ایچون عملندن ده  
خیرلی ثواب واردر . چونکه ؛ آخرتده نائل اولاجنی درجه عملندن فضله اولاجنی کی  
کدردن سالم و دوام و بقای ده واردر واکر بر کیمسه عقلاً و شرعاً قبیح اولان کنایه  
ایشلر و عند الله مستکره و عارف و عابدده مستهجن اولان کنایه حضور باری یه کلیرسه ؛ او کنایه  
ایشله یین کیمس لرایچون جزالانماز ، آنحق ایشله دیکی کنایه ک مقداری بر جزا ایله جزالانیر .  
چونکه ؛ ایشله دیکی کنایه ک زیاده جزا ظلم اولدیغندن جناب حق ظم اولارق جزا  
ویرمکدن منزه در . اما حسنه یه فضله اجر و یرمک لطف اولدیغندن واجب تعالی ذاته  
لایق اولان لطفی قولندن اسیر که مز ، فضله احسان ایدر . بناء عليه ؛ واجب تعالی حسنه  
ایشله یین قولنه فضله درجه و یرمکله تلطیف ایدر . اما کنایه ایشله یینلره کنایه لری مقداری  
جزا ویرر ، فضله و یرمکله ظلم ایتمز .

بیضاوینک بیانی وجهله بوایتده سیئه دن قوللری تنفیر ایچون ضمیر موضعنده اسم  
ظاهر اولارق سیئه وارد اولمش وایکی کره ذکر اولونمشدر .

کرچه دنیاده کافرک کفری متناهی اولوب آخرتده عذابی غیر متناهی والی الابد دوام  
ایده کی جهنمه سیئه اوزره جزاسی زیاده کی کور و لورسده کافرک کفری نیتی ابدی  
یعنی ابداً ممر اولسه کفر اوزره دوامه نیت و قصدله ایشله دیکسندن جرمله جزا بیننده  
مساوات واردر . بناء عليه ؛ کافرک کفرینه ابداً عذاب ، جرمندن زیاده اولدیغنی جهنمه  
« مساوات یوقدر » دنیله مز . چونکه ؛ کفر جرمنی ایشله مکه عزیمی ابدی اولدیغندن  
او عزیمک جزاسی ده ابدیدر .

\*\*

واجب تعالی آخرتده راحت متقیلره مخصوص اولدیغنی بیاندنصکره هجرت زمانی یول



اوزرنده رسول الله عارض اولان بعض همومنی ازاله ایتک اوزره ﴿ إِنَّ الَّذِي فَرَضَ عَلَيْكَ الْقُرْآنَ لَرَادُّكَ إِلَىٰ مَعَادٍ ﴾ بیوریور .

[ حبییم ! شول ذات اجل واعلا که سنک اوزریکه قرآنک تلاوتی فرض قیلدی . اودات شریف البته سنی دنیاده مولدک اولان مکیه و آخرنده مقام محمود که رد واطاده ایدجکدر . ]

﴿ قُلْ رَبِّيَ اعْلَمُ مَنْ جَاءَ بِالْهُدَىٰ وَمَنْ هُوَ فِي ضَلَالٍ مُّبِينٍ ﴾

[ یا اکرم الرسل ! سن « بنم ربم هدایتله کان کیمسه بی و ضلال مبین ده اولان کیمسه بی بیلیر دی » ]

یعنی ؛ ای رسول ذی شان ! شول ذات که سکا قرآنی ویردی و تلاوتی و قوللرینه تبلیغی سکا امر ایتدی و امر ونهی و احکامیه عملی سکا واجب قیلدی . قرآنک حقایقه سنی واقف قیلان و انبیاء سابقه نیک و امم ماضیه نیک احوالی و عبرت بخش ایدجک ضرور امتالی بیان ایدن ذات اقدس البته سنی معاذک واصل بلده ک اولان مکیه رد ایدجکدر و مکیه عودت کده مک اهالیسنه سن دی که « بنم ربم طوغرو یوله واصل اولوب هدایتله کلن کیمسه بی و بولدن چیقمش و طوغرو یولی بولامامش آجیق ضلال ایچنده اولان کیمسه بی هر کسدن زیاده بیلیر » دیمکه کندی لرینک ضلال ایچنده اولدقلرینی بیان ایت .

بیضاوی نیک بیانی وجهله بو آیتده معاد ایله مراد ؛ هنت اعلی و رسول الله ایموره موعود اولاره مقام محمود اولق احتمالی وارسهده آیتک سبب نزولنه موافق اولان معاد له مراد ؛ مک مکرمه اولمبیر . چونکه ؛ فخر رازی ، خازن ، بیضاوی و مدار که بیان اولوندیغه نظراً رسول الله مکدن مدینه یه هجرتنده غار شریفده اوچ کون اقامتدنصکره مدینه یه توجهله یوله جیقوب ( جحفه ) دنیلن موقعه کلدیکنده مکیه اشتیاقنی اظهار ایتسی اوزرینه بوآیت نازل اولمشدر . چونکه ؛ ( جحفه ) یه کلنجیه قدر مشرک لک تعقیب ایتلری احتماله بناء رسول الله یولسز محللردن کلش و ( جحفه ) یه کلنجیه امنیت حاصل اولش و اورایه نازل اولوب ( جحفه ) ده مدینه دن مکیه طوغرو

کیدن جسیم کاربان یولنی کورونجه آباء واجدادینک یوردی و کندی نیک مولدی و بلده سی اولان مکیه بشریتده جبلی اولان اشتیاقنی اظهار ایدنجه بوآیتله جبریل امین کلش و « یا رسول الله ! مراق ایتمیک . زیرا ؛ الله تعالی سزی البته مکیه اعاده ایدجک و بلده اصلیه ک اولان مک شهری سنک اولاجق » دیمکه تسلیه و بوآیتی تلاوت ایتمشدر . ایشه بو روایتیه نظراً بوآیتده معادله مراد ؛ مکمه و آیتک سری مکیه فتح کونی ظهور ایتمشدر . زیرا ؛ رسول الله کمال عز و وقارله و سکینت و سلطنتله مکیه کیردی و دار شرک اولان مکیه دار توحید و دار کفری دار اسلام قیلدی و کافر لری قهر و تدمیر ایتدی . چونکه ؛ باطل هر نه قدر آز بر زمان شعله له نیرسهده البته سوز ، دوام ایتیز . فقط صبر و متانتله مقابله ایدوب وقت مرهوتی بکله مک لازمدر . رسول الله مکیه فتحی کونی مککک عزت اقبالی و عظمت شانی یو کسلدیکنه اشارت ایچون ( معاد ) لفظی تعظیمه دلالت ایدن تنوینله نکره اولارق وارد اولمشدر . آیت جلیله غائبدن خبر و یردیکی جهته رسول الله صدق نبوته دلالت ایدن معجزه قیلندندر و آیتک مالی عنبیله واقع اولمشدر .

﴿ وَمَا كُنْتَ تَرْجُو أَن يُلْقَىٰ إِلَيْكَ الْكِتَابُ إِلَّا رَحْمَةً مِّن رَّبِّكَ فَلَا تَكُونَنَّ ظَهْرًا لِّلْكَافِرِينَ ﴾

[ حبییم ! سن بدایه حالکده سکا کتاب القا اولونا جغنی امید ایدر اولاماشدک ، لکن بزم طرفزدن احسان اولارق اولین و آخرینک علملرینی و کتب منزله نیک فوائدی و محسناتی جامع اولان کتاب انزال اولوندی . شو حالده سن جمله امورکی بزه تقویض و کافر لردن اندیشه بی ترک ایت آنلره مدارات ایتهدیکک کی بعض خصوصانده آنلره آرقده اولما و آنلره آرقه اولوب معاونت ایتهدیکک کی آنلردن معاونت ده بکله مه . ] زیرا ؛ بزم علممزر سکا لاحق در و قدرتمز آنلردن انتقام ده کافیدر . بناء علیه ؛ سنک ایچون اندیشه و تلاشه محل قالماشدر . سن همان قرآنی آنلره تلاوت و تبلیغه دوام ایت . رسول الله کافر لره آرقه اولیه جغنی معلوم اولدیغندن رسول اللهی نهی ایتک ؛ امتنه اهل کفره و بالخاصه حربی اولانلره معاونت جائز اولمادیغنی بیان ایتمشدر .



﴿وَلَا يَصُدُّكَ عَنْ آيَاتِ اللَّهِ بَعْدَ إِذْ أَنْزَلَتْ إِلَيْكَ وَأَدْعُ إِلَى رَبِّكَ وَلَا تَكُونَنَّ مِنَ الْمُشْرِكِينَ﴾

[حبییم! کافر لرله انسیت، آیتلر سکا نازل اولدقدنصکره اللهك آیتلرینی تلاوتدن سنی منع ایتمسون و سن اللهك قوللرینی توحیده و عبادته دعوت ایت والبتہ مشرک لرله برابر و آنلردن اولما.]

یعنی؛ ای رسول ذیشان! آیات الهیه سکا انزال اولوندقدنصکره کافر لرله مدارات و آنلرله انسیت سنی او آیتلری تلاوتدن منع ایتمسون. زیرا؛ حکم الهی بی تبلیغ تأخیر قبول ایتمز و احکامک اجراسنه امور دنیا مانع طوتولماز و آیتلرک تبشیراتیلہ قوللری تبشیر و انذاراتیلہ انذار و ربک تعالی نک توحیدینه قوللرینی دعوت ایت والبتہ مشرک لردن اولما.

بو آیتده خطاب؛ ظاهرده رسول الله ایسهده حقیقتده خطاب امتهدر. چونکه؛ بو آیتده واقع اولان تکالیفک جمله سنده رسول الله مکلف اولدینی کی امتک هر فردی ده مکلفدر. برنجی تکلیف؛ رسول الله آیات قرآنی بی نوروته سنی هیچ برشی منع ایتمسونه بیورمشدر که امتی ده تلاوت قرآنله مأمور اولدینی کی تلاوته هیچ برشی مانع طر تمامقلده مکلفدر. بناء علیه؛ قرآنه اتباعه مانع اولاجق برشی اولمادیغندن اتباع ایتمه یئرلرک بعض مانع بیانیه اعتذارلری مردوددر. ایکنجی تکلیف، نومبره دهمه طوغر بول قوللرینی دعوت ایتمسنی رسول الله امر ایتمشدر. بناء علیه؛ طریق حقه قدرتی نسبتده دعوت و طوغرو یولی ابناء جنسنه کوستر مکله امتک هر فردی مکلفدر. اوچنجی تکلیف؛ مشرک لردن اولمقده رسولنی نهیمدر. رسول اللهک مشرک لردن اولیه جفی قطعیدر. زیرا؛ جمله انبیا معصوم اولدقلری جهنله شرکدن بری اولدقلری کی رسول اللهی ده شرکدن بریدر. شو حالده رسول اللهی شرکدن نهی ایتمک؛ امتنی نهی ایتمکدر. چونکه؛ رسول الله «سن مشرک لردن اولما» دیمک «سکا تابع اولان امتک مشرک لردن اولماسونلر» دیمکدر.

واجب تعالی بو اوج تکلیفی بیاندنصکره دردنجی تکلیفی بیان ایتمک اوزره  
﴿وَلَا تَدْعُ مَعَ اللَّهِ إِلَهًا آخَرَ﴾ بیوریور.

[حبییم! سن معبود بالحق اولان اللهله برابر باشقه معبوده دعا ایدوب چاغیرما و باشقه معبود اسمی آکما.]

﴿لَا إِلَهَ إِلَّا هُوَ﴾

[زیرا معبود؛ بردر. اللهك غیری معبود یوق، آنجق او واردر. آنک غیری معبود بالحق اولما یجیه اللهدن باشقه دعا ایدیلہ جک معبود یوقدر.]

﴿كُلُّ شَيْءٍ هَالِكٌ إِلَّا وَجْهَهُ﴾

[چونکه؛ هر شی هلاک اولور، الا ذات الوهیت باقی قالیر.]

﴿لَهُ الْحُكْمُ﴾

[بناء علیه هر شیده حکم؛ آکا مخصوصدر و آنک غیری حکم صاحبی یوقدر.]

﴿وَالِيَهُ تُرْجَعُونَ﴾

[و آخر امرده آنجق آنک حضور مغنویسنه ارجاع اولونورسکیز.]

یعنی؛ ای رسول ذی شان! فرد واحد اولان الله تعالی به معبود باطلی شریک اخذ ایتمه. چونکه؛ الله تعالی نک الوهیتده و ذاتنده و صفاتنده و مخلوقاتده تصرفنده شریکی یوق، ملکنده مستقلدر. زیرا؛ معبود بالحق و عبادته مستحق آندن باشقه برکیمسه یوقدر. بناء علیه؛ هر شی ممکن اولدیغندن هلاک اولور، الا ذات الوهیت باقی قالیر و دنیاده و آخرتده حقیقی حکم آنکدر. شو حالده عاقبت رجوع او اوانا جفکیز محل؛ آنک حضور مغنویسیدر. بو آیتده هر شیئک هلاکی ایله مراد؛ هر شیئک ممکن اریسیدر. چونکه؛ وجودی ممکن اولان مخلوقات حد ذاتنده مضمحل و معدوم مثابه سندهدر هر زمان هلاک معروض و بقای یوقدر.

روی بیک اوچوز اتوز سنه سی ایلولنک ایکنجی جمعه اورتی کونه تصادف ایدن عربی بیک اوچوز اتوز ایکی سنه سی ذی القعدة سنک آلتنجی کونی بوسوره نک ترجمه سی بعونه تعالی ختام بولمشدر.



سورة عنكبوت

مكة مكرمه نازل اولان سوره لر دندر . آلفس طغور آتی حاویدر

بِسْمِ اللَّهِ الرَّحْمَنِ الرَّحِيمِ

الْم

(الم) نعمت الله افنديك بیانی وجهله (ا) انسانه فامه (ل) لیاقتنه (م) مؤید من عند الله اولم یغه اشارت و رسول الله خطابدر . مفاسی: [ ای نعمت الهیهک فیضانه لایق و معجزات باهره ایله مؤید من عند الله اولان انسان کامل ! ] دیمکدر .

أَحْسِبَ النَّاسُ أَنْ يُتْرَكُوا أَنْ يَقُولُوا آمَنَّا وَهُمْ لَا يُفْتَنُونَ

[ ناس مجرد ایمان ایتدک دیمکله فتنه ایله مبتلا اولونمیهرق ترك اولونورلرمی ظن ایدرلر ؟ ]

یعنی ؛ انسانلر مالارنده و جانلرنده فتنه اولونمقسزین یالکیز بز ایمان ایتدک سوزلریله ترك اولوناجق لری و امتحان اولونمیه جق لری می ظن ایدرلر ؟ اگر بویله ظن ایدرلر سه بومثللو ظن طوغرو دکلددر . زیرا ؛ مجرد ایمان ایتدک دیمک آنلری هر بلادن قورتاره ماز . چونکه ؛ انسانلر وبالخاصه مؤمنلر تکالیف الهیه دن حاصل اولاجق مشقتلرله و دشمنله مجاهده و مهاجرتدن حاصل اولاجق محنتلرله و فقر و فاقه بلا سیله و ماللرنده نقصان و جانلرنده خسته لق و سائر بلایا ایله مبتلا اولورلر و آنلره امتحان معامله سی یاپیلور که مؤمن منافقندن سچیلسون و صادق کاذبدن آیرلسون و ایماننده ثبات ایدنله ثبات ایتیموب مضطرب اولانلر بربرندن فرق اولونسون و هر کس نظرنده حاللری معلوم اولسون و مؤمن اولانلر صبرله درجانه و منافق اولانلرده نفاقلریله جهنمک در کاتنه مستحق اولدقلری آکلا شیلسون . اوت ؛ ایمان کامل ، صاحبی آخرتده ساحه سلامت چیقاریر و لکن دنیاده صاحبی مسلمانلر نظرنده بوتون

اهل اسلامك نائل اولدینی حقوقه مالک قیلار فقط هر درلو بلادن قورتاراماز . چونکه دنیا ؛ دار محنت اولدیغندن مؤمن و کافر هر جمله سی حصه سنه اصابت ایدن بلایا ایله امتحاندرن کچر . شو قدر که مؤمن ایمانی سبیلله او بلانک آخرتده مکافاتنه نائل اولور و صبرندن ثواب آلیر . بناء علیه ؛ چوق کره مؤمن کامل فاسق فاجردن دها زیاده بلایه مبتلا اولور که صبری ایله درجات عالیاته نائل اولسون . ایماننده کمال اولمایانلرده بعض بلایا ایله مبتلا اولونجه اعتقادینی بوزار و ایماندرن چیقارده خبری اولماز .

فخر رازی و قاضینک بیانلری وجهله آیتک سبب نزولی ؛ مکده (عمار بن یاسر) (عباش) ، (ولید) و (سلمه) کبی فقراء اصحابه مشرک لک اشکنجه ایتلرندن رسول الله شکایت ایتلری اوزرینه بو آیتک نازل اولدینی مرویدر . یعنی « مؤمن اولقله هر بلادن قورتولمق لازم کلز » دیمکدر . یاخود (مهجع بن عبدالله) حقنده نازل اولمشدر . چونکه ؛ (مهجع) یوم بدرده اک اول شهید اولان شهداء اسلامیه دندر . یعنی « مؤمن اولقله کافرک سلاحنه هدف اولماق لازم کلز » دیمکدر .

خازنده بیان اولوندیغنه نظراً رسول اللهک « مهجع شهید لک بویوکیدر و جنتک قابوسی بو امتک شهداسندن ایلک اوکجه مهجعه آجیلا جقدر » بیوردینی مرویدر . پدر و والد سنک (مهجع) ک شهادتی اوزرینه چوق فزع و فریاد ایتلرینه بناء بو آیتک نازل اولدینی مرویدر .

خلاصه ؛ بر کیمسه مؤمن اولقله فتنه یه دوچار اولماق و فتنه یه طوتولماق لازم کلدیکی بو آیتدن مستفاد اولان فوائد جمله سننددر .

\*\*\*

واجب تمالی مؤمنک ایمانی دنیانک لوازمندن اولان بلایادن قورتارامیه جغنی بیاندن صکره انسانلری بلا ایله مبتلا قیلماق یکی بر عادت اولمایوب اولدنبری قوللریغنی امتحانک عادت الهیه دن اولدیغنی بیان ایتک اوزره ﴿ وَلَقَدْ فْتَنَّا الَّذِينَ مِنْ قَبْلِهِمْ ﴾ بیوریور . [ ذات الوهیتعه یمین ایدرم که بز محقق شول کیمسه لری فتنه ایله مبتلا قیلدق . آنلر قریش مشرکلرندن اول کچدیلر . ]



﴿ فَلْيَعْلَمَنَّ اللَّهُ الَّذِينَ صَدَقُوا وَآيَعْلَمَنَّ السَّكَاذِبِينَ ﴾

[ بو ابتلا اوزرینه الله تعالی البتہ سوزنده صادق وایماننده ثابت اولانلری و قولنده و فعلنده یالانچیلری بیلیر و آنلرک صدقه و کذبہ دائر اولان حاللرینی ناسه اظهار ایدر . ]  
یعنی ؛ بزم انسانلری مبتلا قیلمامز امت محمدہ مخصوص یکی بر عادت دکادر . زیرا ؛  
امت محمدن اول کچن ملتلری و انبیاء کرامی دخی زمانلرنده بر طاقم بلایا و مشقتله مبتلا قیلدق . مع هذا آنلرده « زایمان ایتدک » دیمکله ایمانلرینی اظهار ایدرلردی ، فقط آنلرک « ایمان ایتدک » دیملریله بز آنلری ابتلا سز مهمل اولارق ترک ایتدک ، بلکه آنلر اوزرینه تکالیفمزی انزال و عبادتی فرض قیلدق و محرماتی ترک ایتلرینی امر ایتدک که ایماننده صادق اولانلر کاذب اولانلردن آیرلسون . چونکه ؛ تکالیفله مکلف اولونجه منافقلا اطاعتدن اعراضله ایمانلرنده صادق اولماقلرینی اظهار وایماننده ثابت اولانلرده تکالیفک جمله سنی قبول ایدرک مکلف اولدینی وظیفه بی ادایه سرعت ایدرلر . بناءً علیه ؛ جناب حق امتحان معامله سنی بالاجرا صادق اولانلری کاذب اولانلردن تفریق ایتمکله هرایکی فرقہ نک حالی هر کسه اعلان ایدر .

مدار کده وقاضیده بیان اولوندینی وجهله واجب تعالی امتحان ایتزدن اول صادق ویا کاذب اولانلری بیلدیکی حالده بو آیتده « امتحانله بیلدی » دیمک « امتحان و ابتلا ایله هرایکی فرقہ نک حاللرینی خلقه اظهار ایتدی » دیمکدر . چونکه ؛ صادق اولان حال ضراء و حال سراء یعنی ضرر و سرور زمانلرینک هرایکی سنده دخی صبر ایدر و شکر ایدر و کاذب اولانده حال فرخنده شکر ایدر . ده حال کدرنده جزع و فزع و فریاد و فغانله هر شیشی انکاره باشلار . بو آیتده ( فَلْيَعْلَمَنَّ ) افعال بابندن ( فَلْيَعْلَمَنَّ ) قرائت اولدیغنه نظراً  
عالم یعنی بیلدیرمک معناسه در . شو حالده معنای نظم : [ الله تعالی صادق اولانلرک یوزلرینی یوم قیامتده بیاض و کاذب اولانلرک یوزلرینی سیاه قیلمقله خلقه آنلرک حاللرینی بیلدیرر ]  
دیمکدر . بناءً علیه ؛ صادق اولانلر مسرور و کاذب اولانلر مأیوس اولور و خلقده آنلرک حاللرینی کوردورلر .

خلاصه ؛ انسانلرک ابتلا دن خالی اولمایوب مؤمن و کافر هر کسک کندینه کوره ابتلا سی

بولوندینی و ابتلا سببیه صادق اولانلرک کاذب اولانلردن تمیز ایتدکاری و یوم قیامتده الله تعالی نک صادقلرک صدقی و کاذبلرک کذبی اعلانه هر کسه آنلرک حاللرینی بیلدیره چکی بو آیتدن مستفاد اولان فوائد جمله سنددر .

\*\*\*

واجب تعالی قوللرک مجرد « ایمان ایتدک » دیمکله فتنه دن خالی اولمایوب هر برینی بر جوق تکالیفله مکلف قیلدیغنی بیاندنصکره تکالیفی قبول ایتمینلرک معذب اولاجقلرینی بیان ایتک اوزره ﴿ أَمْ حَسِبَ الَّذِينَ يَعْمَلُونَ السَّيِّئَاتِ أَنْ يَسْبِقُونَا سَاءَ مَا يَحْكُمُونَ ﴾ بیوریور .

[ شول کیمسه لر بزی سبق ایدر جکلرینی ظن ایدرلرمی که آنلر کفر و سائر کناهلری ایشله دیلر ؟ اکر بویله حکم ایدرلرسه آنلرک حکم ایتدکاری شی نه فنا اولدی . ]  
یعنی ؛ شول کیمسه لر که آنلر شرک و سائر کناهلری ایشلرلر و بزی سبق ایدر یعنی ایشله دکلرینی بیلدیرمز و علم الهی بی تجاوز ایدر و علم الهی عمللرینه لاحق اولیه جغنی می ظن ایتدیلر ؟ اکر کناهلری یا نلرینه قالا جق و انتقام الهیدن قورتولاجقلرینی ظن ایدرلرسه بو ظنلری یا کایش و حکملری فاسددر . زیرا ؛ آنلرک حکملری پک چیرکین بر حکمدر . چونکه ؛ کناه اوزره دنیاده عذاب کورمه مکدن آخرتده دخی عذاب کورمه مک لازم کلر .

فخر رازینک بیانی وجهله بو آیت « سیئات اوزرینه دنیاده عذاب اولمایجه آخرتده دخی عذاب اولماز » دییه نلره رد ایچون نازل اولمشدر . چونکه ؛ کافرلردن بر قسمی « اکر سیئات اوزره آخرتده عذاب اولسه ایدی دنیاده دخی اولوردی . دنیاده اولماسی آخرتده دخی اولیه جغنه دلالت ایدر . شو حالده وعدا الهی قوللرینی عبادت تشویق و عذابی بیان ایدن وعیدی کناهندن قورقوتماق ایچوندی « دیملری اوزرینه بو اعتقادده اولانلرک اعتقادلرینک باطل اولدیغنی واجب تعالی بو آیتله ابطال ایتش و شو حکملرینک غایت کوتو بر حکم اولدیغنی بیان بیورمشدر . چونکه ؛ آخرتی دنیایه قیاس ایتک یا کایش اولدینی کی حکملری ده دلائل عقلیه و شرعیه دن هیچ برینه مستند دکادر . دیلسز حکم ایسه



بالکلیه اعتباردن ساقطدر. بناءً علیه؛ جناب حق بو حکمک غایت چیرکین بر حکم اولدیغی بیان ایتشد که بومثلاًو حکمدن هر کس اجتناب ایتسون .

\*\*\*

واجب تعالی دنیاده ناسک مهمل اولارق ترک اولونمايوب البته مکلف اولدقیرنی ومکلف اولدیغی وظیفه بی ادا دن استنکاف ایدنلرک معذب اولاجقیرنی بیاندنصکره وظیفه سنی ادا ایدنلرک عمللری ضایع اولیه جغنی بیان ایتک اوزره ﴿مَنْ كَانَ يَرْجُوا لِقَاءَ اللَّهِ فَإِنْ أَجَلَ اللَّهُ لَاتٍ وَهُوَ السَّمِيعُ الْعَلِيمُ﴾ بیوریور .

[ آخرتده اللهک رضاسنه ملاقی اولاجغنی امید ایدن کیمسه آخرت ایچون عمل ایتسون . زیرا ؛ ملاقات ایچون تعیین اولونان کون البته کله جکدر . حالوکه الله تعالی قوللرینک سوزلرینی ایشیتیر واعتقاد و عمللرینی بیلیر . ]

یعنی ؛ برکیمسه آخرته ایمان ایدر و یوم قیامتده جناب حقه ملاقی اولاجغنی امید ایدرسه ملاقات کونی ایچون عمل صالح ایشله مکله حاضر لانسون . زیرا ؛ ملاقات ایچون اللهک تعیین ایتدیکی اجل معین البته کله جک و او کونده جناب حق هر کسی حاضر لادیی عملی ایله مجازات ایده جکدر . زیرا ؛ الله تعالی جمله قوللرینک ذکرینی ودعاسنی و کناهه دائر اولان سوزلرینی ایشیتیر وبالعموم ایشلرینی واحتیاجلرینی وایسته دکلرینی بیلیر .

واجب تعالی رضاسنه ملاقات ایچون تعیین ایتدیکی آخرت کوننک کله جکسه شبهه اولمادیغه اشارت ضمنتده او کونک کله جکینی بیاندن محققه دلالت ایدن انه ولام تا کیمره ﴿فان اجل الله لاتٍ﴾ بیورمشدر که « محقق والته کله جک شبهه یوق » دیمکدر .

فخر رازینک بیانی وجهله بو آیتده عبدک آخرتده نائل اولاجنی درجانه اشارت واردر . چونکه عبدک عملنده مرتبه ؛ اویمدر : برنجیسی ؛ فلبیده اعتقاد باتک کایسنی نصیرین ایتکدر . تصدیق ؛ کوزله کورولمز ، آنجق جناب حق علمیه بیلدیکندن آخرتده قولنه تصدیقه مقابل کوزلرک کورمیدیکی وقلب بشره خطور ایتدک نعمتله احسان ایده جکسه اشارت ایچون آخرتده ملاقات امید ایدنلرک عمللرینی بیلدیکنی بیان ایتشد .

ایکنجیسی ؛ عمل لسانی اولوب لسانله عملده مسموعاندن اولدیغی جهته قولقلرک طویمادیغی نعمتلری ویرمکسه اشارت ایچون قوللرینک ایشیدلک شانندن اولان عمل لسانلرینی ایشیتدیکنی بیان ایتشد ، اوچنجیسی ؛ عمل جوارحه که اعضالریله ایشله دکلری عمللرینی کوردیکی دیگرانصوصله بیان بیورمشدر که کوردیکی عمللره مقابل البته مکافات ایده جکدر .

خلاصه ؛ یوم آخرته ایمانله جناب حق رضاسنه ملاقات امید ایدن کیمسه نک او کون ایچون عمل حاضر لامسی لازم اولدیغی وملاقات ایچون تعیین اولونان کونک البته کله جکی والله تعالی نک قوللرینک سوزلرینی ایشیدوب عمللرینی بیلدیکی بو آیتدن مستفاد اولان فوائد جمله سندندر .

\*\*\*

واجب تعالی قوللرینه تکلیفی بیاندنصکره تکلیفدن فائده نک قوللره عائد اولدیغی بیان ایتک اوزره ﴿وَمَنْ جَاهَدْ فَإِنَّمَا يُجَاهِدُ لِنَفْسِهِ إِنَّ اللَّهَ لَغَنِيٌّ عَنِ الْعَالَمِينَ﴾ بیوریور . [ اکر برکیمسه حظوظات نفسانیه سندن واز کچر عبادته سعی ایله مجاهده ایدرسه آنجق کندی منفعتنه مجاهده ایدر . زیرا ؛ الله تعالی عالملرک عبادتلرندن غنیدر و هیچ کیمسه نک عبادتنه احتیاجی یوقدر . ] شو حالده عبادتک منفعتی ؛ آنجق عبادت ایدن کیمسه به عاڈدر . بناءً علیه ؛ اللهک قوللرینه عبادتله تکلیفی مرحمت و حاللرینی اصلاح ایچوندر ، بوقسه کندی احتیاجی ایچون تکلیف ایتش دکدر .

نیسابوری وخازنک بیانلری وجهله بو آیتده جناب حق قوللرینه بشارت واردر . زیرا ؛ واجب تعالی عالملردن غنی و احتیاجدن بری اولونجه بوتون موجوداتی بر شخصه ویرمش اولسه هیچ نقصان طاری اولیه جنی جهته دنیاده و آخرتده ایسته دیکی قدر نعمتی ایسته دیکی قولنه ویرمکده بر مانع اولمادیغندن عبد ربسندن هر نعمتی ایستر و امید ایدر و ربسی ده ایسته دیکی قدر ویرمکه قادردر . کذلک بو آیتده قوللری تهدیده واردر . چونکه ؛ جناب حق جمله اشیادن غنی اولونجه بوتون اشیای قهریله اهلاک وبالخاصه انسانلری



عذابه اطلاق ایتش اولسه هیچ بر نقصان طاری اولمادی کبی اهلا کنه بر مانع ده بولونمادی  
جهتله عبدک دائما خوف و اندیشه ایتشی لازمدر که قصورینه بناء الله تعالی نک هر زمان  
آنی اهلاک ایتک احتمالی موجوددر . بناء علیه ؛ بو آیتده قوللری تبشیر اولدینی کبی  
تهدیدده وارددر .

خلاصه ؛ عبدک عبادتدن منفعت آنجق کندینه عائد والله تعالی نک جمله عالمدن  
وبالخاصه انسانلرک عبادتدن غنی اولدینی بو آیتدن مستفاد اولان فوائد جمله سنددر .

..

واجب تعالی عمل ایدن کیمسه نک عبادتدن منفعت آنجق کندینه عائد اولدینی اجمالاً  
بیاندرنصرکه تفصیلاً بیان ایتک اوزره ﴿ وَالَّذِينَ آمَنُوا وَعَمِلُوا الصَّالِحَاتِ لَنُكَفِّرَنَّ  
عَنْهُمْ سَيِّئَاتِهِمْ وَلَنَجْزِيَنَّهُمْ أَحْسَنَ الَّذِي كَانُوا يَعْمَلُونَ ﴾ بیوریور .

[ شول کیمسه لکه آنلر ایمان ایتدیلر و ایمانلرینک مقتضایی اولان عمل صالحده  
ایشله دیلر . آنلرک کناهلرینی بز البته کفارت ایدر و عمللرینک کوزلیله جزالاندریررز . ]  
یعنی ؛ شول کیمسه لکه آنلر الله ورسوله اخلاص اوزره ایمان ایدوب ایمانلری  
عمللریله اثبات ایتدیلر . آنلرک زمان جهالت وضالته ایشله دکلی کناهلرینی بز البته  
کفارت ایدر و عمل دفترلرندن سیلهرز . زیرا ؛ کفرینی ایمانیله و سائر کناهی عملیه  
ازاله ایدرز و البته بز آنلری عمللرینک اک کوزل جزاسیله جزالاندریررز . یعنی مستحق  
اولدقلى ثوابک قات قات فضلہ سنی ویررز . چونکه جزاده حسن ؛ عملنه کوره جزادر .  
شوحالده احسن ؛ مسخو اولدینی مزانک فضلہ سیده مظافتمه . بناء علیه ؛ ایمانیله برابر  
عمل صالح ایشله ی کیمسه لکه جزالری استحقاقلرندن فضلہ اولاجغنی بیانه بو آیتده  
جناب حق قوللرینی عبادته ترغیب ایتشددر . آیتده کافرک عملنه ثواب اولیه جفته دخی  
اشارت وارددر . زیرا ؛ احسن جزا ایمانله مشروط اولونجه ایمانی اولمایان کیمسه باب السبده  
اجنبی اولدینی جهتله حسن جزا اولان عطیة السبیه مستحق اولاماز که فضلہ سینه مستحق

اولسون . چونکه ؛ اصل عملک جزاسنه مستحق اولامانجه فضلہ سینه مستحق اولامیه جغنی  
اولویتله ثابتدر .

فخر رازینک بیانی وجهله بو آیت عملک ایمانه مغایر اولدیغنه دلالت ایدر . زیرا ؛ عملی  
ایمان اوزرینه عطف ایتک مغایر اولدیغنه دلیلدر . چونکه ؛ معطوفک معطوف علیه مغایر  
اولسی قواعد عربیه اقتضاسنددر . کذلک آیت ؛ عمل صالحک ثوابی باقی اولدیغنه دخی  
دلالت ایدر . فقط نیت خالصه اولمق شرطدر . چونکه ؛ نیت خالصه ایله ایشله نمه یں عملده  
فائده اولماز که بقا اولسون . آیتده جزا ؛ ایکی نوع ذکر اولونری . زیرا عمل ؛ ایکسیر :  
برنجیسی ؛ ایمانه در که آنک جزاسی ؛ سیمانی کفارتدر . ایکسجیسی ؛ عمل صالحدر که  
آنک جزاسی ؛ احسن جزا اولانه درجه تدر .

خلاصه ؛ ایمانله برابر عمل صالحک جزاسی کناهلره کفارت اولاجغنی و عمل صالح  
ایشله ی کیمسه نک فضلہ سیله مکافات کوره جکی بو آیتدن مستفاد اولان فوائد جمله سنددر .

..

واجب تعالی قوللرینی عمل صالحه ترغیب ایتد کدنصرکه عمل صالح جمله سنددن اولان  
ابویه احسانله امر ایتک اوزره ﴿ وَوَصَّيْنَا الْإِنْسَانَ بِوَالِدَيْهِ حُسْنًا ﴾ بیوریور .  
[ بز انسانه آناسنه و باباسنه کوزل معامله ایتسنی وصیت ایتدک . ]

﴿ وَإِنْ جَاهَدَاكَ لِتُشْرِكَ بِي مَا لَيْسَ لَكَ بِهِ عِلْمٌ فَلَا تُطِعْهُمَا ﴾

[ ای انسان ؛ اکر والدک و پدرک سنک ایچون علم اولمایان برشیله بکا شرک  
ایتکی امر ایدرلر و سنکله بو خصوصه دائر مجاهده ایدرلر سن آنلره اطاعت ایتمه . ]

﴿ اِلَىٰ مَرْجِعِكُمْ فَأُنَبِّئُكُم بِمَا كُنتُمْ تَعْمَلُونَ ﴾

[ زیرا ؛ سزک مرجعکیز آنجق بکادر . بناء علیه ؛ بن سزه عملکیزی خبر ویررم . ]  
یعنی ؛ بز انسانه ایمان و عمل صالحله تکلیفدنصرکه والدہ سینه و پدرینه احسان ایتسنی



توصیه ایتدک. زیرا؛ انسانک ابوی وجودینه سبب اولدقلرندن آنلرک سبق ایدن خدمتترین و تربیه لرینه مقابل حسن معامله ایله کوزل خدمت ایدوب اینجیتمه مسنی انسان اوزرینه واجب قیلدق واحسان ایتدک که احساننده اصلاً اذا قاریشینی اولماق لازمدر. بناءً علیه؛ انسانک آناسنی و باباسنی کوچوک کورمه مک وحقارقی آکدیرر معامله ده بولونمق جائز اولمادیکی کبی ابوی حضورنده کمال تواضع و انقیاد اوزره بولونمق وظائف شرعیه دندر. شو حالده انسانک ابویتنک بالعموم امرلرینه اطاعتی واجبدر. آنجق ابوی اکر او انسانه شبرکله وسائر کناهلر امر ایدرلرسه اطاعت ایتمه مک واجبدر. زیرا؛ خالق معصیت اولان شیده مخلوقه اطاعت جائز اولماز. اکر معصیت ایله امرلرینه اطاعت ایدرسه مسئول اولور. زیرا؛ جمله نک مرجعی حضور باریدر. بناءً علیه؛ جناب حق هر کسک عمانی کندینه خبر ویره جکنی بیان ایتمه بومثللو اطاعتدن قوللرینی تهدید ایتشددر.

واجب تعالی صورت مشروعه ده ابوینه احسانک مکمل اولسنه اشارت ایچون آیتده (حسنًا) لفظی تعظیمه و تکشیره دلالت ایدن تنوینله نکره اولارق ایراد بیورمشدر. شو حالده اولاد اوزرینه لازم اولان ابوینه اطاعتک ال یوکسک طبقه سی اولدینی کبی کمال تعظیم اوزره بولونمق ده لازمدر. بناءً علیه؛ ابوینه آزیحق قصور عندالله پک بویوک کناهدر.

بیضاوی وخازنک بیانلرینه نظراً بو آیت (سعد بن ابی وقاص) و آناسی (حمیه) حقنده نازل اولمشدر. چونکه؛ (سعد) حضرتلری اسلام اولونجه والدیه سی آکا کوچندی وارثداد ایتسنی تکلیف و اصرار ایتدی. حتی (سعد) اسکی دیننه دوغمزسه اکمک یمیه یوب صو ایچمیه جکنی سوبلدی و برقاق کون یمیدی و ایچمیدی. برکون (سعد) حضرتلری «ای» آنام اکر یوزجانک اولسه برر برر چیقسه بن دین اسلامی ترک ایتمه ایسترسه ک اکمک بی ایسترسه ک یمیه دیدی. والدیه سی ارتداددن امیدینی کسیدی و اکمک یمیه کباشلادی و آنک اوزرینه بو آیت نازل اولدی. کرچه (سعد) ک والدیه سی (سعد) کوچندی ولیکن بو کوچمسی بغیرحق (سعد) ی شرکه دعوت ایچون اولوب شرک ایسه رضاء السهینک خلافه اولدیغندن رضاء السهی خلافه دعوتیه اجابت جائز اولمادیغنی جناب حق بیان ایتدی و دیدی که «ای

ابوینه احسانله مأمور اولان انسان؛ اکر والدهک و پدرک سنک الوهیه علمک اولمایان برشیته عبادت و شرک ایتکی سکا امر ایدر و بو خصوصده سنکله مجاهده ایدر اوغراشیرلرسه آنلره اطاعت ایتمه و رضاء السهی خلافه تکلیفلرینی قبول ایله و سوزلرینی دیکلمه. زیرا؛ جمله کزک مرجعکز بکادر. بناءً علیه؛ بن سزک هر بریکزک عملکزی کندیکزه خبر ویررم. شو حالده عملکزی رضامه موافق ایشله مکز لازمدر. بیضاویتنک بیانی وجهله واجب تعالی بو آیتده «علمک اولمایان شیته دعوت ایدرلرسه اطاعت ایتمه» بیورمسيله انسان ایچون صحتی بیلمدیکی برشیته اتباع جائز اولمادیغنی بیان ایتشددر. ایتک ظاهری خبر ایسه ده حقیقته معناسی امردر. یعنی «بز انسانه والدینی حقنده وصیت ایتدک و دیدک که ای» انسان؛ سن والدینک احسان ایدر کبی جه سنه احسان ایت که ابویتنکی خشنود ایتمه بزم رضامنی تحصیل ایتش اولاسک» دیمکدر.

\* \*

واجب تعالی ابوین حقنده احکامنی بیان ضمتنده انسانک ایکی صنفه اشارت ایتشدی که بری مؤمن دیکری مشرکدر. بونلردن هر برینک احکامنی بیان ایتک اوزره ﴿وَالَّذِينَ آمَنُوا وَعَمِلُوا الصَّالِحَاتِ لَنُدْخِلَنَّهُمْ فِي الصَّالِحِينَ﴾ بیوریور.

[شول کیمسه لرکه آنلر ایمانله برابر عمل صالح ایشله دیلر. آنلری البته بز صالحین زمره سنه ادخال ایدرز.]

﴿وَمِنَ النَّاسِ مَنْ يَقُولُ آمَنَّا بِاللَّهِ فَإِذَا أُوذِيَ فِي اللَّهِ جَعَلَ فِتْنَةَ النَّاسِ كَعَذَابِ اللَّهِ﴾ [ناسدن بعضیلری «بز الله تعالی به ایمان ایتدک» دیرلر و ایمانی اظهار ایتدکدنصرکه ناس طرفندن اذالانجه ناسک دنیا ده دوکمه که عذابنی اللهک آخرته آتشله عذابی کبی قیلار.] بناءً علیه؛ دینندن دوزر و قلبنده کفرینی کیزله مکباشلار. شو حالده ناسک آزیحق اذاسی کفرینه سبب اولور.

﴿وَلَيْنَ جَاءَ نَصْرٌ مِنْ رَبِّكَ لَيَقُولُنَّ إِنَّا كُنَّا مَعَكُمْ﴾



[ ذات الوهیمه یمین ایدرم که ربك تعالى طرفندن سزه نصرت کلیرسه آنلر « بزه سزکه برابرز » دیرلر . ]

﴿ أَوَلَيْسَ اللَّهُ بِأَعْلَمَ بِمَا فِي صُدُورِ الْعَالَمِينَ ﴾

[ آنلر بویه سویلرلرده الله تعالى عالمك قلبلرنده اولان کیزلی کفرلرینی بیلمزمی و بیلمدی ظن ایدرلر ؟ ]

﴿ وَلَيَعْلَمَنَّ اللَّهُ الَّذِينَ آمَنُوا وَلَيَعْلَمَنَّ الْمُنَافِقِينَ ﴾

[ والته الله تعالى شول کیمسهلرکه ایمان ایتدیلر آنلری و منافقلری بیلیر . ]

یعنی ؛ ایمانله عمل صالحه دوام ایدنلری بز انبیا و اولیا جماعتی ایچنه ادخال ایدر و آنلرک کیمدکاری جته ادخال ایدرز . زیرا صلاح ؛ انسانک مرتبه سنک نهاییسی اولدیغندن صلحادن اولانلری صلحا ایله برابر بولندیررز و ناسدن بعضیلری « بز الله و رسولنه ایمان ایتدک » دیوب ایمانی اظهاردنصکره کافرلر طرفندن اذا اولونونجه دنیاده کافرلرک ایمان اوزره عذابلرینی اللهک آخرتده کفر اوزرینه آتشله عذابنه مساوی قیلار دینندن دوز وارتداد ایدر . حالبوکه عذاب آخرت ابدی وشدتلی اولدیغندن دنیا عذابنه اصلا قیاس قبول ایتمز . ذاتمه یمین ایدرم که حییم ! اکر ربك تعالى طرفندن سزه یاردیم کلیرسه آنلرده « بزه غزاده سزکه برابرز » بناء علیه ؛ غنیمتده حقمن واردر و احکام سائرده سزه مساوی یز « دیرلر و مسلمانلقدن بحث ایدر و برحق دعوا نده بولونورلر . مع هذا کندیبلری منافقلردر . بناء علیه ؛ اکر محاربه اهل اسلامک علیه نتیجه لیرسه آنلر کافرلرله برابر اولور مسلمانلر علیه اداره کلام ایدلر . آنلر بویه سویلرلرده الله تعالى عالمك و بالخاصه بونلرک قلبلرنده اولان کفری هر کسدن زیاده بیلیر اولمادیمی ؛ البته بیلیر . بناء علیه ؛ بر مدت موقتهده مسلمانلری آلدانسهلرده اللهی آلدانامازلر والته الله تعالى مؤمنلری و منافقلری بیلیر و مؤمنلری نصرتیه اعزاز و کافرلری و منافقلری اهانتله اذلال و بالخاصه منافقلرک نفاقلرینی میدانه قویمقله عالمه رسوای ایدر . کتب فقهیهده بیان اولوندینی وجهله بر مؤمنک حال اکر اهده قلبی مطمئن بالایمان اولارق کله کفری سویلسی ایمانته ضرر ویرمز . بو مسئله بو آیته منافی دکادر . زیرا ؛ مؤمن

اجبار سببیه هر نه قدر کله کفری تکلم ایدرسده قلبنده ایمانی ثابتدر . اما بو آیتده بیان اولونان منافقلر کافرلردن کوردکاری اذا اوزرینه لسانلریله ارتداد ایتدکاری کی قلبلریله دخی ارتداد ایدرلر . بناء علیه ؛ قلبنده ایمانی ثابت اولان مؤمنک اجبار سببیه کله کفری سویله مسیله منافقک قلبنده کفریله برابر لسانیه کله کفری تکلمی مساوی اولاماز . تفسیر خازنده بیان اولوندینی وجهله بو آیت ناسدن رجاعت حقنده نازل اولمشدر . زیرا ؛ کافرلردن ، ایمانلرینه بناء کوردکاری اذا اوزرینه « دنیاده ایمان اوزرینه عذابله آخرتده کفر اوزرینه عذاب بیتنده فرق یوقدر . شوخالده دنیاده ایمان ایدوب کافرلرک اشکنجهلرینه معروض اولاجغمزه دنیاده کفر ایدر اذادن قورتولورز آخرتده کفرک عذابنی چکرز » دیدیلر و کفری ارتکاب ایتدیلر و آخرتک ابدی و عذابنک شدتلی اولدیغنی اونوتدیلر . ایشه بومثللو کیمسهلری ذم ایچون الله تعالى بو آیتی ازال ایتمشدر . فخررازینک بیانی وجهله صالح اولان مؤمنی صالحین زمره سنه ادخالک معناسی ؛ آنلرک کیمه بیکلری دایره کیممکره که اوداثرده جتدر . اما اکر جته کیممکده آحاد امت انبیا ایله برابر اولسهلرده درجانه نائل اولمقده و مراتب عالییه ارتقا ایتمکده بالطبع انبیا عظام حضر ایلله برابر اولامازلر . چونکه ؛ منصب نبوتک درجانی باشقه وغایت عالیدر . بناء علیه ؛ آحاد امت اودرجهلره نائل اولامازلر .

بوسوردهنک اولندن بورایه کنجهیه قدر اون آیتک مدینهده نازل اولدینی مرویدر . زیرا ؛ بو آیتلرده منافقلردن بحث واردر . حالبوکه مکده منافق یوقدی . چونکه ؛ مکده ناس ایکی قسم ایدی : بری خالص مؤمن ، دیکری کافر معند و مجاهر در که مسلمانلردن قورقورلی اولمادیغندن کفرلرینی صاقلامغه احتیاج کورمزلردی .

خلاصه ؛ ایمان ایدن و عمل صالح ایشلهینلرک صالحین زمره سنه داخل اولاجقلری وناسدن بر قسمی ایمان ایدرلرسده ایمانلرنده ثبات اولمادیغندن کافرلردن کوردکاری اذا اوزرینه ارتداد ایدوب آخرت عذابنی دنیا عذابنه مساوی قیلدقاری و حالبوکه آنلر هر نه قدر کفرلرینی صاقلاسهلرده الله تعالى نک قلبلرنده اولان نفاق و مؤمنله منافق اولانلری بیلیکی و مؤمنلرایچون حاصل اولان غلبیه و اموال غنیمته « بزه سزکه برابرز » دیهزک اشتراک ایتک ایسته دکاری بو آیتلردن مستفاد اولان فوائد جمله سننددر .



واجب تعالى منافقك احوالى بياندنصكره كافر مجاهرلك مؤمنلى اضلال ايجون  
سوق ايتدكلى سوزلرى بيان ايتك اوزره ﴿ وَقَالَ الَّذِينَ كَفَرُوا لِلَّذِينَ آمَنُوا  
اتَّبِعُوا سَبِيلَنَا وَلْنَحْمِلْ خَطَايَاكُمْ وَمَا هُمْ بِحَامِلِينَ مِنْ خَطَايَاهُمْ مِنْ شَيْءٍ  
إِنَّهُمْ لَكَاذِبُونَ ﴾ بيوريور .

[ كافرلى مؤمنلره « سز بزم طريقمزه اتباع ايدك . بزمك كناهلىكزى كوتوره »  
ديمكه مؤمنلى اغفاله چالشديدر . حالبوكه آنلك كناهلرندن هيچ رشى كوتوره مزله .  
زيرا ؛ آنلر يالانجيلردر . ]

يعنى ؛ كافرلى مؤمنلى اضلاله چالشيئر . جمله اضلالرندن برى ده مؤمنلره ديديلركه  
« اى احمق كيشيلر ! سز بزم طريقمزه اتباع ايدك و پوت پرست اولك . بزم  
مذهبمزه اتباعكزندن دولاي كناه وارسه بزاو كناهى كوتورورز و بوندن نشأت ايدك  
كناهى بزم بوينمزه آنك . زيرا ؛ پوت پرستك آباء واجدامزك ديندر . اكر او آنده  
كناه اولسه ايدى آنلر بونى ارتكاب ايتزلردى » ديمكه اضلاله سى ايتديلر . حالبوكه  
آنلر مؤمنلك كناهلرندن بر ذره بيله كوتوره مزله . زيرا ؛ آنلر البته يالانجيلردر .  
چونكه ؛ آخرى معتقد اولماقلىرندن اهل ايمانى اغفال ايجون بوسوزلى سويلرلو بونكه  
مقصدرلى ده استهزا ايتكدردر .

ايشته بو آيتك سرى هر زمان ظهور ايتكدردر . چونكه ؛ كافرلره منافقك اهل  
ايمانى وعاصيلرك اهل طاعى و فاسقك اهل اتقاي و مفسدك اهل صلاحى افساد و اضلالرى  
هر زمان جاريدر و يالكز عصر سعادت منحصردكلدر . هله شو آيتده بيان اولونان طرز  
اوزره « سز شو ايشي ايشلده و بالى وارسه بنم اولسون » سوزى اكثر انسانلك لسانده  
چوق زمان ايشيتيلور و ايمانى ضعيف كيمسلره شيطانك وسوسه سى ده انضمام ايدنجه يولدن  
چيقار طاعتنى معصيته تبديل ايدر . چونكه ؛ سوزك انسانلرده تأثيرى و انسانلك سوزايه  
الداعسى غير قابل انكار بر حقيقتدر . اما ايمانى قوى اولانلر هيچ بر زمان بوكي هذيانه  
آلدانق شويله طورسون بوسوزلى رد و جرح ايدر و اصلا ايماننه و عبادتنه خلل كتيرمزه

﴿ وَلَيَحْمِلُنَّ أَثْقَالَهُمْ وَأَثْقَالًا مَعَ أَثْقَالِهِمْ وَلَيُسْأَلُنَّ يَوْمَ الْقِيَمَةِ عَمَّا كَانُوا  
يَفْتَرُونَ ﴾

[ آنلر كندى كناهلىرى و كندى كناهلىله برابر اضلال ايتدكلى كيمسلرك  
كناهلىرى يعنى اضلاللرندن دولاي كنديلرينه حاصل اولان كناهلىرى البته كوتورورلر  
و كوتوره جكلردر و يوم قيامتده افترا ايتدكلى كناهلرندن البته سئوال اولونورلر . ]

يعنى ؛ مؤمنلى اضلال ايجون « بزم دينمزه اتباع ايدك ، اكر اتباعكز كناه اولورسه  
بزمك كناهلىكزى كوتورورز » ديهن مشركلر كندى شرك و سائر كناهلىله برابر  
اضلال ايتدكلى كيمسلرى اضلال ايتدكلىرندن حاصل اولان كناهك بر مثلنى دخى كندى  
كناهلىرينه انضمام ايدرك كوتورورلر . فقط آنلر ، اضلال ايتدكلى كيمسلرك  
كناهلىرينك بر مثلنى يوكله نمزلرندن او كيمسلرك كناهلىرى يوكله نمش اولمازلر . شو حالده  
كندى كناهلىرى و اضلال ايتدكلى كيمسلرك كناهلىرينك مثلنى يوكله نيرلر ، يوقسه او  
كيمسلرك كناهلىرينك عينى يوكله نزلركه بو آيت اولكى آيت مافى اولسون ، منافات يوقدر  
و آنلر اهل ايمانى اضلال ايتلرندن والله لايق اولماق شيلرى اسنادله افترا ليرندن و سائر  
كناهلرندن يوم قيامتده البته سئوال اولونورلر .

فخر رازينك بيانى وجهله بونلك افترا ليرنده اوج احتمال واردر : برنجيسى ؛  
مؤمنلى اضلال ايجون كفرده مظهر و ارسه اوضطاي بيوكله نيرز ديمليدردر .  
ايكنجيسى ؛ بوسوزلى حشرى انكار ايتلرينه مبنى اولدينى جهتله مشرى انكار ايتلريره  
اوچنجيسى ؛ سزك كناهلىكزى يوكله نيرز ديمليدركه بر كيمسه نك ديكرينك خطاسنى  
كوتورمسى احتمالى يوقدر . زيرا ؛ ( ولا نزر وازرة وزر اخرى ) بر كيمسه آخرك وزر  
و وبالنى كوتورمز و بونلر يوم قيامتده سوزلرينك خلافى ظهور ايدنجه هر بوندن سئوال  
اولونوردنيلوركه « هايا اضلال ايتديككز كيمسلرك كناهلىرى نه ايجون كوتورمز سكز  
و افترا كزه سبب نه ايدى و بوكي افترايه نه دن مجبور اولمشديكز ؟ » ايشته بوكي شيلره  
سئوال اولونورلر .



بوآيتده « كندی كناهرينك مثلى كناهريله برابر كوتورورلر » ديمك « اصل كناهرلى نه ايسه آنى كوتوره جكلى كې اضلال ايتدكلى كيمسه لك كناهرينك مثلى دخى اصل كناهريله برابر كوتورورلر » ديمكدر . بومعناي رسول الله « بر كيمسه شرعه مخالف كوتو برشى ايجاد ايدرسه الى يوم القيام او كوتو شيتى ايشله ين كيمسه لك اوشيتى ايشله ملرندن حاصل اولان كناهك بر مثلى ده ايجاد ايدن كيمسه لك دفتر اعماله يازيلور » بيوردى حديث شريفيله ايضاح ايتشدرد .

خلاصه ؛ اهل طاعى اضلال ايدن كيمسه لك هم كندی كناهى همده اضلال ايتديكى كيمسه لك كناهرينك برر مثلى كوتوره جكى وهر برندن يوم قيامتده مسئول اولاجنى بوآيتدن مستفاد اولان فوائد جمله سنددر .

..

واجب تعالى قوللرينه تكليفى ومكلفك اقسامى ومؤمنه ثواب ويره جكنى وكافره عذاب ايدجكنى وكافرلك اهل ايمانى نه كې سوزلرله اضلال ايتدكلى واضلال ايدنلر اصل كناهريله برابر اضلال ايتدكلى كيمسه لك كناهرينك مثلى ده كوتوره جكلى ويوم قيامتده هر برندن سوال اولونا جقلى بيا ندنصكره بونكليفك امت محمده مخصوص اولمايوب ايم سالفده دخى جارى اولديغى واهل كفر ك پيغمبرلرينه اعتراضلى اولديرى جارى اولان احوالدين بولونديغى بيان ايتك اوزره ﴿ وَلَقَدْ أَرْسَلْنَا نُوحًا إِلَى قَوْمِهِ فَلَبِثَ فِيهِمْ أَلْفَ سَنَةٍ إِلَّا خَمْسِينَ عَامًا ﴾ بيوريور .

[ ذات الوهيته يمين ايدرم كه بزحقيق نوح عليه السلامى قومه رسول كوندردك . بناء عليه ؛ قومي ايجنده الله سته مستثنا اولارق بيك سته قرار ايتدى وقومنى ايمانه دعوت ايتدى . ]

﴿ فَآخَذَهُمُ الطُّوفَانُ وَهُمْ ظَالِمُونَ ﴾

[ آنلره دعوتك تاثيرى اولمايجه آنلرى ظالم اولدقلى حالكه طوفان اخذ ايتدى . ]

﴿ فَانجَيْنَاهُ وَأَصْحَابَ السَّفِينَةِ وَجَمَلْنَاهَا آيَةً لِلْعَالَمِينَ ﴾

[ آنلرى طوفان اخذايدنجه بز نوح عليه السلامه برابر اصحاب سفينه يى طوفاندين قورناردق وسفينه يى يعنى نوح عليه السلامك كيمسنى عالمه نمونه وعلامت قيلدق . ]

يعنى ؛ قوم نوحك انواع فسق وفجورله وظلم وطفيلانه عصيان وجنك وجدال ايله مشغول اولدقلى زمانده آنلك اصلاحه شدتله محتاج اولملىنه بناء بز نوح عليه السلامى آنلرى ارشاد ايجون محقق رسول اولارق كوندردك واللى سته مستثنا اولارق بيك سته آنلرى حقه دعوت ايتدى وائشاي دعوتده آنلر طرفندن واقع اولان اذالره صبر وتحمل ايلدى ودعوتى اصلا تاثير ايتمه نجه آنلر ظلمه دوام ايدر اولدقلى حالكه طوفان آنلرى اخذ ايتدى وجهله سى هلاك اولديلر . آنلر هلاك اولونجه بز نوح عليه السلامى وآنلكه برابر اصحاب سفينه يى كه كيمده بولونانلرى طوفانله هلاك كن قورناردق و بز كى يى وآنلكه هلاكلىنه دائر اولان حادثه يى آنلردنصكره كن عالمه عبرت ايجون علامت قيلدق كه هر كس آنلره باقارق عبرت آلسونلر وظلم وسائر كى هلاكى موجب اولان كناهلردن واز كچسونلر .

نيسابورى ، بضاوى ، خازن ومداركك بيانلرى وجهله نوح عليه السلامك عمرى بيك اللى سنه در . چونكه ؛ قرق ياشنده نبوتى اظهار ايلديكى وطقوز يوز اللى سته قومى دين حقه دعوت ايتديكى وطوفاندينصكره آلتش سته دخى معمر اولدينى جهته مجموعى بيك اللى سته ايدر . ديكر روايتده بيك درتيوز سته معمر اولدينى مرويدر . كچه بعض اطبا وحكما انسانك عمر طبعيسنك يوز يكرمى سته اولديغى ادعا ايدسيورلرسده بو ادعا اكثر انسانلك احواله نظر آدر . هر كسك كندی زمانك احواله كوره حكم ويرمى بو كى شيلرده عاتدر ، يوقسه او اكثر خلافه بعض كيمسه لك فضله ياشاملرى محال اولمايى كى خارق العاده اولارق حضرت نوحك بيك كسور سته ياشامسى استبعاد اولونا جق بر مسئله دكلدر وآيت جليله ده اطانك دعواسنى صراحة رد ايتشدرد ولائل عقليه ده آيتك مآلنه موافقدر . چونكه ؛ انسانك شو بنه ايله بقاسى ودوامى ذاتنده ممكندر . اكر ممكن اولسه هيچ دوام ايدمى زدى . حالبوكه انسانك بو جسميله يتمش ، سكران سته ودها زياده معمر اولدينى اكثر يتله كورولمكده در . شو حالكه انسانك بو جسمله دوامنده مؤثر واجب الوجودك اراده سيدر . بناء عليه ؛ سكران سته معمر اولمىنى اراده بيوردى كى آنك فوقنده ايكيوز ويا بش يوز وياخود بيك سته دهها معمر اولمىنه



اراده سنك تعلقنه نه کبی مانع تصور اولونور . اگر بنیه نك ضعیفی مانع اولور دینورسه عمرینه کوره بنیه سنی قوی خلق ایتسنه نه کبی مانع واردر . یوقسه عمر طبعینک یوز یکرمی سنه اولدیغنی ادا ایدنلر قدرت واراده الهیه حائل می اولاجقلر ؟ اطبانک بو ادا لاری زما نمرده یوز اوتوز و یوز قرق سنه معمر اولانلری ایله دخی مجروحدر . بناء علیه بو ادا نقلک خلافتنه بر ادا اولدیغنی کبی عقلک دخی خلافتنه در . بوندن باشقه عمر ؟ انسانلره بر عطیه الهیه در و عطیه الهیه یی قوللرندن منع ایده جک کیمدر ؟ الله تعالی ایسته دیکی قولنه ایسته دیکی قدر عمر ویرر . چونکه ؟ فاعل مختاردر . ایسته دیکنی ایشلر کیمسه قاریشاماز .

بیضاوینک بیانی وجهله بو آیتلر رسول اللهی تسلیه ایچون نازل اولمشددر . تسلیه ده و کافر لری تهدیده تاثیر زیاده اولاجفته بناء مدت ذکر اولونمشددر . یعنی « حییم ! مشرکارک عناد واستکبارلرندن وسکاروا کوردکلری اذالرندن محزون اولما . زیرا ؛ نوح علیه السلام قومی طقوز یوز الی سنه دعوت ایتدیکی حالده غایت آز کیمسلر ایمان ایتدی و حضرت نوح ده صبر و ثبات ایلدی و احکام الهیه یی تبلیغدن هیچ بر زمان خالی قالمادی و قومنک اذالریغنی دعوتنه مانع طوتمادی . شو حالده سنک زمانک حضرت نوحک زمانه نسبتله غایت آز و قیصه در . بناء علیه ؛ سنک ده صبرله تبلیغه دوامک لازمدر . نوح علیه السلام صبر ایتدی و عاقبت دشمنلری هلاک اولدی . شو حالده سن ده صبر ایت دشمنلرک هلاک اولاجقدر . بناء علیه ؛ مشرکارک عذابلرینک تأخیر اولوندیغنه مغرور اولماسونلر . زیرا ؛ نوح علیه السلام طقوز یوز الی سنه تبلیغه دوام ایتدی و او مدمده قومنک عذابی تأخیر اولوندی و بو تأخیر آنلری عذابدن قورتارمه مادی . شو حالده حییم ! سنک دشمنلریکه عذابک تأخیری آنلری عذابدن قورتارمه میجنی اولویتله ثابتدر . دیمک اولور .

فخر رازی و خازنک بیانلرینه نظراً بو آیتده « طقوز یوز الی سنه دعوت ایتدی » دنیلمه یوبده استثنا صورتیه « الی سنه مستثنا اولارق بیک سنه قومنک ایچنده مکث ایتدی » دنیلمه سنده ایکی فائده واردر . برنجیمی ؛ استثنا ، حقیقه دلالت ابرر ، چونکه ؛ فلان آدم یوز سنه یاشادی دنیلمه بو سوزک تخمین بر سوز و یاخود چوق یاشادیغندن کنایه اولاسی مختمل اولدیغندن فی الحقیقه یوز سنه معمر اولدیغنه دلالت ایتمز . اما برآی و یا بر

سنه مستثنا اولارق یوز سنه یاشادی دینورسه بوسوزده ظن و تخمین اولماز آنجق حقیقت اولور . بناء علیه ؛ حضرت نوحک طقوز یوز الی سنه قومی دعوت ایتدیکی حقیقت اولدیغنی بیان ایچون استثنا صورتیه وارد اولمشددر . ایکنجیسی ؛ حقیقه بر اوزره مرنی پانله رسولنی تسلیه در .

انبیاء عظام حضراتی ایچندن حضرت نوح ، قومی طرفندن پک چوق اذا کورنلردندر . حتی نعمت الله افندیکنک بیانه نظراً هر دعوت ایتدکجه قومی ضرب و شتم کبی بر طاقم لایق اولماق افعالی روا کورور و جاهل و مجنون کبی شان نبوته یاقیشماز سوزلری سولمکدن چکینمزلردی . حضرت نوح ده بونلرک هیچ برندن متأثر اولماز همان وظیفه سنه دوام ایدردی .

اصحاب سفینه نك نوح علیه السلامک اوغلانلری و آنلرک حرملری ده داخل اولدیغنی حالده یتیم سکر و یاخود سکسان کیمسه اولدیغنه و صو چکیلنجه کمی موصل جوارنده ( جودی ) دنیلن اوفاجق طاغ اوزرنده قرار ایتدیکسنه دائر تفصیلات سورة هودده کچمشدر .

\* \*

واجب تعالی رسولنی تسلیه ایچون نوح علیه السلامک قصه سنه اجمالاً اشارتد نصکره حضرت ابراهیمک قصه سنی بیان ایتک اوزره ﴿ وَإِبْرَاهِيمَ إِذْ قَالَ لِقَوْمِهِ اعْبُدُوا اللَّهَ وَاتَّقُوهُ ذَلِكُمْ خَيْرٌ لَّكُمْ إِن كُنتُمْ تَعْلَمُونَ ﴾ بیوریور .

[ بز ابراهیمی قومنه رسول اولاق کوندردک شول زمانده که اوزمانده ابراهیم علیه السلام قومنه خطاب ایدره رک دیدی که « ای قوم ! سز اللهه عبادت ایدک و شرک و سائر کبی کناهلری ارتکاب ایتمکدن نفسکیزی وقایه ایتمکله اللهدن قورقک . اگر بیلیرسه کز شو عبادت و اتقا سزک ایچون هر شیدن خیر ایدر . چونکه ؛ دنیا و آخرتده منفعتکز بوکا موقوفدر . ]

یعنی ؛ بز ابراهیم علیه السلامی رسول اولارق قومنه کوندردک . ذکر ایت حییم !



شول زمانی که او زمانده ابراهیم علیه السلام قومه « الله عبادت ایدک واللہدن قورقک » دیدی. چونکہ؛ قومی مدت مدیدہ عبادت السہبہ دن چقمشدر وظلم و طغیانہ طالمشدری. بناء علیہ؛ بر مرشد کاملہ احتیاجلری واردی. بواحتیاجلرینہ بناء بز ابراهیم علیہ السلامی آنلری ارشاد ایچون کوندردک. اودہ آنلرہ اوامرہ امتثال ایلہ عبادت ونواہیدن اجتنابہ اتقا ایتملریخی امرایتدی ونصیحتہ شونی دہ علاوہ ایتدی ویدی کہ « ایشته شو عبادت واتقا؛ اگر بیلیرسہ کز سزک ایچون ہرشدن خیرلیدر ». ابراهیم علیہ السلام بوسوزندہ عبادتہ امرندہ توحیدہ واتقا ایلہ امرندہ شرکی ترک ایتملرینہ اشارت ایتشدرد. چونکہ عبادتہ امر؛ بالعموم واجباتی ادا ایلہ امر اولوب واجباتک اک بویوکی ایسہ توحید اولدیغندن عبادتہ امر؛ توحیدلہ امری متضمندر. کذلک اتقا ایلہ امر؛ بالجللہ محرماتی ترکلہ امر اولوب محرماتک اک بویوکی ایسہ شرک اولدیغندن اتقا ایلہ امر؛ شرکی ترکلہ امردر.

خلاصہ؛ حضرت ابراہیم قومه شو خطابندہ انسانہ لازم اولان وظائف دینیہ نک جملہ سنی جمع ایتدیکی و وظائف دینیہ نک بالجللہ واجباتی ادا ومحرماتی ترکدن عبارت وبونلرک جملہ سنی عبادت واتقا ایلہ امرک جامع و عبادت واتقانک انسانلر ایچون ہرشدن خیرلی اولدیغنی بو آیتدن مستفاد اولان فوائد جملہ سنددر.

..

واجب تعالی ابراهیم علیہ السلامک قومه برنجی خطابه سنی بیاندنصکرہ قومک مذہبلرینک بطلاقی بیان ضمنندہ ایراد ایتدیکی دلیللرینی بیان ایتک اوزرہ ﴿ إِنَّمَا تَعْبُدُونَ مِنْ دُونِ اللَّهِ أَوْثَانًا وَتَخْلُقُونَ إِفْكًا ﴾ بیوریور.

[ ای شرکار! سز آنجق اللہک دونندہ بر طاقم بوتلرہ عبادت ایدر ویالان سویلرسکز. ]

﴿ إِنَّ الَّذِينَ تَعْبُدُونَ مِنْ دُونِ اللَّهِ لَا يَمْلِكُونَ لَكُمْ رِزْقًا فَابْتَغُوا عِنْدَ اللَّهِ الرِّزْقَ ﴾

[ زیرا؛ شول شیلرکہ سز اللہک غیری اولارق آنلرہ عبادت ایدرسکز. آنلرسزک ایچون رزق ویرمکہ مالک اولامازلر. بناء علیہ؛ رزقکزی اللہ تعالی عندندن آریک. ]

﴿ وَاعْبُدُوهُ وَاشْكُرُوا لَهُ ﴾

[ وسز اللہ عبادت ایدک وسزہ ویردیکی رزق مقابلندہ اللہ شکر ایدک. ]

﴿ إِلَيْهِ تُرْجَعُونَ ﴾

[ زیرا؛ سز آنجق آنک حضور مغویسنہ ارجاع اولونورسکز. ] چونکہ؛ آنک حضورندن غیری مرجعکز یوقدر. شو حالہ ہر ایلدیکی آدن بکلہ ملی و عبادتکزی وشکرکزی آکا حصر ایتلی سکز.

یعنی؛ ای شرکار! سز عبادتکزی لایق اولدیغنی وجہ اوزرہ ادا ایتبورسکز. زیرا؛ اللہک غیری طاشدن و آغاجدن یا پلش بوتلرہ عبادت ایدرسکز. حالبوکہ آنلرک عبادتہ استحقاقلری یوقدر. بناء علیہ؛ عبادتہ استحقاقی اولمایان شیلرہ معبود دیمککہ و شرک ایتمککہ افترا ایدر ویالان سویلرسکز. حالبوکہ سزک عبادت ایتدیکیکز شول شیلرکہ آنلر سزہ رزق ویرمکہ مالک دکالردر. بناء علیہ؛ سز رزقکزی اللہدن ایستہیک و عبادتکزی وشکرکزی آکا حصر ایدک. چونکہ؛ آنجق مرجعکز آنک حضوریدر. بناء علیہ؛ عبادت ایدرسہ کز منفعتکز و قباحث ایدرسہ کز عذابکز آنک حضورندہ در. حالبوکہ سزک عبادت ایتدیکیکز بوتلرک منفعت و مضرتہ اقتدارلری یوقدر. بناء علیہ؛ آنلرہ عبادتہ فائدہ شویلہ دورسون او عبادتکز سزہ عین عذابدر، دیمککہ مذہبلرینک باطل اولدیغنی بیانہ قومی دین حقہ دعوت ایتشدرد.

فخر رازینک بیانی وجہلہ بوتلردن رزق ایستہمک معروف اولمادیغنی اشارت ایچون بوتلرہ نسبت اولونان رزق؛ نکرہ اولارق ﴿ رِزْقًا ﴾ واللہ تعالی دن رزق ایستہمک معروف اولدیغنی اشارت ایچون اللہ نسبت اولونان رزق؛ معرفہ اولارق ﴿ الرزق ﴾ وارد اولمشدرکہ ہر نوع رزقک جناب حقندن ایستہندیکنہ دخی اشارت وارد. چونکہ؛ ﴿ الرزق ﴾ لفظندہ الف لام جنس ایچون اولدیغندن رزقک ہر نوعہ و آزینہ و جوغہ شاملدر.



خلاصه ، مشرکوں کے معبود اتخاذ ایتدکاری پوتلرک ہیچ برشیئہ مالک اولمادقلری کجی رزقندن آزیحق بر شئی بیسله عبادت ایدنلره ویرمکه دخی مالک اولمادقلری ورزقک هر نوعی اللهدن ایسته مک لازم و بناء علیه ؛ او رزقک شکری و عبادتی الله حصر ایتک واجب اولدینی و هر کسک خطا و صواب عملنک جزائی کورمک ایچون حضور باریه رجوع ایده جکی بو آیتلردن مستفاد اولان فوائد جمله سندندر .

\*\*\*

واجب تعالی حضرت ابراهیمک توحیدله قومه امرایتدیکنی بیاندنصکره امرایتال ایتیهوب رسولی تکذیب ایدنلری تهدید ایتک اوزوه ﴿وَإِنْ تُكَذِّبُوا فَقَدْ كَذَّبَ أُمَمٌ مِّنْ قَبْلِكُمْ وَمَا عَلَى الرَّسُولِ إِلَّا الْبَلَاغُ الْمُبِينُ﴾ بیوریور .

[ ای ] مشرک ! اگر سز بنی تکذیب ایدر سه کز سزدن اول کچن امتلرده نیلرینی تکذیب ایتدیلر . بناء علیه ؛ بن سزک تکذیبکزه اهمیت ویرم . زیرا رسول اوزرینه واجب اولان ؛ آنحق آچیق وهر شئی بیان ایدر تبلیغدر .

یعنی ؛ « ای » کافر ! اگر سز بنی تکذیب ایدر سوزیمی دیکله من و نصیحتی قبول ایتمزه کز سزدن اول کچن قوم هود ، نوح ، صالح ایله سائر پیغمبران ذی شانک امتلری ده آنلری تکذیب ایتدیلر و تکذیبلرینک ضرری کندیلرینه عائد اولدی و رسوللرینه بر ضرر گلدی . بناء علیه ؛ رسوللری آنلرک تکذیبلرینه اهمیت ویرمدیلر . کذلک سزک تکذیبکزه بن ده اهمیت ویرم . زیرا بن ؛ طرف الهیدن سزه رسولم . رسول اوزرینه واجب اولادی ، آنحق آچیقندن تبلیغ ایتک واجب اولدی . شو حالده بن ده سزک آکلاییله جککزه بر لسانله سزه تبلیغ ایتدم و وظیفه می رینه کتیردیکم ایچون بن اوزریمه کدر یوقدر « دیکله قومه نصیحت ایتدی .

فخر رازی ، قاضی و مدارک بیانلری وجهله بو آیت ابراهیم علیه السلامک کلامی حکایه و آنک قومه خطاب اولمق احتمالی اولدینی کجی آیت جمله معترضه اولارق حضرت ابراهیمک قومیه اولان مباحثه سی آره سندندر بزم نبیمزک قریش قومه واقع اولان

خطابی بیان اولور . بلاغ ؛ طرف السهربره کلن اعطای امتنه پانه ایتکدر . مبین ؛ ذکر اولونانه مسائلک دایمربنی و برالهی قطعیه سی اقامه ایدوب ضلعه آکمه مقرر . بناء علیه بو آیت ؛ بیانک یعنی مسائل اوزرینه دلیل اقامه ایتمکنک احتیاج زمانندن تأخیری جائز اولمادیغه دلالت ایدر . چونکه ؛ بر بنی مجرد مسائلی بیانله اکتفا ایدوب دلائلی سرد ایتسه وظیفه سی ادا ایتمش اولماز . زیرا ؛ وظیفه سی یالکزه تبلیغ دکدر ، بلکه دلائلی بیانله برابر تبلیغدر . چونکه ؛ جناب حق بو آیتده (وما علی الرسول الا البلاغ) بیورمادی ، بلکه (وما علی الرسول الا البلاغ المبین) بیوردی . بناء علیه ؛ خلقک آکلاییمه جنی و دلائلی بیان اولونامیان تبلیغ حکم سزدر . شو حالده علمانک و عظنده دخی حکم بویله در . زیرا مجرد مسائلی ذکر و عظه کافی دکدر ، بلکه خلقی او یاندیره جق دلائل عقلیه و نقلیه سی بیانله مسئله یی ایضاح ایتک و عطاک اس اساسی در . بیضاوینک بیاننه نظراً بلاغ مبین ایله مراد ؛ اصهر سزک قالمایوب شهرلری ازالد ایتک و کبرلی قایاقلی بر شئی قالمایوب هر شئی آچیقجه پانه ایتک و اورنولی بر شئی قالمایور .

خلاصه ؛ هر نبینک امتلری طرفندن تکذیب اولوندقلری و رسوللر اوزرینه آنحق آچیق صورتده تبلیغ واجب اولدینی بو آیتدن مستفاد اولان فوائد جمله سندندر .

\*\*\*

واجب تعالی حضرت ابراهیمک قومه تبلیغده اولاً توحیده و ثانیاً رساله اشارت ایتدکدن و دعوتی بیاندنصکره اوچنچی مرتبه ده احوال آخرتی اشارت ایتدیکنی بیان ایتک اوزره ﴿وَلَمْ يَرَوْا كَيْفَ يُبْدِئُ اللَّهُ الْخَلْقَ ثُمَّ يُعِيدُهُ إِنَّ ذَلِكَ عَلَى اللَّهِ يَسِيرٌ﴾ بیوریور [ آنلر حشری انکار ایدرلرده نظر ایدوب کورمدیلر می الله تعالی خلقی نصل ایجاد و صکره نصل اعاده ایدر ؛ زیرا ؛ اولد کدنصکره اعاده ایتک الله اوزرینه ده قولایدرد ؛ ] چونکه ؛ بالعموم موجوداتی ابتداء ایجادی نصلسه صکره عینله اعاده سی اوله در . شو حالده ابتداء ایجادده شبهه وارمی که اعاده ده شبهه ایدیورلر ، بلکه اعاده ابتدادن ده قولایدرد .



﴿ قُلْ سِيرُوا فِي الْأَرْضِ فَانظُرُوا كَيْفَ بَدَأَ الْخَلْقَ ثُمَّ اللَّهُ يُنشِئُ النَّشْأَةَ الْآخِرَةَ إِنَّ اللَّهَ عَلَىٰ كُلِّ شَيْءٍ قَدِيرٌ ﴾

[ یا ابراہیم علیہ السلام! سن مشرک رہ دی کہ « سز ارض اوزرنده سیر وسفر ایدک، نظر ایدک باقک کہ اللہ تعالیٰ مخلوقاتی نصل ایجاد ایتدی و صکرہ نشأت آخرتی نصل ایجاد ایدر . زیرا ؛ اللہ تعالیٰ ہر شی اوزرینہ قادر در . » ]

یعنی ؛ ای — مشرک! حشرک وقوع بولا جفی دفعۃً مخلوقاتی بیلکھ بیلہ مدیکزہ یر یوزندہ سیر وسفر ایدک، کورک کہ اللہ تعالیٰ مخلوقاتی نصل ایجاد ایتدی . مخلوقاتک اوقدر چوقلغیلہ برابر آنلرک احوالی و ہر برجنسک نوعلرینی و ہر فردندہ اولان عجائی و مشتمل اولدینی غرائب اوزرہ یارادیلرینی کوروک کہ حشرک وجودینہ قناعت کاسون و آنلرک ہر برندن عبرت آلاک و خلقتک ابتداءً ایجادندہ اولان بدایعدن اولد کدنصکرہ تکرار ایجاد اولونا جغہ انتقال ایدک و نشأت آخرتک وجود بولا جفی واللہک قدرتی اعتقاد ایدک . زیرا ؛ اللہ تعالیٰ ہر شئیہ قادر در کہ دنیادہ ایجادہ نصل قادر ایسہ آخرتدہ اعادہ اویلہ جہ قادر در و قدرت الہیہ غیر متناہیدر . بناءً علیہ ؛ ایستہ دیک کی تصرف ایدر . شو حالہ ابتداءً ایجادی نظر تدقیقندن کچرن برکیمسہ آخرتدہ تکرار ایجاد اولونا جغہ شہہ ایتز . زیرا ؛ عالمک ہر جزئی قدرت کاملہ یہ شاهد و عادلر . »

﴿ يُعَذِّبُ مَنْ يَشَاءُ وَيَرْحَمُ مَنْ يَشَاءُ وَإِلَيْهِ تُقْلَبُونَ ﴾

[ اللہ تعالیٰ دیلہ دیک قوئی تعذیب و دیلہ دیکنہ مرحمت ایدر و آنجق حضور الہیہ قلب اولونورسکز . ]

یعنی ؛ اللہ تعالیٰ مالکندہ متصرف و مستقل و ہر شئیہ قادر در . بناءً علیہ ؛ دیلہ دیک قوئی قصور سبیلہ تعذیب ایدر و دیلہ دیک قولنہ ہدایتی توفیقہ مرحمت بیورر و دیلہ دیکنہ حرص و یرر و حرصی سبیلہ دنیادہ رذیل و رسوا ی ایتکھ عذاب ایدر و دیلہ دیکنہ قناعت و یرمکھ مرحمت ایدر . زیرا قناعت صاحبی ؛ قناعتی سایہ سندہ ہر کس نظرندہ عزیز و محترم اولور .

مدار کدہ بیان اولوندینی و جملہ انسانلری جناب حق سوء اخلاقہ تعذیب و حسن اخلاقہ لطف و احسانہ مستغرق ایتدیک کی بعضیلرینی امر الہیدن اعراض و ہوا و ہوسنہ اتباعہ تعذیب و بعضیلرینی دہ امر الہی قبول و موجیلہ عمل و سنت نبویہ تمسکہ مرحمت ایدر . بو آیت ؛ فقرۃً اخیرہ سبیلہ اہل ایمانی تبشیر و اہل ضلالی تہدید ایتشد . چونکہ ؛ ہر کسک مرجعی ورد اولونا جفی آنجق حضور الہی اولونجہ اہل ایمان البتہ مسرور و اہل ضلال البتہ مأیوس اولورلر . چونکہ ؛ ہر کسک عملنہ کورہ جزا و یردجک اوراسیدر .

..

واجب تعالیٰ اہل ضلالک عذابدن خلاص اولامیہ جقلرینی بیان ایتک اوزرہ ﴿ وَمَا أَنتُمْ بِمُعْجِزِينَ فِي الْأَرْضِ وَلَا فِي السَّمَاءِ ﴾ بیوریور .

[ سز مرجعکزک حضور الہی اولدینفی بیلنچہ سزک اوزریکزہ واجب اولان اللہ ایمان و اطاعت ایتکدر . زیرا ؛ یردہ و کورکدہ اللہ تعالیٰ عاجر قیلوب انتقامندن قورتولامازسکز . ] چونکہ ؛ جملہ سی قبضۃ قدرت الہیہ دہ در . بناءً علیہ ؛ سہانک اک یوکسک طبقہ سنہ و ارضک اک درین محللرینہ فرار ایتسہ کز قدرتک بچہ سندن قورتولق امکانی یوقدر . البتہ کناہکزک جزاسنی کورہ جک سکز .

﴿ وَمَالَكُمْ مِنْ دُونِ اللَّهِ مِنْ وَلِيٍّ وَلَا نَصِيرٍ ﴾

[ حالبوکہ سزک ایچون اللہک غیری امور کزہ بر متولی و دشمنلریکزہ قارشی سزہ یاردم ایدہ جک بر یاردمچیکز یوقدر . ] بناءً علیہ ؛ عبادتکزی آنجق اللہ حصر ایتکز لازمدر . زیرا ؛ اللہدن غیریسی عبادتہ ثواب و یرمک مقتدر اولامادینی کی آنلرہ عبادت عین عذابدر .

انسانک باشقہ سنی عاجر قیلوسی ؛ ایکی شید اولایلمیر : برنجیسی ؛ قاجورب اندرہ قورتولقد اولور . قاجق دہ یا سما جانہ و یا ضررہ جانہ اولور . اللہ تعالیٰ ک قدرتی ہر ایکی جہتی احاطہ ایتدیکندن عاصی اولان کیمسہ ہانکی جہتہ فرار ایتسہ



عذابدن قورتولامیه جغنی بیانله قوللرینی انصافه و اطاعته دعوت ایتشدیر . ایکنجیسی ؛  
بر محمد استناد ایتک و یا بر دوستک یاردیمیدر عذابده قورتولامیه بیکندره بوجهله ده عاصیلرک  
دوستی و یاردیمجیلری اولمادیغنی آنجق الله تعالی نك قوللرینه یاردیم ایدم جگنی بیانله  
عبادتلرینی ذات الوهیت حصر ایتلرینی توصیه ایتشدیر . چونکه ؛ یردن ظهور ایدم جک  
و کوکدن نازل اولاجق عذاب و بلادن اللهک غیری قورتارم جق و دفع ایدم جک بر کیمسه  
اولماینجه هر کسک هر شیده اللهه التجا ایتسی و آندن لطف بکله مسی و قهرندن قورقسی لازمدر .  
خلاصه ؛ هیچ بر عاصیلک یره کیرمک و یا سایه چیقماق صورتیله الهی عاجز  
قیلوب عذابدن قورتولامیه جغنی و اللهک غیری انسانلر ایچون بر یاردیمجی و دوست اولمادیغنی  
بو آیتدن مستفاد اولان فوائد جمعه سنددر .

\* \*

واجب تعالی عاصیلرک هیچ بر وجهله عذابدن قورتولامیه جقلرینی بیاندنصکره  
کافرلرک رحمت السیه دن مأیوس اولدقلرینی بیان ایتک اوزره ﴿ وَالَّذِينَ كَفَرُوا  
بِآيَاتِ اللَّهِ وَلِقَائِهِ أُولَئِكَ يَكْفُرُوا مِنْ رَحْمَتِي وَأُولَئِكَ لَهُمْ عَذَابٌ أَلِيمٌ ﴾ بیوریور .  
[ وشول کیمسه لکه آنلر اللهک آیتلرینه و یوم قیامتده حسابنه ملاقاتنه کفر ایتدیلر .  
ایشته شو کافرلر بنم رحمتدن مأیوس اولورلر و آیتلره کفر ایدن کافرلر ایچون آخرتده  
عذاب اَلیم واردر . ] چونکه ؛ آنلر عظمت السیهیه و قدرت سبحانییه دلالت ایدن  
آیتلره و آخرتده اهل ایمان ایچون حاضرلارنان نعمتلره ملاقاتنه کفر ایتدکارندن آجیدیحی  
عذابه مستحققلردر . بناء علیه ؛ آنلر رحمت السیه دن مأیوس اولملرینه مقابل نعمتدن محروم  
و آخرتی انکارلرینه مقابل عذاب الیمه معذب اولاجقلردر . شو حالده انسانلر آیتلری تدقیقله  
قدرت السیهیه استدلال و بو دنیا نك ایجاد اولوندیغنی تدقیقله آخرته ایمان ایتلی که عذاب  
ایمندن قورتولملی .

\* \*

واجب تعالی حضرت ابراهیمک قومی طریق حقّه دعوت ایدوب انواع نصایحه  
دعوتی تأیید و قبول ایتدکلری صورتده انواع عذابه هلاکلیینه اشارت ایتدیکنی  
بیاندنصکره ابراهیم علیه السلامک بوقدر سعی و اقدامنه قارشی قومنک اصلا متنصح اولمیه رق  
و یردکلری جوابی بیان ایتک اوزره ﴿ فَمَا كَانَ جَوَابَ قَوْمِهِ إِلَّا أَنْ قَالُوا اقْتُلُوهُ  
أَوْ حَرِّقُوهُ ﴾ بیوریور .

[ ابراهیم علیه السلامک نصیحتنه قارشی قومنک جوابی اولمادی ، آنجق « أولدورک  
ابراهیمی و یا خود یاقک آتشد » دیمکدن عبارت اولدی . ]

﴿ فَأَنْجِيَهُ اللَّهُ مِنَ النَّارِ ﴾

[ آنلر ابراهیم علیه السلامی آتشه آنجه الله تعالی آتی آتشدن قورتاردی . ]

﴿ إِنَّ فِي ذَلِكَ لَآيَاتٍ لِقَوْمٍ يُؤْمِنُونَ ﴾

[ ایشته شو ابراهیمی آتشدن قورتارمقده ایمانی اولان قوم ایچون اللهک قدرته  
بویوک علامتلر واردر . ]

یعنی ؛ ابراهیم علیه السلامک قومنه نصیحتنک تأثیری اولماینجه بوقدر بلیغ وعظنه  
قارشی قومنک جوابی اولمادی ، الا « قتل ایدک ابراهیمی ، وجودینی قالدیرک اورتدن  
و یا خود یاقک آتشد سائرلرینه عبرت اولسون . چونکه ؛ دینکزه اعتراض ایتدیکندن  
حداً قتل اولونماق لازم اولدینی کبی جرمی عایت بویوک اولدیغندن عبرت ایچون یاقغه  
دخی لایقدر ، دیمکدن عبارت اولدی . زیرا ؛ آنلر دلائل مقنعه ایله جوابه مقتدر  
دکلردی . بناء علیه ؛ دلائلدن عجزلری ایجابی ظلمه تصدی ایتشلردر . آنلر سوزلرندن  
یاقق جهتی ارتکاب ایدوب آتشه آتشلر سده الله تعالی آتی آتشدن قورتاردی . ایشته  
شو آتشدن مضرندن قورتارمقده اللهک قدرته پک بویوک دلیللر واردر .

کرچه ابراهیم علیه السلامک سرد ایتدیکی دلائله قارشی « أولدورک و یا خود آتشه  
یاقک » دیملری جواب اولمادیغنی حالده جواب دنیلمسنه سبب ، کمال ضلالتلرینی و جوابه  
مقتدر اولمادقلرینی بیانله جواب دنیلمسنی تهکمدر . یاققله امر ایدن ؛ قومک رئیسلری



واركان حكومت ايسهده عوام ناسده بواصره راضی اولدقلرندن بو سوز قومك عمومته اسناد اولونمشدر .

فخر رازينك بياني وجهله واجب تعالى نك حضرت ابراهيمي آتشدن قورتارماسنك كيفيتنده ؛ اوج احتمال واردر : برنجیسی ؛ ابراهيم عليه السلامه برخاصه خلق ايتدی که او خاصه آتشك تأثيرينه مانع اولدی . ايكنجیسی ؛ ابراهيم عليه السلام مالي اوزره آتش ايتدی آنسده مالي اوزره نك اولونمى . لكن الله تعالى حضرت ابراهيمدن آتشك تأثيريني منع ايتدی . اوچنجیسی ؛ جناب هو آتشی صرئوق قبلدی . بو اوچنجی احتمال (يانار کونی بردا) آيتنه موافق اولديغندن بوجهتی راجحدر . کرچه بعض ارباب فن آتشدن صرئوق اولسنی انکار ايدرلرسده بو انکارلری شوايته مخالف اولدينی کی دلائل عقليه دخی مخالفدر . چونکه ؛ حرارتك ترايدی وناقصی کورولمکدهدر . مثلا آتشی نه قدر چوق ياقسهك کورولمکده او فورمدی که آلتونی ، کوشی وسائر معدنیاتی آریتمز . شو حالده کورولمکده او فورولونجه حرارت ترايد ایدیور که معدنیاتی آریدیور و او فورولمکده اریده مسمی حرارتك نقصان اولسندن اولديغنده شبهه یوقدر .

بوکا مادیاتدن دخی برچوق مثاللر واردر که معدن کموردن حاصل اولان آتشك حرارتيله اودوندن حاصل اولان آتشك حرارتی قیاس قبول ایتمز درجهده فرقی اولدينی جمله نك معلومدر . شو حالده آتشدن حرارت ذاتی دکل ، بلکه جناب حقل خلقيله عارضیدر . چونکه ؛ ذاتی اولسه ایدی زیاده و نقصانی قبول ایتزدی . حالوکه قبول ایدیور . بناء علیه ؛ آتش آتش اولدينی حالده انسانه تأثير ایتیهك درجهده حرارتك تناقص ایتسی ممکندر که بونی یعنی شو امکانی انکار ایتك عقلك خارجیدر . ارباب فنک بیانلری عادی بیاندر . چونکه ؛ عاتده آتش انسانی یاقار ، لكن آیتده بیان اولونان حضرت ابراهيمك معجزاتندن خارق العادهدر . عاتدك خلاقی هر شیئی خلق ایتك قدرت الهیه تحتنده اولديغندن قدرة الله ایمان ایدن کیمسه نك بو کی خارقلره اعتراض ایتیهك چکنه اشارت ایچون جناب حق آیتك آخرنده ابراهيم عليه السلامه آتشك تأثير ایتیه مسنده ایمانی اولان قوم ایچون علامت اولديغنی بیان ایتشدر که « ایمانی اولمایان هر شیئه اعتراض ایدر » دیمکدر .

..

واجب تعالى ابراهيم عليه السلام آتشدن قورتولونجه تکراردعوتیه باشلا دینغنی وقومك مذهبلینك باطل اولديغنی اثبات ایتدیکنی بیان ایتك اوزره ﴿ وَقَالَ إِنَّمَا اتَّخَذْتُم مِّن دُونِ اللَّهِ أَوْثَانًا مَّوَدَّةَ بَيْنِكُمْ فِي الْحَيَاةِ الدُّنْيَا ﴾ بیوریور .

[ ابراهيم عليه السلام قومنه خطاب ایدرک دیدی که « سزك دنیایه مخصوص بینکزدده اولان محبتیه بناء اللهك غیری بر طاقم بوتلری معبود اتخاذا ایتدیکنز » . ]

﴿ ثُمَّ يَوْمَ الْقِيَمَةِ يَكْفُرُ بَعْضُكُم بِبَعْضٍ وَلَيَعَنُ بَعْضُكُم بَعْضًا وَمَأْوٰىكُمُ النَّارُ وَمَالِكُمْ مِنْ نَّاصِرِينَ ﴾

[ « دنیادن کیتد کدنصرکه یوم قیامتده بعضیکز بعضیکزه کفر ایدر ولغت ایدر ، فقط اوراده کفر ولغت فائده ویرمز و یوم قیامتده مقامکز آتش ویریکز جهنمدر . حالوکه سزی آتشدن قورتاره حق هیچ بر یاردمجیکزدده اولمادی . ] چونکه ؛ سز اللهك غیری الکزله یامش اولديغکز طاشدن و آغاجدن معمول برطاقم جماداتی معبود اتخاذا ایتدیکنز و بو اتخاذا کزه سببده دنیاده اولان محبتکزددر . حالوکه دنیادن کچد کدنصرکه بو محبت زائل اولور . بناء علیه عابدلر معبودلریکزه کفر ایدر . زیرا ؛ حقیقت میدانه چیقوب آنلردن فائده اولمادیغنی کورونجه بوتلره کفره ولغته باشلار و ( بزی سز اضلال ایتدیکنز ) دیمکله سب ایدرسکز ، فقط فائده ایتمز . چونکه مرجعکز جهنمدر و جهنمدن قورتاره حق یاردمجیکزدده یوقدر ، دیمکله قومنی ایقاظه چالیشدی .

فخر رازينك بیانی وجهله دنیاده محبت ایله مراد ؛ مشرکلر بوتلر آره مندر . عابدلر معبودلرینه « بزی سز اضلال ایتدیکنز » دیمکله لغت ایتدکلری کی معبودلرده آنلره « بز مزه بزه عبادت ایدك دیمك . سزك بزه عبادتکزله بزه جهنمه آتیلاجفز » دیمکله عابدلره لغت ایدرلر .

یاخود دنیاده محبت له مراد ؛ بونه عبادت ایدنلرک آره لرزه اولانه مجبزر . چونکه ؛ آنلرک هبسی بوت پرستلکده بر دین اربابی اولدقلرندن یکدیگری قرداش طانیر وغایت



صیق محبت ایدر لر و بر لرینه پوتلری توصیه ایدر لر دی ، فقط یوم قیامت اولونجه حقیقت میدانه چیقار . بناء علیه ؛ یکدیگرینه عطف جرم ایدر لر لعنته باشلار لر . چونکه ؛ باطل اوزره اجتماع نتیجه سی دائماً غاوغادر و دنیا ده بر معصیت اوزره اجتماع ایدوب نتیجه ده معصیتک جزای کور و لونجه « سندن اولدی بندن اولمادی » کی منازعه لر هب بو قیلدن آخرته اولاجق منازعه لر بر نمونه در و آیت موافق اولان ده پوت پرستلرک بر برینه محبتدر . با ضرر آباء واجداد لرینه محبت لرینه بناء آنلرک مسلک لرینی تقلید ایتدکلرندن آخرته آنلره « سز سبب اولدیکنز » دیمکله لعنت ایده جکلر در .

\*\*

واجب تعالی ابراهیم علیه السلام قومنه نصیحتی تأثیر ایتمه یجه آنلرک ایچندن هجرت ایتدیکنی و یالکیز حضرت لوطک تابع اولدیغنی بیان ایتک اوزره ﴿ فَأَمِّنْ لَهُ لُوطٌ وَقَالَ إِنِّي مُهَاجِرٌ إِلَىٰ رَبِّي إِنَّهُ هُوَ الْعَزِيزُ الْحَكِيمُ ﴾ بیوریور .

[ ابراهیم علیه السلام معجزه سی اوزرینه لوط علیه السلام آکا ایمان ایتدی و ابراهیم علیه السلام « بن ربکم امر ایتدیکی محله هجرت ایدرم . زیرا ربم ؛ دشمن لرینه غالب و افعالی حکمتی متضمن عزیز و حکیمدر » دیدی . ]

یعنی ؛ ابراهیم علیه السلام معجزه لرینی و بالخاصه آتشک یا قادیغنی برادر زاده سی لوط علیه السلام کورونجه هر کس دن اول نبوتی تصدیق ایتدی و ابراهیم علیه السلام ده قوم مشرک ایچندن هجرت ایده جکفی بیان ایتدی و دیدی که « بن ربکم امر ایتدیکی و رضاسنه موافق اولان محله هجرت ایده جکم . زیرا ؛ ربم غالب و قاهر بر حکیم مطلقدر . بناء علیه ؛ بنم دشمن لرمدن انتقامی آیر » دیمکله هجرت قرار و یردی و برابرنده حریمی (ساره) و برادر زاده سی لوط علیه السلام ده هجرت ایتشلر در .

خازنک بیانه نظراً حضرت ابراهیم و رفقای سی کوفه جوارنده ( کوئی ) دنیلن محلدن شام جوارنده ( حران ) دنیلن محله هجرت ایتشلر در . هجرتی امر السهی اوزرینه اولدیغنه واللهم رضاسی ایچون هجرت ایتدیکنه آیتده دلالت واردر و رضاء السهی ایچون اول

هجرت ایدن حضرت ابراهیم اولدیغندن رضاء السهی ی قصد ایدر لرک دینی احیا ایچون هجرت ایدنلر سنت ابراهیمی احیا ایتش اولور لر .

\*\*

واجب تعالی حضرت ابراهیمک قومندن کورمش اولدیغنی جور و جفانک مکافاتی دنیا ده و آخرته و یردیکنی بیان ایتک اوزره ﴿ وَوَهَبْنَا لَهُ إِسْحَاقَ وَيَعْقُوبَ وَجَعَلْنَا فِي ذُرِّيَّتِهِ النُّبُوَّةَ وَالْكِتَابَ ﴾ بیوریور .

[ بز ابراهیمه اوغلو اسحق و آنک اوغلو یعقوبی و یردک و نبوتی و کتابی آنک ذریتنه تودیع ایتدک . ]

﴿ وَأَتَيْنَاهُ أَجْرَهُ فِي الدُّنْيَا وَإِنَّهُ فِي الْآخِرَةِ لَمِنَ الصَّالِحِينَ ﴾

[ و بز ابراهیم علیه السلام دنیا ده اجرینی و یردک و آخرته محقق صالح لر زمره سنددر . ]  
یعنی ؛ بز ابراهیم علیه السلام اوغلو اسحق و حفیدی یعقوبی هبه و اکرام اولارقد آنک ذریتنه امانت نبوتی و کتب سماویه یی تودیع ایتدک . بناء علیه ؛ نسلندن بر جوق انبیا خلق ایتدک . تورات ، انجیل ، زبور و قرآن کی معظم کتابلری آنک ذریتندن رسوللره احسان ایلدک و دنیا ده اولاد و السنه ناسده ذکر جمیل کی مکافاتی و یردک و آخرته دخی محقق صلحا زمره سنددر .

بیضاوینک بیانی وجهله آیتده کتاب له مراد ؛ هنی اولدیغنی جهته کتب اربعه یی شاملدر . بناء علیه ؛ تورات ، زبور ، انجیل و قرآن جمله سی حضرت ابراهیم نسلندن کان رسل کرامه و یرمشدر . بوندن دولای جمله ارباب ادیان حضرت ابراهیم محبت ایدر لر و بالجمله اهل عالمک نبوتی تصدیق و کالاتی تسلیم ایتدکلری انبیا ایچندن آنجق ابراهیم علیه السلام اولدیغندن بوتون ملتلر حضرت ابراهیمک شناسنده بولونور لر .

فخر رازینک بیانه نظراً ابراهیم علیه السلام دنیا ده اجری ؛ قومی ایچنده یالکیز اولدیغنی حالده آتشه آتالرینه مقابل قلتنی کثرته تبدیل ایدر لرک اولاد و احفاد و یردی و ذریتله دنیا نیک بر قسمنی طول دوردی و قومی ایچنده اقرباسی ضالته ایدیلر . آکا خلاصه البیان : اون برنجی جلد — ۲۰



مکافات اولارق ذریقتک اکثریسی هدایت اوزره اولدینی کی بر جوق ملتک اهداسنه سبب اولاجق انبیانک اکثریسی آنک ذریقتدن خلق ابتدی وقومی ایچنده حضرت ابراهیمک مالی وجاهی یوق ایکن بر جوق مال ویردی واولیه بر منصب ویردی که قدری الی یوم القیام جمله دن طالیدر و بالخاصه امت محمد بش وقت نمازده دطاسیله مشغولدر و (شیخ المرسلین) دیمکله عالم نظرنده شهر تیاب اولدی . شو صاییلان نعمتکله جمله سی دنیایه مخصوصدر . آخرتده ده انسان ایچون اک یوکسک مرتبه اولان صلحا مرتبه سنده اولاجنی بیان اولونمشدر .

مقصد؛ اولاد واحفاده تلطیف ایتدیکنی بیان اولدیغندن اولاددن یالکزر اسحق واحفادنن یعقوب علیهما السلامی ذکرله اکتفا اولوندی و دیگر اولادی ذکر اولونمادی حالبوکه ذریقتی بیانده جمله اولادی داخلدر . ابراهیم علیه السلامدن صکره کلن ناسک بر جوقلری حضرت اسحقک اولادنن کلن انبیانک شریعتلریله عمل ایتمشلردی . بعده جمله سنده موجود خصال حمیده بی جامع اولان بزم نیمزده اسمعیل علیه السلام نسلندن کلدی والی یوم القیام ناس آنک شریعتیله عمل ایتمکله مکلف قیلنمشلردر .

..

واجب تعالی ابراهیم علیه السلامک احوالندن بعضیلرینی بیان ایتدیکی کی لوط علیه السلامک قومیه واقع اولان مباحثاتی بیان اوزره ﴿وَلُوطًا اِذْ قَالَ لِقَوْمِهِ اِنَّكُمْ لَتَاْتُونَ الْفَاحِشَةَ مَا سَبَقَكُمْ بِهَا مِنْ اَحَدٍ مِنَ الْعَالَمِينَ﴾ بیوریور .

[بز عظیم الشان لوطی رسول اولارق قومه کوندردک شول زمانده که اوزمانده لوط علیه السلام کندی قومه دیدی که «سز عالمده سزدن اول هیچ کیمسه نک ایشله مدییکی فاحشه بی ایشله یوب میدان کتیریورسکز» .]

یعنی؛ بز لوطی، قومی ارشاد و اصلاح ایچون رسول اولارق کوندردک . ذکر ایت جیم ! شول زمانی که اوزمانده لوط علیه السلام کندی قومه خطاب ایدرک دیدی که «ای قوم ! سز فنا یوله کیدیور و فنا بر فعل ایشله یورسکز که او فاحشه بی

ایشله مکده عالمده سزی هیچ بر کیمسه سبق ایتدی . یعنی بو فعلی ایشله مش سزدن اول هیچ بر شخص بولونمادی . بناء علیه؛ طیتسکزده اولان خبائت ایجابی بو چیرکین فعلی سز ایجاد ایتدیکنز «دیمکله قومی توبیسخ ایتدی و بو فعلی آنلردن اول ایشله یین اولمادیغنی بیانله بو فعلک صوک درجه ده چیرکین اولدیغنی بیان وقومی دم ایتدی و فاحشه بی ایضاح ایتک اوزره دیدی که :

﴿اِنَّكُمْ لَتَاْتُونَ الرَّجَالَ وَتَقْطَعُونَ السَّبِيلَ وَتَأْتُونَ فِي نَادِيَكُمُ الْمُنْكَرَ﴾

[«ای قوم ! سز کندیکز کی ارکسکدرمی قضاء شهوت ایدر و آنلره می وطی ایدرسکز . حالبوکه آنلر سزک امثال کزدر و سز یول کسوب یولجیلری صویورسکز و سز ملا ناسده مجلسلریکزده بلا پروا منکراتی اورتیه کتیروب ایشله یورسکزده اللهدن قورقوب قوللرندن اوتانمیورمیسکز و نسل ایچون اللهک تعین ایتدیکی طریق ترکله تعین اولونمایان طریقهمی سلوک ایدرسکز؟» دیمکله قومی تکذیر ایتدی .]

(نادیکم المنکر) نادی؛ بیضاوی، خازن و مدارک بیانلری وجهله بر قومک صحبت و قنوشم ایچونه انتخاب ایتدکلری مجلسر که کویلرده ارطلر و قصبه لرده قهوه خانه لر دیمکدر . شو حالده آیتک صراحق و مفسرینک بیانلری وجهله قوم لوط رسوالق و قالقده نهایت درجه ده اولان لواطه بی علناً مجلسلرده ایشله مکدن چکیمدکلری کی آتی هر کسک کوزی اوکنده ایشله مکله افتخار ایدر و بوکی فحشی صاقلامه لزوم کورمزلردی . حالبوکه برکنه نفسنده کنه اولدینی کی آتی عالمه اظهار ایتکده آری برکنه ایدر . حتی خازنک و مدارک بیانلرینه نظراً بونلر مجلسلرنده بر برلرینه لواطه ایتمکدن چکیمزلر و اصلاً اوتانمازلر و یول کنارینه اوتورورلر کلوب کچنلره چاقیل طاشی آتمقله ازعاج واستهزا ایدرلردی . یول کنارنده اوتورروب کلوب کچن یولجیلره آتدقلری چاقیلدن کیمک چاقیلی اصابت ایدرسه اومسافره تسلطه دیکرلرندن زیاده اوچاقیل صاحبی حق قازانمش اولوردی . و اومسافر اوچاقیل صاحبنک حصه سنه اصابت ایتش نصیبی عد اولونوردی . قطع سبیل ایه مراد؛ قطاع طریق کی یول کسمک و هر کسک مالنی آلمه و قتل کی شلردر . چونکه؛ بیضاوی و خازنک بیانلری وجهله بونلرک مسافرله لواطه ایتک اوزره یول کسمک



عادتلری اولدینی کبی صویق ، وورمق ، قیرمق و اولدورمک ایچون دخی یول کسر لردی .  
یاخود قطع سبیل ایله مراد ؛ طریق تناسل اولاره نسوانده هرجه کلن طریق قطع یعنی  
ترك ایتیمکده « سز طریق تناسلی قطع ایدرده باشقه طریق قبی سلوک ایدرسکیز ؟ »  
دیمکدر .

شهوت ، صفت قبیحه و بهایمه یا قیدشان برشی اولدینی حالده دنیانک اعمارینه مأمور اولان  
انسانده تناسلک ونوعنک بقاسنک لزومه بناء جناب حق شهوتی خلق ایدوب او شهوتی  
قضا ایدجک محلی تعیین ایله انسانلر بیننده ازدواجی مشروع قیلدیغندن معین اولان  
محل تناسله قضاء شهوتله احتیاجی دفعه مآذون قیلدی . بناء علیه ؛ طرف التهمیدن تعیین  
اولونان محلك غیریه قضاء شهوت حرام اولدینی جهتله لواطیه فاحشه دیمشدر . کرچه  
زناده نسل میدانه کلك ممکن ايسه زنادن حاصل اولان چوجفک نسبی معلوم اولمادیغندن  
تحت حمایه سنه آلوب تربیه ایدجک کیمسه بولونمادینی جهتله زنانک ؛ نوع انسانک بقاسنه  
خدمت شویله طورسون ضیاعنه سبب اولدیغندن زناده حرام قیلنمشدر که اللهک تعیین  
ایتدیکی حدودی تجاوز اولدینی کبی غیرک حقوقنده تعرض واردر .

خلاصه ؛ قوم لوطک اخلاق ذمیمه لری لواطه ایتک ویول کسمک ویولجیلری ازعاج  
واستهزا ایتک ومجلسلرنده شان انسانییه یا قیشمیه جق افعال قبیحه اجرا ایتک وایصلیق  
چاللق وبربرینک یوزینه توکورمک کبی فنا شیرل اولدینی بوآیتدن مستفاد اولان فوائد  
جمله سنددر .

\*\*

واجب تعالی حضرت لوطک شو تکدیرینه قارشى قومنک ویردیکی جوابی بیان  
ایتمک اوزره ﴿ فَاَ كَانَ جَوَابَ قَوْمِهِ إِلَّا أَنْ قَالُوا اقْتُلْنَا بِعَذَابِ اللَّهِ إِنْ كُنْتَ  
مِنَ الصَّادِقِينَ ﴾ بیوریور .

[ قوم لوطک جوابی اولمادی ، الا « یا لوط ! اکر سن سوزنده صادق اولانلردن  
ایسهک بزه اللهک عذابى کتیر » دیمکدن عبارت اولدی . ]

یعنی ؛ قوم لوطک لوط علیه السلام شو نصیحتلرینه قارشى جوابلری اولمادی ،  
آنجق « اکر سوز کده صادقسهک کتیر بزه اللهک عذابى » دیمکدن عبارت اولدی که  
« بز سوز که اینانماز وفعلمزدن واز کچمز دوام ایدرز . بناء علیه ؛ سنده طوغرو  
سویله یئلردن ایسهک بزه عصیانمز اوزرینه وعد ایتدیکنک عذابى کتیر » دیدیلر .

\*\*

واجب تعالی شو جوابلری اوزرینه حضرت لوطک صلاح حال کسب ایدجکلرندن  
قطع امید ایدرک تضرعنی بیان ایتک اوزره ﴿ قَالَ رَبِّ انصُرْنِي عَلَى الْقَوْمِ الْمُفْسِدِينَ ﴾  
بیوریور .

[ قومندن شوسر کشجه سنه جوابی دیکله نیجه لوط علیه السلام « یاربى طریق استقامتدن  
چیقمش ویر یوزینی افساد ایتمش اولان قوم مفسد اوزرینه بکا نصرت ویر » دیمکله ربسندن  
یاردیم ایستدی . ] چونکه ؛ جوابلری قطعی اولدیغندن صلاح امیدى قالماشدی . اکر  
صلاح امیدى اولمش اولسه ایدی علملرینه دعا ایتزدی . زیرا ؛ انبیادن هیچ بر نبی  
صلاحی مأمول اولان قومک هلاکنه دعا ایتمه مشدر . چونکه ؛ آنلرک قلیلری صبرله  
طولو وحلمله متحلی اولدقلرندن صلاحی مأمول اولان کیمسه لرك قهرینی ایسته مزلر .  
بیضاوینک بیانی وجهله عذابلرینک عجله کلسنه لایق اولدقلرینه اشارت ایچون حضرت  
لوط قومنی بشر ایچون اک فنا صفت اولان افسادله توصیف ایتشدر . چونکه افساد ؛  
هیچ کیمسه نك شخصی ایچون قبول ایتدیکی بر صفت ذمیمه در که مشرکله بیله کندیلرینک  
بو صفتله توصیف اولونمالرینه راضی اولمازلر .

\*\*

واجب تعالی لوطک دعاسنی بیاندنصکره دعاسنک مستجاب اولوب وقومنک هلاکنه  
مأمور اولان ملک لرك حضرت ابراهیم حضورینه کلدکلرینی بیان ایتک اوزره ﴿ وَلَمَّا  
جَاءَتْ رُسُلُنَا إِبْرَاهِيمَ بِالْبُشْرَى قَالُوا إِنَّا مُهْمٌ بِكُؤَا أَهْلِ هَذِهِ الْقَرْيَةِ ﴾ بیوریور .



[وقتا کہ بزم رسوللریمز مژده ایله ابراهیم علیه السلامه کلدیلرسه «بز شو قریه اهایلسنی اھلاک ایدہ جکز» دیدیلر.]

﴿إِنَّ أَهْلَهَا كَانُوا ظَالِمِينَ﴾

[«زیرا؛ او قریه اهایلسنی ظالم اولدیلر» دیمکله هلاکرینک سببی ظالم اولدیغنی بیان ایتدیلر.]

یعنی؛ قوم لوط نهی اولوندقلری افعال قبیحه‌یی ترک ایتمه یوب دوام ایدہ رک عذابہ استحقاقلری ایله برابر کندیلری ده ولو استهزا صورتیله اولسون عذابک کلسنی ایسته ملری اوزرینه بزم ابراهیم علیه السلامه اوغلو اسحق وحفیدی یعقوبی ویره جکمز تبشیره مأمور اولان رسوللریمز شو بشارتله حضور ابراهیمه کلوب وظیفه بشارتی ادادنصکره قوم لوطی اھلاک دخی مأمور اولدقلرینی علاوه طریقله دیدیلر که «بز شو قریه اھایلسنی اھلاک ایدہ جکز. زیرا؛ او قریه اھایلسنی اولدن بری ظالم اولدقلری کی الیوم ده ظلمه دوام ایدیورلر. بناءً علیه؛ ظلملری هلاکرینه سببدر» دیمکله مأموریتلرینک ایکنجی صفحہ‌سنی بیان ایتدیلر.

حضرت ابراهیمه کلن ملککری ایکی صفتلری اولوب برنجیسی؛ اثر رحمت اولده بشارت، ایکنجیسی؛ اثر غضب اولده اھلکدره. فقط رحمت، غضب اوزره سابق اولسنه بناءً بشارتی اھلاک اوزرینه تقدیم ایتملردر.

..

واجب تعالی ملککری «بز حضرت لوطک قریه‌یی اھایلسنی اھلاک ایدہ جکز» دیملری اوزرینه ابراهیم علیه السلامک ملککریله اولان محاوره‌سنی بیان ایتک اوزره ﴿قَالَ إِنَّ فِيهَا لُوطًا قَالُوا نَحْنُ أَعْلَمُ بِمَنْ فِيهَا لَنَنْجِيَنَّهٗ وَأَهْلَهُ إِلَّا امْرَأَتَهُ كَانَتْ مِنَ الْغَابِرِينَ﴾ بیوریور.

[ملککری «لوط علیه السلامک قریه‌یی اھایلسنی اھلاک ایدہ جکز» دیملرینه قارشی

ابراهم علیه السلام «او قریه ده لوط واردر، اللهک خالص قوللرننددر» دیدی. ملککریده «بز او قریه ده اولان کیمسه لری بیلیرز. البته بز لوط علیه السلامی واهلنی اللهک امری اوزره هلاکدن قورتاره جکز. آنجق لوطک حرمی، هلاکی مقدر اولانلردندر. بناءً علیه؛ کافر اولان حرمی هلاک اولاجق، دیگر اولاد وعیالی هلاکدن قورتولاجقلردر» دیدیلر. [وبوسوزلریله حضرت لوطک سلامت بولاجغنی وآنک ایچون اندیشه‌یی موجب برنی اولمادیغنی بیانه حضرت ابراهیمه تأمینات ویردیلر.]

..

واجب تعالی ملککری حضرت لوطک حضورینه کلدکلرینی بیان ایتک اوزره ﴿وَلَمَّا أَن جَاءَتْ رُسُلُنَا لُوطًا سِئَیْ بِهِمْ وَصَاقَ بِهِمْ ذُرْعًا﴾ بیوریور.

[وقتا کہ بزم رسوللریمز کوزل سیالی انسان صورتنده لوط علیه السلام حضورینه کلدیلرسه لوط علیه السلام آنلرک کلسیله فتورلاندی وکندینه بر طور غونلق عارض اولدی وقومنک کوتو فعللرندن آنلری قورتارمق ایچون قولی وقوتی طارالدی ونصل تدبیر ایدہ جکنده تردد ایدوب یولیه تدبیر ایدہ مدیکندن محزون اولدی.]

﴿وَقَالُوا لَا تَخَفْ وَلَا تَحْزَنْ إِنَّا مُنْجُوكَ وَأَهْلَكَ إِلَّا امْرَأَتَكَ كَانَتْ مِنَ الْغَابِرِينَ﴾

[ملککری لوط علیه السلامک بو حافی کورونجه تسلیه ایچون دیدیلر که «یالوط! سن قورقا و محزون اولما. زیرا؛ بز سکا واهلکک نجات ویره جکز، آنجق حرمتک هلاک اولانلره هلاک اولوب عذاب ابدیه باقی قالانلردندر» دیمکله لوط علیه السلامک قورقوسنی ازاله ایتدیلر.]

یعنی؛ جبریل امین ورفیقلری حضرت ابراهیمک حضورندن چیقوب بشر صورتنده حضرت لوطک حضورینه کوزل دلیقانی قیافتنده کنجه لوط علیه السلامه قومنک سوء قصدندن بر قورقو عارض اولدی ونه یاپاجغنی شاشدی، طاقی طارالدی ومسافرلری نصل محافظه ایدہ جکنی وقومنک آللرندن نصل قورتاره جغنی دوشوندی ومحزون اولدی والحاصل



ملكك كلسنى ايلك علامت عدايمدى. ايشته ملكك حضرت لوطك بوتلاشنى كورونجه  
ديديلر كه « يا لوط ! قورقا و محزون اولما . زيرا ؛ بز سنى و سكا تابع اولان اهللى  
قورتاره جغز ، آنجق سكا تابع اولمايان حرمك هلاك اولاجقلر زمره سندنر . چونكه ؛  
حكم الهى آنك هلا كنه لاحق اولديغندن هلا كدن قورتارمق ممكن دكلدر » ديمكه  
لوطى انديشدن قورتارديلر و حقيقى بيان ايتديلر .

بيضاوى و مدارك بيانلى وجهله ( وضاق بهم ذرعاً ) مسافرلك مود صلبه دار  
ميروده طافنى قاصر اولدى ديمكدر . چونكه ( ذرعاً ) اساساً قول معناسنه ايسهده  
بومثللو مقامده قوت و قدرت معناسنه در . بناء عليه ؛ « فلانك قولى اوزون » ديمك « قدرتى  
و قدرتى وار » ديمكدر . شو حالده بوجهله ، بر حادته حقيده ميروده عاجز معناسنه ضرب  
مثلدر كه « لوط عليه السلامك مسافرله قولى طارالدى آنلى قومك سوء قصدندن  
قورتارمق خصوصنده تدبيردن قدرتى قيصة اولدى نه ايدجكنى چوق دوشوندى ،  
ديمكدر . كچه حضرت لوطك حرمى قومى كى فعل فاحشى ايشله مه مش ايسهده قومك  
فعله راضى اولديغندن و مسافرلى قومنه خبر و يرمكه حضرت لوطه خيانت ايتديكندن هلاك  
اولانلر زمره سندن اولدى . چونكه معصيته رضا ؛ عين معصيتدر .

..

واجب تعالى ملكك حضرت لوطى تسليه دنصكره مأموريتلرني ونه ؛ ايچون كلدكاريني  
بيان ضمنتده سويله دكلرى سوزلرني بيان ايتك اوزره ﴿ اِنَّا مُنْزِلُونَ عَلَىٰ اَهْلِ هَذِهِ  
الْقَرْيَةِ رِجْزًا مِّنَ السَّمَاءِ بِمَا كَانُوا يَفْسُقُونَ ﴾ بيوريور .

[ « بز شو قزيه اهاليلى اوزرينه فاسق اوللرى سبيله سادن برمقدار عذاب انزال  
ايدجكز » ديديلر . ]

﴿ وَلَقَدْ تَرَكْنَا مِنْهَا آيَةً بَيِّنَةً لِّقَوْمٍ يَعْقِلُونَ ﴾

[ ذات الوهيمه يمين ايدرم كه محقق بز او قريه دن عقلى اولان قوم ايچون آچيق  
وهر كسك آكلايجنى درجهده علامتلك ترك ايتك كه كورنلر آدن عبرت آسون . ]

يعنى ؛ ملكك لوط عليه السلامى تسليه دنصكره وظيفه مأموريتلرني بيان صدندده  
ديديلر كه « بز البته بوقريه اهاليلى اطاعت الهيه دن چيقوب فسق و فجورى ارتكابلرى  
سبيله سادن آنلك هلاكلرينه مخصوص بويوك بر عذاب انزال ايدجكز . زيرا ؛ آنلر  
فسقلرى سبيله هلا كه مستحق اولدى » ديمكه قوم لوطك هلاكى مقرر اولديغنى بيان  
ايتديلر و ذات الوهيمه يمين ايدرم كه آنلك قريه لرندده هر كسك كوره بيله جكى درجهده  
آچيق و عقلى اولان قوم ايچون علامت ترك ايتك كه عبرت آلمق شانندن اولان عقلا عبرت  
آسونلر .

بو كى مهم وقعه لر دن عبرت آلاجق و استفادة ايدجك عقلا اولديغندن علامتى  
عقلايه تخصيصله بوكى و قوتادن عبرت آلمانلر عقلى اولمايان بهائم منزلته تنزيل اولومشلردر .  
خازنك بيانى وجهله آيت بينه ايله مراد ؛ هانلر لربنك ضرابلرى رسماده دركولى  
طاشلردر ، يا خود بلده لرني اهلله ايدمه سياه صو كه اليوم ( بحر لوط ) ديمكه مشهور  
و مشهوددر .

خلاصه ؛ قوم لوطك هلا كنه سبب آنلك اطاعت الهيه دن چيقوب فسق و فجورله  
الفت ايتلرى اولديغنى و بومثللو و قوتادن عبرت آلاجق عقلا اولوب عقلى اولمايوب  
بهائم منزلنده اولانلر استفاده ايدمه دكلرى و حالو كه بوكى وقوعات بالعموم انسانلرى  
عبرته دعوت ايچون بيان اولونديغنى و آنلكى فاسقلرك هر زمان غضب الهيدن قورقلرى  
لازم اولديغنى بو ايتدن مستفاد اولان فوائد جمله سندنر .

..

واجب تعالى ابراهيم و لوط عليهما السلامك امتلرينه اولان نصيحتلرني بيان دنصكره  
شعيب عليه السلامك امتيله اولان مباحثه سنى بيان ايتك اوزره ﴿ وَ اِلَىٰ مَدْيَنَ اَخَاهُمْ  
شُعَيْبًا فَقَالَ يَا قَوْمِ اعْبُدُوا اللَّهَ وَارْجُوا الْيَوْمَ الْآخِرَ وَ لَا تَعْبُوا فِي الْاَرْضِ  
مُقْسِدِينَ ﴾ بيوريور .

[ بز اهل مدينه برادرلرى شعيب عليه السلامى رسول كوندردك . شعيب عليه السلام



قومنه رسول اولونجه دیدی که « ای قوم ! الله عبادت ایدک و یوم آخرت ایچون ثواب امید ایتدیککز عملی ایشله یک و بر یوزنده فساد قصد ایدر اولدیغکز حالده یورومه یک » دیمکه نصیحت ایتدی .

﴿ فَكَذَّبُوهُ فَأَخَذَتْهُمُ الرَّجْفَةُ فَأَصْبَحُوا فِي دَارِهِمْ جَاثِمِينَ ﴾

[ شعب علیه السلام نصیحتنه قارشى قومی آنی تکذیب ایتدیلر . بوتکذیبلى اوزرینه آنلى زلزله طوندی و صباح وقى اولرنده اولو اولدیلر . ]

یعنی ، بز ( مدین ) اهالیسنه برادرلى شعبی رسول اولارق آنلى اصلاح ایچون کوندردک . شعب علیه السلام قومنه اوج نئی تکلیف ایتدی ؛ دیدی که « ای قوم ! سز الله عبادت ایدک ، شر کدن و از کچک . زیرا ؛ اللهک غیرى عبادته مستحق بر کیمسه یوقدر . آنجق عبادته ، اهل الله تعالى اولدیغی جهتله عبادتکزی الله حصر ایدک و یوم آخرته ایمان ایدک و او کون ایچون ثواب بکله یک و ثواب و یريله جک و آخرته فائده ایده جک عمللر ایشله یک . زیرا آخرتک عذابى شدتلى در . بناء علیه ؛ عذابندن قورقک و افساد ایدر اولدیغکز حالده بر یوزنده یورومه یک و مکيلات و موزوناتده زیاده آلق و نقصان و یرمکه خلقک حقوقه تجاوزله افساد ایتمه یک ، دیمکه نصیحت ایدنجه شعبی تکذیبله ایماندن اجتناب ایتدیلر . بناء علیه ؛ شدتلى صدا ايله زلزله اولدی . آنلى اهلاک ایتدی . صباح وقى اولرنده اولو اولارق بولوندیلر . چونکه ؛ نصیحت دیکله مهین کیمسه نک عاقبتی هلا کدر .

رجفه ؛ زلزله معناسنه در . صدالی و صداسز اولور ، حتی آنلى اهلاک ایچون جبریل امینک صیحه سیله زلزله حاصل اولدیغی مرویدر . بناء علیه ؛ قوم شعبیک هلاکارینک کیفیتى بیانده بعض آیتده صیحه و دیگر بعض آیتده رجفه ذکر اولونمش ایسه ده آیتلر بر برینه منافی دکلددر . چونکه رجفه ؛ صیحه یه شامل اولدیغی کبی صیحه ده رجفه یه شاملدر . زیرا ؛ رجفه ايله صیحه بر برینه لازم و ملزوم قیلنددر . شو حالده اهل مدینک هلاکنده رجفه و صیحه هرایکسی ده موجود اولدیغدن هلاکارینى بیان خصوصنده بعض آیتده رجفه و بعض آیتده صیحه ذکر اولونمشدر .

..

واجب تعالى مدین اهالیسنک هلاکارینى بیاندنصکره عاد و ثمود قومنک هلاکارینى بیان ایتک اوززه ﴿ وَغَادَا وَثُودٌ ﴾ بیوریور .

[ بز عصیانلى ایجابى عاد و ثمود قوملرینى دخی اهلاک ایتدک ]

﴿ وَقَدْ تَبَيَّنَ لَكُمْ مِنْ مَسَاكِينِهِمْ ﴾

[ حالبوکه ای مکه اهالیسی ! آنلرک مسکینلرندن حقیقت حال و هلاکارى سزک ایچون تبین ایتدی . ] زیرا ؛ یمن جهتلرینه مسافر تکزده سز آنلرک خرابه لرنده یوکسک ابنه لرك و جسم قلعه لرك نصل خراب اولدیغی نظر عبرتله کورونجه آنلرک نصل هلاک اولدقلرینى بیلیرسکز . بناء علیه ؛ آنلردن عبرت المکز لازمدر .

﴿ وَزَيْنَ لَهُمُ الشَّيْطَانُ أَعْمَالَهُمْ فَصَدَّهُمْ عَنِ السَّبِيلِ وَكَانُوا مُصْتَبِرِينَ ﴾

[ وشیطان آنلره عمللرینى ترزین ایتدی کفر و سائر کناهلرینى آنلره غایت کوزل و طائلى کوستردی . بناء علیه ؛ آنلى طریق مستقیم اولان دین حقندن منع ایتمکه بوتلره عبادته آنلى ترغیب ایتدی . حالبوکه آنلر عقلا دن و بصیرت صاحبلى و نظر استدلاله مقتدرلردی و دقت ایتسه لردی حقیقتی کورورلردی و لکن عقللرینى محله صرف ایتدکلرندن بصر بصیرتلرندن استفاد ایتدیلر . ] مع هذا رسوللرى واسطه سیله آنلر هر شیئى کوردیلر و بیلدیلر . زیرا ؛ رسوللرى آنلره هر شیئى بیان ایتدی ، فقط قبول ایتدیلر . بناء علیه ؛ هلاکه مستحق اولارق هلاک اولدیلر . ای مکه اهالیسی ! اکر سزده رسولکزک سوزینى دیکله من و امرینه اتباع ایتزه کز آنلر کبی سزده هلاک اولاجقسکز .

﴿ وَقَارُونَ وَفِرْعَوْنُ وَهَامَانَ ﴾

[ بز قارونى و فرعونى و هامانى اهلاک ایتدک . ] حالبوکه قارونه و یردیکمز مالی و ثروت و سامانى دنیا ده کیمسه یه و یرمدک و لکن او مالی محله صرف ایتدیکی کبی مالی سایه سنده طغیان ایتدی و حیات دنیا یه صوک درجه مغرور اولدی و بو غرورى هلاکنه سبب اولدی والى یوم القیام ناسک لساننده ضرب مثل اولارق قالدی . کذلک فرعون



دنيانك اك بويوك حكمدارلردن وصولك درجه قوت وشوكنه مالك ايدى. حتى شوكنه مغرور اولارق الوهيت دعواسنه قدر جسارت ايتمى. بز آنى وآنك باش وكالتى احراز ايدوب بوتون قوت وقدرتى استعماله قادر اولان وزيرى (هامان) اى اهلاك ايتدك. شو حالده اى مكه اهالىسى! سزك آنلره نسبتله مالكز وقوتكز يوق مثابه سنده در. او قدر قوته وثروته مالك اولانلرى اهلاك ايدنجه سزى اهلاك ايدك جكمز اولويتله ثابتدر. بناء عليه؛ سزى اصلاح وارشاد ايجون كوندريلن رسولكزه اتباع وامرينه اطاعت ايتمكه سبب نجات وچاره سلامت آرامكز لازمدر.

﴿وَلَقَدْ جَاءَهُمْ مُوسَىٰ بِالْبَيِّنَاتِ فَأَسْتَكْبَرُوا فِي الْأَرْضِ وَمَا كَانُوا سَابِقِينَ﴾  
[ ذات الوهيمه بين ايدرم كه آنلرى اصلاح ايجون معجزات باهره ايله موسى عليه السلام محقق رسول اولارق آنلره كلدى وآنلرى الله عبادته وتوحيد دعوت ايتدى. آنلر ير بوزنده الله عبادتن كنديلرني بويوك عدايتديلر. حالبوكه بوكبر وغرورلريله اللهك عذابى سبق ايدر اولماديلر. ] چونكه آنلرك استكبارلرى البته هلاكلرني موجب ايدى. بناء عليه؛ عبادتن استكبارلرى ذل وحقارته وعذاب ابدى به مستحق اولميرنه سبب اولمشدر. (سابقين) ايدرى كجلمر ديمكدر. «آنلر سابقين اولماديلر» ديمك «آنلر اللهك عذابى ايلرو كچوبده اللهك عذابى آنلره اولاشاماز بر حالده كبرى ده قالمق اولمادى» ديمكدر كه عذابدن هيسچ بر وجهله قورتولاميه جقلرني بيان ايتمكدر.

\*\*

واجب تعالى هررينك عذابدن قورتولامايوب هلاك اولدقلىنى بيان ايتمك اوزره  
﴿كَأَنَّا أَخَذْنَا بِذَنبِهِ﴾ بيوريور.  
[ آنلر استكبار ايدنجه بز آنلردن هربرنى عصيانلرى وكبر وغرورلرى سبيله مؤاخذه ايتدك. ]

﴿فِيَنهُمْ مِّنْ أَرْسَلْنَا عَلَيْهِ حَاصِبًا﴾

[ بناء عليه؛ آنلردن بعضيلر اوزرينه بز شدتلى روزكار كوندردك او روزكارله آنلرى اهلاك ايتدك. ]

﴿وَمِنْهُمْ مَّنْ أَخَذَتْهُ الصَّيْحَةُ﴾

[ وآنلرك بعضيلرني شدتلى صيحه طوتدى آنكله اهلاك ايتدك. ]

﴿وَمِنْهُمْ مَّنْ خَسَفْنَا بِهِ الْأَرْضَ﴾

[ وعاصيلردن بعضيلرني بز قارون كې يره باتيردق. ]

﴿وَمِنْهُمْ مَّنْ أَعْرَقْنَا﴾

[ وآنلردن بعضيلرني بز فرعون وهامان كې دكزه غرقله اهلاك ايتدك. ]

﴿وَمَا كَانَ اللَّهُ لِيُظْلِمَهُمْ وَلَكِنْ كَانُوا أَنفُسَهُمْ يَظْلِمُونَ﴾

[ حالبوكه الله تعالى آنلرى اهلاك كده آنلره ظلم ايدر اولمادى ولكن آنلر حق قبول ايتمك ورسوللرني تكذيب ايتمكه نفسلرينه ظلم ايدر اولديلر. ] بناء عليه؛ هلاكلى استحقاقليله در. چونكه؛ عمرلرى اولدقجه ظلمدن خالى قالماديلر. شو هلاك اولدقلىنى بيان اولونان اقوامك جملهسى ظلمده دوام ايتدكلىنه اشارت ايجون استمراره دلالت ايدن مضارع صيغه سيله (يظلمون) وارد اولمشدر. بونلردن هررينك هلاكلىنه دائر تفصيلات سبق ايتدىكى ايجون تكراره لزوم كورولمه مشدر.

\*\*

واجب تعالى اهل شركك هلاك اولدقلىنى بيان ايتدىكى كې مسلكلرينك غايت ضعيف و باطل اولديغنى دخى بيان ضمته  
﴿مَثَلُ الَّذِينَ اتَّخَذُوا مِن دُونِ اللَّهِ أَوْلِيَاءَ كَمَثَلِ الْعَنكَبُوتِ اتَّخَذَتْ بَيْتًا وَإِنَّ أَوْهَنَ الْبُيُوتِ لَبَيْتُ الْعَنكَبُوتِ لَوْ كَانُوا يَعْلَمُونَ﴾ بيوريور.

[ اللهك غيرى دويست اتخاذايدنلرك صفتلرى عنكبوتك صفتى كيدر. او عنكبوت كه



او ياپار. حالوکه بيلمش اولسه لردی اولرک اک که وشک وضعی عنكبوتک ياديني اويدر. [يعنی؛ شول کيمسه لک صفتری و حال و شانلری عنكبوتک صفتی و حالی و شانی کيدرکه آنلر اللهک غيری پوتلری کندیلرینه منفعت ایدمه جک ظنیه دوستلر اتخاذا ایتشلردی. ايشته آنلر طبق عنكبوت کيدرلر. زیرا؛ کندی توکروکندن او ياپار صکره آتی ترک ایدر، دیکرینی ياپار و دائماً عمرینی بوموال اوزره افنا ایدر. حالوکه او اولری ياقمده امکی هب بوشدرکه او اولر صوئوقدن و یا صیجاقدن آتی محافظه ایدمه دیکی جهته هیچ فائده سی کورمز. چونکه؛ اولرک اک که وشک وضعی عنكبوتک اويدر. اگر آنلر بيلمش اولسه ل عنكبوتک اوینه بکزه ين اعتقاده بولونمازلردی. زیرا؛ اللهک غيری پوتلری معبود اتخاذا ایدنلرک امکلری بوشدر. چونکه؛ آنلر ابا و اجدادلرینی تقلید ایدر و آتی بوشلار دیکرینی تقلید ایدر. حالوکه جمله سی باطل دره، هیچ برنده فائده یوقدر و سعلری ضایعدر. زیرا؛ عقلی و نقلی بر دلیله مستند اولمادیغندن عندالله مقبول دکدر. بناء علیه؛ عنكبوتک اوندن ده ها که وشک و فائده سز بر شی اولمادینی کبی کافرلرک عمللرندن ده ها که وشک بر شی یوقدر.

فخر رازینک بیانی وجهله بومثله لطافت واردر. چونکه؛ ایچنده بارینم ایچون اوروجکک او ياپار و أمک چکر، فقط غایت ضعیف اولدیغندن خانه صاحبک اوقاق بر سپور که سیله سیلینبر خانمانی خراب اولوب اوندن اثر قالمادینی کبی کندی ده علی الا کثر اویله برابر هلاک اولور. ايشته پوتلری ولی اتخاذا ایدنلر سنه لرجه اعتقادلری و چکمش اولدقلرک زحمتلری اوروجکک اوی کبی هب ها اولور و او عمللریله برابر کندیلری ده عذاب ابدی به دوچار اولقله هلاک اولور کيدرلر.

حضرت علیدن عنكبوتی و اولرینی خانه ده ترک ایتک فقر ایراث ایتدیکی مروی اولدینی کبی (ابن عمر) حضرتلری ده «عنكبوت شیطاندن مسخ اولونمشدر اولدورک» بیورمشدر.

\* \*

واجب تعالی مشرکلرک اعتقاد و عمللری اوروجکک یوواسی کبی فائده سز اولدیغنی

بیاندنصکره مشرکلری تهدید ایتک اوزره ﴿إِنَّ اللَّهَ يَعْلَمُ مَا يَدْعُونَ مِنْ دُونِهِ مِنْ شَيْءٍ وَهُوَ الْعَزِيزُ الْحَكِيمُ﴾ بیوربیور.

[الله تعالی کندنن باشقه کافرلرک عبادت ایتدکلری معبودلرینی بیلیر. زیرا؛ الله تعالی هرکسه غالب و افعالی حکمتی متضمن بر حکیم متعالدر.] بناء علیه؛ قوللرندن کندینک غیر معبود اتخاذا ایدنلری بیلیر و معبودلرینی ده بیلیر و آنلری معبودلریله برابر اهلاکله انتقام آلمقه قادردر و لکن آنلره استدراج اولارق مساعده ایدرکه «زه بر آرمهلت ویرسه ایدی دوشونور اهتدا ایدرک» دیمسونلر. شومعنی آیتده (ما) لفظی استفهامیه اولدیغنه نظر آدر. اما آیتده (ما) لفظی نافی اولدیغنه نظراً معنای نظم: [الله تعالی بیلیرکه اللهدن باشقه مشرکلرک عبادت ایتدکلری معبودلری هیچ برشی دکدر. زیرا؛ مشرکلرک معبودلری جناب حقه نسبتله یوق مثابه سنده درلر. بناء علیه آنلره عبادت؛ اوروجکک یوواسی کيدر. حالوکه الله تعالی جمله به غالب و کندینه عبادت ایدنلری هر فالیدن محافظه قادردر و جمله افعالی حکمتدن خالی دکدر] دیمکدر.

﴿وَتِلْكَ الْأَمْثَالُ لَضَرِبُهَا لِلنَّاسِ وَمَا يَعْقِلُهَا إِلَّا الْعَالَمُونَ﴾

[شو ضرروب امثالی بز ناسه بیان ایدرز. حالوکه ضرروب امثالی ادراک ایتمز، آنجق عالم اولانلر ادراک ایدرلر.]

یعنی؛ حیواناتدن اک ضعیف اولان اوروجکک یوواسنه کافرلرک عمللرینی تمثیل و ده ها بونک امثالی ضرب مثالری بز ناسه مثال صورتیه بیان ایدرز که ناس عمللرینک ندن عبارت اولدیغنی آجیق صورتده بیلسونلر و آندن عبرت آسونلر. حالوکه ضرروب امثالک فائده سنی ادراک ایتمز، الا اشیائی کما هو حقه دوشونن عالم ادراک ایدرلر. بناء علیه؛ عام و عرفانی اولمایانلر ضرروب امثالدن برمعنا چیقارمه مازلر.

بو آیتده اللهک غیری به عبادت ایدن مشرکلری جهل ایله اهام و تعریض واردر. چونکه؛ مدارکک بیانی وجهله جناب حق قرآنده سینکله و اوروجککله بعض مسئله بی تمثیل ایتسنه مشرکلر طعن ایدوب «محمد ﷺ ربی مثال کتیره جک برشی بولمادی. بناء علیه؛



حیواناتک اک کوچوک و حقیری اولان اورو مجک و سینکی مثال کتیروب آنلرله تمثیل ایدیور .  
دیملری اوزرینه بو آیتک نازل اولدینی مرویدر . حالبوکه بوکی حیوانلرله تمثیل کندیلرینک  
بونلردن دها آشاغی اولدینی بیانله تحقیر اولوندقلرینی ادراک ایتزلر و بو مثللو ضروب  
امثالی اسهزا ایدرلردی . جناب حقده آنلرک علم و عرفان صاحبی اولمادقلرینی و او  
حیوانلردن دها آشاغی بر مرتبهده اولدقلرینی بیان و آنلره تعریض ایچون «ضروب امثالک  
فائده سنی آکلاماز» آنجق علم و عرفان صاحبلی آکلار» دیمکله کندیلرینک علم و عرفاندن  
بی بهره اولدقلرینی بیان ایتشدیر . اوفاجق حیواناتله ضرب مثله متعلق تفصیلات سورۃ  
بقرهده کچمشدر . [۱]

\* \*

واجب تعالی مشرککرم عمللری اورو مجک یوواسی کی اولدینی بیانلنصرکه اهل  
ایمانی تسلیه ایتک اوزره ﴿ خَلَقَ اللَّهُ السَّمَوَاتِ وَالْأَرْضَ بِالْحَقِّ إِنَّ فِي ذَلِكَ لَآيَةً  
لِّلْمُؤْمِنِينَ ﴾ بیوریور .

[ الله تعالی سمواتی وارضی حقه مقارن اولارق خلق ایتدی . زیرا؛ سموات وارضک  
خلقتنده مؤمنلر ایچون قدرة الله علامت واردر . ]

یعنی ؛ هیچ برکافر ایمان ایتسه کافرک کفری مؤمنک ایمانه شک ایراث ایتمز . زیرا؛  
سموات وارضی حقیله اللهک خلق ایتسندده مؤمنلر ایچون علامت عظیمه واردر . دلآله  
اهمیت و یروب آندن مقصده استدلال ایدرک انتفاع ایدن مؤمنلر اولوب کافرلرک بوکی  
انتفاعدن محروم اولدقلرینه اشارت ایچون جناب حق بو مثللو آیتلرده مؤمنلره علامت  
اولدینی تصریح ایتشدیر .

خلاصه ؛ الله تعالی نک سموات وارضی ثابت و مقرر حقه مقارن اولارق شوانتظام  
اوزره خلق ایتسندده اهل ایمان ایچون وحدانیت الهیه و قدرت سبحانییه دلالت قطعیه  
ایله دلالت ایدر علامت اولدینی و اهل انصافه اصلا شک بر اقادینی بو آیتدن مستفاد  
اولان فوائد جمله سندندر .

\* \*

واجب تعالی کافرلرک احوالی ذات الوهیتک وجودینه دلالت ایدر دلایلری بیانلنصرکه بعض  
احکامی امتنه تبلیغ ایتسنی رسوانه امر ایتک اوزره ﴿ أَتُلُّ مَا أَوْحَى إِلَيْكَ مِنَ الْكِتَابِ  
وَأَقِمِ الصَّلَاةَ إِنَّ الصَّلَاةَ تَنْهَى عَنِ الْفَحْشَاءِ وَالْمُنْكَرِ ﴾ بیوریور .

[ حبییم ! کتابدن سکا وحی اولونان آیتلری سن امتک تلاوتله دلالت ایتدیکی احکامی  
تبلیغ ایت و نمازی وقتنده ادا ایت . زیرا نماز؛ کوتو شیلردن و منکراتدن سنی نهی ایدر . ]

﴿ وَلَذِكْرُ اللَّهِ أَكْبَرُ ﴾

[ ذامه یمین ایدرم که اللهک ذکر ی هرشیدن بو یو کدر . ]

﴿ وَاللَّهُ يَعْلَمُ مَا تَصْنَعُونَ ﴾

[ حالبوکه الله تعالی سزک ایشله دیککنز افعالکیزک جمله سنی بیلیر . ]

یعنی ؛ یا اکریم الرسل ! سن مشرککرم عناد اوزره کفره دواملرینه متأسف اولما  
و قرآندن سکا وحی اولونان آیتلرک الفاظی تلاوت و احکامی آنلره تبلیغ ایت که قلبک  
شفا و کولک فرح اولسون و سن شرائط و ارکانه رعایت ایدرک نمازی ادایه دوام ایت .  
زیرا نماز فعلی ؛ قییح اولان فحشادن و شرعاً فقاعد اولونان منکراتدن سنی نهی ایدر .  
چونکه نماز ؛ انسانک قلبنده خشوع و اعضاسنده انقیاد ایجاب ایتدیکنندن انسانلری فنا  
شیلردن منع ایدر و اللهک ذاتی جمله نک خالق و بویوکی اولدینی جهته ذکر الله هرشیدن  
بویوک و عبادتک افضلیدر و الله تعالی سزک جمله افعالکیزی بیلیر و عملکیزه کوره  
جزا کزی و یرز . بناء علیه ؛ شوبیان اولونان عبادتله سعی ایتکیز لازمدر . زیرا ؛  
عبادتکیز قدر اجره نائل اولاجقسکیز .

بو آیتده تلاوتله امر ؛ رسول الله ایسهده رسول الله امر امتنه دخی امردر .  
چونکه ؛ قرآنده احکام فقهیه و ضروب امثال و عبرت بخش اولاجق ام سالفه نک احوالی  
بیان اولدینندن قرآنک تکرار بتکرار تلاوتنده فرح و سرور و هر دفعه تلاوتنده فائده  
حاصل اولور . چونکه ؛ فخر رازینک بیانی و جهله انسانک مطالعه ایدر مکی کتاب ؛



اوج قسمه: برنجیسی؛ بالکرمطبرده عبارت اولور. انسانی آنی بر کره او قومقله اکتفا ایدر. ایکنجیسی؛ بر کتاب که بالکرم بر فک قرا عرینی و مسائلنی منضمین اولور. انسان آنی حفظ ایتک ایچون تکرار بتکرار او قور و طالب بولونورسه غیره او قوتور: او چنجیسی؛ بر کتاب که هم کنری نفسنه هم دره غیر برده نهد و نره فائده اولور. بناء علیه؛ تکرار بتکرار او قومنا سنده او قویانه و دیکله یئرله فائده اولور و تکراری ملل و قور و یرمز. ایسته او کتاب ده قرآمر. چونکه قرآن؛ مادی و معنوی جمله طالع شفا و طوغرو بولی کوستروب ارشادی متضمن اولدیغندن جناب حق دوام اوزره تلاوته امر ایتمشدر. انسانک عملی؛ اریمر: برنجیسی؛ فیک عملی که اعتقاددر. ایکنجیسی؛ عمل لسانه ذکر اللهمر. او چنجیسی؛ نماز کبی بر نوره اعضانک عمیدر. اعتقاد حق قلبه ثابت اولوب تکرار امره حاجت اولمادیغندن تکراری واجب اولان ذکر الله و نمازله امرله بو آیتده اکتفا اولونمشدر.

« نماز انسانی فحشا و منکر ایدن نصل نهی ایدر؟ »: فخر رازینک بیانه نظراً نمازک انسانی فحشادن منعنک کیفیتنده اوج احتمال واردر:

برنجی احتمال؛ حضور قلبه اللهک امرینی یرینه کتیرمک و رضاسنی تحصیل ایتک ایچون نماز قیلان کیمسه جناب حقک بنده خاضی اولدیغندن نفس خسیس و شیطان کبی باب التهمیدن مطرود لرك معصيته تشویقه تبعیت ایتکی کندینه عار و عیب عد ایتدیکنندن کرک شیطانی و کرک نفسنی رد ایدر. بوجهته نماز؛ آنی فنا شیلردن محافظه ایدر. بونک نظیری معظم بر پادشاهه خدمت ایدن بر کیمسه او پادشاهک نعمت و احسانیه یاشایوب دورر کن پادشاهک خدمتی ترکله عادی بر کیمسه نک خدمتی اختیارله کندینی رذیل ایتدیکی کبی نماز قیلان کیمسه اللهه قوللق ایدر کن شیطانک اغفالاتنه آلدانمقله شیطانک قولی اولانی ارتکاب ایتمز. نماز دوام ایدن اهل ایمانده بو حال هر زمان مشاهده اولونمقددر. اما نادراً هم نماز دوام همده فحشیانه دوام ایدنلرده کوریلور ایسه ده نادره حکم تعلق ایتمز. مع مافیه نماز دوام ایدن کیمسه بی عاقبت نمازی منهایدن منع ایده چکنه دائر

فخر کائناتدن بر حدیث شریف مرویدر. چونکه؛ انصاردن بردیقانی بش وقت نمازی رسول اللهله برابر ادا ایتدیکی حالد فحشیانه مصر اولدینی رسول الله خبر ویرلدیکنده رسول الله « یقینه آنی نمازی فحشیانندن نهی ایدر » بیوروب چوق زمان کچمکسزین او دلیقانلینک تائب و مستغفر اولدینی مرویدر. شو حالد « نمازه دوام ایدن کیمسه بی البته نماز اصلاح ایدر » دیمکدر.

ایکنجی احتمال؛ قاذوراتله مشغول اولان کیمسه نک کوزل البسه سی اوزرنده او قاذوراتک بولوندیغنه راضی اولمایوب البسه اوزرندن آنی ازاله یه چالیشدینی کبی نمازه دوام ایدن کیمسه قاذورات مثابه سنده اولان فحشیانی کندینه مناسب کورمز. چونکه نماز؛ تقوی لباسنک الک کوزلی اولدیغندن یومیه بش دفعه بولباس ایله تزین ایدن کیمسه بر طاقم نجاست قیلندن اولان فحشیانی کندینه مناسب کورمز. چونکه؛ مسجده کیدوب الله دیرکن طشره چیقوب های وهوی دیمک کندینه لایق اولمادیغنی بر کون البته نمازی آنی تفکره سوق ایدر و نته کیمده نمازه دوام ایدنلرک دیکر لرندن زیاده حال صلاحه مالک اولدقلری انکاری غیر قابل بر حقیقتدر.

او چنجی احتمال؛ نمازه دوام ایدن کیمسه الله تعالی به بر خصو صیت اکتساب ایتمکله اصحاب یمین مرتبه سنی احراز ایتدیکنندن اصحاب شمال در کسه نه تنزلی ایجاب ایدن فواحشی ارتکاب ایتمکدن جناب حق آنی محفظه ایدر دیمکدر.

بیضاوینک بیانه نظراً بو آیتده ذکر الله له مراد؛ نماز اولور احتمالی واردر. زیرا ذکر الله؛ نمازک عمده سی اولدیغندن نمازک انسانی فحشادن نهی ایتدیکنه علت و سبب اولق اوزره ذکر الله یدن عبارت اولان نماز جمله عبادتدن بویوک دنیلمشدر.

خلاصه؛ قرآنی تلاوته و نمازی اقامه یه دوامک لزومی و نمازک انسانی فحشیانندن نهی ایتدیکی و ذکر اللهک هر شیدن بویوک اولدینی والله تعالی نک انسانلرک افعالی تماماً بیلدیکی بو آیتدن مستفاد اولان فوائد جمله سندنر.



يکرمی برنجی جزو

واجب تعالیٰ مشرک‌کاری ارشادک طریق بیاندنصرکه اهل کتابی ارشادک طریق  
بیان‌ضمننده ﴿وَلَا تُجَادِلُوا أَهْلَ الْكِتَابِ إِلَّا بِالَّتِي هِيَ أَحْسَنُ إِلَّا الَّذِينَ ظَلَمُوا مِنْهُمْ﴾ بیوریور .

[ای مؤمنلر! اهل کتابله مجادله ایتمک، الا کوزل طریقله مباحه ایدک.  
آنحق شول کیمسهلرکه آنلر اهل کتابدن ظلم ایدنلردر، آنلرله مجادله ایدک .]  
یعنی؛ ای اهل ایمان! ربکزک امرینی یرینه کتیرد کدنصرکه اهل کتابک  
کتاب‌اللهی محافظه دقت ایدوب کتابدن احکام استنباط ایدن علماسیله شدتلی و غلطتلی مباحه  
ایتمک، الا غایت کوزل طریقله انتخاب ایدرهک مباحه ایدک که آنلرده اولان خشونت‌لینتله  
و غضب‌لرینه هضم‌له مقابله ایدک . چونکه؛ آنلر انصاف و عدالت اوزره حرکت ایدنجه  
سزکده شدتی ترک ایدوت ملایم بولونما کز لازمدر. آنحق اهل کتابدن شول کیمسهلرکه  
جزیه و خراج ویرمکدن امتناعله والله ولد اسناد ایتمکله «واللهک حاشا الی باغلیدر»  
دیمکله ظلم ایتدیلر . آنلرله شدتلی مباحه و آنلری الزام و اسکات ایدک و ظلم و وعدواندن  
واز کچنجه قدر اوغراشک . زیرا؛ حقسزه حق قبول ایتدیرنجه قدر چالیشمق  
لازمدر .

خازنک بیانی وجهله بوآیتده مجادله حسنه ایله مراد؛ قرآنی آنلره تفریم و ایتدیر  
حق دعوت و دلیل‌لرینی موعظه بیان و آنلرک فکر‌لرینی دفعه استخفاف ایدرهک ضلالت  
نسبت ایتدیرمک . چونکه؛ اهل کتاب بر کتابه ایمان ایتدک‌لری جهتله مشرک‌لره قیاس  
اولونماز . البته اللهک کلامدن و احکامندن و انبیانک احوالندن و وحی‌ال‌هیدن خبردار  
اولدقلرندن کتدیلری عالمانه و انصافله حرکت ایدرلر . شو‌حالده آنلرک بوحرکت‌لرینه  
قارشى علماء اسلامیه‌نک مجادله‌یی ترک ایدرهک آداب مناظره‌یه رعایتله حکیمانه مباحه ایدوب  
حق میدانله قویمنه چالیشمسی لازمدر . آما آنلردن بر طاقم معندلر جزیه قبول ایتیز

وحضرت عیسیٰ حاشا اللهک اوغلو دیمک کبی ظلمده دوام ایدنلرله شدتلی مجادله لازمدرکه  
آنلری الزامله طریق استقامته دعوت ایدلسون .

ظالم‌لرله مراد؛ جزیه‌ده امتناع ایدرهک و ذمتی قبول ایتدیرمه و عهدی نقض ایدر  
اولدیفنه نظراً معنای نظم: [ای مؤمنلر! سز جزیه و ذمتی قبول ایدنلرله غایت  
ملایم و طاعتی لسانله مباحه ایدک . آنحق اهل کتابدن شول کیمسهلرکه آنلر ذمتدن  
چقیدیلر و جزیه‌دن امتناع و عهدی نقض ایتمکله ظلم ایتدیلر . آنلرله شدتلی مجادله ایدک،  
حتی ایجاب ایدرله قیلجه صاریلک] دیمکدر . بناءً علیه بوآیت؛ اهل کفرله مباحه‌نک  
جوازینه و مباحه‌نک اصولی و اعتقادیاتک اساسی تحقیق ایچون وضع اولونان علم کلامی  
تعلمک لزومنه و آداب مناظره‌نک قواعدینه رعایت لازم اولدیفنه دلالت ایدر . بوآیتک  
محاربه آیتله منسوخ اولدیفنی بیان ایدنلر و ارسده آیتده ذمیلرله مجادله‌نک کوزلنی انتخاب  
ایتمکله امر اولدینی کبی ذمتدن چیقانلرله شدتلی مجادله ایله دخی امر اولوب شدتلی مجادله  
ایسه قیلجله محاربه اولدیفندن منسوخ دکلددر، بلکه محاربه‌یی امر ایدن آیت موافقدر .  
بناءً علیه؛ منسوخ دیمکله احتیاج یوقدر .

\*\*\*

واجب تعالیٰ اهل کتابله کوزل مباحه‌نک جوازینی بیاندنصرکه مجادله‌نک طریق‌لرینی  
بیان ایتمک اوزره ﴿وَقُولُوا آمَنَّا بِالَّذِي أُنْزِلَ إِلَيْنَا وَأُنْزِلَ إِلَيْكُمْ وَإِلَهُنَا  
وَإِلَهُكُمْ وَاحِدٌ وَنَحْنُ لَهُ مُسْلِمُونَ﴾ بیوریور .

[ای مؤمنلر! جزیه قبول ایدوب ذمتده دوام ایدن اهل کتابه سز دیمک که  
[ای اهل کتاب! طرف‌ال‌هیدن بزه‌وسزه ازال اولونان کتابلره بزیمان ایتدک  
و بزم و سزک معبودمن بردر و بزم او معبوده انقیاد ایدرز، دیمکله آنلره مقابله ایدک .]  
یعنی؛ اهل کتاب کندی کتابلرندن سزه بر مسئله خبر ویرلرسه سز آنلری  
تصدیق و یا تکذیب ایتمک، بلکه آنلره شویله مقابله ایدک دیمک که «بزم بر طرفندن



قوللرینی اصلاح ایچون بزه و سزه انزال اولونان کتابلره ایمان ایتدک. فصل ایمان ایتیم. بزم و سزک معبود من بردر، آریلق یوقدر. شو حالده کتابک جمله سنی انزال ایدن آنجق اومعبوددر. بناء علیه؛ بزاومعبودک امرلرینه و کتابلرینه کمال اهمیتله انقادایدرز؛ دیک که آنلرک حدتلیرینی تسکین ایتمش اولاسکز. شو حالده آیتده اهل کتابه تعریض وارددر. چونکه؛ آنلر ره بانلرینی ارباب اتخاذ ایتدکلرندن اللهه انقیدلری لایق وجه اوزره دکلدر. خازنده بیان اولوندیغه نظراً امام بخاری نک (اوه ربه) حضرت تدرندن روایت ایتدیکی بر حدیثده رسول الله « اهل کتاب کتابلرندن سزه برشی خبر ویردکلرنده تصدیق ویا تکذیب ایتیمیک. بلکه (قولو آما) آیت کریمه سنی نهایتده قدر قرائت ایدک » بیورمشدر. چونکه؛ آنلرک خبر ویردکلری شی طوغرو ایسه تکذیب جائز اولمادیکی کبی باطل ایسه تصدیقده جائز اولماز و آنلری انجیتمکده جائز دکلدر. بناء علیه؛ اسلم طریق « بزکندی کتابمزه و سزک کتابمزه ایمان ایتدک » دیمکدر. چونکه؛ بعض روایتده یهودیلر توراتی عبرانجه اوقور، اهل اسلامه عربجهیه ترجمه ایلله بیان ایدرلردی. جناب حق بو آیتده آنلره صورت حسنه ده مقابله ایتک لازم اولدیغنی بیان ایتمشدر. بناء علیه؛ مسلمانلرله معاهده سی اولوب محارب اولمایان اهل کتابه بو آیتده بیان اولوندیغنی وجهله اسلوب حکیمانه ایلله مقابله و ملایمتله مدافعه اولونمسی تنبیه و توصیه بیورلمشدر.

\*\*\*

واجب تعالی اهل کتابه قارشى فصل سویلنه چکنی بیاندنصکره قرآنی رسولنه انزال ایتدیکنی و اهل کتابدن قرآنه ایمان ایدنلر و ایمان ایتمینلر بولوندیغنی بیان ایتک اوزره ﴿ وَكَذَلِكَ أَنْزَلْنَا إِلَيْكَ الْكِتَابَ ﴾ بیورمیشور.

[ حییم! کچمش رسوالره کتاب انزال ایتدیکمز کبی بز سکاده قرآن کبی معظم بر کتابی انزال ایتدک. ]

﴿ فَالَّذِينَ آمَنُوا مِنْهُمْ أَلْفَنَاهُمْ الْكِتَابَ يُؤْمِنُونَ بِهِ ﴾

[ بناء علیه؛ شول کیمسهلر که بز آنلره کتاب ویردک. آنلر سکا ویردیکمز کتابه ایمان ایدرلر. ]

﴿ وَمِنْهُمْ هَؤُلَاءِ مَنْ يُؤْمِنُ بِهِ ﴾

[ وشواهل مکدن ده قرآنه ایمان ایدنلر وارددر. ]

﴿ وَمَا يَنْجِدُ بَأْيَانِنَا إِلَّا الْكَافِرُونَ ﴾

[ حالبوکه بزم آیتلریمیزی انکار ایتمز، الا کافرلر انکار ایدرلر. ]

یعنی؛ مؤمنلر البته کتب سابقیه ایمان ایدرلر. زیرا؛ حییم! کتب سابقه کبی بز سکاقرآنی انزال ایتدک که او قرآن کتب سابقه نک حق اولدیغنی تصدیق و انبیانک جمله سنی ایمانی تعریف ایدر. شو حالده قرآنه ایمان ایدن کتب سابقیه و انبیایه ایمان ایدر. چونکه قرآن؛ آنلره ایمانی امر ایدیور. حالبوکه اولونجه شول کیمسهلر که بز آنلره کتاب ویردک. آنلردن (عبدالله بن سلام) و آنک ارقداشلری کبی اهل کتاب قرآنه ایمان ایدرلر و شوعربلردن بعضیلری ده قرآنه ایمان ایدرلر. زیرا؛ بزم آیتلریمیزی انکار ایتمز، الا کافرلر انکار ایدرلر. یا خود آیتک معنای شویله در: [حییم! انبیای برادرلری که کتاب انزال ایتدیکمز کبی سکاده انزال ایتدک. شول کیمسهلر که بز آنلره کتاب ویردک. آنلر کندی کتابلرینه ایمان ایدرلر و آنلردن بعضیلری ده قرآنه ایمان ایدرلر و بزم آیتلریمیزی انکار ایتمز، آنجق اهل کتابدن و عربلردن کافر اولانلر انکار ایدرلر. ] دیمکدر.

خازن و بیضاوینک بیانلری وجهله کندیلرینه کتاب ویران اهل کتاب له مراد؛ زمانه سعادتده اول کیمسه اولاده اهل کتابمه. چونکه؛ آنلرک جمله سنی کتابلرینک بیانی وجهله کرک رسول الله و کرک قرآنه ایمان ایدرلردی. بناء علیه؛ بو آیتده اهل کتابک قرآنه ایمان ایتدکلری بیان اولونمشدر. اما رسول اللهک ظهوری و قرآنک نزولی اوزرینه بر چوقلری حسد ایدرک ایمان ایتمه مشلردر و بر قسمتکده ایمان ایتدیکنی جناب حق (ومن هؤلا من یؤمن به) جمله لطیفه سیله بیان بیورمشدر. شو حالده اهل کتابک جمله سنی قرآنه ایمانی انزالدن اول کتابلرینک بیانی وجهله ایماندر. بعضیلرینک ایمانی ایلله مراد؛ رسول اللهک بیعتندنه صکره ایمانمه.

\*\*\*



واجب تعالى قرآنی انزالی بیاندن صکره قرآنک وحی اولدیننی اثبات ایچون رسول اللهک قرآن وحی اولونمازدن اولکی احوالندن بعضیلرینی بیان ایتک اوزره ﴿وَمَا كُنْتَ تَتْلُوا مِنْ قَبْلِهِ مِنْ كِتَابٍ وَلَا تَخُطُّهُ بِمِیْنِكَ إِذَا لَا رُتَابَ الْمُبْطُلُونَ﴾ بیوریور .

[ یا اکرم الرسل ! سن قرآنک انزالندن اول بر کتاب اوقور وصاغ الکه یازی یازار اولادک . اکر وحیدن اول اوقور یازار اولایدک مشرکلسنک حقنده شبهه ایدرلردی . ویدرلردی که « محمد ﷺ کتب سابقه دن استنساخ ایتدی واسکی کتابلری اوقودی . بوا حکامی آنلردن اوکرندی . بناء علیه ؛ کتیردیکی وحی دکلدر . ایشته بوسوزلریله مشرکر طعن ایدرلردی . شو حالده وحی دن اول اوقویوب یازمق اولما یجه بوکی اسنادات اجرات ایدنلر اولمش ایسه ده دیکه تهممه مشرکدر . چونکه ؛ بو اسنادک اسبابندن اوقومق و یازمق کی برشی اولمادیغندن هر کس نظرنده یالان اولدیننی ظاهر در . حالبوکه قرآن شکه وشبهه به محل دکلدر . زیرا ؛ قرآنک نظم بدیی ومعنای غریبی واسلوب حکیمی معجز و خارق العاده در . بناء علیه ؛ ارباب عقل قرآنک وحی اولدیغنده ترد ایتمز ، اما عقل مفلسی و کندی عقالدن ظن ایدن حقا وسفها کروی شک ایدر واعراضده بولونور .

بیضاوینک بیانی وجهله قرآنده شک ایدنلرک ظفر اولد قهرینه اشارت اجموده جناب حق (مبطلون) بیور مشدر که شک ایجاب ایدر اسباب بولونمیه رق شک ایتدکلرندن شک ایدنلر مبطل عنوانیله ذم اولونمشلدر .

﴿بَلْ هُوَ آيَاتٌ بَيِّنَاتٌ فِي ضُؤُرِ الَّذِينَ أُوتُوا الْعِلْمَ وَمَا يَجْحَدُ بِآيَاتِنَا إِلَّا الظَّالِمُونَ﴾

[ بلکه قرآن کندیلرینه علم ویریلن افاضلک قیلرنده حق اوزرینه دلالت ایدن دلائل واضح و آیات بینه در و بزم حقه دلالت ایدن آیتلریمزی انکار ایتمز ، الا ظالم لرانکار ایدرلر . ]

واجب تعالى قرآنک اهل علمک قلبنده محفوظ اولدیننی بیانله تحریف اولونمیه جفته اشارت ایتشدر . بناء علیه ؛ قرآنک دیکر کتابلره نسبتله حفظی غایت قولای اولدیننی

جهتله قیامته قدر حافظلرک قلبنده محفوظ قالا جق و هیچ برکیمسه دکل برکله سنی تک بر حرفی بیله تغییر ایده میه جکدر . اما اهل الحاد و بر طاقم مفسدلر قرآنی اوقوتامغه و حفظی منع ایتکه چالیشیرلر سده مراد السی به قارشی خائب وخاسر اولمقدن باشقه برشی قازانمازلر . چونکه ؛ قرآنک حامیسی الله در . بناء علیه ؛ قرآنی انکار ایدنلری جناب حقک ظلمله توصیف بیورمسی اهل اسلام ایچون تسلی یونندن کافیدر . زیرا ؛ ظالم لرک عاقبتلری دائما رسوای اولمقدر . ظالم ایله مبطل ایکیسی بر معنایه اولدیغندن بوندن اولکی آیتده « آیتلری انکار ایتمز ، الا مبطللر انکار ایدرلر » دینمسه و بو آیتده « انکار ایتمز ، آنجق ظالم لر انکار ایدرلر » دیمک منافی دکلدر . چونکه ؛ هر مبطل ظالم و هر ظالم مبطلدر .

..

واجب تعالى قرآنک وحی اولدیننی بیاندن صکره کافرلرک شبهه لرینی بیان ایتک اوزره ﴿وَقَالُوا لَوْلَا نُزِّلَ عَلَيْهِ آيَاتٌ مِنْ رَبِّهِ قُلْ إِنَّمَا الْآيَاتُ عِنْدَ اللَّهِ وَإِنَّمَا أَنَا نَذِيرٌ مُبِينٌ﴾ بیوریور .

[ کافرلر « کاشکه محمد ﷺ اوزرینه نبوته دلالت ایدر ربسندن بر آیت نازل اولمش اولای ایدی » دیدیلر . حییم اسن آنلره دی که « سزک ایسته دیککز آیتلر اللهک عندنده در . بن آنجق سزی عذابه قورقوتورم ، یوقسه سزک ایسته دیککز آتی ایسته دیککز زمان کتیرمه مأمور دکلم » دیمکه جواب ویر . ]

یعنی ؛ یا اکرم الرسل ! سنک معجزاتکه قناعت ایتمین مشرکار دیدیلر که « نه اولای ایدی حضرت محمد اوزرینه ربسی طرفندن صالح علیه السلامک دوه سی و موسی علیه السلامک عصاسی کی نبوته دلالت ایدر علامتلا اولای ایدی ده بزده ایمان ایده ایدک » دیمکه نبوتکه اعتراض ایتدیلر . آنلر بویله دینجه سنده آنلره دی که « آیتلرک جمله سی الله تعالی عندنده محفوظ وقبضه قدرتنده در . ایسترسه الله تعالی خلق ایدر ایسترسه خلق ایتمز . بنم وظیفهم آنجق ایمان ایتدیککز صورتده عذاب السی ایله سزی انذار ایتمکدر . شو حالده سزک ایسته دیککز کی باشقه معجزه بنم آمده دکلدر . زیرا ؛ معجزه یی خلق



ایده جک الله تعالی در « . بناءً علیه ؛ امتک هر ایسته دیکی معجزه بی کتیره ممکن بی مسئول اولادینی کی نبوتنه دخی برخال گلز . چونکه ؛ بر کره نینک نبوتی اثباته کافی معجزه سنی میدانه قوید قد نصکره تکرار بتکرار عناد اوزره معجزه ایسته ینلره ایسته دکاری معجزه بی کتیرمه مأمور دکلدور واکر امتک هر ایسته دیکی کتیره جک اولسه احکامی تبلیغ و شریعتی تأسیس خللدار اولور . زیرا ؛ آحاد امتک ایسته دیکی توکنمز و هر کس عقلنه کافی ایسته ممکن کیرو طورماز و آنکه مشغول ایدرلر دورورلرسه آراده مقصد فوت اولور .

..

واجب تعالی رسوائک معجزه سی کافی اولدیغندن باشقه معجزه ایسته ینلری توبیخ ایتک اوزره ﴿ اَوَلَمْ یَکْفِهِمْ اَنَّا اَنْزَلْنَا عَلَیْکَ الْکِتَابَ یُتْلٰی عَلَیْهِمْ اِنَّ فِیْ ذٰلِکَ لَرَحْمَةً وَّذِکْرًا لِّقَوْمٍ یُّؤْمِنُوْنَ ﴾ بیوریور .

[ حیدیم ! نبوتکده شک ایدرلرده آنلر اوزرینه تلاوت اولونان کتابی بزم سنک اوزریکه انزال ایتدیکمز معجزه یونندن آنلره کفایت ایتدیمی ؟ البته کفایت ایدر . زیرا ؛ شو تلاوت اولونان کتابده ایمانی اولان قوم ایچون بویوک نعمت و موعظه واردور . ] یعنی ؛ ای رسول ذیشان ! مشرکار سنک نبوتکده شک ایدرلر ، باشقه معجزه ایسترلرده بزم جبریل واسطه سیله سنک اوزریکه انزال ایتدیکمز کتاب آنلر اوزرینه تلاوت اولونیور نبوتکه دلالت ایدر معجزه یونندن آنلره کافی اولادیمی ؟ حالبوکه قرآن باشقه معجزه دن مستغنیدر . زیرا ؛ بوتون معارضلری عاجز قیلدیغندن معجزه لره اتم واکمیدر و هر زمان و هر ساعتده میدان مبارزه ده معترضلرینه میدان اوقویوب دوریور . بناءً علیه ؛ هر زمان هر بلده ده الی یوم القیام ثابت و نازل اولدینی کون کی هر کسی مغلوب ایدوب دوریور و قطعاً انقراض بولماز و غلبه سی غیب ایتمز . اما معجزات سائر بویله دکلدور . زیرا ؛ آنلر بعض زمانده موجود ، دیگر زمانده منقرض اولور . کذاک بر بلده ده موجود ، دیگر بلده ده معدوم اولور . مثلاً عصای موسائک معجزه اولسی حضرت موسائک حیاتیله مشروط اولدینی کی حضرت موسائک حیاتنده دخی ایجاب حاله کوره خارق العاده

حالی کتساب ایدر یوقسه قرآن کی هر آن و هر ساعت معجزه اولماز . شو حالده قرآن کی بر معجزه میدانه ایکن آنک غیری بر معجزه ایسته مک عناد و اثر حماقتدر . زیرا ؛ قرآنک انزالده و بالذات قرآنده ایمان ایدنلر ایچون رحمت عظیمه و نصیحت و فیه واردور . چونکه قرآن ؛ ایمان ایدن انسانلری سعادت دارینه ایصال ایدر . بناءً علیه قرآن ؛ طرف الیهین قوللرینه بویوک احساندر ؛ قرآنه ایمان ایتمه یوب معجزه اولدیغنی قبول ایتمین کافرلر حقنده رحمت اولمق شویله طورسون هلاک لرینه بادی اولدیغندن آنلر حقلرنده ایمان ایتدکلرندن فلا کتدر . چوئکه ؛ قرآندن انقاع ایتک ایمانله مقیددر . شو حالده ایمان ایتمین انتفاع ایده مز .

فخر رازینک بیاننه نظراً بوآیتده رسول اللهک نبوتی عمومی اولدیغنه اشارت واردور . زیرا ؛ رسول اللهک معجزه سی عمومی اولارق ظهور ایتشدور . مثلاً قرآنی ایشیتمدک بر قوم اولادینی کی قرآنک واصل اولادینی بر بلده دخی یوقدر . بناءً علیه ؛ رسول اللهک نبوت دعوائی هر یرده ثابت و معجزه سی هر یرده بارز و معارضه سندن هر کس عاجز اولدیغندن هر کسک ایمان ایتسی واجبدر . چونکه ؛ قرآنی معجزه لکدن اسقاط ایدن آنک مثلی ویا برقیصه سوره سی کتیره بیلملی . کتیره مه یجه حق اولدیغنی بیلوب دعوتنه اجابت ایتک واجبدر .

..

واجب تعالی قرآنک معجزه یونندن کافی اولدیغنی بیاندنصکره شو معجزه ایله ثابت اولان رسالته ایمان ایتمه ینلری تهدید ایتک اوزره ﴿ قُلْ کَفٰی بِاللّٰهِ بَیِّنٰتٍ وَّ بَیِّنٰتُکُمْ شَهِیْدًا یَعْلَمُ مَا فِی السَّمٰوٰتِ وَّالْاَرْضِ ﴾ بیوریور .

[ ای رسول مکرم ! ایمان ایتمین معنلره سن دی که « بن نبوت دعوا سنده صادق و صدقه معجزه ده کافیدر . ای مشرکار ! مادام که بو معجزه یه قناعت ایتبورسکنز ! شو حالده سز که بنم بینمده شاهد یونندن الله تعالی کافی اولدی ، باشقه شاهد ایسته مز . زیرا ؛ الله تعالی کوکلرده و یرده اولان هر شیئی بیلمیر . ] بناءً علیه ؛ سزک



﴿ وَلَوْ لَا أَجَلٌ مُّسَمًّى لَّجَاءَهُمُ الْعَذَابُ ﴾

[اگر آنلره عذابك كلسی ایچون تعیین اولونمش بر وقت معین اولماش اولسه ایدی آنلرك ایسته دکلری وقت، عذاب کلدی ولکن تعیین اولونان وقت، معین اولدیغندن ارونقه تأخیر اولونمشدر.]

﴿ وَلَيَأْتِيَنَّهُمْ بَغْتَةً وَهُمْ لَا يَشْعُرُونَ ﴾

[وآنلرك خبری اولمادیفی وپلمدکلری حالده آنلره عذاب البته خفته کلیر.] شو حالده عجله ایتمسونلر. چونکه؛ ایرکچ عذاب البته کله جکدر. فقط تعیین اولونان زمانی بکلر. بناء علیه؛ کافرلرك استعجاللرینک تأثیری یوقدر.

بیضاوینک بیانی وجهله بغته کله جک عذابك بوم بر کبی عذاب دنیا اولم احتمالی اولدیفی کبی هرکسك موتی اولم احتمالی ده واردر. چونکه؛ هرکسك اجلی معلوم اولسه اجلنک وقتی بیلدیکندن توبهیه اعتماد ایدر، انواع فسق و فجوری ایشلردی ویر یوزنی ظلم و طغیان احاطه ایدردی. بناء علیه؛ جناب حق هرکسك اجانی کیزلی قیلدی که هر ساعتده اجلنه منتظر اولسون.

خازنک بیسانه نظراً بو آیت (نضر بن حارث) حقنده نازل اولمشدر. چونکه؛ (نضر)ك «اكرسوز كده صادقسهك یا محمد! ﷺ بزم اوزریمزه سمان طاش یاغدر» دیسی اوزرینه بو آیتك نازل اولدیفی مرویدر.

﴿ يَسْتَعْجِلُونَكَ بِالْعَذَابِ وَإِنَّ جَهَنَّمَ لَحِيطَةٌ بِالْكَافِرِينَ ﴾

[حبیب! آنلر سندن عذابك عجله کلسنی ایستلر. حالبوکه جهنم کافرلری البته احاطه ایده جکدر.]

یعنی؛ کافرلر کندی مذهبیلرینک حق اولدیفی وآنکله عذابدن قورتولوب سلامت بولاجقلرینی امیدایدرك حبیب سندن عذابك عجله کلسنی ایستلر. حالبوکه طرف الهیدن آنلره موعود وحاضر اولان جهنم او کافرلری البته احاطه ایده جکدر وبوکون جهنمده آنلرك یرلری معیندر. چونکه؛ بو دنیاده جهنمک طبقه لرینی ایجاب ایدن سیئات

بم نبوتی انکار کزک هیچ تأثیری یوقدر. چونکه؛ الله تعالی بم رسول اولدیفی وسزك عناد کزی وبم سزه قرآنی تبلیغ ایتدیکی وسزك نه کبی مقابله ده بولوندیغکزی بیلیر وشهادت ایدر. شو حالده سز ایسترسه کز تصدیق ایدک سعاده نائل اولک، ایسترسه کز تکذیب ایدک شقاوتکز اوزره دائم اولک. بکا اصلا ضرری یوقدر. زیرا؛ الله تعالی یرده وکوکلرده اولان جمله اسراری وبالخاصه سزك وبم حالمزی بیلیر، صاقلی برشی یوقدر «دیمکه آنلری الزام ایت.

..

واجب تعالی مشرکرو اهل کتاب ایله رسولی آره سنده جریان ایدن احوالی بیاندنصکره کزک مشرکلرك وکزک اهل کتابك مذهبیلرینک باطل اولدیفی بیان ایتک اوزره ﴿وَالَّذِينَ آمَنُوا بِالْبَاطِلِ وَكَفَرُوا بِاللَّهِ أُولَٰئِكَ هُمُ الْخَاسِرُونَ﴾ بیوریور.

[شول کیمسه لركه آنلر باطله ایمان والله تعالی یه کفر ایتدیلر. ایسته آنلر دنیاده وآخرته ضرر ایدنلردر.]

یعنی؛ شول کیمسه لركه آنلر شیطانیه ایمان وآنک امرینه امثال وهوا وهوسلرینه تبعیت ایله الهك غیری یه عبادتله الهه کفر ایتدیلر. ایسته آنلر ایمانی کفره دکشیدکلرندن ضرر ایتدیلر وضرر آنجق آنلره عائددر. چونکه؛ آنلرك کفرندن الهه بر نقصان عارض اولمادیفی کبی کفرلرینک ضرری کندیلرینک غیری یه تجاوزده ایتمز. شو حالده کفرلرینک ضرری کندیلرینه منحصردر.

..

واجب تعالی کافرلرك عذابی استعجال ایتدکلرینی بیان ایتک اوزره ﴿وَيَسْتَعْجِلُونَكَ

بِالْعَذَابِ﴾ بیوریور.

[حبیب! کافرلر عذابك عجله کلسنی سندن ایستره و«وعد ایتدی کز عذاب کله جکسه کلیورسون» دیرلر.]



هر طرفلری احاطه ایتشدرد. شو حالده آنلری بو دنیاده جهنم بالفعل احاطه ایتدیش  
ایسهده بالقوه احاطه ایتدیش دیمکدر. زیرا؛ آنلرک ارتکاب ایتدکلری جنایات عین جهنمدر.  
کافرلردن هیچ برفرد خارج قالمایوب جهنم جمله سنی احاطه ایده جکنه اشارت ایچون  
هر فرد شامل اولده احاطه لفظی وارد اولدیغی کبی احاطه نك سببی کفر اولدیغی  
بیان ایچون اسم ضمیر یرنده اسم ظاهر اولارق (کافرین) لفظی دخی وارد اولشدرد.  
چونکه؛ کافرلرک ذکر کیری کچدیکنندن (بالکافرین) یرنده (هم) کلسه معنا صحیح  
اولوردی ولکن جهنمه استحقاقلرینک سببی کفر اولدیغنه اشارت اولمازدی. شو حالده  
کافرلری جهنمک احاطه سنک سببی کفرلری اولدیغی بیان ایچون (کافرین) لفظی کلشدرد.

\*\*

واجب تعالی جهنم عذابنک کافرلری احاطه سنک کیفیتنی بیان ایتک اوزره ﴿يَوْمَ  
يَغْشِيهِمُ الْعَذَابُ مِنْ فَوْقِهِمْ وَمِنْ تَحْتِ أَرْجُلِهِمْ وَيَقُولُ ذُوقُوا مَا كُنْتُمْ  
تَعْمَلُونَ﴾ بیوریور.

[ ذکر ایت حییم! شول کونی که او کونده آنلری اوستلرندن و آياقلرینک آلتندن  
عذاب جهنم اورتد جک و طرف الیهیدن بر ملک «طادک عملککک جزاسنی» دییه جک. ]  
شوحالده او کونی و او کونده احاطه ایده جک عذابی بونلرک خاطرلرینه کتیرکه متنبه  
اولسونلر.

یعنی؛ کافرلرک اوستلرندن و آلتلرندن هر طرفلری جهنم عذابی یورودیکی زمان  
جهنم آنلری احاطه ایده جکدر. شو بیان اولونان عذاب جسملرینه مخصوصدر و یالکک  
بونکله قالمایوب عذاب روحانیله دخی معذب اولاجقلردر. زیرا؛ طرف الیهیدن  
آنلره «طادک عملککک عذابنی» دنیله جکدر. بناء علیه؛ بوسوز آنلره اهانتله الم  
روحانی موجبدر. و وجودلری هیچ بر زمان عذابدن خالی قالمیه جغه اشارت ایچون  
(یغشی) لفظی وارد اولشدرد. چونکه غشی؛ برنیمی نماید ستر ایدوب اورنک

معناسنه در. بناء علیه؛ «آنلری عذاب ستر ایدر» دیمک «عذابدن خالی بر جهنلری  
وزمانلری اولماز» دیمکدر.

\*\*

واجب تعالی مشرککک و اهل کتابک آیری آیری حاللری و هر برلرینک اطاعت  
رغبت ایتدکلری جهنمه عذاب جهنمه مستحق اولدقلرینی و جهنم عذابی هر طرفلری  
احاطه ایده جکنی بیاندنصرکه کافرلرک اهل ایمانه اذیه مصر اولملرینه بناء جناب حق  
هجرة مساعده ایتدیکنی بیان ایتک اوزره ﴿يَا عِبَادِيَ الَّذِينَ آمَنُوا إِنَّ أَرْضِي وَاسِعَةً  
فَإِيَّايَ فَاعْبُدُونِ﴾ بیوریور.

[ ای بنم مؤمن قوللرم! بنم ارضم کنیشدر. ایسته دیککک محلله کیده بیلیرسکک.  
سزک ایچون مساعده واردر. بناء علیه؛ آنحق بکا عبادت ایدک. ]

یعنی؛ ای بنم الله و رسولنه ایمان ایدن خالص قوللرم! اکر سز ایمانککک  
مقتضاسی اولان عملککک شریعتککک بیانی وجهله ادا ایتکک بر بلدهده فرصت بولماز  
و مقتدر اولامازسه کک او بلدهده قرار ایتکک، بلکه او بلدهدن عبادتککک ادایه مساعد  
دیگر بر بلدهده هجرت ایدک. زیرا؛ بنم ارضم واسعدرد. هر نریمه کیتسه ککسزی استیعاب  
ایدرد. شو حالده حضور قابله اداء عبادت ایده بیلکککک بر بلدهده نقل ایتککک مأذون سکک.  
بناء علیه؛ هر برده و هر بلدهده عبادتککک آنحق بکا حصر ایدک.

تفسیر طبری و خازنک بیانلرینه نظراً آیاتک معناسی شویله اولمق محتملدر: [ اکر  
بر بلدهده معصیت ایشلرسه کک و یا خود بر ظالم طرفندن معصیتله امر اولونورسه کک ای  
مؤمن قوللرم! او بلدهدن فرار ایدک. زیرا؛ ارضم واسعدرد. ایسته دیکککک یر  
کیده بیلیرسکک. فقط هر نریمه اولسه کک عبادتککک بکا حصر ایدک. چونکه؛ بندن  
بانقه عبادته مستحق یوقدر ] دیمکدر. الله تعالی ارضک و سعته بیانه رزقک و سعته  
اشارت ایتشدرد. یعنی «ای مؤمن قوللرم! اکر بر بلدهده عبادتککک ادا  
کوککک کورورسه کک عبادت قولای اولان دیگر بر بلدهده کیدک. پدرلرککدن موروث



اولان ماللریکزدن والفت ایتدیگکز بلده لریکزدن آردیگکز محزون اولمایک . چونکه ؛ ارضم کنیش ورزقم بول وهر طرفی بنم ملکمدر . سزده بنم قوللرم اولدیگکز ایچون هر زره کیدرسه کز اللهک قوللری اللهک ملکنه کیده جکدر . شو حالده هر زره کیتسه کز عبادتکزی بکا حصر ایتکز لازمدر . زیرا ؛ بنم ملکمده ساکن اولوب نعمتلرمدن ییوب راحت ایده جککز جهته عبادتکزی ملکک ونعمتک صاحبه تخصیص ایتکز واجب دیمکدر .

تفسیر مدار کده بیان اولوندینی وجهله بلده لرده وارضک قطعه لرنده تفاوت وارد . چونکه ؛ بعض بلده ده فتنه وفساد آز اولدیغدن عبادت سهولته ادا اولونور . زیرا ؛ اهالیسی صلاحه مائلدر . بعض بلده ده شروفساد چوق اولدیغدن عبادتی اداده مشکلات چکیلور . بناء علیه ؛ اهالیسی صلاحه میال اولان بلده یی انتخاب ایتک البته اولادر . (سهل) حضرتلری « آیتک معنای بر بلده ده بدعتلر ومعصیتلر ظهور ایدرسه اولده دن دها اطاعتی بلده یه نقل ایتک لازم » بیورمشدر . بناء علیه ؛ فخر رازینک بیانی وجهله دارحریده اوتورمق حرامدر ، آنجق دار اسلامه چیقمغه مساعده اولور ودار اسلامده راحت اولاجغنی بیایرسه .

تفسیر خازنده بیان اولوندیغه نظراً بو آیت مکده قالان ضعفاء مؤمنین حقنده نازل اولمشدر . یعنی « مکده ایمانکزی اظهار وعبادت ایتکده مضایقه کورورسه کز مدینه یه هجرت ایدک . زیرا ؛ ارضم کنیش » دیمکدر . یا فزود « بز مکدن هجرت ایدرسه ک سفالت چکر فقر حاله دوچار اولورز » دییه نلر حقزنده نازل اولمشدر . یعنی « قورقایت هجرت ایدک . زیرا ؛ ارضم واسع ورزقم بول آجیقمازسکز » دیمکدر . نیسابوریده بیان اولوندینی وجهله عبادک ذات الوهیتدن کنایه اولان متکلم ضمیرینه مضاف اولسی اهل ایمانی تشریف وشرکاره تعریض ایچوندر .

خلاصه ؛ دین خصوصنده هجرت ایده جک کیمسه نک رزق ایچون اندیشه ایتما سی لازم اولدینی وهر زره کیتسه رزقی کندینی بولاجنی واللهک ارضی ورزقی بول اولوب جمله سنی استیعاب ایتدیکی وهر زره ده بولونسه عبادتی اللهه حصر ایتک لازم اولدینی بوآیتدن مستفاد اولان فوائد جمله سنددر .

\*\*

واجب تعالی اهل ایمانه هجرتله امر ایدوب هجرت ایسه مملکتلرینی واحبایی و اخوانی ترکی موجب اولدینی جهته اهل ایمانه هجرت کریه اولسنه بناء انسانلرک الک کریه کوردکاری موتک بیله وقوعی بیانه مؤمنلری تسلیه وکدرلرینی تهوین ایتک اوزره ﴿ کُلُّ نَفْسٍ ذَائِقَةُ الْمَوْتِ ثُمَّ إِلَيْنَا تُرْجَعُونَ ﴾ بیوریور .

[هر نفس اولومی طاده جقدر واولد کدنصکره آنجق بز حضوریمزه ارجاع اولونورسکز .] یعنی ؛ ای مؤمنلر ! سز نفسکزه تبیت ایدوب احباب و یاران واقربا وتعلقاندن ومملکتدن آیرلنی موجب اولان هجرتی کریه کورمه یک ، آنجق قلبکزی بکا ربط ایدک . زیرا هر نفس ؛ اولومی طاده جقدر واولومک آجیسی طاندقندنصکره البته بز حضور مغنیمزه رد اولونا جقسکز . بناء علیه ؛ هجرتدن اندیشه ایتمه مک لازمدر . چونکه ؛ عاقبت امرده بودنیادن هجرت قطعیدر و ترک ایتسی آغیر اولان وطن واحباب و یاران جمله سی ترک اولونا جقدر .

بوآیت جلیله هر شخصک اوله جکفی بیانه عبادته تشویق ایچون بردستور حکیمدر که هر شخص ایچون هر زمان وهر یرده جریان قطعیدر . بناء علیه ؛ هر شخص کندی نفسی ایچون تطبیق ایدوب دیمکی که « بن بر نفسم . هر نفس اولومی طاده جق . بناء علیه ؛ بنده اولومی طاده جغم » . ایشته بویه دییوب عبادته سعی ایتلدر . بوقاعده ؛ صغری سهله الحصول طریقله افراد انسانک کافه سنده جاریدر . مثلاً « زید بر نفسدر . هر نفس اولومی طاده جقدر . زید اولومی طاده جقدر » دیمکدر .

\*\*

واجب تعالی بالعموم قوللرینک حضورینه رجوع ایده جکلرینی بیاندنصکره حضورینه رجوع ایدن مؤمنلرک نائل اولاجقلری درجه لری بیان ایتک اوزره ﴿ وَالَّذِينَ آمَنُوا وَعَمِلُوا الصَّالِحَاتِ لَنُبَوِّئَنَّهُمْ مِنَ الْجَنَّةِ غُرَفًا تَجْرِي مِنْ تَحْتِهَا الْأَنْهَارُ خَالِدِينَ فِيهَا نَبْنِمْ أَجْرُ الْعَامِلِينَ ﴾ بیوریور .



[ شول کیمسه لکه آنلر ایمان ایتدیلر و ایمانلرینک مقتضاسی اولان عمل صالحی ایشله دیلر. آنلری البته بز جنتدن عالی کوشکلرده و سزایلرده اقامت واسکان ایدرلر که او سزایلرک آلتندن نهرلر جریان ایدر. آنلرده ابدی جنتده قالیجی اولدقلری حالده استراحت ایدرلر. دنیاده کوزل عمل ایشله یین عامللرک اجری اولان جنت اعلی نه کوزل اولدی. ]

### ﴿الَّذِينَ صَبَرُوا وَعَلَىٰ رَبِّهِمْ يَتَوَكَّلُونَ﴾

[ جنت اعلاده کندیلری ایچون سزایلر حاضرلانیان ارباب عمل شول کیمسه لکه آنلر مشرکلرک اذالرینه صبر ایتدیلر و آنحق ربلرینه اعتماد تامله اعتماد ایدرلر. ]  
یعنی ؛ جنتده اقامت ایده جک و کوزل اجره نائل اولاجق عامللر شول کیمسه لکه آنلر عموم تکالیف التهیبه نک مشقته و دشمنلرک اذالرینه و وطنلرندن هجرت و اقران و احباب و اقربانک فرقتنه صبر ایتدیلر. یالکیز صبرلرده اکتفا ایتدیلر، بلکه آنحق ربلرینه هر ایشلرلرند اعتماد ایتدیلر. بناء علیه ؛ آنلر آنحق الله ربط قلب ایدوب ماسوادن علاقہ یی کسیدیلر که هر شیئی اللهدن بکلرلر اللهک غیریدن برشی بکله منزلر.  
(لبنوئهم) « البته بز آنلری اقامت ایده جکلری بر منزله انزال ایدرلر » دیمکدر.  
(غرفاً) « غرفنک جمعیدر. غرفه ؛ عالی کونک و یوکسک سرائی دیمکدر. نيسابورینک بیانی وجه ایله بو آیت جلیله ؛ کافرلرک هر طرفلرینی جهنمک احاطه ایده جکنی بیان ایدن آیته مقابلدر. یعنی « مشرکلرک هر طرفلرینی جهنم آتشی احاطه ایتدیکی کی مؤمنلرکده هر طرفلرینی جنت اعلانک نعمتلری و یوکسک سزایلری احاطه ایده جک » دیمکدر.

..

واجب تعالی اهل ایمانک صبری و توکلنی بیاندنصکره صبره و توکله سبب اولان شیئی بیان ایتک اوزره ﴿وَكَانَ مِنْ ذَاتِهِ لَا تَحْمِلُ رِزْقَهَا اللَّهُ يَرْزُقُهَا وَإِيَّاكُمْ وَهُوَ السَّمِيعُ الْعَلِيمُ﴾ بیوریور.

[ یر یوزنده حرکت ایدوب یوروین برچوق حیوانلر رزقنی کوتورده منر که کرک او حیوانلری و کرک سزی الله تعالی مرزوق ایدر. زیرا ؛ الله تعالی سوزکزی ایشیتیر و هر حالکزی بیلیر. ]

یمنی ؛ ای هجرتده رزقندن قورقان مؤمنلر ؛ سز رزق ایچون محزون اولوب اندیشه چکمه یک. زیرا ؛ الله تعالی رزقکزی البته و یره جکدر. چونکه ؛ یر یوزنده حرکت ایدن حیوانلرک چوققلری شعور وادرا کدن عاجز اولدیغندن رزقنی کسب ایده مدیکی کی آله کچن رزق یاننده آلوب کوتورده منر. حالبوکه الله تعالی هم او حیوانی همده سزی مرزوق ایدیور. شو حالده رزق ایچون هجرتی ترک ایتکده و کدر ایتکده بر معنا یوقدر. بناء علیه ؛ بوکی شیلری دیلکزله سویله مدیککز کی قلبکزلده دوشونمه یک. زیرا ؛ الله تعالی سوزیکزی ایشیتیر و قلبکزده اولان اسراریکزی بیلیر. بناء علیه ؛ رزقکزده وسائر خصوصاته کزده اللهه اعتماد ایدک و ایشکزی آکا ایصمارلایک. چونکه ؛ احتیاجکزی دفعه قادر اودر، آنک غیری یوقدر.

اسباب رزقه تشبث ایتک توکله مانع دکدر. بناء علیه ؛ چیفتجینک حیواناتی اکسی عین توکدر. چونکه ؛ حیواناتی اکر ولکن اکیتمک بیتجکفی اللهدن بکلر و قلبی اللهه باغلار. زیرا ؛ اللهدن باشقه اکیتمک بیتیرمکه قادر کیمسه اولمادیغنی بیلیر. حیوانات ایچندن قارنجه و فاره ایله انساندن باشقه رزقنی صاقلار و طولار بر حیوان اولمادینی مدارکک جمله بیاناتنددر. شو حالده حیوانات ایچنده بو انساندن و قارنجه ایله فاره دن ده ازیاده حریص بولونمادیغنی و عاقبت قورقوسی آنحق بونلری استیلا ایتدیکی آکلا شیلعمقده در. بیضاوی و مدارکک بیانلرینه نظراً مکده ایمان ایدن مؤمنلری مشرکلرک چوق اشکنجه ایتلرینه قارشى رسول الله مدینه یه هجرت ایتلرینه اشارت ایدنجه « بز دیار غربتده فصل معیشت ایدلم ؟ او طوره جق اویمز و استفاده ایده جک مالز و تجارت ایده جک پاره من و حالمزی بیله جک اقربا و احبابمز یوق. بز فصل هجرت ایدرلر » دیملری اوزرینه بو آیتک نازل اولدینی مرویدر. شو حالده آنلرک بو سوزلرینی ردله جناب حق « حیوانلرک چوققلری کیتدکری یره رزقنی کوتورده منزلر ولکن هر زویه کیتسه لر آنلری و سزی الله تعالی مرزوق ایدر. بناء علیه ؛ هجرت ایده جککزر محله رزقکزی کوتو.



ره مدیککزدن قورقايك ، الله تعالى سزى مرزوق ايدر ، بيورمش وهجرت ايدنلرك  
آج قاليه جقلرينى بيانله هجرتيه تشويق ايتشدرد .

..

واجب تعالى مؤمنلرك حاللرينى و نائل اولاجقلرى درجهلرى و هر كسك رزقنى و یرن  
كندیى اولدیغنى بیاندن صكره كافرلرك حاللرينى و افتارلرينى بیان ایتك اوزره  
﴿ وَلَئِنْ سَأَلْتَهُمْ مَنْ خَلَقَ السَّمَوَاتِ وَالْأَرْضَ وَسَخَّرَ الشَّمْسَ وَالْقَمَرَ لَيَقُولُنَّ  
اللَّهُ فَأَنَّى يُؤْفَكُونَ ﴾ بیوریور .

[ ذات الوهیتیه یمین ایدرم که حییم ! اکر سن مشرکله سئوال ایتسهك دیسهك که  
« سَمَوَاتِی و اَرْضِی کیم خلق ایتدی و کونشی و آبی کیم مطیع قیلدی؟ » . آنلر « البته  
بوایشلری یابان و بونلری خلق ایدن الله تعالى در » دیرلر . حال بویله اولدیغنى بیلدکلری  
حالده الله فصل افترا ایدیورلر و الله عبادتی تركله پوتلره عبادت ایدرهك فصل شرك  
ایدیورلر ؟ ] یرك و كوكلك خالق الله تعالى اولدیغنى بیلنجه عبادتلرینی آکا حصرایتك  
لازم ایکن الله اطاعتی ترك ایتلمی نه قدر غریب برشی درکه توحیدی ترك ایدوب شرکی  
ارتکاب ایدرلر . ایشه بو حاللری شایان تعجب و استغرابدر . چونکه ؛ اللهك عظمتی  
و قدرتی بیلهرك آتی ترك ایدوب اخس موجودات اولان پوتلره عبادت ایتلمی تعجب  
اولونمیه جق برشی دکلدر .

..

واجب تعالى مخلوقاتى ذکرايدوب مخلوقات ايچندن بالخاصه انسانك بقاسى رزقه محتاج  
اولدیغندن رزقه متعلق بعض احکامی بیان ایتك اوزره ﴿ اللَّهُ يَبْسُطُ الرِّزْقَ لِمَنْ يَشَاءُ  
مِنْ عِبَادِهِ وَيَقْدِرُ لَهُ إِنَّ اللَّهَ بِكُلِّ شَيْءٍ عَلِيمٌ ﴾ بیوریور .

[ الله تعالى قوللرندن دیله دیکنه رزقی بول و دیله دیکنه طار و یرر . زیرا ؛ الله تعالى  
هر شئی و هر كسك حالى بیلیر و هر شخصك رزقنى كندی فصل ایسترسه آکا کوره  
اوشخصه رزق و یرر ، هیچ کیمسه قاریشاماز . ]

یعنی ؛ رزق قوللرك آرزولرینه تابع دکلدر ، بلکه اللهك اراده سنه و مشیتنه تابعدر .  
زیرا ؛ الله تعالى قوللرندن ایسته دیکنك رزقنى بول و ایسته دیکنك رزقنى طار و یرر .  
چونکه ؛ الله تعالى هر كسك مصالحی و مفاسدی و رزقنك مقدارینی بیلیر و محتاج اولان  
قولنك اسبابنه تشبیه اوزرینه رزقنى نصیبی مقدارى خلق ايدر . شوقدر که رزقده قوللر  
ایچون اسبابه توسل لازم ایسه ده سببك رزقده تاثیر تامی یوقدر . لکن عبدك اراده سنی  
صرفله اسبابنه توسل ایتدك دصكره رزقك حصولی اراده الهیه منوطدر . بناء علیه ؛  
انسان چوق زمانده بر چوق اسبابه توسل ایتدیكى حالده آله هیچ برشی کچمز و شدتله  
مضایقه ایچنده قالیر . اکر اسبابده تاثیر اولسه ایدی دائما خلق اولونور و هیچ بر سبب  
تأثیرسنر قالمازدی ، لکن وقوعات بونك عکسنه شاهددر .

..

واجب تعالى رزقك اسبابى خالق كندی اولدیغنى بیانله مشرکلری ایفاظ ایتك اوزره  
﴿ وَلَئِنْ سَأَلْتَهُمْ مَنْ نَزَّلَ مِنَ السَّمَاءِ مَاءً فَأَحْيَا بِهِ الْأَرْضَ مِنْ بَعْدِ مَوْتِهَا  
لَيَقُولُنَّ اللَّهُ ﴾ بیوریور .

[ حییم ! اکر سن مشرکله سئوال ایتسهك دیسهك که « سمان صوینی ازال ایدوب  
ارضی اولدك دصكره اوصو سببيله احیا ایدن کیمدر؟ » آنلر « البته الله تعالى در » دیرلر . ]

﴿ قُلِ الْحَمْدُ لِلَّهِ بَلْ أَكْثَرُهُمْ لَا يَعْقِلُونَ ﴾

[ یا اکرم الرسل ! آنلرك بوقرارلری اوزرینه سن دی که « الحمد لله » یعنی « مدح و ثنا  
واو کوملك الله مخصوصدر . چونکه ؛ قوللرینه نعمت و یریور و منکرلری الزام ایدیور »  
دیملکه مشرکلك حقیقتی اعتراف ایتدکلرینه شکر ایت ، بلکه آنلرك اکثریسی سویلدکلری  
سوزك معناسی تعقل ایتزلر . ] زیرا ؛ سوزلری شرکه منافیدر .

یعنی ؛ حییم ! سمان یا غمور صوینی ازال ایدن کیم اولدیغنى و روحدن خالی جسد  
منزلنده اولان طیراغی قورودق دصكره اویاغمور صوینی ایله کیمك احیا ایتدیکنی سن



آنردن سوال ایتسهك آنلر بوتون موجوداتك موجدی الله تعالى اولدینی اقراره مجبور اولورلر و دیرلر كه « كرك يا غموری يا غديران و كرك اولمش ارضی احیا ایدن انجق الله تعالى دره و بوسوزلریله كندیلرینی الزام ایدرلرده خبرلری اولماز . چونكه ؛ آنلر اللهك مخلوقاتندن غایت عادی برطاقم عاجز طاش و آغاج پارچه سنه عبادت ایدوب آنلری الله شریك اعتقاد ایتدكلری جهته سوزلری افعالرینه منافیدر . شو حالدله كندی سوزلریله طوطدقلری مسلكلری آرد سنده تناقض وارددر . زیرا ؛ برطرفدن اللهك عظمتی اقراره دیگر طرفدن غایت عاجز مخلوقله عبادت ایتلمی البته تناقضدر . بناء علیه ؛ بونلرك كندی كندیلرینی الزام ایتلمی شایان شكران اولسنه بناء حبییم ! سن الله حمد ایتدی كه « الحمد لله » . یعنی « اهل شرکی كندی سوزلریله الزام ایدن الله تعالى به مخصوصدر حمد و ثنا » . بلکه حبییم ! آنلرك اكثریسی سويلدكلری سوزك معناسی و كندیلرینی الزام ایتدیكنی ادراك ایتزلر . چونكه ؛ سوزلریله اقرارلرینی بوتلره عبادتلیله انكار ایدرلر و بوقدر آجیق تناقضی آكلامازلر ، بو آیه عاقل شانی دكلدر . چونكه ؛ عاقلك شانی سويله دیکی سوزی دوشونوب موجیله عمل ایتكددر . شو حالدله سويله دیکی سوزك معناسی دوشونمدكلرندن عقلی اولیان بهایم منزلده درلر .

بیضاویك بیانی وجهله بو آیتده حمد ؛ مشركلرك حق اعتراف ایتلمی بناء اولدینی کی بومثللو ضالالتدن جناب حقل محافظه سی اوزرینه اولق احتمالی دخی وارددر . بوكا نظراً « اكثریسی ادراك ایتزلر » دیمك « حبییم ! سن بو حالدله حمد ایت ، فقط سنك نه ایچون حمد ایتدیكنی آنلرك اكثریسی بیلمزلر » دیمكددر .

..

واجب تعالی كندیك خالق اولوب قوللریك رزقنی و یردیكنی و كافرلرك بو حالی اقرارلریله برابر اللهك غیری به عبادت ایتدكلرینی بیاندن صوكره غیره عبادتلیك سبی دنیا به میل و رغبتلری اولدینی و دنیاك ایسه هیچ دكری اولمادیغنی بیان ایتك اوزره .

﴿ وَمَا هَذِهِ الْحَيَوةُ الدُّنْيَا إِلَّا لَهْوٌ وَلَعِبٌ ﴾ بیوریور .

[ شو حیات دنیا اولمادی ، الا اویونجاق اولدی . ]

﴿ وَإِنَّ الدَّارَ الْآخِرَةَ لَهِی الْحَيَوةُ لَوْ كَانُوا يَعْلَمُونَ ﴾

[ حالبوكه دار آخرت اكر بیلمش اولسهلر حیات دائمدر . ]

یعنی ؛ مشركلرك وساثر عاصیلرك مغرور اولدقلری حیات دنیاك بقای اویونجاقدن زواله معروض اولدینی جهته اولمادی ، آنجق بوش بوشنه بر مشغولیت و اویونجاقدن عبارت اولدی . چونكه دنیا ؛ چوجقلرك بر اویون اتخاذا ایدوب بر مقدار اویونجاقدن صكره بیقوب بوزولوب طاغیلدقلری کی انسانلرده دنیاده آز بر مدت دوتر دولاشور مشغول اولور ، صكره وفات ایدر . طوطلادینی ماللر طاغیلر ، اولادلر آریلیر برنده کیسه قالماز ، هربری آری آری بر یره کیدر . حالبوكه دار آخرت حیات ابدیه در ، انقطاعی بوقدر . زیرا ؛ اولوم ق هرشی دوامی آفات و عوارضدن سالم و سروری دائمدر . اكر اهل دنیا آخرتك دوامی بیلمسه لردی دنیایی آخرت اوزرینه ترجیح ایتلاردی . دنیاك عندالله قدری اولمادیغه اشارت ایچون مقارنه دلات ابدیه (هذه) لفظی وارد اولمشدر . یعنی « شو دكرسز حقیر دنیا اویونجاقدن عبارت » دیمكددر .

بیضاویك بیانی وجهله بو آیتده (اهی الحیوان) لفظده حیوان ؛ هیات معناسنه مصدردر . آخرتك حیاتنده مبالغه ایچون حیات برنده حیوان وارد اولمشدر . زیرا حیوانك معناسنده حیاته لازم اولان حرکه واضطراب معناسی موجود اولدیغندن دار آخرتك حیاتی بیانده حیات اوزرینه حیوان ترجیح اولونمشدر . شو حالدله آیتك معناسی : [ دنیاك زوالی سرعتی اولدیغندن اهل دنیاك قراری اولمایوب آز بر زمان معمر اولدقنصكره موتله انتقال ضروری اولدیغندن عادتاً حیات دنیا چوجقلرك اویونلری کیدر . اما دار آخرت بویله دكلدر . چونكه ؛ اورادن باشقه بر محله انتقال اولمادیغندن هرشی حقیقی و حیاتی سرمدی در ] دیمكددر .

لعب ایله لهو بیننده فرق ؛ فخر رازیك بیانی وجهله لعب ؛ باطلی ارتطابره . لهو ایسه مقدمه اعراضدر . هر اویونده باطلی ارتكاب اولوركه فائده سز اولان شی نظر شرعه هپ باطلدر . اویون ؛ حقدن اعراضی دخی متضمندر . چونكه ؛ اویون زمانی اویونله مشغول اولان کیسه حقله مشغول اولماز .



ایشته دنیا به بو معنائک هر ایکسی ده موجود اولدیغندن لهو و لعب ایله توصیف اولونمشدر. چونکه؛ دنیا به نوبه نامد عبادتیه هالی کجیردیکی زمانه مقدره اعراضه ایتدیکی جهنم دنیا لهو در. دنیا به نوبه؛ منفعتیه عاری اولانه شیئی برمدت موقت اختیار اتمسه اولدیغی جهنم او دنیا لعبدر. بناء علیه؛ بو آیتده دنیا به لهو و لعب دینمشدر. شو معنای دنیان بر مقصد صحیح مراد اتمه یوب هان دنیایی نفسنه آلت ایتدیکی تقدیرده دیمکدر. اما شریعتک تعریفی وجه اوزره امور دنیایی وظیفه سی اولان عبودیتیه مانع طوتماق صورتیه حاللندن مال کسب اتمک مشروع و ممدوحدر. یعنی «دنیایی آخرتک درجانه وسیله قیلمی، یوقسه املی یا لکنز دنیا به حصر ایده رک آخرتک فوتنه سبب قیلما املی» دیمکدر.

\*\*

واجب تعالی عبادتی ترکه سبب اولان حیات دنیا به رغبت و بوتون املی آکا حصر اتمک اولدیغی بیان ایتدیکی کجی توحیدی ترکه سبب دنیا به شدتله محبت اولدیغی دخی بیان اتمک اوزره ﴿فَإِذَا رَكِبُوا فِي الْفُلِكِ دَعَا اللَّهَ مُخْلِصِينَ لَهُ الدِّينَ﴾ بیوریور. [انسانلر کمی به بندکارنده الله تعالی ایچوق دینی اخلاص ایدر اولدقلری حالده دعا ایدرلر.]

﴿فَلَمَّا نَجَّيْنَاهُمْ إِلَى الْبَرِّ إِذَا هُمْ يُشْرِكُونَ﴾

[وقتا که آنلر دکزدن نجات بولوب قره به چیققلری یرده کورولور که آنلر شرک ایدیورلر.]

یعنی؛ دنیا به لزومندن زیاده شدتله محبت ایده رک آخرتی بالکلیه آرقه به اتوب نسیان ایدن کیمسه لر دکزده کمی به بندکارنده آنلر دینی خالصاً لوجه الله قیلار اولدقلری حالده الله مناجات ایدر یا لواریرلر و شرکی تماماً ترک ایده رک آری دوری [۱] مسلمان اولورلر و بوتلره عبادت خاطر لرندن کچمز. بناء علیه؛ اخلاص اوزره عبودیت ایدرلر. چونکه؛ دریاده اولان هلا کدن وشدندن اللهک غیری قوتاره جق برکیمسه اولما دیغنی بیلدکارندن [۱] آری؛ آریغی، دوری؛ دورولمی مصدرلرنددرکه (نیز) و (صافی) دیمکدر.

آنحق الله التجا ایدرلر. وقتا که بز آنلره نجات و یروب قره به چیقاردقی درحال حال اصلیرینه عودتله برده کوریلور که شرک ایدرلر. دریاده اولان التجا لرینی اونوتورلر و شرکه دوام ایدرلر.

بو آیت؛ اهل شرکک برحال اوزره بولونما یوب باشلری صیقیلدیغنده توحید و صیقیتیلری کچنجه شرکه عودت ایتدکلرینی بیانه ذم ایچون وارد اولمشدر. شرکه دوام ایتدکلرینه اشارت ایچون استمراره دلالت ایدن مضارع صورتیه (یشرکون) وارد اولمشدر. بو حال علی الاکثر کمی ده فورطنه به طوتیلان انسانلرده کوریلور که کیمده شدتی کورونجه مسلم کافر جمله سی صوک التجانک جناب حق اولدیغنی بیلیر و هپسی بردن «الله الله» صداسنی بارگاه احدیته عرض ایدرلر. اوشدت کچنجه برده کورولور که هر کس اسکی حالنده واسکی دینده دوام ایدیور.

\*\*

واجب تعالی آنلرک نه ایچون شرک ایتدکلرینی بیان اتمک اوزره ﴿لِيَكْفُرُوا بِمَا آتَيْنَاهُمْ وَلِيَتَمَتَّعُوا فَسَوْفَ يَعْلَمُونَ﴾ بیوریور.

[بزم آنلره و یردی کمز نعمتله کفر اتمک و آنسکه آز بر زمان تلذذ اتمک ایچون شرک ایدرلر. بناء علیه؛ یقینه شرکک ضررینی بیلیرلر.]

یعنی؛ آنلرک شرکه دواملری بزم آنلره و یردی کمز نعمت نجاته و اموال دنیا به کفر اتمک و بوتلره عبادتله برمدت بربرلرینه محبت و دنیا متاعیه انتفاع اتمک ایچون در. آنلرک حاللری بویه اولونجه شو کفر و ضلالتلرینک عاقبتی بیلیرلر و یقینه شرکک عذابنی کورورلر. شومعنی (لیکفروا) ده کی لام؛ تعلیل ایچون اولدیغنه نظر آدر. اما بیضاوینک بیانی وجهله لام؛ امر اولق احتماله نظراً (لیکفروا) امری اهل کفری نه به اجماعدر. چونکه؛ حقیقتده کفرله امر جائز دکدر. شو حالده آتک معناسی: [بزم و یردی کمز نعمتله آنلر کفر و اونعمتلره انتفاع ایتسونلر. کفرلرینک آجیسنی البته یقینه بیلیرلر] دیمکدر. یعنی «آنلر کفر ایتسونلر بقالم نه یا باجقلر عاقبت ضررینی کورورلر» دیمک اولور.



مقام تهدیده بومثللو کلامک استعمالی انسانلرک محاوره لرنده دخی چوقدر . مثلاً بر کیمسه دیگرینی شراب ایچمکدن منع ایتک ایچون بر چوق نصیحتده بولونور ولکن شرابی استعمال ایدن کیمسه ده نصیحتک اصلاً تأثیر ایتدیکنی کورونجه حدت ایدرو تهدید ایتک اوزره « هایدی شرابی ایچ ذوقکه باق ! سن یقینه آنک ضررینی کورورسک ، فقط بعد خراب البصره . او وقت ندامت ایدرسک اما ندامت فائده ایتز » دیمکه حدتی اظهار ایدر . شمدی شو کیمسه نک « هایدی شرابی ایچ » دیمسی حقیقی بر امر دکلدرد ، بلکه آنی تهدید ایچون سوله نمش بر سوز اولدینی کبی بو آیتده جناب حق اهل کفری تهدید ایچون ( لیکفروا ) بیورمشدر . یعنی آنلره نصیحت ایدلدی دیکله مدیلر قرده شرک ایدر کیمی به بینر شدتی کورونجه حقیقی بر مؤمن کبی اخلاص اوزره « الله یالواریر » کمیدن چیقوب سلامتی بولونجه اسکی حالنه عودتله شرکنه دوام ایدر . ایشته بو کیلره جناب حق غضبی اظهار ایدرک « کفر ایتسونلر آنلر بزم نعمتلیزمزه وتلذذ ایتسونلر ، فقط عاقبت ضررینی کورورلر » بیورمشدر که کفرله امر دکلدرد ، بلکه آنلری تهدید ایچون برامردر .

..

واجب تعالی اهل کفرک کمیده قورقو ایچنده بولوندقلری حاللرینی بیان ایتدیکی کبی حال امنیتده بولوندقلری حاللرینی دخی بیان ایتک اوزره « أَوَلَمْ يَرَوْا أَنَّا جَعَلْنَا حَرَمًا آمِنًا وَيُخَاطَفُ النَّاسُ مِنْ حَوْلِهِمْ » بیوریور .

[ مشرکار بزم نعمتلیزی انکار ایدرلرده کندی بلده لری اولان مکایی حرمت عظیمه و امنیت تامه صاحبی قیلدیغمیزی بیلمدیلریمی ؟ البته بیلدیلر و آنلرک اطرافندن ناس بربرلرینی نهب و غارات ایدر و بربرلرینی اسیر آلیر و قاپار قچارلر . بونلری کورمیورلریمی ؟ و کندیلری مکّه سایه سنده امین و استراحت اوزره اوتوریورلر ، آنی بیلمدیلریمی ؟ ]

﴿ أَفَبِالْبَاطِلِ يُؤْمِنُونَ وَبِنِعْمَةِ اللَّهِ يَكْفُرُونَ ﴾

[ آنلر شو نعمتلی کورد کدنصکره باطله ایمان ایدرلرده اللهک نعمته می کفر ایدرلر ؟ ]

و آنلره ویردیگمز امنیت و استراحت قارشی باطل اولان بوتلره ایمان ایدوب نعمتلیزمزه کفر ایتکدن اوتانمازلریمی ؟ ]

( وَيَخْطَفُ النَّاسُ مِنْ حَوْلِهِمْ ) « ناس اطرافلرندن قایلوب قاپیریلیور ، عربلر بربرلرینی نهب و غارات و بربرلرینی قتل ایدیورلر و یا اسیر آلوب کوتوریورلر . بونلر آنلری کورمیورلریمی ؟ کندیلرینک بلده لری بو کبی وحشیانه جنایتلردن آنلری امین قیلدیغمیزدن می بوتلری بزه شربک قیلورلر ؟ » دیمکدر . شو حالده مکّه اهالیسی اطرافلرنده اولان قبائله نسبتله انواع نعمت ایچنده اولدقلری حالده اونعمتلیک قدرینی بیلوب شکرینی ادا ایتک لازم ایکن بالعکس آنلر کفرک الکفاسی اولان شرکی ارتکابه نعمت الهیه کفر ایدوب باطل بوتلره ایمان ایتلری توبیخ و تنکدیره شایان اولدیغنه اشارت ایچون استفهام نظری ایله ( اقبال باطل ) وارد اولمشدر .

..

واجب تعالی مشرکلرک ظلملری نهایته واردیغنی بیان ایتک اوزره ﴿ وَمَنْ أَظْلَمُ

مَنْ افْتَرَى عَلَى اللَّهِ كَذِبًا أَوْ كَذَّبَ بِالْحَقِّ لَمَّا جَاءَهُ ﴾ بیوریور .

[ الله تعالی به یالان اولارق افترا ایدن و یا خود حق اولان شی کندینه کلدیکنده او حق تکذیب ایدن کیمسه دن دها زیاده ظالم کیم اولابیلیلر ؟ البته کیمسه اولاماز . ]

﴿ أَلَيْسَ فِي جَهَنَّمَ مَثْوًى لِّلْكَافِرِينَ ﴾

[ کافرلر ایچون جهنمه مقام اولمادی می ؟ البته اولدی . ]

یعنی ؛ الله تعالی به شرک و الله و لداسناد ایتکله یالان اولارق الله افترا ایدن کیمسه دن . دها زیاده ظالم کیم اولور ؟ و یا خود حق اولان رسول و کتاب کندینه کلدیکنده او حق تکذیب ایدرک ایمان ایتمین کیمسه دن دها زیاده ظلمی ارتکاب ایدن کیم اولور ؟ البته بو کبی جنایتلری ارتکاب ایدن کیمسه دن دها زیاده ظالم اولاماز . بو مثللو جنایتلری ارتکاب ایدن کافرلر ایچون جهنمه اقامت محلی اولمادی می ؟ البته آنلرک ، الله افترا و رسولنی تکذیبلرینک جزای او لارق جهنمه محللری واردر .



اهل كفرک جهنمه مقاملری؛ کندی استحقاقلری وجهنمه کیرملرینه سبب؛ کفرلری اولدیغنه اشارت ایچون اهل کفرک اسملری (کافرین) لفظیله وارد اولمشدر .


\*\*\*

واجب تعالی کافرلرک احوالی بیساند نصکره مؤمنلرک حاللرینی بیان ایتک اوزره  
﴿وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا وَإِنَّ اللَّهَ لَمَعَ الْمُحْسِنِينَ﴾ بیوریور .

[شول کیمسه لرکه آنلر بزم دینمه یارديم ایچون مجاهده ایتدیلر . البته بز آنلره طوغرو یولزی توفیق ایدرز . حالبوکه اللهک معاوتی ارباب احسانله برابرر .]

یعنی ؛ شول کیمسه لرکه بزم دینمه یارديم ورسولزه معاونت ایچون مشرکلره مجاهده ایتدیلر . البته او مجاهده ایدنلره مکافات اولمق اوزره بز آنلری هدایتده قیلار و عمللرینه ثواب و یریز و رضاء التهمزه آنلری ایصال ایدمک طریق مستقیم توفیق ایدرز . زیرا ؛ اللهک معاوتی مجاهده وسائر طاعاتی ادا ایله احسان ایدنلره برابرر . تفسیر خازن و مدارکده (فضل بن عیاض) دن نقلاً بیان اولوندیغنه نظراً مجاهده ایله مراد ؛ علم طلبی ایچونه سعی و غیرتدر . بوکا نظراً معنای نظم : [شول کیمسه لرکه آنلر علم تحصیلی ایچون سعی و غیرت ایتدیلر . البته بز آنلری تحصیل علم طریقته هدایتده قیلارز] دیمکدر .

مجاهده ایله مراد ؛ منت نبوی اقامه و علمیه عمل و کناهه نوبه ایتک معانسه اولمق محتملدز . فخر رازینک بیاننه نظراً معنای آیت : [شول کیمسه لرکه آنلر بزم وحدانیتمه دلالت ایدن دلیللره نظرده و معانیسی تأملده سعی و غیرته طاقتلرینی صرف ایتدیلر . البته بز آنلری اعتقاد صحیحه ایصال ایدرز] دیمکدر . محسنین ایله مراد ؛ عباداتی شرائطه رعایت ایدمک ادا ایدمک کیمسه لردر .



رومی بیک اوچیوز اوتوز سنه سی ایلونک ایکنجی صالی کونه تصادف ایدن عربی بیک اوچیوز اوتوز ایکی سنه شوالنک یکرمی بشنجی کونی اوکله نمازند نصکره . بو سورده نک ترجمه سی بعونه تعالی ختام بولمشدر .

سورة روم

مکه مکرمه ده نازل اولان سورهلردندر . آتشمه آیتی حاویدر

﴿بِسْمِ اللَّهِ الرَّحْمَنِ الرَّحِيمِ﴾

﴿السم﴾

(الم) بو مثللو سورهلرک اولارنده بولونان حرفلره متعلق مباحث دفعاتله بیان اولوندیغنی جهته بومقامده اعاده سنه لزوم کوروله مشدر .

﴿غَلَبَتِ الرُّومُ﴾ \* ﴿فِي أَدْنَى الْأَرْضِ وَهُمْ مِنْ بَعْدِ غَلَبِهِمْ سَيَغْلِبُونَ﴾ \* ﴿فِي بَضْعِ سِنِينَ﴾ \*

[ روم قومی ارض عربیه الک یقین بر محله مغلوب قیلندیلر . حالبوکه روم اهالیسی مغلوب اولدقد نصکره بش اون سنه ایچنده البته غالب اولورلر . ]

یعنی ؛ ای عبادته مداوم و نبوته لایق اولان انسان کامل ؛ روم عسکری کندی اراضیلرینک یقین محلی اولان شام جوارلرنده فارس عسکری طرفندن مغلوب قیلندیلر و ای مؤمنلر ؛ سز روم عسکرینک مغلوب اولسنه مایوس اولماک . زیرا ؛ آنلرمغلوب اولدقد نصکره اوچله طقوز سنه آره سنده یعنی پک یقین برمدته روم عسکری فرس عسکری اوزرینه غالب اولورلر . بناء علیه ؛ سز شیمدی مغلوب اولدقلرینه مایوس اولماک .

بیضاوی ، خازن ، مدارک و طبرینک بیانلری وجهله بو آیتک سبب نزولی ؛ فرس عسکرینک روم عسکرینه غلبه سی اوزرینه مکه مشرکلرینک اهل ایمانه قارشى اظهار شادمانی ایتلریدر . چونکه ؛ کسری ایله قیصر آره سنده محاربه آچیلور . او وقته ایکی مملکت آره سنده حدود اولان شام و فلسطین جوارلرنده که ارض عربیه الک یقین محله عجم اردوسیه روم اردوسی محاربه ایدرلر . روم اردوسنک مغلوب اولدیغنی مکه ده شایع اولونجه مشرکلر اهل ایمانه « روملر سزک کبی کتابی و اهل فارس بزم کبی کتاب



طایماز امیدرلر . شو حالده بزم کبی آتی اولان اهل فرس سزک کبی کتابی اولان اهل رومه نصل غلبه ایتدیلرسه بزمه محاربه ایدرسه کز بزمه سزه غلبه ایدرز» دیمکه مؤمنلره شبات ایدنجه مؤمنلرک محزون و مایوس اولملری اوزرینه اهل ایمانی مسرور ایتک اوزره بو آیتک نازل اولدینی مرویدر .

بو آیتک نازل اولسی اوزرینه ابوبکر حضرتلری قریشک مجلسنه کیدر و دیرکه «سز اهل فرسک غلبه سنه ممنون اولدیکز ولکن بوفر حکمک مدتی غایت آذرر . زیرا؛ یقینه اهل رومک فرس اوزرینه غلبه ایده جکنه دائر آیت نازل اولدی . حضرت صدیقک بوسوزی اوزرینه (ابی بن خلف) «یا لان سویلک» دیر . ابوبکر حضرتلری «سنسک یا لانجی ، ینمزده مباحثه ایدلم» دیمسی اوزرینه اوچ سنه ظرفنده روم عسکری فرس اوزرینه غلبه ایدرسه (ابی بن خلف) ابوبکر رضی الله تعالی عنه حضرتلرینه اون دوه واکر روم غلبه ایتزسه ابوبکر حضرتلری (ابی بن خلف) . اون دوه ویرمک اوزره ینلرنده بر مقاولهیه کیریشیرلر . بو مقاولهیه ابوبکر حضرتلری رسول الله خبر ویرنجه رسول الله «بضع سنین ؛ اوجده طقوز آهه سنه دلالت ایدر . سن کیت مدتی اوزات دوه بی جو غالت» بیورر . ابوبکر حضرتلری کیدر مدتی طقوز سنهیه و دوه بی ده یوزه ابلاغ ایدر و او متوال اوزره مقاولهیه امضا و یکدیگرندن کفیل آلق صورتیه قرارلاشیرلر . بو مقاوله دن یدی سنه صکره وقوع بولان محاربه ده روملر اهل فارس اوزرینه غلبه ایدر . حتی روملر اهل فارسک پای تحته قدر کیدرلر . بناء علیه ؛ مؤمنلر فرحناک و مشرکدرده مایوس اولورلر و ابوبکر حضرتلری بروجب مقاوله (ابی بن خلف)ک ورثه سندن یوز دوه بی آلیر حضور رسالته کلیر و «یا رسول الله ! آل بونی صدقه ایت» دیمسی اوزرینه رسول الله بو یوز دوه بی فقرابه تصدق ایدر . کرچه بو مقاوله قمار ایسه ده شو وقع قمارک حرام اولدینگی بیان ایدن آیت نازل اولمازدن اول اولدینی جهته رسول الله مساعده ایتشدی . اهل فرسک مغلوب اولدینی زمان (ابی بن خلف) احد وقع سنه رسول الله دن آلدینی بر یاره دن متأراً مکده وفات ایدوب جانی جهنمه کیتدیکندن ابوبکر حضرتلری مقاوله نک مقتضاسی اولان دوه لری ورثهیه انتقال ایدن ترکه سندن آلمش و ورثه ده بلا تردد ویرمشلردر . روملرک اهل فرسه غلبه سنک سبی ؛ عجم عسکرینک

قوماندانی (شهرمان) اسمنده بر کیمسه نک بعض اسبابه مینی فرار ایدوب روم عسکرینه قاریشوب اهل فارسک پلانلری خبر ویرمسی و (شهرمان)ک روم اردوسنه فرقه قوماندانی اولسی اولدینی مرویدر . روملرک اهل فرسه غلبه لری هجرتک یدنجی سنه سی (حدیده) ده رسول الله واصل اولشدر . شو حالده بو آیت ؛ رسول اللهک نبوته دلالت ایدن معجزات نبویه قییلنددر . زیرا آیت ؛ ایلروده اولاجق بر وقع بی خبر ویردیکی جهته غائبدن خبر اولدینی کبی خبر ویردیکی وجهله وقع نک ظهوری معجزه دن باشقه برشی دکلددر .

بو آیتده ابوبکر حضرتلرینک مقاوله سیله امام اعظم حضرتلری دار حربده ربا و سائر کبی عقود فاسده نک جوازی استدلال ایتمشلر سه ده سائر ائمه بو وقع نک ، قمارک حرام قیلمسندن اول اولسیله جواب ویرمشلر و عقود فاسده نک هر یرده فاسد اولدینغه حکم ایتمشلردر .

..

واجب تعالی اهل فرسک غلبه سندن صکره روملرک غلبه ایدجکلرینی بعدالبیان اول و آخر حکم کندینک اولدینگی بیان ایتک اوزره ﴿لِلّٰهِ الْأَمْرُ مِنْ قَبْلُ وَمِنْ بَعْدُ﴾ بیوریور .

[ازلاً وابدأ حکم ؛ اللهکدر .]

یعنی ؛ رومک فرس اوزرینه غلبه سندن اول و صکره حکمک جمله سی اللهکدر . زیرا ؛ غالب اولدقلری زمان آنلری غالب قیلان و مغلوب اولدقلری زمان آنلری مغلوب ایدن الله تعالی در . چونکه ؛ جمله سی اراده السیه نتیجه سی اولدینی جهته اللهک غیرینک هیچ تأثیری یوقدر و هر شیده تأثیر الله منحصر درر . بناء علیه ؛ انسانلر وظیفه لری اولان اسباب عادییه تشبیه برابر اسبابک تأثیرینی جناب حقن بکله مک لازم و قطعی اولدینغه بو آیت دلالت ایدر . بو کاهر شخص کندی نفسنده یوز لرحه شاهد و مثال بولور چونکه ؛ چوق دفعه انسانلر بر ایشک اسبابنده هیچ نقصان بر اققسزین حاضرلار ولکن الله تعالی خلق ایتدینجه مسبب اولان شی حصول بولماز . اکر اسبابده تأثیر اولمش اولسه ایدی اسباب حاضر لایحه مسبب در حال حاصل اولوردی . حالوکه بعض زمانده امر بالعکس



اولور . مثلاً چيفتجي نطس ياپار تخمی آتار فقط اكين بيمز . شو حالده تأثير ؛ اللهك اولديغنه شبهه يوقدر .

..

واجب تعالى اهل كتاب اولان روملری مشرك اولان اهل فرس اوزرينه غلبه سنه مؤمنلرك فرحلىنى بيان ايتك اوزره ﴿ وَيَوْمَئِذٍ يَقَرَّحُ الْمُؤْمِنُونَ بِنَصْرِ اللَّهِ ﴾ بيوريور .

[ اهل رومك فرسه غلبه ايتديكى كونده اللهك روملره نصرتنه مؤمنلر فرح ايدرلر . ]

﴿ يَنْصُرُ مَنْ يَشَاءُ ﴾

[ الله تعالى ديله ديكي كيمسه يه يارديم ايدر . ]

﴿ وَهُوَ الْعَزِيزُ الرَّحِيمُ ﴾

[ زيرا ؛ الله تعالى دشمنلرينه و دوستلرينه مرحمت صاحيدر . ]

يعنى ؛ روملرك غلبه ايتدكلرى كونده كنديلرى كى كتابى و پيغمبرلرى طانيان روملره اللهك نصرت ايتسنه مؤمنلر فرح ايدرلر . زيرا ؛ كتابى اولان روملرك مشرك اولان اهل فرس اوزرينه غلبه سندن كنديلرينك ده مكه مشركلرينه غلبه ايدجكلرينه تفأل ايتدكلرى كى آيتده خبر ويرلديكى وجهله وقوعاتك ظهور ايتسى مؤمنلرك صدقه و ايمانلرينك قوته دلالت ايتديكى جهتله دخى فرحلىنى موجب اولش و اهل شرك عين درجه ده كدر ايتشلردر . مؤمنلرك فرحى ارباب دينك قوت بولمسنه در ، يوقسه مشركلرك فرحلى كى غيرت جاهليه اقتضاسى دكلدر و الله تعالى ديله ديكي قوله نصرت ايدر . زيرا ؛ جمله يه غالب و مرحمتى عامه يه شاملدر .

فخر رازينك بيانى وجهله بو آيتده بيان اولونان مؤمنلرك فرحلى ؛ كتابى اولان روملرك غلبه سنه فرح ايتدكلرى كى ( حديثه ) ده ياپيلان عهدنامه ايجابى بالقوه مكه مشركلرينه كنديلرينك غلبه لرينه فرحلىنى دخى شاملدر .

بيضاوينك اشارتى وجهله جناب حقك بعض زمانده دوستلرى اوزرينه دشمنلرى مسلط

قيلمقله دوستلرى انتباهه دعوت ايدوب هر كسه غالب اولديغنه و بر كيمسه يه احتياجي اولمايغنه اشارت ايجون نصرتى بيان عقيده غلبه اسم شريفى و ديكر زمانده دوستلرى ، دشمنلرى اوزرينه مسلط قيلمقله دوستلرينه مرحمت ايتديكنه اشارت ايجون رحيم اسم لطيفى وارد اولمشدر .

﴿ وَعَدَ اللَّهُ لَا يُخْلِفُ اللَّهُ وَعْدَهُ وَلَكِنَّ أَكْثَرَ النَّاسِ لَا يَعْلَمُونَ ﴾

[ رومك فرس اوزره غلبه سى اللهك وعيددر و بو وعدهك وقوعى محققدر . زيرا ؛ الله تعالى وعدنده خلف ايتمز . چونكه ؛ اللهك يالان اولارق خبر ويرمى محالدر و لكن ناسك چوقلرى اللهك وعدنده خلف ايتمه جكنى بيلمزلر . ] بناء عليه ؛ مشركلر كى وعدا سى به ايمان ايتزلر . زيرا ؛ غفلت وجهالتلرى ايله برابر عنادلرى هر طرفلرينى احاطه ايتديكندن وعدك مزاياسنى و كيمك وعدى اولديغنى دوشونمكسزين تكذيب ايدرلر . حالبوكه وعد ، اللهك وعدى اولديغنى و اللهك وعدنده خلف ايتمه جكنى تفكر ايتمش اولسا ، لر تكذيب ايتزلر . شو حالده اللهك وعدنده خلف اولمايغنى و بناء عليه ؛ وعدا سى به اعتماد لازم اولديعى و لكن ناسك ا كثريسى بوجهتى تأمل ايدوب بيله مدكلرى بو آيتدن مستفاد اولان فوائد جمله سندندر .

..

واجب تعالى كافرلرك وعدا سى بى بيلمدكلرينى بيان نصكرده علملرينك همان دنيا امورينه منحصر اولديغنى و انسانه الزم اولان امور آخرتدن غافل بولونقلرينى بيان ايتك اوزره ﴿ يَعْلَمُونَ ظَاهِرًا مِّنَ الْحَيَاةِ الدُّنْيَا وَهُمْ عَنِ الْآخِرَةِ هُمْ غَافِلُونَ ﴾ بيوريور . [ كافرلر حيات دنيا دن بعض امور ظاهره يى بيلمزلر . حالبوكه آنلر امور آخرتدن غافلدر . ]

يعنى ؛ كافرلرك علمى امور دنيا يه و امر معيشتلرينه منحصردر . بناء عليه ؛ كسب تجارت و بيع و شرايه دائر معامله دنيا يى و اكينك نه زمان اكيله جكنى و بيجيله جكنى و ساثره كى شيلرى بيلمزلر و بونلرى بيلمكله برابر بونلرك وسيله اولاجنى امور آخرتدن غافلدر .



بیضاوی و مدارک بیانری وجهله وعد السہی بی تکذیب ایدن کافرلرک دنیایی دخی لایقيله بيله مدکرینه اشارت ایچون (ظاہراً من الحیوة الدنیا) وارد اولمشدر . چونکه دنیانک ظاہری ؛ نعمتیرله تلذذ ایتک و اربونیرله اوبنام و میدانمه اولامه منافعیرد انتفاع ایتکدر . دنیانک باطنی ایسه دنیا آخرتک مزرعه سی اولدینی جهتله دنیایی آخرت و سید انخاز ایتک و عبادت و طاعت و اعمال صالحه اید اشتغال ایتکدر . کافرلرک ظاہر دنیا ایله اکتفا ایتدکری بیان ایتک ؛ آنلری ذم ایتکدر . چونکه ؛ دنیانک ظاہریله اکتفا ایدنلرک بهاییدن فرقلری یوقدر . زیرا ؛ حظوظات نفسانیسه سنه متعلق دنیا منفعتی بهاییده بیلیر و آنی آرار بولور وانتفاع ایدر .

دنیانک مضرتلری بیلمک و آندن احتراز ایتک وفانی اولدینی آکلامق و دنیا ایله آخرته آزیق قازانمق دنیانک باطنی جهتی اولدینی بیضاوینک جمله بیاناتندر . کافرلرک دنیاده بیلدکری غایت آز اولدینه اشارت ایچون (ظاہراً) لفظی تحقیر و تقلید دلالت ایدن تنوینله وارد اولمشدر . آخرتدن غفلت مشرکله منحصر اولدینه اشارت ایچون حصره دلالت ایدن ضمیر فصلله (وهم عن الآخرة هم غافلون) وارد اولمشدر . یعنی « آنلر آنجق آخرتدن غافلر » دیمکدرکه « غفلت ؛ آخرتی منکر اولانلره منحصر » دیمکدر . کرچه آخرت ایچون لایقيله آزیق حاضر لامادقلرندن غافلدرسه ده آخرته ایمان ایتدکری ایچون مؤمنلرک غفلتلری حقیقی بر غفلت دکدر . بناء علیه آخرتدن حقیقی غفلت ؛ آخرتی انکار ایدنلره مخصوصدر . زیرا ؛ آنلر آخرت ایچون اصلاً تدارکاتده بولونمازلر .

..

واجب تعالی مشرکلرک آخرتی انکار ایتلری تفکر ایتدکریدن ایلری کلدیکنی بیان ایتک اوزره ﴿أَوَلَمْ يَتَفَكَّرُوا فِي أَنفُسِهِمْ مَا خَلَقَ اللَّهُ السَّمَوَاتِ وَالْأَرْضَ وَمَا بَيْنَهُمَا إِلَّا بِالْحَقِّ وَأَجَلٍ مُّسَمًّى﴾ بیوریور .

[او کافرلر آخرتی انکار ایدرلرده تفکر ایدوب دوشونمیدیلری ؟ و کندیلرینه هرشیدن یقین اولان نفسلری آینه مثابه سنده طوتسه لرده دوشونسه لرده کر وولسی ممکن

اولان هرشیی کورورلر و بیلیرلر که الله تعالی سمواتی وارضی و آنلرک آره سنده اولان مخلوقاتی خلق ایتدی ، آنجق حقه مقارن و بروقت معینه ملابس اولارق خلق ایتدی .

﴿وَإِنَّ كَثِيرًا مِّنَ النَّاسِ بِلِقَائِ رَبِّهِمْ لَكَافِرُونَ﴾

[حالبوکه ناسدن چوقلری ربلرینک جزاسنه تصاف ایده جکلرینی البته انکار ایدرلر .] یعنی ؛ کافرلر کندی نفسلرینده تفکر ایدوب دوشونمیدیلری ؟ حالبوکه کندی نفسلری مرآت عالم اولدینی جهتله دنیایه و آخرته متعلق دلیللر آنده موجود اولدیفندن آتی تدقیق ایتسه لرده جناب حقتک ابتداءً ایجادده قادر اولدینی کی اولد کدنصرکده اعاده یه قادر اولدینی وحشری ونشری و عمللرینک جزاسنی کوره جکلرینی نفسلریندن استدلال ایدرلرده . چونکه ؛ نفسلرینده ربلرینک قدرت کامله صاحبی اولدینه دلالت ایدر بر چوق دلیللر واردر . مثلاً جناب حق انسانک حیاته خادم اولان غدایی یمک ایچون اغزیی و آغزیندن معدیه کیده جک یوللرینی و معدیه ده اوطعامی هضم ایدر جک قوالرینی و طعامک ایشه یارایاتی بدنه صرف ایدر جک آنلری و ایشه یارامایان طور یسنی طشره آتمق ایچون آنلری و یوللری خلق ایتدیکنی و ایشه یارایانلری قانه و صویه و نطفه یه تفریق مأمور آنلری دوشونسه لرده آخرتی انکاره جسارت ایتزلرده و شونی ده بیلیرلر که الله تعالی شوکوریلن کوکلری ویرلری باطل اولارق خلق ایتدی ، آنجق حق اولارق خلق ایتدی و بروقت معینه قدر دوام ایدوب او وقتنده نهایت بواق اوزره ایجاد ایتدیکنی بیلیرلر و هر کسک عملنه کوره جزا ویریه جکینه ایمان ایدرلرده . چونکه ؛ اولومه نمونه اولان اویقو وحشره نمونه اولان اویانمقلنی هر کون نفسنده مشاهده ایدن بر کیمسه نک حشری انکار ایتدی آنجق دوشونمیدیکندن ایلری کلدیکنده شبهه یوقدر . بناء علیه ؛ ناسدن چوقلری کنلریلرینه الک یقین اولان نفسلرینده موجود اولان دلائلی تدقیق ایتدکریدن یوم قیامت و اوقیامتده ربلرینک جزاسنه ملاقاتلرینی انکار ایدر و « دنیا باقی ، آخرت یوقدر » دیرلر .

واجب تعالی انسانک نفسنک ویرلرک و کوکلرک و آنلرک آره سنده موجود اولان مخلوقاتک بحق وحدانیته و قیامت دلالت ایتدیکنه اشارت ایچون بونلرک خلق اولونمسی حق اوزره اولدینی بیان بیورمشدر . چونکه ؛ حقه مقارن اولونجه فساد اولماز و فساد



اولمايحه مقصده لايقيله دلالت ايدر و لكن بونلری يوليله تدقيق ايدمه بيلمك لازمدر .  
بناء عليه ؛ بودلائدن لايقيله استدلال ايدمه مينلر خالق و آخرتی انكاره جرأت ايتملردر .

..

واجب تعالى انسانك نفسنده و اطراف عالمده موجود دليللری تفكر ايتمينلری  
تويحنصكره كچمش ملتلدن عبرت آلمايانلرك حاللريني تقييح ايتك اوزره ﴿ اَوْ لَمْ يَسْپَرُوا  
فِي الْاَرْضِ فَيَنْظُرُوا كَيْفَ كَانَ عَاقِبَةُ الَّذِينَ مِنْ قَبْلِهِمْ كَانُوا اَشَدَّ مِنْهُمْ قُوَّةً  
وَ اَثَارُوا الْاَرْضَ وَ عَمَرُوهَا اَكْثَرَ مِمَّا عَمَرُوهَا ﴾ بيوريور .

[ حشری انكار ايدوب دنيا باقيدر ديه نلر يريوزنده سيروسفر ايدره ك كنديلرندن  
اول كچن عاد و نمود و فرعون كي برطاقم ملتلك عاقتلرينك نيه منجر اولديغنه نظر عبرته  
باقاديلرمي و آنلرك خرابه لرني كورمديلرمي ؛ مع هذا اول كچن ملتلك قوتلری بونلردن  
دها زياده و شدتلي ایدی . بناء عليه ؛ آنلرمعدنلر و بيكارلر چيقارمق و اكين اكك و سائر  
صورتلره انتفاع ايتك ايجون طوپراغك آلتی اوستنه چويرديلر و يريوزيني آنلر مکه  
اهاليسندن دها زياده عمارت ايتديلر . زیرا ؛ باغلر و باغچملر و سرايلر و كوشكلر ياپديلر .

﴿ وَ جَاءَتْهُمْ رُسُلُهُمْ بِالْبَيِّنَاتِ ﴾

[ واول كچن ملتله رسوللری معجزه لرله كلديلر و آنلری حقه دعوت ايتديلر و آنلر  
ايماندن اعراض ايتديلر . ]

﴿ فَمَا كَانَ اللَّهُ لِيَظْلِمَهُمْ وَلَكِنْ كَانُوا أَنْفُسَهُمْ يَظْلِمُونَ ﴾

[ بناء عليه ؛ آنلری اهلاك ايتمكه الله تعالى آنلره ظلم ايتدی و لكن ايمان ايتمه مکه  
آنلر كندی نفسلرينه ظلم ايتديلر . ]

يعني ؛ انسانلره لازم اولان وظائفدن بريسي امثالندن عبرت آلمقدر . مکه مشركلری كي  
امثاللرندن و آنلرك خرابه لرني دائما كوردكلری حالده او خرابه لرندن عبرت آلمايانلری توييخ ايتك

صورتيله جناب حق بيوريور كه آنلر يريوزنده سيروسفر ايدوبده كنديلرندن اول كچنلرك  
عاقتلری هلا كه منجر اولديغنی كورمديلرمي ؛ حالبو كه آنلرك آثار انقراضلريني كورديلر  
وييلديلر و لكن نظر عبرته نظر ايتمكلرندن بهاييم كي عبرتن محروم اولديلر . مع هذا  
آنلرك ، خرابه لرني كوردكلری ملتلك مکه اهاليسندن قوتلری دها شدتلي و ثروتلری دها  
چوق ایدی . بناء عليه ؛ آنلر يريوزيني دهلديلر معدنلر چيتا ردیلر و نهرلر ياردیلر  
و اراضيلری صولادیلر و باغلر و باغچلر لميدانه كتيرديلر و ارضدن هر نوع ممكن اولان منفعتلره  
انتفاع ايتديلر . مکه ليلرده ايسه بو قوتلردن هيچ بريسي يوقدر . آنلر يريوزيني بونلردن  
دها چوق اعمار ايتدكلری حالده هلاك اولوب كيدنجه بونلرك هلاك اولاجقلری اولويتله  
نابتدر . شو حالده مشركلرك و بالخاصه آخرتی انكار ايدن بالعموم انسانلرك اول كچنلردن  
عبرت آلملری لازمدر . زیرا ؛ اول كچنلر سوء عقیده لری و ظلم و طغيانلری سبيله غضب  
الهي به مظهر اولدقلری كي بونلركده مظهر اولاجقلری شبهه سزدر . حالبو كه آنلری  
اصلاح و طريق حقه ارشاد ايجون آنلره معجزه لرله رسوللری كلدی . آنلر رسوللرينك  
دعوتلرينه اجابت ايتمكلرندن عذاب دنيا ايله مؤاخذه اولونديلر و بلده لرينك آلتی اوستنه  
چهورلدي و آنلری اهلاك و بلده لرني تخریب ايتمكه الله تعالى آنلره ظلم ايدراولمادی و لكن  
آنلر انواع فسادی ارتكاب و ضعفايه ظلم و تعدی بي روا كورمكه نفسلرينه ظلم ايدراولدقلرندن  
هلا كه مستحق اولمشلردی . بناء عليه ؛ حقلرنده انتقام الهي ظهور ايتمشدر .

بوايت جليله ده انسانك استناد ايدمه چكي شيلرك جمله سي ام سالفه ده موجود اولديغنه  
دلالت واردر . چونكه فخر رازينك بياني وجهله انسان ؛ اوج شيد اعتماد ايمر :

برنجیسی ؛ انسانك كنمنده و اتباع و اعواننده اولده قوه جسميه در . زیرا ؛ انسانك هر شيته  
مباشرتی قوه جسميه ايله حاصل اولور و ام سالفه ك قوه جسميه لری مكمل اولديغنی  
( و كانوا اشد منهم قوه ) نظم جليلی ايله بيان بيورلمشدر . ايكنجیسی ؛ قوه ماليه در .  
چونكه ؛ قوه ماليه بوتون تشبثاتی تسهيل ايدر و ام سالفه ك قوه ماليه لری تمام اولديغنی  
( و اناروا الارض ) جمله لطيفه سيله بيان اولونمشدر . اوچنجیسی ؛ قوه ظهريه كه جسم  
قلعه در و بيويك ايتدر . ام سالفه ده بو كي قوه الظهرك مكمل اولديغنه ( و عمروها



اکثر مما عمروها ) لفظ شریفه اشارت اولونمشد . شو حاله بو قدر قوت و قدرت  
ایم سالفهک هلاکریه مانع اولامایچه مکه اهالیسنک هلاکنه مانع اولاجق بر شی  
یوقدر ، آنجق رسوللریک دعوتلریه اجابته تائب و مستغفر اولورلرسه غضب السهیدن  
قورتولایلیرلر .

بوآیتده بیضاویک بیانی وجهله مکه اهالیسنی تهکم واردر . زیرا ؛ مکه اهالیسنک  
نعمتلیک آزلغیه برابر امرتعیشلری دائماً طشریه احتیاجله حاصل اولدینی حاله ثروتلریه  
مغرور اولملری کولونج بر شی اولوب افتخار ایتلریه دکر . چونکه ؛ مکه مکرمه  
وادیسی دنیاچه زراعت و فلاحه کبی اسباب ثروت و عمارته الیریشلی اولمادیغندن حوائج  
بشریهی او وادی مبارکدن استخراج ممکن اولمادینی و بشرک محتاج اولدینی هرشی دائماً  
طشره دن کلدیکی جهته قریشک افتخار ایده جک دنیا متاعنه متعلق برشیلری بولونمادینی  
حاله خارجدن کن نعمتله مغرور اولملری حماقتدن باشقه برشی دکدر . اما مکهک  
عندالله محترم بر محل و مقدس بر طوبراق اولسی امور دیانتدن اولوب مکه اهالیسی آنی  
معتقد اولمادقلرندن او ارض مقدسک معنویاتندن ده هیچ مستفید اولمادقلری جهته مشرک  
ایچون مکه وادیسی منفعت دیاندن خالی برقورو دره دنیلیمکه سزادر .

واجب تعالی کچمش ملتندن عبرت آلمایانلری توبیخ ایتدکنصکره آنلرک عاقبت  
حالیرنی بیان ضمتنده ﴿ ثُمَّ كَانَ غَاقِبَةُ الَّذِينَ اسَاؤُا السَّوَاىَ اَنْ كَذَّبُوْا بِآیَاتِ اللّٰهِ  
وَكَانُوْا بِهَا یَسْتَهْزِؤْنَ ﴾ بیوریور .

[ مشرکار غفلته و ربلیریه معصیته و رسوللری تکذیبده واللهک خالص قوللریه  
ظلم و تعدی و انواع اذابی روا کورمکده اصرار ایتدکن صکره الله و رسوللریه و ایمان  
ایدن مؤمن قوللریه کوتولک ایدنلرک عاقبتلری ابدی عذابدر و بو عذابک سببی اللهک  
آیتلری تکذیب و او آیتلری استهزا ایتلریدر . ] چونکه ؛ کوتولکی کندیلریه عادت  
ایدنلرک عاقبتلری کوتولکدر . زیرا سیئهک جزاسی ؛ سیئهدر .

سوآی ؛ اسوا لفظک جمعدر . اسوا لفظی ؛ زیاده میرکین معناسه در . زیاده

چیرکین اولان شی ده مهرمدر . بوکا نظراً معنای نظم : [ اللهه کفری ورسولنه تکذیبی  
و مؤمنله ظلم و طغیان عادت ایتدکنصکره شول کیمسه لکه آنلر بوکی کوتولکلری  
ارتکاب ایتدیلر . آنلرک عاقبتلری اک زیاده چیرکین اولان جهنمدر و جهنمه کیرملریه  
سببده آنلر اللهک آیتلری تکذیبله برابر او آیتلری استهزا ایتلری ] دیمکدر .

خلاصه ؛ علامه موجود مخلوقاته نظر عبرتله باقیانلرک مذموم اولدقلری و کچمشاردن  
عبرت آلمایانلرک عاقبتلری هلاک اولدینی و بو هلاک طرف السهیدن آنلره ظلم اولمایوب بلکه  
آنلرک کندی نفسلریه ظلملری سببیه هلاک مستحق اولدقلری و معصیت کبی کوتولکلری  
ارتکاب ایدنلرک عاقبتلری اک چیرکین اولان جهنم اولدینی و جهنمه کیرملریه سبب ؛  
سائر کناهلریله برابر اللهک آیتلری تکذیب و استهزا ایتلری اولدینی بو آیتلردن مستفاد  
اولان فوائد جمله سنددر .

واجب تعالی جهنمه کیرمک دیاندن آخرته کیدوب قبردن قالمقله اولاجغه بناء  
حشری بیان ایتک اوزره ﴿ اَللّٰهُ یَبْدُوْا الْخَلْقَ ثُمَّ یُعِیْدهُ ثُمَّ اِلَیْهِ تُرْجَعُوْنَ ﴾

بیوریور .

[ الله تعالی ابتداء مخلوقاتی ایجاد ایدر . دنیانک انقراضدنصکره انسانلره حیات ویرمکه  
اعاده ایدر و حال اصلیلری اوزره عودت ایدرلر و اعاده اولوب سئوال و حساب کوردکن  
نصکره آنجق اللهک حضور معنویسنه ارجاع اولونورسکز . ] بناء علیه ؛ حالکزی  
و عملکزی اصلاحه چالیشملی سکز که هر عیبدن سالم اولارق حضور باری به کله سکز .

واجب تعالی انسانلرک بعدالوفات اعاده اولوناجقلری بیاندنصکره کناهکار قوللرک  
حالیرنی بیان ایتک اوزره ﴿ وَیَوْمَ تَقُومُ السَّاعَةُ یُنْبِئُ السَّاعِیْنَ ﴾ بیوریور .  
[ قیامت قائم اولدینی کونده کناهکار اولانلر رحمت السهیدن امیدلری کسرلر  
و متحیر و مأیوس اولارق سکوته ملازم اولورلر . ]



﴿وَلَمْ يَكُنْ لَهُمْ مِنْ شَرِّ مَا يَشَاءُونَ شَفْعًا﴾

[ حالوکه آنلرک جناب حقہ شریک اولدقلرینی اعتقاد ایتدکری معبودلرندن هیچ بریسی آنلره شفاعت ایدر اولمادی . ]

﴿وَكَانُوا بِشَرِّ مَا يَشَاءُونَ كَافِرِينَ﴾

[ واکونده شفاعت ایده جک اعتقادنده بولوندقلری شریکری شفاعت ایتمه نیجه او شریکله آنلر کفر ایدرلر . ] زیرا ؛ بکله دکری فائده یی کورده می نیجه او پوتلره سوکمن و کفر ایتمه کله تشفی صدر ایتک ایتدیلر . چونکه ؛ دنیاده آنلر سبیلله ضلالتی ارتکاب ایدوب آنلرک قوی قربانی اولدقلری پوتلر آخترده شفاعت ایده جکله امیدینه مبنی اولدیغندن شفاعت ایده مدکرینی کورونجه آنلری رد وانکار ایتدکدن باشمه چاره لری اولماز . خلاصه ؛ قیامت قائم اولدینی کونده کناهکارلرک رحمت الهیه دن نا امید اولاجقلری و دنیاده عبادت ایتدکری شریکلرندن اصلا شفاعت ایدن اولیه جنی و آنلرک شریکلرینه کفر ایده جکری بو آیتدن مستفاد اولان فوائد جمعه سنددر .

\*\*

واجب تعالی يوم قیامتده مجرملرک عذابی کورونجه رحمتدن قطع امید ایده جکرینی بیاندنصرکه قیامت قائم اولونجه انسانلرک برلرندن آریلا جقلرینی بیان ایتک اوزره  
﴿وَيَوْمَ تَقُومُ السَّاعَةُ يَُوْمَئِذٍ يَتَفَرَّقُونَ﴾ بیوریور .

[ قیامت قائم اولدینی کونده مؤمن کافر برلرندن آریلیرلر . ] زیرا ؛ مؤمنک مرجعی جنت ، کافرک مرجعی جهنمدر . بناء علیه ؛ محاسبه لری اجرا اولونجه انسانلر جماعت جماعت آریلیر ، هر کس کندی امثالیه بر فرقه دیگری آری بر فرقه اولور و هر کس فوج فوج مقاملرینه کیدرلر . چونکه ؛ هر کس کندی عملنه کوره جزا کوره جکسندن بر عملده اشتراک ایدنلرک جمله سی بر فرقه دیگر عملده اشتراک ایدنلر دیگر بر فرقه اولارق هر فرقه مقاملرینه کیدرلر .

قیامت کوننک شدنه اشارت ایچون ( يوم ) لفظی بو آیتده تکرار ذکر اولونمشدر .

چونکه ؛ تهدیدده شدته احتیاجی اولان شیشی تکرار ذکر ایتک عادتدر . یعنی « قیامت قائم اولدینی کون که ایشته او کونده ناس فرقه فرقه آریلیر » دیمکدر .

\*\*

واجب تعالی قیامتده انسانلرک فرقه فرقه آریلا جقلرینی بیاندنصرکه فرقه لرک یکدیگرندن نه یولده تفريق اولونا جقلرینی بیان ایتک اوزره ﴿فَأَمَّا الَّذِينَ آمَنُوا وَعَمِلُوا الصَّالِحَاتِ فَهُمْ فِي رَوْضَةٍ يُحْبَرُونَ﴾ بیوریور .

[ اما شول کیمسه لرکه آنلر ایمان ایتدیلر و عمل صالح ایشله دیلر . بناء علیه ؛ آنلر جتده باغچه ایچنده اکرام اولونورلر . ]  
یعنی ؛ دنیاده عمل صالحه موفق اولان مؤمنلر جتده غایت مسرتلی باغچه ایچنده مسرور قیلنیرلر .

اهل جنتک اکرام اولونا جقلری باغچه لر غایت فرح فزا و مسرتی ایجاب ایدن هر شی موجود اولدیغنه اشارت ایچون ( روضة ) لفظی تعظیم و تکریمه دلالت ایدن تنوینله وارد اولمشدر .

( یحبرون ) ( یکرمون ) معنانه در . یعنی « اکرام اولونورلر » دیمکدر . چونکه ؛ طبری ده بیان اولوندینی وجهله احبرة ؛ سرور و غبطه در . یعنی « اهل جنت باغچه لرده برا کرامله اکرام اولونورلر که اوا کرام آنلرک سرورلرینی و باشقه لرینک غبطه لرینی موجب اولور . چونکه ؛ انواع نعمتلرله متعملر و کوزل منظرلره نظر ایدرلر » دیمکدر .  
خازنده بیان اولوندیغنه نظراً بعضیلر بو آیتده اهل جنتک اکراملرینی سماع اید تفسیر ایتشلردر . چونکه جتده هر کسک تلذذ ایده جکی نعمات و صدالرموجوددر و هر کس ایسته دیکی وجهله تلذذ ایدر . حتی بعض آغا جکرک دالیرینی و یاققلرینی روزگار تحریک ایتدکجه هر بری بر کونا آواز و صدا و یروب اهل جنتک آنکله تلذذ ایده جکری ( ابوهریره ) حضر تلرندن مرویدر .



﴿وَأَمَّا الَّذِينَ كَفَرُوا وَكَذَّبُوا بِآيَاتِنَا وَإِقَاءِ الْآخِرَةِ فَأُولَٰئِكَ فِي الْعَذَابِ مُخَذَّرُونَ﴾

[اما شول کیمسه لکه آنلر الله ورسوله کفر ایتدیلر و بزم آیتلریمزی و آخرته ملاقاتلرینی تکذیب ایتدیلر. ایسته آنلر عذاب جهنمه دائماً حاضر بولونورلر.] زیرا؛ کفرلرینک جزای آنحق جهنمدر. بناء علیه؛ آنلردن عذاب ابداً غائب اولماز. بو آیتده کافرک یالکیز کفری جهنمه عذابنه کافی اولدیغنه اشارت ایچون کفرینی ذکرله اکتفا اولونمش و دیگر سیئاتی ذکره حاجت کورولمه مشدر. آیتلری تکذیب و آخرتی انکار کفرده داخل ایسه ده تکذیب جنایتلرک پک بویوکی اولدیغندن شأنه اهتمام ایچون آریجه ذکر اولونمشدر.

خلاصه؛ ایمانله عمل صالحه موفق اولانلرک جنتده اکرام اولونا جقلری و کافرلرک جهنمه عذاب دائمیه معذب اولاجقلری و بوسیله ایله مؤمنلرک کافرلردن آریلا جقلری بو آیتلردن مستفاد اولان فوائد جمله سندندر.

\*\*\*

واجب تعالی عالمک ایجادینی بیانله؛ قدرت کامله سنی و یوم قیامتی بیانله؛ انتهاء امرده قوت قاهره سنی بیانلنصره جمیع نقائصدن منزله اولدیغنی بیان ایتک اوزره ﴿فَسُبْحَانَ اللَّهِ حِينَ تُمْسُونَ وَحِينَ تُصْبِحُونَ﴾ بیوریور.

[آقشامه و صباحه داخل اولدیغکزده الله تعالی بی جمیع نقائصدن تنزیه ایدک.]

﴿وَلَهُ الْحَمْدُ فِي السَّمَوَاتِ وَالْأَرْضِ﴾

[یرده و کولکرده حمد و ثنا آنحق جناب حقه مخصوصدر. الله کفری بحق حمله مستحق بر کیمسه یوقدر.]

﴿وَعِشَاءً وَحِينَ تَضَعُونَ﴾

[وایکندی وقتنده و اوکله وقتنده تسبیح ایدک نماز قیلک و قسکزی بوشه کچیرمه یک.] یعنی؛ اللهک قدرتی و عظمتی بیانه آقشامه داخل اولدیغکزده آقشام نمازینی و صباحه داخل اولدیغکزده صباحه نمازینی ادا و تسبیح ایتمکه واجب تعالی بی نقائصدن تنزیه ایدک. چونکه؛ سموات و ارضه اهل سما و اهل ارضک عبادت و طاعتلری و حمد و ثنالی الله تعالی یه مخصوصدر. سموات و ارضه اللهک غیری حمله مستحق هیچ بر کیمسه یوقدر وایکندی وقتنده و اوکله وقتنده داخل اولدیغکزده اوکله نمازینی ادا ایله نقائصدن تنزیه و ربکزه حمد و ثنا ایدک که اللهک ویردیکی نعمتک شکرینی ادا ایتش اولاسکز.

بیضاوینک بیانی وجهله بو آیت ظاهرده اخبار ایسه ده حقیقته امردر. بناء علیه؛ «صباح و آقشام و قتلرنده جناب حتی نقائصدن تنزیه ایدک» دیمکدر. صباح و آقشام و قتلرنده قدرت الهیه و عظمت سبحانیه ک سائر و قتلردن ده ازیاده ظهور ایتدیکی جهته تسبیح ایله امر الهی بو وقتلره تخصیص اولونمشدر وایکندی ایله اوکله و قتلرنده نعمت الهیه ک تجددی چوق اولدیغندن حمد ایتک یعنی نعمته شکر ایتک خصوصنده بویکی وقت ذکر اولونمشدر.

طبری، بیضاوی و خازنک بیانلرینه نظراً (ابن عباس) حضرتلرینک «قرآنده بش وقت نمازی بولورمیسک؟» دنیلدیکنده بو آیتی اوقویوب «(حین تمسون) آقشام و یاسو نمازلری (وحین تصبحون) صباحه نمازی (وعشاً) ایلکری (وحین تظهرون) اوکله نمازیر» دیمکه جواب ویردیکی مرویدر.

خازنده بیان اولوندیغنه نظراً تسبیحک شوبش و قته تخصیص اولونمش اللهک قوللرینه لطف و احسانیدر. زیرا؛ عملک افضل دواملی اولانیدر. انسان ایسه جمیع اوقاتنی تسبیحه صرفه مقتدر دکدر. چونکه؛ انسان تعیش ایده جکی ما کولات و مشروباتی و سائر احتیاجنی کسبه مجبور اولوب بونلری کسب ایسه و قته محتاج اولدیغندن بر انسانک جمیع اوقاتنی عبادته صرف ایتمی ممکن اولامیه جغه بناء عبادته اوقاتک بعضیسی تخصیص ایدلمش و بناء علیه؛ بش و قتی ادا ایدن کیمسه ک جمیع اوقاتنی عبادته کچیرمش کبی اولاجغه دخی اشارت اولونمشدر. زیرا؛ یکرمی درت ساعتده فرض اولان نماز اون یدی رکعتدر.



هر رکتی بر ساعت تسبیح مقامنده اولدینی جهته تسبیحدن خالی یدی ساعت قالیر  
او یدی ساعتده او یقویه محسوب اولوب او یقوده اولان کیمسه حقنده قلم ساکت اولدیغدن  
کأن هر ساعت تسبیح ایتیش کییدر .

خلاصه ؛ جناب حق اولاً ایجاده و ثانیاً اعاده و قوللرینی محاسبه یه قادر اولدیغنی  
بیلنجه صباح ، آقشام ، اوکله وایکندی و قتلری انسانک تسبیح ایتسی واجب و بش  
وقت نمازک فرض اولدینی بو آیتدن مستفاد اولان فوائد جمله ننددر .

واجب تعالی تسبیحک لزومی بیاندن صکره تسبیح ، استحقاقی بیان ایتک اوزره

﴿ يُخْرِجُ الْحَيَّ مِنَ الْمَيِّتِ وَيُخْرِجُ الْمَيِّتَ مِنَ الْحَيِّ وَيُحْيِي الْأَرْضَ بَعْدَ مَوْتِهَا  
وَكَذَلِكَ تُخْرَجُونَ ﴾ بیوریور .

[ الله تعالی دیری بی اولودن و اولوبی دیریدن چیقاریر و اولوبه مشابه بر صورنده  
قورودقن صکره ارضی احیا ایدر یاشارتیر و اولودن دیری بی چیقاردینی کبی سزی  
قبر کزدن احیا ایدر . شو حالده قورومش اوتلرک طوبراقدن چیقاردینی کبی سزلرده  
قبر کزدن چیقارسکز . ]

یعنی ؛ جناب حق دیری اولان انساننی اولو اولان نطفه دن و اولو اولان نطفه بی  
دیری اولان انساندن چیقاریر و بر یوزینی قورویوب اولمش جسد منزلنده اولدقنصکره  
بهار کونلرنده یا غمور لرله آنی اوتلر و آ کینلر بیتیمکله احیا ایدر و فصل که بو دنیا ده  
اولشلردن دیریلری احیا ایدر سه یوم قیامتده سزی ده قبر کزدن احیا ایدر و سزده اوتلرک  
طوبراقدن اخراج اولوندینی کبی اخراج اولونورسکز . شو حالده اولدکدن صکره  
تکرار دیریله جک کزده شبهه ایتهمکز لازمدر . بناء علیه ؛ جناب حق بش وقته  
تسبیحه مستحقدر .

فخر رازی و خازنک بیانلری وجهله حی ایله مراد ؛ مؤمن و میت ایله مراد ؛  
کافر اولق محتملدر . بوکا نظراً معنای آیت : [ الله تعالی کافردن مؤمنی و مؤمندن کافری

اخراج ایدر] دیمکدر . یعنی ؛ « پدری کافر او غلو مؤمن و او غلو کافر پدری مؤمن اولور » .  
بوکا مثال اولارق خارجه بیکلرجه کیمسلر کورولمکده در و شو زمانده بر جوق  
صلحادن نیجه دینسلر طوغمه قده در . بو آیت ؛ واجب تعالی نک تسبیحه استحقاقنه دلیلدر  
و تقریری شویله در « الله تعالی بش وقته تسبیحه مستحقدر . زیرا ؛ الله تعالی دیری بی  
اولودن چیقاریر . هر کیمسه که دیری بی اولودن چیقاره ، تسبیحه مستحقدر . الله تعالی  
تسبیحه مستحقدر » . کذلک اولوبی دیریدن چیقارمقده و اولدکدن صکره ارضی احیاده  
تقریر بومنوال اوزره در . چونکه ؛ آنلرده آیری آیری دلیللردر .

واجب تعالی اولودن دیری بی و دیریدن اولوبی اخراج ایتدیکنی بیانه تسبیحه  
استحقاقی و حمدک کندینه مخصوص اولدینی بیاندنصکره قدرت قاهره سنه دلالت ایدن  
بعض دلیللرینی بیان ایتک اوزره ﴿ وَمِنْ آيَاتِهِ أَنْ خَلَقَكُمْ مِنْ تُرَابٍ ثُمَّ إِذَا أَنْتُمْ بَشَرٌ  
تَلْتَشِرُونَ ﴾ بیوریور .

[ الله تعالی نک وحدانیتنه و قدرت قاهره سنه دلالت ایدن علامات جمله ننددر : سزی  
طوبراقدن خلق ایدوب صکره سزک در حال انسان اولارق بر یوزینه طاغیلیمکز . ]  
یعنی ؛ الله تعالی سزی و فاتکزدنصکره احیا ایتکمه قادر اولدیغنه دلالت ایدر دلالت  
و علامات جمله ننددر : سزک اصلکمز اولان آدمی طوبراقدن خلق ایتسی . یالکمز آدمله  
اکتفا ایتیهوب آدمی و حریمی حوایی خلق ایتدکدنصکره نا کهسانی آنک ذریتندن  
سز بر حالدن حال اخرایه نقل ایله بشر اولارق چوغالدیکمز و بر یوزینه طاغیلدیکمز  
وسزک صورتلریکزی کوزل اولارق ایجاد ایتدی و سزی بومنوال اوزره خلق ایدوب  
بر یوزینه طاغیتان و شو صورت اوزره خلق ایتکمه قادر اولان الله تعالی اولدکدنصکره  
سزی احیا ایتکمه دخی قادردر . چونکه فخر رازینک بیانی و جمله انسانی طوبراقدن  
احسن صورت اوزره خلق ایتک ؛ اللهم قدرتته دلالت ایدن دلیللرک پک بویوکیدر .  
زیرا ؛ طوبراغک شانی قوری و قارائلق و صوئوق و آغیر اولمقدر . انسان ایسه بونک  
تماماً ضدینه رطوبتلی و نورلو و حرارتلی و خفیفدر . شو حالده قوریدن یاشی و قارائلقدن



نوری و صوتی و صیجائی و ثقلندن خفیی خلق ایتک البتہ قدرت کامله به آچقندن دلالت ایدر. كذلك حرکت ایدن انسانی سکونت اوزره اولان طوبراقدن خلق ایتک قدرت قاهره به دلالت ایدن دلائل جمله سندندر.

فخر رازی و نیسابورینک بیانلری وجهله انسانک اساسی صو ایله طوبراقدن خلق اولوندینی جهته بعض آیتده صودن و دیگرنده طوبراقدن خلق ایتدیکنی ذکر ایتک اجزاء مهمی ذکر ایتکدر و آیتلر بیتدهده مناسقات یوقدر. بناء علیه؛ بو ایکی جزو مهمی ذکر ایتک باشقه اجزاسی اولماسنی ایجاب ایتمز که حکمانک انسان عناصر اربعه دن یعنی صو، طوبراق، آتش و هوادن مرکبدر دیدکلری سوزلری آیته مخالف اولسون. انسانک اساسی صو ایله طوبراقدن. هوا ایله آتش بو ایکی جزئی پیشیرمک و یکدیگرینه امتزاج ایتدیرمک ایچون صکره دن عارض اولدینی جهته قرآنده انسانک هوا ایله آتشدن خلق اولوندینی ذکر اولونماش واجزاء اصلیه اولان طوبراقله صویی ذکرله اکتفا اولونمشدر. انسانک عناصر اربعه دن خلق اولونمشده قدرتک اثری دها زیاده کوریلور. چونکه یکدیگرینه ضداولان درت شیدن بر وجود میدان کتیروب آنلرک طبیعتلری باشقه باشقه اولدینی حالده بر مزاجه جمله سنی تابع قیلمق وحق صو ایله آتشی بربرینه ربط ایتک اللهک قدرتک کالنه پک بویوک دلیل اولدیغنده کیمسه نیک شبهه ایتمه سی لازم کلیر.

\*\*\*

واجب تعالی قدرته دلالت ایدن انسانک طوبراقدن خلق اولونمشنی بیاندنصکره نوع انسانک بقاسنه خادم اولان ازدواجک قائده سنی و قدرته دلالت ایدر دلائل جمله سندن اولدینی بیان ایتک اوزره ﴿وَمِنْ آيَاتِهِ أَنْ خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا وَجَعَلَ بَيْنَكُمْ مَوَدَّةً وَرَحْمَةً﴾ بیوریور.

[ الله تعالی نیک قدرته دلالت ایدن دلائل جمله سندندر: سزک ایچون کندی جنسکزدن زوجه لر خلق ایتسی. زیرا؛ سز او زوجه لرله الفت و انسیت ایده سکز و قلبکیزک آنلره میل ایتمسيله سکونت بولاسکز و ارکاک و قاین سزک بینکزده محبت و یکدیگریکزه شفقت و مرحمت خلق ایتسی ده قدره الله دلالت ایدر دلائل جمله سندندر. ]

﴿إِنَّ فِي ذَلِكَ لَآيَاتٍ لِقَوْمٍ يَتَفَكَّرُونَ﴾

[ ایسته شو کندی جنسکزدن زوجه لر او زوجه لرله بینکزده الفت خلق ایتسنده تفکر ایدوب دوشونن قوم ایچون وحدانیت و قدرت کامله به دلالت ایدر دلیللر واردر. ]  
یعنی؛ ای انسانلر! سزک الفت و انسیت ایده رک بینهما کزده چوجق میدانه کتیرمکه نوعکیزک الی یوم القیام بقاسنی تأمین و عالمک اعمارینی اکیال و معیشتکیزی تنظیم ایچون سزک کندی جنسکزدن منفعتکیزه خدمت ایدر زوجه لر خلق ایتسی؛ جناب حقک قدرت کامله سینه دلالت ایدر علامات جمله سندندر. چونکه کندی جنسکزدن زوجه لرله الفت یکدیگریکزه ربطه و بربریکزه میل محبت سبب اولدینی کی الله تعالی زوجه زوجه آرهنده شفقت و مرحمت ده خلق ایتدی که عالمه تشکیلاتی قولای اولسون و بربرلری آفات و بلیادن اسیر که سونلر و امر تعیشده بربرینه معاونتله معیشت خصوصنده مضایقه چکمسونلر. انسانلرک زوجه لری کندی جنسلرندن اولسی لطف الهیدر. زیرا کندی جنسندن اولق؛ محبت و سیله در. اگر جنسک باشقه سندن اولمش اولسه ایدی الهت و محبت شویله دورسون بینلرنده نفرت و مباینت اولور و عالمده انتظام اولمازدی. اما کندی جنسندن اولونجه بینهماده اولدن برقرابت و الفت اولما دینی حالده آز بر زمان ملاقاتله الله تعالی نیک زوجه زوجه آرهنده خلق ایتش اولدینی محبت سایه سنده بربرلرینه آنالرندن، بابالرندن و قرداشلرندن دها قیمتلی اولورلر. ایسته آز برمدت ظرفنده ازدواج سببیه بوقدر محبتی خلق ایتک؛ اللهک عظمتنه و قدرته پک بویوک بر دلیلدر. بونلرک جمله سنده ارباب تفکر ایچون قدره الله دلالت ایدر دلیللر واردر. زیرا؛ دنیانک قوامی نوع انسانک بقاسيله و نوع انسانک بقاسی نسل میدان کتیرمکه و نسلک میدان کلسی زوجه و تزوج ایسه محبتله اولدینی کی تزوجک بقاسی ده زوجه زوجه بیتده عطفوت و مرحمت و حسن امتزاجه باغلیدر. شو حالده قوام عالم؛ زوجه زوجه بیتده واجب تعالی نیک خلق ایتدیکی محبت مربوط اولدیغندن عالمک معمور اولوب وقت مرهونه قدر دوامی و نوع انسانک بقاسی و عالمک انتظامنک اس اساسی و محور لایقنده جزیانی زوجه زوجه بیتده اولان محبت و حسن امتزاجدر. یوقسه انسانلرک حیوانات سائر کی ارتباط سز شوراده بوراده بولوشمسيله عالمده انتظام و راحت اولیه جفی کی نوع انسانده بقاده اولماز. چونکه؛ میدان کلن چوجقک باباسی کیمدر و آنک



مشقتی کیم تکفل ایدہ جک؟ زیرا؛ ارک و قادیں آرمندہ ارتباط اولما بجه چوجک باباسی معلوم اولماز که مشقتی تکفل ایدن بولونسون. انسان ایسه حیوانات سائرہ کی کیف ماتفق یتشیر بر مخلوق اولما دیغندن بر چوق تربیه و مشقته محتاجدر. بناءً علیه؛ انسانلری حیوانات سائرہ یه قیاسله آرمده کی ارتباطی قالدیرمغه چالیشانلر حس انسانیدن مجرد اتمش و حکمت الہیہ خلافہ بر طاقم وحشیانہ حرکتله کنڈیلرینی یورمقدن و عاقبت خائب و خاسر اولمقدن باشقه برشی قازانمازلر. اوت! آز بر زمان ایچون کنڈی فکرلرنده بعض کیمسه لرده بولایلر لرسده بوز اوزرینه تم قویق قیلندن سریع الزوالدر.

طائفة نسوان ارککلرک منفعتی ایچون خلق اولوندیغنه اشارت ایچون واجب تعالی منفعتہ دلالت ایدن روم لفظی ایلہ (لکم) بیورمشدر. انسانک کنڈی جنسی ایلہ الفت سکونته سبب اولوب اضطراب قیلدن وارسته اولدینی جهتلہ جناب حق (لتألفوا) مقامندہ (لتسکنوا) بیورمشدر. یعنی «الله تعالی زوجه لریکزی کنڈی جنسکزدن خلق ایتدی که قلبکزر راحت اولمقلہ سکونت بولوب اضطراب قیلدن قورتولاسکزر» دیمکدر. زوجه زوجه بیننده اولان محبت و ارتباطده قدرۃ الله دلالت ایدر بر چوق دلیل اولدیغنه اشارت ایچون (آیات) لفظندہ کی آیات، جمع صورتیلہ وارد اولدینی ابوالسعود افندیکن جمله بیاناتنددر.

..

واجب تعالی قدرۃ الہیہ دلالت ایدر دلائل انفسیہ بیاندنصرکه انسانک نفسندن خارج اولان دلیللردن بعضیلرینی بیان اتمک اوزره ﴿وَمِنْ آيَاتِهِ خَلْقُ السَّمَوَاتِ وَالْأَرْضِ وَاخْتِلَافُ أَلْسِنَتِكُمْ وَالْوَالِدَاتِ﴾ بیوریور.

[الله تعالی نک قدرته دلالت ایدن علامتله جمله سندندر: کوکری ویری خلق اتمسی وسزک لسانلریکزک ورنکلریکزک مختلف اولسی.]

﴿إِنَّ فِي ذَلِكَ لَآيَاتٍ لِّلْعَالَمِينَ﴾

[ایشته شوخلقتده واختلافده ارباب علم ایچون قدرۃ الله دلالت ایدر علامتله وارددر.]

یعنی؛ کوکری و کوکلرده اولان ییلدیزلرک بر برینه ضیالرینک مخالفیلہ برابر اللهک خلق اتمسندہ وارضی بوقدر جسمانیله وطاقلری ودره لری و بویوک نهرلری و دکزلری و میوه لی و میوه سز انواع اشجاری و معادنی و حیواناتی و بالخاصه مرات عالم اولان انسانی حاوی اولارق خلق اتمسندہ والسنه کزک والوانکزک اختلافندہ قدرۃ الله دلالت ایدر علامتله وارددر. چونکه؛ بر قومک لسانی دیکرینه مخالف اولدینی کی بر شخصک صداسی دخی دیکرینه مخالف اولمقدہ و انسانلرک هر برینک رنکی دیکرینه مخالف اولمقدہ قدرت کامله یه دلالت ایدر بیکلرجه دلیللر وارددر. زیرا؛ شو کوریلن عالم علوینک انتظامی و عالم سفلی اولان ارضک بدایع اوزرینه مشتمل اولسیله برابر انسانلرک لسانلرینک ورنکلرینک بر برینه مخالف اولمسندہ دنیایی و آخرتی دوشونن و هدایتیه موفق اولان ارباب درایت و فطانت و علم و عرفان صاحبلری ایچون قدرت الہیہ دلالت ایدر علامتله وارددر.

خلاصه؛ سموات و ارضک بر طاقم عجائب اوزره خلق اولونمسندہ و انسانلرک لسانلرینک ورنکلرینک مختلف صورتده ظهورندہ جناب حقک فاعل مخار و واحد حقیق اولدیغنه ارباب علم ایچون دلالت ایدر دلیللر بولوندیغنی بو آیتدن مستفاد اولان فوائد جمله سندندر.

..

واجب تعالی انسانک لوازماتندن اولان لسانلرینک ورنکلرینک مختلف اولسی قدرت قاهره یه دلالت ایتدیکنی بیاندنصرکه انسانک لازم مفارقتدن اولان اویقو ایلہ ارزاقی کسبک قدرۃ الله دلالتی بیان ضمتندہ ﴿وَمِنْ آيَاتِهِ مَنَامُكُمْ بِاللَّيْلِ وَالنَّهَارِ وَابْتِغَاؤُكُمْ مِنْ فَضْلِهِ إِنَّ فِي ذَلِكَ لَآيَاتٍ لِّقَوْمٍ يَسْمَعُونَ﴾ بیوریور.

[کیجهده و کوندوزده سزک اویقو کز و بویکی زمانده سزک فضل الہیدن رزقکزی ایسته مکر اللهک قدرته دلالت ایدر علامات جمله سندندر. زیرا؛ کرک اویقوده و کرک معیشتی طلبده ایشیتمک شانندن اولان قوم ایچون بر چوق علامتله وارددر.]

یعنی؛ واجب تعالی نک امواتی احیایه قادر اولدیغنه دلالت ایدر علامتله جمله سندندر: خلاصه بیان: اون برنجی جلد - ۲۴



کیجده و کوندوزده بدنک زک راحت ایچون اویقو اویومه کز . زیرا ؛ قوای طبیعه و نفسانیه نک استراحتی اویقو ایله اولدینی جهته امور دنیا و امور آخرت جمله سنی تنظیم ، اویقونک معاونه در . بناء علیه ؛ انسان ایچون اویقو قدرته دلالت ایدن لطف الهی جمله سندن در . زیرا ؛ اویقو اولسه بدن راحت ایدمه چکی جهته بوتون ایشلرله معطل قالاچغندن اویقودنیانک اعمارینه خادم بر احسان الهیدر . کذلک کیجده و کوندوزده انسانک معیشتنی طلب ایتسنده کمال اتقاده امر الهی بی ایشیدن و دیکله بنر ایچون قدره الله دلالت ایدر علامتله واردر .

بیضاوینک بیانی وجهله اویقوی و رزقی طلب ؛ کیجه ایله کوندوزک هرا یکسند اولمق محتمل اولدینی کی آیتده اویقو کیجهیه و معیشتی طلبده کوندوزده مصروف اولمق احتمالی ده واردر . لکن لیل و نهارک هرا یکسی ده بر آرده ذکر اولوندی که هرا یکی زمانک ، اقتضاسه کوره هم اویقویه هم ده کسب معیشته صلاحیتلرینه اشارت اولونمشدر . چونکه ؛ اکثریت اعتباریله اویقو کیجهیه و کسب معیشت کوندوزده تخصیص اولونمش ایسه ده عکسنی التزامده امتناعده یوقدر . زیرا ؛ بعض کره ایجاب مصلحت اویقوی کوندوزده کسب معیشتی کیجهیه تخصیص ایدنلرده اولور . چونکه ؛ انسانلرک معیشتلرنده اسباب مختلفدر .

فخر رازینک بیانی وجهله انسانک بدنک استراحتنی آرامق طلب معیشت اوزرینه مقدم اولدیغنه اشارت ایچون بو آیتده اویقو معیشت طلبی اوزرینه تقدیم اولونمشدر . زیرا کسب معیشت ؛ بدنک قوامنه موقوفدر . چونکه ؛ بدن قوامنی بولمانجه کسبله مشغول اولمق ممکن اولمادیغندن قوام بدنه خادم اولان اویقویه اهتمام اولونمق لازمدر .

انسان رزقنی کندی کسندن بیلیمه یوب اللهک فضلندن بیلیمسی لازم اولدیغنه اشارت ایچون رزقنی طلب ، فضل الهیدن طلب ایتسیله تقیید اولونمشدر . چونکه ؛ عبدک رزقنی بهمه حال لطف الهیدر ، یوقسه عبدک عقلنک و ذکاسنک رزقنک حصولده تأثیری یوقدر . زیرا ؛ چوق عاقل و ذکی اولان کیمسه لک حسن تدبیره توسل ایتدکلری حالدده قارنلرینک آج و چوق احق و غبی کیمسه لک ثروت و سامان صاحبی اولدینی هر یرده مشاهده اولونان شیلردندر .

\*\*

واجب تعالی انسانک عرض لازمندن و عرض مفارقتدن قدرته دلالت ایدنلردن

بعضیلرینی بیاندنصرکه سموات و ارضک عرضلرندن بعضیلرینی بیان ایتک اوزره ﴿وَمِنْ آيَاتِهِ يُرِيكُمْ الْبَرْقَ خَوْفًا وَطَمَعًا وَيُنْزِلُ مِنَ السَّمَاءِ مَاءً فَيُخْجِي بِهِ الْأَرْضَ بَعْدَ مَوْتِهَا﴾ بیوریور .

[ اللهم قدرته دلالت ایدن علامتله جمله سندن در : سزی من وجه قورقوتمق و من وجه امید و یرمک ایچون سمان سزه شمشک کوسترمسی و سمان یاغور صوبی ازال ایدوب قورومش ارضی احیا ایتسی . ]

﴿إِنَّ فِي ذَلِكَ لَآيَاتٍ لِّقَوْمٍ يَعْقِلُونَ﴾

[ زیرا ؛ شو شمشکده و قورودقندن صوکره یاغور صوبی ایله اولمش جسد منزلده اولان ارضی احیا ایتسنده عقلی اولان قوم ایچون واجب تعالی نک وجودینه و وحدانیتنه و قدرت قاهره صاحبی اولدیغنه دلالت ایدر علامتله واردر . ]

یعنی ؛ جناب حق قدرته دلالت ایدن علامتلردن بریسی ده سزه کوك یوزنده هوانک کورولتوسیلله برابر شمشک پارلیتسیسی کوسترمسیدر . بو شمشکدن سزک ایچون صاعقه اصابندن قورقو اولدینی کی خیرلی یاغور یاغوب حاصلاتک استفاده ایده حکنه دخی امید واردر . سمان نازل اولان یاغور صولریله قورومش و اولمش جسد منزلده اولان یر یوزینی احیا ایتسی دخی قدره الله دلالت ایدن علامتله جمله سندن در . زیرا ؛ بونلرک جمله سنده عقلی اولوب ادراک شانندن اولان قوم ایچون قدرته دلالت ایدر دلیلله واردر . چونکه ؛ فخر رازینک بیانی وجهله بلوطلر رحمت صوبی حامل اولدینی حالدده آنلردن آتشک چیقمسسی و صدا و یرمک شانندن اولمایان یوموشاق پاموغه بکزه بن بلوطلردن صدانک چیقمسسی و دهشتلی کورولتولرک ظهور ایتسی البته فاعل مختارک وجودینه دلالت ایدن دلائل جمله سندن در . زیرا ؛ صو ایله آتش یکدیگرینه ضد ایکی عنصر اولدینی حالدده جسم واحد اولان بلوطده ایکی ضدی جمع ایتک البته قدرت قاهرهیه دلالت واضحه ایله دلالت ایدر . چونکه ؛ کرك شمشک و کرك کوك کورولتسیسی و کرك صاعقه مطرداً هر زمان واقع اولور شیلردن دکدر . زیرا ؛ بعضاً هوانک کشیف بلوطلرله اورتولی و یاغورده



ياغديني حالده بونلردن هيچ بريسي اولماز وبعضاده هيسي موجود اولور وكذلك بعض بلده ده اولور ديكرنده اولماز . شو حالده بونلرك جمله سي فاعل مختارك اختياريله در ، طبيعتك اقتضاسي دكلدر . زيرا ؛ طبيعتك اقتضاسي اولسه هر زمان اولور وياخود اولمازدي .

\*\*

واجب تعالى سموات وارضك لوازماتندن قدرته دلالت ايدن آثارندن بعضيلريني بيانن صوكره بعض آخري بيان ايتك اوزره ﴿ وَمِنْ آيَاتِهِ أَنْ تَقُومَ السَّمَاءُ وَالْأَرْضُ بِأَمْرِهِ ﴾ بيوريور .

[ اللهك قدرته دلالت ايدن علامات جمله سنددر : سمانك ديره كسر وارضك چيويسر امر الهى وحكم سبحانه ايله قائم اولوب موضع معينده طورملري . ]

﴿ ثُمَّ إِذَا دَعَاكُمْ دَعْوَةً مِنَ الْأَرْضِ إِذَا أَنْتُمْ تَخْرُجُونَ ﴾

[ سز بوكي آثار الهيه ده قدرتنك كال نفوذني تفكر ايدوب وفاتكزدن صوكره سزك ارضدن قالقما كزي ايجاب ايدر بر دعوتله الله تعالى سزي دعوت ايتديكنده سز وقت فوت ايتكسزين برده كوريلور كه قبركزدن چيقارسكز . ]

يعني ؛ سموات وارضك استنادسز امر الهى ايله قائم اولملري وهربرى موضع معينده تبدل وتحول ايتكسزين دوام ايتملري فاعل مختارك وجودينه دلالت ايدن دلائل جمله سنددر . چونكه ؛ سما ايله ارضك بولونقلري مكانك غيري برمكانه بولونملري ممكن اولديني حالده آنحق او مكانده بولونوب آخر محله تجاوز ايتهملري يالكز فاعل مختارك آنلرك او مكانده بولونملريني امر ايتمسيله و او نقطه ده ثبات ايتملريني اراده بيورمسيله اولديغه دلالت ايدر . چونكه ؛ طبيعتك اقتضاسيله اولماز . زيرا ، آنلرك بولونقلري مكانه ديكر مكان بيتنده فرق اولماديغندن برنده بولونوب ديكرنده بولونمامي ترجيح بلا مرجحدر . ترجيح بلا مرجح ايسه باطل اولديغندن طبيعتك اقتضاسي اولمق ده باطلدر . زيرا ؛ باطل مستلزم اولان البته باطل اولور . اما او مكانده بولونملري فاعل مختارك اراده سي ايله اولديغندن ترجيح بلا مرجح لازم كلز . ايسته سموات وارض وقت

معينه قدر قائم اولوب وقت معينى اكالدنصكره دعوت الهيه نك ظهوريله هر كسك وقت فوت ايتكسزين قبردن قالقه جفي بيان اولونمشدر . چونكه ؛ دعوت الهيه اجابت ايتهمك او كونده ممكن اولماديغندن البته اجابت اولونور .

\*\*

واجب تعالى وحدانيته دلالت ايدن دليلارك خلاصه سي بيان ايتك اوزره ﴿ وَلَهُ مَنْ فِي السَّمَوَاتِ وَالْأَرْضِ كُلُّ لَهُ قَانِتُونَ ﴾ بيوريور .

[ كوكلرده ويرده اولان جمله ذي روح اللهكدر وآنك مخلوق قوللريددر . بناء عليه ؛ آنلردن هر برلري الله تعالى به مطيعلردر . ] زيرا ؛ اللهك امريني كال تواضعله ايشيتير وديكلهر واتياده ايدرلر . چونكه ؛ هيسنده اللهك تصرفي مستقلا وشريكي اولمايوب هر كسك مرجعي اولديني جهته جمله سي اطاعته مجبوردر . بناء عليه ؛ وظيفه لري اللهك امرينه اتقياد ايتكدر . شو حالده وظيفه سي بيلوب اطاعت ايدنلر مكافاتي كورور وظيفه سته دوام ايتهميوب اطاعتدن امتناع ايدنلرك ده سوء جزا كوره جكلري شهه سزدر .

﴿ وَهُوَ الَّذِي يَبْدَأُ الْخَلْقَ ثُمَّ يُعِيدُهُ وَهُوَ أَهْوَنُ عَلَيْهِ ﴾

[ سموات وارض كندينك مخلوق اولان الله تعالى شول ذات اجل واعلادر كه ابتداء خلقي ايجاء وصره اعاده ايدر وآنك اوزرينه خلقي اعاده ايتك ابتداء ايجاددن ده قوللايدر . ]

يعني ؛ الله تعالى شول قادر وقيوم كه اولاً مخلوقاتي قدرتييله ايجاد ايتدكدنصكره مقتضاي قهري خلق افنا وبعده عدالتي اجرا واطاعت ايدنلري عايلردن تفريق ايتك ايجون قبرلردن قالديرمله اعاده ايدر وآنك اوزرينه اعاده ، عقول بشره نسبتله ابتداء ايجاد ايتكدن ده قوللايدر . چونكه ؛ اعاده يالكز اسرافيلك برصداسيله اولديني جهته انسانلرك عقلي آنك ده قولاي اولديغني ادراك ايدر .

بيضاوينك بياني وجهله جناب حق اوزرينه ايجاد واعاده ايكي سي مساوي اولوب هيچ برنده كوچلك يوقدر . بناء عليه ؛ بوآيتده « اعاده ايجاددن ده قولاي » ديمك



« انسانلرک قدرتنه و اصول جاریه لرینه نسبتله » دیمکدر. چونکه ؛ ابتداءً ایجاد نطفه دن مضغه یه و مضغه دن جنینه و جنین دن طفولیتیه و سائر بر طاقم تبدلاتله بر حال دن حال اخرا یه نقل ایتک صورتیه بر جوق مرتبه لر دن صکره تام الاعضا بر انسان اولارق ظهور ایدر . اما اعاده « چیقک قبری کزدن » قلقک آیاق اوزرینه ؛ کلک محشره « دیمکدن عبارت اولان بر صیحه ایله حصول بولدیفندن انسانلره نسبتله اعاده ده ا قولای اولدیفنی جهته بو آیتده اعاده نک قولای اولدیفنی بیان اولونمشدر. زیرا ؛ زورلق و قولایلق بشره نسبتله دره یوقسه واجب تعالی یه نسبتله زور و قولای اولماز. بناءً علیه آیتده « اهون » دیمک « بشرک ادرا کنه نظراً » دیمکدر .

..

واجب تعالی ایجاد و اعاده یه قادر اولدیفنی بیاندن صکره قدرت کامله سف اثبات مقامنده

﴿ وَ لَهُ الْمَثَلُ الْأَعْلَىٰ فِي السَّمَوَاتِ وَالْأَرْضِ وَ هُوَ الْعَزِيزُ الْحَكِيمُ ﴾ بیوریور.

[ الله تعالی یه جمله مخلوقات مطیع و متقادر . زیرا ؛ الله تعالی ایچون قدرت عامه و حکمت تامه کبی عجیب الشان صفت واردر و اثری سموات و ارضه ظهور ایتکده در و الله تعالی جمله یه غالب و بالعموم افعالی حکمتی متضمندر . ] بناءً علیه ؛ جمله مخلوقات قدرت قاهره آلتنده مقهوردر و بالعموم ذرات کائناتی علمی احاطه ایتشدر و آنلر حقنده افعالی حکمتدن خالی دکدر و انسانلرک طوپراغه قاریشمش اولان اجزالرینی و مکانلرینی بیلدیکندن آنلری جمع و تألیفه قادردر . بناءً علیه ؛ قیامتده انسانلری اجزالرینی جمع ایتک و یاخو دمعدوم اولانلری اعاده ایتک صورتیه احیا ایدر که هر کس عملنک جزاسنی کورسون .

فخر رازی و خازنک بیانلری وجهله بو آیتده واجب تعالی نک مثل اعلاسی ایله مراد ؛ کلمه توحید اولدیفنی ابن عباس حضرتلرندن مرویدر . بوکا نظراً بیضاوینک بیانی وجهله مثل اعلا ؛ و مراد بیت صفیه . شو حالده معنای نظم : [ الله تعالی اهل سما و اهل ارض طرفلرندن سباده و ارضه توحید صفیه توصیف اولونمقددر ] دیمک اولور . چونکه ؛ اهل سما و اهل ارضک لساننده کلمه توحید ذکر اولونمقدن خالی دکدر .

..

واجب تعالی سموات و ارضه صفت علمایی ذکر اولونمقله انسانلری احیا و اعاده یه قادر اولدیفنی بیاندن صکره بر مثال آخرله دخی قدرتی اثبات ایتک اوزره ﴿ ضَرَبَ لَكُمْ مَثَلًا مِّنْ أَنفُسِكُمْ هَلْ لَّكُمْ مِنْ مَّا مَلَكَتْ أَيْمَانُكُمْ مِنْ شُرَكَاءَ فِي مَارَزَقْنَاكُمْ فَأَنتُمْ فِيهِ سَوَاءٌ ﴾ بیوریور .

[ الله تعالی وحدانیتنی سزک کندی نفسکزدن بر مثاله سزه بیان ایدر شویله که : سزک ملک یمینله مالک اولدیفکنر کوله و جاریه لر یکزدن بزم سزه و یردیکمز رزقده سزه شریک اولان و ارمی که سز او رزقده آنلره مشترک و مساوی اولاسکنر ؟ ]

﴿ تَخَافُونَهُمْ كَخِيفَتِكُمْ أَنفُسَكُمْ ﴾

[ سز کندی نفسکزدن و حر اولان امثالکزدن قورقدیفکنر کبی آنلردن ده قورقه سکز . ] بویله شی اولورمی ؛ یعنی مملوک مالکک مساوی اولورمی و سزکله رزقده مشترک اولسه لر راضی اولورمیسکنر ؛ البته کوله لر یکزک سزکله مشترک اولمیرینه راضی اولماز سکنر . شو حالده الله تعالی نک قوللرینک و ادنی مخلوق اولان اشیاء خسیسه دن عبارت بونلرک معبود اولمقدده ذات الوهیه مشترک اولمیرینه فصل راضی اولور و اعتقاد ایدر سکنر ؟

﴿ كَذَٰلِكَ تُفَصِّلُ الْآيَاتِ لِقَوْمٍ يَعْقِلُونَ ﴾

[ ایشته بویله جه عقل صاحبی اولان قوم ایچون بز وحدانیتمه دلالت ایدن دلیلاری تفصیل ایدرز . ]

یعنی ؛ الله تعالی لطف اولارق وحدانیتنی و شرک قبول ایتدیکنی سزه بر مثاله ایضاح ایدر و دیر که « ای انسانلر ! سز عاجز و هر زمان ذات الوهیه محتاج اولدیفکنر حالده ملک قوتیه مالک اولدیفکنر کوله و جارلر یکزدن بزم سزه و یردیکمز رزقده سزه هیچ بر شریک اولان و ارمی و آنلرک سزه شریک اولمیرینه راضی اولورمیسکنر و آنلره کندیکزی مساوی عد ایدرمیسکنر ؛ و سزکله اورتاق اولان شریک و قرداشکزک رزقکزی تقسیملرندن قورقدیفکنر کبی مملوکلر یکزک شریک اولمسندن قورقارمیسکنر ؟



البته قورقازسکز. زیرا مملوک؛ افندی به اموالک حقوقده مساوی اولاماز. بناء علیه؛  
حر اولان برکیمسه قرداشی ویا اورتاغی کی دیگر حرک اشترا کنندن قورقدینی کی  
بر افندی کوله سنک کندینه اشترا کنندن قورقاز. شو حالدی ای — مشرکرا! کندیگر  
عبد عاجز اولدیغکز حالدی مملوککزرک اشترا کنه راضی اولیورسکزده سموات وارضی  
خالق اولان الله تعالی به مخلوقی اولان برطاقم عاجزلی فصل مساوی وشریک اولدقلربی  
اعتقاد ایدرسکز؟ سزک کوله لریکزده سزک کی بشر اولدقلری حالدی بشرک بشرد مساواته  
راضی اولمازسکزده مخلوقده خالق مساواته فصل راضی اولور وعباده فصل مستحق  
کوررسکز؟ ایشته شو مثالیه تفصیل ایتدیگمز کی قدرتمزه ووحدانیمزه دلالت ایدن  
دلیلری قوللریتمزه وبالخاصه عقل صاحبلینه تفصیل ایدرز.

فخر رازینک بیانی وجهه بوتملیده بر قاچ جهندن تأکید اولدیغی کی اهل شرکی  
تکذیرده واردر. چونکه؛ ذات الوهیتده شرکتک جائز اولمادیغی، عجزی میدانه  
اولان بشرد شرکتک جائز اولمادیغی بیان ایدر بر مثال ایلتمیل بیورمشدرکه «مشرکرا  
کمال عجز و نقصانیه برابر نفسنده مملوکک شرک و مساوی اولسنه راضی اولمايجه اللهم  
قوللرینک الله شریک و مساوی اولسنه فصل راضی اولیورلر و مناسب کوریورلر و بر  
طاقم عاجز بوتلری الله فصل مساوی عد ایدرلر؟» دیمکدرکه بوده شدله توبیخی متضمندر.

\*\*

واحبتعالی مملوک مالک مساوی اولامیه جغنی بر مثاله بیاندنصکره مخلوق اولان  
بوتلری خالق عبادته مشترک قیلانلرک اعتقاد باطللرینک سببی بیان ایتک اوزره  
﴿بَلِ اتَّبَعَ الَّذِينَ ظَلَمُوا أَهْوَاءَهُمْ بِغَيْرِ عِلْمٍ﴾ بیوریور.

[مالک مملوک مساوی اولماز، بلکه شرکه نفسنه ظلم ایدنلر علم وادرا کسر هوا  
وهوسلرینه وفسلرینک آرزوسنه اتباع ایتدیلر.]

﴿فَمَنْ يَهْدِي مَنْ أَضَلَّ اللَّهُ﴾

[نفسنه اتباع وظلمی ارتکابه اللهم اضلال ایتدیکی کیمسه بی کیم هدایتده قیلایلیر؟]

﴿وَمَالَهُمْ مِنْ نَاصِرِينَ﴾

[وضلاتده اولان کیمسه لری یاردیمجیلری ده یوقدر.]

یعنی؛ مخلوق خالق مساوی اولاماز ولکن شرکه نفسنه ظلم ایدن ظالملر دلیلر  
وعلمسز آرزوی باطللرینه اتباع ایده لری یا کایش یوله کیتدیلر وحدودالهییه دن چیقیدیلر.  
بناء علیه؛ مخلوقک خالق شریک اولدیغی اعتقادله اراده لرینی ضلالته صرفله الله تعالی  
آنلری اضلال ایتدی. شو حالدی آنلر طوغرو یوله واصل اولامازلر. زیرا؛ اللهم  
اضلال ایتدیکی کیمسه بی کیم هدایتده قیلایلیر؟ البته او ظالملری کیمسه هدایتده  
قیلاماز. چونکه؛ اراده لرینی ضلاله صرفله ضلالتلرینی الله تعالی خلق ایتدیکندن طوغرو  
یوله وصول آنلره میسر اولماز. حالبوکه ضلالتلری سببیه آنلری مستحق اولدقلری  
عذابدن قورتاره جق یاردیمجیلری ده یوقدر. چونکه؛ آنلر الله عبادتی ترک ایدنجه  
اللهه آنلردن معاونتی کسمشدر.

خلاصه؛ مشرکک شرکی بر دلیل و علمه مستند اولمایوب آنحق هوا وهوسلرینه  
اتباعدن عبارت اولدیغی و اراده سنی ضلالته صرف ایتدیکی جهته اللهم اضلال ایتدیکی  
کیمسه بی هدایتده قیلاجق بر کیمسه نک بولونمادیغی و بوکی ظالملری عذابدن قورتاره جق  
بر یاردیمجیلری دخی اولمادیغی بو آیتدن مستفاد اولان فوائد جمله سنددر.

\*\*

واجب تعالی وحدانیتک دلیللرینی تمامیه ایضاح وتمیل ایدوب جاده توحیددن  
صاپانلرک طوغرو یولدن صاپمالرینک سببی هوالرینه اتباع اولدیغی بیاندنصکره واحد  
حقیق اولان الله تعالی نک دینته توجه لازم اولدیغی بیان ایتک اوزره ﴿فَأَقِمْ وَجْهَكَ  
لِلدِّينِ حَنِيفًا﴾ بیوریور.

[معبود بالحق فرد واحد اولونجه جیم! جمیع ادیان باطله بی ترک ایدوب دین حق  
میل ایدر اولدیغک حالدی یوزیکی دین اسلامه توجیه واقامه ایت واستقامت اوزره عدالتی  
اجرا ایت.]



﴿ فِطَرَتَ اللَّهِ الَّتِي فَطَرَ النَّاسَ عَلَيْهَا ﴾

[ سز اللهك خلقته دقت و دوام ايدك كه او خلقت اللهك ناسي كندی اوزرينه خالق ايتديكي دين حق و دين اسلامدر . ]

﴿ لَا تَبْدِيلَ لِخَلْقِ اللَّهِ ﴾

[ زیرا ؛ اللهك خلقی ایچون تبدیل و تغییر یوقدر . ]

﴿ ذَلِكَ الدِّينُ الْقَيِّمُ ﴾

[ ایشته توجه لازم اولان دین، ربك تعالى نك سكا ازال ايتديكي دين مبین؛ طریق توحیده ایصال ایدر صاعلام و طوغرو بردیندر. بناءً علیه؛ بودینه توجهله دوامکن لازمدر. ]

﴿ وَلَكِنَّ أَكْثَرَ النَّاسِ لَا يَعْلَمُونَ ﴾

[ واکن ناسك اکثریسی بو دینك حق اولدیغی بیلمزله . ] و بیلمدکاری جهته بو دینه تمسك ایتدکلرندن عاقبت هلاك اولورله .

( فطرت الله ) اللهك دینی دیمکدر . الله تعالى انسانی بدياة دين حق اوزره خلق ایتدیکندن انسانك فطرت اصلیه سی دين حق و دين اسلامدر . چونکه ؛ عقلی کندی باشنه براقش اولسهك آنجق او دینی قبول ایدر . فقط برطاقم موانع و شهوات نفسانیه آرهیه کیرنجه طریق حقدن باطله میل ایدر و لکن بو میل فطرت اصلیه دکل ، بلکه فطرت اصلیه اوزرينه عارضیدر .

خازنك بیاننه نظراً بخاری و مسلمك اتفاقیله ( ابو هريره ) حضرتلری رسول اللهك « دنیایه هیچ بر چوجق طوغماز ، آنجق فطرت اصلیه اوزرينه طوغار ، بیوروب بو آتی قرائتله امر ایتدیکنی روایت ایتددر . فطرت له مراد ؛ ازله مضرت آدمك ظهريه زره مثالی ذریعتی بیقراروب هر بر لر زره ایمانه ایدمه بکلمینه دار المسلمه اولدیغی عهددر . زیرا ؛ دنیایه ککن هر صبی او عهد اوزره کلیر و او عهدده دين حقدر و لکن بو ایمان فطرییه اعتبار یوقدر ، آنجق معتبر اولان ایمان ؛ طرف شرعدن امر اولونان

ایمان که عبدك کسبیه حاصل اولان ایماندر . چونکه عندالله مقبول اولان ایمان ؛ عبدك فعلی و اختیاری ایله میدانه ککن ایماندر. بناءً علیه؛ هیچ بر کیمسه خلقت اصلیه سیله مأجور اولماز . شو حالده هر انسانه لازم اولان ؛ فطرت اصلیه سی اولان ایمانی تقویه ایتمکدر ، یوقسه آنی تبدیل و تغییر ایتمک دکلدر . بناءً علیه ( لا تبدیل لخلق الله ) دیمک « اللهك خلقت اصلیه سنی تبدیل صحیح و جائز اولماز » دیمکدر که « او خلقتی تبدیل ایتمک انسان ایچون لایق اولماز » دیمک اولور . یا ضور تفسیر خازنده بیان اولوندیغی وجهله هر نه قدر ( لا تبدیل ) جمله سی لفظره اضممار ايسه ده معنای انشا و نهیمدر . بناءً علیه؛ معنای نظم : ( الزموا فطرت الله ولا تبدلوا ) یعنی [ اللهك فطرتی اولان ایمان ازلییه ملازمته ایمانکزی تقویه ایدك و فطرت اصلیه اولان توحیدی شرکه و عبادتی معصيته تبدیل ایتمک ] دیمکدر . زیرا فطرت اصلیه اولان دین ؛ دين مستقیمدر . بناءً علیه ؛ « آنی غیر مستقیم اولان بر دینه تبدیل جائز دکل » دیمک اولور . یا ضور فخر رازینک بیانی وجهله ( لا تبدیل لخلق الله ) دیمک « اللهك مخلوقی اللهك قوللری در . اللهك قوللری اللهك غیرییه قول اولمغه تبدیل ایتمک جائز دکل » دیمکدر . بناءً علیه قوللرك معبودی ؛ آنجق اللهدر ، اللهك غیری معبود یوقدر . شو حالده هر کسك عبادتی اللهه خاص قیلمسی لازم اولوب بونك تبدیلی جائز اولماز .

\*\*\*

واجب تعالى اديان باطله یی ترك و دين فطرییه توجهی امردن صوکره او دینله آنجق رضاء باری یی قصد ایتمک لازم اولدیغی بیان ایتمک اوزره ﴿ مُنِيبِينَ إِلَيْهِ وَاتَّقُوهُ وَأَقِيمُوا الصَّلَاةَ وَلَا تَكُونُوا مِنَ الْمُشْرِكِينَ \* مِنَ الَّذِينَ فَرَّقُوا دِينَهُمْ وَكَانُوا شِيعًا ﴾ بیوریور .

[ سز اللهه رجوع ایدر اولدیغکنز حالده دینی اقامه و فطرت السبیهیه ملازمت ایتمکله برابر اللهدن قورقک و معین اولان و قتلرده نمازی اقامه و ادا ایدك و مشرکلردن اولمايك که او مشرکله شول کیمسه لکه آنلر اصول اعتقادده دینلرینی تفریق ایتدیلر و آنلر آری مذهبله احداثیه فرقه فرقه اولدیلر . ]



﴿كُلُّ حِزْبٍ بِمَا لَدَيْهِمْ قَرِ حُونَ﴾

[ هر فرقه و جماعت کندی مذهبی طوغرو ظنیله سلوک ایتش اولدینی مسلیکیه  
فلا حلا نیرلر . ]

یعنی ؛ سز وجهه عزیمتکزی دینی اقامهیه توجیه ایدک ، فقط بوتوجهکز قصور-  
لریکزه توبه و جناب حقه تضرعه درگاهنه رجوع ایدر اولدینگز . حالده اولسون که  
عبادتکزه ربکزک رضاسنه توجه تامله توجه ایتش اولاسکز و بو توجهله برابر بالعموم  
کناهلردن قاجیمقله اللهدن قورقک و نفسکزی عذابدن وقایه ایدک و قلبکزه اولان  
توجهی واللهک عذابدن قورقوکزی تقویه ایچون ظاهر اعضا کزله شرائطنه رعایت  
ایده رک بش وقتده فرض اولان نمازی ادایه مسارعت و مداومت ایدک و دینلرینی و مذهبلرینی  
تفریق ایدن مشرککردن اولماک که آنلردن بعضیلری پوتلره و بعضیلری بیلدیزلره و بعضیلری ده  
حیواناتدن بعضیلرینه عبادتله فرقهلر و جماعتلر تشکیل ایتدیلر و مذهبلر احداث ایتکله آری  
آری قبیللر اولدیلر . حتی هر فرقه کندی اعتقادینی طوغرو ظنیله افتخار ایدر فرحلا نیر .

\*\*\*

واجب تعالی توحیدینی اثبات ایتدکدن صوکره توحیدی انکار ایدن مشرککک بعض  
حالتده توحیدی اقرار ایتدکلرینی بیان ایتک اوزره ﴿وَإِذَا مَسَّ النَّاسَ ضُرٌّ دَعَوْا  
رَبَّهُمْ مُنِيبِينَ إِلَيْهِ﴾ بیوریور .

[ ناسه بر ضرر اصابت ایتدیکنده ربلرینه رجوع والتجا ایدرک دعا ایدر و آنجق  
اوزرلردن ضرری قالدیره جق ربلی اولوب آندن باشقه ضرری قالدیره جق بر کیمسه  
اولمادیغنی اقرار ایدرلر . ]

﴿ثُمَّ إِذَا أَذَاقَهُمْ مِنْهُ رَحْمَةً إِذَا فَرِيقٌ مِنْهُمْ بِرَبِّهِمْ يُشْرِكُونَ﴾

[ ضررک اصابتدن صوکره ربلی آنلره کندی طرفندن لطف واحسانی ضرردن  
قورتارمقله طادیردیغنده برده کوریلور که آنلردن بفرقه ربلرینه عبادتده شرک ایدرلر . ]

یعنی ؛ ناسه خستلق و قحط و سائره کبی بر آفت طوقوندیغنده جناب حقتک برلکفی  
اقرارله درگاهنه التجا ایدرک حضور قلبله ربلرینه دعا ایدرلر . چونکه ؛ شدت زمانی  
هر کسدن امیدلرینی کسه رک او ضررک دفعی آنجق جناب حقتدن استرحام ایتک اوزره  
آنی درگاهنه آچارلر و او بلانک اوزرلردن قالدیراسی ایچون یالواریرلر . زیرا ؛ مصیبتک  
ازاله سنه چاره ساز اولاجق امداد الهی اولدیغنی بیلیرلر و آندن غیری معبود اولمادیغنی  
اقرار ایدرلر . شدت زمانی تضرعدن صوکره الله تعالی آنلره کندی طرفندن لطف  
اولارق شدتی قالدیرمقله رحمتی طادیرنجه ناکهانی آنلردن بفرقهکک همان ربلرینه شرک  
ایتدکلری کوریلور .

ایشته بو حال اکثر انسانلرده موجوددر . چونکه ؛ انسانلر بعض مصیبتک زوالی  
باشقه سبیلرله آرار . فقط هیچ برندن تأثیر کورمه نیجه صوکره چاره سنی ربسندن آرار  
و هر بردن امیدینی کسر ، فقط ربسندن امیدینی کسمز و اعتقاد حقه صاریلر لکن اوشدت  
زائل اولونجه بو حاللرک جمله سنی اونوتور . شو قدرکه اهل ایمان جناب حقه التجا ایدوب  
شدت زائل اولدقدن صوکره کرچه حالی دیکشدرر عصیان و طغیان ایدرسده توحیدی  
شرکه تبدیل ایتمز و ربسنی اونوتماز و عذابدن قورقو و اندیشه قلبندن جیقماز اما مشرککک  
حالی بونک عکسنه در .

خلاصه ؛ انسانلرک احوالنده ثبات اولمایوب شدت زمانی ربلرینه تضرع ایتشکن  
اوشدت زائل اولونجه در حال دعایی ترکه بعضیلری شرک و بعضیلری ده عصیان ایتدکلری  
بو منوال اوزره حاللری دائما تبدلاته معروض اولوب برقرار اوزره اولمادیغنی بو آیتدن  
مستفاد اولان فوائد جمله سننددر .

﴿لِيَكْفُرُوا بِمَا آتَيْنَاهُمْ فَتَمَتَّعُوا فَسَوْفَ تَعْلَمُونَ﴾

[ آنلر بزم و یردیکمز نعمتلره کفر ایتک ایچون مصیبتدن خلاص اولونجه شرک  
ایدرلر . حالکمز بویله اولونجه ای مشرککک ! و یردیکمز نعمتلره استغاع ایدک ،  
عاقبتکک نه اولاجغنی سز یقینده بیلیرسکز . ]

یعنی ؛ شرک ایدن فرقه بزم لفظلزدن و یردیکمز نعمتلری انکارله کفر ایتک ایچون



شرك ايدړ. آنلر كفر ايتك ايجون شرك ايدنجه جيم : سن بزم طرفزدن آنلره دى كه  
« اى منكر نعمت اولان كافرلر ! نائل اولديغكز نعمتلره انتفاع ايدك ياشايك  
وآنلره تلذذ ايدك سز يقينه نعمتى انكارله شرككز عاقبتى وباشكزه كله جك وخامتى  
بيارسكز وعذابى كورونجه قصور كزى اقراره مجبور اولورسكز ، فقط فائد ايتز .  
شو معنا ( ليكفروا ) ده بولان لام بوندن اولكى آيتده كى ( يشركون ) لفظنه تعلق  
ايتديكنه نظر آدر . اما بيضاوى ومدار كده بيان اولونديغى وجهله ( ليكفروا ) ده كى لام  
تهديد ايجون لام امر اولديغنه نظراً معنای نظم شويده در : [ بز كافرله ويرديكز نعمتلره  
آنلر كفر ايتسونلر ونعمتلر بمنزله انتفاع ايتسونلر . يقينه كفرلرينك ضررينى البته بيليرلر  
وعاقبت عذابى كورورلر ] ديمكدر .

﴿ اَمْ اَنْزَلْنَا عَلَيْهِمْ سُلْطٰنًا فَهَوْ يَشْكُرُوْنَ اَمْ كَانُوْا بِهٖ يُّشْرِكُوْنَ ﴾

[ يوقسه بز آنلره بر حجت ويا بر كتابمى انزال ايتدكده او حجت ويا كتاب آنلرك  
شرك ايتدكلى شئي آنلره تعريف وشرك ايتلرينى آنلره امر ايدر سويلرمى ؟ ] بويله آلرنده  
احتجاجه واعتذاره صالح بر حجتلى وياخود آنلره شر كله امر ايدر بر كتابلى وارمى ؟  
وارسه بونلردن برينى ميدانه قويسونلر . حالو كه بونلردن هيچ بريسي ده يوقدر . بناء عليه ؛  
شركلرى بر دليله مستند دكدر . آيتده ( ام ) كله مى بل معناسنه و ( سلطاناً ) ( ذاسلطان )  
تقديرنده ملك معناسنه اولديغنه نظراً معنای نظم : [ بلكه بز آنلر اوزرينه سلطنت صاحبي  
بر ملك انزال ايتدك كه او ملك كرك كندى وكرك يازديغى كتاب آنلرك شرك ايتدكلى  
وسائر عصيانلرينى سويلر وبزه خبر ويرر كه آنلرك عمللرندن بر ذره مى جزاسز قالماز  
هر جمله سنه جزا ويربرز ] ديمكدر .

..

واجب تعالى ناسك نعمتلرى انكارله كفر ايتدكلى وكفرلرينك وخامتى يقينه  
بيله جكلرينى وآنلرك كفرينى امر ايدر بر حجت اولمادىغى وياخود آنلر اوزرينه بر ملك  
نازل اولوب آنلرك شركلرينى خبر ويرديكنى بيانندن صوكره ناسك ديكر جهندن ثباتسز قللرينى

بيان ايتك اوزره ﴿ وَاِذَا اَذَقْنَا النَّاسَ رَحْمَةً فَرِحُوْا بِهَا وَإِنْ تُصِيبُهُمْ سَيِّئَةٌ بِمَا  
قَدَّمْتْ اَيْدِيَهُمْ اِذَا هُمْ يَقْنَطُوْنَ ﴾ . بيوربيور .

[ بز ناسه رحمتلى طاديرديغمزده آنلر او نعمته فرح ايدر مسرور اولورلروا كر  
ناسه كندى كسب يدلى سبيله قحط وخستلاق وسائر بلايا كى بر كوتوك اصابت  
ايدرسه برده كورولور كه آنلر در حال هر شيدن قطع اميد ايدرلر . ]

بو آيتده رحمتله مراد ؛ اوجوزلى ، بوللى ، صحت برده ، عافيت وسائر بالجمد  
نعمتلر . سيئه ايله مراد ؛ قحطلى ، طارلى ، خستلى وسائر بالجمد بوللر . شو حالده  
معنای آيت : [ بز ناسه اوجوزلق ، بولاق ، صحت بدن وانواع نعمتلردن عبارت اولان  
رحمتلى طاديرديغمزده آنلر او نعمتلره فرح ايدرلر . حتى او نعمتلرك حصوله سبب  
اولان وسائله توملرينه افتخار ايدرلر واكر آنلره كسب ايتدكلى كناهلرى سبيله  
بلايا اصابت ايدرسه آنلرك در حال هر شيدن اميدلرينى كسدكلى كوريلور ] ديمكدر .  
اكثر انسانلرك حالى بويله در . بناء عليه ؛ آيتك سري هر زمان ظهور ايتمكده در . چونكه ؛  
انسانلرك بك چوقلرينه بر نعمت كلديكسده فرخندن نه ياباجغى شاشير وكال سرورله  
مسرور اولور ومصيبت كلديكسده حدتله نير مايوس اولور ، بلكه عبادتى بيله ترك ايدر .  
حالو كه انسانه لايق اولان كرك نعمت وكرك نعمت زمانلرنده عبوديت نقطه سنده ثبات  
ايتك وعبادتندن آنجق رضاء بارى بى آرامق و رضادن باشقه برشى مراد ايتمه مكددر .  
مع التأسف اكثر ثبته انسانلرك اخلاقى بونك عكسده در . بناء عليه ؛ آيتده بيان اولونديغى  
وجهله بوكى صفتلره متصف اولانلر مذموملر در . شو حالده انسانه لايق اولان ؛ نعمته  
نائل اولديغنده رب سنه شكر ايتك وبلايايه مبتلا اولديغنده صبر ايتك ورب سنعك رحمتى  
بلكه مكددر .

..

واجب تعالى انسانك نعمته مسرور ومصيبته مايوس اولديغى بياندنصكره ايتك  
وكوتوك هر جمله مى الهك خلقيله اولديغى بيانله بلايايه مبتلا اولانلرك نعمت التهيده دن



قطع امید ایتمه ملری تو صیه ایتک اوزره ﴿ اَوْ لَمْ يَرَوْا اَنْ اِلَهَ يَنْسُطُ الرِّزْقَ لِمَنْ يَشَاءُ وَيَقْدِرُ اِنَّ فِي ذَلِكَ لَآيَاتٍ لِّقَوْمٍ يُؤْمِنُونَ ﴾ بیوریور .

[ او کافر لر بزم قدرتمزی انکار ایدرلرده الله تعالی نك دیله دیکی قولنه رزقی بول و دیله دیکی قولنه رزقی طار ویردیکنی کورمدیلر و بیلمدیلر می ؟ هم کوردیلر همده بیلدیلر . ایشته شو بعض کیمسه نك رزقنی بول و بعض کیمسه نك رزقنی طار قیللق مؤمن کاملر ایچون اللهك قدرته و وحدانیته دلالت ایدر علامت لر واردر . ] چونکه ؛ مؤمن اولان کیمسه اللهك بعض قولنك رزقنی بول و بعض قولنك رزقنی طار ویردیکنی کورونجه جناب حقك هر زمان ایسته دیکی قولنك رزقنی و نعمتی توسیع ایده جکنه قلبی مطمئن اولور واضطر ایدن قورتولور . بناء علیه ؛ آنك عندنده نعمت و نعمت ، هپسنك خالق الله تعالی اولدیغنی بیلدیکی جهته مساوی اولور . چونکه ؛ نعمت و نعمت البته هپسی بر حکمته مبتنی اولدیغنی اعتقاد ایتدیکندن وارلغه زیاده مسرور و یوقلغه زیاده مأیوس اولماز . زیرا مؤمن کاملك شانی ؛ هر حالنده الله ربط قلب ایتکدر . الله ربط قلب ایتک ؛ هر درلو استراحتی موجبدر .

\*\*\*

واجب تعالی دیله دیکی قولنه رزقی بول ویردیکنی بیاندن صوکره او رزقك مصارفی بیان ایتک اوزره ﴿ قَاتِ ذَا الْقُرْبَىٰ حَقَّهُ وَالْمِسْكِينَ وَابْنَ السَّبِيلِ ﴾ بیوریور .

[ ربك تعالی ایسته دیکنه رزقی بول ویرنجه حییم ! بزم سکا ویردیکنم رزقندن اقربانك حقنی ولایق اولدیغنی مقداری ویرکه حقوق قرابتی ادا ایتمش اولاسك . ] زیرا آنلره رعایت ؛ اجانبه رعایتدن دها اولادر . بناء علیه ؛ سکا ویردیکنم رزقندن آنلرك حقوقه رعایت ایتمکه احتیاجلری دفع ایده جك مقداری آنلره ویرمکه مسرور ایت . [ واقربایه رعایتدن صوکره فقر وفاقیه مبتلا اولان مسکینه احسان ایت . ] زیرا ؛ اقربادن صوکره رعایت شایان اولان فقرادر . [ وفقرادن صوکره رعایت شایان اولان یوجلیردر . ] بناء علیه ؛ آنلره رعایت ایت که وطنندن و اولاد و عیالندن و یاران و احبابندن اوزاق دوشدکری

ایچون حرمته لایقدرلر . شو حالده « اقربايه و بولندیغنی بلده نك فقراسنه رعایتدن صوکره مرحمته لایق اولان مسافر لر » دیمکدر . لکن مسافر لرك مسافر تری صورت مشروعه ده اولق شرطدر . زیرا ؛ خلاف شرع و فسق و فجور و یول کسمك و آدم صویق کی بر مقصده مبنی مسافرت ایدنلره رعایت ایتک دکل بلکه ممکن اولورسه اهانت ایتک و مفسد ترینه مانع اولق لازمدر .

﴿ ذَلِكْ خَيْرٌ لِّلَّذِينَ يُرِيدُونَ وَجْهَ اللَّهِ ﴾

[ ایشته شو بیان اولونان اقربا و فقرا و مسافر لره رضاء باری بی قصد ایده رك مالی صرف ایدنلر ایچون بوصورتله صرف ایتک دنیا ده و آخرت ده خیردر . ] چونکه بوموال اوزره صرف ایتک ؛ نائل اولدیغنی نعمتک شکری ادا اولدیغنی جهته دنیا جهه نعمتک تزیاینه سبب اولدیغنی کی آخرتجه دخی اجر و ثوابه نائل اولاجنی جهته آخرت ده ده خیر اولور .

﴿ وَاُولَئِكَ هُمُ الْمُفْلِحُونَ ﴾

[ ایشته شرعك امر ایتدیکی وجه اوزرینه اموالی صرف ایدن کیمسه لر آنجق فلاحه داخل اولارق قورقدیغندن قورتولوب اومدیغنه نائل اولانلردر . ] بو آیتده بیان اولونان اوچ صنفه رعایتک واجب اولسی ؛ زکاته مالک اولاجق قدر غنا لازم دکدر ، بلکه آزیحق برماله مالک اولق کافیدر . چونکه ؛ بونلرك حقوقه رعایت سائرلر اوزرینه مقدم اولدیغنه اشارت ایچون آیتده بونلر صراحة ذکر اولونمش و رعایت اولونا جق مالک مقداری ذکر اولونما مشدر .

عبادتده اعتبار ؛ عبدك نیتنه اولدیغنه و نفس فعله اولما دیغنه اشارت ایچون شو صدقه نك اللهك رضاحتی نیت ایدنلر ایچون خیرلی اولدیغنی بیان اولونما مشدر . چونکه ؛ فخر رازینك بیانی وجهله دیا ایله جمیع مالی اتفاق ایدن کیمسه رضاء باری ایچون برچورده صدقه ایدنه نك ثوابه نائل اولاما ز . بناء علیه ؛ مؤمن ایچون عبادتک جمله سنده نیتنی تصحیح ایتسی لازمدر . زیرا عملك حکمی ؛ عبدك نیتنه باغیدر . نیت صحیح اولورسه عملده صحیح اولور و اگر نیت فاسد اولورسه عملده فاسد اولور .



واجب تعالی بو آیتده اخلاق حمیده دن ازمینی بیانه یورمشدور : بونلردن اقریایه رعایت ؛ جمله ملئک قبول ایتدیکی خصلت حمیده در. فقرایه ربوبی مسافره رعایت کرچه دیگر ملئلرده دخی بولونابیلیرسه ملت اسلامیه ده بونلره رعایت جمله ملئلردن زیاده وهمان اسلامیتک رکن اعظمی کی بر مزیت عالییه در. زیرا ؛ اسلامیتک علو جنبندن اولمق اوزره بخلک الک زیاده مذموم بر خصلت دنییه اولدیغنی وحق بخلک صاحبی جهنمه قدر آلوب کوتوره جکفی بیان ایدن آیات بیناته واحادیث نبویاته ایمان ایدن مؤمن البته فقرایه حرمت و یوجلیره رعایت ایدر و بوفعلندن شوآیت و بونک امثالی آیتلر ایجابی ثواب ایستر و عبادت نیتله رعایت ایدر. چونکه ؛ احکام اسلامیه بونلرک عبادت اولدیغنی و بونلرله رضاء باری بی آرامق لازم کلدیکفی بیان اتمشدور. بناء علیه ؛ هانکی اسلام مملکتسه وارلسه وهانکی مؤمنه مسافر اولونسه ممکن اولدیغنی قدر مسافر اولان کیمسه بر حرمته نائل ازلور. بر جوق بلده لرده آز جوق بر ثروته مالک اولان کیمسه لرک مسافر خانه لری بولونور و ککن مسافری رد ایتمز قبول ایدر، ییدیرر و ایجیرر و راحت ایتدیرر، بدلنده پاره آلمغه تنزلده ایتمز و آنحق رضاء باری بی امید ایدر و اجر تی اللهم ایدر، دنیا ده و آخرتده جناب حق ده اجرینی ویرر. اما آورو یا عادتق تحسین ایدنلر و احکام شرعیه دن غافل اولانلر بو کی عادات اسلامیه بی قیسیح و انسانلری بخل کی بر دنائته ترغیب ایتمکدن چکینمز لر، لکن احکام اسلامیه ایمان ایدن مؤمنه آنلرک سوزی اصلاً تأثیر ایتدیکندن دنیا ده امکلری ضایع اولدیغنی کی آخرتده دخی وزرو و بالدن خالی قالمازلر. شو حالده بو مثللو کیمسه لر عادات اسلامیه دن تجرد ایتدکلی کی حس انسانیدن دخی تجرد ایتمشلردور. زیرا ؛ انسانلرده، حرمتی و کندیته رعایتی سومک جبلی برشیدر. بونی سومه ین البته حس انسانیدن مجرد در.

بو آیتده خطاب ؛ رسول الله ایسه ده رسول الله خطاب امتنه دخی خطاب اولدیغنی جهنمه اقریایه و فقرایه و مسافر لره رعایت ایتمکله خطاب ؛ عموم مشاملدر. شو بیان اولونان اوج صنف انسانلره رعایت فلاحه سیدر و بونلرک فلاحه سبب اولدیغنی بیان ؛ باشقه عمللرک فلاحه سبب اولسنه مانع دکدر.

..

واجب تعالی اقربا و فقرا و مسافره رعایتله امر ایتدکدن سوکره آز و ربوب مقابلنده جوق کوزه تمک جائز اولمادیغنی بیان ایتک اوزره ﴿ وَمَا آتَيْتُمْ مِنْ زَبَاٍ لَّيْزُ بَاٍ فِيْ اَمْوَالِ النَّاسِ فَلَا يَزْبُوْا عِنْدَ اللّٰهِ ﴾ بیوریور.

[ اموال ناسدن زیاده آلق ایچون ویرمش اولدیغکز عطیه عندالله زیاده اولماز. ]

﴿ وَمَا آتَيْتُمْ مِنْ زَكٰوةٍ تُرِیْدُوْنَ وَجْهَ اللّٰهِ فَاُولٰٓئِكَ هُمُ الْمُضْعِفُوْنَ ﴾

[ اما اللهم رضاسنی مراد ایدرک ویرمش اولدیغکز زکات عندالله زیاده اولور. بناء علیه ؛ رضاء باری ایچون عطیه ویرنلر عطیه لرینک اجر لرینی آخرتده اضعاف مضاعف آلیرلر و دنیا ده ماللری برکتدن و تلفدن محفوظ قالیر. ]

یعنی ؛ ناسک اموالی جلب ایتک ایچون آز و ربوب جوق آلانلرک عندالله اجری اولمادیغنی کی دنیا ده مالک برکتی دخی اولماز. چونکه آز و ربوب جوق آلق ربا اولوب رباده حرام اولدیغندن هیچ بر زمان ربانک قاریشیدیغنی مالده یمن و برکت اولماز، بلکه اصل مالک تلف اولسنه سبب اولاجغه بر جوق آیتلر واحادیت نبویه دلالت ایدر. اما الله تعالی نک رضاسنی تحصیل ایچون مالی صرف ایدنلر و بالخاصه فرض اولان زکاتی رضاء السهی بی مراد ایدرک ویرنلر و ایشته بونیتله مالی مصرفه صرف ایدنلر اجر لرینی قات قات آلیرلر. بناء علیه ؛ آخرتده صدقه لرینک اجرینی فضله سیله آلدق لری کی دنیا ده دخی او صدقه ماللرینک نشو و نما سنه و آفتدن محفوظ قالمسنه سیدر.

طبریده و خازنده بیان اولوندیغنی وجهله آیتدن مقصد ؛ زیاده عرصه کوزه تمک ایچوره هبیه و برمک معناسنه اولمق محتملدر. بوکا نظراً معنای آیت ؛ [ سزک اموال ناسدن زیاده آلق قصدیه و یردیگکز هدیه نک عندالله اجری اولماز. چونکه ؛ الله تعالی نک رضاسنی ایچون ویرمه یوب متعابله زیاده بر شی آلق ایچون ویرلدیگندن املی دنیا یه منحصر اولدیغنی جهنمه دنیا جهه آلدیغنی کاریدر. آخرتده آله برشی کچمز. اما زکاتدن اللهم رضاسنی ایچون ویریلن شیئک اجرینی اضعاف مضاعف آلیر ] دیمکدر. نیتسابورینک بیانه نظراً آیت ؛ هبه و یا خود زیاده عوض آلق قصدیه هدیه حقه ده نازل اولمش و زیاده



عوض آلق قصديله هديه ويرمك مباح اولسه بيله آخرتده اجرى اولماياجغنى جناب حق  
— بو آيتله بيان بيورمشدر .

خلاصه ؛ رضاء بارى بى قصد ايتمكسزين دنيا امنيه سيله ويريلن شى كرك صدقه  
اولسون و كرك هديه اولسون آخرتده اجر اوليه جنى و اكر ريا اولورسه آخرتده اجر  
اولماق له برابر عذابده اولاجنى ولوجه الله ويريلن صدقه نك دنيا ده و آخرتده اجرى قات  
قات فضله اولاجنى بو آيتدن مشتفاد اولان فوائد جمله سنددر .

..

واجب تعالى انسانلرك على حسن نيته مقرون اولمى لازم اولديغنى بياندن صوكره  
انسانلرى اولدكدن صوكره احيا ايدمكجنى بباله حسن نيته و اخلاصه ترغيب ايتمك اوزره  
﴿اللّٰهُ الَّذِى خَلَقَكُمْ ثُمَّ رَزَقَكُمْ ثُمَّ يُمْسِكُكُمْ ثُمَّ يُنْحِيكُمْ﴾ بيوربيور .

[ الله تعالى شول واجب الوجوددركه ابتداء سزى ايجاد ايتدكدن صوكره رزقكزى  
ويردى صوكره سزى اولدوردكدن صوكره احيا ايدر . ]

﴿هَلْ مِنْ شَرِكائِكُمْ مَنِ يَفْعَلُ مِنْ ذَلِكُمْ مِنْ شَيْءٍ﴾

[ اى — مشركار ! سزك شريكريكزدن واللهم شريكدر ديهرك عبادت ايتديككز  
معبودلريكزدن شو بيان اولونان شيلردن هيچ برينى ايجاد ايتمك و رزق ويرمك و اولدورمك  
واحيا ايتمكدن برينى ايشله ين و ياپاييلن وارميدر ؟ بونلردن هانكيسنى يايغنه اقتدارلرى  
واركه عبادت ايدر سكز ؟ ]

﴿سُبْحَانَهُ وَتَعَالَى عَمَّا يُشْرِكُونَ﴾

[ الله تعالى مشركلرك شركلردن تنزه ايتدى و آنلرك اسناد ايتدكلرى شيلرك جمله سنددر  
على و برى اولدى . ]

يعنى ؛ الله تعالى سزى ايجاد و رزقكزى ويرمك و اولدوروب صوكره احيا ايتمك

قادر در . سزك شرك ايتديككز شيلرك بونلردن هيچ برينه قادر اولانى وارميدر ؟ البته  
بو قدر . شو حالده جناب حق سزك اسناد ايتككزك جمله سنددر منز و عاليدر .

..

واجب تعالى ذات الوهيتك شريكدن منز اولديغنى بياندن صوكره شركك وساير  
كناهلرك عالمك فسادينه سبب اولاجغنى بباله انسانلرى كناهلردن تهديد ايتمك اوزره  
﴿ظَهَرَ الْفَسَادُ فِي الْبَرِّ وَالْبَحْرِ بِمَا كَسَبَتْ أَيْدِي النَّاسِ لِيُذِيقَهُمْ بَعْضَ الَّذِى

عَمِلُوا لَعَلَّهُمْ يَرْجِعُونَ﴾ بيوربيور .

[ ناس كندى آلريله كسب ايتدكلرى عمللرينك بعض جزاسنى طادوبده فنا  
عمللردن رجوع ايتلرى ايچون كسب ايتدكلرى كناهلرى سبيله درياده و قردهده فساد  
ظهور ايتدى . ]

يعنى ؛ ناسك كندى آلريله كسب ايتدكلرى كناهلرى سبيله درياده و قردهده قحط  
و غلا و بر و بيا باند و اولرك و اكينلرك بيشمه مسى و ميوه لرك آفات و اوغرامسى و حيوانانك  
تلف و انسانلرك خسته لغه مبتلا اولمى كى بر طاقم فساد ظهور ايتدى كه ناس بعض  
عمللرينك جزاسنى كورسونلر . مأمول كه ايشله دكلرى كناهلردن رجوع ايدر لرده  
كور دكلرى جزا ؛ حاللرينى اصلاحه سبب اولور .

بيضاوينك بيانى وجهله جزانك تمامى و مكمللى آخرتده اولاجغنه و دنيا ده انسان نه  
قدر كناهنك جزاسنى كورسده جزاسنك بعضيسنى كورمش اولاجغنه اشارت ايچون  
واجب تعالى بو آيتده ناسك كناهلرى مقابلنده كورده جكارى جزا نه قدر بويوك اولسه  
آخرته نسبتله بعض اولديغنى بيان بيورمشدر . فساده مراد ؛ قحط و غم و ياغمورك  
آزلفى ، يانفيناك وساير آفاتك مورقلفى ، بركتك بورقلفى ، ظلم و نصيبك زامرى رضوانك  
تكريم . بناء عليه ؛ زمانمزده بو آيتك سزى تماميله ظهور ايتديكى جمله نك معلومى  
بر حقيقه قدر . چونكه ؛ ناسك ديانت جهتدن احوالى تبدل ايتديكى و انواع فسادك ميدان  
الديغى و غلارك بوتون بلادى استيلا ايتديكى و نعمتلكر كليسند بركتك زائل اولديغى



و برچوق اسبابلرله حیواناتك و نفوس بشریهك تلف اولدیغی انکاری غیرقابل برر حقیقتدر  
و بونلرك جمله سنه انسانلرك ایشله دكلى كناهلى سبب اولدیغی جناب حق بو آیتده بیانله  
قوللری معصیتدن تنفیر ایتشدرد .

..

واجب تعالی انسانلرك كناهلى سببيله فسادك ظهورینی بیاندنصكره كناهكارلره  
امثاللریك هلاك اولدقلری بیانه كناهه اصرار ایتدكلى صورتده آنلر كی بونلركده  
هلاك اولاجقلری بیان ایتك اوزره ﴿ قُلْ سِيرُوا فِي الْأَرْضِ فَانظُرُوا كَيْفَ كَانَ  
عَاقِبَةُ الَّذِينَ مِنْ قَبْلُ ﴾ بیوریور .

[ حییم ! سن مشركلره دی كه « یر یوزنده سیر ایدك باقك خرابه لرینه كورك كه  
سزدن اول كچنلرك عاقبتلى نصل اولدی . » ]

﴿ كَانَ أَكْثَرُهُمْ مُشْرِكِينَ ﴾

[ « اول كچنلرك اكثری سرك كچی مشرك اولملردی . » ]

یعنی ؛ حییم ! شرك اوزره اصرار ایدن كافرله كندیلری كی مشركلرك حاللری  
بیانه ارشاد ایچون سن دی كه « سز سیر و سقر ایدك یر یوزنده ، نظرایدك كورك كه سزدن  
اول كچن مشركلرك هلاكی نصل اولدی و آنلرك خرابه لرندن عبرت آلك . چونكه ؛  
شركلى و كناهلى سببيله آنلر نصل هلاك اولدیلسه سركده آنلر كی هلاك اولاجكسزده  
شبه ایتیهك . »

فخر رازینك بیانی وجهله شرك هلاك سبب اولدیغی كی سائر كناهلرك دخی هلاك  
سبب اولدیغنه اشارت ایچون بو آیتده واجب تعالی هلاك اولان امتلرك اكثری مشرك  
اولدیغی بیان ایتدی كه مشرك اولمایانلرك دخی سائر فسق و فجور سببيله هلاك اولدقلری  
اشارتدر . مثلاً یهوددن اصحاب سبت مشرك اولماقلری حالد یوم سببه رعایت حقنده  
امر الهی به مخالفتلرندنطولای هلاك اولملردر . شو حالد هلاك سبب یالكز شرك

اولمایوب شر كدن ماعدا كناهلرك دخی هلاك سبب اولدیغی بو آیتدن مستفاد اولان  
فوائد جمله سنددر .

..

واجب تعالی كفرك هلاك سبب اولدیغی بیانه كفرن تنفیر ایتدكدن صكره  
مؤمنی ایماننده ثباته و دوامه تشویق ایتك اوزره ﴿ فَأَقِمْ وَجْهَكَ لِلدِّينِ الْقَيِّمِ مِنْ  
قَبْلِ أَنْ يَأْتِيَ يَوْمٌ لَا مَرَدَّ لَهُ مِنَ اللَّهِ يَوْمَئِذٍ يُصَدِّعُونَ ﴾ بیوریور .

[ الله تعالی نك رد ایتیهكی و البته اراده الهیه تعلق ایتدیكی جهته و قوعی محقق  
اولان قیامت كونی كمردن اول دین اسلامی اقامیه و یوزیكی اوطریق استقامت اولان  
دینه توجیه دوام ایت كه او كون كلدیكنده ناس فرقه فرقه اولاجقلا . ]

﴿ مَنْ كَفَرَ فَعَلَيْهِ كُفْرُهُ وَمَنْ عَمِلَ صَالِحًا فَلَا نُفْسِهِمْ يَمْهَدُونَ ﴾

[ زیرا ؛ كفر ایدنلرك كفری كندی مضرتلرینه در و ایمانه عمل صالح ایشله ینلرك  
عمللری كندی منفعتلری ایچون استراحت ایدهك محل حاضرلارلر . ]

یعنی ؛ حییم ! طریق توحیددن چیقان افكار فاسده اربابنك عاقبتلى وخیم اولونجه  
بزم طرفزدن عدالتی اقامه ایتك اوزره نازل اولان دین مینه یوزیكی توجیه ایتكده دوام  
و عدالت اوزره او دینك احكامی اقامیه دوام ایت شول كون كگذدن اول كه او كون  
البته طرف الهیدن كه جكد و اصلا ردی ممكن دكلدر . زیرا ؛ كلمسه اراده الهیه تعلق  
ایتدیكندن البته وقوع بولاجقدر و او كونده ناس عمللریك مقتضای اولارق فرقه لره  
طاعیلاجقلردر . بناء علیه ؛ اكر بر كیمسه كفر ایدرسه كفرینك ضرری كندی  
علیه در و آنك كفرندن حاصل اولاجق و بال غیره تجاوز ایتمز . شو حالد اهل كفر  
آری برفرقه اولور و اكر بر كیمسه عمل صالح ایشلسه عملنك ثوابی كندینه عائد اولدیغندن  
آنك ثوابندن ديكری مستفید اولماز . بناء علیه ؛ مؤمنلره آری برفرقه اولور و مؤمن  
اولان فرقه ایمانه برابر عمل صالحلری سببيله نفسلریك راحت ایچون قبرلرنده و جتنده  
یانا جق محل حاضرلارلر و عمللریله او محلی تسویه ایدرلر .



بیضاویںک بیانی وجهله کفرک ضرری آنجق کافره وایمانک منفعتی آنجق مؤمنه اولوب مضرت و منفعتک غیره تجاوز ایتیه جکنه اشارت ایچون آیتده کرک کافره متعلق فقرده و کرک مؤمنه متعلق اولان فقرده ظرفلری تقدیمله کافر حقنده (فعليه کفره) یعنی «کفری آنجق کندینه در» و مؤمنلر حقنده (فلا تقسمهم یهدون) یعنی «آنجق کندی نفسلری ایچون یر حاضرلارلر» دنیلمشدر.

ردی ممکن اولمایان کونله مراد؛ یوم قیامتدر. چونکه؛ قیامته اراده الهیه تعلق ایتدیکندن البته واقع اولاجقدر. بناء علیه؛ هیچ برکیمسه طرفدن رد اولونوب کیری قوناماز و اوکونده ایمان فائده ایتدیکنه اشارت ایچون واجب تعالی اوکون کلزدن اول دینی اقامه ايله امر ایتمشدر. زیرا دار آخرت؛ دار جزا اولدیغندن اوکونده تکالیف الهیه ساقطدر که ایمان و عمل مقبول دکارلر. رسول الله خطاب امتنه خطاب اولدیغی جهته آیتده خطاب؛ امتک هر فردینه شاملدر.

\* \*

واجب تعالی قیامتک البته قائم اولاجغنی بیاندن صوکره قیامتک قائم اولسنده کی حکمت واسراری بیان ضمتده ﴿لِيَجْزِيَ الَّذِينَ آمَنُوا وَعَمِلُوا الصَّالِحَاتِ مِنْ فَضْلِهِ إِنَّهُ لَا يُحِبُّ الْكَافِرِينَ﴾ بیوریور.

[ایمان ایدن و عمل صالح ایشله یین کیمسه لری فضل و کرمندن کوزل جزا ايله جزالاندیرمق و کافرلری کفرلری سببيله فنا جزا ايله جزالاندیرمق ایچون یوم قیامت قائم اولاجقدر. زیرا؛ الله تعالی کافرلره محبت ایتمز.]

یعنی؛ قیامت البته واقع اولور رد اولونماز که الله تعالی ایمانله عمل صالحه موفق اولان قوللری فضل و کرمندن کوزل جزا ايله و کافرلری کفرلرینجی ایجاب ایتدیکی جزا ايله جزالاندیرسون. چونکه؛ الله تعالی کافرلری سومز. زیرا؛ آنلری ارشاد ایده جک رسول و کتاب کادیکی حالده ایمان ایتدیلمز. جزادن مقصد؛ حسن جزا اولدیغنه اشارت ایچون فضلندن مؤمنلری جزالاندیره جغنی ذکرله کافرلرک جزاسنی

ذکردن اکتفا و کافرلری سومدیکنی دخی علاوه ايله سوء جزانک مقصد اصلی اولادیغنه اشارت ایتدی. اللهم سومدیکنی بیان؛ بغض و غضبک نهاییه سیدر. عبدک عملنه ثواب؛ استحقاقنک قات قات فوقنده اولدیغنه اشارت ایچون اجر و مثوبات، فضل الهی اولدیغنی بیان ایتمشدر. چونکه؛ عبد هر نه قدر عابد و زاهد اولسه دینه عنایت الهیه محتاجدر.

\* \*

واجب تعالی فساد و هلاک معصیت سببيله اولدیغنی بیاندن صوکره صلاحک ظهوری بیان ایتک اوزره ﴿وَمِنْ آيَاتِهِ أَنْ يُزِيلَ الرِّيَّاحَ مُبَشِّرَاتٍ وَلِيَذِيقَكُمْ مِنْ رَحْمَتِهِ وَلِتَجْزِيَ الْفُلُكُ بِأَمْرِهِ وَلِتَبْتَغُوا مِنْ فَضْلِهِ وَلَعَلَّكُمْ تَشْكُرُونَ﴾ بیوریور.

[الله تعالی نک قوللرینه رحمت و رافقی جمله سندندر: انواع رحمتی مژده جی اولدقلری حالده روزکارلری کوندرمسی. سزه بعض رحمتی طادیرمق و امر الهیسی وجه اوزره دریاده کیلر یورومک و فضل الهیدن رزقکزی طلب ایتک ایچون سزه مژده جی روزکارلری کوندردی که لطف الهیدن مستفید اولاسکز و بوتلرک جمله سنی سزک شکر ایتکمز ایچون سزه احسان ایتدی.]

یعنی؛ اللهم قدرته دلالت ایدن علاماتی جمله سندندر: منافعه کزه خدمت ایده جک روزکارلری سزه کوندرمسی. چونکه؛ الله تعالی نک رحمتک نزولنی و فضل و احسانک وصولنی و یا غمورلر سببيله بوللق و اوجوزلق اولاجغنی سزه مژده ایدن صباح و شال و قبله روزکارلری سزه مژده جی اولارق کوندرر که اوروزکارلر سزک انواع راحت و نعمتکزی مبشر و سزک ایچون اماره صلاحدر که آنلر سببيله جناب حق سزه بعض رحمتی طادیرسون و کندی امری وجه اوزره دریاده کیلر جریان ایتسون و سز اوکیلر واسطه سبيله فضل الهیدن رزقکزی آرایک و نائل اولدیغکز نعمتک شکرینی ادا ایدک.

روزکارلرک انسانلر حقنده عین نعمت اولدیغنی جناب حق بو آیتده بیان ایتمشدر. چونکه؛ فخر رازینک بیانی وجهله اکر روزکار اُسمه مش اولسه تعفاتک ظهوريله



خسته لق پیدا اولور و امراض تکثر ایدر و امراضک کثرتیلده انسانلرک یا شایه میه جفی آشکاردر . بناء علیه ؛ ریح صبا و پوراز و اوکله روز کارلری انسانلرک منفعتلرینه خادم و عالمک صلاحنه بادی اولان الطاف الیه جمله سنددر . شو حالده سزی برچوق فالقلردن محافظه ایتک و طرف الیه فیضان ایدن رحمتدن سزه طادیرمق و مقتضای امری اوزره کمیلرک جریانی و سزک صورت مشروعهده رزقکزی آرامکزی ایچون شو بیان اولونان روز کارلری سزه کوندردی که شونعمتله شکر ایده سکز .

کره ارضده هر کسک بولوندیغی موقعه نسبتله درت جهت واردر که آنلرده شرق ، غرب ، شمال و جنوبدر . بونلردن هریری برروز کارک محلیدر . بناء علیه ؛ ریح صبانک موقعی و مجراسی شمر قدر و وجود انسانه غایت نافعدر . قبله روز کارینک موقعی بزلره نسبتله جنوبدر و اکثر قبله روز کاری یا غموره مقدمه اولور . پوراز دنیلن روز کارک موقعی و مجراسی شمالدر و فوائد عظیمه سی واردر . حاصلاته غایت نافع و وجود انسانده زنده لک ویرر و ریح دبور که مغربدن اسر . بوروز کار هر شیئه مضردر ؛ حاصلاتی قوروتور و انسانلرک اعصابی کوشه تیر و عذاب روز کاریدر . بناء علیه ؛ غضب الیه هلاک اولان ملتلرک اکثریسی بوروز کارله هلاک اولمشدر . شو حالده بو آیتده مبشر اولدیغی بیان اولونان روز کارله مراد ؛ غرب روز کارینک باقمسی اولدیغی مفسرینک جمله بیاناتلرنددر .

خلاصه ؛ روز کارلرک قدرت الیه و وحدانیت سبحانیه دلالت ایدر علامت جمله سندن اولدیغی و روز کار سبیلله حاصل اولان نعمتلردن انسانلرک طامسی و دریاده کمیلرک جریانی و بوسیلله حاصل اولان فضل الیه انسانلرک رزقی آرامسی حکمتنه مبنی جناب حقک روز کارلری مبشر اولارق کوندرمسی و بونلرک جمله سی شکره شایان نعمت الیه دن اولدیغی بو آیتدن مستفاد اولان فوائد جمله سنددر .

\*\*\*

واجب تعالی وحدانیتنه دلالت ایدن بعض دلیللری بیاندن صکره نبوته متعلق بعض مسائل و انبیاء سابقه نیک امتلرله وقوع بولان مباحثدن بعضیسی بیانه رسولانی تسلیه ایتک اوزره ﴿وَلَقَدْ أَرْسَلْنَا مِنْ قَبْلِكَ رُسُلًا إِلَى قَوْمِهِمْ﴾ بیوریور .

[ ذات الوهیتمه یمین ایدرم که حییم ! سندن اول بز کندی قوملرینه برطاقم رسوللر کوندردک . ]

﴿جَاؤُهُمْ بِالْبَيِّنَاتِ﴾

[ بز رسوللری کوندرنجه او رسوللر امتلرینه معجزه لرله کلدیلر . ]

﴿فَاتَّقَمْنَا مِنَ الَّذِينَ أَجْرُ مُوَا﴾

[ رسوللر معجزه لرینی اظهار ایدوب امتلرینی دین حقه دعوت ایدنجه شول کیمسه لردن بز انتقام آلدق که آنلر رسوللرینی تکذیبله جرم و جنایت ارتکاب ایتدیلر . ]

﴿وَكَانَ حَقًّا عَلَيْنَا نَصْرُ الْمُؤْمِنِينَ﴾

[ حالبوکه مؤمنلره یاردیم ایتک بزم اوزریمزه حق و ثابت اولدی . ] بناء علیه ؛ مؤمنلرک دشمنلردن انتقام آلوب هلاک ایتمکه بز آنلره یاردیم ایتدک . زیرا ؛ اهل ایمانه یاردیم ایتکی بز وعد ایتدک و اراده من تعلق ایتدیکندن آنلره یاردیم لازم اولدی .

تفسیر خازنده بیان اولوندیغی وجهله بو آیتده رسول اللهک عاقبت دشمنلری اوزرینه غلبه ایدوب ظفریاب اولاجغنه اشارتله جناب حق رسولنی تسلیه بیورمشدر . چونکه مؤمنلره نصرت ؛ رسولنی نصرتله تبشیر ایتمکدر . جناب حق مؤمنلره یاردیم ایده جکنی بیانه مؤمنلرک بربرلرینه دخی یاردیم ایتلری لازم اولدیغنه اشارت ایتمشدر . بیضاوی و خازنک بیانلرینه نظراً ( ابوالدرداء ) حضرتلرینک رسول اللهدن روایت ایتدیکی بر حدیث شریفده بو معنایی تأیید ایدر . زیرا ؛ رسول الله « بر مسلم دیگر مسلم برادرینک عرض و ناموسنه طوقونا جق سوزی رد ایتمکه معاونت ایدر سه جهنم عذابنی او کیمسه دن رد ایتک الله تعالی اوزرینه حق اولور » بیوردقن صوکره بو آیتی تلاوت ایتدیکی مرویدر . خلاصه ؛ جناب حقک رسول اللهدن اول کندی قوملرینه برچوق رسوللر کوندردیکی

واو رسوللرک کندی قوملرینه آچیق معجزه لرله کلدکلری و رسوللرینی تکذیبله جرم ارتکاب ایدنلردن جناب حقک انتقام آلاینی و مؤمنلره یاردیم ایتک واجب تعالی اوزرینه حق اولدیغی بو آیتدن مستفاد اولان فوائد جمله سنددر .

\*\*\*



واجب تعالی روزگارک قدرت الهیه به دلالت ایدن علامات جمله سندن اولدینی بیانن صوکره روزگارلرک قدرت الهیه به دلالت ایتدیکی جهتلری تفصیل ایتک اوزره ﴿اللّٰهُ الَّذِي يُرْسِلُ الرِّيَّاحَ فَتُثِيرُ سَحَابًا فَيَنْسُطُهُ فِي السَّمَاءِ كَيْفَ يَشَاءُ﴾ بیوریور . [ الله تعالی شول قادر مختاردرکه کندی لطفندن روزگارلری کوندرر او روزگارلر بخار و دومانلری تحریک ایدرک بعضیلرینی بعضیلرله امتزاج ایتدیرر . حتی آنلر صیقیشیر بلوط حالنی کسب ایدرلر و روزگارلر او بلوطلری تحریکله جناب حق دیله دیکی وجه سمانک یوزینه دوشر . ]

﴿وَيَجْعَلُهُ كَسَفًا﴾

[ والله تعالی او بلوطلری اینجه و قالین و اوزون و قیصه سمانک یوزنده پارچه پارچه قیلار . ]

﴿فَتَرَى الْوَدْقَ يَخْرُجُ مِنْ خِلَالِهِ﴾

[ بلوطلری دوشه یوب جو سمانی احاطه ایتدکن صوکره سن کوررسک که یاغموور دانهلری او بلوطک آره لرندن چیقار . ] ایشه کرک سمانک یوزنده عجیب شکله بلوطک کورولمسند اولسون و کرک بلوطک آره سندن رحمت دانه لرینک دو کولمسند اولسون جناب حقک فاعل مختار اولسنه دلالت واضح واردر .

﴿فَإِذَا أَصَابَ بِهِ مَنْ يَشَاءُ مِنْ عِبَادِهِ إِذَا هُمْ يَسْتَبْشِرُونَ﴾

[ و او یاغموور صولرندن جناب حقک دیله دیکی قوللرینه اصابت ایتدیکند برده کوریلور که آنلر مسرور اولورلر . چونکه ؛ یاغموورک یاغمنی اوجوزلق و بولغه علامت عد ایتدکلرندن رحمتک یاغمنی بشارت صایارلر . ]

﴿وَإِنْ كَانُوا مِنْ قَبْلِ أَنْ يُنْزَلَ عَلَيْهِمْ مِنَ قَبْلِهِ لُمُسِينَ﴾

[ حالبوکه آنلر کندی مرعی و مزرعلری اوزرینه یاغموور نازل اولمازدن امیدلرینی کیمشلدی . ] چونکه ؛ بر مدت رحمتک انقطاعدن یاسه دوشمک و تلاشی آرتیرق

انسانلرده عادتدر . بناءً عليه بو آیتک مضمونه ماصدق اولق ؛ اکثر انسانلرده وبالخاصه یاغمووره احتیاج فضله اولان بلده لر اهاالیسند کورولمکده در . زیرا ؛ رحمتک نزولی برآز زمان کسینجه امیدسزلکه دوشمک انسانلرده طبیعت ثانیه کی اولمشدر . طبرینک بیانی وجهله ﴿کسفاً﴾ (قطعاً) معناسنه در . یعنی « سمانک یوزنده جناب حق بلوطلری قطعه قطعه قیلار که اوافق و بویوک طاغیر کی کوریلور » دیمکدر . و دق ؛ یاغموور دانه لر برکه بلوطک آره لرندن دو کولور . (لمبلسین) امیرسن اولورلر دیمکدر . چونکه مبلس ؛ برشیرنه امیرینی کسمکدر .

\*\*\*

واجب تعالی رحمتی انزالنک کیفیتنی بیانن صوکره رحمتک نزولنک حشری اثباته مقدمه اولدینی بیان ایتک اوزره ﴿فَانْظُرْ إِلَىٰ آثارِ رَحْمَتِ اللَّهِ كَيْفَ يُخْفِي الْأَرْضَ بَعْدَ مَوْتِهَا إِنَّ ذَٰلِكَ لَخَفِي الْمَوْتِ وَهُوَ عَلَىٰ كُلِّ شَيْءٍ قَدِيرٌ﴾ بیوریور .

[ الله تعالی نک قوللری اوزرینه هر زمان وقوع بولمقده اولان عنایتنی کورونجه ای مکلف اولان انسان ! سن رحمت الهیه نک اثرلرینه نظر ایت باق که بر یوزی قوروبوب اولمش جسد منزله اولدقن صوکره نصل احیا ایدر و اوتلری و اکتیری بیتیرمکه نصل یاشارتیر و بر یوزی کوزلاکنی نصل طاقینیر . ایشه شو ارضی احیا ایدن الله تعالی آخرتده موتایده احیا ایدر . حالبوکه الله تعالی هر شیه قادردر . ]

یعنی ؛ قورومش و روحسنر جسد منزله اولان ارضی رحمتله دولو اوتلر و چیچکلرله تزین ایتمکه قادر اولان جناب حقک اولدکن صوکره انسانلری احیا ایتمکه قادر اولدینی اولویتله ثابتدر . زیرا ؛ ارضده حیاتی خلق ایدن جناب حق اجزاء انسانده دخی حیاتی خلق ایدر . چونکه ؛ قدرت الهیه نک تأثیری جمله ممکنانده مساویدر . برنده اجرا ایتدیکی عین تأثیری دیگرنده دخی اجرا ایدر .

\*\*\*



واجب تعالى انسانك ثباتسز لغی بیان ایتك اوزره ﴿وَلَئِنْ أَرْسَلْنَا رِيحًا فَرَّاقُوهُ مُصْفَرًّا لَّظَلُّوا مِنْ بَعْدِهِ يَكْفُرُونَ﴾ بیوریور.

[ ذات الوهیمه یمین ایدرم که اگر بز مضرتلی روزکار کوندردده آنلرده اوتلرینی واکینلرینی صارارمش کورورلرسه آنلر اکیئلری صاراردقندن صوکره کفر ایدر واولجه ویردیکمز نعمتلك جمله سنی درحال انکار ایدرلر . ] چونکه ؛ حاللرنده ثبات وقلبلرنده اطمئنان یوقدر .

﴿فَإِنَّكَ لَا تَسْمَعُ الْمَوْتَى وَلَا تَسْمَعُ الصَّخْمَ الدُّعَاءَ إِذَا وَلَّوْا مُدْبِرِينَ﴾

[ زیرا ؛ حییم ! سن اولمش اولان کیمسه لره سوز ایشیتدیره مزسك . چونکه آنلرك حق ایشیتمکدن بوتون حسیاتلری قابلی اولمش موتی منزلنده لردر . بناء علیه ؛ آنلره سوز دیورمق احتمالی یوقدر وسن ، صاگیرلر آرقه لرینی دونوب کیتدکلری زمان او صاگیرلره چاگیرمقی ایشیتدیره مزسك ونه قدر چاگیرسهك باگیرسهك آنلر دیومادقلری کبی کافرلرده حق سوزی دیومازلر . ]

﴿وَمَا أَنْتَ بِهَادٍ الْعُمَى عَنْ ضَلَالَتِهِمْ﴾

[ حالبوکه یا اکرمرسل ! سن کورلری ضلالتلرندن قورتاریجی اولماك . ]

یعنی ؛ کافرلر خیرلی روزکار اسوب یا غمورلر یا غدیغنده مسرور ویا غمور کسینلنجه درحال مایوس اولورلر . چونکه ؛ حاللرنده ثبات یوقدر . بناء علیه ؛ ذات الوهیمه یمین ایدرم که بز آنلرك حاصلاتلرینه ضرر ویرهك روزکار کوندروبنده حاصلاتلرینی یانمش و صارارمش کورونجه حاصلات صاراردقندن صوکره آنلر درحال کفر ایدر واولجه ویردیکمز نعمتلك بالکلیه انکار ایدرلر . چونکه ؛ اللهه اعتمادلری یوقدر . زیرا ؛ آنلر بوتون ادرا کدن عاری موتی منزلنده اولدقلرندن حییم ! سن اولمشلره سوزطویورمه مازسك وسوز سویلهك کیمسه یه آرقه لرینی دونهك کیدن صاگیرلر سوزی وچاگیروب باگیرمقی ایشیتمزلر که سن کافرلره سوزیک ایشیتدیره سك . حالبوکه ای رسول ذیشان ! یولدن چیقمش اولان کورلری سن طوغرو یوله قویامازسك .

ریحاً؛ مضر اولاره روزلاره وریاحاً؛ نافع اولاره روزلاره اطلاق اولوندیغندن آیتده (ریحاً) مضر اولاره روزلاری کوندروبنمزدده آنلر کفر ایدرلر دیمکدر . رسول اللهك (اللهم اجعلها ریحاً ولا تجعلها ریحاً) قول شریفی ده ریح ؛ منافعی متضمن اولان روزکارلره وریح ؛ مضرتی متضمن اولان روزکاره دنیلدیکنه دلالت ایدر . زیرا ؛ حدیثك معنایی « یارب ! روزکارلری بزم ایچون منافعی متضمن ریح قیلده مضرتی متضمن اولان ریح قیلدا » دیمکدر . چونکه ؛ فخر رازینك بیانی وجهله منفعتی اولاره روزلارك انواعی جوره اولدیغندره جمع لفظیله ریح وارد اولور . اما مضرتی متضمن اولاره روزلار غایت آز اولدیغندره مفرد لفظیله ریح وارد اولور . زیرا منفعتی اولان ؛ هر بلده ده وهر زمان اولور حق آز بر مدت کسیدیکنده درحال بر صیقنتیک عارض اولدیغی ده میدانده بر حقیقتدر . اما مضرتی اولان ؛ بعض بلده ده و بعض زمانده اولور .

آیت جلیله ده حق دیویمایان کیمسه لری صوك درجه ذم واردر . زیرا ، ایشیتمك شانندن اولمایان موتایه وایشیتمك حسندن محروم اولان صاگیرلره تشبیه اولونمشلردر . فی الحقیقه حق قبول ایتمه یین معندلره سوز دیورمق ودیکه تمك امکافی اولماز . حتی صاگیرلره دیورورولاییلر ولکن معندلره دیورورولماز . چونکه ؛ باطلی حق اعتقاد ایتدیکندن هر نه سویلرسهك فائده ایتمز .

\*\*

واجب تعالى اهل شرك حق ایشیتمدکلرینی بیاندنصرکه حق ایشیتدنلرك آنحق اهل ایمان اولدیغنی بیان ایتك اوزره ﴿إِنْ تَسْمِعُ الْإِمْنِ يُؤْمِنُ بِأَيَاتِنَا فَهُمْ مُسْلِمُونَ﴾ بیوریور .

[ حق ایشیتمز ، آنحق بزم آیتلریزه ایمان ایدن کیمسه لر ایشیتیلرلر . زیرا ؛ آنلر مطیع مسلمانلردر . ]

یعنی ؛ حق ایشیتدنلر آنحق مؤمنلردر . چونکه آنلرك ایمانلری ؛ ایشیتدکلری سوزك معناسی دوشونمکه وحق اولدیغی صورتده قبوله سوق ایدر . بناء علیه ؛ آنلر



سویله ن سوزی دیکلر وموجیله عمل ایدرلر. زیرا؛ قیلرنده اولان اعتقاد حق وتوکل تام آنلری دائماً حقه سوق ایدر. بناء علیه؛ آنلرک قیلرنده اولان اعتقاد حق میوه ویرن آغاج کبی دائماً افعال حسنه واعمال صالحیه سبب اولورکه اعتقادی اولمایندن اصلاً خیرصادر اولماز. چونکه؛ قیلده هر درلو خیراتک کوکی مثابه سنده اولان اعتقاد یوقدرکه میوه ویرسون. شوالده اعتقاد حقندن محروم اولانک اعمال صالحه دنده محروم اولدیغنده شبهه یوقدر.

\*\*

واجب تعالی حق قبول ایتمه یلری موتایه تشبیه نصکره ازمه نك کلوب کچمسيله انسانده خلق ایتمش اولدیغی احوال دن بعضیلرینی بیانه ابتداء ایجاد قادر اولدیغی کبی قیامتده محاسبه ایچون قوللرینی احیایه دخی قادر اولدیغی بیان ایتمک اوزره ﴿اللَّهُ الَّذِي خَلَقَكُمْ مِنْ ضَعْفٍ ثُمَّ جَعَلَ مِنْ بَعْدِ ضَعْفٍ قُوَّةً ثُمَّ جَعَلَ مِنْ بَعْدِ قُوَّةٍ ضَعْفًا وَشَيْبَةً﴾ بیوریور.

[الله تعالی شول قادر وقیوم که سزی ضعیف اولان نطفه حقیره دن خلق ایتدی. صکره اضعف بدنده سزک ایچون قوت خلق ایتدی که اوقوت یوماً فیوماً تزیاید ایتدی. حتی نشو ونما کز کالنه کلدی، بالغ اولدیکنز ودلیقانیلغکنز مدت مدیده دوام ایتدی و او قوتدن استفاده ایتد کدنصکره تکرار ضعفیت خلق ایتدی که سنکز قرقی کچدی انحطاطه یوز طوتدیکنز وقوجه لغکنزی خلق ایتدی که بالعموم قوی و آلتر یگزه ضعف عارض اولدی.]

﴿يَخْلُقُ مَا يَشَاءُ﴾

[زیرا؛ الله تعالی قوللرنده دیله دیکی حالاتی خلق ایدر فاعل مختاردر.]

﴿وَهُوَ الْعَلِيمُ الْقَدِيرُ﴾

[حالبوکه الله تعالی قوللرینک هر حالنی بیایر وقوللرینک اصل مایه لرینی خلق ایتدیکی

کبی آنلرک قوللرنده کونا کون احوالی دخی خلق ایتمک قادردر وبوحاللر مشیت السیهیه باغیدر. [یوقسه انسانلرده طبیعی برحال دکدر. بناء علیه؛ بونلرک جمله سنی سزده خلق ایتمک قادر اولان الله تعالی سزی، اولد کدنصکرده احیایه قادردر. شوالده بو کبی حاللری نفسکزده مشاهده ایدوب دوررکن نصل اولویورکه آخرتده احیا اولوناجفکزه ایمان ایتمزکنز. حالبوکه شو احوالکزه لایقیه دقت ایتمه کز اولدکن صوکره حیات بولاجفکزده اصلاً شک ایتمزکنز.]

\*\*

واجب تعالی انسانلری اولدکن صوکره احیا ایدجکبی بیاندن صوکره مجرملرک قیامتده اولاجق حاللرینی بیان ایتمک اوزره ﴿وَيَوْمَ تَقُومُ السَّاعَةُ يُقْسِمُ الْمُجْرِمُونَ مَا لَبِثُوا غَيْرَ سَاعَةٍ كَذَلِكَ كَانُوا يُؤْفَكُونَ﴾ بیوریور.

[امواتی احیا ایدوب محشره جمع ایتمک ایچون موعود اولان یوم قیامت قائم اولدیغنده مجرملر دنیا ده بر ساعتدن زیاده مکث ایتمدکلرینه یمین ایدرلر. ایشته بویله جه آخرتده یالان یره یمین جرات ایدجکلری کبی دنیا ده دخی آخرتی انکار ایدرلر ویالان سویلرلر وافک واقترایه جرات ایدرلر.]

یعنی؛ ای رسول اکرم! ذکر ایت قیامت قائم اولاجنی کونی که او کونده وقوع بولاجق عذابک شدندن مجرملر شایر وبر برلرینه یمین ایدرلر و دیرلر که «دنیا ده بز بر ساعتدن زیاده دورمادق». حالبوکه آنلرک بو یمینلری یالاندر. چونکه؛ آناز دنیا ده چوق معمر اولدیلر و اولاد واحفاد یتیشدیردیله فقط آخرتده کوردکلری عذاب نسبتله دنیا ده کی عمرلرینی بر ساعت عد ایدرلر.

خلاصه؛ جناب حقک انسانلرک قوتدن ضعفه وضعفدن قوته نقل ایتمک صورتیه عمرلرینی امرار ایتدیکی و دیله دیکنی خلق ایتمک قادر و هر شیئه علمی لاحق اولدیغی و قیامت قائم اولدیغنده او کونک شدندن مجرملرک شایر و ب دنیا ده بر ساعتدن زیاده خلاصه البیان: اون برنجی جلد — ۲۶



دورمادقلرينه يمين ايدە جکلری و آنلرک يالان يره يمين ايتک هر زمان عادتلی اولدینی  
بو ايتلردن مستفاد اولان فوائد جمله سندندر .

\*\*\*

واجب تعالی مجرملرک شو يمينلرينه قارشى ارباب علم و ايمان طرفندن ويره جک  
جوابی بيان ايتک اوزره ﴿ وَقَالَ الَّذِينَ أُوتُوا الْعِلْمَ وَالْإِيمَانَ لَقَدْ لَبِثْتُمْ فِي كِتَابِ اللَّهِ  
إِلَى يَوْمِ الْبَعْثِ ﴾ بيوريور .

[ انس وجندن و ملائکه دن کنديلرينه علم و ايمان و یريلن کيمسه لر ديرلرک « بز  
الله يمين ايدرز که سز علم الهيده و لوح محفوظه يوم بعث اولان قيامته قدر دنياه  
وقبريکزده دورديکز . » ]

﴿ فَهَذَا يَوْمُ الْبَعْثِ ﴾

[ « ايشته شو ايچنده بولونديگکز کون سزک دنياه انکار ايتديککز بعث کونيدر . » ]

﴿ وَلَكِنَّكُمْ كُنتُمْ لَا تَعْلَمُونَ ﴾

[ « ولکن سز بو کونک حق اولديغی بيلمديکز . » ]

يعنی ؛ اهل عذابک دنياه مکشلي غایت قيصة عدايدوب يالان يره يمين ايتدکرينی  
ايشيدن اهل ايمان آنلرک يمينلرينی ردله ديرلرک « سز دنياه کتابة الله اولان لوح  
محفوظه ثابت و علم الهيده محقق اولارق چوق زمان دورديکز . حتی دنياه  
وقبر کزده يوم حشره قدر مکث ايتديککز لوح محفوظه ثابتدر . بناء عليه ؛  
هر نه قدر انکار ايتسه کزده انکار کزک فائده سی يوقدر » ديمکه يالان يره يمين  
ايتدکرينی يوزلرينه و ورورلر و « ايشته شو کون سزک دنياه انکار ايتديککز کون که  
جناب حق رسوللری واسطه سيله سزه وعد ايتشدی . سز ايسه ايمان ايتديککز کي  
خبر و یرن رسوللری ده تکذيب ايتشدیکز » ديمکه اسکات ايدرلر . کافرلرک دنياه غایت

آز مکث ايتدکرينه يمينلرينک سيبی ؛ برآزدها مدت ايتسه مک و جهنمه صوکره کيرمک  
و ممکن اولديغی قدر عذابک تأخيرینی اميد ايتمکدن عبارتدر .

\*\*\*

واجب تعالی اهل جهنمک سوزلرينی اهل ايمانک رد ايدە جکلرينی بيانن صوکره يوم  
قيامته کافرلرک توبه لرینک قبول اولونميه جغنی بيان ايتک اوزره ﴿ فَيَوْمَئِذٍ لَا يَنْفَعُ  
الَّذِينَ ظَلَمُوا مَعذِرَتُهُمْ وَلَا هُمْ يُسْتَعْتَبُونَ ﴾ بيوريور .

[ يوم قيامته شول کيمسه لرک معذرتلری منفعت و یرمز که آنلر ظلم ايتديلرو آنلردن  
راضی اولونا جق برشی ايتسه نمز . بناء عليه ؛ رضای موجب اولان عبادت و توبه کي  
شيلری ايشله يه جک اولسه لر بيله مقبول اولماز . زیرا آخرت ؛ دار تکليف اولما ديغندن  
زمانک غيريدر . ]

يعنی ؛ يوم قيامته ظالملر چوق اعتذارده بولونورلر سده معذرتلری منفعت و یرمز  
و آنلردن جناب حقک راضی اولاجنی و آنلردن عذابی قالدیره جغنی توبه و طاعت کي  
شيلرده ايتسه نمز . چونکه ؛ توبه نک و عبادتک زمانی کچه شدر . زیرا ؛ بونلرک زمانی  
و مکانی دنيا ایدی . بناء عليه ؛ دنياه انبيا و کتابلر واسطه سيله آنلردن طلب اولونمشدی  
ولکن قبول ايتمه مشلردی . آخرته ايسه بو کي تکليفلر اولما ديغندن طرف الهيدن  
آنلره « توبه ايدکده قصور کزی عفو ايدلم » ديمز . ﴿ ولا هم يستعتبون ﴾ آنلره  
برکزی توبه ايد و طاعت ارضا ايرک و یرمز ديمکدر . چونکه ؛ عتب ؛ رضا معناسه اولوب  
( يستعتبون ) ده کي سيز ده طلب معناسه اولديغندن « رضای ايجاب ايدر برشی آنلردن  
طلب اولونماز » ديمکدر .

خلاصه ؛ آخرته ظالملرک اعتذارلری منفعت و یرميه جکی و طرف الهيدن آنلره  
« توبه ايدک و يا خود عبادت ايدک » ديه رک بر تکليف وقوع بولميه جغنی بو ايتدن مستفاد  
اولان فوائد جمله سندندر .

\*\*\*



واجب تعالی اهل جهنمك معذرتلرينك قبول اولونميه جفنگ سببي دنياده آنلره  
رسل کرام طرفندن هر شيك بيان اولونوب نقصان قالماسي اولديغني بيان ايتك اوزره  
﴿ وَلَقَدْ ضَرَبْنَا لِلنَّاسِ فِي هَذَا الْقُرْآنِ مِنْ كُلِّ مَثَلٍ ﴾ بيوريور .

[ ذات الوهيمه يمين ايدرم كه شوقر آنده بز ناسه هر درلو ضرب مثلي بيان ايتدك ،  
هيچ بر مسئلهده نقصان قالمادي . بناء عليه ؛ دنياده بونلري قبول ايتمينلرك آخرته  
اعتذارلري قبول اولوناماز . ]

﴿ وَلَئِنْ جِئْتَهُمْ بِآيَةٍ لَيَقُولَنَّ الَّذِينَ كَفَرُوا إِنْ أَنْتُمْ إِلَّا مُبْطِلُونَ ﴾

[ الله تعالی حق ايچون حبيم ! سن آنلره بر آيت كتيرمش اولسهك شول كيمسهر  
« البته سز اولماديكز ، الا مبطل اولديكز » ديرلركه آنلر كافرلردر . ]

يعني ؛ كافرلر ايچون يوم قيامته اصلا اعتذاره مجال يوقدر . زيرا ؛ ذات الوهيمه  
يمين ايدرم كه بز ناسه قرآنده ضروب امثالك هر نوعي بيان ايتدك . مثالا يوم قيامته  
بعث اولونا جفني وبعث اولونانلرك عمللرينك جزاسني كوره جكلريني وعمل صالح صاحبلرينك  
نائل اولاجقلى درجهلري ومجرملرك مستحق اولدقلى عذابى ويينلرنده جريان ايدجك  
محاوره لريني ومعذرتلرينك قبول اولونميه جفني بيان ايتديكمز كي توحيدك وقيامتك حق  
اولديغني دخي بيان ايتدك . شوخالده آنلر ايچون « بز بوني دويمادق » ديه جك بر مسئله  
قالمادي كه اعتذاره محاللى اولسون . حتى حبيم ! سن اهل كفره بوتون پيغمبرلرك  
كتيردكلري معجزه لري كتيرسهك آنلر « اى رسوللر ! سز اولماديكز ، الا مبطل  
اولديكز . طوغرو وحق اولارق برشي كتيرمديكز . » ديرلر .

ايشته دين طاشمايانلرك حاللى بويله در كه بوتون انيسانك كتيردكلري دينلره طعن  
ايدرلر وهپسنه مبطل نظريله باقارلر . چونكه ؛ ديانندن نصيبلى يوقدر . بناء عليه ؛ هر شيئي  
سويلكدن چكينمزلر .

﴿ كَذَلِكَ يَطْبَعُ اللَّهُ عَلَى قُلُوبِ الَّذِينَ لَا يَعْلَمُونَ ﴾

[ ايشته بويله جه حق طلبنده بولمايان جاعللرك قبلريني الله تعالی مهرلركه حتى دويمغه

اصلا ميل ايتمزلر . چونكه ؛ آنلر اراده لريني ضلالتله صرف ايدوب طوغرو يول  
آرامادقلىرندن الله تعالی آنلرك اراده لرينه كوره قبلريني قاپاتير . بناء عليه ؛ حتى دويماز  
وآرامازلر . چونكه بيلمز وييلمداكلريني دخي بيلمز جهل مركب ايچنده اولدقلىرندن  
علمي هيچ كيمسهي ويرمك ايستمزلر . جهل مركب ايسه جميع زمانده حتى ادراكه  
مانعدر .

\*\*\*

واجب تعالی كافرلرك حاللريني بيانندن صوكره رسولنى تسليه ايتك اوزره ﴿ فَاصْبِرْ

إِنَّ وَعْدَ اللَّهِ حَقٌّ وَلَا يَسْتَخِفَّنَّ الَّذِينَ لَا يُوقِنُونَ ﴾ بيوريور .

[ حبيم ! سن صبر ايت . زيرا ؛ اللهم وعدى حقدر و آخرته ايمان ايتمينلر سنى  
خفته حمل ايتسونلر . ]

يعني ؛ يا اكرم الرسل ! مشركلردن واقع اولان اذايه سن صبر ايت . زيرا ؛  
اللهك سكا نصرت ايدجكنه ودينكي جميع اديان اوزره عالى قيلاجفنه و دشمنلريكي قهر  
وتدمير ايدجكنه دائر وعدى حقدر . بناء عليه ؛ بو وعد الهى البته واقع اولاجقدر  
و آخرته ايمان ايتمينلر سنى جهله وخفته حمل ايتسونلر .

ارباب ضلالتك عادتلى اكرتيا ارباب علم وهدايتي استخفاف ايتك اولديغندن  
جناب حق استخفافدن نهى ايتديكي كي استخفاف ايدنلرك ارباب ايمانندن اولمادقلىريني  
دخي بيان بيورمشدر . چونكه ؛ ارباب دين ، علمي اولان ارباب علمي وايماني اولان ،  
ارباب ايماني استخفاف شويله دورسون هر حالده تعظيم وتوقيره قارشيلار . زيرا ؛ ايمانك  
شاني بودر .



بيك اوچيوز اوتوز سنهسى اغستوسنك يکرى بشنجى بازار كونه تصادف ايدن عربى بيك  
اوچيوز اوتوز ايكي سنهسى شوالك اون بشنجى كوفى ايكندى نمازندن صوكره بوسورهك ترجمهسى  
بعونه تعالی ختام بولمشدر .



سوره لقمان

مکه مکرمه نازل اولان سوره لردندر. اونوز دوت آتی حاویدر.

بِسْمِ اللَّهِ الرَّحْمَنِ الرَّحِيمِ

الْأَمِّ

متشابهاتک تاویلنی تجویز ایدنلره ونعمت الله افدینک بیانه نظراً (ا) انسانه کامل اولاره رسول الله و (ل) لطف الهی به لیاقت و (م) رسول الله مؤید من عند الله اولدیغه اشارندر.

تِلْكَ آيَاتُ الْكِتَابِ الْحَكِيمِ

[ ای مؤید من عند الله اولوب جناب حقک لطف واحساننه لایق ومستحق اولان انسان کامل! سکا خطاب ایدرم که شو سوردهک آیتلری حکم مصالح اوزره مشتمل اولان کتابک آیتلریدر. ]

هُدًى وَرَحْمَةً لِّلَّخَسِينِ

[ ربسنه عبادت ایتیکله احسان ایدن محسنلره رحمت وطوغرو بولی کوسترر هدایت اولدیغی حالده شو آیتلر کتاب عظیمک آیتلریدر. ]

کتابله مراد؛ قرآن. قرآنک احکامی، امرلری، نهیملری، حکایه لری، موعظه لری و ضرور امثالی حکمتی متضمن اولوب حکمتدن خالی بر حکمی اولمادیغنه اشارت ایچون کتاب حکمت ایله توصیف اولونارک کتاب حکیم دنیلمشدر. قرآن؛ قوللره طوغرو بولی کوسترر انسانه الهی اولمسه بناء هدایت و رحمت اولدیغی بیان اولونمشدر. محسنلره مراد؛ عبادتی الله معصرا بربوب اللهک غیری عبادنه مشغول کیمسه اولمادیغی

اعتقادله ارطانه و شرائطه رعایت ایدمک عبودیتی ادا ایدم کیمسه لردر. قرآندن انتفاع ایدمک آنجق محسنلر اولدیغنه اشارت ایچون قرآنک هدایت و رحمت اولمسی ارباب احسانه تخصیص اولونمشدر.

..

واجب تعالی قرآنک محسنلره هدایت و رحمت اولدیغی بیاندن صوکره محسنلرک کیملر اولدیغی بیان ایتک اوزره الَّذِينَ يُقِيمُونَ الصَّلَاةَ وَيُؤْتُونَ الزَّكَاةَ وَهُمْ بِالْآخِرَةِ هُمْ يُوقِنُونَ بیوریور.

[ محسنلرشول کیمسه لرکه آنلر فرض اولان نمازلرینی وقت معینده ارکانه و شرائطه رعایت ایدمک ادا ایدرلر و فرض اولان زکاتلرینی فقرایه و یررلر و آنلر یالکز عبادت بدنیه اولان نمازی قیلحق و عبادت مالیه اولان زکاتی و یرمکه اکتفا ایتزلر، بلکه اعمالک تنقید و انسالرک تجزیه اولوناجنی یوم آخرته ایمان ایدرلر. ]

أُولَئِكَ عَلَى هُدًى مِّن رَّبِّهِمْ وَأُولَئِكَ هُمُ الْمُفْلِحُونَ

[ ایشته شو عبادتلی ادا ایدن محسنلر ربلرندن کنیدلرینه انزال اولونان هدایت قرآن اوزرینه درلر و آنجق شو اوصافله متصف اولانلر؛ قورقدیغندن قورتولوب اومدیغنه نائل اولانلردر و بونلر احسان صاحب لردر. ] چونکه؛ بومثللو عباداتی ادا ایدنلر عندالله مقبول و مرضی اولدقلرندن مرتبه فلاحی احراز ایتشلردر.

بیضاوی و مدارکک اشارتلی وجهله محسنلرک شعائر اسلامیه دن رعایت ایتدکلری برچوق اعمال صالحه لری اولدیغی حالده نماز و زکاتله آخرته ایمانک سائر عبادتله اوزرینه مزیتلرینه اشارت ایچون آیتده صراحة بونلر ذکر اولونمشدر. چونکه نماز؛ یومیه بسر دفعه تکرر ایدوب زممتک جو قلفه بناء انسانلرک معیار بمر. بناء علیه؛ مؤمنلرک چوقلرنده سائر عبادتدن زیاده نمازده تکامل کورولدیکی کبی زکاتده انسانلرک روحک یاریسی مثابه سنده اولان اموالدن تقریق اولوناجنی ایچون نفوس بشریه اداسی آغیر



اولريغندره جناب من اهل ايمانك فمزمع سبب اولاده فضال مجبره صوره سوره ذكر اتمشدر.  
كذلك آخرت امر غيب اولديغندن آخرته ايمان ؛ مزايای انسانيه نك و نجات و فهمه سبب  
اولاده افعالك اساسي اولريغندره حصر وقصرله بيان اولونمشدر.  
خلاصه ؛ نماز و زكات و آخرته ايمان انسانك فوز و فلاحنه سبب اولان ارکان  
مهمه اسلاميه دن اولديني بو آيتدن مستفاد اولان فوائد جمله سندندر .

\*\*\*

واجب تعالى قرآنك حكمت اوزره شامل اولديغني و اهل ايمانك بعض اوصافي  
بيانندن صوكره قرآني بر طاقم لهوياته ديكشدكريني بيان ضمنتده ﴿ وَمِنَ النَّاسِ مَن  
يَشْتَرِي لَهْوَ الْحَدِيثِ لِيُضِلَّ عَنْ سَبِيلِ اللَّهِ بِغَيْرِ عِلْمٍ وَتَتَّخِذَهَا هُزُوًا ﴾ بيوريور .  
[ ناسدن بعضيلري عن جهل طريق السبيل خلق منع و اضلال ايتكم ايجون فائده سز  
سوزلري صاتون آير واللهك آيتلريني مسخره اتخاذايدر . ]

﴿ أُولَٰئِكَ لَهُمْ عَذَابٌ مُّهِينٌ ﴾

[ ايسته آيتلري مسخره اتخاذايدنلرايجون اهانت ايدر عذاب واردر . چونكه حق باطله  
ديكشمكه حقه اهانت ايتدكلرندن آنلره نازل اولان عذاب ؛ اهانت ايدمك عذابدر . ]  
يعني ؛ اللهك نعمته كفر ايدن و لطف السبيلك حقوقني اونوتان ناسدن بعضيلري  
فضائل كالات و انواع هدايت اوزره مشتمل اولان آيات السبيل فائده سز خبرلره تبديل  
ايدرلر كه او خبرلر انساني وظيفه سي اولان حقه اتباعدن مشغول ايدر . بو مثللو اراجيف  
كاذبه بي آيات بينات اوزره ترجيح ايتمكدن مقصدلري ؛ طريق السبيل اولان دين اسلامدن  
ناسي عن جهل اضلال و آيات السبيلني استهزالرينه آلت قيلمقدردر . ايسته قرآني استهزا  
ويالان سوزلري قرآن اوزرينه ترجيح ايدنلرايجون قرآني استهزالرينه بدل آنلره  
اهانت ايدمك عذاب واردر . زيرا ؛ باطل ترويج ايجون حقى ابطاله سعي ايدنلر البته  
حقير اولارق معذب اولاجقلردر .

بيضاوينك بياننه نظراً ( لهو الحديث ) ايله مراد ؛ انساني لايق اولاده عباداني ادا  
ايتمكدنه منع ايدمك اصل سز خبر و بالاده سوز و انساني كولورده مك اوبونلردر . شو حالده  
انسان عبادتمنه منع ايدمك طارده ، دام و اسفانيل كبي اوبونلرك جمدسي لهو الحديث ده  
داخلدر . بناء عليه ؛ بونلري اختيارله عبادتي ترك ايدنلرك عذاب مهينه نظراً بو آيتده  
مستحق اولدقلرينه بو آيت دلالت ايدر . يا خود تفسير خازن و مدار كده بيان اولونديغنه نظراً  
لهو الحديث ايله مراد ؛ نفی در . لهو حديثي صاتون آلمق ايله مراد ؛ نفی و سائر مالفيله  
ياره و ربوب ديكدمكدر . شو حالده بالعموم چالغيلر و شرقييلر و توركيلر بو آيتده داخلدر .  
چونكه ؛ جمله سي انساني لايق واللهك رضاسنه موافق اولان عملدن منع ايدر . بو كبي شيلر  
قلبي افساد و مالي افنا و غضب السبيلني جلب ايدر افعال قبيحه جمله سندندر .  
واجب تعالى بو آيتده اويون و سائر كبي باطل اولان شيلري حق اوزره ترجيح ايدنلري  
ارج مهند زم اتمشدر . برنجيسي ؛ فائده سز لفياني اثرا يعني اختيار اتملرجه .  
ايكنجيسي ؛ كنديلري طريقه موك ايتمكلري كبي طريقه موك ايدمك ارباب  
عرفاني اضول ايدمك منع اتملرجه . اوچنجيسي ؛ شوماعلر لربنك سز و عطفه مستند  
اولايوب آنجور ام الطبايئ اولاده مهند مبتني اولميسير . ايسته شو اوصافله مبتلا اولانلر  
آخرتده بر عذابه مستحق اولاجقلر كه او عذاب آنلره اهانت ايدمك جكدردر .  
بيضاوي ، مدارك و خازنده بيان اولونديغنه نظراً بو آيت ؛ مشركلردن ( نصر بن  
حارث ) حقه نازل اولمشدر . چونكه ؛ ( نصر ) دائماً شام و عجم جهتلرينه تجارت ايجون  
سيروسفر ايتديكندن عجملر طرفندن ياپلش يالان خبرلر و قصص و حكايات ايله طولو بر طاقم  
كتاب صاتون آلوب بو يالان خبرلري ديكلمك اوزره قریشي باشنه طولار ، آني اوقور  
مشركاره ديكلمك تير و آنلري قرآني ديكلمك مكدن منع ايدر و محمد ﷺ سزه عاد و نود  
قوملردن خبر و يريورسه بن ده سزه ( رستم ) و ( اسفنديار ) و عجم ملكلرينك حكايله لريني  
خبر و يريورم ، ديكلمك آنلري اغفال ايتمسه بناء جناب حق آني و امثالي ذم ايتكم ايجون  
بو آيتي انزال ايتمشدر .

\*\*\*



واجب تعالی یالان خبرلری قرآن اوزرینه ترجیح ایدن مفسد لک احوالندن بعضیلرینی بیاندن سوکره اوصاف ذمیه لرندن بعض آخری بیان ایتک اوزره ﴿وَإِذَا تُتْلَىٰ عَلَيْهِ آيَاتُنَا وَلَّىٰ مُسْتَكْبِرًا كَأَن لَّمْ يَسْمَعْهَا كَأَنَّ فِي أُذُنَيْهِ وَقْرًا فَبَسَّ شَوْهَ بَعْدَآبِ أَلِيمٍ﴾ بیوریور .

[ او باطل اولان لهویاتی اشترا ایدن کیمسه اوزرینه بزم حقه دلالت ایدن آیتلریمز تلاوت اولوندیغنده کندیخی عالی عدایده رک او آیتلری ایشیتمه مش کی آرقه سنی دوزرکه کآن قولاق لرنده آغیرلق وارده او آغیرلق ایشیتمه سنه مانع اولویور کی بر حالده بولونور . او کافرک حالی بویله اولونجه حییم ! سن آنی الم ویرن عذابله تبشیر ایت . ]

یعنی ؛ حییم ! بر طاقم اراجینی قرآن اوزرینه ترجیح ایدن مشرک اوزرینه بزم وحدانیت مزه دلالت ایدن آیتلریمز تلاوت اولوندیغنده هیچ ایشیتمه ین کیمسه کی کبر وغرور ایده رک آرقه سنی دوزر ، اصلا او قونان آیتله التفات ایتمز ، کندیخی مستغنی عد ایدر . کآن آنک حالی قولاق لرنده صاغیرلق اولان کیمسه نک حالی کیدرکه اصلا باشنی قالدیرماز وتلاوت اولونان جهته یوتی بیله دونمز . حالبوکه آنک ایشیتمه سی ایچون آیتلرک کراراً مراراً قرائت اولوندیغنه اشارت ایچون استمراره دلالت ایدن مضارع صیغه سیله ﴿تلی﴾ لفظی وارد اولمشدر .

ابوالسعود افندیکنک بیانی وجهله قرآندن اعراض ایدن کافرک اعراضی وقرآنی ایشیتدیکی حالده ایشیتمه مش کی کندیخی عالی عدایدوب تکذیب ایتدیکنه مقابل تهکم ایچون عذابله انذار بدلنده عذابله تبشیر ذکر اولونمش ودریلمشدرکه «آنک حالی بویله اولونجه یا اکرم الرسل ! سن ده آنی عذابله تبشیر ایتمکه عذابک هر طرفنی احاطه ایده جکنی وعذابدن قور تولامیه جغنی کندینه بیلیدر .»

فخر رازینک بیانی وجهله قرآندن اعراض ایدن کیمسه یی جناب حق درت جهرتد زم ایتمشدر . برنجیسی ؛ محتاج اولدیغنی علم و حکمتده اعراضه ایتمشدر . ایکنجیسی ؛ سبب نجانی اولاره قرآنی دیلمه مکده کبر ایتمشدر . اوچنجیسی ؛ آیتلری ایشیتدیکی حالده

ایشیتدیکی دور مسیور . دردنجیسی ؛ قولاق غنده صاغیرلر اولادیغنی حالده کندیسی صاغیر مزاندده قبله مسیور .

\*\*

واجب تعالی کافرلر ایچون عذاب الیم اولدیغنی بیان ایتدیکی کی مؤمنلر ایچون جنات نعیم اولدیغنی دخی بیان ایتک اوزره ﴿إِنَّ الَّذِينَ آمَنُوا وَعَمِلُوا الصَّالِحَاتِ لَهُمْ جَنَّاتُ النَّعِيمِ﴾ خالیدین فیها بیوریور .  
[ شول کیمسه لرکه ایمانله برابر عمل صالح ایشله دیلر . آنلر ایچون ابدآقالیجی اولدقلری حالده نعمتله طولو جنتلر واردر . ]

﴿وَعَدَ اللَّهُ حَقًّا﴾

[ بو جنتلر اللهک حق وثابت وعیددر . ]

﴿وَهُوَ الْعَزِيزُ الْحَكِيمُ﴾

[ حالبوکه الله تعالی جمله افعالی حکمت اوزره مشتمل هر کهه غالب بر اولودر . ]  
بناء علیه ؛ وعدی حقدر اصلا تبدل وتغیر قبول ایتمز .

یعنی ؛ اللهک وارلغنی وبرلکنی تصدیق واقرارله ایمان ایدوب قرآنک مقتضایی اوزره عمل صالح ایشله ین کیمسه لر ایچون نعمتله طولو جنتلر واردر . زیرا ؛ آنلر دنیاده ایمانله باطنلرینی واعمال صالحه ایله ظاهرلرینی تصفییه ایتدکلرندن آخرتده انواع نعمتله متم واصناف کرمله مکرملردر . بناء علیه ؛ آنلر جنتلرده ابدی قالیجی اولدقلری حالده او نعمتله دائماً تلذذ ایدر محروم اولمازلر واللهک آنلره وعدی حق اولدیغنی جهته اصلا خلف اولماز البته وعدینی انجاز ایدر . زیرا ؛ الله تعالی هر کهه غالب اولدیغندن وعدینی انجازه قادر اولدیغنی کی وعدینی ایفایه مانع اولاجق بر کیمسه ده یوقدر وهر فعلی حکمتی متضمن بر حکیم متعالدر .

جنتده احضار اولونان نعمتلرک سبب عادیسی ؛ ایمانله برابر عمل صالح اولدیغنه



بِوَايَتِ دِلَالَتِ ايدِر . کَرچِه جَنَّتِه کِيرْمَك فَضْلِ السَّهِي ايسهده درجَات؛ عِبْدُكَ عَمَلْنِه کُورِه اُولَا جَقْدِر . بِيَايْتِدِه اَنَلَر اِيچُون جَنَّتِ نَعْمَتَلَرِيْنِکْ وَاَرْلَغِيلِه حَکْم ؛ اِيْمَانْلِه عَمَلِ صَالِحْ تَعْلِيْقِ اُولُوْنَمَشْدِر . عَمَلِ صَالِحْ لِه مَرَاد ؛ عِنْدَالله مَقْبُول وِمَرْضِي اُولُوْنِه عَمَلْمَدِر . نَعْمَتِ السَّهِيَه نِکْ جَنَّتِدِه وَسَعْتِه اِشَارَتِ اِيچُون ( جَنَات ) لَفْظِي جَمْعِ صِيغَه سِيْلَه وَاَرْدِ اُولَمَشْدِر کِه نَعْمِ السَّهِيَه نِکْ چَوَقْلَغْنِي بِيَانْلِه قَوْلَارِيْنِي عِبَادَتِه تَشْوِيْقِ وَجَتِي وَعْدِ السَّهِي اِيلَه تَايِيْدِ اِيْتِدِي کِه مَوْمَنْلَرِ مَسْرُور اُولُسُونَلَر . چُونکِه ؛ وَعْدِ السَّهِيَه خَلْفِ اُولَمَاز . اَهْلِ اِيْمَانِ عِنْدَنْدِه جَنَّتِ مَعْلُومِ وَمَعِيْنِ اُولَدِيغْنِه اِشَارَتِ اِيچُون مَعْرِفِ اُولَارَقِ وَاَرْدِ اُولَمَشْدِر . زِيْرَا ؛ اَهْلِ اِيْمَانِ بِلَا شُکْ اِيْمَانِ اِيْتِدَکَلَرِنْدَن جَنَّتِ اَنَلَرِ عِنْدَنْدِه مَعْلُومَدِر .

\*\*\*

وَاجِبُ تَعَالٰی عَزِيزٌ وَحَكِيمٌ اُولَدِيغْنِي دِلَالَتِ خَارِجِيَه اِيلَه بِيَانِ اِيْتِمَكِ اَوْزَرِه ﴿ خَلَقَ السَّمَوَاتِ بِغَيْرِ عَمَدٍ تَرَوْنَهَا وَآلَتْ فِي الْاَرْضِ رَوَاسِيْ اَنْ تَمِيْدَ بِكُمْ ﴾ بِيُورِيُور .

[ الله تعالى سزك كوردیككز وجه اوزره كوكلری دیركسز یارادی ویر یوزی سزكله برابر سرعتله حرکت ایتسون ایچون ارض اوزرینه یوکسك طاغلی قوبدی . ]

﴿ وَبَثَّ فِيْهَا مِنْ كُلِّ دَابَّةٍ ﴾

[ ویر یوزنده هر حیواندن طاغیتدی وارض اوزرینه دوشهدی کِه هر برنده کوریلن عجائب و غرائبدن عبرت آلدیغنی کِی هر برلرینک خلقتنده اولان حکمت یرینی بولسون . ]

﴿ وَانْزَلْنَا مِنَ السَّمَاءِ مَاءً فَانْتَبَسَتْ فِيْهَا مِنْ كُلِّ زَوْجٍ کَرِيْمٍ ﴾

[ ویر سماندن یاغمور صوبی ایندیردک وآنکله اوتلردن واکیلردن هر نوع منفعلی اولان شیلری بیتیردک . ]

یعنی ؛ الله تعالى عزت و حکمت صاحیبدر . زیرا ؛ الله تعالى دیرکسز کوكلری خلق ایتدی کِه دیرکسز اولدیغنی سز کوریورسکسز . شو حالده سمانک ارضه وسائر بر محل استناده استناد ایتکسزین بوقدر جسامتله آنی دوردورمق قهر و غلبه و قدرت

کامله یه دلالت ایدر . دیرکسز کوكلری خلق ایتدیکی کِی ارض اوزرینه یوکسك طاغلی قوبدی کِه سزکله ارض سرعتله حرکت ایتسون . زیرا ؛ سزکله برابر ارضک حرکتی کرهیدر . چُونکِه ؛ سرعتله حرکت سزی راحتسز ایده جکندن سزک حس ایده جککسز درجه سرعتله حرکت ایتسون ایچون ارض اوزرینه طاغلی قوبدی وارضک انسانلر نظرنده سکوتی واضطرابدن سلامتی انسانلرک استعمال واستراحتلرینه موافق در . چُونکِه ؛ ارضک حرکتی وارایسهده انسانک حس ایده جکی درجهده اولمادیغندن انسانک نظرینه نسبتله ارض ساکن دیتشدِر . الله تعالى یر یوزینه هر نوع حیواناتی طاغیتدی کِه انسانلر هر برنده صنایع السهیه یی کورسون و قدرت السهیه ایمان ایلَه انتفاعی ممکن اولانلردن انتفاع ایتسون و هر برندن مقصود اولان حکمت یرینی بولسون و دنیا یوزی وبالخاصه ایصسز چوللر و یوکسك طاغلر شنلکسز قالماسون . جمله حیوانات ارضک سکونتندن استفاده ایدر . زیرا ارض ؛ حیواناته نظراً ساکن اولوب حیوانات متحرک اولونجه حیوانات معیشتنه آلوریشلی یرلره کیدرلر و اجل معینه قدر اورالرده امرار اوقات ایدرلر . چُونکِه ؛ ارضک هر طرفی هر حیوانک اسکانه قابلیتلی دکلدِر . بناء علیه ؛ هر بری طرز معیشتنه و بدنک قوامنه موافق برقطعهده اکله شمهکه مجبوردر . بز عظیم الشان سما جانبدن یاغمور صولرینی یر یوزینه ازال ایتدک وآنکله هر نوع نباتات و بربریه متمزج اوتلر و میودلر بیتیردک کِه انسانلر وسائر حیوانلر انتفاع ایتسونلر .

اوتلرک منفعتنک چوقلغنه وامنجه یی اصلاحنه وبنیه حیوانیه یی تقویه ایتدیکنه اشارت ایچون واجب تعالی نباتاتی کرم صفتیه توصیف ایتشدِر کِه انسانلر نعم السهیه تشکر ایتسونلر .

بِیضاوینک بیانی وجهله واجب تعالی بوآیتله بوندن اولکی آیتده بیان اولونان عزت و حکمتی اثبات ایتشدِر . چُونکِه دیرکسز او قدر جسامتیه برابر کوكلری دوردورمق ویر یوزینه انسانده برابر اولدیغنی حالده حیواناتی طاغیتمق وآنلرک هر برینک معیشتنه کافی اوتلری بیتیرمک و اوتلرک بیتمسنه اسباب عادیه قیلندن اولان یاغمور صولرینی ازال ایتک ویردن هوایه چیهان بخاردن بلوطلری خلق ایده رک او بلوطلری طبقه زمهریره تماس ایتدیرمسيله یاغمور صولرینی خلق ایتک وارضک حرکت ایتک شانندن ایکن حیوانانک راحتلری ایچون جسیم طاغلی ارض اوزرنده خلق ایلَه ارضه انسانلرک راحت ایده جککری



مقداری قدر سکونت و یرمک جناب حق قدرت قاهره سته و هر کسه غلبه سته و بالعموم افعالنده حکمت صاحبی اولدیغه آچیقندن دلالت ایدر . چونکه ؛ افلاک حرکتیه طبقه ناریه ده ضروری بر حرکت اولدینی کی طبقه ناریه به تماسله طبقه هوا و طبقه هوا به تماسله طبقه ما و طبقه مایه تماسله طبقه ارض حرکتیه هر کسه لازم ایکن جناب حق ارض اوزرنده جسم طاغری خلق ایتسیله ارض حرکتیه اعتدال و یرمسی البته قدرته و حکمتیه دلالت ایدر .

تفسیر طبریده بیان اولوندینی وجهله ( بغير عمد ترونها ) دیمک « سمانک نقطه استادی دیرک وارد و لیکن سزک کوره جگگز درجه ده دکلدر ، یعنی دیرک وارد فقط سز کوره مزسکز » دیمکدر . ( ان تمید بکم ) ( ان لا تمید بکم ) دیمکدر . یعنی لا و نافی ؛ مقدردر . ( تمید ) تمیل معنانه در . شوخالده معنای نظم : [ الله تعالی ارض اوزرینه طاغری قویدی که ارض سز که برابر صاغه و صوله میل ایدوب صالانسون ] دیمکدر . ( وبث فیها ) ارضه اوزرینه هر حیوانیه دره دی دیمک « ارض اوزرینه حیواناتی طاغیدی ، دیمکدر .

\*\*

واجب تعالی قدرت و حکمتیه دلالت ایدن دلیلاری بیاندن صوکره اللهه شرک ایدن مشرکری الزام و اسکات ایتک اوزره ﴿ هَذَا خَلْقُ اللَّهِ فَأَرُونِي مَاذَا خَلَقَ الَّذِينَ مِنْ دُونِهِ بَلِ الظَّالِمُونَ فِي ضَلَالٍ مُبِينٍ ﴾ بیوریور .

[ ای مشرکار ! شو ایشیتدیککز و کوردیککز مخلوقات اللهک خلقیدر . اللهک غیری اولارق سزک عبادت ایتدیککز معبودلریکز نه کی شی خلق ایتدیلرسه کوسترک بکا بنده کوردهیم . ] زیرا ؛ آنلرک عبادته استحقاقلرینی اعتقاد ایدوب آنلره عبادت ایدیورسکز و امور مهمه کزده آنلره مراجعت ایدرسکز . معبودک شانی ایجاد ایتدیکدر . شوخالده اگر بونلر سزک دیدیککز کی الوهیتک لوازمندن ایجاده مقتدرلرسه کوسترک بکا نه کی شیئی ایجاد ایتدیلر . حالوکه آنلر هیچ برشی ایجادینه قادر دکلدردر [ بلکه

شرکی ارتکابه ظلم ایدن ظالملر آچیقندن ضلالت ایچنده درلر . [ زیرا ؛ عبادت لرینی محلتک غیری به صرف ایتدکری ایچون طاعات الهیه دن چیمه شلر و شرکه ظلمی عادت ایتشلردر . نیسابورینک بیانی وجهله بو آیتده ( فارونی ) امری ؛ مشرکری تعمیم ایدوردر . چونکه ؛ آنلرک معبودلرینک بر شی ایجاد ایتک امکانی یوق که آنلرک کوسترمسی ممکن اولسون . شوخالده آنلره « کوسترک بکا ایجاد ایتدکری شیلری » دیمک ؛ آنلره عجز لرینی ییلدیرمک و اسکات ایتک ایچون برامردر و ظلمله شرکی ارتکاب ایلر یولدن چیققلری دخی صراحة بیان اولونمشدر که آنلرک مذهب لری عقلک و شرعک خارجی بر مذهب اولدینی هر کس بیلسون و آنی ارتکاب ایتکدن چکینسون . بناء علیه ؛ ابوالسعود افندینک بیانی وجهله مشرک لری سبیلله نفس لرینه و سائر ناسا ظلم ایتدک لرینه و آنلرک ارتکاب ایتدکری شرکک عین ظلم اولدینه و آنلرک معبودلری برشی ایجادینه مقتدر اولامادقلرینه و مسلک لری ظلمله ضلالتدن عبارت اولدینه اشارت ایچون ضمیر موضعنده اسم ظاهر اولارق ( بل الظالمون ) وارد اولمشدر . چونکه ؛ ( بل هم فی ضلال مبين ) دینسه اولابیلردی لکن ظالم اولدقلرینی بیانه ذم اولمازدی .

\*\*

واجب تعالی کندینک حکمت صاحبی اولدینی بیاندن صوکره لقمان کی قوللرندن بعضیلرینه حکمت و یردیکنی بیان ایتک اوزره ﴿ وَلَقَدْ آتَيْنَا لُقْمَانَ الْحِكْمَةَ اَنْ اَشْكُرَ لِلّٰهِ ﴾ بیوریور .

[ ذات الوهیتیه یمین ایدرم که بز لقمانه حکمت و یردک واللله شکر ایت دبدک . ] یعنی ؛ بز محقق اولارق لقمانه علم و یردک و او علمله عمل ایتسنی توفیق واللله شکر ایتسنی کندینه امر و توصیه ایتدک که و یردیکمز حکمتک شکرینی ادایه مسارعت ایتسون و بو وسیله ایلر انسان نائل اولدینی هر نعمتک شکرینی ادانک واجب اولدینی بیلسون شکرینی ادایه سرعت ایتسون . بیضاوینک ، خازنک و ابوالسعود افندینک بیانلری وجهله لقمان ؛ ( باعورا ) اسمندره



ذاتك اسمير . ( باعورا ) ؛ ( ناخور ) ك ( ناخور ) ده ( آرز ) ك اوغلو اولوب ايوب عليه السلام همشير زاده سي اولديني مرويدر و بيك سنه ياشاديني و داود عليه السلام زمانه اولاشديني و حضرت داود دن اخذ علم ايتديكي و داود عليه السلام بعثتدن اول ناسه فتوى ويرر مفتي اولديني دخی مرويدر . لقمانك حكمت صاحبي بر حكيم اولديغه بو آيت دلالت ايدر . لكن نبی اولوب اولمايغنده اختلاف واردر . بعض علماده لقمانك بر سياه عبد حبشي و دولكر اولديني روايت ايتمشلردر . لقمانه « حكمتنه نه سيله نائل اولديني » سئواله جوابنده « طوغرو سوز بولكله و امانتي ادا ايتكله و لزومسن شيلري تركله نائل اولديني » بيانه جواب ويرمشدر .

بيضاوينك بيانه نظراً حكمت ؛ علوم نظريه بي اكناب نفوس بشريه نك نكلمى و ملكه نامك مصوليد طاقت بشريه نك مقدار بني طاعة صرف و غيرت ايتكدر . شو حالده حكمت ؛ علم عملي . حتى ايكيسني جمع ايتمين كيمسه يه حكيم دينز . حكمت ؛ معرفه الله بر ابراهيم اموره اصابت مدار اولده قديمه بر نوردر . بناء عليه ؛ او كيمسه كوزله محسوساتي ادراك ايتديكي كي قبله معقولاتي دخی ادراك ايدر .

حضرت لقمانك حكمتدن بريسي ؛ سنلرجه داود عليه السلامه مصاحبت ايدز . حضرت داود زره ياپار اصلاً سؤال ايتز . زرهى بيتيروب اوزرينه كيبنجه « يا داود ! نه كوزل حرب لباسي كيبنك » ديمسي اوزرينه حضرت داودك « سكوت حكمتدر » فقط ايشلهين آذرر « بيورديني مرويدر . حضرت داود بر قيون كسر ، قيونك اك اي عضوندن ايكيسني كتيرمسنى لقمانه امر ايدر . لقمان قيونك ديلي ايله يوركني كتيرر . ديكر بر وقتده اك كوتو عضوندن ايكيسني كتيرمسنى امر ايتديكنده عين اعضالري كتيرر . داود عليه السلام « حيوانك اك اعلا عضوي ايستهدم ، بونلري كتيردك . اك فنا عضوي ايستهدم ، ينه بونلري كتيردك ، سبب نه در ؟ » ديديكنده لقمان جوابنده « بو ايكي عضوا كر اي اولورسه هر شيدن ايدر ، اكر كوتو اولورسه هر شيدن كوتودر » ديمش و بناء عليه ؛ لسانه قالك هرايكله آلت اولدقلى كي هر كوتولكه دخی آلت اولدقلى ينه اشارت ايتمشدر .

جناب حق بو آيتده حكمتي ؛ الله شكره تعريف ايتمشدر . چونكه شكر ؛ هر عبادتي جامعدر . زيرا قلبك شكري ؛ الله معرفت ، لسانك شكري ؛ حمد و ثناء ، اعضائك شكري ؛ عبادت . بناء عليه ؛ بر كيمسه سوزنده و ايشنده و ناسله معاشرتنده و طاعاننده حكمت رعيت ايتدكجه حكيم اولماز .

واجب تعالى لقمانه شكرله امر ايتدكدن صكره شكرك منفعتي شاكر اولان كيمسه يه راجع اولاجيني بيان ضمتده ﴿ وَمَنْ يَشْكُرْ فَإِنَّمَا يَشْكُرُ لِنَفْسِهِ وَمَنْ كَفَرَ فَإِنَّ اللَّهَ غَنِيٌّ حَمِيدٌ ﴾ بيوريور .

[ اكر بر كيمسه شكر ايدرسه كندى نفسنه شكر ايدر و اكر كفر ايدرسه الله تعالى آنك شكرينه محتاج دكلدر . زيرا ؛ الله تعالى هر كسدن غنى و ذاتنده محموددر . بناء عليه ؛ آنك شكر ايتمسييله ايتمه سي بيتنده فرق يوقدر و شكر ايتمه مسندن جناب حقه بر نقصان عارض اولماز . ]

يعني ؛ بر كيمسه اللهك ويرديكي نعمته شكر ايدرسه شكرينك منفعتي كندينكدر . زيرا ؛ شكرله نائل اولديني نعمتك حقني ادا ايتديكي كي شكر ، نعمتك دوامنه و ترايدينه سبيدر . بناء عليه ؛ شكردن مستفيد اولاجق شكر ايدن كيمسه در و اكر بر كيمسه كفران نعمت ايله ريسنه كفر ايدر و ويرديكي نعمتك حقني ادا ايتمسه كفران نعمتك ضرري كندينه عايددر . زيرا ؛ اللهك هيچ كيمسه نك شكرينه احتياجي يوقدر و هر كسدن غنى و ذاتنده محموددر . بناء عليه ؛ قوللردن هيچ بر كيمسه شكر ايتمه ذات الوهيتنه هيچ بر ضرر كلز .

فخر رازينك بياني وجهله انسان ايچون هر زمان شكرك تكرري لازم اولديغه اشارت ضمتده شكر استمراره دلالت ايدن مضارع صيغه سيله ( يشكر ) وارد اولمشدر . لقمانك خير كثير صاحبي اولديغه بو آيت دلالت ايدر . چونكه ؛ واجب تعالى حكمت ويرديكي كيمسه يه خير كثير ويرلديكني ديكر آيتده بيان ايتمشدر .



واجب تعالی لقمانه حکمت و یردیکنی بیاندن صوکره لقمانک حکمتلرندن بعضیلرینی بیان ایتک اوزره ﴿وَإِذْ قَالَ لُقْمَانُ لِابْنِهِ وَهُوَ يَعِظُهُ يَا بُنَيَّ لَا تُشْرِكْ بِاللَّهِ إِنَّ الشِّرْكَ أَظْلَمُ عَظِيمٌ﴾ بیوریور .

[ حبیب ! ذکر ایت شول زمانی که او زمانده لقمان اوغلونه وعظ ایدر اولدینی حالده اوغلونه خطاباً دیدی که ای اوغلانجغم ! اللهه شرک ایتمه . زیرا شرک؛ بویوک ظلمدر . ]

یعنی ، یا اکرم الرسل ! ذکر ایت شول زمانی که او زمانده لقمان اوغلونه وعظ ایدر اولدینی حالده دیدی که ای اوغلانجغم ! اللهه عبادتگده غیری بی شرک ایتمه . زیرا اللهه شرک ایتک ؛ پک بویوک ظلمدر . چونکه شرک ؛ قادر و قیومه مخلوقاتندن اک عاجز شیلری مساری طومق اولدینی کبی عبادتی محلتک غیری به صرف ایتمکدر . لقمانک اوغلونک اسمی ( انم ) ویا ( اشکم ) ویاخود ( ماثات ) اولدینی بیضاوینک جمله بیاناتنددر . اوغلونک شرک اوزره بولوتوب والده سیله برابر پدرینک وعظیله ایمان ایتدکلی نیسابورینک بیاناتی جمله سنددر . آیتده شرک اوزره اولدیغنه دلالت ایدر که لقمان اوغلونه وعظنده شرک ظلم اولدینی بیان وشرکدن نهی ایله باشلامشدر .

بو آیتده واجب تعالی حضرت لقمانک ، مراتب انسانیه نک اعلاسی احراز ایتدیکنی بیان ایتشدر . چونکه ؛ انسانک مرتبه بالایی کندینک کامل اولوب باشقه سنی مکمل اولمسیدر . شو حالده لقمانک نفسنده کامل اولدینی ؛ بوندن اولکی آیتده حکمت و یردیکنی بیانه و باشقه لرینک نواقصی اکمال ایتدیکنی ده بو آیتده وعظ ایتدیکنی ذکرله بیان ایتشدر .

خلاصه ؛ لقمانک اوغلونه وعظ ایتدیکی و وعظنک خلاصه سی اوغلونی شرکدن نهی ایدوب شرک ظلم عظیم اولدینی جهتله جائز اولمادی و انسانه لازم اولان اولاً اولادینه نصیحت ایتک اولدینی بو آیتدن مستفاد اولان فوائد جمله سنددر .

..

واجب تعالی عبادته مستحق آنجق کندی اولوب کندینک غیری به عبادت جائز اولمادیکنی بیاندن صوکره بعض صورتده انسانک کندی مثللو انسانلره اطاعتی واجب اولدینی بیان ایتک اوزره ﴿وَوَصَّيْنَا الْإِنْسَانَ بِوَالِدَيْهِ﴾ بیوریور .

[ بز انسانه آسانه باباسنه احسان ایتسنی توصیه ایتدک . ]

﴿حَمَلَتْهُ أُمُّهُ وَهْنًا عَلَى وَهْنٍ﴾

[ زیرا ؛ انسان و والده سی ضعف اوزرینه ضعفیله قارنده کوتوردی . ]

﴿وَفِصَالُهُ فِي عَامَيْنِ﴾

[ وایکی سنه والده سی سودینی امزیردی وایکی سنه دن صوکره سوددن آیردی . ]  
بناء علیه ؛ ابویننه خدمت ایتسنی وصیت ایتدک و دیدک که

﴿أَنْ أَشْكُرَ لِي وَلِوَالِدَيْكَ﴾

[ ای انسان ! سن بکا ووالدینک شکر ایت . ]

﴿إِلَى الْمَصِيرِ﴾

[ زیرا ؛ آخرتده آنجق بنم حضورمه رجوع ایده جکسک . ] چونکه ؛ بنم حضورمدن باشقه واریلاجق یر یوقور . بناء علیه ؛ بکا ووالدینک شکر ایدوب ایتدیکی بن سوال ایده جکم .

یعنی ؛ بز انسانه آسانه و باباسنه اطاعتی و آنلرله حسن معاشرتی وصحبتی و آنلرک حضورنده حسن ادبه رعایتی و آنلرک جمیع حقوقنی محافظه بی وصیت ایتمکله واجب قیلدق و بالخاصه انسان ایچون برطاقم محتلره و مشقتلره قاتلانان والده سنک حقوقه دها زیاده رعایت ایتسنی توصیه ایتدک . چونکه ؛ والده سی انسانک ابتداء وجودنده ضعف اوزره ضعف و انواع مشقت ایله اوزرنده کوتوردی . زیرا ؛ انسانک والده سنک قارنده نشوونماسی تراید ایتدک و والده سنک ضعیفلامسی ده اونسبتده تراید ایدر . بناء علیه ؛ حمل زمانی والده سنک ضعف اوزرینه ضعفی فضلله لایر و بوضعف انسانک والده سندن آیریلنجیه قدر دوام ایدر .



انسان والده سندن آیرلدقندن صوکره والده سی آتی محافظه و تربیه سنه دوام ایدر .  
حق ایکی سنه سودینی امزیرر وایکی سنه ختامند ، سوددن کسر ولکن سوددن کسمکله  
آنک یاقاسنی براقاز ، بلکه صوک درجه تربیه سنه و محافظه سنه دوام ایدر و بو حال بلوغه  
واصل اولونجه به قدر کیدر و بلوغه واصل اولونجه بز انسانه دیرزکه « ای انسان !  
بالاصاله بکا شکر ایت . زیرا ؛ بن سنی خلق ایتدم و انواع نعمتله متعم قیلدم . بناء علیه ؛  
بو نعمتک شکرینی ادا ایتک سنک اوزریکجه واجبدر و پدریکجه و والده گه دخی شکر  
ایت . زیرا ؛ آنلر سنک وجودگه سبب اولدقلری کبی سنی بسله دیلر ، بویتدیلر . شوخالده  
آنلرک سکا بو قدر خدمتلیینه قارشنی سن ده آنلره خدمت ایتمکله شکر ایت . اکر شکر ایتمزه سک  
جزا کوره جکسک . زیرا ؛ آخرنده مرجعک آنجق بکادر بناء علیه ؛ شکر ایدوب ایتدیککی  
بن سؤال ایده جکم . اکر شکر ایتمزه سک مجازات ایده جکم » دیمکله انسانه و صایاده بولوندق .  
بیضاوینک بیانی وجهله صبی امزیرمک مدتک ایکی سنه اولدیغنه بو آیت دلالت  
ایدر . چونکه امزیرکدن کسيلمک مدتک ایکی سنه اولمسنی بیان ؛ امزیرک مدتی بیاندردر .  
آنانک زحقی بابادن زیاده اولدیغنی جهتهلر آنایه رعایتک واجب اولمسنک سببی ؛ آیتده  
والدهنک چوجنی ضعف اوزرینه ضعفله کوتورمسی اولدیغنی بیان اولونمشدرکه والدهیه  
رعایت دهها زیاده اهتمام ایتک لازم اولدیغنه اشارتدر . بو معنایی رسول اللهک « بن کیمه  
ایمک ایدیم ؟ » دیهرک سؤال ایدن بر کیمسه یه « آناکه ، صوکره آناکه ، صوکره آناکه  
وصوکره بابا که رعایت ایت » بیوردیغنی حدیث شریفی تأیید ایدر . شوخالده پدره نسبتله  
والدهنک حقوقی مؤکددر . والدهنک و پدرک صاغلقلرنده آنلره شکر ؛ خدمت و رعایتدر .  
اما وفاتلرنده آنلره شکر ؛ خیرله دعا ایتکدر . چونکه ؛ خازن و مدارکده بیان اولوندیغنه  
نظراً بو آیتک تفسیرنده ( سفیان بن عیینه ) « بر کیمسه بش وقت نمازی ادا ایدرسه اللهه  
شکر ایتمش اولور و اکر بش وقت نماز آرقه سنده والده و پدرینه خیرله دعا ایدرسه ابویننه  
شکرینی ادا ایتمش اولور » بیورمشدر .

انسانک وجودینی جناب حق خلق ایتدیکی جهتهلر ذاته شکری واجب قیلدی و انسانک  
وجودینه سبب ابوینی اولدیغنی کبی حسن تربیه سنه دقت ایتدکلی جهتهلرده ابوینه شکری  
واجب قیلمله الله تعالی ابوینه شکری کندینه شکره مساوی اولارق ذکر ایتمشدر .

...

واجب تعالی ابوینه اطاعتک واجب اولدیغنی بیاندن صوکره والدهینه اطاعتک ترک ایتک  
لازم اولان جهتهلری بیان ایتک اوزره ﴿ وَ اِنْ جَاهِدَاكَ عَلَىٰ اَنْ تُشْرِكَ بِى مَا لَيْسَ  
لَكَ بِهِ عِلْمٌ فَلَا تُطِعْهُمَا ﴾ بیوریور .

[ ای انسان ! سنک بیلمدیکک شیده والدهک و پدرک بکا شرک ایتک اوزره  
سکا اصرار ایدر و سنکله مجاهده ایدرلرسه سن آنلره بو خصوصده اطاعت ایتمه . ]

﴿ وَ صَاحِبُهُمَا فِي الدُّنْيَا مَعْرُوفًا ﴾

[ وسن آنلره دنیا ده شرعاً جائز و عقلاً مقبول اولان شیلر ده مصاحبت ایت . ]

﴿ وَ اتَّبِعْ سَبِيلَ مَنْ اَنَابَ اِلَيَّ ﴾

[ وسن هرامورنده بکا مراجعت ایدن کیمسه یه اتباع ایت . ]

﴿ ثُمَّ اِلَيَّ مَرْجِعُكُمْ فَاُنَبِّئُكُمْ بِمَا كُنتُمْ تَعْمَلُونَ ﴾

[ دنیانک اقرار سندن صوکره بزم حضور معنوی مزه رجوع ایده جکسکز . سز رجوع  
ایدنجه بن سزه سزک ایشله مش اولدیغکز عملکزی خبر ویریرم . ]

یعنی ؛ آنایه و بابایه اطاعتی وصیتله واجب قیلدق ولکن اطاعت ؛ شرکه بادی اولماق

شرطدر . بناء علیه ؛ ای مکلف اولان انسان ! سن خالی ذهن اولارق علمک

لاحق اولمایان شیده ابوینک سکا شرک ایتکی تکلیف و بو تکلیفلرینی قبول ایتدیرمک

اوزره سنکله مجاهده ایدرلرسه سن آنلرک شرکی تکلیفلرنده آنلره اطاعت ایتمه . زیرا ؛

خالقه معصیت اولان یرده مخلوقه اطاعت اولماز . شوخالده آنلرک تکلیف ایتدکلی

شرکی قبول ایتمه رد ایت و آنلره اطاعت ایتمه عصیان ایت ولکن دنیا ده آنلرک سائر

حقوقلرینی محافظه دقت ایت و شرعاً جائز و عقلاً مستحسن اولان شیلرله آنلره مصاحبت

ایت و حلمله و صبرله معامله و حسن خدمت ایتک و طعام بیدیرمک و کوزل لباس کیدیرمک

کبی شیلرله آنلره رعایت ایت که اوزریکه ترتب ایدن واجبی ادا ایتمش اولاسک . آنلرک  
خالقه عصیانله اولان بالعموم امرلرینه اطاعت ایتمه ، بلکه هرامورنده بزه رجوع و دین



حقه اتباع ایدن اهل حقك طریقینه اتباع ایت . چونکه ؛ دنیاك انقراضدن صوکره عاقبت مرجعکز بکادر . بناء علیه ؛ بن ابوبنک شرکندن وسنک توحید کدن هر جمله کزه سؤال ایدر و کوچوک و بویوک و خطا و ثواب جمله اعمالکزی سزه خبر ویریرم و هر بریکز خیر و شر عملکزه کوره جزا کزی کورورسکز .

بیضاوینک بیاننه نظراً بوآیتک سبب نزولی ؛ ( سعد بن ابی وقاص ) حضرت تلیرتک اسلام اولمسیدر . چونکه ؛ ( ابوبکر ) حضرت تلیرتک دلالیتله ( سعد ) حضرت تلیری اسلام اولونجه والدوسی اوچ کون اکمک یمیدی وارنداد ایتسی ایچون چوق اصرار ایتدی و آغلادی والدسنه اسلامی ترک ایتمه چکنه قطعی جواب ویرمسی اوزرینه بوآیتک نازل اولدینی مرویدر . بوروایته نظراً ( سبیل من اناب ) ایله مراد ؛ ابوبکرور .

نیسابوری وقاضینک بیاتلری وجهله بو ایکی آیت حضرت لقمانک اوغلونه وعظی آره سنده جمله معترضه در . جمله معترضه دن مقصد ؛ ایکیدر : برنجیسی ؛ والدیه اطاعت جناب هغه اطاعة تابعه . یعنی ابویه اطاعت الله اطاعت کبی و امیرور . ایکجیسی ؛ شرکک بک بویوک کنه اولدیغنی تا کیرور . یعنی « شرک او قدر بویوک برجنایت که حتی اوجنایتله اطاعتلری واجب اولان ابون امرایتمش اولسه لر دخی بو خصوصده آنلره اطاعتی ترک ایتک لازم » دیمکدر .

خلاصه ؛ انسانک مشروع صورتده والدینه بدنیله خدمت و اطاعتی لازم و اموردینه و معقولانده پیغمبره اطاعت واجب اولدینی و شوالده اموردینه متعلق اولان یرده دینه و امور دنیا به متعلق اولان یرده ابویه اطاعتک واجب اولدینی بوآیتلردن مستفاد اولان فوائد جمله سنددر .

واجب تعالی قوللرتک جمله اعمالی خبر ویره چکنی بیاندن صوکره لقمانک اوغلونه اللهم نزدیکه قولنک هیچ بر کیزی عملی اولمادیغنی سوبله دیکنی بیان ایتک اوزره ﴿ يَا بُنَيَّ إِنَّهَا إِنْ تَكُ مِثْقَالَ حَبَّةٍ مِنْ خَرْدَلٍ فَتَكُنْ فِي صَخْرَةٍ أَوْ فِي السَّمَوَاتِ أَوْ فِي الْأَرْضِ يَأْتِ بِهَا اللَّهُ إِنَّ اللَّهَ لَطِيفٌ خَبِيرٌ ﴾ بیوریور .

[ ای ] اوغولجغم ! سنک عملکدن برخصلت که ا کر کوچوکلکده و آغیرلقده بر خردال دانه سی قدر اولورسه و او مقدار عملی ایشله دکن صوکره سن بر طاش ایچنه کیرمش و یاخود سایه چیقمش و یا ارض ایچنه کیرمش و کیزی وقارنلق بر محله صاقلانمش اولسه که الله تعالی اوخصلتی حضورینه کتیریر و آنی سندن سؤال ایدر . زیرا ؛ الله تعالی هراسراده مطلع لطیف و هرشیئی بیلیر بر خیردر . [ چونکه ؛ علمنه مانع بر حائل یوقدر . بناء علیه ؛ سنک عملکی و بولوندیغک موقعی بیلیر .

یعنی ؛ لقمانک اوغلونه نصایحنه قارشی اوغلونک « بن کیمسه نک کورده میه چکی تنها محله کنه ایشلرسم الله تعالی بکانه یاپار ؟ » دیمسی اوزرینه لقمان تکرار نصیحتنه باشلار و دیرکه « ای اوغولجغم ! ا کر سنک ایشله دیکک خصلت کرک خیر اولسون و کرک شر اولسون خردال دانه سی قدر جشمی کوچوک اولسوک و طاش ایچنده غایت کیزی و صاقلی بر محله و یاخود سمواتده و یا ارضک ایچنده اولسون الله تعالی آنی کتیریر سندن سؤال ایدر . زیرا الله تعالی ؛ لطیفدر و قدرتی هرشیئه نافذدر و کیزی ایشلرک جمله سنی بیلیر . چونکه ؛ خیردر .

حضرت لقمانک بو کلامی اصول اعتقادیه دن جناب حقک علمنی و قدرتی بیانه اوغلونی تهدید و آخرتی اعتقادک لزومی و سوء اعمالی ترکه حسن اعماله چالیشمق واجب اولدیغنی اعلانله انصافه و اعتقاد حقه دعوتدر .

واجب تعالی حضرت لقمانک اوغلونه دیکر نصیحتی بیان ایتک اوزره ﴿ يَا بُنَيَّ أَقِمِ الصَّلَاةَ وَأْمُرْ بِالْمَعْرُوفِ وَانْهَ عَنِ الْمُنْكَرِ وَأَصْبِرْ عَلَى مَا أَصَابَكَ إِنَّ ذَلِكَ مِنْ عَزْمِ الْأُمُورِ ﴾ بیوریور .

[ ای ] اوغولجغم ! نمازی ادا ایت . عقلاً و شرعاً مستحسن اولان معروفاته امر ایت و منکر اولان شیلردن ناهی منع ایت و عبادتکی اداده و نصیحتکده تصادف ایده چکک مشقتلره صبر ایت . زیرا ؛ شوتعداد اولونان اموردن هربری طرف التهدید



مقصود اولان ایشلردندر. [ چونکه ؛ الله تعالی قوللری اوزرینه بولردن هر برنجی واجب قیلمشدر .

یعنی ؛ لقمان اوغلونی شرکدن منع و قدرت الهیه نک هر شیئه تأثیرینی و علمنک جمله اشیایی احاطه سنی بیانله تهدید ایتدکن صوکره فضائل اعمال ایله نفسی تزین ایتسنی توصیه ایتک اوزره اوغلونه دیمشدرکه « ای اوغولجزم ! سن اللهک رضاسنی تحصیل ایچون نمازی اقامه ایت . زیرا نماز ؛ انسانی کناهدن نهی ایدر و سن نفسکده اعمالی ادا ایله تکمیل ایتدکن صوکره باشقه لرینک نقصاتی ا کمال ایچون اللهک رضاسنه وسیله اولان معروفاته امرورضایه مخالف و عقله قبیح اولان منکراتدن نهی ایت و سکا خسته لق و فقیرلق و حزن و کدر و بالخاصه امر بالمعروف ده خیره دلالت ایتدیکک کیمسه لر طرفدن کوره جکک اذالره صبر ایت . زیرا ؛ بشو تعداد اولونان شیلر اللهک قوللری اوزرینه واجب قیلدینی اموردندر .

بوآیت ؛ کچمش امتلرده دخی نمازک مشروع و مقبول بر عبادت اولدیغنه دلالت ایدر . چونکه ؛ لقمانک اوغلونه نمازله امر ایتسنی نمازک مشروع اولدیغنه دلالت ایدر . شو قدرکه هر امتده نمازک هیئتلری باشقه باشقه در .

\*\*

واجب تعالی حضرت لقمانک اوغلونه امر ایتدیککی مأموراتی بیانندن صوکره نهی ایتدیککی منہیاتی بیان ایتک اوزره ﴿ وَلَا تُصَعِّرْ خَدَّكَ لِلنَّاسِ وَلَا تَمْشِ فِي الْأَرْضِ مَرَحًا ﴾ بیوریور .

[ ای اوغولوم ؛ سن ناسدن یوزیک دوندورمه ویر یوزنده کبرله یوریمه . ]

﴿ إِنَّ اللَّهَ لَا يُحِبُّ كُلَّ مُخْتَالٍ فَخُورٍ ﴾

[ زیرا ؛ الله تعالی هر کبر ایدنی و غیریلره نفسنده بر بویوکلک کوروب افتخار ایدنی سومز . ]

یعنی ؛ لقمان اوغلونه اقامه صلات و امر بالمعروف و نهی عن المنکر ایله امر ایتدکن

صوکره اوغلونی غیریلرک نواقصنی اکاندن طولایی تکبر ایتسنه و نفسنده کامل اولسنه بناء کندنده بر بویوکلک کورمکدن نهی ایتک اوزره دیورکه « ای اوغولوم ؛ ناس سکا سوز سویلدکلرنده آنلردن یوزیک چویروب تکبر ایتمه . کمال تواضعله آنلرک سوزلرینی دیکله و آنلر سوز سویلرکن سوزلرینه اهمیت و یرمیه رک باشقه شیله مشغول اولما و یوز اکریلکی کوسترمه . چونکه ؛ ناسله حسن معاشرت لازمدر . یروزنده فرحلی و کبرلی یوریمه واللهک سکا و یردیککی نعمتی هضم ایت و خفیقلک ایدره رک نعمتکده مغرور اولما . زیرا ؛ الله تعالی نفسنده عظمت کورمکله کبر ایدنلری و نعمتیه غیره تکبر ایدنلری سومز . چونکه ؛ آنده بولونان نعمتک جمله سنی الله تعالی و یردیککدن بویوکلک اللهه مخصوص اولدینی جهته قوللر ایچون تکبر ؛ اللهک غضبنی داعیدر .

ایشته بیان اولونان احکامک جمله سیله عمل ایتک بزم اوزریمزده واجبدر . کرچه بوآیتلر لقمانک اوغلونه نصیحتنی حکایه ایهده ام سالفه نک احوالندن قرآنده جناب حقک بزه خبر و یردیککی احکامک بزم حقمزدهده عین شریعت اولوب آنکله بزم عمل ایتمه من واجب اولدینی قواعد اصولیه من اقتضاسندندر . شو حالده شو بیان اولونان اوامر و نواهی بزم حقمزدهده دخی عین امر و نهیدر .

ابوالسعود افندینک بیانی وجهله متکبر اولان کیمسه لرک عادتلری بکنمداکاری کیمسه لردن یوزلرینی چویرومک ویر یوزنده عظمتله یوروومک اولدیغندن لقمان اوغلونی بویکی خصلت ذمیمه دن نهی ایتشدر .

(ولا تصعر) صعر ؛ طبریده بیان اولوندینی وجهله دوه نک بو بزمه مبعوب بوبینی بر طرفه اکی برده یاره در . بومقامده « فقرا کروهی سوز سویلدکلرنده تکبر ایدره رک یوزیک آنلردن باشقه طرفه ا کمه و آنلرک سوزلرینی دیکله مکدن نفرتکی اظهار ایتمه » دیمکدر . (مرحاً) کبرله برابر فرمدر . یعنی « متکبر و فرحلی اولدیغک حالده یورومه » دیمکدر .

\*\*

واجب تعالی حضرت لقمانک اوغلونی کبرله خفیف صورتده یوروومکدن نهی ایتدیککی بیاندن صوکره کرک ایشنده و کرک سوزنده وسطی اختیار ایتک لازم اولدیغنی توصیه



ایتدیکنی بیان ایتک اوزره ﴿وَأَقْصِدْ فِي مَشْيِكَ وَاعْصُضْ مِنْ صَوْتِكَ إِنَّ أَنْكَرَ الْأَصْوَاتِ لَصَوْتُ الْحَمِيرِ﴾ بیوریور.

ای اوغلوم! یورو مکدن، سرعتله خفت آره سنی اختیار ایت و سوز سویلر کن انکین صدا ایله سویله. زیرا؛ صدانک غایت چیرکین اولانی حمارک صداسیدر. [ یعنی؛ لقمان اوغلونی کبرله یورو مکدن نهی ایدنجه سرعتله و شجیعانه یورو مک ضدی اولان غایت ضعف اظهار ایدهرک یورو مک ده مذموم اولدینی جهته ایکی سنک آره سنده یورو مک لازم اولدینی بیان ایتک اوزره اوغلو خطابه ایدهرک دیور که «ای اوغلوم! سرعتله متکبران یورو مک و غایت ضعف اظهار ایدرک تانی ده ایتمه، بلکه بو ایکنک وسطی اختیار ایدهرک یورو مک کبردن و ضعفدن بر اثر کور و لاسون. شو حالده هان سکینت و وقار اوزره علی العاده یورو و سوز سویلر ایکن صدا کی اوزون چیتارمه. زیرا؛ صدانک غایت چیرکینی حمارک صداسیدر. بناء علیه؛ یوکسک صدا ایله سوز سویله مه که صدانک مرکبک صداسنه مشابه اولماسون. زیرا؛ مرکبک صداسی جمله عقلا و حیوانات عندنده کریهدر.

بناء علیه؛ جناب حقک شرف و کمال اوزره خلق ایتدیکی انسانک، حیواناتک آشایسی و مخلوقاتک سفلیسی اولان مرکبه نفسی ولو صدا ایله اولسون تشبیه ایتسی خالقک عزیز و شریف اولارق خلق ایتدیکی وجودی ضعیف و ذلیل قیلمسیدر. شو حالده یوکسک سویلکده بر مقصد صحیح اولمادجه باغیره باغیره سویلک مکروهدر. اما انشای محاربه ده دشمنی تهدید ایتک و یا کیش یوله کیدن بر کیمسه بی دوندورمک ایچون آرقه سندن چاغیرمق کبی بر مقصد صحیحه مبنی اولورسه یوکسک صدا جائز اولایلیر. فخر رازینک بیانی وجهله انسانک مقصدینه وصولی آیاقله اولوب آیاقله اولاشامیه جنی محله بولونان کیمسه به صداسیله چاغیرمق عادت اولدیغندن واجب تعالی بو آیتده هرایکیسنی جمع ایتدیکی کبی هرایکیسنده دخی افراط و تفریطک جائز اولمایوب بونلرک وسطنده حرکت ایتک لازم اولدینی لقماندن حکایه صورتیه بزه بیان ایتشدر.

تفسیر خازنده (امام ثوری) دن نقلاً بیان اولوندیغنه نظراً هر شیئک صداسی الهی

نقاصدن تنزیه معناسنه تسبیح اولایلیر، الا حمارک صداسی تسبیح اولماز. زیرا مرکبک صداسی؛ شیطانی کوردیکنده اولدینی جهته خیره علامت دکلدیر. بناء علیه؛ مرکب آکیردیغنده استعاذه ایتک لازم اولدینی کتب شرعیه مزده مذکوردر.

..

واجب تعالی حضرت لقمانک اوغلونه نصایحی بیاندن صوکره انسانلره واقع اولان نعمتلرنی بیانله عبادته و نعمتلره شکره ترغیب ایتک اوزره ﴿أَلَمْ تَرَ أَنَّ اللَّهَ سَخَّرَ لَكُمْ مَا فِي السَّمَوَاتِ وَمَا فِي الْأَرْضِ وَأَسْبَغَ عَلَيْكُمْ نِعَمَهُ ظَاهِرَةً وَبَاطِنَةً﴾ بیوریور.

[ کورمز میسکز الله تعالی کوکلرده اولان آی، کونش و ییلدیزلر و بلوطلر کبی موجوداتی و یرده اولان حیوانلر و دکزلر و نهرلر و معدنلری سزک منفعتکزه تخصیصله سزه مطیع و منقاد قیلدی، کیزلی و آشکار نعمتلرنی سزک اوزریکزه اتمام ایتدی. ]

یعنی؛ ای انسانلر! سز کورمز و بیلیمز میسکز که الله تعالی عالم علوی اولان سمواتده و عالم سفلی اولان ارضده بولونان بالعموم موجوداتی سزه خادم و منفعتکزه تخصیصله سزه منقاد و آنلردن هر برینک سزه خدمتلری سیبیلله معیشتکزی قولای قیلدی. چونکه؛ سماء بولونان آی و کونش و سائر ییلدیزلرک دورانی اوزرینه یر یوزنده اوتلرک بیتسی و بلوطلردن یا غمور یا غمسیله حیواناتک نشو و نما بولسی و میوه لرک کانه کلسی و مرور زمانله یرده اولان معدنلرک انتفاعه صالح بر حال کسب ایتسی و دکزلرده کیلرک سیروسفر ایدوب باتمامسی و انسانلرک نهرلری ایسته دکلری محللره آلوب کوتورمسی و حیوانلرک هر برینک برر نوع انتفاعه تعیین اولونمسی مثلاً دوهنک یوکه، اوه کوزک چیفته، آتک بنیده قویونک اسکله و سائر حیواناتک بو منوال اوزره بر منفعته تعیین اولونوب حق و حشیلرک بیله بر چوق منفعتلر تأمین انسانلرک معیشتلرنی تسهیل ایچون طرف الهیدن احسان سبحانیدر و هر بری واجب تعالی نک وحدانیتنه و قدرت قاهره سنه دلیل ظاهر در و بو نعمتلرک هر برینه مقابل شکر ایتسی واجب اولدیغندن بو وجوبی ادا ایتمین انسانلری الله تعالی بو آیتله توبیخ ایتشدر.



چونکه آیتده همزه؛ استفهام نظری اولدیغندن بوقدر میدانده اولان نعمتتری کورمه مک امر منکر دیمکدر .

مدار کده بیان اولوندیغنه نظراً بو آیتده نعمت ظاهره ایله مراد؛ کوز، قوی، لسانه و سایر اعضاء ظاهره در . نعم باطنه ایله مراد؛ قلب، عقل، فهم و سایر اعضاء ظاهره نیک قوالی در . مثلاً کوز؛ نعمت ظاهره در . آنده کورولمین بر قوی وارد که کوزک ضیاسی ویر . لسان؛ نعمت ظاهره در و آنده تکلمه اقتدار ویرن بر قوی وارد . سایر اعضاء دره دخی حال بویه در . انسانک اعضاسی نام و صورتی کوزل و رزقی بول اولمق نعمت ظاهره جمله سندن اولدیغی کی حسن اخلاق ده نعمت باطنه جمله سندر . شو تفصیلاته نظراً معنای نظم؛ [سز کورمدیگز و بیلمدیگز می؛ الله تعالی سزه کوکلرده ویرده اولان مخلوقاتی مطیع و منفعتکزه خادم قیلدی ده نعمت ظاهره اولان کوزلیکزی و قولقلریکزی و سایر اعضا کزی و حسن صورت و دیانتکزی سزک اوزریکزه اتمام ایتدی و نعمت باطنه اولان قوالریکزی سزه نقصانسر ویردی . شو حالده بو نعمتک شکرینی ایفا ایتک سزک اوزریکزه واجب قیلندی] دیمکدر .

\*\*

واجب تعالی توحیده دلالت ایدن دلیللری بیاندن صوکره توحید السهیده مجادله ایدنلرک مجادله لری بر دلیله مستند اولمادیغنی بیان ایتک اوزره ﴿وَمِنَ النَّاسِ مَنْ يُجَادِلُ فِي اللَّهِ بِغَيْرِ عِلْمٍ وَلَا هُدًى وَلَا كِتَابٍ مُنِيرٍ﴾ بیوریور .

[ناسدن بعضیلری شول کیمسه که او کیمسه دلیل عقلیه مستند علمی و رسولک ارشادینه مستند هدایتی و کتابه مستند دلیل نقلیسی اولقسزین وحدانیت السهیده مجادله ایدر .] یعنی؛ وحدانیت السهیه اعتراض ایدن ناسدن بعضیلریدر و آنلرک اعتراضلری بر دلیل علمییه مستند دکدر . چونکه؛ آنلرک مجادله سی دلیل عقلیدن استدلال اولونمش و یا خود بزم طرفزدن الهامله کشف اولونارق کندیلرینه ویرلمش بر علمه مستند اولمادیغی

کی برسولک ارشادیه هدایت و بزم وحی ایله کوندردیکمز انسانلری نورلاندیران بر کتابه دخی مستند اولمادیغندن مجادله لری کور کورینه بابالرینی تقلیده مستنددر . بناء علیه؛ آنلرک مجادله سی اعتباردن ساقطدر . زیرا؛ دلیلسز مجادله یه و اعتقاد یاتده تقلیده اعتبار بوقدر .

\*\*

واجب تعالی مشرکک وحدانیت حقنده مجادله لری بر دلیله مستند اولمادیغنی بیاندن صوکره مجرد تقلیده مستند اولدیغنی بیان ایتک اوزره ﴿وَإِذَا قِيلَ لَهُمُ اتَّبِعُوا مَا أَنْزَلَ اللَّهُ قَالُوا بَلْ نَتَّبِعُ مَا وَجَدْنَا عَلَيْهِ آبَاءَنَا﴾ بیوریور .

[مشرکله «اللهم انزال ایتدیکی قرآنه اتباع ایدک» دنیلدیکنده آنلر «بز قرآنه اتباع ایتمز، بلکه بابالریمزی سلوک ایتمش بولدیغمز مسلکرینه اتباع ایدرز» دیدیلر.]

﴿أَوْ لَوْ كَانَ الشَّيْطَانُ يَدْعُوهُمْ إِلَىٰ عَذَابِ السَّعِيرِ﴾

[آنلر بابالرینک مذهبه اتباع ایده جکلرینی سویلرلرده ولوسه بابالرینی شیطان جهنم عذابنه دعوت ایتسه و بابالرینک مذهبی جهنم عذابنی موجب اولسه دخی بابالرینک مسلککنه می اتباع ایده جکلر؟]

یعنی؛ دلیلسز شرکی ارتکاب ایدن مشرکله نصیحت طریقیله «سز اللهم انزال ایتدیکی کتابه اتباع ایدک» سزک احوالکزی اصلاح ایدر دنیوی و اخروی منفعتکزی سزه کوستدر . بناء علیه؛ او کتابه اتباعکز واجبدر «دنیلدیکنده آنلر جوابده «بز اللهم انزال ایتدیکی کتابه اتباع ایتمز، بلکه بابالریمزی هانکی دین اوزره بولدق ایسه آکا اتباع ایدرز . زیرا؛ بابالریمزک دخی اولدن بری سلوک اولونمش بر دیندر» دیرلر و پدرلرینک دیندن آیرلمه جکلرینی و او دینه راضی اولدقلرینی صورت قطعیده سویلرلر . حییم! سن آنلره سؤال ایت دی که «ولوسه شیطان بابالرینی جهنم عذابنه دعوت ایدرسه دخی بابالرینه می اتباع ایدرلر؟» . ایشته مشرکله بوسوزلریله آچیقندن شرکی اختیارله شیطانک دعوتنه اجابت ایتدیلر . چونکه؛ پدرلرینی شیطان جهنمه دعوت ایتدیکی



جهتله پدرلرینک کیتدکری یولک جهنم یولی اولدینی حالدہ بونلرکده او یولی قبول ایتلمی  
جهنمی موجب اولان طریق شیطانی قبولدر .

\*  
\*  
\*

واجب تعالی مشرکک حلالری شیطانہ اتباعدن عبارت اولدیغنی بیاندن صوکره مؤمنک  
حالی الله اعتماد وقوی بر مسدکه سلوک ایتمکدن عبارت اولدیغنی بیان ایتک اوزره  
﴿وَمَنْ يُسْلِمْ وَجْهَهُ إِلَى اللَّهِ وَهُوَ مُحْسِنٌ فَقَدِ اسْتَمْسَكَ بِالْعُرْوَةِ الْوُثْقَى﴾ بیوریور .

[ بر کیمسه عبادتندہ احسان ایدیجی اولدینی حالدہ دینی وجله امورینی اخلاص  
اوزره الله تفویض وجله وجودیله الله انقیاد ایدرسه محقق او کیمسه صاعلام بر عهده  
یاپیشمش اولور . ]

﴿وَإِلَى اللَّهِ عَاقِبَةُ الْأُمُورِ﴾

[ وبالعموم ایشلرک عاقبتی آنجق الله راجعدر . ]

یعنی ؛ بر کیمسه شرائط وارکانه رعایت ایدر واللہک عذابندن قورقار وعمل صالح  
ایشلر اولدینی حالدہ الله ایمانه انقیاد ایدر ونفسنی الله تسلیمله تفویض امور ایدرسه  
کسیلمز وقیرلاز صاعلام بر طریقہ یاپیشمشدر . چونکه ؛ جملة امورک عاقبتی آنجق الله  
راجع اولدینی جهتله الله اعتماد ایدن کیمسه البته صاعلام وعاقبتی امین بر طریقہ  
یاپیشمش دیمکدر . بناء علیه ؛ هرکسک عاقبت امرینی دوشونمسی وصاعلام برمسدکه سلوک  
ایتمسی لازمدر . زیرا ؛ هرکسک اعمالی برر برر حضور الهیده تدقیق اولوناچق وایسی  
کوتوسندن آریلاچقدر .

بیضاوینک بیانی وجله بر کیمسه نیک وجهنی الله تسامیم ایلہ مراد ؛ قلبی وقالبی

ایله وجمیع شعور وادراکی ایله جانب الهی به نور وهدایه ماعزاده قطع عروق ایدرک هرشده  
واجب تعالی به استناد ایتمکدر . فقط یاالکیز توکل وتوجه کافی اولمایوب مأمور اولدینی  
اعمالی لایقيله ادا ایتک لازم اولدیغنه اشارت ایچون اعمالندہ محسن اولق شرط اولدینی

بیان اولونمشدر . چونکه مؤمنک عملندہ احسان ایتمسی ؛ الله تعالی بی کوریور کبی عمل  
وانقیاد ایتمکدر . بناء علیه احسان اوزره ادا اولونان عمل ؛ عندالله مقبول اولان عملدر .  
عروة وثقی ایلہ مراد ؛ طریق الهیبرکه او طریقہ سلوک ایدر کیمسینی رضاء الهی به  
ایصال ایدر برمسدکه رود اتمدر وانقطاع بوقدر . شو حالدہ معنای آیت : [ جانب الهی به  
توجهله عرض انقیاد ایدن کیمسه الهی کورمش کبی اخلاص اوزره عبادته دوام وجله  
ایشلرینی الله تفویض ایدرسه رضاء الهی به ایصال ایدر بر طریقہ سلوک ایتمشدرکه او طریق  
قیرلاز وکسیلمز ] دیمکدر .

\*  
\*  
\*

واجب تعالی مؤمنک حالی بیاندن صوکره کافرک حالی بیان ایتک اوزره ﴿وَمَنْ كَفَرَ

قَلِيلًا يَحْزَنْكَ كُفْرُهُ إِلَيْنَا مَرْجِعُهُمْ﴾ بیوریور .

[ اکر بر کیمسه کفر ایدرسه حبییم ؛ آنک کفری سکا حزن ویرمسون . زیرا  
آنلرک مرجعی ؛ آنجق بزه در . ]

﴿فَتُنَبِّئُهُمْ بِمَا عَمِلُوا﴾

[ بناء علیه ؛ بز آنلرک عمللرینی آنلره خبر ویریرز . ]

﴿إِنَّ اللَّهَ عَلِيمٌ بِذَاتِ الصُّدُورِ﴾

[ زیرا ؛ الله تعالی انسانلرک قایلرندہ اولان اسرارای بیلیر . ]

یعنی ؛ بر کیمسه وحدانیتہ دلالت ایدن دلائلدن صرف نظرله کفر ایدرسه حبییم  
آنک حقدن اعراضله کفری ارتکابی سکا حزن ویرمسون . زیرا ؛ آنک الله انقیاد  
ایتمسندن دنیاده وآخرتده سکا برضرر کلز . بناء علیه ؛ آنک کفرینه سنک حزن ایتماک  
لازم دکلددر . چونکه آنلرک مرجعی ؛ آنجق بزم حضوریمزه اولدیغندن بز آنلرک کوچوک  
وبوبوک بالجملة عمللرینی آنلره خبر ویرروهر برینک آری آری جزاسنی ویریرز . چونکه ؛  
الله تعالی کیزلی ایشلری وقلیده اولان اسرارای تماماً بیلیر . شو حالدہ یا اکرمرالسل ؛  
آنلرک کفرلرینه سنک ایچون تلاش ایتمککک لازم دکلددر . زیرا ؛ برشی که آتی الله تعالی



بیلیر و خیر و شر آنک جزاسنی و یره جک اودر . او حالده قوللر ایچون محزون اولمغه محل یوقدر . ایسته بو آیت جلیله نظرآ بر طاقم دین علیهنده بولونان یاراماز انسانلرک افعاله اهل ایمانک وجودلرینه ضعف ایراث ایدم جک قدر حزن ایتملرینه محل یوقدر . زیرا دین؛ اللهک دیندر و دینی ابطاله و برطاقم احکامنی شهوات نفسانیه لرینه موافق اولمادیغندن تغییره چالیشانلرده اللهک قوللریدر و الله تعالی نک علمی جمله سنه لاحقدر . شو حالده اهل ایمانه لازم اولان ؛ ممکن اولدیغنی قدر طریق حق بیاندرد . فقط دینسزلری دین حق قبوله اجبار یوقدر . اجباره اقتدارده اولمایچه بغض فی اللهله اکتفا اولونور و بغض فی اللهده اهل ایمان ایچون برمزیتدر . فقط فضله جه محزون اولمده بر فائدهده یوقدر .

\*\*\*

واجب تعالی کافرلرک کفرینک ضرری آنجق کندینه اولدیغنی بیاندن صوکره دنیاده کافر نه قدر معمر اولسه آخرته نسبتله او عمرک آز اولدیغنی واشد عذابه دوچار اولاجقلرینی بیان ضمتمده ﴿ نُمَتِّعُهُمْ قَلِيلًا ثُمَّ نَضْطَرُّهُمْ إِذَا عَذَابٌ غَلِيظٌ ﴾ بیوریور .

[ بز کافرلری آزیجق بر زمان دنیا متاعیله انتفاع ایتدیریرز و آز بر زمان معمر اولوب منافع دنیا ایله انتفاعدن صوکره بز آنلری شدتلی و آغیر بر عذابه مضطر قیلارز . ]  
یعنی ؛ دنیاده کافرلره دنیا متاعیله انتفاع ایتسونلر ایچون آز بر زمان عمر و یردکن صوکره اجل موعودلری کلیر ، بز آنلری غایت شدتلی اولان جهنم عذابه دخوله مجبور ایدرز . زیرا ؛ آنلر دنیاده انبیایی تکذیبله آخرتی انکار ایتدکلرندن کمال خجالتلریله برابر بز آنلری شدتلی اولان جهنمه کیرملرینه اجبار ایدرز و آنلرده مجبور اولارق کیررلره عذاب غلیظ ایله مراد ؛ ابرأ دوامد برابر آنشک شدنی و اهل مبرهک بربینه صبیغیشمیر .

﴿ وَلَئِنْ سَأَلْتَهُمْ مَنْ خَلَقَ السَّمَوَاتِ وَالْأَرْضَ لَيَقُولُنَّ اللَّهُ قُلِ الْحَمْدُ لِلَّهِ بَلْ أَكْثَرُهُمْ لَا يَعْلَمُونَ ﴾

[ ذات الوهیتیمه یمین ایدرم که حییم ؛ سن آنلره « یرک و کوکلرک خالق کیمدر ؟ »

دیهرک سؤل ایتسهک آنلر « البته الله تعالی خلق ایتدی » دیرلر . آنلرک شو اقرارلری اوزرینه « حمد ؛ اللهه مخصوصدر » دی ، بلکه آنلرک اکثریسی توحیدی بیلمزلر . ]  
یعنی ؛ یا اکرم الرسل ؛ سن کافرلره سؤل ایتسهک دیسهک که « کوکلری و یری کیم خلق ایتدی و بونلری خالق ایتمهک کیملک قدرتی واردر ؟ » آنلر حقیقتی اقراره مجبور اولورلر و دیرلر که « بوموجوداتک جمله سنی الله تعالی خلق ایتدی . چونکه ؛ بوعالم اجسامک خالق الله تعالی اولدیغنه دلیللر پک واضح انکاره محال یوقدر . آنلرک شو اقرارلری اوزرینه سن اللهه حمد ایت . زیرا ؛ آنلرک حقیقتی اقرار ایتملری سنک دعوا کی تصدیق اولدیغندن سنک ایچون آنلرک اقرارلری بر نعمت اولدیغنی جهتنه ارنعمته مقابل حمد ایتمه لازمدر که حمدک اللهه مخصوص اولدیغنی بیان ؛ آنلرک بوتلرینک حمده و عبادته استحقاقی اولمادیغنی دخی بیانی مستلزمدر . بناء علیه ؛ آنلرک خالق اقرارلری اوزرینه سن « الحمد لله » دی که آنلر معتقداتلرینک باطل اولدیغنی بیلسونلر ، بلکه آنلرک اکثریسی بواقرارلرینک اعتقادلرینه مخالف اولدیغنی بیلمزلر . بناء علیه ؛ اقرار ایدرلر ، حالبوکه اقرارلرینک کندیلرینی الزام و اسکات ایتدیکنی بیلمزلر .

\*\*\*

واجب تعالی سموات و ارضک خالق الله تعالی اولدیغنی کافرلرک اقرار ایتدکلرینی بیاندن صوکره خالقیتک لوازماتی بیان ایتک اوزره ﴿ اللَّهُ مَا فِي السَّمَوَاتِ وَالْأَرْضِ إِنَّ اللَّهَ هُوَ الْغَنِيُّ الْحَمِيدُ ﴾ بیوریور .

[ یرده و کوکرده اولان موجودات اللهکدر . زیرا ؛ الله تعالی غنی و نفسنده محموددر . ]  
یعنی ؛ سموات و ارض اللهک مخلوق اولونجه سموات و ارضده بولونان سائر موجودات دخی اللهکدر و اللهدن بشقه موجوداتک صاحبی و مالکی یوقدر . چونکه ؛ برکیمسه نک ملکنده حاصل اولان حاصلات نصل ملک صاحبک اولورسه سموات و ارضده حاصل اولان موجوداتده اللهکدر . بناء علیه ؛ هر کسدن غنی و احتیاجدن بری آنجق الله تعالی در . زیرا ؛ اللهک غیری موجودات البته اللهه محتاجدر و لکن اللهک هیچ برکیمسه به خلاصه الیابان : اون برنجی جلد — ۲۸



و هیچ بر شئه احتیاجی اولمادیغندن ذاتنده و صفاتنده محموددر . چونکه؛ قوللرندن هر فردك احتیاجنی دفعله احسان ایتدیکنندن هر کسك حمدینه مستحقدر . بناء علیه ؛ ازلاً و ابداً محموددر . مع مافیه قوللرك حمدندن واجب تعالی به بر منفعت عايد دكلدر ، بلکه حمدندن منفعت ؛ حمد ایدن کیمسه به عايددر .

\*\*\*

واجب تعالی جمله موجودات کندينك اولديغنی بياندن صوكره عجائب صنع السهينك نهايتی اولمادیغنی بيان ايتك اوزره ﴿ وَلَوْ اَنَّ مَا فِي الْاَرْضِ مِنْ شَجَرَةٍ اَقْلَامٌ وَالْبَحْرُ يَمُدُّهُ مِنْ بَعْدِهِ سَبْعَةُ اَنْحَارٍ مَا نَفِدَتْ كَلِمَاتُ اللَّهِ اِنَّ اللَّهَ عَزِيزٌ حَكِيمٌ ﴾ بیوریور .

[اگر بر یوزنده اولان آغاچلر قلم اولسه و دكزك او قدر وسعتيله برابر یدی دكز دها اوزاسه مرکب اولسه و بالعموم خلق اللهك عجائباتی یازمش اولسه لر کلمات الهیهك متضمن اولدینی معنایی توکته مزملر واللهك کلماتی توکته نمر . زیرا؛ الله تعالی ملکنده هر کسه غالب و جمله افعالی حکمتدن خالی دكلدر .]

یعنی ؛ اگر بر یوزنده اولان هر آغاچدن متعدد قلملر اولسه و بحر محیطك او قدر جسامتيله برابر او بحر محیطه یدی دكزدنده اوزاتیلسه دو کولسه و او صولرك جمله سی مرکب اولسه و بالعموم خلق ده اللهك کلماتی او قلملر و مرکله یازمش اولسه لر اللهك کلماتی توکته نمر . چونکه ؛ کلمات الهیهك نهایتی یوقدر ؛ زیرا ؛ الله تعالی ملکنده و سلطنتنده جمله به غالب و افعالی بیکلرجه حکمتی متضمن در و دوشوندکجه عقول بشر ادرا کنندن عاجزدر و بوکا هر کون واقع اولان حدسز و حسابسز وقوعات شاهددر . زیرا ؛ ظاهرده رأیمره موافق اولمایان بر فعلك عقینده سوه جکمز بر چوق حکمتلر ظهور ایدوب بزمده بمنون اولدیغمز میدانده بر حقیقتدر .

تفسیر خازنده بیان اولوندیغنه نظراً آیتك سبب نزولی ؛ قریش قبيله سنك « محمد ﷺ » کتیردیکی قرآن توکته نمر « دیلمریدر . با ضرر یهودیلرك بر سئواللری اوزرینه نازل اولمشدر .

چونکه ؛ ( وما اوتيتم من العلم الا قليلاً ) آیتی نازل اولونجه یهودیلر « یا محمد ﷺ ! سن انبیایه ویریلن علمك غایت آز اولدیغنی سوبیلورسك . حالوکه تورانده هر شيتك علمی موجوددر . سنك سوزك یعنی بوآیت تورانه منافیدر « دینچه رسول الله « تورانده ذکر اولونان اللهك علمیدر . زیرا ؛ اللهك علمی توکته نمر . اما قرآنده نازل اولان بوآیت قوللرك علمنه متعلقدر . زیرا ؛ اللهك علمنه نسبتله قوللرك علمی البته آزددر « بیورمی اوزرینه بوآیتك نازل اولدینی مرویدر .

\*\*\*

واجب تعالی علمك و قدرتك کلماتی ذکر دن صوكره کافرلك حشری انکارلرینی ابطال ايتك اوزره ﴿ مَا خَلَقْكُمْ وَلَا بَعَثْكُمْ اِلَّا كَنْفُسٍ وَّاحِدَةٍ اِنَّ اللَّهَ سَمِيعٌ بَصِيرٌ ﴾ بیوریور .

[ ای انسانلر! سنك ابتداءً ایجاد کز و اولد کدن صوكره دیرله کز اولمادی ، الا بر شخص کبی اولدی . زیرا ؛ الله تعالی سوبله دیککمز سوز کزی ایشیتیر و ایشله دیککمز عملکیزی کورور و بیلیر . ]

یعنی ؛ الله تعالی نك قدرتته نسبتله سنك دنیاده خلق اولونما کز و فانکزدن صوكره قیامتده محاسبه ایچون قبر کزدن قالقوب محشره کلمکمز شخص واحدی ایجاد کیدر . چونکه ؛ کزك ابتداءً ایجادیکمز و کزك بعشکمز بزم اراده مزله کز امریمز کافیدر . شوخالده کز امری صادر اولورسه در حال وجود بولورسکمز . زیرا ؛ الله تعالی مسموعاتك کلیسی ایشیتیر و کوریله جك شیلرك جمله سنی کورور و بیلیر و خلق اولونا جق شیلری خلق ایدز و ایشیدیلن شیلردن بعضیسنی ایشیتمک دیکرینی ایشیتمکه مانع دكلدر . كذلك موجوداتی ایجاد ايتك حشره دخی مانع دكلدر . زیرا ؛ جمله عالمی خلق ايتمکه قادر اولان الله تعالی نك موتایی احیایه دخی قادر اولاجنی اولویتله ثابتدر .

﴿ اَلَمْ تَرَ اَنَّ اللَّهَ يُوَلِّجُ النَّيْلَ فِي النَّهَارِ وَيُوَلِّجُ النَّهَارَ فِي النَّيْلِ وَسَخَّرَ الشَّمْسَ وَالْقَمَرَ كُلٌّ يَجْرِي اِلَىٰ اَجَلٍ مُّسَمًّى ﴾



[ حبییم ! سن کورمدکی ؟ الله تعالى کیجهی کوندوزه و کوندوزی کیجهیه ادخال ایدر و کونشی و آی مسخر قیلدی و بونلرک هربری وقت معینه قدر جریان ایدر . ]

﴿وَأَنَّ اللَّهَ بِمَا تَعْمَلُونَ خَبِيرٌ﴾

[ والله تعالى هر درلو عملکزی بیلیر . ]

یعنی ؛ اللهم وحدانیتنه و قدرت کامله سنه دلالت ایدن عجائباتدن کیجهی کوندوزه ادخال ایتدیکنی و شمس و قمری مسخر قیلدیغنی سن کورمدکی ؟ زیرا ؛ الله تعالى بهار آیلرنده سزک ارزاقکزه خادم اولان اولتری و اکیلری و میوه لری تربیه و تزئید و نشوونما بولوب کالنه یه تمک ایچون کیجهنک بعض اجزاسنی کوندوزه ادخال ایله کوندوزی اوزاتیر و کوز و قیش آیلرنده کوندوزک بعض اجزاسنی کیجهیه ادخال ایله کیجهی اوزاتیر و سزک معیشتکز و سائر مصالحکز ایچون آی و کونشی منفعتکزه موافق و مطیع قیلدی و بونلردن هر برینک دورانی وقت معینه قدر جریان ایدر والله تعالى جمله اعمالکزی بیلیر . زیرا ؛ ذرات جهانندن هیچ بر ذره علم الیهیدن غائب اولماز .

..

واجب تعالى قدرت قاهره سنه دلالت ایدن بعض عجائباتی بیانندن صوکرده شو عجائباتی ایجاد ایدن جناب حقک ازلاً و ابداً ثابت اولدیغنی بیان اتمک اوزره ﴿ذَلِكَ بِأَنَّ اللَّهَ هُوَ الْحَقُّ وَأَنَّ مَا يَدْعُونَ مِنْ دُونِهِ الْبَاطِلُ﴾ بیوریور .

[ شو ایشیتمش اولدیغک وسعت علمک و قدرت تامه نک صاحبی اولان الله تعالى ازلاً ابداً ثابت و قیوم مطلقدر و اللهم غیری مشرکارک معبود تسمیه ایدوب عبادت ایتدکلری و کیجه و کوندوز دعا ایدوب چاغیردقلری شیلر باطلدر . بناء علیه ؛ اصلاً عبادته استحقاقلری یوقدر . ]

﴿وَأَنَّ اللَّهَ هُوَ الْعَلِيُّ الْكَبِيرُ﴾

[ والله تعالى ذاتنده عالیدر . زیرا ؛ صفات علیه صاحبیدر و نفسنده بویوکر . ]

زیرا ؛ جمیع ایشلری و عجائب صنایعی و غرائب حکمتی نقاصدن بریدر . [ بناء علیه ؛ الله تعالى هرشیدن عالی و جمله موجودات اوزرینه غالب و قاهردر . ]

یعنی ؛ شو صفات ثبوتیه ایله واجب تعالى نک منصف اولمی کندینک ازلی و ابدی اولوب زواله معروض اولماسیدر . اما مشرکارک اللهم غیری اولارق دعا و عبادت ایتدکلری معبودلری برطاقم عاجز مخلوق و اشیاء خسیسه اولوب هر زمان زواله معروض اولدقلرندن باطلدروالله تعالى آنجق صفاتنده عالی و ذاتنده بویوکر و مشرکارک معبودلری ایسه علویت و بویوکلکدن خالیدرلر .

..

واجب تعالى قدرت کامله سی اوزرینه دلالت ایدن دلایلندن بعض آخری بیان اتمک اوزره ﴿أَلَمْ تَرَ أَنَّ الْفُلَّكَ تَجْرِي فِي الْبَحْرِ بِنِعْمَتِ اللَّهِ لِيُرِيَكُمْ مِنْ آيَاتِهِ إِنَّ فِي ذَلِكَ لَآيَاتٍ لِكُلِّ صَبَّارٍ شَكُورٍ﴾ بیوریور .

[ حبییم ! سن کورمدکی ؟ علامات السیهیدن بعضیه سی سزه کوسترمک ایچون اللهم نعمتی اولان روز کارلر سبیلله دریاده کیلر یوریورلر . ایشه شو کیلرک صوبه بآتمسزین دکزده یورومه لرند بلایه صبر ایدن و نعمته شکر ایدن هر کیمسه ایچون وحدانیتنه و قدرته دلالت ایدن دلیلر واردر . ]

یعنی ؛ علامات سماویه کی قدرة الله دلالت ایدن کیلرک دریاده جریانلری سن کورمدکی ؟ جناب حق عجائب قدرت و غرائب صنعتی سزه کوسترمک ایچون قوللرینک تعیشی و تلذذی ضمنتده خلق ایتدیکی نعمتلره دریاده کیلر یورور و کیلری بآتمسندن حفظ ایدرک روز کاری خلقله کیلرک جریان سیاه سنده بر بلدهده موجود نعمتی دیگر بلدهیه آلوب کوتورمکله او بلدهیه مستفید ایتمکده دین حقه تمسک و عبادتنده و طری تعیشسنده تصادف ایتدیکی زحمتلره صبر و اللهم و یردیکی نعمتلره شکر ایدن هر کیمسه ایچون قدرت السیهیه دلیلر واردر . چونکه ؛ بلایه صبرله نعمته شکر ایدن کیمسه



قدرته و وحدانيته دلالت ايدن آيتلری تفکر ايتمکه استفاده ايدر . اما بلايه صبر ايتمين نعمته شکر ايتمک بيلمين کيمسه آيتلری تأمل ايتديکندن انتفاع ايدمن .

بيضاوی و مدارک اشارتلى وجهله بو آيتده صبار شکور ايله مراد؛ مؤمن .  
زيرا؛ مؤمن بلا و شدت زمانى قدرت السبيه دلالت ايدن دليللری تذکر ايتمکه او بلايى دفعه اللهک قدرتى کافى اولديغنه قناعت ايتديکندن بلايه صبرله رفعى جناب حقدين بکله و نعمت زمانى او نعمتى خلق ايدن جناب حق اولديغنه ايمانى قوی اولديغى جهته شکر ايدر . شو حالمه بلايه صبر و نعمته شکر ايتمک؛ مؤمنک صفتير . زيرا؛ فخر رازى و نيسابورينک بيانلرينه نظراً رسول الله « ايمان ايکى نصفدر . بر نصفى؛ صبر ، ديگر نصفى؛ شکردر » بيورمش و بوکال نظرأ ( لکل صبار ) ديمک ( لکل مؤمن ) ديمکدر .

خلاصه؛ درياده اللهک وريدیكى نعمتله کيلرک جريانى وحدانيت السبيه و قدرت سبحانيه دلالت ايدن دلائل جمله سندن اولديغى و بو دلائل ايله استدلال ايدهرک شدائده صبر و بلايه تحمل ايدن و طرف السهيدن فيضان ايدن نعمتله شکر ايتمک شانندن اولان کيمسه لر اولديغى بو آيتدن مستفاد اولان فوائد جمله سندر .

..

واجب تعالى درياده کيلرک جرياننده قدرته دلالت اولديغى بياندن صوکره بو دليللرله استدلال بعض کيمسه لرله نظرأ پک کيج حصوله کلدیکنى و حاصل اولدقدن صوکره سريع الزوال اولديغى بيان ايتمک اوزره ﴿ وَإِذَا غَشِيَهُمْ مَوَجٌ كَالظُّلَلِ دَعَوُا اللَّهَ مُخْلِصِينَ لَهُ الدِّينَ ﴾ بيوربيور .

[ انسانلری درياده بلوطلر کي جسم طالعله کولکلهک کي احاطه ايتديکنده آنلر دينلرنده اللهله اخلاص ايدر اولدقلری حالمه کمال تضرعله جناب حقه دعا ايدرلر . ]  
﴿ فَلَمَّا نَجَّيْهُمْ إِلَى الْبَرِّ فَنَسُوا مَوْتَهُمْ مُّقْتَصِدٌ وَمَا يَجْحَدُ بِآيَاتِنَا إِلَّا كُلُّ خَتَّارٍ كَفُورٍ ﴾

[ وقتا که الله تعالى آنلری دکزک شدتدن خلاصله قرهيه چيقاردیغنده آنلردن بعضيلری جناب حقه توجهلرنده عدالت ايدرلر و بزم آيتلريمزى انکار ايتمز ، آنجق هر غدار اولانلر و کفران نعمت ايدنلر انکار ايدرلر . ]

يعنى؛ انسانلری درياده طاغلر کي کولکله ييجى طالعله احاطه ايدوب طالعله ايجنده مستور قالدقلرنده هر شيدن قطع اميد ايدهرک الله التجا ايدرلر و دينى اللهه تخصیص ايدر و بوتون وسائلی اورتهدن قالدیرر ، همان هر شيتى جناب حقدين بکله اولدقلری حالمه اللهه دعا واللهدن استمداد ايدرلر . وقتا که آنلرک تضرع و نیازلری و توجه تاملری اوزرينه الله تعالى نک آنلری دريانک شدتدن قورتاروب قرهيه چيقاردیغنده آنلردن بعضيلری عهدنده ثبات و تضرعنده دوام ايدر و افراطله تفريط ييتنده مطلوبه ايصال ايدهرک بر يول طوتار و بزم وحدانيتمزی انکار ايتمز ، آنجق عهدي نقض ايدن غدار واللهم نسيان ايدن کافر انکار ايدر .

تفسير خازنده بيان اولونديغنه نظرأ بو آيت؛ ابوجهلک اوغلو ( عکر مه ) حقنده نازل اولمشدر . چونکه مکهنک فتحي کونی ( عکر مه ) يمن جانبه فرار ايتمک اوزره ساحل بحره ايتر بر کي به بستر . کيده شدتلى فورطنهيه طوتولونجه اللهه عهد ايدر و اگر الله تعالى فورطنه دن قورتاريرسه دونوب حضور رسالته کلوب ايمان ايدهرک چکنه يمن ايدر و حرمدده رسول اللهدن عفوينى استرحام ايدوب کتيرمک اوزره يمن جهته کيدر . عکر مه ده عهدنده ثبات ايدهرک حرمله برابر عودتله حضور رسالته دخالت و ايمان ايتديکى کي ايماننده ثبات ايدر . مشاراليه بالاخره اسلاميتک تعاليسنه چوق خدمت ايتمشدر رضى الله عنه

..

واجب تعالى وحدانيته دلالت ايدن دليللری بياندن صوکره بالعموم انسانلره اتقا ايله وصيت ايتمک اوزره ﴿ يَا أَيُّهَا النَّاسُ اتَّقُوا رَبَّكُمُ وَاحْشَوْا يَوْمًا لَا يَجْزِي وَالِدٌ عَنْ وَلَدِهِ وَلَا مَوْلُودٌ هُوَ جَارٍ عَنْ وَالِدِهِ شَيْئًا ﴾ بيوربيور .  
[ ای عصيان و نسيانه ميل ايدن انسانلر؛ سز ربکزک امرينه امتثال ونهيندن



اجتناب ايله اتقا ايدك وشدته عذابندن قورقك. [ زیرا؛ اللهك انتقامی شدید و غضبی مدیددر  
[وشول قیامت کونندن قورقك که او کونده نه بابا اولاددن ونه ده اولاد بابا طرفندن مجازات  
اولونور. ] زیرا؛ هر کس وزرو و بالی کندی چکر، هیچ کیمسه دیکربنك کنهانی  
یو کله نر، آنجق هر کس کندی کسب ایتدیکی عملیه محبوس قالیر. حالبو که بودنیاده  
پدرك اولادینه نه قدر شفقتی اولدینی معلوم ایکن آخرته او قدر شفقت و مرحمته قارشی  
پدر اولادك اوزرندن غایت آز بر شیتی دخی جزا اولارق کندی اوزرینه آماز. [ و کذاک  
اولادده پدرینه نه قدر مطیع اولسه پدرينك کنهاندن بر ذر سنی بیله آماز. ] شو حالده  
دنیا ده هر کسك کنیدی عذاب الهی به سبب اولاجق کنهاندن صاقیمسی لازمدر. زیرا؛  
آخرته هیچ کیمسه آخرك کنهانی قبول ایدوب یو کدن قورتاره می جفندن هر کسك  
بودنیاده کنديك عذابدن قورتوماق چاره سنی دوشومسی الزمدر.

خلاصه؛ دنیا ده بر برینه یارغار واک شفیق پدرله اک مطیع اولان او غلو آرد لر نه  
آخرته اصلا بر برينك دردینه و آلمنه اشتراك ایدمه جکلری و هر کسك کندی دردیه  
مشغول اولاجنی بو آیتدن مستفاد اولان فوائد جمله سنددر.

﴿إِنَّ وَعْدَ اللَّهِ حَقٌّ﴾

[ پدرك او غلونه و او غلونك پدرینه معاونت ایدمه جکی کون کله جکدر. زیرا؛  
او کونك کله جکی وعد الهی ايله ثابتدر. وعد الهی ایسه حقدر، البته وقوع بولا جقدر. ]  
چونکه؛ وعد التهیده خلف اولماز.

\*\*

واجب تعالی وعديك حق اولدیغی بیاندن صو کره انسانلره لازم اولان وظائفی  
بیان ایتک اوزره ﴿فَلَا تَغُرَّنَّكُمُ الْحَيَاةُ الدُّنْيَا وَلَا يَغُرَّنَّكُمُ بِاللَّهِ الْغُرُورُ﴾  
بیوریور.

[ اللهك وعدی حق اولونجه سزی دنیا البته مغرور ایدوب آلداتماسون واللهك  
عقوبته سزی شیطان مغرور ایتمه سون. ] بابا او غلونك و او غلو باباسنك کنهاندن مشغول  
اولمایوب هر کس کندی کنهانك جزاسنی کندی چکه جکی بر کون کله جکی محقق اولونجه

سزی حیات دنیا مغرور ایتمه سون. چونکه؛ قانی و زواله معروض اولدیغندن انسان  
نه قدر معمر اولسه عاقبت دنیادن ارتحال ایدمه جك و او یله بر کون کله جکدر. بناء علیه؛  
دنیاك لذته آلدانوبده آخرتی اونوتمايک و سزی اللهك عقوبته شیطان ده مغرور ایتمه سون.  
چونکه شیطان؛ انسانی اولاشویله آلداتیر: «کنهانی ایشله، صکره توبه ایدرسك  
وتوبه یله آلاک دکسه بیله اللهك مغفرتی بولدر، البته مغفرت التهیدن سزده ده بر حصه  
چیقار. شو حالده دنیا ده حظوظات نفسانیه کی فدا ایتمه، ایسته دیککی ایشله و فرصتی فوت  
ایتمه، هر کنهانه جسارت ایت» دیمکله انسانلری معاصی به تشویق ایدر و جسارت ویرر.  
ایسته شیطانك بوکی اغفالاتنه آلدانمايک.

فخر رازينك بیانی وجهله انسان؛ اوج قمر:

برنجیسی؛ انسانه بنفسمه دنیا به میل ایدر، هیات دنیا آنی مغرور ایتدیکنده مولا نه  
وصولده و آخرت عملنده مشغول ایدر. بناء علیه؛ جناب حق بو آیتك فقره اولاسیله  
انسانك بو قسمتی حیات دنیا به آلدانمقدن نهی ایتشددر.

ایکنجیسی؛ کنری کنرینه دنیا به میل ایتدولکن شیطان آنی وسوسه ایدر آلداتیر.  
زیرا؛ آکا دنیایی و دنیاك نامشروع لذتلری تزیین ایدر و بر چوق امیدلرواملر بخش  
ایدر و «سن حرام و حلال دنیایی قازان. چونکه؛ دنیایی قازانامایان آخرتی  
قازانماز. بناء علیه؛ همان املکی دنیا به حصرایت» دیمکله انسانه جسارت ویرر. انسان ده  
بوطانلی خولیلره آلداتیر و وجهه عزیمتنی دنیا به توجیه ایدر. جناب حق بو قسم انسانلری  
آیتك فقره اخیره سیله شیطانك اغفالاتنه آلدانمقدن نهی ایتشددر.

اوچنجیسی؛ دنیا به و شیطان آلدانماز، آنجور شریعتك احکامنه توفیق حرکت ایدر  
و مشروع صورته دنیا به معنی ایدر بر عزیمتنی آخرت نومیه ایدر و هر اعمالنده رضای بی آراء.  
بو اوچنجی قسم انسانلر عندالله مقبول اولان انسانلردر. جناب حق ده اولکی ایکیدن  
نهی ايله اوچنجی به تشویق ایتشددر چونکه؛ اولکی ایکی قسمده داخل اولمایان البته اوچنجی  
قسمی تشکیل ایدر. زیرا دنیا به و شیطان آلدانمایان؛ وظیفه عبودیتنی بحق ادا ایدن انسانلردر.  
خلاصه؛ عمری اولدقجه انسانك نائل اولدیغی نعمت و رفاه و سعادت مغرور اولمامسی



و شيطانك اغفلاته الدائمى وظيفة عبوديتدن اولدينى بو آيتدن مستفاد اولان فوائد  
جمله سنددر .

..

واجب تعالى قيامتك شدته بناء قيامتدن قورقق لازم اولديغنى وديانك بقاسى اولمايغنى  
جهتله آلامق جائز اولمايغنى بياندنصكره قيامتك زمانى انسانلر ايچون معلوم اولمايغنى  
بيان ايتك اوزره ﴿إِنَّ اللَّهَ عِنْدَهُ عِلْمُ السَّاعَةِ﴾ بيورييور .

[ قيامتك علمى عندالله محفوظدر ، اللهمك غيرى هيچ بر كيمسه قيامتك نه زمان  
قائم اولاجغنى بيله مز . ]

﴿وَيُنَزِّلُ الْغَيْثَ﴾

[ والله تعالى ايستهديكى زمان ايستهديكى بلديه رحمتى انزال ايدر و اللهدن باشقه  
ياغمورك نه زمان ياغاغغنى و زرديه ياغاغغنى كيمسه بيله مز ، آنجق ياغمورك علمى الله مفوضدر . ]

﴿وَيَعْلَمُ مَا فِي الْأَرْحَامِ﴾

[ والله تعالى خاتونلرك رحمده اولان چوجو غك اركك ويا ديشى اولديغنى بيلير و اللهدن  
باشقه رحم امهاتده اولان چوجو قلك اوغلان ويا قيز اولديغنى و تام الاعضا ويا ناقص اولديغنى  
هيچ بر كيمسه بيله مز . ]

﴿وَمَا تَذَرِي نَفْسٌ مَّاذَا تَكْسِبُ غَدًا﴾

[ و هيچ بر نفس يارين نه قازاناغغنى بيله مز . ] زيرا ؛ هيچ بر كيمسه بو كوندن  
يارين خيره مى ويا خود شره مى تصادف ايدجكنى بيلمه ديكي كى تجارت ويا ضرر ايدجكنى  
دخى بيلمز . بناء عليه ؛ كار ايدجكم ظيله باشلايغنى ايشدن ضرر ايدر ويا خود امر  
برعكس اولور .

﴿وَمَا تَذَرِي نَفْسٌ بِأَيِّ أَرْضٍ تَمُوتُ﴾

[ و هيچ بر نفس كره ارضك زردسده اولجكنى بيلمز . ] چونكه ؛ موتك نه زمان

كله جكنى بيلمديكندن بر چوق اسبابلرله ايستهديكى يره كيدر اجل موعودى زرده  
كليرسه اوراده اولورودفنى مقدر اولان طوپراءه دفن اولونور و بونى عالمده هيچ بر بيلن  
اولماز . بناء عليه ؛ هر كس تصرفك خلافتده بر چوق اسبابله كيدر و موتى مقدر اولان  
ملككى بولور و اوراده قالير .

﴿إِنَّ اللَّهَ عَلِيمٌ خَبِيرٌ﴾

[ زيرا ؛ الله تعالى هر شئي بيلير و خبردار اولور . ] چونكه ؛ الله تعالى اشيانك كايسنى  
بيلير ، علمى هر شئي احاطه ايتشددر . اشيانك باطنى دخى بيلير . زيرا ؛ هر شئك خالقى  
اولديغندن بالعموم مخلوقاتك كنهى بيلير .

يعنى ؛ قيامتك هانكى سنهك هانكى كونى وساعتده اولاجغنى اللهدن باشقه كيمسه  
بيلمز . بناء عليه ؛ انسانلر هر ساعتده قيامته منتظر اولوب تدارك اوزره بولونمايدير ويا غمورك  
نه زمان وزديه ياغاغغنى اللهدن باشقه هيچ بر كيمسه بيله مز . چونكه ؛ ياغمورك خالقى الله  
تعالى اولديغندن علمى الله مفوضدر . گرچه رصدخانه لرده بعض آتله اماراتدن استدلال  
ايدرك بعض شيلر سويله نورسده بونلر تخمين و ظن قيلمندن اولديغنى جهتله چوق زمان  
تصادف ايتز . كذلك رحم امهاتده اولان چوجو غك قيز ويا اوغلان ، سياه ويا بياض و  
اعضاسنك تام ويا نقصان اولديغنى اللهدن باشقه كيمسه بيلمز ، آنجق آنك علمى الله  
مفوضدر . زيرا ؛ اوچو جنى خلق ايدن اودر و هر كسك يارينكى كون قازاناغغنى آنجق  
الله تعالى بيلير . اللهمك غيرى هيچ بر كيمسه يارينكى كون نه كى شيلره تصادف ايدجكنى  
بيلمز و كذلك هيچ بر كيمسه هانكى بلدهده و نه زمان وفات ايدجكنى بيله مز . زيرا ؛  
موتى خلق ايدن الله تعالى اولديغندن زرده خلق ايدجكنى كيمسه بيله مز . بناء عليه ؛  
بر چوق كيمسه لر خاطر و خياله كله ين سبيلرله آدينى آكاديغنى بر بلديه كيدر و اجل موعودينه  
اوراده تصادف ايدر و تقدير الهى يرينى بولور . شو حالده هر كس هر ساعتده اولومه  
منتظر اولق لازمدر .

ايسته جناب حقلك علمنى ذاته تخصيص ايتديكى مغيبات خسه يى بو آيتده صابقميله بونلره  
بشرك علمى لاحق اولاميه جغنى بيان ايتشددر . بناء عليه ؛ رسول اللهك (مفاتيح الغيب خمس)



یعنی «غیاث» آناختارلری بشدر «بیوروب بو آتی او قودینی بخاری و مسلمانک اتفاقلیله  
(ابن عمر) حضرتلرندن روایت اولوندینی تفسیر خازنده مذکوردر .

بیضاوی و خازنک بیانلرینه نظراً بو آیت ؛ اهل بادیه دن ( حارث بن عمر و ) حقنده  
نازل اولمشدر . چونکه ؛ ( حارث ) بر کون رسول اللهک حضورینه کله رک دیرکه « یار رسول  
الله ! قیامت نه زمان قائم اولاجق ؟ و بن یره تخوم ا کدم یا غمور نه زمان یا غاجق ؟ و حرمک  
حلی وار ، طوغاجق چوجق ارککمیدر دیشیمیدر ؟ و یارینکی کون بن نه ایشله یه حکم ؟  
ورده وفات ایده حکم ؟ » دیمسی اوزرینه بو آیتک نازل اولدینی مرویدر .

ایشته جناب حق بو آیتله انسانلره لازم اولان ؛ هر کس کندی وظیفه سیله مشغول  
اولوب وظیفه سنک خارجی شیلرله اشتغال اتمه مسنی تنبیه و توصیه ایشمدر . چونکه انسان  
ایچون لازم اولان ؛ قیامت ایمان اتمکدر ، یوقسه قیامتک زمانندن سؤال اتمک دکلدر .  
ارض اوزرینه تخومی اتمک انسانک مکلف اولدینی وظیفه سیدر ، یوقسه بیتجهکه  
قاریشقی دکلدر . انسانک وظیفه سی ؛ رحم امهاته نطفه یی قویمقدر ، یوقسه طوغاجق  
چوجفک اوغلان و یاقیز اولاجغنی دوشونمک دکلدر . انسانک وظیفه سی ؛ رزقنی قازانق  
ایچون چالیشمقدر ، یوقسه نتیجه یی دوشونمک دکلدر . چونکه ؛ نیسابورینک بیانی وجهله  
ا کرالله تعالی انسانک یارینکی کون قازاناغنی بیلدیرمش اولسه ؛ بانه توسله خلل کلدیکی  
کی عطالتنه سبب اولور و جناب حقه اعتماد ایتمز . اما یارینکی کون نه قازاناغنی بیلیمسی  
چالیشمسنه وربسنه اعتمادنامه سبب اولاجغنه بناء جناب حق هر کسک رزقنی کیزله مشدر .  
انسان ایچون محقق اولان اولومه حاضر لاقمقدر ، یوقسه اوله جکی مملکتی دوشونمک  
دکلدر . چونکه اولوم ؛ هر برده بردر و محققدر .

بشر ایچون غائبه علم ممکن دکلدر ، آنجق بعض مغیباتی جناب حقک سودیکی قوللرینه  
الهام طریقله بیلدیرمسی مستنادر .

رومی بیک اوچیوز اوتوز سنه سی آغستوسنک اون یدنجی بازار کونته تصادف ایدن عربی  
بیک اوچیوز اوتوز ایکی سنه سی شوالنک سکزنجی کونی ایکندی نماز ندنصرکه بوسوره نک ترجمه سی  
بعونه تعالی ختام بولمشدر .

مکه مکرمه ده نازل اولان سوره لر دندر . یکرمی طقوز و یا خود اوتوز آیتدر .

بِسْمِ اللَّهِ الرَّحْمَنِ الرَّحِيمِ

﴿ اَلَمْ نَنْزِلْ الْكِتَابَ لَا رَيْبَ فِيهِ مِنْ رَبِّ الْعَالَمِينَ ﴾

[ شو سوره و قرآن کندیسنده اصلا شبهه اولماق بر کتاب که عالمک ربی  
طرفندن منزلدنر . ]

یعنی ؛ شو سوره بر کتابک تنزیلی درکه او کتابده هیچ بر وجهله شبهه یوقدر .  
زیرا او کتاب ؛ عالمی کالنه ایصال اتمکله تربیه ایدن رب تعالی حضرتلری طرفندن  
قوللرینی اصلاح ایچون انزال اولونمشدر .  
نیسابورینک بیانی وجهله کتابک شأنه اهتمام و قوللرینی مطالعه سنه تشویق ایچون  
واجب تعالی کتابی ابکی مهنته توصیف ایشمدر : برنجیسی ؛ کتابک هر اولدیرمدر  
اصولک اولامی . ایکنجیسی ، عالمک ربی طرفنده منزل اولمدر . چونکه ؛  
احکامنده شبهه اولامسیله برابر عالمک ربی طرفندن منزل اولمسی عالمک عجائبی جامع  
اولوب مطالعه یه شایان اولدیغنه اشارت اولدیندن نفوس طاهره صاحبی مطالعه سنه  
رغبه ایدوب دقایقنه واقف اولمق آرزو ایده جکلری شبهه مزدر . زیرا عالمک ربی  
طرفندن نازل اولدیغنی بیان ؛ جمله عالمک تربیه اساسیه سنه دنیا و آخرت منافع و مصالحنه  
متعلق مسائلک بو کتابده بیان اولدیغنی اشعار اتمکدر . بناء علیه ؛ دقله دوشون اسرارینه  
مطلع اولمق آرزو ایدر .

\*\*

واجب تعالی قرآنک طرف الهمیدن منزل وشبهه دن تازی بر کتاب اولدیغنی بیاندن  
صکره مشرکارک قرآنی انکار ایتلرینی علی طریق الانکار والتعجب بیان اتمک اوزره  
﴿ اَمْ يَقُولُونَ افْتَرَاهُ ﴾ بیوریور .



[ آنلر قرآنك طرف السیدن منزل اولدیغنی انكار ایدرلر . بلکه آنلر « محمد ﷺ » قرآنی کندی طرفندن ایجاد ایلدی ولیکن کلامی ترویج ایچون الله اسناد ایدرک افترا ایتدی « دیرلر . ]

یعنی ؛ قرآنك طوق بشردن خارج معجز بر بلاغی متضمن اولدیغنی بیلدکری حالده « محمد ﷺ » قرآنی کندی ایجاد و ترویج ایچون الله اسنادله افترا ایتدی « دیمه لری تعجبه شایان بر حال درکه بوسوزلری بیلهرک رسولزه بر افترا در . چونکه ؛ مشرکله فصاحتیه مالک ارباب لساندن اولدقلری حالده قرآنی رد وانكار ایتلری مجرد عناد واستکباردن عبارتدر . زیرا ؛ آنلر لسان عربك بلاغت و مزایاسنه واقف اولدقلرندن قرآنك طوق بشردن خارج بلاغت اوزرینه مشتمل اولدیغنی بیلدکری حالده کندیلرینی قرآنه ایماندن عالی عد ایتدکری تعجب اولوناچق بر حاقدر .

واجب تعالی مشرکله قرآنی انکارلرینی بیاندن صوکره قرآنك حق اولدیغنی اثبات ایتک اوزره ﴿ بَلْ هُوَ الْحَقُّ مِنْ رَبِّكَ ﴾ بیوریور .

[ بلکه حییم ! قرآن ربك طرفندن منزل حقددر . ]

یعنی ؛ یا اکرم الرسل ! قرآن مشرکله دیدکری کبی سنك ایجاد ایتدیك بر افترا دکلدر ، بلکه سی انواع نعمتیه تربیه ایدن ربك تعالی طرفندن کوندولمش بر کتاب حقددر : بناء علیه ؛ احکامی ثابت وتغیردن سالمدر . زیرا ؛ الی یوم القیام باقی وانحرافدن عاری در . انسانلرک موجبیه عمل ایتمه ملرندن کتابك حکمنه بر نقصان طاری اولماز . جناب حق کافرلرک انکارلرینی ایکی جهتله رد ایتشددر . چونکه ؛ کافرلرک « افترا در » دیمه لرینی شبهه اولمادیغنی بیانه رد ایتدیکی کبی قرآنك حق اولدیغنی بیانه دخی رد ایتشددر .

واجب تعالی قرآنك حق اولدیغنی بیاندن صوکره قرآنی انزالا حکمتی بیان ایتک اوزره ﴿ لَتُنذِرَ قَوْمًا مَّا أَتَاهُمْ مِنْ نَذِيرٍ مِنْ قَبْلِكَ لَعَلَّهُمْ يَهْتَدُونَ ﴾ بیوریور .

[ حییم ! بر قومی سنك انذار ایتك ایچون بز قرآنی انزال ایتك كه اوقومه سندن اول انذار ایدر برنجی کله دی . مأمول كه اوقوم سنك انذارك سبیلله طریق باطلی ترك وطریق حقه اهتدا ایدرلر . ]

بیضاوی وخازنك بیانلری وجهله بو آیتده کندیته رسول کلمه ین قوم ایله مراد ؛ قوم عربدر . چونکه ؛ بزم پیغمبریمزدن اول آنلری ارشاد ایدرک بر رسول کلدیکندن آنلر امی بر قوم ایدیلر . بناء علیه صوك درجه ارشاده محتاج اولدقلری بر زمانده حضرت محمد صلی الله تعالی علیه وسلم بعث اولوندی . تفسیر خازنده (ابن عباس) حضرتلرندن روایت اولوندی وجهله قوم عربیه نبینك کلدیکی زمان ایله مراد ؛ حضرت عیسی المبرزم نیمز آردنده کلمه اولاده زمانه فترتدر . یوقسه قوم عرب حضرت اسمعیه منسوب اولدقلری جهتله شریعت اسمعیل و ابراهیم علیهما السلام ایله عامالردی . بناء علیه « بو آیتده آنلره نبی کلدی » دیمك « زمان فترتده کلدی » دیمکدر . یوقسه دور آدمدنبری آنلره نبی کلدی معناسنه دکلدر . ابوالسعود افندیك بیانی وجهله ( لعل ) کلمه سندن مستفاد اولان رها رسول الله عاڈدر . یعنی « قرآنك انزالنده کی حکمت ؛ حییم ! سنك کندیلرینه برنجی کلمه ین قومك هدایتلرینی رجا وامید ایدر اولدیغك حالده آنلری انذار ایتک کلدکدر . دیمکدر .

فخر رازیك بیانی وجهله بو آیتده رسول اللهك قوم عربی انذاره تخصیص اولونمسی قوم عربك شرکله ، أوف اولوب هر در لوفنا لك آنلرده رواج بولدیغدن انذاره احتیاجلرینك زیاده اولمسنه مینیدر . بناء علیه ؛ دیگر اقوامی انذاره مأمور اولمامسی لازم گلر . چونکه ؛ بر قومی ذکر ایتك اوقومدن باشقه سی نفی ایتکی ایجاب ایتز . بالخاصه بزم نبیزك افس وجهه مبعوث اولدیغنه دائر قرآنده بر چوق آیات بیانات موجوددر .

بو آیتده رسولك کلدیکی زمان ایله مراد ؛ زمانه فترت اولونمجه ، اهل کتابده داخلدر . چونکه ؛ حضرت عیسان صوکره اهل کتاب ضالقی ارتکاب ایتدیلر . بزم نبیزدن باشقه نبی ده کلدی . بناء علیه ؛ « کندیلرینی انذار ایدرک برنجی کلدی » دیمك ؛ آنلر حقدده دخی صحیح اولور . شو حالده اهل کتابده بو آیتك مآئده داخلدر و رسول اللهك آنلرده مبعوث اولدیغنی بو آیتله ثابتدر .



واجب تعالی قرآنک انزالنده کی حکمتک رسولک ارشاده و انذاره محتاج اولان قومی  
انذار ایتسی اولدیفنی بیاندن صوکره و حدایتنه متعلق اولان دلائلی بیان ایتک اوزره  
﴿اللَّهُ الَّذِي خَلَقَ السَّمَوَاتِ وَالْأَرْضَ وَمَا بَيْنَهُمَا فِي سِتَّةِ أَيَّامٍ﴾ بیوریور.  
[الله تعالی شول ذات اجل واعلادرکه سموات وارضی وآنلرک مابیننده اولان مخلوقات  
آتی کون مقداری برمدته ایجاد ایتدی.]

﴿ثُمَّ اسْتَوَىٰ عَلَى الْعَرْشِ﴾

[الله تعالی عالم مکوناتی ایجادندن صوکره عرش اعلا اوزرینه استیلا یعنی قهر و غلبه  
ایتدی.]

﴿مَالِكُمْ مِنْ دُونِهِ مَنْ وَّلِيٌّ وَلَا شَفِيعٌ﴾

[سزک ایچون اللهک غیری بر دوست وشفاعت ایدجک بر شفیعکز یوقدر.]

﴿أَفَلَا تَتَذَكَّرُونَ﴾

[شرکی ارتکاب ایدرده هیچ دوشونمز میسکز؟]

یعنی؛ ای عاصی انسانلر! عبادتکزی اللهه حصر ایدک. زیرا؛ الله تعالی  
بری و کولکری و آنلرک آره سنده اولان موجوداتی آتی کون مقداری بر مدته ایجاد  
ایتدی و بوقدر جسامتیه بوعالی ایجاده قادراولان ذات البته عبادته مستحقدر و الله تعالی  
بوعالی ایجاددن صوکره بو عالمک جسامتیه اک بویوکی اولان عرش اعلائی تحت قهرینه  
آلدی و قدرت قاهره سی آنده نافذ و جاری اولدی. عرش اعلی قدرت قاهره سی آلتنده  
اولونجه آنک مادوننده اولان مخلوقاتک قهری آلتنده اولاجنی اولویتله ثابتدر. شو حالده  
سزک ایچون اللهدن باشقه امور کزده تصرف ایدجک و تدبیری سزده نافذ اولاجق بر  
دوستکز اولمادیفی کبی اللهک عذابندن سزی قورتاره جق بر شفاعتجیکزده یوقدر.  
بناء علیه؛ هرامور کزده متولی الله تعالی اولدیفنی کبی غضبندن سزی قورنا جق ده اودره.  
حال بویله ایکن سز حالا اللهک غیری بر طاقم عاجز مخلوقاتی معبود اتخاذ ایدرسکز.  
سز بر طاقم کناهلری ارتکاب ایدرده باشکزه کله جکی هیچ دوشونمز میسکز؟

بو آیتده (سوره اعراف) ده بیان اولوندیفنی وجهله استوی کله سنک اصل معناسی؛  
استقرار بر محله قرار اولوب بو معنا ایسه الله تعالی حقنده محال اولدیفندن قهر و غلبه  
معناسنه تاویل اولونمق واجب اولدیفنی جهته بوراده استوی؛ قهر و غلبه معناسنه اولدیفنی  
بیان اولونمشدر.

..

واجب تعالی موجوداتی ایجادله آنلر اوزرینه قهر و غلبه سی بیاندن صوکره امر  
الهیئک سمان یر یوزرینه و رودینی بیان ایتک اوزره ﴿يُدَبِّرُ الْأَمْرَ مِنَ السَّمَاءِ إِلَى  
الْأَرْضِ ثُمَّ يَعْرُجُ إِلَيْهِ فِي يَوْمٍ كَانَ مِقْدَارُهُ أَلْفَ سَنَةٍ مِّمَّا تَعُدُّونَ﴾ بیوریور.  
[الله تعالی امر دنیایی کو کدن یره ایندیرر، صوکره او امرلر سزک صایدیفکز  
کونلردن بیک سنه مقداری بر کون اولان یوم قیامتده الله تعالی به رجوع ایدر و هر برینک  
حکمی ویرر.]

یعنی؛ الله تعالی البته قوللرینک عبادتلرینه مستحقدر. نصل مستحق اولماسون  
الله تعالی بو دنیاده عالم اسباب اولان سمان عالم مسبب اولان ارضه ملکر واسطه سیله  
ویا واسطه سز امر دنیایی تدبیر و قضا و قدری ایجاباتی انزال ایدر و قوللرینک معیشتلرینه  
وسائر خصوصاتلرینه متعلق امرلرینی تدبیر و احکامی انزال و عبادت ایتلرینی امر ایدر  
وزمان بزمان و آنآ فآنآ تدبیر الهیئک اثرلری کوریلور و تدبیر الهی یرینی بولدقن  
صوکره او امر الهی اوزره قوللرینک عمللری سزک تعداد ایتدیککز سنه لردن بیک سنه  
مقداری اولان یوم قیامتده الله رجوع ایدر و هر کسک عملنه کوره الله تعالی حکم ویرر.  
خازنده و مدار کده بیان اولوندیفنی وجهله بو آیتده مقداری بیک سنه اولان  
کوزله مراد؛ یوم قیامتدر. چونکه؛ واجب تعالی دنیاده قوللرینک امرینی تدبیر  
ایدر و قوللرده یر یوزنده عمل ایدرلر. یاخود قوللر امرک خلافتنه حرکت ایدرلر و بو  
اعمالک اثری واجب تعالی به مقداری بیک سنه اولان یوم قیامتده عرض اولونور. چونکه؛  
خلاصۃ البیان: اون برنجی جلد - ۲۹



هر کسک محاکمسی و عملنه کوره جزاسنک ترتیبی او کونده وقوعولا جفندن امر السهینک اثری او کونده حضور السهی به عرض اولونا جفی بیان اولونمشدر .

اللهک قوللرینی اصلاح ایچون کوندردیکی کتابلری واحکام سائرہ سی ملکلر واطہ سیلہ سما جانبدن کلدیکندن سمان ارضه انزال وتدیرایتدیکی و او امرلرک اثری وعمل اولونوب اولونمادیغی یوم قیامتده ظاهر اولاجغه بناء مقدار ییک سنه اولان کونده حضورالسهی به عروج ایدہ جکی بیان اولونمشدر . بعض کیمسه لر حقنده یوم قیامت بیک سنه مقدار اولوب دیگر بعض عاصیلر حقنده الی بیک سنه مقدار اولاجغه بناء بو آیتده بیک سنه مقدار اولاجفی ودیکر آیتده الی بیک سنه مقدار اولاجفی بیان اولونمشدر . شوالده مقدارک آزلی وچوقلغی اشخاصه نسبتله اولدیغندن آیتلر آره سنده تعارض وتناقض یوقدر . چونکه یوم قیامت ؛ بعض اشخاص حقنده بیک سنه مقدار و بعض اشخاص حقنده الی بیک سنه مقداریدر و اهل صلاح حقنده آز بر ساعت مقدار اولدیغی حدیث نبوی ایله ثابتدر .

### ﴿ ذَلِكْ عَالَمُ الْغَيْبِ وَالشَّهَادَةِ الْعَزِيزُ الرَّحِيمُ ﴾

[ ایشته بوعالم علوی وعالم سفلی اولان یرلری وکوکلری خلق ایدن وعرش اعلایه استیلا ایدن وقوللرینه یاردیم وامورلرنده تصرف کندینه منحصر اولان وکائناتی تدیر ایدن الله تعالی غایبی وحاضری بیلیر . بناء علیه ؛ دشمنلرندن انتقامی آیر ودوستلرینه مرحمت ایدر . ]

یعنی ؛ الله تعالی بوعالملری ایجاد ایتدی . زیرا ؛ عالمده غائب و آشکار هر نه وارسه جمله سنی علمی احاطه ایتدیکندن هر برنده اولان اسرار وخفایایی بیلیر وهر برینه عقللر حیران اولاجق حکمتلر وضع ایدر . بناء علیه ؛ دشمنلرینک عمومته غالب ودوستلرینک کافه سنی مرحمتی شاملدر .

ابوالسعود افندیکنک بیانی وجهله شوسوره نیک اولندنبری ذکر اولونان اوصاف السهینک کمال عظمتنه اشارت ایچون بعد مراتبه موضوع اولان ( ذلک ) لفظی وارد اولمشدر .

واجب تعالی وحدانیتنه دلالت ایدن دلائل آفایه یی بیاندن صوکره وجود انسانیده قدرت صانعیه دلالت ایدن دلیللری بیان ایتمک اوزره ﴿ الَّذِي أَحْسَنَ كُلَّ شَيْءٍ خَلَقَهُ وَبَدَأَ خَلْقَ الْإِنْسَانِ مِنْ طِينٍ ﴾ بیوریور .

[ عالمک امورینی تدیر ایدن الله تعالی شول ذات اجل واعلادرکه خلق ایتدیکی هر شیئک خلقتی کوزل قیلدی وانسانی چاموردن ایجادله باشلادی . ]

یعنی ؛ الله تعالی هر شیئک ایجادینی کوزل قیلدی . چونکه ؛ اشیادن هر هانکی شیئی خلق ایتمش ایسه حکمته ومصلحته موافق اولارق خلق ایتمکه هر کسک استعدادینه و لیاقتنه کوره یاراندی . از جمله حیواناندن هر برینی بر صورت و شکل اوزره خالق ایتدی که هر حیوانک شکلی حالته واستعمالنه موافق و اعضالری معیشتلرینه الویرشلی بر مقدار معین اوزرینه در . حتی هر حیوانک آلت مدافعه سنی ورزقی جلب ایچون قوه جالبه وجاذبه سنی کندی ایله برابر خلق ایتدیکندن هر کس کندی رزقی جلب ایتمکه مشکلات چکمدیکی کبی خصمنه بر قوه مساحه کبی قارشی طورور وانسانک خلقتنه چاموردن ابتدا ایتدی که حضرت آدمی طوپراقدن خلق ایتدی وسائر مخلوقاتک خلقتی انسانک منافعه موافق قیلدی وحیوانلره معیشت اولق ایچون ارضی اوت بیتیرمکه موافق وانسانک نفسنه هوایی جریان ایدر قیلدی .

### ﴿ ثُمَّ جَعَلَ نَسْلَهُ مِنْ سُلَالَةٍ مِنْ مَاءٍ مَهِينٍ ﴾

[ آدمی طوپراقدن خلق ایتدکن صوکره آدمک نسلنی حقیر بر صودن خلق ایتدی . ] حتی اونطفه نجاست موقعندن چیقار . بناء علیه ؛ هر کسک استکراه ایتدیکی بر صودن بویه شریف وظریف برانسانی خلق ایتمک قدرة الله دلالت واضحه ایله دلالت ایدر . انسانک ذریتی انساندن انفصال ایتدیکندن انفصال معناسنی مفید اولان نسل دینمشدر . سلاله دخی نسلده مأثوردر .



﴿ ثُمَّ سَوَّيْهُ وَتَفَخَّ فِيهِ مِنْ رُوْحِهِ وَجَعَلَ لَكُمُ السَّمْعَ وَالْأَبْصَارَ وَالْأَفْئِدَةَ قَلِيلًا مَّا تَشْكُرُونَ ﴾

[ الله تعالى انسانك نسلنی نطفه دن خلق ایتدکدن صوکره اعضا لرینی تام قیلدی و کندی خلق ایتدیکی روحندن انسانه نفخ و سزک ایچون قولاقلر و کوزلر و قلدلر خلق ایتدی که قولاغکیزله حق ایشیتمک و کوزیکیزله حق کوررب اتباع ایتمک و قلدلریکیزله دلائلی تدقیق ایدوب دوشونمک اوزره بو نعمتلری سزه احسان اولارق خلق ایتدی . بناء علیه ؟ جمله نعمتله شکر ایتمک لازم ایکن سز غایت آز شکر ایدرسکیز . ] حالبوکه هر نعمتک شکرینی تمامیه ایفا ایتمک لازمدر .

خازنک بیانی وجهله انسان اولاً حق ایشیتمک وبعده ایشیتدیکنکی کوزیله کورمک و کوردیکی شیلری قایبله تفکر ایتمک لازم اولدیغنه اشارت ایچون قولاغی و کوزلری و قلبی جناب حق ترتیب اوزره ذکر ایتدی . انسان صدایی هر طرفدن ایشیتدیکنه بناءً سمع مفرد اولارق ذکر اولونمشدر .

بیضاوینک بیانی وجهله بو آیتده روح لفظی تعظیم و تشریف ایچون واجب تعالی به راجع ضمیره اضافتله ( من روحه ) وارد اولمشدر . روحک جناب حقه اضافتی روحک بر مخلوق عجیب اولوب رب تعالی نک حضورینه مناسبتی اولدیغنه اشارت ایچوندر . چونکه ؛ انسان حیوانات ساره کی واجب تعالی به اجنبی اولمایوب معرفت و عبادت جهتندن ملکوتیه مناسبتی میداندهدر . واجب تعالی انسانک بدایه حالنده قابل خطاب اولمادیغنه اشارت ایچون بدایه احوالی غائب صورتیه بیان بیورمشدی . اعضاسی تکمیل ایتدیکنده قابل خطاب اولوب شکر ایتمک لیاقتی اولدینی زمانده کی احوالی بیان ، خطاب صورتیه وارد اولمشدر .

\*\*

واجب تعالی انسانلرک بدایه خلقتلرنده سبق ایدن نعم الهیهیه شکرلرینک غایت آز اولدیغنی بیاندن صکره کفران نعمت ایتدکلرینی بیان ایتمک اوزره ﴿ وَقَالُوا ءِذَا ضَلَلْنَا فِي الْأَرْضِ ءِإِنَّا لَفِي خَلْقٍ جَدِيدٍ ﴾ بیوریور .

[ کافرلر « طوپراغه قاریشوب غائب اولدقدن صوکره می یکیدن میدانه کلوب آدم اولاجغز » دیدیلر . ]

﴿ بَلْ هُمْ بِلِقَاءِ رَبِّهِمْ كَافِرُونَ ﴾

[ بلکه ربلرینه ملاقاتی انکار ایدرلر ]

یعنی ؛ رسول اللهک قیامت و قیامتده انسانلرک یکیدن حیات بولاجقلرینی و محشرده جمع اولوناجقلرینی بیان ایدنجه مشرکلر و حشری انکار ایدن منافقلر دیدیلر که « بزوفات ایدوب طوپراغه قاریشوب غائب اولدیغمزده می یکیدن حیات بولوب اسکی حاملر کی بر آدم اولاجغز ، بویله شی اولورمی ؟ بزم وجودمن چورو یوب طوپراغه قاریشدیغمزده یکیدن میدانه کلمک نصل ممکن اولور ؟ » . کافرلر بویله دیمکله آخرتده حیاتی انکار ایدرلر و یا لکن حیاتی انکارله اکتفا ایتزلر ، بلکه احوال آخرتک و بالخاصه ثواب و یا عقاب ایله جناب حقه ملاقات ایده جکلرینی دخی انکار ایدرلر .

مدار کده بیان اولوندینی وجهله ضلالت بو آیتده غیوبت معاسنهدر . بناءً علیه ( ضللتنا ) دیمک ( غیننا فی الارض ) یعنی « بزهلاک اولوب طوپراغه قاریشوب طوپراق ایچنده یوق وغائب اولدیغمزده می حیات بولاجغز ؟ » دیمکدر .

ابوالسعود افندینک بیانی وجهله بو آیتده ( بل ) کلمه سی ترقی ایچوندر . یعنی کافرلرک آخرتده حیات بولاجقلرینی انکارلری حسبیله ده آخرتده زیاده دوچار اولاجقلری شدائد ، کفرلرینه انتقال ایتمکله کفرلرینک شدتنه اشارت اولونمشدر .

بیضاوینک بیانی وجهله بو آیت ( ابی بن خلف ) حقنده نازل اولمشدر . چونکه ؛ بو کی شیلری ایلری سورمکده ( ابی بن خلف ) مشرکلرک هپسندن جسوردی و سوبله یین « ابی » ایسه ده دیگر مشرکلرده بوسوزه راضی اولوب اعتقادده مشترک اولدقلرندن بوسوز جمله سنه بردن اسناد اولونمش و ( قالوا ) جمع صورتیه وارد اولمشدر .

\*\*

واجب تعالی مشرکلرک حشری انکارلرینی بیاندن صوکره آنلرک مذهب لرینی ردله



جواب ویرمسی رسولہ امر ایتک اوزرہ ﴿ قُلْ يَتَوَفَّيْكُمْ مَلَكُ الْمَوْتِ الَّذِي  
وَكَّلَ بِكُمْ ثُمَّ إِلَىٰ رَبِّكُمْ تُرْجَعُونَ ﴾ بیوریور.

[حجیم! حشری انکار ایدنلرہ جواب اولارق سن دی کہ «ای» مشرکار! سزک  
روحلریکزی قبضہ طرف الہیدن توکیل اولونان ملک الموت سزک اجلکزی کلدیکنده.  
سزی اولورور، بونی انکارہ مجالکزی یوقدر. چونکہ؛ هر زمان وقوعی کوریورسکز.  
ملک الموت سزک روحکزی آلدقن صوکرہ ربکزی حضور معنویسنہ ارجاع اولونورسکز.]  
شوالده سزک ایچون اولوم محقق اولدینی کی اولدکن صوکرہ حیات وحساب ایچون  
حضور الہی بہ رجوعده محققدر. بناء علیہ؛ انکارده فائده کز یوقدر. بلکه سزک  
ایچون فائده؛ ایمان ایتک وایمان سبیلہ عذابدن قورتولمقدرد، یوقسه کفر اوزرہ اصرار  
ایدوبده عذاب ابدی بہ دوچار اولمق دکلدرد.

انسانلرک روحلرینی آلفہ مؤکل اولان ملکک انسانلرک اجللرندن اصلاً غفلت ایتدیکنہ  
اشارت ایچون ملک الموتک ارواحی قبضہ توکیل اولوندینی بیان اولونمشدر. چونکہ؛  
طبری وتفسیرخازنده بیان اولوندیغنه نظراً بوتون دنیا آنک نظرندہ برآوج اورتابی کی  
ویا خود برکاسہ کی اولدیغندن هر کسک اجلنہ متعلق صحیفہ سنی بیلیر ودقیقہ فوت ایتمکسزین  
اجلی کان کیمسہنک روحنی درحال قبض ایدر وقبض اولونان روح سعید ایسہ رحمت  
ملکترینہ وا کر شقی ایسہ عذاب ملکترینہ تسلیم ایدر. شوالده دنیانک هر طرفی ملک  
الموتہ نسبتلہ مساویدر. آنک ایچون اوزاق ویقین یوقدر. بناء علیہ؛ یوزبیکلرجه نفوسک  
ارواحنی دقیقہ سندہ قبضہ مقتدر اولدیغندن «آن واحدہ وفات ایدن برچوق کیمسہلرک  
ارواحنی قبضہ نصل یتیشہ بیلیر؟» سئوالی وارد اولماز.

انسانلرک ارواحنی آلفہ توکیل اولونمش بر ملک اولدینی واو ملک هر کسک وفات  
ایدہ جکی کونی وساعتی ودقیقہ بی بیلدیکی وهر کسک اجل معیندن تقدم وتأخر جائز  
اولمادینی محققدر. او ملکک اسمی (عزرائیل) ایسده بو آیتده عموم معناسنی مفید  
اولارق ملک الموت عنوانیلہ ذکر اولونمشدر. ارواحی قبض ایتدیکی یعنی «هر کسک جاتی  
آلدینی قطعیدر، بونی انکارہ مجال یوقدر. فقط ارواحی قبضک کیفیتی یعنی «نصل قبض

ایدر، ہپسنی قبض ایدن یالکزی عزرائیل میدر ویا خود عزرائیلک امرینہ مہیا یانندہ  
برطام خدمتی ملکک واردہ آنلر واسطہ سیلہ می آلیر؟» بوجہتلر احوال آخرتدن اولدینی  
جہتلہ بو دنیادہ بزم ایچون بونی کورمک وآکلامق ممکن دکلدرد. اساساً بوجہتہ حکمده  
تعلق ایتز. یالکزی بزم ایچون لازم اولان انسانلرک روحلرینی آلفہ مؤکل برملک واردرد،  
ارواحی قبضہ مأموردرد وقبض ایدیور بوندہ تردد یوقدر. اما نصل قبض ایدر. بوجہتک  
اعتقادہ تعلق یوقدر. بناء علیہ؛ بیلیمکده بر فائده اولمادینی کی بیلیمکده بر ضرر دہ یوقدر.

\*\*

واجب تعالیٰ حشری انکار ایدنلرک حضور الہی بہ رجوع ایدہ جکلرینی بیاندن  
صوکرہ حضور الہی بہ رجوع ایتدکارندہ کی حال پریشانیلرینی بیان ایتک اوزرہ  
﴿ وَلَوْ تَرَىٰ إِذِ الْمُجْرِمُونَ نَاكِسُوا رُءُوسِهِمْ عِنْدَ رَبِّهِمْ ﴾ بیوریور.

[یا اکرم الرسل! اگر سن شول زمانی کورمش اولسہک کہ اوزماندہ حشری انکار  
ایدن مجرملر ربلرینک حضورندہ کمال خجالتلرندن باشلرینی اکر وھیچ کیمسہنک یوزینہ  
باقامازلر. ایشته اوزمانی کورسہک پک عجیب وغریب برامر کورورسک کہ آنلرک اوزماندہ  
اولاجق حال پریشانیلری بو دنیادہ تصور اولونور شیلردن دکلدرد.]

﴿ رَبَّنَا أَبْصَرْنَا وَسَمِعْنَا فَارْجِعْنَا نَعْمَلْ صَالِحًا إِنَّا مُوقِنُونَ ﴾

[ایشته اووقندہ آنلر ندامتلرینی اظهار ایدہرک دیرلرک «یاربی! بز انکار ایتدیکنز  
شیلری کوزیمزلہ کوردک وقولاغمزلہ دویدق. دوندور بزی دنیایہ، بز کوزل عمل  
ایشلہ یلم زیرا؛ بزم شکمنز وشہ من قالمادی، علی طریق یقین ایمان ایتدک.» چونکہ؛  
رسل کرام ہرنہ دیدیلر وکتابلر ہرنہ یازدیلرسہ آنلرک جملہ سنی یقیندن مشاہدہ ایلدک.  
شوالده ای» بزم رہمز! اکر بزی دنیایہ دوندورسہک بز کوزل عمللر ایشلہرز»  
دیمکک تضرع ایدرلر. کناہکارلرک او احوال شدیدہ کی کورونجہ ایمانہ کمال جدیتلرینہ  
ودوام ایدہ جکلرینہ ودنیایہ دونمکک کمال رغبتلرینہ ودعالتلرینک قبولی کمال آرزولرینہ  
اشارت ایچون دوام وثبات دلالت ایدن صمد اسمیہ صورتیلہ (انا موقنون) دیہہ جکلری



ابوالسعود افنديك جمله بیاناتنددر . لكن ايمانك محلی دار تكليف اولان دنيا اولديني جهنله آخرته ايمان مقبول دكلدر . زیرا آخرت ؛ دار تكليف دكل كه ايمانلری قبول اولونسون . ايمانده معتبر اولان ؛ غیبره عینی دكلدر . بناء علیه ؛ آخرته عذابى مشاهده ایتدکن صوکره ايمان معتبر اولاماز .

\*\*\*

واجب تعالى آخرته مجرملردن واقع اولاجق تضرعلری اوزرینه طرف الهیدن وارد اولاجق جوابی بیان ایتک اوزره ﴿وَلَوْ شِئْنَا لَآتَيْنَا كُلَّ نَفْسٍ هُدًىهَا وَلَكِنْ حَقَّ الْقَوْلُ مِنِّي لَأَمْلَأَنَّ جَهَنَّمَ مِنَ الْجِنَّةِ وَالنَّاسِ أَجْمَعِينَ﴾ بیوریور .

[ «اگر ناسک جمیعینک هدایتلری بز دیله مش اولسه ایدک بزهر نفسه هدایتی توفیق ایدردک ولکن انسه جنک جمیعیندن البته جهنمی طولدوره جفمه دائر بندن حکم واقع اولدی و او حکم ثابتدر . بناء علیه ؛ حکم الهی تغییر قبول ایتدیکندن البته جهنم انس و جنک عاصیلرندن طولاجقدر» دیمکه جناب حق دنیایه دونمک ایستهین عاصیلرک سوزلری رد ایدر . ]

یعنی ؛ بزى دنیایه دوندور دییه نلره جواب اولارق جناب حق بیوریورکه «اگر بن سزی دنیایه دوندوره جک اولایدم دنیاده سز اراده کزی هدایته صرف ایدردیکز بنده سزک هدایتکزی خلق ایدردم ولکن سز ارادکزی کفره صرف ایتدیکز بنده اراده کز وجهله کفرکزی خلق ایتدم وجهنمه کیرمکزه حکم ثابت ولاحق اولدی . بناء علیه ؛ سزک ایچون دنیایه رجعت ممکن دکلدر . زیرا ؛ اراده سنی کفره صرف ایدن انسه جندن البته بن جهنمی دولدوراجفم » دیمکه بندن حکم صادر اولدی . شو حالده بنم حکم تغییر قبول ایتز و دنیایه دونمک ایچون تضرع فائده ایتز . چونکه ؛ نقصانی تدارک زمانی کچمشدر . جهنم انس و جنک مجموعندن دولوب یالکز انسه و یاخود یالکز جنه مخصوص اولمادیغنی بیان ایچون (اجمعین) لفظی ایله تأکید اولونمشدر .

\*\*\*

واجب تعالى عاصیلرک دنیایه رجعتلری رد ایتدکن صوکره ظهور ایده جک خطابى

بیان ایتک اوزره ﴿فَذُوقُوا بِمَا نَسِيتُمْ لِقَاءَ يَوْمِكُمْ هَذَا اِنَّا نَسِينَاكُمْ وَذُوقُوا عَذَابَ الْخُلْدِ بِمَا كُنتُمْ تَعْمَلُونَ﴾ بیوریور .

[ شو ملاقات کونکزی اونوتمکز سبيله طادک جهنم عذابى . زیرا ؛ سز فصل بوکونکزی اونوتدیکز ایسه محقق بزده سزه نسیان معامله سی یابارق سزی ترک ایدرز . بناء علیه ؛ «عمل ایتدیککز کفرکز سبيله ابدی عذابى طادک» دیمکه جزالری ترتیب ایدرز . ] زیرا جزا ؛ عمل جنسندن اولاجنی جهنله آنلرک یوم ملاقاتلری اونوتمالرینه مقابل جناب حقه آنلری اونوتولش برشی کبی جهنمده ترک اولوناجقبرنی بیان ایتمشدر . چونکه ؛ نسیان واجب تعالى حقنده محال اولدیغندن بومقامده نسیان ؛ ترک ایتک معناسندهر . زیرا اونوتولان شی ؛ دائماً متروک اولور . شو حالده نسیانه ترک ایتک دیمک لازم اولدیغندن نسیانی ذکر ایدوب ترکی مراد ایتک ملزوم اولان نسیانی ذکر و لازم اولان ترکی اراده قییلنددر . بوکا نظراً (انا نسیناکم) دیمک «بز سزی اونوتولش برشی کبی بالکلیه عذاب ایچنده ترک ایتدک» دیمکدر .

فحررازینک و ابوالسعود افنديك بیانلری وجهله عذابى طاتمالری ایله مشرکله خطاب ؛ یوم ملاقاتلری نسیانلری وسوء عمللری سبب اولدیغنه اشارت ایچون نسیانلری وسوء عمللری خطابه سبب اولارق بیان اولونمش و اهل جهنمک کمال حقارتلرینه اشارت ایچون عذابى طاتمغه امر تکرار ذکر ایدلمش و عذاب خلده ابدی عذابه سبب کندی عمللری اولدیغنی صراحة بیان اولونمش و آنلرک جهنم آتشی ایچنده اونوتولش برشی کبی اصلا التفات اولونمیه جفنه اشارت ایچون (انا نسیناکم) جمله سی ادات تأکیدله وارد اولمشدر . کرچه نسیان ؛ اولد اولوب صکره اونوتولورده برده استعمال اولونور ایسه ده قیامتک دلائلی کمال وضوحله ظاهر اولدیغنی جهنله اولاً دلیللره حقیقت معلوم اولمش ایکن او دلیللره نظری ترک ایتلری اونوتقم منزله تنزیل اولونارق آنلرک قیامتى اونوتدقلری بیان اولونمشدر .

\*\*\*



واجب تعالی اهل کفرک حالی بیاندن صوکره اهل ایمانک حاللرینی بیان ایتمک اوزره  
﴿ إِنَّمَا يُؤْمِنُ بِآيَاتِنَا الَّذِينَ إِذَا ذُكِّرُوا بِهَا خَرُّوا سُجَّدًا وَسَبَّحُوا بِحَمْدِ رَبِّهِمْ  
وَهُمْ لَا يَسْتَكْبِرُونَ ﴾ بیوریور .

[ بزم آیتلرمزه آنحق شول کیمسهلر ایمان ایدرلرکه آنلر آیتلر کندیلرینه ذکر اولونوب وعظ اولوندقلرنده درحال بوتون اعضا الیه سجده قاپانورلر و ربلرینک حدودنسانه ملابس اولدقلری حالدہ نفاصدن تنزیه ایدرلر . حالبوکه آنلر کرک سجده لرنده و کرک تسبیح لرنده کندیلرینی بویوک عدایدوب کبرایتمزلر . ] زیرا؛ آنلر بزم آیتلریمزک انذارات و تبشیراتی الیه نصیحت اولوندقلرنده عذاب الیهدن قورقورلرینه بناء کمال تواضعه یوزلری اوزرینه سجده قاپانور واک عالی و عزیز اولان یوزلرینی تراب مذکته سورور و نائل اولدقلری نعمتک شکرینی ادا ایدرلر و بسجده لری الیه آیتلری قبول و مقتضایه عمل و آیتلرک امر و نهینه انقیاد ایتدکلرینی اظهار ایدرلر و یالکمز سجده الیه اکتفا ایتزلر، بلکه کندیلرینی نعمتلیله تربیه ایدن ربلرینک نعمتلرینی صایاروئنا ایدر اولدقلری حالدہ تسبیح ایدرلر .

بخاری و مسلمک اتفاقلری وجهله بیان اولوندیغنه نظراً ابن عمر حضرتلری « رسول الله سجده اولان سوره بی قرائت ایتدیکنده سجده ایدر و حاضر بولونان جماعت ده سجده ایدرلردی » بیورمشدر . سجده نک فضیلتنه کلنجه : رسول الله « آدم اوغلو سجده آیتنی تلاوت ایدوب ده سجده ایتدیکنده شیطان آغلار و کیری قاچار و دیرکه ( هلاک بکا اولسون که آدم اوغلو امر اولوندیغی وجهله سجده بی ادا ایتمکه جنته کیردی . بن امر اولوندیغ سجده دن امتناع ایتمکه جهنمه داخل اولدم ) دیدیکنی » بیان ایتمشدر .

جناب حق بو آیتده اهل ایمانی اوج شیدتنا بیورمشدر : برنجیسی ؛ طرف شریعتده وارد اولده نصیحت ایدر متنتح اولارده درمال فعلل وزرد ایتمک سببه سجده قاپانماری ، ایکنجیسی ؛ هدايت و ایمانه کبی معنوی نعمتلی و اللہی ذکر ایتمک بجزوه لسانه و معنی و درمعن بجزوه قولیه کبی مادی نعمتلی ملاحظه ایدرک جناب حق نفاضده تنبیهلر

عبد رنا ایتلری ، اوچنجیسی ؛ بومشدر عبادتمده استکبار ایتدیوب کمال خضوع اوزره ادايه مسارعت ایللمبردر .

.\*

واجب تعالی اهل ایمانک بعض اوصافی بیاندن صوکره بعض آخری بیان ایتمک اوزره  
﴿ تَجَافَى جُنُوبُهُمْ عَنِ الْمَضَاجِعِ يَدْعُونَ رَبَّهُمْ خَوْفًا وَطَمَعًا وَمِمَّا رَزَقْنَاهُمْ يُنفِقُونَ ﴾ بیوریور .

[ سجده و تسبیح ایدن مؤمن کاملارک یانلری یاتاقلرندن اوزاق اولور . حالبوکه آنلر اللهک عذابندن قورقدقلرینه و رحمت الهیهی امید ایتدکلرینه بناء ربلرینه تضرع و نیازایدیرک عبادت ایدرلر و آنلر بزم و یردیکمز رزقلرندن محتاج اولانلره اتفاق ایدرلر . ] یعنی ؛ ایمان کامل صاحبی شول کیمسهلرکه آنلر صلات لیلہ یعنی تهجد نمازینہ دوام ایتدکلرندن آنلرک یانلری یاتاجق دوشکلرندن اوزاق اولور . زیرا ؛ یاتاقده یاتمازلرکه یانلری دوشکلرینه یقین اولسون . آنلرک حاللری ؛ ربلرینک غضبندن قورقدقلری و رحمت و مغفرتی امید ایتدکلری ایچون دعا الیه برابر عبادت ایتمکدر . بناء علیه ؛ بر طرفدن قورقو بر طرفدن طمعه دعا ایدرلر و یالکمز دعا و نماز کبی عبادت بدنی الیه اکتفا ایتزلر ، بلکه بزم آنلره و یردیکمز رزق صوری و مغفودن محتاج اولانلره اتفاق ایدر و مالارندن برر مقدارینی صرف ایدرلر .

خازن و بیضاوینک بیانلرینه نظراً بو آیتدن مقصد ؛ کیمه قیطنانه نماز و باطنازه بزم نمازیمدر . چونکه ؛ یاتاق زمانی کیجه اولوب یانلری یاتاقه اوزاق اولسی عبادتن کنایه اولونجه عبادتک افضلده نماز اولدیغندن کیجه نمازیله تفسیر اولونمشدر . ( معاذ بن جبل ) حضرتلرینک رسول اللهک بو آتی کیجه نمازیله تفسیر ایتدیکی روایتی ده بو معنایی تأیید ایدر . معاذ بن جبل « بن رسول اللهدن جنته کیرمکه سبب اولاجق بر عملدن سؤال » ایتدیکمده رسول الله « یا معاذ ! بویوک بر شیشی سؤال ایتدک » دیدکدن صوکره « اخلاص اورره اللهه عبادت ایتمک ، شرک ایتمهک ، نماز قیلماق ، اوروچ طومق ،



زکات و یرمک و حجه کیتمک جنته دخوله سیدر « بیوردی . بوندن صوکره » یا معاذ ! بن سکا ابواب خیره دلالت ایدیم می ؟ اوروج جهنم آتشنه قالقاندر ، صدقه کنساهلره کفارتدر و کیجه آئنده نماز قیلیمقدر « بیوردی و بوآتی او قودی دیدیکی تفسیر خازنده مذکوردر . دیگر بر حدیثنده رسول الله « کیجه نمازینه دوام سزک اوزریکزه لازمدر . زیرا کیجه نمازی ؛ سزدن اول کچن صلحانک عادتدریدر « بیوردینی مرویدر .

کیجه ایله اویقوی و صیجاق و راحت یا تاغی ترک ایدهرک تنها محله ریادن عاری کیجه نک ایچنده ادا اولونان نمازک اللهه قربیت و کنساهلره کفارت و یدنده اولان دردلرک طردینه سبب اولاجغه دأر برچوق احادیث جلیله مروی اولدینی کی کیجه نمازینه دوام ایدنلری مدح حقنده بو آیت کافی اولوب آیت سابقهده بیان اولونان اهل ایمانک محاسنلرندن بقیه سی بیان اولدینی فخر رازینک جمله بیاناتنددر . حضرت انس « بوآیت انصاردن برجماعت حقنده نازل اولمشدر . زیرا ؛ بز انصاردن برجماعت آقشام نمازینی رسول اللهله مسجده ادا ایتدکن صوکره خانه لریمزه کیتمزدک و یاتسو نمازینه قدر مسجدهده نمازله مشغول اولوردق . بناء علیه او جماعتی ثنا حقنده بو آیت نازل اولدی « بیورمشدر .

واجب تعالی بوآیتده بوندن اولکی آیت کی اهل ایمانی اوج شیده رضی ثابورمشدر : برنجیسی ؛ کیم اید نماز ، ایکنجیسی ؛ جناب منک غضبمنره قورقو و رحمتمنره امید وار اولارو دعایه دوام ، اوچنجیسی ؛ اللهم و بریدی رزقمنه اهل احتیاجک احتیاجی دفع اتملرمنره

خلاصه ؛ رضاء باری ایچون سجدیه قایتمق و جناب حق نقائصدن تنزیه و کبر ایتمهک و کیجه ایله نمازه دوام و بین الخوف والرجاء عایه دقت و اللهم و بریدی رزقمن فقرایه اتفاق ایتک اهل ایمانک خصلت حمیده لرندن اولوب بونلره دوام ایدن مؤمنلرک مدح السیده داخل اولدقلری بو ایکی آیتدن مستفاد اولان فوائد جمله سندندر .

\*\*\*

واجب تعالی اهل ایمانک اعمال صالحه و خصلت حمیده لرینی بیاندن صوکره بواعماللرینه مکافات اولارق و یربله جک درجه لرک بو دنیا ده انسانلر ایچون بیانمسی ممکن اولمادیغنی

بیان ایتک اوزره ﴿ فَلَا تَعْلَمُ نَفْسٌ مَّا أُخْفِيَ لَهُم مِّن قُرَّةِ أَعْيُنٍ جَزَاءً بِمَا كَانُوا يَعْمَلُونَ ﴾ بیوریور .

[ هیچ بر نفس عملنه جزا اولارق کوزلرینک دیکله نه جکی و مسرور اولاجنی نه کی نعمتلر کندییسی ایچون حاضر لاندیغنی و دنیا ده کندندن کیزله ندیکنی بیلمز . ] حالبوکه تهجد نمازی وسائر اعمال صالحه لرینه مکافات اولارق کوزلرک باققله طویامیه جنی و غیره التفاته محل قالمیه جنی و کوزلرک باقدقجه لذت آلاجنی کیزله نمش نه قدر نعمتلر وارکه آنلری آنحق الله تعالی بیلیر . بناء علیه ؛ بو دنیا ده او نعمتلری هیچ کیمسه بیلمز . چونکه ؛ مؤمن کاملک اکثر اعمالی تهجد نمازی مثللو کیزلی اولدینی کی آنک ایچون حاضر لانان نعمتلر و اکراملرده کیزلی و عندالله محفوظدر . او نعمتلری دنیا ده بشرک بیلمه مسی نعمتلرک عظمت شانلرینه اشارتدرکه او نعمتلرک امثالی دنیا ده اولمادیغنی کی بشر ایچون تصویری ده ممکن دکل دیمکدر .

بیضاوینک بیانی وجهله ( ما اخفی ) ده کی ما لفظی ( الذی ) معناسنه موصولدر . بوکا نظراً معنای نظم : [ هیچ بر نفس کندی ایچون آخرتده حاضر لانوب کیزله نن شیلری بیلمز . یعنی هیچ بر نفس شول شیئی بیلمز که او شی کندیلری ایچون حاضر لاندی و کیزله ندی ] دیمکدر . یاخود ما لفظی استفهامیدر . بوکا نظراً معنای نظم : [ هیچ بر نفس عمللری مقابلنده کندیلری ایچون هانکی شی حاضر لاندی و کیزله ندی اونی بیلمز ] دیمکدر . ( قره اعین ) کوزلرک دیکله نه جکی و راحت ایدمه جکی نعمت دیمکدر . چونکه ؛ انسانک سروری کوزنده هراعضادن زیاده ظاهر اولدیغندن بوتون وجودک مسرور اولاجنی نعمتلردن کوزک راحت ایده جکی و مسرور اولاجنی بیان اولونمشدر .

\*\*\*

واجب تعالی مؤمنک و کافرک حاللرینی بیاندن صوکره مؤمنله کافرک مساوی اولامیه جغنی و مساوات اعتقاد ایدنلرک اعتقاد لرینک باطل اولدیغنی بیان ایتک اوزره ﴿ أَفَمَن كَانَ مُؤْمِنًا كَمَن كَانَ فَاسِقًا لَا يَسْتَوُونَ ﴾ بیوریور .



[ سز کفری اعتقاد ایدرده مؤمن اولان بر کیمسه فاسق اولان کیمسه کبی می اولور ظن ایدرسکز؛ ایکسی مساوی اولامازلر. ] زیرا مؤمنک عاقبتی؛ فوز وفلاحدر، کافرک عاقبتی ايسه عذاب وهلا کدر. بناء عليه؛ جنس مؤمن، جنس کافره مساوی اولاماز. چونکه؛ بریسی اهل جنت واکرامدر، دیگرى اهل جهنم واهانتدر. شوحالده ایکسی بریرده جمع ایتک ممکن دکدر. تفسیر خازن ونیسابوری ده بیان اولوندیغه نظراً بو آیت حضرت علی ایله (ولید بن عقبه) حقلرنده نازل اولمشدر. چونکه؛ بر مسئله حقلنده بیلرنده وقوعبولان نزاعده (ولید) حضرت علی به «سن سکوت ایت. زیرا؛ سن صبی سک. بنم لسانم سندن اوزون وسونکوم سندن کسکین وقلیم سندن شجیع واتباعم سندن چوقدر» دینجه حضرت علی نک «یا ولید سن سکوت ایت. زیرا؛ فاسقسک» دیمی اوزرینه بو آیتک نازل اولدینی مرویدر.

بو آیتده همزه؛ ایکی فرقنک مساوی اولملری رد وانکار ایچون استفهام انطربدر. مساوی اولملری اولاً انکار اولوندقدن صوکره مساوی اولمادقلری صراحة بیان اولوندی که بوندن صوکره کله جک تفصیلاته اساس اولسون.

\*\*

واجب تعالی مؤمنله فاسقک مساوی اولامادقلری اجمالاً بیاندن صوکره تفصیلاً بیان ایتک اوزره ﴿أَمَّا الَّذِينَ آمَنُوا وَعَمِلُوا الصَّالِحَاتِ فَلَهُمْ جَنَّاتُ الْمَأْوَى نُزُلًا بِمَا كَانُوا يَعْمَلُونَ﴾ بیوریور.

[ اما شول کیمسه لکه آنلر الله ورسولنه ایمان ایتدیلر ورضاء الهی به موافق عملده ایشله دیلر. آنلر ایچون عمللری سببیه حاضر لائمش قوناقلر واستراحت محلی جنتلر واردر. ]

یعنی؛ شول کیمسه لکه آنلر الله ورسوللرینه وکتابلرینه وآخرته ایمان وطریق توحیده بذل مقدت ایدوب ایمانلری اعمال صالحه ایشله مکله تزین ایتدیلر. آنلر ایچون عمللری سببیه راحت محلی اولارق جنتلر ومسافر ایچون حاضر لائمش قوناقلر واردر. چونکه؛

آنلر ایمانلری ایله اعتقاد باطلی رد واعمال صالحلری ایله اخلاق سیئه لری طرد ایتدکلرندن جناب حقلک اکرانه نائل اولغه استحقاق کسب ایتدکلرندن التفات الهی به واکرام سبحانی به نائل اولاجقلردر.

ماوی؛ استراحت ایچونه هرکسک قصر ایدوب واره جفی محله. بناء عليه؛ اهل جنت زیاده رملتدر جنت اعمولی قصر ایدوب واردقلری ایچونه جنته ماوی دنیلمشدر. دنیا ده اولرک صوری ماوی اولوب جنت اعلی نک حقیقی ماوی اولدیغه اشارت ایچون جنت لفظنک ماوی به مضاف قیلدینی ابوالسعود افندیکنک جمله بیاناتدندر.

(( نزلاً )) مسافر ایچونه حاضر لائانه نعمتدره وقوناقلر محله دیندر. بناء عليه؛ اهل جنت جناب حقک مسافرلری اولدقلرنده آنلر ایچونه حاضر لائانه نعمتدره وقوناقلره جناب حق بو آیتده نزل بیورمشدر که نعمتک حاضر اولدیغه اشارتدر. بونعمتله نائل اولمانک سبی؛ عمل صالح اولدینی آیتده صراحة بیان اولونمشدر. چونکه؛ آیتده ایمانله عمل شرط اولارق وارد اولدینی کبی جنت ونزلده جزا اولارق وارد اولمشدر. شوحالده شرط اولان ایمانله عمل بولونمايجه جزا اولان جنت ونزلده بولونمايجه جنتدن ایمانله عملی اولمایان کیمسه لک بونعمتلردن محروم اولاجقلرینه آیتده صراحت واردر.

\*\*

واجب تعالی مؤمنلرک واره جقلری محلك جنت اولاجفی بیاندن صوکره کافرلرک واره جقلری محلك جهنم اولاجفی بیان ایتک اوزره ﴿وَأَمَّا الَّذِينَ فَسَقُوا فَمَأْوَاهُمُ النَّارُ﴾ بیوریور.

[ اما شول کیمسه لکه آنلر کفر ایتدیلر. آنلرک واره جقلری محللری آتشدرد. ]

﴿كُلَّمَا أَرَادُوا أَنْ يَخْرُجُوا مِنْهَا أُعِيدُوا فِيهَا﴾

[ وآنلر هر نه زمان آتشدن چیقمق مراد ایدرلرسه تکرار آتسه اعاده اولونورلر. ]

﴿وَقِيلَ لَهُمْ ذُوقُوا عَذَابَ النَّارِ الَّذِي كُنْتُمْ بِهِ تُكَذِّبُونَ﴾



[ و طرف السهيد آنره « دنيا ده تذيب ايتديککز جهنم عذابى طاديکزر »  
دينور . ]

يعنى ؛ شول کيمسه لره که آنلر ايماني ترکله کتب السهیده وارد اولان او امر ونواهيک  
مقتضاسندن چيقديلر . آنلرک آخرته مرجعلى جهنم آتيدير که مؤبد اولارق آنلر  
او آتش ايچنده قاليرلر . حق هر نه زمان که آنلر جهنمک کنارينه يا قلاشوب چيقمق  
ايسترلر سه در حال کمال حقارتله جهنمه اعاده اولونورلر . اللهم امريله زبايلر طرفندن  
آنلره « دنيا ده رسل کرام طرفندن سزه خبر و يرلديکنده تکذيب ايتديککز جهنمک  
عذابى طادک » دنيلور . بوسوز آنلرک عذابلريني تشديد و حسرتلريني تزييد ايچون سويلنور که  
ياره لري اوزرينه طوزا کمک قيلدن حقارت ايچون سويله نه جک برسوزدر .

فخر رازينک بياني وجهله اهل نارك تکذيبلري ؛ ايکيمره : برنجيسى ؛ دنيا ده اصل  
عذابى تکذيب ايتلمير . بونک مقابلنده جهنم عذابىک اساسى طادارلر . ايکنجيسى ؛  
جهنم عذابى کور و جهنمک فوقنده عذاب اولونمى نظر ايمرلر . بونک مقابلنده هر نه  
زمان طادقلري عذابک فوقنده عذاب يوق ديرلر سه آنک فوقنده ودها شدتلى بر عذاب  
طادارلر .

ابوالسعود افنديک بياني وجهله هر نه زمان چيقمق مراد ايدرلر سه تکرار اعاده  
اولونا جقلريني بيان ايتمک ؛ آنلر ايچون جهنمک مأوى اولاجنک کيفيتى بيان ايتمکدر .  
چونکه ؛ آنلري جهنمک علوى اوست طبقه چيقارير . بوفرستدن بالاستفاده آنلر جهنمدن  
چيقمق مراد ايدنجه تکرار آنلر جهنمک آلت طبقه سه اعاده اولونورلر .

\*\*\*

واجب تعالى اهل جهنمک عذابلرينک شدتلى بياندن سوکره عايلره دنيا ده واقع  
اولاجق عذابى بيان ايتمک اوزره ﴿ وَلَنَذِيقَنَّهُمْ مِنَ الْعَذَابِ الْأَذْنِ دُونَ الْعَذَابِ  
الْأَكْبَرِ لَعَلَّهُمْ يَرْجِعُونَ ﴾ بيوريور .

[ ذات الوهيتمه يمين ايدرم که البته بز بويوك عذاب اولان آخرت عذابىک آشاييسى  
اولان دنيا عذابى آنلره طاديريرز . مأمول که آنلر کناهلرندن رجوع ايدرلر . ]

يعنى ؛ اهل جهنم اولان عايلره البته بز دنيا ده قحط و غلا و قتل و اسارت و بلده لريني  
دشمنلرينه تسليم کبي قولاي و آخرت عذابى اولان بويوك عذابه نسبتله کوچوک وادنى  
اولان دنيا عذابى طاديرير و آنلر عصيانلرندن رجوع ايتسونلر ايچون زلزله و آفات سائر  
وانواع بلایا ايله مبتلا قيلارز . دنيا عذابىک مرنى قبضه و مرنى آزار اولمسه بناء عذاب  
ادنى دينشدر . چونکه ؛ آخرت عذابىک نسبتله دنيا عذابىک هم يقين ، هم خفيفدر . اما  
آخرت عذابىک هم شديد ، هم ده مديددر . بناء عليه ؛ آخرت عذابىک شرتى و ايرى لرينه  
عذاب اکبر دينشدر . آخرت عذابىک دنيا عذابىک قطعياً قياس اولوناماز . زيرا ؛ دنيا ده  
برکيمسه تحملىک فوقنده بر عذاب مبتلا اولور سه وفات ايدر قورتولور . اگر تحمل ايدى جکي  
درجده اولور سه خفيف ديمکدر . اما آخرت عذابىک تحملىک فوقنده شدتلى اولديغى کبي  
مدنى ده اوزوند ، اولوم و سائر کبي برسيله قورتولوش ده يوقدر .

ايشته جناب حق قوللريني انصافه دعوت ايتمک و معصيتدن دوئمى لري ايچون دنيا ده  
بعض بلایا ايله مبتلا قيلديغى بو آيتله بيان ايتشدر . کرچه دنيا عذابىک هر نه قدر خفيف  
ايسده انسانلر رأى العين مشاهده ايتدکلرندن کناهدن واز کچمک خصوصنده تأثيرى  
زياده اولديغى شهبه سزدر . بودعوايه خسته لرك حاللري شاهد عادلر .

نيسابورى و فخر رازينک بيانلري وجهله ( لعل ) کلمه سنک دلالت ايتديکي رجا  
معناسى قوللره عائددر . زيرا ؛ جناب حق رجادن منزهدر . شو حالده دنيا ده قوللره عذاب ؛  
معصيتدن توبه ايتلمى ايچونددر .

چونکه ؛ انسانلرک بلایادن متنبه اوللمى مأمولدر . اما متمرد اولانلرده اصلا عبرت  
اولماز . مصائبدن متنبه اولارق معصيتدن دوئمىک ؛ عاقل شائيدر و توفيق السهيدر .  
بناء عليه ؛ معصيتدن نائب و مستغفر اولمق انسانلر ايچون توفيق السهى و بر مزيت عاليه در ،  
فقط هر کسه ميسر اولماز .

\*\*\*



واجب تعالى كنهادن رجوع ايتك ايچون قوللرينه بعض دنيا عذابى طساديرديغنى  
بياندن صوكره مجرملردن البته انتقامنى آلاجنى بيان ايتك اوزره ﴿وَمَنْ أَظْلَمُ مِمَّنْ  
ذُكِّرَ بِآيَاتِ رَبِّهِ ثُمَّ أَعْرَضَ عَنْهَا إِنَّا مِنَ الْمُجْرِمِينَ مُنتَقِمُونَ﴾ بيورييور .

[ ربسك وحدانيتته و قدرتنه دلالت ايدن آيتلر ذكر اولونوب وعظ اولوندقدن  
صوكره او آيتلردن اعراض ايدن كيمسه دن دها زياده ظالم كيم اولابيلير ؟ البته آندن  
دها ظالم كيمسه اولاماز . بز محقق بوكي ظالم مجرملردن انتقامزى آليرز . ] چونكه  
عذاب الهى بي طادوب ومواعظي ديكله يوب عبرت آلمه رق آيتلري تركله ظلم ايتديكندن  
انتقام الهى به مستحقدر . زيرا ؛ آيتلري دوشونمك ومعناسنى ومقصدى آ كلامق لازم  
ايكن دوشونمكسزى اسكى عنادينه بناء قبولندن استنكاف ايتلري عذابى موجب اولان  
ظلمدر . شوخالده جناب حق ، آنلر عذاب ادندان عبرت آلامنجه عذاب اكبرله انتقامنى  
آلاجنه اشارت ايتشدرد .

\*\*

واجب تعالى مجرملردن انتقامنى آلاجنى بياندن صوكره كچمش ملتردن انتقامنى  
آلايغنى بيانله وعيدنى تا كيد ايتك اوزره ﴿وَلَقَدْ آتَيْنَا مُوسَى الْكِتَابَ فَلَا  
تَكُنْ فِي مِرْيَةٍ مِنْ لِقَائِهِ﴾ بيورييور .

[ ذات الوهيتمه بين ايدرم كه بز محقق موسى عليه السلامه كتاب ويردك . شو  
خالده حبيب ! سن بزم وعدمزه ملاقاتكده شبه ايمه . ]

﴿وَجَعَلْنَاهُ هُدًى لِّبَنِي إِسْرَءِيلَ﴾

[ بز او كتابى بنى اسرائيله طوغرى يولى كوسترر هدايت قيلدق . ]

﴿وَجَعَلْنَا مِنْهُمْ أُمَّةً يَهْدُونَ بِأَمْرِنَا﴾

[ وبزم امريملرله ناسى هدايتده قيلار بنى اسرائيلدن مقتدابه اماملر خلق ايتدك . ]

يعنى ، يا اكرم الرسل ! سن بزم وعدمزى انجاز ايدم جكمزى قويا اميد ايت .  
زيرا ؛ سنك كتابكده اهل فسق و اهل ضلالتدن انتقامزى آلاجنمزه دائر هرته وعد  
ايدرسك وعدمزى انجاز ايدم جكمز . چونكه سندن اول كچن انبياء كرامك كتابلرنده  
وعدمزك جمله سنى انجاز ايتديكمز كچي سكا انجاز وعدمزك جمله سنى دخى ايدم جكمزده  
شبه يوقدر . ايشته وعدمزى انجاز جمله سندن بز محقق موسى عليه السلامه تورات اسمنده اولان  
كتاب كاملى ويردك وآنده هرته وعد ايتدك ايسهك وعدمزى يرينى بولدى . حال بويله  
اولونجه حبيب ! قرآنده سكا وعد ايتديكمز شيلره ملاقى اولاجننه شبه ايمه و موسى  
عليه السلامده توراتك وعدنده شك ايتدى . زيرا ؛ هرته وعد ايتدكسه عينا وقوع بولدى  
وتوراتى بز بنى اسرائيله معالم دنيوه لرينه ايصال ايدر طوغرو يولى كوسترر هدايت قيلدق  
وبنى اسرائيلدن بر چوق اماملر خلق ايتدك كه آنلر توراتك احكامنه ياپيشمقله طوغرو  
يولى طوتديلر و باشقه لرينى بزم امريملر وجهله طوغرو يوله سوق ايدرلردى وهركس  
آنلره امين اولدقلرندن اقتدا ايتدكلرى جهته عوام ناسه امام اولديلر . حبيب ! سنك  
امتكك اماملرى ده اصحابكدر . بو معنائى رسول اللهك « بنم اصحابم ييلديزلر كيدر .  
هرهانيكيسنه اقتدا ايدرسه كز طوغرو يوله واصل اولورسكز » بيورديغى حديثى  
تأيد ايدر .

بيضاوى وخازنك بيانلرى وجهله ( من لقائه ) ضميرى كتاب راجع اولديغنه نظراً  
معناى نظم : [ حبيب ! موسى عليه السلامه ويرديكمز كتابه ملاقاتنده شك ايمه . ]  
وياخود [ اوكا ويرديكمز كتابه ملاقى اولديغى كچي سنده كتابك اولان قرآنه ملاقاتكدن  
شبه ايمه ] ديمكدر . اكر ضمير حضرت موسى راجع اولورسه معناى نظم : [ حبيب !  
سن ليله معراجده موسى عليه السلامه ملاقاتكده شك ايمه ] ديمكدر . رسول اللهك  
ليه معراجده حضرت موسى عليه السلامه ملاقى اولديغى معراج حديثنده مذ كوردرد .

﴿لَمَّا صَبَرُوا وَكَانُوا بِآيَاتِنَا يُوقِنُونَ﴾

[ آنلر دينلرنده صبر و ثبات ايدوب دشمنلردن واقع اولان اذايه متانتله مقابله ايتدكلرنده  
خلقى طوغرو يوله سوق ايدرلر وآنلر بزم آيتلرمنزه ايمان ايتديلر . چونكه ؛ آيتارك  
جناب حق طرفندن وحى منزل اولديغنى يقيناً بيلديلر . بناء عليه ؛ ايمانده اصلا تردد ايتديلر . ]



بِوَايَتِ جَلِيلِهِ اِيْلَهُ جَنَابِ حَقِّ بَنِي إِسْرَائِيلَ مَقْتَدَابَهُ اُولَانِ ذَوَاتِي مَدْحٍ وَثَنًا اِيْتِمَكَّهُ اَمْتٌ مُحَمَّدَدَهُ «صَبْرَ اَيْدِكَ وَاللَّهْكَ وَعَدِي حَقِّ اَوْلَدِيغْنَدَه شَبَهْ اِيْتِمَكِّكَ وَاللَّهْكَ اَيْتَلِرِيْنَه عَلَي طَرِيْقِ الْيَقِيْنِ اِيْمَانِ اَيْدِكَ» دِيْمَكَّهُ صَبْرِي وَاِيْمَانِي تَوْصِيهِ وَاللَّهْكَ وَعَدِيْنِكَ وَقَوْعُهُ اَنْتِظَارِ اَيْتَلِرِيْنِي تَنْبِيْهِ اِيْتَمَشْدَر. بِيُوَايَتَدَه وَاِمَثَالْنَدَه رَسُوْلُ الْاِلَهِی مِلَاقَاتَدَه شَكْدَنْ نَهِي؛ اَمْتِي نَهِيْدَر، يَوْقَسَه رَسُوْلُ الْاِلَهِی شَكِّ اِحْتِمَالِي يَوْقَدَر. زِيْرَا؛ رَسُوْلُ الْاِلَهِی رِبْسَنِكَ وَعَدِيْنَه يَقِيْنِي مُحَقَّقَدَر.

\*\*\*

واجب تعالی بنی اسرائیل ائمہ سنی بلا یہ صبر و آیت لہ ایمان ایت مکه ثنا ایت دکن صو کره  
امت آرہ سندہ اولان اختلافک یوم قیامتہ حل و فصل اولونا جفی بیان ایتک اوزرہ  
﴿إِنَّ رَبَّكَ هُوَ يَفْصِلُ بَيْنَهُمْ يَوْمَ الْقِيَمَةِ فَمَا كَانُوا فِيهِ يَخْتَلِفُونَ﴾ بیوریور.  
[یا اکرم الرسل! سنک ربک امتلرک آرہ لرندہ جریان ایتمش اولان مسائلی یوم قیامتہ  
حل و فصل ایدر. چونکہ؛ امتلر رسولارینہ اعتراضلہ امور دیندہ اختلافہ دوشر وینلرندہ  
بر جوق مسئلہلر احداث ایدر و مذهبلر میدانہ کتیرلر. [ایشتہ بو اختلافک کلیسنی  
یعنی کرک نبی ایلہ امتی آرہ لرندہ و کرک امتک فرقہ لری آرہ لرندہ اختلاف لری قیامتہ حکم  
قطعی ایلہ فصل ایدر. بناء علیہ؛ حتی باطلدن و محق مبطلدن تفریق ایدر. زیرا قیامت؛  
ای بی کوتودن و اعمالک صالح اولانی سی<sup>۱</sup> اولاندن سچمک و احکام قطعیه و عادلہ اجرا  
ایتک ایچون حاضر لائمش بر کوندر. شو حالده مظلومک حتی ظالمدن او کوندہ آله جفی  
جهتہ بنی اسرائیل ائمہ سنک کندیلرینہ واقع اولان تعرضلرہ صبرلہ مقابلہ و عاقبتہ انتظار  
ایتدکلری کبی بو امتک دہ مقتدا بہلرینک عاقبتہ انتظارلہ صبر ایتلری لازم اولدیغنه آیت  
دلالت ایدر. لکن بوکبی احکامک تأثیری و موجیلہ عمل دیانتہ معتقد اولوب حتی آرایانلر  
ایچون در، اما هیچ بردینلہ علاقہ سی بولونمایان و دیانتک اساسنہ قائل اولمایان سرسریلرہ  
اصلا تأثیری اولماز. چونکہ؛ اساسی اعتقاد ایتدیکندن آنلرہ کتابک ایتلرینی دیکلہ تمک  
مشکلدر. بوکبی دینلہ الفتی اولمایانلر مشرکلردن دہا فسادلر. چونکہ؛ همان هوای  
نفسانیلرینہ اتباعدن باشقہ برشی دوشونمدکارندن و حتی دہ قبول ایتدکلردن آنلرہ حق  
سوزی دویورمق و احکام شریعتی دیکلہ تمک مشکلدر.

\*\*\*

واجب تعالی یوم قیامتہ حقلہ باطل بیننی تفریق ایدہ جکفی بیاندن صو کره رسولک  
قومی اولان قریش قومی توبیخ ایتک اوزرہ ﴿أَوَلَمْ يَهْدِ لَهُمْ كَمْ أَهْلَكْنَا مِنْ  
قَبْلِهِمْ مِنَ الْقُرُونِ يَمْشُونَ فِي مَسَاكِينِهِمْ إِنَّ فِي ذَلِكَ لَآيَاتٍ﴾ بیوریور.

[آنلر غفلت ایتدیلرندہ کندیلرندن اول کچن بر جوق ملتلی اهلک ایتدیکنر آنلری  
هدایتدہ قیلما دیمی؟ حالبوکہ هلاک اولان امتلرک مسکنلرندہ یورورلر و آنلرک خرابہ لری  
کورورلر. زیرا؛ شو هلاک اولان امتلرک خرابہ لرندہ هدایتہ بر جوق علامت و دلیللر  
واردر. [چونکہ؛ قریشدن اول کچن قبیلہ لری اهلکمزده عبرتہ شایان اثرلر اولدیغنی  
حالده آنلرک خرابہ لری سیر و سفرلرندہ کورملری هدایتلرینہ یعنی طوغری یول آرمالرینہ  
کافی دکلکی؟

﴿أَفَلَا يَسْمَعُونَ﴾

[حالا غفلتدہ دوام ایدرلرندہ حق سوزی ایشیتمز لرمی؟] حالبوکہ ایشیتملری لازمدر.  
چونکہ؛ بونلر کبی ماللرینہ مغرور و ثروت و سامانلرینہ مفتخر عادونمود و لوط قوملری  
کبی کبر و غرورلرینہ آلدانانلری بزم اهلاکمز آنلری غفلتدن ایفاظ ایتدیمی و طوغری  
یر یول طوتمق لازم اولدیغنی آنلرہ اکلاتما دیمی و بونلردن هر جهتہ دہا قوتلی اولان  
قرون ماضیه بی اهلاکمز بونلرہ درس عبرت اولما دیمی و بوکبی وقوعاتلردن عبرت آلمق  
اهم و الزم دکلکی و هلاک اولان ملتلرک خرابہ لری بزم قدرتمزہ و قهر و غضبمزہ و دشمنلر مزدن  
انتقام آلا جعزمزہ علامت دکلکی و حقہ دلالت ایدن دلیللری تدقیق ایتمه مک بویوک برجنایت  
دکلکی و جهالت و غفلتدن قورتولمق چاره لری دوشونمک انسانلر ایچون بر وظیفہ مهمہ  
دکلکی؟ حالبوکہ عاقل اولان کیمسه یه لایق اولان غفلتی ترک ایتمکدر، یوقسه ضالالتدہ  
دواملہ هلاک اولوب کیتمک دکلدر.

نیسابورینک اشارتی و جهلہ قریش قبیله سنک عقللرینی حسن استعمال ایتدکلرینہ  
و بنفسه عقللری ایلہ ادراک قدرتلری اولما دیغنه و بوجهتدن بهایم منزلندہ اولدقلرینہ اشارت  
ایچون واجب تعالی بو آیتدہ مقام توبیخده «ایشیتمز لرمی؟» بیورمشدر. یعنی «عقللری  
ایلہ ادراک شانلرندن دکل و لکن قولاقلری ایلہ ایشیتمکده می شانلرندن دکل؟» دیمکدر.



بناءً عليه؛ بآیت قریش قبيله سنی و آنلرک حاللرنده اولان انسانلری ادر ا کمنزلک و دوشونجه سزلک ايله ذم و تقبیح ایتشد.

خلاصه؛ انسانلره لازم اولان اول کچن ملتلرک هلاک کندن عبرت آلق و آنلرک سبب هلاک و فلاکتلری دوشونمک لازم اولدیغی بویآیدن مستفاد اولان فوائد جمله سندندر.

..

واجب تعالی کچمش ملتلردن معصیتلری سببیه برچوقلری اهلک ایتدیکنی بیاندن صوکره یا غمور صولری ايله ارضی احیا ایتدیکنی و منفعت و مضرت جمله سی بد قدرتنده اولدیغی بیان ایتک اوزره ﴿أَوَلَمْ يَرَوْا أَنَّا نَسُوقُ الْمَاءَ إِلَى الْأَرْضِ الْجُرُزِ فَنُخْرِجُ بِهِ زَرْعًا تَأْكُلُ مِنْهُ أَنْعَامُهُمْ وَأَنْفُسُهُمْ﴾ بیوریور.

[ آنلر غفلت ایتدیلمده کورمدیلری قورومش، اوتدن کسيلمش ارضه یا غمور صولری سوق ایدر و آنکله یردن اوتلری چیقاریرزکه او اوتلردن آنلرک حیوانلری و کندیلری یرلر.]

﴿أَفَلَا يُبْصِرُونَ﴾

[ آنلر یر یوزنده کزدرلده بیتن اوتلری و اکیلری و میوه لری کورمزلمی؟ ]  
یعنی؛ قدرتمزی انکار ایدن مشرکله غفلت ایدرلده بزم سماء بلوطلری خلق ایدوب او بلوطلر واسطه سبیه غایت قورولقدن اوقی کسيلمش قورو طوپراقلره یا غمور صولری کفایه مقداری سوق ایدوب او صولر سببیه اوتلری و اکیلری بتیردیگمزی کورمدیلری که او اوتلر و اکیلردن آنلرک حیوانلری و کندیلری یر وادامه حیات ایدرلر، بونلری کورمزلمی؟ بوکی عجیب صنعتلری کوروب بیلدکلی حالده قدرت قائمه مزی فصل انکار ایدرلر و بولیلاردن طریق توحیده نه ایچون استدلال ایتزلر.  
بویآنده جناب حق حیوانی انسان اوزرینه تقدیم ایتشد. چونکه؛ اوتلر انسانک یمه سندن اول حیواناتک اکلته صالح اولوب حیواناتک اکلی اوتلره منحصر اولدیغی جهته حیوانات تقدیمه شایاند. زیرا؛ انسانک غداسی نباتاته منحصر دکلد. چرنکه حیوانک سودیله،

آتیه و میوه لرله ادامه حیات ایده بیلدیکندن انسانک تعیشی نباتاته موقوف دکلد. بناءً علیه؛ حیاتی ادامه اوتلره منحصر اولان حیوانی انسان اوزرینه تقدیم ایتشد: بویآنده بیان اولونان شیلر کوز ايله کوریلن علامتلر اولسنه بناءً جناب حق کورمدکلری بیانه توبیخ ایتشد. (الارض الجرز) صومراقمه و یاخود حیوانات یریمکنده اونی کسيلمش اوزره ارضه دنیلدیکی قاضی، طبری و مدارکک جمله بیانات یرندندر. یوقسه اوت بیتمین ارض دیمک دکلد، بلکه بیتمه و لکن نوکنمه دیمکدر.

خلاصه؛ الله تعالی نک اوقی توکشمش اراضی اوزرینه یا غمور صولری سوق ایدوب اوصولر سببیه یردن اوتلری چیقاردیغی و انسانلرک و حیوانلرک او اوتلره تعیش ایتدکلی و بوکی صنایع السیهیه انسانلرک نظر ایدوب کورملری و بونلردن عبرت آللری لازم اولدیغی بویآیدن مستفاد اولان فوائد جمله سندندر.

..

واجب تعالی یوم قیامتده نیلرله امتلری و امتلرک کندی آرلرنده واقع اولان اختلافی حل و فصل ایدوب محقله مبطل اولانلری تفریق ایده جکنی بیان ایدنجه آخرتی انکار ایدن مشرکله طرفندن سویله نن سوزی بیان ایتک اوزره ﴿وَيَقُولُونَ مَتَى هَذَا الْفَتْحُ إِن كُنْتُمْ صَادِقِينَ﴾ بیوریور.

[ «اگر سوزیکز طوغرو ایسه بفتح و اختلافی حل ایتک نه زمان اولاجقدر» دیرلر.]

یعنی؛ حبیما سن مشرکله یوم قیامتده محقله مبطل بینی فصل اولوناجق دیدیکگده آنلر «اگر وعدکز طوغرو و خبریکزده صادقسه کز شو سویله دیککز فصل حقوق نه زمان اولاجق و قتی بزه خبر و یرکده بزه بیللم و او وقت ایچون حاضر لانا لم و سزک ایمان ایتدیککز کی بزه ایمان ایدلم» دیمکله استهزا ایدرلر.

تفسیر خازنده بیان اولوندیغنه نظراً یوم فتح ايله مراد؛ یوم قیامتده. چونکه؛ رسول الله یوم قیامتده اولاجق فصل حقوقدن خبر و یرنجه اصحاب کرام مشرکله «بزم



ایچون بر کون وارد . او کونده سزکله بزم بینمز فصل اولوناجق بز متعم و مسترح اولاجغز ، دیمشردی . بوسوز اوزرینه مشرکله استهزا طریقله « شو سویله دیککیز فتح نه زمان اولاجقدر ، دیدیلر . یوم فتح ایله مراد ؛ فتح مکه اولم . احتمالی ده سویله یئرلوار ایسه ده آیتک سابق ولاحق یوم فتح له مراد ؛ قیامت کونی اولمسی تأیید ایتمکده در .

\*\*

واجب تعالی مشرکله سوزلرینی حکایه دن صوکره او کونده ایمانک مقبول اولمادیغنی ومنفعت ویرمیه جکنی رسولنه امر ایتک اوزره ﴿ قُلْ یَوْمَ الْفَتْحِ لَا یَنْفَعُ الذِّینَ کَفَرُوا اِیْمَانُهُمْ وَلَا هُمْ یُنْتَظَرُونَ ﴾ بیوریور .

[ یا اکرم الرسل ! سن آنلره دی که « یوم فتح اولان قیامتده شول کیمسه لره ایمانلری منفعت ویرمز که آنلر کافر اولدیلر و آنلره مهلت ده ویرلر » . ]

یعنی ؛ حبیب ! یوم قیامت استهزا ایدنلره سن دی که « یوم فصل اولان قیامتده دنیاده عمرلرینی کفرله کچیرمش اولان کافرلره او کونده ایمان ایتلری منفعت ویرمز و آنلره کچیرمش اولدقلری عمللرینی تدارک وقضا ایتک ایچون مساعده دخی اولونماز . اوت ! اکر مساعده اولونسه درحال ایمان ایدر وشعائر اسلامییه بی تصدیق وقبول ایدرلر ولکن او کونده ایمان مقبول اولمادیغندن مساعده ده اولماز . چونکه ؛ ایمانک محلتک غیریدر وزمانی فوت اولان شیئی تدارک ده ممکن اولماز .

\*\*

واجب تعالی کافرلره کوستریلن طوغرو بولی قبول ایتمه یوب عناد واصرارلرنده دوام ایتدکلرینه بناء رسولنه خطاب ایدرک ﴿ فَاعْرِضْ عَنْهُمْ وَانْتَزِرْ اِنَّهُمْ مُنْتَظَرُونَ ﴾ بیوریور .

[ حبیب ! مشرکله شرکله رنده اصرار ایدنجه سن آنلردن امراض ایت وسکا لایق

اولماق سوزلرینه التفات ایتمه و آنلرک اصرارلرینی هدایته موفق اولامیه جکلرینه دلیل عد ایدرک سکا وعد ایتدیکمز نصرتمزه و دشمنلریکه غلبه یه انتظار ایت . زیرا ؛ آنلرده سکا غلبه ایدر جکلرینه انتظار ایتمکده درلر .

خازن ومدار کده بیان اولوندیغنه نظراً رسول اللهک بوسوره ایله ( تبارک ) سوره سنی قرائت ایتمکسزین اویقویه یا تمادیغنی جابر حضر تلرندن مرویدر وبوسوره قرائت اولونان خانه دن شیطانک فرار ایتدیکی دخی مرویدر .

رسول اللهک مشرکله دن امراضی قتال آتی نازل اولمازدن اوله معطوفدر . قتال آتی نازل اولدقدنصکره مشرکله ایمانه دعوت ایتش وقبول ایتدکاری صورتده قیلججه محاربه یه مأمور اولمشدر .



عربی بیک اوچیوز اوتوز ایکی سنه سی رمضان شریفک عرفه سی اولان جمعه ایتسی کونه مصادف روی بیک اوچیوز اوتوز سنه سی اغستوس آیتک طقوزنجی کونی ایتکندی اذانیله برابر بوسوره نک ترجمه سی بعونه تعالی ختام بولمشدر .



خطا، صواب جدولی

| صحیفه | سطر | خطا                | صواب                       |
|-------|-----|--------------------|----------------------------|
| ۱     | ۱۰  | اعجازدن            | اعجازی                     |
| ۲۰    | ۱۱  | موفق               | موافق                      |
| ۲۹    | ۱۹  | کله جگنی           | کله جکی                    |
| ۳۲    | ۱۱  | سلامت چیقار        | سلامت اوزره چیقار          |
| ۳۹    | ۱۲  | ایدر               | ایدن                       |
| ۵۷    | ۸   | مِنْ آبِر          | مِنْ آبِر                  |
| ۷۰    | ۱   | مِنْ الْخَرْبِ بِن | مِنْ الْخَرْبِ جِن         |
| ۷۰    | ۶   | تهدید              | تهدید                      |
| ۷۹    | ۷   | طرفنده             | طرفدن                      |
| ۹۳    | ۲۴  | شیطاندر            | شیطاندندر                  |
| ۹۷    | ۱۴  | فرض قیلان شرطلرینه | فرض قیلان نمازلرک شرطلرینه |
| ۱۰۰   | ۸   | الاخسرین           | الاخسرون                   |
| ۱۰۲   | ۱۹  | فَلَمَّا           | فَلَمَّا                   |
| ۱۰۵   | ۳   | يَا مُوسَى         | يَا مُوسَى                 |
| ۱۰۵   | ۹   | ثُمَّ              | ثُمَّ                      |
| ۱۲۹   | ۸   | قونوشون            | قونوشوک                    |
| ۱۳۶   | ۱   | طَرْتُكَ           | طَرْتُكَ                   |
| ۱۳۹   | ۷   | کلدی ایسه ده       | کلدی ایسه                  |
| ۱۴۷   | ۱۰  | عَافِيَةً          | عَافِيَةً                  |

| صحیفه | سطر | خطا              | صواب                           |
|-------|-----|------------------|--------------------------------|
| ۱۶۲   | ۵   | وجودینه          | وجودینی                        |
| ۱۶۵   | ۱۳  | حالرندن          | حالرینک                        |
| ۱۷۲   | ۱۳  | نیه              | فیه                            |
| ۱۸۳   | ۳   | اوغلانلایینک     | اوغلانلرینک                    |
| ۱۹۱   | ۱۳  | عیه السلامک      | عیه السلامک                    |
| ۲۲۵   | ۸   | يَتَذَرُونَ      | يَتَذَرُونَ                    |
| ۲۳۰   | ۲   | آیتلریله         | آیتلرله                        |
| ۲۴۵   | ۳   | عندنده خیرلی     | عندنده اولان شی خیرلی          |
| ۲۵۵   | ۱۳  | تیره جک          | کتیره جک                       |
| ۲۵۷   | ۱۷  | حقیدر ..... لایق | حقیدر واللهک غیری الوهینه لایق |
| ۲۷۱   | ۳   | لا               | الا                            |
| ۲۷۱   | ۱۰  | ظلم              | ظلم                            |
| ۲۷۴   | ۲۰  | رسول اللهی ده    | رسول الله ده                   |
| ۲۷۸   | ۲۰  | علام             | اعلام                          |
| ۲۹۷   | ۱۶  | آخرتی            | آخرته                          |
| ۳۰۹   | ۲۰  | مُهْرِكُو        | مُهْرِكُو                      |
| ۳۱۲   | ۸   | قدرتی            | قوتی                           |
| ۳۲۴   | ۱۰  | ایدوت            | ایدوب                          |
| ۳۴۳   | ۶   | بوزولوب          | بوزوب                          |
| ۳۵۵   | ۱۹  | کنلریلریله       | کندیلریله                      |
| ۳۸۰   | ۳   | فلا حلا نیرلر    | فرحلا نیرلر                    |
| ۳۸۱   | ۲۴  | لفظمزدن          | لفظمزدن                        |
| ۳۸۴   | ۵   | قیلمق            | قیلمقده                        |
| ۳۸۷   | ۸   | برکتدن           | برکتله نیر                     |



| صوب                   | خطا                            | سطر | صفحه |
|-----------------------|--------------------------------|-----|------|
| وجه اوزره             | وجه                            | ۶   | ۳۹۶  |
| دورلو                 | دولو                           | ۱۶  | ۳۹۷  |
| عذاب مهينه مستحق      | عذاب مهينه نظر ابو آيتده مستحق | ۴   | ۴۰۹  |
| غني                   | غني                            | ۷   | ۴۱۷  |
| اسراره                | اسراره                         | ۵   | ۴۲۳  |
| إلى عذاب              | إذا عذاب                       | ۱۱  | ۴۳۲  |
| طرز                   | طر                             | ۱۹  | ۴۳۷  |
| اللهه                 | اللهه                          | ۱۹  | ۴۳۸  |
| وقدرک                 | وقدری                          | ۱۳  | ۴۴۹  |
| قل                    | قل                             | ۱   | ۴۵۴  |
| سکا وعدمزک            | سکا انجاز وعدمزک               | ۴   | ۴۶۷  |
| دخی انجاز ایده جکمزده | دخی ایده جکمزده                | ۴   | ۴۶۷  |
| يُنْظَرُونَ           | يُنْظَرُونَ                    | ۷   | ۴۷۲  |
| مُنْتَظَرُونَ         | مُنْتَظَرُونَ                  | ۱۷  | ۴۷۲  |

## اونه برنجی جلدك فهرستی

|    |  |     |   |
|----|--|-----|---|
| ۱  | سوره شعراء                                 | ۷۳  | شعيب عليه السلامك قومنه درت نوع           |
| ۷  | نباتاتك فوائدى                             |     | وصاياده بولوندينى                         |
| ۸  | حضرت موساتك فرعونى ايمانده دعوته           | ۸۰  | ادراكك محلى قلب اولوب دماغك آكا           |
|    | مأمور اولدينى                              |     | خادم اولدينى                              |
| ۱۳ | فرعونك حضرت موسايه نعمتلىرى تعداد          | ۸۴  | شيطانك قرآنى تكلمه قادر اولاماديني        |
|    | صورتيله عتابى                              | ۸۷  | رسول اللهك طريق ارشاد ايجون اقبالي        |
| ۱۸ | بو دنياده حقيقت الهيهك بشر ايجون           |     | دعوتى                                     |
|    | معلوم اولماديني                            | ۸۹  | رسول اللهك اصحابك حاللىرى مراقبهسى        |
| ۲۱ | فرعونك حضرت موسايه حبسخانه ايله تهديدى     | ۹۰  | شيطانك كيملره نازل اولوب اغفال ايتديكى    |
| ۲۶ | سجدهك جمع اولوب فرعوندن اجرت               | ۹۳  | شعرايك حاللى ويا لاندن چكىنمديكى          |
|    | ايسته دكلى                                 | ۹۴  | دورت صفتى حائر اولان شاعرلرك ذم اولونمقدن |
| ۲۸ | ساحرلرك ايمان ايتديكى                      |     | مستثنا اولدقلى                            |
| ۳۰ | ساحرلرك ايمانلى اوزرينده فرعونك تهديدى     | ۹۶  | سوره نمل                                  |
| ۳۲ | حضرت موساتك بنى اسرائيل ايله مصردن         |     |   |
|    | حركتى                                      | ۱۰۱ | حضرت موساتك طور سيناده آتش كوردديكى       |
| ۳۴ | بنى اسرائيل تعقيب خصوصنده فرعونك نطقى      | ۱۰۴ | حضرت موساتك معجزه سنى اظهار ايتديكى       |
| ۳۷ | بنى اسرائيل خلاصى و فرعونك غرقى            | ۱۰۸ | حضرت موساتك معجزه سنى انكار ايتديكى       |
| ۴۰ | حضرت ابراهيمك پدرى وقومى ايله مباحثهسى     | ۱۰۹ | حضرت داوده واوغولونه علم و برلديكى        |
| ۴۵ | حضرت ابراهيمك دعاسى                        | ۱۱۰ | حضرت سليمانك پدرينك ملكنه وارث            |
| ۴۹ | اهل كفر ك معبودلى و بربرلىله مخصوصه لى     |     | اولوب قوشلرك لسانه واقف اولدينى           |
| ۵۵ | حضرت نوحك دعاسى وكمى واسطه سيله نجاتى      | ۱۱۲ | سليمان عليه السلامك عسكرينك انتظامنه      |
| ۵۷ | حضرت هودك قومنى عبثله اشتغالدن منع         |     | دقتى و بوخصوصه دائر تفصيلات               |
|    | ايتديرمىسى                                 | ۱۱۴ | قرنجهك معيئنه نصيحتى و نصيحتك لزومى       |
| ۶۲ | قوم صالحك حضرت صالحى تكذيبلىرى             | ۱۱۷ | ابوينه نعمت اولاد حقنده ده نعمت اولدينى   |
| ۶۵ | نعمتى محافظه اتقايه و پيغمبره اطاعته محتاج | ۱۱۸ | حضرت سليمانك هدهدك غيوتنه غضب ايتديكى     |
|    | اولدينى                                    | ۱۲۰ | هدهدك كلوب اعتذار ايتديكى                 |
| ۶۸ | قوم صالحك معجزه اولان دووهى اولدوروب       | ۱۲۵ | حضرت سليمانك هدهدى مكتوبله بليقيسك        |
|    | هلاك اولدقلى                               |     | سراينه كوندردىكى                          |
| ۷۰ | قوم لوطك حضرت لوطه جوابلىرى                | ۱۲۷ | مكتوبى مهرله مك سنت انبيا اولدينى         |
| ۷۱ | قوم لوطك هلاكى و اوزرلىنه طاش ياغدينى      | ۱۳۰ | حكمدارله وكلاسى آره سنده ارتباطك لزومى    |



- ۱۳۲ حکومتك ، قارشيسنده اولان خصمنك حافی  
آكلامق لازم اولديني  
۱۳۴ بلقيسك ايلچي كوندرديكی و ايلچي كوندرمك  
مشروع اولديني  
۱۳۶ ( آصف بن برخيا ) نك عرش بلقيسی  
حضور سايمانه كتيرديكي  
۱۴۱ بلقيسك بللوردن ياپلش سالونه كيرديكي  
۱۴۲ بلقيسك ايماننى اعلانى واسرائيلي دورنده  
بللور صنعتك ايلرى كيتديكي  
۱۴۴ حضرت صالحك قومنى توحيدده دعوتى  
وقومك تشاملىرى  
۱۴۸ قوم صالحك هلاكلىرىك صكره كانلره  
عبرت اولديني  
۱۵۵ ارضك انسانلره درت جهته منفعى  
۱۵۷ مضطرك دعاسك قبول اولونديني  
۱۶۰ مؤمن ايچون موتك نعمت اولديني  
۱۶۳ مشركلك احواله حزنندن رسول اللهك  
نهي اولونديني  
۱۶۴ حكمدارلك سوزلرنده رجايه دلالت ايدن  
الفاظك قطعى اولديني  
۱۶۷ اهل كفرك موتا مثابه سنده اولوب سوز  
دويمادقلىرى  
۱۶۸ دابة الارضه متعلق تفصيلات  
۱۷۳ صورك صداسيله مخلوقاتك هلاك اولاجنى  
۱۷۵ آخرته ثوابه كلنك خيره نائل و كناهله  
كلنك عذابه مستحق اولاجنى  
۱۷۹ **سوره قصص**  
۱۸۲ فرعونك اخلاق ذميه لرى  
۱۸۶ حضرت موسايي والده سنك دكره براقديني  
۱۸۸ حضرت موسانك فرعونك خانه سنه داخل  
اولديني  
۱۹۳ حضرت موسايي والده سنه تسليم ايندكلىرى  
۱۹۶ حضرت موسانك توفاد وورمسيله قبطينك  
وفاتى  
۲۰۲ فرعون حكومتك قصاصه قرار ويرديكى  
حضرت موسايه بر جللك خبر ويرديكى  
۲۰۵ حضرت موسانك مدينه وارديني  
۲۰۸ شعيب عليه السلامك قيرلرندن برسيميله  
حضرت موسايي دعوتى  
۲۰۹ حضرت موسى ايله شعيب عليه السلام بيننده  
مقاوله و كريمه سنك عقد نكاحى  
۲۱۹ حضرت موسانك برادري هرونك كندينه  
ياردىجي اولارق رسول اولديني  
۲۲۲ فرعونك هامانه كيره ميتدن بر كوشك ياعسى  
امرايتديكي و كيره ميدك اسكى بر صنعت اولديني  
۲۲۴ فرعون و جماعتك عاصيلره مقتدايه اولدقلىرى  
۲۲۹ رسول كوندرمك كناهكارلك اعتذارلىرى  
قطع اولونديني  
۲۳۴ هوا و هوسه اتباع ؛ ضلالتك اكيوكل اولديني  
۲۳۷ انسانلردن ايكي كره اجر آلاچقلىرى كينلر  
اولديني  
۲۳۸ كوتو سويله ينلره ايلك ايله مقابله نك  
ممدوح اولديني  
۲۴۳ رسول كوندرمك قريه اهالىسى اهلاك  
اولونماديني  
۲۴۸ مشركلك معبودلىرىك جواب و يرميه چكى  
۲۵۳ كافرلك رسول اللهك حسدلرندن ناشى نبوتى  
مناسب كورمديكى  
۲۵۶ كيجه و كوندوزك انسانلر حقنده عين  
نعمت اولديني  
۲۵۸ قارونك طغيانى و احوال سائره سنى بيان  
۲۶۳ علم كيمايه متعلق تفصيلات  
۲۶۷ قارونك حضرت موسايه صوك افتراسى بيه  
باتمسنه سبب اولديني  
۲۷۴ تلاوت قرآنه هيچ بر شى مانع اولماق  
لازم اولديني  
۲۷۶ **سوره عنكبوت**  
۲۷۶ مؤمن اولقله بلادن قورتولماق لازم كلديكى


- ۲۸۰ عبدك عملنده مرتبه نك اوج اولديني  
۲۸۳ ابوينه رعايت حقنده  
۲۸۸ كافرلك سز « بزم طريقه كيرك و بال  
وارسه بزه عائددر » ديدكلىرى  
۲۹۱ حضرت نوحك ارسالى و قومك هلاكى  
و كيدنه بولونانلرك اهلاكدن خلاصى  
۲۹۴ حضرت ابراهيمك قومنى دين حقه دعوتى  
۳۰۲ حضرت ابراهيمك آتشدن قورتولسك كيفيتى  
۳۰۴ حضرت ابراهيمك هجرتى و حضرت لوطك ايمانى  
۳۰۶ حضرت لوطك قومنه نصيحتى و قومك  
احوال قبيحه سى  
۳۱۱ حضرت لوطه ملكرك جوابى و قومك هلاكى  
۳۱۴ حضرت شعيبك قومنه تكليفى و آنلرك هلاكى  
۳۱۷ باطل اعتقاد صاحبلىرىك كيتديكلىرى بوللرك  
اوروجك يواسى كى اولديني  
۳۲۲ انسانك مطالعه ايدم چكى كتابك اوج قسم  
اولديني و نمازك فحشادن منى  
۳۲۴ اهل كتابه مجادله حسنه نك لزومى  
۳۲۸ قرآنى انكار ايدنلرك ظالم و مبطل اولدقلىرى  
۳۳۰ قرآنك هر زمان معجزه اولديني  
۳۳۵ هجرتيه مساعدت الهيه نك ورودى  
۳۳۹ هجرتيه رزق قورقوسى اولماديني  
۳۴۱ رزق قوللرك آرزوسنه تابع اولمايوب  
مشيت الهيه تابع اولديني  
۳۴۹ **سوره روم**  
۳۴۹ رومك اهل فرس اوزرينه غلبه سى  
۳۵۷ ظاهرده انسانك استناد اينديكى اوج شى  
۳۶۰ قيامتده ناس فرقه لره آريلوب هر كس  
كندى امثاليه بولونماجنى  
۳۶۳ بش وقت نمازه دلالت ايدن آيت و تسيحك  
لزومى  
۳۶۶ انسانك بربرينه ضد اولان اجزادن تركى  
۳۶۷ مالك انتظامى زوجه لره آره سنده  
اولان محبته باغليدر  
۳۷۳ اعاده نك ابتداء ايجاددن دهاقولاى اولديني  
۳۷۶ اللهك اضلال اينديكى كيمسه بى هدايتده  
قيلان بولونماديني  
۳۷۸ ايمان كسينك معتبر اولوب ايمان فطرينك  
معتبر اولماديني  
۳۸۰ هر فرقه نك كندى مذهبيه فرح ايندينى  
۳۸۴ الله ربط قلب ايتك هر دورلو استراحتى  
موجيدر  
۳۸۶ اخلاق حميده دن اوجنى بيان و مسافره رعايت  
۳۸۹ انسانلرك كناهلىرى عالمك فسادينه و آفات  
وبلياته سبب اولديني  
۳۹۳ روزكارلك رحمت الهيه جمله سندن اولدينى  
۳۹۸ معذله سوز دويورمق امكانى اولمادينى  
۴۰۳ آخرتده ظالملك معذرتلىرىك قبول  
اولونميه جنى  
۴۰۶ **سوره لقمانه**  
۴۰۶ قرآنك ارباب احسانه هدايت اولدينى  
۴۰۹ بالجه او يونلرك غضب الهى بى جالب اولدينى  
۴۱۵ لقمانه حكمت و برلديكى  
۴۱۸ حضرت لقمانك اوغلونه نصيحتى  
۴۱۹ ابوينى حقنده انسانه وصيت اولوندينى  
۴۲۴ حضرت لقمانك اوغلونه نمازله امرى و كبردن نهى  
۴۲۶ حيوانات ايچنده مركبك صداسى اكيچيركىن  
صدا اولدينى  
۴۳۰ اهل ايمانك مسلكى قوى برمسلك اولدينى  
۴۳۴ كلمات الهيه نك نهايتى اولمادينى  
۴۴۰ آخرتده پدر اولادك و اولاد پدرك و بالى  
بوكله نيمه جنى  
۴۴۲ مقييات خسه نك تفصيلاتى  
۴۴۵ **سوره مجده**  
۴۴۵ قرآنك ايكي صفته توصيفى



- ۴۴۹ قیامت کونک مقدارى بیک سنه مقدارى اولدینی  
 ۴۵۴ ملک الموت ارواحی قبضنده کی کیفیت  
 ۴۵۸ جناب حق اهل ایمانی اوج شیله شناسی  
 ۴۶۱ فاسقله مؤمنک مساوی اولامیه جفی وحضرت علی ایله ولیدک منازغهری
- ۴۶۵ آخرت عذابنه نسبتله دنیا عذابک خفیف اولدینی  
 ۴۶۸ امتلک اختلافک یوم قیامتده فصل اولوناجفی  
 ۴۷۰ انسانلرک و حیوانلرک انتفاع ایتدکری نباتاته قدره الله استدلال ایتمه یئرلی توبیخ



کتابخانه ملی جمهوری اسلامی ایران



کتابخانه ملی جمهوری اسلامی ایران

مکتب

۹۵۶

القرآن فریسن برای حد تکبیره اصل قونیه و  
 مغیر و قفسر صاحبی حو و وحی احدی اید کور

خلاصه البیانی

فی نفسیه لایقه ان

او نه ایکنجی جلد جامی قبول اید و ر ک حد نو  
 تقیر شریقی فقره احکام اید

محمد وهی سیدی امانی مؤدیج و ح

سفر بصره ده کتوب ارد

قونیه مبعوث سابق

قونیه مبعوث سابق

قونیه مبعوث سابق

قونیه مبعوث سابق

قونیه مبعوث سابق

قونیه مبعوث سابق

شهرزاده باشی : اوقاف اسلامیة مطبعه

۱۳۴۱ - ۱۳۴۳





## خَلَاَصَةُ الْبَيِّنَاتِ

سورة احزاب

مدینه منوره ده نازل اولان سورمه لردندر. بسمه اوج آتی حاویدر

بِسْمِ اللَّهِ الرَّحْمَنِ الرَّحِيمِ

يَا أَيُّهَا النَّبِيُّ اتَّقِ اللَّهَ وَلَا تُطِعِ الْكَافِرِينَ وَلَا الْمُنافِقِينَ إِنَّ اللَّهَ كَانَ عَلِيماً حَكِيماً

[ ای نبی ذی شان! الله تعالى به اتقایه دوام ایت و کافرلرک و منافقلرک سوزلرینه التفات ایتمه. زیرا؛ الله تعالى سنک نبوته لیاقتکی بیلیر و حقکده احسانی حکمتنه موافقدور. ]  
بناء علیه؛ دشمنک اولان کافرلرک و منافقلرک رأی فاسدلرینه اعتبار ایتمه.

یعنی؛ ای مکارم اخلاقی آتام و امر شرعی اکیال و احوال ناسی اصلاح ایچون مبعوث و نبوت صفتیه متصف اولان نبی مکرم! الله اطاعتده دوام و فرائض و واجباتی ادا و حقوق سائره سنی بحق ایفا و رضاء الهی به مخالف اولان شیلرک جمله سندن نفسکی صاقینمقله اتقا ایت و سکا صورت علانیه ده عداوت ایدن کافرله و ظاهرده ایمان ایدوب باطنده کفرینی صاقلایان منافقله اصلا اطاعت ایتمه. زیرا؛ آنلرک سکا تکلیفلری طوغرو اولما دیغندن آنلرله استشاره ایدوب رأیلرینی قبول ایتمه و اللهک سکا و یرمش اولدینی نعمتله شکرله رضاء الهی بی آرامقده دوام ایت. چونکه؛ الله تعالى هر ایشک مفسد و مصالحی و کافرلرک سوزلرندن و رأیلرندن غرضلرینی و فکرلرندن اولان فساد و عمللرندن اولان قنالی بیلیر. کرک سنک حقکده و کرک سکا تابع اولان اصحابک حقلرنده کی تدبیر الهی حکمتنه موافقدور. بناء علیه؛ کافرلرله منافقلرک رأیلرینه مراجعت و قبوله احتیاجکزی یوقدر. همان جناب حقک امرینه امتثالکزی واجبدر. زیرا؛ اللهک امرنده البته مصلحت وارددر. ونهی ابتدکی شیده البته مفسدت وارددر که آنی نهی ایتمشدر. بناء علیه؛ جمله انسانلر برشیدن

یکرمی برنجی جزو

## فِي تَفْسِيرِ الْقُرْآنِ

سورة احزاب  
(۳)

نهی ایتمشدر و الله تعالى ده او شیئی امر ایتمسه اللهک امرینه امتثال واجب اولوب انسانلرک نهینه اعتبار اولما دیغنه اشارت ایچون جناب حق ذاتی حکمتله توصیف ابتدکی فخر رازینک جمله بیاناتندندر. چونکه مصلحت و منفعت؛ حکیمک امرنده در، انسانلرک نهینه دکلددر.

بیضاوینک و مدارکک بیانلرینه نظراً جناب حق رسولنک شأنه تعظیم و علو مرتبه سنه تنبیه ایچون نبوتله توصیف ایددرک (یا ایها النبی) عنوانیه خطاب ایتمش و اسم شخصی بی اولان (احمد) و (محمد) اسملرندن بریسیله ندا ایتمه مشدر. زیرا اسم علمی ایله ندا؛ تعظیمی مشعر اولماز. فخر رازی و قاضینک بیانلری وجهله رسول اللهک اهتمام ابتدکی اتقا ایله امر؛ دوامی امر اولدینی کی. امتنه ده امردر.

بیضاوی، خازن و مدارکک و ابوالسعود افندینک بیانلرینه نظراً بو آیتک سبب نزولی شویله در: (ابوسفیان) معیتنده بعض کیمسه لرله مدینه به کلدی. رسول الله آنلره آمان و یردی. حضور رسالته آنلره «یا محمد! <sup>صلی الله علیه و آله</sup> سن بزم معبودلریمزه طعن ایتمه و معبودلریمزه عبادت ایدنلره شفاعت ایدر جکلیرینی بیان ایت که بزده سنک معبودکه طعنی ترک ایدرلم و سنک حقکده برشی سویله میلم» دیدیلر. آنلرک بوتکلیفلری رسول الله اوزرینه غایت آغیر کلدی و حضور رسالته حاضر اولان حضرت عمر «مساعده بیور یا رسول الله! بونلری بن قتل ایدیم» دیمسی اوزرینه رسول الله «یا عمر! بونلره بن آمان و یردم قتل ایتمک اولماز و لکن سن بونلری مدینه دن چیقار» بیورمسی متعاقب بو آیت نازل اولمش و امر رسول الله اوزرینه حضرت عمر آنلری مدینه دن طرد ایتمش و آنلرده مقهور اولارق مکیه چکیلوب کیتمشلردر.

آیتده کافرلرله مراد؛ مکدره کلمه و منافقلرله مراد؛ مدینه ده بولونانه (عبدالله به ابی) و (طهمه) و آنلرک امثالیر. لکن اعتبار لفظک عمومیه اولدینی جهته لفظ آیت؛ بالعموم کافرلره و منافقلره شاملدر.

واجب تعالی کافرلرک کلامنه اتباعدن نهی ایتدکن صوکره کندی کلامنه اتباعک



واجب اولديغنى بيان ايتك اوزره ﴿وَاتَّبِعْ مَا يُوحَىٰ إِلَيْكَ مِنْ رَبِّكَ إِنَّ اللَّهَ كَانَ بِمَا تَعْمَلُونَ خَبِيرًا﴾ بيوريور .

[ يا اكرم الرسل ! ربكدن سكا وحى اولونان احكام قرآنه اتباع ايت . زيرا ؛ الله تعالى سرك عملكرك هر جزئى بيلير . ]

يعنى ؛ حبيم ! سنى برچوق نعمتلىله تربيه ونبوتله تلطيف ايدن ربكدن دينكى تأييد وهر ايشلريكى تدبير واحوال ناسى اصلاح ايجون سكا وحى اولونان قرآنك احكامنه اتباع ايت . زيرا ؛ سكا احكامى وحى ايدن الله تعالى سرك وآنلك صحيح وفاسد جمله اعمالكزى بيلديكندن حالكزى اصلاحه كافى وكافرلك سوزلرينى ديكلمكدن مغنى در وامر ونهيى سزه وحى ايدر . بناء عليه ؛ سكا عداوت ايدن دشمنلك نالايق سوزلرينه وحل ووسائللرينه التفات ايمه .

ابو السعود افنديك بيئانى وجهله بو آيتده امرينه امثاللك وجوبى مؤكد اولديغنه اشارت ايجون ربوبيت عنوانى تصريح ايتمشدر . چونكه مهربى حقيقى طرفندن وحى اولونان احكام ؛ البته قوللك منفعتنه هرشيدن زياده خادم اولديغى جهتله امثال ايتك شدتله واجبدر . رسول الله اتباعله امر ؛ امتنه دخى امردر . زيرا متبوعه امر ؛ البته تابعده امر اولديغنده شبهه يوقدر . واجب تعالىك وحيه اتباع واجب اولديغنى بيان ايتكى ؛ اهل ايمان نصرته ايدجكى وعدينى متضمندر . چونكه وحيه اتباعى امر ايتدكدن صوكره قوللرينك اعمالنى بيلديكنى بيان ايتك ؛ مؤمنلك اعمال صالحه وكافرلك افكار فاسدهلرينه لايق اولان جزاىي ويره جكنى بيان ايتكدر . بناء عليه ؛ وحى اولونان احكامه اتباع ايتك شرطيله بوآيت مؤمنلرى تبشير وكافرلرى تهديد ايتمشدر . شو حالده آيتده جمله اخيره وحيه اتباعله امرى تعليل وموجيبيله عملك وجوبى تأكيد ايجون سوق اولونمشدر . چونكه امره اتباع ايدنلرى وائمهينلرى بيلديكنى بيان ايتك ؛ وحيه اتباعه ترغيب واتباع ايمهينلرى تهديد اولاجغنده شبهه يوقدر .

واجب تعالى احكامنه اتباع ايتك واجب اولديغنى بيان صوكره ذاتنه اعتمادك واجب اولديغنى بيان ايتك اوزره ﴿وَتَوَكَّلْ عَلَى اللَّهِ وَكَفَىٰ بِاللَّهِ وَكِيلًا﴾ بيوريور .

[ ايشكى اصمارلا الله اوزرينه ، يتشور الله تعالى ايشكى اصمارلامغه . ]  
يعنى ؛ حبيم ! الله اتقايه دوام ووحينه اتباع ايتديك كى هر ايشكى الله تقويضله برابر اعتماد تامله اعتماد ايت . زيرا ؛ الله تعالى هر ايشكه وكالت يونندن كافى اولدى . بناء عليه ؛ كافرلك تكليفى قبوله احتياجك يوقدر . چونكه ؛ آنلك شردن سنى محافظه الله تعالى كافى وجهله اموركى تدبيره وكيلدر . شو حالده سكا مضرت قصد ايدنلردن اصلا تلاش ايمه .

خلاصه ؛ الله اتقا واجب اولوب كافرلك ومنافقرك رايلىرينه التفات جائز اولماديغى ووحى الهى اولان احكام قرآنه اتباع لازم اولوب الله اعتماد تامله اعتمادك واجب والله تعالىك ، قوللرينك امورينه وكيل يونندن كافى اولديغى بو آيتلردن مستفاد اولان فوائد جمله سنددر .

..

واجب تعالى رسولنه تقوى ايله امر ايتدكدن صوكره تقوى بولونان بر قلبده تقوانك غيرى بر شى بولوناميه جغنى بيان ايتك اوزره ﴿مَا جَعَلَ اللَّهُ لِرَجُلٍ مِنْ قَلْبَيْنِ فِي جَوْفِهِ﴾ بيوريور .

[ الله تعالى بر كيمسهك جوفنده ( صدرنده ) ايكي قلب خلق ايتدى . ] بناء عليه ؛ تقوى بولونان قلبده تقوانك غيرى بر شى بولوناماز . شو حالده ايمان بولونان قلبده كفر بولونماديغى كى الله قورقان اللهك غيريدن قورقماز . چونكه ؛ برانسانده ايكي قلب يوقكه برنده ايمان ديكرنده كفر وبرنده الله قورقو ديكرنده اللهك غيريدن قورقو بولونسون . زيرا ؛ بونلردن هر برى آخره ضد اولديغندن ايكيستك بر محله بولونمى ممكن اولماز . شو حالده بر كيمسه هم مؤمن همده كفر اولماز .

تفسير خازنده بيان اولونديغنه نظراً آيت جليله ؛ قریشك (ابومعمر) دنيلن كيمسه



حقنه ايکي قلبي اولديغني اعتقاد ايتلريني رد ايتمشر. چونکه؛ ابو معمر غایت عاقل و ایشیتدیکنی اونو نماز و کندینک ايکي قلبي اولوب بریسیله سویله ن سوزی دیکله یوب دیکریله حفظ ایتدیکنی ادعا ایدر و «بسم الله محمد ﷺ» قلبدن فضل وادرا کده زیاده دره دیروقریشده بونی تصدیق ایدر لر دی. جناب حق (ابو معمر) حقنه قریشک اعتقادلرینی رد ایچون بو آیتی انزال ایله حقیقی بیان ایتمشر. حتی (بدر) وقعه سنده مشرکار منهزم اولونجه (ابو معمر) آياق قابلرینک بری آياغنده دیکری آئنده فرار ایدر کن بونی کورن قریشلرک آياق قابلرینک بری آئنده اولسنک سببی صورونجه ابو معمرک عقلی باشنه کلیر. بو حالی اوزرینه کندیده و کورنلرده ايکي قلبه مالک اولمادیغنی بیلیرلر. زیرا؛ ايکي قلبه مالک کیمسه ده بوقدر غفلت اولماز. بوکا نظراً معنای آیت: [کرك مؤمن و کرك کافر هیچ برکیمسه ایچون واجب تعالی ايکي قلب خلق ایتدی. چونکه قلب؛ نفس انسانی به تعلق ایدن روح حیوانینک معدنی و بالجملة قوای بشریه نك منبعیدر. بناءً عليه؛ تعدد اولماز.] دیمکدر.

..

واجب تعالی بر شخصک ايکي قلبه مالک اولمادیغنی بیاندن صوکره بر خاتونک دیکر برکیمسه به هم زوجه هم ده والده اولیه جغتی و برکیمسه نك دیکر کیمسه به هم اوغول هم ده اجنبی اولیه جغتی بیان ایتک اوزره ﴿وَمَا جَعَلَ أَزْوَاجَكُمْ اللَّائِي تَظَاهَرُونَ مِنْهُنَّ أُمَّهَاتِكُمْ﴾ بیوریور.

[زوجه لر یکزدن ظهار ایتدیککز خاتونلر یکزی الله تعالی سزک والده لر یکز قیلما دی.]

﴿وَمَا جَعَلَ أَدْعِيَاءَكُمْ أَبْنَاءَكُمْ﴾

[وسزک اوغول اتخا ایدوب اوغولوم دییه رک چاغیردیغکز کیمسه لر ی الله تعالی سزه اوز اوغول کز قیلما دی.]

﴿ذَلِكُمْ قَوْلُكُمْ بِأَفْوَاهِكُمْ﴾

[ایشته شو کرك ظهار و کرك غیرک اولادینی اوغول اتخا ایتک مجرد آغز کزدن چیقان بر سوزدر.]

﴿وَاللَّهُ يَقُولُ الْحَقَّ وَهُوَ يَهْدِي السَّبِيلَ﴾

[حالبوکه الله تعالی حق سویلر و قوللرینی طوغرو یوله سوقله هدایتده قیلار.]  
یعنی؛ ای مؤمنلر! سز زوجه لر یکزدن ظهار ایتدیککز خاتونی والده کز اولدی ظن ایتیه ک. زیرا؛ سزک ظهار ایتدیککز قادینلری الله تعالی سزه والده کز قیلما دی. بناءً عليه؛ برکیمسه ده ايکي قلب اولمادیغنی کبی ايکي والده سی ده اولماز. چونکه؛ انسان برآنادن طوغار ايکي آنادن طوغماز که ايکي والده سی اولسون. کذلک غیرک اولادینی ولد اتخا ایتدیککز ده او ولد سزک ولد کز اولدی ظن ایتیه ک. زیرا؛ الله تعالی سزک ولد اتخا ایتدیککز کیمسه بی سزه ولد قیلما دی. چونکه؛ برکیمسه ده ايکي قلب اولمادیغنی کبی ايکي باباده اولماز. زیرا؛ عادت الهیه بر شخصک بر پدرک صلبندن نازل اولسیدر، ايکي پدرک صلبندن نازل اولسی دکدر. زیرا؛ کرك ظهار و کرك غیرک اوغول اوغول اتخا ایتک مجرد سزک آغز کزدن جیقان بر سوزدر. بومثللو سوز کزله غیرک چوجغتی کندیککز چوجغتی اولدی ظن ایتیه ک. چونکه؛ مجرد بر سوز ایله انسانک زوجه سی کندی والده سی و باشقه سنک چوجغتی کندی چوجغتی اولماز. حالبوکه الله تعالی حق سویلر و طوغرو یوله سزی ارشاد ایدر. بناءً عليه؛ سز کندی کلامکزی ترکله اللهک کلامنه اعتماد ایدک. زیرا طوغرو کلام؛ اللهک کلامیدر، یوقسه سزک زوجه کزه آنامز اولدی دیمکزله آنا کز اولماز. چونکه؛ آنامز دیدیککز سوز طوغرو دکدر.

(تظاهرون) سزک ظهار ایدر سزک دیمکدر. ظهار؛ برکیمسه نك کندی زوجه سنه «من بظنم والده من کبی سک» و یاخود «والده مک ظهیرنه یعنی آرقسنه بکزر سک» کبی بر تفسیرله هرمنی والده سنک بر عضو مرمعه تشبیه ایتک معناسنده. لسان شرعه ده بو تشبیه ظهار دینور.



ظهارك حكم شرعىسى؛ بوشبهره او كيمسه زوجهسى مرام اولور. بناء عليه؛ او حرمت زائل اولونجه يه قدر او كيمسه حرمنه يقين اولوب انتفاع ايده من. بوحرمتهك ازاله سنه كلنجه: سورة مجادله ده بيان اولوناجنى وجهله ظهار دنيلن عيملك كفارتنى ورمك اولور.

ظهارك كفارتنى؛ مقتدر ايسه بر كوله آزاد ايسر، اكر كوله آزاديته مقتدر اولازسه آرهسى فاصله من ابكى آى اوروج طوتار، اكر اوروجده مقتدر اولازسه آلهمه فقيرك قارتنى طوبور.

ايسته شو بيان اولونان صورتلردن بريسيه ظهارك كفارتنى ادادن صوكره زوجهسى كندينه حلال اولور. شو حالده بيان اولوندينى وجهله حرمنى والده سنه تشبيه اتمكه حرمنى والدهسى اولمق لازم كلديكنى جناب حق بو آيتده بيانله زمان جاهليه عادات واعتقاديلى رد وابطال ايتمشدر. چونكه؛ زمان جاهليه ده ظهارى طلاق غليظ عد ايتدكلردن بر كيمسه ظهار ايتديكى حرمنى والدهسى كى ابدى حرام اولدى اعتقاد ايدرلردى. ايسته شريعت محمديه بو اعتقاد باطل ابطال ايتمش ومقتضاي شريعت ظهار ايدن اولورسه كفارت ويرمك صورتيه حرمتى ازاله ايتمشدر.

حرمنى والده سنه تشبيهدن حرمتك لزومه كلنجه؛ انسانلر نظر نده والدهنك بر حرمت مخصوصهسى قيمتى واردر وحرمنك ده آريجه بر قيمتى وار ايسه ده حرمنى شنوات بشريه سنى تطمينه بر آلت اولدينى جهته حرمله واقع اولان معامله والده سيله اولاماديغندن والدهنك حرمتى دها بوسك ودها فضيلتكاردر. بناء عليه؛ حرمنك قيمتى والدهنك قيمته وحرمتيه قياس قبول ايتديكندن حرمنك مهم بر عضوينى والدهنك عضوينه تشبيهده والدهنك حرمتيه تجاوز اولديغندن بوشبهنى شريعت بر جرم عد ايدهرك كفارتله او جرمك جزاى اولان زوجه سنك كندينه حرام اولمى ازاله يى امر ايتمشدر كه حظوظات نفسانيه سنى قضايه آلت اولان خاتونه او كومتسه والده سنى قاريشدير ماسون.

(وما جعل ادعياءكم ابناكم) الله تعالى سرك اولادلفكرى كندى او غلوكز قيلمادى ديمكدر. چونكه ادعياء؛ دعى لفظنك جمعير. دعى؛ بر كيمسه نك باشقه سنك صلبنره

طوغمه اولاده بر جرمه يى كندينه او غول اتخاذا ايتمشدر. زيرا؛ زمان جاهليه ده بو مثللو ولد اتخاذا اولونان چوجق ولد اتخاذا ايدن كيمسه نك حقيقى او غلو اولور اعتقاد ايدرلردى. واجب تعالى بو آيتله آنلرك اعتقادلرينى رد ايتمشدر.

تفسير مدار كده بيان اولونديغه نظراً بو آيت؛ (زيد بن حارثه) حقه ده ضرب مثلد. چونكه؛ (زيد) حضرتلرى (بنى كلب) قبيله سندن حال صباوتنده اسير اولدى. حضرت خديجه ايچون برادرزاده سى (حكيم حزام) صاتون آلدى. رسول الله حضرت خديجه يى نكاح ايدنجه خديجه رضى الله عنها رسول الله هبه ايتدى. (زيد) ك پدرى وعميسى رسول الله دن ايسته ملرى اوزرينه رسول الله (زيد) ي خيبر قتلدى. زيد رسول الله ي اختيار ايتدى، پدريله عميسى ايسته مدى. رسول الله ك زير جناحنده بولومىنى اختيار ايدنجه رسول الله آزاد ايدهرك كندينه ولد اتخاذا ايتدى. بناء عليه؛ «رسول الله ك او غلو» ديمكه شهرت ياب اولدى. بوندن صوكره بيان اولوناجنى وجهله (زيد) رضى الله عنها (زيد) تزويج اولوندى. بالا آخره زيد، حضرت زينب طلاق ويروب رسول الله زينبى تزوج ايدنجه منافقلى رسول الله طعنه بونى فرصت عد ايدهرك «محمد ﷺ او غلونك حرمنى المقتدى نه ايدر كن كندى او غلونك حرمنى آلدى» ديملى اوزرينه جناب حق زيد رسول الله ك او غلو اولماديغنى وركيمسه باشقه سنك چوجقه او غلوم ديه چاغير مغله او غلو اوليه جفى بيان حقه ده بو آيتى انزال ايله منافقلى طعنى رد وجاهليه اعتقاديلى ابطال ايتمشدر. چونكه؛ خازنده بيان اولوندينى وجهله بلى يعنى غيرك اولادىنى او غول اتخاذا ايتمك ناس ييتنده مرعى الاجرا بر عادت مقبوله ايدى. حتى بر كيمسه نك ولد اتخاذا ايتديكى چوجق آنك او غلو اولمق شهرت بولور، وفاتنده صلباً او غلو كى وارث اولوردى. بناء عليه؛ رسول الله بو آيتك زولندن اول زيدى ولد اتخاذا ايتدى و حضرت حمزه ايله زيدى بر برينه قارداش قيلمى ايدى. جناب حق بو آيتله باشقه سنك او غلونى ديكر بريسى ولد اتخاذا ايتمكه آنك حقيقى ولدى اولاميه جفى بيان بيورمشدر.

..

واجب تعالى ولد اتخاذا ايتمكه ولد اوليه جفى بياندن صوكره بولك طوغروسى



هر کسی کندی باباسنه نسبت ایتک اولدیغی بیان ایتک اوزره ﴿ اَدْعُوهُمْ لِأَبَائِهِمْ هُوَ أَقْسَطُ عِنْدَ اللَّهِ ﴾ بیوریور .

[ ولد اتخاذ ایتدیکنز کیمسه لری بابالرینه نسبت ایدک . زیرا ؛ انسانلری بابالرینه نسبت ایتک عندالله صواب وعدالتدر . ]

﴿ فَإِنْ لَمْ تَعْلَمُوا آبَاءَهُمْ فَاُخْوَانُكُمْ فِي الدِّينِ وَمَوَالِيَهُمْ ﴾

[ بابالرینه نسبت ایتک عدالت اولونجه اکر بابالرینی بیلمزسه کنز آنلر دینده سزک قارداشلیکنز و آزادلیریکنزدر . ] دینده قارداشلیریکنزک اسمی اولان ( عبدالله ) و ( عبدالرحمن ) کی اسملره وموالیدن اولانلریده «فلانک مولاسی» دیمکه یاد ایدک ، یوقسه باباسی اولماق بر کیمسه یه نسبتله «فلانک اوغلودر» دیمه یک .

﴿ وَلَيْسَ عَلَيْكُمْ جُنَاحٌ فِيمَا أَخْطَأْتُمْ بِهِ وَلَكِنْ مَا تَعَمَّدَتْ قُلُوبُكُمْ ﴾

[ و سزک نهی کلزدن اول بابالرینک غیری یه نسبتله خطا ایتدیکنز یرلرده کنه یوقدر ولکن سزک قبلریکنزک کنه اولاجق شیلری قصد ایتمه سنده کنه واردر . ]

﴿ وَكَانَ اللَّهُ غَفُورًا رَحِيمًا ﴾

[ حالبوکه الله تعالی قوللرینک کچمش کنه لرینی مغفرت وکله جکده مرحمت ایدر . ]

یعنی ؛ کندیکنزه ولد اتخاذ ایتدیکنز کیمسه لریک نسب لرینی کندیکنزه نسبت ایتمه یک . زیرا ؛ مجرد بر سوزکنزه غیره منسوب اولان شخصک نسبی سزک اولماز ، بلکه آنلری بابالرینی بیلیرسه کنز بابالرینه نسبت ایده رک چاغیرک . زیرا ؛ عدالت بابالرینه نسبتده در . چونکه هر کسی موضع لایقه وضع ایتک ؛ باباسنه نسبت ایتکده در . اکر بابالرینی بیلمزسه کنز آنلر سزک دینده قارداشلیریکنزدر . شو حالده قارداش اسمیله چاغیرک ، پدرینک غیری یه نسبتله فلانک اوغلودییه رک چاغیرمایک ویا خود آنلر سزک آزادلی کوله لریکنزدر . شو حالده مولاسنک اسمیله «فلانک آزادلیسی» دییه رک چاغیرک ونهی کلزدن اول و صکره سزک سهوله ونسیانله واقع اولان خطا کنزه اوزریکنزه کنه یوقدر . یا خود پدرینک غیری یه

پدری ظنیله نسبت ایدوب صکره خطا اولدیغی بیلنن محله سزک اوزریکنزه کنه یوقدر ، لکن کنه ؛ سزک کنه اولان شیئی قبلریکنزک قصد ایتسیله در . الله تعالی قوللرینک کنه لرینی مغفرت و لطف و احسان ایتکله مرحمت ایدر .

بر کیمسه نک کندیسینی پدرینک غیری یه بیلهرک نسبت ایتدی حرامدر . چونکه ؛ خازنده بیان اولوندیغنه نظراً ( سعد بن ابی وقاص ) حضرتلرندن بخاری و مسلمک روایتلری وجهله رسول الله «بر کیمسه بیلهرک کندیسینی پدرندن باشقه بر کیمسه یه نسبت ایدر و بن فلانک اوغلویم دیرسه او کیمسه اوزرینه جنت حرام اولور» بیورمشدر . چونکه ؛ صلباً پدرینک غیری یه نسبت للهک خلق ایتدیکی نسبی بکنمه مک اولدیغندن البته بوبوک کنه در . بیضاوینک بیانی وجهله ( تنبی ) نک یعنی «اوغلویم دییه رک بر کیمسه یی اوغل اتخاذ ایتمه نک» شافعی عندنده هیچ حکمی یوقدر ، اما امام اعظم عندنده کندی کوله سنه اوغلویم دییه رک ادعا ایدرسه آزاد اولور و اکر مملوک اولماز ونسبی مجهول اولورسه ادعا ایدن کیمسه دن نسبی ثابت اولور ، اکر سناً نسبک نبوتی ممکن اولورسه .

خلاصه ؛ بر کیمسه یی کرک کندی طرفندن و کرک باشقه لری طرفندن پدرینک غیری یه نسبت ایتک جائز اولما دینی و هر کسی پدری معلوم ایسه پدرینه نسبت ایتک و اکر پدری معلوم دکله قارداش عنوانیله چاغیرمق لازم اولدیغی و خطا اولارق بر کیمسه یی نسبک غیری یه نسبت ایتک کنه اولمایوب آنجق عن قصد نسبک غیری یه نسبت ایتک کنه اولدیغی بو آیتدن مستفاد اولان فوائد جمله سنددر .

..

واجب تعالی هر کسی کندی نسبته نسبت ایتک لازم اولدیغی بیاندن صوکره مؤمنلرک نیلرینه اطاعتلری کندی نفسلرینه اطاعتلرندن ده الزم اولدیغی بیان ایتک اوزره ﴿ النَّبِيُّ أَوْلَىٰ بِالْمُؤْمِنِينَ مِنْ أَنفُسِهِمْ وَأَزْوَاجُهُ أُمَّهَاتُهُمْ ﴾ بیوریور .

[ نبی ذی شان ، مؤمنلره نفسلرندن ده الیقدر و نینک زوجه لری مؤمنلرک والدله لریدر . ] یعنی ؛ نینک مؤمنلره نفوذی و حکمنک تأثیری و اطاعتک وجوبی کندی نفسلرینه اطاعتدن اولادر . بناء علیه ؛ نفسلری بر شیئه دعوت ایدر کن نیلرینک دیگر بر شیئه



دعوتی وقوع بولسه در حال نبینک دعوتنه اجابت ایتک واجبدر. زیرا؛ انسانلرک علی الاکثر نفسلری هلاکی موجب اولان شیئه دعوت ایدر. اما نبی دائماً سبب نجاته دعوت ایتدیکندن البتہ نبینک دعوتنه اجابت لازمدر و نبینک زوجهلری اوزرینه مؤمنلر طرفندن تعظیمک واجب اولمسنده و نکاحک جائز اولمامسنده والدہ منزلنده درلر. بناءً علیہ؛ رسول اللہک وفاتندن سوکره ازواج مطہراتک نکاحی هیچ برکیمسہیہ حلال اولمامشدر. شوخالده برامتک نبیلرینک حقوقہ رعایت وذاتی محافظہ ایتلری کندیلرینی محافظہ و حققرینہ رعایت ایتمکدن اولادر. چونکہ؛ کندی نفسلرینہ رعایتہ منفعت شخصیلرینہ رعایت واردر، اما نبیلرینک حقوقہ رعایتہ عمومہ و مصلحت عامیہ رعایت واردر. مصاحت عامیہ رعایتک مصاحت شخصیلرین اولی اولہ جغندہ ایسہ شہہ یوقدر.

بیضاوینک بیانہ نظراً رسول اللہ (تبارک) غزاسنہ کیتمک ایچون ناسہ امر ایتدی. ناسدن بعضیلری «آنامزدن و بابامزدن استیذان ایدلم» دیملری اوزرینہ بو آیتک نازل اولدیغی مرویدر. آیتہ (وهو اب لهم) قرائتی دخی واردر. یعنی «رسول اللہ دینده ناسک بابایی» دیمکدر. بناءً علیہ؛ ناس دینده ربابا اولادی اولدقلری جهتلہ بالجلہ مؤمنلر دینده قرداشلردر و نبینک امتی اوزرینہ شفقتی مؤمنلرک کندیلرینہ شفقتلرندن دہازیاہدہدر. شوخالده نبیلرینک برشیلہ امرندن سوکره در حال اوشیئی ایشلہمک واجب اولوب ابوینہ استیذانه حاجت یوقدر. چونکہ؛ نبینک امری وحیہ مستند اولدیغی جهتلہ مرحالده امتک صلاحی موجبدر. اما ابوینک رأینده صلاح، ضعیف بر احتمالدن عبارت اولدیغندن مرحالده نبینک امرینہ امتالی تقدیم واجبدر.

کذلک رسول اللہک نظری تعلق ایدن برشیدن امتک نظری کسمسی واجبدر. بناءً علیہ؛ ازواج مطہراتہ نظر رسول اللہ تعلق ایتدیکی جهتلہ امتک نظری کسمسی لازم اولدیغی ایچون واجب تعالی ازواج مطہراتی امتہ حرام قیلمش و ابدأً نکاح جائز اولمامقده والدہلری منزله تنزیل ایدہرک بو آیتہ (وازاوجه امہاتہم) بیورمشددر. شوخالده ازواج مطہرات؛ اهل ایمانک ایکی شبرہ والدہلری منزلندہدر: برنجیسی؛ مقلدینہ رعایت و کمال احترامہ تعظیم ایتلمندہ، ایکنجیسی، ظاہرینک مرام اولمسندهدر. اما خصوصات سائرہدہ ازواج مطہرات مؤمنلرہ اجنبیلردر. کرچہ بوندن اولکی ظہار آیتندہ

«زوجه لریکزه والدہمہ بکزرسک دیمکله سزک والدہ کز اولماز. زیرا؛ اللہ تعالی آنلری سزہ والدہ قیلما دی. بناءً علیہ؛ یالکز برسوزیلہ والدہ کز اولمش اولماز» دینمش ایسہدہ ازواج مطہراتی واجب تعالی مؤمنلرہ والدہ قیلدیغندن آیتلر بیتندہ منافات یوقدر. زیرا؛ انسانک، والدہسی اولمایان برقادین برسوزلہ آنک والدہسی اولماز و لکن اللہک انسانہ والدہ قیلدیغی قادین آنک والدہسی اولور. چونکہ اعتبار؛ شرعہ واللہک کلامندہدر. بناءً علیہ؛ اللہک والدہ قیلدیغی والدہ مزددر والدہ قیلما دیغی دکلدر.

\*\*

واجب تعالی رسولنک بالعموم مؤمنلرہ پدر مشفق اولوب ازواجنکدہ والدہلری اولدیغی بیاندن سوکره ہر نہ قدر مؤمنلر آردسندہ اخوت دینیہ جاری ایسہدہ دیندہ اخوتک میراثہ تأثیری اولمایوب میراثدہ اخوت دینیہ ایلہ برابر قرابت نسبیہنک شرط اولدیغی بیان ایتک اوزرہ ﴿وَأُولُوا الْأَرْحَامِ بَعْضُهُمْ أَوْلَىٰ بِبَعْضٍ فِي كِتَابِ اللَّهِ مِنَ الْمُؤْمِنِينَ وَالْمُهَاجِرِينَ إِلَّا أَنْ تَفْعَلُوا إِلَىٰ أَوْلِيَائِكُمْ مَعْرُوفًا﴾ بیوریور.

[قرابت نسبیہ ایلہ قرابت صاحبزینک بحسب القرابہ ارکک و دیشی اللہک کتابندہ تقدیر اولونان اسہام مقتضایی بعضیسی بعضیسنہ دہا اولی و اقربدر. بناءً علیہ؛ قرابت نسبیہ مالک اولانلر قرابتی اولمایان مؤمنلر و مهاجرلردن امر میراثدہ اولادرلر، الا ایستہ دیککزر دوستلریکزه مشروع اولارق معروف و جہلہ وصیت ایتمکز مستنادر.]

﴿كَانَ ذَلِكَ فِي الْكِتَابِ مَسْطُورًا﴾

[زیرا؛ شو وجہ معروف اوزرہ وصیت قرآندہ وسائر کتب الہیہدہ مذکور و مبتددر.] بناءً علیہ؛ وصیت اولونان کیمسہ کتاب الہیہدہ ثابت اولان احکام مقتضایی وصیت اولونان مقداری آلیر، فضلہ و یا نقصان آماز.

یعنی؛ مؤمنلرک رسول اللہ دیندہ بابالری و ازواج مطہراتدہ آنلری اولمقلہ مؤمنلر بیتندہ اخوت دینیہ و اسلامیہ موجود ایسہدہ بو اخوتک ارثہ تأثیری یوقدر. زیرا قرابت صاحبی اولان ذوی الارحام؛ ارث خصوصندہ کتاب الہدہ بیان اولوندیغی و جہلہ قرابت



نسبیه سی اولیایان مؤمن مهاجر لر دن اولادر لر . حق ارث خصوصنده اقربانک قرابتده درجه لرینه کوره بعضیسی بعضیسندن اولادر . آنجق معروف صورتده دوستلریکزه وصیت ایتمکز مستنادر . بناء علیه ؛ ترکه نک ثلثی تجاوز ایتمه مک شرطیله ایسته دیکنز کیمسه یه وصیت ایده بیلیرسکز . زیرا ؛ بوصورتله وصیت کتاب اللهده مذکور و یازیلیدر . حق وصیت مسلمله ذمی بیتده بیله جریان ایدر . مثلاً بر مسلم ذمی یه و بر ذمی مسلمه وصیت ایده بیلیر .

بیضاوی نک بیانی وجهله بو آیت ابتداء اسلامده جاری اولان توارث مسئله سی نسخ ایتمشدر . چونکه ؛ صدر اسلامده قرابتک ارثه تأثیری یوقدی ، بلکه ارث ؛ عقد موالات ایتمکه و هجرتله وینلرنده اخوت عقد ایتمکه یکدیگری نه وارث اولورلردی . بو آیتک نازل اولسیله توارث قرابتیه ربط اولوندیغی جهتله هجرتک و اخوت و موالات عقد ایتمه نک توارثده تأثیری قالمشدر . زیرا ؛ قرابت نسبیه ده عقد موالات اوزرینه قوت و حق ترجیح واردر .

خلاصه ؛ رسول اللهک مؤمنلره کندی نفسلرندن دها اولی اولدیغی و زوجه لریده مؤمنلرک والد لری منزلده اولدقلری و اولوالارحامک ارث خصوصنده بعضیسی بعضیسندن اولی و وصیتک مستننا اولدیغی و بوصیت مسئله سی کتاب اللهده مذکور و یازیلی اولوب بناء علیه ؛ معروف وجهله انسانک ایسته دیکی کیمسه یه وصیت ایده بیله چکی بو آیتدن مستفاد اولان فوائد جمله سننددر .

..

واجب تعالی سوره نک بدایه سنندن بورایه کلنجیه قدر رسولنه بعض احکامی بیاندنصکره جمله انبیادن میثاق الدیغی بیان ایتمک اوزره ﴿وَإِذْ أَخَذْنَا مِنَ النَّبِيِّينَ مِيثَاقَهُمْ وَمِنْكَ وَمِنْ نُوحٍ وَإِبْرَاهِيمَ وَمُوسَى وَعِيسَى ابْنِ مَرْيَمَ وَأَخَذْنَا مِنْهُمْ مِيثَاقًا غَلِيظًا﴾ بیوریور .

[یا اکرم الرسل ! ذکر ایت شول زمانی که او زمانده بزانیانک جمله سنندن وبالخاصه سنندن ونوح و ابراهیم و موسی و مریم اوغلو عیسان رسالتی تبلیغ و امتلری دین حقه

دعوت وجهله سی یکدیگری تصدیق ایده جک لرینه دائر و عدوقی و عهد و میثاق آلدق و آنلرده اقرار لرنده ثبات ایده رک اماناتی کمالیله ادا ایتدیلر . ]

فخر رازینک بیانی وجهله انبیادن آلتان میثاق غلیظ ایله مراد ؛ امر رسالتی بولیدر ادا و امتلریغی عبادته دعوت ایده جک لرینه دائر شدنی اقراردر .

﴿لَيْسَ لَ الصَّادِقِينَ عَنْ صِدْقِهِمْ وَأَعَدَّ لِلْكَافِرِينَ عَذَابًا أَلِيمًا﴾

[ انبیادن اقرار آلدق که صادق صدقلرندن سؤال اولونسونلر والله تعالی انبیایه ایمان ایتمین کافرلره عذاب الیمی حاضرلادی . ] بناء علیه ؛ انبیامتلرینه احکامی تبلیغ ایتدکلرندن امتلرینک ایمانلرندن سؤال ایتمک و کافرلره عذاب الیمی حاضرلامق ایچون انبیادن عهد و میثاق آلمشدر .

میثاق ؛ بیضاوی نک اشارتی وجهله بمنیمه تأکید اولونامه بر یازار لفرر . بناء علیه ؛ جناب حق انبیانک جمله سنندن رسالتی لایق یله ادا ایده جک لرینه و امتلریغی دینه دعوت ایدوب نصایح لارمه ده بولونا جقلرینه اقرار آلدی و اقرار لرینی یمنلریله تقویه و تأکید ایتدیکنی بو آیتله بیان بیوردی . میثاقک ایکی کره ذکر اولونمسنده کی سبب ؛ برنجیسی ؛ اصل میثاقک و قرعنی پیانه ، ایکنجیسی ؛ میثاقی غلظتمه توصیف ایچوره اولدیغی جهتله تکرار اولمادیغی کی انبیادن آلتان عهدک غایت قوتلی اولدیغی دخی بیاندر . بو آیتده اسملری تصریح اولونان بش نیینک شانلرینه تعظیم و کتاب صاحبی اولوالعزم پیغمبران ذی شانندن اولدقلرینه اشارت ایچون اجمالاً انبیائی ذکر دکنصکره بونلر آریجه ذکر اولونمشلردر و بزم نیمزدیکر لرندن افضل اولدیغنه اشارت ایچون سائرلری اوزرینه تقدیم ایدلمشدر .

الله تعالی نک انبیانک تبلیغ احکام ایتدکلرینی بیلدیکی حالده سؤال ایتسی ؛ ایمان ایتمین کافرلری الزام ایچونددر . چونکه ؛ جمله ناس حضورنده انبیانک صدقنی سؤال ایله اقرار ایتدیروب ذات الوهیتده صدقلرینی تصدیق ایدنجه کافرلر ایچون اعتذاره میداز قالمادیغندن ملزم و مبهوت اولورلر .

..

واجب تعالی انبیادن عهد و میثاق آلدیغی بیان ایتدیکی کی اهل ایمان اوزرینه واقع



اولان بعض نعمتیرنی بیان ایتک اوزره ﴿يَا أَيُّهَا الَّذِينَ آمَنُوا إِذْ كُرُوا نِعْمَةَ اللَّهِ عَلَيْكُمْ إِذْ جَاءَتْكُمْ جُنُودٌ﴾ بیوریور .

[ ای مؤمنلر ! شول زمانده سزک اوزریکزه نازل اولان اللهک نعمتیرنی ذکر ایدک که اوزمانده دشمنکز اولان عسکرلر سزه کلشدی . ]

﴿فَازَسَلْنَا عَلَيْهِمْ رِيحًا وَجُنُودًا لَّمْ تَرَوْهَا﴾

[ دشمن عسکری سزه کلنجه بز آنلر اوزرینه شدتلی روز کار وسزک کورمدیککز عسکرلر کوندردک که دشمنلریکز تحمل ایدمهیه رک فرار ایتدیلر سزده قورتولدیکز . ]

﴿وَكَانَ اللَّهُ بِمَا تَعْمَلُونَ بَصِيرًا﴾

[ حالبوکه الله تعالی سزک عملکزی کورور . ]

یعنی ؛ ای مؤمنلر ! ذکر ایدک شول زمانی که او زمانده قریش و ( غطفان ) قبیله لری ویهوددن ( بنی قریظه ) و ( بنی نضیر ) عسکرلری مدینه نک جوارینه کلدیلر و سزی تهدید ایتدیلر . ایشه او زمانده اللهک سزک اوزریکزه فیضان ایدن نعمتیرنی ذکرله شکر ایدک . زیرا ؛ آنلر کلنجه شرلرندن سزی قورتارمق ایچون بز آنلر اوزرینه شدتلی روز کار و ملکلر دن سزک کورمدیککز عسکرلر کوندردک که سزی مغلوبیتدن وبلده کزی آنلرک تسلطندن قورتاردق . حالبوکه الله تعالی سزک جمله اعمالکزی کورور .

طبری ، بیضاوی و خازنک بیانلری وجهله بو آیت ( خندق ) غزاسنی تصویر ایچون نازل اولمشدر . خندق وقعسی شویله ظهور ایتمشدر : یهوددن ( حی بن احطب ) معیتده برجامتله مکیه کیدر وقریشی رسول اللهله محاربهیه تشویق ایدر ویهودله قریش رسول الله علیه محاربهیه اتفاق ایتدکدنصکره یهودیلر دوز ( غطفان ) قبیله سنه کلیرلر آنلرله ده عین اتفاق یاپارلر مدینهیه کلیرلر . قریش و غطفان قبیله لری و مدینه جوارنده کی یهودیلر محاربه ندارکنه باشلارلر . رسول الله دشمنلرینک تدارکنی ایشیدنجه اصحابیله استشاره ایدرکن ( سلمان فارسی ) نک اشارتیه مدینه اطرافه خندق قازمغه باشلادیلر . رسول الله آلتی کیشییه

طولاً قرق آرشون یر ویرمک اوزره اصحابنه تقسیم ایتدی و بو منوال وجهله مدینه نک اطرافه و دشمن قارشوسنه خندق قازیلدی . اون بیکی متجاوز دشمن عسکری مدینه اطرافه و خندق کیریسنه چادیر قوردیلر . رسول الله ده اوچ بیک اسلام عسکریه مناسب برموقعی اردوگاه اتخا ایتدی . ایکی طرف عسکری صاپان طاشی و اوق آتمق صورتیه بررلری ایله برآیه قریب مقاتلهیه دوام ایتشلر ایسه ده مهم بر محاربه ظهور ایتدی ، فقط صوتوق چوق ، مدینه ده ایسه ذخیره یوق . بناء علیه ؛ اسلام عسکری شدتلی مضایقه کورمکه باشلادی . بوشدنه بناء رسول الله ( غطفان ) قبیله سنک رئیسلی ( عینه ) و ( حارث ) ی چاغیردی . قریشه اشتراک ایتیه رک دونوب کیتمک شرطیه مدینه نک او سنهیه مخصوص خرما حاصلاتنک اوچده بری غطفان قبیله سنه ویرمک اوزره مقاوله عقد ایدیلر رک رده عهدنامه یازلمشدی . لکن امضا اولونمازدن اول رسول الله ( سعد بن معاذ ) و ( سعد بن عباد ) ایله استشاره ایتدی . آنلرده « یارسول الله ! زمان جاعلیه ده بیله بز بونلره برکانه خرما ویرمزدک ، بز شیمدی بونلره قیلجندن باشقه بر شی ویرمه یز » دیدیلر ( غطفان ) رئیسلی ده عودت ایتدیلر . بوصیره ده حضور رسالته ( نعیم بن مسعود ) کلدی و دیدی که « یا رسول الله ! بن ایمان ایتدم ولکن نم ایمان ایتدیکمی هنوز قوم بیلمز . بن بونلری اغفال ایتسم اولورمی ؟ » . نعیمک بو استفساری اوزرینه رسول الله ( یا نعیم ! الحرب خدعة ) یعنی « حرب خدعه در ، بیلدیکک ألكده در ، هر نه یاپارسه ک اصابدر » بیوردی . ( نعیم ) بونک اوزرینه قالقدی و لجه پینلرنده اولان دوستلغه بناء ( بنی قریظه ) یهودیلری نزدینه کیتدی و دیدی که « سز بنی بیلیرسکز ، بن سزک دوستکزم . سز قریشله اتفاقده خطا ایتدیکز . زیرا ؛ آنلرک مملکتلری اوزا قدر . حربده مظفر اولسونلر اولماسونلر براقیر کیدرلر . بوراده سز قالیرسکز و محمد ﷺ یالکزم مقابله ایدر مزنسکز . بناء علیه بو اتفاقکز سزک فلاکتکزی موجبدر . شو حالده سزک ایچون اسلام اولان قریشک رؤسائندن رهن ایسته مکدرکه اکر بو وقعده نصکره مسلمانلر سزه هجوم ایدر سه قریش رهنلری سببیه سزه اشتراک و معاونت ایتسونلر » دینجه یهودیلر بو سوزی صواب کوردیلر و رهن ایسته مکه قرار ویردیلر . نعیم اورادن قالقدی طوغری قریشک رئیس ( ابو سفیان ) کیتدی و اوکاده « یهودیلر سزکله عهدلرینی نقض ایتدیلر . سزدن یکرمی بش کیسه یی رهن ایسته یوب آلدقلری خلاصة البیان : اون ایکنجی جلد — ۲



کیمسه لری محمد ﷺ تسلیم واعدام ایتک شرطیله آنکه عقد اتفاق ایتدیلر « دیدی و بوخبری کتیردیکنی کیمسه یه سویله ملرینی رجا و تنیه ایدرک آنلرده و داع ایتدی . نعیمک بو اخباری اوزرینه قریش قبیله سی بر اضطرابه دوشه رک سوزینک صحتی تحقیق ایتک اوزره یهودیلره خبر کوندردیلر و دیدیلر که « بز بورایه کله لی بر آیه یقین بر زمان اولدی ، حالا بر حرب ایتدک . یارین حاضر اولک محمد ﷺ له ، برابر حربه کیریشه لم . یهودیلر قریشک بویله بر خبری اوزرینه « یارین جمعه ایرتسیدر . بوتون دنیا یانسه بز بر شیئه باقامقله برابر سز اشراف کزدن یکرمی بش کیشی ویرسه کز اتفاقز باقیدر ، اشبورهینه لری ویرمدیک کز تقدیرده سز کیدوب محمد ﷺ ک قیلجی آلتنده بز قالا جغمزدن بز سز که اتفاقدن واز کچه جکز » دیه جواب ویردیلر . قریش یهودیلرک بو سوزلرینی ایشیدنبجه نعیمک سوزینی تصدیقه قلبلرینه خلجان دوشدی و رجعته قرار ویردیلر . ایشته تام اوساعته آیتده بیان اولوندینی وجهله الله تعالی شدتلی بر روزکار ویردی که او روزکار چادیرلرینی ییقدی و تنجره و طاره و سائر آلات و ادواتلرینی یرندن سوپوردی و برچوقلرینی قیردی ، پارچه لادی و اهالی بی قاصیرغه بر برینه قاندی قاریشیدردی . ملک کرده هیجان آمیز و دهشت انگیز کور و لتولرله مأمور اولدقلری وظیفه بی اجرایه باشلا ینبجه مشرکله نه یاپا جقلرینی شاشیردیلر .

آنلرک بو حال پریشانلرنده رسول الله اصحابنه « قریشک احوالی تحقیقه کیم کیدر کلیرسه جنتده رفیقمدر » دیدی و اوچ دفعه بوسوزی تکرار ایتدیکی حالده آجلق و صوسزلقدن هر کسک طاقی قالمادیغندن و کجه نک شدتله قارا کلنی وضوئو غک دهشتی و دشمنک خوف و خشیتی سببله هیچ بر کیمسه « بن کیدر کلیرم » دیه مدی . رسول الله اصحابدن (خذیفه) حضرتلرینی چاغیردی . تفسیر خازنده بیان اولوندینی وجهله حضرت خذیفه دیمشدر که « رسول الله ک بی چاغیردیغنده بنم یرمدن قالمغه و قم یوقدی ولکن رسول الله « بیور یار رسول الله ! » دیدم وهان حضور رسالته کلدیم . رسول الله بکا « کیت یا خذیفه ! دشمنک احوالی تفتیش ایت ، بکا خبر کتیر ولکن برشی یانا » دیدی و اوزریمی آلر یله صیغادی و دعا ایتدی و بنده بر اقتدار حاصل اولدی . اوقی و یایمی آلدیم ، دشمن طرفه کچدم ، حامده کزرکی کزدیم و هیچ برشی سز دیرمدم . حتی ابوسفیانک چادیرینک یقینه کلدیم و ابو

سفیانی کوردیم . اکر اوقی آتمش اولسم اصابت ایدردی ولکن رسول الله برشی یایمه دیمسنه بناء آتامدم و هرکی پرتلاش کندی نفسیله اوغراشیور و همان قرار ایدیورلر کوردیم . کلدیم بو حالی رسول الله خبر ویردم رسول الله ده کولدی . حضرت خذیفه نک بیانی وجهله مشرکله عارض اولان عمومی خوف اوزرینه همان او کیجه چادرلرینی ییقار ق مدینه اطرافدن چکیلوب کیتدیلر . ایشته خندق وقعه سی ده بو صورتله ختم بولدی و مشرکله محاربه ایتمکسزین بو وجهله مقهور و منهزم اولارق دفع اولوب کیتدیلر .

\*\*

واجب تعالی غزوه خندقده مؤمنلره واقع اولان نعمتی بیاندن صوکره مدینه منوره اطرافنه دشمنلرک نه صورتله و نه لردن کلدکلرینی تصویر ایتک اوزره ﴿ اِذْ جَاؤُكُمْ مِنْ فَوْقِكُمْ وَمِنْ أَسْفَلَ مِنْكُمْ وَإِذْ زَاغَتِ الْأَبْصَارُ وَبَلَغَتِ الْقُلُوبُ الْحَنَاجِرَ وَتَظُنُّونَ بِاللَّهِ الظُّنُونَا ﴾ بیوریور .

[ای] مؤمنلر ! ذکر ایدک شول زمانی که اوزمانده دشمنلریکردن (غطفان) قبیله سی سزک اوست طرف کزدن یعنی مدینه نک شرق جهتدن کلدیلر و قریش قبیله سی سزک آلت طرف کزدن یعنی غرب جهتدن کلدیلر و دوشونک شول زمانی که او زمانده سزک شدتله قورقوکزدن کوزلریکزه طیشنه دوندی و طوغرو باققدن بر طرفه میل ایتدی و قلبلریکزه بوغازلریکزه طیقیلدی و او زمانده الله دورلو دورلو ظنلرله ظن ایتدیکز . [حالبو که ظنک کزک بعضی صحیح و بعضی فاسد ایدی . چونکه ؛ اخلاصکز متفاوتدر . بعضیکزک اخلاصی قوتلی اولدیغندن الله اعتمادی زیاده اولسنه بناء وعد اولونان نصرتک وقوعبولاجغنی ظن و امید ایدر والله تعالی نک وعدنده خلف اولمادینی بیلیر و بعضیکزک اخلاصی صعیف اولدینی جهته واجب تعالی نک وعدینی ایفا ایده جکنده تردد ایدر و کونا کون ظنلره ذاهب اولیوردیکز . بو آیت جلیله ؛ خندق وقعه سنده مدینه بی دشمنلرک محاصره ایتک اوزره هجوم



ایده رک اهل ایمانک اوست و آلت جهت لریدن هر طرف لرینی صاروب دشمنه نسبتله اهل اسلامک عددی آزا ولدینی کبی مهمات حربیه لری دخی ضعیف اولدیغندن اهل اسلامه عارض اولان قورقونک غایت شدتلی اولدیغنی تصویر ایتشد. چونکه؛ انسانلرک کوزلرینک طوغرو باقامایوب طیشنه دوغمی و شائی باقایی اضطرابک صوک درجه سنی اقتضا ایتدیکی کبی قبلرک بوغازلره قاربامسی ده تلاش و قورقونک الک نهاییه سنه دلالت ایدر. زیرا قبلک بوغازه طوغرو قاربوب نفسی طارالتمی؛ شدتلی قورقو سببیه انسانلرک ایچروسنه دوشن تیره مک دولایسیله قلبی شیشوب نفسی طارالتمی عادتدر. بناء علیه؛ انسان او حالده ایکن سوز سویله مک مجالی اولماز. ایشته بویله برطاقم اضطرابات ایچنده اهل ایمانک هر طرفنی اوهایم احاطه ایتدیکنه اشارت ایچون جناب حق اهل ایمانک کونا کون ظنلره دوشدک لرینی بو آیتله بیان بیورمشد. آیت هر نه قدر خندق و قعه سنی تصویر ایدیورسده خندق و قعه سندن صوکره اهل ایمانه بیکلرجه خندق و قعه سنک امثالی واقع اولمش و جهل سنده اهل ایمانک اضطرابی آیتک تصویر و جهله وقوعبولمش و بعضی سنده دشمن محاربه ایله مندفع اولمش و بعضی سنده بلا محاربه دفع اولمش کیتمش و اهل ایمان ده شرلرندن قورقولمشد.

\* \*

واجب تعالی خندق غزاسنک بدایه سنده اهل اسلامه عارض اولان اضطرابی بیاندن صوکره بو اضطراب اهل ایمانه امتحان قیلندن اولدیغنی بیان ایتک اوزره ﴿هُنَالِكَ ابْتُلِيَ الْمُؤْمِنُونَ وَزُلْزِلُوا زِلْزَالًا شَدِيدًا﴾ بیوریور.

[ ایشته او محله صیناندی مؤمنلر و شدتله صاللانقله صاللانیدیلر. ]

یعنی؛ او کونده و او محله طرف السهیدن مؤمنلر متبلا قیلندیلر و امتحان معامله سی اولوندیلر و برچوق مشقته دوچار اولدیلر. حتی شدتله تحریک اولوندیلر و زلزله کبی چالقاندیلر و لرلندن ایرغاندیلر. چونکه؛ قورقونک شدتدن روحلری جسدلرندن چیقمغه یقین برحاله کادی و اعتقادنده ثابت اولانلر، ضعیف و متزلزل اولانلر دن آیرلدیلر. چونکه؛ اعتقادی قوی اولانلر ثبات و متانت کوستردیلر و ضعیف اولانلر متردد برحاله

بولوندیلر که انسانلر ده بو حال هر زمان مشاهده اولونمقده در. زیرا؛ بر مصیبت کلدیکنده ایمانی قوی اولانلر متین و ضعیف اولانلر متردد بر وضعیت آیر و حقلی و حقسنر هانکی طرف غالب اولورسه او طرفه کچمکه حاضر بولونور که بو حال علامت نفاقدیر.

\* \*

واجب تعالی مؤمنلرک امتحان اولوندقلری زمانده منافقلردن بعضیلرینک اهل ایمانه یأس و فتور و یرمک اوزره سویلدکاری بعض سوزلرینی بیانله منافقلری ذم ایتک اوزره ﴿وَإِذْ يَقُولُ الْمُنَافِقُونَ وَالَّذِينَ فِي قُلُوبِهِمْ مَرَضٌ مَا وَعَدَنَا اللَّهُ وَرَسُولُهُ إِلَّا غُرُورًا﴾ بیوریور.

[ ذکر ایت حییم! شول زمانی که او زمانده منافقلر و قبلرنده مرض اولانلر «الله تعالی و رسولی بزه وعد ایتدیلر، آنجق آلداتاجق بر غرور وعد ایتدیلر» دیمکه وعد السهی به اعتماد ایتدیلر. ]

یعنی؛ یا اکرم الرسل! شکر ایت اللهک نعمته و ذکر ایت شول زمانی که او زمانده منافقلر ایله مؤمنلردن هنوز ایمانی قوت بولامش و قبللری متانت کسب ایتهمش بولونانلر دیدیلر که «الله تعالی و رسولی بزه بوتون دشمنلرینه ظفر یاب اولاجغنی و بودینک اطراف و اکنافده انتشار ایده جکفی وعد ایدیورلردی. بو وعدلری اولمادی، آنجق بزی آلداتمقدن عبارت اولدی. یوقسه بو وعد اساسلی بروعد دکلدیر». ایشته منافقلر بو کبی سوزلرله اعتماد سزلق کوستردیلر.

شو تفصیلاته نظر آبو آیت بوندن اولکی آیتده کی ظنونی تفصیل و تفسیردر. خازنک بیانه نظراً منافقلرک بوسوزلرینک سببی؛ خندق قازارکن (سلمان فارسی) نک حفریاتنده بر بویوک طاش ظهور ایدر و طاشی قیرمدقلرینی رسول الله خبر و یرملری اوزرینه رسول الله کلوب کولونکی آلوب برنجی دفعه ده طاشه ووردیغنده بر پارچه قوبار و طاشدن چیقان قیویاجملر پارلایجه سول الله «سبحان الله! (خیره) شهرینی و (مداین) ده عجم پادشاهلرینک بیاض کوشکلرینی کوردیم» بیوردی. ایکنجی ووردیغنده طاشک بر پارچه سی ده قوپوب عین ضیا پارلایجه «سبحان الله! قیصرک سربلرینی کوردیم» بیوردی.



اوچنجی دفعه کولونکی ووروشنده طاش تماماً پارچه لایر ورسول الله «سبحان الله! یمنده صنعای کوردم» بیوردی وبونک هراوچنده امتک غالب اولوب مالک اولاجقلری خبر ویردی. ایشه او زمان منافقلردن (معتب بن قشیر) و (ابن سلول) و امثالی «محمد ﷺ» بزی آلتاجق شی خبر ویریور. حالوکه بزقاومزک آغزینه کلن دشمنه باشمزی قالدیروب باقامیورزونه یاپاجغمزی شاشیردیغمز برزمانده رومک و فارسک فتح اولوناغنی خبر ویرمک کولونج بر شی و بزی آلتامقدن عبارتدر «دیدیلر».

ایشته ایمانی ضعیف اولانلردن هر وقت بویله سوزلر ایشیدیلور، اما ایمانی قوی اولان واللهک قدرت و قوته اعتقاد تامله ایمان ایدن مؤمن هر زمان ربسک لطفندن امیدوار اولدینی جهتله حالی دیکشیرمزی و قلبی متین و کندی شجیع اولدیغندن ترده دوشمزی. شو حالده جناب حق بو آیتده شو وقعهیه اشارت بیورمش و منافقلرک سوزلردن رسولانی و مسلمانلری خبردار ایتمکله منافقلری ناس آره سند رسوای ایتشدیرکه هر زمان مسلمانلر بوکی منافقلرک سوزلردن مأیوس اولماسونلر.

\*\*\*

واجب تعالی خندق وقعه سینه واوراده بولونان منافقلرک سوزلرینه اشارتدن صوکره منافقلرک مسلمانلری اغفال ایچون سویله دکلی سوزلرینی بیان ایتمک اوزره ﴿وَإِذْ قَالَتْ طَائِفَةٌ مِنْهُمْ يَا أَهْلَ يَثْرِبَ لَا مُقَامَ لَكُمْ فَارْجِعُوا﴾ بیوریور.

[ذکرایت حبیب شول زمانی که اوزمانده منافقلردن بر طائفه دیدی که «ای اهل مدینه! سزک ایچون دشمنه مقاومت احتمالی یوقدر. زیرا؛ آنلر چوق سز آرسکیز و آنلر قوتلی سز ضعیفسکیز. بناء علیه؛ دونک خانه لریکزه، راحت ایدک اولریکزه. بوشنه بکله یوب نفسکزی هدر ایتیمیک. اویکزه اوتور رسه کزدشمنک شرندن محفوظ قالیرسکیز» منافقلر بویله دیمکله اهل ایمانی اغفاله چالشدیلر.] ایشه اهل ایمانک ضعفه یوز طوتدینی زمانده قلبلرینه ضعف ویره جک سوز سویله مک منافقلردن قالمه اسکی بر عادتدر که هر زمانک منافقی او عادتی مهم بر سلاح اولارق قوللانیلر و بر چوق زمانلرده دخی مقصدی اولان مفسدته واصل

اولورلر. چونکه؛ عالم هیچ بر زمان مصالح و مفسددن خالی قالمامشدر. بناء علیه؛ هر ملت آره سنده مؤمن و منافق، مصالح و مفسد موجوددر. عمالقه دن (یثرب) اسمنده بر کیمسه مدینه ده چوقه ا کله شدیکندن مرینه یثرب دنیلمش ایسه ده رسول الله مدینه یی تشریفندن صوکره مدینه تک اسمنه طیم دیمشدر. بناء علیه؛ زمان ایجابی بعض بلده تک اسمنی دیکشیرمکده بر بآس یوقدر. چونکه؛ رسول الله دن وقوعبولان برشیده بزم ایچون تردد ایتک جائز دکلدیر.

یثرب، مدینه تک اسمیور. (لامقام لکم) سزک ایچونه دشمنه مقاومت طاقت و قرار یور. همامه فرار ایمک دیمکدر. (فارجموا) دونک دیمکدر. بوندن مقصدلری؛ بیضاری ونیسا بورینک بیانلری وجهله «اولریکزه دونک» دیمکدر. یاخورد «محمد ﷺ» دینی اوزرینه اقامتکز ممکن دکلدیر. دونک دینندن شرکی قبول ایدک که دشمنلرک شرندن قورتولاسکیز» دیمکدر. یاخورد «عسا کر اسلامیه ایچندن عسا کر مشرک ایچنه دونک» باشکیز سلامت بولسون» دیمکدر. هر هانکی مقصد اوزره سویله مش اولسه لر اساس سوزلردن غرضلری اهل اسلامی اغفال ایتک و قوتلرینی ضعفه اوغراتمقدیر.

\*\*\*

واجب تعالی منافقلرک بوسوزلرینی بیاندن صوکره بوکی سوزلرک تأثیرله ایماننده ضعف اولانلرک اولرینه دونک اوزره رسول الله دن اذنیسته دکلیرینی بیان صدندده ﴿وَيَسْتَأْذِنُ فَرِيقٌ مِنْهُمْ النَّبِيَّ يَقُولُونَ إِنَّ بُيُوتَنَا عَوْرَةٌ وَمَا هِيَ بِعَوْرَةٍ إِنْ يُرِيدُونَ إِلَّا فِرَارًا﴾ بیوریور.

[آنلردن بفرقه رسول الله دن استیذان ایدرلر و اعتذار ایدرک دیرلر که «بزم اولریمز آچیقدر، اهل و عیالمزی بسله یه جک کیمسه یوقدر. شو حالده بزه اذن ویر کیده لم، اولریمزی محافظه ایدلم». حالوکه آنلرک خانه لری محفوظدر، آچیق دکلدیر و لکن آنلر بو استیذانلریله مراد ایتزلر، الا محاربه دن قاجق مراد ایدرلر.] بناء علیه؛ جناب حق بو آیتده آنلری تکذیب ایتشدیر.



یعنی؛ منافقین بر طائفه اهل ایمان ضعیف اولانلره « سزك ایچون دشمنه مقاومت احتمالی قالمادی . زیرا؛ محمد ﷺ و اصحابی هر حالده دشمنلرینك ائنده هلاک اولاجقلردر . شو حالده سز محمد ﷺ دیندن دونك و خانه لریکزه رجعت ایدك که دشمنکزه تسلطدن قورتولاسکزه » دیملی اوزرینه مؤمنلردن هنوز ایمانلری قرارلاشمش اولان بر فرقه ترده دوشهرك رسول اللهدن استیدان ایتدیلر و اولرینك پریشان و عائله لرینك آچیقده اولدیغدن بحث ایلدیلر . بوندن مقصدلری ایسه حربدن فرار ایتك اولدیغنی جناب حق بیانه سوزلرینك یالان اولدیغنی میدانه قویدی .

ایشته زمانمزه دشمنله محاربه اولورکن دشمن قارشیسنه کیمه مک ایچون بر طاقم حیل و دسائسله و یالان سوزلر سویله مکله و کندینه خسته لقی اسناد ایدهرك افترا ایله عسکرلکدن فرار ایدنلرک ضعف ایمان صاحبی اولدقلری بو آیتله ثابتدر . چونکه؛ ایماننده قوت اولان کیمسه بوکی شیلره تنزل ایتز و مردانه دشمن قارشوسنه چیقماقچکنمزه . زیرا؛ الله اعلم تامی واردر و ثوابی ده اعتقاد ایتدیکندن سوه سوه کیدر .

﴿ وَلَوْ دَخَلَتْ عَلَيْهِمْ مِنْ أَقْطَارِهَا ثُمَّ سَأَلُوا الْفِتْنَةَ لَا تَوْهَا وَمَا تَلَبَّسُوا بِهَا إِلَّا يَسِيرًا ﴾

[اگر منافقلر اوزرینه مدینه نك و خانه لرینك اطرافدن کیرلش اولسه ده صکره اهل اسلامله محاربه ده دأر آنلردن برفتنه ایسته نلسه در حال آنلر اوفتنه یی ویرلر و فتنه ایقاعندن چکینمزله . حتی آنلر اوفتنه یی اجرا ایتمکده دورمازلر ، الا آزر زمانده دورورلر .]

یعنی؛ مشرکلر طرفدن مدینه نك اطرافدن آنلر اوزرینه کیرلش اولسه ده صکره آنلردن ارتداد ایدوب شرکی قبول ایدهرك اهل ایمانله محاربه ده دأر بر فتنه ایسته نلش اولسه ایدی در حال قبول ایله فتنه یی ویرلردی و اجر اسنده مکث ایتزلر ، الا آزر زمان مکث ایدرلردی .

نعمت الله افندی بو آیتی شویله تفسیر ایدیور : مدینه نك اطرافی قلعه لرله قبالی اولسه بونلر اوزرینه مدینه نك اطرافدن وجوارندن کیرلش اولسه لر یعنی مدینه یه کیره مسه لرده

اطرفنده قالسه لر و جمیع جهاندن قلعه لرله محافظه اولوب دشمن اطرافده قالوب مدینه یه کیره میه جککرینه امنیت حاصل اولدقدن صوکره مؤمنلر آره سنه فتنه قویق و هزیمت لردن بحث و قراره تشویق و ایماندن ارتداد ایتك کی مؤمنلره فتور و ضعف ویره جک شیلری دشمنلر بونلردن ایسته سه لر بو منافقلر در حال ایسته دککری فتنه یی ایسته نیلدیکی وجه اوزره ادا ایدرلر و اوفتنه یی اجراده دورمازلر ، هان آنجق آز بر زمان دورورلردی . یعنی « بونلرک بو فتنه یی اورتیه آتملی مؤمنلرک ضعیف کورولدیکی زمانه منحصر دکلدر ، بلکه اهل ایمان غالب اولسه لر دخی بومثللو فتنه لریک ایقاعنه چالیشمقدن کیرو طورمازلر » دیمکدر . کرچه نعمت الله افندی نك بو توجیهی بزم یا نمزده بولونان باشقه تفسیرلرده کوروله مه مش ایسه ده زمانمزه منافقلرینه و بالعموم منافقلری ذمه بومعنا ده مناسبدر . یعنی « بالعموم منافقلر فرصتی هیچ فوت ایتزلر ، البته مسلمانلر عاهنده بولونورلر » دیمکدر که واقعه مطابق اولان ده بودر .

\*\*\*

واجب تعالی متانت قلبه مالک اولما یانلرک حاللرینی بیاندن صوکره آنلرک اولدن عهد ویردکرینی بیان ایتك اوزره ﴿ وَلَقَدْ كَانُوا عَاهَدُوا اللَّهَ مِنْ قَبْلُ لَا يُؤْثِرُونَ الْأَذْبَارَ ﴾ بیوریور .

[ ذات الوهیتمه یمین ایدرم که بوندن اول آنلر دشمنه آرکه دونیمه جککرینه دأر الله عهد ویرمشلردی . ]

﴿ وَكَانَ عَهْدُ اللَّهِ مَسْئُولًا ﴾

[ حالبوکه اللهک عهدندن آخرتده سئوال اولونا جقدر . ]

یعنی؛ موقع حربدن منافقلرک اغفالاتنه آلدانوبده خانه لرینه عودت ایتك اوزره استیدان ایدنلر خندق غزاسندن اول احد وقعه سنده واقع اولان خطا لرینه ندامت ایدهرك دشمندن یوزلرینی چویر میه جککرینه دأر الله عهد ایتمشلردی . حالبوکه اللهک عهدی ایفا اولونوب اولونما دیغنه دأر آخرتده سئوال واردر .



تفسیر خازنده بیان اولوندیغنه نظر آ رسول الله بن استیدان ایدنلر عربدن ( بنی حارث ) و ( بنی سلمه ) قبیله لیدر . بونلرک احد وقعہ سنده جہانت کوسترملرندن بعض مضرت کورولسینه بناء ندامت ایدرک الله یمینله بوندن صوکره بولونقلری محاربه ده دشمنه اصلا آرقه دونیمه جکلرینه عهد ایتمشلردی . خندق وقعہ سنده رسول الله بن استیدان ایتمکه عهدلرینی نقض ایتدکلرندن جناب حق ذم ایتمکه برابر عهدک نقضندن سئوال اولونا جکلرینی دخی بیان ایتمشدر . بناء علیه ؛ اهل ایمان قرآنه ایمانله جمیع احکامی ادا ایتمکه عهد ایتمش اولدکلرندن احکام قرآندن هر هانکیسنی ادا ایتمکدن نکول ایدرلرسه اوخصوصده عهد النہی بی نقض ایتمش اولدکلرندن مسئل اولاجکلرینه بوآیت دلالت ایدر . چونکه ؛ آیتک فقره اخیرہ سی برقاعده کلیه اولدینی جہتلہ بوتون عهدلرک مسئل اولدیفنه دلالت ایدر . فقره اخیرہ ( عہدالله مسئل ) دیمکدر . مثلاً دشمنله مجاہدہ احکام قرآندن مؤمن ایچون عہد النہیدہ داخلدر . مجاہدہ یه مقتدر اولان بر کیمسه بلاعذر نکول ایدرسه مسئل اولور و تقریری شویله در : « مجاہدہ عہدالنہیدر . هر عہد النہی مسئلدر . بناء علیه ؛ مجاہدہ مسئلدر » . یعنی « ایفا ایدیلوب ایدلمدیکنندن سئوال وار » دیمکدر .

..

واجب تعالی ضعف قلبه مالک اولان کیمسه لرک محاربه دن فرار ایچون استیدان ایتدکلرینی بیاندن صوکره فرارک اجله فائده سی اولمادیغنی بیان ایتمک اوزره ﴿ قُلْ لَنْ يَنْفَعَكُمْ الْفِرَارُ اِنْ فَرَرْتُمْ مِنَ الْمَوْتِ اَوِ الْقَتْلِ وَاِذَا لَا تُنْتَعُونَ اِلَّا قَلِيْلًا ﴾ بیوریور .

[ حبییم ! سن استیدان ایدنلره دی که « اکر سز اولومدن ویاخود قتلدن فرار ایدرسه کز فرار کز البته سزه منفعت ویرمز . حال بویله اولونجه فرار ایتدی ککز تقدیرده سز یاشایاماز ، آنجق آز بر مدت یاشارسکزر که اجل معینکزر کلنجه البته وفات ایدرسکزر . ] یعنی ؛ یا اکرم الرسل ! حربدن عودت ایتمک اوزره سندن استیدان ایدنلره سن دی که « اکر اجلکزر کلش ایسه سزک ایچون فرار کز اصلا منفعت ویرمز واکر

اجلکزر کلش ایسه حربده بولونقله وفات ایترسکزر . بناء علیه ؛ اولومدن ویا قتلدن فرار البته سزه منفعت ویرمز و فرار ایتدی ککزر تقدیرده یاشایاماز ، آنجق آز بر زمان یاشارسکزر که اجل معینکزر کلنجه یه قدر دنیا ایله انتفاع ایدرسکزر . چونکه ؛ هر شخص ایچون اولوم محققدر ، آنجق اولمک ایچون ایکی طریق واردر . برنجیسی ؛ بر قضایه اوغرامقسنرین اجل موعودیلہ اولمکدر . ایکنجیسی ؛ غرق اولمقله ویا یا نملقله ویا طامدن دوشمکله ویا قیلیدجله ویا قورشونله ویاخود وسائر برآفت وقضا ایله اولمکدر . آیتده هر ایکی طریقہ اشارت اولوندینی و جہله اجل معینی ایله اولمک مقدرسه زمانندن بر دقیقه بیله تأخر ایتمکسنرین اولور . کذلک بر قضا ایله اولمک مقدرسه او قضانک وقوعنه اراده الهیه تعلق ایتدیکی دقیقه دن ولو بر ثانیہ اولسون تقدم و تأخر ممکن اولاماز . شو حالده هیچ بر زمانده هیچ بر کیمسه ایچون اجلدن فرارک فائده سی اولیه جغنی جناب حق بو آیتله صورت قطعیه ده بیان ایتمشدر . بناء علیه ؛ اجل بر در . اجلنر کیمسه اولمز و اجلدن فرار ایتمکده فائده ویرمز . شو حالده محاربه ده ثبات ایتمک لازم اولدینی کبی هر کسک بوتون عمرنده اجلنی اونوتما یوب آنک تدارکیله مشغول اولمی لازمدر .

..

واجب تعالی فرارک اجله فائده سی اولمادیغنی بیاندن صوکره فرارک منفعتی اولمادیغنی تفصیل ایتمک اوزره ﴿ قُلْ مَنْ ذَا الَّذِي يَعْصِمُكُمْ مِنَ اللَّهِ اِنْ اَرَادَ بِكُمْ سُوءًا اَوْ اَرَادَ بِكُمْ رَحْمَةً ﴾ بیوریور .

[ حبییم ! سن فرار ایدم جکلرندن سئوال ایت دی که « اکر الله تعالی سزه بلا ومصیبت کبی بر کوتولک مراد ایدرسه اللهک غضبندن سزی کیم محافظه ایدر ویاخود اکر الله تعالی سزه لطف واحسان کبی بر اییلک مراد ایدرسه کیم مانع اولابیلور ؟ » ] ﴿ وَلَا يَجِدُونَ لَهُمْ مِنْ دُونِ اللَّهِ وَلِيًّا وَلَا نَصِيرًا ﴾

[ و آنلر کندیلری ایچون معاونت ایدم جک بر دوست وشفاعت ایدم جک بر یار دیمچی بولامازلر . ]



یعنی ؛ حبیلم ! محاربه دن فراریتمک ایچون استیدان ایدنلره سن دی که « اکرالله تعالی سزه قتل اولونمق ، اسیر کیتیمک ، قحط و غلا و محنت و بلا کبی برمصیتک اصابتی مراد ایدرسه اللهک بو کبی غضبلرندن سزی محافظه ایده جک کیمدر و سزی انتقام التهدیدن قورتارمق کیمک حدیدر ؟ و اکرالله تعالی سزه چوق عمر و یرمک و صحت بدن و عافیت و هربلادن سلامت کبی براحسان مراد ایدرسه آنک احساننه کیم مانع اولابیلور ؟ . البته کیمسه مانع اولاماز . بناء علیه ؛ هرکسک هر شیئی اللهدن بکله مسی لازمدر . زیرا ؛ اللهک اراده سنه برحائل یوقدر . شو حالده حربدن فرار ایچون بر طاقم حیل و دسائس دوشونلر و اعتذار ایدنلر کندی نفسلرینه منفعت ایده جک بر دوست و آنلردن ضرری دفع ایده جک بر یار دیعجی ده بولانمازلر . شو حالده آنلرک ، جناب حقک حمایه سنه التجا ایدرهک محاربه یه دوام ایتلری و حیل و دوشونمه ملری الزمدر .

\* \*

واجب تعالی قهرندن هیچ بر فردک قورتولامیه جغنی بیاندن صوکره استیدان ایدن  
ضعفای اغفال ایدنلری تهدیدایتمک اوزره ﴿ قَدْ يَعْلَمُ اللَّهُ الْمُعَوِّقِينَ مِنْكُمْ وَالْقَائِلِينَ  
لَا خَوَانِهِمْ هَلُمَّ إِلَيْنَا ﴾ بیوریور .

[ الله تعالی ، سزدن رسول اللهه معاونندن خلقی منع ایدنلری و اهل مدینه دن  
قرداشلرینه « کلک بزم یا نمزه ، کیتمه یک محمد ﷺ ک یانه . زیرا ؛ محمد ﷺ و اصحابی  
هلاک اولاجقلرندن آنلرک معیتنده سزک هلاک اولمک زده فائده یوقدر » دیه نلری بیلیر . ]

﴿ وَلَا يَأْتُونَ الْبَاسَ إِلَّا قَلِيلًا ﴾ أَشْحَهٗ عَلَيْهِكُمْ ﴿

[ و آنلر حربه کلزلر ، الا سزک اوزریکزه کال بخللرندن آز کیمسه لر کلیر . ] زیرا ؛  
مسلمانلره ایملک اولسنه شدت بخللری معاونت لرینه مانع اولدیغندن حربه کلز ، آنلردن  
آنحق آز کیمسه لر ریا ایچون کلیر و آزیحق برمدت بولونور بر حیل و ایل فرار ایدرلر .  
فخر رازینک بیانه نظراً هلقی رسول اللهه نصرتمه منع ایدنلرک کیملر اولدیغنده

ایکی احتمال واردر : برنجیسی ؛ منافقلمدر . زیرا ؛ منافقلمر انصار کرامه « محمد ﷺ ایچون  
نفسکزی مهلکه یه آتایک . آنی قریش نصل اولسه اصحابیله برابر هلاک ایده جک . شو حالده  
سز بزم یا نمزه کلک ، ترک ایدک آنی » دیرلردی و آنلردن محاربه یه حاضر اولانلرده غایت  
آز اولوردی . چونکه ؛ آنلر مؤمنلرک ظفر یاب اولملرینه شدتله بخل ایدر ، اصلاً راضی  
اولمازلردی و کمال حسد لرینه بناء اصحاب رسول اللهی بر طاقم حیل و دسائسله منع ایتدک  
چالیشیرلردی . ایکننجیسی ؛ بروریدر . چونکه ؛ بالعموم یهودیلر اهل مدینه یه « ترک ایدک  
محمد ﷺ ی ، کلک بزم یا نمزه . زیرا ؛ قریش آنی نصل اولسه قتل ایده جک ، سز یا لکنز  
قالاجق سکز و آنلرله آره کز بوزیلاجق . بناء علیه ؛ بر چوق ضرر کوره جک سکز »  
دیرلردی . الله تعالی بونلری بیلدیکنندن بو آیتله رسول اللهه مخالف ایدنلری تهدید ایتمش و آنلر  
هر نه قدر کیزلی اغفالانه چالیشیرلر اینه ده الله تعالی آنلری علنی رذیل و رسوای ایتدکله  
الی یوم القیام سوء ناملری انسانلر آره سنده قلمشدر .

معوقین بیضاوینک بیانی وجهله تأخیر ابریمیدر دیمکدر . یعنی « رسول اللهه  
معاونتی تأخیر ایدنلری الله تعالی بیلیر و ایجابنه کوره جزا و یرر » دیمکدر . اشحه ؛ شحیح  
لفظنک بمعبر . شحیح ؛ غایت بخیل دیمکدر . یعنی « آنلرک حربه کلدکلری و کله جکلری  
منع ایتدکلری ؛ رسول اللهه نصرته غایت بخیل اولدقلرندن » دیمکدر . چونکه ؛ آنلر  
اهل اسلامه معاونته بخلله یار دیم ایتدکلری کبی نفقه ده دخی بخل ایدر ، ماللریله ده معاونت  
ایتمزلردی . بناء علیه اهل اسلامک ظفر یاب اولسنی اصلاً آرزو ایتدکلرندن جناب حق  
بو آیتده اشح یعنی غایت بخیل اولملریله ذم ایتمشدر .

\* \*

واجب تعالی منافقلمرک غایت بخیل اولدقلرینی بیاندن صوکره بخللرینک سبی جیانتلری  
اولدیغنی بیان ایتک اوزره ﴿ فَإِذَا جَاءَ الْخَوْفُ رَأَيْتَهُمْ يَنْظُرُونَ إِلَيْكَ تَدُورُ  
أَعْيُنُهُمْ كَالَّذِي يُغْشَى عَلَيْهِ مِنَ الْمَوْتِ ﴾ بیوریور .



[ حرب اماره لريله منافقاره قورقو کلدیکنده حبيب ! سن آنلری کوزلرينک ایچی طيشنه دوزر اولدینی حالد سکا نظر ایدرلر کورورسک که کآن اولوم کنیدیسی احاطه ایتش برکیمسه کبی کوزلرينک آقی قاراسی بورومش وخوف وخشیت کندیلرینی صارمش اضطراب الیم ایچنده اولورلر . ]

﴿ فَإِذَا ذَهَبَ الْخَوْفُ سَلَقُواكُمْ بِالسِّنَةِ جِدَادٍ أَشِحَّةً عَلَى الْخَيْرِ ﴾

[ آنلر بو حال اوزره قورقدقن صوکره اوقورقو کندیلرندن زائل اولدینده کسکین لسانله سزه مسلط اولورلر . چونکه ؛ خیر اوزره غایت بخیللردر . ]

﴿ أُولَئِكَ لَمْ يَوْنُوا فَأَخْبَطَ اللَّهُ أَعْمَالَهُمْ ﴾

[ ایشته شو اوصاف مذمومه ایله متصف اولانلر حقیقته ایمان ایتدیلر . بناء علیه ؛ الله تعالى آنلرک عمللرینی ابطال ایتدی . ]

﴿ وَكَانَ ذَلِكَ عَلَى اللَّهِ يَسِيرًا ﴾

[ حالبوکه بونلرک عمللرینی ابطال ایتک الله تعالى اوزرینه غایت قولای اولدی . ]

یعنی ؛ یا اکرم الرسل ! دشمنله محاربه قابولری آچیلوب منافقاره حرب قورقوسی کلدیکنده سن آنلرک کمال اضطراب وخشیتلرندن کوزلرينک ایچی طيشنه چیقمش وقاراسی بیاضنه قاریشمش کورورسک که کآن موت هر طرفی احاطه ایتش محتضر حاله ککش یرندن دبره نمر بر جنازه کبی اولورلر . بوندن صوکره دشمنک انهمایله اوقورقو کیدنجه آنلر کسکین بر لسانله سزه کایر اموال غنیمت اوزره قنادرینی آچار سزه مسلط اولورلر که اموال غنیمتدن تقسیم ایستلر وسزدن زیاده مستحق اولدقلرینی بویوک صدار و کورولتورایله ادعا ایدرلر و کندیلرینک جسارت وشجاعتندن وفدا کارلقلرندن وسزک قصور کزدن بحث ایتمکدن اوتانمازلر . بو افعاله جزا نلرینک سبی ؛ خیره بخل وماله کمال حرص وطمعلرندن اموال غنیمتک کندیلرندن باشقه سینه کیتسینی ایستامه ملریدر . ایشته شو اوصافی حائر اولانلر ایمان ایتمه دیلر . کرچه ظاهرده ایمان ایتش کبی کورونورلر سده حقیقته آنلرده اخلاص اوزره ایمان یوقدر . چونکه ؛ ایمانلری ظاهر ده جانلرینی وماللرینی قورتارمق

ایچون بر حيله دن عبارتدر . بناء علیه ؛ الله تعالى آنلرک عمللرینی ابطال ایتدی . زیرا ؛ الله تعالى اوزرینه بومثللو حيله ایدنلرک عمللرینی ابطال ایتک غایت قولایدر . چونکه ؛ مقصدلری فاسددر و فساد اوزرینه بنا قیلان عملکده فاسد وضایع اولاجغنده شبه یوقدر . ( سلقوکم بالسنة جداد ) کسکین لسانلر سزه بورومش سوز سوبلرر دیمکدر . چونکه ؛

بیضاویینک ونیسابورینک بیانلری وجهله سلق ؛ الیم دیباغی و دیله سوزی بسط ایدوب درویمک و دیومک یامعمر که هر حالده ازی معنائی متضمندر . منافقار حرب زمانی اک قورقاق بر قوم اولدقلری حالده حرب بیتوب قورقو زائل اولدینده اموال غنیمت آلق ایچون اک جسور بر قوم کبی میدانه چیقار سوزه باشلار و اهل ایمانه لسانلرله ازی ایدرلر و شدتلی لسان قوللایرلر . حتی « براولامش اولسه ایدک سزمظفر اولاماز دیکر . بزم سایه مزده منصور اولدیکر . بناء علیه ؛ اموال غنیمتدن بزه چوق ویرمکی سکز » کبی اوزون سوزلر سوبلرلر و کورولتورلر یاپارلر . خیر ؛ ماله واعمال صالحه و دیبه فایده و کوزل سوزلر شاملدر . شو حالده منافقار بونلرک جمله سینه شدتله بخیللردر و هر زمانک منافقارلرینک حاللری ده بویله در . زمانزده آناتولینک بر قسمی دشمن اشغال ایدوب اهالی هرشیدن محروم دشمنک آغی آلتنده ازلدیکی و وطن پرورلرک کله لری قولتوقلرنده جان فدا ایدرک چالیشدقلری زمان شوراده بوراده نفسی محافظه ایله ناز ونعمت ایچنده سس چیقارمیوب صاقلانلر و بلکه مجاهدلر علیه سوزلر صرف ایدوب سوکوب صایانلر آناتولیده دشمن تمامیه احما ایدیلوب مظفریت قازانلقدنصکره ساخته نعره لرله مظفریتی کندیلرینه مال ایدرک اک زیاده فداکاران ملت سوسنی طاقیندیلر و ایلری کلدیلر و بحق فداکارلری کیریده براقدقلری کبی بر طاقم منافقجه حرکتلری ایله آنلری اتهام ایتمکدن بیله چکینمدیلر . بناء علیه بو آیتده بیان اولونان اوصاف ؛ یالکز عصر سعادت منافقارینه مخصوص اولمایوب بلکه هر زمانک منافقارینک حاللری ده بویله در .

بو آیت ؛ بش حکمی هاببر : برنجیسی ؛ قورقو زمانی منافقارک اولوم اماره لری هر طرفی اماره ایدر میت مختصر کبی اولدقلمر . ایکنجیسی ؛ قورقو کیدر بونوره



ظفری کندیلرینه مال ایدرک کسکین سوزله اهل ایمانه مسلط اولمادقلریم. اوچنجیسی ؛  
بونلرک حقیقتده مؤمن اولمادقلریم. دردنجیسی ؛ ایمانلری اولابوب یتیملرینک فسادینه  
بناء الله تعالی آنلرک عمللرینی ابطال اتمیکیم. بشنجیسی ؛ آنلرک عمللرینی ابطال اتمک  
الله تعالی اوزرینه قولای اولمیفیر.

\*\*

واجب تعالی منافقلرک جیانتلرینی و جیانتلرینی و حقیقتده مؤمن اولمادقلرینی بیاندن  
صوکره قورقولرینک شدتی بیان اتمک اوزره ﴿يَحْسَبُونَ الْآخِزَابَ لَمْ يَذْهَبُوا وَإِنْ  
يَأْتِ الْآخِزَابُ يَوَدُّوا لَوْ أَنَّهُمْ بَادُونَ فِي الْأَعْرَابِ يَسْأَلُونَ عَنْ أَنْبَاءِكُمْ﴾  
بیوریور.

[ منافقلر مشرکلرک جماعتی مدینه اطرفدن کیتمدیلر ظن ایدرلر واکر احزاب  
کلر حربه کیریشیرسه آنلر آرزو ایدرلرک کندیلری اعراب ایچنده بدوی بولونسه  
وکلوب کیدنلردن سزک خبریکیزی سئوال ایتسهلر ممنون اولورلر و بویله اولسنی ایسترلر.]

﴿وَلَوْ كَانُوا فِيكُمْ مَا قَاتَلُوا إِلَّا قَلِيلًا﴾

[اگر اومانقلر سزک ایچیکزده بولونمش اولسه لردی آنلر مقاتله ایتزلر، الا آنلردن  
ریا ایچون آز کیمسهلر مقاتله ایدرلردی.]

یعنی ؛ منافقلاهل ایمانه کال بقض وعداوتلرندن قریش و غطفان قبیله لرندن و یهوددن  
اجتماع ایتمش اولان جماعتی ( خندق ) وقعه نده مدینه جوارندن کیتمدیلر ظن ایدرلر  
و کیتدکلرینی ایسته مزلردی و او جماعات کیتدکلری صورتده تکرار کلرینی و کندیلرینک  
بادیده اعراب ایچنده بولونوب کلوب کیدندن سزک حالیکیزی و خبرلریکیزی سئوال ایتسنی  
وسزک انهم امکنزه دائر خبرلریکیزی ایشیتسنی ایسترلر واکر منافقلرک آرزولری وجه  
اوزره جماعات مرقومه تکرار کلش اولسه لرده آنلرده سزک ایچیکزده فرض اولونسه  
مقاتله اشتراک ایتز، الا آنلردن آز کیمسهلر اشتراک ایدرلردی و آنلرک اشتراکیده

ظاهرده هردرلو احتمالاته قارشی برنمایش و کورونمک ایچوندن ، یوقسه رضاء باری بی  
تحصیل ایچون اخلاص اوزره اشتراک دکلدر . بلکه اموال غنیمته و سائرده اشتراک اتمک  
و مسلمانلر غالب اولدقلری صورتده « بزه سزکله برابرز » دیمک ایچوندن . چونکه ؛  
بوتون محاربهیه اشتراک اتمه مکده نفاقلری میداننه چیقهنی جهته اهل ایمان طرفدن  
ضرر کورملری محتملدر .

\*\*

واجب تعالی منافقلرک حاللرینی بیاندن صوکره رسولنده اقتدایه شایان خصلت حمیده  
اولدیغنی بیان اتمک اوزره ﴿لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن  
كَانَ يَرْجُوا اللَّهَ وَالْيَوْمَ الْآخِرَ وَذَكَرَ اللَّهَ كَثِيرًا﴾ بیوریور .

[ ذات الوهیتیمه یمین ایدرم که سزک ایچون اقتدایه شایان اللهک رسولنده محقق خصلت  
حمیده و اخلاق حسنه واردرکه او خصلت اللهک ثوابی امید ایدوب رضاء الهی بی تحصیل  
سعی ایله یوم آخرته ایمان و الهی چوق ذکر ایدن کیمسهلر ایچوندن .]

یعنی ؛ ذات یمین ایدرم که محقق سزک ایچون اللهک رسولنده خصلت حسنه واردرکه  
او خصلته اقتدا کن لازمدر و او خصلت ؛ اللهک ثوابی امید ایدن و آخرتدن قورقان و الهی  
چوق ذکر ایدن کیمسهلره مخصوصدر . چونکه ؛ اللهک ثوابی امید ایتمین و یوم  
آخرته ایمانی اولمیان و الهی ذکر اتمک خاطرینه کلهین کیمسهلر رسول الله اقتدا ایتدکلرندن  
انتفاع ایدهمیه جکلرینه بناء رسول اللهک عادت حسنه سیله انتفاع بونلره تخصیص اولونمشدر .  
رسول اللهک بشریته منفعت اولارق اقتدا اولونا چق خصلتلری صایلماز و توکنمز درجهده  
چوق ایسهده بیضاوینک بیانه نظراً بوآیتده ( اسوة ) ایله مراد ؛ رسول اللهک هربره  
نبانی رحمن و مشفق صبر و تحمل ایتسیر . چونکه ؛ بوندن اولکی آیت امور حریده رسول الله  
اشتراک اتمک ایسته مهین منافقلری ذم حقنده اولسی بوآیتده ( اسوة ) ایله مرادک هربره نبات  
اولدیغنه دلالت ایدر . زیرا ؛ رسول اللهک احد غزاسنده مبارک دیشی شهید اولدی  
ویوزی یارالاندی و عیسی حضرت حمزه شهید اولدی و او یله دهشتلی وقعهلر و شدتلی  
خلاصۃ البیان : اون ایکنجی جلد - ۳



مصائب ظهور ایتدی که بونلرک جمله سینه کوکس کردی و حالنی اصلاً دیکشمه دیکسی کبی هیچ برکیمه به شکایتده دخی بولونمادی و هنرم و مناتنه اصلاً خال کتیرمدی ، بلکه او حالده بیله قومک اصلاً حنه دعا ایتدی . ایشته جناب حق امتنه بوخصلترده رسولنه اقتدای توویه ایله بهمه حال اقتدانک لزومنی بیان ایتدی و بو وسیله ایله امتک نجاتی رسولنه اقتدا ایتمکه اولدیفنی بیلدیردی . بناء علیه انسانلر ایچون الک مهم وظیفه ؛ رسول اللهک سنتنه اتباع ایتمکه سبب نجاتلرینه توسل ایتک و بو وسیله ایله مرحمت الهیه مظهر اولمقدرد .

\* \*

واجب تعالی منافقلرک حاللرینی بیاندن صوکره مؤمنلرک حاللرینی بیان ایتک اوزره  
﴿وَلَمَّا رَأَى الْمُؤْمِنُونَ الْأَحْزَابَ قَالُوا هَذَا مَا وَعَدَنَا اللَّهُ وَرَسُولُهُ وَصَدَقَ اللَّهُ وَرَسُولُهُ وَمَا زَادَهُمْ إِلَّا إِيمَانًا وَتَسْلِيمًا﴾ بیوریور .

[ وقتا که مؤمنلر مدینه اطرافنی احزابک احاطه ایتدیکنی کوردیلرسه آنلر دیدیلر که « ایشته شواحزابک کلمسی اللهک ورسولنک بزه وعد ایتدکری شیدر والله تعالی ورسولی وعدنده صادق اولدیلر . چونکه ؛ خبر ویردکری کبی وقوعات میدانه کلدی » دیمکه ایمانلرینی تقویه ایتدیلر . زیرا ؛ شو کوردکری حاللری آنلره زیاده ایتدی ، الا ایمانلرینی والله ورسولنه اقیادلرینی زیاده ایتدی . ]

یعنی ؛ رسول اللهک خصلت حمیدسنک مؤمنلرده یامش اولدیفنی تأثیرک نتیجاسی اولارق اهل شرکک جماعتلرینی مدینه نک اطرافنی قوشاتمیش کورونجه مؤمنلر دیدیلر که « شو بزم کوردیکمز شی اللهک ورسولنک بزه وعد ایتدیکنی نصرتک وانواع غنائله فوز وفلاحک زمانیدر و بزه کلن احکامک جمله سنده الله تعالی ورسولی صادقلردر . » مؤمنلرک کمال متانت واعلاء کلمه الله ایله دواملری سببیه شو کوردکری شیلر آنلره زیاده ایتدی ، الا آنلرک ایمانلرینی و اقیادلرینی زیاده ایتدی .

تفسیرخازنده بیان اولوندیفنی وجهله مؤمنلرک شو تصدیقلری یالکز خندق وقعه سینه اشارت دکلدرد . چونکه ؛ مؤمنلر اللهک ورسولنک صدقنی بو وقعه دن اولده بیلدکلرندن

بوسوزلری جمیع وقایعه واحکامه اشارتدر . چونکه ؛ نعمت الله افتدینک و بیضاوینک بیانلری وجهله بو وقعه دن اول رسول الله « احزابک اجتماعیه سزک اوزر یکزه امرمشتد اولور ، فقط عاقبت سزک منفعتکزه آنلرک مضرتنه در » دیوردی . دیگر بر حدیثنده رسول الله « احزاب یا طقوزنجی و یا اونجی کیجه دنصکره سزه کلرلر » بیوردی . رسول الله دن ایشیتدکری کبی وقعه ظهور ایدنجه اصحاب کرام « الله تعالی ورسولی صادقدر » دیدیلر . مؤمنلرک بوسوزلری منافقلرک « الله تعالی ورسولی بزه ضرور وعد ایتدیلر . » دیدکری سوزلرینه مقابلدر . شو قدرکه بوسوزلریله مؤمنلر ایمانلرینی تقویه و منافقلرده ایمانلری اولمادیفنی اظهار ایتدیلر .

\* \*

واجب تعالی مؤمنلرک خندق وقعه سنده وسائر وقعاتلرده کورمش اولدقلری شیلرک ایمانلرینی زیاده ایتدیکنی بیاندن صوکره اهل ایمانک عهدلرینی ایفا ایتدکری بیان ایتک اوزره  
﴿مِنَ الْمُؤْمِنِينَ رِجَالٌ صَدَقُوا مَا عَاهَدُوا اللَّهَ عَلَيْهِ﴾ بیوریور .

[ اعلاء دین ایچون سعی ایدن مؤمنلردن برچوق رجلر واردر که اللهله عهد ایتدکری شیلری ایفا ایتمکه صداقت ایتدیلر . ] زیرا ؛ الله قارشى ویردکری عهد و نذرلرینی ایفاده قصور ایتدیلر و هریرده رسول اللهله برابر ثبات ایدرک طرف رسالتدن کندیلرینه تعیین اولونان محله صف قتالده دشمنه قارشى کوکس کردیلر و فرمان رسالته انقیاد ایتدیلر .

﴿فَمِنْهُمْ مَنْ قَضَىٰ نَحْبَهُ وَمِنْهُمْ مَنْ يَنْتَظِرُ﴾

[ شومزایای عالیله بیجامع اولان مؤمنلردن بعضیلری اجلنی قضا ایدوب شهید اولونجهیه قدر چالیشدی و شربت شهادتی ایچدی و ربسنک رضاسنه قاووشدی و بعضیلری ده مرتبه شهادته انتظار ایتدیلر و لکن مقاتله دن سلامتله چیقدی و ایکنجی بر محاربه نک وقوعنه انتظار ایتدی . ]

﴿وَمَا يَدَّبَلُوا تَبْدِيلًا﴾

[ و عهدلردن هیچ بر شیئی ولو آزیحق برتبدیل ایله دخی تبدیل ایتدیلر . ]



یعنی ؛ دین الہینک شانی اعلا ایچون عزم ایدن اہل ایماندن برچوق عہدندہ ثبات ایدن بہادر وشجاعت کاملہ صاحبی ارکیکلر وارد رکہ آنلردن (حمزہ) ، (مصعب بن عمیر) و (انس بن النضر) رضی اللہ عنہم کبی نذرلرینی واجلارینی قضا ایدنجہیہ قدر سعی ایدنلر اولدی . بناء علیہ ؛ اعداء دینلہ مقاتلہدن دونیمہ جککرینہ دائر ویردکلی عہدلرندہ ثبات ایتدیلر ومؤمنلردن بعضیلری (عثمان) و (طلحہ) وسائرہ کبی ذواتہ مقاتلہیہ دواملہ مرتبہ شہادتہ انتظار ایتدیلر وبونلر کمال متانت وثبات وایمانلرندہ اخلاصلرینہ بناء کوردکلی مشقتہ رغماً عہدلرندن هیچ برشی تبدیل ایتدیلر . بناء علیہ ؛ غالب اولدقلرندہ عہدلرندہ نصل ثبات ایتدیلر ایسہ مغلوب اولدقلرندہ دخی عین ثباتی کوستردیلر .

نحب ؛ بیضاوینک بیانی وجہلہ نذر معناسنہ ایسہدہ بومقامدہ موت معناسندہ مستعمل در . چونکہ ؛ ذی روح اولان مخلوق ایچون اجانی ایفا ایتک واجب اولان نذر کبی لازم اولدیغندن «نجفی» یعنی نذرینی قضا ایتدی «دیمک» موتی قضا ایتدی «دیمکدر» جناب حق بوآیتدہ رسول اللہک اصحابی وآنلرک اثرینہ اتباع ایدن بالجملہ اہل ایمانی ثبات ایتدیکی کبی منافقلرک ثباتسزلقلہ متہم اولدقلرینہدہ تعریض ایتشدہر .

\*\*

واجب تعالی مؤمنلرک و منافقلرک حاللرینی بیاندن صوکرہ آنلرک ہر برینک مستحق اولدقلری نتیجہی بیان ایتک اوزرہ ﴿لِيَجْزِيَ اللَّهُ الصَّادِقِينَ بِصِدْقِهِمْ وَيُعَذِّبَ الْمُنَافِقِينَ إِنْ شَاءَ أَوْ يَتُوبَ عَلَيْهِمْ﴾ بیوریور .

[ اہل ایمان عہدلرندہ ثبات ایتدیلر و منافقلردہ عہدلرینی نقض ایتدیلر کہ اللہ تعالی صادقلرہ صدقلری سبیلہ حسن جزا ویرہ و منافقلردہ نفاقلری سبیلہ دیلرسہ عذاب ایدہ و یاخود آنلر اوزرینہ توبہ توفیق ایتککہ توبہلرینی قبول ایدہ . ]

﴿إِنَّ اللَّهَ كَانَ غَفُورًا رَحِيمًا﴾

[ زیرا ؛ اللہ تعالی توبہ ایدنلرک توبہلرینی قبول ایلہ مغفرت و کناہلرینی عفو لہ مرحمت ایدر . ]

یعنی ، صادقلری عہدلرینی وفا و نذرلرینی قضا ایلہ صداقت ایتدکارندن صداقلرینہ مناسب بر جزا ایلہ اللہک جزا لاندیرمی ایچون و منافقلرکدہ نفاقلری سبیلہ عہدلرینی نقض ایتدکارندن نقض عہدہ مناسب بر جزا ایلہ جزا لاندیرمق و دیلرسہ تعذیب و یاخود توبہ ایدرلرسہ توبہلرینی قبول ایتک ایچون مؤمنلر عہدلرندہ ثبات و منافقلردہ عہدلرینی نقض ایلہ تبدیل و تغیر ایتدیلر . زیرا ؛ اللہ تعالی توبہیہ موفق اولانلرک کناہلرینی ستر ایدیچی و توبہلرینی قبول ایلہ آنلرہ مرحمت بیوریجیدر .

تفسیر طبریدہ بیان اولوندیغنه فظراً بوآیتک پدر وقعہ سندہ مشرککلہ مقاتلہ ایتک اوزرہ عہد ایدوب ثبات ایدن اہل ایمان حقندہ نازل اولدینی مرویدر .

خلاصہ ؛ مؤمنلردن برطاقم کیمسلر اولوب آنلر اللہلہ عہدلرندہ ثبات ایتدکلی و آنلردن بعضیلری مرتبہ شہادت احراز ایدوب موتی قضا ایدنجہیہ قدر اغلاء کلمہ اللہ ایچون چالیشدقلری و بعضیلری دہ مرتبہ شہادت احراز ایتککہ انتظار ایدرک دشمنلہ مجاہدہیہ دوام ایتدکلی و عہدلرندن هیچ برشی فدا ایتدکلی کبی حاللرینی اصلاً تبدیل ایتدکلی و منافقلر ایسہ بونلرک عکسنہ اولدینی و مؤمنلرلہ منافقلرک بو حاللرندہ کی حکمت ؛ اللہ تعالی نک صادقلری صدقلری سبیلہ حسن جزا ایلہ مجازات و منافقلری نفاقلری سبیلہ تعذیب و یاخود توبہ ایدرلرسہ آنلر اوزرینہ توبہلرینی قبول ایتک اولدینی بوآیتلردن مستفاد اولان فوائد جملہ سندندر .

\*\*

واجب تعالی مؤمنلرک عہدلرندہ ثباتلرینی بیاندن صوکرہ کافرلری رد ایتدیکی بیان ایتک اوزرہ ﴿وَرَدَّ اللَّهُ الَّذِينَ كَفَرُوا بِغَيْظِهِمْ لَمْ يَنَالُوا خَيْرًا﴾ بیوریور .

[ اللہ تعالی کافرلری شدت غیظلریلہ برابر اہل ایمان اوزرندن رد ایتدی . بناء علیہ ؛ کافرلر امید ایتدکلی ظفرہ و مؤمنلر اوزرینہ غلبہ کبی کندیلرنجہ برخیرہ نائل اولامادیلر . ]

﴿وَكَفَى اللَّهُ الْمُؤْمِنِينَ الْقِتَالَ﴾



[ الله تعالى مؤمنان طرفدن کافرله قتاله کافدره ] بناء عليه خندق غزاسنده ملککر وروز کارله کافرلری طرد ایتدیکندن مؤمنلر قتاله حاجت مس ایتدیرمدی .

﴿ وَكَانَ اللَّهُ قَوِيًّا غَنِيًّا ﴾

[ زیرا ؛ الله تعالى ایستدیکنی ایجاده قادر وبالعموم دشمنلرینه غالبدر . ]

یعنی ؛ الله تعالى شول کیمسه لک قهر و غلبه لرینی مؤمنلر اوزرندن رد ایتدی که آنلر قریش و غطفان و یهوددن مرکب اون بیکی متجاوز کافرلر ایدی که مؤمنلره شدت غضبلرله برابر کال جسامتله مدینه اطرافه کله رک اهل ایمانی تضییقه باشلامشیلردی . آنلرک چوققلرلی وقوتلری و اهل ایمانه شدت عداوتلرله برابر جناب حق آنلری ملککر و شدتلی روز کارایله طرد ایتدی . بناء علیه ؛ آنلر خائب و خاسر اولارق دوندیلر و امید ایتدکری شیلردن کندیلرنجه هیچ بر خیره نائل اولامادیلر . چونکه ؛ الله تعالى مؤمنلرک آنلره قتاله کافی امداد ایتدیکندن مؤمنلردن هیچ بر کیمسه نک آنلره مقاتله سنه احتیاج مس ایتدیرمکسزین آنلرک جمله سنی دفع ایتدی . زیرا ؛ الله تعالى ذاتنده قوت صاحبی و دوستلرینه قوت ویرر و هر کسه غالبدر و سودیکی قوللرینه معاونت ایدر .

\*\*

واجب تعالى خندق وقعه سنده رسوای اولارق مشرککری مملکتلرینه رد ایتدیکنی بیاندن صوکره مشرکله معاونت ایدن بنی قریظه یهودیلرینک اهلاکنی بیان ایتک اوزره .

﴿ وَأَنْزَلَ الَّذِينَ ظَاهَرُوهُمْ مِنْ أَهْلِ الْكِتَابِ مِنْ صَيَّاصِهِمْ ﴾ بیوریور .

[ الله تعالى اهل کتابدن مشرکله ظهیر اولوب معاونت ایدن کیمسه لرلی محکم قلعهلرندن ایندیردی . ]

﴿ وَقَدْ فِ قُلُوبِهِمُ الرُّغْبَ ﴾

[ و آنلرک قلبلرینه قورقو قویدی . ]

﴿ فَرِيقًا تَقْتُلُونَ وَتَأْسِرُونَ فَرِيقًا ﴾

[ آنلردن ارکک فرقه سنی سز قتل ایدرسکسز و قادینلر و چوققلر فرقه سنی سز اسیر ایدرسکسز . ]

﴿ وَأَوْزَثَكُمْ أَرْضَهُمْ وَدِيَارَهُمْ وَأَمْوَالَهُمْ ﴾

[ والله تعالى سزی آنلرک اراضیلرینه و مملکتلرینه و ماللرینه وارث قیلدی . ]

﴿ وَأَرْضًا لَمْ تَطُوهَا ﴾

[ والله تعالى سزی بر ارضه وارث قیلارکه سز او ارضه اصلا آفاق باصمادیکسز . ]

﴿ وَكَانَ اللَّهُ عَلَى كُلِّ شَيْءٍ قَدِيرًا ﴾

[ حالبوکه الله تعالى هر شیئه قادردر و قدرته دلیل اولارق بونلرک جمله سنی سزه ویرر و دشمنلرکری اهلاک ایدر . ]

یعنی ؛ الله تعالى مشرککک قتاللرینه کفایت ایتدکدنصکره مشرککک معاونلری اولان یهودیلرک مؤنتلرینه کفایت ایچون آنلری جسم قلعهلرندن آشانی ایندیردی و قلبلرینه قورقو قویدی و آنلردن حربهمقدر اولان رجال فرقه سنی سز قتل ایدر و نسوان و صبیان فرقه سنی اسیر ایدرسکسز و الله تعالى آنلرک باغلرینی و باغچهلرینی و تارالارینی و اولرینی و ماللرینی سزه ویرر و آنلره سزی وارث قیلار و سزی بر ارضه دها وارث قیلارکه او ارضی اصلا کورمدیکسز و آفاق باصمادیکسز . زیرا ؛ الله تعالى هر شیئه قادردر .

بو آیت ؛ مدینه جوارنده یهوددن مشرککله معاونت ایدن ( بنی قریظه ) غزاسنی تصویر ایدر . بیضاوی ، خازن ، طبری و مدارک بیانلرینه نظر آغزانک تفصیلاتی شویله در : خندق وقعه سنده مشرککرمهزم اولارق رجعت ایدوب عساکر اسلامیه ایله برابر رسول الله مدینه منوره یه کلوب هر کس البسه لرینی دیکشمک و توز و طوبراقلرینی سیلمک اوزرنده ایکن جبریل امین کلدی « یارسول الله ! سز سلاحکری چیقاردیکسز و لکن ملککله هنوز سلاحلرینی چیقارمادیلر . بناء علیه ؛ الله تعالى قریظه قبیله سنه سفریکی امر ایتدی « دینجه رسول الله همان البسه سنی کیندی و « ایشیدن و اطاعت ایدن ایکندی نمازینی بنی قریظه قلعه سنی اوکنده قیلسون « دییه رک دلال ندا ایتدیردی . رسول الله سنجانی حضرت علی یه



ویردی و امر رسالته امثالاً عسا کر اسلامیه تجمع ایده رک ایکندی نمازینی بنی قریظه  
قلعه سنک اطرافنده قیلدیلر و قلعه لرینی یکرمی بش کون محاصره دن صوکره یهودیلر  
تسلیمه مجبور اولدیلر. رسول الله کیمک حکمنه راضی اولاجقلرینی سؤال ایتدی آنلرده  
(سعد بن معاذ) حضرتلرینک حکمنه راضی اولدیلر. (سعد) حضرتلری راحتسزلقه  
بناءً مدینه ده قالمشدی. مدینه دن کتیرلدی و (سعد) حضرتلری کندينک حکمنه راضی  
اولوب اولیه جقلرینی طرفیندن سؤال ایتدی. طرفین راضی اولدقلرینی سوبله بنجه سعد  
«مقاتله ایدن رجالک قتللری وقادینلرله چوجقلرک اسیر اولملری ایله» حکم ایتدی. بو حکم  
اوزرینه قریظه یهودیلرینک ارکسکلری قیلیجندن کچدی و قایلرله چوجقلری اسیر ایدلدیلر  
وماللری و اراضیلری غزات مسلیمنه ویرلدی و مدینه بنی قریظه اندیشه سندن قورتولدی.  
(ظاهر و هم) یهودیلر مشرکله مظاهرت ایتیلر دیمکدر. چونکه یوقاروده بیان  
اولوندینی وجهله بنی قریظه مشرکله اتفاق ایده رک خندق وقعه سنده مشرکله برابر  
اهل ایمان علیه محاربه قیام و مشرکله تشریک مساعی ایتشلردی. جناب حق رسولنه  
انتقامی المسی امر ایتدی. چونکه اسلامیتک تمامیه تأسیسی؛ مدینه اطرافنک یهوددن  
تمیزله تمسیه اولاجقندن آنلردن تمیزله تمک و اهل اسلامک آنلرک اندیشه لرندن قورتولق زمانی  
کلتشدی و زمان فوت ایتکده مصاحته موافق دکلدی. زیرا؛ متفقلری منزهماً رجعت  
ایدوب یهودیلرک نه یاجقلرینی شاشدقلری برزمانده آنلرک ایشنی یتیرمک دیانت اسلامیه نک  
اعلاسی ایچون اساسات جمله سندن اولدینی جهتله جناب حق درحال آنلر اوزرینه غزا ایتسنی  
حییینه امر ایتدی.

(صیاصیم) صیصیه نک جمعیبر. صیصیه؛ محکم قلعه و صیصیه بربر. چونکه؛  
آنلرک کنديلرینه کوره محکم برقلعه لری واردی و اهل اسلامه قارشى سلاحه صاریلدقندن  
صوکره مشرکله فرار ایتلری اوزرینه مذکور قلعه یه چکیلمشلسده (الحائن خائف)  
فجواسنجه هر طرفلرینی قورقو احاطه ایتشدی. ایشته تام او زمانده عسا کر اسلامیه  
اطرافلرینی صاردی. برمدت محاصره دن صوکره تسلیمه مجبور اولارق (سعد) ک حکمنه  
راضی اولدیلرکه شوخالده برقسمنک قتل و دیگر برقسمک اسیر اولمسنه کنديلری راضی  
اولدیلر دیمکدر.  
ایشته بوکی شیلر قدرت الهیه نک کماله دلالت ایدر. چونکه؛ نه غریب تجلی

سبحانی و نه عجیب صنع الهی درکه دونکی کون سل سیف ایدوب مقتدر اولسلر برقردینی  
براق ایا جقلری اسلام عسکرلرینه بوکون کنديلری تسلیم اولوب وکندی حکملرینی  
کنديلری ویرمکه آنلرک قیلجقلری اوکنده بویونلرینی بالرضا اوزاتیورلر. چونکه؛  
بو حکمی ویرن (سعد) حضرتلری ایسه ده آنلر (سعد) ک حکمنه راضی اولدقلرندن  
کندی حکملرینی کنديلری ویرمش اولدیلر و بالطبع (سعد) ک حکمنه رضادن  
باشقه ده چاره لری یوقدی.

اهل ایمانک آیاق باصمادقلری ارض ایله مراد؛ فارس و روم اراضیلری کی  
الیوم القیام اهل اسلام انده فتح اولناهن اراضیلر. چونکه؛ اوزمان هنوز  
اسلام عسکرینک آیانی باصمیان بر چوق اراضیلره جناب حق اهل اسلامی وارث قیلمله  
بو آیتک سری ظهور ایتشدی و الیوم القیامده ایده جکدر.

\*\*\*

واجب تعالی رسولنی یهودیلرک اندیشه سندن قورتاردیغنی بیاندنصکره عائله تشکیلاتی  
تنظیم ایتک اوزره ﴿يَا أَيُّهَا النَّبِيُّ قُلْ لِأَزْوَاجِكَ إِن كُنْتُنَّ تُرِدْنَ الْحَيَاةَ الدُّنْيَا  
وَزِينَتَهَا فَتَعَالَيْنَ أُمَتِّعْكُنَّ وَأُسَرِّحْكُنَّ سَرَاحاً جَمِيلاً﴾ بیوریور.

[ای] بنی ذی شان! سن زوجه لرکه خطاباً دی که «اگر سز حیات دنیایی  
وزینتی مراد ایدرسه کز کلک بن سزک راضی اولاجقکز وجه اوزره متعه ویریم  
وسزی سنت وجه اوزره طلاق رجعی ایله تطلیق ایدیم.»

﴿وَإِنْ كُنْتُنَّ تُرِدْنَ اللَّهَ وَرَسُولَهُ وَالذَّارَ الْآخِرَةَ فَإِنَّ اللَّهَ أَعَدَّ لِلْمُحْسِنَاتِ  
مِنْكُمْ أَجْراً عَظِيماً﴾

[«واگر سز الهی و رسولنی و دار آخرتی مراد ایدرسه کز الهی و رسولنی راضی  
ایتمش اولورسکز. زیرا؛ سزدن رضاء الهی دنیای متاعی اوزرینه ترجیح ایده رک  
احسان ایدنلره الله تعالی بویوک اجر حاضرلادی.»]



یعنی ؛ ای — دنیای ترکله افتخار ایدن نبیّ ذی شان ! سندن دنیا متاعنه رغبت ایدره رک کسوه و نفقه ده فضله طلبده بولونان ازواج مطهراتکه دی که ای — زوجه لرم ! اکر سز حیات دنیای وزینتی و آرزو ایتدیککز طعام و البسه ایسترسه کز کلک بن سزه متعه و یرهم و متعه یی و یرد کدن صوکره طرفینک رضاسیله سزه طلاق و یرهم که او طلاقده اصلاً بدعت اولماسون و سنت وجه اوزره اولسون و اکر سز دنیای ایسته مزده اللهک لطفی و رسولنک رضاسنی و دار آخرتده اهل ایمان ایچون حاضر لانا ثواب آخرتی ایسترسه کز سزک ایچون البته خیری اولور . زیرا ؛ سزدن رضاء الهی یی طلب ایدن ارباب احسانه الله تعالی آخرتده بویوک اجر احضار ایتدی « دیمکه زوجه لریکی دنیا ایله آخرت بیتده مخیر قیل .

قاضی و خازنک بیانلرینه نظراً بوآیتک سبب نزولی ؛ ازواج مطهراتک رسول اللهدن زیاده نفقه و زینت ایچون البسه ایسته ملریدر . چونکه ؛ ازواج مطهرات رسول اللهدن زیاده نفقه و زینت ایچون فضله البسه ایسته مکله برابر یکدیگرینه غیرتله رسول الهی راحتسز ایدره جک بعضی معامله ده بولونملری اوزرینه رسول الله بر آی یانلرینه کلمدی و اصحاب آره سنده جناب رسالتک حرملرینه طلاق و یردیکی شایع اولونجه رسول اللهدن حضرت عمر سئوال ایتدی و طلاق و یرمدیکنی اصحاب آره سنده اعلان ایتدی . بونک اوزرینه جناب حق بوآیتی ازال ایله ازواج رسول الهی مخیر قیلدی و بوآیت نازل اولدیغنده رسول اللهک تحت نکاحده بشی قریشدن و دردی قریشک غیردن طقوز خاتونی واردی . قریشدن اولانلر : ابوبکرک کریمه سی ( حضرت عائشه ) و حضرت عمرک کریمه سی ( حفصه ) و ابوسفیانک کریمه سی ( ام حبیه ) و ابوامیه نک کریمه سی ( ام سلمه ) و زمعه کریمه سی ( سوده ) رضی الله عنهم در . قریشک باشقه سندن اولانلر : حش کریمه سی ( زینب ) بنی اسدنددر . حارث کریمه سی ( میمونه ) هلالیه قبیله سندندر . حی ابن اخطب کریمه سی ( صفیه ) یهود خیبردندر . حارثک کریمه سی ( جویریّه ) بنی مصطلقنددر رضی الله عنهم . بوآیت نازل اولونجه رسول الله ازواج مطهراته برر برر تبلیغ ایتدی و هر برینی مخیره قیلدی و جمله سی اللهک رضاسنی و رسولنی و دار آخرتی ایسته مکله دائره سعادتده قالدیلر .

( فتعالین امتعن ) کلک به سزه منعه و یرهم دیمکدر . متعه ؛ طهره زمانی زوج

طرفندره هانوره و بریان برقات البسدر . ( سراحاً جمیلاً ) بوآیتده سراح ؛ طهره معناسنده در . فقط طلاقک سنت و بدعت ایکی قسمی اولدیغندن جناب حق رسولی طلاق و یررسه سنت وجه اوزره اولمق لازم اولدیغنه اشارت ایچون طهره معناسنه اولان سراحی جمیل ایله توصیف ایتمشدر که عندالله طلاقک مقبول اولانی سنت وجه اوزره اولان طلاق اولدیغنه اشارتدر . سنت اولان طلاق ؛ هانورنک مال طهراتنده رجعی اولور بر طهره و یرمکدر که طرفیندن ندامت و قوعبولورسه رجعت ایدره بیلسون . ایسته طلاق رجعی ؛ صریح طهره لفظیه و یا خود بین الناس صریح مقامنده استعمال اولونانه الفاظیه بر دیا ایکی طهره و یرمکدر که ایجابنده زوج رجعت ایدرسه خاتون باشقه قوجهیه کیده مز . بدعت اولان طلاقه کنجه ؛ یکدره اوج طهرتی ایقاع اتمکدر . طلاق حیض حالنده اولورسه بدعتک ده اشدی در .

\*\*

واجب تعالی ازواج مطهراتی مخیره قیلدندن صوکره رسول الله اذی و یرد جک شیلرک جمله سندن منعله حسن آدابیه دعوت ایتک اوزره ﴿ يَا نِسَاءَ النَّبِيِّ مَنْ يَأْتِ مِنْكُنَّ بِفَاحِشَةٍ مُّبِينَةٍ يُضَاعَفْ لَهَا الْعَذَابُ ضِعْفَيْنِ وَكَانَ ذَلِكَ عَلَى اللَّهِ يَسِيرًا ﴾ بیوریور .

[ ای — نبیّ ذی شانک خاتونلری ! اکر سزدن بریکز هر کسک سومیه جکی فنا بر معامله کتیر و چیرکین بر ایش ایشلرسه آنک ایچون عذاب ایکی قات قیلنور . ایسته شوقنا عمل ایشله یزلره عذاب ایکی قات قیلمق الله تعالی اوزرینه غایت قولایددر . ]  
یعنی ؛ ای — آخر زمان نیسنک حرملری ! اکر سزدن بریکز فنانی میدانده و کناه اولدینی هر کسجه معلوم اولان برجرم ایشلرسه اکا عذاب ایکی قات اولور . زیرا ؛ سائر قادینلر اوزرینه سزک شرفکز اولدینی جهتنه اصل کناهی ارتکابکز بر عذابه سبب



اولدینی کی شرف کزله برابر ایشله مکزده آریجه بر عذابہ دخی سبب اولدیغندن سزک ایچون بر کنهه ایکی عذاب وارد و بر کنهه ایکی عذاب و بر مک الله تعالی نک اوزرینه قولاید. بو آیتده نسانک نجیه اضافتی ازواج مطهراته تعظیم ایچون اولدینی و مطلقاً کنههلردن اجتناب ایتک هر کسه لازم اولدینی کی آنلره هر کسدن دهه زیاده لازم اولدیغنه اشارت ایچوندر. چونکه هر زمان صحبت نجی ایله مشرف اولدقلرندن بوتون مزایای انسانیته نک اک اعلاسی آنلرده بولونق ایجاب ایدر. بناء علیه؛ آنلرک عذابلرینک ایکی قات اولمسنده کی حکمت؛ فخر ازینک بیانه نظراً ایکیدر: برنجیسی؛ نسوان سائر کی کنههک اساسنده اولان مفاسد دنطولای عذاب اولوندقلری کی شرف نجی اخلاص ایتمکه قلب نبویلرینی رنجیده ایتدکلی ایچون دخی عذاب اولونورلر و رسول اللهک هر کسه کندی نفسندن دهه اولی اولسی نص ایله ثابت اولدینی حالدہ باشقه سنی رسول الله اوزرینه ترجیح ایتک جنایتی ارتکاب ایتکده وارد. ایکنجیسی؛ ازواج مطهرات جمله امتک والدہلری مثابه سنده اولدقلری جهته حره و سائر نسوان جاریه مثابه سنده اولدقلرندن حره نک جاریه به نسبتله عقوبتی ایکی قاندر. بناء علیه؛ ازواج مطهراتک عقوبتلری ایکی قاندر. حتی انبیاء عظامک کریمه لرندہ دخی حال بویله در. شو حالدہ «بر کنهه ایکی عذاب ظلمدر، حالوکه جناب حق ظلمدن منزهدر. بناء علیه؛ ازواج نینک عذابلری دهه بر اولمق لازم کلیر، دنیه من. چونکه بیان اولوندینی وجهله اصل کنهه؛ کنهه اولدینی کی نبوتک شرفی اخلاص ایتکده آریجه بر کنهه اولدیغندن ایکی کنههه مقابل ایکی عذاب دیمکدر، فقط اساسی بر کنهه اولمق اعتباریله بر کنههه ایکی عذاب دنیلمشدر.

خازنک بیانی وجهله بو آیتده فاحشه ایله مراد؛ زنا اولدیغنه نظراً آیت فرضیاته محمولدر. بوکا نظراً معنای آیت: [ای نسوان نجی! بالفرض والتقدير سزدن زنایه جرأت ایدن اولسه آنک عذاب ایکی قات اولور] دیمکدر. چونکه؛ ازواج مطهرات فحشیاتدن بریدر. زیرا؛ واجب تعالی نک منصب نبوتی بومثللو معیادتدن حفظ ایده چکی عقلاً و نقلاً معلومدر.

فاحشه نک رسول الله ناشزه لک و کونو افهوه معنانه اولدینی ابن عباس حاضر تدرندن

مرویدر. بوکا نظراً معنای آیت: [ای نسوان نجی! سزدن بریکز رسول الله اذی ویره جک اخلاقده بولونورسه کز عذابکز ایکی قات اولور] دیمکدر. بو آیتده فاحشه ایله مراد؛ هیرکین اولدینی شرعاً و عقلاً و عرفاً ظاهر اوزره معصیت اولدیغنه اشارت ایچون واجب تعالی فاحشه نجی مینه لفظیله توصیف ایتمشدر. ازواج مطهراتک رسول اللهک تحت نکاحنده بولونملری و صحبت نجی ایله مشرفه اولملری الله عذابی دفع ایده میه چکنه اشارت ایچون جناب حق آیتک آخرنده عذابک ایکی قات اولسی اللهک اوزرینه قولای اولدینی بیان ایتمشدر. چونکه؛ الله تعالی ایچون هر شی قولاید، قدرة الله نسبتله کوچ بر شی اولاماز.

..

يکرمی ایکنجی جزو

واجب تعالی ازواج مطهراتدن معصیتک صدوری تقدیرنده عذابک ایکی قات اولاجغنی بیاندن صوکره باشقه قادینلره نسبتله عبادتلرینک ثوابی دهه ایکی قات اولاجغنی بیان ایتک اوزره ﴿وَمَنْ يَفْعَلْ مِنْكُمْ صَالِحًا نُؤْتِهَا أَجْرَهَا مَرَّتَيْنِ وَأَعْتَدْنَا لَهَا رِزْقًا كَرِيمًا﴾ بیوریور.

[ای ازواج نجی! اگر سزدن بر کیمسه الله ورسولنه اطاعت ایدر و عمل صالح ایشلرسه آکا عملنک ثوابی ایکی کره و بریزو آنک ایچون کوزل رزق حاضر لارزه.] چونکه؛ الله ورسولنه کمال تواضعله انقیاد اوزره واجب اولان اعمالی تماماً ایشله مکله محرمانی بالکلیه ترک ایدوب واجبات اوزرینه نافله عمل علاوه ایده رک دوام ایدنجه بر کره اصل طاعت اوزرینه و بر کرده قناعت و حسن معاشرتله رسولنک رضاسنی طلبه سعینه مقابل اجر و بریز و اعمال صالحه سی سببیه مستحق اولدینی ثواب اوزرینه جنت و جتده رزقلر حاضر لارزه که اورزق عین کرامت و لطف و احساندر.



نعمت الله افنديك بياني وجهله جنتده رزق ايكيمر : برنجيسي ؛ رزق صوريور كه  
نفسلريك ايسه ديكى وكوزلك تلمذ ايتديكى غداي هممايوره . ايكنجيسي ؛ رزق مغيرور كه  
جمال السهرى بي مشاهده اناسنده عارصه اولاده غداي روحانى ومهالت مغيرور . رزق  
آخرت كسب وتحصيل ايتك واكين اتمك وباغ ديككم وآخردن كوزمك كى مشقتلردن  
سالم اولسنه بناء جناب حق آخريتك رزقى كرم ايله توصيف ايتمدر . چونكه ؛ دنيايه  
بيله كريم اولان كيمسه نك كرمنده اكرام اولونان كيمسه يه مشقت اولماديغى كى جنت  
اعلانك رزقنده اهل جنته اصلا مشقت اولماديغندن جنتك رزقى كريم دينمكه شاياندر .

\*\*\*

واجب تعالى ازواج مطهراتك ثوابلرى و كناهلرى ايكى قات اولديغى بياندن صوكره  
كرك ثواب و كرك عذابلرينك ايكى قات اولسنگ سيني بيان ايتك اوزره ﴿ يَا نِسَاءَ النَّبِيِّ  
لَسْتُنَّ كَأَحَدٍ مِنَ النِّسَاءِ إِنَّ اتَّقِيْتَنَّ فَلَا تَخْضَعْنَ بِالْقَوْلِ فَيَطْمَعَ الَّذِي فِي قَلْبِهِ  
مَرَضٌ ﴾ بيوريور .

[ اى نساء نبى ! اكر اتقا ايدر اللهدن قورقارسه كز سز نسوان عالمدن هيچ  
بريسى كى اولماديكز . زيرا ؛ سز شرفده جمله سندن زياده سكز . بناء عليه ؛ سز رجاله سوز  
سويله ديك كزده كال خضوع ولينته سويله مهيك كه قلبنده مرض وفالق اولان كيمسه نك  
طمعنى جلب ايتيه سكز . ] چونكه ؛ غايت يوموشاق واطيف سويله مك قلبنده فسق وفجوره  
ميلي اولان كيمسه نك طمعنى جلب ايدر . شوخالده لينته وجاذبهلى برصدا ايله سويله مهيك كه  
فاسق اولان كيمسه سزه طمع ايتسون .

﴿ وَقُلْنَ قَوْلًا مَعْرُوفًا ﴾

[ وسوز سويله مك ايجاب ايتديكنده شرعه موافق معروف وجهله قلبنده فسق  
وفجور خسته لنى اولانلرك طمعنى جاب ايتيه جك درجده سويله مك . ]

يعنى ؛ اى ازواج مطهرات ! سز نسوان عالمدن هيچ برخاتونه قياس اولونماز سكز .  
زيرا ؛ سزك تحت نكاحنده بولونديغكز رسولز جمله انبيانك افضل اولديغى جهته آنك  
شرفيله مشرف اولديغكزدن سزك شرفكز نسوان سائرهنك شرفدن البته زياده در .  
بناء عليه ؛ اوشرفدن غفلت ايتيوب آنك مقتضاسنى يرينه كتيرمك وهوا وهوسكزك  
آرزوسنى ترك ايتك لازمدر . شو حالده سزه لايق اولان ؛ تقوى ايله تزيين ايتمدر .  
بناء عليه ؛ اى ازواج نبى ! اكر سز واجباتى ادا ومحرماتدن اجتناب ايتك صورتيله  
اتقا ايتك ايسترسه كز سزه محرم اولمايان بر كيمسه ايله سوز سويله شمك اقتضا ايتديكنده  
سوزيكزى اجانبه قارشى انجه واطيف صورتده طائلى سويله مهيك كه قلبنده معصيت خسته لنى  
اولان كيمسه سزك سوزيكزده كورديكى لطافت سبيله سزه طمع ايتسون وشرعاً مقبول  
اولان سوزى سويله مك ، لكن سويله ديك كز سوز فتنه سبب اولسون . يعنى « جاذبهلى  
واجبى شبهه دوشوره جك بر حالده ادالى وناز واستقنا ايله سويله مهيك » ديمكدر .

واجب تعالى بو آيتده ازواج مطهراتى معصيتدن نهى ايتديكى كى معصيتك مقدماتندن  
دخى نهى ايتمدر . چونكه ؛ بر شيتك سببنده او شيتك حكى واردر . بناء عليه ؛ بر  
كناه فصل حرام ايسه او كناهه سبب دخى اويله جه حرامدر . كچه بو آيت ازواج  
مطهرات حقنده نازل اولمش ايسه ده جناب حق بو آيتله جمله اهل ايمان قادينلرينه  
عندالاقضا اجنبى اولان كيمسه ايله سوز سويله شمه نك آدابى بيان ايتديكى كى قادينلرك  
صدالرى دخى نامحرم اولوب اقتضا ايتدكجه اجانبه سوز سويله مك جائز اولماديغنه اشارتله  
اهل اسلام قادينلرينه بر درس ادب و بر مشدر . حتى اجانبه سوزه ضرورت واحتياج  
مس ايتديكنده بيله نزا كتلى وجاذبهلى سويله مك جائز اولماديغى بيان ايتمدر . بناء عليه ؛  
اجانبه سوز سويله شه جك خاتونك غاظلى و بر درجه خوشنتلى يعنى سرت سويلسى لازم  
اولديغى خازنك جمله بياناسنددر .

\*\*\*

واجب تعالى ازواج مطهراته اجانبه سوز سويله نك آدابى بياندن صوكره طائفة



نسوانه لازم کلن وظائف سائرہ فی بیان ایتک اوزرہ ﴿وَقَرْنَ فِي بُيُوتِكُنَّ وَلَا تَبَرَّجْنَ تَبَرُّجَ الْجَاهِلِيَّةِ الْأُولَى﴾ بیوریور .

[ سز او یکزده قرار ایدک طشره چیقمایک و جاهلیه اولی قادینلرینک زینتلیرینی اظهار ایتدکاری کی زینتکزی اظهار ایتدیک . ]

﴿وَأَقِمْنَ الصَّلَاةَ وَآتِينَ الزَّكَاةَ وَأَطِعْنَ اللَّهَ وَرَسُولَهُ﴾

[ و نمازیکزی ادا ایدک و زکاتکزی و یرک واللہ و رسولہ اطاعت ایدک . ]

یعنی ؛ ای ازواج النبی ! سز خانه لریکزده قرار ایدک و سکونت و وقار اوزرہ اولریکزده اقامت ایتک سزک اوزریکزه واجبد و ضرورت مس ایتدیکه اجانبه کوزونمیک که کندی مرتبه کزه رعایت ایتش اولاسکز و اگر ضرورت ایجاب ایدرده خانه کزک خارجہ چیقارسه کز جاهلیه زمانک قادینلری کی زینتکزی اظهار ایدوب اجانبه کوسترمیک که آنلرک طمعلریخی تحریک ایدرک فتنیه سبب اولیه سکز و فرض اولان نمازلریکزی شرطلریه رعایت ایدرک ادا ایدک که ارکان دیندن مهم اولان وظیفه کزی یرینه کتیرمش اولاسکز و فرض اولان زکاتکزی ادا ایدک که دنائت بخلدن نفسکزی تطهیر ایتدیککز کی دنیا به شدتله محبت مرضندن قورتولمش اولاسکز واللہ و رسولہ اطاعت ایدک که دنیا به و آخرتده نجات بولاسکز .

بیضاوینک بیانی وجهله بو آیتده جاهلیه اولی ایله مراد ؛ حضرت آدمه نوح علیهما السلام آره لرنده کی زمانه . یاخود حضرت ابراهیمک دنیا به کلریکی زمانه . چونکه اوزمانده عادت ؛ خاتونلر انجولرله زینتلشمش لباسلر کیوب ملاء ناسنده رجاله عرض اندام ایتک و غلبه لک یرلرده بولونمق و ارککلرله اختلاط ایدرک ایستدیکنه عرض تسلیمیت ایتکدی . ایسته بو مثللو بهایم شعاری عادت کرپهدن جناب حق امت محمدی نهی ایتشدر . جاهلیه اولی ایله مراد ؛ حضرت آدمه نوح آره سی و یاخود نمرود زمانی اولونجه جاهلیت اخری ایله مراد ؛ حضرت عیسی الیه بزم پیغمبر بمن

آره منده کی زمانه . یاخود جاهلیه اولی ایله مراد ؛ اسلامینک ظهور منده اول ، جاهلیه اخری ایله مراد ؛ اسلامینک ظهور منده فتنه و فحور زمانه که امت محمدیه ضعف طاری اولوب دیانت رعایت آزالدیغی آخر زمانه دیمکدر . هر نه قدر بیان اولوندیغی وجهله جاهلیه اولی ده برقاچ احتمال وارسده اسلامیت دورنده مشهور اولان جاهلیه ؛ اسلامینده اولکی جاهلیه اولدیغنده بو آیتده جاهلیه اولی ایله مراد ؛ عصر معاصره اولکی جاهلیه دوری اولمق احتمالی غالبدر . کرچه جاهلیه دورلری هپ فنا ایسه ده جاهلیه اولی دوری دینندن فنا اولدیغی جهتله جناب حق ازواج مطهراتی نهیده جاهلیه اولایی تصریح ایتشدر . چونکه ؛ نعمت الله افدینک بیانی وجهله اسلامک ظهورندن اول جاهلیه قادینلری انواع زینتله تزیین و طائفه رجال ایله بلا پروا الفت و انسیت ایدر و ایستدیکی یرده کزر و غایت ملایم و لطافتی بولونور وارککلرک میل ایده جکی هر دورلو اسباب غیر مشروعه به توسل ایدر و ایستدیکی کیمسه ایله ایستدیکی زمان صورت غیر مشروعه ده کوروشه بیلیرلردی . بناء علیه ؛ جناب حق اوکی عادت قبیحه دن امت محمدی صورت قطعیه ده نهی ایتشدر . کرچه آیت سابقه کی بو آیتده دخی خطاب ازواج مطهراته ایسه ده مقصد بالجمله اهل ایمانک خاتونلریه آداب دینیه و وظیفه شرعیه لری بیان و توصیه ایتدکدر . چونکه ؛ ازواج نبی جمله اهل ایمانک زوجه لریه نمونه و مقتدا بهلردر . زیرا ؛ رسول الله خطاب خاصه نبی اولمایان یرلرده امتنه خطاب اولدیغی کی ازواجه خطاب ده امتک ازواجه خطاب اولدیغنده شبهه یوقدر . بناء علیه ؛ رسول اللهک زوجه لریه واجب اولان شینک آنلرده واجب و رسول اللهک زوجه لریه حرام اولان شینک آنلرده حرام اولاجنی اولویتله ثابتدر .

تفسیر خازنده بیان اولوندیغی وجهله اسلامیتدن صوکره جاهلیه عادتنه توسل ایدنلرک بولونا جفته آیتده اشارت واردر . چونکه ؛ نهی اولونان برشی و قوعبولا جفته بناء نهی اولونور . زیرا ؛ و قوعبویه جق شیدن نهیده برقاذه اولماز و زمانزده کی حال بوکا پک کوزل شاهددر . چونکه ؛ زمانزده کی قادینلر اسکی چارشافله طشره چیقمازلر ؛ بلکه چارشاف هم یکی همده غایت سوسلی و پارلاق اولدیغی کی اکثریسی سائر زینتلیرینی اظهاردن دخی خلاصه البیان : اوزایکنجی جلد - ۴



چکینمز لر. بویوک شهر لرك احواله واقف اولانلر عتدنده بوخصوصلر معلومدر. حالبوکه چارشاف دافع اولاجق جالب اولیه جق که چارشافدن مقصد حاصل اولسون. شیمدی ایسه امر بالعکسدر، حتی چارشافک آلتنده بولونان البسه اسکی اولسه او قدر آرائماز، فقط چارشافک یکی و پارلاق اولسی هر حالده لازمدر. سترک لزومنه و محسناته متعلق مباحث بوسوردهده حجاب آیتده کله جکینه بناء بومقامده بحث اولونماشدر.

..

واجب تعالی ازواج مطهراته و آنلره تبعیتله ازواج اهل ایمانه واقع اولان امر ونهیک منفعتی آنلره عائد اولدیغنی بیان ایتک اوزره ﴿ إِنَّمَا يُرِيدُ اللَّهُ لِيُذْهِبَ عَنْكُمُ الرِّجْسَ أَهْلَ الْبَيْتِ وَيُطَهِّرَ كُمْ تَطْهِيرًا ﴾ بیوریور.

[ ای اهل بیت النبی ! الله تعالی سزدن نجاسته بکزهین کناهلری کیده رمک وسزی تمامیه تطهیر ایتک مراد ایدر . ]

یعنی ؛ ای کمال کرامت ونجابت اوزره یارادلمش اولان اهل بیت النبی ! قوللرینک احوالی اصلاح ایدن الله تعالی منهی اولان شیملری وشیطانک اغواسنی سزدن کیده رمک وکوتو اخلاقی ازاله ایتک ایله سزک کمال طهارتله تطهیر یکزی مراد ایدر. بناء علیه ؛ سزک حقکزه وارد اولان اوامرونواهیئک منفعتی سزه عائددر. چونکه ؛ امرلر سزک عبادتله تزیین ایدوب ثواب آلمکز ونهیلرده سزک فنا عمللردن تطهر ایتمکز ایچونددر .

رجس ک اصل معناسی نجاست ایسه ده بومقامده نجاسته بکزهیمه کناه معناسنددر . بناء علیه ؛ اهل ایمانی وبالخاصه اهل بیتی کناهند تنفیر ایچون واجب تعالی مجاز اولارق کناهمده رجس ایله تعبیر ایتشددر که هر کس نفرت ایتسون ، ارتکاب ایتسون . چونکه نجاست ؛ طبع بشرک سومدیکی وکمال نفرتله تنفر ایتدیکی برشیدر .

خازنک بیانی وجهله اهل بیت ایله مراد ؛ ازواج نبی واولادیمدر . یاخود صرفه

کنهیلرینه حرام اولده هاشمیلرک محمدنه شاملدر . فقط هر کیم مراد اولونورسه اولونسون مراد الهی قوللرینی کناهلردن تطهیر ایتمکدر .

..

واجب تعالی ازواج مطهراته خطاباً بعض احکامنی بیاندن صوکره بالجمله احکامله مکلف اولدقلرینی بیان ایتک اوزره ﴿ وَاذْكُرْنَ مَا يُتْلَىٰ فِي بُيُوتِكُنَّ مِنْ آيَاتِ اللَّهِ وَالْحِكْمَةِ إِنَّ اللَّهَ كَانَ لَطِيفًا خَبِيرًا ﴾ بیوریور.

[ ای ازواج نبی ! اللهم آیتلردن وحکمتمدن اولریکزهده او قونان آیتلری و او آیتلرک احکامنی سز ذکرله تفکر ایدک و آنلرک موجبیه عملکزدن اللهدن اجر ایستیک . زیرا ؛ الله تعالی قوللرینه لطف واحسان ایدیجی و قوللرینک جمیع احوالی بیلجیدر . ]

اولرنده تلاوت اولونان شی ایله مراد ؛ قرآن واهادیث نبویهدر . حکمت ایله مراد ؛ قرآنک اطمیندر . بونلری ذکرله امر ؛ احکامنی دوشونمک و مقتضاسیه عمل ایتمکه امردر . چونکه ؛ یالکمز ذکرده بر فائده یوقدر ، بلکه فائده دوشونمکه برابر عمل ایتمکدر . قوللرک جمیع عمللرنده اخلاصک لزومنه اشارت ایچون جناب حق آیتک آخرنده لطیف وخبیر اولدیغنی بیان ایتشددر . زیرا لطیف اولدیغنی بیان ؛ عبادتی قبول ایتدیکی قوللرینه لطف ایده جکنی وخبیر اولدیغنی بیان ؛ عمل ایتمینلری سوء جزا ایله مجازات ایده جکنی بیانددر .

..

واجب تعالی ازواج نبی حقنده رعایتی واجب اولان احکامی بیاندن صوکره رجال ونسوان بالعموم انسانلر حقنده رعایتی واجب اولان احکامی بیان ایتک اوزره ﴿ إِنَّ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ وَالْقَاتِلِينَ وَالْقَاتِلَاتِ



وَالصَّادِقِينَ وَالصَّادِقَاتِ وَالصَّابِرِينَ وَالصَّابِرَاتِ وَالْخَاشِعِينَ وَالْخَاشِعَاتِ  
وَالْمُتَصَدِّقِينَ وَالْمُتَصَدِّقَاتِ وَالصَّائِمِينَ وَالصَّائِمَاتِ وَالْحَافِظِينَ فُرُوجَهُمْ وَالْحَافِظَاتِ  
وَالذَّاكِرِينَ اللَّهَ كَثِيرًا وَالذَّاكِرَاتِ أَعَدَّ اللَّهُ لَهُمْ مَغْفِرَةً وَأَجْرًا عَظِيمًا ﴿٥٢﴾

بیوریور .

[حکم الهی به انقیاد و امر الهی به عرض تسلیمیت ایدن ارککلر وقادینلر وتصدیق  
واجب اولان احکامک جمیعین تصدیق ایدن رجال ونسوان وبالعموم طاعت الهی به مداومت  
ایدن ارککلر وقادینلر وجمیع سوزلرینی طوغرو سویله یوب یالان ارتکاب ایتمه ن رجال  
ونسوان وعبادتک و منہائی ترکک زحمتہ صبر ایدن ارککلر وقادینلر واعضاء جوارح لری  
وقلب لری ایلہ اللہ ورسولہ تواضع وتذلل ایدن رجال وخاتونلر واوزرلرینہ واجب اولان  
صدقہ یی ویرن ذکور واناک واوزرلرینہ فرض اولان اوروجی ادا ایدن ارککلر وقادینلر  
ومحل عورتلرینی حرام اولان زنانن محافظہ ایدن رجال ونسوان والہی لسانلریلہ وقابلریلہ  
چوق ذکر ایدن ارککلرک وخاتونلرک کناہلرینہ مغفرت وعبادتلرینہ مکافات اولارق  
اللہ تعالی آخرتہ بویوک ثواب حاضر لادی .]

بو آیتہ بیان اولونان اون صفی جامع اولان ارکک وقادین بالعموم مکلفینہ طرف  
الہیدن بویوک وعد وارد . چونکہ ؛ کناہلری ستر ایتمکدن عبارت اولان مغفرتی  
بیاندن صوکرہ اجر عظیم حاضر لادینغی بیان ایتمک ؛ شو اوصافلہ متصف اولانلرایچون  
تبشیرات عظیمہ یی حاویدر .

تفسیر خازندہ بیان اولوندیغہ نظرآ بو آیتک سبب نزولندہ برچوق روایت وارسدہ  
جملہ سنک خلاصہ یی ؛ بعض نسوان طرفندن « یا رسول اللہ ! قادیئلردہ ہیچمی خیر یوق ؟  
بز کندیمزدن قورقویورز . زیرا ؛ اللہ تعالی قرآندہ رجالی خیرلہ ذکر ایدیور ، حالوکہ  
بزی ذکر ایتمیور ، دیملری اوزرینہ بو آیتک نازل اولمیدر . شو حالہ بو آیتہ بیان  
اولونان فضائلہ سالک اولان قادیئلری ارککلرلہ برابر ثنا بیورمقلہ قادیئلریدہ تلطف

ایتدیکی کبی اهل ایمانک جملہ سی مقتضای ایماندہ مساوی اولمیرینہ دخی اشارتلہ هرکک  
استحقاقہ نائل اولاجغنی بیان ایتمشدر .

..

واجب تعالی بالعموم اهل ایمان ایچون اللہ ورسولہ مخالفت جائز اولمادیغنی بیان  
ایتمک اوزرہ ﴿ وَمَا كَانَ لِمُؤْمِنٍ وَلَا مَوْمِنَةٍ إِذَا قَضَى اللَّهُ وَرَسُولُهُ أَمْرًا أَنْ  
يَكُونَ لَهُمُ الْخِيَرَةُ مِنْ أَمْرِهِمْ ﴾ بیوریور .

[ اللہ تعالی ورسولی بر امری حکم ایتدیکنده مؤمن ومؤمنہ دن هیچ برکیمسہ  
ایچون کندی امرلرندہ بخیرلک اولمادی .]

﴿ وَمَنْ يَعْصِ اللَّهَ وَرَسُولَهُ فَقَدْ ضَلَّ ضَلَالًا مُّبِينًا ﴾

[ واکر بر کیمسہ اللہ ورسولہ عصیان ایدرسہ آچیقندن برضاللت اختیار ایتمش  
اولور .]

یعنی ؛ اللہ تعالی ورسولی بر مسئلہ ی حکم ایتدکارندہ ارککلردن هیچ بر مؤمن  
وقادینلردن هیچ بر مؤمنہ ایچون کندی امرلرندن الہک ورسولنک حکمنک خلافتی  
ارتکاب ایتمک جائز وصحیح اولمادی . زیرا ؛ اللہ تعالی ی ورسولہ عصیان ایدن کیمسہ  
طوغرو یولدن محقق چیقمشدر .

بو آیتدہ الہک اسمنی ذکر ایتمک رسولہ تعظیم ایچوندر . چونکہ ؛ یالکز رسولنک  
حکمنہ مخالف اولان کیمسہ ضاللتی ارتکاب ایتمش اولور ، فقط رسولنک امرینی کندی  
امرینہ مقارن قیلوب حکمدہ ایکیمی مساوی اولدیغنی اعلان ایتمک ؛ البتہ رسولنک شانہ  
تعظیمدر .

مدار کدہ بیان اولوندیغی وجهلہ رسول اللہ عصیان ؛ ایکی شید اولور : برنجیسی ؛  
امرینی رد ایدرک بالکلہ مخالف اولوب قبول ایتمکدر . بوقسم عصیان ؛ ضاللتک نہائی  
وکفر صریحدر . ایکنجیسی ؛ امرینی قبول ورسالتنی نصربقلہ برابر امرینک مضموننی



ایستد مکده نطاس کو-نروب عصیانہ ایتکمر . بوقسم عصیان ؛ فسقدر ، کناهدرد فقط کفر دکلدرد .

طبری ، نیسابوری ، بیضاوی و خازنک بیانلرینه نظراً بوآیت ( جحش ) کریمه سی ( زینب ) و برادری ( عبدالله ) حققرنده نازل اولمشدرد . چونکه ؛ رسول الله آزاد ایدوب اوغول اتخاذایتدیکی ( زید ) حضرتلرینه زینبی تزویجه طالب اولدیغنده ( زینب ) و برادری عبدالله ( زید ) ک کندیلرینه کفو اولمادیغندن بحثله نکاحنه مخالفیت ایتلری اوزرینه آنلرک رسول الله مخالفتری جائز اولمادیغنی بیان حقنده بوآیتک نازل اولدیغنی مرویدر . بوآیت نازل اولونجه ( زینب ) و برادری درحال موافقت ایتدیلر . رسول الله ده زینبی زید حضرتلرینه نکاح ایتدی وزینبه اون دینار ، آتمش درهم کموش واللی اولچک ذخیره و اوتوز اولچک خرما و برقات البسه کوندردی . بوندن صوکره کله جک آیتلرده بیان اولوناجنی وجهله اخیراً زید زینبه طلاق ویردی و رسول الله ده نکاح ایدهرک ازواج مطهراتی میانه ادخال ایتدی .

بوآیت هر نه قدر ( زینب ) ایله برادری حققرنده نازل اولمش ایسه ده بالعموم مؤمنلر حقنده ده احکامی جاریدر . بناء علیه ؛ هیچ برکیمسه نك امر رسول الله مخالفتی هیچ بوجهله جائز دکلدرد . اگر مخالفت ایدرسه طریق استقامتدن چیقمش و آجیق برضالات ارتکاب ایتمش اولاجنی بوآیتله ثابتدر . ضلالتی ارتکاب ایدنک کرک بر قوم اولسون و کرکسه بر شخص اولسون فلا حیا ب اولامیه جنی آشکاردر . بر زماندنبری امر رسول الله و شریعت احمدیه به مخالفیت ایدن مسلمانلرک باشلرینه کلن فلاکت و تدنی بوکا شاهد بوندن کافیدر .

خلاصه ؛ اللهک و رسولنک حکمنه مخالفت جائز اولمادیغنی و مخالفت ایدنلرک آجیق بر ضلالت ارتکاب ایتمش و طریق حقندن چیقمش اولاجقلری بوآیتدن مستفاد اولان فوائد جمله سنددر .

..

واجب تعالی زیدک زینبی تزوجندن صوکره واقع اولان بعض حوادثی بیان ایتمک

اوزره ﴿ وَاِذْ تَقُولُ لِلَّذِي اَنْعَمَ اللهُ عَلَيْهِ وَاَنْعَمْتَ عَلَيْهِ اَمْسِكْ عَلَيْكَ زَوْجَكَ وَاتَّقِ اللهَ ﴾ بیوریور .

[ ذکر ایت وحیم ! شول زمانی که او زمانده سن شول کیمسه یه دییوردک که او کیمسه اوزرینه ایمانی توفیقله الله تعالی انعام ایتدی و آزاد ایدوب زینبی تزویجه سن ده انعام ایتدک « زوجه کی اوزرنده طوت اطلاق ایتمه و زوجه ک حقنده اتقا ایت » دیمکله نصیحتده بولوندیغک وقتی خاطر کده طوت ونه کبی حوادث جریان ایتدیکنی دوشون . ]

﴿ وَتَخْفِي فِي نَفْسِكَ مَا اللهُ مُبْدِيهِ ﴾

[ وحیم ! شول زمانی دوشون که او زمانده اللهک اظهار ایدهرک چیکی شیئی سن نفسکده صاقلایوردک . ]

﴿ وَتَخْشَى النَّاسَ وَاللهُ اَحَقُّ اَنْ تَخْشِيَهُ ﴾

[ و او زمانده سن ناسک لومندن قورقاردک حالبو که قورقغه البق الله تعالی در . ]  
یعنی ؛ ای رسول ذی شان ! شول زمانی خاطر کده طوت که اوزمانده سنک و اللهک انعام ایتدیکی زیده سن دییوردک که « یا زید ! سن زوجه ک زینبی اوزر کده طوت ، طلاق ویرمه و هرشیئه قادر اولان اللهک غضبندن قورق و زوجه ک زینب حقنده اتقا ایت . » زیرا ؛ بی قصور و عقیفه اولان بر خاتونه طلاق ویرمک خطا در . بناء علیه ؛ فضولی مفارقت اللهک غضبه سیدر وحیم ! سن شول زمانی ده ذکر ایت که اوزمانده اللهک اظهار ایدهرک چیکی بر امری سن نفسکده صاقلایوردک و ناسک لومندن قورقویوردک . حالبو که قورقغه هر کسدن زیاده لایق اولان الله تعالی در .

بوآیت رسول اللهله ( زید ) آره نده جریان ایدن بر محاوره بی تصویر ایدر . چونکه ؛ ( زینب ) رضی الله عنها وقت وقت کندی شرفیه نسبندن بحث ایدر و زیدک کندینه کفو اولمادیغنی ایلرو سورمکله زیدی راحتسز ایدردی . بناء علیه ؛ زید زوجه سی زینبدن رسول الله شکایت ایتدی و طلاق ویرمه جکنی سویله نیجه رسول الله « سن حرمک طلاق ویرمه و بوقدر سوزلری قصور صایما و بی قصور خاتونه طلاق ویرمکده اللهدن قورق »



دیدى . لکن اکثر اهل سیرک بیانلرینه نظراً اولجه الله تعالى رسولنه زیدک طلاق ویره جگنی وزیدک ازواج مطهرات میانسه کیره جگنی خبر ویرمشدى ، فقط رسول الله بواسراری نفسنده کیزله مش و کیمسه یه دیمه مشدى . کیزله مسنک سببی ده زیدی کوجندیرمک ایستمز وه اوغلونک طلاق ویردیکی خاتونی آلاچق ، دییه رک ناسک لومندن قورقار وبواسراری کیزلر وقت مرهوتی بکلردی . چونکه ؛ انسانک کندینه مباح اولان بر شیتک خلق لدنیاتی بیلدیکندن لوم ایده جکلرینه بناء آنلرک لومنه میدان ویرمه مک ایچون کیزله مک جائز اولدیغندن رسول الله هنوز وقوعات میدانه کله دن بواسراری اظهار ایتمک ایسته مزدی ولکن امت محمدیه ایچون مهم بر حکم شرعیته وضعه والی یوم القیام قوللرک عمل ایتملرله لطف الهی به نائل اولملرینه سبب اولاجق بر حادثه بی اظهارله حکمی وضع ایدوب انسانلر آره سنده دستور العمل اولاجقندن اللهک اظهار ایده جکی شیئی رسول اللهک ناسک لومنه میدان ویرمه مک ایچون صاقلامسی موافق اولمادیغنی و اللهک وضع ایده جکی احکامه قارشى ناسک لومنه هیچ حکمی واهیتی اولمادیغنی الله تعالى بوایتله بیان ایتمشدر .

چونکه بومسئله سورده نک بدایه سنده بیان اولوندیغنی وجهله زمان جاهلیه ده مرعی اولان بر عادت جاهلیه نک رفع والغاسنه سبب اولمشدر . زیرا ؛ زمان جاهلیه ده بر کیمسه دیکرینک اوغلونی اوغول اتخاذا ایدرسه آنک اوغلو اولور و آنک حرمنی بابالنی آلاماز اعتقادنده بولونورلردی . ایسته جناب حق بو عادتى ابطاله و اوغول اتخاذا ایدیلن کیمسه نک حقیقی اوغول اولمادیغنی هر کسه اعلان ایتمک وسيله اولاجق بو حادثه بی احداث ایده جگنی وزیدک طلاق ویره جگنی وزیدک ازواج مطهرات آره سنه کیرمکله شرفیاب اولاجغنی وبووسيله ایله عادت جاهلیه نک رفع والغا اولونا جغنی رسولنه خبر ویرمشدى . رسول الله ده وقت مرهوتی کلنجیه قدر بواسراری کیزله یوردی . ایسته جناب حق بوایتله بونی تصویر وتفصیل بیوردی .

رسول اللهک بواسراری بیلدیکی حالده زیده « سن حرمنکی محافظه ایت ، طلاق ویرمه و اللهدن قورق » بیورمسی امر بالمعروف اولدیغنی جهته منصب نبوته لایق بر امر مستحسندر . چونکه ؛ ایشی الله تعالى یا باجق در . رسول الله ایسه وظیفه امر بالمعروف در . رسول الله « سن ناسدن قورقارسک ، حالوکه قورقغه لایق الله تعالى در » دیمک « ناس قورقغه لایق

دکلر » دیمکدر . یوقسه « حاشا سن ناسدن قورقارده اللهدن قورقارسک » دیمک دکلدر . چونکه ؛ رسول اللهک هر زمان اللهدن خشیت ایتمدیکی و رسول اللهدن زیاده اللهدن قورقار بر کیمسه نک بولونمادیغنی نصوص سائر ايله ثابتدر .

..

واجب تعالى وقوعاتک اولنی بیاندن صوکره نتیجه سنی بیان ایتمک اوزره ﴿ فَلَمَّا قَضَى زَيْدٌ مِنْهَا وَطَرًا زَوَّجْنَا كَهَا لَيْكِي لَا يَكُونَ عَلَى الْمُؤْمِنِينَ حَرَجٌ فِي أَزْوَاجِ أَدْعِيَائِهِمْ إِذَا قَضَوْا مِنْهُنَّ وَطَرًا ﴾ بیوریور .

[ وقتا که زید زیندن حاجتی قضا ومصاحبتی اکال ایتمکله طلاق ویردی ایسه حیم بز سکا زینبی تزویج ایتمک و مباح قیلدق که مؤمنلر اوزرینه اولادقلری حرملرندن ایشلرینی بیتوروب حاجتلرینی قضا ایده رک طلاق ویردکلرنده آنلرک مطلقه لری اولان خاتونلری آلمقده کوجلک اولماسون . ]

﴿ وَكَانَ أَمْرُ اللَّهِ مَفْعُولًا ﴾

[ اللهک لوح محفوظده یازیلی اولان امری البته ایشله نیر کیری قلاماز و حکمی نافذ اولور یرینی بولور . ] بناء علیه ؛ زیدک زینه طلاق ویره جکی و بز سکا نکاح ایده جکمز لوح محفوظده ثابت اولدیغندن البته وقوع بولدی .

جناب حق رسولنه زینبی تزویجی ؛ مهم بر مسئله شرعیه بی قوللرینه بیانله احتیاجلرینی تأمین ایتمک ایچوندر ، یوقسه رسولنک شهوتی قضا ایچون دکلدر . زیرا ؛ جناب حق رسولنه زینبک تزویجنتک حکمتی بیانده مؤمنلرک اوغول اتخاذا ایتدکلری کیمسه لرک مطلقه حرملرینی آلق مراد ایتدکلرنده آنلر اوزرینه کوجلک اولماسون ایچون اولدیغنی بیان ایتدی وشو بیانی بو مسئله نک اهل ایمان اوزرندن کوجلکی قالدیرمق و سهولت وضع ایتمک ایچون میدانه کلدیکی بیلدیردی و رسول اللهک آرزوسی اوزره میدانه کلدیکی صراحة بیان ایچون « لکیلا یكون علی المؤمنین حرج » بیورمشدر . یعنی « بز سکا زینبی تزویج ایتدک که مؤمنلر اوزرینه صعوبت و کوجلک اولماسون ایچون » دیمکدر .



حضرت زینبی رسول الله جناب حق تزویج ابتدکنندن طرفیندن وکیل و شاهد حاجت قالمشدر . چونکه ؛ نکاحک ایکی طرفه الله تعالی متولی اولونجه رسم معروف اوزره عقد نکاح ایتمک حاجت اولمقسزین زینب رضی الله عنها رسول اللهک زوجہ سی و حلالی اولمش و اذن السہی اوزرینه رسول الله زفاف اولمش و ضیافت و یرمشدر . بناءً علیہ ؛ زینب سائر ازواج مطہرات اوزرینه مفاخرت ایدر و سزک نکاحکیزی و لیلریکز عقد ابتد ، ہم نکاحی ایسہ ہم عقد ابتد ، دیمکله مباہاندہ بولوندی بی مرویدر .

خلاصہ ؛ زید حضرت لرینه اللهک ایمان توفیق و رسولک صحبتله شرفیاب ایتمکله انعام اییدی کی رسول اللهک آزاد ایتمک و اوغلو دیمک و زینبی تزویج ایتمک کی بر چوق نعمتله انعام اییدی و رسول اللهک زیدہ « حر مکہ طلاق و یرمه اتقا ایت » دیمکله نصایحده بولوندی و زیدک طلاق و یرہ جکی و زینبک ازواج مطہرات میسانہ کیرہ جکی رسولنہ جناب حق خبر و یرمش ایسده رسول اللهک ناسدن خشیتہ بناءً بواسراری بر مدت صاقلامق ایستدیکی و زیدک طلاق و یرمشیلہ جناب حقک رسولنہ زینبی نکاح اییدیکی و نکاحک حکمتی مؤمنلر اوزرندن ، اوغوللقلرینک مطلقه لرینی نکاح ایتمک جائز اولدیغنی بیانله صعوبتی قالدیرمق اولدیغنی و مقدر اولان امر السہینک البتہ و قوعبولدیغنی بو آیتدن مستفاد اولان فوائد جملہ سنددر .

\*\*\*

واجب تعالی رسولنہ زینبی نکاحک حکمتی بیاندن صوکرہ رسولنی تسلیہ و عقلی ضعیف اولانلر طرفندن بومسئلہ بی رسول الله حقندہ عارعد ایدلمسنی دفع ایلک و بومسئلہ نک حکم السہی اقتضاسندن اولدیغنی بیانله منافقلرک طعننی رد و ابطال ایتمک اوزره

﴿ مَا كَانَ عَلَى النَّبِيِّ مِنْ حَرَجٍ فِيمَا فَرَضَ اللَّهُ لَهُ ﴾ بیوریور .

[ اللهک رسولنہ فرض قیلدیغنی شیده نبی ذی شان اوزرینه کوجلک اولمادی . ]

﴿ سُنَّةَ اللَّهِ فِي الَّذِينَ خَلَوْا مِنْ قَبْلُ ﴾

[ اللهک مباح قیلدیغنی شیلرده کنه اولماق جناب حقک رسولندن اول کچن انیا حقندہ مسنون قیلدیغنی سنیدر . ]

﴿ وَكَانَ أَمْرُ اللَّهِ قَدَرًا مَقْدُورًا ﴾

[ اللهک امری مقدار مبین اوزره حکم قطعیدر تغیر قبول ایتمز . ]

یعنی ؛ دائماً وحی السہی ایله مؤید و هر حالندہ الهامات السہیه منتظر اولان نبی ذیشان اوزرینه کرک مناکاندن و کرک سائر شیلردن اللهک فرض و مباح قیلدیغنی شیده کنه و کوجلک یوقدر . زیرا ؛ زمانلری بربری عقینده کلسی و احوالک تبدیلیه رسولی اوزرینه ایشله نسی امر اییدیکی شیلرده عار اولماز . چونکه ؛ جناب حقک امریله اولوب جناب رسالتک خود بخود کندی رأیله اولمادیغندن آتی ایشله مکده عیب اولماز ، بلکه ایشله مکده عیب و کنه اولور . زیرا ؛ امر السہی به مخالفت البتہ کناهدر . حال بوکه بو کی احوال رسول اللهک مخصوص دکلدر . چونکه ؛ جناب حق رسولندن اول کچن انبیاء عظام حقندہ دخی بو مثللو احوالی جاری قیلدیغنی جهتلہ انبیاء حقندہ بونلر عادات السہیه جملہ سنددر . مثلاً حضرت داودک یوز منکوحه سی و اوغلو سلیمان علیه السلامک اوچیوز منکوحه سی ویدی یوز جاریه سی واردی و بزم نبیمزده طقوزه قدر منکوحه سی حلال قلمشدر . شو حالده بو مثللو احوال بزم نبیمزده مخصوص یکی بر حادثه دکلکه رسول اللهک ایچون عار اولسون . اللهک امری ازلدہ تقدیر اولونمش بر حکم قطعیدر ، اصلاً تغیر قبول ایتمز . ایشته بو قیلدن اولارق زینب رضی الله تعالی عنہای زیدک طلاق و یروب عدتی اکیال ایتدکدن صوکرہ رسولنہ تزویجی امر السہی و حکم قطعی ایله محکوم و مقدر اولدیغندن منافقلرک طعننه محل یوقدر .

بو آیتده فرض بیضاوینک بیانی وجهله تقسیم و تغیر معناسنددر . بوکا نظراً معنای نظم : [ اللهک رسولنہ فرض قیلدیغنی شیده رسول اوزرینه حرج یوق دیمک اللهک رسولی ایچون تقسیم و تقدیر اییدیکی شیئی ایشله مکده نبی اوزرینه کنه یوق ] دیمکدر . ( قدراً مقدوراً ) دیمک ( حکماً مقضیاً ) یعنی « اللهک امری بر حکم که قطعی دیمکدر . »

\*\*\*



واجب تعالى رسولك خاصه سنی بیاندن صوکره بالعموم انبیاء عظام حضراتی مدح  
ایتمک اوزره ﴿ الَّذِينَ يُبَلِّغُونَ رِسَالَاتِ اللَّهِ وَيَخْشَوْنَهُ وَلَا يَخْشَوْنَ أَحَدًا  
إِلَّا اللَّهَ وَكَفَى بِاللَّهِ حَسِيبًا ﴾ بیوریور .

[ انبیاء عظام شول ذاتلرکه آنلر مبعوث اولدقلری امتلرینه اللهک وحی ایتمش  
اولدینی احکامی تبلیغ ایدرلر . آنلر اللهدن قورقارلر واللهدن غیری هیچ برکیمسهدن  
قورقارلر ، آنجق قورقورلری اللهدندر وهرکسک احوالی محاسبه یونسدن الله تعالی کافیدر . ]  
بناء علیه ؛ هیچ برکیمسهدنک دفترنده یاکلیشلق وقاریشلق اولماز .

یعنی ؛ اللهک رسالتی تبلیغه مأمور اولان انبیاء کرام الله تعالی طرفندن کندیلرینه  
وحی اولونان امر ونهی وآنلرک مقتضاسی اولان فرض ، واجب ، سنت وحرامی کلدکجه  
بی دربی امتلرینه عیناً تبلیغ ایدرلر وآنلرک خصال حمیده لرندن بریده کندیلرینه طرف  
السهیدن حلال قیلنان شیلرده اللهک غیری برکیمسهدن قورقماق وبالعموم احوالدرنده  
آنجق اللهدن قورقماق وبناء علیه ؛ ناسک لومندن ویاخود قتل ایتمک ودویمک کبی شیلرله  
ناسک تهدیدلرندن اصلاً چکینمه مکدر . چونکه ؛ الله تعالی آنلره یاردیمچی اولدینی جهته  
بالجمله دشمنلرینک شرلرینی و مکر و حیللرینی دفعه کافیدر . شو حالده اللهک غیریدن  
قورقماز ، آنجق اللهدن قورقارلر . زیرا ؛ الله تعالی قوللرینک محاسبه سنه کافیدر .

..

واجب تعالی بالعموم انبیاء عظام حضراتی ثنا ایتدکن صوکره رسول اللهک زینب  
حضرتلرینی تزوجندن دولایی منافقلرک طعنی وارد اولمادیغنی بیان ایتمک اوزره  
﴿ مَا كَانَ مُحَمَّدٌ أَبَا أَحَدٍ مِنْ رِجَالِكُمْ وَلَئِنْ رَسُولَ اللَّهِ وَخَاتَمَ النَّبِيِّينَ وَكَانَ  
اللَّهُ بِكُلِّ شَيْءٍ عَلِيمًا ﴾ بیوریور .

[ محمد علیه السلام سزک رجالکزدن هیچ برکیمسهدنک باباسی اولمادی ولکن اللهک  
رسولی وانبیائک خاتمی اولدی والله تعالی نک علمی هرشیئی محیط اولدی . ]

یعنی ؛ ای مؤمنلر ! سزک پیغمبریکز محمد علیه السلام سزک بالغ اولان  
ارککلریکزدن کرک زید وکرک سائرندن هیچ برینک نسبه باباسی اولمادی که باباسیله  
اوغلو بیئنده ثابت اولان مصاهرت و اوغلوئک ترک ایتدیکی خاتونی آلاماق کبی احکام  
ثابت اولسون ولکن محمد علیه السلام اللهک سزی ارشاد ایتمک ایچون کوندردیکی رسولی  
وانبیائک خاتمدر والله تعالی ملکنده جاری اولان احوالک خفی و جلی ونبوته لایق اولانی  
واولمائیانی بیلدیجی اولدی که رسولک نبوته لایق اولان کالاتی بیلدیکندن امر رسالتی  
آکا تودیع ایتدی .

بیضاوینک بیانی وجهله کرچه رسول اللهک ( طاهر ) ، ( قاسم ) و ( ابراهیم ) اسمنده  
اوج نسل نجیبی دنیا به کیش ایسه ده حال صباوتلرنده وفات ایتدکارندن آنلره رجل دنیلیمک  
صحیح اولمادیغنی جهته جناب حق بو آیتده رسولک امتک رجالدن هیچ برکیمسهدنک  
باباسی اولمادیغنی بیان بیورمشدر . حضرت حسن وحسین رضی الله تعالی عنهما بو آیتک  
نزولنده هنوز بالغ اولوب رجال عدادینه کیرمه مشلردی . حتی رجال عدادینه کیرمش  
اولسهر بیلله رسول اللهک صلباً ولدی اولمایوب ولدینک ولدی اولدقلرندن رسول اللهک  
حقیقی ولدی اولمادقلری جهته آنلرک رجالدن اولملری بو آیه منافی دکدر . اساساً  
آیت جلیله ؛ زید حضرتلرینک رسول اللهک اوغلو اولمادیغنی بیانه ناسک اعتقادینی ابطال  
وطعنلرینی رد ایچون نازل اولمشدر . چونکه ؛ تفسیر خازنده بیان اولوندیغه نظراً آیتک  
زیدله زوجہ سی زینب بیئنده واقع اولان منافرتک تمادیس اوزرینه زیدک طلاق ویروب  
زوجہ سی عدتی اکال ایتدکن صوکره رسول اللهک زینبی تزوج ایتمسی اوزرینه ناس  
« رسول الله اوغلوئک مطلقه سنی تزوج ایتدی . حالبوکه ناسی بومثللو تزوجدن نهی ایدر .

شو حالده فعلی قولنه موافق دکدر » دیمکله طعن ایتمک باشلائیجه آنلرک طعنلرینی رد ایچون  
بو آیتک نازل اولدینی مرویدر . کرچه رسول الله ( زید ) حضرتلرینی اوغول اتخاذ  
ایتمش ایسه ده سورده نک اولنده بیان اولوندیغنی وجهله برکیمسه آخرک اوغلوئی اوغول  
اتخاذ ایتمکله حقیقی اوغلو اولمادیغنی بو آیتله دخی بیان ایتمشدر . بناء علیه ؛ اجنبیه  
« اوغلو » دیمکله مصاهرت یعنی « قرابت ثابت اولماز » دیمکدر . چونکه اوغلوئک  
نکاح ایتدیکی خاتونی اوغلو طلاق ویردکن صوکره بدک نکاح ایدمه چکی شریعت



اسلاميه احکامنددر . چونکه ؛ حرمت مصاهره يعنى حرمت قرابت حاصل اولديغندن اوغلونک ياتديغی دوشکه پدری ياتاماز . کذلک پدرينک نکاحلاديني برخاتون پدرينک وفاتی ايله محلوله وياخود پدرينک طلاق ويرمسييله مطلقه اولسه اوغلو نکاح ايدمهز . چونکه ؛ حرمت مصاهره اوغلونک انتفاعنه مانعدر . بناء عليه ؛ اوغلو پدرينک ياتمش اولديغی ياتاغه ياتاماز . يعنى « پدرينک انتفاع ايتديکی قاديندن انتفاع ايدمهز » ديمکدر . اما اجنبی برکيمسهي اولادلق اتخاذايدوب اکا « اوغلو » ديمکه قرابت حقيقيه حاصل اولمايدغندن آنک محلوله ويا مطلقه سنی آلمسه برمانع اولمايديني کي کذلک اوغلانده بابالغنک محلوله ويا مطلقه سنی آلايلير . چونکه ؛ نکاحه وانتفاعه مانع حقيقي برقرابت يوقدر .

« رسول الله انبيائك خاتمي » ديمک « رسول اللهدن صوکره برنجی ورسول بعث اولونميه جق » ديمکدر . چونکه ؛ نعمت الله افندينک بياني وجهله رسول الله مکارم اخلاقي اتمام ايچون بعث اولونديغندن بشر ايچون لازم وممكن اولان اخلاق حميده بي اتمام ايدنجه نقصان قالمامشدر که برنجی دهاکلسونده اونقصاني اكمال ايتسون . اويله شی اولاماز . زیرا ؛ شريعتده نقصان يوقدر . شو حالده انبيائک بعثتلي نواقص احکامی اكمال ايچون اولديغی جهتله حوادث واحوال بشرک احکامی رسول الله طرفندن اكمال اولونجه ديگر برنينک بعث اولونمسه حاجت قالمامشدر . کذلک رسول الله عقول بشرک تکميل ايتديکی برزمانده بعث اولونديغندن شريعت احمديه عقول بشرک ادراک ايدمه جيکي احکامک کافه سنی جامع اولديغی جهتله باشقه احکام وضعه وديگر برنينک کلمسه احتياج يوقدر . چونکه ؛ هرشی احتياج اوزره مبتنی اولديغندن احتياجک خارجنده ظهور ايدن شیده فائده اولماز . کرچه حضرت عيسى نازل اولاجق ايسه ده بيضاوينک بياني وجهله شريعت احمديه ايله عامل اولوب قبله اسلامه توجه ايدمه جيکي جهتله آری برنجی بعث اولونا جق دکلدر . بناء عليه ؛ رسول اللهک خاتم الانبياء اولمسه سنوال وارد اولماز . عيسى عليه السلام شريعت اسلاميه نك احکامی اجرايه مأمور اولديغی جهتله بوتون احکامی قرآندن استنباط ايدمه جکندن امت محمديه دن برکيمسه کي ديمکدر . فقط اولوالعزم رسل کرامدن اولمسه بر مانعده يوقدر . چونکه ؛ انجيل قرآنله منسوخ اولديغندن آنکله عمل جائز دکلدر وباشقه کتابده نازل اولميه جق که آنکله عمل ايتسون . شو حالده کتب سماويه دن عندالله مرضی ودرستور العمل قرآن موجود اولديغی جهتله آنکله عمل ايدمه جيکي محققدر . قرآنله عمل ايتمی نبوتنه مانع اولمايديني کي رسول اللهک

خاتم الانبياء اولمسه دخی منافی دکلدر . بونک امثالی ده مسبو قدر . چونکه ؛ انبياء سابقه دن برچوقلری ديگر بر رسولک کتابی وشريعتيله عمل ايتمشر و او شريعتک احکامی تبليغه مأمور اولمشلردر .

\*\*

واجب تعالى رسولنک بعض خاصه سنی بياندن صوکره بالعموم مؤمنره اللهی ذکر ايتمک واجب اولديغی بيان ايتمک اوزره ﴿ يَا أَيُّهَا الَّذِينَ آمَنُوا اذْكُرُوا اللَّهَ ذِكْرًا كَثِيرًا ۖ وَسَبِّحُوهُ بُكْرَةً وَأَصِيلًا ۖ ﴾ بيوريور .

[ ای ] مؤمنر! سز اللهی چوق ذکر ايدک وآقشامده وصباحده اللهی تسبيحده تنزيه ايدک که رضاء الهی بی تحصيل ايله آخرتده درجه لره نائل اولک . [ ابوالسعود افندينک بياني وجهله اللهی ذکر ايچون بر وقت معين وبر حد ونهايه اولمايدينه اشارت ايچون جناب حق چوق ذکر اولونمسی امر ايتمشدر . چونکه ؛ ذکر ايتمک ايچون سائر عبادات کي بر زمان ومكان تخصیصی يوقدر . بناء عليه ؛ انسان هر زمان ذکرله مشغول اولاييلير . شو حالده تعظيمه منافی اولمايان هر محل وزمان ؛ ذکرک زمانی ومکانيدر . بوکا نظراً معنای آیت : [ ای ] مؤمنر! سز اللهی هر حالکزرده وجميع زمانکزرده کمال تعظيمه چوق ذکر ايدک وکيجده وکوندوزده وآقشامده وصباحده شان الوهيته لایق اولمايان شيلردن تنزيه ايچون الله تسبيح ايدک ] ديمکدر . آقشامله صباح عبادته شهادت زمانلری اولوب افضل اوقات اولديغه اشارت ايچون صراحة ذکر اولونمشلردر .

\*\*

واجب تعالى قوللرينه کندينی ذکرله امردن صوکره ذکره مستحق اولديغی بيان ايتمک اوزره ﴿ هُوَ الَّذِي يُصَلِّيْ عَلَيْكُمْ وَمَلَائِكَتُهُ يُخْرِجُكُمْ مِنَ الظُّلُمَاتِ إِلَى النُّورِ وَكَانَ بِالْمُؤْمِنِينَ رَحِيمًا ۖ ﴾ بيوريور .



[ او الله تعالى شول ذات اجل واعلادركه اودات سزك اوزربكزه رحمتی انزال ايدر وملكر استغفار ايدرلر كه سزی ظلمات كفردن نور ايمانه چيقارسون ده دنيا ده و آخرت ده دائرة نجاته كيرك . زیرا ؛ الله تعالى مؤمنلره مرحمت ايدر اولدی . ]

يعني ؛ الله تعالى بي ذكر ايتك واجيدر . زیرا ؛ الله تعالى سزی ظلمات كفردن نور ايمانه وظلمات فسقندن نور عبادته چيقارمق ايجون طريق هدايتی سزه كوسترملكه مرحمت ايدر . بناء عليه ؛ سزی اصلاح وطوغرو يوله ارشاد ايجون رسوللر وكتابلر كوندردی واللهم ملكرى ده سزه استغفار ايدرلر . زیرا ؛ الله تعالى نك مرحمتی جمله سندن اولارق آنلك استغفاره سزه دعا ايتلرينه اذن ويردى وبونلك جمله سنه سبب ؛ سزك ايمانك زدر . چونكه ؛ الله تعالى ايمان ايدوب امرينه امثال ايدن مؤمنلك جميعيسنه مرحمت صاحييدر .

ابوالسعود افنديك بياني وجهله بو آيت اللهك ذكرى لازم اولديغنه دليل وعلتدر . زیرا ؛ اللهك جمله عالمدن غنى اولدينى وهيچ بر كيمسه به احتياجي اولما ديفنى حالده قوللرينه مرحمت ايتسى هر زمان اللهك لطفه محتاج اولان قوللرك ذكره دوام ايتلرينى مستلزمدر وملكلره ، قوللرينه استغفاره اذن ويرمى جناب حقك قوللرينه مرحمتی ايجاييدر . چونكه ؛ ملكلر مستجاب الدعوه درلر . شو حالده ملكلك استغفارينه مستحق اولان مؤمنلر ايجون مرحمت اللهيه محققدر كه ملكلك آنلر ايجون استغفارلرينه اذن ويريور . بناء عليه ؛ جناب حق بالذات وبالواسطه اهل ايمانك صلاحنه اعتنا بيوريور ديمكدر . شو حالده تقرير كلام شويله در : « الله تعالى قوللرينك دوام اوزره ذكرينه مستحقدر . زیرا ؛ الله تعالى قوللرينه مرحمت ايدر . هر كيمسه كه قوللرينه مرحمت ايدو ، قوللرينك ذكرينه مستحقدر . بناء عليه الله تعالى قوللرينك دوام اوزره ذكرينه مستحقدر » ديمك اولور .

\* \*

واجب تعالى دنيا ده مؤمنلره مرحمتی بياندن صوكره آخرت ده مرحمتی بيان ايتك اوزره ﴿ تَحِيَّتُهُمْ يَوْمَ يَلْقَوْنَهُ سَلَامٌ وَأَعَدَّ لَهُمْ أَجْرًا كَرِيمًا ﴾ بيوريور .

[ الله تعالى به ملاقي اولدقلرنده اللهك مؤمنلره هديه سي سلامدر و آنلر ايجون الله تعالى جنت وجنته كوزل اجرلر حاضرلا دی . ]

يعني ؛ مؤمنلك ربلرينه ملاقي اولدقلرى كونده طرف السهيدن آنلره هديه ؛ سلامدر . زیرا سلام ؛ خيره دلالت ايتديكندن مؤمنلك جميع مكارهدين سالم و آفات و بلياتك جمله سندن قورتولدقلرينه دلالت ايتديكى جهته هر شيدن اول سلام ايله تلطيف اولونورلر والله تعالى آنلر ايجون اجر و ثوابت حاضرلا دی كه او ثوابه اصلا مشقت يوقدر . زیرا ؛ او ثواب كريم اولديغندن مشقت بولونماز .

بيضاوينك بياني وجهله مؤمنلك ربلرينه ملاقي اولاجقلرى كون ايله مراد ؛ ملك الموت رومنى قبضه ايتك ايجونه كلميكي كونه و يا خود قبرلرينه قافله قدرى قيامت كوني اولق احتمالى وار ايسه ده اصح اولان هبة كيروب مظانه منزله اولار ربه ربلرينك جمالييدر مشرف اولدقلرى كوندر . سلامتله ملاقات هر شيك فوقنده اولديغندن جناب حق سلامتله تلطيف ايدو جكنى بيان ايتشدر . چونكه فخر رازينك بيانته نظراً اهل ايمانك سلامتله التفات اولوندقلرينك حكمتی ؛ آنلر دنيا ده واجب تعالى بي جوق ذكر ايتمكله معرفت اللهيه حاصل اولوب او معرفت وسيله سيله شان الوهيت ياقيشميه جق نقائصدن تنزيه ايدو رك مرحمت اللهيه بي جلب ايتشدر . بو معرفت دوام ايدو رك آخرت ده ربلرينه ملاقي اولونجه ايكي بيلدك كيمسه نك ملاقاتلرنده يكديكرينه سلامتله التفات ايتك عادت اولدينى كبي بو عادت آخرت ده انتقال ايدوب ملاقاتك اولنده سلام اللهى ايله التفاته نائل اولاجقلردر .

\* \*

واجب تعالى رسولنك خصوصيت اخواني بياندن صوكره بالعموم اهل ايمانله اولاجق معامله سنى بيان ايتك اوزره ﴿ يَا أَيُّهَا النَّبِيُّ إِنَّا أَرْسَلْنَاكَ شَهِيدًا وَمُبَشِّرًا وَنَذِيرًا ﴾ و ذاعياً إِلَى اللَّهِ بِأَذْنِهِ وَسِرَّاجًا مُنِيرًا ﴾ بيوريور .

[ ای ] بخى ذى شان ! بز سنى امتك اوزرينه شاهد و اهل ايمانى جنتله تبشير خلاصة البيان : اون ايكنجى جلد — •



واهل شرکی جهنمه انذار واللّٰهک اذنیله قولارینی اللّٰهک طریقنه وتوحیدینه دعوت ایدر وظلمات شرکی نورنبوته ازاله ایدیجی اولدیغک حالده قولاریمزی ارشاد ایچون کوندردک که سن امتدن تصدیق ایدوب هدایتی اختیار وتکذیب ایدوب ضلالتی ارتکاب ایدنلره شهادت ایده سک . [ زیرا ؛ امتک حقه شهادتک مقبول اولدیغدن باشقه شاهده احتیاج یوق ، سنک شهادتک کافی اولدیغی جهته سنی شاهد اولارق کوندردک . بناء علیه ؛ سن ایمان ایدنلری جته تبشیر وایمان ایتمه ینلری جهنمه انذار واللّٰهک قولارینی امر السّٰهی وجهله شریعتنه وتوحیدینه دعوت ایده سک . زیرا ؛ بز سنی یانار بر جیرا کبی عالمی ضیالاندیریجی بر نور اولارق کوندردک .

خازنک بیانی وجهله رسول اللّٰهک طلوعیه ظلمات شرک کیدوب نور ایمان کلدیکندن رسول اللّٰه تشبیه طریقیه سراج دیمشدر . چونکه سراج ک معنای اصلیمی شمع ایدر . شمع داتک شعله سیله ظلمت لیل زائل اولدیغی کبی رسول اللّٰهک تشریفیه ده ظلمات کفر زائل اولمشدر .

\* \*

واجب تعالی رسولنک مبشر اولدیغنی بیاندن صوکره نه ایله تبشیر ایده جکنی بیان ایتک اوزره ﴿وَبَشِّرِ الْمُؤْمِنِينَ بِأَنَّ لَهُمْ مِنَ اللَّهِ فَضْلًا كَبِيرًا﴾ بیوریور .

[ حبیبیم ! سن مؤمنلر ایچون الله تعالی طرفندن جتده بویوک لطفلر واحسانلره تبشیر ایت که وظیفه تبلیغی ادا ایتمش اولاسک . ] ابوالسعود افندیکنک وقاضینک بیانلری وجهله بوآیتده فضل کبیر ایله مراد ؛ بوامتک سائر امتلر اوزرینه فضیلتلریکنک وعمللریکنک اهری زیاده اولاسلر .

روح البیانده ذکر اولوندیغنه نظراً بوآیت نازل اولونجه رسول اللّٰهک حضرت علی یی و ( معاذ بن جبل ) ی ناسی دین حقه دعوت وایمانی قبول ایدنلره احکام دینی تعلیم ایتک ایچون یمنه کوندردیکی ابن عباس حضرت تدرندن مرویدر . شو حالده کک بوآیت وکک رسول اللّٰهک خلقه نصیحت ایچون واعظ کوندره سی مقتدر اولان کیمسه نک ناسه وعظ ایتسی لازم

اولدیغنه دلالت ایدر . بناء علیه ؛ ابن مسعود حضرت تدرینک هر پنجشنبه آقشاملری ناسه وعظ ایتدیکی مرویدر .

\* \*

واجب تعالی رسولنه مؤمنلره رعایت وفضل واحسانله تبشیر ایتسی امردن صوکره منافقلره وکافرلره مدارات ایتمه مسنی توصیه ایتک اوزره ﴿وَلَا تَطْعَمِ الْكَافِرِينَ وَالْمُنَافِقِينَ وَدَعِ أَذْيَهُمْ وَتَوَكَّلْ عَلَى اللَّهِ وَكَفَى بِاللَّهِ وَكِيلًا﴾ بیوریور .

[ حبیبیم ! کافرلره و منافقلره اطاعت ایتمه مکده دوام ایت وآنلرک سوزلرینی دیککه مه وتبلیغده مداراتی وآنلره مخالف کندن دولایی آنلر طرفندن سکا کله جک اذانی سن ترک ایت متأذی اولما وایشیک الله تفویض ایت ، قورقما . زیرا ؛ سنی وامورکی محافظه وسکا وکیل یونندن الله تعالی کافی اولدی . ] بناء علیه ؛ آنلرک هیچ برشیته مبالات ایتمه .

بیضاوینک بیانی وجهله الله تعالی بوندن اولکی آیتده رسولنی بش صفتله توصیف ایتدی . بو آیتده ده آنلردن هر برینه مناسب برر خطابه مقابله بیوردی . مثلاً رسولنک مبشر صفتنه مناسب تبشیر ایله امر ایتدی . تبشیر صفتنه مناسب کافرلره موعظه بولمقده نهی ایتدی . چونکه ؛ انذاره صلاحیت دینه لازمدر و داعی اولمسه مناسب متوکل اولمسیله امر ایتدی . سراج منیر اولمسه مناسب اکتفا ایله امر ایتدی . چونکه ؛ الله تعالی جمیع خلق اوزرینه رسولنک ضیائی شعله له ندرنجه اللّٰهک معاونتیله اکتفا ایتک لازم کلور .

\* \*

واجب تعالی رسولنک زوجهلری ایله واقع اولان بعض مسائل بیاندن صوکره مؤمنلرک زوجهلری ایله بیلرنده جریان ایدجک معاملهدن بعضیلرینی بیان ایتک اوزره ﴿يَا أَيُّهَا الَّذِينَ آمَنُوا إِذَا نَكَحْتُمُ الْمُؤْمِنَاتِ ثُمَّ طَلَقْتُمُوهُنَّ مِنْ قَبْلِ أَنْ تَمْسُوهُنَّ فَاَلْكُمُ عَلَيْهِنَّ مِنْ عِدَّةٍ تَعْتَدُونَهَا﴾ بیوریور .



[ ای مؤمنلر! سز مؤمنه اولان قادینلری عقد نکاح ایدوبده آنلره جماع ایتمکسزین طلاق ویردیککیزده سزک ایچون آنلر اوزرینه تعداد ایتدیککیز عدت یوقدر. ]

﴿ فَتَسْعُوهُنَّ وَسِرَّ حُوهُنَّ سَرَاحًا جَمِيلًا ﴾

[ تماس ایتمکسزین طلاق ویردیککیز قادینلر اوزرینه عدت اولمایجه آنلره متعه یعنی برقات البسه ویرک و آنلری اینجتمه دن و حقیرینی منع ایتمکسزین کوزلکله خاه کزدن چیقارک. ] زیرا؛ عدت حقکیز اولمایجه عدتی اکیال ایدنجهیه قدر خانه کزده بکله مکه لزوم یوقدر.

یعنی؛ ای مؤمنلر! سز شرف ایمانله مشرف مؤمنه اولان قادینلری نکاح ایدوب صوکره حسب الایجاب آنلره بر تنها اوداده بولونارق معامله زوجیه صورتیه تماس ایتمکسزین طلاق ویردیککیزده آنلرک اوزرنده سزک عدت حقکیز یوقدر. زیرا عدت؛ جماعک نتیجه سی اولان خاتونک حملده چوجق اولوب اولمادیغنی تعیین ایچون اولوب حالبوکه بوشبهیه سبب اولان جماع وقوع بولمادیغندن عدته احتیاج اولمادیی جهتله آنلر اوزرینه عدت لازم گلر. شوخالده آنلرک طلاقله منکسر اولان قلیلری تطیب ایچون برقات البسه ویرک و کوزلکله اولریکزدن چیقارک، دیگر بر زوجیه کیتملرینه مانع اولماک. چونکه؛ سزک خانه لریکزده بکله ملرینه بر سبب قالمادیغنی کبی زوج آخره کیتمسنه ده مانع اولمغه حقکیز یوقدر. بناء علیه؛ آنلری بغير حق بکله تمک ظلمدر. بیضاوینک بیانی وجهله جماع ایتش اولدیغنی قادینک طلاقدن صوکره ارباب حیضدن ایسه اوچ حیض کورونجهیه قدر اکر ارباب حیضدن دکسه اوچ آی عدت بکله ملری ارککلرک حق اولدیغنه اشارت ایچون واجب تعالی بو آیتده عدتی ارککلردن نفی ایتشدن. چونکه عدتن مقصد؛ خاتونک رحمده چوجوق اولوب اولمادیغنی آکلاشیلمقدر. اکر چوجوق وارسه نسی بابانک اولمسنه بناء چوجوق بابانک اولدیغنی جهتله عدت زوجک حقیدر. بناء علیه؛ زفاف اولمادن طلاق ویریلن خاتونک عدت بکله مه سی خاتونده چوجوق اولمادیغنی معلوم اولمسنه میندر. چونکه؛ جماع اولمادی که چوجوق اولسون.

متعه؛ مهر نقیر اولونماده نطاع اولوب زفاف اولمغنی طهره ویریلن خاتون

زوج طرفنمه ویریلن برقات البسه. اکر مهر تقدیر اولونمش ایسه زفافدن اول طلاق ویرلدیکنده تقدیر اولونان مهرک نصفی لازم کلور. بوصورتده متعه واجب دکدر. اما زوج ایسترسه مهرک نصفی ویردیکی کبی برده متعه ویرر. زیرا؛ زوجک سباحته بر مانع یوقدر. متعه ویرمک مندویدر ورجاله یاقیشانده سباحته. ( سرحوهن ) تسریح؛ بو آیتده طلاق اوزرینه مرتب اولدیغندن طهره معنانه دکدر، بلکه تعلیم سبیل یعنی خاتونک کیتسنه محافط ایتمک، مساعده ایتک معنانه در. سراح جمیل؛ اضمار ایتمکسزیه بول ویرمکدر.

خلاصه؛ نکاح اولونوبده زفاف اولمقسزین طلاق ویریلن خاتونلره عدت بکله مکه لازم کلدیکی واکر مهر تقدیر اولونمش ایسه نصف مهر لازم کلوب مهر تقدیر اولونماش ایسه متعه لازم کلدیکی وارککلره لازم اولان بوقیلدن طلاق ویریلن قادینلری اغرار ایتمکسزین خانه لرنده بکله تمیوب مساعده ایتلری لازم اولدیغنی بو آیتدن مستفاد اولان فوائد جمله سنددر.

..

واجب تعالی عموم مؤمنلره دائر بعض مسائل بیاندن صوکره رسولنه مباح اولان خاتونلرک کیملر اولدیغنی بیان ایتک اوزره ﴿ يَا أَيُّهَا النَّبِيُّ إِنَّا أَخْلَلْنَا لَكَ أَزْوَاجَكَ اللَّاتِي آتَيْتَ أَجُورَهُنَّ وَمَا مَلَكَتْ يَمِينُكَ مِمَّا أَفَاءَ اللَّهُ عَلَيْكَ ﴾ بیوریور.

[ ای نبی ذی شان! بز عظیم الشان مهر معجللری ویردیکنک خاتونلریکی واللهم سکا مناسب کوره رک احسان ایدوب ملک یمینله مالک اولدیغک جاریه لریکی سکا حلال قیلدق. بناء علیه؛ آنلره انتفاعده سنک ایچون بر مانع یوقدر. ]

﴿ وَبَنَاتِ عَمَّاتِكَ وَبَنَاتِ خَالَاتِكَ وَاللَّاتِي هَاجَرْنَ مَعَكَ ﴾



[ وسکا معاونت و اطاعت ایتک اوزره مکدن سنکله برابر هجرت ایدن عمک و خالهک و دایک و تیزهک قیزلرینی نکاحله آلقی مراد ایدرسهک سکا حلال قیلدق . ]

﴿ وَامْرَأَةٌ مُؤْمِنَةٌ إِنْ وَهَبَتْ نَفْسَهَا لِلنَّبِيِّ إِنْ أَرَادَ النَّبِيُّ أَنْ يَسْتَنْكِحَهَا خَالِصَةً لَكَ مِنْ دُونِ الْمُؤْمِنِينَ ﴾

[ و مؤمنه اولان بر خاتون اکر نفسی مهرسز نبی ذی شانه هبه ایدر واکر نبی ده او خاتونک نکاحنی مراد ایدرسه او خاتونی مؤمنلرک دوننده حبیب سکا مخصوص اولارق مباح قیلدق . ] زیرا ؛ مهرسز مجرد خاتونک نفسی هبه ایتمی و سنک قبولکک نکاح اولسی سکا مخصوص بر لطف الهیدر . بناء علیه ؛ سائر مؤمنلر ایچون جائز اولمایوب سنک ایچون جائز اولان خاصه لرکدن بریسی ده بودر . اما کافره اولان بر خاتون ولوسه نفسی هبه ایتش اولسون فراش نبوته لایق اولمادیغنه اشارت لیچون جناب حق رسولنه نفسی هبه ایدن خاتونک مؤمنه اولسی لازم اولدیغنی بیان ایتشدر .

﴿ قَدْ عَلِمْنَا مَا فَرَضْنَا عَلَيْهِمْ فِي أَزْوَاجِهِمْ وَمَا مَلَكَتْ أَيْمَانُهُمْ ﴾

[ بز محقق زوجه لری و جاریه لری حقلرنده اهل ایمان اوزرینه فرض قیلدیغمز احکامی بیلیرز و او احکامی لایقيله ادا ایدوب ایتدکارینی دخی بیلدیگمزدن آنلرک قابلیت و استعدادلرینه کوره آنلره درده قدر مباح قیلدق . ] چونکه ؛ زیاده سنی مباح قیلمش اولسه ق حقوق زوجیه لایقيله رعایت ایدرمیه جککرینی بیلدیگمزدن زیاده سنی مباح قیلماق .

﴿ لِكَيْلَا يَكُونَ عَلَيْكَ حَرَجٌ ﴾

[ حبیب ! بزم سکا مباح قیلدیغمزی و ذاتک مخصوص اولان خاصه لریکی وسائر مؤمنلره مباح قیلدیغمزی بیلدیردک که سنک اوزریکه کوجلک اولماسون . ] زیرا ؛ بز سنک ظاهر و باطن احوالکی بیلیرز که سنده حقوق الله مسامحه اولمادیغنی کبی حقوق عبادت تجاوز و بالخاصه حقوق زوجیه دخی اصلاً تجاوز اولماز . بناء علیه ؛ امر نکاحده مؤمنلره واقع اولان خرج سکا واقع اولمادی که مؤمنلره دردن زیاده نکاح جائز اولمادیغنی حالده سکا طقوزه قدر مباح اولدی .

﴿ وَكَانَ اللَّهُ غَفُورًا رَحِيمًا ﴾

[ حالبوکه الله تعالی قوللرینک کناهلرینی ستر ایدر و حقوق عبادت رعایتی کندیلرینه توفیق ایتمکه مرحمت بیورد . ]

خازنک بیانی وجهله رسول اللهک عمیلری و خاله لری قریشدن و داییلری و تیزه لری ( بنی زهره ) قبيله سندندر . بو آیتده رسول اللهه حلال اولان نفسی هبه ایدن خاتون ایله مراد ؛ مهر ایستگمیزیه نفسی هبه و رسول اللهک تمت نظامنده بولونمیشی آرزر ایدرمه مانومر . اما آحاد امت حقنده خاتونک نفسی هبه ایتسیله نکاح اولسه و مهر تسمیه اولونمسه دخی مهر لازم کلور . زیرا ؛ نفسی هبه ایتسی مهر مقامنه قائم اولق رسول اللهه مخصوص خاصه نبیدر . بونکله برابر نفسی هبه ایتک صورتيله زدر رسول اللهده خاتونک بولونوب بولونمادیغنده اختلاف وار ایسه ده ( ابن عباس ) حضرتلرینک روایتنه نظراً نفسی هبه ایدن خاتون عند رسول اللهده بولونماشدر . یلمکیز خاتونک نفسی هبه ایتسی کافی اولمایوب رسول اللهک نکاحنی مراد ایتسی دخی شرط اولدیغنی آیتده بیان اولونمشدر . بناء علیه ؛ نفسی هبه ایدن خاتونی رسول اللهک قبول بیورمسی شرطدر . رسول اللهه اولی اولانلری بو آیتده جناب حق بیان بیوردی . بناء علیه ؛ «مهرینی ویردیگک خاتونلرک و جاریه لرک سکا حلال اولدی» بیورمشدر . زیرا مهر ؛ قادینک حق اولدیغنی جهته مهری ویریلن خاتونلرک قبللری راحت اولدیغنی کبی جاریه لری ده کندی ملکی اولدیغندن ایستدیگی کبی تصرف ایدر هیچ کیمسه نک مداخله حق یوقدر . اما خاتون نفسی هبه ایتمکه مهرینی اسقاط ایدرسه آکا کیمسه بر شی دیبمز . چونکه مهر ؛ خاتونک حق اولدیغنی جهته کندی حقنده تصرفده مستقلدر .

رسول اللهه اقربالرینک حلال اولسی رسول اللهه برابر هجرت ایتلریله مشروط قیلنمشدر . چونکه هجرت ایدنلر هجرت ایتمینلردن افضل اولدیغنی کبی اوزمانده مدینه ده و معیت رسول اللهده ارکاک و قادین اهل اسلامک چوغالسی مطلوب و اسلامیتک تأسس و تقرر ایتسی مصلحتنه موافق اولدیغندن هجرتنه فضله جه اهمیت ویرمک و تشویق اولق اوزره اقرباء رسول اللهدن اولان قادینلرک رسول اللهه نکاحلرینک حلال اولسی هجرتنه



مشروط اولدینی بیان اولونمشدر . نکاحده هجرتک شرط اولمسی ده رسول الله مخصوص  
خاصه نبویه دندر وبوشرطک هجرتک فرض اولدینی زمانه مخصوص اولوب صکره بوشرطک  
مذسوخ اولدینی دخی مرویدر .

آیتک سبب نزولی ؛ قاضی ، خازن ومدارکک بیانلرینه نظراً شو یله در : رسول الله  
عمیسی ابوطالبک قیزی ( امهانی ) یی تزواج ایچون طالب اولمشدی . امهانی اعتذار ایدوب  
رسول الله ده اعتذارینی قبول ایدنجه بو آیتک نازل اولدینی وامهانی « بو آیتله بن رسول الله  
حلال اولمادم . زیرا ؛ هنوز هجرت ایتمه مشدم » دیدیکی مرویدر .

بو آیت ؛ فادینلرک مهرینی ویرمک لازم اولدیغنه ومهرنده خیانت وغدر ایتمک جائز  
اولمادیغنه دلالت ایدر . زیرا ؛ جناب حق رسولنه « مهرینی ویردیکک زوجه لر یکی بز سکا  
حلال قیلدق » بیوزمسيله مهرک ویرلمسی البته لازم اولدیغنه اشارت ایتمشدر . بناء علیه ؛  
مهر معجلانی ویرمه بن زوجه خاتونک نفسنی تسلیمدن امتناع حقنی حائز اولدینی کتب  
فقیه مزده مذکوردر .

( مما افاء الله عليك ) ( مما احسن الله عليك من اموال الغنيمه ) یعنی « الله تعالی نک  
سکا اموال غنیمتدن احسان ایتدیکی جاریه لر یکی سنک اوزریکه حلال قیلدق » دیمکدر .  
چونکه فی ؛ اموال غنیمتده امسانه اولونانه نعمت معناسنه در .

خلاصه ؛ رسول اللهک مهرینی ویردیککی زوجه لر یی وملك یمتله مالک اولدینی جاریه لر یی  
ورسول اللهله برابر هجرت ایدن عمیسنک ، خاله سنک ، دایسنک وتیزه سنک قیزلر سنک  
نکاحلر سنک رسول الله حلال قیلندینی ورسول الله نفسنی هبه ایدوب رسول الله ده  
نکاحنی مراد ایتدیکی مؤمنه خاتونک بلامهر رسول الله حلال اولمسی خاصه نبی اولدینی  
ومؤمنلرک زوجه لر یی وجاریه لر یی حقنده فرض قیلدینی شیئی استعداد ولیاقلرینه کوره  
فرض قیلوب حقوق زوجیه رعایت ایدوب ایتدکلرینی اللهک بیلدیکی وبوا حکامک مشروعی  
رسول الله اوزرندن صعوبتک قالدیرلمسی ایچون اولدینی وبوکی احکامی وضع ایله جناب  
حقک قوللرینه مرحمت بیوردینی بو آیتدن مستفاد اولان فوائد جمله سندندر .

واجب تعالی نسواندن رسولنه حلال اولانلری بیاندن صوکره ازواج مطهراته  
معاشرتدن رسول الله حلال اولانلری بیان ایتمک اوزره ﴿ تَرْجِي مَنْ تَشَاءُ مِنْهُمْ  
وَتُؤَيِّ إِلَيْكَ مَنْ تَشَاءُ ﴾ بیوردیور .

[ حبییم ! زوجه لر کدن ایسته دیکک ایله بیتوقی تأخیر ایدرسک ودیله دیککی نفسکه  
ضم وجلب ایتمکله صحبت ایدرسک . ]

﴿ وَمَنْ ابْتَغَيْتَ مِمَّنْ عَزَلْتَ فَلَا جُنَاحَ عَلَيْكَ ﴾

[ وفراشندن عزلت ایتدیکیک زوجه کی ایسترسهک جلب ایدوب آنکله الفت  
ایتدیکیکده سنک اوزریکه کنه یوقدر . ] زیرا ؛ زوجه لر کدن ایسته دیکک ایله ایسته دیکک  
زمان انسیت ویدیکرینک انسیتی تأخیر ایتمک جناب حقک سکا بر لطفیدر .

( ترجی ) ارها دندر . ارجا ؛ تأخیر ایتمک معناسنه در . ( وتؤی ) کنه بنه ضم  
ایتمک ربناغنه آلمه معناسنه در . بو آیتک نزولندن اول زوجه لر یی بیتنده تقسیمه رعایت ایتمک  
رسول الله اوزرینه واجب ایدی . بویسه رسول الله تضیق اولوب وحی الهی یی تلقی ده  
قلب نبویلری اضطرارندن سالم اولامیه جفنه بناء جناب حق رسولی اوزرندن وجوبی  
قالدیردی ورسولنی بو آیتله خیر قیلدی وبیوردی که « حبییم ! سن زوجه لرندن ایسته دیکک  
کیمسه نک تقسیمنی تأخیر ایدر وایسته دیکک کیمسه بی نفسکه ضم ایدر انسیت ایدرسک » .  
ایشته بوضورتله رسولنی خیر قیلمله اضطرارنی ازاله و « برمدت موقته بیتاغنی ترک ایتدیکیک  
کیمسه دن ایسته دیککی کتیرر آنکله انسیت ایدرسک . بو خصوصلرده سنک اوزریکه  
کنه یوقدر » بیورمقله رسولنک صلاحیتنی توسیع ایتدی . فقط رسول الله خیر اولمقله  
برابر ازواجی بیتنده تقسیمه رعایت ایتمکله التفاتندن هیچ برینی اوزاق طوتمادی  
وبو خصوصده لطفندن هیچ برینی محروم ایتدی .

خازنک بیانی وجهله آیتده عزلت ؛ طهره معناسنه اولدیغنه نظراً « طلاق رجعی  
ایله طلاق ویردیکک زوجه کی ایسترسهک کیری آلیر انسیت ایدرسک » دیمکدر . بو آیتده  
زوجه لر یی بیتنده تقسیمه رعایتده رسول اللهک خیر اولمسی خاصه نبیدر . چونکه ؛ آحاد



امت حقنده بو خیرک اولمایوب البته تقسیمه رعایت واجب اولدیغندن ترك ایدن کیمسه خاتونه ظلم ایتدیکی جهته کناهار اولور . اما رسول الله اوزرینه واجب اولماسی ؛ جناب حَقِّ رسولنه بر لطفی اولدیگی کبی رسول الله واجب اولمیهرق تقسیمه رعایتی رسول الله طرفندن فضیلت و زوجهرینه آریجه بر لطف اولدیغنده شبهه یوقدر ، آنجق ایچندن بمضایرینک معامله زوجهرینی ترك ایتیش اولسه ظلم اولماز . زیرا ؛ بو سورده بوندن اول بیان اولوندیگی وجهله آیت خیارده ازواج نبی خیره قیلندقلرنده بو شرطله خیر قیلنمشلردی . یعنی الهی و رسولنی اختیار ایدن ؛ تقسیمه رعایت حقنی ترك ایتک شرطیله خیر قیلنمشلردی . آنلرده بو شرطله رسول الهی اختیار ایتکله تقسیم حققری رسول الله رأینه حواله ایتدکلرندن تقسیم حقنی دعوایه صلاحیتلری قالمامشدر . بویله اولدیگی حالده بیان اولوندیگی وجهله رسول الله تقسیم اصلاً ترك ایتمه مشدر . بو آیتده ( ترجمی ) طهره ( آوی ) اَمَّا كَ مَعَانِسِه اولدیغنه نظراً مَعْنَا آیت شویله در : [ حبیلم سن زوجهرلرکدن ایستهدیککه طلاق ویرر و ایستهدیککی نزدکه طوتارسک ] دیمکدرکه طلاق ویروب ویرمه مکده خیرسک دیمک اولور . رسول الله ازواج مطهراتدن (سوده) حضرتلرینه طلاق ویرمک مراد ایتشدی . سوده حضرتلری « یارسول الله ! بکا طلاق ویرمه که یوم قیامتده بنده ازواجک میاننده حشر اولونایم و بن نوبتی حضرت عائشهیه ترك ایتدم » دیدی و رسول الله ده رجاسنی قبول ایله طلاقنی ترك و ازواج مطهرات میاننده اها ایتکله مسرور ایتدی .

..

واجب تعالی رسولنی خیر قیلدیغنی بیاندن سوکره رسولنک خیر اولسی زوجهری حقنده خیر اولدیغنی دخی بیان ایتک اوزره ﴿ ذَٰلِكَ أَذْنٰی اَنْ تَقْرَآ غَیْثُہُنَّ وَلَا یَحْزَنَ وَّ یَرْضَیْنَ بِمَا اٰتَیْتِهِنَّ کُلُّہُنَّ ﴾ بیوریور .

[ حبیلم ! ایشته شو زوجهرلیکک ایشلرینی سکا تفویض ایدوب تقسیم خصوصنده سنی خیر قیلما من زوجهرلرک کوزلرینی دیکله ندیروب راحت ایتدیرمکه غایت یقین بر طریقدر وایشی سکا تفویض ایتمه من آنلرک قایلرینی محزون ایتمز و سن آنلرک کلیسنه هر نه ویررسه کراضی

اولورلر . ] چونکه ؛ ویردیکنک شیئی اوزریکه واجب اولمیهرق ویرمک سنک طرفکدن لطف واحسان اولدیغندن آنلرک قایلری راحت اولور محزون اولمازلر . زیرا ؛ رسول الله اوزرینه تقسیمه رعایت واجب اولمادیگی حالده ازواجی بیتنده تقسیمه رعایت ایدوب جمله سنی مساوی طوتمی آنلری معامله رسول الله دن خوشنود و راضی ایدر و هربری رسول الله لطفندن نمون اولورلردی . اما اگر تقسیمه رعایت رسول الله اوزرینه واجب اولمش اولسه ایدی هر نه یاپسه اوزرینه واجب اولان شیئی ادا ایتیش اولدیغندن لطف ایتیش اولمازدی . بناءً علیه ؛ سوده رضی الله تعالی عنہادن باشقه ازواج مطهراتک جمله سنک نوبته رسول الله رعایت ایدردی . اما سوده یوقاروده بیان اولوندیگی وجهله نوبتی حضرت عائشهیه ترك ایله حقنی اسقاط ایتدیکندن آنک نوبته تصادف ایدن کونده جناب رسالت مأب افندیمز حضرت عائشه ایله صحبت ایدردی . بر زوجهنک نوبت حقنی دیکرینه ترکله کندی حقنی اسقاطک جوازینه سوده نک حقنی ترك ایدوب رسول الله ده قبول ایتسی دلیلدر .

﴿ وَاللّٰهُ يَعْلَمُ مَا فِی قُلُوْبِكُمْ وَكَانَ اللّٰهُ عَلِیْمًا حَلِیْمًا ﴾

[ الله تعالی سنک قیلر کزده اولان اسراری بیلیر . حالبوکه الله تعالی جمله اسراری بیلدیکی کبی واقع اولان خطالریکنک جزاسنی تأخیر ایدر . چونکه ؛ حلیمدر ، حلم ایله معامله ایدر . ]

خلاصه ؛ رسول الله ازواجی بیتنده تقسیم خصوصنده ایستهدیککی ایله صحبت ایتکده خیر اولوب اوزرینه تقسیمه رعایت واجب اولماسی و ایستهدیککی فراشیله مشرف ایدوب ایستهدیکسنک فراشی تأخیر ایتکده و وقت آخردہ تأخیر ایتدیککی تقدیم ایتکده طرف الہیدن مأذون اولسی و بو خیرک ازواج مطهراتک راحتلرینی و محزون اولماسلرینی موجب اولسی و رسول الله اوزرینه تقسیمه رعایت واجب اولمادیغندن رسول الله هر نه ویررسه لطف واحسان ایتیش اولدیگی جهته آنلرک راضی اولملری بو آیتلردن مستفاد اولان فوائد جمله سندندر .

..



واجب تعالی رسولنک اوزرینه ازواجی حقنده تقسیمه رعایت واجب اولمادیغنی وازواجی ، دنیایی وزینتی اختیار ایتمکه اللهک رضاسنی ورسولنی اختیار ایتمک بیننده بخیر قیلوب آنلرده الهی ورسولنی اختیار ایتدکلیبی بیاندنصکره ازواج مطهراتی تلطیف ایتدیکنی بیان ایتمک اوزره ﴿لَا يَحِلُّ لَكَ النِّسَاءُ مِنْ بَعْدِ﴾ بیوریور .

[ حیم ! ازواجک سنی اختیار ایتدکدنصکره سکا بوطقوزدن باشقه نسواندن بر فرد حلال اولماز . ]

﴿وَلَا أَنْ تَبَدَّلَ بِهِنَّ مِنْ أَزْوَاجٍ وَلَوْ أَعْجَبَكَ حُسْنُهُنَّ﴾

[ سنک ایچون ازواجدن هیچ بر زوجه بونلری تبدیل ایتمکده حلال اولماز ولوسه او نکاح ایتمک ایسته دیکک خانونلرک حسنی سکا عجب ویرمش اولسون . ]

یعنی ؛ تحت نکاحکده اولان زوجه لرکدن برینه طلاق ویروبده آنک بدلنه باشقه برینی آلق سنک ایچون حلال اولماز .

﴿إِلَّا مَا مَلَكَتْ يَمِينُكَ﴾

[ آنجق ملک یمینله مالک اولدیغک جاریه مستنادر . ] بناء علیه ؛ بوطقوز زوجه لرکدن باشقه جاریه بولوندوره بیلیرسک .

﴿وَكَانَ اللَّهُ عَلَى كُلِّ شَيْءٍ رَقِيبًا﴾

[ والله تعالی هر شی اوزره کوزه یجی اولدی . ] بناء علیه ؛ هرایکی طرفک حقوقنی محافظه ایدر .

یعنی ؛ الله تعالی ازواج مطهراتی دنیا وزینتی اختیارله رسولنی اختیار ایدوب کفاف مقداری نفقه به قناعت ایتمک بیننده بخیر قیلوب آنلرده اللهک رضاسنی ورسولنی اختیار ایدنجه جناب حق آنلرک حسن نیت ورضالرینه مکافات اولق ایچون آنلرک اوزرینه دیگر خاتون آلمقدن ویاخود آنلرک برینه طلاق ویروب ازواج مطهرات آره سنندن چیقارمقله برینه دیکرینی آلمقدن رسولنی منع ایتمش و آنجق ملک یمینله مالک اولدیغنی

جاریه بولوندورمغه مساعدده بیورمشدر . چونکه ؛ الله تعالی هر شیشی کوزه یجی اولدیغندن هر کسک حقوقنه رعایت و طرفیندن مقابله بالمثل قاعده سنه توفیقاً هر کسک صلاحیتنی تعیین و بر حمله تحدید ایدر . بناء علیه ؛ رسولنه طقوزده قدر مساعدده و آنلر بیننده تقسیمه رعایتی رینه حواله ایدنجه بوکا مقابل ازواج مطهراتی تطیب ایچون رسولنی ده طقوزدن زیاده بر خاتون آلمقدن و آنلردن برینه طلاق ویرمکه محزون و صحتندن محروم ایتدکن رسولنی منع ایتمش ورسولنی ایله ازواجی آره سننده لازم اولان طرفینک یکدیگرینه قارشی حرمتنی تأمین بیورمشدر . بناء علیه ؛ ازواج مطهرات رسول اللهک تقسیمه واحسانه راضی اولدقلری کبی رسول اللهده بوطقوزدن باشقه بر خاتون آمامقله مأمور اولمشدر .

فخر رازینک بیانی وجهله بوآیتده منع اولونان تبدیل ؛ عادت جاهلیه دن اولان تبدیل اصولنی الغادر . چونکه ؛ زمان جاهلیه ده ایکی احباب ایسترلر سه زوجه لرینی مبادله ایدرلردی . جناب حق بوآیتده مبادله کبی طبع بشره مغایر اولان عادت کره یی منع ایتمشدر . بناء علیه ؛ زمان جاهلیه ده جاری اولان بومبادله عادت کره یی سنه بوآیتک نازل اولمسیله ختام ویرلمشدر . کرچه آیتده خطاب ؛ ظاهرده رسول اللهه ایسه ده حقیقته امتنه در . چونکه متبوعه خطاب ؛ تابعه ده خطا بدر .

\*\*

واجب تعالی رسولنک زوجه لرینه معاشرته دائر احکامنی بیاندن صوکره امتنک رسوللرینه قارشی آلاجلری وضعیتی و لازم اولان حرمتی بیان ایتمک اوزره ﴿يَا أَيُّهَا الَّذِينَ آمَنُوا لَا تَدْخُلُوا بُيُوتَ النَّبِيِّ إِلَّا أَنْ يُؤْذَنَ لَكُمْ إِلَى طَعَامٍ غَيْرَ نَاظِرِينَ إِنِيهٖ﴾ بیوریور .

[ ای مؤمنلر استیدان ایتدکن نیککزک حجره لرینه کیرمه یک ، الا رسولکز طرفندن سزه اذن ویریلور و طعام یمکزه مساعدده اولونورسه اذن ویریلن محله طعامک وقتی کوزه ته یجی اولدیغکز حلاله کبرک ، فقط طعام وقتی کوزله مه یک . ]

﴿وَلَكِنْ إِذَا دُعِيتُمْ فَأَدْخُلُوا﴾



[ولكن رسول الله طرفدن دعوت اولونديغكزده درحال خانه سعادتلرينه كيرك.]

﴿ فَإِذَا طَعِمْتُمْ فَانْتَشِرُوا وَلَا مُمْسِكِينَ لِلدِّينِ ﴾

[خانه سعادته حاضر اولان طعامی ینجه اوراده سویله نه جك سوزلری دیکله مهنه خانه سعادتن چیقك ، طاعيلك .]

﴿ إِنَّ ذَلِكَ كَانَ يُؤْذِي النَّبِيَّ فَيَسْتَجِيبُ مِنْكُمْ ﴾

[ زیرا ؛ شوسرك دعوتسز خانه سعادته كيرمكز وطعامدنصكره سوزلری دیکله مكز نيكنزه اذا ويرر ونيكنزه سزه « چيقتك اومدن » ديمكه سزدن حيا ايدر .]

﴿ وَاللَّهُ لَا يَسْتَجِيبُ مِنَ الْحَقِّ ﴾

[ حالبوكه الله تعالى حق اولان شئي سزه بيان ايتمكدن حيا معامله سي ياپماز . ]  
بناء عليه ؛ سرك حقيكنزه منفعت اولان شئي سزه بيان ايدر شو حالده سرك ايچون صلاح ؛ دعوتسز كيرمه مكدر و كيرديكنكزده طعامی ینجه همان چيقمقدر .

يعني ؛ ای . مؤمنلر ! اوقادن هيچ بروقتده سزرسولكنكزك حجره لرينه كيرمه يك .  
آنحق وقتي كوزه تمز اولديغكز حالده سزه اذن ويرلك وقتي مستنادر . دعوت اولمقسزین مأذون اولديغكز بر طعام اولورسه آتی يمك ايچون كيررسكز فقط او طعامكده پيشه جيكي وحاضره لانه جني وقتي كوزه توب دورمازسكز ولكن طرف رسالتدن دعوت اولونديغكزده درحال دعوتنه اجابته دعوت اولونديغكز خانه سعادته كيرك . سرك ايچون حاضر لانان طعامی ييوب آجافكزي دفع ايدنجه درحال طاعيلك . طعام ييديكنكز حجره ده اوتوروب قالميك و اوراده بربريكرك سوزيله انسيت ايدر و اهل بيت نبوتك سوزلريني ديكله ييحي اولديغكز حالده اكله شمه يك . حاجتكزي قضا ايدنجه درحال چيقتك . زیرا ؛ سرك خانه سعادته مكث ايدوب قلما كز جناب نبوت پناهكزه اذا ويرر ونيكنزه سزي چيقارمقدن اوتانير . حالبوكه الله تعالى سزه حق بيان ايتمكدن حيا معامله سي ياپماز .  
يعني سزي چيقارمق حقدن ولكن رسولكنكز كندى خانه سنده اولديغكز جهته « چيقتك خانه مهنه » ديه مز ، آنحق الله تعالى سرك چيقمكزي امر ايدر .

خازن ، ييضاوی ومدار كده بيان اولونديغنه نظراً بوآيت ؛ رسول اللهك طعام وقتي كوزه تن بعض كيمسكز حقتده نازل اولمشدر . چونكه ؛ بر طاقم كيمسكز رسول اللهك طعام وقتي كوزه تير و حجره سعادته بلاذن كيرلر . طعامك پيشمسنی وحاضره لانسني بكمز و طعامی بيرلر وسوزی اوزاتير و بر مدت خانه سعادته قاليوردی و بو معامله دن رسول الله ده متأذی اولوردی . ايشته جناب حق بوآيته آنلری و آنلك امثالي بوكي مناسبسز معامله دن نهی ايتمش و بو مثللو علويت انسانيه مذني اولان اخلاق مذمومه دن مؤمنلك تبرى ايتلری لازم اولديغی بيلدير مشدر . بناء عليه ؛ بوآيته جناب حق آداب و طابت ايتمينلری تأديب و وظيفه سنی بيلمه ينلره وظيفه لرینی تعليم و تربيه نك خارجي معامله ده بولونانلری تربيه ده دعوت ايتمشدر . ديكر بر روايته نظراً بوآيت حضرت زينبك وليه جمعيتده نازل اولمشدر . چونكه ؛ مسلم و بخارينك اتقاق لريله حضرت انس بيوره شلردركه « رسول اللهك مدينه يي تشريفلرنده اون ياشنده اولديغ حالده بن رسول الله خرمجي اولدم . تام اون سنه خدمت ايتدم . بناء عليه ؛ بندين زياده رسول اللهك احوال داخله سنه واقف اولان يوقدر . رسول الله زينب رضي الله عنهايه زفاف اولديغك صباخنده طعام احضاري ايله ناسي دعوت ايتدی . فوج فوج ناس كلدي طعام ييديلر كيتديلر . بعده بر جماعت طعامی بيركدن صوكره سوزه باشلاديلر و اوزاتديلر . رسول الله آنلك بو معامله لرینی سومدی . خانه سعادتن چيقتی . بنده برابر چيقتم . حضرت عائشه نك حجره سي اوكنه كلدك . رسول الله آنلری كيتدی ظنيله عودت ايتدی و كوردی كه چيقامشدر . تكرار كيتدی كلدی . اوچنجي دفعه كيدوب كلنجه چيقتيلر . رسول الله ده حجره سعادته كيردی و بوآيت نازل اولدی « ديمشدر . سبب نزول هر هانكيسي اولورسه اولسون آيت حليله ؛ بالعموم انسانلره وبالخاصه قرآنه ايمان ايدن اهل ايمانه بويوك بر تربيه درسي ويرمشدر . چونكه ؛ بوكي بر كيمسه نك طعام وقتي كوزه توب او وقتده بلا لزوم كلوب ازعاج ايدنلر و ايشني بتيردكدن صوكره مالايعني ايله اشتغال ايدوب فضله اكله شمه مكله حانه صاحبنی راحتسز ايدنلر زمان سعادته و اوبرقاج كيمسه به منحصر دكلدر ، بلكه هر زمان و هر يره بولونديغدن جناب حق بالعموم اهل ايمانه خطاب ايدرك جمله مؤمنلری بوكي حالردن نهی ايتمشدر . گرچه آيتده « نبينكرك اوينه بلاذن كيرمه يك » دنيا مش ايسه ده آيتك نزولنه سبب ؛ حجره سعادته قالان كيمسكز اولمسنه بناء حجره سعادته



ذکر اولونمشدر، یوقسه بو حکم حجره سعادته مخصوص اولدیغندن دکلدر. شو حالده بالعموم خانه لره و انسانلره شاملدر.

(غیر ناظرین اناه) انا؛ وقت معناسه در. (انی)، (یانی)، (اناء) مصدر در و ضمیری طعامه راجعدر. (ناظرین) باقمه معناسه ایسه ده برشیته باقمه اوشیئی کوزه تمک ایجاب ایتدیکندن بوراده (ناظرین) (منتظرین) معناسه یعنی طعامک وقتنی کوزه تمهیی اولدیغکز هالده دیمکدر. (الی طعام) ده بولونان طعام ایله مراد؛ نعمت الله افندیکن بیانی وجهله ماضی لایحه طعام دیمکدر. شو حالده آتک معناسی: [ای مؤمنلر] نسیکیزک حجره لرینه هیچ بر وقتده کیرمه یک؛ آنجق نسیکیز طرفندن حاضر لاش بر طعامه سزک ایچون اذن ویرلیدیکنده طعامک وقتنی کوزه تمهیی و طعامک وقتندن اول کیرمه یچی اولدیغکز حالده کیرمکیز مستنادر. زیرا؛ اذن رسول الله اوزره کیرمکده ضرر یوق [دیمکدر].

خلاصه؛ بوابت سزک همگی مایمیر: برنجیسی؛ رسول الله میده لرینه کیردب طعام وقتنی بکلامک جائز اولماسی، ایکنجیسی؛ رسول الله ماضی لایحه طعامی بک اوزره اذنه ویردیکنده کیرمک جائز اولسی و سائر مؤمنلرک خانه لرینه دخی حکم شریعتک بوبه اولسی، اوچنجیسی؛ طعامک وقتنره اول کیردب آنک یشمی کوزه تمک جائز اولماسی، در دنجیسی؛ رسول الله طرفنره دعوت وقوع بولدیغنره در حال کیرمک لازم اولسی، بشنجیسی؛ دعوت اولونانه طعامی بنجه در حال او مجلسره طاغیلم لازم کلمسی، آلتنجیسی؛ طعامک نصکره او مقامده اوزره اوزادی لافه باشوبوب خانه صاحبی ازواج اتمک جائز اولماسی، یدنجیسی؛ بومتللو مقامک رسول الله ازا ویردب رسول الله آنلری بیقرار مقدره اولانسی، سکزنجیسی؛ الله تعالی مقی بانه اتمکده میا معاندسی یا مامسیر. فقط دعوت اولونان محله اوتوروب صحبت ایدوب اتمک عرف وعادته و خانه صاحبک حاله و خانه نک تحملنه تابعدر. چونکه آیتده چوق اوتورمق جائز

اولادیغنک عاتی و سبی؛ رسول الله اذالانسی اولدینی بیان اولونمشدر. شو حالده خانه صاحبک اذالانمادی و بلکه اوتورولسنی آرزو ایتدیکی صورتده ضرر یوق دیمکدر. مثلاً اکثریا بلاد اسلامده مسافر خانه لره و کنیش اولان اولره وقوعبولان دعوتلرده خانه صاحبلرینک خاطر لرینه اذالک شویله دورسون بالعکس دعوتدن مقصد محبت اتمک اولدیغندن او کبی محللرده ایسته دیکی قدر اوتورمقده بأس یوقدر. زیرا؛ خانه صاحبی اوتورمقده نمون اولور، بلکه بعض محللرده طعامی ینجه قالقوب کیتمک عادة مذموم بیله اولور.

\*\*

واجب تعالی خانه سعادته کیرمه نک آدانی و دعوت وقوعنده دعوت اجابتک لزومی بیان ایتدیکی کبی اهل بیت رسول اللهدن برشی ایسته نیلیدیکنده و راه پرده دن ایسته نیلمک لازم اولدیغنی دخی بیان اتمک اوزره ﴿وَإِذَا سَأَلْتُمُوهُنَّ مَتَاعًا فَسَلُّوهُنَّ مِنْ وَرَاءِ حِجَابٍ﴾ بیوریور.

[ای مؤمنلر! ازواج مطهراتدن برشی ایسته دیکیکنده اوشیئی آنلردن پرده آرقه سندن ایسته یک.]

﴿ذَلِكُمْ أَطْهَرُ لِقُلُوبِكُمْ وَقُلُوبِهِنَّ﴾

[ایشته شو پرده آرقه سندن ایسته مکز سزک و ازواج نبینک قلبلریکزه زیاده طهارتدر.]

﴿وَمَا كَانَ لَكُمْ أَنْ تُؤْذُوا رَسُولَ اللَّهِ﴾

[وسزک ایچون آجیق بر صورتده ازواج مطهراتدن برشی ایسته مکه رسول الله اذالتمکز صحیح اولادی.]

﴿وَلَا أَنْ تَكُونُوا أَزْوَاجَهُ مِنْ بَعْدِهِ أَبَدًا﴾

[وسزک رسول اللهدن صکره ازواج مطهراتی نکاح اتمکز جائز اولادی.]



﴿ إِنَّ ذَٰلِكُمْ كَانَ عِنْدَ اللَّهِ عَظِيمًا ﴾

[ زیرا ؛ ايشته شو كرك رسول الله اذا كز و كرك ازواجی نكاح ايمكيز الله تعالى عندنده يك بويوك كناه اولدی . ]

﴿ إِنْ تُبْدُوا شَيْئًا أَوْ تُخْفَوْهُ ﴾

[ ای مؤمنلر ! اكر سز برشيئي لسانكـزله اظهار ايدر و ياخود قلبكـزله صاقلارسه كز آندن قورقك . ]

﴿ فَإِنَّ اللَّهَ كَانَ بِكُلِّ شَيْءٍ عَلِيمًا ﴾

[ زیرا ؛ الله تعالى هرشيئي بيلير و آكا كوره جزا ويرر . ]

﴿ لَا جُنَاحَ عَلَيْهِنَّ فِي آبَائِهِنَّ وَلَا أَبْنَائِهِنَّ وَلَا إِخْوَانِهِنَّ وَلَا أَبْنَاءَ أَخَوَاتِهِنَّ وَلَا نِسَائِهِنَّ وَلَا مَمْلَكَتَ إِيْمَانِهِنَّ ﴾

[ ازواج رسول اللهك بابالري و اوغوللري و قرداشلري و اوغلان قرداشـلرينك اوغوللري و قيز قرداشـلرينك اوغوللري و كنديلري كي مسلمان خاتونلري و كندی ملك يمينيله مالك اولدقلري جاريه لريله برده سز كوروشملرنده آنلر اوزرينه كناه يوقدر . ]

﴿ وَاتَّقِينَ اللَّهَ ﴾

[ ای ازواج مطهرات ! شوتعداد اولونانلرك غیری بر كيمسه ايله برده سز كوروشمكدن نفسكـزى صايقنك واللهدن قورقك . ]

﴿ إِنَّ اللَّهَ كَانَ عَلَىٰ كُلِّ شَيْءٍ شَهِيدًا ﴾

[ زیرا ؛ الله تعالى هرشيئه حاضر و ناظر در . ] بناء عليه ؛ سزك نصل كوروشديكـكـزى كورور و بيلير و آكا كوزه جزا ويرر .

ايشته بو آيتـلرله جناب حق طائفة نسوانه سترك لزومى و سترده كرك ار ككلر و كرك

قادينلر ايچون قبلرلنده تميزلك و طهارت اولديغنى بيانله رسولنك قدرنى اعلا و شائى ترفيع ايتمشدر .

حضرت عائشه دن مسلم و بخارينك روايتلرينه نظراً آيت حجابك يعنى قادينلرك مستوره بولونلرينه دائر اولان بو آيتك سبب نزولى شويله در : ازواج مطهرات بعض اقشاملرى مدينه قادينلريله برابر خالى ميدانلغه تنزه ايچون چيقارلردى و حضرت عمرده « يارسول الله ! ازواجكـزى برده آلتنه آلسه كـز . زیرا ؛ حضور رسالتكـزه هر نوع انسانلر كلير كيدرلر » ديردى و لكن طرف السهيدن برامر كـديكـندن رسول الله حضرت عمرك بوسوزنى سكوت ايله كچيشديرردى . بركون ازواج مطهراتدن حضرت سوده عادت وجهه اوزره تنزهه چيقديغنده حضرت عمر « يا سوده ! بزنى بيلدك » ديدى . بوسوزدن مقصدى حجاب حقنده امر اللهنك كلمسه حرصندن نشأت ايتمشدى و اصحابدن بر كيمسه ده رسول الله وفات ايتديكـنده « حضرت عائشه بنى بن البته نكاح ايدر » ديمسى اوزرينه بو آيتك نازل اولديغى مرويدر . بو آيتده ازواج رسول اللهك مستوره اولمسييله امر اللهى كـديكى كي رسول اللهدن صوكره نكاحلرينك جائز اولماديغنى دخى بيانله جناب حق رسولنك قلبى تظمين ايتمشدر . چونكه ؛ سوردهنك اولنده بيان اولونديغى وجهله ازواج رسول الله بالعموم مؤمنلرك والدهلري اولديغى جهته اولادك والدهلرينى نكاحله آلمسى جائز اولماديغى كي حرم رسالتپناهى به آحاد امتدن هيچ بر كيمسه مناسب اولماديغندن هيچ برفردك حرمه داخل اولاميه جغنى بيانله ازواج مطهراتك هر برى زوجة رسالت شرفنى ابدأ محافظه ايدمـجـكـرى صورت قطعيه ده اعلان اولومشدر . بناء عليه ؛ رسول اللهك وفاتندن صوكره « ازواجدن برينى نكاح ايدر » ديهرك علناً سويله مك جرآننده بولونان و ياخود بو كي شيلري قبلرلنده صاقلايان كيمسه لرك عذاب السهيدن قورقلرى لازم اولديغى بيان اولومشدر . چونكه ؛ الله تعالى هرشيئي بيلديكـندن بو كي اسرارى بيلمكه لايق اولديغى جزاي ويره جكي شه سزدر . شو حالده نفسى عذابدن قورتارمق ايسته ين كيمسه لرك كرك حال حياتنده و كرك حال ارتحالنده رسول الله اذا ويره جك احكام شريعتـه مفاير بر حر كنده بولونامسى لازمدر . حجاب آيتى نازل اولونجه اقرباء رسول الله « بزدرده برده آرقه سندن مى سويله شه جكـز ؟ » ديملري اوزرينه جنساب حق قادينلر ايچون يدى صنف كيمسه لرله سويله شمكده برده لازم اولماديغنى بيانله اقربانك حر كـتلرينى تعيين ايتمشدر . چونكه ؛ قادينـلـرك پدرلري و اوغوللري و برادر زاده لريله همـشـيره زاده لري و كـندى



برادرلری محرم اولدقلری جهته یئیرلنده نکاح جاری اولمادیغندن پردهیه حاجت اولمادیغنی کبی کندیلری مثللو سائر مسلمان قادینلری و ملک یمینله مالک اولدقلری کوله لری و جاریه لری ایله دخی سویله شمکده پردهیه لزوم اولمادیغنی بیان اولونمشدر. بناء علیه؛ شوذ کر اولونانلرله بلا پرده سویله شمکده کناه یوقدر و بونلردن باشقه رجال ایله سویله شمکدن قادینلرک نفسلری صاقینملری و بوکبی شیردن محافظه ایتلری لازم اولدیغنه اشارت ایچون جناب حق آیتک آخرنده اتقا ایله امر ایتدیکی کبی هرشی اوزرنده حاضر و ناظر اولدیغنی و پردهیه رعایت ایدوب ایتدکلرینی و کیملرله سویله شدکلرینی بیلدیکنی بیانه پردهیه اخلاص ایتک ایسته یئلری تهدید ایتمشدر. بوندن بر ایکی آیت صوکره پردهنک لزومنی و فوائدینی بیان حقنده تفصیلات کله جکنه بناء بوراده بوقدرله اکتفا اولونمشدر. خاتونک عمیسی ایله دایمی پدري مقامنده محرم اولدقلرندن آیتده بوایکی صنف ذکر اولونمامشدر. ((واقین الله)) امر ستره دقنک لزومنه و ستری اخلاص ایتک قطعاً جائز اولمادیغنه اشارت ایچون غائبدن خطابه انتقال اولونمشدر.

تفسیر خازنده وقاضیده بیان اولوندیغنی وجهله خاتونک کوله سی کدینه محرم اولوب اولمادیغنده اختلاف واردر. بعضیلر «محرمدر» بناء علیه؛ قادینک کوله سنه پردهلی بولونسی لازم دکدر» دیدیلر و بعضیلر «ناحر مدبر» پردهلی بولونمق لازمدر» دیدیلر. ایسته شو اختلافه بناء فخر رازی خاتونک کوله سنه قارشى آچیق بولونمسنده محذور اولمادیغنده آچیق بولونمسنده بأس یوقدر، اکر محذور اولورسه کوله سنه قارشى مستوره اولمق لازم اولدیغنی بیان ایتمشدر. فقط حقیقه عندنده کوله سی اجنبی کبی اولدیغندن مستوره اولسی لازمدر. کرچه بو آیت؛ ازواج رسول الله حقنده نازل اولمش ایسه ده عموم مؤمنلرک حقنده حکم الهی بویه در و سائر نسوان ایچون آیری بر حکم یوقدر.

\*\*

واجب تعالی رسوائک خانه سعادتنده آحادامت طرفندن لازم اولان احترامی بیاندن صوکره ملاً اعلا و ملاً ناس ایچنده احترام اولوندیغنی بیان ایتک اوزره

﴿إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا﴾ بیوریور.

[الله تعالی نیسی اوزرینه مدح و ثنا ایدر و ملکرده رحمتله دعا ایدرلر. ای مؤمنلر! سز نیکیز اوزرینه شاننک اعلاسنه دعا ایدک و سلام اهدا ایتکله سلام ایدک.] یعنی؛ الله تعالی و ملکرک نبی ذی شان اوزرینه انواع رحمت و کرامتله اعتنا ایدرلر و رسول اللهک شان و شرفقه تعظیم و قدر عالیرینک ترفیغه ملکرک دعا ایدرلر. الله تعالی و ملکرک انواع کرامتله اکرآمده بولونونجه ای مؤمنلر! سزده رسولکرزه خیرله دعا ایدک. بالخاصه اسمنی ایشیدنجه صلوات شریفه کتیرک و سلامتله دخی دعا ایدک که آخرنده اجر و مثوباته نائل اولک و سلامت بولک.

نعمت الله افندینک بیانی وجهله رسول اللهک اسمنی ایشیدن هر مؤمن اوزره صلوات شریفه کتیرمک واجب اولدیغنه بو آیت دلالت ایدر. بناء علیه؛ رسول اللهک حال حیاتنده فصل تعظیم لازم ایسه حال وفاتنده واسم جلیلی ذکر اولوندیغنده دخی کمال تعظیم و احترام لازم اولدیغنه دلالت ایدر. چونکه؛ رسول الله جمله مکلفک ولی نعمتی و طریق استقامته سوق ایدر بر مرشد کاملی اولوب اهل ایمانی ایمانه دعوت ایدن و هدایتلرینه یکنه سبب اولان رسول الله اولدیغندن بو مثللو جسم نعمتک شکرینی صلوات شریفه ایله ادا ایتک هر مؤمن اوزرینه لازمدر. بناء علیه؛ رسول الله صلوات شریفه ایله دعا و سلام اهدا ایدرک اسم شریفی ایشیدنجه بر تعظیم مخصوصله تعظیمه مسارعت ایتک هر مؤمن اوزرینه واجبدر. بیضاوینک بیانی وجهله انبیایه تبعیتله آحادامت اوزرینه صلوات کتیرمک جائز ایسه ده استقلال اوزره صلوات عرف شرعه رسل کرامه مخصوص اولدیغندن. آحادامته صلواتله دعا جائز دکدر. رسل کرامه صلوات؛ شانلرینک اعلا اولونمسنه دعادر. اما صلوات شریفه ایله دعانک وجوبی بزم رسول اللهدن آدیغمز فیض دینی مقابلنده شکرله آخرنده اجر و مکافاته نائل اولقلغمز ایچوندر. صلوات شریفه وسیله سیله بر چوق اجره



نائل اولاجغمزه بوآیت یونندن کافیدر . زیرا ؛ جناب حقک امر ایتدیکی شیئی ایشله مکده البته ثواب واردر .

..

واجب تعالی رسولنه صلواتله امردن صوکره بالعکس رسول الله اذا ایدنلرک جزالری لعنت اولدیفی بیان ایتک اوزره ﴿ إِنَّ الَّذِينَ يُؤْذُونَ اللَّهَ وَرَسُولَهُ لَعَنَهُمُ اللَّهُ فِي الدُّنْيَا وَالْآخِرَةِ وَأَعَدَّ لَهُمْ عَذَابًا مُّهِينًا ﴾ بیوریور .

[ شول کیمسه لرکه آنلر اللهک امرینه مخالفت و رسولنه برطاقم نالایق احوالی اسناده جرأت ایتمکله ایذا ایدرلر . آنلره الله تعالی دنیا ده و آخرته لعنت ایدر . یعنی درگاه الوهیتدن طرد و تبعید ایتمکله رحمتدن محروم ایدر و آنلره اهانت ایدیجی عذاب حاضرلادی . ] چونکه ؛ آنلر اللهک و رسولنک راضی اولماقلری افعالی ایشله مکله مخالفت ایتدکلرندن لعنته و عذاب مهینه مستحق اولمشلردر . ﴿ یؤذون ﴾ ایذاء ؛ آبیتمی معناسنه اولدیفی جهنله الله تعالی حقنده منای حقیقیسی محالدر . شو حالده الله تعالی یه نظراً ایذاء ؛ عزیر و عیسی علیهما السلام اللهک اوغلور و ملکله اللهک قیزلری دیمک کبی مرضیبتک ضیق ایشله مکدر . رسول الله ایذاء ؛ شاعرده دیمک کبی شاه نبوت لایق اولمایانه شیلری انصار ایتمکدر . یا خود ایذاء ایله مراد ؛ رسول الله ایذاور و جناب حق اذادن منزله اولدیفی حالده اسمنی ذکر ایتک رسولنه تعظیم ایچوندر . چونکه رسولنه ایذا بی الله ایذاء مثابه سنده قیلمق ؛ البته رسولنه تعظیمدر .

بو آیتده الله ایذایه و رسولنه ایذایه مقابل عذاب ده ایکی نوع ذکر اولونمشدر . برنجیسی ؛ الله ایذایه مقابل لعنتدر . ایکنجیسی ؛ رسول الله ایذایه مقابل اهانت ایدیجی عذابدر .

..

واجب تعالی رسولنه ایذا ایدنلرک دوچار اولاجقلری جزایی بیاندن صوکره رسولنک

خاص امتلرینه ایذا ایدنلرک جزالری بیان ایتک اوزره ﴿ وَالَّذِينَ يُؤْذُونَ الْمُؤْمِنِينَ وَالْمُؤْمِنَاتِ بَغَيْرِ مَا اكْتَسَبُوا فَقَدْ احْتَمَلُوا بُهْتَانًا وَإِثْمًا مُّبِينًا ﴾ بیوریور .

[ شول کیمسه لرکه آنلر اهل ایماندن ارککلره و قادیلره ایشله مدکاری کنهای انسانله ایذا ایتمکله مؤمن و مؤمنه لری ایجیتدیلر . آنلر محقق بهتان یوکنی و آجیق کنهای یوکلهدیلر . ]

یعنی ؛ شول کیمسه لرکه آنلر مؤمن اولان ارککلره و مؤمنه اولان قادیلره ایشله مدکاری افعال ذمییه بی اسناد ایتمکله ایذا ایدرلر . آنلر انواع عقوباتی جامع اولان بهتانی و آجیق بویوک کنهای یوکلهدیلر که بغیر حق عقیف و عقیفه و قصورسن اولان اهل ایمانی ایجیتدکلرندن عذاب الهی به مستحق اولدیلر . چونکه قصوری اولمایان انسانله بغیر حق ایذا ایتک ؛ موجب عذابدر .

تفسیر خازنده بیان اولوندیغنه نظراً مدینه ده کیجه طشره چیقان خاتونلری تعقیب ایدر برطاقم سفها ظهور ایتدی . آنلردن خاتونلر راحتسن اولوب زوجلرینه خبر ویرملری و زوجلرینکده رسول الله شکایت ایتلری اوزرینه او مقوله او باش کروهنی نالایق افعالدن نهی ایتک اوزره جناب حقک بوآیتی ازال بیوردیفی مرویدر . کرچه شو روایت نظراً بو آیت مدینه ده وقوع اولان بعض حادثیه بنساء او مقوله کیمسه لری نهی ایتک ایچون مارل اولمش ایسه ده الی یوم القیام انسانلر آرسنده ظهور ایدرک بومثللو حوادثک جمله سنه شاملدر . بناء علیه ؛ سوقاق آره لرند کیجه لری فضولی سلاح آتمق و نعره وورمقله انسانلری راحتسن ایدنلره و الحاصل هر نوع اذایی ارتکاب ایدنلره شاملدر .

خلاصه ؛ ارکک و قادین بالعموم اهل ایمانه اذانتک حرام اولدیفی و بومثللو حرامی ارتکاب ایدنلرک بویوک کناه ایشله مش اولدقلری بوآیتدن مستفاد اولان فوائدک جمله سننددر .

..

واجب تعالی بغیر حق انسانلره افک و افترا و سائر خصوصاتله ایذا ایدن سفیلری منع ایتدکلر صوکره بالعموم خاتونلره لایق اولان قیافتلری طاقینلری توصیه ایتک



اوزره ﴿يَا أَيُّهَا النَّبِيُّ قُلْ لِّأَزْوَاجِكَ وَبَنَاتِكَ وَنِسَاءِ الْمُؤْمِنِينَ يُدْنِينَ عَلَيْهِنَّ مِنْ جَلَابِيبِهِنَّ﴾ بیوریور .

[ ای نبی! ذی شان! سن زوجه لریکه و کریمه لریکه و سائر مؤمنلرک زوجه لریه دی که آنلر بور کولرینی اوزرلریه بورونسونلر . ]

﴿ذَلِكَ أَذُنِي أَنْ يُعْرِفَنَ فَلَا يُؤْذَنُ﴾

[ زیرا؛ آنلرک بور کولرینی اوزرلریه بورونملری آنلرک بیلنوب ده ایذا اولونما لریه زیاده یقیندر . ]

﴿وَكَانَ اللَّهُ غَفُورًا رَحِيمًا﴾

[ حالبوکه الله تعالی آنلردن اولجه واقع اولان قصورلرینی عفو ایدیجی و حاللریه مناسب مصالحی تمشیتله مرحمت بیوریجیدر . ]

یعنی؛ ای قوللریمیزی ارشاد ایچون مبعوث و مؤید من عندالله اولان نبی! ذی شان! اولاً کندی ازواج مطهراتکه و کریمه لریکه و ثانیاً سائر مؤمنلرک حرملریه نصیحت طریقله دی که آنلر بور کولرینی اوزرلریه بورونسونلر . زیرا؛ شوبور کولرینی بورونملری آنلرک بیلنمکه سفهانک تعرضدن قورتولوب ایذا اولونما لریه اک یقین بر مسلکدر . حالبوکه الله تعالی بوآیتک نزولدن اول بور کوسز کزملردن دولایی واقع اولان قصورلرینی ستر ایدر و حاللریه مناسب احکامی انزال ایله مرحمت بیورر . چونکه؛ حسبالایجاب طشره چیقان قادینده چارشاف اولمایچه سفها کروهی آنلری آچیق کوروب طمعنه دوشدکلری کبی شبهه لی و عفتی اخلال ایدن قادینلردن ظنیه آرقه لریه دوشه رک راحتسز ایده جکلریه بناء جناب حق قادینلرک چارشاف بورونوب مسـتوره اولملرینی امرایتمش و حکمتی ده چارشافلی اولان قادینک کیم اولدیغی بیلنمه مکله سوء ظندن و سفهانک تعقیبندن قورتولملری اولدیغی بیان ایتشددر . شو حالده تسترک مشروعیتنده کی حکمت؛ فتنه قابوسنی قاپامق ونسبی ضیاعدن محافظه ایتک و زوجیه یی زوجه ربطله باشقه سنک تعرضدن

قورتارمق و عائله تشکیلاتنه انتظام و یرمک و اولادک تربیه سنه و دنیا نک اعمارینه ارکک طیشارودن قادین ایچرودن چالیشمقددر .

ایشته بوآیت جلیله ایله جناب حق عقیفه اولان قادینلری ستر سیبیله سفهانک سوءظنندن و تعرضلردن محفوظ قیلمقله قایلرینک راحت اولاجغنی بیان ایتشددر . چونکه؛ بور کوسز کزن خاتونک شکلی و قیافتی کوروندیکی جهته قلبنده فساد اولان کیمسه لرک طمعنی جلب ایدوب او وسیله ایله تعقیب ایده رک عاقبت فتنه یه بادی و یاخود خلق آره سنده کفت و کویی موجب اولارق برطاقم راحتسزلی موجب اولاجنی و بوراحتسزلی زوجه زوجه آره سنده امتزاجسزله منجر اولوب بالاخره تفرقه یی دخی انتاج ایتدیکي چوق دفعه کورولمکده در . شو حالده سترله امر؛ بوتون انسانلرک قایلرینک راحتی و عائله آره سنده امتزاجک اساسنی و یچاره چوقولرک تربیه سی تأمین ایتمکه و انسانلرک یکدیگریه خصوصتدن آزاده اولمقله عالمک انتظام اوزره جریاننه بویوک بر خادم و قانون دائمدر . زیرا؛ قادینک اورتولی بولونوب اجانبه اختلاطدن ممنوع اولسی زوجک امنیتنی و قلبنک شبهدن وارسته اولسنی موجب اولدیغدن زوجه زوجه بیتنده محبتک دوامنه ونسبک سوءظندن بری اولسنه و عائله حیاتبک راحتله یکمسنه سیددر .

ایشته نسوانک تستری حقه نه انسانلرک هرجهته فوائدی موجب و انسانیه بویوک بر خدمت و بالخاصه قادینلر حقه نه برلطف اولدیغنی ادرا کدن عاجز وهوا وهوسنه تابع و قوه بهیمیه سی قوه انسانیه و مدرک سنه غالب اولان کیمسه لر آوروپانک یاراماز و حیوان مشربلی و غیرت انسانیه سی ضایع ایتمش برطاقم انسانلرک عادات کریه لری تحسین ایله تستر نسوانه اعتراض ایده رک تستر نسوان؛ حریت نسوانی سلب و مدت حیاتبنده حبس و بلا فائده تضییق و آنلری مرتبه انسانیه دن اسقاط ایتک و حقوق مدنیه دن چیقارمق کبی برطاقم و سوسه شیطانیه درمیان ایدرلر . حالبوکه تستر؛ قادینلرک حریتلرینی محافظه یه یکانه خادمدر . چونکه؛ خاتونلر چوق کتیرمکه و حمل مشقتلری ایله مشغول اولدیغنی جهته امر معیشتنی لایققله تأمین ایده مدیکندن بهمه حال معیشت خصوصتده برار ککک حمایه سنده بولونسی ضروریدر و آنک معیشتنی تدارک زوجی بورجلودر . حالبوکه شیمدی قادین حق صاحبی، ارکک بورجلودر . بونک حریت هانکیسنده در؟ ازدواج مسئله سنده زوجک زوجیه یی و یاخود زوجنک زوجی حمایه سی و برینک امر او برینک مأمور اولسی



آهنگ انتظامك يوليہ جریان ایتسندہ امر لازم و ضروریدر . شو حالده هانکیسی آمر  
وهانکیسی مأمور اولاجق . اگر قادین آمر اولسون دینه جکه فطرتده کی نقصانه  
نه دنیله جک . اگر فطرتی تبدیل ممکن ایسه بوا دعا طوغرو اولایلیر . مثلاً چوق  
دوغورمنی ارککار آلوب آنلرده اولان قوت و قدرتی ، شجاعت و جلادتی ، درایت  
و ذکاوتی قادینلره ویرمک ممکن ایسه بونک چاره سنی دوشونملی و بروقت ایچون ارککار  
قادینلره ویرمکی و قادینلری ده ارککار آلمی در . قادینلری ارککار قدر و یاخود دها  
یاده یوکسلتمک چالیشانلر اولا فطرتی تبدیلیه چالیشمایدیرلر ، یوقه فطرت دیکشمدک  
هر کسک مزیتی کندنددر . بو او هامله یاشایانلرک کندیلرنده کی مزیتی عاریت صورتیله  
باشقلرینه ویروب آنلرده اولان فطرتده کی نقصانی کندم آلاجم دییه رک قادینلری مراسمده  
تقدیم اتمک و آراباده صاغ طرفه بیدیرمک ایله اللهک ویردیکی علوی سفلیته تنزیل  
ایلمک حماقتدن باشقه برشی دکلدیر . چونکه ؛ فطرتده رجال حاکمدر و نسوانک پک  
چوق خصوصانده رجاله احتیاجی آشکاردیر . بوقدر بداهته قارشی « بن بونک عکسیتی  
یوروتدجکم » دییه اوغراشماق حماقت و صاف دل قادینلری آلاقمقدن باشقه نه اولور ؟  
شوحالده فطرت خاتون ارککه محتاج اولوب زوج خاتونک محافظه سنه مأمور اولونجه  
بوتون مؤنت و مشقتی اوزرینه آلدینی خاتون زوجده بر ایسته یه جکی واردیر . اوده ؛  
عفت و طهارت و تهمتدن برائتدر . عفتی محافظه ده بیله قادینینه زوجک حمایه سنه محتاجدر .  
چونکه ؛ قادین اجانبک تعرضه مدافعه دن عاجز اولدینی کی مشقته و اوزاق محله مسافرت  
تحملی اولاماز و تحملی فرض اولونسه تحمله مانع برچوق حاللری واردیر . او حاللری  
دکشدیرمک ممکنمیدر ؟ شوحالده همه حال ادامه حیاتی بررجه محتاج اولونجه او رجلاک  
محبتی جلب ایتمی و آنک حسن ظنی آلتندہ یاشاماسی ضروری دکلدیر ؟ او قادینک رفاء  
و سعادتله وقت کچیرمسی زوجک محبتک دوامنه و عفتک شبهه دن خالی اولسنه باغلی دکلدیر ؟  
شیمدی او خاتون آچیق اولارق ایستدیکی یرده کزر و ایستدیکی کیمسه لرله کوروشورسه  
زوجک حسن ظنی ادامه ایدمیلیرمی و شبهه دن قورتولورمی ؟ حالبوکه آنک راحتی و رفاء  
و سعادت قادین زوجک حسن ظنه باغلی دکلی ؟ اگر ایستدیکی یرده کزر و هر کسله کوروشورده  
زوجنه شبهه کلیر و قلبی راحتسز اولورسه بو شبهه یی ازاله و قلبک راحت اولسی ستردن  
باشقه نه ایله اولایلور ؟ اگر شبهه کلرسه چولده کزن بهائمه آنک نه فرقی واردیر ؟

سربست کز مسیله حاصل اولان تهمت زوجله زوجہ آردسندہ کی محبتک نفرتیه تبدلانه  
ونفرتده عاقبت فرقتہ سبب اولورسه بوندن اک چوق ضرر کوره جک قادین دکلدیر ؟  
چونکه ؛ فرقت وقوع بولونجه قادینک حمایه سنه النجا ایدمک و لیس یابولونور و یاخود  
بولونماز . اگر بولونورسه و لیسنک حمایه سی آلتندہ مایوسانه وقت کچیرمسی و عائله تشکیلاتندن  
محروم اولمسی حریتدر ؟ یوقسه زوجک محبتک ادامه سیله اولاد و احفاد یتشدیرمک  
و آنلرک مرادیکی کورمک و برعائله رئیس اولارق یاشامقیمی حریتدر ؟ اگر حمایه ایدمک  
ولیس یوق ایسه سواقده قلاجق و بالتیجه شونک بونک خدمتچیلکسه عرض احتیاج  
ایدمک و یاخود سفهانک تعرضه اوغرایاجق سقالتله دوشمک . بو لوحه سقالت می  
حریتدر ؟ اوت ! مستوره اولانلرده دخی بعض عفتی اخلاص ایدنلر بولونایلیر ، فقط  
سربستی به نسبتله نادر اولدینی کی بزم ایچون وظیفه ستر خصوصنده اللهک امرینی یرینه  
کتیرمکدر . اللهک امرینی یرینه کتیردکدن صوکره واقع اولان شیدن مسئول  
اولونیه جنی معلومدر .

شو تفصیلاته نظراً اسلام قادینلرینک حریتی ارککاردن دها زیاده در . چونکه ؛  
یالکیز مستوره بولونوب داخل بیتده عائله تشکیلاتیله مشغول اولسنه مقابل  
زوج نفقه سنی و کسوه سنی و سکناسنی تأمین ایتمک مکلف اولدینی کی ایکی سندن  
حاصل اولان چوققلرک نفقه لرینی تدارک و هر جله سنک رفاء و سعادت لرینی تأمین ایتمک  
دخی مکلفدر . بو اوغورده اسباب معیشت یوزندن هر درلو مزاحمه کوکس کرمک  
و کیجه و کوندوز آنلرک راحتی دوشونمک و آنلرک محافظه و حمایه لرینی درعهده ایتک کی  
صایلماز و توکنمز مشقتلره و دوشونجه لره قارشی اسلامیتده قادینک مکلف اولدینی شی  
یالکیز زوجک محبتی اخلاص ایتمه مکلفه قلبی تطمین اتمکدر . شیمدی ارباب انصاف دوشونسون !  
حریت کیمده در ؟ قادین زوجنه می خدمت ایدیور ، یوقسه زوج قادینمی خدمت ایدیور ؟  
خلاصه ؛ خاتونلرک چارشاف بورونملری واجب اولدینی و چارشافلی اولونجه اجانبک  
او قادینک کیم اولدینی بیله مدکلرندن دولای تعرضدن وارسته اولوب اذادن قورتولدقلری  
و خاتونلرک مستوره اولمیرله فتنه قابولرینک قاپاناجنی بو آیتدن مستفاد اولان فوائد جمعه سنددر .



واجب تعالی ذاته ورسوله ومؤمنه علناً اذا ايدنك جزالینى بیان ایدن صوکره  
کیزی اذاده بولونانلرک جزالینى بیان ایتک اوزره ﴿لَئِنْ لَمْ يَنْتَهِ الْمُنَافِقُونَ وَالَّذِينَ  
فِي قُلُوبِهِمْ مَرَضٌ وَالْمُرْجِفُونَ فِي الْمَدِينَةِ لَنُغْرِيَنَّكَ بِهِمْ ثُمَّ لَا يُجَاوِرُونَكَ  
فِيهَا إِلَّا قَلِيلًا﴾ بیوریور .

[ ذات الوهیتیمه یمین ایدرم که اگر منافقلر وقابلرنده فسق وفجور خسته لنی اولان  
فاسقلر ومدینهده اهل ایمانی ازعاج ایچون یالان نشر ایدنلر بومثللو اخلاق فاسده لرندن  
واز کچمز ونهسایت ویرمز لرسه البته بز سکا آنلرله مقاتله بی امر ایدر وسنی مجاهدهیه  
تشویق ایدرز ومقاتلهدن صوکره حبیم ! آنلر سکا مجاور قومشو اولامازلر، آنجق آز  
بر مدت قومشو اولابیلرلر . ]

یعنی ؛ حبیم ! ذاتیم یمین ایدرم که اگر منافقلر کیزی خیانت ونفاقلرندن وضعف  
ایمان اثری قبللرنده برطاقم فسق وفجوره میل ومحبتی اولوب عقیقه قادینلری یولدن  
چیقارمق وزنا ایتک قصدیه تعقیب ایدنلر فسقلرندن ومدینهده اهل ایمانی راحتسز ایتک  
وعساکر اسلامیه وسائر حقنده برطاقم یالان خبرلر نشر ایدنلر بو حاللره بر نهسایت  
ویروب واز کچمز لرسه البته بز سکا آنلرله قتالی امر ایدر وسنی آنلرله مسلط قیلارز  
وبوندن صوکره آنلر سنکله قومشو اولوب سکا مجاور اولامازلر، آنجق آز بر مدت  
مجاور اولورلر .

بو آیتده بیان اولونان اوج صنفکده بر جماعت اولسی محتملدر . چونکه ؛ منافقده  
صفت نفاق اولدینی کبی قابنده فسق وفجوره میل ومحبتله برابر یالان خبرلرده نشر  
ایده بیلیر . بناء علیه ؛ شو اوصاف مذمومه نك اوجی ده بر شخصده اجتماع ایده بیلیر .  
چونکه ؛ تفسیرخازنده بیان اولوندینی وجهله عساکر اسلامیه غزایه کیتدکلرنده مدینهده  
منافقلر عسکرک هپسی قتل اولوندی، دشمن مدینه بی استیلا ایدیور، باشکزرک چاره سنه  
باقک « کبی اهل ایمانک قوه مغویه سنی قیره جق ویأس وفتوره دوشوره جک وقورقو  
واندیشه ویره جک شیلری نشر ایدرلردی . بونکله برابر مدینهده منافقلر ظاهرده مؤمن

باطنده کافر اولوب دائماً کیزی اولارق اهل اسلام علیه اوغراشیرلردی وایمانلرنده شبات  
اولیان فاسقلر واردی که آنلرده فسق وفجور قصدیه اهل ایمانه اذا ایدرلر ودیکر برقم  
اهالی ده واردی که آنلرک ایشلری ده یالان خبر نشر ایتک وشوکا وبوکا افترا ایتکله افساد اده  
بولونورلردی . جناب حق بو آیتله آنلرک جمله سنی شدتله تهدید ایتمش وبوفساد اترلرندن  
واز کچمدکلری صورتنده قتال ایله امر ایده جکنی تا کیدله بیان ایتدیکی کبی بعربته دلالت  
ایدن ﴿ثم﴾ کله سیله دخی عاقبت امرده وطنلرندن طرد اولونا جقلرینی ورسول اللهک  
قومشولغندن محروم قیلنه جقلرینی ده بیان ایشدر . زیرا ؛ انسان ایچون وطنندن طرد  
اولونمق کبی بر بلا اولاماز . چونکه ؛ وطنندن طرد اولونمقده بالعموم مألوفاتی واملاک  
واراضی سنی واوینی وباغنی واقربا وتعلقاتی واحباب ویاراتی وعمرینک ماحصلنی ترک ایتک  
کبی بر جوق مصیبتلر اولدیغندن جناب حق مفسدلری طرد وتبعیده تهدید ایتشدر .  
ایشته مملکت داخلنده برطاقم اراجیف نشریه کتله اسلامیه بی ازعاج ایدنلری وقتنه وفساده  
مشغول اولانلری صاحب الامر اولان کیمسه طرفندن آنلری طردله فسادلرینک ازاله  
اولونمسنه آیتده اشارت واردر .

﴿مَلْعُونِينَ اِنَّ مَا تُقِفُوا اُخِذُوا وَقَتِّلُوا تَقْتِيلًا﴾

[ مؤمنلره اذیت ایدنلر ملعون اولدقلری حالده طرد اولونورلر واراجیف نشریه  
مشغول اولانلر هر نروده بولونورلرله شدتله طوتیلور وقل اولونورلر . ] بناء علیه ؛  
آنلر ایچون هیچ بر یرده راحت ممکن اولاماز . زیرا ؛ اهل ایمان آره سنده آنلرک  
یرلری یوقدر . بناء علیه آنلر ایچون چاره خلاص ؛ ارتکاب ایتدکلری اخلاق ذمیمه دن  
واز کچمک وحقیقی مسلمان اولمقدر . بو کبی مسلمان سیاسنده بولونان ومسلمان علیه  
اوغراشان وقتنه وفساده چالیشان منافقلر هر زمانده موجود اولدیغندن جناب حق آنلری  
هر نروده اولورلرله طوتیلوب قتل اولونملریله امر ایتشدر . بناء علیه اسلامیه یاقیشان ؛  
پاک ناصیه در . چونکه ؛ ملوث ناصیه نك اهل اسلام آره سنده بری اولمادی بی بو آیتله ثابت اولشدر .

..

واجب تعالی بومثللو ارباب فسادی صلاحه دعوتدنصکره اجابت ایتزلرله طرد ایتک



وهر نرده بولونورلر سه طوتوب قتل ایتک لازم اولدیغی بعدالیمان بوکیملری طرد ویا  
قتل یکی برعادت اولمایوب اسکی برعادت اولدیغی بیان ایتک اوزره ﴿سُنَّةَ اللَّهِ فِي الَّذِينَ  
خَلَوْا مِنْ قَبْلُ وَلَنْ تَجِدَ لِسُنَّةِ اللَّهِ تَبْدِيلًا﴾ بیوریور .

[بومثللو منافق وفاسق ومفسدلی طرد واخذ وقتل ایتک بوندن اول کچن امتلرده  
اللهک عادتیدر والته حبییم ! سن اللهک عادتق ایچون تبدیل بولامازسک .] زیرا ؛  
عادات السیه نسخ قبول ایتمز . چونکه عادت السیه ؛ امرله ونهی ایله ثابت اولمش نسخ وتغییر  
قبول ایدن احکام قییلندن دکلدرد . بناء علیه بومثللو منافقلمر حقنده جاری اولان عادت  
السیه ؛ هرزمان رحمتدن اوزاق طوتومقله ملعون اولدقلری حالده قهر وتدمیر ایتمکدر .

\*\*

واجب تعالی منافق ومفسدلرک دنیا ده حاللرینی بیاندن صوکره آخرتی بیان ایتمکه تهدید  
ایتک اوزره ﴿يَسْأَلُكَ النَّاسُ عَنِ السَّاعَةِ قُلْ إِنَّمَا عِلْمُهَا عِنْدَ اللَّهِ﴾ بیوریور .

[یا اکرم الرسل ! ناس سکا قیامتدن سؤال ایدرلر . سن آنلره جوابده دی که  
« قیامتک علمی آنجق عند السیددر . » ]

﴿وَمَا يُذْرِكُ لَعَلَّ السَّاعَةَ تَكُونُ قَرِيبًا﴾

[حبییم ! سکا قیامتق نه کبی شی بیلدیره بیلیر . مأمول که قیامت یقین اولور .] چونکه ؛  
الله تعالی دن باشقه قیامتک وقتق ووقوعه کله چکی زمانی بیلن یوقدر واولاماز . زیرا ؛  
علمی الله منحصردر . کرچه واجب تعالی کتابلرنده جمله انبیایه قیامتق خبر ویردی ،  
آنجق زمانی هیچ برکیمسیه خبر ویرمه مشدر . بناء علیه ؛ قیامتق نه کبی شی بیلدیره بیلیر .  
الته هیچ برشی قیامتق بیلدیره مز ، لکن قیامتک یقین واقع اولسی مأمولدر . مدارکده  
بیان اولوندیغی وجهله مشرکلمر استهزا طریقله ، یهودیلر ده امتحان صورتیله قیامتک زمانندن  
سؤال ایتلمی اوزرینه بوآتی انزال ایله قیامتک عجله وقوعق ایسته ینلری تهدید ایتمشدر .

﴿إِنَّ اللَّهَ لَعَنَ الْكَافِرِينَ وَأَعَدَّ لَهُمْ سَعِيرًا﴾ خالیدین فیها ابدا

[الله تعالی عزت حضورندن طردله کافرله لعنت ایتدی وابدأ جهنمه قالیجی  
اولدقلری حالده آنلر ایچون جهنم آتشی احضار ایتدی .]

﴿لَا يَجِدُونَ وَلِيًّا وَلَا نَصِيرًا﴾

[کافرلر کندیلرینی جهنمدن قورتارده حق بر دوست ویاردیجی بولامازلر .]  
یعنی ؛ قیامتق تعجیل ایدنلر عاقبتی بیامدکارندن تعجیل ایدرلر ، یوقسه قیامتده  
باشلرینه کله چکی بیلسمر تعجیل ایتزلر . زیرا ؛ الله تعالی کافرلری رحمتدن اوزاق قیلمقله  
لعنت ایتدیکی کبی آنلر ایچون ابدی جهنم آتشی حاضرلادی . حالبوکه کافرلر آتشدن  
قورتارده حق بر دوست ویاردیجی ده بولامازلر . شو حالده تعجیل ایتلمی باشلرینه کله چکی  
بیلسمر ملرنندرد .

\*\*

واجب تعالی کافرلرک جهنمه کیردکارنده بیتلرنده جریان ایده حک محاوره یی بیان ایتک  
اوزره ﴿يَوْمَ تَقَلَّبُ وُجُوهُهُمْ فِي النَّارِ يَقُولُونَ يَا لَيْتَنَّا اطَّعْنَا اللَّهَ وَأَطَعْنَا الرَّسُولَ﴾  
بیوریور .

[ ذکر ایت حبییم ! شول کونی که اوکونده اهل جهنمک آتش ایچنده یوزلری  
بر طرفدن دیکر طرفه دوندورلدیکنده آنلر « نه اولا ایدی بز الله ورسوله اطاعت  
لایتمش اولا ایدک » دیرلر . ]

﴿وَقَالُوا رَبَّنَا إِنَّا أَطَعْنَا سَادَتَنَا وَكِبَرَاءَنَا فَأَضَلُّونَا السَّبِيلًا﴾

[ اهل جهنم کال قضرع وتحسر اوزره دیرلر که «ای بزم ربمز ! بزییدلریمزه  
بو بوکلریمزه اطاعت ایتدک آنلر ده بزى اضلال ایتدیلر ، یولازی شاشیرتدیلر . » ] ایشته  
یویله دیمکه قضرع ایدرلر وسورلرینه شونی ده علاوه ایدرلر ودیرلر که

﴿رَبَّنَا أَتَيْنَهُمْ ضَعْفَيْنِ مِنَ الْعَذَابِ وَالْعَظِيمِ﴾



[ای] بزم ریمز ۱ بویوکلریمزه عذابدن ایکی قات ویر و آنلره بویوک لعنتله لعنت ایت که ابدآ او عذابدن قورتولمق امید اولما-نون . [ایشته کافرلر بوس-وزلریله کندیلرینی اضلال ایدنلردن انتقام آلمق ایستلر. چونکه؛ آنلر جهنمک عذابنی کوروونجه الله ورسولنه اطاعت ایتمدکلرینه و آنلره اطاعت مقابله اولولرینه و بویوکلرینه اطاعت ایتمدکلرینه ندامت ایدرلر و بویوکلرینک کندیلرینی اضلال ایتمدکلرینی و اضلال ایتمدکلرینه بدل عذابلرینک ایکی قات اولسنی و رحمت آلهیه دن شدتله اوزاق اولملرینی ایستلر و لکن بونداملری آنلره فائده ایتمز و عذابدن آنلری قورتاره ماز . عذابلرینک ایکی قات اولسنی ایسته ملرینک سببی ؛ بری کندی ضلالتلری دیگریدیه بونلری اضلال ایتملرینه مقابل اولسیدر .

\*\*

واجب تعالی ذاته ورسولنه اطاعتمزلك ایدنلرك لعنت اولوندقلرینی بیاندن صوکره بنی اسرائیلک حضرت موسایه افترا ایتمدکلری کی امت محمدکده رسوللرینه افترا ایتمه ملرینی توصیه ایتمک اوزره ﴿يَا أَيُّهَا الَّذِينَ آمَنُوا لَا تَسْكُونُوا كَالَّذِينَ أَذَوْا مُوسَىٰ فَبَرَّاهُ اللَّهُ مِمَّا قَالُوا﴾ بیوریور .

[ای] مؤمنلر ! سز بنی اسرائیلدن شول کیمسلر کی اولمایلک که آنلر موسی علیه السلامه ایذا ایتدیلر . آنلرك ایذالری اوزرینه آنلرك افترا ایدهرك سویلدکلری شیدن الله تعالی موسی علیه السلامی تبرئه ایتدی .

﴿وَكَانَ عِنْدَ اللَّهِ وَجِهاً﴾

[حالبوکه موسی علیه السلام عندالله کریم وجاه و منصب صاحبی ایدی و عندالله دعای مقبول هر ایستدیکی ویریلیدی .] بناء علیه ؛ بنی اسرائیلک افترا لری میدانه قومقله حضرت موسای عالمه قارشى تبرئه ایتمیشدر .

فخر رازی ، خازن وقاضینک بیانلری وجهله بنی اسرائیلک حضرت موسایه

واجب تعالی بنی اسرائیلک رسوللرینه افترا لری بیاندنصکره اهل ایمانه طوغرو سویلهملرینی توصیه ایتمک اوزره ﴿يَا أَيُّهَا الَّذِينَ آمَنُوا اتَّقُوا اللَّهَ وَقُولُوا قَوْلًا سَدِيداً﴾ یضلیخ لکم اغمآلکم و یفقیر لکم ذنوبکم ﴿بیوریور .

[ای] مؤمنلر ! محرماتی ارتکابدن نفسکزی صاقینک وسوزی غایت طوغرو سویلهمک که الله تعالی سزک عمللریکزی اصلاح و کناهلریکزی منفرت ایتسون . [ خلاصه الیان : اوان یکنجی جلد ۷



﴿وَمَنْ يُطِيعِ اللَّهَ وَرَسُولَهُ فَقَدْ فَازَ فَوْزًا عَظِيمًا﴾

[ واکربر کیمسه الله ورسوله اطاعت ایدرسه محقق او کیمسه بویوک قورقولرندن قورتولدی و بوتون مطالبه نائل اولدی . چونکه عذابدن قورتولمق و اومدینی ثوابه نائل اولمق ؛ فوز عظیمدر . ]

بو آیتده اتقا و طوغرو سوزک اعمالی اصلاحه و کناهلری مغفرتیه سبب اولدینی بیان اولونمشدر . شو حالده انسانلرک حرامدن قاچینمقله طوغرو سوبله مکده دقت ایتملی لازمدر .

\*\*

واجب تعالی رسولنک حسن آدانی بیانله مؤمنلری مکارم اخلاقه ارشاددن صوکره تکالیف الهیهنک امر عظیم اولدینی بیان ایتمک اوزره ﴿إِنَّا عَرَضْنَا الْأَمَانَةَ عَلَى السَّمَوَاتِ وَالْأَرْضِ وَالْجِبَالِ فَأَبَيْنَ أَنْ يَحْمِلْنَهَا وَأَشْفَقْنَ مِنْهَا وَحَمَلَهَا الْإِنْسَانُ﴾ بیوریور . [ بز کوکله ویره و طاغله تکالیف الهیه مزدن عبارت اولان امانتی قبوللرینی امر ایتمک . آنلرده بواماتی کوتورمکدن چکیندیلر و امانتی یولله ادا ایدمه مکدن قورقدیلر و انسان امانتی قبول ایتمکله اداسنه جرأت ایتمدی . ]

﴿إِنَّهُ كَانَ ظَلُومًا جَهُولًا﴾

[ زیرا انسان ؛ صوک درجه نفسنه ظلم ایدر شدله جاهل و عاقبت اموری ادرا کدن عاجزدر . ]

خازنک بیانی وجهله بو آیتده امانت ایله مراد ؛ تکالیف السریه نکه صمدیه شاملدر . سموات وارضه تکالیف قبول ایتملرینی امرک معنا نموده برقاج احتمال وارددر . برنجیسی ؛ تکالیفک عظمتنی تصویردر . یعنی سموات وارضه بوقدر مسا مندرله برابر آنلر ادراک صامبی اولمدرله امانتی قبولی تکالیف ایتمه اولمه ابرک قبولمه امتناع ایدرله و عاقبتک و هانتندره قرر قارلردی و لکن انسانه عاقبتی دوشورمه بیکندره قبول ایتمدی دیمکدر . ایکنجیسی ؛

سموات وارضه جناب من فهم وادراک و برکله آنلره امانتی قبولی تکالیف ایتمدی و آنلرده امانتی بویلد ادا ایدمه بیکلرینی بیانله قبولمه اعتذار ایتدیلر و حضرت آدمه تکالیف اولونونجه در حال قبول ایتمدی . یا خود سموات وارضه امتناعی ایله مراد ؛ قابلیت بربک اولماسی ، انسانک قبولی ایله مراد ؛ قابلیت و استعداد صامبی اولمیدر .

﴿لِيُعَذِّبَ اللَّهُ الْمُنَافِقِينَ وَالْمُنَافِقَاتِ وَالْمُشْرِكِينَ وَالْمُشْرِكَاتِ وَيَتُوبَ اللَّهُ عَلَى الْمُؤْمِنِينَ وَالْمُؤْمِنَاتِ وَكَانَ اللَّهُ غَفُورًا رَحِيمًا﴾

[ بز قادین و اراک منافقلری و مشرکلری تعذیب ایتمک و اراک و قادین مؤمنلر اوزرینه توبه لرینی قبول ایتمک ایچون انسانه تکالیفک قبولی امر ایتمک . زیرا ؛ الله تعالی قوللرینک قصورینی عفو ایدر و توبه لرینی قبول ایتمکله مرحمت بیورر . ]

یعنی ؛ الله تعالی انسانه امانتی تحمیل ایتمدی که کفرینی صاقلامق و مسلمانلره خیانت ایتمکله بالعموم جنایاتی ارتکاب ایدن منافقلری امانته خیانتلرندن و مشرکلری ده توحیدی اخلال ایندکلرندن دولانی تعذیب و مؤمنلرک توبه لرینی قبول ایتمسون و عمللرینه مقابل اجر و مثوبات و یرسون . ایشته عاصیلره عذاب ایتمک و اطاعت ایدلره ثواب و یرمک حکمتنه مبنی امانتی انسانه تحمیل ایتمدی .



عربی بیک اوچیوز اوتوز ایکی سنه سی رمضانک یکرمی آلتنجی صانی کوننه تصادف ایدن رومی بیک اوچیوز اوتوز سنه سی آغستوسنک بشنجی کونی ایکندی نمازندنصرکه بو سورده نکه تفسیری نمونه مالی ختام بولمشدر .



سورۃ سباء

مکہ مکرمہ نازل اولان سورہ لردندر . الی مرت آتی حاویدر .

بِسْمِ اللَّهِ الرَّحْمَنِ الرَّحِيمِ

الْحَمْدُ لِلَّهِ الَّذِي لَهُ مَا فِي السَّمَوَاتِ وَمَا فِي الْأَرْضِ

[ حمد و ثنا شول الہم مخصوصدر کہ بردہ و کوکلردہ موجود اولان بالجملہ مخلوقات کندینکدر . ]

وَلَهُ الْحَمْدُ فِي الْآخِرَةِ

[ و آخرتہ دخی ہر کسک مدح و ثنای آنجق اولاہم مخصوصدر . ]

وَهُوَ الْحَكِيمُ الْخَبِيرُ

[ زیرا؛ اوللہ تعالیٰ نک افعالی حکمتدن خالی دکلدر، چونکہ ؛ حکیمدر و قوللرینک اعمالی تماماً بیایر ، زیرا ؛ خبردر . ]

یعنی ؛ حمد ایتک شانندن اولان ہر فردک حمدی و مدح و ثنای شول اللہ تعالیٰ بہ مخصوصدر کہ سموات و ارضہ موجود بالجملہ مکوناندہ ایجاد و اعدام ، ابقا و افناء ، احیا و اماتہ جہتلرندہ تصرف آنکدر . بناء علیہ ؛ آندن غیری ہیچ برکیمسہ نک حمدہ بالذات استحقاقی یوقدر . چونکہ ؛ دنیادہ کرک عالم علوی و کرک عالم سفلیدن انسانلرہ فیضان ایدن نعمتلر ذات باریدن فیضان ایتدیکی جہتلہ قوللرینک شکرینہ مستحق اولدینی کی آخرتہ دخی حمد و ثنا کندی ذات الوہیتہ مخصوصدر . زیرا ؛ فصل کہ دنیادہ انسانلرہ صایلداز و توکنمز نعمتلری ویرن اودر آخرتہ دخی ہر درلو نعمتلر قوللرینہ آنک طرفدن واصل اولدینی جہتلہ آخرتہ دہ حمدہ لایق و مستحق اودر واللہ تعالیٰ دنیادہ و آخرتہ ایشلرینی محکم قیلدینی کی جملہ مخلوقاتک احوالی تماماً بیلیر .

خلاصہ؛ دنیادہ و آخرتہ قوللرینہ ہر نعمت کندیسندن وارد اولدینی جہتلہ داریندہ بالذات حمدہ مستحق اولدینی و دنیادہ و آخرتہ آنک غیری بالذات حمدہ مستحق برکیمسہ اولمادینی بو آیتدن مستفاد اولان فوائد جملہ سندندر .

..

واجب تعالیٰ ہر شئہ علمی لاحق اولدینی اجمالاً بیاندنصکرہ ہر شئیہ ، علمتک احاطہ ایتدیکنی تفصیلاً بیان ایتک اوزرہ ﴿ یَعْلَمُ مَا یَلِیْجُ فِی الْأَرْضِ وَمَا یَخْرُجُ مِنْهَا وَمَا یَنْزِلُ مِنَ السَّمَاءِ وَمَا یَعْرُجُ فِیْهَا وَهُوَ الرَّحِيمُ الْغَفُورُ ﴾ بیوریور .

[ اللہ تعالیٰ یرہ کیرن رحمت صولری و دینلر و اموات کی ہر ذراتی ویردن چیقان اوتلر، اکیلر، پیکارلر و معدنلرک و حیوانلرک جملہ سنی بیلیر و سمانن نازل اولان یاغمرور، قار ، طلولو کی انواع برکات و حیواناتک رزقلرینی و سمایہ چیقان ملکلری و قوللرک عمللرینی و روحلرینی ویردن سمایہ طوغرو کیدن دومان و بخار جملہ سنی بیلیر . زیرا ؛ اللہ تعالیٰ قوللرینک محتاج اولدینی برکتلری ازال ایتککہ مرحمت ایدیکی و نعمتلرک شکرینی ادادہ واقع اولان قصورلرینی عفوہ مغفرت بیوریچیدر . ]

یعنی ؛ اللہ تعالیٰ یرہ کیرن ویردن چیقان و سمانن این و سمایہ چیقان اشیانک ہر فردینی و ہر جزئی بیلیر و سمانن نازل اولان برکتلرہ و ارضدن حاصل اولان نعمتلرہ شکر ایدن قوللرینہ مرحمت ایدر و نعمتلرک شکرینی ادادہ قصور ایدنلرک قصورلرینی عفوہ مغفرت بیورر .

فخر دازینک بیانہ نظر آ رحمت الہیہ؛ سماننہ برکتلری ازال ایدوب بردہ برکتلری پینیرمکہ مصروفدر . مغفرت الہیہ دہ قوللرک روحلری عمللرہ برابر سمایہ جہتلیفندہ مغفرتہ مصروفدر .

..



واجب تعالى دنياده و آخرته حمده استحقاقی و علمتک هر شئی محیط اولديغی  
بیاندن صوکره کافرلرک آخرتی انکارلرینی و بوانکاره جوابی بیان ایتک اوزره  
﴿ وَقَالَ الَّذِينَ كَفَرُوا لَا تَأْتِينَا السَّاعَةُ قُلْ بَلَىٰ وَرَبِّي أَنَّىٰ يُدْخِلُكُمْ عَالِمَ الْغَيْبِ ۝﴾

بیوریور .

[ شول کیمسلر بزه « قیامت کلز » دیدیلر که آنلر کافر اولدیلر . حییم ! سن آنلره  
جوابده دی که « اوت ! سزه قیامت کله جک و غیبه عالم اولان ربمه یمین ایدرم که البته سزه  
قیامتدن عبارت اولان ساعت کله جک » . ایشته یا کرم الرسل سن بویه دیمکه اعتقادلرینی ردایت . ]

﴿ لَا يَعْزُبُ عَنْهُ مِثْقَالُ ذَرَّةٍ فِي السَّمَوَاتِ وَلَا فِي الْأَرْضِ ۝﴾

[ الله تعالى غیبی بیلیر . زیرا ؛ سموات و ارضده ذره مقداری برشی اللهک علمندن  
غیب اولماز . ]

﴿ وَلَا أَصْغُرُ مِنْ ذَلِكَ وَلَا أَكْبَرُ إِلَّا فِي كِتَابٍ مُّبِينٍ ۝﴾

[ وذرهدن کوچوک وذرهدن بویوک هیچ برشی اولمادی ، الا جمله سی لوح محفوظده  
مندرجدر . ] بناء علیه ؛ وعد التهمیده یا کایش اولماز . شو حالده وعد ایتدیکی قیامت  
البتہ اولاجق و سزه کله جک اولديغی جهتلہ انکارکز مردوددر .

یعنی ؛ الله تعالى رسولی واسطه سیله آخرتی وعد ایدنجه کافرلر استهزا طریقيله « بزه  
قیامت کلز ، آخرت یوقدر » دیملری اوزرینه آنلرک بو انکارلرینی رد و دعوالرینی ابطال  
ایتمک اوزره جناب حق رسولنه جوابی تعلیم صورتيله دی که حییم ! قیامتکی انکار ایدن  
کافرلره سن جوابده « ای کافرلر ! یرده و کوکده بولونان موجوداتدن ذره مقداری  
هیچ برشی علمندن غائب اولمیان و کوچوک و بویوک هرشی لوح محفوظده یازیلی اولان  
ربمه یمین ایدرم که قیامت البته سزه و عمومه کله جک . زیرا ؛ ربم قیامتک کله جک کنی خبر  
ویردی . ربمک خبرنده ایسه خاف اولماز ، البته واقع اولور » دیمکه آنلری الزام ایت .  
بیضاوی و مدارکک بیانلری وجهله کافرلره قارشى قیامتی اثباتده واجب تعالى تک

عالم الغیب اولديغی ذکر اولونمشدر . چونکه ؛ قیامت مغیباتک الک خفی واک بویوکلرندن  
اولديغی جهتلہ قیامتی اثباتده واجب تعالى تک سموات و ارضک هر ذره سنه علمتک لاحق  
اولديغی بیان ایتک قیامت حقنده خبرینک طوغرو اولوب شه سز اولديغنه بناء قیامت  
اثباتده جناب حقک عالم الغیب اولديغی بیان اولونمشدر .

فخر رازینک بیانی وجهله واجب تعالى تک سمواته علمنی بیانله ؛ ارواحه و ارضه علمنی  
بیانله ؛ اجسامه و اجسامک اجزالرینه و آنلرک مکانلرینه عالم اولديغنه اشارتله حشرک و آخرتک  
امکاننه و واقع اولاجغنه اشارت اولونمشدر . چونکه ؛ اجسامی و اجسامک اجزاسی  
بیلنجه آنلرک حیات بولوب اعاده سی ممکن اولاجغنده شه یوقدر .

خلاصه ؛ کافرلرک قیامتکی انکار ایتدکلری و رسول اللهک قیامتک کله جک کنی یمنله  
تا کید ایدرک بیانله کافرلرک انکارلرینی رد ایتدیکی و سموات و ارضک اجزاسندن هیچ  
بر ذره سی علم التهمیدن غائب اولمادی و ذره دن بویوک وذرهدن کوچوک هر نه وارسه  
جمله سی لوح محفوظده یازیلی اولديغی بو آیتدن مستفاد اولان فوائد جمله سندندر .

..

واجب تعالى قیامتک واقع اولاجغنی بیاندن صوکره وقوعک حکمتنی بیان ایتک  
اوزره ﴿ لِيَجْزِيَ الَّذِينَ آمَنُوا وَعَمِلُوا الصَّالِحَاتِ أُولَٰئِكَ لَهُمْ مَغْفِرَةٌ وَرِزْقٌ كَرِيمٌ ۝﴾  
بیوریور .

[ ایمان ایدوب عمل صالح ایشله یین مؤمنلری جزالانديرمق ایچون قیامت کله جکدر .  
ایشته ارایمانله برابر عمل صالح ایشله یینلر ایچون مغفرت عظیم و مشقتسز کوزل رزق وارددر . ]  
یعنی ؛ واجب تعالى هر شئی حتی انسانلرک عمللرینی دخی لوح محفوظده یازدی  
و اثبات ایتدی که اللهک وحدانیتنه و رسولنک رسالتنه ایمانله برابر عمل صالح ایشله یین  
کیمسه لرک عمللرینک جزاسی ویرسون . چونکه ؛ قیامت اولسه هر کس عملتک جزاسی  
تاميله استیفا ایدم . زیرا ؛ دنیاده نه قدر حسن جزا کورسه بقاسی اولمادیغندن عملنه  
جزا کافی اولماز . ایشته شو ایمانله عمل صالح ایشله یینلر ایچون واقع اولان قصورلرینی  
مغفرت و بول رزق وارکه او رزق کریمدر ، یعنی صاحبنه زحمت ویرمن .



فخر رازینک بیانی وجهله واجب تعالی ایمان مقابلنده مغفرت و عمل صالح مقابلنده رزق کریمی ذکر ایتدی . چونکه ؛ مؤمنک هر نه قدر کنایه چوق اولسه ده عاقبت جهنمدن چیقوب جنته کیره جکنه بناء هر مؤمن ایچون ایمانی سببيله مغفرت واردر و رزق کریمده عمل صالحه مناسبدر . زیرا ؛ اللهک رضای ایچون عمل ایدن قوللری رزق کریمله مسرور ایتک شان الوهیته لایقدر و آخرت رزقنده کسب مشقتی و توکومتک قورقوسی اولما یغندن مؤمنلره و یريله جک رزق ، کرم صفتيله توصیف اولونمش و مغفرت مؤمنلره مخصوص اولوب برقاچ قسمة منقسم اولما یغندن باشقه بر صفتيله تمیز اولونما مشدر . اما مطلقا رزق ؛ مؤمنه و کافره عام اولدیغندن بر چوق اقسامی بولوندیغنی جهتهله مؤمنلره مخصوص اولان رزقک سائلرندن تفریق اولونمسی ایچون بو آیتده کرم صفتيله توصیف اولونما مشدر . چونکه ؛ عاصیلرک رزق جهنمده زقوم آغاجی و امشالی بر طاقم فنا شیلر اولدیغنی جهتهله آنلرک رزقنده کرم صفی یوقدر .

..

واجب تعالی قیامتک وجودنده کی حکمت ؛ قوللرینک عمللریله جزالانلری اولدیغنی و اهل ایمانک جزاسی رزق کریم اولوب مغفرت ایله تلطیف ایدم جکنی و اهل کفری عذابه جزالاندره جغنی بیان ایتک اوزره ﴿ وَالَّذِينَ سَعَوْا فِي آيَاتِنَا مُعَاجِزِينَ أُولَئِكَ لَهُمْ عَذَابٌ مِنْ رِجْزِ أَلِيمٍ ﴾ بیوریور .

[ شول کیمسهلرکه آنلر زی عاجز قیلیمق قصه دیله آیتلریمزی ابطاله سعی ایتدیله . ایسته شو بزم آیتلریمزی ابطاله سعی ایدنلر ایچون الم و یریحی فنا عذابدن عذاب واردر . ] یعنی ؛ قیامتک وقوعی محقق ولوح محفوظده هر شیئی بز اثبات ایتدک که بزم وحدانیتیمزی اقرار و قدرتمزه دلالت ایدن آیتلریمزه ایمان ایدنلری حسن جزا ایله و بزی عاجز قیلیمق املیه آیتلریمزی ابطاله سعی ایدنلری آجیدیجی فنا عذابله جزالاندره لم و هر کس سعینک جزاسنی کورسون ، عملی عبث اولماسون . رجز ، عذابک غایت میرکینی و شنبی معنایه در . شو حالده آیتلری ابطاله سعی

ایدنلرک سعیلری پک بویوک جنایت اولدیغندن آنلرک عذابلرینک شدته اشارت ایچون جناب حق عذابلرینک شاعت معناسنی متضمن اولان رجزدن اولاجغنی بیان ایتمشدر . خلاصه ؛ احکام شریعتی ابطاله سعی ایدنلرک جزالری پک شدتلی اولاجغنی بو آیتدن مستفاد اولان فوائد جمله سنددر .

..

واجب تعالی آیتلری ابطاله سعی ایدنلرک جزالرینک شدتی بیاندن صوکره دنیاده دخی سعیلرینک باطل اولاجغنی بیان ایتک اوزره ﴿ وَيَرَى الَّذِينَ أُوتُوا الْعِلْمَ الَّذِي أُنْزِلَ إِلَيْكَ مِنْ رَبِّكَ هُوَ الْحَقُّ وَيَنْهَدِي إِلَى صِرَاطٍ الْعَزِيزِ الْحَمِيدِ ﴾ بیوریور .

[ حبییم ! ربک تعالی طرفندن کنیدلرینه علم و یریلنر سکا انزال اولونان قرآنک آنجیق حق اولدیغنی و افعالنده محمود و جلهیه غالب اولان ربک تعالی نک طریقه انسانلری هدایتده قیلدیغنی بیلیرلر . ]

یعنی ؛ حبییم ! سنی تکذیب ایدن کافرلر آیتلریمزه ابطاله نه قدر سعی ایتسهلر سعیلری باطلدر . زیرا ؛ شول کیمسهلر ربک تعالی نک سکا انزال ایتدیکی قرآنک آنجیق حق اولدیغنی و حقندن خارج بر شیئی متضمن اولما دیغنی بیلیرلرکه آنلره علم و یرلدی . بناء علیه ؛ کنیدلری ارباب علم و عرفاندنلر و آنلر او کتابک طریق حقندن انحراف ایدنلردن انتقام آلفه قادر و ذاتنده بالعموم مدح و ثنایه مستحق اولان ذات اجل و اعلانک طریق مستقیمه دلالت ایتدیکنی دخی بیلدکارندن ابطاله سعی ایدنلرک سعیلری نمره سز قالیر . چونکه ؛ ارباب علمه آنلرک تکذیبیلری قنور و یرمدیکی کبی دها زیاده قوت و یرر . خازن ، قاضی و مدد رکک بیانلری وجهله بو آیتده کنیدلرینه علم و یریلن ارباب علم ایله مراد ؛ اصحاب رسول الله و یا خود اهل کتابک علماسی اولیق محتمل ایسه ده قرآنه ایمانه



ایمده باحمد علما مراد اولونتی دها زیاده موافقدر. چونکه ؛ اصحاب رسول الله ايله اهل کتابك علماسی برابر مراد اولونمقد برمانع ده یوقدر. زیرا مقصد ؛ قرآنك حق اولدیغنی بیلوب آکا ایمان ایتمکدر. شو حالده « اصحابدر و یاخود اهل کتاب علماسیدر » دییه رك تقریقه بر معنی اولمادیغنی کی آیتده تقریقه دلالت ایدر بر دلیل ده یوقدر. بناء علیه ؛ مطلقا قرآنك حق اولدیغنی بیلوب ایمان ایدن اهل علمه دین محمدی به طعن ایدن کافرلرک و یاخود اسلام کسوه سنه بورونمش مافقلرک طعنلرینک هیچ تأثیری اولاماز و ارباب علمه آنلرک تأثیر ایدمه جگنی جناب حق بو آیتله اثبات ایتشددر. چونکه ؛ حقه قارشی باطله آزر بر زمان ایچنده پارلار کی کورونور سده دائما مضمه حلددر. بناء علیه ؛ علمانك قلبده یقین اوزره ثابت اولان اعتقاد حق خارجدن بر طاقم مقسدرک اعتراضلری و طعنلری ايله منزول اولماز .

بو آیتده قرآنك حق اولدیغنی بیلیمکه سبب اولان علم ايله مراد ؛ علم ربی اولدیغندن علوم فلسفیه و صنایع غریبه به متعلق علم صاحبلرینک اعتقاد حقه موفق اولاملریله سئوال وارد اولماز . زیرا ؛ علوم صنایع اعتقاد حقه خادم دکلدر ، بلکه امور دنیایه خادمدر . شو حالده علوم دنیایه عالم اولقله علوم دینه واعتقاد حقه عالم اولق لازم کلز .

..

واجب تعالی اهل علمك قرآنك حق و طوغرو یوله ایصال ایتدیکنی بیلدکلرینی بیاندن صوکره کافرلرک تکذیبه دائر سویله دکلری سوزلرینی بیان ایتمک اوزره ﴿وَقَالَ الَّذِينَ كَفَرُوا هَلْ نَذُلُّكُمْ عَلَىٰ رَجُلٍ يَمْسِكُكُمْ إِذَا مَرَّكُمْ كُلٌّ مِّنْكُمْ إِنَّا لَنَخْلُقُ جَدِيدًا﴾ بیوریور.

[ کافرلر دیدیلر که « بز سزه بر رجله دلالت ایدمه که اورجل سزه خبر و یروب دیور که (سزک هر اجزا کنز طاغیلوب پارچه پارچه اولوب طوراغه قاریشدیفکزده یکیدن حیات بولوب حال اصلیکز اوزرینه اولاجقسکز ) دیمکه اولدکن صوکره دیریه چککزی سویله یور. » ]

یعنی ؛ رسول الله کافرلره اولدکن صوکره دیریه جکلرینی وحشری و قیامتی خبر و برنجه بو خبری حوصله لری آلمادیغندن رسول اللهی استهزا مقصدیله بعضیلری بعضیلرینه دیدیلر که « بز سزه بر رجل کوستره لم می که اورجل سزه غریب برشی خبر و یوریور و خبر و یردیکی شی محال اولدیغنی حالده ممکن عد ایدیور و بلکه واقع اولاجغنی صورت قطعه ده سوبله یور و ( سز وفات ایدوب هر اجزا کنز طاغیلوب طوراغه قاریشدیفکزده تکرار دیریلوب بر مخلوق جدید اولاجقسکز ) دیمکه بر طاقم عقلك آلمه جنی محالاتدن بحث ایدیور . حالبوکه اورجل نبوت دعواسنده بوانیور . بی اولان کیمسه بویه محالاتدن بحث ایدرمی ؟ » دیدیلر و بوندن مقصدلری شان نبویه تقیصه بولق و ایماندن امتناع ایتمکدر . حالبوکه اولانصل ایجاد اولوندقلرینی دوشونمه مکله جهالتلرینی میدانه قویمشلر و حاققلرینی عالمه اعلان ایتمشلردر .

مدار کده بیان اولوندیغنی وجهه آیتده رجل ايله مرادلری ؛ رسول الله مراد رسول الله بینلرنده اسم علمسی ايله مشهور اولدیغنی حالده رجل تعبیرلری ، سویله دیکی سوزی کندی زعملرنجه بکنم دکلرندن بیلیمه مزلك ایچونددر . (مزقم) تمزیق ؛ تفریق اولوب طاغیلوب معنانه یعنی « اجزالیکنز طاغیلوب طوراغه قاریشوب یوق اولدقندن صوکره البته یکیدن انسان اولاجقسکز » دیمکدر . کافرلر سوزلرینه شونی ده علاوه ایتدیلر و دیدیلر که .

﴿ أَفْتَرَىٰ عَلَى اللَّهِ كَذِبًا أَمْ بِهِ جِنَّةٌ ﴾

[ « محمد ﷺ شوسویله دیکی سوزلرنده الله یالانله افترا می ایدیور ، یوقسه کندیسند جنت وارده جنیلر اساتی اویله می سویله یور ؟ » ]

یعنی ؛ مشرکلر رسول اللهك کلامنی غایت غریب عد ایتدکلرندن دیدیلر که « اولوب طوراغه قاریشوب یوق اولدقندن صوکره تکرار دیریلوب انسان اولق اینانیلر برشی دکلدر . شو حالده محمد ﷺ سوزیله یا الله تعالی به یالان اولارق بیله بیله افترا ایدیور و یاخود جنته مبتلا اولمش بویه بر طاقم خیالاتدن بحث ایدیور ؛ عجباً بونك هانکیسیدر . یالانله افترا می ، یوقسه جنت می ؟ » دیمکه شان نبویه لایق اولماق اسناداده بولوبدیلر .



خلاصہ؛ کافر لک رسول اللہک حشرہ متعلق خبری استبعاد ایتدکاری و رسول اللہک بیاناتی ایکی شیئہ حمل ایدوب «یا افتراء علی اللہ» و یا خود «آثار جنتدر» دیدکاری و بوسوزلریله حماقتلری میانه قویدقلری بوآیتدن مستفاد اولان فوائد جمله سندندر .

..

واجب تعالیٰ مشرک لک و مفسد لک رسولہ اسناد ایتدکاری افتراء و جنتدن رسولنک بری اولدیغنی بیان ایتک اوزره ﴿بَلِ الَّذِينَ لَا يُؤْمِنُونَ بِالْآخِرَةِ فِي الْعَذَابِ وَالضَّلَالِ الْبَعِيدِ﴾ بیوریور .

[کافر لک رسول اللہ اسناد ایتدکاری افتراء علی اللہ و جنت یوقدر، بلکه آخرتہ ایمان ایتمین مشرک لک پیغمبرلرینک سوزینی تصدیق ایتدکارندن عذاب ابدیدہ و هدایتدن غایت اوزاق بر ضلال ایچنده درلر .] بناء علیہ؛ آنلر ایچون اصلانجات یوقدر . چونکہ؛ آنلرک کبرلری نیلرینک خبرینی تصدیقلرینہ مانع اولدیغندن هدایتہ یاقلاشلق و طوغرو بول طوتمق احتمالی یوقدر و ضلالتلری هدایتہ غایت اوزاق اولدیغنی جهتله بومثللو هذیانی بلا پروا سولیکه جسارت ایتملردر .

مدار کده و بیضاویدہ بیان اولوندیغنی وجهله واجب تعالیٰ بوآیتده مفسد لک رسولہ اسناد ایتدکاری شیلری ردله کندیلرینہ دها اشنع اولان ضلال بعیدی اثبات ایتمش و افترا نک کندیلرینده اولدیغنی بیان بیورمش و ضلالتلرینک سبب اولدیغنی عذاب ضلال اوزرینہ تقدیمله عذابه استحققلرینک کالنه اشارت ایتمشدر . چونکہ ضلالت؛ ہر حال عذابه مؤدی اولاجغندن ایکیسی کآن بر زمانده اولیور کی ضلال و عذاب برابر ذکر اولونمشدر . زیرا؛ ضلالتده اولان کیمسه اعتقادیلہ و عملیلہ عین عذاب ایچنہ یول طوتمش کیدیور حالبوکہ کذرینک خبری یوقدر . شو حالده آنک افعالی عین عذاب دیمکدر .

..

واجب تعالیٰ رسولہ افتراء ایدلردن انتقامنی آلفہ قادر اولدیغنی بیانله بر طاقم عزو یاتہ

جسارت ایدنلری انصافہ دعوت ایتک اوزره ﴿أَفَلَمْ يَرَوْا إِلَى مَا بَيْنَ أَيْدِيهِمْ وَمَا خَلْفَهُمْ مِنْ السَّمَاءِ وَالْأَرْضِ﴾ بیوریور .

[حشری انکار ایدن مفسد لک کور اولدیلرده اوکلرینده و آرقہ لرینده و آلتلرینده و اوستلرینده و ہر جهتلری احاطہ ایدن سہابی و منفعتلری ایچون آیاتلرینک آلتہ دوشہ نمش ارضی کورمہ دیلری و بونلر کورولیلہ جک بر شیمی؛] و ہر کون ارضدن حاصل اولان نعمتله تلذذ و تعیش ایتدکارینی بیلمیورلری؛ و سہادن نازل اولان برکتلرہ باقوب دوشونمیورلری؛ و بوقدر بویوک دلیللر میداندہ اولدیغنی حالده فصل اولویورکہ حشری انکار ایدیورلر و امواتی احیا ایتک سہابی و ارضی ایجاددن دها قولای دکلہ؛ بونلری خلقہ قادر اولان خلاق اوقاجق انسانلری احیایہ قادر اولمازی؛ حالبوکہ اللہ تعالیٰ بہ نسبتله بویوک، کوچوک، زور، قولای اولماز . زیرا؛ قدرت الہیہ بہ نسبتله ذریہی خلق ایتکله بوتون دنیایی خلق ایتک بیتندہ فرق یوقدر، جملہ سی مساویدر . چونکہ؛ زورلق و قولایلق بزلرہ نسبتلہ در . شو حالده بوقدر جسیم مخلوقاتی خلق ایتدیکنی ہر کون مشاہدہ ایدن انسانلر حشر امواتی انکار ایدرلرہ اللہک قہرندن قورقمازلری؛

﴿إِنْ نَشَأْ نُخَسِّفْ بِهِمُ الْأَرْضَ أَوْ نُسْقِطْ عَلَيْهِمْ كِسَفًا مِنَ السَّمَاءِ إِنَّ فِي ذَلِكَ لَآيَةً لِّكُلِّ عَبْدٍ مُنِيبٍ﴾

[اگر بز حشری انکار ایدنلرک اہلاک کنی مراد ایدرسہک آنلرہ ارضی قارون کی باتیررز و یا خود سہادن بر قطعہ سی آنلر اوزرینہ دوشورمکله اہلاک ایدرز . ایشہ شو سموات و ارضی ایجادہ قادر اولان اللہ تعالیٰ نک قدرتی تفکرده اللہ رجوع و کناہلرینہ توبہ ایدن ہر قول ایچون علامت و عبرت واردر .] چونکہ؛ غضب الہی بی موجب اولان اسبابی ترکله جانب الہی بہ رجوع ایدن عبدک تأملی چوق اولدیغنی جهتله بومثللو کیمسہ لردن انتقام آلفہ قدرتنہ بر چوق دلیللر واردر .

ابو السعود افندیکنک بیانی و جملہ کافر لک رسول اللہ عز و یاتلرینک و آیتلری تکذیبلرینک شدتلی عذابی موجب اولدیغنی و اگر کافر لک بوحال اوزره اصرار ایدرلرسہ عذابک غایت



بویوکنه مستحق اولدقلرینی کندیلرینه تبلیغ ایله تهدید ایچون جناب حق بو آیتی ازال ایشدر. چونکه؛ بو آیتده انسانلر هر زویه کیتسه لر ارضله سما آراسندن چیمغه وقاچوب قورتولغه بر یول بولامایه جقلرینی وعصیانه دوام ایدنجه اللهک عذابندن قورقلری لازم کلدیکنی و دنیا ده هلاک لرینی مراد ایدرسه یره باتیرمق ویا سمان بر پارچه دوشورمکه هلاک ایده جکنی بیان؛ البته آنلری تهدیددر.

خلاصه؛ انسانلر ایچون سموات وارضه اولان عجائباته نظر ایتک لازم اولوب اولدالله نظر ایتمه یئلری الله تعالی ایسترسه یره باتیرمق ویا خود سمان بر پارچه دوشورمکه اهلاک ایده جکی بو آیتدن مستفاد اولان فوائد جمله سندندر.

..

واجب تعالی عالم مکنوناته اولان عجائباته نظرک لزومی بیاندن صوکره عجائبات السیه جمله سندن اولارق داود علیه السلامه ویرمش اولدینی بعض فضائی بیان ایتک اوزره ﴿وَلَقَدْ آتَيْنَا دَاوُدَ مِنَّا فَضْلًا﴾ بیوریور.

[ ذات الوهیتمه یمین ایدرم که بز کندی لطفمزدن داود علیه السلامه نبوت و کتاب و کوزل صدا کی فضیلتلر ویردک. ]

﴿يَا جِبَالُ اَوْبِي مَعَهُ وَالطَّيْرُ﴾

[ ویردیکمز فضائل جمله سندن اولارق جمادات و حیواناتدن بعضیلرینی بز داودک امرینه مطیع قیلدق و دیدک که «ای طاغلر وای قوشلر! سز داود علیه السلامه برابر تسبیحه رجوع و آنکه برابر بزی نقائصدن تنزیه ایدک». طاغلر و قوشلرده امریمزه امتثالاً تسبیحه دوام ایتدیلر. ]

﴿وَاللَّآ لَهَ الْخَدِيدَ﴾

[ و بز داود ایچون دمیری یوموشاق قیلدق. ] بناء علیه؛ دمیر آئنده چامور کی یوموشاق اولدینی جهته آتیش و چکیجه دوککسزین دمیردن آیلله ایسته دیکنی یاپاردی.

مدار کده و خازنده بیان اولوندیغه نظرأ حضرت داود هر نه زمان تسبیح ایدرسه طرافنده اولان طاغلر و او حوالیده بولونان قوشلر آنکه برابر تسبیح و تهلیل دوام ایدرلر و آنلرک هر بری حضرت داودک امرندن چیممازلردی.

طاغلرک و قوشلرک تسبیح لرینک کیفیتی؛ حضرت داوده معجزه اولارق جناب حق طاغلرده و قوشلرده تسبیحه دلالت ایدر صدار خلق ایدوب داود علیه السلامک او صدای ایشیتمسیدر. یا خور بیضاوینک ایکنجی توجهنه نظرأ طاغلرک و قوشلرک عجیب و غریب حاللری جناب حق نقائصدن تنزیه دلالت ایتلری و بونلرک مشتمل اولدینی عجائباته تفکرک حضرت داودی تسبیحه سوق ایتسی عین تسبیحدر دیش ايسه ده بو معناه تسبیح حضرت داوده مخصوص اولمادیغندن بونلرک تسبیح لری ایله مراد؛ حقیقی تسبیح و آنی آکلر.

مقده معجزه اولارق حضرت داوده میسر اولمش و آندن اول کچن انبیایه میسر اولمامشدر. فخر رازینک بیانی وجهله داود علیه السلامه اطاعت ایدن جماداتدن یالکز طاغلر دکل بلکه بر جوق احجار و اشجار اطاعت ایتدیکی کی حیوانات و حشیه دن دخی بر جوق اطاعت ایدنلر واردی. لکن طاغلر کال جسمته و قوشلر حیوانات سائرده دن زیاده قاجغه مالک اولمقله برابر اطاعت ایدنجه سائرلرینک اطاعتلری اولویتله ثابت اولدیغندن بو ایکی یی ذکرله اکتفا اولومش و دیگرلرینک ذکرینه حاجت کورولمه مشدر.

تفسیر خازنده بیان اولوندینی وجهله دواد علیه السلامه دمیرک مطیع اولسنک سببی شویله در: حضرت داود متشکراً کزر و کوردیکی کیمسه لره «داودک حکومتندن ممنونمیسکر، ظلم وارمیدر و داود فصل آدمدر؟» دیبه رک سئوال و آلدینی حواده واهالینک آرزوسنه کوره حکومتنی تنظیم و شخصنه عائد اولان جهتله دقت ایدردی. بر کون عادت وجهله کزوب سئوال ایدرکن انسان صورتنده بر ملکه «داود فصل آدمدر؟» دیدیکنده ملک «ای آدمدر، فقط کندینک و عیالک تفقه سنی بیت المالدن آلیور» دیدیجه حضرت داود جناب حقه معیشتنی کندی آیلله قازانمق ایچون بر سبب خلق ایتسنه دائر دعا ایتسی اوزرینه واجب تعالی دمیری امرینه مطیع قیلدی وزره یاپوب صائمینی الهام ایتدی. آندن صوکره حضرت داود دمیردن زره یاپوب صائمقله تعیش ایدردی.







ابوالسعود افنديك بيانى وجهله بو آيتده عذاب سعيير ايله مراد؛ مېنبر اوزرينه مؤكل اولاره ملكك ائنه بولونانه آئنده قاميحي ايتنه هائلك ايدنه وورمسيور، يوقسه آخرتده جهنم آتشي دكلدر. بناء عليه؛ سليمان عليه السلامك ايش ايچون استخدام ايتديكي جنيلرك اصلا امرينه مخالفت ايمه يوب دائما حكمي آلتنده محكوم اولدقلىرى جناب حق بو آيتله بيان بيورمشدر.

خازنك وبيضاوينك بيانلى وجهله عين القطر؛ باقير معدنى اولوب بمخمره بولونمى و بيطردنه صر قابانديفى كې باقيرك قابانديفى و مېناب سليمانك ايتديكى قدر استعمال ايتديكى مرويدر. شو حالده پدرينه دمير مسخر قيانديفى كې اوغلونده باقير معدنى مسخر قيلنمشدر.

\* \*

واجب تعالى سليمان عليه السلامه روزكارى و جنيلرى مسخر قيلديفى بيانلنمكره جنيلرك حضرت سليمان ايچون نه كې عملينده بولوندىلىرى بيان ايتك اوزره ﴿يَعْمَلُونَ لَهُ مَا يَشَاءُ مِنْ مَخَارِبَ وَتَمَاثِيلَ وَجِفَانٍ كَالْجَوَابِ وَقُدُورٍ رَاسِيَاتٍ﴾ بيوريور.

[ جنيلر سليمان عليه السلام ايچون ديله ديكي مسجدلى و يوكسك بنالرى وايسته ديكي صورتلى و بويوك جسامتده حوض كې طمام چاناقلرى و غايت بيوك يرندن قالقماز ثابت قازانلىر ياپارلردى. ] ايسته بونعمتلك شكرى ادا ايتلىرى توصيه اولق اوزره بز آنلره ديدك كه

﴿إِغْمَلُوا آلَ دَاوُدَ شُكْرًا﴾

[ اى آل داود! بونعمتله شكر اولارق عمل ايدك ] ديمكله وصايدنه بولوندى.

﴿وَقَلِيلٌ مِنْ عِبَادِيَ الشَّكُورُ﴾

[ و بيم قولارمدن شكر ايديجيلر غايت آزدر. ]

يعنى؛ بز سليمان عليه السلامه جنيلرى مطيع قيلدق كه اوجنيلر سليمان عليه السلامك ايسته ديكنى ياپارلر و كوزل مسجدلر و يوكسك قلعهلر و محكم قوناقلر ميدانه كتيرلردى. خازنده و مدار كده بيان اولوندينى وجهله بو آيتده محاريب ايله مراد؛ مسجدلرور. مسجددن محاريبه تعبير؛ جزؤ مهمى ايله تعبيردر. ياخود محاريب ايله مراد؛ بيوك قلعهلرور. چونكه؛ بويوك قلعهلره محاريبه زمانى التجا اولونوب آنلر آلت محاريبه دن معدود اولمرينه بناء قلعهلردن محاريب ايله تعبير اولونمشدر. حضرت سليمانك ياپديردى قلعهلرك اك مهمى (بيت مقدس) قلعهسى در كه (مختصر) ك تخريبنه قدر دوام ايتش و برچوق محاريبلرده مقاومت ايلمشدر.

جنيلرك حضرت سليمانك آرزوسنه موافق ياپدقلىر شيلردن بريى ده صورتلردر. چونكه؛ اوزمانده صورت يايىق مباح اولديغندن سليمان عليه السلامك امريله برچوق صورتلر ياپارلر وايسته دكلرى يرلره قويازلردى. حتى سليمان عليه السلامك كرسيى آلتنده ايكي ارسلان صورتى و كرسيك اوستنده ايكي كر كس قوشى صورتى ياپدقلىر ودها آرزو ايديلن شيلرى اعمال ايتدكلرى مروى ايسه ده سليمان عليه السلامك ايسته ديكي وجهله صورتلر ياپدقلىرى بو آيت جليله ايله جناب حق بيان ايتمشدر. بناء عليه؛ سليمان عليه السلامك شريعتنده صورت يايىق جائز اولدينى و سليمان عليه السلامك ده ايسته ديكي وجهله صورتلر ياپديردى قطعيدير. اما بزم شريعتنده نسخ اولونمش و مجسم صورت يايىق حرام قيلنمشدر.

جنيلرك حضرت سليمانك ايسته ديكي وجهله ياپدقلىر شيلردن برنوعى ده طعام چاناقلرى كه آنلر غايت جسيم و بر چوق عسكرك طعامنه كفايت ايدنه جك مقدارده اولديغنه آيت دلالت ايدر. چونكه؛ عسكرك اصوللى هر زمانه كوره دكيشير. اوزمانده عسكرك طعامى خصوصنده ترتيبات نه يولده اولديغنه دائر تاريخ مضبوط دكل ايسه ده چاناقلرك غايت جسيم اولديغنى واجب تعالى نك بو آيتده بيانندن برچوق كيمسه لك بر سفرده برابر بولوندينى آكلاشيلمقده در. بزم زمانمزه ايسه طقوز كيشينك برمانغه اولارق بر سفرده بولونوب طعام بيدكلرى و چاناغه قاراوانا دينك اصولى جارى و معتدلدر.



سليمان عليه السلامك ديله ديكي وجهله يابدقلى شيلردن برىسى ده او طعما ملرك پيشه جكي  
تجره يعنى قازانلردر كه اوقار انلر اردو كاھلرده ثابت اولوب يرلرندن قالممازدي. چونكه؛  
آيتده (راسيات) (ثابتات) معناسنه اولديغندن قازانلرك اردو كاھده ييك پيشمك ايچون  
قوندينى محله داما دورديغنه دلالت ايدر. كرچه بوقدر جسيم قاراوانلره بر قاچ يوز  
كيشي نصل طوپلانور ونصل ينور كى انسان بونى بعيد عدايدر سده زمانمزه ايكي يوز  
اوچوز كيشينك آلافرانقه اصولى بر سفرده ماصه باشنده طوپلانديغنى كورن و بيلن  
بونى استبعاد ايتمز. چونكه؛ اوزمانده بر جوق كيمسه نك بر سفرده ييك يمه لرند  
البته بر اصول واردى. فقط بزجه او اصولك كيفيتى معلوم اولمامقدن اويله بر اصولك  
اولماسى لازم گلز. ايسته بيان اولونديغى وجهله شوزمانده ايكي يوزويا اوچيوز كيشينك بر  
سفرده ييك يمه جكلى بواصول ميدانه كلدكي بر زمانده سويله نمش اولسه ايدى انسانلر  
كيفيتنى دوشونه مديكندن دفعه استبعاد ايدرلردى، حالبوكه وقوعى زمان اثبات ايتمشدر.  
كذلك بوندن اولكى آيتده بيان اولونديغى وجهله سليمان عليه السلام روزكار واسطه سيله  
قوشلق وقتى بر آيلق اوكله دن صوكره بر آيلق كه بر كونده ايكي آيلق مسافه قطع  
ايتديكى حوصله بشر بر آز دوشونور و بلكه ايمانى ضعيف اولان كيمسه استبعادده  
ايدردي. فقط زمانمزه كى طياره لر اومه سئله نك كيفيتنى تماماً ايضاح ايتمش واستبعادده  
محل قالماشدر.

واجب تعالى داود عليه السلامك سلاله سنه جاه و منصب و سلطنت و بوقدر نعمتلى  
و كيمسه يمه ميسر اولمايان ثروت عظيمه يي و برنجه آنلرى شكره ترغيب ايتمك ايچون «اى  
آل داود! سزه ويريلن نعمتله شكر ايچون عمل ايدك» بيوردى ونعمتك شكرى ادايه  
دوامك لزومنى بيان ايچون قوللردن شكر ايدنلرك غايت آز اولديغنى بيان ايتدى.  
آيتده قلت ايله مراد؛ شكرى لا يقبله ادا ايدنلرك آرزيفير، يوقسه مجرد شكر ايدنلر  
آز ديمك دكلدر. چونكه؛ شكر ايدن چوقدر، فقط حقيله شكر ايدن آزدر. ايسته  
بومعنايه اشارت ايچون (شكور) لفظى وارد اولمشدر. چونكه شكور؛ مبالغه  
معناسنه اولديغى جهته مبالغه صورتيله يعنى «لا يقى وجهله اوزره شكر ايدنلر آز» ديمكدر.

..

واجب تعالى سليمان عليه السلامك سلطنتى بيانن صوكره دنياجه بوقدر قوت  
و قدرتيه برابر آنك ده اولومدن قورتولاماديقى و كيفيت وفاتى بيان ايتمك اوزره  
﴿فَلَمَّا قَضَيْنَا عَلَيْهِ الْمَوْتَ مَا دَلَّهُمْ عَلَى مَوْتِهِ إِلَّا دَابَّةُ الْأَرْضِ تَأْكُلُ مِنْسَأَتَهُ﴾  
بيوربيور.

[وقتا كه سليمان عليه السلام اوزرينه بز موله حكم ايتدك ايسه خدمت ايدن جنيلر  
ايچون آنك موته هيچ برشى دلالت ايتدى، آنجق ارضك حيواناتندن عصاى سليمانى يي  
بين حيوان دلالت ايتدى.]

﴿فَلَمَّا خَرَّ تَبَيَّنَتِ الْجِنَّ أَنْ لَوْ كَانُوا يَعْلَمُونَ الْغَيْبَ مَا لَبِثُوا فِي الْعَذَابِ الْمُهِينِ﴾  
[وقتا كه سليمان عليه السلام استراحت ايچون يره ياتدى ايسه تين ايتدى كه اكر  
جنيلر غيب بيلمش اولسه لردى آنلر سليمان عليه السلام وفاتندن صوكره او خدمات  
شاقه وعذاب مهانتده دوام ايتزلردى. حالبوكه دوام ايتديلر، شوخالده غيبى بيلمورلر.]  
يعنى؛ سليمان عليه السلام موتى ايچون مقدر اولان وقت كلوب بز وفاتنه حكم  
ايتدك ايسه آنك وفاتنى جنيلره واولادوعيالنه واتباعنه خبر ورن و دلالت ايدن اولمادى،  
الا حيوانات ارضدن آنك عصاسنى بين آغاج قوردى دلالت ايتدى. چونكه؛ اوحيوان  
عصاسنى ييوب عصا قيريلنجه سليمان عليه السلام ايچون استناد ايدجك برشى قالمادى.  
وقتا كه دايدنيغى عصايره دوشمسيله حضرت سليمان ده يره ياتدى ايسه تين و تحق ايتدى كه  
حال و شان شويله در؛ اكر جنيلر غيب بيلمش اولسه لردى بر جوق زمان او مشقتلى  
خدمتله و آنلره اهانت ايديجى عذاب ايچنده اكله شوب قالمالزلردى. حالبوكه خدمات  
شاقه ده دوام ايتديلر، شوخالده غيبى بيلمورلر.]

نعمت الله افنديك وقاضينك بيانلرى وجهله حضرت سليمانك كيفيت وفاتى شويله در؛  
پدرى داود عليه السلام حضرت موسانك چاير قوروب استراحت و عبادت ايتديكى موقعه  
(بيت مقدس) ي بنا ايتمكه باشلادى و اتمام ايتمك سزين وفات ايدجك بيهت مقدسك اتمامى  
ولى عهدى بولونان اوغلو سليمان عليه السلامه وصيت ايتمسه بناء حضرت سليمان اون  
اوچ باشنده سلطنته كچدى و درت سنه صوكره پدرينك وصيتى اوزرينه بيت مقدسك



بناسنی آتامه باشلادی . کئندنه اولان قوه قدسیه سایه سنده جنیلری استخدامله انسانلرک یاپامیه جنی خدمات شاقیهی آنلره یایدردی و ازهر جهت غیرت ایتیش ایسه ده آتامنه آز بر زمان قالدیجه قبل حقدن وفات ایده جکی کئندینه خبر ویرلدی . فقط بیت مقدسی آتام ایتهدن ارتحالک زمانی کلسنه بالطبع محزون اولدی و آنجق بیتک آتامنه قدر وفاتک ستر اولونوب خالق بیلدیرلمه سنی ربسندن استرحام ایتسی اوزرینه جناب حق دعاسنی قبول بیوردی . کئندینه مخصوص بللوردن یایلمش کوشکینه کیردی وعصاسنه دایاندی عبادته باشلادی ، اثنای عبادته تسایم روح ایتیش ایسه ده عصایه دایاندیجه جهته یه دوشمدیکندن هر کس آنی آیاقده طور بیور ظن ایتسکه وفاتی کیمسه بیلمدیکی کبی وفاتی هیچ کیمسه نک خاطرینه بیله کدی . چونکه ؛ حضرت سلیمانک لوازمات بشریه سنی ویه جک وایجه جکی یانه آلارق ناسدن آیلرجه عزلت ایدوب هیچ کیمسه ایله اختلاط ایتکسزین عبادته مشغول اولق اولدنیزی عادت اولدیغندن هر کس اسکی عادتیه حمل ایتیش واولومی خاطر لرینه کله مشدی . اوزمانده عصایه دایانه رق عبادت ایتک جائز اولدیغندن عصا اوزرینه دایانسی ده عادت سابقیه موافق اولدیغنی جهته طول مدت وفات ایتدیک حالدده عصا اوزرنده قالا جنی کورولش برشی اولمادیغندن هیچ کیمسه نک شبهه سنی داعی اولمادی . حالوکه جنیلر بز غیبی بیلیرز دیهرک خلق آلداتیورلردی . ایشته بومنوال اوزره وفاتک ظهوری جنیلرک غیب بیلمدکارینی خلقه بیلدیرمشدر . چونکه ؛ ادعاری وجهله غیبی بیلمش اولسه لردی حضرت سلیمانک وفاتی بیلیر وار مشغولی خدمتلرده دوام ایدوب دورمازلردی . بیت مقدس اکمال اولونارق آرزوسی یرینی بولوب وفاتی اعلانده بر محذور اولمادیغنی زمان حلول ایدنجه آیتده بیان اولوندیغنی وجهله عصای سلیمانی یی قورد یمش اولدیغندن عصا قیریلوب یره دوشونجه آکا استنادایدن حضرت سلیمان ده مقام عالیه یاتار وهر کس بیلیرکه وفات ایتشدر . آنجق وفاتک مدته دائر آیتده صراحت یوقدر . شو قدرکه آیتده « جنیلر بیلمدیلر بیلمش اولسه لردی عذاب مهینه مکث ایتزلردی » دنیلدیکنه نظراً اوزون مدت مکث ایتدکلی فهم اولونمقدهدر .

سلیمان علیه السلام وفاتنده الی اوچ یاشنده اولوب بنی اسرائیل سلطنته اون اوچ یاشنده مالک اولارق درت سنه صکره بیت مقدسی بنایه باشلادیغنه نظراً بیت مقدسک انشا آتی اوتوز آتی سنه دوام ایتشدر . وفاتک بر مدت خلقه خبر ویرلمدیکنک ایکی حکمتی

واردد : برنجیسی ؛ بیت مقدسی جنیلر اکمال ایتدیرمک ، ایکنجیسی ؛ جنیلرک غایب بیلرکلرینی خلقه بیلدیرمک . چونکه ؛ جنیلری ضبط وربط آلتیه ایسته دیکی کبی استخدام ایتک سلیمان علیه السلامه مخصوص بر معجزه و خاصه در . زیرا ؛ جناب حق آنلری حضرت سلیمانه مسخر قیلدی . اگر وفاتی بیلسه لردی هیچ کیمسه اطاعت ایتز در حال طاعیلرلردی و هیچ بر کیمسه ده ده آنلری ضبط ایتک قدرتی یوقدی .

..

واجب تعالی حضرت داوده واولادینه ویردیکلی نعمتلری و او نعمتلره شکر ایتلرینی توصیه ایتدیکلی بیاندنصکره اهل سبأک کفران نعمت ایتدکلی بیان ایتک اوزه ﴿ لَقَدْ كَانَ لِسَبَإٍ فِي مَسْكَانِهِمْ آيَةٌ جَنَّتَانِ عَنْ يَمِينٍ وَشِمَالٍ ﴾ بیوریور .

[ ذات الوهیمه یمین ایدرم که اولاد سبأک اکلشدکلی بلده لرنده آنلر ایچون محقق بویوک علامت وچوق نعمتلری واردی . زیرا ؛ آنلرک مملکتلرینک بری صاغنده دیکری صولنده ایکی جنتلری یعنی باغلری و باغچه لری واردی . آنلر او جنتلر سایه سنده رفاه و سعادته وقت کچیر بیورلردی . ]

﴿ كُلُوا مِنْ رِزْقِ رَبِّكُمْ وَاشْكُرُوا لَهُ ﴾

[ و آنلره الهام طریقله « ربکزک رزقندن بیک ونعمتلرینه شکر ایدک » دیدک . ]

﴿ بَلَدَةٌ طَيِّبَةٌ وَرَبُّ غَفُورٌ ﴾

[ « وساکن اولدیغکز بلده نک صوبی و هوا یی کوزل بر بلده در وربکزده کنه ایلرکزی مغفرت ایدر » دیدک . ]

یعنی ؛ ذاته یمین ایدرم که « احفاد قحطاندن ( سبأ ) دنیان کیمسه نک اولادی ایچون مسکنلرنده ربلرینک قدرته دلالت ایدر نعمتلر و علامتلر واردی . او علامتلر ایکی جنتدر : بری ؛ بلده لرینک صاغ طرفنده ، دیکری ؛ صول طرفنده بلده لرینی احاطه ایتش باغلری و باغچه لری بولونیوردی . طرف الیه دن آنلره نیلری واسطه سیله و یا خود



الهام طریقہ « ربکڑک ویردیکی رزقندن ییک وایچک واللہ شکر ایدک » دنیلدی و « شو سا کن اولدیغکز بلده کز آب وهواسی جهتندن غایت کوزل وادا ویره جک سینک ، پیره کی شیلردن صافیدر وربکزده ، تائب ومستغفر اولورسه کز کناهلریکزی مغفرت ایدر . شو حالده هرجهتله شکر ایتکز وعبادتله مشغول اولمکز لازمدر » دنیلمکله فصایحده بولونولدی .

بیضاوینک بیانی وجهله ( سبأ ) ( یشجب ) اسمنده برکیمسه نک اوغلودر . یشجب ( یعرب ) ک ویربده ( قحطان ) ک اوغلودر . سبأ ک اون اوغلو اولوب بومقامده ذکر اولونان قوم سبأ او اون اوغلاندن حاصل اولان اهلیدر . بونلرک بلده لری ؛ یمنده صنعایه اوج قوناق مسافده ( مآزب ) اسمنده بربلده اولدینی مرویدر .

فخررازینک بیانی وجهله او بلده نک هواسی وصوبی غایت کوزل اولوب سیوری سینک ویره وسائر موزیات اولمادیغنه اشارت ایچون جناب حق او بلده یه بلده طیه عنواتی ویرمکله ثنا بیورمشدرکه ایصیتمه وسائر کی هوانک فالغندن نشأت ایدن خسته لقرده اولمادیغنه اشارت اولونمشدر . اولده ده دنیاچه آرانیلان هر نعمت مبذول اولدیغنه اشارت ایچون واجب تعالی شکرله امر ایتمشدر . چونکه شکر ؛ نعمت مقابل اولدیغندن شکرله امر ، نعمتک تام اولسنی مشعردر .

نیسابورینک بیانه نظراً بلده نک طیه اولسی ایله مراد ؛ بلده نک مورفی اولابوب ماصدوفی مور ویرمیدر . ( رب غفور ) دیمک « نعمته شکر ایدنلری ربکز مغفرت ایدر » دیمکدر .

قاضینک بیانی وجهله باغچه لرک صاغده وصولده اولسی ایله مراد ؛ بلده نک صاغنده وصولده اولسی احتمالی اولدینی کی هرکسک مازنک صاغنده وصولده اولسی ده محتملدر . فقط هانکی صورتله اولورسه اولسون دنیاچه طبع بشرک سودیکی هرشی موجود اولدیغنه ومملکتک هر طرفی کل وکاستان بولوندیغنه آیت دلالت ایدر .

\*\*\*

واجب تعالی قوم سبأک نعمتارینی و آکا مقابل شکرله امر ایتدیکنی بیاندن صوکره آنلرک خطارینی بیان ایتک اوزره ﴿ فَأَعْرِضُوا فَأَرْسَلْنَا عَلَيْهِمْ سَيْلَ الْعَرِمِ ﴾ بیوریور . [ سبأ قومنه بزم شکرله امریمز اوزرینه آنلر شکردن اعراض ایتدیلر . بناء علیه ؛ بزده آنلر اوزرینه ( عرم ) اسمنده اولان دره نک صولرینی کوندردک . ]

﴿ وَبَدَّلْنَاهُمْ بِجَنَّتَيْنِ ذَوَاتِیْ أُكُلِ خَمْطٍ وَأَثَلٍ وَشِیْءٍ مِنْ سِدْرٍ قَلِيلٍ ﴾ [ وآنلرک غایت منفعتدار اولان ایکی باغچه لرینی فائده سز ایکی باغچه یه تبدیل ایتدک که او ایکی باغچه لر مسواک آغاجنک اکلی کی اکل صاحبی وایلقین و مرسین آغاجندن آز بر آغاجک صاحبیدر . ]

یعنی ؛ منفعتدار وهرمیویه مالک اولان ایکی باغچه یی ایشه یاراماز مسواک ، ایلغین و مرسین آغاجندن آز بر شیئه مالک و منفعتدن خالی ایکی باغچه یه تبدیل ایتدک .

﴿ ذَلِكْ جَزَآئِنَاهُمْ بِمَا كَفَرُوا ﴾

[ ایشه شو منفعتلی باغچه لری منفعتسز باغچه یه تبدیل ؛ کفرلرینک جزاسیدر و کفرلرینک جزاسیله بز آنلری جزالاندیردق . ]

﴿ وَهَلْ نُجَازِیْ إِلَّا الْكَفُورَ ﴾

[ و بز بوجز آنک امثالیه جزالاندیرماز ، آنجق شدتله کفران نعمت ایدنلری جزالاندیریرز . ] فخررازینک بیانی وجهله عرم لفظنده اوج احتمال واردر : برنجیسی ؛ ( کوسته بک ) دینلن حیوان که یرک آلندن طوپراغی دورته رک قازار ویر آلنده کزر . ایشه طوپراق کندینه مسخر اولان بو حیوان آنلرک مسدود اولان صو ده بوسی ایچندن برچوق یرلرینی ده لملکه آنلرک صولرینی طو تاماز بر حاله کتیروب صوده بوسی ییقلمله باغلرینک و باغچه لرینک تخرینه وسیلک هجومه بو حیوان سبب اولدیغندن سبب العرم دنیلمشدر . ایکنجیسی ؛ عرم ، بقیسک بایمسه اولدیغنی سرک قیاغی اولانه طاشک اسمیدر . او طاشک محلندن اوینامسیله سبب



صوبی هجوم ایتدیکندن سیل العرم دیمشدر. اوچنجیسی؛ اوصوبک و سوبک بولونمیزی  
دره نلک اسمیر. یاخود نیسابورینک بیانی وجهله سرتی باغموردر.

نعمت الله افندینک بیانه نظراً عرم؛ کیرج و آلی ایل دوکوردلر برطاسه که غایت  
صاعلام دوکه مرمر کیدر. نیسابوری، طبری، وقاضینک و نعمت الله افندینک بیانلری  
وجهله قوم سبک بلده لرینک آرقه سنده کی بویوک دره نلک اوکنه بلقیس محکم برسد انشا  
ایتدی که اوراده پیکارلر و یاغمور صولرینی حبسه ادخار ایتشدی. او سوبک آرقه سنده تراکم  
ایدن صولر عادتاً بویوک برکول حالنده اولوردی. بلقیس، اوسده اوچ قابو قویدورمش ایدی.  
بری اوست طبقه ددرکه اول آتی آچارلر. صو آشاغی به اینجه اورتی طبقه ده بولونان  
قابوی آچارلر. اورادن ده ها آشاغی اینجه آلت طبقه ده بولونان قابوی آچارلر و هر کس  
بر انتظام اوزره باغلرینی احتیاجی قدر صولار و اصلاً نزاع اولمازدی.

ایشته اوسایه ده باغلری و باغچه لری معمور و اراضیلری چوق حاصلات و برر  
وازه ر جهت دنیاچه رفاه و سعاده نائل اولمشلر ایکن جناب حق آنلره نیلری واسطه سیله  
بونعمت لک شکرینی ادا ایتلرینی امر ایتدی، لکن آنلر شکریدن اعراضه طغیان ایتدیلر  
وسوز دیکله من و حق قبول ایتمز بر حاله کلدیلر. آنلرک کفران نعمت ایتلری اوزرینه  
جناب حق کوسته بک دینلن حیوانی مذکور سده مسلط قیلدی. کوسته بک، سوبک  
آره لرینی ده لدی هر طرفی چاغشاندی (که و شتدی). بناء علیه؛ سوبک صوبه مقاومت  
ایده میهرک ییقیلدی. باغلرینی و باغچه لرینی تخریب و نعمت لری نعمته تبدل ایتدی. حق  
خانه لری قوملره قاریشدی و غضب الهینک ظهوریله پریشان بر حاله هلاک اولدیلر.  
بونک سببی؛ جناب حق امرینه مخالفت ایله نائل اولدقلری نعمتک شکرینی ادا ایتمه مکدر.  
ایشته بومثللو وقایعی جناب حق قرآنده بزه بیان ایتسی قولارینی انباهه دعوتله نعمته  
شکره و امرینه اطاعته ترغیب و عکسندن حذر ایتک لازم اولدیفته تنبیهدر. بناء علیه؛  
بو حاللر هر زمان قری و قصبانده و هر نوع انسانلر اوزرنده جاریدر. چونکه؛ هر زمان  
کورولدیکی وجهله هر کیم که کفران نعمت ایدرسه نعمتی نعمته تبدل ایدر و بر چوق  
آفلره معروض قالیر. شو تفصیلاته نظراً معنای آیت: [بزم قوم سباء شکرله امر ایدوب  
آنلرده شکریدن اعراض ایدنجه بزم آنلر اوزرینه عرم سدیله باغلی اولان صوبی ارسال

ایتدک و باغلرینی و باغچه لرینی اوسیل صوبی ایله تخریب و هر نعمته طولو اولان ایکی جنتلرینی  
دیکنلی چالی به وایلغین و سائر فائده منر آغاجه تبدیل ایله یاراماز بر اورمان حاله کتیردک.  
ایشته بزم شو تبدیلرک سببی؛ آنلرک کفرلیدر. زیرا؛ بومثللو جزا ایله بزم جزا لاندیرماز،  
آنحقی شدتله نعمتی انکار ایدنلری جزا لاندیریرز. بناء علیه؛ قوم سباء شدتله کفران  
نعمت ایتدکلرندن آنلری بویکی تخریباتله مبتلا قیلدق و عاقبت منقرض اولمشلردر [دیمکدر.  
خمنط؛ سوبک آغاجه دنیلیدیکی کی دیکلنی ربوبه سید انتفاع اولونمایانه هر آغاجه

دخی دینور. سدر؛ یا باغچه مناره غسلسنده استعمال اولونمقد انتفاع اولونور بر آغاجه،  
اثل؛ ایلغین آغاجی دیکلری آغاجه. ایشته میوه لی آغاجلرینک میوه سز آغاجلره  
تبدیلانی بیانه جناب حق باغلرینک اسکی حاله کیه رک خرابیتک دوامنی بیان ایتش  
وشود کر اولونان آغاجلرک ایچنده اک ایسی (سدر) آغاجی اولدیفندن آنلردن اخذ  
انتقامک شدتنه اشارت ایچون سدر آغاجی قتل ایله توصیف ایتشددر که صوبک درجه  
خائب و خاسر اولدقلرینی بیاندرد. بو وقوعاتک حضرت عیسی ایله بزم نبیمز آره سنده  
اولدیفنی مرویدر.

بو آیتده (فارسلنا) جمله سنده بولونان فا لفظی سببی اولدیفندن سیل العرمی کوندرمه  
سبب؛ شکریدن اعراض ایتلری اولدیفنه و سیل العرمی ارسال؛ اعراضک نتیجه سی اولدیفنه  
دلالت ایدر و تقریر کلام شویله در: «بزم قوم سباء اوزرینه سیل العرم کی بر آفتی کوندردک.  
زیرا؛ آنلر نعمته شکریدن اعراض ایتدیلر. هر قوم که نعمته شکریدن اعراض ایده، بزم  
آنلر اوزرینه آفت کوندریرز. بناء علیه؛ قوم سباء اوزرینه بزم سیل العرم کی بر آفتی  
کوندردک» دیمکدر. شو حالده شکریدن اعراض ایدن هر قوم و هر شخص حقنده جاری  
بردستور اعظامدر. مثلاً نائل اولدیفنی نعمته شکر ایتمین هر شخصه تطبیق اولونور و دینور که  
«شو آدم آفته معروضدر. زیرا؛ نعمته شکر ایتبور. هر کیمسه که نعمته شکر ایتمه،  
آفته معروضدر. شو آدم آفته معروضدر».

..

واجب تعالی قوم سبک بلده لرینی تخریب ایتدیکنی بیاندن صوبک آنلرک مسافر تارنده



راحتلرینی و صوکره اورا حلتلرینک زوالنی بیان ایتک اوزره ﴿وَجَعَلْنَا بَيْنَهُمُ الْبَيْنَ الْقُرَىٰ  
الَّتِي بَارَكْنَا فِيهَا قُرَىٰ ظَاهِرَةً﴾ بیوریور.

[ و بز عظیم الشان اهل سبأ ایله و بزم کنديسندہ برکت و بول رزق خلق ایتدی کمز  
شام قریه لری آره سندہ بربرینه کورینور و یولجیلر اصلاً شاهزاد و آزیق ایسته من میداندہ  
باغلی و باغچہ لی قریه لر خلق ایتدک . ]

﴿وَقَدَرْنَا فِيهَا السَّيْرَ﴾

[ و بز او قریه لرده آنلرک سیروسفرلرینی مقدر قیلدق . ] حتی قوشلق طعمانی بر قریه ده  
ییر و قیلوله سنی یعنی قوشلق اویقوسنی دیگر قریه ده اویور و آقشام اوزری دیگر بر قریه ده  
قونار و یاتار و هر قریه ده هر دورلو نعمتلی بولور . بو نعمتلی آنلره احسان ایتمکله برابر  
الهام طریقله آنلره دیدک که

﴿سِيرُوا فِيهَا لَيَالِيَ وَايَّامًا آمِنِينَ﴾

[ « سز او قریه آره سندہ کیجه لرده و کوندوزلر ده احتیاج کیز و تجارت کیز ایچون  
دشمندن و موذیاتدن آمین اولدیغ کیز حالده یورویک قورقاییک » دیمکله آنلرک هر دورلو  
راحتلرینی تأمین ایتدک . ] بناء علیه ؛ آنلرک بلده لرندہ هر نعمتی و عافیتی و یردی کمز کی  
حال سفر لرندہ دخی عینی نعمتی و یردک .

﴿فَقَالُوا رَبَّنَا بَاعِدْ بَيْنَ أَسْفَارِنَا﴾

[ شو نعمتلر اوزرینه آنلر « یاربی ! بزم سفرلریمز آره سنی اوزاقلاشدیر که بزده آزیغه  
و شد رحله محتاج اولام و مسافه نیک اوزاقلغنه بناء مملکت مزه فقرا کلمسون بزده راحت  
اولام » دیدیلر . ] چونکه ؛ مملکتلرندہ اولان نعمت و بول رزق سببیلہ اطرافدن فقرانک  
هجومنه تحمل ایدہ مدکلرندن نعمتلرینک قدرینی بیلمدکلری و فقرانک حقوقنی طانیما دقلری  
جهتله اطرافلرندہ اولان قریه لرک خراب اولوب یوللرک اوزاقلاشمسنی و فقرانک کله میه جکی  
برحاله کلمسنی ایسته دیلر .

﴿وَوَظَلَمُوا أَنْفُسَهُمْ فَجَعَلْنَا هُمْ أَحَادِيثَ﴾

[ آنلر شود عالیه نفسلرینه ظلم ایتدیلر . بناء علیه ؛ بز آنلری هلاک ایدہ رک کنديلرندن  
صوکره کلتلره قصه و حکایه قیلدق که آنلر کنديلرندن صوکره کلن اقوامه حوادث و ضرب  
مثل اولدیلر . ] و کال تعجب و حیرتله هر کس آنلردن بحث ایدر . چونکه ؛ نعمتک و راحتک  
ثقلته و مشقته تبدیلی ایسته مک قدر تعجبه شایان بر حاق و اولاماز . بونلرک رفاء و سعادتلرینک  
تبدیلی ایسته ملری ؛ بنی اسرائیلک من وسلوی یرندہ صارمساق و صوغان ایسته ملری کیدر .

﴿وَمَزَقْنَاهُمْ كُلَّ مُمَزَّقٍ﴾

[ و آنلرک بود عالرینی قبول ایله نعمتلی زوال بولونجه بز آنلری طاغیتیر کی جه سنه  
طاغیتدق و پریشان ایتدک و هر برینی فقیر و ذلیل اولارق بر بلده یه آتدق . ]

﴿إِنَّ فِي ذَلِكَ لَآيَاتٍ لِّكُلِّ صَبَّارٍ شَكُورٍ﴾

[ ایسته شو عمرانی خرابه و نعمتی نعمته تبدیلزده اللهم قدرتی اوزرینه بلایه صبر  
ایدن و نعمته شکر ایدن هر کیمسه ایچون علامتلر وارد که عقلی اولان کیمسه لک عبرت  
آلملری لازمدر . ] فقط مشقته صبری و نعمته شکری اولمایانلر بو کی شیلردن متنبه  
اولمازلر .

بیضاوینک بیانی وجهله قرانک ظاهره اولمسی ایله مراد ؛ قریه لک بربرینه کور و نمبکی  
کی بوللرک اوزرندہ اولوب یولجیلر ده دخی کور و نمبیر . برکتلی اولان قریه لر ایله مراد ؛  
شام بولی اوزرندہ اولان قریه لرده . کیجه ده و کوندوزده و هر وقتده امنیت کامله اولدیغه  
اشارت ایچون جمیع اوقاته شامل اولان کیجه و کوندوز ذکر اولونمشدر .

تفسیر خازنده بیان اولوندیغی وجهله یمندن شامه قدر کیدن یول اوزرندہ معمور و هر دورلو  
نعمتلرله طول و بربرینه غایت یقین باغلر و باغچهلر هر طرفلرینی احاطه ایتش قریه لرک موجود  
اولدیغه و شامدن یمنه و یمندن شامه کیدن یولجیلرک کال امنیت و رفاغله کیدوب کلدکارینه  
بو آیت دلالت ایدر . اویول اوزرندہ دوت بیکه یقین قریه بولوندیغی مرویدر . بناء علیه ؛  
بو آیت قوم سبأک مسافرلرندہ دخی رفاء و سعادت اوزره و صوکره اوسعادتک زوالنی



ایسته ملری ایله جناب حقك دعالرینی قبول ایتمکه نعمتترینک نعمته و معموره لرینک خرابیه تبدیل اولوندیغنه دلالت ایدر. بوطالبترینک سببی؛ نعمت الله افندیکنک بیاننه نظراً فقراتک چوق کلمی و نعمتترینک قدرینی تقدیر ایدمه ملریدر.

فخر رازینک بیاننه نظراً بوطالبترینک برنجی سببی؛ نعمتک مورقاندیغنه کنملرینه عارضه اولانه کبر و غرورلری سببیه فقراتک مقوقه رعایت ایتیموب مقیر کورملریدر. ایکنجی سببی؛ نعمتترینک اعتماد ایدوب الله اعتماد ایتمه ملریدر.

ابوالسعود افندیکنک و مدارکک بیانلرینه نظراً نعمتترینک زوالنی ایسته ملرینک سببی؛ راحتدن اوصافق و سائر قبیللرک آتله و ده وه لره ینه رک آزیق تدارک ایدوب اوزاق محلله کیدوب کادکلرینه غبطه ایتک و بر طاقم مشقتله سیر و سفرده یمکه و ایچمکه اشتها لرینک زیاده اولاجغنی تصور ایتمکدر.

هرهاتکی سببه منی اولورسه اولسون بونلرک بویه برطلیده بولونقلری و طبلترینک قبولیه کندیلرینک پریشان اولدقلری قطعیدر و انسانلرک بولونقلری حالک قدرینی بیلمیه رک بوکی تمیایده بولونقلری چوق کره واقع اولور. حتی هر شخص دوشونورسه بوکی یولسز طالیده بولوندیغنی کندی ده ادراک ایدر. شو قدرکه بعضیسی صورت مستعجله ده هدف اجابته تصادف ایدر طبلنک خطا اولدیغنی بیلیر و ندامت ده ایدر، فقط ندامتی فائده ایتمز و بعضیسی ده هدف اجابته اصابتنه تصادف ایتمز.

بو آیتده (فجعلنا) جمله سنده کی فا، سببیه اولوب ظالمترینک آنلرک عالمده حوادث قیللندن اولدقلرینه و ظالمترینک نتیجه سی اهالی بیتنده حکایه و ضرب مثل اولدقلرینه دلالت واردر و تقریری شویله در: « بز قوم سبأی عالمده حکایه قیلدق. زیرا؛ آنلر نفسلرینه ظلم ایتدیلر. هر کیمسه لرکه نفسلرینه ظلم ایده، بز آنلری حکایه و حوادث قیللندن قیلارزه بناء علیه؛ بز قوم سبأی حکایه قیللندن قیلدق » دیمکدر.

بو ایکی آیت؛ سکز حکمی مادیبر: برنجیسی؛ قوم سبأک قریه لرله کنملرینه برکت و دست رزقه اولانه شام قریه لری آرمندره بربرینه متصل هرکسک کوره یلمه کی درجده آمین قریه لرک بولونمسیبر. ایکنجیسی؛ قوم سبأک اوقریه لره سیر و سفر لرینک

مقدور اولمسیبر. اوچنجیسی؛ طرف آتیه لرده برنجی واسطه سید و باخود الرهام و رولات حال طریقیدر کیمه لره و کونجورلره هر درلو قورقودنه و موزبانده امین اولدیغنز عالمده اوقریه لره سیر و سفر ایدرک دینلمسیبر. دردنجیسی؛ بنی اسرائیلک (من وسلوی) ن یعنی بیلدیرجین آتیه قدرت حلوانسندن اوصانوبده صوغان و صارمساق ایسته دکلری کی بونلرک ده سیر و سفرده قریه لرک یقین اولمسیبر رامننده اوصانوب؛ بوللریمزی اوزات یاربلی؛ دیریک دعا ایتلمیبر. بشنجیسی؛ بو دعالری سببیه نفسلرینه ظلم ایتلمیبر. آلتنجیسی؛ بو ظلملری سببیه آنلرک همک اولوب عالمده بالکز مطایره لرینک قالمسیبر. یدنجیسی؛ بو دعالری سببیه جناب حقک آنلرک هر برنجی فقر و سفالته مبتلا قیلدره بربرر و اغیتوب برسانه ایتلمیبر. سکزنجیسی؛ ایسته بوکی حوادثی جناب حقک قرآنده بیانده عباداتک مشقته و مزه یانی ترکک زحمته صبر ایدر و نائل اولدیغنی نعمتک قدرینی یلایوب لایقیدر شکر ایدر هر کیمسه اجموده اللهک قدرته و فاعل مختار اولدیغنه همونلرک و دلبلرک بولونمسیبر.

..

واجب تعالی اهل سبأک عصیانلرینی بیاندن صوکره آنلرک عصیانلری شیطانک بنی آدم حقیقده سوء ظننی تصدیقه وسیله اولدیغنی بیان ایتک اوزره ﴿وَلَقَدْ صَدَقَ عَلَيْهِمْ اِبْلَيسُ ظَنَّهُ فَاتَّبَعُوهُ اِلَّا فَرِيقًا مِنَ الْمُؤْمِنِينَ﴾ بیوریور.

[ ذات الوهیتیه یمین ایدرم که محقق ابلیس بنی آدم اوزرینه ظننی تصدیق ایتدی و طوغرو بولدی. زیرا؛ بنی آدم هپ ابلیسه اتباع ایتدیلر، الا مؤمنلردن آز بر فرقه شیطانه اتباع ایتمه دیلر. ]

یعنی؛ ذات الوهیت حتی ایچون شوخمران و کفران ایچنده هلاک اولان قوم سبأ اوزرینه ابلیس ظننی طوغرو بولدی. چونکه؛ ابلیس جنس بشرک باباسی بولونان آدمه



« بن سنك اولادكدن بر قسمی اضلال ایدرم » دیمشدی ولکن بوسوزی ظن اوزره سویلشدی . ایشه قوم سبأ وقوم سبأك امثالی انسانلر ربلرینه عصیانله شیطانله اتباع ایدنجه ابلیس « اضلال ایدرم » دیدیکی ظنی تصدیق ایتدی . یعنی عاصیرك عصیانلرینی ابلیس تصدیق ایتدی . چونکه ؛ اکثریسی کفران نعمت ایدرهك شیطانله تابع اولدیلر ، الا مؤمنلردن خالص اولان برفرقه شیطانله اتباع ایتدیلر . شیطانك ظنی وسوزی ده اکثریسی اضلال ایتمکدی ، یوقسه « کلیسی اضلال ایدرم » دیمه مشدی .

بیضاوینك بیانی وجهله شیطانله اتباع ایتمین مؤمنلردن بر فرقه که فرقه خالصه در . چونکه ؛ مؤمنلردن بر چوقلری شیطانله اتباعله ربلرینه عصیان ایتمکده در . شو حالده شیطان کافرلری اضلال ایتدیکی کبی مؤمنلردن بر قسمی ده اضلال ایتدیکنده شبهه یوقدره شوقدرکه مؤمنلری اضلالی اهل کفری اضلالدن اهنودر . زیرا کافرلری اضلالی ؛ اصول دینییه واعتقادییه اولوب مؤمنلری اضلالی ایسه فروع اعمالده در . بناء علیه کافرلری اضلالی ؛ ابدل جهنمده قالملرینه ومؤمنلری اضلالی ؛ برمدت موقته جهنمده قالملرینه سبیدر .

﴿ وَمَا كَانَ لَهُ عَلَيْهِمْ مِنْ سُلْطَانٍ إِلَّا لِنَعْلَمَ مَنْ يُوْمِنُ بِالْآخِرَةِ مِمَّنْ هُوَ مِنْهَا فِي شَكٍّ ﴾

[ حالبوکه شیطان ایچون بنی آدم اوزرینه اجبار ایدهك قطعی برحقی اولمادی ، آنحق آخرته ایمان ایدن مؤمنلره آخرته شك ایدن مشرکله بینتی خلق نظرنده بزم تفریق وتمیز ایتمه من ایچون شیطان آنلره مسلط اولدی . ]

﴿ وَرَبُّكَ عَلَى كُلِّ شَيْءٍ حَفِیْظٌ ﴾

[ حبیب ! ربك تعالی هرشیئی حفظ ایدیجیدر . ] بناء علیه ؛ علمندن هیچ بر شیئی غیب اولماز .

یعنی ؛ شیطانك جمله بنی آدم وبالخاصه قوم سبأ اوزرینه قهری وغلبه سی یوقدر . چونکه ؛ شیطانك بنی آدمی اجبار ایدهك و وسوسه سی قبول ایتدیرهك قدر ألدنه قطعی بر حقی اولمادی ، الاشيطانك مسلط اولسنك حکمتی ؛ آخرته ایمان ایدنلره ایمان

ایتیوب شك ایدنلره علممنز تعلق ایتسونده خلق نظرنده حاللری معلوم اولسون وجزالرینی ترتیب ایده لم ایچوندر .

بیضاوینك اشارتی وجهله بومقامده واجب تعالی نك عاملك تعلقنك معناسی ؛ خارجده خالق نظرنده مؤمنله کافرك تفریق وتمیز اولونمسیدر . چونکه ؛ واجب تعالی نك عندده شیطان مسلط اولسه دخی مؤمن وکافر معلومدر . شو حالده آنلرك جزالرینی ترتیبده هیچ کیمسه نك بر دییه چکی قالماز وهرکس کندی کناهی بیلیر .

الله تعالی نك هرشیئی حفظنك معناسی ؛ « الله تعالی مؤمنك ایماتی وکافرك کفرینی و آخرته شك ایدنلرك شکنی ومخلص اولانلرك اخلاصنی بیایر وهرکسک عملنه کوره جزا ویرر » دیمکدر .

..

واجب تعالی مؤمنلرك وکافرلرك حاللرینی بیاندن صوکره مشرکلك مذهبلرینك باطل اولدیغنی بیان ایتن اوزره ﴿ قُلْ اِذْعُوا الَّذِیْنَ رَعَمْتُمْ مِنْ دُونِ اللّٰهِ ﴾ بیوریور .

[ یا اکرملر ! مشرکله سن دی که « ای مشرکله ! چاغیرك شول کیمسه لری که اللهمک دوننده آنلرك معبود اولدقلرینی سز زعم ایتشدیکز . ] شو حالده چاغیرك آنلری ، سزه یاردیم ایتمکله سزك ضررلریکزی دفع ومنفعتلریکزی جلب ایتسونلر . زیرا معبودك شانی ؛ کندیته عبادت ایدن قوللرینك هردرلو احتیاجلرینی دفع ایتمکدر . ]

نعمت الله افندیك بیانی وجهله بو آیتده امر ؛ مشرکله الزام وتهکم وحماقتله اتهام ایچوندر . چونکه ؛ کافرلر معبودلرینی عبادته لایق کورونجه هرشیئی معبودلرندن بکله ملری لازمدر . حالبوکه معبودلرینك بونلرك احتیاجنه دائر برشی بیلمه دکلینی و او احتیاجی دفعه قدرتلری اولمادیغنی بیانله آنلرك حماقتلرینی کندیلرینه اقرار ایتدیرمکدر .

فخر رازینك بیسانه نظراً مشرکلك اتخاذ ایتدکاری مذهب درمنه برنجی مذهبلری ؛ الله تعالی سمایی وسماده اولونه مخلوقاتی مانع ایدرب ارضی وارضه اولونه خلاصه بیان : اوز ایکنجی جلد — ۹



موجودانی اهل سماںک حکمی آنتنره محکوم ایتک وارضه منسوب اولاده انسانک سماده اولاده  
یلربزره عبادتیری لازم اولوب الله تعالی اهل سماںک معبودی و اهل سماده اهل ارضک  
معبودی اولدیغنی اعتقاد ایتکدر .

..

واجب تعالی بو مذهبنک بطلانی بیان ایتک اوزره ﴿لَا يَمْلِكُونَ مِثْقَالَ ذَرَّةٍ  
فِي السَّمَوَاتِ وَلَا فِي الْأَرْضِ﴾ بیوریور .

[ ای ] مشرکار ! عبادت ایتدیکنیز اهل سما سموات وارضده ذره مقداری  
خیر و شره و منفعت و مضرت مالک اولمازلر . [ شوخالده آنلری فصل معبود اتخاذا ایدرسکز؟  
چونکه؟ معبودده اقتدار لازم اولدیغندن هیچ برشیئه مالک اولمایان عاجزلر معبود اولاماز .  
مشرکارک ایکنجی مذهبلیری ؛ سموات بالکنز اللہک مخلوق اولوب ارضه ، اللہ  
یلربزرک مشرکا مخلوقلری اولدیغندر یلربزرکده عبادته منسوب اللہک مشرکلی  
اولدیغنی اعتقاد ایتکدر .

..

واجب تعالی بواعتقادک بطلانی بیان ایتک اوزره ﴿وَمَالَهُمْ فِيهَا مِنْ شِرْكٍ﴾  
بیوریور .

[ ای ] مشرکار ! اوسزک عبادت ایتدیکنیز شیلرک یرده و کوکده الله تعالی به  
اصلا اشتراکلی اولمادی . [ زیرا ؛ سموات وارضک ایجادنده و مالکنده شرکتلری  
یوقدر . بناء علیه ؛ آنلرک عبادته استحقاقلری اولاماز . چونکه ؛ آنلرده سزک کبی  
مخلوق اولدقلرندن بر مخلوقک دیکر مخلوقه معبود اولامیه جفی بدیهیدر .

مشرکارک اوچونجی مذهبلیری ؛ سموات و ارضه و بونلرک آره لرند اولاده  
بالله مخلوقات الله تعالی نیک اولوب لکن الله تعالی هر شیئی یلربزره نفویسه ایتدیکی مهترند

هر اوتک مجمله سی یلربزرده صادر اولقد یلربزرک جناب مقد معین و ظهیر اولوب عبادته  
منسوب اولدقلرینی اعتقاد ایتکدر .

..

واجب تعالی بواعتقادک بطلانی بیان ایتک اوزره ﴿وَمَا لَهُ مِنْ ظَهِيرٍ﴾  
بیوریور .

[ الله تعالی به مشرکارک معبودلرندن بر معین و ظهیر اولمادی . ] زیرا ؛ الله تعالی ملکنده  
استقلال اوزره متصرف اولدیغنی جهته هیچ کیمسه نیک معاونت و مظاهرتنه احتیاجی یوقدر .  
چونکه ؛ الله تعالی خالق دیکرلری هب مخلوق اولدیغندن خالق مخلوقک معاونتندن منزهدر .  
اگر مخلوقک معاونتنه محتاج اولسه خالقک مخلوق و مخلوقک خالق اولسی لازم کلیر ،  
بوايسه محالدر .

مشرکارک مذهبیلرندن دردنجیسی ؛ مهترک و انبیا و سائر بوبوک عر اولونانه  
کیمسزک صورتلرینه عبادت ایدوب اویونلرده و باخود بوتلرکنر یلربزرک صورتنده اولاده  
ذواتنه عبادتلرینه مظافات اولارده شفاعت ایدر بکلرینی اعتقاد ایدرک بوتلره عبادت  
ایتکدر .

..

واجب تعالی بواعتقادک بطلانی بیان ایتک اوزره ﴿وَلَا تَنْفَعُ الشَّفَاعَةُ عِنْدَهُ

إِلَّا لِمَنْ أَذِنَ لَهُ﴾ بیوریور .

[ اللهمک عند الوهیتنده هیچ کیمسه نیک شفاعتی منفعت و یرمز ، آنجق الله تعالی کیمک  
شفاعت ایتسنه اذن و یررسه او کیمسه غیر یلره شفاعت ایدر و شفاعتی ده منفعت و یرر ،  
یوقسه مشرکارک اعتقادلری کبی هر کس و هر شی شفاعته اهل دکدر . ] الله تعالی نیک  
شفاعته اذن و یرره جکی کیمسه لر ؛ بعضه امامیت شریفده پانه اولوندیغنی و مهترک انبیا ،  
اولیا ، علما ، شہرا و سائر عند الوهیتنه شرف و هیبتی اولاده کیمسزدر . شوخالده



مشرکوں کی عبادت ایستدگری پوتلر شفاعتہ اهل اولاد قلرندن مآذون اولامازلر. شفاعتہ اهل اولانلر ربلرندن شفاعتہ اذن ایستہ یوب مآذون اولارق شفاعت ایسنجه عظمت الہیہ دن کندیلرینہ عارض اولان قورقو ومہابت سبیلہ توقف وانتظار اوزرہ بولونورلر .

﴿ حَتَّىٰ إِذَا فُزِّعَ عَنْ قُلُوبِهِمْ قَالُوا مَاذَا قَالَ رَبُّكُمْ ﴾

[ حتی شفاعت ایدنلرک وشفاعت اولونانلرک قیلرندن قورقورلی زائل اولونجه بربرلرینہ سوال ایدرلر و « ربکز نہ دیدی ؟ » دیرلر . ]

﴿ قَالُوا الْحَقَّ ﴾

[ آنلردہ جوابدہ « حق سویلدی وشفاعتہ اذن ویردی وراضی اولدینی قوللرینہ شفاعت اولوناجق ، دیرلر . ] یاخود [ « بزم سزہ شفاعتمز قبول اولوندی » دیمکلہ جواب ویرلر . ]

﴿ وَهُوَ الْعَلِيُّ الْكَبِيرُ ﴾

[ حالبوکہ اللہ تعالیٰ علویت وبویوکلک ایلہ متصف در . ] بناء علیہ ؛ شفاعتہ اذن ایستہ یولر وشفاعت اولوناجقلر جملہ سی عظمت الہیہ نک مہابتدن البتہ قورقارلر .

یعنی ؛ شفاعتہ اذن ایستہ یو کیمسلر ظهور ایدہ جک فرمان الہی بی بیلمدکلرندن کندیلرینی وشفاعت ایدہ جکلری کیمسلرلی قورقو احاطہ ایدر وامر الہینک ظہورینہ کمال خوف وخشیتلہ انتظار ایدرلر . حتی فرمان الہینک ظہوریلہ قورقو کندیلرندن زائل اولوب قیلرلی مطمئن اولونجه بربرلرندن سوال ایدرلر و دیرلرکہ « ربکز نہ دیدی ؟ » . آنلردہ جوابندہ « حق دیدی » دیرلرکہ « راضی اولدینی کیمسلر ایچون شفاعتہ اذن ویردی ، دیمکدر .

..

واجب تعالیٰ کافرلرک معبودلرینک منفعت ومضرته مالک اولما دقلرینی بیاندنصرکہ ذات الوهیتک هرشیئی خالق وانسانلرہ هر نعمتی وبالحاصہ مابہ الحیات اولان رزق لری احسان

ایستدکنی بیسانلہ عبادتنہ قولارینی ترغیب وغیرہ عبادت ایدنلری توبیخ ایتک اوزرہ ﴿ قُلْ مَنْ يَرْزُقُكُمْ مِنَ السَّمَوَاتِ وَالْأَرْضِ ﴾ بیوریور .

[ حبیبم ! مشرکلری الزام ایچون سن دی کہ « ای مشرکلر ! سموات وارضدن سزی کیم مرزوق ایدر ؟ » ]

﴿ قُلِ اللَّهُ ﴾

[ حبیبم ! بو سئوالک جوابندہ سن « اللہ تعالیٰ مرزوق ایدر » دی . ] چونکہ ؛ آنلرک کبر وغرورلری اللہک رازق اولدینی اقرارلرینہ مانعدر ولکن هر نہ قدر لسانلرلہ اقرار ایتمز لرسدہ رزق لری ویرن اللہ تعالیٰ اولدینی بیلرلر . بناء علیہ ؛ جواب معین اولدینی جہتلہ سن سوبلہ بیور وسوزیکہ شونی دہ علاوه ایت ، دی کہ :

﴿ وَإِنَّا أَوْإِيَّاكُمْ لَعَلِيْ هُدًى أَوْ فِي ضَلَالٍ مُّبِينٍ ﴾

[ « محقق بزویا خود سزالبته هدايت اوزرینہ یز ویاخود آجیق بر ضلالت ایچندہ یز » دیمکلہ سزک هدايتدہ وآنلرک ضلالتدہ اولدقلرینی بیان ایت . ]

یعنی ؛ بز فرقه موحدہ وسز فرقه مشرکہ دن بریمز طوغرو بر طریق اوزرینہ در و دیکری دہ باطلہ ایصال ایدر طریق ضلالتدہ در .

خازنک بیانی وجهلہ بو آیتدہ ( او ) لفظی شک ایچون دکل بلکہ انصاف اوزرہ ظفرلری مہمہ دعوت ایچوندر . چونکہ هدايتدہ اولانلرلہ ضلالتدہ اولانلر میدانندہ در . زیرا ؛ بری جناب حقک قادر ورازق اولدینی اقرار دیکری ایسہ بونلری انکار ایدہ رک هرشیدن عاجز برطاقم جماداته عبادت ایدیور . البتہ فرقه اولی اهل هدايت وفرقه ثانیہ ایسہ اهل ضلالتدر .

بو آیتدہ واجب تعالیٰ اهل هدايتک علویتہ واهل ضلالتک ظلمت ایچندہ اولدیفنہ اشارت ایچون هدايتی ، علویۃ دلالت ایدن علی لفظی ایلہ ( لعلی هدی ) و ضلالی ، سمن کردار دلالت ایدن فی لفظیلہ ( لفی ضلال ) صورتندہ ایراد بیورمشددر .



﴿ قُلْ لَا تَسْأَلُونَنَا عَمَّا آجُرُ مِنْهُ وَلَا نَسْأَلُكُمْ عَمَّا تَعْمَلُونَ ﴾

[حبییم! سن مشرکاره دی که «بزم جرمزدن سز مسئول دکلکسکز و بزده سزک عملکسکز سز مسئول دکلز. زیرا؛ هرکس کندی عملندن مسئول در، هیچ برکیسه دیکرک عملندن مسئول دکلدر» دیمکه آنلره جواب ویر. ] وجوابکه شونی ده علاوه ایت، دی که:

﴿ قُلْ يَجْمَعُ بَيْنَنَا رَبُّنَا ثُمَّ يَفْتَحُ بَيْنَنَا بِالْحَقِّ وَهُوَ الْفَتَّاحُ الْعَلِيمُ ﴾

[حبییم! سن آنلری الزام ایتمک ایچون «بزم ریمز یوم قیامتده بینمزی جمع ایدر، صوکره عدالتله سزکله بزم بینمزده حکم ایدرک آره مزده اولان نزاعلری قالدیرر وحقلی حقسزمیدانه چیقار وحقلی اولانلری جنته وحقسز اولانلری جهنمه قویار. زیرا؛ ریمز بزده نظراً مشکل مسئلهلری حل ایتمک وحق باطلدن آیرمقله حقیقتی کشف ایدیچی و حکم ایتدیکی شیک کنفی بیلجیدر» دیمکه مشرکاری انصافه دعوت ایت. ]

شواوچ آیتده ارخاء عنان واردر. یعنی مشرکارک حدتی جلب ایتمه جک درجدهه آنلره مدارات و مساعدده ایله جواب ویرلمشدر :

مثلاً برنجی آیتده «سزدن ویاخود بزدن بریمز هدایتده، دیکری ضلالتده» دنیلمشدر. حالبوکه فرقه موحدهنک هدایتده اولدیغنده شبهه یوقدر. فقط رسول الله «البته بز هدایتده یز» دیمش اولسه مشرکارک حدتی جلب ایدر جکنه و سوز دیکله میه جکلرینه بناء رسول الله آنلری یومو نامق و سوزنی دیکله تمک ایچون هدایتی وضالاتی تردیدله «سز ویا بز» دیمکه هدایت وضالاتی مشترک ذکر ایتمشدر.

کذلک ایکنجی آیتده رسول الله جرمی کندی فرقه سنه و عملی مشرکاره نسبت ایدرک کندیلرندن (عماجر منا) و مشرکاردن (عماتعملون) ایله تعیر ایتمشدر که کافرلری انصافه دعوت ایتمکدر. حالبوکه جرم صاحبی مشرکلدر. چونکه؛ شرکدن دها زیاده بر جرم اولاماز، فقط رسول الله «سز مجرمسکز» دیمش اولسه ایدی آنلرک حدتی جلب ایدر و دعوتدن مقصده فوت اولوردی.

اوچنجی آیتده یوم قیامتده هر زمهره نک جمع اولونا جغنی و جناب حقک فرقه لر آره سننده عدالتله حکم ایدوب نزاعی قالدیر جغنی وحقلی حقسز اوراده میدانه چیقوب هیچ کیسه نک

بر دیسه جکی قالمیه جغنی بیانه هم آخرتک وقوعنه همده بوتون مشکلاتک حل اولونا جغنه اشارتله عاقبتده اولاجق شیئی بیان ایتمشدر.

..

واجب تعالی کافرلری الزام ایتمک اوزره ویریه جک جوابلری بیاندن صوکره مشرکارک خطالری بیانه عجزلری اظهار ایتمک اوزره ﴿ قُلْ أَرُونِي الَّذِينَ أَخْلَقْتُمْ بِهٖ شَرَكَاءَ كَلًّا ﴾ بیوریور.

[یا اکرملرسل! سن مشرکاره دی که «ای مشرکار! خبر ویرک کو سترک بکا شول شیلری که آنلری سز الله تهالی به شریک قیلارق الحاق ایتدیکنز. آنلرمی سزی خالق ایتمکله مرزوق ایتدی که سز آنلری عبادتکزه اهل و مستحق کوریورسکز؟ حالبوکه حقیقت سزک اعتقادیکز کبی دکلدر.» ]

﴿ بَلْ هُوَ اللَّهُ الَّذِي يَرْزُقُ الْحَكِيمَ ﴾

[«بلکه سزه هر شیئی احسان ایدن الله تعالی در که او الله تعالی هر کسه غالب وهرنه ایشلر سه حکمت اوزره ایشلر بر عزیز و حکیمدر.» ] بناء عایه؛ عبادتکزی آکا حصر ایتمک لازمدر. چونکه؛ الله تعالی سزک خالقکز اولدیغی کبی حیاتکزی وبقا کزی تأمین ایدن ورزقکزی ویرن ده اودر. شو حالده بر طاق عاجز معبودلریکزی هانکی صفتله واجب تهالی به شریک قیلار و آنلره عبادت ایدرسکز و هیچ بر وجهله حرکت قادر اولامایان عاجز جماداتی عزیز و قوی و جمله افعالی انواع حکمتی جامع اولان خالقکزه فصل شریک قیلار و نه ایچون دوشونمزسکز؟»

..

واجب تعالی توحیدی بیاندن صوکره رسائی بیان ایتمک اوزره ﴿ وَمَا أَرْسَلْنَاكَ إِلَّا كَافَّةً لِّلنَّاسِ بَشِيرًا وَنَذِيرًا ﴾ بیوریور.

[حبییم! بز سنی کوندرمدک، الا بالعموم ناسه رسالت عامه ایله کوندردک که سن



آنلردن ایمان ایدنلری جنتله تبشیر و کفر ایدنلری جهنمله قورقوتور اولدیغک حالده  
عمومنه احکام دینی تبلیغ ایده سک . [

﴿ وَلَٰكِنَّ أَكْثَرَ النَّاسِ لَا يَعْلَمُونَ ﴾

[ ولکن ناسک چوقلری بو حقیقی بیلمزلر . ]

یعنی ؛ یا اکرملرسل ! سنی رسالته انتخابله عموم انسانلره رسول کوندردک که آنلری  
دائرة شریعتکه آلاق طریق استقامته سوق ایده سک و آنلره عبودیتک یوللرینی تعریفله  
انواع عبادته ارشاد و عبادتی لایقيله ادا ایدنلری جنتله و عبادتته کوره جنتک درجه لريله  
تبشیر و ایماندن و عبادتدن امتناع ایدنلری جهنمله انذار ایده سک . چونکه ؛ بز سنی  
کوندرمدک ، آنجق کافه ناسه ایملکلر ايله تبشیر و کوتولکلر ايله انذار ایتک مقصدینه مبنی  
کوندردک ولکن ناسک چوقلری ارسالدن حکمتی و ارشاددن مقصدی و رسوله اتباعک  
سبب نجات اولدیغنی بیلمزلر . بناء علیه ؛ طریق ضلالتی ارتکابه رسوله اتباعدن امتناع  
ایدلر . زیرا جهالت ؛ آنلری مخلفته سوق ایدر .

تفسیر خازنده بیان اولوندیغی وجهله بو آیتده ناس ؛ عرب ، عجم ، سیاه دیاهه  
محمد افرا بصره شاملدر . ( کافه ) لفظی رسالتک عمومی اولمه و محمد ناسه شموله دلالت  
ایمدر . بخاری و مسلمک اتفاقله ( جابر ) حضرتلردن روایت اولونان بر حدیثده  
رسول الله « بندن اول کچن انبیاه ویرلمین شی بکا ویرلدی : برنجیسی ؛ بر آباء مسافرده  
دشمنلرک قورقوسید منصور قیامدم . ایکنجیسی ؛ بر یوزینک هر طرفی بنم اجمونه مسجور  
قیلمد یقنمه اتمم هر برده نماز قیامد یلورلر . اوچنجیسی ؛ اموال غنیمت بط و اتممه مهول  
اولدی . دردنچیسی ؛ بط شفاعت عامه ویرلدی . بشنچیسی ؛ هرنبی کنری قومه مبعوث  
اولدی به عموم ناسه بعث اولوندم » بیوردی . ایشته بو حدیث آیتده کی ( کافه )  
لفظک ( عامه ) معناسنه اولدیغنی تأیید ایتشدور .

﴿ وَيَقُولُونَ مَتَىٰ هَذَا الْوَعْدُ إِن كُنْتُمْ صَادِقِينَ ﴾

[ آنلر رسالتدن مقصدی بیلمزلر و قیامتی انکار ایده رک دیرلر که « اکر سوز کزده  
صادقسه کز شو و عدايتديک کز قیامت نه زماندر ؟ وهانکی وقت اولاجقسه اولو ویرسون » . ]  
ایشته مشرکلر بو سوزلریله استعجال ایدرلر و بوندن مقصدلری انکاردر .

بیضاوینک بیانی وجهله بو آیتده خطاب ؛ رسول الله و مؤمنلره در . چونکه ؛ رسول الله  
قیامتک واقع اولاجقندن بحث ایتدیکی کی رسول الله ایمان ایدن مؤمنلره بحث ایتدکلرندن  
قیامتی انکار ایدنلر بو سوزی رسول الله سویله دکری کی قیامت ایمان ایدن مؤمنلره  
دخی سویلرلر والیوم قیامتی انکار ایدن سفها اهل ایمانی بو کی سوزلریله استهزا ایدرلر .

\*\*

واجب تعالی کافرلرک انکارلرینه جوابی بیان ایتک اوزره ﴿ قُلْ لَكُمْ مِيعَادٌ

يَوْمٍ لَا تَسْتَأْخِرُونَ عَنْهُ سَاعَةً وَلَا تَسْتَقْدِرُونَ ﴾ بیوریور .

[ حییم ! سن قیامتی انکار ایدنلره دی که « سزک ایچون قیامت کوننک میعاد  
واردر . او وعد اولوندیغی کوندن قیامت آز بر ساعت کیری قالماز و آز بر ساعت  
الری ده کیتمز . ]

یعنی ؛ قیامت ، تعیین اولونان زماندن نه ایلری کیدر و نه ده کیری قایلر . البته وقتنده  
اولاجقدر و سزده او وقتدن تقدم و تأخر ایده مز سکیز . بناء علیه ؛ ای مشرکلر !  
سزک استعجال کزده فائده ایتمز .

نعمت الله افندینک بیانی وجهله قیامت انسانلرک اجللری کیدر . انسانک اجل  
کلدیکنده ولو کوز آچوب یوماجق قدر بروقت تقدم و تأخر قبول ایتدیکی کی قیامتده  
خفته کلدیکنده ولو بر دقیقه اواسون تقدم و تأخر قبول ایتمز . شو حالده قیامتک وعد  
اولوندیغی زمان سزده کلدیکنده سزک او زماندن تأخیر کزی و یا خود تقدم کزی طلبده  
فائده کز اولماز . یعنی تعیین اولونان زماندن تأخیر ایچون مهلت ایسته مکله تأخر و یا استعجال  
ایتمکله تقدم ایده مز سکیز .

\*\*



واجب تعالی قیامتک کله جکفی بیاندن صوکره کافرلرک بعض سوزلرینی بیان ایتک اوزره ﴿ وَقَالَ الَّذِينَ كَفَرُوا لَنْ نُؤْمِنَ بِهَذَا الْقُرْآنِ وَلَا بِالَّذِي بَيْنَ يَدَيْهِ ﴾ بیوریور .

[ کافرلر « بز شو قرآنه وقرآندن اول کچن کتابلره ایته ایمان ایتیز » دیدیلر . ]  
یعنی ؛ آخرته ایمان ایتمین کافرلر کمال بغض وعداوتلرینه بناء دیدیلرکه « بز محمد ﷺ کتیردیکی شو قرآنه وقرآندن اول کچن تورات وانجیل کبی کتابلره دخی ایمان ایتیز » . ایشته کافرلر بویله دیمکله قطعاً ایمان ایتیه جکلرینی بیان ایتشلردر . چونکه ؛ قرآنده اولان اوامر ونواهیئک متضمن اولدینی تکالیف شاقهیی واحوال آخرتی قبول ایتدکلرندن انکاره جرأت ایتشلردر .

نعمت الله افندیئک بیانی وجهله مکه مشرکاری یهود ونصاری علما-سندن قرآنک بیانی وجهله تورآنک وانجیلک اعتقادیاتی واحوال آخرتی نه یولده بیان ایتدیکنی صوریدیلر . آنلر قرآنک بیانه موافق جواب ویرنجه قرآنی تکذیب ایتدکلری کبی کتب سارهدی ده تکذیبه قالفیشدیلر . چونکه بوسئوالدن مقصدلری ؛ کندی آرزولرینه موافق وقرآنه مخالف جواب آلمقدی . آنلری ده قرآنه موافق بولونجه آیتده بیان اولوندینی وجهله هپسینی بردن انکاره جرأت ایتدیلر . چونکه ؛ انسانلرده سومدکلری شیئی تأیید واکا معاونت ایدن شیئی سومه مک عادتدر . بناء علیه ؛ مکه مشرکلری قرآنی سومدکلری کبی قرآنی تأیید ایدن کتب سابقهیی دخی سومدکلرینی بیان ایتدیلر .

واجب تعالی کافرلرک قرآنی انکارلرینی بیاندن صوکره یوم قیامتده کی حاللرینی بیان ایتک اوزره ﴿ وَلَوْ تَرَىٰ إِذِ الظَّالِمُونَ مَوْقُوفُونَ عِنْدَ رَبِّهِمْ ﴾ بیوریور .

[ جیمیم ! ظالملر ربلرینک حضورنده سئوال وجواب ایچون موقوف اولدقلری زمانده سن آنلری کورمش اولسه ک امر عجیب کورورسک . ]

﴿ يَرْجِعُ بَعْضُهُمْ إِلَىٰ بَعْضٍ الْقَوْلِ ﴾

[ آنلر حضور السهیده دورونجه بعضیلری بعضیلرینه سوزه رجوع ایدر و بربرینه ستمه باشلارلر . ]

﴿ يَقُولُ الَّذِينَ اسْتَضَعُّوا لِلَّذِينَ اسْتَكْبَرُوا لَوْلَا اَنَّا كُنَّا مُؤْمِنِينَ ﴾

[ آنلردن دنیاده ضعیف عداولونان فقرا کروهی متکبر اولان و کندیلرینی بویوک عد ایدن اغنیا کروهنه « اکر سز اولسه کز و بز سز اضلال ایتسه کز بز مؤمن اولوردق » دیرلر . ]

یعنی ؛ یا اکرم الرسل ! اکر سن ظالملری ربلرینک حضورنده سئوال و حساب ایچون محبوس اولدقلری زمان آنلرک حاللرینی کورسه ک بک غریب وسفیل بر حالده کورورسک که آنلردن بعضیسی بعضینه سوزه باشلار ویکدیگرینه عطف جرم ایتک اوزره دنیاده خدمه وسفیل عد اولونان فقرا و عوام طبقه سی جاه و منصب و ثروت وسامانلری سایه سنده کندیلرینی بویوک عد ایدن رئیسلرینه دیرلرکه « سز اولماش اولسه ایدیکز بزانیایه و کتابلرینه ایمان ایده رک، سز بز سز اضلال ایده رک بو حاللره کرفتار ایتدیکز » .

..

واجب تعالی فقرا کروهنک بوسوزلری اوزرینه رئیسلرینک آنلره جوانی بیان ایتک اوزره ﴿ قَالَ الَّذِينَ اسْتَكْبَرُوا لِلَّذِينَ اسْتَضَعُّوا اَنَحْنُ صَدَدْنَاكُمْ عَنِ الْهُدَىٰ

بَعْدَ اِذْ جَاءَكُمْ بَلْ كُنْتُمْ نُجْرَمِينَ ﴾ بیوریور .

[ رئیسلر اتبعاعلرینه دیدیلرکه « سزه هدایت کلدکدن صوکره بز سزی هدایتدن منع ایتدکمی ؛ بلکه سز ایمانی ترکله کنهای ارتکاب ایدن مجرملردن اولدیکز » . ]

یعنی ؛ دنیاده ضعفادن معدود اولان فقرا کروهی زنکین و متکبر اولانلره « سز بز سزی ایماندن منع ایتدیکز » دینجه متکبر اولانلر دیرلرکه « نیکز واسطه سیله سزه هدایت کلوب طوغرو یول کوستردکدن صوکره بز سزی ایماندن منع ایتدکمی وسزی منع



ایتمک ایچون قوه جبریه استعمال ایلدکی؟ بلکه سز کندیکز ایمانی ترکله اصحاب جرمدن اولدیکز و بزی کندی رأیکزله تقلید ایتدیکز» دیمکه جواب ویرلر. ایشته شو محاورهک عینی دنیاده دخی جوق کره واقع اولور. چونکه؛ برقاچ کیمسه برآرهیه کلیر بر جنایت ایشلرلر، صکره او جنایت میدانه چیقوب یاقهینی آله ویرنجه برطاقم سندن اولدی بندن اولدی مثله وفائده سز مناقشهیه باشلاندیغی کی آخرتده دخی عینی حالک جریان ایده جگنی جناب حق بوآیتده بیان ایتشد.

..

واجب تعالی رؤسانک سوزلرینی بیاندن صوکره آنلره قارشى ضعفانک سوزلرینی بیان ایتمک اوزره ﴿وَقَالَ الَّذِينَ اسْتَضَعُّوا لِلَّذِينَ اسْتَكْبَرُوا بَلْ مَكْرُ اللَّيْلِ وَالنَّهَارِ اِذَا تَأَمَّرُوا نَاْنَاَنْ نَكْفُرَ بِاللَّهِ وَنَجْعَلَ لَهُ اَنْدَادًا﴾ بیوریور.

[ضعیف عد اولونان فقرا کروهی منصبلری و ثروتلری سایه سنده بویوک عد ایدن رؤسایه دیرلرکه «سزک بزی اضلالکیز یا لکیز لسانکیزله ایماندن منع ایتمکیز اولمادی، بلکه بزم الله کفر ایتمه منی و شریکلر قیلما منی سزک بزه امر ایتدیککیز زمان کیجهده و کوندوزده و هر زمانده حیل و خدعه کز بزی ایماندن منع ایتدی.] ایشته فقرا کروهی بوسوزلریله رؤسانک جوابلرینی رد ایدرلر.

یعنی؛ فقرا کروهی رؤسایه عطف جرم ایده رک «بزی بو حاله کرفتار ایدن سزسکیز» دیدکلرنده رؤسا «بز سزه برشی دیمدک، بلکه سز کندیکز بو حالکیزه سبب اولان جرمی ایشله دیکز» دینجه آنلر رؤسایه تکرار دیرلرکه «سزک بزی اغفال و اضلالکیز یا لکیز لسانکیزله اولمادی، بلکه کیجهده و کوندوزده حیل کز بزی بو حاله قویدی. زیرا؛ سزک بزی آلتا کز بروفته و برسیبه منحصر اولمادی. چونکه؛ هر دلرلو اسبابه توسل ایتدیکز و اصحاب ثروت و اعتباردن اولدیغکیز جهته مقتدابه ایدیکز و بز سزه اقتدا ایدیوردق. بناء علیه؛ سز بزه الله کفر و شریکلری و نظیرلری اولدیغی اعتقاد ایتمککیزی امر ایتدیکز. بز سزک سوزیکیزه اینانق و آرقه کزه دوشدک. شو حاله

ای رؤسلر! سزک (بز سزی منع ایتمدک) دیدیککیز یالاندر. زیرا؛ سز بزی ایماندن منع ایتمک چالیشدیکز» دیمکه رؤسانک سوزلرینی رد ایدرلر. ایشته بو آیتلرک دلالاتی وجهله دنیاده انسانلرک حق سز معامله و ظلم اوزرینه اتفاقلری و محبتلری آخرتده نفرت و عداوته و یکدیگریله مجادلهیه سبب اولاجقدرد. حتی امور دنیاده دخی غیر مشروع حرکاتک نتیجه سی علی الا کثر منازعه اولدیغی کوریلور. چونکه؛ ایشک اولنده برماصه باشنده یکو جود کی چالیشدقلری حاله نتیجه سنده برطاقم خصومتلر و عداوتلرله ایرلدقلری هر زمان کوریلن شیلردندر.

مشرکار واجب تعالی نک وجودینی اقرار ایدرلر سده برطاقم عاجز مخلوقلره عبادته عبادته استحقاقده آنلرک جناب حق شریک اعتقاد ایتمکله اللهک وجودینی انکار ایتشلردر. چونکه؛ محدث اولان مخلوقه شریک اولان ذاتک دخی محدث اولاجنی طبعی اولدیغی جهته معبود بالحق اولامیه جنی طبعیدر. شو حاله الله مخلوقدن شریک اعتقاد ایدنلر اللهک الوهیتی انکار ایتشلردر.

..

واجب تعالی یوم قیامتده اهل جهنم آره لرند جریان ایده جک محاوره یی بیاندن صکره آنلرده ظهور اید جک احوالی بیان ایتمک اوزره ﴿وَأَسْرُوا النَّدَامَةَ لَمَّا رَأَوُا الْعَذَابَ﴾ بیوریور.

[کافرلر عذاب کورونجه ندامت لری کیزلرلر.]

﴿وَجَعَلْنَا الْاَغْلَالَ فِي اَغْثاقِ الَّذِينَ كَفَرُوا﴾

[و بز کافرلرک بویونلرینه بو قاعیلر طاقارز.]

﴿هَلْ يُجْزَوْنَ اِلَّا مَا كَانُوا يَعْمَلُونَ﴾

[آنلر جزا لانا، الا ایشله دکلی عمللری ايله جزا لانیلر.]

یعنی؛ اهل جهنمک کندیلرندن صادر اولان کناهلرک شئامتی سببیه اوزرلرینه نازل اولان عذاب کور دکلرنده کچیرمش اولدقلری نعمتلره ندامت لری اظهار ایدرلر و بز



او عاصيلك عصيانلريني، بوغازلرينه بوغازلر قیلار طاقارز. بناء عليه؛ سيئاتلريني، بوغازلرنده طاقيلي هر کس کورور و بوجزا آنلرک کندی قازانقلری کناهلرينک جزاسيدر. زیرا؛ عاصيلر جزالانمازلر، آنجق کندی عمللری ايله جزالانيرلر.

(واسروا) اسرار؛ اضدادونه بربرينه مخالف وضد ايکي معناده استعمال اولونور. بناء عليه؛ برشيئي اظهار اتمک معنانه اولديني کي کيزلرک معنانه دخي اولور. شو حالده بوآيتده ايکي معناسدن هانکي مراد اولونسه مقامک مساعدده سي واردر. زیرا؛ عاصيلرک عذابي کورونجه ندامتلريني اظهار اتمسي محتمل اولديني کي کيزلرملری دخي محتمل اولديغندن معنائک هر ايکيسي ده صحيحدر. چونکه؛ ندامتلريني اظهارله اسف ايدرلر و يا خود کندی قصورلريله کنديلريني تعيب اتمک همچون کيزلرلرک عذاب اولسون.

\*\*

واجب تعالى اهل جهنمک بعض احوالي بيان نصکره رسولی تسليه اتمک اوزره ﴿وَمَا أَرْسَلْنَا فِي قَرْيَةٍ مِّنْ نَّذِيرٍ إِلَّا قَالَ مُتْرَفُوهَا إِنَّا بِمَا أُرْسِلْتُمْ بِهِ كَافِرُونَ﴾ بيوريور.

[ بز هيچ برقریهده برنجی کوندرمک، الا او قريهک زنگينلری او نیلره «سزک کوندرلديککز احکامه بز کافرز» دیدیلر. ]

﴿وَقَالُوا نَحْنُ أَكْثَرُ أَمْوَالًا وَأَوْلَادًا وَمَا نَحْنُ بِمُعَذَّبِينَ﴾

[ و او زنگينلر «بزم اموالز و اولادمز سزدن چوقدر. بناء عليه؛ بز معذب اولمايز» دیدیلر. ]

يعني؛ کافرلرک کناهلرينک شتامي کنديلريني البته احاطه ايدر. زیرا؛ بز برقریه اهالي سني انذار ايديجی برنجی کوندرمک، الا او قريهک زنگين و جاه و منصب سایه سنده راحت ايدنلری توتلرينه مغرور اولارق «بز رسوللرک کوندرلديککری احکامی انکار ايدر، قبول اتمه يز» دیدیلر. زیرا؛ کبر و غرورلری رسل کرامک دعوتنه اجابتلرينه مانع اولمشدر و آنلر دنياجه

کنديلرينک اعتبارلرينه استناد ايدهرک دیدیلرک «نبوته و رسالته اليق اولان بزلرز. چونکه؛ اولاد و اموال جهندن سزدن دها زياده يز و اموال مزله ايسته ديکمز مطالي آله ايدرز و اولاد مزله کله جک بلایه قارشى دورورز. شو حالده دنيايه هر نعمت بزده اولوب معذب اولمايغمز کي آخرتده دخي معذب اولمايز. زیرا؛ الله تعالى نک دنيايه بزه نصل اکرام ايتدی ايسه آخرتده دخي اويله جه اکرام ايدهرک کونده شهمنز بوقدر. چونکه؛ اگر الله تعالى دنيايه بزم دينزه و عمل مزه راضی اولسه ايدی بزه بوقدر نعمتلری و برمزدي. شو حالده بوقدمتلری بزه و برمسی بزدن راضی اولديغنه دلالت ايدر» ديمکله کبر و غرورلريني اظهار ايتديلر.

کرچه بو آيتده هر مينک اتملرندن بوکي اعتراض و سوزلر صادر اولديغنی بيانه جناب حق امت محمدی بو مثللو ماله و اولاده استناد ايدهرک کبر و غروردن منع ايتمش ايسه انسانلرده مال و اولاده غرور و آنلره اعتمادله طغيان اتمک هر زمان کوريلن احوالندر. چونکه؛ اموال و اولاد سبيله حاصل اولان کبر و غرور شهوات نفسانيه به انهما که شهوات نفسانيه ايسه دنيا متاعدن حصه دار اولامايان فقرا کروهني استخفانه وسيله اولديغنه اشارت ايجون جناب حق انبيايه مقابله ايدنلرک ثروت و نعمتله متعم اولانلر اولديغنی بيان ايتمشدر. چونکه؛ اکثر محافلده و بويوک مجلسلرده و مهم ايشلرده على الا کثر سوز ص جملری اولانلر زنگينلردر.

بيضاوينک بياني وجهله بونلرک آخرتده معذب اوليه بوقلمريني اوعالربنک سبي؛ ايکيدر: برنجيسي؛ عذابي کلياً انظار اتملر بزم. شو حالده عذاب اولمايجه کنديلری معذب اولما دقلری کي هيچ برکيسه مک دمه معذب اوليه جغنی اعتقاد ايتمشلردر: ايکنجيسي؛ عذابک اولما جغنی فرصه اولونسه پيد کتم بربرينک معذب اوليه بوقلمريني اعتقاد ايتلم بزم. چونکه؛ آنلر «الله تعالى دنيايه بزی مال و اولاده اعزاز و اکرام ايتديککندن آخرتده عذابله اهانت ايتمز» ديمکله کنديلريني عذابيه مستحق کورمه مشلردر. شو حالده آخرتی دنيايه قياسله دنيايه معزز اولانلرک آخرتده دخي معزز اولما جغنی ادعا ايتمشلردر.

\*\*



واجب تعالى مال واولاده استناد ايله مغرور اولانلرك بو ادعالرينك باطل اولديغنى  
ودنيا متاعنك غروره دكر برقيتى اولماديغنى بيان ايتك اوزره ﴿ قُلْ اِنَّ رَبِّيْ يَبْسُطُ  
الرِّزْقَ لِمَنْ يَّشَاءُ وَيَقْدِرُ ﴾ بيورييور .

[ يا اكرم الرسل ! سن ماللريله مغرور اولان غافلره دى كه « بنم ربه ديله ديكي قوله  
رزق چوق وديله ديكنه آز ويرر وبعضيسته رزق بول ويرمك وبعضيسته طار ويرمك  
قوللريني امتحان وابتلا ايجوندر . ]

﴿ وَلَكِنَّ أَكْثَرَ النَّاسِ لَا يَعْلَمُونَ ﴾

[ ولكن ناسك اكثريسى بو حكمى بيلمديكندن مالى چوق اولان مغرور ومالى آز  
اولان مايوس اولور . ] حالبوكه بر كيمسه نك رزق بول اولسى اللهك رضاسنى مستلزم  
اولماديغنى كه رزقك طار اولسى ده اللهك غضبي اثرى اولسنى موجب اولماز ، بلكه  
رزقك طار اولسى حسابنك قولاي اولسنى ورزقك چوق اولسى حلال اولورسه حسابك  
اوزون وزور اولسنى وحرام اولورسه حزن ابدى وعذاب اليمى موجب اولور . بناء عليه ؛  
مشركلرك اعتقادلرى باطلدر . زيرا ؛ رزقك وسعتى رضايه وعزته دلالت ايتديكي كه  
طارلغنى ده غضب الله دلالت ايتمكه دنيا ده رزق بول اولانك آخرته مرفه اولسى لازم  
كلسون . بلكه عكسى ده غالبدر . چونكه ؛ اكثر مالدار اولانلرك شقى وفقير اولانلرك ده  
سعيد اولدقلرى كوريلور . اكر انسانك فسقى فقرينى وعمل صالحى غناسنى موجب  
اولسه مشيت السهيه نك مدخلى اولماق لازم كلير . چونكه ؛ زنكين اولمق ايجون عمل  
صالح كافى اولديغندن بالعموم صلحا زنكين وفاسقلرده فقير اولورلردى . حالبوكه احوال  
عالم بويله دكلدر . زيرا رزق ؛ مشيت السهيه تابمدر . بناء عليه ؛ جناب حق مشيته تابع  
اولديغنى بو آيتده بيانله مشركلرك اعتقادلرينى رد وابطال ايتمدر .

..

واجب تعالى اهل كفر ك ماللرى واولادلرى ايله افتخار ايدوب ايسته دكلرى . ظالمى الله  
ايدو جكلرينى بياندن صوكره مالك واولادك الله قريته وسيله اولاميه جغنى بيان ايتك اوزره

﴿ وَمَا أَمْوَالُكُمْ وَلَا أَوْلَادُكُمْ بِالَّتِي تُقَرَّبُكُمْ عِنْدَنَا ذُلْفَى إِلَّا مَنْ أَمِنَ وَعَمِلَ  
صَالِحًا ﴾ بيورييور .

[ اى ] مالنه واولادينه مغرور اولان كافرلر ! سزك مغرور اولديغكز اموالكز  
واولادكز بزم عندمزده سزى بزه ياقلاشديران دكلدر ، الا ايمانله عمل صالح ايشلهين  
كيمسه نك عملى آنى بزه ياقلاشديرر . ]

﴿ فَأُولَٰئِكَ لَهُمْ جَزَاءُ الضَّعْفِ بِمَا عَمِلُوا ﴾

[ چونكه ؛ ايمانله برابر عمل صالح ايشلهين كيمسه لر ايجون عمللرى سبيله جزالرى  
ايكى قاتدر ودها زياده در . ]

﴿ وَهُمْ فِي الْغُرَفَاتِ آمِنُونَ ﴾

[ حالبوكه آنلرجنت اعلا ده اهل ايمان ايجون حاضر لائمش اولان قوناقلرده امينلردر . ]  
زيرا ؛ عذاب قورقوسى ورزقك توكه نيمى كى هيچ برشيدن قورقو وانديشه يوقدر .  
يعنى ؛ اى ] مالى واولادى سبيله بوتون همقى آنلردن بلكه يوب آخرتدن اميدى  
كشمش اولان منكرلر ! سزك هر مطالبزه كافيدر ديديككز مالكز واولادكز سزى  
بزه ياقلاشديرر شيلردن دكلدر . حالبوكه سز بزه قريت تحصيل ايتك و رضامزى  
آرامق ايله مأمور سكز وسزك اعتماد ايتديككز مالكز واولادكز سزك عملكزى اصلاح  
ايدوب مطلوبكزه ايصال ايدو مز . زيرا ؛ سزك آنلر سايه سنده طغيان ايدو رك بزه اوزاقلاشمكزه  
سبب اولور . چونكه ؛ اولادى شرده استخدام ومالى باطله صرف ايتمكه قريبتدن محروم اولور سكز .  
آنحقي ايمان ايدوب اولادى طريق توحيد سوقله خيرده استخدام ومالى خيره صرفله  
عمل صالح ايشلهين مؤمنلرك عمللرى بزه قريبتدن مالى خيره صرف ايتمكه قريبتدن محروم اولور . ايشته آخرته  
ايمان ايدوب اولادى واموالنى خيره صرف ايدنلرك عمللرى سبيله اجرلرى استحقاقلردن  
قات قات فضله اولمقله برابر آنلرجنتك قوناقلرندو امين اولارق استراحت ايدرلر . چونكه ؛  
بالجمله موزياتدن وكردن امينلردر .



خلاصه ؛ مال و اولاد انسانک عند الوهیتہ یا قلاشمسنہ سبب اولامایہ جنی و آنجق ایمانہ عمل صالح و اولادی تربیۃ شریعتہ تربیہ و صلاح حالی تعلیم ایلہ مالنی و اولادینی خیراته صرف ایدن کیمسہنک عملی قربیتہ سبب و آنلرک عملاری سبیلہ جزالرینک ایکی قات اولاجنی و جنتک قوناقلرنده هر دورلو قورقو و کدردن امین اولاجقلری بو آیتدن مستفاد اولان فوائد جملة سنددر .

﴿وَالَّذِينَ يَسْعَوْنَ فِي آيَاتِنَا مُعَاجِزِينَ أُولَٰئِكَ فِي الْعَذَابِ مُحْضَرُونَ﴾

[ شول کیمسهلرکه آنلر بزم قدرتمزه واحکام شرعیهمزه طعن ورد ایتمکه بزی حدود التهمیه مزی اقامه دن عاجز قیلحق ایچون سعی ایدرلر . ایشه شو بزی عاجز قیلحق قصدیلہ سعی ایدنلر عذاب ابدیده حاضر لائمشلردر . ] چونکه ؛ آنلر بزم قوللری مزی اصلاح ایچون ازال ایتدیکمز آیتلری مزی ابطاله واحکامنی اجرایه مانع اولحق ایچون سعی ایدر و قوللری مزی طوغرو یوله سوق ایدر قوانینی اجرادن عاجز قیلحقه چالیشدقلرندن عذاب ابدی به مستحققلردر . بناء علیه ؛ باطله سعی ایلہ آیتلرک فوائدندن غافل اولانلر عذاب جهنمده حاضر لردر و ابدأ عذابدن قور تولملری ده یوقدر . چونکه ؛ باطله سعی ایدنلرک هر زمان عاقبتلری خسران ابدیدر .

\*\*

واجب تعالی دنیا ده ماللرینه مغرور اولارق باطله سعی ایدوب دنیا به قیاسله آخرتده دخی متمم اولاجقلرینه دائر ادعالرینک باطل اولدیغنی بیان ایتک اوزره ﴿قُلْ اِنَّ رَبِّيْ يَبْسُطُ الرِّزْقَ لِمَنْ يَّشَاءُ مِنْ عِبَادِهِ وَيَقْدِرُ لَهُ﴾ بیوریور .

[ یا اکریم الرسل ؛ ماله مغرور اولان منکرلره سن دی که « قوللرینک استعداد واستحقاقنه مطلع اولان ربم دیله دیکی قولنک رزقنی بول و دیله دیکنک رزقنی طارویرر » . ] بناء علیه ؛ رزقک بوللنی علامت سعادت و طارلنی علامت شقاوت اولاماز . حتی شخص واحد عمرینک بر قسمنده بول رزقه نائل اولدیغنی حالده دیگر بر قسمندی ده طار رزقه مضایقه ایچنده کچیرر . شو حالده رزقک سعادت و شقاوت علامت اولامایه جنی آشکاردر .

﴿وَمَا أَنتَقِمُ مِنْ شَيْءٍ فَهُوَ يُخْلِفُهُ﴾

[ حالبوکه رزقکزدن سنرک اتفاق ایتدیکنک زشیتک بدلنی الله تعالی هم دنیا ده همده آخرتده خلق ایدر . چونکه ؛ رضاء باری ایچون اتفاق اولونان شیتک خلفنی برینه قویار ، خلفسز براقاز . ]

﴿وَهُوَ خَيْرُ الرَّازِقِينَ﴾

[ زیرا ؛ الله تعالی رازقلرک خیرلیسی و دواملیسیدر . ] چونکه ؛ اللهدن باشقه انسانلردن بعض کیمسهلر دیگر بعض کیمسهلرک رزقلرینه وسیله اولورلر و لکن آنلرک سبب اولدقلری رزق اللهک آنلرک یدنده خلق ایتدیکی رزقندن اولدیغنی جهله « الله تعالی جهله رازقلرک خیرلیسی » دیمشدر .

فخر رازی و خارنک بیانلری وجهله رسول الله ، مسلم و بخارینک بالاتفاق (ابوهریره) حضرتلرندن روایت ایتدکلری بر حدیثله بو آیتی تفسیر ایتمشدر . شویله که رسول الله « قوللرک ایچنده بولوندقلری هیچ برصباح اولماز ، الا او صباحده ایکی ملک ( یاربی ! مالنی خیره اتفاق ایدن کیمسه به او مالک خلفنی و اتفاق ایتیه یوب امساک ایدن کیمسه به او مالک تلفنی ویر ) دیهرک دعا ایدرلر » بیورمشدر . ملکلرک بودعالرینک اثری خارجهده کورولمکدهدر . چونکه ؛ مالنی خیره صرف ایدن و فقرایه بیدر زلرک و منع اولوب مسافره اکرام ایدنلرک ماللرنده برکت و بخیل اولانلرک ماللری چوق اولسه دخی ماللرنده برکتسزلک دائما مشاهده اولونمقدهدر .

مدار کده بیان اولوندیغنی وجهله بو آیتده « رازقین » ایلہ مراد ؛ اطعام طعام ایدندر دیمکدر . مثلاً پادشاهک عسکرینه و افندیکنک کولهسنه و خانصاحبک مسافرلرینه و زنکیکنک فقرایه اطعاملری کی بر کیمسه دیگرینک رزقه وسیله اولورسدهده اورزقک خالق الله تعالی اولدیغنی جهتله رازقلرک خیرلیسیدر . زیرا ؛ دیگرلرینک رازق اولسی عاریت و صوریدر ، یوقسه حقیقی رازق دکلردر .

فخر رازیکنک بیانی وجهله رازقک خیرلی اولسی ؛ ورت شیدر : برنجیسی ؛ اعیانجامانده تأمیر ایتیمکدر . ایکنجیسی ؛ هرکسک ایتیمای قدر بر مکدر . اوچنجیسی ؛



دنیاده محاسبه ابله نصیبی اتمه مکرمه . دردنجیسی؛ و بر روی رزق مقابله اجرت ایستمه مکرمه .  
ایشته جناب حق قادر و قیوم ، غنی و کریم اولدیغندن بو معنائک جمله سی داننده موجود  
اولوب قوللرینک رزقی هر زمان هر کسک نصیبی مقدار و یردیکندن رازقلرک خیرلیسیدر .  
خلاصه؛ عبدک زنکین و یا فقیر و رزقک بول و یا دار اولسی اللهک مشیتنه معلق  
مسائلدن اولوب قوللرک مدخللری اولمادینی و قوللرک فقرایه و سائر خیراته اتفاقنه مقابل  
اللهک خلف خلق ایده جکی والله تعالی جمله رازقلرک خیرایمی اولدینی بو آیتدن مستفاد  
اولان فوائد جمله سنددر .

..

واجب تعالی دنیاده ماله مغرور اولان کافرلرک آخرتده حاللری بیان ایتک اوزره  
﴿وَيَوْمَ يَحْشُرُهُمْ جَمِيعًا ثُمَّ يَقُولُ لِلْمَلَائِكَةِ أَهَؤُلَاءِ إِيَّاكُمْ كَانُوا يَعْبُدُونَ﴾  
بیوریور .

[ ذکر ایت حبیبم ! شول کونی که او کونده الله تعالی عابدلرله معبودلرک جمیعیدینی  
محشره جمع ایدر، صوکره الله تعالی ملکله خطاباً « شو مشرکر دنیاده سزه می عبادت  
ایدرلردی ؟ » دیمکه سوال ایدر . ]

﴿قَالُوا سُبْحَانَكَ أَنْتَ وَلِيِّنَا مِنْ دُونِهِمْ﴾

[ جناب حقک بو سؤالنه قارشى ملکله « یاربى ! سنى جمیع نقائصدن تنزیه ایدرز .  
زیرا ؛ مشرکرک دوننده بزم ولیمز و مولامز - سک و حاللری هر کسدن ای بیلیرسک »  
دیرلر . ] و سوزلرینه شونی ده علاوه ایدرلر :

﴿بَلْ كَانُوا يَعْبُدُونَ الْجِنَّ أَكْثَرُهُمْ بِهِمْ مُؤْمِنُونَ﴾

[ « بلکه آنلر شیطان و طاغی جنه عبادت ایدرلردی . چونکه ؛ مشرکرک اکثریسی  
شیطانلره ایمان ایدیجیلردر . ] زیرا ؛ آنلری باطل اولان شیرله دعوت ایدن شیطانلردر  
و شیطانلرک دعوتلرینه اجابتله ایمان ایتشلردر . بناء علیه ؛ شیطان عبادت و سکاشرک ایتمکه

مشغول اولدیلر و بز آنلری اضلال ایتدیلمز کی آنلرک افعاله بغض ایدردک « دیمکه  
ملکرک تبرئه ذمت ایدرلر .

بو آیتده ملکلمشرکرکک جنه عبادت ایتدکارینی مطلق ذکر ایدوب جنیلره ایمانلری  
اکثریتله تقیید ایده جکری بیان اولونمشدر . چونکه عبادت ؛ ظاهرده کورولدیکی  
جهتله کافرلرک جنه عبادتلیری کوردکاری کی مطلقاً عبادت ایتدکارینی و آنحق ایمان  
احوال قلبیه دن اولدینی جهتله قلب حالنه مطلع اولامدقلرینه اشارت ایچون اکثریسنک  
ایمان ایتدکارینی بیان ایده جکلردر .

تفسیر خازنده بیان اولوندینی وجهله مشرکرک ملکله و بوتلرده عبادت ایتدکاری  
حاله یالکیز جنه یعنی شیطان عبادت ایتدکارینی بیان ایتشلردر . چونکه ؛ اللهک غیری  
هر نهیه عبادت ایتشلرسه آکا عبادتی شیطانک اضلالی و او عبادتی تزیینی سبب اولوب  
شیطان اطاعت ایتدکلرندن شیطان عبادتلیری ذکر ایده جکری بیان اولونمشدر .

خلاصه ؛ جناب حقک یوم قیامتده عابدلرک و معبودلرک جمله سنی محشره جمع ایده جکی  
وجع ایتدکدن صوکره ملکله « شو مشرکرک دنیاده سزه می عبادت ایتدیلر » دییه جکی  
و بو سؤال اوزرینه ملکله تسبیح ایدوب « یاربى ! مشرکرک دوننده سن بزم ولیمز  
و مولامز سک ، بلکه مشرکرک جنه عبادت و اکثریسی آنلره ایمان ایتدیلر » دییه جکری  
بو آیتدن مستفاد اولان فوائد جمله سنددر .

..

واجب تعالی ملکله مشرکرکک حاللرینه راضی اولامدقلرینی بیاندن صوکره او کونده  
هیچ بر مشرکرک دیکری حقنده منفعت و مضرته مالک اولامیجقلرینی بیان ایتک اوزره  
﴿فَالْيَوْمَ لَا يَمْلِكُ بَعْضُكُمْ لِبَعْضٍ نَفْعًا وَلَا ضَرًّا﴾ بیوریور .

[ او کونده سزک بعضیکیز بعضیکیزک منفعت و مضرته مالک اولامازسکز . ]  
یعنی ؛ جمله انسانلر محشره جمع اولونجه بوتون اسرارک ظهور ایدوب وحدت  
حقیقه نک تمامیه آکلاشیلدینی کونده سزک بعضیکیز بعضیکیزه منفعتک جلبه و مضرتهک



دفعنه و یاخود منفعتی آئندن آلمغه و مضرت ابقاعنه مالک اولاماز . زیرا هر امور ؛ واجب الوجوده مفوضدر . چونکه ؛ دار آخرت دار ثواب و عقاب اولدیغندن ثوابی و یره جک و عقابی یا باحق آنحق الله تعالی در ، اللهم غیرى ثوابه و عقابه قادر یوقدر . فخر رازینک بیانی وجهله بو آیتده خطابده درت احتمال واردر : برنجیسی ؛ یا لکز ملکک مخاطب اولمیردر . بوکا نظراً بو آیت ؛ مشرکک عذاب اوزره تعذیب اولونا جقلرینی بیان ایتمشدر . زیرا ؛ معبود اتخاذ ایتدکری ملککک منفعت و مضرت مالک اولما دقلرینی صوک درجه محتاج اولدقلری بر زمانده بیان ایتک البتة تحسیرلری موجبدر . چونکه ؛ کمال اطمینانله منفعت بکله دکلری شیدک عکسی ظهور ایدیویورمسی کمال تأسفی موجب اولاجغنده شبهه یوقدر . ایکنجیسی ؛ ملککله برابر لافز کده مخاطب اولمیردر . بوکا نظراً معنای آیت : [ سزک بعضیکز که معبود اتخاذ ایتدیککز ملکک بعضیکزه که عابد اولان مشرککله منفعت و مضرت مالک اولاماز سکز ] دیمکدر . او چنجیسی ؛ مخاطبک ملککله منیرک اولمیردر . چونکه ؛ ملککله جنیرک بعضیلری بعضیلرینک منفعت و مضرت مالک اولامایچه مشرککک منفعتلرینه مالک اولامیه جقلری اولویتله ثابتدر . در دنجیسی ؛ مخاطب لافزدر . چونکه ؛ دنیاده آنلر کندیلرینک اعوان و اتباعلریله افتخار ایدر و منفعت بکلرلردی . آخرتده یک اعتماد ایتدکری کیمس لردن اصلاً منفعت اولمایه جغنی بیان ایتک آنلری تمامیه یأسه دوشورمکدر .

﴿ وَنَقُولُ لِلَّذِينَ ظَلَمُوا ذُوقُوا عَذَابَ النَّارِ الَّتِي كُنتُمْ بِهَا تُكَذِّبُونَ ﴾

[ بز یوم قیامتده ظالمیره « سز دنیاده تکذیب ایتدیککز جهنم آتشنک عذابی طادک » دیرز . ]

یعنی ؛ آنلرک هر طرفدن محروم و مأیوس اولدقلری زمانده بز صفت قهریمز ایجابی دائرة شریعتدن چیقمش اولان ظالمیره خطاب ایدرک دیرز که « سزه رسوللریمز و کتابلریمز واسطه سیله خبر و یرلدیکنده تکذیب ایتدیککز جهنم آتشنک عذابی طادک » . ایشته بویله خطاب ایتکله قهریمزی اظهار ایدرز و آنلرده تکذیب ایتدکری جهنمی رأی العین کورور

و عذابی طادارلر . عذابه استحقاقلرینک سبی ؛ ارتکاب ایتدکری ظلم اولدیغنه اشارت لایچون ظالم اولدقلری صراحة بیان اولومشدر .

..

واجب تعالی ظالمیرک ظالمیرینی تفصیل ایتک اوزره ﴿ وَإِذَا تُتْلَىٰ عَلَيْهِمْ آيَاتُنَا بَيِّنَاتٍ قَالُوا مَا هَذَا إِلَّا رَجُلٌ يُرِيدُ أَنْ يَصُدَّكُمْ عَمَّا كَانَ يَعْبُدُ آبَاؤُكُمْ ﴾ بیوریور .

[ آنلر اوزرینه رسوللریمز واسطه سیله دلالتی آجیق آیتلریمز تلاوت اولوندیغنده دیرلر که « آیتلری تلاوت ایدن شوذات اولمادی ، آنحق سزی بابالریکک عبادت ایتدکری دیندن منع ایتک ایستر برر جل اولدی » . ] ایشته ظالمیر بویله دیملریله تدرلرینی اظهار ایدرلر .

﴿ وَقَالُوا مَا هَذَا إِلَّا إِنْكَ مَفْتَرٍ ﴾

[ « و شو اوقونان آیتلرده اولمادی ، الا یالان و افترا اولدی » دیرلر . ]

یعنی ؛ بز او ظالمیره « جهنم عذابی طادک » دیرز و بز بو کبی قهریمزک ظهورینه مستحق لردر . چونکه ؛ آنلر اوزرینه بز آنلرک حاللرینی اصلاحه آجیق بر صورتده دلالت ایدن آیتلریمز تلاوت اولوندیغنده او آیتلری اوقویان رسولزه شدت عداوتلرینه بناء « شو نبوت دعواسنده بولونان ذات اولمادی ، الا سزی بابالریکک عبادت ایتدکری دیندن منع ایتک ایستر برر جل اولدی که اوسزی دینکزدن دوندورمک و کندی دینه قومیق مراد ایدر » دیمکله رسولزه خلقک بغض و عداوتی جلب ایتک چالیشیرلر و بونکله ده اکنفا ایتیه رک دیرلر که « شو اوقونان آیتلر اولمادی ، الا یالان برافترا اولدی » . ایشته بویله دیمکله آیتلریمز دخی طعن ایدرلر و بو کبی طعنلریله جهنم عذابه دوجار اولمشلردر . بو مثللو سوزلر عالمده اهل حق هر زمان سویله بن تفوهات جمله سننددر . چونکه ؛ هر عصرده او عصرک موده سنه کوره دین دشمنلری بولونمق و ضعفانی اضلال ایتک واحکام دینی بر طاقم یال دیزلی و شیطانک القا ایتدیکی و سوسه لرله تزییفه او غراشلق و دیانتته اهتنام



ایدن ارباب دینی حماقتله اتهام ایدرک بغض ایتک و مقتدر اولورسه حقارتدن کیری طورماق هرملته وهرامته زمانه کوره مختلف کسوله لرله ظهور ایدر . ایشه بوکبی دین دشمنلری ادیان سائرده بولوندینی کبی دین محمدی به اعتراض ایدنلر دهـا چوق وزمان سعادتدن بوزمانه قدر ابطاله چالیشـانلر وسوندورمک ایستینلر هیچ اکسیک اولامشدر والی یوم القیامده اولیه جقدر . لکن هپسی ده خائب وخاسر اولمش و دین محمدی یی یرندن ییپراتمق امکاتی بولامشـلردر وزمان سعادتده سويلدکاری سوزلرک بر قسمی جناب حق بوآیتده بیان ایتشدر .

\*\*

واجب تعالی بوسوزلرینک بر قسم آخرینی دخی بیان ایتک اوزره ﴿ وَقَالَ الَّذِينَ كَفَرُوا لِلْحَقِّ لَمَّا جَاءَهُمْ إِنَّ هَذَا إِلَّا سِحْرٌ مُّبِينٌ ﴾ بیوریور .

[ شول کیمسه لر حق اولان قرآن کندیلرینه کلدیکنده « شو قرآن اولادی ، الا آجیق بر سحر اولدی » دیدیلر که آنلر کافر اولدیلر ] وبوسوزلریله قرآنه عداوتلرینی اظهارله ایمان ایتیه جکریبی بیان ایتدیلر .

یعنی ؛ کافرلر رسولزه شدت عداوتلرینه بناء حق اولان قرآن کندیلرینه کلوب خارق العاده عجیبه دن اولدینی جهته معارضه سندن عاجز قالجه آنلر « شو قرآن اولادی ، الا آجیق بر سحر اولدی » دیدیلر وبوسوزلریله تشفی صدر ایدرک ایمان ایتمه مک ایچون برطاقم نالایق تفوهاته قالدیشدیلر . بناء علیه عقللرینه نه کلیرسه لسانلریله اویله جه سويلدیلر .

\*\*

واجب تعالی کافرلرک قرآنه افترا لری بیاندن صوکره بوافترالری بر دلیله مستند اولمایوب صرف عداوت وجهالت سويله تش برسوز اولدینی بیان ایتک اوزره ﴿ وَمَا أَتَيْنَاهُمْ مِنْ كُتُبٍ يَدْرُسُونَهَا وَمَا أَرْسَلْنَا إِلَيْهِمْ قَبْلَكَ مِنْ نَذِيرٍ ﴾ بیوریور .

[ بز مشرکله آنلرک درس ایده جکاری کتابلردن بر کتاب کوندرمک وسندن اول آنلره برنجی ده کوندرمک . ]

یعنی ؛ بز مشرکله درس او قویا جق بر کتاب ویرمک که او کتابده بونلرک شرک لرینک جائز اولدینه دائر بر مسئله بولسونلر . بویله بر کتاب کندیلرینه ویریله یجه هر نه سويلسه لر کندی افترا لردن عبارتدر . چونکه ؛ بر دلیله وبر کتابه مستند دکدر وحییم ! سندن اول بز آنلره برنجی کوندرمک که حاشا شرکک طوغرو بر مذهب اولدینی آندن او کرشم اولسونلر . بویله بر کتابدن ویا نییدن آمادقلری بر شیئی سويللری کندی ایجادلری جهالت و سفاقلری نتیجه سی بر جریاندن عبارتدر . چونکه ؛ نه بر کتابه استنادلری ونه ده بر نییدن استماعلری اولمایجه صرف کندی تفوهاتلردن و آباء واجدادلرینی تقلیددن عبارتدر .

﴿ وَكَذَّبَ الَّذِينَ مِنْ قَبْلِهِمْ ﴾

[ مشرک لردن اول کچن امتلرده رسوللرینی تکذیب ایتدیلر و کتابلریله عمل ایتدیلر . ]

﴿ وَمَا بَلَّغُوا مِثْرًا مِمَّا آتَيْنَاهُمْ ﴾

[ حالبوکه مک مشرک لری کچمش امت و ملتله ویردیکمز منصب ، ثروت ، اشیا ، ائمه ، طول عمر ، قوت وشوکتک اونده برینه بالغ اولامازلر . ]

﴿ فَكَذَّبُوا رُسُلِي ﴾

[ آنلر بنم رسوللری تکذیب ایتدیلر . ]

﴿ فَكَيفَ كَانَ نَكِيرِ ﴾

[ آنلر رسوللری تکذیب ایدنجه او قدر قوت و قدرلری ، ثروت وسامانلری ایله برابر آنلری اهلاک ایدنجه بنم دشمنلردن انتقام و آنلرک افعالی انکارم نصل اولدی و آنلری او قدر قوتلریله اهلاک نصل ظهور ایتدی ؛ ] اول کچن ملتلی بوقدر قوتلریله اهلاک ایدنجه قریش مشرکلرینی اهلاک ایده جکم اولویتله نابتدر .



شو معنا (وما بلغوا) ده کی ضمیرک عربک مشرکینه (ما آتیناهم) ضمیری  
امم سالفیه راجع اولدیغنه نظر آدر . اما فخر رازینک ایکنجی توجیهنده کی بیانی وجهله  
(وما بلغوا) ضمیری امم سالفیه ، (هم) ضمیری عربک مشرکینه راجع اولدیغنه  
نظراً معنای نظم شویله در : [عربک مشرکیندن اول کچن ملئر رسوللری  
تکذیب ایتدیلر . حالبوکه اول کچن ملئر عربیه ویردیگمز فضائلک اوند برینه بالغ  
اولامادیلر . زیرا ؛ قوم عربیه کوندردیگمز بی جمله انبیانک افضلی و کتابی کتب سماویه نک  
جمله سنک افضلی و هپسینا نسخ و منفعتی عمومه عاذاولوب و ام سالفه نک کتابلری و شریعتلری  
خصوصیدر و عرب ایچنده مبعوث اولان نبی بالعموم ملئره مبعوث و شریعتی الی یوم  
القیام باقی و حقانیتنه دلیللری و براهینی قطعیدر و تغییر اولونمق احتمالی اولمادیغی کچی بر  
معارضک اعتراضیه رددخی اولونماز . ایشه شوصاییلان نعمتک اوند برینه امم سالفه بالغ  
اولامادقلری و آنلره اوند برینی ویرمدیگمز حالده آنلرک رسوللریمیزی تکذیبیلرینه  
بناءً آنلری اهلاک ایدنجه بو قدر ظاهر و قطعی و جسم نعمتلی کندیلرینه ویردیگمز  
قوم عرب رسولزی و کتابمیزی تکذیب ایدنجه آنلری اهلاک یده جگمز اولوبتله نابتدر]

بیضاوی و خازنک بیانلری وجهله معشار ؛ عشر یعنی ازمه بر معاشنه درکه « بزم  
آنلره ویردیگمزک اوند برینه بالغ اولامادیلر » دیمکدر .

..

واجب تعالی کافرلرک عذابه استحقاقلرینک سبی آیتلری انکار و رسل کرامی تکذیبیه  
شرکی ارتکاب ایتلری اولوب شرکی ارتکابلری ایسه اصلاً بر دلیله مستند اولمادیغی کچی  
برنبیدن ایشیتمکده اولمایوب همان جهالت اوزره بر جریاندن عبارت اولدیغی بیاندنصکره  
اهل شرکی اوچ شیئه دعوت ایتسفی رسولنه امر ایتک اوزره ﴿ قُلْ إِنَّمَا أَعِظُكُمْ  
بِوَاحِدَةٍ أَنْ تَقُومُوا لِلَّهِ مِثْلِي وَفِرَادِي ﴾ بیوریور .

[یا اکرم الرسل ! سن مشرکله دی که « بن سزه بر خصلتله امر ایدیورم که اوخصات

سزک ایکیشر ایکیشر و برر برر اولدیگمز حالده الله تعالی نک رضایی ایچون قائم  
اولمکزددر . ]

﴿ ثُمَّ تَتَفَكَّرُوا مَا بِصَاحِبِكُمْ مِنْ جِنَّةٍ ﴾

[ « الله ایچون قائم اولدقدن صوکره سزک صاحبکمز اولان رسولکمز محمد صلی الله  
تعالی علیه وسلمده جنتدن هیچ برشی اولمادیغی تفکر ایتکزددر . » ]

﴿ إِنَّ هُوَ إِلَّا نَذِيرٌ لَكُمْ بَيْنَ يَدَيْ عَذَابٍ شَدِيدٍ ﴾

[ « زیرا ؛ سزک صاحبکمز اولمادی ، آنحق اوکونده کله جک شدتلی عذابه سزی  
قورقوتوجی اولدی . » ]

یعنی ، حبییم ! سنک تلاوت ایتدیگک آیتلری انکارله سکا « کندی ایجاد ایتدی دیهرک  
افترا ایتدی » دین مشرکله سندی که « ای مشرکله ! بن سزه بر خصلتله وعظ  
ایدیورم که اوخصت سزک ایکیشر ایکیشر و برر برر الله رضایی ایچون قائم اولمکزددر .  
اصلاً تعصب کوسترمک و مجادله ایتکسزین کله توحیده اجتماع ایتکسزی نصیحت ایدرم . زیرا ؛  
بو نصیحتم سزک منفعتکمز ایچونددر . چونکه بو خصلته دوام ؛ سزک دنیا و آخرت  
مسمود اولمکسزی ایجاب ایدر . سزک مجلس رسالته رضاء السهی بی طلب ایچون برر  
ایکیشر قیامکزدن صوکره بر یرده اجتماع ایدوب رسولکمزک احوالی تدقیق و تفکر  
ایتمکسز که صاحبکمزده اصلاً جنت اولمادیغی بیله سکمز . زیرا نبیکمز اولمادی ، الا  
آنحق اوکونده کله اوزره اولان آخرتک شدتلی عذابیله سزی قورقوتوجی اولدی .  
بیضاوینک بیانی وجهله جماعت کثیره ایچنده انصاف اوزره عدالته رعایت ایدره  
مذاکره و دوشونمک ممکن اولامیه جغه بناءً جناب حق دین محمدی بی تدقیق خصوصنده  
حضور رسالته کانلرک برر ویا ایکیشر کیشی اولارق کللری بی آیتله تحدید ایتمشدرکه  
غلبه لک کلمکله ایشی مذهب تعصبه کونورمسونلر . چونکه ؛ جماعتک کثرتی خاطرانی  
تشویشله سوزلری بربرینه قاریشدیروب مذاکره نک مجادله یه انقلابی موجب اولور  
و چوقاغک مذاکره و مشاوره بی اخلاص ایتدیگی ده غیر قابل انکار بر حقیقتدر . زیرا ؛ هر



محاسن و محافلده کثرتک لایقله مذا کره یا پامدینی بالفعل مشاهده اولونان احوالندرد .  
اصحاب مشاوره نه قدر آز اولورسه آکلاشمق دها قولای اولاجغنده شبه یوقدر .

کذلک رسول اللهک خصوصیات احوالی تفتیشده دخی هرکس یا کندی کندینه  
ویا خود یاننده دیگر بر کیمسه ایله مذا کره ایدرسه حقیقی قولای بولاجقلرینه بوآیتده  
اشارت اولونمشدر . چونکه تفسیر مدار کده بیان اولوندینی وجهله ایکی کشتی بر مسئلای  
مذا کره ایدرسه هربری فکر و مطالعه سنی دیگرینه عرض ایدر . ارقداشی کمال انصاف  
و عدالت اوزره سلامت قلبله دیکلهر و آرقداشک فکر و مطالعه سنی قارشی کندی رأیی  
بیان ایدر دیکری ده عین صورتله دیکلهر و بوسوزلرک ایچندن صاعلام اولاتی آلوب ایشه  
یارامیانی آتارلر و بوسورتله بر نتیجه صحیحیه واصل اولورلر . اما بوا یکی کیشینک یاننده  
اوج بش کشتی دها بولونا جق اولسه سوز اوزار ، مسئله مشاوره و مذا کره حالندن چیقار  
مناقشه حالی کسب ایتمکه طوغرو بر نتیجه واصل اولمق مشکل اولور . ایشه شو  
اساسه بناء جناب حق امر دینده ایکشر کشتی ویا خود برر کشتی اولدینی حالده هرکسی  
کندی کندینه محاکمه ایتسنی امر ایتمشدر . چونکه امور دینده و امر رسول اللهده شخص  
واحد کندی نفسنده محاکمه ایدر و مطالعه سنک نتیجه سنده فکری عقاله عرض ایدر  
محاکمه سنده صحیح بر حکم آلابیلر . اما اکثریتده بویله صاف مذا کره اولامایه جغندن  
جناب حق دین خصوصنی مذا کره ده چوق کیمسه لازم اولمادیغنی بیان ایتمشدر .

بوآیتده ذکر اولونان اوج خصلتدن برنجیسی ؛ (ان قوموا لله) ایله اشارت اولونان  
قومیدر . ایکنجیسی ؛ (ما بصاحبکم من جنة) ایله اشارت اولونان امر رسالته اهتمامر .  
اوجنجیسی ؛ (بین یدی عذاب شدید) ایله اشارت اولونان احوال آخرتدر . اساساً  
اعتقادیاتک اصلی ده بواوجه منحصر اولدینی جهتله جناب حق بوآیتده اصول اعتقادییه  
اشارتله اعتقادیات خصوصنده اجتماعاتک مدخلی اولمایوب هر شخصک سلامت فکر ایله  
کندی دوشونمی لازم اولدینی توصیه ایتمشدر . چونکه اعتقاد ؛ هرکسک کندی قناعتی  
اوزره ایمان ایتسی واجب اولدیغندن آخری تقلید ایتک مذمومدر .

..

واجب تعالی رسولنده جتندن اصلا اثر اولمادیغنی بیاندن سوکره اجرت طلب ایتمه رک  
احکام شرعییه تبلیغده کورمش اولدینی مشقتلره بلا اجرت کوکس کرمسی نبوته  
دلیل کافی اولدینی بیان ایتک اوزره ﴿ قُلْ مَا سَأَلْتُکُمْ مِنْ اَجْرِ فَهُوَ لَکُمْ ﴾ بیوریور .  
[ حیدیم ! سنک نبوتکی انکار ایدنلره سن دی که «اگر امر تبلیغده اجرت ایستر  
ایسه اواجرت سنک اولسون .» ]

﴿ اِنْ اَجَرِیْ اِلَّا عَلٰی اللّٰهِ وَهُوَ عَلٰی کُلِّ شَیْءٍ شَهِیدٌ ﴾

[ « زیرا ؛ احکام دینی تبلیغده اجرت اولمادی ، الا الله اوزرینه اولدی . حالبوکه  
الله تعالی هرشی اوزرینه حاضر و ناظر در . ] بناء علیه ؛ تبلیغدن مقصدی و تبلیغمت  
اجرتی بیلیر ولایقی وجه اوزره ویرر ، دیمکه آنلردن اجرت ایسته مدیککی علناً سویله .  
نایی طریق حقه دعوت و امر بالمعروف ونهی عن المنکر خالصاً لوجه الله اولوب غرض  
دنویه شائبه سی اولماق لازم اولدیغنه بوآیت دلالت ایدر .

آیت ؛ ایکی مهتره رسول اللهک رسالتی اثبات ایتمشدر . برنجیسی ؛ تبلیغ مقابلنده  
اهرت ایستدر . چونکه ؛ بوقدر مشقتی اختیار ایتمکه دنیاچه بر منفعت بکله میوب  
یا لکنز منفعت اخروییه حصر ایتک البته نبوته دلالت ایدر . زیرا ؛ نبوت دعواسنده  
کاذب اولسه آخرتجه عذاب محقق اولوب دنیاچه ده منفعتسز بوقدر کلفتی اختیار ایتک  
اثر جنت اولور . حالبوکه ؛ رسول الله اثر جتندن مبرادر . شو حالده نبوت دعواسنده  
صادقدر . ایکنجیسی ؛ الله تعالی نک هر شیء ماهر و عالم اولدینی بیان ایتک دعواسنده  
صادق اولدیغنه دلالت ایدر . چونکه ؛ بر کیمسه الله تعالی طرفندن رسول اولدینی دعوی  
ایدر و دعواسنه الهی شاهد قیلارسه نبوتک صدقه بوندن دها بویوک بر دلیل اولماز .  
زیرا ؛ الله تعالی ادله قطعیه و معجزه باهره ایله دعواسنی تأیید ایتمشدر .

..

واجب تعالی رسولک رسالتی اجرت ایستدر . ویدنی یلرنده خارق العاده معجزه لرله  
صدق دعواسنی کندی شهادت ایتسی ایله اثبات ایتدکن سوکره ذات الوهیتک فاعل



مختار اولسیله دخی اثبات ایتک اوزره ﴿قُلْ إِنْ رَّبِّي يَقْذِفُ بِالْحَقِّ عَلامَ الْغُيُوبِ﴾  
بیوریور .

[ حبیلم! سن کافرله دی که « ای — مشرکرا! سز رسالتی بکا مناسب کور میورسکز، فقط بنم ربم دیله دیکی قولنه حتی وحی ایدر ووحینی قبول و تبلیغیه امر ایدر . زیرا؛ خفایای اموره عالم اولدیغندن رسالتیه الیق ونبوته احق اولان قولنی بیلیر و آکا تودیع ایدر وحقله باطلی طرد ایدر . ] بناء علیه ؛ دین اسلامه ادیان باطله یی طرد ایتدیکی کبی بالجمله باطل اولان عادات و اخلاقی ده رد ایتشدرد .

﴿قُلْ جَاءَ الْحَقُّ وَمَا يُبْدِيُ الْبَاطِلُ وَمَا يُعِيدُ﴾

[ یا اکرم الرسل! سن کافرله دی که « حق اولان دین اسلام کلدی ، باطل زائل اولدی کیتدی و باطل اولان شی ابتداءً ایجاد اولونماز و کیدن باطل کیری کلز . ]

یعنی ؛ حبیلم! سن اهل مککیه طریق حتی بیاندن صوکره دی که « دین اسلامک اساسی اولان قرآن کلدی واتباعه لایقدر . بناء علیه ؛ سز فرصتی فوت ایتمکسزین خالصاً لوجه الله اتقیاد ایتلی سکز و بوندن صوکره باطل یکیدن باش کوستره مز . چونکه ؛ زائل اولدی کیتدی . بناء علیه ؛ اعاده ده اولونماز . ایشته دین اسلام تعالی ایتدجه باطل اولان شرکک محو اولوب کیتمسـیله وقوعات آز برزمان ایچنده بوآیتک سریخی اثبات ایتشدرد . حتی جزیره العربیده پوت پرستک آیینی بالکلیه زائل اولمش و قیامته قدر بردها عودت ایتیه جکدر .

اوت! مرور زمانله دیانته یاپیشان آزالیر ، فسق و فجور چوغالیر و ارباب فساد یوز بولور میدان آلیر و اخلاق بوزولور و لیکن شرک و پوت پرستک زائل اولدینی یره بردها عودت ایتمز . یعنی ؛ « رسول اللهک کتیردیکی قرآن دنیاده و آخرتده دائماً ثابتدر و باطل اولان شیلر زوال بولدقندن صوکره موت ابدی ایله یوق اولور کیدر که زائل اولان باطل عیناً اعاده اولونماز » دیمکدر . یاخود بعض روایتیه نظراً بوآیتده باطل ایله مراد ؛ ابلیس . چونکه ابلیس ؛ ابتداءً برشی ایجاد ایده مدیکی کبی یوق اولدقندن صوکره دخی اعاده ایده مز .

\*\*

واجب تعالی مکدن زائل اولان باطلک یعنی پوت پرستلکک بردها عودت ایتیه جکنی بیاندن صوکره اهل مککک رسول الله « سن آباء واجدادینک دینی ترک ایتدک و کندی تفسکدن بر دین ایجاد ایتدک و ضلالتیه دوشدک » دیهرک واقع اولان طعنلرینه جوابی بیان ایتک اوزره ﴿قُلْ إِنْ ضَلَلْتُ فَإِنَّمَا أَضِلُّ عَلَى نَفْسِي وَإِنِ اهْتَدَيْتُ فَبِمَا يُوحَىٰ إِلَيَّ رَبِّي إِنَّهُ سَمِيعٌ قَرِيبٌ﴾ بیوریور .

[ یا اکرم الرسل! سکا طعن ایدن مشرکله سن دی که « ای — مشرکرا! سزک دیدیککز کبی بنم ضلالده اولدیغم فرض اولونسـه آنجق کندی نفسم اوزرینه ضلالده اولورم و اگر بن اهتدا ایدرسـم ربکم بکا وحی ایتدیکی قرآنله اهتدا ایدرم . زیرا ؛ ربم سزک و بزم سوزلریمزی ایشیتیر و سزه و بزه قرب معنوی ایله قریبدر . ]

یعنی ؛ حبیلم! مشرکک سـکا طعنی اوزرینه سن جوابده دی که « ای — مکک هالینسی! سزک طعنککز و اعتقاد باطلککز کبی اگر بن طریق حقدن چیقمش و ضلالتی اختیار ایتمش ایسم اوضاللی کندی نفسم اوزرینه اختیار ایدرم . بناء علیه ؛ اوضالاتک و بالی و مضرتی بنم نفسم اوزرینه در و سزه عائد بر ضرر یوقدر . شوالده نه ایچون طعنکزه آلت ایدرسکز و اگر بن طریق حقه اهتدا ایتمش ایسم او اهتدا ربکم بکا احسان ایتدیکی وحی ایله حاصل اولمش و ربکم و حینی کندیمه رهبر اتخاذا ایتشم در که جنت اعلایه کورتوره جک بر طریق حقه توسل ایتدم دیمکدر . زیرا ؛ ربم تعالی مناجاتک عمومینی ایشیتیر و سزه و بکا عامی یقین و هر سوزیمزی ایشیتیر و عملیمزی بیلیر . بناء علیه ؛ ضلالت و هدایت هر ایکسنک ده جزای لایقنی ویرر . »

نیسابورینک اشارتی وجهله بوآیتده تردیمه و شک دلالت ایدن ( إِنْ ) لفظی اهل مککک اعتقادلری اوزره آنلری الزام و اسکات ایچوندرد ، یوقسه حاشا بو شک رسول الله راجع دکدر . زیرا ؛ رسول اللهده ضلالت تصور اولونماز و شک اوزره ایراد کلام ایتمز . چونکه ؛ رسول الله مخاطبک حاله کوره ایراد کلام ایدر و بو عنوال اوزره ایراد کلامه ارخاء عنان دینور . یعنی ؛ « فرض ایدم که حال و شان سزک دیدیککز کبی در ، او حالده سزه نه کبی ضرر واردرد ؛ زیرا ؛ سزک دیدیککز



کبی بن ضلال اوزره اولسه ضرری بکا عأددر . شو حالدہ سز نہ ایچون تلاش ای دیورسکز .  
وسزہ نہ اولویور کہ کندیگزہ بونی برایش یاییورسکز واکر بن هدایتده ایسه ربمک بکا  
وحی ایتدی قرآنله طوغرو یول طوتمشدر واطوغرو یوله سزی دعوت ای دیورم .  
اگر بکا اتباع ایدر سوزیمی دیکله رسه کز سزده اهتدا ایتش اولورسکز . دیمکدر .  
تفسیر خازنده بیان اولوندیغنه نظراً آیتک سبب نزولی ؛ مکهلیرک رسول الله طعن  
ایتملیدر . چونکه ؛ رسول الله آنلری دین حقہ دعوت ایدوب پوتلره عبادتی ترک ایتملرینی  
کمال اقدامله توصیه وآنک ضررلرینی بیان ایدنجه آنلر رسول الله « سن آباء واجدادینک  
دینی ترک ایتدک وکندی نفسکدن یکی بر دین ایجادله ضلالته دوشدک » دیملری اوزرینه  
بویئتک نازل اولدینی مرویدر .

\*\*

واجب تعالی رسولنه وشریعتنه طعن ایدن عاصیلرک یوم قیامتده کی حاللرینی بیان ایتک  
اوزره ﴿وَلَوْ تَرَىٰ إِذْ فَزَعُوا فَلَا قُوَّةَ وَأَخَذُوا مِنْ مَّكَانٍ قَرِيبٍ﴾ بیوریور .  
[ حیم ! اکر سن مشرکلرک وسائر ارباب فساد وعصیانک فزع و فریادلرینی کورمش  
اولسه امر عجیب و غریب کورورسک . زیرا ؛ آنلر الله نظرندن غائب اولمازلر .  
بناء علیه ؛ هر زده بولونسلر الله قدرتته نسبتله اک یقین بر مکندن طوتولورلر . ]  
یعنی ؛ یرک ایچنده و دکز لرک آلتنده ویدی طبقه سہانک اوستنده اولسه لربضه  
الہیدن قورتولامازلر . چونکه ؛ قدرت الہیہ نسبتله اک یقین مکانله اک اوزاق مکانک  
فرق اولمایوب جملہ سی مساویدر . بناء علیه ؛ قاجقله و بر محکم قنعہ یرمکله غضبه مستحق  
اولان کیمسہنک عذابدن قورتولسی یوقدر . زیرا ؛ جناب حق آنی یقیندن طوتارہ هیچ  
بر کیمسہ مدافعہ ایدوب قورتارہ ماز .

بیضاوینک بیانی وجهله ارباب عصیانک فزع و فریادلری ؛ اوج برده درہ  
برنجیسی ؛ مال وفاتدرمہ در . زیرا ؛ اووقت آنلر جہنمک درک لرینی کورمکله فزع  
و فریاد ایدرلر . جناب حقده آنلری یرک اوستندن آلتہ اخذ ایدرہ ایکنجیسی ؛ قبرلرہ

فالقہ قلمرہ فزع و فریاد ایدرلر . الله تعالی آنلری محشرہ آلیر کوتورر . اوچنجیسی ؛  
محشرہ جنابتلری میدانہ محبوب اهل نار اولدق لربنی بیلنجه فزع و فریاد ایدرلر . جناب  
حق آنلری محشردن جہنمہ کونددر .

(فلا فوت) اللہک عذابنی فوت یومہ دیمکدر . یعنی « قاجقله و یاخود محکم بریرہ  
کیرمکله عذابنی فوت ایدوب کچیرمک و قاجوب قورتولاق یوق » دیمک اولور . شو حالدہ  
آخرت واللہک عذابنی دنیایہ و دنیا حبس خانہ لرینہ قیاس قبول ایتز . زیرا ؛ دنیاده جنابت  
ایشلہ ین بر کیمسہ قاجوب قورتولاییلیر و یاخود حبس خانہ یی ددلوب قاجاییلیر .

\*\*

واجب تعالی کافرلرک عذابنی کوردکلرندہ وقوع بولاجق فزع و فریادلرینی بیاندن  
صوکرہ آنلرک اوزمانده ایمانہ مسارعت ایدہ جکلرینی بیان ایتک اوزره ﴿وَقَالُوا آمَنَّا بِهِ﴾  
بیوریور .

[ کافرلر عذاب جہنمی کورونجه « بز محمد ﷺ » و آنک کتابی اولان قرآنہ  
ایمان ایتدک « دیرلر . ]

﴿وَأَتَىٰ لَهُمُ التَّانُوشُ مِنْ مَّكَانٍ بَعِيدٍ﴾

[ آنلر ایچون اوزاق محلدن ایمانی آلق نصل ممکن اولور ؟ ]

﴿وَقَدْ كَفَرُوا بِهِ مِنْ قَبْلُ﴾

[ حالبوکہ بوندن اول آنلر محمد علیہ السلامہ کفر ایتدیلردی . ]

یعنی ؛ اهل کفر آخرتده جہنم عذابنی کورونجه « بز آخر زمان نیسنہ و شریعتہ  
ایمان ایتدک » دیرلر ولکن بوسوزک آنلرہ فائدہ سی اولماز . زیرا ؛ ایمانک محلی دار تکلیف  
اولان دنیادر . دنیا ایسه بونلرہ غایت اوزاق قالدی . بناء علیه ؛ بونلرک دنیایہ واصل  
اولملری ممکن دکل کہ ایمانہ واصل اولسونلر . شو حالدہ بونلر ایچون اوزاق مسافہ اولان  
دنیا دن ایمانی آملقله مطلوب لرینہ واصل اولاق نہ قدر اوزا قدر و نصل ممکن اولاییلیر ؟  
خلاصۃ البیان : اوزایکنجی جلد — ۱۱



حالوکه آنلر بوندن اول دنياده رسول الله کفر ايتمبلردی. ايمانك محلی اولان دنياده کفر ايدنجه آخرته ايمان ممکن اولاماز. يعنی آخرته ايمانلری قبول اولونماز. چونکه؛ تکليف يوقدر وتکليفك محلی اولان دنيا فوت اولدی. بناء عليه؛ دنيا يه عودتلی ممکن دکل که ايمانلری ممکن اولسون.

بيضاوينك ومداركك بيانلری وجهله تناوش؛ نازل یعنی طوموم، آلموم معناسندر. مکان بعید ايله مراد؛ دنيا. چونکه؛ دنيا آخرتدن غایت اوزاقدیر که بردها دونمک ودنياده بولونمق ممکن دکلدر. کرچه دنيادن آخرت يقيندر. زیرا دنيا؛ آخرته طوغرو کيتمکدر و آخرت ده کلمک اوزرينه در وانسانه قارشى کلن هرشی يقين اولدینی کی آخرت ده يقيندر. تفسير طبريدیه بيان اولوندينی وجهله (آنى) استغفرامرد. تناوش؛ ايمانی آلموم معناسه اولديغندن کفرده نوبه معناسنی متضمندر. بوکا نظراً معنای نظم: [مکان بعید اولان دنيادن توبه آنلر ايچون نصل ممکن اولابيلير؛ البته ممکن اولماز] ديمکدر.

﴿وَيَقْدِرُ فَوْنٌ بِالْغَيْبِ مِنْ مَّكَانٍ بَعِيدٍ﴾

[آنلر دنياده امر رسالندن غایت اوزاق بر مسافه ده بولونقلری حالده رسول الله حقنده بيلمکدری شيلری اورتايه آتارلر و رسول الله اسنادله برطاقم مقرر ياتده بولونورلردی.] يعنی؛ آخرته فزع و فرياد ايدهرک ايمان ايتمک ايستين کافرلر دنياده ظن و تخمينلری اوزرينه رسول الله شاعردر، کاهندر کی بر طاقم هزيانده بولونورلر و غيه طاش آتار کی اغزلرينه کان سوزی طيشاری يه آتارلردی و بوسوزلرينی رسول الله علو مرتبه سندن غایت اوزاق و آشاغی بر مسافه دن سوق ايدرلردی.

چونکه؛ رسول الله به بوسوزلرينک آره سنده مناسب يوقدر. شو حالده البته بو سوزلر رسول الله اوزاندر. کذاک قرآن حقنده دخی «مجنون کلامی»، «اول کچتلرک يالانلری» ديمک کی مقرر يانلری دخی قرآنک علو شانندن غایت اوزاق اولارق سويله ن سوزلردر. چونکه؛ آجیق بر حقیقه قارشى ظن اوزره دليل سز سويله ن سوزک نه کی بر قيمتی اولابيلير. بناء عليه؛ بوکی سوزلر هر زمان نفسنه تبعيت ايتمش و شيطانک اغفالاتنه قابلمش و حقایق شرعيه نك نه دن عبارت اولديغنی بيلمه ن جهلادن صادر اولمش و اولمقده در.

چونکه؛ آنلرک احکام شرعيه ايله مقيد اولمق نفسلرينه آغیر کلدیکی کی آخرته ده ايمانلری اولماديغندن بهایم سوزوسی کی هر يردن اولتلاق و ايسته دیکی يرده ياتمق و نفسنک آرزو ايتدیکی شی ولوسه حرام اولسون ييمک و ايچمک اولديغندن دائما شريعت و ارباب شريعته معترض بولونورلر. بواحوال يالکسر شريعت اسلاميه و اربابنه مخصوص بر حال دکلدر. زیرا؛ دور آدمدن بری کچن شريعتلرک جمله سنده بوحاللر جريان ايتمش و هر بری بر جوق اعتراضلره هدف اولمش و ايمان ايدنلر نجات بولمش و ايمان ايتمه نلر خاک هلاک سرلمش وابدی خسرونده قالمشلردر.

(ويقد فون بالغيب) مدارکده بيان اولوندينی وجهله (يتکلمون بالغيب) يعنی غيب سوز سويلر معناسندر. چونکه؛ رسول الله خبر و يردیکی احوال آخرتی تماماً تکذيب ايدرلر که «قيامت، حساب، جنت و جهنم يوق، هپسی يالاندر» ديمکله آخرتی تماماً انکار ايدرلردی. آخرت ايسه غيدير، کوز کورور برشی دکلدر.

..

واجب تعالی کافرلرک آرزو ايتدکلرينه نائل اولامه جقلرينی بيان ايتمک اوزره

﴿وَحِيلَ بَيْنَهُمْ وَبَيْنَ مَا يَشْتَهُونَ كَمَا فُعِلَ بِأَشْيَاعِهِمْ مِنْ قَبْلُ﴾ بيوريور.

[آخرته ايمان ايتمک ايستين کافرلرله آرزو ايتدکلری ايمانلری و ايمان سبيله نجاتلری آره سنده مانع حيلوت ايتدی. نصل که بونلردن اول فرعون و هامان کی حال يأسده ايمان ايتمک ايسته ينلرک ايمانلرينه بوحال ايشله نيلمش ایدی.]

يعنی؛ ايمانلرينه مانع حائل اولوبده ايمانلری قبول اولونمايانلر کی بونلرک ده ايمانلری قبول اولونماز. بناء عليه؛ بوتون امل و اميدلری محروميه منقلب اولور.

﴿إِنَّهُمْ كَانُوا فِي شَكٍّ مُرِيبٍ﴾

[زیرا؛ آنلر دنياده اضطراب و ريحي شک ايچنده اولديلر و ترددله وقتلرينی کچيرديلر يردلرلو ايمانه ياناشاماديلر.] بناء عليه؛ کفر شديد و انکار غليظ و غفلت مدید ايچنده



عمر لرینی ضایع ایتدکلرندن آخرتده ایمان ایتک ایسته یه جکلر سده ایمانه کندیلری آره سی  
مستور قیلنه جقدر .

مدار کده بیان اولوندینی وجهله ( حیل ) ( حجز ) یعنی مانع اولری دیمکدر . آنلرک  
اشتهالری ؛ او کونده ایمانلرینک قبول اولونمسی و ایمان سببیه جهنم عذابندن قورتولوب  
جنته واصل اولمقله فوز و نجات بولماید . ( باشاعهم ) ( بامثالهم ) دیمکدر . یعنی « حال  
ضرورته امثاللرینک ایمانی قبول اولونمادیغی کبی بونلرکده ایمانلری قبول اولونماز »  
دیمک اولور . آنلر ، قرآنک حقانیتنده و قرآنی کتیرن رسولک رسالتنده شدتله شک  
ایتدکلرندن شکلرنده مبالغه ایچون شک ( مریب ) ایله توصیف اولونمشدر . چونکه  
مریب ؛ شبره ویریمی دیمکدر .



رومی بیک اوچیوز اوتوز سنه سی تموزینک اون سکننجی جمعه کیجه سنه تصادف ایدن عربی  
بیک اوچیوز اوتوز ایکی سنه سی رمضان شریفنک سکننجی جمعه کیجه سی ساعت بشده بو سوره نک  
ترجمه سی بمونه تعالی ختام بولمشدر .

سورة فاطر

مکه مکرمه ده نازل اولان سوره لر دندر . قرمه بر آیتی حاویدر .

بِسْمِ اللَّهِ الرَّحْمَنِ الرَّحِيمِ

أَحْمَدُ لِلَّهِ فَاطِرِ السَّمَوَاتِ وَالْأَرْضِ

[ حمد و ثنا شول الله تعالی به مخصوص صدرکه او الله تعالی کوکلرک و یرک خالقیدر . ]  
یعنی ؛ بالعموم مدح و ثنا ایدنلرک لسانلرندن جریان ایدن ثنا اللهکدرکه او الله تعالی  
اجسام علویه اولان کوکلرک و اجسام سفلیه اولان یرلرک موجودیدر . چونکه ؛ عالم اسباب

اولان سمواتی و عالم مسبب اولان ارضی خلق ایتدی که آنلر آره سنده میدانه کله جک  
بالجمله حوادنک ظهوریله مراد الهیسی یرینی بولسون .

بیضاوی و نیسابورینک بیانلری وجهله فاطر ، ش ایتک یعنی بارم معنانه در .  
جناب من ظلمت عمری نور و موجوده ش اربوب عالمی عمره و موجوده کنیردیکی ایچونه  
فاطر دیمشدر .

فخر ازینک بیانی وجهله بوسوره نک اولی بوندن اولکی سوره نک آخرینه کمال ارتباطله  
مربوطدر . چونکه ؛ اولکی سوره نک آخرنده دنیا ده شک اوزره بولونوب ایمان ایتمه ینلرک  
آخرتده ایمانلری قبول اولونمایوب مایوس اولاجقلری بیان اولونمشدی . بوسوره نک اولنده  
ایسه اطمینان قلبیه دنیا ده ایمان ایدنلری بر طاقم عطایای الهیه ایله تبشیر واردر . شو حالده  
ایمان ایتمه ینلرک مایوسیتلرینی بیان عقینده ایمان ایدنلرک مسروریتلری بیان اولونمقله ترتیه  
رعایت اولونمشدر .

\*\*\*

واجب تعالی سموات و ارضی خالق اولدیغی بیاندنصرکه اهل سما اولان ملکلرله  
اهل ارض آره سنده ارتباطی تأسیس ایچون ملکلر خالق ایتدیکنی و ملکلرک قناد صاحی  
سیرسریعه ملاک اولدقلرینی بیان ایتک اوزره ﴿ جَاعِلِ الْمَلَكَةِ رُسُلًا أُولَىٰ أَجْنَحَةٍ  
مِّثْنَىٰ وَثْنًا وَرُبَاعَ ﴾ بیوریور .

[ الله تعالی ایکیشر اوچر دردر قنادلر صاحی ملکلری انبیایه رسوللر قیلدی که آنلر  
اوقنادلرله مأمور اولدقلری وظیفه در حال سرعت ایدرلر . ]

﴿ يَزِيدُ فِي الْخَلْقِ مَا يَشَاءُ ﴾

[ الله تعالی خلقتده ایسته دیکنی زیاده ایدر . ] بناء علیه ؛ ملکلرک قنادلرینی ایکیشر  
اوچر دردر خلق ایتدیکی کبی دها زیاده ده خلق ایدر .

﴿ إِنَّ اللَّهَ عَلَىٰ كُلِّ شَيْءٍ قَدِيرٌ ﴾



[ زیرا ؛ اللہ تعالیٰ ہر شئی ایجاد قادر در . ] بناءً علیہ ؛ ایستہ دیکنی خلق ایدر .  
یعنی ؛ حمد و ثنا شول اللہ تعالیٰ بہ مخصوصدر کہ او اللہ تعالیٰ سموات و ارضی خلق  
ایتدیکی کی درکاء الوہیتک خدمہ سی و قوللری بولونان ملکاری یر یوزندہ بی بشردن قوللری  
اصلاح ایچون بعث ایتدیکی انبیاسی ایلہ ذات الوہیتی آرسندہ ایلچیلر قیلدی کہ آنلر امور  
دنیاہ و آخرتہ متعلق احکامنی وحی صورتیلہ انبیاء عظامہ تبلیغ ایدرلر و تبلیغہ مأمور  
اولدقلرندن اللہ تعالیٰ آنلری قناد صاحب لری قیلدی کہ مأمور اولدقلری وظیفہ بی سرعتلہ ادا  
ایتونلر واللہ تعالیٰ ایستہ دیکنی قدر ملککک قنادلری زیادہ خلق ایدر . چونکہ ؛ اللہ تعالیٰ  
ہر شئی اوزرینہ و ایستہ دیکنی خلق ایتکک قادر در .

بیضاوینک و ابوالسعود افندیکنک بیاتلری و جہلہ ملککک رسالتلری انبیایہ مخصوص  
دکدر ، بلکہ خواص عباد اولان اولایاہ الہام و رؤیای صادقہ صورتیلہ اللہک امرینی  
و خیر اولان شیلری ایصال ایتکک دخی مأمورلردر . شوقدر کہ ملککک انبیایہ آچیقندن کلیر  
و ملک اولدیغنی بیلدیرر و انبیایہ صورت محرماندہ انسیت ایدرلر . بناءً علیہ ؛ انبیانک  
سوزلری و ایشلری و امیرلری و نہیلری امتلرینہ دستور العمل و اتباعی واجب قوانین اولور .  
اما خواص عباد یعنی انبیانک غیری کیمہ لر ملککک آچیقندن انسیت ایدہ جک قدر قوۃ  
قدسیہ مالک اولمادقلرندن ملککرایلہ انسیتہ نائل اولامازلر ، آنجق آنلرہ الہام صورتیلہ  
یعنی قبلرینہ خیر اولان شئی قویمقلہ و رؤیای صادقہ بدہ بعض شیلری کوستر ملککک اولدیغندن  
آحاد امتہ واقع اولان الہامات ادلہ شرعیہ دن معدود دکدر . بناءً علیہ ؛ غیر یلرک او کیمسہ بہ  
اقتدا و اتباع ایتلری لازم کلز .

ملککک قنادلری مرتبہ لرینہ کورہ در . بناءً علیہ ؛ قنادلرینک تفاوتی اعتباریلہ مرتبہ  
لرینکدہ تفاوتی وارد در . آیتدہ عددی ذکر ؛ قنادلرینک متعدد اولدیغنی بیان ایچوندر ،  
یوقسہ بو عددہ منحصر دیمک دکدر . شو حالہ ملکککدہ قنادلرک متعدد اولدیغنی قطعیدر ،  
فقط عددی دردہ قدر اولدیغنی کی دردن زیادہ دخی اولور .

بو آیتدہ اللہ تعالیٰ نک ایستہ دیکنی خلق ایتککدہ زیادہ لفظنک عموم مخلوقاتہ شاملہ  
اولوب یالککز ملککک قنادلرینہ منحصر اولمادیغنی قاضی و مدارکک جملہ بیاتلرندندر .  
چونکہ ؛ جناب حقک قدرتی بالعموم مخلوقاتہ نافذ اولدیغنی جہتلہ تأثیری ہر مخلوقک

صورتندہ و جسمانندہ و ہر اعضاسندہ کور یاندن دہا زیادہ سنی خلقہ شاملدر . زیرا ؛  
قدرۃ اللہ ایچون نہایت یوقدر ، بلکہ الی غیر النہایہ تصرفہ قادر در . چونکہ ؛ نعمت اللہ  
افندیکنک بیانی و جہلہ بو آیت واجب تعالیٰ نک ملکککدہ بر مخلوقک جسمنک مقدارندہ  
و کیفیتندہ و زمانندہ و ہر جہتندہ تصرفہ دلالت ایدر . شو حالہ واجب تعالیٰ بوندن اول  
خلق اولمادق و خاطر بشرہ خطور ایتکک صایلماز و توکنمز مخلوقانک انواعی خلقہ  
قادر اولدیغنی کی برنوع مخلوقانک افرادندن بر شخصدہ باشقلرندہ اولمایان امور غریبہ بی  
دخی خلق ایتکک قادر اولدیغنی آیت دلالت ایدر . زیرا آیتدہ « واجب تعالیٰ ایجاد دہ  
دیہ دیکنی زیادہ ایدر ، کلامی زیادہ نک ہر نوعہ شاملدر . مثلاً واجب تعالیٰ نوع انساندن  
بر شخصدہ کوزل صورت و صدا و اوزون بوی و اعضالری تام و قوت و قدرت و شجاعتدہ  
امثالہ قائق اولق و یوزندہ ملاحظت و عقلی و فکری یرندہ و ذہندہ فطانت و رأی و تدبیرندہ  
اصابت کی بر چوقکالاتی بر شخصدہ ایجادلہ سائر لرندن نماز یاراندیغنی ہر زمان کور و ملکدہ در .  
چونکہ ؛ ہر زمان انسانلرک معارف و ہنزدہ و عقل و ذکا دہ بر بندن فرقلی اولدیغنی  
میداندہ در . زیرا ؛ بریسی حیادت ذکا نک الیو کسک طبقہ سندہ اولدیغنی حالہ دیکری  
حماقت نہایت درجہ سندہ کوریلور . بناءً علیہ ؛ جناب حق مخلوقاتی ایجاددہ ایستہ دیکنی  
قدر امور غریبہ زیادہ ایدر ، ہیچ کیمسہ مانع اولق قدرتی حائز دکدر . شو حالہ  
ملککک قنادیغنی اوچدہ خلق ایدر بشدہ ، اون بشدہ . و دہا بزم عقلزدہ کدک صورتلر  
و عجیبہ لردہ خاق ایدر ونہ ایچون بویلہ اولدی دیہ جک یوقدر .

..

واجب تعالیٰ قدرتنک کجانی بیاندن صوکرہ رحمت الہیہ سنک شمولی بیان ایتک  
اوزرہ ﴿ مَا يَفْتَحُ اللَّهُ لِلنَّاسِ مِنْ رَحْمَةٍ فَلَا مُمْسِكَ لَهَا وَمَا يُمْسِكُ فَلَا مُرْسِلَ لَهُ  
مِنْ بَعْدِهِ ﴾ بیوریور .

[ اللہ تعالیٰ نک ناس ایچون آچش اولدیغنی رحمت قاپولری ہیچ بر کیمسہ قاپاوب  
رحمتی طوتاماز واللہک منع ایتدیکی شئی دہ الہدن صکرہ ہیچ بر کیمسہ ناسہ آنی  
کوندرہ مز . ]



یعنی ؛ احوال عبادی تدبیر ایدن الله تعالى نك انسانلره آچمش اولدینی فضل واحسان قابولرینی قاپایاجق هیچ برکیمسه یوقدر . بناء علیه ؛ الله تعالى ایسته دیکی قولنه نبوت ورسالت ، صحت وعافیت و بول نعمتلر ویرر هیچ برکیمسه ممانعت ایدمهز واللهمک ویردیکی نعمتی طوتاماز و كذلك الله تعالى قهری و غضبی ایجابی بر قومدن ویا بر شخصدن منع ایتمش اولدینی شیئی اللهمک منعندن صوکره هیچ برکیمسه او قومه ویا شخصه آنی کوندروب ویره مز . بناء علیه ؛ الله تعالى قوللرینه ویرمک ایسته دیکی شیئه هیچ برکیمسه مانع اولامادینی کی ویرمه مک ایسته دیکی شیئی ده کیمسه ویره مز .

بو آیتک سری عالمده هر ساعت مشاهده اولونمقده در . مثلاً برکیمسه یه برچوق اولاد ویرر ، دیکرینه بردانه بیله ویرمز ونه ایچون ویرمک دینه بولونماز و بعض کیمسه یه برچوق مال ویرر ، دیکرینی برلقمه اکمکدن محروم ایدر و قحط سنه لرده انسانلرک کوزلری سماده قالیر بر دامله یا غمور دامله سنی دوشورمکه هیچ برکیمسه مقتدر اولاماز و سائر خصوصاتده دخی حال بویله در .

خلاصه ، اللهمک قوللرینه ویردیکنه مانع اولاجق و ویرمدیکنی آلندن آلاجق بولونمادینی بو آیتدن مستفاد اولان فوائد جمله سندندر .

﴿ وَهُوَ الْعَزِيزُ الْحَكِيمُ ﴾

[ حالبوکه الله تعالى هر کسه غالب و افعالی حکمته موافقدر . ]

یعنی ؛ اللهمک ویردیکنی آلق و آلدینی ویرمک هیچ کیمسه نك حدی دکلدرد . چونکه ؛ الله تعالى مرادینه غالب اولوب منازعه ایتک کیمسه نك قدرتی تحنده دکلدرد . بناء علیه ؛ ایسته دیکی شیئی ایسته دیکی قولنه ویرر و مقابله ایدمهزک برکیمسه بولونماز و بعض قولنه ویرمسی ایسته مدیکی شیئی ویرمز . زیرا ؛ امرنده غالب و حکمتنه موافق اولان شی او قولنه ویرمه مکدر . چونکه ؛ جمله ذرات جهان آنک قولى و مخلوق اولدینی جهته اعتراضه هیچ بر فردنده اقتدار یوقدر . زیرا اعتراض ؛ قوته محتاج اولدیفندن کیمده قوت وارکه اعتراض ایدمه بیلسون . البته هیچ برکیمسه اعتراض اقتدارینی و صلاحیتی حائز دکلدرد .

..

واجب تعالى مخلوقاتى ايجادی و کوکلرده ویرده تصرفی وذات الوهیتک حمده استحقاقی بیاندنصکره قوللرینه ویرمش اولدینی نعمتلرک شکرینی ادا ایتلرینی امر ایتک اوزره ﴿ يَا أَيُّهَا النَّاسُ اذْكُرُوا نِعْمَتَ اللَّهِ عَلَيْكُمْ ﴾ بیوریور .

[ ای ناس ! اللهمک سزک اوزریکیزده اولان نعمتلرینی ذکر ایدک که شکرینی ادا ایتمش اولاسکمز . ]

﴿ هَلْ مِنْ خَالِقٍ غَيْرُ اللَّهِ يَرْزُقُكُمْ مِنَ السَّمَاءِ وَالْأَرْضِ ﴾

[ یردن و کوکلدن سزی مرزوق ایدمهزک اللهمک غیری بر خالق وارمیدر ؟ ]

﴿ لَا إِلَهَ إِلَّا هُوَ ﴾

[ معبود بالحق اولمادی ، آنجق الله تعالى اولدی . ]

﴿ فَأَنَّى تُؤْفَكُونَ ﴾

[ اللهمک غیری معبود بالحق اولما ییجه نه عجایب افک وافتزاده بولونارق توحیدی شرکه تبدیل ایدیورسکمز ؟ ]

یعنی ؛ ای غفلت هر طرفلرینی احاطه ایتمش اولان انسانلر ! سزک اوزریکیزه اللهمک احسان ایتمش اولدینی نعمتلرینی تذکر ایدک و نعمتک حقنی ادا ایتمهزک منع اولان واجب تعالى یه شکر ایدک که نعمتکیزی زیاده ایتسون و کمال دقتله دوشونک که یرده و کوکلده سزی مرزوق ایدمهزک اللهمک غیری بر خالق وارمیدر که آکا شکر ایدمهزک ؟ البته یوقدر . زیرا ؛ معبود بالحق اولمادی ، الا الله تعالى اولدی . چونکه ؛ هر کسک احتیاجنی دفع ایدن وامور مهمه لرده مرجع اولان و بوتون حوادثک و کائناتک خالق اودر . بناء علیه ؛ قوللرینک شکرینه آنک غیری مستحق یوقدر . حال بویله اولونجه ای مشرکلر ! نه عجایب افترا ایدمهزک اللهمک شرک ایدرسکمز و نصل اولیورکه وحدانیتک دلیللری میدانده ایکن توحیدی تشریکه تبدیل ایله افترا ایدیورسکمز ؟ مدارکده بیان اولوندیفنه نظراً جناب حقک انسانلره ویردیکی نعمتلری صایلماز



وتوکنمز ایسه ده بومقامده ذکرله امر ایتمدیکی نعمتله؛ سورده نکل اولندن بورایه کلنجیه قدر بیان و اشارت اولونان ارضک انسانلرک آیانلری آنزده ایتمدیکی استقامتله و سحرله بولونمسی و سحرلرک برکسز قه کبی اوزرلرله بولونوب رزقلرلرک امباری آنزده فیصه اولونمسی و طوغرد بولی کونزده و عی کسیرلرک اجموره ماکلرک رسول قبلنمسی و انسانلری ارشاد اجموره انسانلرده رسول کونزده و سحرده رزق قابولرلرک آمیلنمسی کبی نعمتلرور . بونعمتلری ذکرله امر ایتمک؛ تذکرک نتیجه سی اولان شکرله امر ایتمکدر . یعنی « ذکر ایدک » دیمک « شکر ایدک » دیمکدر . شو صاییلان نعمتلردن ده بویوکی منم اولان ذاتک بر اولمسیدر . چونکه ؛ منم بر اولونجه ویردیکی نعمتک شکری یالکیز اوبر ذاته اولمسنده البته قوللر ایچون قولایلق واردر .

خلاصه؛ اللهک ویردیکی نعمتلری ذکرله شکرینی ادا ایتمک واجب اولدینی ویردن و کوکدن حاصل اولاجق رزقله انسانلری مرزوق ایدک اللهک غیری بر خالق اولمادینی و معبود بالحق آنجق الله تعالی اولوب آنک غیری عبادته مستحق بر کیسه نکل بولونمادینی کرک رزق ویرمکده و کرک عبادتده اللهک غیری بی اهل طانیسانلرک عجیب بر افتراده بولونقلری بو آیتدن مستفاد اولان فوائد جمله سنددر .

\*\*

واجب تعالی توحیده متعلق مسائلی بیاندن صوکره رسالته متعلق مسائلی بیان ایتمک اوزره ﴿وَإِنْ يُكَذِّبُوكَ فَقَدْ كَذَّبَتْ رُسُلٌ مِنْ قَبْلِكَ﴾ بیوریور .  
[یا اکرم الرسل! اکر معند مشرکلر سنی تکذیب ایدرلرله سن محزون اولما . زیرا؛ سندن اول برچوق رسل عظام امتلری طرفندن تکذیب اولونیدیلر .]

﴿وَالِلّٰهِ تُرْجَعُ الْأُمُورُ﴾

[حالبوکه تصدیق و تکذیب و صبر و اذی کبی امورک کلیسی آنجق اللهه راجعدر .

اللهک غیری و سائله و اسباب عادیه راجع اولماز . [شو حالده تکذیب ایدنلردن الله تعالی انتقامنی الیر .

یعنی؛ حبیم! سن قومی حقه دعوت ایتدکرن و آنلره حق کوستردکدن صوکره اکر آنلر سنی تکذیب ایدرلرله سن آنلرک تکذیبندن محزون اولما . زیرا؛ سندن اول آیات باهره و معجزات قاطعه صاحبی و صبر و متانتلری زیاده برچوق رسل کرام امتلری طرفندن تکذیب اولونیدیلر و اذی کوردیلر و تکذیبیه و اذایه صبر و متانتله مقابله ایتدیلر . سنکده آنلر کبی صبر و متانت ایتمک لازمدر . زیرا؛ جمله امورک مرجعی آنجق الله تعالی در . بناء علیه؛ کرک آنلرک تکذیبیلرینک و کرک سنک صبر و متانتک جمله سنک جزاسنی ویره جک و ظالملردن انتقامنی آلاچق اودر . شو حالده کافرلرک تکذیبیلرینه محزون اولمقده فائده یوقدر . زیرا؛ آنلر جزای سزایرینی کوره جکلردر .

\*\*

واجب تعالی توحیده و رسالته متعلق مسائله ارشاددن صوکره احوال آخرته متعلق مسائلی بیان ایتمک اوزره ﴿يَا أَيُّهَا النَّاسُ إِنَّ وَعْدَ اللَّهِ حَقٌّ فَلَا تَغُرَّنَّكُمُ الْحَيَاةُ الدُّنْيَا وَلَا يَغُرَّنَّكُمُ بِاللَّهِ الْغُرُورُ﴾ بیوریور .

[ای ناس! اللهک وعدی حقددر، خلاف اولماز . شو حالده سزی حیات دنیا و کبر و غرورله مشهور اولان شیطان اللهک لطفنه مغرور ایتمسون .] زیرا غرور؛ انسانی بلادن قورتارماز، بلکه بر طاقم بلا ایله مبتلی اولسته سبب اولور .

یعنی؛ ای نسیان دریاسنه طالمش و غرور و ایدرلرله حیران اولمش انسانلر! اللهک آخرتی و حشری و نشری و وعدی حقددر، اصلا خلف یوقدر، البته وعدا الهی وقوع یولاچقددر . وعدا الهی حق اولونجه حیات دنیانک لدتی سزی مغرور ایدوب آلداتماسون که آخرت عملکزدن کیری قالمایه سکز و اللهک لطف و احسانیه شیطان سزی مغرور ایدوب آلداتماسون که رحمت الهیه دن محروم اولیه سکز . بیضاوی و مدارکده بیان اولوندینی وجهله بو آیتده غرور ایله مراد؛ شیطانمه .



چونکه شیطان؛ علمنه و عمنه مغرور اولار و اطاعت الیه یفرده غیر ور دنیلمشدر. شیطانک انسانلری الهه مغرور ایتسی؛ «اللهم رحمتی بولدر و لطف و احسانی چوقدر و الله تعالی غنیدر و سزک عبادتکزه احتیاجی یوقدر. شو حالده سزک کناهلریکزک ضرری یوقدر، ایسته دیککزی ایشله یک. زیرا؛ الله تعالی مغفرت صاحبیدر و سزک عصیانکزک الهه بر ضرری یوق که الله تعالی معصیتکز سببیه سزه عذاب ایتسه. بولدر اولماز شیلر، دیمکه شیطان انسانلری اللهم لطفنده مغرور ایدرک آلداتیر. بناء علیه؛ الله تعالی شیطانک بو مثلواغفالاته آلدانما لری توصیه بیورمشدر. حیات دنیانک مغرور ایتسی؛ انسانک دنیا ماله اعتماد ایدرک طغیان ایتدیکی و ماله و دنیانک لذته آلدانارک ابناء جنسه ظلم و تعدی ایلدیکی علی الا کثر کوریلن احوالنددر.

خلاصه؛ کرک اموال دنیا و کرک شیطان انسانلری مغرور ایدوب آلدایچی شیلر اولدیغندن الله تعالی هر ایکسینک طوزاغنه طوتولما لرندن قوللری نهی ایتمشدر.

..

واجب تعالی غرورک آلدانما سندن قوللری نهی ایدنجه غرورک کیم اولدیغنی و نهینک سببی بیان ایتک اوزره ﴿إِنَّ الشَّيْطَانَ لَكُمْ عَدُوٌّ فَاتَّخِذُوهُ عَدُوًّا﴾ بیوریور. [ زیرا؛ شیطان سزک ایچون محقق بردشمندر. شو حالده سز آنی دشمن اتخاذایدک. ]

﴿إِنَّمَا يَدْعُوا حِزْبَهُ لِيَكُونُوا مِنْ أَصْحَابِ السَّعِيرِ﴾

[ چونکه؛ شیطان کندینه تابع اولان و سوزنی دیکله بن جماعتی اصحاب جهنمدن اولسونلر ایچون دعوت ایدر. ]

﴿الَّذِينَ كَفَرُوا لَهُمْ عَذَابٌ شَدِيدٌ﴾

[ شیطانک اغفالاته آلدانان اصحاب سعیر شول کیمسه لره آنلر کافر اولدیلر و کفرلرندن طولایی کندیلری ایچون شدتلی عذاب واردر. ]

یعنی؛ ای بنی آدم؛ شیطان سزک بابا کز آدم علیه السلام زماندنبری سزه قارشى عداوتی اعلان ایتش بر دشمنکزددر. بناء علیه؛ سزکده آنی دشمن اتخاذایدوب و سوسه سنه آلدانما مکز و سوزینه التفات ایتهمکز لازمدر. زیرا؛ شیطان نفسکزک آرزوسنه تشویقله سزی فتنه عظیمیه مبتلا قیلار. پدريکز آدمه نه کبی دسیسه لر یایدیغنی اونوتما یک که سزده طوزاغنه دوشمیه سکز. شیطان بر طاقم کناهلره جماعتی دعوت ایدر که آنلر اصحاب جهنمدن اولسونلر و عداوتنک نتیجه سنی آله ایتون و مفسدن مقصدی حاصل اولسون و شیطانه اتباع ایدرک کافر اولان کیمسه لر ایچون عذاب شدید واردر. زیرا کفرک جزاسی؛ شدتلی عذابدر.

فخر رازی و خازنک بیسانلری وجهله بو آیت؛ غرورک شیطان اولدیغنی تعریف و شیطانک عداوتی تقریر و اصحابی دعوتدن مقصد مفسدتى ایتضاح ایتمشدر. بر کیمسه نک خصمنه قارشى آلاجنی وضعیت دایما بصیرت اوزره بولونوب اغفالاندن حذر ایتک لازم اولدیغنی اشارتله شیطان قارشى انسانلرک آلاجنی وضعیت آنجق دشمن اتخاذایتک اولدیغنی جناب حق بو آیتله بیان ایتمشدر. چونکه انسانک خصمنه قارشى آلاجنی وضعیت؛ ایکیمر: برنجیسی؛ مضمرته مقابل ایدرک دایما مضمر طایفه و مضمرت ایتکمر. ایکنجیسی؛ بارشمره صورینه مضمرتنی ازاله ایتکمر. شیطانله باریشمق و دوست اولمق ممکن اولما دیغندن جناب حق دایما آنی دشمن اتخاذایتکله امر ایتمشدر. زیرا؛ شیطان نه قدر دوست کوروونه آنک غایه املی انسانلری آلوب جهنمه کوتورمکدر.

..

واجب تعالی کافرلر ایچون شدتلی جهنم عذابى اولدیغنی بیاندن صوکره شیطانک اغفالاته آلدانما یان مؤمنلر ایچون مغفرت و بویوک اجر اولدیغنی دخی بیان ایتک اوزره ﴿وَالَّذِينَ آمَنُوا وَعَمِلُوا الصَّالِحَاتِ لَهُمْ مَغْفِرَةٌ وَأَجْرٌ كَبِيرٌ﴾ بیوریور.

[ شول کیمسه لره آنلر ایمان ایتدیلر و عمل صالح ایشله دیلر. آنلر ایچون حسب البشیره کندیلرندن صادر اولان کناهلری مغفرت و ایمانله برابر عمارینه بویوک ثواب واردر. ]



بو آیتده مغفرت ایمانه مقابلهنده ذکر اولوندیغندن ایماندن اول ایشله دکلی  
کناهلرینک مغفرت اولونمسنه ایمانلرینک سبب اولاجغنه اشارت اولونمشدر . بناء علیه؛  
مؤمنک مخلد فی النار اولیه جغنه بو آیت دلالت ایدر . اجر کبیر ؛ عمل مقابلهنده ذکر  
اولوندیغندن عمل صالح ایشله یئرلرک اجرلری ضایع اولیه جغنه اشارت اولونمشدر که شیطانک  
اغفالاتنه آلدانلرک جزالری اولان شدتلی عذابه مقابل امر شیطانم مخالفت ایدن اهل  
ایمانک اجر کبیره نائل اولاجق لرینی بیانله جناب حق تطایف بیورمشدر . بناء علیه ؛  
بو آیت انسانلر ایچون نجات یوللرینک ایمانله عمل صالح اولدیغنی و شدتلی عذابه دوچار  
اولقلغکده ایمانله عملی ترک ایتک اولدیغنی بیانله اهل ایمانی عمل صالحه ترغیب و اهل ضلالی  
ایمانه تشویق و کفردن تنفیر ایتمشدر . چونکه ایمانک مغفرت و کفرک عذابه سبب اولدیغنی  
بیان ایتک ؛ « کفری ترکله ایمان ایدک ، مغفرت نائل اولک » دیمکدر .

..

واجب تعالی کفرک جزاسی عقوبت و ایمانک جزاسی مغفرت اولدیغنی بیاندن صوکر  
کافرله مؤمنک مرتبهده مساوی اولماق لرینی بیان ایتک اوزره ﴿ أَفَنُزِّنْ لَهُ سُوءَ  
عَمَلِهِ فَرَآهُ حَسَنًا ﴾ بیوریور .

[ برکیمسه زعم فاسدنجه نفسنده تحیل ایدرده شول کیمسه که شیطان طرفندن کوتو  
عملی کندینه تزیین اولوندی ده کوتو عملی شیطانک تزیینی سببیه کوزل کوردی . بویه  
اولان کیمسه نفس الامرده عملی کوزل اولان کیمسه به مساوی اولورمی و ایکیمی مرتبهده  
واجر جزیل المقدده برابر اولابیلر می ؟ ] حاشا هیچ بر زمان عملی چیرکین اولوبده  
شیطانک تزیینیه عملی کوزل ظن ایدن ایله حقیقتده عملی کوزل اولان مساوی اولاماز .  
بلکه بینلرنده فرق عظیم واردر . چونکه ؛ برینک عاقبتی جنت دیکرینک عاقبتی جهنمدر .

﴿ فَإِنَّ اللَّهَ يُضِلُّ مَنْ يَشَاءُ وَيَهْدِي مَنْ يَشَاءُ ﴾

[ زیرا ؛ الله تعالی دیله دیکی قولنی اضلال ایدر . ] چونکه ؛ اراده سنی ضلالته صرف

ایتدیکندن جناب حق قهری ایجابی آنی اضلال ایدر [ و دیله دیکی قولنی هدایتده قیلار . ]  
چونکه او قول اراده سنی هدایته صرف ایتدیکندن جناب حق آکا هدایتنی توفیق ایدر .

﴿ فَلَا تَذْهَبْ نَفْسُكَ عَلَيْهِمْ حَسْرَاتٍ ﴾

[ هدایت وضالاتی قولنک کسبیه الله تعالی خلق ایدنجه حیم ؛ آنلرک حاللرینه  
تأسف و متحسر اولدیغک حالدده نفسکی اهلاک ایتمه و آنلرک ضلالتندن حزن اوزره حزن  
و کدر اوزره کدرده بولنماکه نفسک آنلرله برابر کیتمسون . ]

﴿ إِنَّ اللَّهَ عَلِيمٌ بِمَا يَصْنَعُونَ ﴾

[ زیرا ؛ الله تعالی آنلرک نه ایشله دک لرینی بیلدیکندن هر نه قدر شیطانک تزیینیه آنلر  
عمللرینی کوزل کورورلر سده کوتو عمللرینک مقتضاسیه جزا و یرر . ] بناء علیه ؛ آنلرک  
ضلالتلرینه تأسفه نفسکی مشقته قویما .

خازنک بیانی وجهله آیتده مقدر واردر و تقدیری شویله در : ( افن زین له سوء  
عمله فرآ لباطل حقاً کمن هداه الله فرأى الحق حقاً والباطل باطلاً ) یعنی « سوء عملی  
کندینه تزیین اولونوبده باطلی حق کورن کیمسه شول کیمسه کی اولور ظن ایدر می که  
او کیمسه بی الله تعالی هدایتده قیلدی ؛ بناء علیه ؛ او کیمسه حتی حق و باطلی باطل کورور ،  
ایکیسی مساوی اولور ظن ایدر سه بوظی یا کلش » دیمکدر .

بو آیتک ( ابو جهل ) و امثالی مشرکله حقنده نازل اولدیغنی ( ابن عباس ) حضرتلرندن  
مرویدر . چونکه ؛ مشرکله شیطان عمللرینی تزیین ایتدیکندن آنلر دایما باطلی حق  
وایی عمل ایشله یئرلرک کندیلرینی داهایی کورورلر و باطل عمللرله ده افتخار ایدرلر دی .  
آیت ؛ هوا و هوسنه اتباع ایدوب شیطانک اغفالاتنه آلدانارک کوتو عملی ای ظن ایدن  
هر کیمسه به شاملدر .

﴿ فَلَا تَذْهَبْ نَفْسُكَ ﴾ یعنی آنلرک کفرلرینه و هوسلرینه مغموم و محزون اولما  
دیمکدر . حسرت ؛ کیمسه اولاده ییغه شدنه هزنه ایتیمکدر . بناء علیه ؛ آنلر اوزرینه  
شدت حزنله نفسکی اهلاک ایتمه » دیمکدر .

رسول اللهک آنلرک افعال قیجهرلری اوزرینه تأسفنک کثرته اشارت ایچون جمع



صورتنده (حسرات) وارد اولدیفی قاضینک جمله بیاناتنددر. (حسرات) نهیک علی اولدیفنه نظراً معنای نظم: [آنلر اوزرینه کثرت حزنکدن دولای نفسک کیتسون یعنی نفسک ضایع اولماسون] دیمکدر.

..

واجب تعالی نفس الامرده عملی کوزل اولان کیمسه ایله عملی فنا اولان کیمسه نک مساوی اولیه جغنی و قوللرینک اراده سنه کوره ضلالتی و هدایتی خلق ایتدیکنی بیان و اهل کفرک حاله شدتله حزن ایتمه سنی رسولنه توصیه ایتدکدنصکره وحدانیتنه دلالت ایدن دلایلری بیان ایتک اوزره ﴿وَاللّٰهُ الَّذِيْ اَرْسَلَ الرِّياْحَ فَتَنْثِيْرُ سَحَابًا فَسُقْنَاهُ اِلٰى بَلَدٍ مَّيِّتٍ فَاخْيَيْنَا بِهٖ الْاَرْضَ بَعْدَ مَوْتِهَا كَذٰلِكَ النُّشُوْرُ﴾ بیوریور.

[الله تعالی شول ذات اجل واعلادرکه او ذات لطیف روز کارلری کوندرد. او روز کارلر بلوطلری تحریک ایدر، یاغموره احتیاجی اولان بلدهیه آلیر کوتورر. بز او بلوطی اولمش جسد منزلنده اوتلری قورومش بر بلدهیه سوق ایدرز. بناء علیه؛ او بلوطدن دوکولن یاغمورصولری ایله اولمش ارضی اولدکدنصکره بز احیا ایدرز. ایشته شوقورومش ارضی احیا ایتدیکنز کی اولمش جسدلری دخی قیرلندن قالدیرر احیا ایدرز.]

یعنی؛ الله تعالی لطف و کرمدن روز کارلری کوندرد، او روز کارلر بلوطلری تحریک ایدرک بریره جمع ایدر. بز او بلوطی اولمش میت مثابه سنده قورومش واصله رونقی قالماش بلدهیه سوق و او بلوطدن یاغان یاغمور سبیلله اولدکدن صوکره قورومش تارالری احیا ایدرز. ایشته قورومش ارضی احیا ایتدیکنز کی بز رحمت الهیه من ایجابی بلوطه بکزه بن عنایتمزدن ماء حیاتی قورومش وچورومش اولان اجزادن طویلانش جسدلر اوزرینه یاغدیورر وآنسکله طبقی اولمش اراضیلری احیا ایتدیکنز کی اوجسدلری ده احیا ایدر محشره کوندیررز.

تفسیر خازنده بیان اولوندیجی وجهله اصحابدن بر ذات «یار-ول الله! الله تعالی موتایی نصل دیربلیتر، علامتی نه در؟» دینجه رسول الله «سن اوتی قورومش بروادی تصادف

ایدوب یاغمور یاغدنصکره سن او وادی نی یاشارمش وحرکته کلش کورمز میسک؟ بیورنجه او کیمسه نک «اوت! یار رسول الله» دیمسی اوزرینه رسول الله «ایشته اللهک موتایی احیاسنه علامت بودر» بیورمشلردرکه قیامتده انسانلرک حیات بولاجفته الک بویوک دلیل بو دیمکدر. بناء علیه؛ آیتک نهاییه سنده جناب حق بومعنايه اشارت ایجون (کذلک النشور) بیورمشدر. چونکه بو آیتده نشور؛ امواتک قیرلنده قالمی معنایه در.

بوآیتده موتاتک احیاسنی قورومش ارضک احیاسنه تشبیهده برقاج وجهله حشره دلالت واردرد. چونکه؛ ارضک کندینه مناسب حیاتی قبول ایتمی انسانک جسدینک دم کندینه لایق حیاتی قبول ایده چکنه دلالت ایتدیکی کی بلوط پارچه لرینک روزکارله تجمع ایتمی انسانک چورومش وطاقلمش اجزایرینک ده قدرت الهیه ایله تجمع ایده چکنه دخی دلالت ایدر. کذلک روز کارک بلوطلری اولمش بلده اوزرینه تحریکله یاغمور یاغوب اولده احیا اولوندیجی کی روحله برابر حیاتک اولمش بدنه سوقله اوبدنک احیا اولونا جفته دخی دلالت ایدر.

..

واجب تعالی احوال آخرته اشارتدن صوکره کافرلرک ایمانه مانع اولان سبب کندیلرنده توهم ایتدکری علویت اولوب حالبوکه عزت وعلویتک الله مخصوص اولدیفی بیان ایتک اوزره ﴿مَنْ كَانَ يُرِیدُ الْعِزَّةَ فَلِلّٰهِ الْعِزَّةُ جَمِیْعًا﴾ بیوریور.

[ا کر بر کیمسه بویوکک و قدرت و غلبه ایسترسه اللهدن ایسته سون. زیرا؛ غلبه ذاتیه و سلطنت اصلیه نک جمیعسی الله مخصوصدر.]

یعنی؛ ای مشرک! سز پوتلره عبادتله قوتی و غلبه نی پوتلردن آلق ایسترسکز وکندیکز بر کیمسه نک تحت اطاعتنده بولونمادیغکزدن نفسکز ده تحیل ایتدیکنز علویت ایمانکزه مانع اولیور. حالبوکه بواعتقادکز باطلدر. چونکه؛ سزک عبادت ایدوب قوت بکله دیککز پوتلرک جمله سی عاجزدر. عاجزدن عزت بکله ملک ایسه البت باطلدر. بناء علیه؛ ا کر بر کیمسه بویوکک و علویت ایسترسه اللهدن ایسته سون. زیرا؛ عزتک جمیعسی اللهکدر. شو حلاله عزت آریان اللهک عزتنه التجا ایتسون که الله تعالی ایسترسه خلاصة البیان: اون ایکنجی جلد - ۹۲



آنی عزیز قیلسون . اکر اللهک غیری دن عزت ایسترسه ذلیل اولور . چونکه ؛ اللهک  
غیری به اعتماد ایدنلری الله تعالی ذلیل قیلار واللهک ذلیل قیلدیغنی عزیز قیلاجق برکیمسه  
یوقدر واولاماز .

..

واجب تعالی عزتک جمیعسی اللهک اولدیغنی بیاندن صوکره عزتک اللهه مخصوص  
اولدیغنی اثبات ایتک اوزره ﴿ إِلَيْهِ يَصْعَدُ الْكَلِمُ الطَّيِّبُ وَالْعَمَلُ الصَّالِحُ يَرْفَعُهُ ﴾  
بیوریور .

[ کوزل کلهلر آنجق اللهک حضور معنویسنه ترقی ایدر وقولنک عملنی الله تعالی  
درکاه الوهیتنه قالدیرر . ]  
یعنی ؛ ذکر الله وکلمه توحید کبی عندالله مقبول اولان کلهلر درکاه الوهیتنه ترقی ایدر  
واخلاصه مقارن اولان عملنی الله تعالی جانب الوهیتنه رفع ایدر .

فخر رازی وخازنک بیانلری وجهله بو آیتده کلمه طیبه ایله مراد ؛ کلمه توحید و سائر  
ازله اتره در . منی انسانلر آره منده موبینه کوزل سوزلر و نصیحتلر و علوم دینییه دار  
مباحثلر و اطالع عندالله مقبول اولانه هر سوره شاملدر . صعود ایله مراد ؛ جناب مقابله  
او کلمه نیک اعمرو علیه جیمه سمیر . بوکا نظراً معنای نظم : [ کوزل کلهلر اللهک قبولیله  
اعلاء علیه و آنجق حضور معنوی الهی به کیدرلر ] دیمکدر . یاخود صعودک معنای ؛  
ملکک عمل و قتریه صعود اتملر . چونکه ؛ قوللرک اعمالنه مؤکل اولان ملکک  
آقشام و صبح خیر و شر اعمالی دقتیله برابر کوتورورلر ، آنجق جانب سمایه صعود ایدن ، قوللرک  
اعمال خیریهلری اولدیغنه اشارت ایچون صعود ایدن کلمه نی طیب ایله توصیف ایتشددر .  
کذلک عمل صالحک رفعی ایله مراد ؛ اللهک قبول اتملر . شو قدرکه ( رفع )  
کلمه سنک فاعلی الله تعالی اولدیغنه نظراً معنای نظم : [ الله تعالی عمل صالحی قبول ایدر ]  
دیمک اولور واکر ( رفع ) کلمه سنک فاعلی کلم طیب اولورسه او حالده نظر معنای نظم :

[ کلمه طیبه عمل صالحی درکاه الوهیتنه رفع ایدر ] دیمکدر . چونکه کلمه طیبه ؛ کلمه توحید  
اولدیغنه نظراً هر عملک قبولنه مدار استناد ایمان اولدیغنی جهته کلمه توحید عملک درکاه  
الوهیتنه رفعنه سبب اولور . زیرا ؛ ایمان اولمادیقه هیچ بر عمل قبول اولونماز که رفع  
اولونسون . بناء علیه ؛ عمل صالح بارکاه الوهیتنه قالدیره جق کلمه توحیددر . شو حالده  
کلمه توحید اللهه قریبته وسیله اولدیغندن کلمه توحیده مقارن اولان اعمال قبوله قرین  
اولور و اعمالک قبولنده یالکیز ایمان کافی اولمایوب اخلاص دخی لازم اولدیغنه اشارت  
ایچون جناب حق عملی صالح اولسیله توصیف ایتشددر . چونکه عملده صلاح ؛ اخلاصه  
متوقفدر . بناء علیه ؛ اخلاصه ایشله نیلمه یمن عمل مردوددر . شو حالده بارکاه احدیته  
رفع اولونان و عندالله مقبول اولان عمل ؛ اهل توحیدک اخلاصه مقارن اولان عمللریدر .  
ذکر اللهک ده عمل صالحه مقارن اولسی لازم اولدیغنی حتی عمل صالحی بولونمایان کیمسه نیک  
ذکری رد اولوناجنی ( ابن عباس ) حضرتلرندن مرویدر .

..

واجب تعالی عزتک کنذینه مخصوص اولدیغنی وکلمات طیبه نیک جانب الوهیتنه صعود  
ایتدیکنی بیاندن صوکره حیلله ایله سیئات ارتکاب ایدنلره شدتلی عذاب اولاجغنی بیان  
ایتمک اوزره ﴿ وَالَّذِينَ يَمْكُرُونَ السَّيِّئَاتِ لَهُمْ عَذَابٌ شَدِيدٌ وَمَكْرُ أُولَئِكَ  
هُوَ يَبُورُ ﴾ بیوریور .

[ شول کیمسه لرکه آنلر حیلله ایله کناهلر ایشلرلر ، آنلر ایچون آنجق شدتلی عذاب  
وارددر . ایشته شو حیلله ایله سیئات ایشله یئرلرک حیلله لر هلاک اولور نافذ اولماز .  
بناء علیه ؛ امکلری ضایع اولور فائده سی کورمزلر . ]

یعنی ؛ شول کیمسه لرکه برطاقم کناهلر ایشله مک ایچون حیلله یا بقیله مشغول اولورلر .  
سیئاتلرینه جزا اولارق آخرته آنلر ایچون شدتلی عذاب وارددر و بومثللو حیلله کارلرک  
حیلله لر اکثریتله باطل اولور وجود بولماز .



بيضاوي، خازن و مدارک بيانلری وجهله بو آيتده مکر ايدنلرله مراد؛ قريسه  
مشرکلى در. مکرلری ايله مراد؛ (دارالندوه) ده رسول الله هغه قتل و با نفي  
و با ضرر ميس ايتمک تقدرنه برينى ارتطاب ايتمک اوزره جريان ايمه مشاوره ليردر.  
چونکه؛ آنلر ايجون آخرتده شدتلى عذاب اولاجنى کي دنيا ده دخى امللرينه موفق  
اولامامشلردر. زيرا؛ حيله لری فاسد اولديغدن هلا که معروض قالمش نتیجه سنى  
کوره مه مشلردر. بناء عليه؛ مکه مشرکلى (دارالندوه) ده جريان ايدن مذا کره نك  
و ويريلن قرارک نتیجه سنى نائل اولامامشلردر. بو خصوصه دائر تفصيلات (سورة انفال) ده  
ذکر اولونمشدر [۱].

طبريده بيان اولونديغنه نظراً بو آيتده حيله ايله کناه ايشله ينلرله مراد؛ ربا ايله  
عمل ايمنه اولمى محتملدر. زيرا؛ آنلرک عمللرينى ربالرى ابطال ايتديکندن فائده سنى  
کورميه جکلردر. هر هانکي معنا مراد اولونورسه اولونسون آيت بالجمله حيله کارلرک حيله لری  
باطل اولديغنه دلالت ايدر. شو حالده کرک اشخاص، کرک اقوام آره سنده يکديکرينه  
قارشى باييلان حيله لر باطل و صاحبلى خائب و خاسردر. اوت؛ بعض حيله بدايه سنده  
بارلاق و نمره ويره جک کي کورونورسه ده عاقبت مضمحل اولديغى هر وقت کور و لمکده در.

..

واجب تعالى وحدانيته دلالت ايدن دلائل آفاهيمي بياندنصکره انسانلرک نفسنده  
اولان دلائلى بيان ايتمک اوزره ﴿وَاللّٰهُ خَلَقَكُمْ مِنْ تُرَابٍ ثُمَّ مِنْ نُّطْفَةٍ ثُمَّ جَعَلَكُمْ  
أَزْوَاجًا﴾ بيوريور.

[الله تعالى اولاً سزى طوپراقدن، صوکره نطفه دن خلق ايتدى. بوندنصکره  
سزى ارککلى ديشيلي زوجه لر قيلدى.]

يعنى؛ اى وحدانيتى انکار ايدن مشرکار! سزک حيله لريکسزک ضررى سزه

عائدد. زيرا سزک حيله لريکسزى الله تعالى بيلير وحيله کسزک ضررى سزه اعاده ايدر.  
چونکه؛ الله تعالى سزک بابا کسزى طوپراقدن خلق ايتمکه اساسکسزى طوپراقدن ايجاد  
ايتدى و طوپراقدن خلق ايتدکدنصکره ذريتنى نطفه دن ايجاد ايتدى و صکره سزى  
ارکک قادين اوله رق زوجه لر قيلدى که ارکک قادين يکديکرينه قربه ذريتكسز عالمده  
قالسون و تناسلک حصوليله انسانلر چوغالسون و وقت مرهونه قدر عالم معمور اولسون.  
چونکه؛ بو عالم مکوناتک معمور اولمى انسانلرک وجودينه موقوف اولديغدن انسانلرک  
قادين ارکک يکديکرينه ارتباطله اولادک استحصاله و حصول بولانلرک محافظه سنى اعتنا لازم  
اولمسه بناءً قانون الهى بو منوال اوزره جريان ايتمکه عالم انتظامنى محافظه ايتمکده در.

..

واجب تعالى قدرتى نقطه سندن وحدانيته دلالت ايدن دليلي بياندنصکره علمنک کالى  
بيان ايتمک اوزره ﴿وَمَا تَحْمِلُ مِنْ أُنْثَىٰ وَلَا تَضَعُ إِلَّا بِعِلْمِهِ﴾ بيوريور.

[بر خاتون حامل اولماز و حملنى وضع ايتمز، الا اللهک علميله حامل اولور و حملنى  
وضع ايدر.]

﴿وَمَا يُعَمِّرُ مِنْ مَّعْمَرٍ وَلَا يُنْقِصُ مِنْ عُمُرِهِ إِلَّا فِي كِتَابٍ﴾

[وهر معمر عمرينى ياشاماز و عمرندن نقصان اولماز، الا کرک عمرى و کرک عمرينک  
نقصانى جمله سى لوح محفوظ اسمنده کتابده يازيليدر.]

﴿إِنَّ ذَلِكَ عَلَى اللَّهِ يَسِيرٌ﴾

[ايشته اشو علمنک هر شئى احاطه سى و هر شئک لوح محفوظده يازيلي اولمى الله  
تعالى اوزرينه غایت قولايذر.] هر نه قدر بو کي شيلر انسانلر اوزرينه محال ايسده قدره الله  
نسبتله هيچ اهميتى بو قدر. چونکه؛ انسانلر کيجه لرينک و کوندوزلرينک و آيلرينک و هفته لرينک  
احوالنى و عددينى بيلمکدن عمرينى تماميله بيله مديکي کي نقصانى دخى بيلمزلر. بناءً عليه؛  
بوما فيوما عمرى نقصان اولور و لکن عمرندن نه مقدار نقصان اولدى و دنيا ده عمرى نه قدر  
قالدى بونلری بيله مز. حالوکه عمرينک صحيفه سنده و لوح محفوظده يازيليدر.



یا خور بیضاوینک بیانی وجهله عمرک زیاده و نقصان اولسی اسباب مختلفه ایله اولور. مثلا لوح محفوظده فلان کیمسه حج ایدرسه عمری آلتش واکر حج ایتمزه قرق سنه اولاجنی یازیلور. انجق بواسیابه نسبتله زیاده ویا نقصان اولسی قوللره نظر آدر؛ یوقسه علم الهی به نسبتله دکدر. چونکه؛ علم الهیده تبدل اولماز. بوآیتده کتاب ایله مراد؛ لوح محفوظ، یاخود هر انسانک عمرینه و اعماله مخصوص ازله دفتر و صحیفه و یاخود علم الهی اولق محتمل ایسه ده اوچنک جمعه عتاد اولمادیغندن مجموعی مراد اولونا بیلور. چونکه؛ علم الهی وجهله لوح محفوظده یازلدینی کبی لوح محفوظده یازلدینی وجهله دفترینه یازیلور و الحاصل انسانک نه قدر یاشادینی و مقدر اولان عمرندن نه قدر نقصان اولدینی کتابنده یازیلور. یعنی « نه قدرینی یاشادی ودها نه قدر یاشایاجنی کونیه و ساعی و دقیقه سیله یازیلی در، اودقیقه دن بر ثانیه بیله تقدم و تأخر ایتمز. البته اوآنده ختم انفاس ایدر، دیکنر.

..

واجب تعالی انسانک خلقتی و عمرندن زیاده و نقصان اولیه جغنی وجهله سنه علمی لاحق اولدینی بیادن صوکره مؤمنله کفرک مرتبه ده مساوی اولمادیغنی بر مثال ایله بیان ایتمک اوزره ﴿وَمَا يَسْتَوِي الْبَحْرَانِ هَذَا عَذْبٌ فُرَاتٌ سَائِغٌ شَرَابُهُ وَهَذَا مِلْحٌ أُجَاجٌ﴾ بیوریور.

[ ایکی دکر بر برینه مساوی اولماز. زیرا؛ ایکی دکردن شور بوسی غایت طاتلی ایچنلرک صوسزلغنی کسر و حرارتی آلیر و ایچیلیمی قولای و بوغازدن سهولته کچر و شودیکری آجی و طوزلودر. بناء علیه؛ صوسزلغنی آلاماز و مزاجی افساد ایدر و بوغازدن کوچ کچر و حرارتی زیاده ایدر. ] ایسته شوآیری آیری صفتری حائر اولان ایکی دکر مساوی اولمادیغنی کبی مؤمنله کافر مساوی اولماز. چونکه؛ بریسی نور ایمانله منور، دیکری ظلمت کفرله مظالم و کذلک بریسی ایمانی سبیلله عندالله مقبول، دیکری کفری سبیلله عندالله مردود اولدیغندن البته ایکیسی مرتبه ده مساوی اولماز.

بیضاوینک بیانی وجهله آیت؛ مؤمنی صوبی طاتلی و منفعتی هور ازله دکره

وکافری ده صوبی آجی دکره تشبیه صورتیله مؤمنله کافر حقنده ضرب منلدر. فرات؛ صوسزلغنی کسی صوره. سائغ؛ بوغازنده قولای کچنر. اجاج؛ طوزلودر بوغازی یا قانه و حرارتی تشبیه ایدر.

روح البیانده ذکر اولوندینی وجهله دکرلرک صولرینک آجی اولمسنده کی حکمت؛ تعفن ایتمکله انسانلری راحتسر ایتمه مسیدر. چونکه؛ طاتلی صو چوق دورونجه تعفن ایدر. شو حالده دکرلرک صوینک آجی اولسی واجب تعالی نک انسانلر حقنده بویوک برلطفیدر.

خلاصه؛ ایمان هر جهته منفعتدار و کفر هر جهته مضرتکار اولدیغندن ایکیسی مساوی اولمادیغنی کبی کفرله مؤمنکده مساوی اولمادیغنی بوآیتک فوادی جمله سنددر.

..

واجب تعالی مؤمنله کافری طاتلی و آجی صولره تشبیهن صوکره اهل کفرک آجی دکردن دهآشاغی اولدقیرینی بیان ایتمک اوزره ﴿وَمِنْ كُلِّ تَأْكُلُونَ لَحْمًا طَرِيًّا وَتَسْتَخْرِجُونَ حُلِيَّةً يَلْبَسُونَهَا﴾ بیوریور.

[ دکرلرک هرایکیسندن تازه ات یرسکز و کیه جک اینجو و مرجان کبی زینت چیقاریرسکز. ]

﴿وَتَرَى الْفُلْكَ فِيهِ مَوَازِرَ لَتَبْتَغُوا مِنْ فَضْلِهِ﴾

[ وسن دکرده کبی بی غایت شدتله و صوبی ایلری کیری یارمقله و برطاقم زحمتله یورور کورورسک که سز او کینک یورویوب قطع مسافه ایتمسילה اللهک فضلندن رزقکزی طلب ایدرسکز. ]

﴿وَلَعَلَّكُمْ تَشْكُرُونَ﴾

[ مأمول که سز بو نعمتله شکر ایدرسکز. ]

یعنی؛ کرک صوبی طاتلی و کرک آجی اولان دکرلرک هرایکیسندن تازه بالق اولایوب



آنلری بیک ممکن اولدینی کبی زینت ایچون اینجو، مرجان، یاقوت مثللو مجوهراتی ده دکرذن چیقاریر، آنلرله دخی زینتله نیروانتفاع ایدرسکوز سزک فضل الهیدن رزقکزی ایسته مکلککز ایچون صویه مشقت ویره رک کملرک دریاده یورو یوب قطع مسافه ایتدیکنی ده سن کورورسک که عالم تجارتده شایان شکران بر وسعت نائل اولورسک. بونلرک جمله سی سزک شکر ایتکزی ایچون اللهک سزه احسانیدر. بناء علیه؛ بونعمتله شکر ایتکزی لازمدر. ایسته بوآیتده واجب تعالی کافرلرک آجی دکرز صویندن دهآ آشغی اولدقیرنی بیان تمثیلی اکال ایتمشدر. چونکه؛ بوآیتده اوج وجهده دکرزده انتفاع اولونریغنی بیان بیورمشدر: برنجیسی؛ دکرزده انسانک اکلایوب تازده بالی آنک بیقه میسر. ایکنجیسی؛ کیمینک ایچونه زینت عائد مجوهراتک بیقه میسر. اوچنجیسی؛ کملرک دکرزده صریانه انسانلرک رزققرینی طلب ایتلمیر. ایسته دکرزک آجی صویندن بوقدر انتفاع اولونوب کافرذن ایسه اصلا منفعت اولمادیغنی جهتله کافرک دکرزک آجی صویندن دهآ آشغی اولدینی بیان اولونمشدر. دکرذن انتفاعک مراتبی بیانده اهمی مهم اوزرینه تقدیمه رعایت واردر. چونکه؛ انسانک هرشیدن اول حیاته خادم اولان اکدن بحث ایدلمشدر. زیرا اکل؛ حیاته خادم اولدیغندن جمله منافع اوزرینه مقدمدر. انسانک ایکنجی درجهده محتاج اولدینی لباس و تزینات اولدیغندن آیتده ایکنجی مرتبهده دکرذن چیقاریلان تزیناتدن بحث اولونمشدر. اوچنجی درجهده انسانلرک محتاج اولدینی بقای عالمه خادم اولان تجارتدن یعنی تجارتده خادم اولان کملرک سیر و سفرندن بحث اولونمشدر.

..

واجب تعالی انسانلرک منافعه خادم و وحدانیتله دلیل آخری بیان ضمنده ﴿يُؤَيِّجُ النَّيْلَ فِي النَّهَارِ وَيُؤَيِّجُ النَّهَارَ فِي اللَّيْلِ وَسَخَّرَ الشَّمْسَ وَالْقَمَرَ كُلٌّ يَجْرِي لِأَجَلٍ مُّسَمًّى﴾ بیوربیور

[الله تعالی کیجه بی کوندوزده ادخال ایدرو کوندوزی کیجه یه ادخال ایدر.] زیرا؛ کیجه ایله

کوندوزدن برینک ساعتی آخره درجه موقع جغرافیسنه کوره آتی ویا دهافضله ساعت کیجه بی کوندوزدن و آتی ویا دهافضله ساعتده کوندوزی کیجه دن زمانه کوره تدریج صورتیله زیاده قیلار [وکونشی و آبی مطیع و منقاد قیلدی که آنلرک ضیالردن و سائر منافعلردن انسانلر انتفاع ایدرو بونلردن هر برلری وقت معین اولان یوم قیامت قدر جریان ایدر.] ایسته بعض زمانده کیجه نک کوندوزدن و بعض زمانده کوندوزک کیجه دن آلاق برینک اوزایوب دیکرینک قیصالمسی جناب حقک واحد حقیق اولوب فاعل مختار اولدیغنه دلالت ایدن علامتلردندر.

﴿ذَلِكُمُ اللَّهُ رَبُّكُمْ﴾

[ایسته کیجه بی کوندوزده و کوندوزی کیجه یه ادخال ایدن الله تعالی سزک ربکزدر.] ای مشرکله! اللهک غیری اولارق سزک اسمنی چاغیردیغکز بوتلریکزی بونلردن هیچ برینه مالک دکلردر.

﴿لَهُ الْمُلْكُ﴾

[زیرا آنحق ملک؛ اللهکدر. اللهک غیری حقیقی بر ملک صاحبی بوقدر.]

﴿وَالَّذِينَ تَدْعُونَ مِنْ دُونِهِ مَا يَمْلِكُونَ مِنْ قِطْمِيرٍ﴾

[وشول شیلر که سز اللهک دوننده چاغیرر دعا و عبادت ایدرسکزی، آنلر آزیحق بر شیه بیله مالک دکلردر.] بناء علیه؛ آنلرک معبود اولغه استحقاقلری بوقدر.

مدارکده بیان اولوندیغنی وجهله قطمیر؛ بکروک اوزرینه دوشمه اولده اینجه بر زاردر که بوراده غایت آزلقده کنایه دره. (من) لفظی سیاق نفیده استفراجه ایچوندر. یعنی «الله تعالی هرشیئه مالک والوهیت صفتی جامع و معبود اتخاذه لایقدر، فقط سزک معبود اتخاذا ایتدیککز شیلر خرماچکردکنک اوزرینه دوشه نمش اولان اینجه زار قدر برشیئه بیله مالک دکلردر. شوحالده نصل اولیور که آنلری بوقدر عجزی ایله برابر معبود اتخاذا ایتمکدن حیا ایتیز و آنلری معبود طانیقله حماقتکزی میدانه قورسکزی، دیمکدر.

..



واجب تعالیٰ مشرکک مکبودلرینک هیچ برشینہ مالک اولمادقلرینی بیانله معبود اولمغه استحقاقلری اولمادیغنی بیاندن سوکره عابدلرینک دعالرینی بیله ایشیتمکه اقتدارلری اولمادیغنی بالیان عدم استحقاقلرینی بر قاندها میدانه قویق اوزره ﴿إِنْ تَدْعُوهُمْ لَا يَسْمَعُوا دُعَاءَكُمْ﴾ بیوریور.

[ای مشرکک! اگر سز آنلره چاغیرسه کز آنلر سزک چاغیرمکزی ایشیتمز لر.]

﴿وَلَوْ سَمِعُوا مَا اسْتَجَابُوا لَكُمْ﴾

[واکر فرض محال اولارق ایشیتمش اولسهر بیله سزه جواب ویره مز لر.]

﴿وَيَوْمَ الْقِيَمَةِ يَكْفُرُونَ بَشِرْ كَيْكُمْ﴾

[ویوم قیامتده آنلر سزک شرککزی انکار ایدر لر.]

﴿وَلَا يُنَبِّئُكَ مِثْلُ خَبِيرٍ﴾

[وحییم! هر شیشی بیان الله تعالیٰ نک خبری کبی هیچ برکیمسه سکا بونلری خبر ویرمز.]

یعنی؛ ای پوتلره عبادت ایدن کافر لر! سزمضطر اولدیغکمز زمانده پوتلریکمز چاغیرسه کز آنلر سزک باغیرمکزی ایشیتمز لر. چونکه ایشیتمکه لیاقلری یوقدر. فرض محال اولارق سزک اعتقاد باطلکمز وجهله ایشیتمش اولسهر سزک نیاز کزی قبول ایله سزه جواب ویره مز لر. چونکه؛ سویله مک اقتدارینی حائز اولمادقلرندن جوابه مقتدر دکلدرد. مع مافیه ای مشرکک! سزک پوتلریکمز یوم قیامتده سزک شرککزی انکار وسزه کفر ایدر لر وسزک افعالکمز راضی اولمادقلرینی بیانله برائت ایتک ایشتر لر. حییم! سکا حقیقت حالی خیر اولان الله تعالیٰ مثللو هیچ برکیمسه خبر ویره مز. چونکه؛ الله تعالیٰ نک علمی هر شیشی محیط اولدیغندن خبر ویردیکی شیلرک جمله سی عین حقیقتدر. بناء علیه؛ باشقه خبرلرک خبرلری کبی شبهه ایله قاریشیق دکلدرد.

بوآیت مشرککک «پوتلری ایشیتیر ومعاونت ایدر لر» دییه رک اعتقادلرینی ابطال ایله

آنلری اسکات ایشدر. چونکه؛ آنلر «الله تعالیٰ کورولمز وعیناً برشینى آکلاتمق ممکن دکلدرد. اما بزم پوتلریمز کوزیمزک اوکنده در. احتیاجزی عرض ایدر وایسته جکمز ایسترز» دیملکه پوتلری عبادته والتجایه دها الیق کورورلردی. جناب حق بوآیتله شو اعتقادلرینی ابطال ودنیاجه منفعتلری اولمادیغنی بیان ایتدیکی کبی آخرتده مضرتلری اولاجغنی دخی بیان ایشدر. لکن بو مضرت حسرت اوزره حسرتدر. چونکه؛ مشرکک پوتلردن شفاعت بکلرکن بونلری تکذیب ایدیورملری حزن اوزره حزن واسف اوزره اسفدن باشقه برشی دکلدرد. زیرا؛ منفعت بکله دکلری بردن مضرتک ظهوری بر حزن اولدیغنی کبی منفعتک فوت اولسی ده آریجه بر حزندر.

فخر رازینک بیانی وجهله بو خطاب؛ رسول الله اولدیغنی کبی خطابه شایان اولان هر فردده شاملدر. بوخبری اللهک غیری خبر ویرن اولمادیغنی سبی؛ حجر وشجر قییلندن اولان پوتلرک یوم قیامتده تکلم ایده جکلرینی باشقه سی خبر ویرسه جماداتک تکلمی محسوساتک خلاقی اولدیغندن اینانیاماز. زیرا؛ عقل ایله ادراک اولونور برشی دکلدرد. اما جناب حق خبر ویرنجه جماداته لسان ووروب سویله ته جکنه قدرتی تصدیق ایدن هرکیمسه اینانیر وآنلرک تکلم ایده جکلرینی الله تعالیٰ بیلیدیکنندن بو خبر آنحق آندن اولور؛ باشقه سندن اولاماز. بناء علیه؛ واجب تعالیٰ بو مثللو عقل ایله ادراک اولونامیه جق خبرلرک کندندن باشقه سی طرفندن خبر ویره میه جکفی وآنحق کندنی خبر ویره جکفی بیانله تصدیق لازم اولدیغنه اشارت ایشدر.

رسول اللهک کافرلری الله عبادته دعوتده اصرار ایتسی اوزرینه کافر لر رسول الله قارشو «الله تعالیٰ بزم عبادتمزه محتاج اولمیدرکه بوقدر اصرار ایدیورسک» دیملردی.

\*\*\*

واجب تعالیٰ مشرککک شو اعتقاد باطللرینی ردله بالعموم قوللرک عبادتلرندن وحد وئالرندن مستغنی اولدیغنی اعلان ایتک اوزره ﴿يَا أَيُّهَا النَّاسُ أَنْتُمُ الْفُقَرَاءُ إِلَى اللَّهِ وَاللَّهُ هُوَ الْغَنِيُّ الْحَمِيدُ﴾ بیوریور.



[ ای ] ناس ! سز الله تعالى به محتاجسکز والله تعالى هر کسدن غنی و ذاتنده محموددر .

یعنی ؛ ای اللهك عهدي اونیوتان ونعمتلرندن غفلت ایدن انسانلر ! سز ذاتکزده وصفاتکزده وهرشیده الله تعالى به محتاجسکز . زیرا ؛ الله تعالى سزی اولاً ایجاد و صوکره بر جوق نعمتلری ایله تلطف و تربیه و مبدأ و معادیکزی دوشونه بیله جک عقل احسان ایتدی . بناء علیه ؛ هر نفس و آدمکزده و هر ساعت و دقیقه کزده الله محتاج اولدیگکز میدانده ایکن نه ایچون شکری ادا ایتمزسکز . حالبوکه الله تعالى ذاتنده غنی اولوب هیچ بر کیمسه نک شکرینه و عبادته احتیاجی یوقدر . چونکه ؛ کالات الهیه بالفعل و بالذاتدر . بناء علیه احتیاج ؛ مخلوقک شانیدر ، خالقک شانی دکلدر . غنادخی الله مخصوصدر . زیرا ؛ انسانلرک اغنیاسنه غنای احسان ایدن و آجری دیویران و صوسزلری قانیدیران اودر . الله تعالى ذاتنده محموددر . بناء علیه ؛ قوللرینک حمد و ثناسنه احتیاجی یوقدر ، لکن قوللرینه و یرمش اولدینی نعمتلره مقابل قوللر ایچون دائماً حمد ایتک واجبدر . شوحالده حمدک واجب اولسی قوللرک احتیاجنه بناء در ، یوقسه جناب حقک احتیاجنه مبنی دکلدر . بیضاوینک بیانی وجهله ناسک فقر و احتیاجلرینک شدنه اشارت ایچون بو آیتده ( الفقراء ) لفظی کلام دلالت ایدن ادوات تعریف ایله وارد اولمشدر . چونکه ؛ انسانلر احتیاجلرینک شدنه بناء . کأن عین فقردر و سائر مخلوقاتک احتیاجی انسانه نسبتله اهمیتسز دیمک « معناسی مشعردر و نفس الامرده بو معنای مؤیددر . چونکه ؛ انسانک احتیاجی یوز بیک فرض اولونسه حیوانات سائرته نک احتیاجی بر فرض اولونمق لازمدر . مثلاً انسان هرشیدک خلاصه سنی آرامغه محتاج اولوب حیوانات ایه خلاصه ایسته من . کذلک انسان کسویه محتاج اولوب حیواناتده بو احتیاج یوقدر . مثلاً کسوده نک واکمکک محتاج اولدینی آلات و ادواتک و بونلرک ایجاب ایتدیردیکی صنعتک حد و پایانی یوقدر .

واجب تعالى مطلقاً غناسی بیاندن صوکره بالخاصه انسانلردن مستغنی اولدینی بیان

ایتمک اوزره ﴿ اِنْ يَشَأْ يُذْهِبْكُمْ وَيَأْتِ بِخَلْقٍ جَدِيدٍ ﴾ بیوریور .

[ اکر الله تعالى ایسترسه سزی کیده در یریکزه یکی بر خلق کتیرر . ]

﴿ وَمَا ذَلِكَ عَلَى اللَّهِ بِعَزِيزٍ ﴾

[ حالبوکه سزی یوق ایدوب یریکزه باشقه بر قوم کتیرمک الله تعالى اوزرینه مشکل برشی دکلدر . ]

یعنی ؛ ای عاصیلر ! اکر الله تعالى دیلرسه عصیانکزدن طولانی سزی بالکلیه اهلاکله کیده رو وجهله کزی خاک عدمه سروب کوندردکن صوکره یریکزه سزدن دها ای و مطیع بر قوم جدید کتیرر ، یاخود بو عالمی محو ایدر سزک بیلمه دیککز باشقه بر عالم و او عالمده کندینه اطاعت ایده جک باشقه بر مخلوق کتیرر . چونکه ؛ سزک وجود کزه اصلاً احتیاجی یوق بر غنی مطلقدر و سزی اهلاک ایدوب یریکزه باشقه بر قوم ایجاد ایتک الله تعالى اوزرینه کوچ برشی دکلدر و قدرت الهیه نظرأ بو انسانلری اعدامله یرلرینه بر مخلوق آخر کتیرمک غایت قولاید و عالمده بوکا امثالده جوق کچمش و کچمکده در و طغان ایدوب حدینی تجاوز ایدن جوق ملتلی اهلاکله یرلرینه قوم آخر ایجاد ایتدیکنی قرآنده بیان ایتدیکی کبی تاریخ دخی بوکا شاهددر . بناء علیه ؛ هرمت و اوملتک افرادی دائماً غضب الهیدن قورقو اوزره بولونمق لازم اولدینی کبی صلاحه طوغرو کیتمک دخی الزمدر .

..

واجب تعالى غنی اولدینی و خلقه احتیاجی اولمادینی بیاندن صکره انسانلردن هیچ برسی دیکرینک یوکنی کوتورمه جکنی بیان ایتک اوزره ﴿ وَلَا تَزِرُ وَازِرَةٌ وِزْرَ أُخْرَى ﴾ بیوریور .

[ هیچ بر نفس عاصیه آخر نفسک وزر و وبالنی کوتوره من . ]

﴿ وَإِنْ تَدْعُ مُثْقَلَةٌ إِلَىٰ جِئْلِهَا لَا يُحْمَلْ مِنْهُ شَيْءٌ وَلَوْ كَانَ ذَا قُرْبَىٰ ﴾

[ واکر آغیر کناهلری یوکه نمش اولان بر نفس یوکنک بر مقدارینی کوتورمک



ایچون آخر بر کیمسه بی چاغیرمش اولسه هیچ بر کیمسه طرفندن آنک یو کندن آز  
بر شی اولسون کوتورن اولماز ولوسه چاغیردینی کیمسه آنک اقرباسندن اولسون .

﴿ إِنَّمَا تُنذِرُ الَّذِينَ يَخْشَوْنَ رَبَّهُم بِالْغَيْبِ وَأَقَامُوا الصَّلَاةَ ﴾

[ حبییم ! سن آنجق شول کیمسه لری انذار ایدرسک که آنلر رب لری کورمدکری  
حاله رب لری نک عذابندن قورقار و نمازی اقامه ایدرلر . ] ایشته سنک انذارک خوف الهی  
اولانلره تأثیر ایدر باشقه لرینه تأثیر ایتمز .

﴿ وَمَنْ تَزَكَّى فَإِنَّمَا يَتَزَكَّى لِنَفْسِهِ ﴾

[ واکر بر کیمسه کناهلردن تمیزله نیرسه آنجق کندی نفسی ایچون تمیزله نیر . ]

﴿ وَإِلَى اللَّهِ الْمَصِيرُ ﴾

[ وهرایشلر جناب حقک حضور مغنویسنه راجع اولور . ]

یعنی ؛ الله تعالی نک کمال قدرتی و خلقدن استغناسنی بیلد کدن صوکره هر کسک کندی  
کناهندن حفظله عبادته سعی ایتسی لازمدر . زیرا ؛ کناه صاحبی بر نفس ، آخر بر نفسک  
کناهی کوتوره مز واکر کناهی کوتورمکه تحملی اولمایان آغیر یوکللی بر نفس ولو  
اقرباسندن اولسون یوکنک بر مقداری کوتورمک ایچون بر کیمسه بی چاغیرمش اولسه  
جواب ویره مز . زیرا ؛ آخرته هیچ بر کیمسه نک کناهی آخر بر کیمسه یوکلله نیر .  
حبییم ! سن شول کیمسه لری قورقوتورسک که آنلر رب لری نک عذابندن کورمدکری حاله  
قورقارلر . چونکه ؛ آنلر الله ایمان ایدوب غضبی تصدیق ایتدکلرندن عذاب الهی نک فحشه  
کلسندن حذر ایدرلر و وقتی کچیرمکسزین نماز لری ادا ایدرلر . چونکه ؛ نمازک کندی لری  
درگاه الوهیه یا قلاشدره جغنی بیلدکلرندن ارکانه رعایتله زماننده ادا ایدرلر واکر بر کیمسه  
کناهلردن تطهر ایدرسه کندی نفسنک منفعتی ایچون تطهر ایدر . زیرا ؛ هر شینک  
مرجعی جناب حقک حضور مغنویسیدر . بناء علیه ؛ نفسنی کناهندن تطهیرک فائده سنی  
بو دنیاده کورمه بیلله آخرته همه حال کوره جکدر . چونکه ؛ حضور الهیده هیچ  
برشی ضایع اولماز . شو حالده هر کس اعمالنک هر ذره سندن مسئول اولاجق خطا و صواب

البته اعمالنک جزاسنی بولاجقدر . هیچ بر شخص ، آخرک کناهندن مسئول اولماز . حتی  
نعمت الله افدینک بیانی وجهله بر کیمسه آخرک کناهندن بر مقداری کوتورمکه راضی  
اولسه بیلله کوتوره مز . زیرا عدالت الهیه ایجابی ؛ هر کس کناهی کندی کوتورمکدر .  
چونکه ؛ کناهنک بر مقداری کوتورمک او کناه مقداری معذب اولسنی ایجاب ایدر .  
حالبوکه بر کیمسه نک آخرک بدلتده معذب اولسنی عدالته منافیدر . اما دیکر آیتده بر کیمسه بی  
اضلال ایدن کیمسه هم کندی کناهی وهمده اضلال ایتدیکی کیمسه نک کناهنک مثلی  
یوکلله نه چکی بیان اولونمسی بو آیه منافی دکدر . چونکه او اضلال ایدن کیمسه نک کندی  
کناهی ایله برابر کوتوره چکی کناه ؛ اضلال ایتدیکی کیمسه نک کناهنک مثلی در . فقط  
او کوتوره چکی مقدار ، اضلاله مقابل کندی کناهیدر غیرک کناهی دکدر . شو حالده  
اصل کندی ضلالنک کناهی ایله برابر برده غیری اضلالنک کناهی کوتوره جکدر . بناء علیه ؛  
هر ایکسی ده کندی کناهیدر .

واجب تعالی بو آیتده انسانلری ؛ اوج و جهد کناهنه تنقیر ایتمده ؛ برنجیسی ؛  
هر شخصک کناهی کندی کوتوروب باشقه سنده اصله فائده اولمه جغنی پانه ایتسیدر  
و آخرتک بودنیاه قیاس اولونما سیدر . چونکه ؛ دنیاده بر کیمسه آخرک جرمی یوکلله بیلر .  
مثلا کندی جرمی آخره اسنادله محکوم ایتدیروب کندیسی سلامتده قالارق او آخرک  
بغیر حق تجزیه اولوندینی چوق کره واقعدر . اما آخرته بومثالو جزانک امکانی یوقدر .  
ایکنجیسی ؛ یوکی غایت آغیر و کوتوره مز برمالده اولوب کوتورمک ایچونه آغیر کیمسه بی  
یاغیرمه اولسه یاغیردینی کیمسه یوکنده بر ذره سنی بیلر کوتوره مز جگنی پانه ایتسیدر .  
حالبوکه دنیاده یوکنی کوتوره مزین و یولده قالانلره معاونت اولونور . آخرت ایسه  
بونک خلافتده اولدیغه آیت دلالت ایدر . او چنجیسی ؛ یوکنده بر مقدارینی کوتورمک  
ایچونه یاغیردینی کیمسه اقرباسنده اولسه دخی معاونت ایتمه جگنی پانه ایتسیدر .  
ایشته بونلرک جمله سی انسانک شدتله کناهندن احتراز ایتسنی ایجاب ایدر احوالندره .



واجب تعالى رسولك انذارى تأثير ايدن اهل ايماني بيانن صوكره اهل ايمانله  
كافرلى تمثيل ايمك اوزره ﴿وَمَا يَسْتَوِي الْأَعْمَىٰ وَالْبَصِيرُ﴾ وَلَا الظُّلُمَاتُ وَلَا النُّورُ \*  
وَلَا الظُّلُّ وَلَا الْحَرُّ ﴿يُورِيهِمُ﴾

[ كافرله مؤمن وكفرله ايمان وجنتله جهنم مساوى اولماز . ]

﴿وَمَا يَسْتَوِي الْأَحْيَاءُ وَلَا الْأَمْواتُ﴾

[ وعلماييله جهلا اصلا مساوى اولمازلر . ]

يعنى ؛ كافرله مؤمن مرتبهده مساوى اولمازلر . چونكه ؛ كافر حقى كورمه مكد  
اعمايه بگزره مؤمن ايسه حقى حقيقى كورمكد واتباع ايمكده كوزى كورن كيمسه يه  
بگزهديكندن ايكيى مساوى اولمازلر . كذلك كافر ك ظلمته بگزهدن كفريله مؤمنك  
نوره بگزهدن ايماني مساوى اولماز . چونكه ايمان ؛ حق وعنده الله مقبول وكفر ايسه  
باطل وعنده الله مردوددر و ايمانك محلى ونتيجه سى اولان جنتله كفر ك محلى ونتيجه سى  
اولان جهنم مساوى اولماز . زيرا جنت ؛ محل ثواب وراحتدر ، جهنم ايسه محل عذاب  
ومحتدر وكذلك ديريله بگزهدن علماييله اولولره بگزهدن جهلا مساوى اولمازلر .

..

واجب تعالى كافرله مؤمنك حاللرينى تمثيلدن صكره كافرلك سوز دويمامقدم  
اهل قبوره بگزهدكلى بيان ايمك اوزره ﴿إِنَّ اللَّهَ يُسْمِعُ مَن يَشَاءُ وَمَا أَنتَ بِمُسْمِعٍ  
مَّن فِي الْقُبُورِ﴾ بيوريور .

[ الله تعالى ديله ديكي قولنه آيتلرينى ايشيتديرر ، حالبوكه حبيبم ! سن قبرلرده بولونان  
كيمسه لره برشى ايشيتديره مزسك . ]

يعنى ؛ حبيبم ! الله تعالى اسلامه داخل اولانى واولمايانى بيلير . بناء عليه ؛ هدايته  
اراده سنى صرف ايدن قوللرينه آيتلرينى ايشيتديرر . واو كيمسه ده ايشيتديكي آيتلك موجبيله

عمل ايدر . اما يا اكرم الرسل ! سن اهل قبوره بگزهدن كافرله حقى ايشيتديرمك ايچون  
نه قدر سعى ايتسهك آنلره برشى طويوره مازسك . چونكه ؛ آنلر حقى قبوله اراده لريني  
صرف ايتزلر كه ايشيتسونلر . شوحالده آنلرده ايشيتمك قابليتلى اولمايغندن كلام نبويكى  
ايشيتمكه موفق اولمازلر . بناء عليه ؛ حبيبم ! آنلك سنك نصيحتكى ديكلمدكردن  
متأثر اولما . زيرا ؛ آنلك حقى ايشيتمكلى سنك تبليغه قصور كدن دكلدر ، بلكه  
آنلك كندى تمردلرنددر .

﴿إِن أَنْتَ إِلَّا نَذِيرٌ﴾

[ چونكه ؛ حبيبم ! سن اولماذك ، الا بزم طرفزدن آلايفك احكامله آنلرى  
قورقويچى اولدك . ] بناء عليه ؛ انذار ايتديك كيمسه لرده ايشيتمك قابليتى اولورده  
ايشيتلرله منفعتى كنديلرينه عأددر وقابليتى اولمايولده ايشيتمكلى مضر قى كنديلرينه  
عأددر .

..

واجب تعالى رسولك آنحق نذير اولديغنى بيانن صوكره رسولك انذارى كندى  
طرفندن ايجاد اولونما برشى اولمايول آنحق كندى طرف الهيدندن انذاره مأمور  
اولديغنى بيان ايمك اوزره ﴿إِنَّا أَرْسَلْنَاكَ بِالْحَقِّ بَشِيرًا وَنَذِيرًا﴾ بيوريور .

[ حبيبم ! محقق بزمى حقه مقارن اولارق ثوابله قوللر بزمى مزدله يچى وعذابه  
قورقويچى اولديغك حالده ارشاد ايچون كوندردك . ]

﴿وَإِنْ مِنْ أُمَّةٍ إِلَّا خَلَا فِيهَا نَذِيرٌ﴾

[ هيچ برامت اولماذى ، الا او امتده بر قورقويچى كچدى . ]

يعنى ؛ حبيبم ! بز لطف وكرمزدن واقع ونفس الامر موافق حقله عموم قوللر بزمى  
دعوت ايچون سنى كوندردك . سنك دعوتى اداده ايكي صفتك واركه برنجيسى ؛ عابدارلايه  
قوللر بزمى ثوابله بزميرر . ايكنجيسى ؛ ايمانده ر عبادتده استغفار ايمندى عذاب  
خلاصة البيان : اوزايكنجى جلد - ۱۳



بهره اندازد. بو وظیفه لری ایضا ایتک سکا منحصر دکلدرد. زیرا؛ ام سالفه دن هیچ بر امت اولمادی، الا آنلرده دخی عذاب الهی ایله بر انذار ایدیجی کجیدی. شو حالده نبوت دعواسنده بولونمق وانذار و تبشیرله مشغول اولمق سکا مخصوص بر شی اولمادیغندن کافرلرک سکا طنلری مجرد حمد و عاذلرندن ایلری کلدرد.

بیضاوینک بیانی وجهله نذیر، نبی اولدینی کبی او امتک عالمی دخی اولایلیر. شو حالده هر ملت ایچنده او ملته خیر او کود ویرر وحقه دعوت ایدر بر نبی ویاخود او امتک علماسی بولونور. بناء علیه؛ هیچ بر ملت خیرله نصیحت ایدلردن خالی قالمامشدر. زیرا؛ ایکی نبینک آره سنده اولکی نبینک شریعتی ایکنجی نبینک بعثته قدر تبلیغ ایده جک کیمسه لر بولوندیغندن ملتر هیچ بر زمان ارباب علم و نصیحتدن خالی قالمامشدر. بناء علیه؛ بوخصوصده هیچ بر کیمسه نك اعتداری مقبول دکلدرد.

﴿وَإِنْ يُكَذِّبُوكَ فَقَدْ كَذَّبَ الَّذِينَ مِنْ قَبْلِهِمْ﴾

[اگر حبییم! مشرکلسنی تکذیب ایدرلرسه آنلردن اول کچن ایتلرده کندیلرینه مبعوث اولان رسوللرینی تکذیب ایتدیلر.]

﴿جَاءَهُمْ رَسُولُهُمْ بِالْبَيِّنَاتِ وَالزُّبُرِ وَالْكِتَابِ الْمُنِيرِ﴾

[حالبوکه او رسولاری، آنلره آچیق معجزه لر و صحفلر و تورات و زبور و انجیل کبی اسرار توحیدی اظهار ایدر کتابلرله کلدیلر.] بویله بر طاقم قوتلی دلیللرله کان رسوللرینی اول کچن ملترک تکذیب ایتدکری کبی سنک امتکده سنی تکذیب ایدرلرسه محزون اولما. چونکه؛ امتک تکذیبی سکا مخصوص بر شی دکل که سن محزون اولاسک.

﴿ثُمَّ أَخَذْتُ الَّذِينَ كَفَرُوا فَكَيْفَ كَانَ نَكِيرِ﴾

[کافرلر رسوللرینی تکذیب ایتدکنصکره بن عظیم الشان کافر اولان کیمسه لری عذابه اخذ ایتدم. بن عذابه آنلری اخذ ایدنجه آنلرک افعال قبیحه لرینی انکارم نصل اولدی.] حبییم! سنک قومکده سنی تکذیب و کتابکی انکارده دوام ایدرلرسه

آنلرک افعالی انکارله مؤاخذه ایدرم. چونکه؛ حقندن اعراض و باطله اصرار ایدنلری اهلاک ایتک عادت قدیمه السهبه مزندرد.

اهل کفرک عذابه مؤاخذه اولونملرینه سبب کفرلری اولدینی بیلنسون و کفرله ذملری صراحة بیان اولونسون ایچون اسم ضمیر یرنده اسم موصول کلدرد چونکه؛ (اخذت الذین کفروا) یرنده (اخذتهم) کله معنا صحیح اولوردی. زیرا؛ ضمیرک مرجعی سبق ایتشدی، آنجق کفرلرینی تصریح و آنکله ذم حاصل اولمازدی. حالبوکه مقصود؛ کفرله ذم اولونوب عذابه سبب کفر اولدینی بیانه آنلری کفردن تنفیر ایتمکدر.

واجب تعالی وحدانیه ایمان ایتمینلرک مؤاخذه اولوندقلرینی بیاندن صوکره وحدانیتی دلیل آخرله اثبات ایتک اوزره ﴿أَلَمْ تَرَ أَنَّ اللَّهَ أَنْزَلَ مِنَ السَّمَاءِ مَاءً فَأَخْرَجْنَا بِهِ ثَمَرَاتٍ مُخْتَلِفًا أَلْوَانُهَا﴾ بیوریور.

[حبییم! سن کورمدکی الله تعالی سمان یاغور صولرینی انزال ایتدی؛ بناء علیه؛ بز او ص سبیلله رنکری مختلف میوه لر چیقاردق.] بونلرک جمله سی وحدانیه دلالت ایدر دلیللردر.

﴿وَمِنْ الْجِبَالِ جُدَدٌ بَيَضٌ وَحُمْرٌ مُخْتَلِفٌ أَلْوَانُهَا وَغَرَابِيبُ سُودٌ﴾

[طاغلرده بیاض، قرمز و سیاه مختلف رنکلرده یولار واردر.]

یعنی؛ یا اکرم الرسل! کورمدکی؛ البته سن کوردک و بیلدک که الله تعالی محقق رحمت صولرینی انزال ایتدی. بز او صولرله یر یوزنده رنکری بر برینه بکزه مز میوه لر ایجاد ایتدک و طاغلردن ده بیاض، قیرمزی و شدتله سیاه لونلری مختلف خطلر و دامارلر و یوللر خلق ایتدک که جمله سی قدرت کامله صاحبی بر فاعل مختار اولدیغمزه دلالت ایدر. چونکه؛ بر نوع صودن و عین طوپراقدن مختلف رنک و لذته میوه لر و حیوانات میدانه کتیرمک خالقک قدرت تامنه دلالت ایتدیکی کبی فاعل مختار اولدیغنه دخی دلالت ایدر. اکر حکمانک دیدکری کبی بونلر واجب تعالی دن بالایجاب صادر اولسه و یاخود طبیعونک



دیدکاری کی بومیوه لر و طاغیرده اولان یولار و دامارلر طبیعت اقتضاسی اولسه برنوع صوده و طوپراقده طبیعت عینی اولدیغندن یا لکیز برنوع میوه و طغیرده برنوع رنگ اوزره اولاق لازم کلیردی . حالبوکه انواع مختلفه حاصل اولیور . شوخالده بونلر فاعل مختارک اختیاریله اولدیغنه دلالت واضحه ایله دلالت ایدر . چونکه ؛ خالق فاعل مختار اولونجه ایستدیکنه ایستدیکنی رنگی و لذتی و یردیکنی کی اوفاجق قباق کوکندن اون بش اوقهلق قباق و جسم جویر آغاجندن اوفاجق جویر بیتیر و کیمسهده قاریشاماز .

نیسابوری و بیضاویته بیانلری وجهله جدد ؛ طریقلر و طاغیرده دامارلر معنانه در . اوطریقلردن بعضیلری بیاضدر فقط اوبیاضک رنگی ده مختلفدر . چونکه ؛ بعضیسی کرج کی غایت پارلاق و صفی بیاض اولور و بعضیسی ده اوقادار پارلاق اولماز . کذلک قیرمزیده دخی مختلف رنگ واردر . غرایب ، ساهلر معنانه اولدیغنی حالده (سود) ایله توصیف تا کبر اجموده در . یعنی « طوپراقده طبیعت بر اولدیغنی حالده رنگلرک اختلافی خالقک فاعل مختار اولدیغنه دلالت ایدر » دیمکدر .

..

واجب تعالی طاغیرک و میوه لرک اختلافلری اللهک قدرت کامله سنه و فاعل مختار اولدیغنه دلالت ایتدکلرینی بیاندنصره ناسک رنگلرنده اولان اختلافک دلالتی بیان ایتک اوزره ﴿وَمِنَ النَّاسِ وَالْدَّوَابِّ وَالْأَنْعَامِ مُخْتَلِفٌ أَلْوَانُهُ كَذَلِكَ﴾ بیوریور .

[ ناسدن و مطلقا یرده یورون حیواناتدن و حیوانات ایچنده انسانلرله الفت ایدن دوه ، قویون و صغیر کی حیوانات اهلیدن و میوه لر و طاغیر کی لونلری مختلف و رنگلری باشقه باشقه نوعلر و جنسلر و صنفلر و صنفلرده افراد خلق ایتدک که هیچ بریسی دیکرینه بکزه مدیک کی اخلاق و مشرب و طرز تعیشلری دخی باشقه باشقه در . بونلرک جمله سی قدرتمزه و فاعل مختار اولدیغیمزه دلالت ایدر . ]

﴿ إِنَّمَا يَخْشَى اللَّهَ مِنْ عِبَادِهِ الْمُتْلَمُونَ ﴾

[ اللهک قوللری ایچندن اللهدن قورقانلر آنجق اللهک ذاتی و صفاتی و قهر و غضبی

لایقوله بیلن عالمدر . [ یوقسه اللهی لایقوله بیلمه یئر اللهدن قورقانلر . حالبوکه الله تعالی دن کالیله قورقق لازمدر .

﴿ إِنَّ اللَّهَ عَزِيزٌ غَفُورٌ ﴾

[ زیرا ، الله تعالی ملکنده غالب و ایسته دیکی کیمسه نک قصورنی مغفرت ایدر و ایسترسه قصور صاحبه عذاب ایدر . ] بناء علیه ؛ قورقانلرک آنجق اللهدن قورقسی لازمدر . چونکه ؛ بو آیتک آخرنده واجب تعالیک ذاتی عزیز و غفور صفتلریله توصیف ایتسی کندندن قورقق واجب اولدیغنی بیان ایتکدر . معرفت الهیه دن عاری اولان جاهلر دائما جسور اولدقلردن اللهدن قورقادقترینه اشارت ایچون واجب تعالی ذاتندن خشیتی علمایه حصر ایتشد . بناء علیه ؛ بر کیمسه نک الله تعالی به علمی نه قدر زیاده اولورسه قورقوسنک ده اونسبتده زیاده اولاجغنده شبه یوقدر . بو معنای رسول الله ( انی اختا کم لله و اتقا کم له ) قول شریفله تأیید ایتشد . یعنی « بن الله سزک جمله کزدن زیاده خشیت و هیکزدن زیاده اتقا ایدرم » دیمکدر . رسول اللهک اللهدن قورقوسنک زیاده اولسی علمنک زیاده اولمسندن اولدیغنده شبه یوقدر .

مدارکک بیانه نظراً خشیت له مراد ؛ الله تعالی به تعظیمر . بوکانظراً معنای نظم : [ الله تعالی به علمانک تعظیمی هر کسدن زیاده اولور ] دیمکدر . ( انما ) لفظی خشیتی علمایه مصر اجموده در . یعنی « اللهدن قورقانلر همان اللهی بیلندر . زیرا ؛ اللهی بیلمه یئر اللهدن قورقانلر » دیمک اولور .

..

واجب تعالی ذاته عالم اولانلرک قورقوسی زیاده اولدیغنی بیاندن صوکره کتابه عالم اولانلرک حاللری بیان ایتک اوزره ﴿ إِنَّ الَّذِينَ يَتْلُونَ كِتَابَ اللَّهِ وَأَقَامُوا الصَّلَاةَ وَأَنْفَقُوا مِمَّا رَزَقْنَاهُمْ سِرًّا وَعَلَانِيَةً يَرْجُونَ تِجَارَةً لَّنْ تَبُورَ ﴾ بیوریور . [ شول کیمسه لرکه آنلر اللهک کتابی اوقور و نمازی اقامه ایدر و آنلره و یردیکمز



رزقدن کیزی و آشکار محتاج اولانلره اتفاق ایدرلر و آنلر بوعمللریله بر تجارت ایدرلر که او تجارتده اصلاً کساد و ضرر اولماز . [ زیرا او تجارت ؛ عندالله محفوظدر .

﴿لِيُؤْثِرَهُمْ أَوْ يَزِيدَهُمْ مِنْ فَضْلِهِ إِنَّهُ غَفُورٌ شَكُورٌ﴾

[ آنلره اجرلرینی جناب حقک تام ویرمسی و فضلندن دها زیاده احسان ایتمسی ایچون آنلر بوعمللری ایشله دیلر . زیرا ؛ الله تعالی غفوردر و عبادتلرینک قبوله شایان اولانلرینی قبول ایله اجرلرینی بول ویرر برشکورددر . ]

یعنی ؛ شول کیمسه لر که قرآنی تلاوت و موجبیه عمله دوام ایدوب و اوقات مخصوصه سنده شرائطنه رعایت ایده رک فرض اولان نمازلری ادا ایله برابر بزم کندیلرینه ویردیکمز رزقلرندن کیزی و آشکار محتاج اولانلره اتفاق ایدرلر . آنلر شو بیان اولونان عبادتلیله کساد کورمز و فساد بولماز و ابداً هلاک اولماز و توکنمز بر تجارت امید ایدرلر . بومثللو کیمسه لر که تلاوت و کرک نماز و اتفاقدن مقصدلری ؛ الله تعالی نک آنلره اجرلرینی بول ویرمسی و فضل و کرمندن اجرلرینی عمللرندن زیاده ایتمیدر . زیرا ؛ جناب حق قوللرینک قصورینی مغفرت ایدیجی و عمللرینه مکافات اولارق اجرلرینی بول ویرمیدر . بیضاوینک بیانی وجهله بو آیتده تلاوت ایله مراد ؛ عین قرائت و مقتضایه عملدر .

تلاوته دوامک شرط و مطلوب اولدیغه ایشازت ایچون استمراره دلالت ایدن مضارع صیغه سیله «یتلون» وارد اولمشدر . کتاب ایله مراد ؛ قرآندر . کرچه کتب سابقه دخی اللهم کتابی ایسه ده قرآنک نزولندن سوکره آنلرک قرائتی کراهندر . زیرا ؛ قرآن آنلری نسخ ایتدیکندن عمل جائز اولمادیغی جهته تلاوتنده برفائده یوقدر و تلاوتی عبثله اشتغالدر . اوت ؛ آنلره عمل جائز اولدیغی زمانده او کتابلله عامل اولانلر ایچون آنک تلاوتنده اجر اولدیغی کبی تلاوتی ده ممدوح ایدی .

فخر رازی ، قاضی و خازنک بیسانلرینه نظراً سرّاً اتفاق له مراد ؛ نافه و علناً اتفاق له مراد ؛ فرض اولمه صرفدر . چونکه ؛ فرضی ادا ده دیا اولمادیغندن کندیکنک سوء ظندن قور تولسنه و باشقه لرینی تشویق اولسنه بناءً فرض اولان زکات و فطره کبی صدقه بی

صورت علانیه ده ویرمک اولادر . اما نافه ده دیا اولمق احتماله بناءً کیزی ویرمک اولادر . یاخود کیزی و آشکارک ذکر اولونمسی دوامدن کنایه در . یعنی « نصل تصادف ایدرسه اویله جه طورماز اتفاق ایدرلر » دیمکدر .

(لن تبور) تبار ؛ هموک معنایه ایسه ده بوراده ضرر ایتمک ضرر بید ضایع اولمق و یاخود کساد اولوب تجارت ایتمک مراددر . یعنی « تلاوت قرآن و نمازی ادا و اتفاق ایله مشغول اولانلر بر تجارت امید ایدرلر که او تجارت البته ضرر ایتمکه ضایع و هلاک اولماز » دیمکدر .

..

واجب تعالی توحیده متعلق دلیللری بیاندن سوکره امر رسالتی تقریر ایتمک اوزره ﴿وَالَّذِي أَوْحَيْنَا إِلَيْكَ مِنَ الْكِتَابِ هُوَ الْحَقُّ مُصَدِّقًا لِّمَا بَيْنَ يَدَيْهِ﴾ بیوریور .

[ حییم ! بزم سکا انزال ایتدیکمز قرآن کندندن اول انزال اولونانلری تصدیق ایتدیکی حالده آنحق حقدر . ]

﴿إِنَّ اللَّهَ يَعْلَمُ غَيْبُكُمْ وَخَبِيرٌ﴾

[ زیرا ؛ الله تعالی قوللرینک احوالی تمامیه بیلر و کورور و آنلرک حاللرینه موافق احکامی انزال ایدر . ]

یعنی ؛ یا اکرم الرسل ! کتابدن اولارق بزم سکا وحی ایتدیکمز قرآن کندندن اول انزال اولونان کتابلرک اساسی و اصول اعتقادیاته متعلق اولان احکامی تماماً تصدیق ایدیجی اولدیغی حالده آنحق حقدر . زیرا ؛ کتب سابقه بی تصدیق حقایقنه دلیلدر . اما کتب سابقه نک اساسی تصدیق ایتمکه برابر نسخ اولونان احکامی البته رد ایدر و رسول ذیشانه وحی اولونان احکام قیامته قدر ثابت و قوللرک احوالی تطبیقه کافیدر . زیرا ؛ الله تعالی قوللرینک ظاهر و باطنلرینی بیلدیکندن آنلرک قابلیت و استعدادلرینه کوره احکامی انزال ایدر . بناءً علیه ؛ وحی ایتدیکی احکامده عمل واجب اولدیغی مدت اصلاً بطلان اثری



اولا و كذلك قوللرندن وحیه الیق و نبوته احق اولان کیمسه بی بیلیر ، نبوتی اكا تودیع ایدر . بناء علیه ؛ نبوته الیق اولدیغك جهته امر نبوت سكا تودیع اولونمش و وحی سكا کلمشدر . سن کافرلرک نبوتی سكا مناسب کورمدکیرینه محزون اولما و تبلیغه دوام ایت .

..

واجب تعالی رسوله وحی ایتدیکی قرآنک حق اولدیغنی بیاندن صوکره قرآنی امت محمد ارث اولارق و یردیکنی بیان ایتک اوزره ﴿ ثُمَّ أَوْرَثْنَا الْكِتَابَ الَّذِينَ اصْطَفَيْنَا مِنْ عِبَادِنَا ﴾ بیوریور .

[ قرآنی انزالدن صوکره بز قوللریمزدن اختیار ایتدیکنز کیمسه لری کتابة وارث قیلدق . ] زیرا ؛ رسول الله ارثالندن صوکره قرآن ، اللهک قوللری ایچندن قرآنه ایمان ایدن امت محمد رسول اللهدن ارث صورتیه انتقال ایتمشدر .

﴿ فَمِنْهُمْ ظَالِمٌ لِّنَفْسِهِ وَمِنْهُمْ مُقْتَصِدٌ ﴾

[ قرآن کندیلرینه انتقال ایدوب احکامیه عمل واجب اولونجه قوللریمزدن بعضیسی قرآنله عملی ترک ایدرک نفسنه ظلم ایدر و بعضیسی ده اکثر اوقاته عمل ایتمکه عدالت ایدر . ]

﴿ وَمِنْهُمْ سَابِقٌ بِالْخَيْرَاتِ إِذِذْنِ اللَّهِ ﴾

[ و قوللریمزدن بعضیسی ده اللهک اذنیله اعمال صالحیه و قرآنک احکامنه موافق خیرات و طاعانه دوامله امثالنی سبق ایدر . ]

﴿ ذَلِكَ هُوَ الْفَضْلُ الْكَبِيرُ ﴾

[ ایشته شوکتانی ارث طریقله اختیار ایتدیکی قوللرینه و یرمک جناب حق قوللرینه بک بویوک بر احسانیدر . ]

یعنی ؛ حییم ! بزم سنی عموم نامه رسالتله اختیار ایدوب قرآنی وحی ایلله دعوا کی

تصدیق ایتد کدنصکره بز کتب سابقه نك فوائدینه ودها زیاده احکام اوزره مشتمل اولان کتابی قوللریمزدن اختیار ایتدیکنز کیمسه لره اموال موروثه نك وارثلرینه انتقال ایتدیکی کبی سندن صوکره امتکه انتقال ایتدیردک . زیرا ؛ سنی آنلره رسول کوندرمکه اختیار ایتدیکنز کبی کتابی آنلره و یرمکه دخی اختیار ایتدک . بناء علیه ؛ آنلردن بعضیسی هوالرینه اتباع و عملی ترک ایتمکه نفسلرینه ظلم ایتدیلر و آنلردن بعضیسی ده قرآنه ایمان و عمل ایتمکه عدالت ایدر و بعضیسی ده اللهک اذنی و عنایتله عبارت دوام ایدوب امثالنی سبق ایدر . ایشته شوافضل کتب اولان قرآنی ارث طریقله امت محمد و یرمک و افضل انبیاء اولان آخر زمان پیغمبرینه امت قیلدق حییم امتکه اللهک بویوک احسانیدر .

فخر رازی ، نيسابوری و خازنک بیانلری وجهله بو آیتده کتابله مراد ؛ قرآنه

وارث له مراد ؛ امت پننمه قرآنی ایفا ایدرک بطأ بهر بطن انتقال ایتدیرمکره .

رسول الله صکره امت آره منره قرآنه تغییر و تحریفه محفوظ اولارک ایفا اولونمشد بناء ارث تعبیر اولونمشدر . شوالده واجب تعالی نك اختیار ایتدیکی قوللرله مراد ؛

امت محمد و وبالخاصه علماء امت . چونکه ؛ کتابک مشکلاتی حل ایده جک علمادر ،

عوام ناس دکلدیر . اللهک اختیار ایتدیکی قوللرله مراد ؛ امت محمد اولونجه آیتده

بیان اولونان اوچ قسمده امت محمدنی اهل جتدر . چونکه ؛ رسول اللهک ( سابقا

سابق و مقتصدنا ناج و ظالما مغفورله ) بیوردینی حضرت عمردن مرویدر . یعنی « عبادته

بزم سابقه من جته کیرمکده ده سابقه و عدالت اوزره حرکت ایدمنز نجات بولاجقدر

و ظالم اولانمردده ظلمی مقداری مؤاخذه اولونورسه ده عاقبت مغفرت اولوناجق » دیمکدر .

دیگر حدیثنده رسول اللهک « سابقا بل احساب جته کیرر و مقتصد اولانلر قوللایجه

حساب کورورلر ، اما ظالم اولان حبس اولونور حتی نجات بولیه جق ظن اولونور ،

صکره ایمانی سبیلله رحمت السیه امدادینه یتیشیر اهل جتدن اولور » بیوردینی مدارکده

مذکوردر . ظالم له مراد ؛ کناهی ثوابه غالب اولاره و سابق له مراد ؛ ثوابی غالب

اولاره و مقتصدله مراد ؛ ثوابی کنافه مساوی اولاره کیمسه اولدینی ( حسن بصری ) دن

مرویدر . هانکی معنی مراد اولونورسه اولونسون بو آیتده بیان اولونان اوچ قسمک



جمله سی اهل ایمانک اقسامیدر . چونکه تقسیم ؛ اللهک کتابله اختیار ایتدیکی کیمسه لری تقسیم اولدیغندن اهل ایمانی تقسیم اولدیغنده شبهه یوقدر . آیتده ظالمک افرادی چوق اولدیغندن تقدیم اولونمشدر . مقصد ظلمه نسبتله آزا اولدیغنی جهته ایکنجی مرتبهده وسابق ده آزا اولدیغندن اوچنجی مرهده بیان اولونمشدر .

\*\*

واجب تعالی اموال موروثه نك ورثه بیتده بقای کبی رسولنک ارتحالندن صکره کتابی امق بیتده ایضا ایتدیکی بیاندن صکره کتابله عملک نتیجه سی بیان ایتک اوزره ﴿جَنَّاتُ عَدْنٍ يَدْخُلُونَهَا يُحَلَّوْنَ فِيهَا مِنْ أَسَاوِرَ مِنْ ذَهَبٍ وَلُؤْلُؤًا﴾ بیوریور . [ اهل ایمان ( عدن ) اسمنده جنتله داخل اولورلر و آلتوندن بيله زیکلر و ایجولرله زینتله نیرلر . ]

﴿وَلِبَاسُهُمْ فِيهَا حَرِيرٌ﴾

[ و اهل جنتک جتنده البسه لری ایپکنددر . ]

﴿وَقَالُوا الْحَمْدُ لِلَّهِ الَّذِي أَذْهَبَ عَنَّا الْحَزْنَ﴾

[ و اهل جنت بو نعمتلی کورونجه دیرلرکه « حمد و ثنا شول الله مخصوصدرکه او الله تعالی بزدن حزن و کدری کیده ردی . » ]

﴿إِنَّ رَبَّنَا لَغَفُورٌ شَكُورٌ﴾

[ « زیرا ؛ ربیز کناهلریمیزی سترایدیجی و قوللرینک عمللرینه مکافاتنی بول و یریحیدر » دیمکه ربلرینه حمد ایدرلر . ]

یعنی ؛ قرآنه ایمانله وارث اولان انسانلرک جمله سی هرشیدن قورتولدندن صکره جتنده ( عدن ) دنیلن درجه لره مسرور اولارق کیرلر و بالکیز جته کیرمکه قالمالار . زیرا ؛ جتنده آنلر آلتوندن یا پلش بيله زیکلر و ایجولرله زینتله نیرلر . چونکه ؛ بونلر اخلاص اوزره ایمان ایدوب نفسلرینی کناهندن محافظه ایله عبادته دوام ایتدکلبه مکافات

اولارق انواع زینتله التفات اولونا جقلرینی جناب حق بیان بیورمشدر . اهل جنتک لباسلری ایپکدن معمولدر . چونکه ؛ آنلر دنیاده زهد و تقوایی اختیارله قالین و یوگدن طوقونمش البسه کیدکلبه و ربلرینه عبادتله مشغول اولدقلرینه ثواب اولارق آنلره جتنده حریر کیدیره جکنی بیانله جناب حق قوللرینی عبادته ترغیب ایتمشدر . اهل جنت جته کیروب بو نعمتلی کورونجه ربلرینه حمد و ثنا ایدرلر و دیرلرکه « حمد و ثنا شول الله مخصوصدرکه او الله تعالی بزدن بالکلیه حزن و المی کیده ردی . زیرا ؛ بزی بر چوق نعمتلیله تربیه ایدن ربیز کناهلریمیزی عفو ایدر و عملمزه چوق ثواب و یرر . » ایشته مؤمنلر بوضوورتله حمد و ثنا ایله تحدیث نعمت ایدرلر .

تفسیر خازنده بیان اولوندیغنی وجهله اهل جتندن زائل اولان قورقو ؛ کناه و اولوم و جهنم و قیامتک شدتلیرینک قورقولریدر . چونکه ؛ اهل جنت جته کیرنجه کناهندن قورقو قالمادیغنی کبی اولمک و جهنمه کیرمک و قیامتک دهشتلرینه دأر اصلا اندیشه قالمالار . بناء علیه ؛ اهل جنت قورقوی آتجه ربلرینه حمد ایده جکلرینی جناب حق بو آیتده بیان ایتمشدر .

واجب تعالی نك شكور اسمنك معناسی ؛ قوللرینک عمللرینی قبول و طافاتی بول و یرمسیور . چونکه ؛ اهل جنت کناهلرینک عفو اولوندیغنی و آزیجق عمللرینه بر چوق درجه ل و یرلیدیکی کورونجه درحال ربلرینک غفور و شکور اولدیغنی ذکرله ثنا ایدرلر .

\*\*

واجب تعالی اهل جنتک حزنلرینک ازاله اولوندیغنه حمد ایتدکلبه بیاندن صکره جتنده باقی قالا جقلرینه دخی حمد ایده جکلرینی بیان ایتک اوزره ﴿الَّذِي أَحَلَّنَا دَارَ الْمَقَامَةِ مِنْ فَضْلِهِ﴾ بیوریور .

[ « حمد و ثنا شول الله مخصوصدرکه او الله تعالی فضل و کرمندن بزی دار اقامت و قرار اولان جته ازال ایتدی . » ]



[ ايشته هر کفر ايدن کيمسه به بز بويله جه جزا ويريرز . ]

يعنی ؛ کافر لر ایچون جهنم عذابى وارد رکه اوعذاب آنلرک معذب اولملری ایچون حاضر لاندی و طرف السهیدن آنلرک موتيله حکم اولونماز که وفات ایتسونلرده اولوم سبيله مستريح اولسونلر ، بلکه هر نه زمان هلا که معروض اولور لر سه اسکی حاللری اعاده اولونور . بناء عليه ؛ عذابلری نازه له نیر تشدد ايدر و آنلردن جهنم عذابندن آز بر شی تخفیف اولونماز که بر دفعه بارى نفس آسونلر ، بلکه ابدآ معذب اولور لر و کافر لرک هيسنه بز بويله جزا ايدر ز . بناء عليه ؛ هيچ بر کافر بوکي جزادن قورتولاماز .

﴿ وَهُمْ يَصْطَرِّحُونَ فِيهَا ﴾

[ حالبوکه اهل جهنم جهنمه معاوت طلب ايتک و قورتولاق اوزره فزع و فرياد ايدر لر . ]

﴿ رَبَّنَا أَخْرِجْنَا نَعْمَلْ صَالِحًا غَيْرَ الَّذِي كُنَّا نَعْمَلُ ﴾

[ ودير لر که « ای بزم ربمز ! بزى جهنمدن چيقار که بز دنياده ايشله ديکمز عملدک غیری عمل صالح ايشله يلم و اهل جنتدن اولام ، ديمکه مستمراً چاغير بشور لر و لکن اصلا فائده ايتمز . ] چونکه ؛ عمل صالحک محلی اولان دنيا و زمانى اولان عمر لری کجدي .

..

واجب تعالى کافر لرک بوتضر علرينه قارشى طرف السهیدن و يريلن جوابى بيان ايتک اوزره ﴿ اَوَلَمْ نَعْمَرْكُمْ مَا يَنْدَكُرُ فِيهِ مَنْ تَدَكَّرَ وَجَاءَكُمْ النَّذِيرُ ﴾ بيوريور . [ « بز سزى تذکر ايتک شانندن اولان بر کيمسه نك تذکر ايدمه بيله چکی قدر بر مدت معمر قیلوب مساعده ايتدکمی که سز مساعده ايترسکمز ؛ حالبوکه سزه دنياده جهنم عذابندن قور قوتور نبی کلدی و طريق حقى کوستردی ، اوزمان نه ایچون دوشونمديکمز و اوزمانده دوشونمديکمز حلاله شيمدی مهلت ویرسه ؛ دوشونه جکميزکمز و بوتون

﴿ لَا يَمَسُّنَا فِيهَا نَصَبٌ وَلَا يَمَسُّنَا فِيهَا لُغُوبٌ ﴾

[ « ودار اقامت اولان جنتده بزى مشقت مس ايتدیکي کي بورغونلق دخی مس ايتمز » ديمکه حمد ايدر لر . ]

خازن و مدارکک بيانلری وجهله نَصَب ؛ مشقت و راضى نزل و جمع وسائره کي انسانک سومديکی شيلدر . لغوب ؛ بورغونلق و بدنه عار صه اولمه دورغونلق يعنى « الله تعالى بزى فضل و کرمندن دارالاقامه اولان جنته انزال ايدمه رک جنتده مسافر ايتدی . حالبوکه اوجنتده بزه آغری و صيرى و سائره کي مشقت طوقونماديني کي بورغونلق و بدنه دورغونلق دخی طوقونماز . چونکه ؛ مشقتک و بورغونلغک محلی دنيادر ، جنت دکلدز . بناء عليه ؛ بومثللو انسانک سومديکی شيلر دار ابتلا اولان دنياده قالمشدر » ديمکه جناب حقه حمد ايدر لر . مقامه ؛ دوام اوزره اقامت محليدر . هنته کير نلرک ابدآ اقامت ابدمه بکلمينه اشارت ايجومه جنته ( دارالمقامه ) ديشدر .

..

واجب تعالى اهل ايمانک احوالى بياندن صوکره اهل کفرک احوالى بيان ايتک اوزره ﴿ وَالَّذِينَ كَفَرُوا لَهُمْ نَارُ جَهَنَّمَ ﴾ بيوريور .

[ شول کيمسه لر که آنلر کافر اولديلر ، آنلر ایچون جهنم عذابى وارد . ]

﴿ لَا يُقْضَىٰ عَلَيْهِمْ فِيمَوتُوا ﴾

[ اهل جهنم اوزرينه اولومه حکم اولونماز که اولسه لرده عذابدن قورتولسه لر . ]

﴿ وَلَا يُخَفَّفُ عَنْهُمْ مِنْ عَذَابِهَا ﴾

[ « وآنلردن جهنم عذابى تخفیف اولونماز که بر نفس آلسه لرده آزيحق بر زمان استفاده ايتسه لر . ]

﴿ كَذَلِكَ نَجْزِي كُلَّ كَفُورٍ ﴾



عمریکزی هوا کزه صرف ایتدیکنده شمعی مساعده می ایسترسکنز؟ دیمکه جواب رد ویریلور .

بیضاوینک بیانی وجهله آیتده همزه؛ استفرام نظری و فطراری تکمیل ایچوندر .  
بوکا نظراً معنای نظم : [ سزی حق و باطلی و خیری و شری تذکر ایدوب تفریق ایده جککنز برمدت معمر قیلما دمی؟ البته معمر قیلدق . بناء علیه؛ دنیاده سزه ویردیکنز عمریکزی انکار ایده مزسکنز . شو حالده اووقت تذکر ایتدیکنکزی کبی اعاده اولونا جفکنز فرض اولونسه ینه عین حال اوزره وقت کچیره جککنز شبهه سزدر ] دیمکدر .

تذکر ایده جک مدت؛ ابوالسعود افتدینک بیانی وجهله آیتده یاسه اولمی حضرت علی و ابن عباسدن مروی ایسه ده بیضاوینک بیانی وجهله تذکر ممکن اولان مدت له مراد؛ انسانک دوستونیه بیله برمدت . آیتده نذیر ایله مراد؛ نبی و شریعتک اساسی اولامه کتاب و اقربار امبارک و فانی و اختیار لقمه . چونکه؛ بونلرک جمله سی مکلف اولان انسانلری تذکره سوق ایده جک و آخرتدن قورقوتاجق شیلر اولدیغندن هر برینه نذیر اطلاق صحیح اولدینی جهته هپسی مراد اولونمقده بر مانع یوقدر . ایشته بوکبی آخرتده جریان ایده جک احوالی جناب حق قرآنده بیانله قوللرینی انتباهه دعوت ایتشدیرکه هرکس بودنیاده کوزینی آچسون ایشنی آخرته برافاسون .

..

واجب تعالی کافرلرک جهنمده دنیایه بردها عودت ایتلرینی ایسته ملری اوزرینه تکدیر اولونا جقلرینی بیاندن صوکره جانب الیهین آنلره وارد اولاجق خطابنی بیان ایتک اوزره ﴿ قَدْ وَقُوا فَأَلَّا لِلظَّالِمِينَ مِنْ نَصِيرٍ ﴾ بیوریور .

[ «ای ظالملا! طادک جهنم عذابنی . زیرا؛ ظالملا یچون جهنمدن قورتاره جق بریاردیمچی اولمادی » دینور . ]

یعنی؛ دنیاده نیلرینه اطاعت ایتمه مکله تفسلرینه ظلم ایدن ظالملا ره علی طریق الالهانه

جناب حق دیرکه [ ای ظالملا! دوام اوزره طادک جهنم عذابنی . زیرا؛ سزک جهنمدن چیقماق امکانکزی یوقدر . چونکه؛ سز حدود شرعیه دن چیقماق بر طاقم ظالملا سکنز و ظالملا عذابنی بالکلیه قالدیره حق هیچ بریاردیمچی یوقدر . بناء علیه؛ سز ابدآ جهنمده قالا جق سکنز » دیمکه جناب حق تضرعلرینی رد ایدر .

..

واجب تعالی ظالملا جهنمده قالا جقلرینی تقریر ایتک اوزره ﴿ إِنَّ اللَّهَ عَالِمُ غَيْبِ السَّمَوَاتِ وَالْأَرْضِ إِنَّهُ عَلِيمٌ بِذَاتِ الصُّدُورِ ﴾ بیوریور .

[ الله تعالی سموات و ارضک کیزیلرینی بیلیر . زیرا؛ الله تعالی انسانلرک قیلرنده کیزلی اولان اسراری بیلیر . ] بناء علیه؛ کافرلرک قیلرنده الی الابد کفر ایده جکلری مضمر اولدیغنی بیلدیکندن الی لابد آنلری معذب قیلار .

بوآیت « کافرلرک کفری معین برزمانده یعنی دنیاده یا شادقلری مدته در . شو حالده محدود برزمانده واقع اولان کفره ابدآ عذاب ایتک موافق دکلدر » دیبه رک وارد اولان بر اعتراضه جوابدر . چونکه؛ الله تعالی بالعموم قوللرینک ظاهر و باطن احواله مطلع اولدیغندن اهل کفرک قیلرنده ابدآ معمر اولسه لر الی الابد کفر ایدوب ایرلیه جقلرینی بیلدیکی جهته ابدیاً کفره اصرار ایده جکنه بناء ابدآ عذاب ایده جکدر . بناء علیه ابدآ عذاب؛ محدود برزمانده واقع اولان کفرک جزاسی دکل ، بلکه ابدآ کفر ایتکه نیتک جزاسیدر .

..

واجب تعالی علمنی بیاندن صکره انسانلری بریوزنده خلیفه قیلماق له لطف ایتدیکنی بیان ایتک اوزره ﴿ هُوَ الَّذِي جَعَلَكُمْ خَلَائِفَ فِي الْأَرْضِ ﴾ بیوریور .

[ او الله تعالی شول ذات لطیفدرکه او ذات سزی بریوزنده خلیفه لر قیلدی . ]  
«وارضک تصرفنه مالک و بریوزنده اولان مخلوقاتنه سزی مسلط و سلطان قیلدی . و آنلرک



جمله سنی سزه مسخر قیلنجه سزك بونعمتله شکر اولق اوزره ایمان ایتمه کز لازم ایکن بالعکس سز کفر وعصیان ایدرسکز .

بیضاوی ومدار کده بیان اولوندی وجهله خلافت ؛ طرف اهریده بر یوزینی اعمار اچوره انسانله بر طریقه بر عظیم اولدیغه نظراً معنای آیت : [ الله تعالی سزی کندی طرفندن خلیفه ویر یوزینک اعمارینه ومنافعندن انتفاعه مأذون قیلدی ] دیمکدر . اهم مالفنک مقاملرینه قائم اولوب ملکدرینه مالک اولوب صورتیه خلیفه معناسنه اولدیغه نظراً معنای آیت : [ الله تعالی سزی اول کچن ملنلرک بلده لرینه و ملکدرینه وارث قیلدی و آنلرک مقاملرینه اقامه ایتک صورتیه سزی آنلره خلیفه قیلدی . بناء علیه ؛ سزك آنلرن عبرت آلا کز و حالکزی اصلاحه اللهک ویردیکی نعمتله شکر ایتمکز لازم ] دیمکدر .

\*\*\*

واجب تعالی یر یوزنده انسانلری خلیفه قیلدیغنی بیاندن صوکره خلافتک شکرینی ادا ایتمه ینلرک حاللریغنی بیان ایتک اوزره ﴿ فَمَنْ كَفَرَ فَعَلَيْهِ كُفْرُهُ وَلَا يَزِيدُ الْكَافِرِينَ كُفْرُهُمْ عِنْدَ رَبِّهِمْ إِلَّا مَقْتًا ﴾ بیوریور .

[ الله تعالی سزی یر یوزنده خلیفه قیلنجه اکر بر کیمسه کفر ایدرسه کفرینک و بالی کندینه عائد و ضرته در و کافرلرک کفری ربلی عندنه هیچ برشی زیاده ایتزه ، آنجق اللهک غضبی و قهرینی زیاده ایدر . ] چونکه ؛ الله تعالی قوللرینک ایمانندن و کفرندن غنیدر . بناء علیه ؛ ایمان ایدن کیمسه نک ایمانندن منفعت و کفر ایدن کیمسه نک کفرندن مضرت آنجق کنیدلرینه عائددر . ایشته شو اساسه بناء نعمته شکر ایتمه ین کافرندن الله تعالی انتقامی آلیر .

﴿ وَلَا يَزِيدُ الْكَافِرِينَ كُفْرُهُمْ إِلَّا خَسَارًا ﴾

[ چونکه ؛ کافرله کفرلری زیاده ایتزه ، الا ضرر زیاده ایدر . ] شو حالده دار آخرته کافرلرک کفری مؤمنلرک نائل اولاجقلری نعمتلردن محرومیتلریغنی زیاده ایدرکه

بوحرومیت بر ضرر اولدیغنی کچی ابداً رحمت الهیه دن محروم اولوقده آریجه بر ضرر در . چونکه ؛ انسانک عمری سرمایه در . اکر او سرمایه ایله رضاء الهی ینی کسب ایدرسه تجارت ایتش اولور و اکر او سرمایه سنی غضب الهی ینی جلب ایده جک اسبابه صرف ایدرسه ضرر ایتدیکنده شبهه یوقدر . بناء علیه ؛ سرمایه دن مطلوب اولان تجارتک حاصل اولامسی ضرر اولدیغنی کچی سرمایه ینی ضایع ایتکده آریجه بر ضرر و زیاندر .

آیتده تکرار یوقدر . زیرا ؛ اولکی آیتک معناسی « کافرلرک کفری ؛ اللهک غضبنک زیاده له نمسی ایجاب ایدوب باشقه شی زیاده ایتیه جکنی » و ایکنجی آیتک معناسی « کافرلرک کفری ؛ کندی نفسلرینه نظراً ضرر اولاجغنی » بیان ایتدیکندن تکرار یوقدر .

﴿ قُلْ أَرَأَيْتُمْ شُرَكَاءَ كُمُ الَّذِينَ تَدْعُونَ مِنْ دُونِ اللَّهِ أَرُونِي مَاذَا خَلَقُوا مِنَ الْأَرْضِ ﴾

[ حبیبم ! آنلرک کفری ضرردن باشقه برشی زیاده ایتدیکنی بیاندن صوکره سن مشرکله دی که « ای مشرکله ! اللهک غیری سزك شریک اعتقاد ایدوب دعا ایتدیکنکز و بالواردیغکنز شریکلریکزدده الوهیت صفی وارمیدر ؛ خبر ویرک بکا ، بو خصوصده رأیکز نه در ؟ و کوسترک بکا ، او پوتلریکز ارضک اجزاسندن هانکی شیئی خلق ایتدیلر ؟ ] و قدرتلری اولمادیغنی بیلدیکنکز حالده نه ایچون معبود اتخاذا ایدرسکنز و اکر عجزلریغنی بیلیمیورده پوتلرده بر قدرت تصور ایدرسه کز کوسترک بکا آنلر تصور ایتدیکنکز قدرتلریله یر یوزندن نه کچی شیئی خلق ایتدیلر و نه مثللو شیئی خلقه قدرتلری وارددر ؟ آنلر بو سئواله جواب ویره مزله . چونکه ؛ بونلرک عجزلری میدانده اولوب انکاری غیر قابل بر حقیقتدر .

﴿ أَمْ لَهُمْ شِرْكٌ فِي السَّمَوَاتِ ﴾

[ یاخود خبر ویرک بکا که آنلر ایچون سموانده اللهله شرکتلری وارده کوکلرده اشیا ینی برابر می ایجاد ایتدیلر ؟ ]



﴿ أَمْ آتَيْنَاهُم كِتَابًا فَهُمْ عَلَىٰ بَيِّنَتٍ مِنْهُ ﴾

[ یاخود آنلرک بزه شریک اولمیرینه دأثر بز آنلره برکتاب ویردکده آنلر اوکتابدن برشاهد وینه اوزرینه میدرلر؟ ] بز آنلرک دعوالرینی اثبات ایده جک بر کتاب ویرمدک . بناء علیه ؛ دعوالرینی اثباته کافی آلرنده بر وثیقه لری یوقدر . حالبوکه دلیلسز دعوی باطلدر . زیرا ؛ دلیله مستند اولمایان دعوی اوهام وخیالات اوزره مبتنی اولاجنی جهتهلله مردوددر .

﴿ بَلْ إِنْ يَعِدُ الظَّالِمُونَ بَعْضُهُمْ بَعْضًا إِلَّا غُرُورًا ﴾

[ بلکه ظالمردن بعضیسی بعضیسنه وعد ایتمز آنحق غرور وعد ایدر . ]

یعنی ؛ پوتلره عبادت ایدن مشرک لک دعوالرینه دلیل لری یوقدر ، آنحق ظالم لک ایلری کلن اشر فی منصب لرینی محافظه ایچون فقرا کروهنی اغفال وتزویراته آلدانیرلر وکیفرینه کوره یالان سویلر وپوتلرک شفاعت ایده جکندن بحث ایتمکله ضعفای قاندرلر . یوقسه پوتلرک حاشا واجب تعالی به شریک اولدیغنه دأر آلرنده عقلی ونقلی بر حجت لری یوقدر . بناء علیه آنلرک سویلدکلری سوزلر ؛ بعضیلرینک دیکرلرینی اغفال ایچون ترتیب اولونمش تزویراتدن عبارتدر .

ایشته بوآیت جلیله هر زمانک ظالم لرینک حال لرینی تمامیه تصویر ایدر . چونکه ؛ ظالم لک هر زمان ساخته لکله وتزویراته بر برینی آلداتمق عادت لری اولدیغنی کبی کندیلرینه تابع اولان اسافل کروهنی ده دأما برطاقم مغرورانه سوزلرینه آلداتوب جماعتی چوغالتمق وآنلرک قارالتیسیه کندی مانوراسنی چویرمک ومقصودینی آلد ایتک ایچون آنلری استخدام ایتک دخی عادت لریدر .

\*\*\*

واجب تعالی پوتلرک معبود اتخاذه لایق اولماقلرینی بیاندنصکره عبادته مستحق

آنحق کندی ذات الوهیتی اولدیغنی بیان ایتک اوزره ﴿ إِنْ أَلَّهِ يُنْسِكُ السَّمَوَاتِ وَالْأَرْضَ أَنْ تَزُولَا ﴾ بیوریور .

[ الله تعالی سموات وارضی زائل اولمقدن منع ایدر . ]

﴿ وَلَئِنْ زَالَا إِنْ أَمْسَكَهُمَا مِنْ أَحَدٍ مِنْ بَعْدِهِ ﴾

[ اکر الله تعالی آنلری زوالدن محافظه ایتسه ده بالفرض والتقدير آنلر زائل اولسه لر الله دنصکره آنلری طوتاجق هیچ بر فرد اولمادی . شو حالده آنلری زوالدن محافظه ایده جک آنحق الله تعالی در . ]

﴿ إِنَّهُ كَانَ حَلِيمًا غَفُورًا ﴾

[ زیرا ؛ الله تعالی حلیمدر . ] چونکه ؛ قوللرینک عصیانلری اوزرینه در حال انتقام آلاز و [ غفوردر . ] زیرا ؛ قوللرینک قصورلرینی در حال یوزلرینه وورماز .

یعنی ؛ عبادته مستحق آنحق الله تعالی در . چونکه ؛ ذاتنده وصفاتنده معبود بالحق اودر . زیرا ؛ سموات وارضی قوللرک عصیانلری سببیه لرلندن ایرلمقدن محافظه وآنلری قدرت قاهره سیله زوالدن منع ایدر واکر حییم ! بالفرض والتقدير سموات وارضی لرلندن ایرلسه لر الله تعالی دن صوکره آنلری لرلنده طوتاجق هیچ برکیمسه یوقدر ، اکر اولسه معبود اتخاذه لایق اولور ولکن یوقدر .

..

واجب تعالی کافرلرک توحیدی انکارلرینی ومعبود بالحق آنحق ذات الوهیتی اولدیغنی

بیاندن صوکره قریشک فنا حاللرندن بعضیلرینی بیان ایتک اوزره ﴿ وَأَقْسَمُوا بِاللَّهِ

جَهْدَ أَيْمَانِهِمْ لَئِنْ جَاءَهُمْ نَذِيرٌ لَیْسَ کُونُ أَهْدَىٰ مِنْ إِخْدَى الْأُتَمِّ ﴾ بیوریور .

[ قریشیلر صوکره درجه سعی وغیرته الله یمین ایتدیلر ودیدیلرکه ؛ اکر کندیلرینه برنی کلسه البته امتلرک برندن هدایتده دها زیاده اولورلر . ]

یعنی ؛ قریش قومی رسول اللهک بعثندن اول ام سالفه نک رسول لرینی تکذیب ایتدکلرینی ایشیتدکلری زمان الله تعالی به یمینلرینک صوکره درجه سیله یمین ویمینلرینی انواع



تا کیدله توشیق ایتدیلر و دیدیلر که « الله یمین ایدرز که اگر کندیلرینه جهنم عذابندن قورقوتور برنجی کلسه و طوغرو یولی کوسترسه البته آنلردن هر بری ایتلرک هر برندن طوغرو یولی قبولده زیاده اولورلردی ». ایشته بویله دیه رک یمین ایتدیلر و الله عهد و یردیلر . یعنی آنلر « اگر بزه برنجی کلسه بزم هر بریمز هدایتی قبولده کچمش ایتلردن دها ای اولورز » دیدیلر .

بیضاوینک بیانی وجهله قریش قومی یهود و نصارانک نبیلرینی تکذیبلرینی ایشیتملری اوزرینه کندیلرینه برنجی کلسه آنلر تکذیب ایتیه یوب کمال اطاعتله ایدیه جکلرینه یمین ایتشلردی . ایشته آیت جلیله ؛ آنلرک بو حاللرینی تصویر ایتشدیر .

﴿ فَلَمَّا جَاءَهُمْ نَذِيرٌ مَّا زَادَهُمْ إِلَّا نُفُورًا ۚ اسْتَكْبَرُوا فِي الْأَرْضِ ﴾

[ وقتا که آنلره جهنم عذابندن قورقوتور برنجی کلدی ایسه نبینک کلسی آنلره زیاده ایتدی ، الا آنلرک نفرتلرینی و یربوزنده کندیلرینی بویوک عد ایتلرینی زیاده ایتدی . ]  
یعنی ؛ قریش قومی الله شدتله یمین ایدیه کندیلرینه برنجی کلسه ام سالفه کبی نبیلرینی تکذیب ایتیه جکلرینه و در حال اهتدا ایدیه جکلرینه و هدایتده کچمش ایتلردن دها زیاده اولاجقلرینه عهد و یردیلر . وقتا که کندیلرینه نبیلرک افضل اولان محمد صلی الله تعالی علیه وسام کلدی ایسه اورسول عالی شانک آنلره کلسی زیاده ایتدی ، الا آنلرک نفرتلرینی و حقدن اعراضلرینی زیاده ایتدی . بو نفرتلرینه برنجی سبب ؛ یربوزنده کندیلرینی بویوک عد ایتلریدر .

\*\*

واجب تعالی کافرلرک نفرتلرینک ایکنجی سببی بیان ایتلک اوزره ﴿ وَمَكْرَ السَّيِّئِ ﴾

بیوریور .

[ آنلرک نفرتلرینک ایکنجی سببی ؛ رسول الله فنا صانی صینمه لری و رسول اللهک نبوت دعواسنی رد ایچون یابدقلری حیلله و دسیسه لیدر . ] چونکه ( مکر السی ) فنا اولاره هر فعلدر . بناء علیه بو مقامده کافرلرک نفرتلرینه سبب اولان مکر السی

ایله مراد ؛ آنلرک شمرکله ایتلر و افتلری و رسول الله اذا دقتلنی قصص ایتلریدر . رسول اللهک کلسیله کفرلرینک زیاده اولسی ؛ رسول الله بعث اولونمازدن اول یالکیز الله کفر ایدرکن بعثندن صوکره هم الله همده رسول الله کفر ایدیه رک اذا ایتلریدر .

\*\*

واجب تعالی کافرلرک حیلله لرینی بیاندن صوکره حیلله نک عاقبتی بیان ایتلک اوزره ﴿ وَلَا يَحْقِيقُ الْمَسْكُورُ السَّيِّئُ إِلَّا بِأَهْلِهِ ﴾ بیوریور .

[ کوتو حیلله نک شری احاطه ایتمز ، آنجق اوحیلله یابانی احاطه ایدر . ]  
یعنی ؛ بر کیمسه دیکر بر کیمسه یه حیلله یاپار و حیلله سیله ظلم و غدر ایتلک ایسترسه ترتیب ایتدیکی حیلله نک ضرری آنجق کندینی احاطه ایدر .

ایشته بوقیلدن اولارق قریش قبیلله سنک رسول اللهی قتل ایتلک ایچون ترتیب ایتدکلری حیلله لرینک نتیجه سی اولارق عاقبت ( بدر ) وقعه سنده کندیلری قتل اولوندیلر و تورکلرک ( حیلله نک خرمانی اولماز ) و ( کوتولک ایدن بلاسی بولور ) ضرب مثللری بو آیت موافق سوزلردر . بناء علیه ؛ بو آیتک سری عالمده هر زمان ظهور ایتدکده در . چونکه ؛ هر کیم که دیکرینه بر حیلله یاپارسه همه حال آنک ضررینی کورور و حیلله سی آغاغه دولاشیر . کرچه بعض حیلله نک صاحبی ایشک بدایه سنده حیلله سنک فائده سنی کورور و خصمنه غلبه ایدر کبی کورور و نورسده عاقبتنده کوردیکی منفعتدن چوق فضله ضرر کورور و یاخود عین حیلله سی کندی ضررینه اولارق آغاغه دولاشیر . بناء علیه ؛ اعتبارده عاقبتدر و بوکا مثال ایسه صایلمماز و توکنمز درجه ده اولوب عالمده هر زمان کوریلان شیلردندر . شوخالده غیره ظلم ایتلک ایچون حیلله و دسائسله مشغول اولانلر عاقبتله آدامقدن باشقه بر شی یامش اولارلر . ( و من حفر لایخیه جبا فقد وقع فیہ مکباً ) ضرب مثلی دخی بو آیتدن آلتشدیر . یعنی « بر کیمسه کندی برادرینی دوشورمک ایچون قیو قازارسه قازدینی قیویه بوزی اوستی کندی دوشر » دیمکدر . اما امور حربده حیلله بو آیتدن ( الحرب خدعة ) حدیث شریفله مستنادر . زیرا بو حدیث شریف ؛ حربده دشمنه قارشی خدعه نک جوازینی تأسیس ایتشدیر . چونکه حربک مشروعیتی ؛ اعلاء کلمه الله و مقدساتی و مخدرات اسلامیه بی اعدانک



تسلطندن محافظه ایچون اولدیغندن دشمنه غلبه هر نه به محتاج ایسه آنی یایمق مشروع وهیئت اجتماعیه نك حقوقی محافظه به معطوف اولدیغندن حربده حيله مدوح اولوب آنجق اشخاص بیننده منفعت شخصییه اوغرنده غیري اضرار ایچون یایلدیغنده غیر مشروع و حرمت قطیه ايله حرامدر . بناء علیه ؛ حرب ایچون حيله شخصك حيله سنه قیاس اولونا ماز . خلاصه ؛ رسول اللهك بعثندن اول مکه لیرك کندیلرینه بر نبی کلیر و طوغرو یولی کوترسه سائر امتلردن زیاده هدایتی قبول ایده چکیرینه شدتله یمین ایتدکاری ونیلری کندیلرینه کاوب دعوت ایدنجه نبیلرینك دعوتی آنلرك نفر تیرینی زیاده ایتدیکی و نفر تیرینه رب ؛ بر یوزنده کندیلرینی بویوك عد ایتلری و رسول الله حيله لری اولدیغی وحيله نك ضرری آنجق او حيله یی یاپانی احاطه ایتدیکی بو آیتلردن مستفاد اولان فوائد جمله سنددره .

\*\*

واجب تعالی اهل مکه نك یمینلردن دوندکاری و رسول الله ایمان ایتمکدن کندیلرینی بویوك عد ایتدکاری و رسوللرینی قتل ایتك ایچون حيله یایدقارینی بیاندن صوکره اهل مکه نك عاقبتلرینی بیان ایتك اوزره ﴿ فَهَلْ يَنْظُرُونَ إِلَّا سُنَّةَ الْأَوَّلِينَ ﴾ بیوریور . [ مشرکار انتظار ایتزلر ، الا اول کچن کافرلرك هلاکاری کچی هلاک اولمیرینی ایستزلر و آکا انتظار ایدرلر . ]

یعنی ؛ اهل مکه کندیلرینی ارشاد ایچون کوندریلن رسوللرینی ازعاج و سوء قصده بولونونجه آنلر هیچ برشی کوزله مز ، الا اول کچن امتلرده جاری اولان عادت کوزلرلر . چونکه ؛ آنلر نبیلرینی تکذیبلری سببيله هلاک اولدیلر . بونلرده نبیلرینی تکذیبده اصرار ایدرلرسه آنلرك هلاکاری کچی هلاک اولاجقلرنده شبهه یوقدر . زیرا رسوللرینی تکذیب ایدن ماتلرده عادت ؛ هلاک اولمقددر .

بو آیتده سنت ايله مراد ؛ عامدر . شو حالده « اولینك سنتی » دیمك « اولینك عادت » دیمكددر . بوکا نظراً معنای آیت : [ اهل مکه رسوللرینی تکذیبلری سببيله انتظار ایتزلر ، الا کندیلرندن اول کچنلرك ونیلرینی تکذیب ایدنلرك عادتیی ایستزلر و جناب حقك آنلر حقده جاری اولان اهلاکنه انتظار ایدرلر ] دیمكددر .

﴿ فَلَنْ تَجِدَ لِسُنَّةِ اللَّهِ تَبْدِيلًا ﴾

[ آنلر تکذیبده اصرار ایدنجه حییم ؛ اللهمك بومثلوا اقوام حقده جاری اولان عادتنده البته سن تبدیل بولامازسك . ] بناء علیه عادت ؛ بوکیلری اهلاک ایتمكددر . شو حالده عذاب یرینه رحمت و رحمت یرینه عذاب کک صورتيله عادت اللهیه اصلا تبدل و تغیر قبول ایتمز . زیرا عادت اللهیه ؛ عاصیلره عذاب و اطاعت ایدنلره رحمتله معامله ایتمكددر .

﴿ وَلَنْ تَجِدَ لِسُنَّةِ اللَّهِ تَحْوِيلًا ﴾

[ وحییم ؛ اللهمك عادتیی ایچون البته سن تحول بولامازسك . ] بناء علیه ؛ عاصیلرك عذابی مطیع اولانلره انتقال ایتمز .

اولکی آیتده سنت له مراد ؛ عذابدر و تبدیل ايله مراد ؛ عذابك ثوابه تبریلدر . شو حالده آیتدن مقصد « عادت اللهیه ؛ عذاب اولان یرده او عذابك ثوابه تبدلی مراد ایتدیکنندن ممکن دکل » دیمكددر . ایکنجی آیتده سنت له مراد ؛ عذابك عاصیلره ایتسیر و تحویل ايله مراد ؛ عاصیلرده مطیعلره انتقال ایتسیردر . شو حالده آیتدن مقصد « عادت اللهیه ؛ مطیعلره ، عاصیلره مخصوص اولان عذابی نقل ایتمه مكددر . بناء علیه ؛ حییم ؛ سن عادت اللهیه ده بوکی تحولاتی بولامازسك » دیمكددر .

شو تفصیلاتدن آکلاشیلدیغی وجهله آیتده تکرار یوقدر . زیرا اولکی آیت ؛ عذابك ثوابه تبدیل و ایکنجی آیت ایسه عذابك مستحق اولان کیمسه دن غیر مستحقه نقل اولونمه جعنی بیان ایتمشدر . شو حالده آیتلردن مقصد باشقه اولدیغندن تکرار یوقدر . السنة ناسده « تاریخ تکرردن عبارتدر » سوزلری بوکی آیتلره استناد ایدر . چونکه ؛ عالمده جریان ایدن حوادث اوزرینه لاحق اولان احکام اللهیه دائماً طرز واحدده ظهور ایدر . زیرا ؛ برزمانده واقع اولان عصیان اوزرینه اللهمك غضبی نصل ظهور ایدرسه دیکر زمانده عین عصیانك وقوعنده تربیه اللهیه عین صورته ظهور ایدر . بناء علیه ؛ عادت اللهیه دیکشمز . انسانلرك حرکتلرینه کوره تجلیات اللهیه نك ظهوريله آن بان عالمده کورولمکده اولان



وقواتك امثالی بیکلرجه کچمشدر . چونکه ؛ بر کیمسه دن صادر اولان خیرک حکمی نه ایسه دیکرندن صادر اولدیغنده عین حکمدر و شرک صدورنده دخی حال بویله در . شو حالده حکم الهی شخصلرک دیکشمسیله دیکشمز ، بلکه افعاله و عمله کوره دیکشیر . ایسته بر زمانده انسانلرک افعاله کوره حکم الهی غضب و یا رحمت هر نه ایسه عصرلر کچوب انسانلرک کیشد کدن صوکره دیکر عصرده موجود انسانلر عین افعاله بولونقلرنده عینله حکم الهی ظهور ایتدیکی جهته « تاریخ تکرردن عبارتدر » دنیلیمک پک طوغرودر . و بومعنای جناب حق ( فلن تجد لسن الله تبدیلاً ) آیتله بیان بیورمشدر .

..

واجب تعالی اول کچن ملترلرده عادت الهیه نه ایسه صکره کلنلرده دخی عین عادت جاری اولدیغنی میانلر صکره ام سالفده جاری اولان عادت بیانه امت محمدیه بی انتباهه دعوت ایتک اوزره ﴿ اَوَلَمْ یَسِیْرُوا فِی الْاَرْضِ فَمَنْ یَنْظُرُوْا کَیْفَ کَانَ غَاقِبَةُ الَّذِیْنَ مِنْ قَبْلِہِمۡ وَ کَانُوْا اَشَدَّ مِنْہُمْ قُوَّةً ﴾ بیوریور .

[ مشرکلر یر یوزنده سیر و سفر ایدوبده کندیلرندن اول کچن کیمسه لک حاللرینه نظر عبرتله باقادیلرمی ؛ حالبوکه آنلر قوت جهندن بونلردن دها زیاده ایدیلر . ] ایسته اول کچنلرده عادت الهیه آنلری عصیانلری سببیه اهلاک اولدیغنی کبی بونلرده دخی شرک اوزره امرار ایتدکلری تقدیرده عین عادت الهیه نک جاری اولاجغنی دوشونملری و آنلرک خرابه لرندن عبرت آملاری لازمدر . چونکه ؛ اول کچن ملتر قوت و شو کتده و ثروت و سامانده بونلردن زیاده اولدقلری حالده آنلر هلاک اولونجه بونلرکده هلاک اولاجقلری اولویتله ثابتدر .

بو آیتده عصیان صاحبیلرینک کندندن اول کچن عاصیلرک حاللرندن و خرابه لرندن عبرت آملادقلرینی توبیخ ایچون استفهام نظریه دلالت ایدن همزه ایله « اوم یسیروا » وارد اولمشدر . یعنی « کچمش ملترلرک هلاکنی انکار ایدرلرده یر یوزنده سیروسفر ایدوب

آنلرک حاللرندن عبرت آملادیلرمی ؛ آنلره نظر ایدوبده عبرت آلامق نه قدر حماقتدر . دیمک اولور .

..

واجب تعالی ام سالفه نک حاللرندن عبرت آملایانلری توبیخ ایتدیکی کبی ذات الوهیتک مراد ایتدیکی شیدن هیچ کیمسه نک منع ایتکله عاجز قیلامیه جغنی دخی بیان ایتک اوزره ﴿ وَمَا کَانَ اللّٰهُ لَیُعْجِزَہٗ مِنْ شَیْءٍ فِی السَّمٰوٰتِ وَلَا فِی الْاَرْضِ ﴾ بیوریور . [ الله تعالی یردن و کوکدن مراد ایتدیکی شیئی اجرادن هیچ برنی عاجز قیلار اولمادی . ]

﴿ اِنَّہٗ کَانَ عَلِیْمًا قَدِیْرًا ﴾

[ زیرا ؛ الله تعالی قوللرینک حافی بیلر و عاصیلری اهلاک و مطیع اولانلره انعام ایتکله قادردر . ] شو حالده ای عاصیلر و رسالت محمدیه بی انکار ایدن مجرملر ؛ سر فصل اولیور که الله قارشى عصیانہ جسارت و نبوت محمدیه بی انکارله رد ایدرسکز و نبوتک احکامنی اجرادن الهی عاجز قیلارزمی ظن ایدرسکز ؛ اکر بویله ظن ایدرسکز بوظنکز یا کلیشدر . چونکه ؛ الهی مرادنی اجرادن هیچ بر کیمسه عاجز قیلاماز . زیرا ؛ هر ایسته دیکی زمان اجرا ایدر کیمسه مانع اولاماز . بناء علیہ :

﴿ وَلَوْ یُوَاخِذُ اللّٰهُ النَّاسَ بِمَا کَسَبُوْا مَا تَرَکَ عَلٰی ظَہْرِہَا مِنْ دَابَّةٍ ﴾

[ اکر الله تعالی ناسک کسب ایتدکلری کنه لری سببیه ناسی مؤاخذه ایتمش اولسه ایدی یرک اوزرنده هیچ بر حیوان ترک ایتزدی . ]

﴿ وَلَیْکِنْ یُّؤَخِّرُہُمْ اِلٰی اَجَلٍ مُّسَمًّی ﴾

[ ولکن آنلرک مؤاخذه لرینی اجل معینلرینه تأخیر ایدرو هلاک لرینه تعیین اولونان زمان کلدیکنده در حال اهلاک ایدر . ]



﴿ فَأَذَا جَاءَ أَحَاجُهُمْ ﴾

[ بناءً عليه ؛ اجللری کلدیکنده در حال اخذ اولونورلر اصلا زمان فوت اولماز . ]

﴿ فَإِنَّ اللَّهَ كَانَ بِعِبَادِهِ بَصِيرًا ﴾

[ زیرا ؛ الله تعالی قوللرینک احوالی جمیع زمانده کورور و هلاک اولونا جقلری وقتی بیایر . ] [ بناءً عليه ؛ او وقت کلدیکنده اصلا تأخیر ایتمز . ]

فخر رارینک بیانی وجهله الله تعالی قوللرینی هر قصورلرینک شامتیه مؤأخذ ایتمز . زیرا ؛ هر کسی هر قصوریه مؤأخذ ایتمز اولسه ایدی هر کون و هر ساعت مؤأخذ و اهلاک وقوعولور و یوزنده کیجه قالماز و انسانلردن و حیوانلردن بر اورنده کیجه ترک ایتزدی . لکن جناب حق هر قومه بر مهلت و یردی او مهلت بیتوب زمانی کلدیکه مؤأخذ ایتمز و زمانی کلدیکنده اصلا تأخیر اولماز . شوقدر که « انسانلر کناهلری سبیلله هلاک اولوره فقط حیوانات سائرته قصورلری اولمادینی حالده آنلری اهلاک حکمتی ندر ؟ » عنوانده وارد اولان سؤاله فخر رارینک جوابی اومیر :

برنجیسی ؛ حیوانلر انسانلره نعمت اولارق خلق اولوندیغندن صاحب نعمت اولان انسانلر کفران نعمت ایدوب هلاک مستحق اولونجه نعمتلری ده کندیلریله برابر زائل اولور کیدر . شوحالده حیوانلری اتلاف ؛ انسانلرک قصورلردن دولای انسانلره غضبدره یوقسه حیوانلرک هلاکی کندی قصورلرینه مبنی دکلدر .

ایکنجیسی ؛ اشیانک بقای انسانله اولدینی کبی انسانک بقاسی ده اشیایله در . چونکه ؛ انسان اشیای و امتعه سی محافظه ایدر و حیواناتی بسار بقاسنه چالبشیر . بناءً عليه ؛ انسانده و حیوانده برابر یاشارلر . اما انسانلر کناهلری سبیلله هلاک اولونجه انسانک انتفاع ایدجهکی حیواناتده هلاک اولور . چونکه ؛ مصالحی متضمن اولان انسانلر تلف اولونجه آنلرک بقاسنده بر فائده قالماز ؛ یوقسه حیوانلرک تلفی قصورلردن دکلدر . زیرا ؛ آنلر مکلف اولمادقلردن جناب حقه قارشی آنلرده قصور متصور اولماز .

اوچنجیسی ؛ حیوانلرک بقاسی نباتات و حیوانات ایلدر . حیوانات ایسه رحمتله حاصلدره و حمتک یاغمسی ایسه انسانلرک استحقاقه مربوط اولوب انسانک عصیانی سبیلله استحقاق

کسیلنجه اوت اکین بیتمز . بناءً عليه ؛ قحط سنه لرده کورولدیکی کبی حیواناتده تلف اولور . شوحالده حیوانلرک تلفی آنجق انسانلره غضب ایچوندی ، یوقسه حیواناته اهانت ایچون دکلدر که « قصورسز حیوانلر نه ایچون تلف اولدی ؟ » دیهرک سؤال وارد اولسون . آیتده اجل مسمی ایله مراد ؛ یوم قیامتدر . زیرا ؛ یوم قیامتده قدر انسانلرک و حیوانلرک نوعی باقی اولاجق و قیامتده هپسی هلاک اولوب کیده جکلدر . لکن اجل مسمی ایله مراد ؛ هر مملکت انقراضی ایچونه تعیین اولونانه وقت معیندر .



۱۲۲۱

رومی بیک اوچوز اوتوز سنه سی تموزینک یکری بشنچی پنچشنبه کیجه سنه تصادف ایدن عربی بیک اوچوز اوتوز ایکی سنه سی رمضان شریفک اون دردنجی کیجه سی ساعت بش راده لرنده بو سوره نک ترجمه سی بعونه تملی ختام بولشدر .

## سورة یس

مکه مکرمه نازل اولان سوره لردندر . مکسامه اوج آیتی حاویدر .

﴿ بِسْمِ اللَّهِ الرَّحْمَنِ الرَّحِيمِ ﴾

﴿ یس ﴾

(یس) لفظی متشابهاتنددر . علماء متقدمین عندنده بومثللو متشابهانده مراد الهی هر نه ایسه ایمان ایتک و تاویلله اشتغال ایتمه مک ملتزمدر . متأخرین عندنده قواعد شرعییه موافق اولارق توجیهی ایله مشغول اولق جائزدر . بناءً عليه (یس) لفظی یا انسانه ؛ معنانه منارادر . یاخود رسول الله اسمیدر . شوحالده یا محمد ؛ دیمکدر . یاخود سوره نک اسمی و مقدر (أَنْتَ) کلمه سنک مفعولیدر . یعنی « سن سوره یسنی تلاوت ایت ، اوقو » دیمکدر .



یا خود مبتدا، مخبر ذلک خبر مبرر . بوکا نظراً معناسی: [شو سورہ؛ سورۃ یس] دیمکدر العلم عند اللہ .

﴿وَالْقُرْآنِ الْحَكِيمِ \* إِنَّكَ لَمِنَ الْمُرْسَلِينَ \* عَلَى صِرَاطٍ مُسْتَقِيمٍ﴾

[یا اکریم الرسل! انواع حکمتی متضمن اولان قرآنہ یمین ایدرم کہ سن طوغری طریق اوزرہ ارسال اولونان رسوللردنسک .]

یعنی؛ ای انسان کامل! ہر آتی و کلمہ سی یوزلرچہ حکمت و منفعت اوزرہ شامل اولان قرآنہ قسم ایدرم کہ سن محقق قوللریمیزی ارشاد ایچون کوندردیکمز رسوللریمزدنسک . او رسوللر کہ صراط مستقیم اوزرینہ ارسال اولوندیلر، سن دہ آنلر کی صراط مستقیم اوزرینہ سک . بناء علیہ؛ شریعتک ہر حکمی استقامتی متضمندر .

فخر رازینک بیانی و جہلہ رسول اللہک طوغری یولہ ارشاد ایچون کوندریلن رسوللردن اولسنی بیان ایتک؛ شریعتک استقامت اوزرہ اولدیغنی بیانی مستلزم ایسہدہ شریعت محمدیہ نک استقامت اوزرہ اولدیغنی صراحتلہ بیان ایتک و شرفنہ اشارت اولق اوزرہ رسول اللہک صراط مستقیم اوزرہ اولدیغنی آچیقدن ذکر اولونمشدر . زیرا ضمناً معلوم اولان شیئی، صراحتاً و التزاماً معلوم اولان شی کی عبارہ صورتیلہ بیان ایتک لسان عربدہ اوتہ دنبری رعایت اولونان قواعد جملہ سندندر . یمینلہ ایراد کلام ایتک علی الا کثر اوکلامک حکمتی انکار ایدن منکرہ قارشئی اولدیغندن رسول اللہک رسالتی انکار ایدن منکرلری رد و الزام ایچون جناب حق رسول اللہک رسالتی یمین ایلہ بیان و کلامی قسملہ تقویہ و تأکید بیورمش و شان رسول اللہ تعظیم ایچون یمین قرآنلہ اولونمش و قرآن دہ حکمتلہ توصیف ایدلمشدر . چونکہ؛ رسالتی انکار ایدن کافرلر قرآنی دہ انکار ایتدکلری حالہ واجب تعالی نک قرآنہ قسم بیورمسی قرآنک عند الہیدہ قدر و شرفی اولدیغنی دلیل قویدر . شو حالہ قرآنک نظم معجزی رسول اللہک رسالتنہ دلیل اولدیغنی کی مقسم بہ اولق جہتندن دہ رسالت رسول اللہ دلالت ایدر .

رسول اللہک شریعتی شریعتلرک اعدلی و طریقتلرک اقومی اولدیغنی اشارت ایچون صراط لفظی تعظیم دلالت ایدن ترمیم ایلہ وارد اولمشدر .

صراط مستقیم ایلہ مراد؛ نومبردہ و عفاۃ مقدرہ و فروع اعمالدہ و جملہ امور دہ استقامتدر . بوکا نظراً معنای نظم: [ای حبيب ذیشانم! سن اصول دیندہ عقائد حقہ و فروع اعمالک جملہ سندہ استقامت اوزرینہ سک] دیمکدر .

خلاصہ؛ رسول اللہک واجب تعالی طرفندن قوللرینی ارشاد و طوغری یولہ سوق ایتک و دنیوی و اخروی منفعتلرینی بیان ایتک ایچون کوندریلن رسل کرام زمردسندن اولدیغنی بو آیتدن مستفاد اولان فوائد جملہ سندندر .

\*\*

واجب تعالی قرآنک نظمی محکم و معناسی قوی اولدیغنی بیاندن صوکرہ قرآنک حکیم اولدیغنی اثبات ایتک اوزرہ ﴿تَنْزِيلَ الْعَزِيزِ الرَّحِيمِ﴾ بیوریور .

[قرآن کریم؛ جملہ مخلوقات اوزرینہ غالب و قوللرینہ انعام و احسانلہ متصف اولان اللہ تعالی طرفندن انزال اولونمشدر .] بناء علیہ؛ معناسی محکم و انواع حکمتی جامع و لفظی معجزدر .

قرآنہ معارضہ ایدنلرہ قرآنک غالب اولدیغنی اشارت ایچون واجب تعالی نک غالیبتی مشعر اولان عزیز اسم شریفی وارد اولمشدر . چونکہ؛ قرآنی انزال ایدن واجب تعالی نک ہر کسہ غالب اولسی انزال بیوردیغنی قرآنک خصمنہ غالب اولاجغنی اشارتدر .

قرآنک انزالی عین رحمت اولدیغنی اشارت ایچون اسماء حسنی ایچندن رحیم اسم شریفی وارد اولمشدر . چونکہ؛ قرآنی انزال ایدن واجب تعالی رحیم اولونجہ انزال بیوردیغنی قرآنک، قوللری ایچون عین رحمت اولاجغندہ شہ اولماز . بناء علیہ قرآن؛ قوللرک دنیوی و اخروی منفعتلرینی بیان ایدہ رک نوم غفلتدن ایقاظ و طریق ہدایتہ ارشاد ایتمشدر .

بو نظم؛ قرآنک حکیم اولدیغنی اثبات ایچون سوق اولونمش بر دلیلدر و تقریری شویلدہر: «قرآن حکیمدر . زیرا قرآن؛ عزیز و رحیم اولان اللہ تعالی طرفندن انزال اولونمشدر . ہر کتاب کہ عزیز و رحیم طرفندن انزال اولونما، حکیمدر . او حالہ قرآن حکیمدر» .

\*\*



واجب تعالی قرآنک حکیم اولدیغنی اثبات ایتدکدن صوکره قرآنک انزالندن حکمتی بیان ایتک اوزره ﴿لِتُنذِرَ قَوْمًا مَّا أُنذِرَ آبَاؤُهُمْ فَهُمْ غَافِلُونَ﴾ بیوریور.

[ای نجات دیشان! بابالری انذار اولونمایان قومی سنک انذار ایتمکک ایچون قرآن انزال اولوندی. زیرا؛ آنلر انذاردن غافلدر.] بناء علیه؛ آنلر ایچون انذار لازمدرکه سن آنلری قرآنله انذاره مأمور اولدک.

شو معنا آیتده ما لفظی نفی ایچونه اولدیغنه نظرآدر. اما ما لفظی ماء موصول اولدیغنه نظرآ معنای نظم: [قرآن بابالرینک انذار اولوندیغنی عذابه برقومی انذار ایچون نازل اولدی. زیرا؛ او قوم احکام شرعیهدن غافل اولدقلری جهتله انذاره احتیاجلری وارددر. شدت احتیاجلریه بناء بابالرینک انذار اولوندیغنی شیله سنک آنلری انذار ایتمکک ایچون قرآن انزال اولوندی] دیمکدر. کرچه مفسرین هرایکی معنایده نظر اعتباره آلمشیر ایسهده مانک نفی ایچونه اولسی راجعدر. چونکه قوم له مراد؛ قریشمر. زمان سعادتده موجود اولان قریش ایسه بابالری فترت زماننده کجککاری ایچون انذار اولونماشلردی. حضرت عیسادن صوکره رسول الله کلنجیه قدر آنلره رسول بعث اولونمادیغندن انذاردن وشریعتدن غافلردی وغفلتلی بیان ایتک؛ انذاره وارشاده شدت احتیاجلری بیان ایتکدر. اگر ماء موصول اولورسه انذار اولونان بابالری ایله مراد؛ بیضاوینک بیانی وجهله فترت زماننده اول یکن بابالریمر.

خلاصه قرآنک انزالندن مقصد؛ بابالری انذار اولونمش ویاخود انذار اولونماش کندیلری انذاردن واحکامدن غافل وانذاره شدت احتیاجلری اولان برقومی رسول اللهک انذار ایتسی اولدیغنی بوآیتدن مستفاد اولان فوائد جمله سندندر.

\*\*

واجب تعالی انذاره محتاج اولان قومک غفلتلی بیاندنصکره آنلرک اکثریسی

ایمان ایتدکلرندن عذابه مستحق اولدقلری بیان ایتک اوزره ﴿لَقَدْ حَقَّ الْقَوْلُ عَلَىٰ أَكْثَرِهِمْ فَهُمْ لَا يُؤْمِنُونَ﴾ بیوریور.

[الله تعالی حق ایچون آنلرک اکثریسی اوزرینه عذابی مشعر اولان قول الهی واجب اولدی. زیرا؛ آنلر ایمان ایتملر.]

یعنی؛ کفار قریشدن چوققلری کفر اوزره مصر اولاجقلریه علم الهی سبق ایتدیگندن آنلر اوزرینه محقق عذاب واجب اولدی. چونکه؛ آنلر عمرلری اولدیغنه ایمان ایتملر. زیرا؛ حقه میل ایتدکلرندن ایماندن ورشد وهدایتدن محروملدر.

ابوالسعود اقدینک بیانی وجهله عذاب واجب اولانلره عمرلری مدتده ایمان ایتیه جکلریه اشارت ایچون استمرار دلالت ایدن مضارع صیغه سیله برابر استقبال دلالت ایدن بوايله عدم ایمانلری بیان ایچون (لایؤمنون) وارد اولمشدر.

آنلر اوزرینه عذابک واجب اولدیغنه سبب ایمان ایتملری اولدیغنه اشارت ایچون تفسیره دلالت ایدن فاعلی وارد اولمشدر. شوالده (فهم لایؤمنون) آنلر اوزرینه عذابک وجوبه دلیلدر و تقریری شوبلدر: «آنلرک اکثریسی اوزرینه عذاب واجب اولدی. زیرا؛ آنلر ایمان ایتملر. هرکیمسه لکه ایمان ایتملر، آنلر اوزرینه عذاب واجب اولور. احوالده او کافرلر اوزرینه عذاب واجب اولدی.»

خلاصه؛ ایمان ایتوب کفر اوزره اصرار ایدنلره عذابک واجب اولاجنی وآنلر ایچون عذابدن قورتولوش اولیه جنی بوآیتدن مستفاد اولان فوائد جمله سندندر.

\*\*

واجب تعالی کافرلرک ایمان ایتدکلری بیاندن صوکر عدم ایمانلرینک سببی بیان ایتک اوزره ﴿إِنَّا جَعَلْنَا فِي آغْثَائِهِمْ أَغْلَالًا فَهِيَ إِلَىٰ آلَ ذُقَانَ فَهُمْ مُقْحَنُونَ﴾ بیوریور.



[ بز عظیم الشان او کافر لک بیونلرینه لاله لر [۱] قویدق . بناءً علیه ؛ اولاله لر چکه کیمکیرینه قدر دایاندینی جهته او اغلال سبیلله باشلری اکیلمز بر حالدیه یوقاری قالمشدر . ]  
یعنی ؛ کفر و عناد اوزره اصرار ایدن وشقاوتله محکوم اولان کافر لر ایمان ایتزلر .  
زیرا ؛ آنلر حق سوزی دویماز ونصیحت قبول ایتمز بر حالدیه کبر و عظمت اظهار ایدوب اراده لرینی اصلاً ایمانه صرف ایتدکیرندن دولایی طاعته و انقیاده سبب اولان بیونلرینه لاله لر طاقیق و آللری بیونلرینه باغلاندیغندن آنلر ایچون اکیلوب طوغر و لمق ممکن اولاماز بر حالدیه قالدیلر . چونکه ؛ اولاله لر چکه کیمکیرینه دایاندینی جهته آشغی اکیلهمدکیرندن باشلری یوقاروده قالمشدر . حتی صاغه صوله و آله اوسته حرکتلرینه دخی مانع اولمشدر . بناءً علیه ؛ ایمانه التفات ایتدکیرندن وخشوع اوزره انقیاد لازم ایکن ، انقیاد ایتدکیرندن طولایی بوجزایه دوچار اولمشدر .  
بوآیت جلیله ؛ کافر لک حاللرینی تمثیل قیلنددر . کأن کافر لر ایمانه میل ایتهمکده آللری بوغازلرینه باغلی و بوغازلرینه لاله لر طاقیلمش اکیلوب طوغر و لمغه مانع اولان کیمسه لک هیچ بر طرفه میل ایدهمدیکی کبی کافر لده ایمانه میل ایدهمه مشلدر . زیرا ؛ کندیلرنده اولان کبر و غرور لری بوغازده کی لاله کبی ایمانلرینه مانع اولمشدر . بلکه حساندن وخیردن هیچ بر خیر جهته حرکت ایدهمه مش آللری باغلی کبی قالمشدر .  
فخر رازی و خازنک بیانلری وجهله بعضیلر بوآیتده آنلرک بیونلرینه طاقیلان اغلال ایله مراد ؛ آنلرک املری و حرص و طمع لری و مزخرفات و تیریه میل ایدهمه مشرات نفسانییه تبعیتلریمه دیدیلر . بوکا نظراً آیات معنایی : [ کفر اوزره مصر اولانلر ایمان ایتزلر .  
زیرا ؛ بز آنلرک اراده جزئیهلرینی کفره صرف ایتدکیرندن طولایی حق طرفه میله و دونمکه آلت اولان بیونلرینه ، بوقاغی و لاله به بکزه بن حرص و طمع و امللر و شهوات نفسانییه تبعیتلرینی طاقیدیغمنزدن آنلرک آللری بیونلرینه باغلانمش و بیونلرینه لاله لر طاقیلمش ایکی طرفه التفاتدن محروم اولمش کیمسه لک کبی ایماندن و فی سبیل الله انفاقدن وسائر خیرات و حساندن محروم اولمشلر ] دیمکدر . بناءً علیه ؛ آنلره عقلی و نقلی دلیللر و انذارات فائده ویرمز .

[۱] لاله ؛ محبوسلرک بیونلرینه طاقیلان بوقاغولره ، زنجیرلره دینور .

بوآیتک صادق اولدینی انسانلر ، خارجه هر زمان کور و لمکده دو . زیرا ؛ حتی قبول ایتهمین کیمسه لک قفالری دائماً یوقاریده بر قاصقی ایله قاصیلی کبی اوکنه باقماز بر حالدیه اولدینی غیر قابل انکار بر حقیقتدر .

..

واجب تعالی ایمان ایتهمین کافر لک عدم ایمانلرینک بعض سببی بیاندن صوکره سبب آخری بیان ایتک اوزره ﴿ وَجَعَلْنَا مِنْ بَيْنِ أَيْدِيهِمْ سَدًّا وَمِنْ خَلْفِهِمْ سَدًّا فَأَغْشَيْنَاهُمْ فَهُمْ لَا يُبْصِرُونَ ﴾ یوربور .

[ بز عظیم الشان او کافر لک اوکلرینه و آرقه لرینه قالدین پرده وضع ایتدک . بناءً علیه ؛ آنلرک کور لرینی کور ایتدک که آنلر کورمز اولدیلر . ]

یعنی ؛ آنلر اراده لرینی کفره صرف ایتدکیرندن طولایی بز آنلرک هر طرفی احاطه ایدهمک پرده قویدق که اوکلرینی و آرقه لرینی کورمز بر حالدیه کوزلری کور اولدیغندن اصلاً حتی کوروب نور هدایتله تنور ایدهمه مشلدر . بناءً علیه ؛ نبوته و حقانیه دلالت ایدن آیتلری کورمدکیرندن ایمانه ارشاد اولونامامشدر . چونکه ؛ بصر بصیرت لری باغلی اولدیغندن حتی قبولدن محروم و طوغری یوله کیتمکدن ممنوع اولدقلری جهته ضلالت اوزره اوهام دره لرنده هلاک اولوب کیتمشلدر .

فخر رازی و قاضینک بیانلرینه نظراً بوآیت ( ابوجهل ) وعونه سی حقلرنده نازل اولمشدر . چونکه ؛ ابوجهل « بن محمد ﷺ ی نماز قیلار کورورسم شو طاشی باشنه ووره جنم » دیبه رک همپالرینه واقع اولان وعدی اوزرینه رسول الله نماز قیلار کن او طاشی وورمق اوزره حضور رسالته کلیر . طاشی آتمق اوزره آلتی قالدیرنجه آلی بویتنه یاپیشا قالدیر . کیری کلوب رفقاسنه خبر ویرنجه طاش ائندن دوشروبی مخرومدن بر کیمسه ده عین طاشی وورمق اوزره حضور رسالته کلدیکنده جناب حق کوزینی کور ایدر اوکنی و آرقه سی کورمز . رسول الله صداسنی ایشیتیر ولکن کندی کورمه مز بر حاله کلیر . ایشه بوآیتلره جناب حق رسولنه کوتو صانی صاینلرک حاللرینی و کوتو قصدلرینک خلاصۃ البیان : اون ایکنجی جلد - ۹۰



نتیجه لرینی سائر لرینه عبرت اولوق اوزره بیان بیورمش و بوسیله ایله حق ابطاله سعی  
ایدنلرک سعلری ضایع اولاجغنده اشارت ایتشدرد .

..

واجب تعالی کافرلرک قلبلری و کوزلری حق کورمکدن کور کی اولدقلرندن ایمان  
ایتمک لرینی بیاندنصکره بومثللو عنود منکرلره انذارکده تأثیری اولیه جغنی بیان ایتک اوزره  
﴿ وَسَوَاءٌ عَلَيْهِمْ ءَأَنذَرْتَهُمْ أَمْ لَمْ تُنذِرْهُمْ لَا يُؤْمِنُونَ ﴾ بیوریور .

[ یا اکرملرسل ! آنلر اراده جزئی لرینی کفره صرف ایتدکلرندن طولایی سنک  
آنلری انذار ایدوب انذار ایتمه کلکک آنلر اوزر لرینه مساویدر . چونکه ؛ هر نه قدر  
آنلری انذاره سعی ایتسه کک آن انذار اولونماش کی ایمان ایتزلر . ] بناء علیه ؛ آنلرک  
حققلرنده انذارک تأثیری اولمادیغی جهته انذار اولونمالریله اولونمالری بیتنده بفرق اولماز .  
شوحالده نفسکی یورما . زیرا ؛ الله تعالی سنک سعیکی بیلیر و آنلرک کفر اوزره اصرار لرینی ده  
بیلیر . بناء علیه ؛ ایمان ایتدکلرندن محزون اولما . عدم ایمانلرینک ضرری آنلره عاڈدر ،  
سکا بر ضرر یوقدر .

نیسابورینک بیانی وجهله انذار وعدم انذارک مساوی اولسی انذاری قبول ایتمین  
کافرلره نظر آدر ، یوقسه رسول الله نسبتله مساوی دکلدرد . زیرا ؛ رسول الله ایچون انذاره  
دنیا ده و آخرته شرف وسعادت واردرد .

..

واجب تعالی حقه التفات ایتمین کافرلرک انذار اولونمایه جغنی بیاندن صوکره انذارک  
منفعت و یره جکی کیمسه لری بیان ایتک اوزره ﴿ إِنَّمَا تُنذِرُ مَنِ اتَّبَعَ الذِّكْرَ وَنَشِيَ  
الرَّحْمَنَ بِالْغَيْبِ فَبَشِّرْهُ بِمَغْفِرَةٍ وَأَجْرٍ كَرِيمٍ ﴾ بیوریور .

[ ای نبی معظم ! سن آنجق قرآنه اتباع ایدرک عذابک نزولندن اول رحمن  
تعالی نک قهر و غضبندن قورقان کیمسه لری انذار ایدرک . رحمن تعالی دن قورقان و قرآنه

اتباع ایدن کیمسه بی کناهک مغفرت اولونسی وجته داخل اولارق کوزل اجره نائل  
اولسی ایله تبشیر ایت . ]

فخر رازی و بیضاوینک بیانلری وجهله بو آیتده ذکر له مراد ؛ قرآنه و قرآنه اتباعک  
معناسی یورقمه دوشونوب مومئید عمل ایتکدر . چونکه ؛ عملسنز اتباع اولاماز . غائب  
اولارق رحمن تعالی دن خشیتک معناسی ؛ عذاب کلنزدنه و رأی العین سرتنی مشاهده  
ایتمزدنه اول مناب هفک قهر و غضب صامبی اولدیغنی بیدرک انتقامنده قورقمقدرد . اجر  
کریم ایله مراد ؛ رحمتنر و شفقتنر عملنک توایدنر جنته کیرمکدر .

ابوالسعود افندیکنک بیانی وجهله رسول اللهک انذارندن انتفاع ایدرک آنجق قرآنه  
اتباع و ایمان ایدن کیمسه اولوب قرآنه اتباع ایتدکلرک انتفاع ایدرک جکلرینه اشارت ایچون  
محصره دلالت ایدن ﴿ إِنَّمَا ﴾ لفظی وارد اولمشدر . یعنی ؛ رسول اللهک انذاری عمومیدرد .  
بناء علیه ؛ قرآنه اتباع ایدنی ده ایتدنی ده جمله سنی ایمان ایتدکاری صورتده عذابک نازل  
اولاجغنی بیسانله انذار ایدر ، آنجق انذاردن انتفاع ایدرک اولانلر آنجق قرآنه ایمان  
و اتباع ایدنلر اولدیغنی جهته ادات حصره وارد اولمشدر .

واجب تعالی نک مرحمت صاحبی اولدیغنی بیلرک و فقط مرحمتنه مغرور اولیه رق عذابندن  
قورقق لازم اولدیغنه اشارت ایچون اسماء حسنی ایچندن رصم اسم شریفی وارد اولمشدر .  
( بالغیب ) عذابی کوزیدر کورمکسزیه قورقمقدرد . چونکه ؛ عذابی مشاهده ایتدکدن  
صوکره قورقق معتبر دکلدرد . شو تفصیلاته نظراً ایتک معناسی ؛ [ یا اکرملرسل !  
سن شول کیمسه بی انذار ایدرک که او کیمسه قرآنک معنایینی دوشونورک قلبیله تصدیق  
ولسانیه اقرار ایدرک ایمان و اوامر و نواهیسنه اتباع ایتدی و الله تعالی نک انواع انتقامه  
قادر اولدیغنی اعتقاد ایدرک غائبانه عذابک کلنندن اول قورقدی . ایشه شوموال اوزره  
قرآنه اتباع ایدن کیمسه بی کناهک مغفرت اولونسی ایله وجته کیرمکله اجر و ثوابه  
نائل اولاجغنی بیانله تبشیر ایت ] دیمکدر .



نیسابورینک بیانی وجهله مغفرت؛ ایمانه واجر کریم؛ عمل صالح مقابلنده در. یاخود مغفرت؛ قرآن اتباع واجر کریم؛ ضمیمت مقابلنده در.

خلاصه؛ رسول اللهک اندازندن انتفاع ایدم جک کیمسه آنجق قرآنه اتباعله اللهدن قورقان کیمسه اولدینی و بویله اولان کیمسه نك مغفرتله و کرم صفیله متصف اجرله بشیر اولونمغه شایان بولوندینی بوآیتدن مستفاد اولان فوائد جمله سندندر.

..

واجب تعالی اندازندن انتفاع ایدم جکک مغفرتله تبشیره شایان اولدقلرینی بیاندن صوکره مغفرتک محلی و کیفیتنی بیان اتمک اوزره ﴿إِنَّا نَحْنُ نُحْيِي الْمَوْتَىٰ وَنَكْتُبُ مَا قَدَّمُوا وَآثَارَهُمْ وَكُلَّ شَيْءٍ أَحْصَيْنَاهُ فِي إِمَامٍ مُّبِينٍ﴾ بیوریور.

[ بز عظیم الشان محقق اولمش کیمسه لری دیرلتیرز و آنلرک نفسلری ایچون آخرته تقدیم ایتدکلری خیر و شر عمللرینی و اخلاق حسنه و علم و فضیلت و یاخود ظلم اولان بر شی تأسیس اتمک کبی آثار خارجیه لرینی یازارز و آنلردن صادر اولمش و اولاجق هر شیشی بز لوح محفوظده حفظ ایتدک و اوافعالک زماننی و مکاتی و وقوعنک کیفیتنی تفصیل ایتدکله تعداد ایتدک. هیچ برشی خارجه قالماز. جمله سی حق انسانلردن صادر اولان افعالک هر جزئی لوح محفوظده مندرجدر. ]

یعنی؛ قوللریمیزک حقوقی بزم علممزدن خارج اولاماز. زیرا؛ بز کمال قدرتمزله اولولری دیرلتیرز و آنلرک کندیلری ایچون آخرته کوندردکلری عمللرینی حتی بر ذره سی بیله خارج اولقسزین یازارز و جمله سنک لایق اولدینی وجه اوزره جزائی و یریز و آنلرک آثار مستحسنه و اخلاق حمیده و آداب مرضیه و مقبوله لرینی یازدیغمز کبی عادات قبیحه و اخلاق خسیسه لرینی دخی هر جمله سنی لوح محفوظده صایارز. بناء علیه؛ عمللرندن هیچ برشی علممزدن خارج اولماز.

فخر رازی، خازن و نیسابورینک بیانلری وجهله آثارله مراد؛ تحصیل علم، تصنیف

کتب، مسافر برورلک، مسجر، مدرسه و مکتب بنا اتمک و کویری با برمه کبی آثار حسنه شامل اولدینی کبی غیرانی تخریب اتمک و غیره اضرار ایلدک کبی آثار سیئه دخی شاملدر. حق اهل ایمانک مسجر شریفه کیروب کلیرکن آباقلربنک ایزی مراد اولدینی دخی مرویدر. چونکه؛ (خی سلمه) قبیله سی مدینه منوره نك بر جاننده اولدقلردن مسجد نبوی به یقین بر محله نقل خانه اتمک مراد ایدنجه بو آیتک نازل اولدینی و او وقت رسول اللهک آنلره خطاباً (علیکم دیارکم فاننا نکتب آثارکم) بیوردینی حضرت (جابر) دن و (ابوسعید الحدادی) دن مرویدر. یعنی «خانه لریکزه ملازمت ایدک، ترک ایتدک. زیرا؛ مسجده کلیرکن سزک ایزلریکزد دفتر اعمالکزه یازیلیر» دیمکدر. بو روایتی نظرآ آثارله مراد؛ اهل ایمانک مسجره کیروب آثارله اولدقلری فطره لرور. شو حالده بو خطوه لر دخی سائر آثار حسنه میاننده داخل دیمکدر. بناء علیه؛ جماعته دوام ایدن کیمسه ایچون مسجره یقین اولمقدن اوزاق اولمق دها اولادر. زیرا؛ اوزاق اولمقده ثوابک دها زیاده اولاجنی روایت اولونان حدیث شریفله ثابتدر.

اعمالی یازمق احیادن اول اولدینی حالده احیا قوللره جزا و یرمک ایچون مقصود اصلی اولدیغنه و احیانک عظمت و جبروته دلالت ایتدیکنه امارت ایچون آیتده احیا، کتابت اوزرینه تقدیم اولونمشدر. چونکه؛ اولولری احیا اتمک جناب حقه مخصوصدر. اللهک غیره هیچ بر کیمسه قادر اولاماز. اما کتابت هر کس قادر اولایلیر. بناء علیه؛ احیانک شرفه بناء تقدیم اولونمشدر. ملائکه یازاقلری شیده لوح محفوظه اقتدا ایتدکلری ایچون لوح محفوظه امام دنیلیمشدر. چونکه امام؛ مقتدا بهدر. لوح محفوظ؛ یازیلیرنه شیلری بیانه و اظهار ایدوب انذار منفعت و بره نك ایمانه ایمانه انیمیندر بیلرینی تفریب ایتدیکنی ایچونه بیانه و اظهار ایدوبی معنانه (امام مبین) دنیلیمشدر. خلاصه؛ واجب تعالی نك موانی احیا بیوردینی و انسانلرک آخرت ایچون تقدیم ایتدکلری عمللرینی و دنیاده بر اقلقلری اثرلرینی لوح محفوظه یازدینی و هر شیشی تعداد بیوردینی و بوجهتله آیتک اوج مسئله مهمه بی جامع اولدینی بوآیتدن مستفاد اولان فوائد جمله سندندر.

..



واجب تعالى انسانلرک بعضیسنه انذار فائده ایدوب بعضیسنه فائده ایتدیکنی بیاندن.  
صوکره بونی بر مثال ایله ایضاح ایتک اوزره ﴿وَاضْرِبْ لَهُم مَّثَلًا أَصْحَابَ الْقَرْيَةِ﴾  
اِذْ جَاءَهَا الْمُرْسَلُونَ ﴿۱۰﴾ اِذْ اَرْسَلْنَا اِلَيْهِمُ اثْنَيْنِ فَكَذَّبُوهُمَا فَعَزَّزْنَا بِثَالِثٍ فَقَالُوا  
اِنَّا اِلَيْكُمْ مُّرْسَلُونَ ﴿۱۱﴾ بیوریور.

[یا اکرمرسل! کفر اوزره اصرار ایدوب نصیحت دیکله مبین مشرکله انطاکیه  
قریه سی اهایلسنک قصه لرینی مثال اولارق سن آنلره کوستر شول زمانده که او زمانده  
آنلره رسوللر کلدی. زیرا؛ او زمانده اهل قریه بز عظیم الشان ایکی رسول کوندردک  
آنلر او ایکی رسولی تکذیب ایتدیلر. بناء علیه؛ بز اوچنجی بر رسول ایله آنلری تقویه  
ایتدک و اوچی بردن انطاکیه اهایلسنه خطاباً آنلر «بز سزی ارشاد ایچون کوندردمش  
رسوللرز» دیمکله آنلری حقه دعوت ایتدیلر. [ زیرا؛ آنلرده سنک قومک کی کفر  
اوزره اصرار ایدوب انذارک فائده سی اولمایوردی. شو حالده سنک زمانگده بولونان  
مشرکلرک حاللری عیسی علیه السلام زمانده بولونان کافرلرک حاللری کی اولدیغندن  
بونلرک حاللری آنلرک حاللرینه تشبیه اولونمق صورتیه ایضاح اولونور.

فخر رازی، خازن ونیسابورینک بیانلری وجهله (انطاکیه) اهایلسی پوت پرست  
اولدقلری جهتله ارشاده محتاج اولدقلرندن جناب حق حضرت عیسیایه ایکی رسول  
کوندرمسنى امر ایتدی اوزرینه عیسی علیه السلام ایکی رسول کوندردی که برینک اسمی  
(یونس) دیکرینک اسمی (یحیی) ایدی. آنلر انطاکیه اهایلسنی توحیده و حقه دعوت  
ایدنجه اهایلسنک عصیه کفریه لری غایبه ایدرک رسوللری تکذیب و ضرب و استهزایه  
جرات ایتدکارندن اوچنجی بر رسول ایله تقویه لری لازمکلیکی جهتله اوچنجی رسول  
اولان (شمعون) ایله تقویه بیورمشدر.

اکثر تفسیرده واقع اولان روایتله نظراً وقوعات شویله جریان ایتشد: انطاکیه  
اهایلسنی ایمانه دعوت ایتک اوزره عیسی علیه السلام طرفندن کوندریان ایکی رسول  
انطاکیه جوارینه کادکارنده بر مقدار قوبون کوددر (حبیب نجاری کورونجه (حبیب)  
بونلرک حاللرندن وزرلی اولدقلرندن و نه ایچون کادکارندن سؤال ایدر. بونلرده حضرت

عیسی طرفندن خلقی ارشاده مأمور اولدقلرینی بیاندن صوکره (حبیب) حضرتلری  
بونلرک علامتلرینی کورونمق تکلیف ایدر. بونلر بأذن الله خسته لره شفا و بره جکلرینی  
و کوزسزلرک کوزلرینی اعاده ایده حکلرینی بیان ایدنجه (حبیب) حضرتلری بونلری خانه سنه  
کوتوروب ایکی سندر اسیر فراش اولان اوغلونی مسح ایتلریله شفا بولمسی اوزرینه بونلره  
ایمان ایدر و خلق بیتده بونلرک حاللری شایع اولوب بر چوق خسته لر مراجعتله شفا  
بولمق باشلار. بو حال (انطاکیه) پادشاهنه عکس ایدر. ملک بونلری حضورینه جلب  
ایدر. بونلر ملک ایمانه دعوت ایدنجه ملک بونلری حبس ایدر. حضرت عیسی آنلرک  
حبسنی ایشیدنجه اوچنجی بر رسول اولان شمعونی کوندرد. شمعون مجهول الاحوال  
اولارق انطاکیه یه کلیر. اولا پادشاهک اعوانی ایله وبعده اعوان واسطه سیله ملکله  
کوروشور. نهایت ملک ایله محبت تکلیف سزلکه قدر ایلروله نجه بر کون محبت ایتلر  
محبوسلرک حاللرندن سؤال ایدر و ملک «سن بونلرک دلیللرینی دیکله دکمی؟» دینجه  
ملک دیکله مدیکنی سوبلر. شمعون ملکک بوجوابی اوزرینه بونلرک دلیللرینی دیکله مک  
لازم اولدیغنی بیان ایدر. بونک اوزرینه ملک بونلری حضورینه جلب ایدوب شمعون  
آنلرک دبلرندن سؤال ایدر. آنلر جناب حق اوصافیه تعریف ایتدکدن صوکره یدی  
کون اول وفات ایتمش بر اولوی دعا لریله احیایا ایدنجه ملک و ملکک خدمه لرندن بعض  
کیسه لر ایمان ایدرلر. بعض روایتله نظراً هیچ بر کیسه ایمان ایتمز ولکن شمعونکده  
اولکی ایکی رسول ایله تشریک مساعی ایچون کلدیکی میدانه چیقار.

\*\*

واجب تعالى شمعونک یونس و یحیی ایله تشریک مساعی ایچون کلدیکی میدانه چیقده  
قد نصکره اوچی بردن ناسی توحیده دعوتله باشلا نجه ناسک آنلره قارشى کلاملرینی بیان  
ایتک اوزره ﴿قَالُوا مَا اَتْنُمُ الْاِبْرَءُ مِثْلُنَا وَمَا اَنْزَلَ الرَّحْمٰنُ مِنْ شَيْءٍ اِنْ اَتْنُمُ  
اِلَّا تَكْذِبُونَ﴾ بیوریور.

[عیسی علیه السلام رسوللرینک دعوتی اوزرینه (انطاکیه) اهایلسی او رسوللره  
خطاباً دیدیلر که «سنز اولمادیکنز، الا بزم کی بشر سکز. بناء علیه؛ الله تعالی سنزک



اوزریکزه سمان برشی انزال ایتدی. سز اولادیکنز، الا یالانجی سکز، دیمکه رسالتلری  
انکار و بشرتی رسالت منافی عد ایتدیلر. [ و کندیلرنجه برقیاس یا بمق ایسته دیلر و دیدیلر که  
« سزده بزم کبی بشر سکز. بزه رسالت کلامی که سزه کلسون. بشر ایله جناب حق  
بیتمده بر مناسبت یوق که بشره وحی اولسون، بو اولاماز. شو حالدده سز الله تعالی به  
افترا ایدوب یالان سویله یورسکز. بناء علیه؛ بزمزه ایمان ایدمه یز. » ایشته بویله دیمکه  
رسل کرامک دعوتلرینه اجابتدن امتناع ایتدیلر.

خلاصه؛ حضرت عیسی طرفدن کوندریلن رسوللره انطاکیه اهالیسنک  
اوج شبد مقابله ایدوب برنجیسی؛ سزده بزم کبی بشر سکز. شومالده بزم اوزریمزه بر  
فضیلت دعوانه صلاحتک بوقدر، ایکنجیسی؛ بشر اوزرینه رحن تعالی بر شی انزال  
ایتمدی، اوچنجیسی؛ سز یالانده باشقه بر شی سویله یور، آنجه یالانده سویله یورسکز  
دیدکاری بو آیتدن مستفاد اولان فوائد جمله سندندر.

..

واجب تعالی انطاکیه اهالیسنک رسوللره و برمش اولدقلری جوابی بیاندن صوکره  
رسوللرک آنلره ایراد ایتدکاری کلاملری بیان ایتک اوزره ﴿ قَالُوا رَبَّنَا یَعْلَمُ  
اِنَّا اِلَیْکُمْ لَمُرْسَلُوْنَ ۚ وَمَا عَلَیْنَا الْاَبْلَاحُ الْمُبِیْنُ ۚ ﴾ بیوریور.

[ حضرت عیسانک رسوللری مشرکارک « یالانجی سکز » دیلرندن فور کتیرمدیلر.  
بناء علیه؛ دعوتلری اعاده و آنلرک انکارینه قارشی تأکید ایدرک دیدیلر که « بزم ربمز  
بیلیر بزم محقق سزی ارشاد ایچون کوندرلش رسوللرز و بزم اوزریمزه واجب اولمادی،  
آنحق آچیقدن سزه تبلیغ ایتک واجب اولدی. ] وظیفه مز بودروبو وظیفه ی ادا ایتدک.  
بناء علیه؛ بزمه مسئولیت قالمادی، لکن بزم دعوتیمزه اجابت ایتدیکسکزدن طولای  
مسئولیت سزه عائددر « دیمکه وظیفه لرینک ختام بولدیغنی بیان ایتدیلر.  
فخر رازی و نيسابورینک بیانلری وجهله کافرلرک انکارلرینک شدتی نسبتده

رسل کرام کلاملری برطاقم تأکیداته تقویه ایتشلردر. برنجیسی؛ بمینده تقویه ایتشلردر.  
زیرا؛ « الله تعالی بیلیر » دیمک بمیندر. بناء علیه؛ یالان یره الله تعالی بیلیر دیمش اولسه  
جناب حقه جهل اسناد ایتدیکندن کافر اولور. ایکنجیسی؛ اذات تأکیدن ایه  
ایله اوچنجیسی؛ لام ایله ایراد ایتشلردر. چونکه؛ مخاطبک انکاری درجه سنده  
کلامی تأکیدله ایراد ایتک اهل معانی غندنده واجیدر.

رسل کرام، وظیفه لرینک آنحق تبلیغ اولدیغنی بیاندن مقصدلری؛ مشرکاری تأمل  
و تفکره سوق و انصافه دعوتله ایمانه تشویق ایتمکدر. چونکه؛ تبلیغ مقابله بر  
اجرت طلب ایتیموب ریاست و منصب کبی اغراض دنیویه تنزل ایتمه لری اهالیسنک انصاف  
ایده رک براز دوشونملری ایجاب ایدر.

بوآیت و بوندن اولکی آیتلر رسولک رسولی؛ رسول اولدیغنه دلالت ایدر. چونکه؛  
انطاکیه اهالیسنه کان رسوللر حضرت عیسی طرفدن کوندردکاری حالدده جناب حق  
« بزم کوندردک » بیوردی و آنلرده « بزمی ارشاد ایچون کوندرلش رسوللرز » دیدیلر.  
شو حالدده رسولک رسولی؛ رسول اولدیغنه دلالت ایدر و مسئله فقهیه مزده بونی تأیید  
ایتمکدر. چونکه؛ موکلک اذنیله و کیلک و کیلی عین موکلک و کیلی اولدیغندن و کیل  
آنی عزل ایدمه مز. بناء علیه؛ و کیلک و کیلی آنحق موکل عزل ایدر. زیرا؛ هر نه قدر  
و کیلک و کیلی ایسه ده موکلک اذنیله اولدیغندن حقیقته ده موکلک و کیلدر. شو حالدده  
طرف التهمیدن رسول اولان عیسی علیه السلام رسوللری حقیقته ده جناب حقک رسوللری  
اولدیغندن جناب حق « بزم کوندردک » بیورمشدر.

بوآیت جلیلدر؛ نيسابورینک بیانی وجهله بوامتک افضل اولدیغنه دلالت ایدر.  
چونکه؛ عیسی علیه السلام قومی ارشاد ایچون ایکی کیمسه کوندرمشدر. اما بزم  
پیغمبریمز چوق زمان یمنه و سائر دیاره ناسی ارشاد ایچون بر کیشی کوندردر و آنسکه  
اکتفا بیوردی. شو حالدده رسول اللهک بر کیشیله اکتفا یورمسی بوامتدن بر کیمسه نک  
دیگر امتلردن ایکی اوچ کیمسه بدلی اولدیغنه دلالت ایدر.

خلاصه؛ عیسی علیه السلام رسوللری خاقی ارشاد ایچون کوندرلش رسوللر



اولدقلربی بر طاقم تا کیدانه بیان و علم الهی ایله شاهد ایتدکاری و کندیلربنک وظیفه لری  
آنحی آچقندن تبلیغ ایتک اولدیغنی حصر و قصرله بیان ایتدکاری بوآیتدن مستفاد  
اولان فوائد جمله سنددر .

..

واجب تعالی رسل عیسایک وظیفه لربی بیان ایتدکاری ذکردن صوکره شویانلربنه  
قارشى کافرلرک جوابلربی بیان ایتک اوزره ﴿قَالُوا اِنَّا نَطَيِّرُكَ يَا يُسُفُفُ لَمْ تَنْتَهُوْا  
لَنْزُجَنَّكُمْ وَلَيَمَسَّنَّكُم مِّنَّا عَذَابٌ اَلِيمٌ﴾ بیوریور .

[ کافرلر رسوللره « بز سزکله تشام ایدیورز » دیدیلر و سوزلربنه شونی ده علاوه  
ایتدیلر: « الله یمین ایدرز که اکر سز رسالت دعواسندن فراغت ایدوب وارکچک سزه کز  
بز سزی طاشله اولدیریز و بزم طرفزدن سزه آجیدیغی عذاب اصابت ایدر. ] بناء علیه؛  
واز کچک سوز کزدن بلا کزی بولماک بزدن » دیمکه رسوللری تهدید ایتشلردر .

تطیر؛ بر شیئی کونولکه عذمت عد اتمکدر . انسانلرک سومدکاری شیئی کوتواکه  
علامت عد ایتلری عادت اولدیغندن رسل کرامک دعوالربی و یمین ایتلربی یالان ظنیه  
کوتولکه علامت صایدلربی بیان ایتدیلر . چونکه ؛ یالان یره یمینی آنلر قحط و غلايه  
سبب عد ایدرلردی . بناء علیه؛ دیدیلر که « ای رسوللر! بز سزکله تشام ایدیورز .  
زیرا ؛ سز یالانچیسکیز و یالان دعوايه مصر اولدیغکیز کی یمین ده ایدیورسکیز .  
حالبوکه یالان یره یمین مملکتلری اوتسز و صوسز بر اقدیغی کی قحط و غلايه دخی سببه  
اولور . بناء علیه؛ سز خیره علامت دکاسکیز ، بلکه شره علامتسکیز » دیمکه رسوللری  
صوچلی چیقارمق ایسته دیلر . چونکه جهلانک عادتى ؛ شهوات نفسانیلربنک آرزوسنی  
آرامق در . ولوسه او آرزو ایتدکاری شی عین شر اولسون . هوا و هوسلربنه موافق  
کورمدکاری شیئی رد و انکار ایدرلر ولوسه اوشی انواع خیراتی جامع و جمله - عاداتی  
جالب اولسون . ایشه شواساسلره بناء ( انطاکیه ) اهالیسی « بز سزی سومیورز زیرا؛  
بزم آرزومزک خلافت بر طاقم شیلر تکلیف ایدیورسکیز . واز کچک بودعوان اکر

واز کچمزه کز سزی طاشله اولدیریز » دیدیلر . چونکه هر زمان سفهانک عادتلری ؛  
اولا مراملربی ترویج ایچن بر طاقم حیل و دسائس آرامق و مغالطه ایله باطللربی  
اورتمکدر . اکر بونکله آرزولری حصوله کلمزه بر طاقم تهدیداته قالدیشمق اولدیغندن  
بونلرده عین میلکی تعقیب ایتشلردر .

نیسابورینک بیانی وجهله عذاب الیم ایله مراد ؛ ببری آرقه منه اولونجه به قدر آینه  
طاشلرده ماصل اولده آمیلردر . یاخود طاشله رجم ایدر جکلی کی کوزلربنه آردق  
مار اشکوبه لردر که آللرندن هر نه کلیرسه یا باجقاربنه و کیری قومیه جقاربنه اشارت ایتشلردر .

..

واجب تعالی مشرکلرک تهدیدلربنه قارشى رسل کرامک جوابلربی بیان ایتک اوزره  
﴿قَالُوا طَائِرُكُمْ مَعَكُمْ اِنَّ ذٰلِكُمْ بَل اَنَّمْ قَوْمٌ مُّسْرِفُونَ﴾ بیوریور .  
[ رسل کرام آنلره جواب اولارق « سزک تشامکیزک سبی سزک کندیکیزله برابر  
اولان اعتقاد باطلکیز و کفریکیز و کوتو عمللریکیزدر . یوقسه بزم سزه تبلیغ ایتدیکیز  
اعتقاد حق تشامه سبب اولماز، بلکه عین سعادت سبب اولور . اکر سز متنبه اولوب وعظ  
ونصیحت قبول ایتمزه کز باشکیزه هر بلا کلیروا کر نصیحت قبول ایدر سزه کز هر کوتولکدن  
قور تومش اولورسکیز . شوخالده حق اولان ؛ سزک ظنکیز کی بزمه تشام ایتک دکلدردر .  
بلکه سز کفر و طغیانی عادت ایتش بر طاقم قوم مسرف و باطل ایله الفت ایتش سفملرسکیزه  
دیمکه تشام اولونمغه شایان آنحی کندیلری اولوب رسوللر اولمادیغنی بیان ایتشلردر . ]  
فخر رازی و خازنک بیانلری وجهله رسل کرام تمین و تبرک اولوناچق اکر امه شایان  
کیمسه لر اولدقلری حالده آنلره تشاملرندن واکرام بدلنده اهانتلرندن طولانی کندیلربنه  
اسراف اسناد اولونمش و بووسیله ایله مسرف اولدقلربی بیانله ذم اولونمشلردر .

..

واجب تعالی رسل کرامله اهالی بینده واقع اولان مباحثه بی بیاذفصکره بعض کیمسه نک  
رسل کرامک تصدیق و اتباعلری لازمدر دیدیکنی بیان ایتک اوزره ﴿وَجَاءَ مِنْ اَقْصَا



الْمَدِينَةِ رَجُلٌ يَسْعَى قَالَ يَا قَوْمِ اتَّبِعُوا الْمُرْسَلِينَ \* اتَّبِعُوا مَن لَّا يَسْأَلْكُمْ أَجْرًا وَهُمْ مُهْتَدُونَ \* بيوریور .

[شهرک نہایتی طرفدن قوشارق بر رجل کادی ویدی که «ای قوم! رسوللره اتباع ایدک . زیرا ؛ آنلره اتباع اتمک سزک سبب نجانک زدر . سزدن اجرت ایسته مهین کیمسه لره سز اتباع ایدک . حالبوکه او رسوللر طریق حقه اهتدا ایتشلردر . ]  
فخر رازی و نيسابورينک بيانلرينه نظرأ شهرک وست طرفدن کلن رجل (حيب نجار) در . چونکه ؛ شهر خلقی رسوللرک سوزلرينی دیکله دکن صوکره آنلره اتباعدن امتناع ایتسه که برابر رسوللری رجمله قتل ایده جکلرينه قرار ویردیلر . بوقرار خانسی شهرک الاوزاق محلنده اولدینفی حالده (حيب) ک سمعنه واصل اولونجه همان علی العجه قوشارق کایر وقومنه ، رسوللره اتباع واجب اولدینفی و رسوللر اجرت ایسته مدکلری جهته اتباع لازم اولوب اتباعده ؛ اجرت ویرمک کی مادی بر ضرر اولمادینفی بیانله برابر اتباع ایديله جک اولورسه معنوی بر جوق فائده اولدینغه اشارت ایتشدر . چونکه رسوللرک اهتدا ایتش اولدقلرينی صراحة بیان اتمک ؛ رسوللره اتباعده دنیوی و اخروی منفعت اولاجنفی بیان ایتشکدر . (رجل) لفظنده اولان تنوین تعظیم ایچوندرکه رجل کلمه دیمکدر . چونکه ؛ (حيب نجار) حضرتلری عابد ، زاهد و منصف بر ذات اولدینفی کی کتب سابقه ده رسول اللهک اوصافی کوردیکی وجهله بزم رسوللره ایمان ایتشدی . رسل عیسایه کندی ایمان ایتدیکی کی کمال شفقندن ناشی قومنده نصیحتده بولونمشدر . لکن قومی «سن دهمی بزم دینمزی ترک ایتدک» دیبه رک قتل ایتدکلری مرویدر و قبر شریفی انطاکیه ده مشهوردر .

خلاصه ؛ انطاکیه اهلینک رسوللری طاشله اولدورمکه قرار ویردکلرينی ایشیدنجه شهرک اوزاق محلندن (حيب نجار) ک علی العجله بکلدیکی و رسوللره اتباع ایتلرينی قومنه توصیه ایتدیکی و رسوللر اجرت ایسته مدکلرندن طولانی اتباعده بر ضرر اولمايوب اتباعه شایان و رسوللر ایسه طوغری یوله واصل اولمش مهتدی اولدقلرينی بیانله قومی اتباعه ترغیب ایتدیکی بوآیتدن مستفاد اولان فوائد جمله سندندر .

واجب تعالی حبيب نجارک قومنه نصیحتی بیاندن صوکره الله تعالی به عبادتک لزومی دلیل عقلی ایله اثبات ایتدیکنی بیان اتمک اوزره ﴿وَمَا لِي لَا أَعْبُدَ الَّذِي فَطَرَنِي وَإِلَيْهِ تُرْجَعُونَ﴾ بیوریور .

[ بکا نه کی مانع وارکه بنی خلق ایدن ربمه عبادت ایتمه ییم . حالبوکه سز آنجق حضور مغنیسه رجوع ایده جکسکدر . ]

یعنی ؛ حبيب نجار قومنک انکارینی کورونجه « بکا نه کی شی عارض اولدی که بنی خلق ایدن خلاقه عبادت ایتمه ییم و عاقبت سز آنک حضورینه رجوع ایدوب عملک زک جزاسنی کوره جکسکدر . شو حالده خلاقه عبادته بر مانع اولمادینفی کی عبادتی ایجاب ایدن دلیللرده واردر . زیرا ؛ بزی بوقدن خلق ایتسی و عاقبت آنک حضورینه واره جقمز بزم عبادت ایتمکلکمزی ایجاب ایدر اسبابندر » دیمکه قومی اقناعه چالشمشدر . بوندن اولکی آیتلرک تفسیرنده بیان اولوندینفی وجهله (حيب) حضرتلری اولجه ایمان ایتشدی . کندیسنک صنعتی دولکر و یاخود چاشیر ییقایچی و یا ایپکدن البسه طوقویوچی اولسی و کسبنی هر کون ایکی به تقسیم ایدوب بر قسمنی فقرايه تصدق و دیگر قسمنی عیالنک نفقه سنه تخصیص ایتسی خصوصنده روایتلر واردر .

حيب حضرتلرينک قومنه مدافعه سی کمال فطانتنه دلالت ایتدیکی کی بر طاقم حکمت اوزرینده مشتملدر . چونکه ؛ انسانلرک خلق اولونمسی حقلرنده نعمت اولدینندن اونعتی نفسنه شکرینک اداسی واجب اولدینغه اشارت و آنک شکری ده عبادت ایتک اولدینفی بیان و عاقبت حضور الهی به رجوع اتمک زجری موجب اولوب قومی ده معاصیدن منعه و زجره محتاج اولدقلرندن حضور مغنوی به رجوع ایده جکلرينی آنلره نسبتله انصافه دعوت ایتش و عبادت ایتمه مکده کی قباحتی کندینه نسبتله نفسنی تعیب و قومنه تعریض ایتشدر . بومسلک ؛ نصیحتده اک کوزل بر مسلکدر . چونکه دیکله یئلرک قباحتلرينی کندینه اسناد ایدره رک صرف کلام اتمک ؛ مخاطبلرک غضبنی تسکین ایتدیکندن هر حالده تأثیری زیاده اولور .

هر مؤمنک منکراتی منعه سی ایتسی لازم اولدینغه بو آیت دلالت ایدر . چونکه ؛



جناب حق قومك قصد ايتدکاری قباحی منع چالیشدیغندن طولای حبیب نجاری ثنا بیورمشدر. جناب حقك شوشاسی؛ منکراتی هیه سعی ایتك عندالله مرضی ومقبول بر عبادت اولدیغنه صورت واضحه ده دلالت ایدر.

حبیب حضرتلرینك بوكلامی مبدائی ومعادى جامع اولدیغندن احوال دنیا واحوال آخرتك هرايكیسنده اجمالاً اشارت ایتدیكى جهته غایت بلیغ مجمل ومفیددر.

..

واجب تعالى حبیب نجارك نصیحتك بقیه سنی بیان ایتك اوزره ﴿وَأَتَّخِذُ مِنْ دُونِهِ آلِهَةً إِنْ يُرَدِّنِ الرَّحْمَنُ بِضُرٍّ لَا تُغْنِي عَنْهُمْ شَيْئاً وَلَا يُنْقِذُونَ﴾ بیوریور.

[اللهمك غیرى پوتلری بن آله اتخا ایدرمی وار پوتلری معبود اتخا ایتك لایق اولورمی؟ اكر الله تعالى بكا برضرر مراد ایدرسه او پوتلرك شفاعتلى اوضرری بندن دفع ایدم من وبكا معاونت ویا ردم ایتكله بنی او ضرردن قورتاراماز.] بناء علیه؛ پوتلرك معبود اتخا اولونمغه استحقاقلری یوقدر.

نیسابورینك بیانی وجهله بوندن اولكى آیت صانعك وجودینی اقرار اولوب بو آیت ایسه واجب تعالىك غیرى معبودك اولمادیغنی بیان اولدیغندن آیتك ایکیسی توحید حکمنده در. بناء علیه؛ حبیب نجار حضرتلری اولاً واجب تعالىك وجودینی وصفات کالیله ایله متصف اولدیغنی وثانیاً شریکدن ونقائصدن منزّه بولوندیغنی بیانه توحیدی اکیال ایتشددر.

فخر رازی وخازنك بیانلری وجهله بر کیسه نك جناب حقه عبادتی؛ ارج در بر در: برنجی درجه سی؛ عبد ربسه عبادتده آنجن رضاء بارى بی قصه ایتك و صرف ربسك معبود وخالق ومالك اولدیغنی نظر اعتباره آلامه عبادت ایتكدر. اما ربسی انعام ایتسون وایتسون هر حالده وظیفه سی عبودیت اولدیغنی دوشونمك و آنی یرینه کتیر مکدر که بو؛ عبادتك اعلى مرتبه سیدر.

ایکنجی درجه سی؛ جناب حقك و بر سر اولدیغنی نعمتدی در شونمك وار نعمتدرك شکرینی ادا ایتك مقصیده منعم اولدیغندن طولای عبادت ایتكدر. شو مقصیده وظیفه عبودیتی ادایه قوشمق؛ عبادت و عبودتك اوزره مرتبه سیدر.

اوچنجی درجه سی؛ جناب حقك قهریبی رغضیبی در شونمك و آنك قهرمنده قورقوسه بنار عبادت ایتكدر. شو مقصیده عبادت؛ عبودتك آشاغی مرتبه سیدر. چونکه؛ عبادتده حسن رضا یوق، یالکز معبودك قهرندن قورقو وعذابندن قورتولمق امیدى وار. شو حالده قورقوسى اولمسه عبادت ایتیه جك اولدیغندن بونوع عبادت دیکر لرینه نسبتله ادا نادر. بو آیتده همزه؛ استفهام نظیر سیدر. بناء علیه؛ آیتك ابتدایى توحید مقامنده در. چونکه؛ اللهمك غیرى معبود اتخا دینه لایق کیسه اولمادیغنی اقرار؛ عین توحیددر. حبیب نجار حضرتلری کافر لرك معبود اتخا ایتدکاری پوتلرك معبود اتخا اولونمالرینی انکار د نصکره معبود اتخا ایتکده کی مضرتی بیان ایتك اوزره کلامنه شونی ده علاره ایدمرك دیمشدر که:

﴿إِنِّى إِذَا لَفِ ضَلَالٍ مُّبِينٍ﴾

[«منفعت ومضرته مقتدر اولمایان پوتلری بن معبود اتخا ایتدیکم تقدیرده محقق آچق بر ضلالتی اختیار ایتش اولورم.»] زیرا؛ قادر وقیوم اولان واجب تعالىك غیرى بی معبود اتخا ایتکدن دها زیاده بویوک بر ضلالت اولاماز» دیمکه قومى ارشاده چالیشمشدر. چونکه؛ پوتلرك طاشدن و آغا جدن یا پیلمش بر طاقم اشیاء خسیسه اولدقلری میدانده اولدیغنی حالده آنلری معبود اتخا ایتکدن و آنلردن شفاعت بکله مکدن دها زیاده بر حماقت اولاماز. بناء علیه آنلری معبود اتخا ایتك؛ ضلالتدن باشقه برشی دکدر. خلاصه؛ واجب تعالىك غیرى پوتلری معبود اتخا ایتك امر منکر اولدیغنی والله تعالى بر کیسه یه ضرر مراد ایدرسه معبود اتخا اولونان پوتلرك شفاعتلى اوضرری دفع ایدمیه جکی و اوضرردن کندیلرینه عبادت ایدن کیسه یی قورتاره میه جتلى و پوتلری معبود اتخا ایتك ضلالتدن باشقه برشی اولمادیغنی بو آیتدن مستفاد اولان فوائد جمله سنددر.

..



واجب تعالى حبيب نبارك قومنه قارشى موحد اولديغنى اظهار وتوحيدك حقانيتنى  
دلائيله اثبات ايتديكى بياندن صوكره صورت علانيهده ايماني اظهار ايلديكى على طريق الحكايه  
بيان ايتك اوزره ﴿إِنِّي آمَنْتُ بِرَبِّكُمْ فَاسْمَعُونِ﴾ بيورييور .

[ « بن سزك ربكزه محقق ايمان ايتدم ايشيدك بنم سوزيمى وايمانى » . ]

يعنى ؛ حبيب حضرتلى قومنه قارشى جناب حقك وجودينى و وحدانيتنى اثبات  
ايتدكن صوكره ايماني اظهار ايدرك ديدى كه « بن سزى يوقدن خلق ايدوب تربيه  
ايدن ربكزه محقق ايمان ايتدم . بناء عليه ؛ بنم ايمانى وايمانم دائر سويله ديكم سوزمى  
ايشيدك ، شبهه كز قالماسون . حال بويله اولونجه سوزيمك مشتملاتنه دقت ايدك ونفسكزه  
انصاف ايدك » ديمكه نصيخته بولونمشدر .

بو آيت جليلهده خطاب ؛ قومنه اولمق احتمالى اولدينى كى بيضاوينك بياني وجهله  
رسل كرامه اولمق احتمالى دخى واردر . چونكه ؛ حبيب حضرتلى قومنه نصيحت  
ايدنجه قومي طاشله اولدورمكه هجوم ايدرلر . وفات ايتمدن رسل كرامه ايماني اظهار  
ايدوب ايشيتديرمك اوزره آنلرك طرفه سرعتله قوشدى وبو كلامى آنلره خطاباً  
سويلدى . و « ربمه ايمان ايتدم » ديمدى كه كندى قومنك رب طمانيدقلى پوتلر ظن  
اولونماسون ، بلكه « سزك ربكزه ايمان ايتدم » ديدى كه رسل كرامك ربسى اولدينى  
بيانسون . بو كلامله ايماني اظهار ايتدكن صوكره قومي طرفندن شهيد ايدلمشدر .  
رحمة الله رحمة واسعة وانا لنا الله شفاعه .

\*\*

واجب تعالى حبيب حضرتلرينك حين وفاتنده عنايت ازليه ظهور ايدوب جنتله  
تبشير اولونديغنى بيان ايتك اوزره ﴿قِيلَ ادْخُلِ الْجَنَّةَ﴾ بيورييور .

[ وفاتى زماننده طرف التهيدين برملك واسطه سيله « سن جنته داخل اول » دنيلى . ]  
بيضاوينك بيانه نظراً بو سوز كنديسنه تبشير وياخود اكرامدر وساثر شهدا كى  
جنتنه دخوله اذندر . ياغور بو كلام قتل اولوندقندن صوكره برسائلك سئواله جوابدر .

كان سائل « دين حقنده بو قدر صلابت كوستروب حياتى محو ايدنجه قدر جاليتنجه  
ربسى نه ايله مكافات ايتدى ؟ » ديدى . سائلك بو سئواله جواب اولارق ملك واسطه سيله  
غائبدن بوندا واقع اولدى . ياغور نيسابورينك بيانه نظراً بو كلام قتل اولوناجنى زمان  
رسل كرام طرفندن تبشير اولارق واقع اولمشدر .

..

واجب تعالى حبيب حضرتلى آنلى تصديق ايدرك قومنكده بو حالى بيلمى  
تمنى ايتديكى بيان ايتك اوزره ﴿قَالَ يَا لَيْتَ قَوْمِي يَعْلَمُونَ﴾ بِمَا غَفَرَ لِي رَبِّي  
وَجَعَلَ لِي مِنَ الْمَكْرَمِينَ﴾ بيورييور .

[ « آه نه اولايدي بنم قوم ربك بنى مغفرت ايدوب اكرام اولونان كيسه لر زمهره سندن  
قيلديغنى ومغفرتك سيىنى بيله لر واو سييه آنلرده توسل ايدلرده مغفرت اولونالردى »  
ديمكه قومنك مغفرت اولونمىنى ايسته مشدر . ]

حبيب حضرتلرينك بو كلامى قومنك كفر اوزره بولونديقرينه تحسرينى متضمندر .  
بو كلامى سويله مكدن مقصدى ؛ آنلى انصافه دعوت وكفر لرندن توبه ايله مغفرت و آنلره  
كنديلرينك بويوك خطا اوزرينه اولدقلىنى بيلدirmek ندامته سوق ايتكدرك . بو كلامك  
وفاتندن صوكره اولمى احتمالى ده واردر . چونكه ؛ نيسابورينك بياني وجهله رسول الله  
« حبيب حال حياتنده وحال وفاتنده قومنه نصيحت ايتدى » بيورمشدر . هر هانكى صورته  
اولورسه اولسون حبيب حضرتلرينك غايت علو درجه يه مالك ، صبرى ، حلمى يك چوق  
ومرحتى غضبه غالب بر ذات اولديغه حالى دلالت ايدر . چونكه ؛ قومنك غضبى وبغض  
وعداوتى بر درجه يه واروب قانغليان ايدرك طاشله اولدورمكه جرأت ايتدكلى حالده  
مرحتى آنى نصيحت و مغفرتلرينى طلب ايتمكه سوق ايدبييور . حبيب حضرتلى آنلرك  
مغفرت اولوناجقلى اسبابه چاليشدينى حالده آنلر اصلاً قولاق آصهادقلى كى قتل ايتك  
فكرندن دخى واز كچمه مشلر وعاقبت قتل ايتمشلردر و قتللرى ده سعادت اوزره سعادت  
اولمشدر .



يکرمی اوچنچی جزؤ ❦

واجب تعالى حبيب نهارك حالي بياندن صوکره مخالف اولانلرک حاللريني بيان ايتمک اوزره ﴿وَمَا أَنْزَلْنَاهُ عَلَى قَوْمِهِ مِنْ بَعْدِهِمْ مِنْ جُنْدٍ مِنَ السَّمَاءِ وَمَا كُنَّا مُنْزِلِينَ﴾ إِنْ كَانَتْ إِلَّا صَيْحَةً وَاحِدَةً فَإِذَا هُمْ خَامِدُونَ ﴿بيوريور .

[حبيبك وفاتندن صوکره قومی اوزرينه سمان هيج برعسكر اينديرمدك واينديرجي ده اولماق . آنلری اهلاک ايدن وقعه اولمادی ، الا بر صيحه اولدی که اوصيحه اوزرينه آنلر درحال سونديلر اصلا حيات اثری قالمادی ، بلکه اوآنده آتش يرنده قالان کول کبی اولديلر .]

يعني ؛ آنطا که اهاليسنک اهلاکی ايچون سمان بزرعسكر اينديرمدك . زیرا ؛ عسکره احتياج يوقدر . آنلرک اهلاکنه برملکک صيحه سی کفايت ايتمشد . بناء عليه ؛ ملکک صيحه سی اوزرينه ناکهانی اولارق آنلر درحال ميت اولمشلردر .

نيسابورينک وقاضينک بيانلری وجهله بوآيت جليله ؛ بزم پيغمبرينک فضيلته دلالت ايدر . چونکه ؛ جناب حق بر قومک اهلاکی ايچون سمان عسکر انزال ايتديکني بيان بيوردی . حالبوکه رسول اللهک قومی اهلاک و رسول للهه معاونت ايچون ( بدر ) ، ( خندق ) غزائرنده ملکلردن عسکر کوندرمشدرکه بو بزم نبيمزک افضل اولديغه دلالت ايدر . زیرا ؛ انبيادن واوليادن هيج کيمسه يه واقع اولمايان معاونت بزم نبيمزه واقع اولمشدر .

فخر رازينک بيانی وجهله واجب تعالى عندنده آنلرک اهلاکی غايت قولای اولديغه اشارت ايچون صيحه ومحدثله يعني برکره اولمسيله توصيف اولونمشدرکه ﴿آنلرک اهلاکنه جبريلک بر صيحه سی کافی اولوب ايکی صيحه يه احتياج يوق﴾ ديمکدر . وقوعات شوبله جزيان ايتمشد : حبيب حضرتلريني قتل ايتلری اوزرينه جناب حقک امريله جبريل امين قلعه قوسنک ايکی قنادريني آلرينه آلارق بر صيحه اينجه جمله سی يره ميت اولارق سرلشلردر .

حال حياتلرنده ياقيجی ويقيجی آتش کبی پارلايجی اولدقلرينه اشارت ايچون آنلرک موتومده خمودله تعبير اولونمشدر . چونکه خمود ؛ آنلرک صومنه اطلاق اولونديغندن آنلرک جسدلری سونمش آتش کبی اولونجه حياتلری ده عين آتش کبی اولق لازمکير . آنلرده حقيقه آتش کبی شوله نيورلردی . زیرا ؛ حرارتک قوتی نسبتده انسانک قوه غضبيه و شهوانيه سی شدتی اولديغندن آنطا که اهاليسي غضبلرينک شدته بناء (حبيب) ی قتل قدر جرأت ايتديلر وقوه شهوانيه لری زياده اولديغندن هوا وهوسلرينه تابع اولارق کلامنی ديکله مديلر . بناء عليه ؛ کفر اوزره اصرارله ايمانه اصلا رغبت ايتديلر . هلاکلری صيحه اوزرينه ترتب ايدوب صيحه دن صوکره اولديغه اشارت ايچون رتبه وتاخره دلالت ايدن فالفظيله وارد اولمشدر .

خلاصه ؛ آنطا که اهاليسنک هلاکی بر صيحه ايله اولديقي و آنلری اهلاک ايچون سمان عسکر انزال اولونمايقي و بر صيحه ايله آنلرک سونمش آتش کبی اولدقلری بوآيتدن مستفاد اولان فوائد جمعه سندنر .

..

واجب تعالى حبيب نهارك قومنک بر صيحه ايله هلاک اولدقلريني بيانن صوکره آنلر اوزرينه ابدی حسرتک لازم اولديقي بيان ايتمک اوزره ﴿يَا حَسْرَةً عَلَى الْعِبَادِ مَا يَأْتِيهِمْ مِنْ رَسُولٍ إِلَّا كَانُوا بِهِ يَسْتَهْزِؤْنَ﴾ بيوريور .

[ندامت وحسرت ؛ ايمان ايتمين قوللر اوزرينه در . زیرا ؛ آنلر کنديلرينه بر رسول کلدی ، الا او رسولی استهزا ايدرلر .]

يعني ؛ ندامت کامله وحسرت دائمه وحزن ابدی شول قوللر اوزرينه وارددرکه او قوللرک حاللريني اصلاح وطوغری يوله ارشاد ايچون هيج بر رسول کلدی ، الا اوکلن رسولی آنلر استهزا ايتديلر . بناء عليه ؛ ابدی عذابه مستحق اولدقلردن دائمی ندامت کنديلريني احاطه ايتديکی جهته ابدی برحسرت ايچنده قالمشلردر . چونکه ؛ آنلرده عذابک کلديکی کونده او عذابی دفعه آنلرده قدرت اولمايغندن آنلر حيرت ايچنده سرخوش



و ندامت ایچنده متحسر و بیہوش اولدقلری کی او کونده ایمان ایتک ایستلر و لکن ایمان  
منفعت و برمدیکندن حسرتلری متمادی اولور که نوکمنز و آرقی کیلمز .  
بو آیدہ بیان اولونان حسرت ؛ قوللرک کنیدری طرفندہ اولمہ احتمالی اولدینی  
کی بیضاوی و نیسابورینک بیانلری و جملہ ملکہ و انسی و مندرہ و اهل ایمانہ طرفندہ  
اولمہ احتمالی دہ وارد . زیرا ؛ « آنلرک کندی نفسلرینہ یا پیش اولدقلری جنایت او قدر  
بو یو کدر که هر کسک حسرت واسفی موجب اولور بر درجہ دہ دیمکدر . چونکہ ؛  
کنیدلرینہ دنیوی و اخروی منفعتلرینی بیان ایدر خالصانہ نصیحت ایدلرک نصیحتلرینی  
استہزا و آنہ ک دعوتلرینہ اجابتدن امتناع ایله کفر اوزرینہ دوام ایتکدن دہا بو یو ک  
برجنایت اولامایغندن هر کسک حسرتلرینہ شایان دیمکدر .  
( مایاتہم ) حسرتک مہینی پانہ ایدر دلیلر و تقریری شویله در : « کفر اوزرینہ  
دوام ایدن عباد اوزرینہ حسرت لازمدر . زیرا ؛ آنلر کنیدلرینہ کان رسولی استہزا ایدرلر  
هر کیمسہ لک کنیدلرینہ کان رسوللری استہزا ایدرلر ، آنلر اوزرینہ حسرت لازمدر .  
بناء علیہ ؛ کفر اوزرہ اصرار ایدن عباد اوزرینہ حسرت لازمدر ، دیمک اولور .  
رسولی استہزا ایله رسولک شریعتی استہزا بیتدہ فرق اولمادیغندن رسولک وفاندن  
صوکرہ شریعتی استہزا ایدنلرہ عین حسرتہ محکوملردر . بناء علیہ ؛ زمانمز سفہاسندن  
شریعت احمدیہی استخفاف و استہزا ایدلرک حاللری دہ تحسره شایاندر .  
خلاصہ ؛ رسل کرامی و شریعتلرینی استہزا و استخفاف ایتک عبادک حسرت دائمہ سنی  
ایجاب ایتدیککی بو آیتدن مستفاد اولان فوائد جملہ سنددر .

واجب تعالی رسل کرامہ ایمان ایتہینلرک حسرت ابدیہ مستحق اولدقلرینی بیاندن  
صوکرہ قریشک رسول اللہ ایمان ایتدکلرندن طولای تکدیرہ مستحق اولدقلرینی بیان  
ایتک اوزرہ ﴿ اَلَمْ يَرَوْا كَمْ اَهْلَكْنَا قَبْلَهُمْ مِنَ الْقُرُونِ اَنَّهُمْ اِلَيْهِمْ  
لَا يَرْجِعُونَ ﴾ وَاِنْ كُلُّ لَمَّا جَمِيعٌ لَدُنَّا نَحْضُرُونَ ﴿ بیوریور .

[ ای ] حیب ذیشانم ! اهل مکہ سنی استہزا و دینکی انکار ایدرلر دہ بیلمز  
و خبر آمازلرمی که بزم آنلردن اول اہلاک ایتدیکمز قوملری و آنلردہ بونلر کی  
رسوللرینی تکذیب و استہزا ایتدکلرندن ہلاک اولدقلرینی ؛ حالبوکہ اوہلاک اولان قوملر  
بردرجہ منقرض اولدیلر کہ دنیایہ و بالخاصہ بونلرہ عودت ایتک احتمالی یوقدر و عودت  
ایدہ منزل و آنلردن ہربری دنیایہ دونمز ، الا بز آنلری یوم قیامتہ حضور مزہ جمع  
ایدرز و اورادہ حاضر بولونورلر و ہربری عملک جزاسنی کورور . [ زیرا ؛ هر کس  
او اجتماعدہ عملندن مسئول اولاجقدر . بناء علیہ ؛ انسانلر کنیدلرندن اول ہلاک اولانلرک  
سبب ہلاکلرینی دوشونوب ہلاکہ سبب اولان کناہلردن احتراز ایتک لازم اولدینی  
بیللمی و حضور الہیدہ اجتماع اولاجغنی تفکر ایدوب حسن تدارکاندہ بولونمالیدر .  
نیسابوری وقاضینک بیانلری و جملہ بو آیتدہ استفہام ؛ تعجب ایچوندر . یعنی قرون  
ماضیہنک اثرلری کورولمز و بردها عودت ایتمز بر حالدہ ہلاک اولدقلرندن عبرت آلمق  
لازم ایکن عبرت آلاملری تعجبہ شایان بر حالدر . زیرا ؛ انسانلر ایچون امتالنندن عبرت  
آلمق بر وظیفہ مہمہ در . بویله بر وظیفہی اہمال ایتک البتہ تعجبہ و استغرابہ شایاندر .  
( وان کل ) دہ بولونان ( ان ) نافیہ اولوب ( لما ) او معانسنہ اولدیغنے نظراً  
معنای نظم : [ آنلردن ہربری عودت ایتزلر ، الایزم حضور مزدہ اجتماع ایدرلر ] دیمکدر .  
اگر ( ان ) مخففہ اولورسہ معنای نظم : [ آنلردن ہربری یوم قیامتہ بزم حضور مزدہ  
البتہ اجتماع ایدوب حاضر بولونا جقلر ] دیمکدر .

خلاصہ ؛ انسانلرک کچمش و منقرض اولمش اہالینک حاللرندن عبرت آلملری لازم  
و آنلرک کیدوب بر دہا کلدکلری دخی عبرتہ شایان اولدینی و کچمش و کچہ جکلر جملہ سنک  
یوم قیامتہ حاضر بولونوب عمللرینک جزاسنی کورہ جکلری بو آیتدن مستفاد اولان  
فوائد جملہ سنددر .

واجب تعالی قیامتہ جملہ ناسک حضور الہیدہ اجتماع ایدہ جکلرینی بیاندن صوکرہ



ناسك احيا اولونارق جمع اوللرينك ممكن اولديغي محسوساتدن جمله نك مسلمي ومشاهدي  
اولان بر دليل ايله اثبات ايتك اوزره ﴿وَاَيُّ لَهِمُ الْأَرْضُ الْمَيْتَةُ أَخْيَيْنَاهَا وَأَخْرَجْنَا  
مِنْهَا حَبًّا فَنَسْتَأْكُلُ مِنْهُ وَنَجْعَلُهَا فِيهَا جَنَّاتٍ مِنْ نَحِيلٍ وَآغْثَابٍ وَجَجْرًا نَأْكُلُ مِنْهَا  
مِنْ الثُّيُونِ﴾ لِيَأْكُلُوا مِنْ ثَمَرِهِ وَمَا عَمِلَتْهُ أَيْدِيهِمْ أَفَلَا يَشْكُرُونَ ﴿

بيوربور .  
[ قورومش خضرواتي قالمش اولان بر يوزي اولد كدنصكره انسانلرك ديريلوب  
محشره جمع اولاجقلىنه دليل وعلامتدر . بناء عليه ؛ حشرى انكار ايتك جائز اولاماز .  
زيرا ؛ بز عظيم الشان ارضى احيا ايدر وآنده اوتلر بيتيرر دانهلر چيقاريرز . اودانه لردن  
انسانلر اكل ايدرلر واو ارضده بز خرماندن واوزومدن باغچلر خلق ايتك كه انسانلر  
آندن انتفاع ايدرلر . و بز ير يوزنده پيكارلر قايناتدق كه آنلر ميوه لردن و پيكارلرله  
واللرينك ايشله مسيله حاصل اولان دانه لردن بيسونلر . [ شومعنى ( ما ) ماء موصول  
اولديغه نظر آدر . اما ( ما ) مانافيه اولديغه نظراً معنى نظم : ] حالبوكه بونمتملر آنلرك  
اللريله خلق اولونمادي . زيرا ؛ بز خلق ايتك وآنلره مباح قيلدق بيسونلر ايجسونلر .  
بوقدر نعمتلري كوريسورلرده شكر ايتملرلى وشكر ايتمه مك قباح عظيمه دكلى ؛ ديمكدر .  
واحبتعالى بوآيتده حشر ك امكانى و وقوعى محسوساتدن بر مثال ايله تمثيل و قطعى  
بر دليل ايله اثبات بيورمشدر . چونكه ؛ گوز كوننده اوتى و صوبى چكلمش و حلاوت  
ولطافتى قالمش و اولمش جسده بكنزه ين بر يوزينى بهار كونلرنده رحمتلرك فيضانيه  
كنج دليقالى كى لطافتلى و نضرتلى بر صورته احيا بيوروب انسانلرك اكلنه صالح  
سبزه ، آربه ، بغدادى وسائر حبوباتلرى واوتلرى اخراج ايتمى وير يوزنده خرماندن  
واوزومدن باغلر و باغچلر خلق ايدوب پيكارلر آيتمى وانسانلر ميوه لردن واوميوه لردن  
اللريله يادقلىرى پكمز وسائر كى نعمتلردن بيسونلر ايجون اوحاصلاتى خلق بيورمى  
اولد كدن صوكره انسانلرك ده احيا اولونا جغه علامت عظيمه ودالات قطعيه درو قدرت الهيه  
دليلدر . بوقدر جسيم نعمتلري كوروبده شكر ايتمه نك انسانلر ايجون بر امر منكردر .  
فخر رازى و بضاويك بيانلرى وجهله انسانك حياتنك دوامى وجسدنك قوامى دانهيه

تعاق ايتديكندن انسانك معيشتك اك بويوكى دانه ايله حاصل اولديغه اشارت ايجون  
( منه ) ظرفى اكل اوزره تقديم اولونمشدر . چونكه تقديم ؛ مصر افاذه ايتديكندن  
معناى نظم : [ آنجق دانه دن اكل ايدرلر ] ديمكدر . حالبوكه انسان يالكز دانه دن اكل  
ايتز ، بلكه دانه نك غيرى بر چوق شيشي ده اكل ايتدكلى معلومدر . شو حالده انسان  
مرنه قدر دانه نك غيرى بر چوق شيلر اكل ايدر سه ده آنلرك دانهيه نسبتله حكى يوق  
ديمكدر ، زيرا حيات انسان ؛ آنجق دانه ايله قائمدر . چونكه ؛ دانه آز اولور سه قحط  
ودانه يوق اولور سه انسان هلاك اولور . بناء عليه دانه ؛ انسانلرك مابه القوامى اولديغندن  
نه قدر كوچوك ايسه ده قدرى او قدر بويوكدر . شو حالده انسانلرك رزق اولان دانهيه  
چوق حرمت ايتلرى لازمدر . زيرا ؛ حياتلرىنى تأمين ايدن اودر . حياتلرى نه قدر معزز  
ومحترم ايسه دانه نك ده او قدر معزز ومحترم اولمى لازمدر .

بو قدر جسيم نعمتلره قارشى شكر ايتمه مك يك بويوك قباح و منكرادن اولديغه  
اشارت ايجون انظاره دلالت ايدن استفهام انكارى ايله وارد اولمشدر .

واجب تعالى بوآيتده وحدانيتنه وحشره دلالت ايدن نعمتلرى ترتيب اوزره ذكر  
ايتمشدر . چونكه ارض ؛ انسانك مسكنى ومحل قرارى اولديغندن هرشيدن اول انسانه  
لازم و ضرورى اولدينى جهته برنجى مرتبه ده انسان مسكن ارضى ذكر ايتمشدر .  
انسانه يالكز ارض اوزرنده قرار ايتك كافى اولمايوب ارضك احيايله انتفاع اولونا جغه  
بناءً ايكنجى مرتبه ده ارضك امياني ذكر بيورمشدر . يالكز ارضك يشيلاكي كافى  
اولمايوب انسانلرك مابه الحياتى اولان دانه نك وجودى لازم اولديغندن اوچنچى مرتبه ده  
دانه نك ذكر بيورمشدر . حبوباتلر حياتى تأمين ايتد كدن صوكره خرما واوزوم كى نعمتلره  
تلذذ ايتك لازم اولديغندن دردنچى مرتبه ده باغلر و باغچلر ذكر اولونمشدر . كرك  
حبوبات و كرك ميوه لر صو ايله حاصل اولديغندن بشنچى مرتبه ده بيطارلرك حيراني  
ذكر اولونمشدر . خرما ايله اوزومده هم ميوه همده غذا موجود اولدينى كى طائلى ،  
نعمتلرك اك زياده شرف ليسى اولدينى جهته باغده و باغچده بر چوق ميوه لر اولدينى حالده



شر فليته بناءً بالكز بوايكيسنك ذكريه اكتفا اولونمشدر. كرك ميوه لر، كرك حبوبات  
اکثريا انسانك سعييله اولديغدن آلرينك عملنی اكل ايتك صراحة ذکر ايدلمشدر که  
انسان ایچون سعی وعمل لازم اولديغنه دخی اشارت اولونمشدر. چونکه؛ حبوبات  
اکه بجه بیتهدیکی کبی ميوه ده آغاجی دیکمه بجه بیتمز. بناءً علیه؛ جناب حق آلرينك  
امکندن اكل ايتدکرینی بیان بیورمشدر.

شو نعمتک جمله سیله برابر انسانک رزقی کوزی اوکنده مسکنی اولان ارض  
اوزرنده حصوله کلسی انسان ایچون بویوک نعمتدر. چونکه؛ اکر انسانک رزقی سماده  
ویاخود هواده خلق اولونمش اولسه ایدی کوزی کورمدیکی ایچون دائماً وهم و تردد  
واضطراب ایچنده یاشار وهضطرب القلب اولور راحتسز قالیدی. شو حالده نعمتک  
مسکنمز اولان یردن خلق اولونمشی حقمزده بویوک نعمت اولديغنده شبهه یوقدر.

شو تعداد اولومان نعمتک هر برینک بیکلرجه شکرینی ادا ایتک اوزریمزه واجب  
ایکن شکر ایتمه مک پک بویوک قباحت اولديغدن آیتک آخرنده جناب حق شکری ترک  
ایتمک امر منکر اولديغنی بیانله شکرک لزومه امر قطعی ویرمشدر. چونکه؛ بیضاوبینک  
بیانی وجهله شکرک ترکنی انکار ایتک؛ شکرله امر ایتمکدر. بناءً علیه (افلايشکرون)  
جمله جلیله سی؛ هم شکری ترک ایدنلری تکدیر هم ده شکرله امری متضمندر.

خلاصه؛ اولمش جسده بکزمین ارضی احیا ایتسی وآندن بر چوق رزقلرک خلق  
اولونمشی واجب تعالی نک قدرت کامله سته دلیل وبو نعمتک شکرینی ادا ایتک انسانلر  
اوزرینه واجب اولديغنی بو آیتدن مستفاد اولان فوائد جمله سندندر.

..

واجب تعالی شو تعداد اولومان نعمتکله شکر ایتمه مک امر منکر اولديغنی بیانندن  
صوکره ذات الوهیتک جمیع نقائصدن منزله اولديغنی بیان ایتک اوزره ﴿سُبْحَانَ الَّذِي  
خَلَقَ الْأَزْوَاجَ كُلَّهَا مِمَّا تُثْبِتُ الْأَرْضُ وَمِنْ أَنْفُسِهِمْ وَمِمَّا لَا يَعْلَمُونَ﴾ بیوریور.

[ شان الوهیته لایق اولماق شیلرک جمله سندن تنزیه وجمیع نقائصدن تقدیس ایدرم  
شول ذات اجل واعلائی که او ذات شریف ارضک بیتیرمش اولديغنی شیلردن وانسانلرک

کندی نفسلرندن وپیلمدکری شیلردن برچوق مخلوقات وموجوداتی چفت اولارق  
خلق بیوردی.

یعنی؛ نقائصدن منزهدر شول ذات باری که او باری تعالی کرك طوبراغک بیتربدی  
نباتات واشجار قیلندن اولسون وکرکه انساندن حاصل اولان ارکک ودیشی بی وانسانلرک  
پیلمدکری عجائب وغرائب مخلوقاتی چفت اولارق خلق ایتدی. (مما ثبت) ده کی (من)  
لفظی عمومی تا کبر ایچونه اولوب بعض و بیان ایچون اولاديغدن واجب تعالی نک ایجاد  
عمومیدر، مخلوقاتک بعضیسنه تخصیص یوقدر. چونکه؛ بو آیتده ذکر اولومان اوچ  
شیده مخلوقاتک جمله سی داخلدر. زیرا؛ برنجیسنده ارضدن چیقان اولرک و آغاجلرک  
جمله سی ویر یوزنده بیتن کوچرک وبویوک هرشی داخل اولديغنی کبی ایکنجیسی اولان  
انفسده کرك انسانک ذاتی وکرك اعمالی واعراضی داخلدر. بناءً علیه افعال؛ عباداللهک  
مخلوقی اولديغنه بو آیت دلالت ایتدیکندن معتزله مک «قول فعلنی خالقدر» دیدکری  
اعتقادلرینی رد وابطال ایدر. چونکه؛ قوللرک فعلی اعراض قیلندن اولديغنی جهتله  
(الازواج) ده داخلدر و (کلها) لفظی ده استثنایه مانعدر و اوچنجیسی اولان (ومما  
لا یعلمون) ده سموات وارضده کیزلی آشکار انسانلرک کورمدکری وپیلمدکری  
هرنه وار ایسه جمله سی داخل اولديغدن مخلوقاتک جمله سته آیت جلیله شاملدر. بناءً علیه؛  
عالمده خلقت التهبیدن خارج برشی یوقدر.

بو آیتده ممکناتک کلیسی مخلوق اولديغنی بیان ایتک جناب حقک شریکدن منزله  
اولديغنی مستلزم اولديغنی جهتله آیت؛ تومید معنائی دخی متضمندر. چونکه؛ هرشی  
مخلوق اولونجه مخلوق اولان شیتک خالق شریک اولامیه جفی بدیهیدر. شو حالده «جناب  
حق هرشی خالق» دیمک «شریکدن منزله» دیمکدر.

..

واجب تعالی وحدانیتنی مکان اولان ارض وارضده بیتن موجودات ایله اثبات ایتدکدن  
صوکره زمانله اثبات ایتک اوزره ﴿وَإِلَهُ لَّهُمُ السَّيْلُ نَسْأَلُ مِنْهُ النَّهَارَ فَإِذَا هُمْ  
مُظْهِمُونَ﴾ بیوریور.



[ حشری انکار ایدن انسانلر ایچون حشرک وجودینه و بزم انسانلری اولد کدن  
صوکره احیایه قدرتمزک کماله کیجهنک وجودی دلیل و علامتدر . زیرا ؛ بز عظیم الشان  
او کیجهدن کوندوزی صوبونجه برده کوریلور که انسانلر قارنلق ایچنده قالمشدر . ]  
واجب تعالی کوندوزک کیجهدن صوبوله سیله کیجهنک قارنلقنک انسانلری احاطه سی ،  
اولد کدن صوکره انسانلرک دیریه جکته دلیل قیلمشدر . چونکه ؛ کیجهنک کوندوزدن  
صوبوله سیله عالمت ضیا ایچنده قالمسی بئذک کوندوزک کیجهدن صوبوله سیله زائل اولان  
ضیانک و ظلمتک اعاده سی انسانلرک موتیه زائل اولان روحک بدنه اعاده سینه دلالت  
عظیمة واردر . زیرا ؛ عالمدن ضیا و ظلمتک زائل اولملری عین بدنن روحک زائل اولمسه  
بکزه دیکندن عودتلی ده روحک تکرار بدنه عودتیه بکزه دیکی جهته حشره دلالت  
ایتدکرنده تردی یوقدر . چونکه ؛ روحک بدنه اعاده سی زائل اولان ضیا و ظلمتک  
اعاده سندن دهامشکل دکدر . بناء علیه ؛ برینی اعاده یه قادر اولانک او برینی ده اعاده یه  
قادر اولاجفنده شبهه یوقدر .

فخر رازی و نیسابورینک بیانلری وجهله ظلمتک اصل ، ضیانک عارض اولدیغنه آیتده  
دلالت واردر . چونکه نه سارک لیلدن صوبوله سی بیان ؛ لیلک اصلاتی و نه سارک عارض  
اولدیغنی بیان ایتدکدر .

خلاصه ؛ حشری انکار ایدنلره کیجهنک حشره علامت اولمسی و نه سارک کیجهدن  
صوبولوب کیجهنک اصل و کوندوزک عارض اولدیغنی بو آیتدن مستفاد اولان فوائد جمعه سندن دره

﴿ وَالشَّمْسُ تَجْرِي لِمُسْتَقَرٍّ لَهَا ذَلِكَ تَقْدِيرُ الْعَزِيزِ الْعَلِيمِ ﴾

[ کونشده حشرک وجودینه علامتدر که او شمس کندی ایچون تعیین اولونان  
حد معینده جریان ایدر و دورده سی او حد معینده تمام اولور . بناء علیه ؛ حرود مقدره سی  
تجاوز ایتزه . ایشه شمسک شومنوال اوزره جریان هر کسه غالب و علمی هر شیئی احاطه  
ایدن الله تعالی نک تقدیر ایدر . ]

شمسک مستقری ؛ جریان ایچونه تعیین اولونان منزه ادر و یاخود هر کونک شمس  
ایچونه مشرقیه بر مبدائی و مغربیه بر منزه اسی واردر که سنک هر کوننده ارکونه مخصوص

اولاده مبدأده طلوعه عین کونه مخصوص اولاده مغربیه غروب ایدر که هر کونه مخصوص  
اولاده محلیک غیریه تجاوز ایتزه یاخود مستقرله مراد ؛ بوم قیامتدر . چونکه ؛ شمسک  
جریان یوم قیامتیه قدردر . زیرا ؛ یوم قیامتیه حرکه سی قالمازه جریان بیتر و او کونه قدر جریان  
جناب حقک تقدیر یله در . ایشه شمسک شومنوال اوزره جریان حشرک وقوعنه دلالت  
ایدر . چونکه ؛ هر کیجه عالمدن غائب اولان کونش کوندوزده اعاده اولوندیغندن عالمه  
کونشک اعاده سی بدنه روحک اعاده سینه مشاهددر .

شمسک شو منوال اوزره جریان عقللرک حیرت ایتدیکی صنایع بدیهه و غیریه بدن  
اولدیغنه اشارت ایچون بعد مرتبه و عالم منزله دلالت ایدن ( ذلک ) لفظیه اشارت  
اولونمشدر .

﴿ وَالْقَمَرَ قَدَرْنَاهُ مَنَازِلَ حَتَّىٰ عَادَ كَالْعُرْجُونِ الْقَدِيمِ ﴾

[ بز عظیم الشان قمری منزللر صاحبی اولارق تقدیر ایتدک هر منزلی بر کونده قطع ایدر  
و منزللری قطع ایدر کن بر درجه ایجه لیر که خرمانک قورومش ویای کی ایجه واکری  
واکیلش دالی کی عودت ایدر . ]

یعنی ؛ قمر ایچون یکری سکیز منزل واردر که هر کون بر منزل قطع ایدر ، ایک آخرنده  
بر درجه یه قدر ایجه لیر که خرمانک اسکیمش و قورواغندن اکیلش یای کی اولمش دالی  
کی اسکی حالته عودت ایدر .

عرجون ؛ خرمانک قورومش و اکیلش دالیدر . قدیم ؛ اسکیمه و بر سنک  
دیمکدر . شو حالده آیت جلیله ایک صوک کونلرده کی حالی تصویر ایدیور که صوک کونلرده  
هلال حقیقتده غایت ایجه ویای کی اگری ورنکی بر مقدار صاری اولارق مشاهده  
اولونور که کآن قورومش و اکیلش اوفاجق خرما دالی کی کورینور . منازل ؛ اهل  
هینک بیانلری وجهله یکری سکیز که هر برینی بر کیجهده قطع ایدر و یکری سکیزنجی  
کون آیتده تصویر اولونان حالی اکتساب ایدر .



واجب تعالی شمسله قمرک جریانلرینی بیاندنصرکه جمله سنک خلقی و جریانلری حکمته موافق اولدیغنی بیان ایتک اوزره ﴿لَا الشَّمْسُ يَنْبَغِي لَهَا أَنْ تُدْرِكَ الْقَمَرَ وَلَا اللَّيْلُ سَابِقُ النَّهَارِ وَكُلٌّ فِي فَلَكٍ يَسْبَحُونَ﴾ بیوریور .

[ شمس ایچون سرعتده قره ادراک ایتک لایق اولماز و کیجه کوندوزی و کوندوزده کیجه یی سبق ایده مز . زیرا ؛ هر برینک آری آری فلک لری وارد . بناء علیه ؛ هپسی کندی فلکنده سیر و سفر ایدرلر . ] هیچ بریسی آخرک فلکنه تجاوز ایده رک آنک مسافه سنی قطع ایده مز . شو حالده هر بری کندی مسافه سنی قطع ایتکله مشغولدر . بیضاوینک بیانی وجهله بو آیتده شمسک سرعتده قره اولاشامیه جنی بیان اولونمشدر . چونکه ؛ اگر شمس ده قمر کی صورت سریعده قطع مسافه ایتسه بر آیده هم قیش همده یاز اولق لازمکلور . بوایه نباتاتک حصوله و حیواناتک طوغور مسنه و تعیشه مانع اولور . بناء علیه ؛ شمسک حرکه سی غایت آغیر اولدیغندن کندی فلکنی بر سنه ده قطع ایدرکه سنه ده بهار ، یاز ، گوز و قیش موسملری حاصل اولدیئی جهته هر فصل کندی حکمتی اجرا ایتسیله اولتر بیتر ، حیوانلر یا ورو لار و یا شارلر و بوجهته عالم معمور اولور . قمر ایسه حرکه سی غایت سریع اولدیغندن کندی فلکنی بر آیده قطع ایدر . کیجه کوندوزی سبق ایده مز ، بلکه اوقات معینه ده بر لرینی تعقیب ایدرلر و حکمته موافق اولان ده بودر . بناء علیه ؛ کیجه کوندوزه داخل اولاماز و کوندوزده کیجه ده داخل اولاماز . چونکه ؛ هر برینک وقت معینی وارد او وقتی تجاوز ایده مز لر . خلاصه ؛ شمسک حرکه سی آغیر اولدیغندن سرعتده قره اولاشامادیئی و کیجه کوندوزه سبق ایده مدیکی و هر برینک کندی فلکنده جریان ایتدیکی بو آیتدن مستفاد اولان فوائد جمله سندندر .

..

واجب تعالی اولمش ارضک احیاسنی وحدانیتنه و قدرته علامت اولدیغنی بیاندنصرکه دریاده واپورلر واسطه سیله انسانلره یول و یرمسی قدرت کامله سنه دلیل اولدیغنی بیان ایتک اوزره

﴿وَأَيُّهُمْ أَنَا حَمَلْنَا ذُرِّيَّتَهُمْ فِي الْفَلَكِ الْمَشْحُونِ \* وَخَلَقْنَا لَهُمْ مِنْ مِثْلِهِ مَا يَرْكَبُونَ﴾ بیوریور .

[ بزم ، ذریتلرینی طولو کیلرده دریا اوزرنده کوتور مکلکمز قدرت کامله مزه انسانلر ایچون بویوک بر دلیل و علامتدر . ] یعنی بز انسانلرک تجارت ایچون اطراف و اکنافه کوندردکلری اولاد لرینی ایچی طولو کیلرده کوتوردک و بو کوتور مکلکمز فاعل مختار و قدرت و قوت صاحبی بر مالک حقیقی اولدیغمزه دلیل و علامتدر . [ ویا لکنر کی ایله قالمادی ، بلکه انسانلر ایچون کینک مثلی بینیدلر خلق ایتدک ]

فخر رازی و بیضاوینک بیانلری وجهله فلک ایله مراد ؛ مطلقا کی اولدیئی کی حضرت نوحک مبینیسی اولق احتمالی ده واردر . چونکه ؛ نوح علیه السلامک سفینه سنده جناب حق بو انسانلرک بابا لرینی کوتورمه مش اولسه ایدی نسل انسان مقرر ض اولوردی . شو حالده عالمده شیمدی موجود اولان انسانلرک اساسی سفینه نوحده بابا لرینک صلبنده موجود اولدیئی ایچون جناب حق « ذریتلرینی کیمده کوتوردک » بیور مشدر .

کینک مثلی ایله مراد ؛ دره ، آت و مرکب کی بینیدر لر . یا خود کینک امثالی ؛ دکرده بئنلک اوزره ایجاد اولونانه شیدر لر . حتی قره ده یور وین قره واپورلری ، اوطوموبیللر و سائر ایله هواده اوچان طیاره لر و بالونلر بوا مثاله داخل اولابیلر . بناء علیه ؛ قرآنده هر شی داخل اولدیئی کی قره واپورلرینک و سائر نک ایجادی ده بو آیتله استدلال اولونا بیلر . خلاصه ؛ انسانک ذریتی دریاده کیلر اوزرنده سیر و سفر ایتلری و انسانلر ایچون کینک امثالی بینیدلر خلق ایتسی جناب حقک قدرت قاهره سنه دلیل اولدیئی بو آیتدن مستفاد اولان فوائد جمله سندندر .

..

واجب تعالی انسانلرک ذریتلرینی دریاده کیلرله ایسته دکلری محله کوتوردیکی بیاندن صوکره ذریتلرینی کوتورمک انسانلر ایچون نعمت عظمی اولدیغنی بیان ایتک اوزره



﴿وَأَن نَّشَأُ نُفِرَهُمْ فَلَا ضَرْحَ لَهُمْ وَلَا هُمْ يُنْقَذُونَ \* إِلَّا رَحْمَةً مِنَّا وَمَتَاعًا

إِلَىٰ حِينٍ﴾ بیوریور .

[اگر بزرگوار ایتسه ایدک دریاده آنلری غرق ایدردک . بناء علیه ؛ آنلری غرق اولمقدن قورتاره جق بر یار دیمچی موجود اولمازدی و آنلر اولومدن قورتولامازلردی . شوحالده آنلر دکزه بآتمقدن قورتولامازلر ، آنجق بزم رحمتیز واحسانمزله قورتولورلر وقورتولقدن صوکره بزر آنلره مهلت ویردک که یوم قیامته قدر اومهلت آنلره آزیق اولسون و او متاع حیاته بزر آنلری امتحان ایدلم باقالم شومناع حیاتی زویه صرف ایدرلر ونه کبی جزایه مستحق اولورلر .] زیرا ؛ موتلری ایچون مقدر اولان زمانه قدر آنلره ویردیکمز مساعده آنلر ایچون بر مبارک سرمایه در . انسان ایچون سرمایه سنی خیره صرف ایتک لازمدر . بناء علیه ؛ اجل موعودلرینه قدر آنلرک حیاتلرینی کندیلرینه احسان ایتدک که امتحان معامله سی بیتسون اعذاره مجالاری قالماسون . انسانلرک معصیتلری دکزده غرق اولملرینه کافی اولوب غرقدن خلاصلری آنجق رحمت السیه اثری اولدینی بیان اولونمشدر .

..

واجب تعالی وحدانیتته دلالت ایدن علامتلی بیاندن صوکره بوقدر بویوک دلیللر کندیلرنده تاثیر ایتیهوب دعوت السیه به اجابتدن امتناع ایتدکلرینی بیان ایتک اوزره ﴿وَإِذَا قِيلَ لَهُمُ اتَّقُوا مَا بَيْنَ أَيْدِيكُمْ وَمَا خَلْفَكُمْ لَعَلَّكُمْ تُرْحَمُونَ﴾ بیوریور .

[طرف رسالتدن کافرله خطاباً «ای کافرلر ! سز کندیکزدن اول کچن امتلره اصابت ایدن عذابدن و بوندن صوکره سزه اصابت احتمالی اولان عذابدن صاقینک . مأمول که مرحمت السیه به مظهر اولورسکز » دنیلدیکنده آنلر اصلاً حذر ایدوب عذابلرینی ایجاب ایدن کناهلردن چکینمز لر .] چونکه ؛ جاهل وغایت احمق اولدقلرندن دلائل قطعیه به اتباع ایتدکلری کبی عوام ناس مساکنه سلوک ایدرک احتیاط طریقنی دخی التزام ایتمز لر .

فخر رازی و بیضاوینک بیانلری وجهله کافرلرک اوکلرنده اولان عذاب له مراد ؛ عذاب سماری و آرقه لرنده اولان عذاب له مراد ؛ عذاب ارضی اولدیغه نظر آ معنای نظم : [ ای مشرکلر ! عذاب سماویه و ارضیه دن یعنی وقوعنی ظن ایتدیککز جهتلردن ظهور ایدمک عذابلردن قورقک نفسکزی مهلکدن وقایه ایدک ] دیمکدر . یاخود اوکلرنده اولان عذاب له مراد ؛ عذاب دنیا و آرقه لرنده اولان عذاب له مراد ؛ عذاب آخرت اولدیغه نظر آ معنای آیت : [ « کناهلرک سببیه دنیا و واقعه اولاجق عذاب دنیویه دن و آخرتده دوچار اولاجکمز عذاب اخرویه دن توبه و ایمان ایتک صورتیه نفسکزی وقایه ایدک که لطف السیه به و مرحمت سبحانی به مظهر اولما کز مأمولدر » دنیلدیکنده آنلر اصلاً قولاق اصمازلر و نفسلرینی قورتارمق جهتنه میل و محبت ایتمز لر ] دیمکدر . یاخود معنای نظم : [ « کچمش وکله جک کناهلرک شرندن نفسکزی محافظه ایدک » دنیلدیکنده اصلاً حذر ایدوب بو سوزه التفات ایتمز لر ] دیمکدر .

خلاصه ؛ طرف رسالتدن کافرله « مرحمت السیه به مظهر اولمقلکمز ایچون عذابکزی ایجاب ایدن کناهلردن اتقا ایدک » دنیلدیکی و آنلرده کمال جهالت و حماقتلردن ناشی بو مثللو نصیحتیه التفات ایتدکلری و کناهلردن صاقینمق مرحمت السیه به جلیه سبب اولدینی بو آیتدن مستفاد اولان فوائد جمله سنددر .

..

واجب تعالی کافرله اتقا ایله امر اولوندیغنده امره امثال ایتدکلرینی بیاندن صوکره بالجمله علامتلردن اعراض ایتدکلرینی بیان ایتک اوزره ﴿وَمَا تَأْتِيهِمْ مِنْ آيَةٍ مِنْ آيَاتِ رَبِّهِمْ إِلَّا كَانُوا عَنْهَا مُعْرِضِينَ﴾ بیوریور .

[کافرله ربلرینک آیتلردن بر آیت کلدی ، الا آنلر او آیتدن اعراض ایدمچی اولدیلر .] زیرا آنلر ؛ متمرد و معند اولدقلرندن هر نه زمان وحدانیتته دلالت ایدر بر آیت کندیلرینه کلدیکنده هر حالده او آیتدن اعراض ایتک عادتلیدر . بناء علیه ؛ او



آنی تصدیق جهتی اصلاً دوشونمزلر. آیت له مراد؛ معجزه به و معجزه نك غیرى دلائل  
ماتدر. بناء علیه؛ هر درلو دلائلدن یوز دوندورمک و بلکه استهزا ایتمک آنلرک  
عادت کریهلرندندر.

بونلره آیات التبهیه نك کلمی دائمی اولوب و آنلرک اعتراضلری ده استمرار اوزره  
عادتلری اولدیغه اشارت ایچون استمرار و دوام دلالت ایدن مضارع صیغه سی وارد اولمشدره  
عصر سعادت منافقلری کی زمانمزه دخی بوتون آیتلری انکار واحکام التبهیه یی استهزا  
ایدن و بو مثللو آرزوی باطللری ترویج و ضعفاء مسلمینک اعتقادلرینی ابطاله چایشانلر  
واردر هنرلهم الله.

..

واجب تعالی کافرلرک جناب حق تعظیملری اولمادیغی کی ابناء جنسلرینه شفقتلری ده  
اولمادیغی بیان ایتمک اوزره ﴿وَإِذَا قِيلَ لَهُمْ أَنْفِقُوا مِمَّا رَزَقَكُمُ اللَّهُ قَالَ الَّذِينَ  
كَفَرُوا لِلَّذِينَ آمَنُوا أَنْطُمُ مَنْ لَوْ يَشَاءُ اللَّهُ أَطْعَمَهُ إِنْ أَنْتُمْ إِلَّا فِي ضَلَالٍ مُبِينٍ﴾  
بیوریور.

[ طرف رسالتدن کافرلره «ای کافرلر! الله سزه ویرمش اولدیغی رزقندن  
بعضیسی اتفاق ایدک » دنیلدیکنده کافرلر مؤمنلره دیدیلرکه «اگر الله تعالی دیله مش  
اولسه ایدی کندیلرینی اطعام ایده جکی فقرايه بزمی اطعام ایده لم. الله اطعام ایتمدکلرینی  
بزم اطعام ایتمککلرمز موافق اولورمی؟ ای مؤمنلر! سز اولمادیکنز، الا آجیق  
بر ضلال ایچنده اولدیکنز، دیمکله فقرايه انفاقدن امتناع ایتدیلر. ]

کافرلرک بو سوزدن مقصدلری؛ استهزا و مؤمنلرک اعتقادینه طعنه الزام ایتمکدر.  
چونکه بیضاوینک بیانی وجهله اهل اسلامک اعتقادی؛ هر کسی الله تعالی نك مرزوق  
ایتمسیدر. مؤمنلر طرفندن کافرلره «فقرايه اطعام ایدک» دنیلدیکنده آنلر اهل ایمانه  
مقابله ایدرک «بو سوزیکز سزک اعتقادیکزه منافیدر. زیرا؛ سز هر کسک رزقی الله  
تعالی ویرر دیرکن شیمدی فصل اولویورکه بعض کیمسه لرک رزقی بزم ویرمککلرمز

تکلیف ایدیورسکنز. بز آنلری اتفاق ایده مه یز. زیرا؛ الله تعالی ایسته سه ایدی آنلری  
اتفاق ایدردی. اللهک اتفاق ایتمدیکنی بزنصل اتفاق ایده لم. دیمکله مقابله ایتدیلر و «اللهک  
اطعام ایتمدیکی کیمسه لرک اطعامی بزه امر ایتمدیکنزدن طولانی سز آنجق ضلالت  
ایچنده سکنز. زیرا؛ کلامکزله اعتقادیکز بپتده تناقض واردر» دیمکله اهل ایمانی صوجل  
چیقارمق و اتهام ایتمک و کندیلرینی حقلی کوسترمک ایسته دیلر. بوسوزلری غایت جهالت  
و حماقتلرینه دلالت ایدر. چونکه؛ بالعموم انسانلری جناب حقک اتفاق ایتمدیکی طوغریبدر.  
لکن اسباب اتفاق، مختلفدر. جمله اسبابدن بریسی ده زنکینلری فقرای اتفاق ایتمک اوزره  
ترغیب ایتمکله زنکینلر واسطه سیله فقرای اتفاق و اطعام ایتمکدر. بناء علیه؛ فقرايه اتفاق  
ایتمکله بعض زنکینلره امر ایتمک اعتقاده منافی دکدر.

فخر رازی و یس ابورینک بیانلری وجهله کافرلرک «الله تعالی دیله سه ایدی اوفقیلری  
اطعام و اتفاق ایدردی» دیدکلری طوغری و حق بر سوز اولدیغی حالده بوسوزلر  
آنلری ذم صرده سنده وارد اولمشدر. چونکه؛ بوسوزی اعتقاد ایده رک سویله میوب  
استهزا طریقله سویلشلردر و مقصدلری ایسه «فقرانک اطعام اولونمادیغی اللهک قدرتی  
تعلق ایتمدیکننددر. اگر قدرتی تعلق ایته ایدی غیره طعنه امر ایتمدی» دیمکدر.  
بوايه قدرت التبهیه نك شمولی انکار اولدیغندن آنلرک ذملرینی موجب اولمشدر.

کافرلرک بو مقصدله سویلکلرندن طولانی کلاملری ذملرینی موجب اولدیغی کی  
«جناب حقک فقرای اتفاق کندی قدرتی تعلق ایته ایدی غیره انفاقله امر ایتمدی»  
یولنده اعتقادلری ده باطلدر. چونکه؛ هر کسک آئنده بولونان مال الله تعالی نك کندینک  
اولوب مالک حقیقیسی اولدیغی جهته ایسترسه کندیبی طوغریدن طوغریه کندی  
خزینه سندن اتفاق ایدر، ایسترسه ینه کندی ملکندن باشقه لرینک آئنده بولونانلردن  
انفاقی امر ایدر. زیرا؛ هریکیسی ده کندی مالیدر، کیمسه قاریشاماز. شو حالده  
اغنیانک آئنده بولونان ماللری واجب تعالی نك احسانی اولدیغی جهته امر الهی اوزره  
زکاتی ویرمکدن امتناع ایدن زنکینلر عندالله مذموم و مسئولردر. چونکه؛ بیان اولوندیغی  
وجهله آللرنده بولونان ماللری ظاهرده کندیلرینک ایسه ده حقیقته اللهک اولدیغندن  
هر حالده اللهک امرینه امتثال ایتمک واجب اولدیغی جهته شو وجوبی ترک ایتدکلرندن  
طولانی ذم اولونمغه شایاندلر.



[ قیامتى انكار و اهل اسلامى استهزا ايدن كافرلر كوزه تيرلر كه اوصيحه؛ قيامتده اولاجق صيحه در. آنلر يكدیكريله مخصوصه ايدر اولدقلرى حالدده قیامتك صيحه سی آنلری مؤاخذه ايدر. ]

بیضاوینك بیانی وجهله صيحه ایله مراد؛ قیامتده واقع اولاجق صيحه صیحه اولور. آنلر ك مخصوصه سی ایله مراد؛ آیش و بریشلرله و سائر معاملتلرله یكدیكريله مجادل و مناقشه و محاکمه لرله. بوندن مقصد؛ قیامتك آنلره آکسزین کله جگنی بیان ایتکدر. بناء علیه معنای نظم: [ کافرلر هر نه قدر استهزا و اوزاق عدایمك صورتيله قیامتدن سؤال ایدیورلر ایسه ده آنلر بر صيحه كوزه تیرلر كه اوصيحه آنلری اوله بر غفلت زمانلرله باصدیرر هیچ خبرلری اولماز، حتی آنلر بیع و شرا و سائر خصوصی و عمومی معاملاتله مشغول اولدقلری زمانده کلیر و آنلری خاک هلاک سرر ] دیمکدر.

رسول اللهك « قیامت اوله بر زمانده کلیر كه ایکی کیمسه بر البسه یی آیم صاتم یایمق ازره بره سررلر آیم صاتم یایمادن و ایچمك اوزره دومك سودینی صاغلرلر ایچمادن و بر کیمسه حوضی صیوار ایچنه صو قویمادن و ییمك ایچون لقمه یی ألنه آیر آغزینه قویمادن ألته قیامت قائم اولور، کیمسه نك خبری اولماز » بیوردینی ( ابو هریره ) حضرتلرندن مرویدر. بناء علیه؛ انسانلر ایچون قیامتک وقتی تعیین ایتک ممکن دکلدر. زیرا؛ قیامتک زمانك علمی الله تعالی به مخصوص اولان بش شیدن برییدر. شو حالدده قیامتک زمانی تعیین ایتمکدن عالم بشریت عاجزدر، آنجق انبیاء کرام حضراتی بعض علامتلرینی بیان ایتشلردر که او علامتلر قیامتک یقین اولدیغنه اماره در.

خلاصه؛ کافرلرک علی طریق الاستهزا « سوزیکز طوغری ایسه قیامت نه زماندر؟ » دیدکلری و آنلره جواب اولارق « قیامت آکسزین ظهور ایدجك بر صيحه دن عبارتدر. اوصيحه یی كوزه تك، دنیلدیکی و اوصيحه نك کله جکی زماندن هیچ کیمسه نك خبری اولما یوب آنجق هر کس بر بریه مخصوصه ایدرکن و هر بری بر ایشله مشغول اولدقلری زمانده کلیور جکی بو آیتدن مستفاد اولان فوائد جمله سندندر.

..

بو آیت جلیله؛ کافرلرک هر جهتدن بخیل اولدقلرینه دلالت ايدر. زیرا؛ جناب حق تعظیم جهتی که توحیدله امر اولوندقلرندده اعراض ایتدکلری کبی فقیر اولان ضعیفلره شفقت و مرحمتله امر اولوندقلرندده دخی اعراض و امر ایدنلری استهزا ایتشلردر. حتی تعظیمک ادنی مرتبه سی اولان کناهدن اتقا ایله و شفقتک ادنی مرتبه سی اولان رزقک بمضیسی اتفاقله امر اولوندقلرندده مخالفت ایدرلر. بناء علیه؛ هر جهتدن یعنی اعتقاد و عمل جهتلرینك هر ایکسینده بخیللردر. چونکه؛ دعوت اولوندقلری توحیدله اجابت ایتدکلری کبی فقرایه شفقت دخی میل ایتدیلر.

خلاصه؛ کافرلر توحیدله یا ناشما دقلری کبی آنلره « فقرایه اتفاق ایدک » دنیلدیکنده « اللهم اطعام ایتدیکنی بر نصل اطعام ایدم؟ » آنلرک اطعامی دیله مش اولسه ایدی الله تعالی اطعام ایدر ایدی » دیدکلری و بو سوزدن مقصدلری اهل ایمانی استهزا ایتک اولدینی و حق بو تکلیفلرندده اهل ایمانی ضلالتله نسبت ایتدکلری بو آیتدن مستفاد اولان فوائد جمله سندندر.

..

واجب تعالی رسول اللهك کافرلره اتقا و اتفاقله امر ایتدیکنی بیاندن صوکره بو امرک ضمننده قیامت موعود اولدیغندن کافرلرک استهزا طریقله « سوزیکز طوغری ایسه قیامت نه زماندر؟ » دیدکلرینی بیان ایتک اوزره ﴿ وَيَقُولُونَ مَتَى هَذَا الْوَعْدُ إِنْ كُنْتُمْ صَادِقِينَ ﴾ بیوردیور.

[ کافرلر رسول الله و اصحابنه خطاباً « اکر سوزیکز طوغری ایسه وعد ایتدیکنکز قیامتک زمانی نه وقتدر » دیرلر. ] و بو سوزلریله اهل ایمانی استهزا و قیامتى انكار ایدرلر.

..

واجب تعالی کافرلرک شو سوزلرینه جواب اولارق ﴿ مَا يَنْظُرُونَ إِلَّا صَيْحَةً وَاحِدَةً تَأْخُذُهُمْ وَهُمْ يَخِصِّمُونَ ﴾ بیوردیور.



واجب تعالی قیامتک بر صیحه نك ظهوريله حاصل اولاجنی بیاندن صوکره اوصیحه نك ظهورنده ناسک احوالی بیان ایتک اوزره ﴿ فَلَا يَسْتَظِيْمُوْنَ تَوْصِيَهٗ وَلَا اِلٰی اٰهْلِهِمْ يَرْجِعُوْنَ ﴾ بیوریور .

[ اوصیحه ظهور ایدوب هر کس ایشیدنجه انسانلر وصیته قادر اولامدقلری کبی هر بری اولدینی برده قالیر ، هیچ بر کیمسه کندی خانه سینه واهل و عیاله دونه من و دونمکه قادر اولامازلر . ] زیرا ؛ صیحه ایله برابر هپسی اولور . حتی کوز یومونجه یه قدر کندیلرینه مساعده اولماز که انسانلرک آخر عمرلرنده عادتلری اولان وصیتی یاپایلسونلر ، یاپامازلر . چونکه ؛ آلری دکر ، همان خانه لرینه دونمکه بيله قادر اولامدقلرندن اولدقلری برده هلاک اولوزلر .

..

واجب تعالی آنلر هلاک اولونجه ایکنجی صیحه ایله قبردن قالقاققلرینی بیان ایتک اوزره ﴿ وَنُفِخَ فِي الصُّورِ فَاِذَا هُمْ مِنَ الْاَجْدَاثِ اِلٰی رَبِّهِمْ يَنْسِلُوْنَ ﴾ بیوریور . [ برنجی صیحه دن صوکره ایکنجی دفعه اولارق اسرافیل علیه السلام طرفندن صوره اوفورولونجه کوریلور که جمله اموات قبرلرندن قالفارق جناب حقک جانب معنویسنه سرعتله کیدرلر . ] زیرا ؛ هر کس عملنک حسابی و جزاسی ایچون چاغیرلدیغندن دور آدمدن الی یوم القیام کچمش اولان انسانلر کوچوک و بویوک هپسی چاغیرلدقلری محله کیتمکه مجبور اولدقلرندن همان سرعتله کیتمکدن باشقه بر چاره اولامیه جنی جهته رضالی رضاسز چاروناچار سرعتله کیدرلر . چونکه ؛ واجب تعالی نك حضور معنویسندن ماعدا آنلر ایچون بر مرجع اولمادیغندن او کونده هر کس دعوت الهیه یه اجابت ایدر و سرعتله کیدر . ایکی صیحه آره سنک قرق سنه اولدینی و قرق سنه دن صوکره انسانک منیسنه بکزر یوقاری طرفدن رحمت یاغاجنی و او رحمتله انسانلرک اوت بیتر کبی بیته جکلری و اعضاری تمام اولدقن صوکره ایکنجی صیحه نك ظهور ایده جکی و او صیحه ایله انسانلرک حیات بولوب محشره یورویه جکلری ( مسالم ) و ( بخاری ) حضراتنک ( ابوهریره ) حضرتلرندن روایت ایتدکلری حدیث شریفله ثابتدر .

خلاصه ؛ اسرافیل علیه السلام طرفندن ایکنجی دفعه ده صوره اوفورولونجه هر کسک قبردن قالقوب سرعتله محشره کیده جکلری بوآیتدن مستفاد اولان فوائد جمله سنددر .

..

واجب تعالی هر کسک قبرلرندن قالقاققلرینی بیاندن صوکره قبرلرندن قالقنجه عذابی کورن کافرلرک کمال تحشرله سویله جکلری سوزلرینی حکایه ایتک اوزره ﴿ قَالُوا يَا وَيْلَنَا مَنْ بَعَثَنَا مِنْ مَرْقَدِنَا هٰذَا مَا وَعَدَ الرَّحْمٰنُ وَصَدَقَ الْمُرْسَلُوْنَ ﴾ بیوریور .

[ قبرلرندن قالقنجه عذابی مشاهده ایدن کافرلر « ای بزم هلاکیز کل ! زیرا ؛ سنک بزه کله جکک زمانک کلدی طورمه کل ! عجبازی قبرمزدن قالدیران کیمدر ؟ » دیرلر و سوزلرینه شونی ده علاوه ایدرلر و دیرلرک « ایشته شو کون رحمن تعالی نك بزه وعد ایتدیکی کوندر و رسل کرامک سوزلری طوغریدر . بزه تبلیغ ایتدیلر ولکن بز نصیحت دیکله مدک » . ] کافرلر بویه دیمکله ندامتلرینی اظهار ایدرلر ولکن او کونده ندامت فائده ویرمز . زیرا ؛ هر شی زماننده کر کدر زمانی کچمش اولان شیئه درمان اولماز . یاخود بیضاوینک بیان ایتدیکی برروایته نظراً ( هذاماوعدا الرحمن ) جمله لری ملائکه نك و یا مؤمنلرک ، آنلرک سئوالنه جوابلریدر . چونکه ؛ آنلر « بزى قبرمزدن کیم قالدیردی ؟ » دینجه ملائکه و یاخود اهل ایمان طرفندن آنلرک دنیا ده کی کفرلرینی خاطرلرینه کتیرلرک و یابدقلری جنایتلری باشلرینه قافق ایچون « بيله مدیکزمی ؟ ایشته بو کون رحمن تعالی نك رسوللری واسطه سیله سزه وعد ایتدیکی کوندر و رسوللر سوزلرنده صادقلردر » دیمکله آنلره جواب ویرلر .

( ابن عباس ) حضرتلرندن روایت اولوندیغنه نظراً ایکی صیحه آره سنده کافرلرندن عذاب قالقار و یاخود قبر عذابی قالقماز ولکن جهنم عذابی کورونجه قبر عذابی اوندن چوق قولای اولدیغندن طولانی بوسوزی سویلرلر .

..

واجب تعالی اسرافیل طرفندن صوره اوفوروله جکینی بیان ایتدکدن صوکره انسانلرک



قبرلرندن قالقملى ایچون صوك دفعه بردهما اوفوروله جکفی بیان ایتک اوزره ﴿إِنْ كَانَتْ إِلَّا صَيْحَةً وَاحِدَةً فَإِذَا هُمْ جَمِيعٌ لَدَيْنَا مُحْضَرُونَ﴾ بیوریور .

[ نفخه اخیره اولمادی ، الا صیحه واحده عبارت اولدی . او صدا واقع اولونجه برده کوریلور که وقت فوت اولقسنزین جمله انسانلر بزم حضور مزده طویلانش حاضر بولونورلر .] زیرا ؛ اوصیحه ایله حیات شانندن اولان امتلر کسوه حیاتی طاقینارق عرصه محشرده و بزم حضور معنومزده اثبات وجود ایدرلر .

فخر رازی و بیضاوینک بیانلری وجهله بو آیت جلیله ؛ انسانلرک بمت اولونملری غایت قولای واسباب عادیهدن هیچ برشیه محتاج اولیه جغفی وهان برصیحه ایله برابر آکسزین میدانه کایور جکفی بیان ایتشدر که انسانلرک تصویری کی اوزون زمانلره محتاج دکل دیمکدر . چونکه ؛ انسانلر دنیاده مهم ایشلرک برطاقم اسبابه توسل ایله حصوله کلا دیکفی کوردکلرندن قیامت ایشی دخی اولیه تصور ایدرلر سده آنلرک تصورلری کی اولیه جغفی جناب حق بو آیتله تنبیه بیورمشدر .

خلاصه ؛ اسرافیلک برصیحه سیله بالعموم انسانلرک عرصه محشرده عرض وجود ایدر جکلری بو آیتدن مستفاد اولان فوائد جمله سنددر .

..

واجب تعالی ناسک قیامتده برصیحه ایله جمع اولاجقلرینی بیاندن صکره بو اجتماع ؛ فصل حقوق و حساب و جزا ایچون اولاجقندن اوکونده ناسه سویلنه جک سوزی حکایه ایتک اوزره ﴿قَالِیَوْمَ لَا تُظْلَمُ نَفْسٌ شَيْئًا وَلَا تُجْزَوْنَ إِلَّا مَا كُنتُمْ تَعْمَلُونَ﴾ بیوریور .

[ اوکونده هیچ بر نفس ولو آزیحق اولسون برشیه ظلم اولونماز وه سز ای مجرملر ؛ جزا انماز ، الا کندی عملکزله جزا انیرسکز . عملکزک غیر برشیه جزا کورمزسکز . دنیلور که هر کس عدالت اوزره محاسبه و مجازات اولاجغفی بیلسونلر .] بوسوز هرشیدن اول اعلان اولونور که هر کس مستریح القلب اولسون .

فخر رازی وقاضینک ابوالسعودک بیانلری وجهله اوکونده ظلمک اولمادیغنی بیان ایتک ؛ مؤمنلری مسرور و کافرلری محزون ایتک ایچوندر . چونکه ؛ عدالت اولونجه مؤمنک ایمانی و عملی بولوندیغندن قورقماز و مسرور اولور ، اما کافرلرک ایمانی و عملی صالهی اولمایوب برطاقم کفریات و جنایتله دفتر اعمالی طولو اولدیغنی ایچون قورقار و محزون اولور . چونکه ؛ عین عملله جزا کافر ایچون عین جهنم اولدیغندن بوعلان کافرلرک المربی تزیید ایدر . « عین عملکزله جزا الاناجقسکز » خطابی مؤمنلره دکدر . زیرا ؛ مؤمنلر عمللرندن زیاده یعنی بره اوندن یدیوزه قدراجر و مثوباته نائل اولاجقلری دیگر نصوص جلیله ایله ثابت اولدیغندن مؤمنلر عین عمللرینک جزاسیله قالمیه جقلردر .

خلاصه ؛ قیامتده ظلم اولیماجنی و هر کسک کندی عملیه جزا الاناجنی بو آیتدن مستفاد اولان فوائد جمله سنددر .

..

واجب تعالی هر کسک کندی عملیه جزا الانوب ظلم اولیه جغفی بیاندن صکره اهل جنتک نائل اولاجقلری نعمتلری بیان ایتک اوزره ﴿إِنَّ أَصْحَابَ الْجَنَّةِ الْیَوْمَ فِي شُغْلٍ فَاکِهُونَ \* هُمْ وَأَزْوَاجُهُمْ فِي ظِلَالٍ عَلَى الْأَرَائِكِ مُتَّكِئُونَ \* لَهُمْ فِيهَا فَاكِهَةٌ وَلَهُمْ مَا يَدَّعُونَ﴾ بیوریور .

[ اهل محشره اعلان اولق اوزره طرف الیهیدن بالذات و یاخود ملکک واسطه سیله دنیلور که « محقق اصحاب جنت بو کون نعمتلرا یچنده مستغرق و مشغوللردر و آنلر زو جلیله برابر کولکه لرایچنده مزین دوشکلرله دوشه نمش کرسیلر اوزرنده دایانوب اوتور یچیلردر و اهل جنت ایچون جتده هر درلو میوه لک و سائر ایسته دکاری شیلرک جمله سی موجوددر ، هیچ بر آرزولرندن نقصان اولماز . ]

فخر رازی ، نیرسبوری وقاضینک بیانلری وجهله اهل جنتک مستغرق اولدقلری لذتک و نعمتلرله سرورک عظمتنه و عقول بشرک ادرا کندن عاجز اولدیغنه اشارت ایچون ( شغل ) لفظی تعظیم و تکثیره دلالت ایدن توبه ایله وارد اولمشدر .



بوکلامدن مقصد ؛ کافرلرک حزن و کدرینی آرتیرمق ایچوندور . چونکه ؛ کافرلرک دشمن بیلدکلری مؤمنلرک راحتلرینی آنلره خبر ویرمک آنلر ایچون حزن اوزره حزنلر . زیرا ؛ کندیلرینک معذب اولدقلری حالده دشمنلرینک راحتلرینی ایشیتمک آنلر ایچون عذابلرینک اوزرینه بر قاندها عذاب اولدینی کبی یارملرینک اوزرینه طوز صاحب قیلندور . اوکونده جریان ایدمک وقایعی شیمیدن قرآنده حکایه ایتک ؛ کافرلری کفردن وعاصیلری عصیاندن منع ایتک ومؤمنلرک مسلکلرینه سلوک دعوتدر .

شغل ایله مراد ؛ کیشینک کنیرینه نظراً کرک مسرت ویریمی وکرک الم ویریمی اولونه مشغولیت ایسده جنتده الم اولماذیغندن بوراده مسرت ویرمک نعمتلر مشغول اولمقدور . بناء علیه ؛ اهل جنت جنته کیرنجه دنیاده تصور ایتدیکی نعمتلر موجود اولدینی کبی خاطر وخیالنه کلهین بر طاق صایلماز وتوکنمز نعمتلری کورونجه آنلره مشغول اولور ، دیکرلرینی بالکلیه اونوتوب خاطرینه بيله کلیه جکنه اشارت ایچون شغل ایچنمه اولامققلری بیان اولونمشدر .

اهل جنت ایچون وحشت اولماز . زیرا زوجلری یانلرنده در و آنلر ایچون لذت و سروردن باشقه برشی اولماز . زیرا ؛ هراسته دکلری یانلرنده حاضر در . بناء علیه ؛ باشقه محله قبلرینک طاقیتینی اولمادینی کبی کوکل اوزونشوی دخی یوقدر .

جنتده سینک ویرمه کبی انسانه اذا ویرمک شیلر اولمادیغه اشارت ایچون کمال استراحتدن عبارت اولان کولکده بولوناچقلری وقابلرینک جمیع المدن سالم اولوب فراغ قلبه مالک اولاجقلرینه اشارت ایچون کرسیلر اوزرنده اوتوراجقلری و آنلر ایچون لذت روحانی اولدینی کبی غداى جسمانیدن ده هرشی موجود اولدیغه اشارت ایچون هر نوع میوه و هراسته دکلری موجود بولوندینی وهرنه ایستلرله اصلاً اسیر که مک اولمادیغه و آرزولری وجه اوزره بولوناچغه اشارت ایچون اشتها ایتدکلری شیلرک جمله سی موجود اولدینی بیان اولونمشدر .

خلاصه ؛ اهل جنتک توکنمز و آرقه سی کیسلمز بر لذت دائمیه مشغول اولاجقلری

وزوجلریله برابر کولکده کرسیلر اوزرنده اوتوراجقلری و آنلر ایچون هر نوع میوه و هراسته دکلری موجود اولاجنی بوآیتدن مستفاد اولان فوائد جمله سندور .

..

واجب تعالی اهل جنتک جنته کیردکن صوکره طرف الهمیسندن آنلره واقع اولاجق التفاتی بیان ایتک اوزره ﴿سَلَامٌ قَوْلًا مِنْ رَبِّ رَحِيمٍ﴾ بیوریور .

[ اهل جنت جنته کیردکن صوکره قوللرینه منعم و محسن و مرحمت بی نهایت صاحبی اولان زبلری آنلره تعظیم وتلطیف اولمق اوزره « سلام و مرحبا » سوبله نور . بناء علیه ؛ سلام الهمی به نائل اولورلر . ]

فخر رازی ، قاضی وخازنک بیانلری وجهله بو سلام بلاواسطه طرف الهمیدن اهل جنته سوبله نور ویاخود سلام الهمی ملکر واسطه سیله کلرکه اهل جنتک هر درلو مکروهاتدن سالم اولاجقلرینی بیانله کندیلرینه تعظیم وتکریمدر و اهل جنتک مطلوبلری ده بودر و بوسيله ایله جناب حق اهل جنتک درجهلرینی یوقاری قالدیرر و شرف و شانلرینی عالی قیلار .

جناب حقک اهل جنته بلاواسطه سلام ایدمک رسول اللهدن مرویدر . چونکه ؛ حضرت جابرک روایتنه نظراً رسول الله « اهل جنت ذوق و صفاده اولدقلری بر زمانده جناب حق تجلی بیورر و ( السلام علیکم یا اهل الجنة ) خطاب عزتی وارد اولور » بیورمشدور . شو روایتنه نظراً واجب تعالی تک اهل جنته سلامی بلاواسطه در . بعض روایتنه نظراً ملکر واسطه سیله سلام الهمی کلر وهرقابودن ملکر کیرلر و « سلام علیکم من ربکم الرحیم » دیرلر . هر هانکی صورته اولورسه اولسون سلام الهمی آنلر ایچون پک بویوک برالتفات ولطفدر . چونکه رب تعالی دن قوللرینه سلام ؛ عین عنایتدر .

..

واجب تعالی اهل جنته سلامله التفات ایدمک بیاندن صوکره آنک مقابلنده اهل جهنمه وارد اولاجق خطاب الهمی بی بیان ایتک اوزره ﴿وَأَمَّا زُورًا الْيَوْمَ أُتْبِهَا﴾



الْجُرْمُونَ \* اَلَمْ اَعْهَدْ اِلَيْكُمْ يَا بَنِي اٰدَمَ اَنْ لَا تَعْبُدُوا الشَّيْطَانَ اِنَّهٗ لَكُمْ عَدُوٌّ مُّبِينٌ ﴿١﴾  
بیوریور .

[ طرف التَّهْيِدَن كافرله توبیخ و تكدير صورتيله ای ] اللهك دشمنلری و جرم و جنایت صاحبی كافرله ! بوكون مؤمنلردن آریلك . زیرا ؛ دنیاده آنلك توحیدندن آیرلديكز . كذلك بوراده آنلردن آیرلك كه ایسلكر كوتولردن تفريق اولونسون . ای آدم اوغللری ! شیطانہ عبادت ایتمكزی بن سزه وصیت ایتمدی ؛ زیرا ؛ شیطان سزه عداوتی میدانده بر دشمندر دیمدی ؟ [ آنك اغفالات شیطانیه سنه آلدانمايك و امر و نهیه متعلق و سوسه سنه اطاعت ایتميك . زیرا ؛ او سزك آچیقندن بردشمنكزدر . دشمنك سوزینه باقيلماز دیمدی و اطاعت ایتمككز صورتده شیطانك سزی جهنمه كوتوره جكنی و بوكونك كله جكنی رسوللرم واسطه سیله سزه سولدمی ؟ « ديمكله اهل جهنم الزام اولونورلر .

بیضاوی و خازنك بیانلری وجهله بوآیتده امتیازله مراد ؛ كافرلك بهمنمده بربرلرنده آیرلریمز . چونكه ؛ بعض روایته نظراً هر بر كافر ایچون جهنمه حاضر لاش اولان او طیه صاحبی كیرر قابوسی قاپانور او كافر ابدالآباد او او طهده قالیر . نه كیمسه آنی كورور ونده او كیمسه بی كورور . شو حالده كافرلر ایچونه بهمنمده عذاب ایكیمز . برنجیسی ؛ عذاب جسمانی كه عذاب بهمنمده . ایكنجیسی ؛ عذاب روحانی كه عذاب فرقهده . ایكنجی عذاب اولكندن دها اشددر . زیرا عذاب روحانی ؛ هر زمان عذاب جسمانیدن دها زیاده مؤثردر . اما مؤمنلك نعمت جسمانی ایله متعم اولاجقلری كبی نعمت روحانی ایله ده متعم اولاجقلری ( هم وازواجهم ) نظم جلیلی بیان ایتمشدر . چونكه ؛ مؤمنلك جنتده اولاد و عیال و احباب و یارانلری ایله صحبت ایتملری لذت روحانیدر .

یاخود امتیازله مراد ؛ شفاعت ابره بك ظن ایتكلی یونلردنه و سائر دوستلرنده آیرلریمز . زیرا ؛ كرك بوتلردن و كرك دوستلردن هیچ بر شفاعته نائل اولامیه جقلری كبی آیری ده دوشه جكلردر . بناء علیه ؛ هیچ برندن یاردم و فائده كوره میه جكلردر .

یاخود امتیازله مراد ؛ غیر امیر ایتكلی هر شیده آیری در شملك و سیمالربله اهل غیرده آیرلریمز . چونكه ؛ كافرلك یوزلرنده و یا آنلرنده كفرلرینه علامت اولارق سیاهلق ظهور ایدجك و هر كس آنلك كافر اولدقلرینی بیله جكلدر .

بو آیتده بیان اولونان جناب حقك عهدی ایله مراد ؛ هر قومك رسولی و رابطه سید او قومه طرف التَّهْيِدَن وارد اولانه امرلر و نهیهلر ، اللهك قوللریمز . یاخود ابراهیم اولانه حضرت آدمه واقع اولانه عهددر . چونكه ؛ باری ایله واقع اولان عهد ؛ اولادی حقنده دخی عهددر . یاخود حضرت آدمك اولادینی آرقمنده بیقرار دیننده واقع اولانه عهددر . چونكه ؛ او وقت انسان عهدده و آدمه واقع اولان عهدك هر ایكیسندهده شیطانہ اطاعتدن نهی واردی .

بومقامده شیطانہ عبادتله مراد ؛ شیطانك و سوره ایه انسانه نبیین ایتمده اولدیفی من خرفانه آلمانوب آكا اطاعت ایتمككز كه عداوتی بیانه اطاعتدن نهيك سبی بیان اولونمشدر . شو حالده دلیل و دعوائی ترتیب شویله در ؛ « شیطانہ اطاعت ممنوعدر . زیرا شیطان ؛ عداوتی میدانده بر دشمندر . هر دشمن كه عداوتی میدانده اوله ، آكا اطاعت ممنوعدر . بناء علیه ؛ شیطانہ اطاعت ممنوعدر . شیطانك عداوته سبب ؛ حسددر . چونكه ؛ پدرمن حضرت آدمه طرف التَّهْيِدَن واقع اولان تعظیم و تكريمه دایانامیه رقی اللهه عصیان و آدمه و اولادینه عداوته عزم ایدرك الی يوم القیام اغوا ایدجكنی علناً اظهار ایتدی و او غزمنده اليوم دوام ایتمكدهدر .

خلاصه ؛ اهل جرم اولان كافرلك اهل ایماندن آیرلا جقلری و جناب حقك آنلره « بن سزه شیطانہ عبادت ایتميك . زیرا ؛ شیطان سزك آچیقندن بردشمنكزدر دیمدی ؟ » عنوانیه تكدير ایدجكي بوآیتدن مستفاد اولان فوائد جمله سندندر .

﴿ وَاَنْ اَعْبُدُوْنِيْ هٰذَا صِرَاطٌ مُّسْتَقِيْمٌ ﴾

[ ای بنی آدم ! بن سزه رسوللر واسطه سیله « بكا عبادت ایتمكزی امر ایتمدی و آنحق بكا عبادت كز طوغری بر یولدر دیمدی ؟ » البته امر ایتمد ، انكاره محالكرز



یوقدر . ملك وملكوتمه تدبیر و تصرفده استقلای تصدیق ایتكزی امر ایتدی ؟  
شوحالده نه ایچون وصیتی طوتوب امرمه امتثال ایتدیكز وشوطوغرو یولی تركله شیطانك  
كوستردیكى طریقه نه دن سلوك ایتدیكز ؟ « دیمكله جناب حق آنلری برقات دها  
توبیخ ایدر .

بیضاوینك بیانی وجهله بوآیت؛ عهدك مقتضاسنی تمامیه بیان ایچون سوق اولومشدر .  
زیرا ؛ شیطان عبادتن نهی ایتك ذات الوهیتنه عبادت ایتكی مستلزم اولدیغندن عهد  
السمیه هرايكی جهتمه موجوددر . الله تعالی به عبادت طریقك اك اعلاسی و تعظیمه  
شایان اولدیغنه اشارت ایچون ( صراط ) تعظیم دلالت ایدن تنویه ايله وارد اولمشدر .  
یعنی « الله عبادت ایدوب شیطان عبادت ایتمهك بویوك برطریقدر كه آنك فوقنده و آندن  
دهاعالی برطریق اولاماز ، دیمكدر .

..

واجب تعالی شیطانك عداوتی بیاندن صوكره عداوتی اجراسنك کیفیتنی بیان ایتك  
اوزره ﴿ وَلَقَدْ أَضَلَّ مِنْكُمْ جِبِلًّا كَثِيرًا أَفَلَمْ تَكُونُوا تَعْقِلُونَ ﴾ بیوریور .

[ ذات الوهیتنه قسم ایدرم كه محقق شیطان چوق جماعتی اضلال ایدرك طوغری  
یولدن چیقاردی . شیطان عبادت ایدرده عداوتی دوشونور اولمادیكزمی ؛ حالو كه دوشونمكز  
لازمدر . ] زیرا ؛ سزدن اول چوق قوملری یولدن چیقارمقله هلاكلرینه سبب اولدی .  
چونكه ؛ آنلر شیطان اطاعتله جناب حقله اولان عهدلرینی بوزدیلر . بناء علیه ؛ كندیلرینه  
موعود اولان جنتدن محروم اولدیلر كه نارخذلانه مستحق اولارق ابدی جهنمه قالاچق  
بر حال كسب ایتدیلر . انسان ایچون طوتاچنی بر ایشك عاقبتنی او ایشه باشلامازدن  
اول دوشونمك لازم دكلی ؟ فصل اولیور كه مفسدتی میدانده اولان بر خبیثك آرقهسه  
دوشیورسكز .

بوآیتده شیطانك برچوق امتلری یولدن چیقاردینی محقق اولدینی حالده آكا اتباعده کی  
وخافتی دوشونمك لازم ایكن دوشونمیلری جناب حق توبیخ و تكذیر ایتمشدر .

..

واجب تعالی شیطانك اضلالی محقق اولدینی بیاندن صوكره اضلال اولونان کیمسه لره  
یوم قیامتده واقع اولاجق خطابنی بیان ایتك اوزره ﴿ هَذِهِ جَهَنَّمُ الَّتِي كُنْتُمْ تُوعَدُونَ ﴾  
اضلوهآ الیوم بما كنتم تكفرون ﴾ بیوریور .

[ ای ] کافرلر ! ایشته شو عذاب سرك دنیاده وعد اولوندیغكز جهنمدر .  
کفریکز سبیلله بوکون او جهنمه کیرك « دیمكله آنلرك محللری كندیلرینه کوسریلور . ]  
بوآیتده اوچ جهنله کافرلرك حسرت و ندامتلرینی بیان واردر : برنجیسی ؛ جهنمه  
کیرملرله امرا هانت ایچونمكه « هایدك کیرك شودار جهنمه » دیمك آنلری تحقیر و تزییلدر .  
ایکنجیسی ؛ ( الیوم ) « بوکون کیرك دیمك » « عذابك حاضر و آنلك زائل اولدیغنه اشارتدر .  
اوچنجیسی ؛ کفرلری سببیه جهنمه کیرمكلرینی پانمدر . چونكه ؛ كفران نعمت ایدنلرك  
منعمنه قارشى اوتانمسی بك بویوك عار و آجیقلیدر . وعد اولوندقلرینی بیان ایتك دنیاده  
واقع اولان وعده سمع اعتبار ایتدكلرندن طولای بو عذابه دوچار اولدقلرینی اخطارله  
حزن و الملرینی آرتیرمقدر .

خلاصه ؛ کافرلرك جهنمه کیره جکلی زمان « ایشته شو جهنم دنیاده سرك وعد  
اولوندیغكز جهنمدر . هایدك کفریکز سبیلله کیرك او جهنمه « دنبله جکی بو آیتدن  
مستفاد اولان فوائد جمله سنددر .

..

واجب تعالی کافرلرك جهنمه کیرملرله امر و یربله جکلی بیاندن صوكره آنلر  
معصیتلرینی انکار ایدم جکلی ایسه ده مقتدر اولامیه جقلرینی بیان ایتك اوزره ﴿ الْيَوْمَ  
نَخْتِمُ عَلَىٰ أَفْوَاهِهِمْ وَتُكَلِّمُنَا أَيْدِيهِمْ وَتَشْهَدُ أَرْجُلُهُمْ بِمَا كَانُوا يَكْسِبُونَ ﴾  
بیوریور .

[ او کونده بز کافرلرك انکارلرینه مساعده ایتمهك ایچون آغزلرینك اوزرینه مهر



باصارز و معصیتلری بیان خصوصنده بزه آلری سویلر و دنیا ده قازاندقلری معصیتلرینه  
آیاقلری شهادت ایدر . [

یعنی ؛ کافرلر کناهلری انکاره باشلادقلری کونده آنلرک آغیزلری آچدیرماز  
و سوبله تمیز . زیرا ؛ واقع اولان کناهلری انکاره جزأت ایدنجه نطقه قدرتی آلدیغمزدن  
آغیزلری مهرله نمش کبی سکوته مجبور اولورلر و ایشله دکاری کناهلری آلری سویلر  
و بزه خبر ویرر و آیاقلری ده دنیا ده کسب ایش اولدقلری کناهلره شهادت ایدرلر .  
بناء علیه ؛ او عاصی اولان کیمسه مبهوت و حیران اولور قالیر . زیرا ؛ کندی اعضاء  
جوارحنی کندینه دوست اوله جغفی و لهنه شهادت ایده جکفی امید ایدرکن امیدینک خلافتنه  
علیننه شهادتلی البته آتی مبهوت و حیران ایدر .

فخر رازی ، خازن وقاضینک بیانلری وجهله آلرک تکاملری و آیاقلرک شهادتلی ؛  
محققنده نظم و شهادت . چونکه ؛ تکلم خصوصنده اسانله سائر اعضا بیننده قدرة الله  
نسبتله فرق یوقدر . زیرا ؛ الله تعالینک لسانه ویردیکی قوه نطقیه بی سائر اعضایه دخی  
ویرمسنده برمانع یوقدر . بناء علیه ؛ لسانی سوبله تن الله تعالی سائر اعضایه ده سوبله تبیلیر .  
شو حالده کناهلری انکاره جزأت ایدن لسانی اسکانله سائر اعضایه اقرار ایتدیرمکه  
کناه صاحبی رذیل و رسوای ایدر .

یا خود لسانک تکلمی و آیاقلرک شهادتلی ؛ افعال قبیحه و زلاتلری و کناهلرک  
ایتنک او اعضا درده ظاهر اولسنده کناهدر . فقط لفظ قرآنی حقیقتده تکلم و شهادته  
حمل ایتمکه بر مانع اولمادیغندن معنای حقیقی مراد اولونمق اولادر . چونکه ؛ معنای  
حقیقی بی مراد ایتک ممکن اولان یرده مجاز و کنایه معناری آرامغه حاجت یوقدر .

آلر و آیاقلر کبی اعضاء سائرته تکلملری اختیاری اولوب اجباری اولمادیغنه اشارت  
ایچون تکلم و شهادت نفس اعضا ره اسناد اولونمش واجب تعالی یه اسناد اولونماشدر .  
اکثر کناهلرک آلرله ایشله نیلدیکنه اشارت ایچون آلردن یالکیز تکلمله اکتفا اولونوب  
شهادت ، آیاقلره اسناد اولونماشدر .

کافرلردن صدور ایدن کناهلر و چیرکین ایشلر کندیلرندن اعراض ایتک ایجاب

ایدوب اعراضه شایان اولدقلرینه اشارت ایچون خطابدن غایبه التفات اولونارق ( علی  
افواهکم ) یرنده ( علی افواههم ) وارد اولشدر .

خلاصه ؛ یوم قیامتده قباحتی انکاره جسارت ایدنلرک دیلیرینک باغلانا جفی  
و کناهلری آلرینک و آیاقلرینک اقرار ایده رک شهادت ایده جکلری بو آیتدن مستفاد اولان  
قوائد جمله سننددر .

..

واجب تعالی کافرلرک بعض احوالی بیاندن صوکره آنلرک دنیا ده مستحق اولدقلری  
جزای و یرمدیکنی و آنلره مساعده ایتدیکنی بیان ایتک اوزره ﴿ وَلَوْ نَشَاءُ لَطَمَسْنَا  
عَلَىٰ أَعْيُنِهِمْ فَاسْتَبَقُوا الصِّرَاطَ فَأَنَّى يُبْصِرُونَ ﴾ بیوریور .

[اگر بز دیله مش اولسه ایدک آنلرک کوزلری سیلر و یوزلریله برابر قیلاردق .  
شو حالده آنلر کور اولور کوره مزلردی . بناء علیه ؛ یوللرینه کیتک و دوام ایتک  
ایسترلردی و لکن نصل کوره بیلرلردی . آنلر ایچون کورمک ممکن اولایلیرمی ایدی ؛  
الته کوره مزلردی . حالوکه بز آنلرک کور اولماری ایسته مدک . زیرا ؛ کوزلری آجیق  
اولسون هر شیئی کورسونلرده یوم قیامتده اعتراضه مجاللری قالماسون . [ چونکه ؛ کوزلری  
آجیق اولوب طریق هدایتی کوروب بیلدکاری حالده طریق حقه سلوک ایتلری لازم  
ایکن اهتدا ایتدکلرندن طولای البته معذرتسز معذب اولاجقلردر . بناء علیه ؛ اهتدا  
ایتمدکلرینه معذرت بیان ایتسملر معذرتلری قبول اولونماز . چونکه ؛ قبوله شایان معذرت  
درمیان ایده مزلرکه قبول اولونسون .

..

واجب تعالی کافرلرک دنیا ده مستحق اولدقلری جزادن بعضیلری بیاندن صوکره  
بعض آخری بیان ایتک اوزره ﴿ وَلَوْ نَشَاءُ لَمَسَخْنَاهُمْ عَلَىٰ مَكَانَتِهِمْ فَمَا اسْتَطَاعُوا  
مُضِيًّا وَلَا يَرْجِعُونَ ﴾ بیوریور .



[اگر دیله مش اولسه ایدک بز آنلرک صورتلرینی جاداته تحویل ایدردکده آنلر کیدوب کلکه قادر اولاملرلدی ؟]

یعنی ؛ بز ایسته سه ایدک آنلرک صورتلرینی تبدیل ایدردکده اولدقلری محله دیکیلی قالیرلر ، نه بر طرفه کیتمکه ونه ده کیتمش اولسه لر کیتمش اولدقلری محلدن کیری دونمکه قادراولورلدی . حالوکه بز بونلردن هیچ برینی یامداق . بناء علیه ؛ کوزلری کوزور وقوة جسمانیله یرنده وقوة عقلیه وسائر ادراکاری یولنده اولدینی جهته طریق حقه اعتدالینه بر مانع اولمادیقندن اهتدا ایتلمی لازم ایکن اهتدا ایتهدیلر . بونکه برابر یوم قیامتده جنایتلرینی انکاره جرأت ایدنجه بز آنلرک آغزلرینی مهرلر سوبله تمهیز . زیرا ؛ بالجمله وجودلری واعضالری یرنده اولدینی ایچون اعتدازه مجاللری یوقدر . چونکه ؛ هر جهته عوارضدن سالم اولدقلرندن اعتذار ایتسه لر قبول اولونماز . شو حالده آخرتده لسانلرک قاپانمسیله عذاب اولوندقلری کبی دنیاده کوزلرینک کور اولسی وسائر اعضالرینک تبدیل اولونمسی ایله عقاب اولونمغه مستحقلردر ولکن دنیاده عذاب اولملرینه مشیت الله تعلق ایتهدیکندن دنیاده عقاب اولونمادیلرکه آخرتده بر دیه جکری قالمسون .

فخر رازی ونیسابورینک بیانلری وجهله ابتدا بر طریقه کیتمک ؛ کیتدیکی یردن کیری کلکدن دهها مشکل اولدیقنه اشارت ایچون اولا کیتمک معنانه اولان ( مضیاً ) نفی اولونمش وبعده دهها قولای اولان رهموع نفی اولونمشدر .

( نطمسنا ) طمس ؛ کوزینی بونومه قاپایوب بوزیمه برابر اولور معنانه اولوب مسخ ؛ بونومه وجودک واعضالک بربلنره عبارت اولدینی جهته اهوئدن اصعبه یعنی قولایدن کوچ اولانه تدریج طریق اختیار اولونمشدر . چونکه ؛ اعمی اولان بر آدم قوای سائر سیله وجوه تصرفی ادراک ایده بیلدیکی کبی بعض الفت ایتدیکی محله ده کیدوب کله بیلیر . اما ممسوخ اولان یعنی وجودی واعضالری جاداته تبدیل ایدن کیمسه هیچ بر شیشه مقتدر اولامادیقندن کور اولق وجودک بالکلیه تبدلندن چوق قولایدر . بناء علیه ؛ جناب حق « دیله مش اولسه ایدک کوزلرینی کور ایدردک . دهها زیاده دیله مش اولسه ایدک بوتون وجودلرینی جاداته و یا خود مایمون وسائر کبی حیوانات بهیمیه تبدیل ایدردکده هیچ

بر شیشه مقتدر اولمازلردی ولکن بز بونلرک هیچ بریسنی یامداق وآلت اعتدالینه بر ضرر کتیرمدک که اهتدا ایتسونلر وایتمدکری صورتده اعتدازه مجاللری اولما-ون بیورمشدر . خلاصه ؛ جناب حق دیله مش اولسه آنلری بوتون ادراکدن محروم قیلمغه قادر ایکن هر درلو مساعدیه آنلری مظهر ایتدیکی وبو مظهریتی حسن استعمال ایتدکلرندن طولانی اعتدازه مجاللری قالمادینی بو ایکی آیتدن مستفاد اولان فوائد جمله سنددر .

\*\*

واجب تعالی انبیاء عظام واسطه لرله کافرله اهتدا طریقلری بیان اولوندیقندن اعتذار قاپولرینک قاپاندیقنی بیاندن صوکره عمرلری جهتدن دخی اعتدازه مجاللری اولمادیقنی بیان ایتک اوزره ﴿ وَمَنْ نُعَمِّرْهُ نُنَكِّسْهُ فِي الْخَلْقِ أَفَلَا يَعْقِلُونَ ﴾ بیوریور .

[ بر کیمسه که آنک عمرینی بز اوزاتیرسه ق آنک خلقتنی عکسنه دوندورورز . آنلر عمرلرینک اوزامسنی ایستترلده جسملرینک وسائر قوالرینک ضعفه دوچار اولاجقنی تعقل ایدوب ادراک ایتیورلرمی ؟ ]

یعنی ؛ بر کیمسه نک عمرینی اوزاتیرسه ق آنی ارذل عمره رد ایدرز . عمرلرینک اوزامسنی ایستترلده ارذل عمره واره جقلرینی دوشونمزلمی ؟ زیرا ؛ انسانک عمری اوزادجقه ضعیفی تزیاید وقوتی تناقص ایدر وبنیه سی کوچولور وشکلی تغیر ایدر . حتی صبی به بکزه بر حاله عودت ایلر . بناء علیه ؛ فهم وادراکدن خالی وعقل وتذیردن عاری بر حاله کلدیکندن عمری اوزون اولمقله اوزادجقه طریق صوابه اهتدا ایتسی لارم کلز . شو حالده عمرینک اوزون اولمسیله نجاته داخل اولق محقق اولاماز . بناء علیه ؛ « عمر من قیصه اولدی اوزون اولسه ایدی ز اهتدا ایدردک » دیمکه قبوله شایان براعتذار در میان ایتمش اولمازلر . نیسابورینک بیانی وجهله بو آیت ؛ یوم قیامتده کافرلرک عمر جهتدن اعتذار قاپولرینی قاپامشدر . زیرا ؛ آنلر « بز دنیاده آز یاشادق . اکر دنیاده بزه چوق عمر ویرسه ایدک بزه قصور بولامازدک » دیملرینی بو آیت جلیله رد ایتمشدر . چونکه ؛ آزیحق عمرده اهتدا ممکن ایکن اهتدا ایتمین چوق یاشاسه ینه اهتدا ایتیمه چکی وبلکه اهتدایه قابلیت خلاصه الیان : اون ایکنی جلد ۹۸ -



قاله جنی میدانده در . زیرا ؛ بیان اولوندی و جهله انسانك یاشادجه شعوری آزالدی  
هر کسجه معلوم بر حقیقتدر .

خلاصه ؛ انسانك اوزون یاشادجه صورتك تغیرایده جکی وادرا كنك آزالاجنی و بو  
جهت دوشونمكه شایان اولوب اردل عمری ایسته مك معقول بر شی اولمادی بوآیتدن  
مستفاد اولان فوائد جمله سنددر .

..

واجب تعالی وحدانیت و حشره متعلق احوالی بیاندن صوکره رسول اللهك رسالتی  
انکار ایدنلری رد ایتك اوزره ﴿وَمَا عَلَّمْنَاهُ الشِّعْرَ وَمَا يَنْبَغِي لَهُ إِنْ هُوَ إِلَّا ذِكْرٌ  
وَقُرْآنٌ مُبِينٌ﴾ بیوریور .

[ بز عظیم الشان محمد علیه السلامه شعر اوکرتمك و شعر محمد علیه السلامه لایق اولماز .  
بناء علیه ؛ محمد علیه السلامك او قودینی شی اولمادی ، الا آنجق وعظ وقرآن مین اولدی . ]  
یعنی ؛ بز عظیم الشان محمد علیه السلامه شعر تعلیم ایتك . زیرا شعر ؛ کفله سویله نور  
وقافیه و وزن ایله اورولش مزخرف ایدورمه بر سوز اولدینی کبی او هام و خیالات  
اوزره بنا قیلنش بر طاقم موهوماندن عبارتدر . بناء علیه ؛ قرآنله شعر بیتده اصلا  
مشابهت یوقدر و بویله خیالات و موهومانه اوغراشمق محمد علیه السلامه لایق اولماز  
و یاقیشماز و محمد علیه السلامك سویله بکی قرآن ایسه بر طاقم معقول فنلر و حکمه لرله طولو  
وسعدت دارینه ایصال ایده جك احکامله مزین و شعرده موجود اولان موهوماندن منزهدر .  
فخر رازی و نیشابورینك بیانلری و جهله رسول اللهك امتی اولوب اوقویوب یازمق  
جهتی کندینه مساعد اولمادی کبی شعر سویله مك مراد ایتسه سویله مك میسر اولماز .  
بناء علیه ؛ عن قصد شعر سویله مکدن ممنوعدر که معجزات باهره والی یوم القیام باقیه  
اولان قرآنده شبهه واقع اولماسون . بناء علیه ؛ رسول الله صلی الله تعالی علیه وسلم افتدیمز  
عن قصد شعر انشا ایتدیکندن کافرلرک استاندن بریدر . اما شعر صورتنده ( انا انبی  
لا کذب - انا ابن عبدالمطلب ) قول شرافتی کبی صدور ایدن شیلر بلا قصد تصادف اوزره  
وارد اولمشدر . بناء علیه ؛ اصلا سویله مکه قصد اولمادی کبی ترتیبه عزمده یوقدر .

شو معنا ( و ما ینبی له ) ده بولونان ضمیرك رسول الله راجع اولدیغه نظر آدر .  
اما ضمیر قرآنه راجع اولدیغه نظرأ معنای نظم : [ شعر قرآنه لایق اولماز . زیرا ؛  
شعرله قرآن بیتده مناسبت یوقدر . چونکه ؛ قرآن اولمادی ، الا خلقك احوالی اصلاح  
ایدر بر موعظه و خبر اوکود و یرمك و انس و جنی ارشاد و طوغری یوله سوق ایتك ایچون  
ککش بر کتاب سماویدر و حقله باطل آره سنی تفریق ایدر محرابلرده اوقونور و احکامیه  
عمل اولونور و آنك سبیلله انسانلر رضاء الهی بی قازانور فوز و فلاحه داخل اولور  
آجیق بر کتاب ] دیمکدر .

خلاصه ؛ رسول الله شعر تعلیم اولونمادی و شعر رسول الله و قرآنه لایق اولمادی  
و قرآن شعر اولمایوب آنجق وعظ و نصیحتدن عبارت اولدینی بوآیتدن مستفاد اولان  
فوائد جمله سنددر .

..

واجب تعالی قرآنك شعر اولمادی و شعر اولمغه لایق اولمادی بیاندن صوکره  
قرآنك انزالندن حکمتی بیان ایتك اوزره ﴿لِيُنذِرَ مَنْ كَانَ حَيًّا وَيَحِقَّ الْقَوْلُ  
عَلَى الْكَافِرِينَ﴾ بیوریور .

[ قرآن بر موعظه در که او قرآنله رسول الله عقل و فهم صاحب اولمغه اثر حیات  
اولانلری انذار ایتسونده بوانذارندن صوکره کفر اوزره مصر اولان کافرلر اوزرینه  
کلمه عذاب واجب اولسون ایچون قرآن جانب الهیدن کلدی . ]

یعنی ؛ قرآنله حال حیاته اولان عقلا انذار اولونور . یوقسه عقلی اولمایان اموات  
قیلندن بر طاقم فکرمنز احققلر قرآندن انتفاع ایدمه جکلی ایچون قرآنله انذار  
اولونمازلر و قرآن واسطه سیله کافرلر اوزرینه کلمه عذاب واجب اولسون ایچون قرآن  
نازل اولمشدر . چونکه ؛ قرآنه ایمان ایتدکندن طولای کندیلرینه عذاب ، قرآنله  
تبلیغ اولونور .

قرآنله انذار اولونمایان کافرلرک اموات قیلندن اولدققرینه اشارت ایچون قرآنله



حی اولونانلرک انذار اولوناجنی بیان اولونمشدر. چونکه؛ کافرلرده اثر حیات اولان ایمان و معرفه الله اولمادینی ایچون آن اولولردر.

خلاصه؛ قرآنک انزالدن مقصد حیات شانندن اولان کیمسه لری انذار ایتک و ایمان ایتمین کافرلر اثر حیات کوستره مدکلرند انطولای آنلر اوزرینه عذابی ایجاب ایدن کله ایله عذابک واجب اولمسی اولدینی بوآیتدن مستفاد اولان فوائد جمله سندندر.

\*\*

واجب تعالی رسالته متعلق اولان بعض مسائلی بیاندن صوکره وحدانیتنه دلالت ایدن بعض دلائلی بیان ایتک اوزره ﴿أَوَلَمْ يَرَوْا أَنَّا خَلَقْنَا لَهُمْ مِمَّا عَمِلَتْ أَيْدِينَا أَنْعَامًا فَهُمْ لَهَا مَالِكُونَ ۖ وَذَلَّلْنَاهَا لَهُمْ فَمِنْهَا رَكُوبُهُمْ وَمِنْهَا يَأْكُلُونَ﴾ بیوریورده [اومنکرلر وحدانیتیزی انکار ایدرلرده بزم کندیلری ایچون کندی قدرتمزله خلق ایتدیکمز حیواناتی کورمیورلری؟ آنلر ایچون خلق ایتدیکمز بناء مالک و متصرفلردر و بز عظیم الشان حیواناتی آنلره مسخر قیلدق. بناء علیه؛ او حیواناتدن بعضیلری بیندیرینه و بعضیلری ده اکل ایتلرینه مخصوص اولدیغندن بعضیلرینه بینرلر و بعضیلرینی ییرلر.] اکر حیواناتک هبسی بز وحشی و آنلرک امرلرینه اطاعتسز خلق ایتش اولسه ایدک آنلر هیچ برنده تصرفه مقتدر اولامازلردی. حالبوکه اوبویوک جهده اولان دوه لری و جاموسلری بز آنلرک امرینه مطیع قیلدق و تحت اسارتلرینه قویدق که ایسته دکلری وجه اوزره استعماله مقتدرلردر و کندیلرینک صنعی اولمقسزین بوقدر نعمتیریزی خلق ایدوب اللرینه تسلیم ایتدیکمز حالده فصل اولیورکه کفران نعمت ایدرک وحدانیتیزی انکار ایدیورلر؟ بوانکارلری تعجبه شایندر.

\*\*

واجب تعالی حیوانلرک متعلق یالکز بینمکه و بینمکه مخصوص اولمایوب ده برچوق منفعتلری اولدینی بیان ایتک اوزره ﴿وَلَهُمْ فِيهَا مَنَافِعُ وَمَشَارِبُ أَفَلَا يَشْكُرُونَ﴾ بیوریور.

[حالبوکه حیواناتده انسانلر ایچون پک چوق منفعتلر واردر. چونکه؛ یوگندن، قیلندن و تناسلندن صایلماز توکنمز درجهده انتفاع ایدرلر و سودندن ایچرلر. زیرا؛ عین سودنی ایچدکلری کبی یوغورت و آیران کبی ایچمکه صالح بر چوق شربتلر واردر. بوقدر نعمتلی کورر و بیلیرلرده اونعمتک خالق و وحدانیتی تصدیق ایدرک شکر ایتملری؟] حالبوکه بونعمتک هربرینه آیری آیری بیکلرجه شکر ایتک ایجاب ایدرکن شکری ترک ایتکدن ده بویوک قباحث اولورمی؟ زیرا؛ شکری ترک ایتک آخرتجه مسئولیتی موجب اولدینی کبی دنیاچهده نعمتک نقصانیتی ایجاب ایدن اسبابنددر.

(انعاماً) نعم کلمه نیک جمعیر. نعم؛ دوه، قیوه و صغیر کبی حیوانات الهیه الطهره اولورنور. بیضاوینک بیانی وجهله دوه و قیون کبی حیوانلرک خلقتلرنده اولان غرابته و منفعتلرنده اولان کثرته بناء حیوانات ایچندن جناب حق بونلری ذکر بیورمش و انسانلرک منفعتلری ایچون خلق اولونان حیواناته مالک اولملری دوامی اولدیغه اشارت ایچون مالک اولدقیرینی بیان ایدن جمله دوامه دلالت ایدن جمده اسمیه اولارق وارد اولمشدر. یعنی «نوع انسان موجود اولدقیری مدته نوع حیوانه مالک و مالکیت و مملوکیه انتظام اوزره دوام ایدر حال برعکس اولماز» دیمکدر. شو حالده انسانک عمری اولدجه شکره دوام ایتسی لازمدر. بوآیت جلیلهده جناب حق وحدانیتک دلائل آفاقه سندن بالذات انسانه خدمت ایدن حیواناتی ذکر ایتش و منفعتلرینک چوقاغنه اشارت ایچون (منافع) و (مشارب) جمع صیغه لرله وارد اولمشدر.

خلاصه؛ انسانلرک صنعی اولمقسزین الله تعالی نیک انسانلرک منفعتلری ایچون خلق اولونان حیوانلره نظر عبرتله باقوب وحدانیته استدلال ایتلری لازم و بویکی کوزلری اوکونده اولان آثار بدیهیه نظر ایتهمک بر امر منکر اولدینی و بو حیوانلری جناب حق انسانلر ایچون ذلیل و متقاد قیلارق انسانلری آنلره مالک قیلدینی و آنلرک بعضیلرینی بینملرینه و بعضیلرینی ده بینملرینه تخصیص بیوردینی و حیوانلرک انسانلر ایچون منافع کثیره سی بولوندینی و بو نعمتله شکر ایتهمک قباحث اولوب شکر ایتک البته واجب اولدینی بوآیتدن مستفاد اولان فوائد جمله سندندر.

\*\*



واجب تعالى وحدانيته دلالت ايدن دليللردن بعضيلريني بيانن صوكره شو بيان  
اولونان دليللردن استفاده ايمهين كافرلك ضلالتلريني بيان ايتك اوزره ﴿وَآتَخَذُوا  
مِنْ دُونِ اللَّهِ إِلَهَةً لَّعَلَّهُمْ يُنْصَرُونَ﴾ بيوريور.

[ آنلر يارديم اولونورلر اميديله اللهك غيري معبودلر اتخاذا ايتديلر . ]

يعني ؛ جناب حقك شو تعداد اولونان نعمتلريني مشاهده ايدوب دوروركن برطاقم  
طاشدن و آغاجدن يالمش بوتلري كنديلرينه يارديم ايدر و ياخود شفاعت ايدرلر اميدينه  
بناء اللهك غيري اولارق معبود اتخاذا ايتديلر و عبادته اهل كورديلر و معبودلرينك  
يارديميلريني رجا ايتديلر و آنلرك سايه سنده سايه بان اولاجقيلريني اعتقاد و انتظارده بولونديلر.  
مع هذا او بوتلر دني و اشياي خسيسه دن اولدقيلري جهته يارديم ايدم مدكيري كبي يارديم ده  
اولونمازلر. زيرا ؛ آنلردن يارديم بلكهين كافرلك چكيچيلري و دستره لري آلتنده مهوورلردر.  
غريبي شوراسيدر كه كندى آلرنده قيرليق و كسيلمك كبي رذالت و سفالتله قاتلانان  
برطاقم طاشه و آغاجه عبادت ايتك قدر برحافت و جهالت اولاماز .

..

واجب تعالى كافرلك اعتقاد و مذهبيلرينك بطلاتني بيانن صوكره راي و تدبيرلرينك  
ودوشونجهلرينك بوتون ضرر اولديغني بيان ايتك اوزره ﴿لَا يَسْتَطِيعُونَ نَصْرَهُمْ  
وَهُمْ لَهُمْ جُنْدٌ مُّحَضَّرُونَ﴾ بيوريور.

[ او بوتلري ميبود اتخاذا ايدن كافرلك بوتلري آنلره يارديم ايتكه مقتدر اولامازلر .  
حالبو كه كافرلر او بوتلرك حاضر عسكزلريدلر . ] زيرا ؛ آنلر بوتلري حفظ ايتكه كونا  
كون خدمتلرله و اطرافلرنده دولاشمقيله مشغوللردر و آنلره كو كسده تعظيم ايدر  
عسكزلردر . يا ضرر ؛ بوتلر كافرله حاضر عسكز اولدقيلري حالده يارديم ايتكه مقتدر  
اولامازلر ، ديمكدر . چونكه كافرلك بوتلري دائما حاضر بولوندور مقندن مقصدلري ؛  
كنديلرينه يارديم اميديدر .

نيسابورينك بياني وجهله بوتلر كافرلك يوم قيامته عذاب اولونمالري ايچون حاضر  
لانمشدر . زيرا ؛ بوتلر جهنم آتشنه طوتروق اولاجقيلردن آنلر حقيلرنده ياقيجي عسكزلردر .  
بوتلرك حاضر اولدقيلري حالده يارديمه مقتدر اولامادقيلريني بيان ؛ كمال عجزلريني بيانله  
آنلري تحقير اولديغني كبي آنلره عبادت ايدن كافرلري دخی تحقيردر . زيرا ؛ حاضر  
اولمقسزين يارديم ايدم مامكده او قدر قصور اولماز و لكن يارديم ايچون حاضر لاونبده  
يارديم ايدم مامك عجزك نهياميدير .

خلاصه ؛ يارديم ايدرلر اميدينه بناء كافرلك بوتلري معبود اتخاذا ايتدكيري و بوتلر  
ايسه كافرلر ايچون حاضر عسكز اولدقيلري حالده يارديمه اقتدارلري بولونماديني و بناء عليه ؛  
كافرلك بو دوشونجهلري ضرردن باشقه برشي اولماديني بو آيتدن استفاد اولان فوايد  
جهله سنددر .

..

واجب تعالى كافرلك حاللريني بيانن صوكره سوزلرينه اعتبار اولماديني بيانله رسولني  
تسلية ايتك اوزره ﴿فَلَا يَخْرُجُكَ قَوْمُهُمْ إِنَّا نَعْلَمُ مَا يُسِرُّونَ وَمَا يُغْلِبُونَ﴾  
بيوريور .

[ يا اكرم الرسل ! مشركلرك حاللري بيان اولونوب حماقت و جهالتلري معلوم اولونجه  
آنلرك سنك حقه كده لايق اولماق برطاقم سورلري سكا حزن و ير مسون . زيرا ؛ بز  
آنلرك كيزلي نفاقلريني و علني شركلريني بيليرز . بناء عليه ؛ سن محزون اولما . ] چونكه ؛  
بز آنلرك قبلرنده اولان اعتقادات فاسده لريني و ظاهرده ايشله دكيري چير كين عمللريني بيلنجه  
سنك ايچون حزن ايتك لازم كلز . زيرا ؛ بز سنك طرفكدن اخذ انتقام و هرفعللري  
اوزرينه مجازات ايدم جكز . شو حالده سرك ايچون تلاش ايدم جك برشي يوقدر .

فخر رازينك بياني وجهله علم الهينك هر شيته تعلقنده مبالغه اولمق اوزره كيزلي  
اولان شيلري بيلديكيني بياني ، آشكار اولان شيلري بيلديكيني بيان اوزرينه تقديم اولونمشدر .  
يا ضرر ظاهرده اولان شينك البته قابده بر مقدمه سي اولوب آكا علم الهينك تعلق ظاهره  
تعلقندن مقدم اولديغني جهته اسراره تعاقبي بيان تقديم اولونمشدر .



بومقامده حزنی نهی ؛ کافرلرک سوزلرینه تعلق ایدیور ایسهده حقیقتهده رسول اللهی  
حزندن نهی ایتمکدر . چونکه برشیک سبیدن نهی ایتک ؛ عین اوشیدن نهی ایتک  
اولدیندن رسول اللهی حزندن نهیدر . بناء علیه ؛ معنای نظم : [ « آنلرک سوزی سکا  
حزن ویرمسون » دیمکه کافرلرک سوزینی رسول اللهی حزن ویرمکدن نهی ایسهده مراد  
اولان معنا سن حزن ایتمه [ دیمکدر . زیرا حزنه سبب اولان سوزی حزن ویرمکدن  
نهی ؛ عین حزنی نهیدر .

شوتقصیلانه نظراً آیتک معنای رسول اللهی تسلیه اولدینی کی کافرلری ده تهدیددر .  
زیرا کزلی آشکار هرایشلرینی بیلدیکنی بیان ایتک ؛ آنلری افعال قیحهلری اوزرینه  
قورقوتمکدر . چونکه ؛ برکیمسه واجب تعالی نک هرشیئی بیلدیکنی وبالخاصه کندی  
افعالی بیلدیکنی بیلنجه کوتو ایشلردن نفسی منع ایتمی لازمدر . بناء علیه ؛ عقلی اولان  
برکیمسه هر نه ایشلر سه اوایشک باشنده ایشله به چکی شیئی اللهک بیلدیکنی دوشونه رک ایشلر .

\*\*

واجب تعالی ذات الوهیتنه عبادتک وجوبی بیان و وحدانیتنه دلائل آفاقیه یی ذکر  
ایتدکن صوکره انسانک کنديسنده اولان دلائل نفسیه یی بیان ایتک اوزره  
﴿ أَوَلَمْ يَرِ الْإِنْسَانُ أَنَّا خَلَقْنَاهُ مِنْ نُطْفَةٍ فَإِذَا هُوَ خَصِيمٌ مُبِينٌ ﴾ بیوریور .

[ انسان تفکر ایدوبده بیلزمی که آنی نقطه دن خلق ایتدک ؛ بویه غایت کوتو  
وحقیر برشیدن خلق اولوندیغنی بیلدیکی حالدیه بونی دوشونمیوبده حشر ونشر حقنده  
شدتله خصومتیه و آچیقدن مجادله به جرأت ایدیجیدر که بوجرأتی تعجب شانندن اولان  
کیمسه لرک تعجبلرینه لایقدر . ]

فخر رازی ، خازن وقاضینک بیانلرینه نظراً بوآیت جلیله ؛ رسول اللهی ایکنجی بر  
تسلیه در که « حشری انکارلرینه نسبتله قرآنه شعردر دیملری دهها اهون » دیمکدر  
وکافرلرک انکارلرینی مبالغه ایله رد وبرقاچ جهندن تقییح واردر . چونکه ؛ آیتده شو  
انکارلردن تعجب اولوندیغنی کی خصومتیه افراط ایتدکاری و بدایه خلقتلری میدانه  
انکاری غیر قابل بر حقیقت اولدینی حالدیه آندن دهها قولای اولان حشره قدره اللهی

انکاره جرأتلری وخسیس برنیدن بویه شریف وقدوقامیه وحسن صورته مالک برحالدیه  
خلق اولنق نعمته شکر ایتک لازم ایکن بالعکس تکذیبیه وانکاره جرأت ایتلری غایت  
جامعانه برعناددن عبارت اولدینی بیان اولونمشدر .

آیت جلیله نک سبب نزولی شویه روایت اولونیور : کفار قریشدن (ابی بن خلف) ،  
« ابو جهل » ، (عاصی بن وائل) و (ولید بن مغیره) حشر حقنده مباحثه لری  
نتیجه سنده « محمد ﷺ » الله تعالی قیامتده اولولری دیرلته جک دیور . لات وعزیزیه  
قسم ایدرم که بن کیدر آنکه غخاصمه ایدرم « دیر وبر چورومش کیمک آیر حضور  
نبی به کلیر وکیکی بارمغیله اوفاتیرودیر که « یا محمد ﷺ » شو کیمک چورود کدنصرکه بونی  
الله تعالی نک دیرلده جکفی رأی ایدرمیسک ؛ دیننجه رسول الله « اوت یا کافر ! الله تعالی  
سنی اولدرد کدنصرکه دیرلتیر وجهنمه سنی ادخال ایدر » بیورر وبو آیت نازل اولور .  
بو روایتیه نظراً آیت ؛ (ابی) ی رد ومذهب لرینی ابطال ایچرن نازل اولمش ایسهده سبب  
نزولک خصوصنه اعتبار اولمایوب اعتبار الفظک عمومته اولدینی جهنله بوآیت ؛ حشری  
انکار ایدن هر فردی رد ایچوندر .

\*\*

واجب تعالی حشر حقنده انسانک خصومتی اجمالاً بیان ایتد کدنصرکه اوخصومتی  
تفصیل وکیفیتی بیان ایتک اوزره ﴿ وَضَرَبَ لَنَا مَثَلًا وَنَسِيَ خَلْقَهُ قَالَ مَنْ يُنجِي  
الْعِظَامَ وَهِيَ رَمِيمٌ ﴾ بیوریور .

[ انسان خصومتیه جرأت ایدرک بزم شامزده عجیب برقصه ایراد ایتدی وبو ایرادی  
حقیقتهده امر غریب وغرابتهده مثل کیدر وکندی عالنده انسانک اولد کدنصرکه احیاسی  
اوزاق عد ایدر وقدرتمتری کندی قدرته قیاس وعجز مزله حکم ایدر وکندینک ابتداء  
خلقتی اونوتور و دیرکه « چورومش اولدینی حالدیه کیمکی کیم احیا ایدیه بیلیر وچورومش  
کیمیک احیاسی ممکنیدر ؟ » [ ایشته بویه دیهرک معارضهده بولونور وشدتله حشری  
انکار ایدر . حالبوکه ابتداء غایت حقیر بر دامله صودن صورتلری مختلف اعضالره  
انسانی خلق ایتکه قادر اولان ذات الوهیتیزک اولمشلری احیایه قادر اولاجغنه حکم



ایدرده انکاره جسارت ایتزدی . چونکه حشر ؛ ابتداء خلقتدن چوق اهنودر . زیرا ؛ ابتداء خلقتده بربرینه اجزالی مشابه اولان منیدن آلر ، قولر ، قولقلر و کوزلر کی بربرینه بکزمه من اعضالی خلقله برابر او اعضالره یکدیگرینه مخالف اولارق عقل ، سوز ، دیل و سمع کی حواسی تودیع ایله عند الوهیتنده مخلوقات سائر اوزرینه مکرم قیلان الله تعالی چورومش اجزالی طوبارلامقله خلق ایده جکی اولویتله ثابت اولدیغی اعتقاد ایدرده اعتراض ایتزدی .

انسانک متشابه الاجزاء بر نطفه دن مختلف الاعضاء وقوی اولارق خلق اولومسی واجب الوجودک فاعل مختار اولدیغنه دلالت ایتدیکندن طبعیونی کندی خلقتلیله رد ایده رک انصافه دعوت ایدر . چونکه ؛ اگر طبیعت واسطه سیله اولسه ایدی اجزای اصلیه سنده مخالفت اولمایان منیدن خلق اولونان اعضالده مخالف اولمازدی ، حالبوکه مخالفدر . شو حالده فاعل مختارک اختیارلیله اولور طبیعتک تأثیرلیله دکلدر .

نیسابوری وقاضینک بیانلرینه نظراً بو آیت ؛ کیکنده حیات بولوندیغنه و اولمش حیوانک کیکی نجاست اولدیغنه دلالت ایدر . زیرا ؛ حیات کیکنده تعلق ایدنجه کیکنده حیات اولاجنی کی حیسانک آرقسی موت اولدیغندن کیکنده موتده تعلق ایده جکی آشکاردر . اما ائمه حقیقه عندنده کیکنده طاهردر . زیرا ؛ کیکنده حیات اولماز . آیت **هَلْ یَبْدَأُکَ مَعْناسی :** [ حیاتی وحس و ادراکی اولان بر جسمه اسکی حالی اوزره کیکی اعاده ایدر ] دیمکدر ، بوقسه کیکنده حیات ویرر معنانه دکلدر .

..

واجب تعالی حشری انکار ایدن مشرککله مخصوصه لرینی بیاندنصرکه آنلری الزام واسکات طریقله جواب ویرمک اوزره ﴿ قُلْ یُحِیِّهَا الَّذِیْ اَنْشَاَهَا اَوَّلَ مَرَّةٍ وَهُوَ بِکُلِّ خَلْقٍ عَلِیْمٌ ﴾ بیوریور .

[ ای جییم ! سن حشری انکار ایدن کافرلره جواب اولارق دی که « ابتداء منیدن کیکی ایجاد ایدن الله تعالی تکرار احیا ایدر . زیرا ؛ احیاسنده بر مانع یوقدر .

چونکه ؛ مخلوقاتک هر جزئی بیلیر . بناء علیه ؛ بر انسانک چورومش اجزالیکنک هربری زده لرده اولدیغنی بیلدیکندن هر برینی اولدیغنی یردن جمع ایده رک احیا ایدر . [ فخر رازی وقاضینک بیانلری وجهله حشری انکار ایدنلرک شبهه لری ؛ میتک اجزاسنک هر جزئی بر یرده اولوب بونی طوبیلامق مشکل اولمیدر . بو شبهه لرینی جناب حق ( وهو بکل خلق علیم ) جمله جلیله سیله ازاله بیورمشدر . چونکه ؛ الله تعالی انسانک اجزاء اصلیه وفرعیه سنک زده لرده اولدیغنی بیلنجه او اجزالیکنک بعضیسی مشرقده و بعضیسی مغربده اولسه دخی آنلری جمع ایدوب بربرینه ربط ایتمسنده اشکال یوقدر و هر برینی بر یره طوبلار آنلرک اسکی شکل لرینی اعاده ایدر و حیات ویرر . حتی وحوش و طیورک اکل ایتدیکی اجزالی دخی طوبلار . چونکه ؛ قدرة الله قارشى بر حائل یوقدر .

..

واجب تعالی حشری انکار ایدنلری الزام ایچون انسانک خلقتنده اولان عجائب وغرائی بیاندنصرکه حشرک امکانک وقوعنی اثبات ایدر دلیل آخری بیان ایتک اوزره ﴿ الَّذِیْ جَعَلَ لَکُمْ مِنَ الشَّجَرِ الْاَخْضَرِ نَارًا فَاِذَا اَنْثَمُ مِنْهُ تَوَقَّدُوْنَ ﴾ بیوریور . [ چورومش کیکلری شول ذات اجل واعلی احیا ایدر که او ذات سزک ایچون یشیل آغاجدن آتش خلق ایتدی ده در حال سز او آتشدن یاقارسکز و چوق زمان آندن انتفاع ایدرسکز . شو منوال اوزره یشیل آغاجدن آتشی خلقه قادر اولان الله تعالی امواتی احیایه قادر اولمازنی ؟ ]

یعنی ؛ واجب تعالی خلقک اجزالیکنک یکدیکنندن آیرمغه و هر شخصک اجزالیکنک یکدیگرینه ربطله امتزاج ایتدیرمکه نه دن قادر اولماسون ؟ البته قادر اولور . زیرا ؛ واجب تعالی شول علیم و حکیم در که سزک ایچون یشیل و کندیسندن صو داملایان آغاجدن آتش خلق ایدیور . حالبوکه آتشله صو یشنده ضدیت معلومدر و بونی انکاره محالکدره یوقدر . چونکه ؛ سز دائما آندن آتش یاقوب انتفاع ایدیورسکز . شویله صو داملایان آغاجدن آتشی خلقه قادر اولان الله تعالی اولمش انسانلری احیایه نه دن قادر اولماسون ؟ تفسیر خازنده بیان اولوندیغنی وجهله ( ابن عباس ) حضرت تدرینک روایتنه نظراً یشیل



آغاج ایله مراد ؛ ( مرغ ) و ( عفار ) اسمند ایکی نوع آغاجدر . عربستانک بعض ناحیه لرنده موجوددر . طاع باشلرند آتش یاقق ایستینلر بو آغاجلردن ایکی بوداق کسرلر مرخی عفار وورنجه بأذن الله آتش چیقار آندن آتش طوتوشدورمقله انتفاع ایدرلر ، حالبوکه هرایکسندن ده صو طاملار . بو انتفاعلری استمرار وروام اوزرینه اولدیغه اشارت ایچون آنسه یاقارکنز معناسه اولان ( توقدون ) لفظی استمرار دلالت ایدن مضارع صیغه سیله وارد اولمشدر .

..

واجب تعالی حشرک وجودینه دلالت ایدن آفاق و انفسی بعض دلائلی بیاندنصکره دلائل آفاقه دن ده بویوکنی بیان ایتک اوزره ﴿ اُولَیْسَ الَّذِی خَلَقَ السَّمٰوٰتِ وَالْاَرْضَ بِقَادِرٍ عَلٰی اَنْ یَّخْلُقَ مِثْلَهُمْ بَلٰی وَهُوَ الْخَلّٰقُ الْعَلِیْمُ ﴾ بیوریور .

[ حشری انکار ایدن کافرلر انسانلری احیایه بزم قدرتمزی انکار ایدرلرده دوشو . تمزلمی کوکلی بوقدر جسامت ویو کسکلکده ویرلری شو عظمت وسفلتیده خلق ایدن خلاق آنلرک امثالنی خلق ایتکمه قادر اولمازمی ؟ البته قادر اولور . بوقدر عالم علوی وعالم سفلی بی خلقه قادر اولان الله تعالی نیک اولد کدنصکره انسانلری خلقه و احیایه قادر اولاجنی اولویتله ثابت اولمازمی ، نصل قادر اولماسون ؟ او واجب تعالی کمال قدرت وعظمتله خلق ایدیجیدرکه نیجه یوز بیکلرجه مخلوقاتی موجوددر . و جمیع موجوداتی بیلیجی ازلا وابدأ هر برینه تفصیل اوزره علمی لاحقدر . کچمش کله جک موجوداتدن هیچ بر ذره علمندن وقدرتندن خارج دکلدر . ] چونکه ؛ جمله سی علم السیده محفوظ ویکدیگرنندن ممتازدر . بونلرک جمله سی واجب تعالی به نسبتله قولایدر ، نصل قولای اولماسون ؟

﴿ اِنَّمَا اَمْرُهُ اِذَا اَرَادَ شَيْئًا اَنْ یَقُولَ لَهُ کُنْ فِیْکُوْنُ ﴾

[ الله تعالی نیک حال وشانی برشتی مراد ایتدیکنده اوشینه اول امرینی ویرمکدر . جانب السیدن اوشینه اول امری کلنجه اوشی درحال اولور ، اصلاً تأخیراً تمز مهلت ومساعده

ویرلمز . ] زیرا ؛ امر السی وقضاء سبحانیک سرعت نفوذنده اصلاً تأخیر یوقدر . بناء علیه ؛ اول امری کلنجه مأمور ومحکوم اولان شی همان اولور ، اولماق امکانی یوقدر . چونکه ؛ امتناع ایتک ویاخود برآز دورمق ویاخود آلت استعمال ایتک کی شیلر تصور اولونمادیغندن درحال صحرای وجوده عرض اندام ایتکدن باشقه چاره اولاماز .

..

واجب تعالی ذات الوهیتک هر شینه قادر وهر شینی بیلیدیکنی بیاندنصکره جمیع نقائصدن منزله اولدیغنی بیان ایتک اوزره ﴿ فَسُبْحٰنَ الَّذِیْ یَدِیْهِ مَلٰکُوْتُ کُلِّ شَیْءٍ وَّاِلَیْهِ تُرْجَعُوْنَ ﴾ بیوریور .

[ برشتیک وجودینی اراده ده امر السی درحال نافذ اولوب قدرتک تأثیرندن هیچ برشی قور تولامایجه شول واجب تعالی به تسبیح ایدر و جمیع نقائصدن تنزیه ایدرم که جمله اشیانک ملکی وتصرفی کندی ید قدرتنده در . بناء علیه ؛ اعاده اموات وجمع معدومات کی شیلردن عاجز اولمقندن منزله ومبرادر ومشرکارک اسناد ایتدکلی نواقصدن شان الوهیتی عالی ومقدسدر . نصل مقدس اولماسون ؟ سزک جمله کزک مرجعکز آنجق اودر ، آنک غیری بر مرجع یوقدر . بناء علیه ؛ جمله کز آنک حضور معویسه رجوع ایدرسکز . ] ملکوت ؛ برشتیه مالک اولقمده مبالغه معناسه در . یعنی هر شینه مالک اولمق الله تعالی به مخصوصدر ، الهیک غیری هیچ برشتیه حقیقی برمالک یوقدر . شو حالده انسانلرک مالکیتلری عارضیدر ، حقیقی دکلدر . بوندن اولکی آیتلر واجب تعالی نیک جمیع نقائصدن تنزیهنی ایجاب ایتدیکنه اشارت ایچون تقریبه دلالت ایدن فالفضیله وارد اولمشدر . بو آیت جلیله ؛ آخرتی ، حشری ، نشری و وحدانیته اجمالاً بیان ایتمشدر . چونکه هر شیتک ملکوتی ید قدرتنده اولمق ؛ شریکی ونظیری اولمادیغه دلالت ایتدیکی کی اشیاده آنکله برابر قطعاً برمتصرف اولمادیغه دخی دلالت ایدر . مرجع حقیقی آنجق او اولمن ایسه آخرتک وجودینه دلالت ایدر .

( ابن عباس ) حضرتلرینک روایتنه نظراً ( سوره یس ) ک فضائلی حقنده احادیث



جليله موجوددر. مثلاً «هر شيتك قلی وار، قرآنك قلی (یس) در. بناءً علیه؛ بر کیمسه الله تعالى نك رضای ایچون (سورة یس) فی اوقورسه الله تعالى آنك کناهلرینی مغفرت ایدر ویکرمی ایکی کره (یس) ك غیری قرآنی اوقومش کی اولور» حدیث شریفیله ینه رسول الله «هانکی مسلم ملك الموت کلدیکنده یاننده (یس) اوقونورسه هر حرفی باشه اون ملك نازل اولور، اوله جك کیمسه حضورنده صف باغلار استغفار ایدرلر، غسلنده حاضر بولونورلر، جنازه سنه اتباع ایدرلر، نمازینی قیلارلر. حتی دفتنده حاضر اولورلر و جنت شرابندن شربت کلوب ایچمکجه آنك روحی قبض اولونماز» بیوردینی مرویدر. شو حالدله اهل اسلامدن وفات ایده جك کیمسه نك یاننده بولونانلره لازم اولان (سورة یس) فی قرائت ایتمکدر.



عربی بیک اوج یوز اوتوز برسناسی رمضانك اون اوچنی جمعه ایرتسی کونی ایکندی وقتی قونیه ده درسخانه مده بوسوره نك ترجمه سی برونه تعالی ختام بولشد.

### سورة صافات

مکه مکرمه نازل اولان سوره لر دندر. بوز سکانه ایکی آتی حاویدر.

بِسْمِ اللَّهِ الرَّحْمَنِ الرَّحِيمِ

وَالصَّافَاتِ صَفًا

[حضور الهیده صف باغلامقله صف بسته اولان ملکله یمین ایدرم که سزک معبودیکز بردر، شریک ونظیردن منهدر.] یا فؤاد [کوک یوزنده قانادرینی دوشه مش امر الهینک ظهورینه انتظار ایدرک صف بسته اولمش ملکله یمین ایدرم] یا فؤاد [ذات الوهیتک شوناقی اطرافنده صف باغلامش تجلیات الهیه نك ظهورینی کوزه تمکده اولان ملکله قسم ایدرم که سزک معبودیکز واحد حقیقیدر.]

صف؛ نسو واحد اوزره بر صیره بوز ملکدر. بومقامده صف؛ ملکک صفندی شاندیر. یر یوزنده اهل ایمانک جماعتله نمازده صف باغلامقلری کی کوک یوزنده ملکک امر الهی به صف بسته اولارق انتظار ایندکارندن ملکله صافات دنیلمشدر. انسانلرک مخلوقاته یمین ایتملی جائز دکسه ده الله تعالی نك بعض مخلوقاتک شرفه اشارت ایچون یمین ایتمک عادتیدر. شو حالدله ملکله یمین؛ طرف الهیدن ملکک شاندیرنی عالی قیلمقدر.

فَالزَّاجِرَاتِ زَجْرًا

[عالمک انتظامنه متعلق تدبیرادن حق تعالی نه امر ایدرسه آتی علی العجله، یرینه کتیریحی وهواده بلوطلری اراده الهیه وجه اوزره محله زجر ایدیچی وسوریحی والهامله ناسی کناهلردن منع وزجر ایدیچی وشیطانی شرندن دفع ایدیچی ملکله یمین ایدرم که سزک معبودیکز بردر.] یا فؤاد [ناسی معصیتلردن منع ایدن احکام قرآنی به یمین ایدرم که سزک معبودیکز شریک ونظیردن منهدر.]

فَالتَّالِيَاتِ ذِكْرًا

[سمادن نازل اولان کتاہلری تلاوت ایدن انباء کرامه یمین ایدرم که سزک معبودیکز بردر.]

إِنَّ إِلَهَكُمْ لَوَاحِدٌ

[تحقیق سزک معبودیکز الیه بردر.]

یعنی؛ صلوات خمسہ یی وبالخاصه تهجد نمازینی ادا ایچون آباق اوزری صف بسته اولمش ومواعظ ونصایح ایله خلق منہیادن منع تامله زجر ایدن وآیات الهیه یی تلاوت وشرايع محمدیه یی درسله خلقه تفهیم وتبلیغ ایدن علماء عامینک ذاتلرینه قسم ایدرم که سزک ربیکز بردر. یا فؤاد اعلاء کلمه الله ایچون صف باغلامش غازیلر که آنلر اعداء دینله مجاهده ایچون آنلرینی دیزکینلریله زجر ایتمکله برابر ذکر الهی تلاوت ایدر وتکبیرله اعدایه هجوم ایدن مجاهدلره قسم ایدرم که سزک معبودیکز بردر.



فخر رازينک و ابوالسعود افنديک بيانلری وجهله (فالزاجرات) ، (فالتاليات) لفظلرنده بولونان فالظي اوصاف بنده ترتيب اشارت ايجوردر . چونکه بعض علمانک بيانته نظراً بوآيتده بيان اولونان شو اوج صفت که صف، زهر و تدوت؛ قرآنک آيترينک صفتيردر . زيرا ؛ آيات قرآنيهک بعضيلری توحيدى ، بعضيلری اللهک علم و قدرتى ، بعضيلری نبوت و آخرتى ، بعضيلری تکاليف احکامى و بعضيلری اخلاق حسنى بيان خصوصنده اولديغدن هر بر آيت کندى مقامنده ثابت و مرتب ، تبدل و تغير قبول ايتمز درجده منتظم بولونقلری جهته مجاهده صفتده ثابت ايدن اشخاصه بکزه دکاردن آيات قرآنيه صافات ايله تعبير اولونمشدر . بناء عليه زاجرات ايله مراد ؛ خلفى مناهيريه زهر ايله آيتدردر . تاليات ايله مراد ؛ اعمال صالحه و البشيره واجب اولديغه دلالت ايله آيتدردر . بوکا نظراً معنای نظم : [ توحيد و اللهک علمنه و قدرت کامله سنه و احکام قطعي سنه دلالت ايدوب هر برى کندى مقامنده ثابت و وظيفه سنه دلالتده قصور ائمه مکده اعدا قارشيسنده ثابت ايدن عسکرلره بکزه ين آيتلره وناسى کنه لردن منع ايدن و اعمال خيره دلالت ايدن آيتلره قسم ايدرم که سزک معبوديکيز بر در ] ديمک اولور .  
( ان آلهکم لواحد ) جمله جليله سى قسم هر ايمر و وحدانيتى قسم ايله بيانده مقسم بهک شانته تعظيم و شرفه اشارت اولدينى کي بيان اولونان حکمى تا کيد دخی واردر .

\*\*

واجب تعالى معبودک واحد اولدينى بياندن صوکره وحدانيتک دليلنى بيان ايتک اوزره ﴿ رَبُّ السَّمَوَاتِ وَالْأَرْضِ وَمَا بَيْنَهُمَا رَبُّ الْمَشَارِقِ ﴾ بيوريور .  
[ معبود بالحق بر در ، شريکى و نظيرى يوقدر . زيرا ؛ معبود بالحق کوکلرک و یرک و آنلرک آره سنده اولان مخلوقاتک و ييلديزلرک طلوع ايلديکي مشرقلرک ربسيدر . ] شو قدر که مخلوقاتک ربى البته واحدردر . چونکه ؛ سموات و ارضک وجودى و انتظامى باشقلرينک امکانيه برابر شو صورت غريبه و صنعت بديعه اوزره بولونوب اصلاً تغير و تبدل ائمه مسى واجب تعالى نک وجودينه و وحدانيتنه و علم و قدرتنه آچيقدن دلالت ايدر که اصلاً شبهه کوتورمز .

نيسابورى ، فخر رازى و خازنک بيانلری وجهله مشارق ايله مراد ؛ کونشک طوغريفى محمدردر . شمسک طوغدينى محک هر کون يکيله نيمى و سنده اوجيوز آتمش بش کونده اصلاً تخلف ائمه رک بر انتظام دائم اوزره طلوعى و هر کونده اوکون ايجون تعيين اولونان محلدن طوغوب آخر محله تجاوز ائمه مسنده آثار ربوبيت ظاهر اولديغه اشارت ايجون اسماء حسنى ايجندن رب اسم جليلى وارد اولش و هر کونک بر مشرق اولدينى کي کذلک هر کونه مخصوص برده مغرب وار ايسده مشرق ذکرله مغربدن اکثفا اولونمشدر . چونکه ؛ مشرقه مقابل البته مغربک وجودى لازم اولديغدن مغربى ذکره حاجت يوقدر . شو حالده اکر بونلرک ربى ايکي اولش اولسه ايدى البته شو انتظامه خلل کايردى . بناء عليه ؛ شو انتظامک خللدن سالم اولارق دوام ائيمى رب تعالى نک واحد اولسنه دليل ظاهر در .

شرقده قوللرک انتفاعى غريبدن ده اچوق اولديغه اشارت ايجون مشارق ذکر اولونمشدر . بو آيت ؛ وحدانيتک دليلدر و تقريرى شوبله در : « سزک معبوديکيز بر در . زيرا ؛ سزک معبوديکيز سموات و ارضک ربسيدر . هر کيم که سموات و ارضک ربى اوله ، او معبود واحدردر . او حالده سزک معبوديکيزده واحدردر . »

\*\*

واجب تعالى سموات و ارضک و آره لرنده اولان مخلوقاتک وحدانيته دليل اولدينى بياندن صوکره سمواته اولان ييلديزلرکده وحدانيته دلالت ايتديکي بيان ايتک اوزره ﴿ إِنَّا زَيْنَّا السَّمَاءَ الدُّنْيَا بِزِينَةِ الْكَوَاكِبِ \* وَحِفْظًا مِنْ كُلِّ شَيْطَانٍ مَارِدٍ ﴾ بيوريور .

[ بز عظيم الشان سماء دنياي ييلديزلرله تزئين ايتدک و طاعت التهمه دن چيقمش و معند اولان هر شيطاندن سماي حفظ ايتک ايجون ييلديزلری خلق ايتدک . ]  
يعنى ؛ بز عظيم الشان کره ارضه يقين اولان سماء دنياي ييلديزلرک زينتى و ضيائى و هر بر لرلينک اشکال مناسبه لری و طلوع و غروب لرنده اولان عجيب و غريب حاللری و ير يوزندن باقان انسانلرک کوردکلری و جهله ييشيل قبه اوزرنده اوضيالى جرملرک پارلامالريله خلاصة البيان : اون ايکنجى جلد — ۹۹



تزیین ایتدک کہ کورنلر وحدانیت مزہ استدلال ایتسونلر. کرچه بو ییلدیزلر ثوابت و سیارہ ہرہانکیسی اولورسہ اولسون کوکلوک سائرلرندہ دخی مرکوز ایسہدہ آنجق کرہ ارض اوزرندہ بولونان انسانلرک نظرندہ برنجی سماء کبی کورولدیکندن تزیین؛ سماء و نیامہ انصار اولورمشر. چونکہ؛ سماءک جرملری بللورکی شفاف اولدیغندن جملہ سنک نقشی وزینتی برنجی سماءن کورولدیکی جہتلہ دیگرلرینک زینتلری عینیلہ برنجی بہدہ زینت اولدینی شہسزدر. بناء علیہ بو آیتدہ بیان اولوندینی وجہلہ جملہ ییلدیزلہ زینت؛ برنجی سماءہ نسبت اولونمقہ شایان ولایتدر. ییلدیزلر واسطہ سیلہ سماءی طاعتدن چیقمش اولان ہرشیطانک شرندن حفظ ایتدک کہ شیطان سماءہ چیقاماز اولدی.

فخر رازی و خازنک بیانلرینہ نظر آ فخرکائناتک ظهورندن اول شیطانک عونہ سی سماءہ چقارلر و ملکلردن ایلرودہ وقوع و لاجق حوادثہ دائر بعض سوز ایشیتیرلر ویر یوزندہ کاهنلرہ القا ایتمککہ نشر ایدہرک خلقتک ذهنی قاریشدرلر و اعتقادلرینی اخلاص ایدرلردی. رسول کبریانتک ظہوریلہ جناب حق رسولنک شرفنہ بو مثللو حوادث نشر ایتمکدن شیطانی و اتباعی منع ایتمشر. چونکہ؛ بو آیتدہ بیان اولوندینی وجہلہ شیطان سماءہ یا قلا شجہ ملکلر طرفندن ییلدیزلر آتیلوب تصادف ایدن شیطانک ییلدیزلہ یانوب ہلاک اولدینی مرویدر. بعض ییلدیزک اصابت ایتمہرک قورتولانلری دہ اولوب آنلرک ایشیتدکاری سوزلری بر طاقم یالانلر علاوہ ایدہرک نشر ایتدکاری دہ اولایلیر. بناء علیہ؛ شیطانک اکثریسی یاغق قورقوسندن سماءہ چیقمقہ جسارت ایدہ منزل.

سمائی تزیین ایدن ییلدیزلر ایکی قسم اولوب بریسی دائمی وثابتدر. دیگرکی دہ ایجابندہ اللہ تعالیٰ ایجاد ایدوب شیطانلری آنککہ طرد ایتدیکندن سماءک زینتی اولان ییلدیزلرک تناقصی لازمکمز.

سمادن شیطانک طردی بزم پیغمبریمزک طلوعندن اول نادر اولارق موجود ایسہدہ بالکلیہ طرد اولونملری بزم پیغمبریمزک ظہوریلہ حاصل اولدیغندن جملہ سنک طردی رسول للہک معجزہ سندندر.

شیطانک آتشدن خلق اولونمسی ییلدیزلہ یاغمنسہ مانع دکلدر. زیرا؛ شیطانک وجودندہ اولان آتش ضعیف و ییلدیزدہ اولان آتش قوی اولدیغندن ییلدیزلہ شیطانلر

یانار، محو و مضمحل اولورلر. بناء علیہ؛ آتش آتشلہ یانارمی؟، عنوانندہ وارد اولان سئوال مردوددر.

خلاصہ؛ جناب حقک ییلدیزلرلہ سماءی تزیین و ہرشیطاندن ییلدیزلر واسطہ سیلہ سماءی حفظ ایتدیکی وشو حالہ ییلدیزلردہ ایکی فائدہ اولوب بریسی؛ سماءی تزیین، دیگرکی حفظ ایتمک اولدینی بو آیتدن مستفاد اولان فوائد جملہ سندندر.

واجب تعالیٰ سماءی شیطاندن حفظ ایتدیکنی بیاندن صوکرہ حفظک حکمت و علتی بیان ایتمک اوزرہ ﴿لَا يَسْمَعُونَ إِلَى الْمَلَأِ الْأَعْلَى﴾ بیوریور.

[ سماءی شیطاندن حفظ ایتدک کہ آنلر ملاء اعلاک سوزلرینی ایشیتدہ مسونلر و ایشیتمک آرزوسندہ دخی بولونامسونلر. ]

یعنی؛ سمواتدہ ساکن اولان ملکلرک ذکرلرینہ واسرارینہ واقف اولماسونلر و سوزلرینی ایشیتمسونلر ایچون بز عظیم الشان شیطانلردن سماءی حفظ ایتدک.

بیضاوینک بیانی وجہلہ ملاء اعلا ایلہ مراد؛ موسک و بلکم ملکلرک اشرفیور. چونکہ؛ شیطانک و جنک ملکلرہ مشاہیرلی زیادہ اولدیغندن ملکلرہ یا قلا شمعق استعدادینی حائر اولدقلری ایچون جناب حق آنلری ملکلرہ یا قلا شمعقدن منع ایتمشر. زیرا؛ شیطانک انسانہ عداوتی زیادہ اولدیغندن ملکلردن انسانلرہ متعلق ایشیتدکاری حوادثی عکسنہ دوندورمککہ انسانلری طریق حقندن چیقارہ جقلرینہ بناء جناب حق آنلری سماءہ چیقمقدن طرد ایتمشر. شو حالہ شیطاندن سماءی محافظہ ایتمک؛ انسانلری آنک شرندن محافظہ ایتمکدر.

واجب تعالیٰ سمادن شیطانی طردک حکمتی بیاندن صوکرہ طردک کیفیتنی و فصل طرد اولوندقلرینی بیان ایتمک اوزرہ ﴿وَيُقَذَّفُونَ مِنْ كُلِّ جَانِبٍ﴾ دُحُوراً وَلَهُمْ عَذَابٌ وَاصِبٌ ﴿إِلَّا مَنْ خَطِفَ الْخَطْفَةَ فَأَتْبَعَهُ شِهَابٌ ثَاقِبٌ﴾ بیوریور.



[ اللهم طاعتدن چيغمش اولان شيطانلر سمانك هر طرفدن شدتله طرد اولونورلر وملككر طرفدن ييلديزلر واسطه سيله عتف وشدتله زجر اولونورلر كه بردها دونمكه مجاللري قالماساز وآنلر ايجون آخرتده عذاب دائم وشديد واردر . بناء عليه ؛ دنياده مطرود و آخرتده معذب اولورلر . شوحالده آنلر ملككر سوزلريني ايشيده منزلر ، الاسرعتله قايمق وقاجق صورتيه اختلاس وسرقت ايده بيلنر ايشيتيرلر . شيطان ملككر سوزلريني قابوب قاچنجه مان زمان كچمكسزين ياقيجي وبارلايجي برييلديز آنك آرقه سندن آتيلور كه آني ياقاجق درجه ده شدتله تعقيب ايدر وا كثريسي ياقار اهلاك ايدر آمان ويرمز . ]  
اوآتشدن قورتولا بيلنر آزيحق بر اختلاس ايله ايشيتدكلري سوزلرله ناسك ذهني اضلال ايدر كه ضعفاء نامدن بر جوقلريني يولدن چيقاريرلر . بناء عليه ؛ بو مثللو شيطانلر انسانلر ك اشقيا ويول كسن وقاجق وحيدود كروهلرينه بكزرلر كه بولر بر آره لق هر نه اولورسه اولسون كوزه آلديرر وسمايه صالديرر . بعضيسي هلاك اولور ، بعضيسي آلي بوش اولارق كلير وبعضيسي ده برايكي كله سرقت ايدوب عودت ايدر كه آنكله خلقك ذهني افساده چاليشير .

..

واجب تعالى وحدانيته متعلق بعض دلائلي بياندن صوكره حشره متعلق دليللري بيان ايتك اوزره ﴿ فَاسْتَفْتِهِمْ أَهُمْ أَشَدُّ خَلْقًا أَمْ مَنِ خَلَقْنَا إِنَّا خَلَقْنَاهُمْ مِنْ طِينٍ لَازِبٍ ﴾ بيوريور .

[ اي رسول مكرم ! سن كفار مكدن سئوال ايت وخبر آل خلق اولونمق جهتدن : آنلرمي قوتليدر ، يوقسه بزم خلق ايتديكمز سائر مخلوقاتمزمي قوتليدر ؟ حالبوكه بز عظيم الشان آنلري بولاشيجي چاموردن خلق ايتدك . ]  
يعني ؛ شو سوره نك اولندنبري بيان اولونان مخلوقاتك خلقتلريني مكه اهالي سي دوشونديلرسي اي حبيم ! سن آنلردن سئوال ايت كه آنلر ك خلقتلري وبنه لري مي شدتلي وقوتليدر ، يوقسه سموات وارض وآنلر ك آره سنده اولان مخلوقاتمزمي دهاشدتلي وقوتليدر ؟ البته شويان اولونان مخلوقاتك ده قوتلي اولديغي قريش انكار ايده منزلر .

چونكه ؛ آنلر ك اكثري كوزايله كورولديكي كي جسماتلري وملككر قوتي وشيطانلر ك المشكذاراني جهلك مساميدر . بناء عليه ؛ انسانلر ك كرك جسملري وكرك سائر خصوصاتلري سموات وارضه نسبتله غايت قولاي واهوندر . شوحالده ابتداء بوقدر جسيم مخلوقاتي وقوي موجوداتي ايجاده قادر اولان الله تعالى اولد كدن صوكره انسانلري احيايه قادر اولامازمي ؛ حالبوكه بز عظيم الشان آنلري بولاشيجي چاموردن خلق ايتدك . كافرلر ابتداء خلقتلريني دوشونمزلرده حشري نه ايجون انكار ايدرلر ؛ اكر كندي خلقتلريني دوشونسه لر بوني انكاره جرأت ايتمزلردي . چونكه ؛ ابتداء خلقتلري صو ايله طوپراغك قارشمسندن حاصل اولان بولاشيجي چاموردن خلق اولان انسانك وفات ايتد كدن صوكره ديرامي نه دن قابل اولماسون . حالبوكه برماده نك بر زمانده حياتي قابل اولونجه هر زمان قابل اولاجني آشكاردر . چونكه ؛ اوماده يه حياتي بخش ايدن فاعل مختارك قدرتي وماده نك اساسي تغيردن وعوارضدن سالم وباقى اولديني ايجون اوماده يه حياتي اعاده يه وماده نك حياتي قبوله بر مانع بوقدر . بناء عليه ؛ چامور اولا حياتي نصل قبول ايتدي ايسه عاقبتنده دخي اويله جه قبول ايده جكنده شبهه بوقدر .

فخر رازينك بياني وجهله انسانك چاموردن خلق اولونمسي يا حضرت آدم اعتباريله در وياخود غدانك اساسي نباتات اولوب نباتات ايسه صو ايله طوپراغك امتزاجدن حاصل اولديني جهتله حيواناتك اساسي اولان نطفه ده غدان اولق اعتباريله انسانك جهله سي طين لازب دن يعني بولاشيجي چاموردن . شو حالده نطفه نك غدان وغدانك ده صو ايله طوپراغك قارشماسندن اولديني جهتله انسانلر ك هپسي چاموردن خلق اولونمشدر .

..

واجب تعالى كافرلر ك حشري انكارلرينه رسول اللهك تعجب ايتديكني وكافرلر ك استهزالريني بيان ايتك اوزره ﴿ بَلْ عَجِبْتَ وَيَسْخَرُونَ ﴾ بيوريور .  
[ بلكه يا اكرم الرسل ! بنم شو جسيم يرلري وكوكاري خلق ايتمكه قدرتمله برابر كافرلر ك حشري انكارلرينه سن تعجب ايتدك وسنك تعجبكي ده آنلر استهزا ايدرلر . ]  
چونكه ؛ بوقدر بويوك مخلوقاتي خلقه قادر اولان الله تعالى نك امواتي احيايه قادر اولاجني



میدانده اولدیغی حالده انکار ایتک تعجبه شایان اولدیغی کبی حشرک وقوعی بر طاقم دلیلله اثبات ایدن نجی دخی استهزایه جرأت ایتلمی شایان استغرابدر. زیرا؛ رسول الله آنلری دنیوی و آخروی منفعلرینه دعوت ایتدیکی حالده آنلرک استهزا ایتک کبی بردناتی ارتکاب ایتلمی ایله دعوت اجابتدن امتناعلرینه تعجب واستغرابدن باشقه برشیه مقابله اولوناماز.

..

واجب تعالی کافرلرک حاللری تعجبه شایان اولدیغی بیاندن صوکره آنلرک عادتلری و ترجمه حاللری تفصیلاً بیان ایتک اوزره ﴿وَإِذَا ذُكِّرُوا لَا يَذْكُرُونَ﴾ وَاِذَا رَأَوْا آيَةً يَسْتَسْخِرُونَ ﴿وَقَالُوا إِنَّ هَذَا إِلَّا سِحْرٌ مُّبِينٌ﴾ بیوریور.

[ اوکافرلرک دوام اوزره عادتلری: کندیلرینه مواعظدن بروعظه نصیحت اولوندیغنده او وعظی قبول ایتمه مکدر و آنلر رسوللرینک صدقه دلالت ایدن بر معجزه کوردکارنده شدتله استهزا ایدرلر و آنلر «شو کورولن علامتله و معجزه لر سحرردن باشقه برشی دکدر» دیرلر. ]

بونلرک وعظی قبول ایتیموب انبیای استهزالری دوام اوزره عادتلری اولدیغنه اشارت ایچون استمراره دلالت ایدن مضارع صیغهلری وارد اولمشدر. زیرا؛ بونلر کمال بلادت و حماقتلری نتیجه سی دائماً طوغری سوزه اعتراض ایتک و رسوللرینک وعظندن انتفاع ایتمه مک اسکیدن اسکیه عادتلری درکه ترک ایده من برحاله کملشدر. بناء علیه؛ اونینک معجزه سی استهزا ایتمه مکله و سحر دیمکه نعمت ایماندن دخی محروم قالمشدر.

خلاصه؛ کافرلرک وعظی قبول ایتدکلری و معجزه لری استهزا ایتدکلری و معجزه لره «آجیق سحرردن باشقه برشی دکل» دیدکلری و شو اخلاق ذمیمه آنلرک عادت کریمهلری اولدیغی بو آیتلردن مستفاد اولان فوائد اولان جمله سنددر.

..

واجب تعالی کافرلرک وعظندن متأثر اولماقی و آیتلری استهزا ایتک کبی اوصاف.

ذمیمه لرینی بیاندن صوکره بومثللو افعال قبیحه لرینک منشائی بیان ایتک اوزره ﴿إِذَا مَثَا وَكُنَّا تُرَابًا وَعِظَامًا﴾ اَنَا لَمَبْعُوثُونَ ﴿أَوْ أَبَاؤُنَا أَلَاؤُنُونَ﴾ بیوریور.

[ «بزاولوب و طوبراق و کیمکلر اولدیغمزده البته دیریه جکزمی و بزدن اول کچمش دها زیاده چورومش اولان بابالرمزده می دیریه جک؟» دیمکه حشری انکار ایدرلر. ] یعنی؛ رسول الله طرفندن حشره و قیامتده انسانلرک تکرار حیات بولاجق لرینه دایر آیتلر بیان اولوندیغنده کافرلرک شدتله انکار ایده رک دیرلرک «بزلر اولوب وجودمزدن بر قسمی طوبراق و دیگر بر قسمی کیمک اولدیغنده می دیریه جکز و بزدن اول کچمش وجودلرندن اصلان نشان قالمش اولان بابالرمزده می دیریه جک؟ بویه شی اولورمی و چورومش وجود تکرار حیات بولورمی و بونک امکافی واری؟» دیمکه حشری انکار ایدرلر. کافرلرک بو سوزدن مقصدلری آخرتی و حشر و نشری بالکله انکار ایتک اولدیغندن سوزلرینی انظاره دلالت ایدره همزه استفهام ایله و جمله فعلیه بی اسمیه تبدیل ایله ایراد ایتدیلر. بعثک آنلرک اعتقادلرینه نظراً نفسنده تمتع و منکر اولدیغنه اشارت ایچون همزه استفهامی تکرار ایتدیلر. میتک وجودینک طوبراق و کیمک اولمسی انکارلرینه مدار عد ایده رک اولدکن صوکره انسانک دیریمسی ممکن اولما دیغنی کندی اعتقاد باطلارنجیه وجودک طوبراق و کیمک اولمسیله اثبات ایتدیلر و شو انکارلرینی دها زیاده تقویه ایتک ایچون کندیلرندن اول وفات ایتش و چورومش اولان پدرلرینی دخی سوزلرینه علاوه ایده رک انکارلرینی تشدید ایلدیلر. ایشه شو اعتقاد باطللری آنلری نصیحت قبول ایتمه مک و آیتلری استهزایه و معجزه یه سحرردن دیمکه سوق ایتش و جرأت و یرمشدر.

..

واجب تعالی کافرلرک حشری انکارلرینی بیاندن صوکره آنلره جوابی بیان ایتک اوزره ﴿قُلْ نَعَمْ وَأَنْتُمْ دَاخِرُونَ﴾ فَإِنَّمَا هِيَ زَجْرَةٌ وَاحِدَةٌ فَإِذَا هُمْ يَنْظُرُونَ﴾ بیوریور.

[ ای نجی ذیشان! سن حشری انکار ایدنلره جواب اولارق دی که «اوت!



سز و سزك بابالریكز ذلیل و حقیر اولارق حشر اولونا جقسكز . زیرا ؛ قیامت و حشر آنجق بر صیحه دن عبارتدر . سزك اعتقادیکز کبی حشر کوچ برشی دکلدز . بناء علیه ؛ اوصیحه واحد و قوعبولونجه در حال کوریلور که امواتك جمله سی آیاق اوزرنده بر برلرینه باقیورلر . چونکه ؛ دیگر آیتلرده دخی بیان اولوندی و جهله قیامت اسرافیل علیه السلامك صوره بر دفعه اوفورمسندن حاصل اولان صدا ایله قویار . ایکنجی دفعه ده صوره اوفورمسندن حاصل اولان صدا ایله انسانلر دیریلور و آیاق اوزرینه قالقارلر . صورتدن چیقان صداه « ای چورومش کیمک و اسکیمش دریلر و داغیلمش اجزالر ! بأذن الله قالك » لفظلری بولونا جفی مرویدر . « انسانلرک قبرلرندن قالدققلرنده نظر ایدر جکلری نه در ؟ » سؤواله جواباً « کندیلرینه واقع اولان احوال و تکذیب ایتدکلری حادثه نك ظهوریدر و یا خود یکدیگرینك احوالیدر » دینور .

فخر رازی و خازنك بیانلری و جهله صدانك موبده و حیاته تأثیری یوقدر . زیرا ؛ هر ایکسی خالق الله تعالی در . بناء علیه ؛ بو صدا هر نه قدر انسانلرک اموات اولدقلری زمان واقع اولاجق ایسه ده الله تعالی امواتك اجزالرینه صدای ایشیده جک قدر قوه سامعه خلق ایتمکه اجزالره ایشیتدیرر . زیرا ؛ الله تعالی دیله دیکنی ایشلر واراده ایتدیکنی حکم ایدر و حکمنه بر مانع یوقدر .

بیضاوینك بیانی و جهله اسرافیلک صداسی قویون چوبانك قویونی کیتدی یردن دوندورمك و زجر ایتك ایچون ایراد ایتدی صدایه بکزه یوب امواتی حشره اعاده ایچون اولدیغه اشارت ضمتنده صدای قیامه ( زجره ) دینشدر .

..

واجب تعالی قیامتك البته واقع اولاجفی بیاندن سوکره عاصیلرک قبرلرندن قالقنجه حسرت و ندامتلرینی اظهار ایچون سویله جکلری سوزلرینی بیان ایتك اوزره ﴿ وَ قَالُوا يَا وَيْلَنَا هَذَا يَوْمُ الدِّينِ ﴾ بیوریور .

[ قبرلرندن قالقوب قیامتك دهشتنی کورونجه عاصیلر دیرلر که « ای بزم هلاکیز

کل ! بزم یا نمزده حاضر اول . زیرا ؛ بو کون اعمالزله جزالانا جغمز بر کوندر . [ بناء علیه ؛ هلاکیزك زمانی کلهشدر . چونکه ؛ اعمالز بوتون شر اولدیقندن جزامزك ده بزم هلاکیزی موجب عذاب اولاجقنده شبهه یوقدر ، دیمکه اظهار اسف ایدرلر . آنلر یوم جزایه ایتان ایتدکلرندن او کون ظهور ایدیورنجه دنیاده ایشیدوبده ایمان ایتدکلری شیلرک جمله سی طوغری اولدیغه قناعت حاصل اولونجه کندیلرینه عارض اولان دهشت و خوف و خشیت نتیجه سی اولارق حسرت ده دلالت ایدن سوزلر ایله هلاکی دعوت ایدرلر . چونکه ؛ « الحئن خائف = خیانت ایدن قورقار » فحواسنجه باشنه کله جک بلایی بیلنجه کمال حیرتله هلاکه چاغیرمقدن باشقه برشیه آلی دکز .

..

واجب تعالی هلاکی کندیلرینه چاغیردقلری زمان عاصیلره ملکلر طرفندن باشلرینه قاقق صورتیله ویریله جک جوابی بیان ایتك اوزره ﴿ هَذَا يَوْمُ الْفَصْلِ الَّذِي كُنْتُمْ بِهِ تُكَذِّبُونَ ﴾ بیوریور .

[ کافرلری توبیخ صورتیله ملکلر دیرلر که « ای کافرلر ! اشته شو کون حقه باطل بیننی تفریق ایدر و کوتولک ایدنلره عذابه ایلمک ایدنلره احسانله جزایی حکم ایدر بر کوندر که او کونی سز تکذیب ایدر دیکز . ] اشته او یالاندر دیدیککز کون کلدی . جزا کزی کوره جکسکز . زیرا ؛ بو کونده ظاهره اعتبار یوق ، آنجق اعتبار ؛ حقیقه دره . اشته ملکلر بویله دیمکه کافرلری تکدیر ایدرلر . باهور بیضاویده بیان اولوندی و جهله بو کلام کافرلرک بمضیسنك بمضیسنه خطایدر . چونکه ؛ حقیقت میدانه چیقنجه یکدیگرینه عطف جرم ایتك صورتیله عتاب ایده رك « اشته بو کون تکذیب ایتدیککز کوندر » دیهرک بر برلرینی لوم ایتك ایسترلر . فصل ؛ حکم ربانی ایدر کونو آره لرینی تفریق ایتك معاسنه در . قیامت کونده ایدر کونلرده آریه و جفی ایچونه اذکونه یوم فصل دینشدر .

..



واجب تعالى اهل نارك ملكك طرفندن توبیخ اولونا جقلری بیاندن صوکره جانب  
السهیدن آنلر حقلرنده واقع اولاجق خطابی بیان ایتک اوزره ﴿أُخْشِرُوا الَّذِينَ ظَلَمُوا﴾  
وَأَزْوَاجَهُمْ وَمَا كَانُوا يَعْبُدُونَ ﴿مِنْ دُونِ اللَّهِ فَاهْدُوهُمْ إِلَى صِرَاطِ الْجَحِيمِ﴾  
بیوریور.

[بوم قیامتده جانب السهیدن ملکله خطاباً «ظلم ایدن کیمسه لری و آنلرک احبابلری  
و کندی دینلرنده اولان زوجهلری و اللهک غیری عبادت ایتدکاری پوتلری جمع ایدک  
وجهنم یولنی آنلره کوسترک و سوق ایدک جهنمه» دنیلور. چونکه قیامتده هر کس  
قبرلرندن قالقنجه کافرلر اوکونک شدتی کوروب نفسلرینه هلاکی دعوت ایتلری اوزرینه  
الله تعالى ملکله امر ویرر و «نفسلرینه و غیره ظلم ایدن ظالملری و آنلرک همپالری  
و معبودلری جمع ایدک و جهنمه سوق ایدک» بیوررکه آنلر کندیلرینک اهل جهنم  
اولدقلری بیلسونلر.

طبریده بیان اولدیغنه نظراً جحیم؛ جهنمه درونی قابونک اسمیه. ازواج ایله  
مراد؛ ظالمک قاریلری اولمیه احتمالی اولدیغنی کبی فعل ظلمده آنلره اشتراک ایدمه  
مقارنلری اولمیه احتمالی ده واردر. بوکا نظراً معنای آیت: [ظالملری ظالملره و زانیلری  
زانیلره و سارقلری سارقلره و شراب ایشیلری شراب ایشیلره و الحاصل هر کسی کندی  
اقرانیله حشر ایدک و جهنمه برابر سوق ایدک] دیمکدر.

﴿وَقَفُّهُمْ إِنَّهُمْ مَسْئُولُونَ﴾

[موقفده دوردورک آنلری. زیرا؛ آنلر عمللرندن سئوال اولونا جقلردر.]  
یعنی؛ آنلری جهنمه سوق ایتک حقنده ملکک آلدقلری امر اوزرینه سرعتله  
سوقه باشلاخیجه جانب السهیدن ملکله «سز ظالملری موقفده حبس ایدک، بردن جهنمه  
کوتورمه یک. زیرا؛ آنلر اعتقادلری و عمللری جهنندن سئوال اولونا جقلردر، بیورمقله  
موقفده دوردورملرینه امر ویریلورکه محاسبه لری کورولدکن صوکره جهنمه کیرسونلرده

بر دییه جکلری قالماسون. شو حالده آنلری موقفده حبس ایتک؛ استراحتلری و یاخود  
عفو اولونمالری ایچون دکل بلکه محاسبه لری ایچوندر.

واجب تعالى کافرلره سئوال اولونا جق سئواللردن بعضیسی بیان ایتک اوزره  
﴿مَالِكُمْ لَا تَنَاصَرُونَ﴾ بیوریور.

[موقفده حبسلرینه امر ویریان جانیلره دنیلورکه «سزه نه اولدی که عذابدن  
خلاصکیزه دایر بربریکیزه معاونت ایتیورسکیز. [حالبوکه دنیاده شر اولان ایشلرده  
بربریکیزه معاونت ایدر و آخرتده دخی اویله اولاجقز دییوردیکیز. زرده قالدی او  
سوزلریکیز نهدن بربریکیزی عذابدن قورتارده میورسکیز؟]

فخررازی و بیضاوینک بیانلری وجهله بوسئوال؛ آنلری تزدیل و تکدیر و عاله رسوای  
قیلمق و دنیاده کی اعتقاد باطللری هر کسه بیلدیرمک ایچوندر. شوتکدیرک تأثیری زیاده  
اواسون ایچون یاردیمه یک زیاده محتاج اولدقلری زمان بوسئوال ایراد اولونمش و بوزمانه  
تأخیر ایدلمشدر. چونکه؛ بوسئوالک ورودی آنلرک غایت مضایقه ده اولدیغنی زمان اولدیغندن  
البته تأثیری زیاده اولور.

واجب تعالى کافرلرک بربرلرینه نصرت ایدمه مدکلری بیاندن صوکره آنلرک اووقنده  
نه کبی بروضیت آلا جقلری بیان ایتک اوزره ﴿بَلْ هُمْ الْيَوْمَ مُسْتَسْلِمُونَ﴾ بیوریور.  
[بلکه اوکونده آنلر اطاعت و انقیاد ایدیجیلردر.] زیرا؛ عجزلری ظاهر اولوب  
بوتون حیلله قابولری قاپاندیغندن غایت دوشکونلردرکه شیطنلرینه رواج قالمش و اعتذار  
یوللری قاپانمشدر. بناء علیه؛ باشلری یره اکوب رذیلانه دوشونمکدن باشقه چاره لری  
یوقدر. یاخود [بعضیسی بعضیسنه سلام ویرر و بربرلری تزدیل ایدرلر] دیمکدر و یاخود  
[اوکونده هر کس کندی نفسنک سلامتی آرزو ایدر] دیمکدر.  
﴿وَأَقْبَلَ بَعْضُهُمْ عَلَى بَعْضٍ يَتَسَاءَلُونَ﴾



[ او کونده انقياددن باشه چاره اولمايجه يکديکرينه قارشى مجادله ايتک اوزره بعضيسى بعضيسنه توجه ايدر و بربرلرندن سئوال ايدرلر. ] بوسئوال ؛ خصومت اوزره برشولدر. بناءً عليه سئوالک خلاصهسى ؛ هررينک يکديکرينه قارشى عطف جرم ايتک و قباحى آخريته اسناد ايتمکدن عبارتدر. سئوال عونو طرفندن رئيسلرينه در و ياخود قرئاندى بعضيلرينک ديکزلرينه در .

..

واجب تعالى سئوالرينک کيفيتى بيان ايتک اوزره ﴿ قَالُوا اِنَّكُمْ كُنْتُمْ تَاْتُوْنَا عَنِ الْيَمِيْنِ \* قَالُوا بَلْ لَمْ تَكُونُوْا مُؤْمِنِيْنَ \* وَمَا كَانَ لَنَا عَلَيْكُمْ مِنْ سُلْطَانٍ بَلْ كُنْتُمْ قَوْمًا طَاغِيْنَ ﴾ بيوربيور.

[ اتباعلى رئيسلرينه ديرلر که « سز بزم صاغ طرفزدن کلديکيز . بزى قانديرمق ايچون واهى دليللر سرد ايتديکيز و برطاقم کناهلرى دين و عمل صالح کي کوستردیکيز و بزى اغفال ايتک ايچون هر درلو حيله و دسائسى دوشونديکيز و بوتون مضرتى بزه منفعت ديههرك آلدانديکيز و بزه سزى عقلا ظيله ايناندى تبعيت ايتک . حالوکه يالانجى اولديکيز شيمدى تظاهر ايتدى و سزه تبعيت مزدنطولايى هلاک اولدق » ديمکه رئيسلرينى مؤاخذه ايتک ايستهملرى اوزرينه رؤسا آنلره مقابله ايدرلر ديرلر که « بزم دنياده سزک اوزريکيزه قهر و غلبه من اولمادى که بز سزک اختيار يکيزى آلکزدن آلامده جبر ايدم . زيرا ؛ بزم سزک اختيار يکيزى آلوب جبر ايدم جک قدر قدرتمز يوقدى ، بلکه سز طاغى بر قوم ايدکيز ] بناءً عليه ؛ آزعيلغ کزدن ناشى ايمان ايتديکيز . زيرا کندی اختيار يکيزله طغيانه اصرار و ايمانندن اعراض ايتديکيز » ديمکه قباحلرينک اولماديفنى بيان ايدرلر . رؤسا کنديلرينى برقاعده فقهييه ايله مدافعه ايدرلر و ديرلر که « برايشده حکم ايشلهينه و بالفعل مباشرت ايدنده در ، يوقسه سبب اولانه دکدر . بناءً عليه ؛ بز سزک عصيانکيزه سبب اولسه ق بيله بزه حکم نسبت اولونماز » ديمکه اتباعلرينک شکايتلرينى رد ايدرلر . فخر رازى ، نيسابورى و خازنک بيانلرى وجهله يمين ايله مراد ؛ هيرات و سعادات

ديمکدر . بوکا نظراً « سز بزم صاغ طرفزدن کلديکيز » ديمک « خيرات و حسنات جهتنى کوستردیکيز و کناهلرى ثواب ديههرك بزه ايشله تديکيز » ديمکدر . چونکه صاغ طرف ؛ صرفده و شرعه اشرف اولديغندن هيرات و حسنات يمين اطلاق واردر . حقى رسول الله صاغ طرفه محبت ايدر و افاضل امورک صاغ آل ايله ايشله نمى و امور خسيه نكده صول آل ايله ايشله نمى امر ايدر . حسناتى يازان ملکک صاغ طرفده و سيئاتى يازان ملککده صول طرفده بولونمده اولسى صاغ طرفک شرافته دلالت ايدر . کذاک يوم قيامنده ابى اولان کيمسه لک دفترلى صاغ طرفرندن و کوتو اولان کيمسه لک دفترلى صول طرفرندن و يرلسى دخى صاغ طرفک شرافته دلالت ايدر .

ياخود يمين ؛ يوکسک درجه معناسنده در . بوکا نظراً « سز بزم صاغ جانيزدن کلديکيز » ديمک « سز بزه کندی عند کزده يوکسک درجه کوسترمکه بزى آلدانديکيز » ديمکدر . ياخود يمين حقيقتده يمين معناسنده در . بوکا نظراً « سز بزه يمينه کلديکيز » ديمک « سز بزى يمينکيزله قانديرديکيز و سويله ديکيز سوزلرک حق اولديغنى يمينه تا کيد ايتديکيز و بزى اينانديرديکيز » ديمکدر . چونکه ؛ کافرلرک بويوکلى اتباعلرينى باطله سوق ايتک ايچون يمينلرله قانديرملرى طر ايدر . نته کيم زمانمزه بر جوق سفها ساده دل اهالى بي دينسز لک تشويقه اغفال ايدوب يولدن چيقاردقلى ده کور و لمکده در . رؤسا ضعفايى رد ايتدکن صوکره نتيجه يى بيان ايدرک ديرلر که :

﴿ حَقَّ عَلَيْنَا قَوْلُ رَبِّنَا اِنَّآ لَذَائِقُوْنَ \* فَاَغْوَيْنَاكُمْ اِنَّا كُنَّا غَاوِيْنَ ﴾

[ « مادام که سز و بز عايلرز . بيمزک عذابه دار اولان قولى بزم اوزريمزه واجب اولدى . زيرا ؛ بز اوعدايى طاييجي بز . چونکه ؛ بز سزى ضلاله دعوت ايتدک و لکن دعوتى قبولکيزه اجبار يوق ايدى و سز کندی اختيار يکيزله اجابت ايتديکيز و ضلالى هدايت اوزره ترجيح ايتديکيز و بز اساساً عصيانه منهمک طاغيلردن . ] بناءً عليه ؛ هرکسى بز کنديمز کي کورمک ايترز . چونکه ؛ هرکس کندی مسلکى سوديکي ايچون جمله عالمک کندی مسلکنده اولمى آرزو ايتک جوق کورولمز . شوخالده بزم سزى اغفالر دنطولايى بزه عتاب لازم گلز و بز بوندنطولايى مجبور ايلمايز . چونکه ؛



سزى ده کنديمز کي پايغه چاليشدق. سز نفسکزی محافظه ایده ایدیگز « دیمکه سوزک خلاصه سنی سویلرلر وسوزلریله اتباعلرینی اسکات ایدرلر .

..

واجب تعالی بوندن اولکی آیتلرده بویوکلرله کوچوکلر آره سنده جریان ایده جک محاوره نك نتیجه سنی بیان ایتک اوزره ﴿فَأَنَّهُمْ يَوْمَئِذٍ فِي الْعَذَابِ مُشْتَرِكُونَ﴾ اَنَا كَذَلِكَ نَفْعَلُ بِالْمُجْرِمِينَ ﴿ بیوریور .

[تابع ایله متبوع آره سنده جریان ایده جک محاوره شو تفصیلاتدن عبارت اولونجه اوکونده آنلرک جمله سی عذابده مشترکدر . زیرا ؛ جمله سی طغیانده مساویلدر . بز بالعموم مجرملری بومنوال اوزره مجازات ایدرز . ] چونکه کرک تابع کرک متبوع ، کرک خادم کرک مخدوم ، کرک رؤسا کرک ضعفاء هپیسی دنیاده ضالتهده مشترک اولدقلری کي آخرتهده عذابده دخی مشترک اولاجقلرنده شبهه اولماز .

نیسابورینک بیانی وجهله رئیس لرینک عذابی ایکی قاتدر : بریسی ؛ کنديلیرینک ضالتهده ، دیگرى ؛ اسافل ناسی اضلال ایتدکلرینه مقابلد . لکن آنلرک عذابلرینک ایکی قات اولسی اصل عذابده اسافله مشترک اولمیرینه مانع اولمادیغندن آیتده عذابده مشترک اولدقلری بیان اولونمش واصحاب جرمک کافه سته عذاب ایتک عادت الهیه دن اولدیغه اشارت ایچون استمراره دلالت ایدن مضارع صیغه سی وارد اولمشدر .

..

واجب تعالی مشرکله عذاب ایده جکنی بیاندن صوکره عذابک علتی بیان ایتک اوزره ﴿إِنَّهُمْ كَانُوا إِذَا قِيلَ لَهُمْ لَا إِلَهَ إِلَّا اللَّهُ يَسْتَكْبِرُونَ﴾ بیوریور .

[مجرملرک جزاسی عذابدر . زیرا ؛ آنلری توحیده دعوت صورتیله « الله تعالی دن باشقه معبود بالحق یوقدر ، آنحق الله تعالی واردر بونی لسانکزله اقرار و قلبکزله تصدیق ایدک » دنیلیدکنده قبولدن امتناع ایدر و توحیدی اعتقاد ایتمکدن کنديلیرینی بویوکلر عد

ایدرلر ] و یاخود [ توحیده دعوت ایدن انبیانک دعوتلرینه اجابتدن کنديلیرینی بویوکلر صایدقلری ایچون اجابت ایتزلر . بناء علیه ؛ شرکاک دوامه صوکل درجه چالیشیرلر . ] فخر رازینک وابوالسعود افندیکن بیانلری وجهله مشرکلرک کبرلری و شرکه اصرارلری دوام واستمرار اوزره اولدیغه اشارت ایچون استکبار ؛ استمراره دلالت ایدن مضارع صیغه سیله وارد اولمشدر . بونلری توحیده دعوت ایسه محقق اولدیغه اشارت ایچون تحقیقه دلالت ایدن ( اذا ) لفظی وارد اولمشدر .

بونلرک تکبرلری ؛ کلمه توحیدی سویله مکمی و یاخود دعوت ایدن نبینک دعوتنه می ؛ هرایکسینده احتمالی اولدینی کي کلمه توحیدی تکلمه تکبر ؛ نبینک دعوتنه اجابته تکبری مستلزمدر . بناء علیه ؛ تکبرلری هرایکی جهته شاملدر .

خلاصه ؛ مشرکلرک معذب اولدقلرینک علتی آنلرک کلمه توحیدی تکلمدن امتناع ایتملری اولدینی بو آیتدن مستفاد اولان فوائد جمله سندندر .

..

واجب تعالی معذب اولدقلرینک اسبابندن بریسی توحیددن استکبار ایتملری اولدینی بیاندن صوکره دیگر سببی نبوتی انکار ایتملری اولدینی بیان ایتک اوزره ﴿وَيَقُولُونَ إِنَّا لَنَأْرِكُوا إِلَهَتَنَا لَشَاعِرٍ مَّجْنُونٍ﴾ بیوریور .

[ آنلر « بز بر شاعر مجنونک کلامندن طولانی معبودلریمزی ترک می ایده جکر ؟ » دیرلر . ] یعنی ؛ مشرکله معذب اولورلر . زیرا ؛ آنلر محمد علیه السلامه حاشا جنت اسناد

ایدرلر و شعره نسبت ایدرلرک دیرلرک « بز بر شاعر مجنونک دعوتنه اجابت ایدرده معبودلریمزی ترک ایدرمی بز ؟ البته ترک ایتمیز . » ایشته مشرکله بویله دیمکه کفرده عنادلرینی اظهار ایدرلر و بوتلره عبادت ایتک عادتلری اولوب ترک ایدمه جکرینه و ترک ایتک کنديلیرینی ایچون عیب وامر منکر اولدیغه اشارت ضمننده کلاملرینی استفهام نظری به دلالت ایدن همزه ایله ایراد ایتدیلر . بناء علیه ؛ فخر کائناتک عقل و دهاسنی والهام الهیه ایله حکمته موافق سوزینی وایشنی ادرا کدن عاجز اولدقلرندن جته و شعره نسبت



ایتمکله کمال حماقت و بلادتیرنی اظهار ایلدیلر . چونکه ؛ کندیلرنده فضیلت و مزیت یوق که فضیلتک قدرینی تقدیر ایتسونلر .

\*\*\*

واجب تعالی کافرلرک رسول اللهی تکذیب ایدهرک شان رسالت لایق اولمادق بعض اوصافله توصیف ایتدکیرنی بیاندن صوکره رسول اللهک نبی حق اولدیغنی اثبانه کافرلری رد ایتک اوزره ﴿ بَلْ جَاءَ بِالْحَقِّ وَصَدَّقَ الْمُرْسَلِينَ ﴾ إِنَّكُمْ لَذَائِقُوا الْعَذَابِ الْآلِيمِ ﴿ وَمَا تُجْزَوْنَ إِلَّا مَا كُنتُمْ تَعْمَلُونَ ﴾ إِلَّا عِبَادَ اللَّهِ الْمُخْلَصِينَ ﴿ بیوریور .

[ بلکه محمدعلیه السلام حق اولان قرآن و قرآنک مضمونی اولان توحید ایلله کلدی و اول کچن رسوللری تصدیق ایتدی . زیرا ؛ انبیانک جمله سی توحیدده اتفاق ایتشردی . رسول اللهده آنلرک اتفاق ایتدکیری توحیدده دعوت ایتمکله جمله سنی تصدیق ایتشدر . ای مشرکار ! سز تکذیب ایتدیکز . بناء علیه ؛ سزالم ویریحی عذاب طادیجیسکز و سز جزالانماز ، الا کندی عملکیزله جزالانیرسکز . آنجق اللهک خالص قوللری عذاب طانازلر . ] زیرا ؛ خالص قوللر عبادتیرنی الله تعالی به حصر ایدوب هر عملیرنی رضاء باری ایچون ایشله دکلرندن جناب حق آنلری عذابدن محافظه ایدر . بناء علیه ؛ آنلر عذاب طاتمقدن مستنادرلر . چونکه عذاب طاده جقلرک عذابلری ؛ آنجق کندی کناهلرینک جزاسیدر . شوحالده کناهی اولماینلر عذاب کوره منزل .

فخررازی و بیضاوینک بیانلری وجهله بوآیت ؛ رسول اللهه شاعر دین کافرلری رد ایچون کلشدر . زیرا ؛ مشرکارک « شاعر در ، مجنوندر » دیملرینه قارشنی واجب تعالی رسولنک کتیردیکی قرآن شعر اولمایوب حق اولدیغنی و توحیدده دعوت جنت اولمایوب رسل کرامی تصدیق اولدیغنی بیانه آنلرک اسناد ایتدکیری نالایق احوالدن رسولنی تبرئه ایتدیکی کبی بومثللو لایق اولمادق شیلری رسول اللهه اسناده جرأت ایدن مشرکلری « عذاب طاده جقلرنی بیانه تهدید ایتشدر .

رسول الله توحیدده دعوتله انبیاء سابقه نک مسلکیرینه سلوک ایدوب توحیدده دائر آنلرک سرد ایتدکاری دلائل قطعی بی دهازیاده سیله ایراد ایتدیکی جهته آنلرک امتلرینه

تکلیف ایتدکیری توحیدده طوغری سویلدکیرنی تصدیق و تأیید ایتشدر . اکر رسول الله توحیدده دعوتده مجنون اولسه ایدی . انبیانک جمله سنکده مجنون اولملری لازمکلیردی . حالبوکه ای کافرلر ! سز آنلرک برچوقلرنی تصدیق ایدیورسکز شو حالده نصل اولور که عین دعواده بعضیسنک طوغری اولوب بعضیسنکده مجنون اولدیغنی ادعایه جرأت ایدرسکز دیمکدر .

\*\*\*

واجب تعالی مخلص اولان قوللرینک عذابدن مستثنا اولدقیرنی بیاندن صوکره آنلریالکزر عذاب کورمه مکله قالمایوب برچوق نعمتله ده نائل اولاجقلرنی بیان ایتک اوزره ﴿ أُولَئِكَ لَهُمْ رِزْقٌ مَّغْلُومٌ ﴾ فَوَاكِهَ وَهُم مُّكْرَمُونَ ﴿ فِي جَنَّاتِ النَّعِيمِ ﴾ عَلَى سُرُرٍ مُّتَقَابِلِينَ ﴿ يُطَافُ عَلَيْهِمْ بِكَأْسٍ مِنْ مَّعِينٍ ﴾ بَيْنَهُمْ لَذَّةٌ لِّلْشَّارِبِينَ ﴿ بیوریور .

[ ایشته شو عبادتیرنی یالکزر الله تعالی به حصر ایدن خالص قوللر ایچون ابدی دوام ایده جکی معلوم و اوصافی معین و صرف تلذذ ایچون اکل اولونان رزقلر واردر . حالبوکه اهل جنت او رزقی اکل ایتملری زماننده نعمته طولو جنتلرده بربرینه مقابل کوشکلر و سرایلر اوزرنده مکرم و محترم اولارق تلذذ ایده جکلر و سرورلر ایچنده بولوناجقلردر و یالکزر بوقدر لذتله اکتفا اولونمیه جق . زیرا ؛ آنلرک باشلری اوزرنده آللرنده قاینار پیکارلر و آقار ایرماقلردن غایت بیاض و صافی و براق شرابلرله طولمش کاسه لرله خدمتچیلر دولاشیر و او شرابلر ایچنلره عین لذتدن عبارتدر ، اصلا کدر یوق غایت صوئوق و بارلاقدر . ] بوآیتده اهل جنتک رزقلرینک معلوم اولدیغنی بیان اولونمشدر . چونکه ؛ جنتده رزقک هر آن و هر ساعتده موجود و طعمنک طیب و رایحه سی و منظر سی کوزل اولدیغنی معلوم بولوندیغنی کبی هر کسک عمللری مقابلنده مستحق اولدقیری رزقک مقداری دخی معلومدر . اهل جنتک رزقی مجرد تلذذ ایچون اولدیغنه اشارت اولق اوزره رزقک فواکه دن یعنی میوه لرده عبارت اولدیغنی بیان اولونمشدر . زیرا ؛ اهل جنتک وجودلری ابدته متحمل خلاصة الیان : اون ایکنبی جلد — ۴۰



و غایت محکم خلق اولوندیغندن بقاسنده غدایه محتاج اولمادینی جهته جتده رزق آنجق تلذذ ایچون اولوب بقای جسمه تدای قیلندن غذا ایچون اولمادیغه اشارت اولارق رزقك فوا کهدن عبارت اولدینی بیان اولونمشدر. شو حالده جتده مشروبات و مأکولات جمله سی تلذذدن عبارتدر. بناء علیه ( فوا که ) ؛ رزق معلومی تفسیر و تعریف ایچونه سور اولونمشه بر لفظ شریفدر .

فوا کهک وجودینی بیان؛ جتده هر درلو نعمتلر موجود اولدیغه اشارتدر. چونکه فوا که ؛ نعمتلرک ادناسیدر. جتده نعمتلرک ادناسی اولان فوا که یعنی میوه لر موجود اولونجه آندن ده اعلی نعمتلرک موجود اولاجنی اولویتله ثابت اولور دیمکدر. بناء علیه ؛ ادناسی ذکر ایله اعلایی ذکره حاجت کوروله مشدر .

اهل جنتك رزق زحمتلر تعظیم اوزرینه اولدیغه اشارت ایچون نعمتی بول جتده مکرم اولدقلری بیان اولونمشدر. چونکه ؛ تعظیم و تکریمدن خالی اولان رزق ، بهائمه مخصوص اولوب حتی بودنیاده بیله انسانلرک ییوب ایچملری تعظیم اوزره اولدیغندن جتده ده ا زیاده اکرام و تعظیم اولاجنی اولویتله ثابتدر. انسانلرک احباب و یاران ایله قارشی قارشی به صحبتله اکل ایتملری سروری موجب اولدیغندن اهل جنتك قارشی قارشی به کوشکلر و سرایلر و کرسیلر اوزرنده اولاجقلری بیان اولونمشدر که فرحلی زیاده اولاجغه اشارتدر. خدمتجیلرک پیکار صولری ایله دائماً باشلرنده دولاشه جقلرینی بیان؛ آنلرک هیچ بر شینه احتیاجلری اولمایوب هر شیشك یانلرنده حاضر اولاجغه اشارتدر .

خلاصه ؛ جنتك رزقك اوصافی و خاصه سی و وقتك معلوم اولدینی و او رزقك یالکز تلذذ ایچون اکل اولونوب وجودك بقای و احتیاج ایچون اولمادینی و جنتك اکل و شربی آنجق ذوق و صفا ایچون اولدینی و اهل جنتك عین نعمت اولان جتده کرسیلر اوزرنده بر برلرینه مقابل اولارق مکرم اولاجقلری و آللرنده ایچنلره عین لذتن عبارت اولان شرابلره طولو بیاض کاسه لرله خدمتجیلرک باشلری اوزرلرنده دولاشه جقلری بو آیتدن مستفاد اولان فوائد جمله سنددر .

\*\*

واجب تعالی اهل جنتك لذت ایچون شراب ایچمک لری بیاندنصره شرابك بعض اوصافی بیان ایتک اوزره ﴿ لَا فِيهَا غَوْلٌ وَلَا هُمْ عَنْهَا يُنْزَفُونَ ﴾ بیوریور .

[ جنت شرابنده هلاك اندیشه سی مثللو بر غائله اولمادینی کی ایچنلر او شرابدن اصلا سرخوش ده اولمازلر . ] زیرا ؛ ایچنلره صیقیتی و یرمک و سرخوش ایتک دنیا شرابه مخصوص اولدیغندن آخرت شرابنده بو کی یاراماز حاللر یوقدر .

بو آیتده سرخوشلغك، شرابك باشلیجه فسادلرندن اولدیغه اشارت واردر. چونکه ؛ سرخوشلور و باسه آغریسی کی غائله ( غول ) لفظنده داخل اولدینی حالده غولی نفی ایتدکن صوکره عینله مکر معناسه اولان ( زف ) ی دخی نفی ایتک سکر ، شرابك بویوجك فسادلرندن اولدیغه اشارت ایچوندر. شو حالده جنت شرابلرنده باش آغریسی و یرمک و وجودی زده له مک کی اندیشه لر اولماقله برابر عقل کی بر نعمتی ازاله ایدن سکرده یوقدر .

\*\*

واجب تعالی اهل جنتك مأکولات و مشروبات لری بیاندن صوکره منکوحاتلرینك بعض اوصافی بیان ایتک اوزره ﴿ وَعِنْدَهُمْ قَاصِرَاتُ الطَّرْفِ عِينٌ \* كَأَنَّهُنَّ بَيْضٌ مَّكْنُونٌ ﴾ بیوریور .

[ و اهل جنتك یانلرنده زوجهلری وار که اوزوجهلرک کوزلری غایت بویوک و کوزلرینی کندی زوجلرینه حصرا یتمشلر همان آنلره باقارلر ، آنلرک غیری باشقه کیمسه لره باقارلر. کأن اوزوجهلرک وجودلری اورتولی توز و طوپراق کی شیلردن محفوظ جزئی صاریاقله قاریشمش غایت بیاضدر . ]

فخر رازی و بیضاوینک بیانلری وجهله انسانلرک لوننده مقبول اولان بغدادی رنگی اولدیغندن جتده خاتونلرک رنگی بیاض و فقط مستوره اولدینی بیان اولونمشدر که صاری به میال اولدیغه اشارتدر. چونکه مستوره اولان رنگ ؛ اکثریا بغدادی رنگیدر که تغیردن و غبار کی عارضه دن سالم اولاجقلرینه اشارت ایچون ( مکنون ) یعنی اوردن لور اولمادی



بیان اولونمشدر . اهل جنتك خاتونلرينك ميل و محبتلى آنجق كندى زوجلرينه اولوب  
آخره اصلا ميللى اوليه جفته اشارت ايچون كوزلى آنجق كندى زوجلرينه باقوب  
باشقه سنه باقيه جنى بيان اولونمشدر .

(عين) اعيانك جمعى اولوب اعين ؛ بويوك كوزلى كيمه اولديغندن نسوان جنتك  
بويوك كوزلى اولاجقلى بيان اولونمشدر . چونكه ؛ انسانلرده وبالخاصه طائفة نسوانده  
بويوك كوز ممدوحدر . بناء عليه ؛ جتده طائفة نسوانك هر كوزلكلى ايله برابر  
كوزلرينكده بويوك اولاجنى بيان اولونمشدر .

واجب تعالى اهل جنتك ما كولات و مشروبات و منكوحة لى بياندن صوكره بربرليه  
سوز و محبتلى بيان ايتك اوزره ﴿ قَا قَبْلَ بَعْضُهُمْ عَلَى بَعْضٍ يَتَسَاءَلُونَ ﴾  
بيوريور .

[ اهل جنتك هر نعمتلى يانلرنده حاضر اولوب بوتون غمومدن قورتولونجه بربرليه  
توجه ايدوب يكدىكردن سئوال ايدرك فضائل معارفدن بحث ايدرلر و دنياده باشلردن  
كچن ماجرايى بربرليه آكلانلر و محبته باشلارلر . ] چونكه ؛ جتده محبتدن باشقه  
برشى يوقدر .

واجب تعالى اهل جنتك بربرليه محبتلىنه اشارتد نصكره محبتلىنك كيفيتدن بعضيسى  
بيان ايتك اوزره ﴿ قَال قَائِلُ مِنْهُمْ اِنِّى كَانَ لِىَ قَرِيْنٌ يَقُوْلُ ءَاِنَّكَ لَمِنَ الْمَصْدِقِيْنَ ﴾  
ءَاِذَا مِثْنَا وَكُنَّا تُرَابًا وَّعِظَامًا ءَاِنَّا لَمَدِيْنُوْنَ ﴾ بيوريور .

[ اهل جنتدن برسى انسانى محبتده ديركه « دنياده بنم ايچون بردوسم واردى و دأما  
بكا مقارن ايدى و انسانى محاورده بنى استهزا ايتك صورتيله بكا ديردى كه ( سنده مى قيامتى  
و حشر و نشرى تصديق ايدوب اينايچيلردنسك ؛ بز اولوب و طوپراق و كيك اولديغمزده مى  
جزالانا جغز ؟ ) ايسته اودوسم بويله ديمكه اعتقاد حق اوزره بنى توبيخ ايدردي . » ]

بو آيت جليلهك مضمونه بوكون بيكرجه محاوره شاهددر . زيرا ؛ دينسز قيبلىدن  
بر طاقم سفهانك بك سودكلى معتقد دوستلى ايله محاوره لرنده هر زمان بو كى هذيان  
جريان ايتمكدهدر . چونكه ؛ اومقوله سفيلردأما اهل دل و صاف مسلمانلرى اعتقادلردن  
طولاى توبيخ ايتمكدن اوتانمازلر و كندى دينسزلكلى ايله بلا پروا افتخار و دينسزلكنى  
عقلاقدن عد ايدرلر .

واجب تعالى طوغرى اعتقاد طاشيانلرك ، استهزا ايدنلرى جهنمده كورونجه جريان  
ايدمك محاوره بنى بيان ايتك اوزره ﴿ قَال هَلْ اَنتُمْ مُطْلِعُونَ ﴾ قَا طَلَعَ فَرَاهُ فِى  
سَوَاءِ الْجَحِيْمِ ﴾ بيوريور .

[ آيت سابقهده دنياده كچمش اولان محاوره بنى آكلانا جنى بيان اولونان كيمسه  
تكرار سوزه باشلار : « سز اهل ناره مطلع اولديكمى ، او بنى طوغرى اعتقاد مدنطولاى  
توبيخ ايدن دوستى سزه كوستره يمى ؟ » ديمكه آرقداشلى بنى جهنم طرفه باقغه  
تشويق ايدر . ] چونكه ؛ كنديسى اودوستنك حاله مطلع اولور و جهنمك اورته سنده  
آنى كورور و ديكر يارانلرينه آنى كوسترركه بوندن مقصدى ؛ شو حكايه بنى طوغرى اولديغنى  
آكلاتمق و كمال سرورىنى اظهار ايتمكدر . جتده جهنمه قارشى نچره لر اولوب اهل  
جنتك ايسته دكارى زمان اهل جهنمك حاللىنى او نچره لردن تماشا ايدمك جكلى ( ابن  
عباس ) حضرتلردن مرويدر .

واجب تعالى اهل جنتدن برينك دنياده آخرتى انكاره دعوت ايدن دوستى جهنمده  
كوروب آرقداشلىنه كوستره جكلى بياند نصكره ايكيلى آره سنده جريان ايدمك  
محاوره بنى بيان ايتك اوزره ﴿ قَال تَاللّٰهِ اِنْ كِدْتَ لَتُرْدِيْنَ ﴾ وَلَوْ لَا نِعْمَةُ رَبِّىْ  
لَكُنْتُ مِنَ الْمُخْضَرِّينَ ﴾ بيوريور .



[ و جتده بولونوب آرقداشلرینه جهنده کی دوستی کوسترن کیمسه جهنده کی دوسته خطاباً دیر که « الله تعالی به یمین ایدرم که دنیاده سن بنی اعتقاد باطله دعوت و اغفال ایتمهکه اهلاک ایتمهکه یا قلاشمشک . اکر جناب حق بکا هدایت نعمتی اولامش اولسه ایدی شیمدی بنده سزک کبی جهنده حاضرلردن اولوردیم ولکن ربکم هدایت نعمتی بنی عذاب جهندن قورتاردی . ] ایشه جتده بولونان کیمسه جهنده بولونان آرقداشته بویه دیکله دوستی توبیخ و کندی مسرتی اظهار ایدر . بوندن مقصدی ؛ دوستک دنیاده توبیخه مقابل آنی توبیخ ایتمهکه حزن و آلمی آرتیرمقدر .

فخر رازی و نیسابورینک بیانلری وجهله شو مکمله جتله جهنم آره سندن پرده نک قالمسی و مسافه نک یا قلاشمسی و یکدیگرینک سوزلرینی ایشیتمک صورتیه اولور . یا خود جهنده اولان دوستی هر نه قدر سوزینی ایشیتمزسه ده موتایه خطاب ایدر کندی کندینه سویلر والله تعالی به ، اسلامی توفیق ایتمهکه عذابدن قورتاردیغندن طولانی حمد ایدر .

( کدت ) ( کاد ) دن یا قلاشمس معناسه در . ( لتردین ) ارمادنددر . ارداء ؛

اهلک معناسه در . ( المحضرین ) شه حاضر اولقمه استعمال اولونور . بو مقامده نعمت له مراد ؛ نعمت ایمانه و همداندر . شو حالده معنای نظم : [ ای کافر دوستم ! سن دنیاده بنی کفره تشویق ایتمهکه اهلاک ایتمهکه یا قلاشمشک . اکر ربکم بکا نعمت ایمانی اولامش اولسه ایدی بنده سزک کبی جهنده حاضرلردن اولوردیم ولکن نعمت ایمان سببیه ربم بنی جهندن قورتاردی ] دیمکدر .

..

واجب تعالی ، شو مکمله بیتد کدن صوکره جتده کی ذاتک ینه جتده کی آرقداشلرینه سویلدیکی سوزینی علی طریق الحکایه بیان ایتک اوزره ﴿ أَفَمَا نَحْنُ بِمَعْبُدِينَ ﴾ \* إِلَّا مَوْتَتَنَا الْأُولَى وَمَا نَحْنُ بِمُعَذَّبِينَ ﴿ بیوریور .

[ « بزبوندن صوکره اولوجی دکلز ، لادنیاده بر کره اولدک و بز عذاب اولونانلردن اولماق . » ] یعنی ؛ « بز جتده ابدی قالیچی و نعمتلرله تنم ایدیچی اولونجه بوندن صوکره برده

وفات ایدیچی اولماق ، آنجق دنیاده بردفعه اولدک و بزر مذهبده دکلز . چونکه ؛ جته کیردک ، نعمت السهیه نائل اولدق و ابداً بو نعمتلر ایچنده قلا جعفر تحق و تعین ایتشدر . دیکله جتده کی آرقداشلرینه سرورینی اظهار ایدر و بو سوزینی جتده اولوم بر قوج صورتنده کتیریلوب کسید کدن صوکره اهل جته اولوم اولیه جنی تعین ایتسه بنه سویلر و جهنده اولان دوسته ایشیتدیریلور که تکدیر اوزرینه تکدیر اولسون .

نیسابورینک بیانی وجهله بو آیت قبرده حیات و اولوم اولامسسه دلالت ایتز . زیرا ؛ موتة اولی ایله مراد ؛ محشرده اول واقع اولور اولورک جمده سئلمده . بناء علیه ؛ قبرده حیات و اولوم واردر ، لکن دنیاده اولان اولومک تمه سندن اولدینی ایچون موتة اولاده داخلدر و قبرده حیات آنی اولوب اولومده او نسبتده اولدیغندن حقیقته بر اولوم دنیله مدیکی جهته آیت ، قبرده عذاب اولما دیغه دلالت ایتز .

..

واجب تعالی شو محاوره بیتد کدن صوکره سویله جکلری سوزلرینی بیان ایتک اوزره ﴿ إِنَّ هَذَا هُوَ الْقَوْمُ الْعَظِيمُ ﴾ \* لِمِثْلِ هَذَا فَلْيَعْمَلِ الْعَامِلُونَ ﴿ بیوریور .

[ « ایشه شو بزم جهنم عذابندن قورتولوش بویوک بر قورتولوشدر . محقق آنک فوقنده بر قورتولوش اولماز . بناء علیه ؛ شو مقصد اقضایه نائل اولق ایچون عمل ایدنلر عمل ایتسونلر ، یوقسه بر چوق آلم و کدرله طولو و علی المعجله زائل اولان نعمت دنیا ایچون عمل ایتسونلر . ] چونکه ؛ انسانک عمرینی دکرلی و قیمتدار بر شینه صرف ایتمی لازمدر . ایشه اوده رضاء باری به موافق اعمال صالحه ایله فوز عظیم اولان جته نائل اولمقدر . عمل ایده جکلرک بو کبی مقاصد عالیه ایچون عمل ایتلری واجبدر ، یوقسه اغراض خسیسه و دنیه ایچون عمر عزیزینی صرف ایتک لازم دکلدر .

بو آیت جلیله ؛ اهل طاعتی طاعته تشویق و اهل معصیتی معصیتدن تنفیر ایچون سوق اولونمشدر .

..



واجب تعالى اهل جنتك ما كولات ومشروباتي وعمل آنجق بونك ايچون اولمق لازم اولديغى نياندن صوكره اهل جنتك طعامى ايله اهل جهنمك طعامى اولان زقوم يئتمده اولان فرقى بيان ايتمك اوزره ﴿ اَذْلِكَ خَيْرٌ نُّزُلًا اَمْ شَجَرَةُ الزَّقُّومِ ﴾ بيوريور.

[ اهل جنتك شو بيان اولونان نعمتلى مى خيلىدر، يوقسه اهل نارك طعامى اولان زقوم آغاجى مى خيلىدر؟ ] البته جنت نعمتلى خيلىدر. چونكه؛ محنتدن عارى ويالكز لذت وسروردن عبارتدر. اما زقوم؛ بوغازدن كچمز عموم وهمومه طولو هرطرفى شر ومشقتدر. بناء عليه خير؛ نعمت جنته در، زقومده دكلدر. زقوم آغاجنده خير اولماديغى حالده خيره نسبت ايتمك. كافرلى استهزا ايچوندر. ( نزلا ) مسافر ايچونه ماضر لانه ما كولات ومشروبات وما اكرامدر. شو حالده اهل جنت جنته كيردكلرنده هرشيدن اول كوره جكلرى شيتك اكرام اولاجغنه اشارت ايچون ( نزلا ) تعبير اولونمشدر. زيرا نزل؛ آكتمه كلن مسافره على العبد تفريم اولونانه شيركه بوندن صوكره اهل جنت ايچون كوزلر كورمهرك و قولاقلر طويصادق صاييلماز وتوكنمز نعمتلى اولديغنه دلالت ايدر.

\*\*

واجب تعالى زقوم آغاجى ذكر ايتد كدن صوكره زقوى تفسير وكافرلك اعتقادلىرى رد ايتمك اوزره ﴿ اِنَّا جَعَلْنَاهَا فِتْنَةً لِلظَّالِمِينَ ﴾ ﴿ اِنَّهَا شَجَرَةٌ تَخْرُجُ فِي اَصْلِ الْجَحِيمِ ﴾ ﴿ طَلْعُهَا كَأَنَّهُ رُؤُوسُ الشَّيَاطِينِ ﴾ بيوريور.

[ بز عظيم الشان زقوى ظالمه فتنه قيلدق. زيرا زقوم؛ بر آغاجدر كه جهنمك طاباننده بيت. زقومك ميوه مى چير كينلكدده شيطانلرك باشلىر كيدير. ]

يعنى؛ زقوم آغاجى ظالمه ابتلا وعذابلىرىك ازديدينه محقق سبب قيلدق. چونكه؛ ظالمه جهنم آتشيله آغاج آره سنده برضديت كوردكلرنده جهنمده آتش ايچنده آغاج اولاجغنى اوزاق عد ايتدكلرندن طولاي انكار ايدوب ايمان ايتدكلرى جهته كفرلرنده

اصرارله عذابلى تزايد ايتمشدر. زيرا؛ اصل كفرلرنده عذاب اولديغى كى بو مثللو بيان اولونان شيلرى انكارلى ايلهده عذاب اولاجنى جهته عذابلى زياده اولور. فخر رازى وخازنك بيانلى وجهله بو آيت نازل اولونجه صناديد قريش بر محله اجتماع ايدهرك « آغاجك شانى يانقى وآتشك شانى ياققدر. شو حالده جهنمده آغاج نصل اولور، بونى عقل قبول ايدر مى؟ محمد ﷺ بزى حوصله بشرك قبول ايتيه چكى شيلره قورقوتيور » ديديلر. ابو جهل آنلىر اوينه كوتورر جاريه سنده « بزه زقوم كئير، ديبهرك امر ايدر. چونكه يئتمده بربريلر لساننده زقوم؛ خرما وخرمانك كوبلده دنيلديكندن ابو جهل خرماندن او لسان اوزره زقوم ايله تعبير ايتش وجاريه مى امرى وجه اوزره خرماو كوبكى كئيرمش ييشلر و « ايسته محمد ﷺ بزى بونكله قورقوتيور » ديبهرك كولوشمشلر و رسول الله استهزا ايتمشلردر. بو استهزالينى رد ايچون جناب حق زقوم آغاجك جهنمك طاباننده بيتديكىنى وميوه سنك شيطانلرك باشلىر كى چير كين اولديغى بيان بويورمشدر. زقومك ميوه سنى شيطانك باشنه تشبيه؛ تمثيل وتخييل قيبلىنددر. چونكه؛ شيطانلرك چير كين بر مخلوق اولديغى انسانلرك ذهنتده يرله شديكندن چير كينلده بر مثال اولارق ايراد اولونمشدر.

بيضاوينك بيانى وجهله زقوم؛ خرما وخرمانده يئير غابت آيى ديبهرلر اغانى بر آغاجدر. اهل جنتك منزلى نعمتلى وطعاملى اولديغى كى اهل جهنمك منزلى ده زقوم آغاجك چير كين ميوه لريدر. كفار مكه جهنمده آتش ايچنده آغاج اولاميه حنى دوشونديلرده جناب حقك آتش ايچنده ( سمندر ) كى حيوانى خلق ايدوب اوحيوانك آتش ايچنده ياشايوب آتشله تلمذ وتغدى ايتديكىنى دوشونه مديلر. حيوان آغاجدن ده نازك اولديغى حالده آتش ايچنده ياشايجه آتشك ايچنده آغاجك ياشاياجنى اولويتله ثابتدر. چونكه؛ اللهك قدرتنه برشى مانع اولاماز.

\*\*

واجب تعالى زقوم آغاجك نهدن عبارت اولديغى نياندن صوكره كافرلك دنيساده



انکارلری مقابلنده آخرتده بیهجکلری بیان ایتک اوزره ﴿فَأَنَّهُمْ لَا كَلُونَ مِنْهَا﴾  
﴿فَالِئُونَ مِنْهَا الْبُطُونَ﴾ بیوریور .

[ جهنمده زقوم آغاجی اولونجه کافرلر او زقوم آغاجندن بیرلر . بناء علیه ؛ آندن قارنلری دولدورلر . ] زیرا ؛ آنلر ایچون جهنمده زقومدن باشقه برشی یوقدر . شو حالده آجلفک شدتدن اکل ایدرلر وحرصله قارنلری طولدورلر و زبانلر طرفندن اکله اجبارایدیلور که عذابلری تشدید اولونسون . چونکه زقوم ؛ عین زهردر . شو حالده اهل جهنم آتشله عذاب اولوندقلری کبی زهردن عبارت اولان زقومدن بیکله دخی معذب اولورلر .

..

واجب تعالی اهل جهنمک بیهجکلری بیاندن صوکره ایجهجکلری صولری بیان ایتک اوزره ﴿ثُمَّ إِنَّ لَهُمْ عَلَيْهَا لَشَوْبًا مِنْ حَمِيمٍ﴾ ﴿ثُمَّ إِنَّ مَرَجَهُمْ لِأَلَى الْجَحِيمِ﴾  
بیوریور .

[ کافرلر زقومله قارنلری طویوردقدنصکره او زقوم اوزرینه صیجاق صو ایچرلر وآنکله قاریشدیرلر . ] چونکه ؛ زهر کبی زقومی یینجه حرارتلری آرتار . بناء علیه ؛ صویه احتیاج مس ایدنجه زبانلر آنلری غایت صیجاق صویک اولدینی محله کوتورر وحرارتلری نسبتنده آندن ایچرلر ویدکلری زقومله قاریشدیرلر . [ صوی ایچدکن صوکره دوزلر محل اصلیلری اولان جهنمکلیرلر . زیرا ؛ آنلرک مرجعی البته جهنمدر . ] چونکه ؛ باشقه مرجعلری یوقدر . قویونی چوبانک آغیلدن چیقاروب صویه کوتورروب تکرار آغیله کتیردیکی کبی زبانلرده بونلری جهنمک برمحله اولان صویه کوتورر ، تکرار برلرینه کتیرلر .

نیسابورینک بیانی وجهله (ثم) کلمه سی بو مقامده تأخر وتمدید مدت ایچوندر . چونکه ؛ زقومی اکل ایتدکده برمدت صوکره صوده ایجهجکلری ائارت ایچونه (ثم) کلمشدر . (شوباً) قاریشدیرم معناسندهر . حمیم ؛ غایت صیجان صوده . بناء علیه ؛

کک زقوم وککک حمیم هر ایکسی ده اهل جهنمک عذابلری تشدید ایچوندر . چونکه حمیم دینیلن صو ، ایچنجه باغیرصاقلری دوکه جک قدر صیجاقدر . جنت اعلانک آری آری طبقه لری اولدینی کبی جهنمکده آری آری درکله لری واردر که آتشله عذاب ، آجلقله عذاب ، آجلق دردیله زقومدن بیک ايله عذاب وحرارتک ویردیکی الجآت اوزرینه صیجاق صودن ایچمک ايله عذاب کبی .

..

واجب تعالی کافرلرک عذابلرینک شدتی بیاندنصکره عذابه استحقاقلرینک سینی بیان ایتک اوزره ﴿إِنَّهُمْ أَلَفُوا أَبَاءَهُمْ صَالِينَ﴾ ﴿فَهُمْ عَلَىٰ آثَارِهِمْ يُهَرَّغُونَ﴾  
بیوریور .

[ کافرلر شو بیان اولونان عذابه مستحقدر . زیرا ؛ آنلر بابالری ضالانده بولدیلر وآنلرک ایزلرینه اتباع واقتدایه سرعت ایتدیلر . حق دقیقه بیله فوت ایتمکسزین بابالری تقلید ایدرلردی . ] چونکه ؛ بابالرینک مسلکلی حق ویا باطل اولدیغه دائرندقیقاده بولونمازلر وسلوک ایتدکلری مسلکک حقانینه متعلق آلرنده بر دلیل اولمادیبی حالده هیچ دوشونمکسزین تعقیب ایدرلردی .

فخررازی ونیسابورینک بیانلری وجهله بوآیت ؛ کافرلرک انواع عذابه استحقاقلرینک علئیدر . بناء علیه ؛ تقلیدک مذموم اولدیغه دائر قرآنده باشقه آیت اولسه تقلیدی ذم یونندن بو آیت کافیدر . چونکه انواع عذابه دوچار اولملرینک سبی ؛ آنجق اعتقادانده بابالرینک بلاتحقیق تقلید ایتملری اولدیغی جناب حق بوآیتله بیان بیورمشدر .

(یهرعون) اهراع دندر . اهراع ؛ بر شیء سرعنده مدت ایتک وتمدید قوشم معناسندهر . شو حالده « بونلر پدرلرینک اعتقادلری قبالده دلیل و نظریاته باقمسزین علی العجله قبول ایدیوریدیلر » دیمکدر .

بو آیت بیان اولوندینی وجهله انواع عذابه دوچار اولملرینک عاتی ودلیلی اولونجه تقریری شویله در : « کافرلر انواع عذابه دوچار اولمشلردر . زیرا ؛ آنلر بابالری ضالانده بولدقلری حالده تقلید ایتمشلردر . هر کیمسلرکه ضالانده اولانلری تقلید



ایده لر، آنلر انواع عذابہ دوچار اولورلر. او حالدہ کافرلر انواع عذابہ دوچار اولمشلردر.

..

واجب تعالی کافرلرک اعتقادلری یالکز باطلی تقلیددن عبارت اولدیغنی بیاندنصکره رسولنی تسلیه ایتک اوزره ﴿وَلَقَدْ ضَلَّ قَبْلَهُمْ أَكْثَرُ الْأَوَّلِينَ﴾ بیوریور.

[ ذات الوهیتیمه یمین ایدرم که بونلردن اول کچن امتلرک چوقلری ضالته اولدیلر. ]  
یعنی؛ ای حبییم! سنک قومک کفرلرنده اصرارله سنی تکذیبلرینه محزون اولما. زیرا؛ محقق اولارق یمینله سنی تأمین ایدرم که کفرده دوامله رسوللرینی تکذیب ایتک سنک قومک مخصوص دکلدرد. چونکه؛ سنک قومکدن اول کچن امتلرک کثریسی کفری ارتکابلر رسوللرینی تکذیب ایتمشلردر. بناء علیه؛ بو حال سندن اول کچن رسوللرک باشلردن کچوب اکثر امتلرک عادتلری اولونجه سنک محزون اولمامک لازمدرد. چونکه؛ بلا عموم اولونجه طیب اولور. شو حالده عالمده هر زمان جاری اولان احواله اسفده بر معنا یوقدر.

﴿وَلَقَدْ أَرْسَلْنَا فِيهِمْ مُنْذِرِينَ﴾ فَأَنْظُرْ كَيْفَ كَانَ عَاقِبَةُ الْمُنْذَرِينَ ﴿۱۰﴾ إِلَّا عِبَادَ اللَّهِ الْمُخْلَصِينَ ﴿۱۱﴾

[ ذات الوهیتیمه یمین ایدرم که بز عظیم الشان کچمش اولان امتلره نارجم ایلر آنلری قورقوتوجی نبیلر کوندردک. آنلر ایمان ایتدیله. بناء علیه؛ سن نظر ایت کور که آنلرک عاقبتلری نه اولدی؟ عالمده کندیلرینک نشانلری قالمادیکی کبی اکثریسنک خرابه لری بیله قالمامشدر. آنجق اللهک خالص قوللری ضالاتی ترک ایلر ایمان ایتدکارندن طولای هلاک اولمامش وعاقبت مظفر ونجاته واصل اولمشلردر. ] چونکه؛ بونلر نبیلرینک انذارندن متنبه اولارق ساحه سلامتیه چیقمشلر و اخلاصلری سایه سنده درجات جتنه نائل ولطف الهی به مظهر اولمشلردر.

فخر رازینک و ابوالسعود افندیکن بیانلری وجهله عباد لفظنک لفظه جلاله اضافتی

عبادک شانلرینه تعظیم ایچوندرکه عبادتلرنده اخلاص ایتدکارندن طولای تعظیمه شایان اولدقلرینه اشارت اولونمشدر. عبادی اخلاصله توصیفده کافرلره تعریضده واردرد. یعنی «کافرلرده اللهک قوللریدر، اما اخلاصلری یوق» دیمکدر. چونکه قوللقدن مقصد؛ اخلاصله عبادت اولدیغندن اخلاصله عبادتی اولمایان کیمسه لرده اللهک قوللری ایسه لرده کآن آنلر اللهک قوللری دکل کیدرلر. چونکه؛ قوللغک وظیفه سنی ایفا ایتدکارندن قوللقدن قاصر ونقصان قالمشلردر.

..

واجب تعالی ام سالفه نک حاللرینه اجمالاً اشارت بیوردقدن صوکره بعضیلرینک حاللرینی تفصیل ایتک اوزره ﴿وَلَقَدْ نَادَيْنَا نُوْحًا فَلَنِعْمَ الْمُجِيبُوْنَ﴾ وَنَجَّيْنَاهُ وَآهْلَهُ مِنَ الْكَرْبِ الْعَظِيمِ ﴿۱۲﴾ بیوریور.

[ ذات الوهیتیمه یمین ایدرم که نوح علیه السلام بز چاغیردی ونضرع ونیاز ابتد. ]  
اجابت ایدیجیلر نه کوزل اجابت ایدیجیدر. بز عظیم الشان نوحه ونوحک اهل و عیاله کرب عظیم اولان هلاکدن نجات ویردک. ]

﴿وَجَعَلْنَا ذُرِّيَّتَهُ هُمُ الْبَاقِينَ﴾

[ بز آنک ذریتنی آنجق باقی قیلدق که دنیاده آنک ذریتندن باشقه کیمسه قالمادی. ]  
یعنی؛ نیجه سنلر نوح علیه السلام قومی ایمانه دعوت ایدوب آنلرک ایماندن امتناع ایتلری اوزرینه ایمانلردن امید کیسینجه آنلرک مبتلا اولاجقلری طوفانه غرق اولوب هلاک اولمقدن کندینی و اولاد و عیالی قورتارمق صددنده بز تضع، نیازله صداسنی قالدیردی. بناء علیه؛ بز عظیم الشان آنک دعاسنه اجابت ایتدک، نه کورل اجابت ایدیجیدر بز عظیم الشان. نوحی و اهل و عیالی قومک اذا و شتمندن خلاص وقومک عسیانده دوامی اوزرینه طوفان کبی بر دهشتلی غضب الهمیدن نجات ویردک ونوحک قومی عالمده ابقا ایتدک.

حضرت نوحک نداسنه جناب حقک اجابتی پک بویوک نعمت اولدیغه اشارت ایچون



محبب لفظی جمع صیغه سیله وارد اولمشد . چونکه واجب تعالی نک اجابتی ؛ بر جوق جم غفیرک اجابتی کبی منفعتدار دیمکدر . نعمت اجابتک حضرت نوحک نداسی اوزرینه ترتب ایتدیکنه اشارت ایچون ترتیب دلالت ایدن فالظیله وارد اولمشد . چونکه ؛ آغلامایان جوجغه همه ویرلز دنیلدیکی کبی حضرت نوح ده تضرع و نیازده بولونماسه اجابت وقوع بولمازدی . بناء علیه ؛ انسان ایچون هرامورینک حصولنده جناب حقه یالوارمقدن خالی قالمق لازمدر . ابوالسعود افندینک بیانی وجهله حضرت نوح وقعه سنک عظمتنه و قدمنه بناء نوح علیه السلامک قصه سی سائرلری اوزرینه تقدیم اولونمشد .

بیضاوینک بیانی وجهله بوآیتده کرب عظیم ایله مراد ؛ قوم نومک ازارلری وفنا سوزلری و استهزایلری در ، یاخود طوفاندر . لکن هرایکینسینک مراد اولونمسندهده بر مانع یوقدر . زیرا ؛ جناب حق نوح علیه السلامی هرایکینسندن ده قورتارمشد . بوآیت ؛ طوفان نوحدن صوکره دنیاده موجود انسانلرک جمله سی نوح علیه السلامک نسلندن اولوب باشقه نسلدن اولمادیغنه دلالت ایدر . چونکه ؛ حضرت نوحک نسلنک بقای سی مصره دلالت ایدن (هم) ضمیریه وارد اولمشد . زیرا ؛ فخر رازی و خازنک بیانلرینه نظراً نوح علیه السلام کیدن چیقنجه کندیسيله برابر اولان مؤمنلرک جمله سی وفات ایدر ، آنجق اوج اوغوللری که (حام) ، (سام) ، (یافث) و کندی و آنلرک اولاد و عیاللری قالیر . عرب ، فارس و روم قوملری سام نسلندن ، سوره و موالیسی اقوامی حام نسلندن و نورك اقوامی یافث نسلنددر .

خلاصه ؛ نوح علیه السلامک جناب حقه تضرع و نیازده بولوندیغی و بونیاز اوزرینه واجب تعالی آنی و اهلنی هلاکدن خلاص بیوردیغی و حضرت نوحک نسلنک عالمده باقی قالدیغی بوآیتدن مستفاد اولان فوائد جمله سننددر .

..

واجب تعالی نوح علیه السلامک نداسنه اجابتک نتیجه سی نجات اولدیغی و ذریعتک الی یوم القیام بقاسنی بیاندن صوکره نوح علیه السلامک ذکر جمیلنک بقاسنی بیان ایتمک

اوزره ﴿وَوَرَّكُنَا عَلَيْهِ فِي الْآخِرِينَ﴾ \* سَلَامٌ عَلَى نُوحٍ فِي الْعَالَمِينَ \* ﴿إِنَّا كَذَلِكَ نَجْزِي الْمُحْسِنِينَ﴾ \* بیوریور .

[ بز عظیم الشان نوح علیه السلام اوزرینه نوحدن صوکره کله جک انبیا و امتلرک دیلارنده ذکر جمیل براقدرق . بناء علیه ؛ آنلرک جمله سی نوحه تعظیم و تکریم اولمق اوزره (سلام علی نوح فی العالمین) دعاسنی ذکر ایله شاسنه دوام ایدرلر . ] یعنی (سلام علی نوح فی العالمین) دیمک ؛ انبیا و خواص امت طرفندن تسلیم و تعظیم دنیاده و آخرنده نوح اوزرینه اولسون » دیمکدر . شوخالده الی یوم القیام انسانلر بوموال اوزره دعا ایله مشغول اولورلر [ و بز نوح علیه السلامی حسن جزا ایله جزالاندیردیغمز کبی قوللریمزدن ارباب احسانی بویله جه جزالاندیریرز . چونکه احسانک جزاسی ؛ عین احساندر . ]

بیضاوینک بیانی وجهله بوسلام نوح علیه السلامه انسانلردن اولدیغی کبی واجب تعالی طرفندن و ملکلردن اولمق احتمالی ده واردر . بناء علیه ؛ نوح علیه السلامه سلام ؛ جمله انس و جنندن و ملکلردن و الله تعالی دن واردر دیمکدر . بو سلامه دعا و ثنایه نائل اولسی الله تعالی به عبادته و ناسله معاملدهده احسان اوزره بولونماسیدر . زیرا ؛ نوح علیه السلامه شو سلامک احسانی اوزرینه مکافات و احسان اوزره مجازات اولدیغی جناب حق بیان بیورمشد .

..

واجب تعالی نوح علیه السلامک ذکر جمیلنی عالمده ابقا ایتدیکنی و ابقانک سببی حضرت نوحک ارباب احساندن اولدیغی بیاندن صوکره ابقانک ایکنجی سببی بیان ایتمک اوزره ﴿إِنَّهُ مِنْ عِبَادِنَا الْمُؤْمِنِينَ﴾ \* بیوریور .

[ نوح علیه السلام بز مؤمن قوللریمزدندر . ]

یعنی ؛ بز نوحک ذکر جمیلنی عالمده ابقا ایتدک . نصل ابقا ایتمه یلم ؛ البته ابقا ایدرز . زیرا ؛ نوح علیه السلام بزه ایمان و کمالیه متوکل اولوب جمله امورینی بزه تفویض ایدن خواص بندکانمزدندر .



[ ذکر ایت ای ] نَجی معظم ! شول زمانی که اوزمانده ابراهیم پدرینه و قومنه « سز هانکی شیئه عبادت ایدرسکزر ، اللهک دوننده افترا اولارق معبودلرمی مراد ایدرسکزر ؟ » دیدی . [ وبوسوزی ایله آنلری ایقاپه چالیشدی . چونکه ؛ اللهک غیری معبود اتخاذا ایتمهک افترا وباطل اولدیغنی آنلره آکلامق ایستهدی .

بو آیتده همزه ؛ استفهام انطاری ونویسج ایچون اولدیغندن بوسوزیله ابراهیم علیه السلام اللهک غیری بر طاقم طاشدن و آغاجدن یاپلش بوتلری معبود اتخاذا ایتدکلرندن طولای آنلری تویسج وتکدیر وبومثللو عبادته لایق اولمایان شیرله عبادت ایتدکلرندن طولای کندیلرینک تکدیره مستحق اولدقلمینه ده اشارت ایتدی . چونکه ؛ اوپوتلر لوازم الوهیتدن ومقتضای ربوبیتدن عاری بر طاقم عاجز ودنی شیردن عبارت اولدیغنی جهته ادنی عقلی اولان بر کیمسه عننده بیلله آنلره عبادت ایتک باطل وامر منکر اولدیغنی میدانده بولوندیغنی جهته آنلری معبود اتخاذا ایدن احقلم هر زمان تویسجه شایندرلر .

بومقامده منکر اولان شیئک افک وافترا اولدیغنه اشارت ایچون همزه استفهام ؛ افک اوزرینه داخل اولدیغنی کبی ( افکا ) لفظی ده فعل اوزرینه تقدیم اولونمشدرکه اعتقادلرینک اساسی افترا اوزرینه بنا قیلندیغنه دخی اشارت واردر .

آیتده ( ماذا ) لفظی محقری اشعار ایتدیکندن ابراهیم علیه السلام سوزده باشلارکن معبودلرینک حقیر شیرل اولدیغنه دخی اشارت بیورمشدر .

..

واجب تعالی ابراهیم علیه السلام قومنک اعتقادلری افک وافترا اوزرینه بنا اولوندیغنی بیاندن صوکره بو جنایتک منشائی بیان ایتک اوزره ﴿ فَمَا ظَنُّكُمْ بِرَبِّ الْعَالَمِينَ ﴾ بیوریور .

« ای مشرکلم ! عالمک ربسه سزک ظنکزر واعتقادیکزر ندر ؟ » [

یعنی ؛ ابراهیم علیه السلام قومنه خطاباً « سز بر طاقم عاجز طاشی و آغاجی معبود اتخاذا ایدنجه بو عالم مکونائی تربیه و هر جزئی کالنه ایصال ایدن الله تعالی به اعتقادیکزر

نهر ؟ شو جمادات معبود اولقده رب تعالی به شریک اولورمی ؟ و یاخود واجب تعالی بی حاشا جمادات جنسندنمی ظن ایدیورسکزر و آنلری الله تعالی بی مساوی عدا ایدیورسکزر حالکزر ندر ؟ » دیمکله قومی انصافه دعوت ایتدی .

بیضاوینک بیانی وجهله ابراهیم علیه السلام بوسئوالیه جناب حقک عبادته البق اولوب آندن باشقه عبادته اهل بر کیمسه اولمادیغنی بیان بیورمشدر . چونکه واجب تعالی نک بالجمله عالمک ربی اولدیغنی بیان ایتک ؛ شریکی ونظیری اولمادیغنی بیان ایتکدر . زیرا ؛ بوتون عالمک فیض ونشووفا و یرن آنجق واجب تعالی در . بونک خارجنده کی اعتقاد ؛ اوهام وخیالاتدن عبارتدر . ابراهیم علیه السلام بوکلامیله قومنک حماقتی میدانه قویمشدر . چونکه کلامنک خلاصه سی ؛ « سز طاشی و آغاجی معبود اتخاذا ایدنجه بوتون عالمک خالق و مریسی اولان واجب تعالی ، سزک اعتقاد کزده عجبانه اولور ونه دیورسکزر ؟ » دیمک ایستهدی .

..

واجب تعالی ابراهیم علیه السلام قومنک اعتقادلرینک باطل اولدیغنی بیان ایتدیکنی ذکر ایتدکدن صوکره ادله عقلیه وخارجیه ایله قومی اقناعه چالیشدیغنی بیان ایتک اوزره

﴿ فَتَنَّا نُظْرَةً فِي النُّجُومِ ﴾ فَقَالَ إِنِّي سَقِيمٌ ﴿ قَتَلُوا عَنْهُ مُذْرِيْنَ ﴾ بیوریور .

[ ابراهیم علیه السلام نجوم کتابلرینه باقدی وقومنه « بن خستهیم » دیدی . خسته لغنی ایشیدنجه قومی آندن آرقه سین آرقیه فرار ایتدیلر . ]

یعنی ؛ ابراهیم علیه السلام قومنده اماره صلاح کورمه یجه آنلرک اعتقادلرینک بطلانی ادله عقلیه ایله آنلره کوسترمک و کفریاتلرینی آجیقندن آجیغه میدانه قویمق فکریته بناء علم نجوم کتابلرینه باقدی . چونکه ؛ قومی علم نجومه پک زیاده اهمیت وبردکری کبی بعض حوادثی بیلدیرلردن استدلال ایتدکلرینی اعتقاد ایتدکلری جهته آنلرک اعتقادلری اوزره علم نجومه نظر ایتدی و « بن خستهیم » دیدی . زیرا ؛ کندیسنه نوبت کلدیکی بر زمان اولدیغندن خستهیم سوزی یالان دکلدی و بن خستهیم دینجه قومی آندن



زمان فوت ایتکسزین فرارایتدیلر. چونکه؛ اودیارلرده وبا چوق اولدیغندن خسته لقدن و آنک سرایتدن پک زیاده قورقارلردی.

فخر رازی و خازنک بیانلری وجهله وقعه شویله جریان ایتشدرد: ابراهیم علیه السلام قومنک عادتلری بایرام کونلری قربانلر کسرلر و طعاملر پیشیرلر، عبادتخانه لرینه کوتوروب پوتلرینک یانلرینه قورلر. بایرام محله کیدرلر و کولر اوینار و شتکلر یاپارلر بعده دوزلر معبد خانه لرینه کلیرلر و پوتلرینک یاننده تبرکاً پیشیردکلری یمکلری بیرلردی. بر بایرام کونی ابراهیم علیه السلامه بایرام یرینه کیدلمسی تکلیف ایتلری اوزرینه ابراهیم علیه السلام کیتمه مک و بونلر بایرام یرینه کیدنجه پوتلرینی قیرمق و پوتلردن آنلره بر فائده اولمادیغنی بیلدیرمک و اعتقادلرینک بطلاننه دلیل سرد ایتک فکريله آنلره خسته لق عذرینی درمیان ایتدی. ابراهیم علیه السلامک خسته لغنه کلنجه؛ حقیقتده کندیسندده حما خسته لغنی واردی، یاخورد آنلرک کفریاته کدرندن قابی خسته ایدی، یاخورد باشقه جه وجودنده بر انحراف واردی. بناء علیه؛ خسته یم سوزنده اصلا یالان شایه سی یوقدی. چونکه؛ آز چوق وجودنده بر خسته لق واردی و بو خسته لغنی ده آنلرک اعتماد ایتدکلری علم نجومه باقارق آنکله استدلال ایدرکی کوستردی که عذرینی قبول ایتسونلر و بایرام یرینه کوتورمکه اصرار ایتسونلر.

..

واجب تعالی قوم ابراهیمک بایرام یرینه کیتدکلرنده ابراهیم علیه السلامک پوتلره واقع اولان معامله سنی بیان ایتک اوزره ﴿فَرَاغَ إِلَىٰ آلِهَتِهِمْ فَقَالَ أَلَا تَأْكُلُونَ \* مَا لَكُمْ لَا تَنْطِقُونَ \* فَرَاغَ عَلَيْهِمْ ضَرْبًا بِالْيَمِينِ \* فَأَقْبَلُوا إِلَيْهِ يَزْفُونَ \*﴾ بیوریور.

[ ابراهیم علیه السلام خسته لق بهانه سیله بایرام یرینه کیتمه نجه کافرلرک معبودلری جهته میل ایتدی و او طرفه یوروددی ده پوتلره خطاباً «سزیا نکزده بولونان طعاملردن یمیزمیسکز، نه اولدی سزه که سوز سویله یورسکز؟» دیدی و پوتلرک یانلرینه میل ايله

یا قلاشدی و صاغ ایلله ووروب قیرمهه باشلادی. بونی خبر آلان کافرلر سرعتله ابراهیم علیه السلامه کلدیلر. ]

ابراهیم علیه السلامک پوتلره «یمیزمیسکز و نه ایچون سویله مزسکز؟» دیمسی تهکم واستهزا ایچوندرد، حقیقی بر سئوال دکلدرد. زیرا؛ ابراهیم علیه السلام آنلرک یمیدکلرینی و سولمکه اقتدارلری اولمادیغنی بیلدیکندن حقیقی بر سئواله حمل اولوناماز. چونکه؛ یوقاریده بیان اولوندیغنی اوزره بایرام مناسبتیه عادتلری وجهله پوتلرک یانلرینه نفیس طعاملر قومیشلردی. آنلر کیدوب ابراهیم علیه السلامک و تنها قالنجه پوتلرک یانلرینه کلیر واستهزا طریقیله «شونفیس طعاملردن نه دن یمیزسکز و سزه نه کبی شی عارض اولدی که سئواله جواب و یروب سویله میورسکز؟ حالبوکه سزه عبادت ایدنلر امور مهمه لرینی سزه عرض ایدرلر و هر شیئی سزدن بکلرلر» دیدکدن صوکره پوتلره یا قلاشدی و صاغ ایلله آنلره ووردی، قیردی و پارچه لرینی اوفاندی. بوخبر بایرام محله واصل اولونجه اهابلنک جمله سی ابراهیم علیه السلام طرفه یورودیلر و کال سرعتله نفس المفسزین قوشه قوشه کلدیلر. چونکه؛ بوخبر آنلرجه پک غریب اولدینی کبی ابراهیم علیه السلامک مخالفتی ده بیلدکلرندن ابراهیم علیه السلامک قیردیفنه حکم ایتدیلر و اخذ انتقام سوداسیله کلدیلر.

..

واجب تعالی ابراهیم علیه السلامک پوتلری قیردیفنی و بوشایعه اوزرینه قومنک حضور ابراهیمه کلدکلرنده ابراهیم علیه السلامک آنلره خطاباً سویله دیکی سوزلرینی بیان ایتک اوزره ﴿قَالَ أَتَعْبُدُونَ مَا تَحْمِلُونَ \* وَاللَّهُ خَلَقَكُمْ وَمَا تَعْمَلُونَ \*﴾ بیوریور.

[ ابراهیم علیه السلام قومی حضورینه کلنجه آنلر سوزه باشلامازدن اول ابراهیم علیه السلام سوزه باشلادی و دیدی که «سز کندی الکزله یونتوب کسروتوربی ايله یابدیفکز شیلر می عبادت ایدر و آنلری معبود اتخاذا ایدر سکز و معبود اتخاذا ایتدیککز جماداته الوهیه لایق بر صفت وارمیدر که عبادته لایق کوریور سکز و بر طاقم کندی الکزله یابدیفکز جماداته عبادت ایتکدن اوتانمیورمیسکز؟ حالبوکه سزی و سزک عبادت ایتدیککز معبودیکزی که او طاشلری و آغاجلری الله تعالی خلق ایتدی. بناء علیه؛



عبادتکزی الله تعالی به حصر ایتمکز لازمدر ، دیمکه قومی بوتله عبادتن منه چالیشدی وطریق حقہ دعوتده سعی بلیغ کوسترهی . [ ابراهیم علیه السلام بوتله عبادتک بر امر منکر اولدیغه اشارت ایچون کلامتک بدایه سنده استفهام نظری ایله ایراد ایشدرکه آنلر سوزده باشلامق سزین معبودلرینک باطل اولدیغنی بیان ایتدی ومعبود حقیقینک کیم اولدیغنی آنلره بیلدیردی .

بو آیت جلیله ؛ کَرَک قوللرک کندیلری وکَرَک ایشله دککری ایشلری واجب تعالی به مستند اولوب ، خالق آنحق الله تعالی اولدیغه دلالت ایدر . بناء علیه ؛ معتزله نک « قول فعلی خالقدر ، سوزلری واعتقادلری بو آیتله مردود وباطلدر .

..

واجب تعالی ابراهیم علیه السلام قومی دلائل قطعیه ایله الزام ایتدیکنی بیاندن صوکره آنلرک عامیه قارشى عجزلرینی بیلدیرمه مک وقلبلرنده اولان بغض وعداوتلری نسبتنده اخذ انتقام وایدا ایتک جهتنی التزام ایدرهک انهای مشاورده ایراد ایتدککری سوزلرینی ونیجه مشاوره لرینی بیان ایتک اوزره ﴿ قَالُوا ابْنُوا لَهُ بُنْيَانًا فَأَلْقُوهُ فِي الْجَحِيمِ ﴾ بیوریور .

[ آنلر ابراهیم علیه السلامه دلیل کتیرمکه مقابله ایدمه نیجه انهای مشاورده بعضیلری بعضیلرینه « ابراهیم ایچون بر بنا یاپک واو بنای آتله طولدورک ابراهیمی آتک ایچنه آتک ، دیدیلر . ]

کرچه بو آیتده ابنیه نک کیفیتنه دلالت یوق ایسه ده بعض روایت نظرآ اوتوز آرشون یوکسک ویکرمی آرشون اگنده اولدیغنی وبو بنای اودونله طولدوروب آتک علوی سمایه سر چکدیکی بر زمانده ابراهیم علیه السلامی منجیقله آتله آتدقکری مرویدر .

..

واجب تعالی بو آتله آتمقدن مقصدلرینک نه اولدیغنی بیان ایتک اوزره ﴿ فَأَرَادُوا بِهِ كَيْدًا فَجَعَلْنَاهُمُ الْأَسْفَلِينَ ﴾ بیوریور .

[ ابراهیم علیه السلامی آتله آتمقدن مقصدلری آندن اخذ انتقام خصوصنده جله یایمق صورتیه کندیلرینی عاله قارشى عالی وقوتلی کوسترمکدی ولکن بو جله لری اوزرینه تدبیرلرینک خلافت بز آنلری غایت ذیل وحقیر قیلدق . بناء علیه ؛ مقصدلرینه نائل اولامدیلر . ] چونکه ؛ ابراهیم علیه السلامی یایمق ایچون بیک مشکلاته یاقدقکری آتشری ابراهیم علیه السلام حقنده چار چن ، کول کاستان اولشدر . شوخالده امککری ضایع اولوب سغیرلرینک فائده سنی کوره مدککرندن امید ایتدککری علویتدن محروم وعاله قارشى رسوای اولمشدر . زیرا ؛ ابراهیم علیه السلامک مضرتنه اولارق واقع اولان تشبثلری آنک منفعتنه کندیلرینک مضرتنه ظهور ایتش وعاله قارشى سفیل ، رذیل ومایوس اولمشدر . بونلرک بوحر کتکری ابراهیم علیه السلامک شاتی یوکسکتمش ونبوته برهان علنی اولمشدرکه نلرک آنک حقنده چار چن اولسی معجزه عظیمه در .

(اسفلین) (اذلین) معنانه در . یعنی « ذلیل اولانلردن دها زیاده ذلیل قیلدق » دیمکدر .

..

واجب تعالی ابراهیم علیه السلامک کافرلر طرفدن آتله قونولدیغنی بیاندن صوکره آتشدن چیققدن صوکره جریان ایدن احوالی بیان ایتک اوزره ﴿ وَقَالَ إِنِّي ذَاهِبٌ إِلَىٰ رَبِّي سَيَهْدِينِ ﴾ رَبِّ هَبْ لِي مِنَ الصَّالِحِينَ ﴿ فَبَشِّرْنَاهُ بِعَلَامٍ حَلِيمٍ ﴾ بیوریور .

[ ابراهیم علیه السلام فرودک آتشدن چیقچه « بن ربکم بولرحمته وطرف غایت کیدرم ، اومارم که ربم بنی راحت ایدم جکم وقلیم مطمئن اولاجق بر محل مبارکه هدایتده قیلار . یاربی ! بکا صالحلر زمره سندن بر اوغلان ویر ، دیمکه ربسه تضرع ونیاز ایتدی . بناء علیه ؛ بز آنک دعا سنی مستجاب قیلارق حلمه متصف بر اوغلانله تبشیر ایتدک . ]

یعنی ؛ اعدانک چوقلغندن طولای ابراهیم علیه السلام امین بر محله هجرت ایتک مراد ایتدی . چونکه ؛ دنیاده هیچ بر کیمسه به روا کوروله بن اذابی دشمنلری ابراهیم



عليه السلامه لایق کوردکلرندن تحمل ممکن اولامادی جهته هجرت قرار ویرمسی اوزرینه واجب تعالی شام جهته هجرت ایتسی وحی بیوردی . ایسته او وقت ابراهیم علیه السلام « بن ربک بکا امر ابتدکی محله کیدیچی م ، اومارم که ربم بم دینی و دنیوی مقصدلرمک حصوله کله جکی مملکته بنی ایصال ایدر ، دیمکله صورت قطعیه ده هجرت ایده جکفی بیان ایتدی .

فخر رازینک بیانی وجهله دشمنک چوق اولدینی محلدن هجرت واجب اولدیغه بو آیت دلالت ایدر . زیرا ؛ ابراهیم علیه السلامه نصرتی وعد ایتدیکی حالده دشمنلرینک چوقلغندن طولانی هجرتنه مساعدده بیورونجه بو مثللو محذوره بناء عوام ناسک هجرتی اولویتله ثابت اولور . بناء علیه ؛ دیاتجه سلامت اولان محله هجرتک وجوبنده شبه یوقدر . ابراهیم علیه السلام شام جهته هجرت ایدوب ارض مقدسده قرار ایدنجه جناب حقندن اسمنی احیا ایده جک و آرقه سنده قالاچق و اییلر زمره سندن اولاجق بر اوغلان ایسته دی . زیرا ؛ کافرلری دینه دعوت خصوصنده کندینه یارديم و دیار غربتده کندیسيله انسیت ایده جک اوغلان اولدینی ایچون اوغلان اولادی ایسته مش و جناب حقده دعاسنی قبول بیورمشدر .

خلاصه ؛ مقصد صحیحه مبنی بر مملکتدن دیگر مملکته هجرتک مشروعیق و صلحادن اولق اوزره چوق ایسته مه نک جوازی و حلم صفتک اوصاف ممدوحه عظیمه دن اولدینی بو آیتدن مستفاد اولان فوائد جمله سندندر .

\* \*

واجب تعالی ابراهیم علیه السلامه بر اوغلان احسان ایتدیکنی بیاندن صوکره ابراهیم علیه السلامه برابر اوغلونک بعض امور و خصوصه سعی ایتمکه باشلادینی زمانده واقع اولان حادثاتی بیان اتمک اوزره ﴿ فَلَمَّا بَلَغَ مَعَهُ السَّعْيَ قَالَ يَا بُنَيَّ إِنِّي أَرَىٰ فِي الْمَنَامِ أَنِّي أَذْبَحُكَ فَانْظُرْ مَاذَا تَرَىٰ ﴾ بیورمیشدر .

[ وندا که ابراهیم علیه السلامک اوغلو کندیسيله برابر امور معیشته سعی ایدر اولوب و مصالح مهمه ده پدرینه یارديمه باشلادی ایسه ابراهیم علیه السلام شفقتدن ناشی اوغلونه

رؤیاسنی حکایه به باشلادی و دیدی که « ای اوغولجغزم ! بن رؤیاده کوریمورم که الله تعالی به قربان ایچون بن سنی کیدیورم . بناء علیه ؛ باق کور ! شورؤیاده سن نه تفکر ایدر دوشونورسک ، اللهم شو ابتلاسه صبر ایدرمیسک ، یوقسه صبر ایتزمیسک ؟ » دیمکله اوغلونک رأینه مراجعتله استشاره ایتدی .

فخر رازی ، خازن و قاضینک بیانلرینه نظراً ابراهیم علیه السلام لیلہ ترویه ده بورؤیایی کورمش ولکن شیطانی میدر ، یوقسه رحمانی میدر ؟ شک ایتمش و عرفه کونی تکرار کورمیش رحمانی اولدینی یلمیکنمده او کونه عرفه دیمشدر . اوچنچی کونی تکرار کورمیش امر قطعی السهری اولدینی یلمیکنمده و قربانه قصه ایتیمکنمده او کونه یوم نحر یعنی قربانه کونی دیمشدر . بناء علیه ؛ ابراهیم علیه السلام اوغلونه ایپ و ییچاق آلوب اودون کتیرمک ایچون طاغ باشلرینه کیده بکلرینی بیان ایدر . چونکه ؛ اودون ایچون طاغه کیتمک عادتلری ایدی . عادتلری وجه اوزره ایپ ، بالطه و ییچاق آلدیلر و (منه) دنیلن محله وارنجه ابراهیم علیه السلام اوغلونه رؤیایی حکایه و طرف التهدید بویه بر ابتلا و امتحان اولدینی بیانه ایشی استشاره به حواله ایتدی . شو ذبح اولونمقله امر اولونان اسحق علیه السلامیدر ، یوقسه اسماعیل علیه السلامیدر اختلاف وار ایسه ده اصح اولان اسماعیل علیه السلامدر . زیرا ؛ ابراهیم علیه السلامک هجرتندن صوکره تبشیر اولونان اسماعیل علیه السلامدر . چونکه ؛ بوسورده ذبح قصه سی ختام بولدقن صوکره اسحق علیه السلامه تبشیر اولونمسی ذبحه مقارن اولان تبشیرک اسماعیل علیه السلام حقنده اولدیغه دلالت ایدر . زیرا ؛ معطوفک معطوف علیک غیری اولمسی قواعد عربیه اقتضاسندندر . رسول اللهک « بن ایکی ذبیحک اوغلویم » بویورمسی ده قربان اولونمسیله امر اولونانک اسماعیل علیه السلام اولدیغه دلالت ایدر . چونکه ؛ رسول اللهک جدی (عبدالمطلب) زمزم قیوسنک تطهیرنده قولایلق اولورسه اون اوغلوندن برینی قربان ایده جکفی نذر ایتمش و سهولت کورولمسی اوزرینه نذرینی ایضا ایتمک ایچون اوغلانلری بیتده قرعه چکمش و قرعه ده رسول اللهک پدری (عبدالله) حضرتلرینک اسمی چیقمشدر . بناء علیه رسول اللهک ایکی ذبیح ایله مرادی ؛ همدامدی اسماعیل علیه السلام و بربری



حضرت عبداللهم. قربان اولق ایچون چکیلن قرعه ده عبداللهک اسمی چیقجه عبدالمطلب اوغلو بدلنده یوز دوه قربان ایتدیکندن بو اساسه رعایه شریعت احمدیه ده انسانک دیتی یوز دوه اولق مشروع قیلنمشدر. ذبح وقعه سنک مکده اولمسی ده قربان قیلنمسیله امر اولونانک اسماعیل علیه السلام اولوب اسحق علیه السلام اولمادیغنه دلالت ایدر. زیرا؛ چوجقلغندبری مکده نشأت ایدرک اقامت ایدن اسماعیل علیه السلامدر. حالوکه اسحق علیه السلام شام جهنده و قدس شریف جوارنده نشأت و اقامت ایتمشدر.

..

واجب تعالی ابراهیم علیه السلامک اوغلو نه رؤیای حکایه سنی بیاندن صوکره بوتکلیفه قارشى اوغلوک جوابی بیان ایتک اوزره ﴿ قَالَ يَا أَبَتِ افْعَلْ مَا تُؤْمَرُ سَتَجِدُنِي إِن شَاءَ اللَّهُ مِنَ الصَّابِرِينَ ﴾ بیوریور.

[ پدرى اوغلو قربان یاغمله مأمور اولدیغی بیان ایدنجه اوغلو « ای بابام! امر اولوندیغک شیئی ایشله. ان شاء الله سن بنی صبر ایدیجی کیمسه لردن بولورسک » دیدی ] که اسماعیل علیه السلامک بوسوزی توفیق الهی به یاپیشمق وقضاء الهی به راضی اولق صورتیه کمال اطاعت و انقیادینه دلالت ایدر و کندیسک صابر لر زمره سندن اولاجنی مشیت الهیه به تعلیق ایتمکه پدرینه ده صبر توصیه ایتمش اولدی. چونکه؛ پدرده اولان شفقت ایجابی صبر سزلق احتمالی اولدیغندن کندیسک صبر ایده جکفی بیان ایتدی پدرینک شفقت التفات ایتیهوب صبر ایتمنی مستلزمدر.

فخر رازی، قاضی و خازنک بیانلری وجهله شو تکلیف غایت مشقت و اندیشه یی موجب اولدیغندن بردن ورود ایتدی، بلکه اویقو حالنده تدریج صورتیه کلشدرکه وقت کچمک ایله قلبی راحت اولسون. چونکه؛ بویله بر امرک علی العجله کلشنده انسانک نه یاپاجغنی شایرمنی و حیره دوشمنی عادتیدر. بناء علیه؛ قلب نبویلرینی آلیشدریمق واضطرابی دفع ایتک ایچون تدریج صورتی اختیار اولومش و کمال اطاعت و انقیادلرینه اشارت ایچون قربانله امر رؤیا صورتیه کلشدر. چونکه؛ اویقو حالنده کان بر امره بوقدر سرعتله اطاعت ایدن بر کیمسه نک اویانیق حالنده کان بر امره دهها زیاده سرعتله

اطاعت ایده جکی اولویتله ثابت اولدیغندن شوا مشاک کمال اخلاصه دلالت ایده جکنده شبهه یوقدر. اوغلو ایله استشاره نک حکمتی ده بو اولدیغی کبی اوغلوک طاعت الهیه ده صبری پدرینه ظاهر اولقله قره العین اولسون و پدری اوغلوک صفت حلمده شو بویوک مرتبه به و صبرده درجه عالییه بالغ اولدیغنی بیلنسی و اوغلوک آخرتده چوق ثوابه نائل اولمسیدر. معصیتدن خلاص اولماز، آنجق عصمت الهیه ایله و طاعت اوزره قوت اولماز، آنجق توفیق الهی ایله اولسنه بناء اسماعیل علیه السلام شو ابتلایه صبرینی مشیت الهیه به تعلیق ایتمشدر.

..

واجب تعالی پدرینک اوغلو ایله استشاره لرینی بیاندن صوکره هرایکیسک امر الهی به انقیاد اوزره اتفاق ایتدکلرینی بیان ایتک اوزره ﴿ فَلَمَّا اسْلَمَا وَلِلَّهِ لِّلْحَبِيبِ ﴾ بیوریور.

[ وقتا که پدری و اوغلو هرایکیسی ده امر الهی به انقیاده اتفاق ایتدیلرسه ابراهیم علیه السلام اوغلو صاغ جانبی اوزرینه یاتیرنجه آلتک بر طرفی یره یاماندی. ایشه او وقت هرایکیسی ده سعادت عظمایه ایردیلر. ] و ابراهیم علیه السلام توجه تامله حقک جانب معنویسنه توجه ایتدی. بناء علیه؛ درکاه الوهیتده نائل اولاجنی قربینه نائل اولدی. بیضاوینک بیانی وجهله شو وقعه (منه) ده الیوم قربان کسین محله و یاخود منانک مسجدینه یقین بر محله اولمشدر. ابراهیم علیه السلام اوغلو یاتیرتوب ییچاغی اسماعیل علیه السلامک بوغازینه برقاج دفعه چالمش ایسه ده ییچاق کسمه نیجه حیره دوشدی. اسماعیل علیه السلام پدرینه یوزی اوسته یاتیرتوب پدرینک یوزی کورمه مسنی تعریف ایتدی. چونکه؛ یوزینه باقمسیله شفقتی ییچاغی شدتله چالمسه مانع اولدیغندن کسمه دی ظن ایتدی. حالوکه تعریف وجه اوزره یاتیردی ییچاق یه کسمه دی. چونکه؛ ابراهیم علیه السلام هر نه قدر چالیشه اراده الهیه ییچاغک کسمه مسنه تعلق ایتدیکی ایچون چالیشمده فائده یوقدی، زیرا؛ ابراهیم علیه السلام کسمکه مأمور اولوب ییچاق ایسه کسمه مکله مأموردی. واجب تعالی ایسه قوج کوندروب اسماعیلی ییچاقدن و ابراهیم



عليه السلام ده ابتلا و حزن و كدردن قورتارمق اوزره جبريله امر ايدىوردى . ايسته شووقه بر امرالهيئك انسانلر حقنده ظاهر حاله نظراً نه قدر مشكل كورونسه انقياد لازم اولوب آنك ايچ يوزنده بر چوق حكمتلر اولديغنه دلالت ايدر .

\*\*\*

واجب تعالى ابراهيم عليه السلام و اوغلونك امرالهي به كمال اطاعتلريني بياندن صوكره واقع اولان احوالى بيان ايتك اوزره ﴿ وَنَادَيْنَاهُ أَنْ يَا إِبْرَاهِيمُ ۖ قَدْ صَدَّقْتَ الرُّؤْيَا إِنَّا كَذَلِكْ نَجْزِي الْمُحْسِنِينَ ﴾ بيوريور .

[ بز عظيم الشان ندا ايتك ديدك كه « يا ابراهيم ! محقق سن رؤيائي تصديق ورؤيانك مقدماتنه باشلامقله امريمزه امثال ايتك و بزم رضامزى تحصيل ايچون كوزك نوري اوغلونكي قربان ايتك راضى اولدك و بز سنى دوستلق مرتبه سنده ثابت قدم بولدق و بزم امريمزى يرينه كتيرمهك اخلاص اوزره چاليشجه احسان ايتك . بزم سكا احسان ايتديكمز كي جمله اهل احسانى بويله جه جزالانديررز . ]

ابراهيم عليه السلام امرالهي به كمال اخلاصه امثال ايتديكندن بالذات نداء الهي به واحسان سبحاني به نائل اولمشدر . چونكه ؛ بابا اوغول هرايكيسى ده امرالهي به تسليميت كوسترنجه سعادت عظمايه نائل اولديلر .

\*\*\*

واجب تعالى ابراهيم عليه السلامك رؤيائي تصديق ايتديكني بياندن صوكره امر اولونان قربان مسئله سنك امر عظيم اولديغنى بيان ايتك اوزره ﴿ إِنَّ هَذَا لَهُوَ الْبَلَاءُ الْمُبِينُ ۖ وَفَدَيْنَاهُ بِذَبْحٍ عَظِيمٍ ﴾ بيوريور .

[ شو امر اولونان قربان ميدانده بر ابتلادر و بز عظيم الشان اسماعيل عليه السلام بدلنده بر بويوك قوبونى فدا ايتك . ]

يعنى ؛ ابراهيم عليه السلامه امر اولونان شيئك كوچلكي ميدانده بر امتحاندر كه

انسان ايچون آندن دها بويوك بر امتحان و ابتلا اوله مازكه بو ابتلا طرف الهيدن نازل اولمش اخلاصى اولانلرله اولمايانلرى تفريق ايدر بر بريدن آيبر و ابراهيمك كمال اخلاصه امريمزه امثالى و اوغلونك تعلل و تردد كوسترمكسز ين همان بزه و پدرينه انقيادله بيجاغه تسليم نفس ايمنى اوزرينه بز اسماعيل عليه السلام بدلنده جهسى بويوك و غايت سمير بر قوج فدا ايتك كه هرايكيسنكده تفريقلى تمام اولسون و آنلك انسانلر آره سنده امثالى كورولمه مش ابتلايه صبر و تحمللرى مقابلنده امثاللرينك نائل اولمايى نعمتله نائل اولسونلر و آنلر ايچون حاضر لاديفمز اجر عظيم يريني بولسون .

فخر رازى و خاترك بيانلرى و جهله ابراهيم عليه السلام هاتقندن ندياي ايشيدنجه ايكي طرفه باقار كورور كه سمان كوزلرى سورمه لى و بويونوزلى بر قوچله جبريل كليور . جبريل عليه السلام حضرت ابراهيمه خطاباً « شو قوج قرق سنده درجتنده بيله نور اوغلونه فدادر . بناء عليه ؛ اوغلونك بدانده بونى قربان ايدجكسك » ديمشدر . بونك اوزرينه ابراهيم عليه السلام قوچى قربان ايتمش و جناب حقه حمد و ثنائى يرينه كتيرمشدر كه او وقت ابراهيم عليه السلامه عارض اولان سرور و فرحك تفريقى ممكن اولماز . چونكه ؛ نازل اولان قوج طرف الهيدن بر جي به بدل اولارق آنك اخلاصى ايچون كوندرلشدر . او قوج سبيله خلاص اولان اسماعيل عليه السلام نسلندن سيد المرسلين كله جكندن قوچك شاهه تعظيم ايچون عظمت ايله توصيف اولومشدر . ابراهيم عليه السلام اوغلونى قربان ايدجكسك شيطان و وسوسه ايديكى زمان ابراهيم عليه السلام يدى طاشي شيطانه آتديغندن شريعت اسلاميه ده حجاج ايچون او موقعده يدى طاش آتق مسنون اولمشدر .

قوچى فدا ايدن حقيقنده ابراهيم عليه السلام ايسده كوندرن و فدا ايتمى امر ايدن واجب تعالى اولديغندن فدا مجاز اولارق واجب تعالى به اسناد اولومشدر .

\*\*\*

واجب تعالى اووقنده ابراهيم عليه السلامه واقع اولان انعامله قايوب الى يوم القيام حسن ثنائى ابقا ايتديكني بيان ايتك اوزره ﴿ وَتَرَكْنَا عَلَيْهِ فِي الْآخِرِينَ ۖ سَلَامٌ عَلَىٰ إِبْرَاهِيمَ ۖ كَذَلِكْ نَجْزِي الْمُحْسِنِينَ ﴾ بيوريور .



[ ابراهيم عليه السلامه جمله احسانمزدن بریسی ده کندیسندن صوکره کله جک امتلرک لسانلرنده حسن ثناتی ابقا ایتدک. چونکه؛ اوامتلر دائماً (سلام علی ابراهيم) دعاسی یاد ایده جکلردر و بودعایی هیچ بر صورتله دیلرندن کسمزلر. یعنی سلامتله الی یوم القیام دعا ایدرلر. ایشته دنیاده و آخرتده ابراهيم عليه السلامه حسن صورتله مجازات ایتدیگمز کبی نیتلرنده اخلاص و احسان اوزره اولان کیمسهلری حسن جزا ایله مجازات ایدرز. چونکه؛ احسان ایدنلرک جزالری ده عین احساندر. ]

بو آیت جلیله ده بیان اولوندیجی وجهله انسان ایچون ناس آره سنده حسن ثنا و ذکر جمیل بر افاق بر مزیت عظیمه و سعادت جسیمه اولدیغندن اعمال حسنه تحصیلنه و ابنا جنسیله حسن معاشرت سبی و غیرت ایتمی لازمدر.

(المحسنین) جمع معرف بالهم اولدیغندن احسان صاحبی اولان هر فردک طرف السیدن احسانه مکافات اولارق حسن جزا کوره جکنه بو آیت دلالت ایدر.

..

واجب تعالی حسن جزا ایله مجازات اولونماک سببی بیان ایتدک اوزره ﴿ إِنَّهُ مِنْ

عِبَادِنَا الْمُؤْمِنِينَ ﴾ بیوریور.

[ ابراهيم عليه السلام حسن جزایه مستحقدر. زیرا؛ بزم مؤمن قوللریمزدندر. ] بناء علیه؛ بز آتی احسن جزا ایله مجازات ایتدک.

..

واجب تعالی ابراهيم عليه السلام قربان وقعه سنی و او وقعه دن صوکره واقع اولان

انعام واحسانی بیان ایتدک اوزره ﴿ وَبَشِّرْناهٗ بِاسْحَاقَ نَبِیًّا مِّنَ الصَّالِحِیْنَ ﴾ بیوریور.

[ بز عظیم الشان ابراهيم عليه السلامی نبوتی مقدر و صالحلر زمره سندن اسحق اسمنده بر اوغلانله دخی تبشیر ایتدک. ]

یعنی؛ اولاً اوغلونی قربان ایتمکله ابتلا و ثانیاً اوغلونه بر قوچ فدا ایتدک ایله مسرور و نالماً اسحق اسمنده بر اوغلانله تبشیر ایتدک که اسحق علیه السلام علم ازلیمزده انیادن معدود صلحا زمره سندنر. نبوتی بیاندن صوکره صلاحی ذکر ایتدک؛ اسحق علیه السلامک شانته تعظیم ایچوندر.

بو آیتده ابراهيم عليه السلامی اوج جهنده تبشیر واردر: برنجیسی؛ تبشیر ایمیلمن هر طرفک اوغورده اولمیسیر. چونکه؛ اوغلانک قیزه نیتله شرفی معلومدر. ایکنجیسی؛ او اوغورونک انبیا زمره سندنر اولمیسیر.؛ اوچنجیسی؛ صومرد نصف اولمیسیر.

..

واجب تعالی ابراهيم عليه السلام اوزرینه دیگر نعمتی بیان ایتدک اوزره ﴿ وَبَارَکْنَا

عَلَيْهِ وَعَلَىٰ اسْحَاقَ ﴾ بیوریور.

[ بز عظیم الشان ابراهيم واسحق علیهما السلام اوزرینه خیر کثیر قیلدق. ] زیرا؛ نسلنده برکت خلق ایتدک. بناء علیه جمله انبیاء بنی اسرائیل؛ اسحق علیه السلام نسلنددر. بو آیتده برکت؛ برکت دینه و دنیویه نک هر ایکسینده شاملدر. زیرا؛ ابراهيم و اوغلو اسحق علیهما السلام دینی و دنیوی برکته نائل اولمشلردر. چونکه؛ هر ایکسینکده ذکر جمیللری الی یوم القیام باقیدر. جناب حق آنلر اوزرینه دینی برکتلریض ایلدیکنندن اکثر انبیا آنلرک نسلندن کلش و شریعت سماویه آنلرک اوزرلرینه نازل اولش و آنلرک آللرنده ظهور ایتشددر. بونکله برابر دنیوی برکتلرده فیض ایلدیکنندن ابراهيم واسحق علیهما السلام ثروت صاحبلی اولدقلرندن اطعام طعام ایتمکله و مسافر پرولکله عالم عننده مشهورلردر.

﴿ وَمِنْ ذُرِّيَّتِهِمَا مُحْسِنٌ وَظَالِمٌ لِّنَفْسِهِ مُبِينٌ ﴾

[ آنلرک نسللرندن اعمال صالحه و اخلاق حسنه صاحبی و سائر احواللرنده احسان ایدیجی واللهم قوللرینه منفعت صاحبی کیمسهلر اولدینی کبی کفر و معصیتی ارتکابلله نفسنه ظلم ایدیجی کیمسهلرده اولاجمقدر. ]



فخر رازينک بيانى وجهله بر کيمسه نك ضلالت و هدايتنده و صلاح و فسادنده حسب و نسبک تأثيرى اولماديغه بو آيت دلالت ايدر . چونکه ؛ نسبک صلاحده تأثيرى اولمش اولسه ايدى ابراهيم واسحق عليهما السلامک نسللرندن ظالم کلزدى ، حالبوکه آنلرک نسللرندن ظالم کله جگنى جناب حق بو آيتله بيان بيورمشدر .

بو آيتده اولاد واحفادک ظلملرى آباء واجداد حققرنده نقيصه و عيب اولماديغى کي اسافلک جرمندن يوقارى طبقده اولانلره برشى عائد اوليه جفغه دخى تنيه واردر . چونکه ؛ ابراهيم عليه السلامک نسلندن کله جگ ظالملا اولاجنى بيان اولونديغى حالده ابراهيم عليه السلامه برشى اسناد اولونما مشدر . شو حالده پدرک فضائلندن اولادينه برشى انتقال ايتمه ديکى کي کناهندن ده اولادينه برشى انتقال ايتمز . بناء عليه ؛ يهود طائفه سنک اولاد انيادن اولمليله افتخار ايتلري باطلدر . زيرا ؛ کنديلري ظالمدر . شو حالده بابالري انباء کرامدن اولمقله کنديلرينک کناهلري ثواب مقامنه قائم اولمق لازم کلمديکندن پدرلرينک فضائليله افتخار ايتلري عين حماقدر .

..

واجب تعالى اجمالاً ارسال ايدمه جگنى بيان بيورديغى انبياء عظام حضرانندن نوح و ابراهيم عليهما السلامک قصه لرينه اشارتدن صوکره حضرت موسى و برادري هرون عليهما السلامک قصه لرينه اشارت ايتمک اوزره ﴿ وَلَقَدْ مَنَّا عَلَىٰ مُوسَىٰ وَهَارُونَ ﴾ وَنَجَّيْنَاهُمَا وَقَوْمَهُمَا مِنَ الْكَرْبِ الْعَظِيمِ ﴿ بيوربيور .

[ ذات الوهيمه قسم ايدرم که ابراهيم واسحق عليهما السلامک ذريقتدن موسى و هرون عليهما السلامه نبوتله برابر منافع دينيه و دنيويه ني انعام واحسان ايتدک . آنلري و آنلرک قوملرينى فرعون کي بر جبارده نك ظلم و جورى و قهر و غايه سى کي غم عظيمدن قورتاردق . ] فخر رازى و خازنک بيانلري وجهله انسانلر اوزرينه جناب حقک انعام واحسانى هر نه قدر چوق ايسده اساس اعتباريله ايکيدر که برنجيسى ؛ ايصال منافع ؛ ايکنجيسى ؛ مضرتى دفع ايتمکدر . بو آيتده هر ايکيسى ده بيان اولونما مشدر . زيرا من ؛ امسانه و منفعت

ايصال ايتمک ، کرب عظيمدن قورتارمق ؛ مضرتى دفع ايتمکدر . چونکه منافع دنيويه ؛ وجود ، هيا ، حيات ، تربيه ، علم و عرفانه ، عقل ، صحت بدينه و سائر کي صفات کلايه در . منافع دينيه ايسه عبادت ، اتقا ، استقامت و نبوت اولوب بونلرک جمله سى متنده داخلدر . دفع مضرت ايسه فرعونک اذاسنده خبره سى ايتمکدر موجوددر .

..

واجب تعالى اجمالاً اشارت ايتديکى انعامى تفصيل ايتمک اوزره ﴿ وَنَصَرْنَا هَٰؤُلَاءِ فَكَانُوا هُمُ الْغَالِبِينَ ﴾ وَآتَيْنَاهُمَا الْكِتَابَ الْمُسْتَبِينَ ﴿ وَهَدَيْنَاهُمَا الصِّرَاطَ الْمُسْتَقِيمَ ﴿ بيوربيور .

[ بز عظيم الشان موسى و هرون عليهما السلامه يارديم ايتدک . بناء عليه ؛ آنلر غالب اولديلر و آنلرک نعمتلري يالکر فرعونه غلبه ايتمک قالمادى . زيرا ؛ بز آنلره بيانى آچيق و احکامى ظاهر شگدن عارى دينى و دنيوى انسانلرک محتاج اولدقلري جمله احکامى جامع کتاب ويردک که او کتابله آنلره تابع اولان انسانلري اصلاح و طريق حقه دعوت ايتديلر و بز عظيم الشان آنلري طوغرى يوله هدايتده قيلدق که عقلاً و نقلاً طريق حقى کوستردک . بناء عليه ؛ آنلري و قوملرينى حق يولنه سوق ايتدک . ]

بنى اسرائيل اولجه فرعونک ائده اسير اولدقلري حالده عنایت الهيه امداد لرينه يتيشه رک موسى و هرون عليهما السلام واسطه لريله فرعونک اسارتدن قورتولمازى آنلرک حقنده پک بويوک نعمت اولديغندن جناب حق بومقامده نجاتلرينى احسان صيره سنده ذکر ايتمشدر . چونکه ؛ انسانلر ايچون دشمنه غلبه دن ده بويوک بر نعمت اولاماز . زيرا ؛ مغلوب ايکن غالب و محکوم ايکن حاکم اولمق قدر لذتلى بر شى يوقدر .

..

واجب تعالى حيانلرنده واقع اولان احسانى بعدالبيان و فائزندن صوکره دنيايه خلاصة البيان : اون ايکنجى جلد - ۲۲



ذکر جمیلترینی ابقا ایتدیکنی بیان ایتک اوزره ﴿ وَتَرَكْنَا عَلَيْهِمَا فِي الْآخِرِينَ ﴾  
سَلَامٌ عَلَىٰ مُوسَىٰ وَهَارُونَ ﴿ إِنَّا كَذَّلِكَ نَجْزِي الْمُحْسِنِينَ ﴾ بیوریور .

[ بز عظیم الشان صوکره کله جک امتار وقوملر ایچنده موسی ایله هرونک کوزل  
ذکرلرینی ابقا ایتدک . حق الی یوم القیام آنلر اوزرینه سلامتله دعا دائمدر . زیرا ؛ بز  
موسی وهرون کی احسان صاحبترینی حسن جزا ایله جزالاندیررز . بناء علیه ؛ آنلره  
وسائر ارباب احسانه یاردم ایدر دشمنلرینه غلبه ویرر دنیاچه نعمتلریمزله متمم قیلاررز .  
چونکه احسانک جزاسی ؛ احساندر . ] کرک عبادتی اللهک امری اوزره شرائطنه رعایت  
ایدهرک احسان اوزره ادا ایدنلره وکرک ابناء جنسیله حسن معاشرت ایدوب احسان ایدنلره  
بز کوزل جزا ایله مکافات ایدرز .

﴿ إِنَّهُمَا مِنْ عِبَادِنَا الْمُؤْمِنِينَ ﴾

[ موسی ایله هرونه فصل کوزل مکافات ویرمیهلم ؟ البته ویررز . زیرا ؛ آنلر بزم  
مؤمن قوللریمزدندر . ] واجب تعالی ایمانله حاصل اولان فضیلتک اشرف واعلا اولدیغنه  
اشارت ایچون موسی وهرون علیهما السلامی بوآیتده ایمانله توصیف بیورمشددر . چونکه ؛  
موسی وهرونک بر چوق مزایای اولدیغی حالده او مزایای عالیله ایچندن ایمانلرینی ذکر  
ایتمک ؛ ایمانلرینک شرفه تنبیه ایچونددر . ایمانک حسن جزایه سبب قوی اولدیغنه بوآیت  
دلالت ایدر . چونکه آیتده ایمان ؛ حسن جزایه علت وسبب قیلنمشددر . بناء علیه ایمانک ؛  
جمله خیراتی جالب وانواع نعمتی جاذب وهردرلو سعادتق کافل اولدیغنه آیت قطعی بردیلیدر .

..

واجب تعالی موسی وهرون علیهما السلامک قصه لرینه اشارتدنصکره الیاس علیه السلامک  
قصه سنه اشارت ایتک اوزره ﴿ وَإِنَّ إِلْيَاسَ لَمِنَ الْمُرْسَلِينَ ﴾ اِذْ قَالَ لِقَوْمِهِ اَلَا  
تَتَّقُونَ ﴿ اَتَدْعُونَ بَغْلًا وَتَذَرُونَ أَحْسَنَ الْخَالِقِينَ ﴾ بیوریور .

[ الیاس علیه السلام محقق بزم طرفزدن قوللریمزلی اصلاح ایچون کوندریلن رسوللردندر

وذکر ایت یا اکرم الرسل ! شول وقتق که او وقته الیاس کندی قومه « سز اللهدن  
قورقازمیسکزر که معصیت ارتکاب ایدرسکزر ؟ » دیدی و « سز ( بعل ) اسمنده پوته  
عبادت ایدرده خالقلرک اک کوزلی اولان الله تعالی به عبادتی ترک ایدرمیسکزر ؟ » دیمکله  
قومه کیتدکلی یولک کوتو اولدیغنی بیلدیردی .

فخر رازی وخازنک بیانلری وجهله الیاس علیه السلام هرون علیه السلامک اولادندندر .  
یدرینک اسمی ( یاسین ) در . موسی وهرون علیهما السلامدن صوکره بعث اولونان  
انبیاء بنی اسرائیلدندر . الیاس علیه السلامک قومی سیل سلامت وطریق استقامتدن آیریلنجه  
حرف السهدن آنلری ارشاده مأمور اولسی اوزرینه قومه خطاباً « ای مفسد لر !  
سز اللهدن قورقازمیسکزر که اللهک غیری بر طاقم پوتلره عبادت ایدرسکزر و جمادات  
قیلندن اولان ( بعل ) اسمنده بولونان پوتلره عبادت ایدر ومهم حاجتلیکزرده آنلره  
حراجعت ایدرده اللهی ترکمی ایدرسکزر ؟ » دیدی .

بعل ؛ شام دیارنده بر قصه اهابنک پوتلرینک اسمیدر . حتی او پوتلرینک اسمیله  
مملکتلری تسمیه قیلندیغندن اولدیه ( بعلک ) دینور . بعض روایتنه نظر آبوپوت آلتوندن  
معمول یکریمی آرشون اوزونلغنده ودرت عدد یوزی وار ایش وچوق تعظیم ایتدکلیندن  
درتیوز قدر خدمتچی تعیین ایتمشلرددر . ایشه الیاس علیه السلامک بواهلینی طریق حقه  
دعوتله ؛ اتقا ام العبادت اولدیغندن آنلری هرشیدن اول اتقایی ترک ایتدکلیندن طولانی  
تکدیر ایدره رک « سز اللهدن قورقازمیسکزرده اتقایی ترک ایدرسکزر ؟ » دیمکله قومی  
اتقاه دعوت ایتمشدر .

..

واجب تعالی الیاس علیه السلامک قومی خالقلرک احسته عبادتی ترک ایتلری اوزرینه  
توبیخ ایتدیکنی بیاندن صوکره خالقلک کیم اولدیغنی بیان ایتک اوزرینه ﴿ اَللّٰهُ رَبُّكُمْ  
وَرَبَّ آبَائِكُمُ الْاَوَّلِينَ ﴾ بیوریور .

[ الله تعالی سزک وسزدن اول کچن بابالریکزرک ربسیدر . ]



یعنی ؛ « معبود بالحق الله تعالى در که او الله تعالى عبادته الیقدر . زیرا ؛ جمله ذرات  
جهانی یوقدن خلق ابتدیی کی هر برنی کندینه مناسب تربیه ایله کونا کون تربیه  
ایده رک کالنه ایصال ایدن ربکز اولدینی جهته جمله مکلفینک عبادته مستحقدر . شو حالده  
نصل اولور که بوقدر نعمتلی ایله پرورده اولدیغکز ربکزک عبادتی ترک ایده رک  
منفعت و ضررتی اولمایان بوتله عبادت ایدرسکز ؛ دیمکه قومی توحیده دعوت ایتشدرد .

\*\*\*

واجب تعالی الیاس علیه السلام دعوتی بیاندن صوکره قومک بودعوته قارشی  
نیلرینی تکذیب ایتدکرینی بیان ایتک اوزره ﴿ فَكَذَّبُوهُ فَأَنَّهُم لَخُضِرُونَ ﴾ الّا  
عباد الله المخلصین ﴾ بیوریور .

[ الیاس علیه السلام دعوتی اوزرینه قومی الیاس علیه السلامی تکذیب ایتدیلر  
ونیلرینک دعوتنه اصلا التفات ایتدیلر ، بلکه مملکتدن چیقارمغه و قتل ایتکه جرأت  
ایتدیلر . زیرا ؛ آنلر شو تکذیبلی سبیلله عذاب جهنمه حاضرلردر ، آنجق اللهک مخلص  
قوللری عذابدن مستنلردر . ] چونکه ؛ آنلر رسوللرینک دعوتی ایشیدنجه انکار و تکذیب  
کی جنایتلره جرأت ایتیهوب ایمانه و انقیاده سرعت ایتدکرندن رضاء الهی به نائل وعذابدن  
عفو اولونمشلردر و اخلاص اوزره ایمان و عبادت ایتدکرندن جناب حقک خالص قوللردن  
اولشلردر .

﴿ وَتَرَكْنَا عَلَيْهِ فِي الْآخِرِينَ ﴾ سَلَامٌ عَلَىٰ آلِ يَاسِينَ ﴿ إِنَّا كَذَلِكْ  
نَجْزِي الْمُحْسِنِينَ ﴾

[ بز عظیم الشان الیاسدن صوکره کلن امتلر ایچنده الیاس علیه السلامک نام جلیلی  
وذکر جمیلی ابقا ایتدک . زیرا ؛ اوامتلر طرفندن الیاس علیه السلامه (سلام علی الیاسین)  
دعاسیله ذکر اولونور . چونکه ؛ بز حدود شرعیه مزی محافظه وامرو نهیمزک مقتضاسی  
اجرا ایله احسان ایدنلری بویله جه حسن جزا ایله مجازات ایدرز . ] ناصل مجازات ایتیهلم . زیرا ؛

﴿ إِنَّهُ مِنْ عِبَادِنَا الْمُؤْمِنِينَ ﴾

[ محقق الیاس علیه السلام بزم مؤمن قوللریمز دندر . ] بناء علیه ایمان ؛ حسن جزای جالبدر .

\*\*\*

واجب تعالی الیاس علیه السلام قصه سنه اشارتدن صوکره لوط علیه السلامک قصه سنی  
بیان ایتک اوزره ﴿ وَإِنَّ لُوطًا لَمِنَ الْمُرْسَلِينَ ﴾ إِذْ نَجَّيْنَاهُ وَأَهْلَهُ أَجْمَعِينَ ﴿ إِلَّا  
عَجُوزًا فِي الْغَابِرِينَ ﴾ ثُمَّ دَمَّرْنَا الْآخَرِينَ ﴾ بیوریور .

[ محقق لوط علیه السلام بز طرف الهمیزدن خلقی حقه دعوت ایچون کوندردیکمز  
رسوللردندر . ای حبییم ! ذکر ایت سن شول زمانی که اوزمانده بز لوطی ولوطک  
اهل و عیالی و آکا تابع اولانلری نازل اولان عذابدن قورتاردق و جمله سنی ساحه نجاته  
چیقاردق ، آنجق لوطک حرمی کوتو فعلندن طولانی هلاک اولانلر ایچنده قالدی لوطی  
ولوطک اتباعی عذابدن خلاص ایتدکن صوکره قوم لوطک سائرلرینی اهلاک ایتدک .  
زیرا ؛ آنلرک ارتکاب ایتدکری کوتو فعللری هلاکرینی موجب اولمشدر . ]

حضرت لوطک حرمی لوط علیه السلامک امرینه اطاعت ایتیه رک قومک چیرکین  
ایشلرینه یاردم ایدوب راضی اولدیغندن هلاک اولان جانلر ایچنده قالمشدر . چونکه ؛  
ای اولان کیمسه لره مقارنتک فائده سی آنک حالیه حاله نمک و آنک صلاحندن استفاده  
ایتک ایله اولوب لوطک حرمی ایسه بالعکس لوط علیه السلامک ضدینه عاصیلره اشتراک  
ایتدیکندن عاصیلر ایچنده قالمش و عاقبت هلاک اولمشدر . زیرا هرکسک کندی افعالیله  
مجازات اولونمسی ؛ عادت السیه اقتضاسندندر .

\*\*\*

واجب تعالی لوط علیه السلامک قومک هلاک اولدقلرینی بیاندن صوکره اهل مککک آنلرک  
هلاک دائر اولان آثارلرینی هر زمان کوردکری حالده عبرت آمادقلرینی بیان ایتک اوزره  
﴿ وَإِنَّكُمْ لَتَمُرُّونَ عَلَيْهِمْ مُصْبِحِينَ ﴾ وَبِالْأَسْبَلِ أَفَلَا تَعْقِلُونَ ﴾ بیوریور .



ایتمک اوزره ﴿ اِذْ اَبَقَ اِلَى الْفَلَکِ الْمَشْحُونِ ﴾ فَسَاهَمَ فَكَانَ مِنَ الْمُدْحَضِیْنَ \*  
فَالْتَقَمَهُ الْحَوْتُ وَهُوَ مُلِمٌ ﴿ بیوریور .

[ ذکر ایت ای رسول ذیشان ! شول زمانی که اوزمانده یونس علیه السلام طرف الهمیدن کله جک عذابى قومه خبر ویره رک ایچی طولو بر کمی به کیتدی . یونس علیه السلام کمی به کلنجه کی اها لیسى ینلرنده قرعه چکدیلر . قرعه یونس علیه السلام حقننده چیقنجه کندی نفسى دکره آتدی . بناء علیه ؛ دکره غرق اولارق مغلوبیدن اولدی . یونس علیه السلام کندی دکره براقنجه نادم اولدینی حالد به بالی آنى لقمه ایتدی . ]

فخر رازی و خازنک بیانلرینه نظراً یونس علیه السلام قومى ایمانه دعوت ایدوب آنلرده قبول و دعوت اجات ایتمه نیجه عذابک کله جکنه وعد الهمی واقع اولارق موعود اولان عذابک کلسی یا قلا شنجه عذاب کندی نه اصابت ایتسون ایچون هان قومى ایچندن جیقوب کیتدی و دکر کنارینه کلدی . آدمار و یوکلرایله طولو بر کمی به یندی ولکن کمی طور دی ایلری کیتمه دی ، بلکه غرق اولوناجق بر حاله کلدی . ایچنده اولان اها لى اندیشه ایچنده مضطرب اولدیلر . مکر اولدنبری عادتلى کمی به بویه بر عارضه اولدیننده ایچنده اولان اها لى ، ینلرنده قرعه چکمک و قرعه کیمک یدنده چیقارسه او آدمى دکره آتق صورتیه کمی یولنه دوامه باشلادینی کمی و بو جهته آفتدن سالم اولمى ایش . ایشه بو طایفه بناء کمی طور ونجه « بو کمی ده اقدیسندن فرار ایش بر قول وار کله بر قرعه چکلم » دیرلر . بناء علیه ؛ قرعه بی چکرلر ، قرعه ده یونس علیه السلام اسمی چیقنجه یونس علیه السلام ییلدیکه کندی حقننده بر امتحان الهمی وار . هان قضاء الهمی به قلبی مطمئن اولارق الله تعالى به تفویض امور ایدوب « عبدعاصى بن دیه رک » کندی دکره آتدی . در حال وقت کچمکسزین الهام الهمی ایله یونس علیه السلام بالی یوتدی و راحتى تأمین ایتدی . بناء علیه ؛ اصلاً ضرر کلدی . یونس علیه السلام جناب حقن اذن لکسزین قومک ایچندن چیقدیغه ندامت ایتدی فقط فائده ایتدی ، اولاجق اولدی و قضاء الهمی بری بولدی .

[ ای اهل مکة ! سز صباح و کیجه نک ابتدالرنده قوم لوطک خرابه لری اوزرینه یورور و کورورسکز و آنلرک کناهلری سبيله هلاک اولوب مملکتلرینک آلتی اوستنه قاریشدیقى بیلر سکزده هیچی دوشونمزسکز ؟ ] حالوکه انسانلره لایق اولان اوکی خرابه لردن عبرت آلارق انصاف ایدوب کناهلردن واز کچمک و اصلاح نفس ایتمکدر . فخر رازی و خازنک بیانلری و جهله اهل مکة شام جهته تجارت ایچون دائماً سیر و سفر ایتدکلرندن کوندوزلری قطع مسافه ایدرلرسه آقشام و قتی قوم لوطک خرابه سی قوناق یری اولدینی کمی کیجه لری قطع مسافه ایدرلرسه صباح و قتی او خرابه لر قوناق محلی اولدیغندن جناب حق اهل مکة نک قوم لوطک خرابه لرینه شو ایکی وقتده او غرادقلری بیان بیورمشدر . یوقسه کوندوزک یاریسنده و کیجه نک نصفنده دخی خرابه لره تصادف ایده بیلرلر . چونکه ؛ شام جهته سفرده اهل مکة نک یولی هر حالد او خرابه لردن کچردی . جناب حق بو آیتده اهل مکة بی بر قاج و مهرد نوبخ ایتمشدر : برنجیسی ؛ استفهام نظیره که بونلرک هر زمان خرابه لری کور و بده عبرت الماملری امر منکردر . ایکنجیسی ؛ عاقل اولادقلرینه اشارت ایتمشدر . زیرا ؛ عاقل اولسه لردی عاقتی ادراک ایدرلردی . ادراک ایتمه یوب نعمت عقلی استعمالده قصور ایتدکلرندن جناب حق آنلری توبیخ ایتمشدر .

..

واجب تعالى الیاس علیه السلام قصه سنی بیاندن سوکره حضرت یونسک قصه سنی بیان ایتمک اوزره ﴿ وَاِنْ یُوْنُسَ لَمِنَ الْمُرْسَلِیْنَ ﴾ بیوریور .

[ محقق یونس علیه السلام طرف الهمیزدن خلقی ارشاد و احکام شرعی بی تبلیغ ایچون کوندردیکمز رسوللردنر . ] بو آیت ؛ وقعه نک یونس علیه السلام قومه رسالتی تبلیغدن سوکره اولدیغه دلالت ایدر .

..

واجب تعالى یونس علیه السلام رسالتی تبلیغدن سوکره واقع ارلان و قوعاتی بیان



یونس علیه السلام زله سنده برچوق اختلاف واریسه ده اصح اولان یونس علیه السلام قومنه طرف السهیدن وعد اولونان عذابک البته نازل اولاجنی ظن ایدوب آنلرک توبه ایتسیله عفو اسهینک کله جکندن غفلت ایتسیدر .

(ابق) افریسندره فرار ایتدی معنسنه در . یونس علیه السلام واجب تعالی دن اذن کلمکسزین قومنک ایچندن چیقوب کیمی تشریف ایتدیکنندن افریسندره قایمسه اولاره قول مقننه استعمال اولونانه ابق لفظی یونس علیه السلام حقننه دخی استعمال اولونمشدر .

\*\*

واجب تعالی بالغک یونس علیه السلامه معبد اولدقدنصکره واقع اولان احوالی بیان ایتک اوزره ﴿فَلَوْلَا أَنَّهُ كَانَ مِنَ الْمُسَبِّحِينَ ۖ لَلْبَيْتُ فِي بَطْنِهِ إِلَى يَوْمِ يُبْعَثُونَ﴾ بیوریور .

[ا کر یونس علیه السلام بالغک قارننه کیرنجه جناب حقننه تسبیح ایدیچیلردن اولاماش اولسه ایدی بالغک قارننده قیامت کونه قدر قالدیدی .] بناء علیه ؛ بالغک قارنی حضرت یونس حقننه سائر اموات حقننه اولدینی کبی قبر اولوردی ، لکن خارجده و بالغک قارننده تسبیحه دوام ایتدیکنندن بالغک قارنندن قور تولدی . شو حالده تسبیحک ، انسانی برچوق مضایقه دن قورتاره جغه بو آیت دلالت ایتدیکی کبی تسبیحه دوامه تشویق دخی واردر . زیرا ؛ بول وسرورلی وقتنده اللهک ذ کرینه دوام ایدن کیمسه نک طار و ضرورت وقتنده امدادینه یتیشه جکنه اشارت واردر . چونکه ؛ یونس علیه السلام ذ کر الله دوام ایتدیکی ایچون هر نه حکمته مبنی ایسه بالغک قارننه کیردیکننده جناب حق اوطار محلی آنک حقننه محل استراحت قیلدیغنی و تسبیحه دوامی چاره نجاتی اولدیغنی بو آیتده بیان بیورمقله قوللرینی تسبیحه تشویق بیورمشدر .

\*\*

واجب تعالی حضرت یونسک بالغک قارننده برکون و یاخود یاریم کون و یاخود قرق

کون قرار ایتدکدن صوکره بر ساحله چیقدیغنی بیان ایتک اوزره ﴿فَقَبْدَنَاهُ بِالْعَرَاءِ وَهُوَ سَقِيمٌ ۖ وَأَنْبَتْنَا عَلَيْهِ شَجَرَةً مِنْ يَقْطِينٍ﴾ بیوریور .

[بدنی ضعیف و خسته اولدینی حالده بز یونس شملکدن خالی بر اووهیه آندق و آنک اوزرینه کولکسون ایچون بز قباقدن آغاج بیتدک .]

یعنی ؛ یونس علیه السلام تسبیحه دوام ایدنجه بز آنی اهالیدن خالی ایصسر بر چوله چیقاردق . حالوکه او آنادن یکی طوغمش برچوق کبی ضعیف و بالغک قارننده عادتک خلافتنه کچیرمش اولدینی حیاتدن متأثر خسته کبی بر حالده ایدی . او حالده خالی بر محله چیقنجه بز عظیم الشان آنک صیجاقدن کولکله نمسی وسینک وسائر کبی موزیاندن اذالانماسی ایچون یارانی بویوک اولان قباق آغاجنی خلق و آنک کولکله سنده راحتنی تأمین ایتدک .

فخر رازی و خازنک بیانلری وجهله یونس علیه السلام چیقاریلدینی محک (نصیین) و یاخود (موصل) جوارنده بر قریه اولسی محتملدر . یونس علیه السلام بالغک قارننده اقرارینک مدتده برچوق اختلاف واریسه ده مدتی تعیین حقننه صراحة بر دلیل اولمادیغندن مقدار مدت حقننه بحی ترک ایدرهک علمنی جناب حقننه تقویض ایتک دها اولاددر . بالغک قارننده یونس علیه السلام تنفسده زحمت چکمه مشدر . زیرا ؛ امر الهی اوزرینه بالق قافاسنی صودن یوقاری قالدیرر صویه باتیرمازدی . بناء علیه ؛ یونس علیه السلام ده بالغک آغزندن نفس آلردی و هوا بوموال اوزره جریان ایتدیکنندن حیاته خلل کله مشدر . کرچه یونس علیه السلام ایچون خلق اولونان آغاجک نوعی اعتباریله انجیر ، موز و یا قارپوز اولمسنده اختلاف واریسه ده اصح اولان قباقدر . چونکه یقطین نک معناسی لسان عربده قباغه اولدینی کبی رسول الله « قباغه نه ایچون محبت ایدرسک ؟ » دنیلدیکننده « برادریم یونس علیه السلام آغاجی اولدینی ایچون » بیورمسی خلق اولونان آغاجک قباق اولدیغنه دلالت ایدر . چونکه شو حدیث شریف ؛ بو آیتی تفسیر ایتمشدر . نباتات ایچندن قباغک کولکله سی قویو و هوایی کوزل وسینکدن خالی اولدینی ایچون یونس علیه السلام راحتنه قباق ترجیح اولمشدر . یونس علیه السلام ایچون خلق



اولونان قباق حضرت یونسی کولکله یه جک قدر یوکسک اولدینی کی آذن اول اونوع قباق موجود اولمادیغندن یونس علیه السلامک معجزه سندن صایلمشدر .

نیسابورینک بیاننه نظراً قباق آغاجنک آلتنده بولوندینی مدت یونس علیه السلامک تعیشی کچی سودیله واقع اولمشدر . چونکه ؛ جناب حقک سوق والهامیله برکچی کلوب صباح و آقشام آنک سودیله تأمین معیشت ایتدیکی مرویدر . حضرت یونسک وجودی اسکی قوامی بولوب مزاجی اعتدال کسب ایدنجیه قدر بو حال دوام ایتش و قباق آغاجی آلتنده بولونمشدر .

..

واجب تعالی یونس علیه السلامک وجودی اسکی حالی بولدقدن صوکره تکرار قریه مذکوریه عودت ایتدیکنی بیان ایتک اوزره ﴿وَأَرْسَلْنَاهُ إِلَى مِائَةِ أَلْفٍ أَوْ يَزِيدُونَ﴾ فَأَمَّنُوا فَسَقَّطْنَا هُفْمَ إِلَى حِجْنِ ﴿بیوریور .

[ شو منوال اوزره وقوعات جریان ایتدکن صوکره بز عظیم الشان یونسی تکرار یوز بیک و یاخود دهها زیاده اهالی بی جامع اولان قریه یه کوندردک . آنلر یونس علیه السلامه ایمان ایتدیلر . بناء علیه ؛ بز آنلری وقت معینلری کلنجیه قدر یاشاندق و ایمانلری سببیه آنلری قهر و غضبمزدن خلاص و اجل موعودلرینه قدر معمر قیلدق .]

بوآیتده ( او ) لفظنک دلالت ایتدیکی شک ؛ وهه اوزده اوقریه باقانه کیمسیر عامده . چونکه ؛ اوقریه بی ابتداء کورن بر کیمسه اهالیسنی یوز بیک و یاخود دهها زیاده اولسنی تخمین و ظن ایتدیکنی بیاندر ، یوقسه واجب تعالی یه عائد دکلدر . زیرا ؛ واجب تعالی شک و شبهه دن مبرادر و قریه نك نفوسنک قاج کشی اولدینی صورت قطعیده بیلیر . قوم یونسک وقت معینلرینه قدر معمر و نعمت دنیا ایله متعم اولملرینک سببی ؛ ایمانلری اولدیغنه اشارت ایچون سببیه دلالت ایدن فا لفظیله وارد اولمشدر .

..

واجب تعالی انبیاء عظامدن بعضیلرینک امتلری ایله واقع اولان سوزلرینی بیاندن صوکره مکه ده اولان کافرلرک مذهبلرینی ابطال و مذهبلرینه دوام ایتدکاری صورتده

عاقبتده اولاجق قتالنی بیان ایتک اوزر ﴿فَأَسْقَتْنَاهُمْ أَلْبَنَاتُ وَلَهُمُ الْبَنُونَ﴾ \*  
أَمْ خَلَقْنَا الْمَلَكُةَ إنا نأنا وَهُمْ شَاهِدُونَ ﴿بیوریور .

[ یا ا کرم الرسل ! کفار مکدن شوال ایت : قیزلر ربک تعالی یه و اوغلانلر آنلرمی مخصوصدر ؟ یوقسه آنلر شاهد اولدقلری حالد ملککری بز دیشی اولارقنی خلق ایتدک بونلر کوزلریله کوردیلرمی ؟ ]

یعنی ؛ آنلرک ثقیل عد ایتدکاری و سومدکاری قیز اولادینی بزه تخصیص ایدوبده کندیلرنجه مرغوب عد ایتدکاری اوغلان اولادینی کندیلرینه تخصیصک سبی نهدر ؟ یوقسه بز ملککری خلق ایدرکن یانلرنده لرمی ایدیلرکه ملککری دیشی اولدینی بزه دن بیلیرلر و دیشی اولدقلرینه شهادت ایده بیلیرلرمی ؛ البته شهادت ایده مزملر . زیرا ؛ ملککری خلقتنده حاضر اولما ینجیه عقلک ادراک ایده جکی برشی اولمادیغندن بیله مزملر و ملککری دیشی اولدیغنه دائر انبیاء کرامدن بر نقل دخی وارد اولمادی . شو حالد آنلر ملککری دیشی اولدقلرینی اسباب علمدن هانکسیله بیلدیلرده ادعا ایدیورلر و ملککری بزم قیزلریمز اولدینی هانکی دلیلله استناد ایدرک ادعایه جرأت ایدیورلر ؟

فخر رازی ، قاضی و خازنک بیانلری وجهله بوآیت جلیله مشرککری اعتقادلرینی رد و مذهبلرینی ابطال ایتمشدر . چونکه مشرکار « ملککری اللهک قیزلریدر و اللهک اوغلو یوقدر ، اوغلان اولادی بزه مخصوصدر » دیرلر و بو اعتقادی کندیلرینه مذهب اتخاذ ایتشلر و بو مذهبک ترویجده چالشمشلردی . الله ذوالجلال آجیق بر صورتده و آنلری الزام و اسکات صورتیله رد ایتش و دعوالرینی جواب و بره میه جککری بر طرزده کندیلرندن شوال ایتمشدر . چونکه ؛ دعوالری عن جهل اولوب اسباب علمدن بر علمه مستند اولمادیغندن جوابدن عاجز و مهوت اولمشلردر . زیرا ؛ مسائل دینییه نك و بالخاصه اعتقادیاتک عقلی و نقلی البته بر دلیلله مستند اولسی لازمدر .

ملککری دیشی وارکک اولدقلرینه دائر آلرنده بر دلیل اولمادینی حالد ملککری دیشی اولدقلرینی ادعا جهالته مستند اولدیغندن جناب حق آنلری تکدیر و توبیخ ایتمشدر .

..



واجب تعالى مشرکک « ملکر اللہک قیزلیردر » دیدکری دعوالری باطل اولدیغنی  
بیاندن صوکره بو خصوصه دائر بیلرندہ واقع اولان خبرلرینی بیان ایتک اوزره  
﴿ اَلَا اِنَّهُمْ مِنْ اَفْکِهِمْ لَيَقُولُونَ ۖ وَلَدَ اللّٰهُ وَ اِنَّهُمْ لَكَاذِبُونَ ﴾ بیوریور.  
[ ای مؤمنلر ! اویایق بولونک که کافرلر کندی افترا وعداوتلرندن نشأت  
ایده رک « اللہک ولدی وار » دیرلر . حالہ که آنلر بو سوزلرندہ البتہ یالانچیلردر . ]  
زیرا ؛ اللہ تعالی اهل و عیال و اولاد کی اثر عجز و حدوث اولان شیلردن مزهدر .  
چونکہ ؛ جوجق طوغورمق اجسامه مخصوصدر ، حالوکه اللہ تعالی جسم دکلدز . زیرا ؛  
جسم فانی و جناب حق ایسه قدیمدر . بناء علیہ ؛ کافرلرک اللہ و ولد اسنادلری صرف  
یالاندن عبارتدر . چونکہ ؛ عقلی و نقلی بر دلیلہ مستند دکلدز . دلیلہ مستند اولمایان  
دعوی هر زمان مردوددر .

\*\*

واجب تعالی کندینہ ولد اسنادی باطل اولدیغنی کی مشرکک « ملکر اللہک قیزلیردر »  
دیدکری دخی باطل اولدیغنی بیان ایتک اوزره ﴿ اصْطَفَى الْبَنَاتِ عَلَى الْبَنِينَ ۖ ﴾  
مَا لَکُمْ کَیْفَ تَحْکُمُونَ ۖ اَفَلَا تَذَکَّرُونَ ﴾ بیوریور .

[ اللہ تعالی کندی ذاتی ایچون قیز اولادینی اوغلان اولادی اوزرینہ اختیار می ایتدی ؟  
ای مشرکک ! سزه نه اولدی که بوبله یا کلش و باطل شیلرله حکم ایدرسکز .  
لایقیله دوشونوبده اعتقاد کزک باطل اولدیغنی تذکر ایتیور میسکز ؟ ] فصل اولویور که  
نقصان کوردیککز قیز اولادینی اللہ تعالی به و شرفلی کوردیککز اوغلان اولادینی  
کندیکنزه اسناد ایدیورسکز و شو دعوا کزک بطلانہ بداهة عقل شهادت ایدرکن  
فصل اولویورده سز صحتی دعوی ایدیورسکز ؟

بو آیت ؛ مشرکک افترا لری اثبات ویالانلرینی تقریر ایتشدز . زیرا ؛ سوزلری محالی  
مستلزمدر . محالی مستلزم اولان سوز ؛ هر زمان باطلدر . چونکہ ؛ واجب تعالی شرفلی  
اولان اوغلاندن مستغنی اولونجه یارادیلشده و اخلاقده نقصان اولان قیز اولاندن

مستغنی اولاجنی اولویتله ثابتدر . زیرا ؛ اشرف اولان شیدن مستغنی اولانک ادنی  
اولان شیدن مستغنی اولاجنی آشکاردر .

\*\*

واجب تعالی مشرککک دعوالری باطل اولدیغنی بیاندن صوکره آنلری الزام و اسکا  
ایچون وجودی اولمایان بر شئی آنلره تکلیف ایله توبیخ ایتک اوزره ﴿ اَمْ لَکُمْ  
سُلْطَانٌ مُّبِينٌ ۖ فَاتُوا بِکِتَابِکُمْ اِنْ کُنْتُمْ صَادِقِینَ ﴾ بیوریور .

[ یوقسه ملائککک اللہک قیزلری اولدیغنه دائر سزه آجق دلیللی نازل اولدی ؟  
اگر دلیل نازل اولدی و سوزیکز طوغری ایسه دعوا کزک صحیح اولدیغنی بیان ایدن  
کتابکیزی کتیرک ؟ ]

یعنی ؛ ای مشرکک ! ملکرکک اللہک قیزلری اولدیغنی ادعا ایدیورسکز .  
بو ادعا کزک صحتنه دلالت و مقصدیکزی آچقدن بیان ایدر دلیلکز وارده سوزیکز  
طوغری ایسه کتابکیزی کتیرک کورده لم . زیرا ؛ بر دعوی دلیلہ مستند اولمق لازمدر ،  
دلیلسز دعوی دیکله نمر .

فخر رازی و خازنک و ابوالسعود افندیکن بیانلرینہ نظر آ بو آیتلرده بولومان استفهاملر ؛  
کافرلرک دعوالرینی انکار ورد ایچوندز . شو حالده بو آیتلر کافرلرک عقللرینک نقصان  
و طبیعتلرینک سفیه و بوحال اوزره دوام ایتدکری صورتده عاقبت غضب الہی و دوچار  
اولاجقلرینی بیان ایتشدز .

\*\*

واجب تعالی کافرلرک جهالت و سفاہتلرینی و سلوک ایتدکری مسلککینک سقامتی  
و عاقبتلرینک و خامتی بیاندن صوکره جهالتلرینک نتیجہ سی اولارق واجب تعالی حقندہ  
واقع اولان فنا سوزلرینی بیان ایتک اوزره ﴿ وَ جَعَلُوا بَیْنَهُ وَ بَیْنَ الْجَنَّةِ نَبَاً  
وَلَقَدْ عَلِمَتْ الْجَنَّةُ اِنَّهُمْ لَخُضْرُونَ ﴾ بیوریور .



[ مشرکەر الله تعالی ایله جن آره سنده نسب اثبات ایدهرک دیدیلرکه « الله تعالی جندن برخاتون تزوج ایتدی و آندن قیز اولادی اولان ملکر طوغدی ». ایشته بویله دیمکه افتراده بولونیلر . ذات الوهیتیه قسم ایدرم که شوافترالره جسارت ایدن کافرلرک جهنم عذابنده حاضر اولاجقلرینی جنیلر بیلدیلر . ]

کافرلر الله تعالی نکر خالق جنیلرک مخلوق اولوب خالق ایله مخلوق بیتنده تزوجک جریان ممکن اولامیه جعفی دوشونه مدیلر . زیرا تزوج ؛ احتیاج اوزرینه ترتب ایدر . احتیاج ایسه الوهیتیه منافیدر . بو آیتده کافرلرک سؤاعتقادلرینک بطلانیه و آنلرک درجه خطابدن ساقط اولدقلرینه اشارت ایچون خطابدن غیبت صیغه سینه انتقال اولونمشدر . بونلرک شوافترالرینک جزاسی عذاب جهنمده حاضر اولاجقلرینک قطعی اولدیغیه اشارت ایچون اوات تاکییر اولان قسم و تحقیقه دلالت ایدن ( ان ) ولام تاکییرله وارد اولمشدر .

بعض علما « جن ایله ملک بر جنسدر ، دایما ایشی شر اولانلر جن وایشی خیر اولانلر ملکدر » دیمشله ایسه اصح اولان هربری آیری جنسدر . زیرا ؛ ملکرلرک کلیسی خیر و عبادتله مشغول اولوب جندن مطیع و منقاد اولانلر مؤمن موحددر و اطاعت ایتمه یئرلر عاصی و شیطاندر . یاخود شیطانده آیری بر جنسدر . کرچه شیطانک جندن بر قسم اولسنه بعض نصوص دلالت ایدیور ایسه ده بودلالت قطعی اولمادیغندن مسئله مختلف فیهدر .

..

واجب تعالی ذات الوهیتنک شواسناد ایتدکری شیلرک جمله سندن متره اولدیغنی بیان ایتک اوزره ﴿ سُبْحَانَ اللَّهِ عَمَّا يُصِفُونَ ﴾ إِلَّا عِبَادَ اللَّهِ الْمُخْلَصِينَ ﴿ بیوریور .

[ کافرلرک اسناد ایتدکری شیلرک جمله سندن جناب حق مترهدر و نقصان اولان صفتلرک هپسندن واجب تعالی بری اولقله بری اولدی . انس و جندن عاصی اولانلرک جمله سی عذاب جهنمده حاضر لدره ، آنجق اللهک مخلص قوللری عذابدن مستنادرلر . ] زیرا ؛ آنلر الوهیتی لایق اولدینی صفتلرله توصیف ایدوب و عبودیتلرنده دایما ثابت بالقدم اولدقلری جهته عذابدن خلاص اولدقلری کی برچوق نعمتله ده نائل اولاجقلردر .

چونکه ؛ بونلر عبادتلرینی اخلاص اوزره ادا ایتدکلرندن تاطیف الهی به مستحق لدره . بناء علیه ؛ جناب حق خالص قوللرینک اخلاصلری سبیلله عذابدن معاف و مرتبه عاله صاحبی اولدقلرینی عاله اعلان ایتمشدر .

..

واجب تعالی کافرلرک عذابه حاضر اولاجقلرینی و مخلص اولانلرک عذابدن خلاصلرینی بیاندن صوکره کافرلرک اهل ایمانی اغواندن عاجز اولدقلرینی بیان ایتک اوزره ﴿ فَإِنَّكُمْ وَمَا تَعْبُدُونَ ﴾ مَا أَنتُمْ عَلَيْهِ بِفَاتِنِينَ ﴿ إِلَّا مَنْ هُوَ صَالِ الْجَحِيمِ ﴾ بیوریور .

[ ای مشرکەر ! سز و سزک معبودلریکیز اولان شیطانلر اللهک قوللرینی اضلال ایدهرک الله تعالی اوزرینه افساد ایدهرسکیز ، آنجق نارحیمه داخل اولاجقلری افساد ایدرسکیز . ]

یعنی ؛ ای کافرلر ! سز و سزک معبودلریکیز اولان بوتلر و شیطانلر بالعموم تاسی عبادت الهیه دن منع ایتک و دین الهی حقه ده اغوا ایتکله مراد الهی بی کیری دوندوره مزسکیز ، آنجق جهنمه داخل اولملری ایله حکم اولونان محکوملری اغوا و اغفال ایدرسکیز و سزک اغوا کزله ضالانده اولانلر بلا تردد جهنمه کیره جکلردر .

فخر رازی و خازنک بیانلری وجهله شیطانک اغواسنک و وسوسه سنک تأثیری اولمایوب آنجق تأثیرک قضاء الهیه ده اولدیغیه بو آیت دلالت ایدر . چونکه ؛ جناب حق « سز و سزک معبودلریکیز اللهک قوللرینی اضلال ایدهرسکیز ، الا جهنمه دخوللری مقدر اولانلری اضلال ایدرسکیز » بیورمشدر . انسانلرک احوالی و خارجه کی وقوعات دخی بونی تأیید ایتمکده در . زیرا ؛ شیطانک اغوا و اضلاله اوعراشهادینی برانسان اولمادیغنی حالده بونلرک هپسنی اضلال ایدهمدیکی میدانده در . اگر اغواسنده تأثیر اولمش اولسه ایدی جمله انسانلری اضلال ایدردی ، حالوکه انسانلرک حالی بونک عکسده در . ابوالسعود اقدینک بیانی وجهله کلامک معناسنه دقت لازم اولدیغیه اشارت ایچون غیبتدن خطابه التفات اولونمشدر . کافرلرک معبودلری ایله مراد ؛ بوتلر و شیطانلردر .

..



واجب تعالى کافر لک «ملکک اللهک قیزلیدر» دیدکری اعتقادلری باطل اولدیغنی  
بیاندن صوکره ملکک الوهیته مناسبتلری اولمادیغنی وعبودیتده ثابت و دائم اولدقلرینی  
سویلدکری بیانیتمک اوزره ﴿وَمَا مِنَّا إِلَّا لَهُ مَقَامٌ مَّعْلُومٌ ۖ وَإِنَّا لَنَحْنُ الصَّافُونَ ۖ﴾  
وَإِنَّا لَنَحْنُ الْمُسَبِّحُونَ ﴿بیوریور.

[ «بزدن هیچ برکیمسه اولمادی، الا آنک ایچون بر مقام معلومی و معرفت الهیه  
و عبادت سبحانیده هر کسک برر معین مکانی و مرتبه سی واردر که او مرتبه ده عبادتله مشغول  
اولور و معین اولان مقامی کیمسه تجاوز ایده من و او مقامدن تجاوزه کیمسه مقتدر  
اولماز. بناء علیه؛ هر کس مقامنده ثابت و عبادتده دائم اولور و بزر عرش اعلی اطرافنده  
صاف طویجی بز و بز و وظیفه من البته الله تعالى به تسبیح ایتمکدر. » ] چونکه؛ هر کس  
عبودیتی اظهار صدندده برر وظیفه ایله مکلف و برر نوع عبادتله مشغولدر و رسول اللهک  
بر حدیث شریفی ده بو آیتی تفسیر ایدر. چونکه؛ رسول الله «ساده اصلا خالی بر محل  
اولماوب هر طرفی ملککله طولو اولوب کیمی نماز قیلار، کیمی تسبیح و سائر عبادتله  
مشغول اولور، حتی بعضیلری رکوعده اصلا بلنی طوغر و تماز و بعضیلری ده سجده دن  
اصلا باشلرینی قالدیرماز» بیورمشدر. بناء علیه؛ بو حدیث شریف آیت جلیله یی  
تفصیل ایتمشدر. بوکا نظراً آنک معناسی: [ملککدن کیمسه اولماز، الا هر بری برر  
عبادتله مشغول و وظیفه معینلری ایله مکلف اولور] دیمکدر.

فخر رازی و نیسابورینک بیانلری وجهله ملکک شوکلاملری کافر لک اعتقادلرینی  
رد و ابطال ایتمشدر. چونکه؛ عبودیتلرینی اقرار و اعتراف ایتلری اللهک قیزلری اولمادقلرینی  
والوهیتله مناسبتلری بولونمادیغنی اقرار و اعترافدر و شوکلاملرینی کمال نشاط و رغبت اوزره  
ایراد ایتدکرینه اشارت ایچون انواع تأکیداته ایراد ایتمشدر.

ملککله نسبتله انسانلرک عبادتلری همان یوق مثابه سنده اولدیغنه اشارت ایچون ملکک  
شوکلارنده مقام معلومی و تسبیحی کندیلرینه تخصیص ایتمشدر.

قوللری اولدقلری و «ملکک اللهک قیزلیدر» دین کافر لک اعتقادلری باطل اولدیغنی و ملکک  
عبادت سائر ایله مشغول اولدقلری کبی هر حالده جناب حق نقائصدن تقدیس ایله مشغول  
بولوندقلری بو آیتدن مستفاد اولان فوائد جمله سنددر.

..

واجب تعالى مشرکک احوالندن بعضیلرینی بیاندن صوکره بعض دیکری بیان  
ایتمک اوزره ﴿وَإِنْ كَانُوا لَيَقُولُونَ ۖ لَوْ أَنَّ عِندَنَا ذِكْرًا مِنَ الْأَوَّلِينَ ۖ﴾  
لَكُنَّا عِبَادَ اللَّهِ الْمُخْلَصِينَ ﴿فَكْفَرُوا بِهِ ۖ فَسَوْفَ يَعْلَمُونَ ﴿بیوریور.

[ آنلر «ام سالفیه نازل اولان تورات و انجیل بز و عندمزده اولش اولسه ایدی  
بز اللهک خالص قوللرندن اولور ایدک» دیرلر. حالوکه کندیلرینه قرآن کبی بر کتاب  
نازل اولدی، او کتابه کفر ایتدیلر. بناء علیه؛ یقینه کفرلرینک و کوتو سوزلرینک  
وایشلرینک جزاسی کورورلر و بیلیرلر. ]

یعنی؛ کافرلر اول کچن امتلری تعیب ایتک صورتیه علی سبیل التحسر و التنی دیرلرک  
«کاشکه بزدن اول کچن امتله نازل اولان کتابلر بزرله نازل اولش اولسه ایدی بز  
کتب سماویه ایمان ایدر و او کتابک صاحب اولان نبی به کمالیه انقیاد ایلر و اللهک خالص  
قوللرندن اولور و عبادتمزی الله حصر و بزه کلن کتابک و عظمی قبول ایدر و قصص  
و حکایه و ضروب امثالندن عبرت آلیرو هیچ بریشی اهل ایتزدک». ایشه کافرلر بویه دیمکله  
کندیلرینک عقلا دن اولدقلرینی ادعا ایدرلرده کندیلرینه کتب سماویه تک اکل و انسانلرک  
منفعتی بیانده اتمی و حکمت برهانده ایلنی اولان قرآن نازل اولونجه بوسوزلرک هپسینی  
اونوتدیلر، کفر ایتدیلر. بناء علیه؛ چوق زمان کچمکسزین البته جزای سزالرینی بیلیرلر.  
بو آیت؛ کافرلری سوزلرنده ثبات ایتمه مکله لوم ایتدیکی کبی سوزلرنده ثبات ایتمه تک  
عاقبتی و خیم اولدیغنی بیانه تهدید ایتمشدر. ایشه رأینده ثبات ایتمه یین متلون کیمسه لر دائماً  
ملوم و مذموم درلر.

..



واجب تعالى کافرلری ثباتسزلقله لوم ایتدکن صوکره ایمان ایتلرینه ترغیب اولاق  
اوزره ﴿ وَلَقَدْ سَبَقَتْ كَلِمَتُنَا لِعِبَادِنَا الْمُرْسَلِينَ ﴾ إِنَّهُمْ لَهُمُ الْمَنْصُورُونَ ﴿  
وَإِنْ جُنَدُنَا لَهُمُ الْغَالِبُونَ ﴾ بیوریور .

[ ذات الوهیمه یمین ایدرم که طرف السیمزدن قوللریمزی ارشاد ایچون کوندرلمش  
رسول قوللریمز حقنده وعدی و نصرتی متضمن کلمه من سبقت ایتدی . محقق آنلر  
دنیاده حجت و آخرتده غلبه ایدرلر و بو کلمه من قطعی اولارق ثابت اولدی و او ثابت  
اولان کلمه شودر : « رسل کرام البته نصرت اولونورلر و آنلره تابع اولان بزم عسکرلریمز  
الته دشمنلری اوزرینه غالب اولیجیلردر . » ]

بو آیتده سبقت ایدن کلمه ینی جناب من ایکی کلمه ایله تفسیر یورمیشدر : برنجیسی ؛  
رسل کرامک طرف اتریمده منصور ، ایکنجیسی ؛ رسل کرامک اتباعلری عداکر اتریمده  
اولوب آنلرکده دشمنلری اوزرینه غالب اولامقلمیشدر .

کرچه رسل کرامک اتباعلری ایله برابر بعض کره مغلوب اولدقلری کوریلور ایسه ده  
اعتبار عاقبت اولدیغندن بونکله آیته اعتراض وارد اولماز . زیرا ؛ عاقبت اعتباریله انبیاء  
کرام هائما غالب و دشمنلری مقهور و منهزم اولمشلردر . چونکه غلبه ؛ ثبات و دوامله  
اولدینی کی دولته و استیلا ایله دخی اولور . ابتلاء قیلندن انبیاء کرامده بعضاً کوریلن  
مغلوبیته اعتبار یوقدر . زیرا اعتبار ؛ عاقبتدر .

رسل کرامک غلبه سنه متعلق کلمه کرچه متعدد ایسه ده معنای بر اولدیغندره کلمه  
واحد دیشدر .

خلاصه ؛ رسل کرامک و رسل کرامه تابع اولانلرک منصور و غالب اولاجقلرینه دأر  
کلمه السیهنک سبقت ایتدی و بو غلبه عاقبت اعتباریله اولدینی جهته بعضاً مغلوب اولملریله  
اعتراض وارد اولمادینی بو آیتدن مستفاد اولان فوائد جمله سنددر .

..

واجب تعالى بزم نبیمزک قومه قارشی آلاچنی وضعیتی بیان ایتک اوزره ﴿ قَتُولَ  
عَنَّهُمْ حَتَّىٰ حِينٍ ﴾ وَأَبْصِرْهُمْ فَسَوْفَ يُبْصَرُونَ ﴿ بیوریور .

[ یا اکرمرسل ! نصرت سزک اولونجه سن کفار قریشدن آزیچق برزمان ایچنده  
آنلردن اعراض و اذالرینه صبر ایت و آنلره یقینه نازل اولاجق عذابی کوستر . ] زیرا ؛  
آنلرک دوچار اولاجقلری عذابی سن آنلره کوسترنجه البته آنلرده کوره جکلردر . چونکه ؛  
کورمه مک احتمالی یوقدر .

عذاب کوره جکلری آزیچق زمان له مراد ؛ یوم بدر و یاخود مکتهنک قمی  
کونیمدر . چونکه ؛ کفار قریشک دنیاچه الک زیاده مقهور و منهزم اولدقلری کون بویکی  
کوندر . زیرا ؛ وعد السیهنک دنیاچه آنلر حقنده اثری بو ایکی کونده ظهور ایتکله  
رسول الله عاجلاً عذابی آنلره بو ایکی کونده کوسترمش و آنلرده کورمشلردر . بناء علیه ؛  
مظلوم اولانک و طوغری اولانلرک اللهم انتقام صاحبی اولدیغنی دوشونه رک صبر و ثباتی  
اوزره ظالمردن اعراض و عاقبت انتظار ایتلری لازمدر . زیرا ؛ ظالمردن انتقامی آلاچنی  
الله تعالى وعد ایتشددر . وعد السیه ایسه یرینی بولور کیری قالماز .

﴿ أَفَبِعَذَابِنَا يَسْتَعْجِلُونَ ﴾

[ آنلر اوزرینه دنیاچه و بالخاصه ، یوم بدرده عذابم نازل اولدینی حالدده آخرتده  
عذابک انزالنه قدرتمزی انکارایدلرده بزم یوم جزاده نازل اولاجق عذابمک علی العجله  
وقوعی می ایستلر ؟ ] و آنلرک امثاله نازل اولان مصائبی ادراک ایتلرده درحال عذابک  
کلسنی می ایستلر ؟

تفسیر خازنده بیان اولوندینی وجهله اولکی آیت نازل اولونجه « نروده در اوعذاب ،  
نازل اولسه ده کورسهک ؟ » دیملری اوزرینه بو آیتک نازل اولدینی مرویدر .

..

واجب تعالى کافرلرک عذابک نزولی استعجال ایتدکلری بیاندن صوکره ایستدکلری



عذابك کلدیکی زمان ظهور ایده جک حاللرینی بیان ایتک اوزره ﴿فَإِذَا نَزَلَ بِسَاحَتِهِمْ  
فَسَاءَ صَبَاحُ الْمُنْذَرِينَ﴾ بیوریور .

[ آنلرک استعجال ایتدکاری عذاب آنلرک خانه لرینک حولیسنه و یقینه نازل اولونجه  
او عذابه انذار اولونان کافرلرک صباحلری نه کوتو ونه چیرکین اولدی . ] چونکه ؛ انواع  
عذاب کنیدلرینه کلنجه آنلرک وقتلری سیاه اولمشدر .

فخر رازی و خازنک بیانلری وجهله عربلر عننده غارات اکثریا صباح وقتی اولوب  
غارات ایسه برنوع عذاب اولدیغندن وقت عذابه صباح دیمک عادتدر . بناء علیه بو آیتده  
صباح ؛ عذابک کلدیکی وقتده کنایه در . بوکا نظر آ معنای آیت : [ عَجَلَةُ عَذَابِكْ کلمسی ایستین  
کافرلرک اولری حولیسنه عذاب کلنجه عذابک نزولی زمانی نه چیرکین اولدی ] دیمکدر .

﴿وَتَوَلَّ عَنْهُمْ حَتَّىٰ حِينٍ ۖ وَأَبْصِرْ فَسَوْفَ يُبْصِرُونَ﴾

[ آنلر غفلتده و تجاوزانده دوام ایدرلرسه سن عذابک کله جکی زمانه قدر آنلردن  
اعراض ایت و آنلرله سوبله شمکدن و از کچ و عذابک کله جکی آنلره کوستر . البته  
آنلرده کورورلر و انکارلری و سنی تکذیبلری اوزرینه کله جک عذابی بیلیرلر . ]

بو آیت جلیله تأکید ایچون تکرار ذکر اولونمشدر . زیرا ؛ تکرارده مبالغه اولدینی  
کبی رسول اللهی تسلیه اوزرینه تسلیه در . یا هوو اولکی آیت ؛ دنیا ، ایکنجی آیت ؛  
آخرة متعلق اولدینی جهته تکرار یوقدر .

رسول اللهک کوستره جکی و آنلرک کوره جکی عذابک لسانله تعیری ممکن اولمادیغنه  
اشارت ایچون کوریه جک شیک نه دن عبارت اولدینی بیان اولونماشدر .

﴿سُبْحَانَ رَبِّكَ رَبِّ الْعِزَّةِ عَمَّا يَصِفُونَ﴾

[ یا اکرم الرسل ! ربک تعالی کافرلرک اسناد ایتدکاری اولاد و ازواج کبی نقائصدن  
منزهدر . ] زیرا ؛ جمله قوت و کلاک صاحبدر و جمیع صفات کمالیه بی جامعدر . بناء علیه ؛  
هیچ بر نقصانه محل اولماز .

بو آیت جلیله ؛ جمله مطالب عالییه بی جامعدر . چونکه ؛ عاقله لازم اولان ؛

اوج شیمر : برنجیسی ؛ معبودینی و معبودینک جمیع نقائصده منز و جمیع صفات کمالیه ایدر  
متصف اولدینی بیلیمک و اعتقاد ایتدکدر . بناء علیه بو آیت ؛ بونک جمله سنی جامعدر .  
چونکه ( سبحان ) لفظی جمیع نقائصده منز اولدیغنه ( رب العزة ) لفظی جمیع  
صفات کمالیه ایدر متصف اولدیغنه و جمیع صفات کمالیه ایله متصف اولونجه شربک  
و نظیری اولمادیغنه دلالت ایدر . ایکنجیسی ؛ هرکس بو دیاده کندی نفس و ابناء همنه  
و همنانان و سایر مخلوقاته نه کبی معاند ایدر همنی بیلیمکدر . بو ایسه هرکس کندی کنیدنه  
بیله جکی برشی اولمایوب بر مرشدک ارشادیه اولابیلیر . او مرشد ایسه انبیاء عظام حضراتی در .

•••

واجب تعالی بو حکمته اشارت ایچون ﴿وَسَلَامٌ عَلَى الْمُرْسَلِينَ﴾ بیوریور .


[ دنیا و آخرتده سلامت رسوللر اوزرینه در . ] چونکه شو لفظیه دعا ؛ آنلرک  
بشره لایق اولان اوصافی حائز اولدقلرینه و شو اوصافی حائز اولامایانلرک آنلره اقتداسی  
واجب اولدیغنه دلالت ایدر . بناء علیه ؛ آحاد امتک انبیایه اقتداسی واجبدر .

انسانه بیلیمسی لازم اولان اوچشیدن اوچنجیسی ؛ وفاتده صکره هانک اولمادیغنی  
بیلیمکدر . وفاتندن اول بونی بیلیمک ایسه انسان ایچون مشکدر . بناء علیه بو بایده اعتماد ؛  
اللهک غنی و رحیم اولسنه در .

•••

واجب تعالی بو نقطه اشارت ایچون ﴿وَالحمد لله رب العالمین﴾ بیوریور .

[ هرئنا ایدیمیلرک تناسی ، عالی لایقیله تربیه ایدن الله تعالی به مخصوصدر . ] چونکه  
تنایه استحقاق ؛ انعام و احسانله اولور . بناء علیه هرکس تناسی جلب ایتک ؛ هرکس  
لطف ایتکله اولاجغنده شبهه یوقدر . شو حالده تمامها شریعت صاریلانلرک وفاتلرندن  
صکره سلامت بائل اولاجقلرینه آیت ؛ دلالت ظنیله ایله دلالت ایدر .



رومی بیک اوچوز یکرمی طقوز سنه سی ایلونک یکرمی آلتنجی کونه تصادف ایدن عربی بیک  
اوچوز اوتوز بر سنه سی شوالنک آلتنجی بازار ابرتی کونی ایکندی نمازندنکره . بو سورده نک  
ترجمه سی بمعونه تعالی ختام بولمشدر .



سورة ص

مکه مکرمه نازل اولان سورة لردندر . مکسسه مکن آتی جامعدر

بِسْمِ اللَّهِ الرَّحْمَنِ الرَّحِيمِ

ص وَالْقُرْآنِ ذِي الذِّكْرِ

( ص ) لفظی متشابهاتدن اولدیغی جهته سلف عننده علمی الله تعالی به تفویض اولونور ، خلف عننده تاوینلی لازمدر . بناء علیه ؛ بعضیلر ( ص ) لفظی سورة نك اسمیرر دیدیلر . بوکا نظراً معنای : [ شو سورة سورة صادر ] دیمک اولور . یاخود اولنده ( ص ) اسماء منابه اشارتدر . بوکا نظراً معنای نظم : [ صمد وصادق وصبور اولان الله تعالی به و شرف بیان صاحبی اولان قرآنه قسم ایدرم که قرآن معجزدر . بناء علیه ؛ عالمده هیچ کیمسه قرآنه معارضهیه مقتدر دکدر . ] دیمک اولور . یاخود ( ص ) لفظی بر شئی عرصه ایتمک معنای امردر . بوکا نظراً معنای نظم : [ یا اکرم الرسل ! عملکی قرآنه عرض ایت و جمیع اوامر و نواهیسیله عمل ایت ] دیمکدر . یاخود ( ص ) لفظی رسول اللہ صرقة و صبریه اشارتدر . بوکا نظراً معنای نظم : [ ای اخلاق ذمیمه دن صافی و رسالت دعواستنده صادق و امر تبلیغده تصادف اولونان مشقتله صبر ایدن حییب دیشانم ! شرف و بیان صاحبی اولان قرآنه یمین ایدرم که امر حال و شان کافرلرک دیدکری کی دکدر ] دیمک اولور .

فخر رازینک وقاضینک و ابوالسعود افندینک بیانلری وجهله بو آیتده ذکر ؛ شرف و ثناء عالی معنایه در . چونکه قرآن ؛ اولین و آخرینک علومنی و دور آمدن بری الی یوم القیام واقع اولان مهم وقایع و حادثاتک کیفیتنی و احکامنی جامع دنیا و آخرتده انسانلرک سعادتنه خادم اولدیغندن کتب سماویه نکه جمله سندن شرفلی و شان عالیدر . بناء علیه ؛ بو آیتده ( ذی الذکر ) دیمک شرف و ثناء عالی صاحبی دیمکدر .

یاخود ذکر لفظی بیانه معنایه در . چونکه قرآن ؛ هر شئی تمامیه بیان ایتددر . بوکا نظراً معنای آیت : [ دین اسلامک احکامنی و شعار توحیدک حقائق و دلائلی بیان صاحبی اولان قرآنه یمین ایدرم که کافرلرک اسناد ایتدکری عیب و نقصان سنده یوقدر . زیرا ؛ عیب و نقصاندن سالمسک . سکا عار و عیب اولاجق بر شی اسناد ایتمک ایستلر سنده دلیللری اولما دیغندن اسناد ایتسه لر دخی حکمی یوقدر . زیرا ؛ سندلری و دلیللری یوق که استدلال ایتسونلر . چونکه ؛ دلیل بولامازلر و بولامیه جفلردر . بناء علیه ؛ قلب نبویه مستترخ اولسون و آنلرک شان نبویه که لایق اولماق سوزلرندن محزون اولما ] دیمکدر .

..

واجب تعالی قرآنک شان عالی صاحبی اولدیغنی بیاندنصرکه کافرلرک قرآنه ایمان ایتدکرینک سبی ؛ کندیلرینک کبر و غرورلری اولدیغنی بیان ایتمک اوزره ﴿ بَلِ الَّذِينَ كَفَرُوا فِي عِزَّةٍ وَشِقَاقٍ ﴾ بیوریور .

[ بلکه کافرلرک ایمان ایتدکری کنندی اعتقاد لر نه غایت کبر و عظمتلرندن و مجرد رسول الله مخالفلریندندر . یوقسه قرآنده شک و شبهه کی برخلل بولوندیغندن دکدر . ] زیرا قرآن ؛ معجزدر ، شک و شبهه دن عاریدر . شو حالده کافرلرک ایمان ایتدکری بر دلیل مستند دکدر ، آنحق ایمانلرینه مانع اولان ؛ کندیلرنده اولان کبر و عظمتدر . بناء علیه ؛ آنلرک کفرلری کنندی نفسلرنده بر اولولق تصور ایدوب غیره آتباء عار ایتدکریندندر ، یوقسه امر تبلیغده و تبلیغ اولونان قرآنده بر نقصان اولدیغندن دکدر . بیضاوینک بیانی وجهله کافرلرک کبر و شقاقلرینک شدته اشارت ایچون عزت و شقاق کلمه لری نکره و شدت دلالت ابرمه نوبه ایلر وارد اولمشدر .

..

واجب تعالی کافرلرک ایماندن اعراضلری مجرد کندیلرنده تصور ایتدکری کبرلرندن نشأت ایتدیکنی بیاندن صوکره رسول الله مخالفت ایدن کافرلری تهدید ایتمک اوزره



﴿ كَمْ أَهْلَكْنَا مِنْ قَبْلِهِمْ مِنْ قَرْنٍ فَنَادَ ذَاوَلَاتَ حِينٍ مَنَاصٍ ﴾ بيوريور .

[ ای رسول ذیشان ! ذکر ایت شول شیئی که آنلردن اول کچن امتلر وقيله لردن نه قدر چوق کیمسه لر اهلاک ایتدک . بناء علیه ؛ ایمان ایتدکاری صورتده آنلر کبی بوکافرلری ده اهلاک ایدرز . عذاب کلنجه آنلر عذابدن قورتولمق ایچون چاغریشورلر ، باغریشورلر . حالبوکه آنلرک چاغریشدقلری وقت کندیلرینه « شووقت ؛ فرار ایتدک وعذابدن قورتولمق وقتی دکل ، دنیلور . [ چونکه ایمانده اعتبار ؛ غیه در . بناء علیه ؛ عذابی مشاهده ایتدکن صوکره ایمان عین الیقین مشاهده اوزرینه اولدیغندن اووقتده حاصل اولان ایمانه اعتبار یوقدر . شوخالده غضب الهی بی ایجاب ایدن افعال قیجیه بی ترک ایده رک غضبک ظهورندن اول عذابک کلمه مسنه چاره آرامق لازمدر ، یوقسه عذابک ظهورندن صوکره دفعنه چاره آرامق فائده ایتمز . زیرا ؛ بلانک ظهورندن صوکره چاره آراماق بر قوم یوقدر . هر قوم هلاک زمانی چاره آرامشلردر ولکن فائده ایتدیکی قرآنله وتاریخله معلومدر . ( قدم الخروج قبل الولوج ) ضرب مثلی ده بومعنائی تأیید ایدر . یعنی « انسان بر محله کیرمزدن اول او محله کیردیکنده نصل چیقاجغنی دوشوند کدنصکره کیرملی » دیمکدر .

( ابن عباس ) حضرت تلرینک روایتنه نظراً آیتک سبب نزولی شویله در : بدرغزاسنده کفار قریش مضطر اولونجه « فرار ایدلم » مقامنده بربرلرینه ( مناص ) دیمشلردی . آنلری رد ایتدک اوزره جناب حق ( ولات حین مناص ) نظامنی اترال بیورمشدر که « بوزمان فرار زمانی دکل » دیمکدر . چونکه قریشک عادتلری محاربه ده صیقیشنجه « فرار ایدلم » معناسنه ( مناص ) دیمک ایش . بیضاوینک بیانی وجهله مناص ؛ منعی یعنی قور نولامی عمل دیمکدر . ایشه بدرده قریش منہزم اولونجه اسکی عادتلری اوزره « قاچالم قورتولالم » معناسنه ( مناص ) دیمشلر سده الله تعالی آنلری رد ایتمشدر . بناء علیه ؛ کفار قریشک فراره آللری دکمه مشدر . چونکه ؛ بویوکلرینک بر قسمی اهل اسلامک قیلیدندن کجدی وبر قسمی ده اسیر دوشدی . بناء علیه ؛ امللری بوشه کیتدی وکندیلری رذیل ورسوای اولدیلر .

واجب تعالی کافرلرک ایمانی قبول ایتدکلرینک سببی کندیلرینک کبر وغرورلری اولدیغنی بیاندن صوکره کبرلرندن طولانی سوبلدکلری سوزلری وسائر حاللرینی بیان ایتدک اوزره ﴿ وَ عَجِبُوا أَنْ جَاءَهُمْ مُنْذِرٌ مِنْهُمْ وَقَالَ الْكَافِرُونَ هَذَا سَاحِرٌ كَذَّابٌ ﴾ بیوریور .

[ آنلر کندی جنسلرندن کندیلرینه رسول کلمه سندن تعجب ایتدیلر وکافرلر « شو نبوت دعواسنده بولونان ذات سحر ایدیچی ویالان سویله یچی در » دیدی . ] یعنی ؛ مکه اهاالیسی شدت شقاق ونفاقلردن ورسول الله بغض وعداوتلرندن کندی جنسلرندن کندیلرینه رسول کلمسندن تعجب ایتدیلر وکمال تعجب وشدت انکارلرندن « شونبینک ، عادتک خلاقی اولارق کتیردیکی شیلر سحر در ، معجزه دکدر . بناء علیه ؛ دعواسی ده یالاندر طوغری دکدر » دیدیلر .

فخر رازی ، قاضی ونیسابورینک وابوالسعود افندینک بیانلری وجهله رسول الله سحر ویالان اسنادی آنحق کافردن واقع اولاجغنه ومؤمن اولان برکیمسه بونی سویله کافر اولاجغنه اشارت ایچون اسم ضمیر بدلنده ( کافرون ) وارد اولمشدر . کافرلرک بوسوزلری حسدنرندن نشأت ایتمشدر . چونکه ؛ آنلر « صورتده ، نسبه ، اعضاده ، قیله ده و اخلاقده محمد ﷺ بزه مساویدر . بزدن زیاده برشین یوقدر . شوخالده نصل اولیورکه بزم ایچمزدن بومنصب عالی به نائل اولور وطرف الهیدن آکا توجیه اولونور . اکر بویله بر منصب توجیه اولونمق لازم ایه بزلردن دها زیاده خاطرلی زنکینلره توجیه اولونمق ایدی » دیمکله حسدلرینی اظهار ایتمشدر . بوسوزلرینی حکایه دن مقصد ؛ بونلرک حماقتلرینی عالمه اعلان ایتمکدر . چونکه ؛ آنلره طرف الهیدن بی اولارق کوندیلن ذاتک کندی اقرارلردن وآرالرنده نشأت ایده رک هر حالنی ویالان وسائر اخلاق ذمیه دن بری اولدیغنی بیلدکلری حالده « یالان سویلر » دیملری حماقتدن باشقه برشی دکدر ، لکن بوسوزه جرأتلری آنحق کفرلرندندر .

واجب تعالی کافرلرک رسول الله یالانچی دیدکلرینی بیاندنصکره شو سوزلرنده اعتماد



ایتدکری دللری الوهیت و نبوت و آخرت متعلق اولوب الوهیت متعلق اولان شبهه لری  
بیان ایتک اوزره ﴿ اَجْعَلِ الْاِلَهَةَ الْاِلْهًا وَاَحِدًا اِنَّ هَذَا لَشَيْءٌ عَجَابٌ ﴾ بیوریور .

[ کافرلر « محمد ﷺ بر چوق معبودلری برمی قیلاجق ؟ بو سوز نه قدر تعجب  
ایتمک شایاندر » دیدیلر . ] چونکه ؛ بر چوق بوتلری معبود اتخا ایدرک آنلره عبادت  
ایتمک عادتلرینک و بابالرندن کوردکری اولدنبری القتلرینک خلافتنه ، اللهک بر اولدیغنی  
اعتقاد ایتلرینی تکلیف ایتک ؛ آنلرک عننده غایت عجیب و غریب برشی اولدیغندن کمال  
اهمیتله تعجب اولوناجق برشیدر دیدیلر .

فخر رازی ، قاضی و خازنک بیانلرینه نظراً حضرت عمر اسلام اولونجه اهل ایمان  
فرحاندی و کافرلر مایوس اولدیلر . قریشک ایلری کلنلری ابوطالبه کلدیله دیدیلرکه  
« یا ابا طالب ! سن بزم بویوکمزسک . برادرک اوغلوایله بزی محاکمه ایت » . بونک اوزرینه  
ابوطالب رسول اللهی چاغیریر « یا محمد ﷺ قومک سندن بعض شیلر سوال ایدیورلر ،  
قومکدن آری اولما » دینجه رسول الله « سئواللری نه در ؟ » بیورمسی اوزرینه آنلر  
« سن بزم معبودلریمزه طعن ایتمه ، بزده سنک معبودکه طعن ایتمه لم و بوموال اوزره  
مصالحه اولالم » دیمشدر . رسول الله « سز بکا برکلهده اطاعت ایدرمیسکمز که او کله  
سبیلله عربیه و عجمه مالک اولاسکمز » بیورنجه ابو جهل « بردکل اون مثلنده اطاعت  
ایدرز ، نه در او کله ؟ » دیدی . رسول الله ده « لا اله الا الله الواحد دییکمز » بیوردی .  
مشرکر بو کله توحیدی ایشدنجه امید ایتدکری شیک حصوله کلمه جکفی بیلدکلرندن  
غایت مایوس اولدیلر . بناء علیه ؛ کله توحیدی انکار و معبودک بر اولدیغنی اوزاق عدایده رک  
« بر چوق معبودلر بر اولورمی و بوطالمه بر معبود کافی کلیرمی و بودعوی نه عجیب بر دعوا در ؟ »  
دیدکلرینی جناب حق بو آیتله حکایه بیورمشدر .

واجب تعالی بوندن صوکره جریان ایدن سوزلرینی واحوالی بیان ایتک اوزره

﴿ وَاَنْطَلَقَ الْمَلَأُ مِنْهُمْ اَنْ اَمْسُوْا وَاصْبِرُوْا عَلٰی الْهَتٰكُمُ اِنَّ هٰذَا لَشَيْءٌ يُرٰدُ ﴾

بیوریور .

[ مکنک اولولری ابوطالبک یانندن طاغیدیلر و بربرلرینه دیدیلرکه « هایدک کیدک  
معبودلریکمز عبادته دوام ایدک و معبودلریکمز واقع اولان طعن و تشنیعه صبر ایدک  
و محمد ﷺ مصالحه اولاجفکمز آله کزله مصالحه اولک . زیرا ؛ شو دعوی ایتدیکی  
توحید بزدن ایسته نیور ، بوشامت ؛ زماندنر . بزم ایچون صبر ایتک لازمدر . ] چونکه ؛  
بو حادثه بزم ایچمزده حادث اولدی . زمانک کوتولکی بونی ایجاب ایتدی ، بناء علیه ؛ بزم  
ایچون بابالریمزدن کوردیکمز دینمزده صبر و ثبات ایتک لازمدر و بوحال زائل اولونجه  
قدر صبر ایتمکدن باشقه چاره یوقدر » دیدیلر .

..

واجب تعالی بوندن صوکره مشرکرک « بز شو توحیدی نصرایتده دخی ایشیتمک  
دیدکلرینی بیان ایتک اوزره ﴿ مَا سَمِعْنَا بِهٰذَا فِي الْمِلَّةِ الْاٰخِرَةِ اِنَّ هٰذَا اِلَّا اَخْتِلَاقٌ ﴾  
بیوریور .

[ « بز شو توحیدی نصرایتده دخی ایشیتمک . زیرا ؛ آنلر اقایم ثلاثیه قائلدر .  
بناء علیه ؛ شو توحید اولمادی ، آنجق محمد ﷺ کندی نفسندن ایجاد ایتدیکی شیدر  
ویالاندر » دیدیلر . ]

بونلر عقلاً استدلاله صرف افکار ایتمه یوب او هاملرینه تابع اولدکلرندن وحدانیه  
اعتراض و توحیددن نفرت ایدرلردی . زیرا ؛ محسوساته چوچه دقت ایدوب محسوساته  
ایسه فاعل واحدک بر چوق مختلف ایشلره قادر اولامادیغنی کوردکلرندن واجب تعالی  
محسوس فاعللره قیاس ایدرک « واحد حقیقی فصل اولورکه بو عالم مکوناته کافی اولسون » دیرلر  
و بابا و دده لرینی دها عقلی ظن ایتدکلرندن « چوققلری ایله برابر دینلری باطل اولسونده  
محمد ﷺ بر شخص ایکن آنک ایجاد ایتدیکی دین حق اولسون » دیرلر و بونی حوصله لرینه  
آلدرامازلردی .

..

واجب تعالی رسول اللهک دعواسنی تکذیبده کندی زعملرنجه کافرلرک شبهه لری  
واستدلال ایتدکری دللارندن التبیانه متعلق اولان قسمی بیاندن صوکره نبوت متعلق



اولان شبهه لرینی علی طریق الحکایه بیان ایتک اوزره ﴿ اُنزِلَ عَلَيْهِ الذِّكْرُ مِنْ بَيْنِنَا ﴾ بیوریور .

[ « بزم آره مزدن قرآن محمد ﷺ اوزرینه انزال اولونورمی ؟ مع هذا محمد ﷺ بزم امثالزدر » دیدیلر . ]

یعنی ؛ رسول الله صنادید قریشی توحیده دعوت ایدنجه صنادید قریش دیدیلرکه « محمد ﷺ ذاتنده وصفاتنده بزم مساوی دروبلکه برچوق شیرلده بزآندن دهها زیاده بز . زیرا ؛ سنأ دهها زیاده یاشلی اولدیغمز کبی مالز واولاد مزده چوقدر و منصب و ثروت و دنیاچه اعتبار بزده در . بناء علیه ؛ نبوت توجیه اولونسه بزله توجیه اولونوردی . چونکه نبوت ؛ مرتبه لرك اشرفی اولدینی جهتله ناس بیتنده دنیاچه شرفی زیاده اولانلره توجیه اولونمق لازم کلیر » دیمکه نبوتك رسول الله کلسنه اعتراض ایتدیلر و مناسب کورمدیلر و قریشک ایلری کلنلری ضعیف و فقیر اولانلرینی بو منوال اوزره مغالطه ایله اغفال ایتدیلر و ظن ایتدیلرکه شرف آنحق دنیا مالیه اولور . حالبوکه بو ظن باطلدر . زیرا مراتب سعادت ؛ اوچدر : برنجیسی ؛ نفسانیدرکه علم ، عمل و سائر اخصوسه منه اید اولور . ایکسنجیسی ؛ برنیدرکه اعضاء هوارمه ایشلرینلر شیردر . اوچنجیسی ؛ خارجه یعنی رومدر برنمه خارجه اولونه شیرله اولور . مال ، جاه و بونلرك امثالی دنیاچه متعلق شیرله حاصل اولوب اولکی ایکیه نسبتله اوچنجینک ذکر و قیمتی یوقدر . قریش بیان ایتدکلری دلیلدرده ادنایی اعلا و اعلائی ادنی ظن ایتدکلری کبی مرتبه لرك اک اعلاسی اولان نبوتله اک عادی و خسیس اولان دنیا متاعی علاقه دار عد ایتدیلر . بناء علیه ؛ یوقاروده بیان اولونان قیاس فاسدی اجرایه قالدیشدیلر . شو بیان ایتدکلری دلیللرندن فهم اولوندینی جهتله رسالتی انکارلرینک باشلیجه سببی ؛ مسرور . زیرا ؛ رسول الله ک دنیاچه میل و رغبتی اولمایوب کندیلرینک بوتون املاری دنیاچه مصروف اولدینی جهتله هر شرفی دنیاچه کوزه تدکلرندن رسول الله رسالتی مناسب کورمه مشر و بناء علیه ؛ رسالتی انکاره جرات ایتمشلردر .

واجب تعالی کافرلرك نبوت حقتده شبهه لرینی و شبهه لرینک سببی بیاندنصرکه جوابی بیان ایتک اوزره ﴿ بَلْ هُمْ فِي شَكٍّ مِنْ ذِكْرِي بَلْ لَمَّا يَذُوقُوا عَذَابِ ﴾ بیوریور .

[ بلکه کافرلر وحي انزالده شک ایچنده بولوندقلرندن رسالتی انکار ایتدیلر و بو انکارلری بزم عذابیزی طامادقلرنددر . ] چونکه ؛ بز آنلره مهلت و یروب عذابلرینی تأخیر ایتدیکمزدن جسارتله ندیلر . اگر یقینه بزم عذابیزی طامادقلرله بو انکاردن واز کچرلر ، فقط فائده سی اولماز . چونکه ؛ عذابی کوردکن صوکره اقرار و ایمانک فائده سی اولیه جنی و ایمانده اعتبارک غیه اولوب عین یقین مشاهده دن صوکره ایمانه اعتبار اولما دینی برچوق آیتله ثابتدر .

فخر رازی و قاضینک بیانلری وجهله بونلرك و حیک کندیلرینه کلسنی مناسب کورملری وحي و رسالتی اعتقاد ایتدکلرندن دکلدر . چونکه ؛ بابالری تقلیده منمک و دلیلدن اعراض ایتک عادتلری اولدیغندن دائماً شک و شبهه ایچنده بولونورلر . بناء علیه ؛ رسول الله رسالتی انکاره مدار اولمق اوزره رسالتک کندیلرینه مناسب اولاجغنی ایلری سورمکدن عبارتدر .

بو آیتده ( لَمَّا ) لفظی عذابک کلمسی یقین اولدیغه اشارت ایدور . چونکه ؛ ( لَمَّا ) کلمه سی لسان عربده قریب الوقوع اولانه مقامده استعمال اولورم . عادتدر . بو عذابده یوم بدرده واقع اولمشدر .

واجب تعالی کافرلرك امر نبوتده شبهه لرینه ایکنجی مرده جواب اولمق اوزره ﴿ اَمْ عِنْدَهُمْ خَزَائِنُ رَحْمَةِ رَبِّكَ الْعَزِيزِ الْوَهَّابِ ﴾ بیوریور .

[ یوقسه آنلر عننده یا اکرم الرسل ! سنک ربک رحمت خزینه لریمی وار ؟ او ربک که هرکسه غالب ایسته دیکی شئی ایسته دیکی کیمسه یه ویرر هیچ کیمسه قاریشماز . ] یعنی ؛ غفات و ضلال دریاسنه طالمش اولان کافرلر غائب بیلرلر والله ک خزینه لرینک



آناختارلری کندی یانلرنده می که وحیک کندیلرینه مناسب اولاجغنی ادا ایدرلر  
واسته دکلرینه وحی مناسب کوروب ایسته مدکلرندن المقمی ایستلر و کندی افکارلری  
اوزرینه نبوته مناسب کیمسه لری انتخاب ایدیورلر ونصل اولور که جمله عالمه قاهر وغالب  
وملک و ملکو تنده بالاستقلال تصرف ایدن و اصلا شریک ونظیردن منز اولان وایسته دیکنه  
ایسته دیکنی شیئی ورن الله تعالی اوزرینه نبوته بزم بویوکلریمز مناسب دیه رک حکم ایدرلر ده  
سنگ مناسب اولمادیغنی نه دن بیلورلر؟ حالو که نبوت؛ بر عطیه در. الله تعالی دیله دیکنه  
احسان ایدر، هیچ کیمسه مانع اولاماز. زیرا؛ الله تعالی هر کسه غالبدر. کیمسه به  
مغلوب اولماز و دیله دیکنی ایسته دیکنه ویرر هیچ بر کیمسه نه ایچون ویردک دیه مز.  
چونکه؛ ملک آنکدر کیف مایشاء تصرف ایدر باشقسی اعتراض ایده مز.

..

واجب تعالی قریشک شهنلرندن اوچنچی مرده جوابی بیان ایتک اوزره ﴿ اَمْ لَهُمْ  
مُلْكُ السَّمٰوٰتِ وَالْاَرْضِ وَمَا بَيْنَهُمَا فَلْيَرَوْا فِي الْاَسْنَابِ ﴾ بیوریور.

[ یوقسه سموات وارض و بونلرک آره سنگ ملکی آنلرکده آنلر ایسته دکلرینی سودکلری  
کیمسه لره ویرمکی ایستلر؟ و سموات وارض کندیلرینک اولدیغنی ادا ایدیورلر ده  
سمواته چیقسونلر و عرش اعلایه قدر کیتسونلر عالمی تدبیر ایتسونلر حق وحی ده  
ایسته دکلرینه کوتورسونلر. ]

یعنی؛ آنلر الله تعالی نک وحی کوندردیکی ذاته اعتراض ایدوب مناسب کورمورلر.  
یوقسه عالم علوی اولان سموات و عالم سفلی اولان ارض و آنلرک آره سنده اولان موجوداته  
مالک و صاحبیدرلر که جناب حقک تدبیرینه قاریشیورلر واللهک ایشنه تحکم ایتک ایسته یورلر؟  
اگر بوتون عالمه مالک اولدقلرینی ادا ایدیورلر ده عرش اعلانک یوللری اولان سمواته  
چیقسونلر ایسته دکلری کبی تدبیر ایتسونلر و رسالتی ده ایسته دکلرینه ویرسونلر.

فخر رازی و خازنک بیانلری وجهله بو آیتده اتقا ایله مراد؛ آنلری عاجز قیلر  
وانلرنا ایچوندر. چونکه؛ حدلرینی بیلمه یوب کندیلرنده بر قوت و قدرت تصور

ایتدکلرندن جناب حق آنلری استهزا و حدلرینی بیلدیرمک ایچون « اَلْکَزْدَهِ بِرَشِيْ وَاَرَسَ  
هَایْدَک سَمَایَه جِیْقَک بَکَندِیکَکَزِی یَا بَک اَلْکَزْدَیْنَه کَایَرَسَه اَنی ایشله یک » بیورمشدر.

..

واجب تعالی کافرلری عاجز قیلدق ایچون کندیلرینه سَمَایَه جِیْقَمَالِرِی امر ایتدکلر  
صوکره عاجز اولدقلرینی آچیقدن بیان ایتک اوزره ﴿ جُنْدُ مَا هُنَالِكَ مَهْزُومٌ  
مِّنَ الْاَخْزَابِ ﴾ بیوریور.

[ آنلر بولوندقلری مقامده مغلوب و آزیحق برجاعتدرلر. ]

یعنی؛ قریش قومی انبیاء عظام علیهلرینه تجمع ایدن جماعتلردن مغلوب و غایت آز  
برجماعتدر که هیچ بر شینه قادر اولامازلر. شو حالده نصل اولور که تدبیر الهی به قاریشیر  
ورسالتی بزم مناسب کوردیکمز رسولزه مناسب کورمز و اعتراضه جسارت ایدرلر و کندیلرینی  
مناسب کوردکلری مرتبه ایلله مناسبتلری اولمادیغنی بیلمزلر.

بیضاوینک بیانی وجهله ( ما ) لفظی بو مقامده تقبیل و لافلری فقیر ایچوندر.  
یاخود لافلری استهزا و زلکم صورته نغظیم ایچوندر که « سزلر کندی زعمکز جه بویوک  
آدملر سکز ولکن مغلوب سکز » دیمکدر.

..

واجب تعالی کافرلره عذابک تأخرندن طغیان ایتدکلرینی بیاندن صوکره انبیاء سائر مک  
امتلرینکده عذابلری تأخر ایتدیکندن طغیان ایدوب صوکره عذاب نازل اولارق هلاک  
اولدقلرینی بیانله قریشی تهدید ایتک اوزره ﴿ کَذَّبَتْ قَبْلَهُمْ قَوْمُ نُوحٍ وَّعَادُ  
وَفِرْعَوْنُ ذُو الْاَوْتَادِ \* وَثَمُودُ وَقَوْمُ لُوطٍ وَاَصْحَابُ الْاَیْکَةِ اُولَئِکَ  
الْاَخْزَابُ \* اِنْ کُلَّ اِلَّا کَذَّبَ الرُّسُلَ فَحَقَّ عِقَابِ ﴾ بیوریور.

[ قریشدن اول حضرت نوحک قومی کمال قوت و قدرتلری ایلله برابر برادرک  
نوح علیه السلامی تکذیب ایتدیلر. بز عظیم الشان طوفانله جمله سنی غرق ایتدک و کذلک



عاد قومی کمال عناد و تکبر لرله برابر هود علیه السلامی تکذیب ایتدیلر بز آنلری روز کارله اهلک ایتدک و فرعون دنیا یوزنده اک زیاده قوی و ثابت بر دولت و سلطنت صاحبی اولدیغی حالده موسی علیه السلامی تکذیب ایتدی کندینی و عسکرینی دریاه غرق ایتدک و ثمود قومی کمال شدت لرله برابر صالح علیه السلامی تکذیب ایتدیلر بز آنلری شدتلی صیحه ایله اهلک ایتدک و قوم لوط حدود الهیهی تجاوزک نهایتنه وارمش ایکن لوط علیه السلامی تکذیب ایتدیلر . بز آنلری مملکتلرینک آلتی اوسته چورمک و اوزر لرینه طاش یاغدیرمقله اهلک ایتدک و اصحاب ایکه شعیب علیه السلامی تکذیب ایتدیلر بز آنلری ده اهلک ایتدک . ای بنی محترم ! ایشته شو آیتده بیان اولونان امتلر طریق حقندن آیرلش اولان جماعتلردن بعضیلریدر . بونلرک کلیسی رسوللرینی تکذیب ایتدیلر . بناء علیه ؛ آنلر اوزرینه عذابم واجب اولدی که دنیا و آخرت معذبلردر . [ بونلرک جمله سی قریشدن قوتلی و شوکتلی اولدقلری حالده هلاک اولونجه آنلره نسبتله یک ضعیف و دولت و قوتدن عاری اولان قریش مسکینلرینک هلاک اولاجقلری اولویتله ثابت اولور . بناء علیه ؛ قلب نبویکمز مستریح اولسون .

فخر رازی ، خازن وقاضینک بیانلری وجهله فرعونک دولتی و سلطنتی قرار لشمسه ثابت اولدیغنده فرعونه ( ذوالاوتاد ) دنیلمشدر . چونکه اوتاد ؛ ذمک جمعیه دره و تدایسه ماقبلشمه قاریی معنایه اولدیغندن بومقامده ماقبلشمه قاریی کبی دولتی ثابت اولدیغنده اثارت ایچوره ( ذوالاوتاد ) دنیلمشدر . یاخود فرعونه غضب ایتدیکی کیمسه عذاب ایچوره درت آغاج دیکرک اوکیمسک اللمزده و ایاقلمزده منجر او آغاجلره ماقدیغنده ( ذوالاوتاد ) دنیلمشدر . یاخود مضورمه اکلمک ایچوره اللمزده و کنکله و ایرلرله مابازلر اربنادقلمزده ( ذوالاوتاد ) دنیلمشدر . یاخود عسکرینک موقلفی نیتنده مابدرلره جورو جیری لازم اولدیغنی مهترمه ( ذوالاوتاد ) عنوانی ویرلشدر .

شعیب علیه السلامک قومی بیتلک محملرده بولونمقلمزده آنلره اصحاب ایکه دنیلمشدر . خلاصه ؛ کندیلرینه طرف السیدن کوندریلن رسوللری تکذیب ایدن امتلر هلاک

اولدقلری کبی قریش قومی ده کندیلرینه کوندریلن رسولی تکذیبده دوام ایدرلرسه آنلرک ده هلاک اولوناجنی شهسز دیمکدر .

\*\*

واجب تعالی قریشک کفر و عنادلرنده دوام ایدرلرسه هلاک اولاجقلرینی بیاندن صوکره . هلاک لرینک آز بر زمانده حاصل اولیورده جکفی بیان ایتک اوزره ﴿ وَمَا يَنْظُرُ هُوَ إِلَّا صَيْحَةً وَاحِدَةً مِّمَّا مِنْ فَوْاقِ ﴾ بیوریور .

[ ای حبییم ! سنک دینکی قبولدن امتناع ایدن قریش قومی بکله مزلر ، آنجق بر صیحه بکلرلرکه اوصیحه ایله صورت سریعهده هلاک اولورلر . زیرا ؛ اوصیحهده اصلا قرار ایتک ، طورمق اولمادیغنی کبی اوصیحه کلنجه دونمک احتمالی ده اولماز . ] یعنی صیحه کلسونده هلاک ایتمکسزین کیری دونسون ، بواحتمال یوقدر .

بیضاوینک بیانی وجهله فواق ؛ قریونی صاغانه کیمسک ممسکی بر کره صیغمه سید ایکنی صیغمه نلک آره سنده کین زمانه دینور . یاخود سور صاغانه کیمسک ممسکی صیغوب اونی مکنجه ممسک اوجنه کلمسه اولاره سورک کیری دونمکی زمانه که آریچور بر نوقفده کنایه در . یعنی « آنلری اهلک ایدجک صیحه کلنجه آریچق بر زمان دورمقسزین هان اهلک ایدر ، دیمکدر که غضب الهی ظهور ایدنجه بر نفس آلتجهیه قدر مساعده اولماز . صیحه ایله مراد ؛ عرب عننده غارتلرده واقع اولاره صحرلردر . بوکا نظراً معنای آیت : [ قریش بکله مزلر ، آنجق غارتده واقع اولان صیجه بی بکلرلر . زیرا ؛ اومثللو صیجهلرده اولوش اولور دونوش اولماز . شو حالده بونلرک بر صیجهلق ایشلری واردر . او بر صیحه بونلرک ایشلرینی بیتور ] دیمکدر .

\*\*

واجب تعالی مشرکارک رسول الهی تکذیبلرینک سبی السهاده و نبوته و امر آخرته شبهه لری اولدیغنی و او شبهه لرندن الوهیه و نبوته متعلق اولانلرینی بیان ورد ایتدکن خلاصة البيان : اون ایکنی جلد — ۲۴



صوکره آخرته متعلق اولان شهبه لرینی رد ایتک اوزره ﴿وَقَالُوا رَبَّنَا عَجَلْ لَنَا قِطَّنًا قَبْلَ يَوْمِ الْحِسَابِ﴾ بیوریور .

[کافرلر ای بزم ربمز ! یوم قیامت وروز حسابدن اول عذابدن نصیبمز نه ایسه تعجیل ایت دیدیلر .]

یعنی ؛ کافرلر احوال آخرتی ، ناسک بعضیسی اصحاب یمین و بعضیسی اصحاب شمال اولوب هر کسک دفتر اعمالی آله ویریله جکئی رسول اللهدن ایشیدنجه استهزا طریق ایله « یارب ! آخرتدن اول عذابدن نصیبمز نه ایسه ویرده کورده لم ، یوم قیامته تأخیر ایتمه » دیمکله عذابک یوقلغنه حکم ایتدیلر . چونکه ؛ ایمان ایتدکلرندن عذابک وجودینی اعتقاد ایتملردی . بناء علیه ؛ امر آخرتی انکارله رسول للهک رسالتی ده انکار ایدرلردی . ( قِطَّنًا ) عذابمه مهتممز و یاخود دفتر اعمالمز دیمکدر . بوکا نظراً معنای نظم : [ « یارب ! یوم حساب اولان قیامت کونندن اول دفتر اعمالمزی آلمزه ویرده بقالم کورده لم عملمز نه ایمش و جزای جنت میدر و یاخود جهنم میدر بیله لم ؟ » دیمکله رسول اللهی استهزایه جسارت ایتدیلر .]

..

واجب تعالی مشرکک رسول الله اعتراض واستهزارلندن حاصل اولان حزنی دفع

ایتمک اوزره ﴿إِصْبِرْ عَلَى مَا يَقُولُونَ﴾ بیوریور .

[ صبر ایت یا ا کرم الرسل ! آنلرک دیدکلرینه .]

یعنی ؛ ای حبيب ذیشانم ! هر نه قدر کافرلر عناد واستکبار ایده رک سنک شانکه لایق اولماق شیلری اسناد ایدیورلر سه ده سن آنلرک سوزلرینه صبر ایت و هذیانلرینه التفات ایتمه و یاراماز سوزلرندن محزون اولما . زیرا ؛ آنلرک شرندن بن سنی محافظه ایدیجی یم . بناء علیه ؛ مستریح اولمکز لازمدر .

..

واجب تعالی کافرلرک عذابک تعجیلنی آرزو ایتدکلرینی بیاندن صوکره کناهک نه درجه بیویوک بر شی اولدیغنی بیان صدنده داود علیه السلامک قصه سه اشارت ایتک اوزره ﴿وَإِذْ كُنَّا عَبْدًا دَاوُدَ ذَا الْأَيْدِ إِنَّهُ أَوَّابٌ﴾ بیوریور .

[ ای رسول اکرم ! قوت و قدرت صاحبی اولان داود قولمکزک باشندن کچن حاجرای ذکر ایت . زیرا ؛ داود قولمز هر شیده الله تعالی به رجوع ایدیجیدر .]

بیضاوینک بیانی وجهله ( ذا الاید ) قوت معنا سه در . بومقامده قوت ایله مراد ؛ عبادتمه و امور دینیه قوتمه . چونکه ؛ داود علیه السلام بر کون اوروج طوئوب بر کون افطار ایده رک طاعاته دوام ایتدیکی کبی کیجهنک نصفده تهجده قالدقار و بر جوق مشقته تحمل ایدر و هر امورنده رضاء الهی بی آزار و مناسبتر شیلردن نفسی محافظه ایدردی .

..

واجب تعالی داود علیه السلامک مناقبدن بعضیلرینی بیان ایتک اوزره

﴿إِنَّا سَخَّرْنَا الْجِبَالَ مَعَهُ يُسَبِّحْنَ بِالْعَشِيِّ وَالْإِشْرَاقِ وَالطَّيْرَ مَحْشُورَةً كُلٌّ لَهُ

أَوَّابٌ﴾ بیوریور .

[ بز عظیم الشان داوده طاغلری مطیع و منقاد قیلدق . بناء علیه ؛ قوشلق و آقشام وقتی طاغلر دوام اوزره داودله برابر تسبیح ایدرلردی و آکا قوشلرک هر نوعی اطاعتی قیلدق که قوشلر اطرافنه طوبیلا نور جمله سی برابر تسبیح ایدرلردی .] شوخانده قوشلردن و طاغلردن هر برلری داود علیه السلامک تسبیجی ایچون تسبیحه مراجعت ایدرلردی . یعنی ؛ حضرت داودک تسبیجی آنلرک تسبیحه سبب اولوردی و داود علیه السلام ترده بولونور تسبیحه مشغول اولور سه او محله بولونان طاغلر و قوشلر آکا تبعیت ایده رک تسبیحه دام ایدرلردی .

بو آیتده واجب تعالی داود علیه السلامی برفاق و مهملر نا یور مشر : برنجیسی ؛ داود علیه السلام مقنده جمع صیغه سیدر عبدمز یور مشر . چونکه جمع صیغه سیدر عبدمز



دیمک؛ تعظیمک نهایی سی و تشریفک غایه سیدر . ایکنجیسی ؛ عبودیتک تعبیرمه عبودیتک معنائی دارد علیه السلام نفسنده لایقیدر تطبیق ایتدیکه اشارت بیورمسیدر . چونکه عبد ایچون عبودیتک وظیفه سی نفسنده اظهار ایتک ؛ الیویوک برمزیتدر . اوچنجیسی ؛ امری صامبی اولدیغنی بانه بیورمسیدر . چونکه بو مقامده ایدی ؛ طاعتی ادایه وکناهرمه فایده قوت و قدرت صامبی دیمکدر . حق رسول اللهک بر حدیثنده «اوروجک الک زیاده سوکیلیسی داود علیه السلام اوروجیدر . زیرا ؛ برکون طوتار برکون بیر و نمازکاک زیاده سوکیلیسی داود علیه السلام نمازیدر . زیرا ؛ کیجه نک نصفنده اویقویه واریر و ثلث اخیرنده قاتقار نماز قیلار و کیجه نک سددس اخیرنده اویقو اوپور » بیوردیغنی مرویدر . شو حالده بو حدیث شریف داود علیه السلام عبادته زیاده متحمل اولدیغنی بیان ایدر . دردنجیسی ؛ دارد علیه السلام هر امورمه جناب هقه مراجعت ایتدیکنی بانه بیورمسیدر . چونکه ؛ (اواب) مبالغه صیغه سیله هر شیره هقه متوکل و تفویضه امور ایتدیکنی مشهوردر . بشنجیسی ؛ طاغیری و قوتلری حضرت داود مسخر قیلدیغنی و طاغیرک و قوتلرک داود علیه السلام انقیاد ابره رک نسجه دوام ایتدیله داود علیه السلام مقتدره اولدیغنی بانه بیورمسیدر .

طاغیرک تسبیحک کیفیتده اختلاف وار ایسه ده اکثر مفسرینک بیانلری وجهله اوساعته مخصوص اولارق جناب حقک آنلرده لسان خلق ایده رک آنکله تسبیح ایتلیدر . چونکه ؛ ات ایله کیکنن عبارت اولان انسانلرده عقل ، حیات و نطق کی اوصافی خلق ایدن الله تعالی نک طاشله طوبراقدن عبارت اولان طاغیرده بوکی اوصافی خلق ایتسی اوزاق برشی دکدر . بناء علیه طاغیرک و قوتلرک تسبیحلری ؛ معنای حقیقی و ظاهریسی اولان لسانله تسبیحدر . چونکه لسان حالله تسبیح ؛ هر زمان جاری اولدیغندن داود علیه السلام تخصیصده بر معنا یوقدر . یاخود داود علیه السلام صدایی غایت کوزل و اوزون اولدیغندن زبوری قرائت ایتدیکننده قوتلر اطرافه طویلانور دیکه لر و هربری دورلو آوازه باشلامقله تسبیح ایدرلردی . داود علیه السلام صداستندن طاغیره عکس

ایدن صدا آنلر حقنده تسبیح ایدی . چونکه ؛ هر جمله سنده واجب تعالی بی نقائصدن تنزیه اولدیغنی جهتله طاغیردن عکس ایدن صدا و قوتلرک نعماتی عین تسبیحدر .

\*\*\*

واجب تعالی داود علیه السلام مناقبندن بعضیلرینی بیاندنصرکه بعض آخری بیان ایتک اوزره ﴿ وَشَدَدْنَا مُلْكَهُ وَآتَيْنَاهُ الْحِكْمَةَ وَفَضَّلْنَا الْخِطَابَ ﴾ بیوربیور . [ بز ملک داودی قوتلندیردک و آکا علم تامله قطع خصوماتی ویردک . ]

یعنی ؛ داود علیه السلام کال لطفمزدن ظاهرده ملکنی عسکرله قوتلندیردک و دیگر مملکتلری استیلا ایله تقویه و اهالی بیتنه مهابتی القا ایتدک . بناء علیه ؛ جمله خلق آنک امرینه اطاعت ایدر اولدیله و داودک ملکنی بز تقویه ایتدیکنی کی آکا نبوت و کال عالم و کوزل و محکم عمل و حقله باطل بینتی تفریق قدرت کامله ویردک .

فخر رازی ، قاضی و نيسابورینک و ابوالسعود افندیکنک بیانلرینه نظر آ داود علیه السلام حکومتک تقویه سی و ملکنک قوتلنمسی شویله در : بر کیسه دیگر بر کیسه دن او کوزینی غضب ایتدیکنی دعوی ایتسی اوزرینه مدعی علیه اولان انکار ایدر ، آنجق مدعینک شاهی یوق ایتس . داود علیه السلام طرف الهیدن مدعی علیه قتل ایتسیله رؤیاسنده اوچ دفعه امر اولونمش . بناء علیه ؛ داود علیه السلام مدعی علیه قتل اولونماسیله امر اولوندیغنی سویله نجه مدعی بینه سز قتل اولونامیه جغنی سویله . داود علیه السلام امر الهی به اطاعته مجبور اولدیغنی و صورت قطعیده امر الهی نک انفاذ اولوناجغنی تکرار تفهیم ایدر . مدعی علیه امر الهیدن قور تولوش اولمادیغنی بیله حقیقی بیان ایدر و دیرکه « یا بنی الله ! بن بو او کوزی غضب ایتدم ولیکن مدعینک پدرنی اولدور مشدم . بنم قتلمه امر الهینک ظهوری بو حکمه مبنی اولسه کر کدر » دیمسی اوزرینه قصاص طریقله قتل اولونور . زیرا ؛ « المرء مؤخذ باقراره » کیشی اقراریه مؤخذ اولونور « فحواسنه مبنی قصاص اولونجه عموم بنی اسرائیل اوزرنده بویوک بر تأثیر حاصل ایدرک داود علیه السلام مهابتی هر که طاغیلیر . حتی هر کس مقتضیات شرعک خارجنه چیقاماز بر حاله گلشدر . چونکه ؛ شریعتک خارجنه چیقارسه داود علیه السلام بیلیرده مجازات ایدر اعتقادی هر کسده



برلشدیکندن شریعتک خلاقی معصیتی ارتکابدن صاقینمنی هرکس کندینه چاره سلامت و نجات بولشدر . بناء علیه؛ حکومت داود قوتلندی، هرکس داود علیه السلام امری خارجنده برشی یا پاماز برحاله کلدی که اوزمانده دنیاده بولونان حکومتلرک الزیاده قوتلیدی داود علیه السلام حکومتی اولدی . زیرا؛ اهالی یکدیگریه مربوط و حکومته امین و عدالت یولنده و انتظام مکمل ایدی . حق کرسی داود علیه السلامی بک جوق کیشی نک بکله دیکی مرویدر . داود علیه السلامه حکمت علمیه و دنیا و آخرته متعلق حکمت عملیه و یریلوب حکمت اعطا اولونان کیمسه یه خیر کثیر و یرلش اولدیغندن جمله خیرات داود علیه السلامه اعطا اولونمش دیمکدر .

بوآیتده بیان اولوندیغنی وجهله داود علیه السلامه نطق بلیغ و عدالتله حکم صحیح و یرلشدر . چونکه اجسام عالم؛ اوج منقسمه؛ برنجیسی؛ بمادات که علمیه مهالیمه . ایکنجیسی ، حیوانات ساره که ادراکی وار ایدره قلمره اولاده شیئی افاده به قادر دکلره . بناء علیه؛ کالاتدن نصیبی یوقدر . اوچنجیسی ، انسانه که ادراکی اولقله برابر قابله کلان معنایی باقیه لایفه افاده به قادر در . آنجق بوقدرتده بولونان انسانلرده بربرندن فرقلیدر . بعضیسی صورت منتظمه ده سوز سوزلکه و کندی حقوقی مدافعه یه و غیرک حقوقی محافظه یه قادر در و بعضیسی ده سوز سوزلر سوده انتظامنه رعایت ایده مدیکی کبی حقوقی مدافعه ده ایده من . داود علیه السلام ایسه کوزل سوز سوزلکه و معناسنی ضبطه و بلاغت و طلاق لسانله افاده مرامه و ناس بیننده عدالتله حکم ایتکه و محافظه حقوقه مقتدر اولدیغنی بیان ایتک اوزره جناب حق فصل خطاب و یردیکنی بیانه بوآیتده ثابور مشدر . چونکه فصل خطاب؛ مقدمه باطل بنیغنی تفریق ایدر غایت آمیسه و شبره من مقصوده دلالت ایدر قیسه برکلامدر که مآنی هرکس آکلایایلمر .

..

واجب تعالی داود علیه السلامک بعضی تناسنی بیاندن صوکره اعتقادنده ضعف اولان کیمسه لک خاطرینه کلن وهمی قالدیرمق ایچون ایکی خصمک حضور داوده امتحان

صورتیه کلدکرینی بیان ایتک اوزره ﴿ وَهَلْ أَتَيْكَ نَبُؤُا الْخَصْمِ إِذْ تَسُوْرُ الْحِرَابِ ﴾ اذ دخلوا علی داود ففرع منهم بیوریور .

[ یا اکرمل الرسل ! محقق سکا خصمک خبری کلدی . ذکر ایت ایکی خصمک دیواردن محراب داوده چیققلری زمانی که اوزمانده آنلر دیواردن داود علیه السلام اوزرینه کیردیلمر . بناء علیه؛ داود علیه السلامده آنلردن قورقدی . ]

بیضاوینک بیانی وجهله بوآیتده استفهام؛ ذکر اولونامی غیرک شاتک بوبرکلک و کمال دقتدیکله نمکه ثابانه اولدیغنی نمیه ایچوندر . خصمک خبری ایله مراد؛ خصمک محاکمه لربنک غیری دیمکدر . داود علیه السلام اوزرینه عادتک خلاقی اولارق دیوار یاریلارق کیردکلرندن قورقشدر . چونکه؛ داود علیه السلام زمانی درده تقسیم ایتشدی که بر کون عبادت ایدر ، بر کون فصل حقوق و حکم قضا ایدر ، بر کون خصوصات بیتیه ایله و بر کون ده اهالی یه وعظ و نصیحتله مشغول اولوردی . عبادت کونی خلوتده ایکن و بکجیلر قابوده ایچویه کیمسه یی قومادقلری بر زمانده آکسزین دیوار یاریلارق آنلرک، مأمولک خلاقی کیریورملری داود علیه السلامی قورقوشمدر . شو حالده معنای نظم:

[ ای حبیلم ! داود علیه السلام خلوتده ایکن عادتک خلاقی دیواردن ایکی خصمک محاکمه ایچون داود اوزرینه آکسزین کیردکلرینک خبری سکا کلدی . بناء علیه؛ سن اوزمانی خاطرکه کتیر و تذکر ایت که نه غریب بر قصه در . عادتک خلاقی کلدکلرندن طولای داود علیه السلام آنلردن قورقدی ] دیمکدر .

..

واجب تعالی داود علیه السلامک قورقدیغنی خصمکریلنجه واقع اولان سوزلرینی بیان ایتک اوزره ﴿ قَالُوا لَا تَخَفْ خَصْمَانِ بَغِيْ بَعْضُنَا عَلٰی بَعْضٍ فَاَخْكُمْ بَيْنَنَا بِالْحَقِّ

وَلَا تَشْطِطْ وَاهْدِنَا اِلٰی سَوَاءِ الصِّرَاطِ ﴾ بیوریور .

[ دیوار یاریلارق ایچری یه کیرن ایکی خصمک حضرت داوده دیدیلر که قورقما بزدن .



زیرا؛ بز ایکی خصم که بعضیمز بعضیمزه ظلم ایتدی. شوخالده بزم بینمزده حقه حکم ایت و باطله میل ایتمه، بزه طوغری یولی کوستر . . ]

یعنی؛ او یکی خصمک عادتک خلاقی دیواردن کیرملری داود علیه السلامه قورقو ویرنجه آنلر داود علیه السلامه خطاباً « سن قورقازدن . زیرا؛ بز سکا سوؤقصد ایچون کلدک، بلکه ایکی خصمز محاکمه ایچون کلدک. چونکه؛ بعضیمز بعضیمزه ظلم ایتدی . بناء علیه؛ سن بزم بینمزده عدالتله حکم ایت و عدالتک خارجنه چیقما، طوغری یول نه ایسه آنی بزه کوستر هر کس حقنه راضی اولسون » دیدیلر .

داود علیه السلام محرابنده عبادتله مشغول اولدینی ائشاده کیمسه یاننه کیره من و بکجیلر قابوده بکلر و هیچ کیمسه به مساعدده ایتملر کن بوا یکی ملک، ایکی انسان صورتنده قابویه کلوب مساعدده ایسته یوب بکجیلر مساعدده ایتمه نجه دیواره چیقارده ایچرویه کیرملری اوزرینه داود علیه السلامه عارض اولان قورقوی ازاله ایچون محاکمه مقصدینه مبنی کلدکلرینی بیان ایتشلردر .

\*\*

واجب تعالی حضور داوده خصمک کلدیکنی بیاندن صوکره دعوالرینی تصویر ایتدکلرینی بیان ایتک اوزره ﴿ إِنَّ هَذَا أَخِي لَهُ تِسْعٌ وَتِسْعُونَ نَعْجَةً وَلِي نَعْجَةٌ وَاحِدَةٌ فَقَالَ أَكْفِلْنِيهَا وَعَزَّنِي فِي الْخِطَابِ ﴾ بیوریور .

[ خصملردن بریسی حضرت داوده خطاباً سوزده باشلایه رق « شوئم مؤمن برادرمدردر . کندیسنک طقسان طقوز حریمی واردر . بنمده بر دانه حریم واردر و بکا، سن او بر حریمی ده بکا ویر » دیدی و سوزیله بکا غلبه ایتدی . زیرا؛ بندن فصیحدر . ]

یعنی؛ ایکی انسان صورتنده کلن ملکلر داود علیه السلامه عارض اولان قورقوی ازاله و قلب نبویلرینی تسکیندن صوکره دعوالرینی تصویر و برینک او برینه ظلم ایتک ایسته دیکنی بیانه باشلادیلر و ایچلردن بریسی دیکرینه اشارت ایدهرک « شوئم دیننده قرداشم و طریق سلو کده مسلکداشمدر . بونک طقسان طقوز دانه خاونی واردر، بنم ایسه

بردانه در . بکا او بر خاونی کندینه و بر مکملکمی تکلیف ایدیور و دییور که ( او بر خاونی ده بکا ویر آ کاده بن کفیل اولایم . بنم زوجم یوز اولسون سنک هیچ اولماسون ) . بویه دیمکله برابر بر طاقم دلائل ایله بکا غلبه ایتدی . زیرا؛ کلامده بن مدافعه به قادر دکلر و محاربه به اقتدارم یوقدر . چونکه بن عاجز بر کیمسیم » دیمکله دعوائی تصویر ایتدی .  
( اکفلنیه ) بنی اوبرده مالک قیل ، یاخود به تحت نظامده اولاندیر کفیل اولدیرغم کبی برطاده کفیل قیل دیمکدر . یاخود کفیل؛ نصیب معناسنه در که « بوبری ده بنم نصیبم قیل » دیمکدر .

\*\*

واجب تعالی خصمک دعوائی تصویر لرینی بیاندن صوکره داود علیه السلام کال تعجبه سویلدیکی سوزی بیان ایتک اوزره ﴿ قَالَ لَقَدْ ظَلَمَكَ بِسُؤَالِ نَعْجِكَ إِلَى نَعَاجِهِ وَإِنَّ كَثِيرًا مِّنَ الْخُلَطَاءِ لَيَبْغِي بَعْضُهُمْ عَلَى بَعْضٍ إِلَّا الَّذِينَ آمَنُوا وَعَمِلُوا الصَّالِحَاتِ وَقَلِيلٌ مَا هُمْ ﴾ بیوریور .

[ داود علیه السلام خصملره خطاباً « سنک خاونی کندی خاونلرینه الحاق ایتکی ایسته مسیله الله حق ایچون او آدم سکا ظلم ایتدی و شرکادن چوقلری ماللرینی بر برینه قاریشدر مقله بعضیسی بعضیسنه ظلم ایدر ، الا شو کیمسه لرکه آنلر ایمان ایتدیلر و عمل صالح ایشله دیلر آنلر ظلم ایتملر فقط ایمانله و عمل صالحله مشغول اولانلر بودنیاده آزدن آزدرد و اندردرد » دیمکله اسفنی اظهار ایتدی . ] داود علیه السلام طقسان طقوزده بر دانه خاونک ضمنی ایسته مسیله ظلم ایتدیکنی بیانه برابر اختلاط ایدن انسانلردن چوقلرینک بوا حالده اولدیفنی دخی بیان ایتشدرد . آنحق للهک وحدانیتنه لایقوله ایمان و اوامرو نواهی به امثال ایدن و بالخاصه حقوق عبادده رعایتله عمل صالح ایشله یئر بوکی ظلم و تعدی به جسارت ایتملر و لکن بومثللو صالح کیمسه لرده دنیاده آزدرد دیدی .

( وقلیل ما هم ) ای کیمسه لرک غایت آزلغنی تأکید ایچون آنلر کیمسه کتیه اولانه ( ما ) لفظنی ایراد ایتشدرد . داود علیه السلامک بو حکمی دیکر خصمک اقرارندن



صوکره در . یا هود مدعی علیه سویله مش ایسه ده سکوتی اقرار اولسنه بناءً ظلمه نسبت ایده رک حکم ایشدر . یا هود «اگر سنک دیدیک کبی ایسه سکا ظلم ایتدی» دیمکدر.

..

واجب تعالی داود علیه السلام حکمی بیاندن صوکره واقع اولان احوالی بیان ایتک اوزره ﴿وَوَظَنَ دَاوُدُ اَنَّمَا فَتْنَاهُ فَاَسْتَغْفَرَ رَبَّهُ وَخَرَّ رَاْکِمًا وَاَنَابَ ۖ فَغَفَرْنَا لَهُ ذٰلِكَ وَاِنَّ لَهُ عِنْدَنَا لَزُلْفٰی وَحُسْنَ مَّآبٍ﴾ بیوریور .

[اووقته ظن ایتدی داود که بزآنی مبتلا قیلدق . بناءً علیه ؛ درحال ربسنه استغفار ایتدی ورکوعه واردی ودرگاه الوهیه رجوع ایتدی . بزده آندن صادر اولان زله بی عفو له مغفرت ایتدک . زیرا ؛ داود ایچون بزم عندمزده قربیت وحسن مرجع واردر .]

یعنی ؛ داود علیه السلام حکمی ویرنجه ملک بربرینه باقارق بو حکم حاکم کندی علیه در دیرلر وغائب اولورلر . داود علیه السلام ایکی طرفه نظر ایدر کورور که آکسزین غائب اولمشلر . ایشته اوزمان بیلدی که داود علیه السلام بزآنی مبتلا قیلدق و امتحان معامله سی یابدق . درحال صادر اولان زله دن ربسنه استغفار له رکوعه واردی و مناجاته درگاه الوهیه رجوع ایتدی . بزده آنی مغفرت ایتدک . زیرا ؛ داود ایچون بزم عندمزده بویوک مرتبه وغایت قربیت واردر .

بوآتی تلاوت له شافی عندنه سجده لازم کلز ، اما امام اعظم عندنه تلاوت له سجده لازمدر ورکوعک سجده مقامه قائم اولاجنی بوآت له استدلال اولومشدر . بوآتی تلاوت ایدنجه رسول الله سجده ایتدی مریور .

بو آیتک دلاقی وجهله داود علیه السلام (اوریا) دنیلن کیمسه نک خطبه ایتدی خاتونه خطبه ایده رک نکاحلاندیقندن (اوریا) نک مایوس اولسی اوزرینه شو خطبه اوزرینه خطبه نک زله اولدیغه تنیه ایچون ایکی خصم صورتند و واجب تعالی ملکری کوندرر تنیه ایدر و داود علیه السلام ده حقیقی آکلار . بناءً علیه ؛ جناب حقدن زله سنک عفونی استرحام ایتدیکنی واجب تعالی بوآت له بیان بیورمشدر .

داود علیه السلام دن صدور ایدن زله نک سبی ؛ ایکیمر : برنجیسی ؛ خطبه اوزرینه خطبه ایشدر . ایکنجیسی ؛ طقسانه طقوز مریمی مریور ایکن بوزنجی سینی دخی ایستهمی در . داود علیه السلام دن واقع اولان زله حقنده برچوق روایتلر وار ایسه ده معتمد اولان روایت بودر . چونکه آیتده (وعزنی فی الخطاب) نظمده زله نک خطبه ده اولدیغنی ایما ایتدیکی جهته بو روایتی تأیید ایدر . اما (اوریا) حقنده واقع اولان روایتلر عقلاً و نقلاً صحیح دکلدر . بناءً علیه ؛ افترا ، بهتان ویالاندن عبارتدر .

بعضیلر ده زله بی داود علیه السلام زماننده موجود برعات اوزره تصویر ایشلدر ، سویله که : بنی اسرائیلدن برکیمسه نک دیکرینه کندینه نکاحلامق اوزره حرمنی ترک ایتسنی رجا و تکلیف ایتک عادت ایش . بناءً علیه ؛ بوتکلیف ناس آره سنده عادت اولدیقندن هرکس چوق کورمز ، حتی قبول ایدوب ترک ایدنلر ده اولورمش . ایشته ناس بیتده جاری اولان شوعاده بناءً داود علیه السلام ده بنی اسرائیلدن برکیمسه به بویه برتکلیفده بولونسی اوزرینه واجب تعالی محاکمه صورتیله ایکی ملک کوندره رک داود علیه السلامه تنیه بیورمشدر . کرچه بو عادت ناس آره سنده جاری ایسه منصب نبوته بومثل و تکلیف وعادت خسیسه به اتباع ایتک مناسب کوروله مشدر . چونکه ؛ حسنات الابرار سیئات المقرین در . آیتده بوروایت اشارت ده واردر . چونکه آیتده خصمیندن برسی کندینک طقسان طقوز خاتونی وار ایکن بنم بر خاتونم وار بکا اوبر خانونده کندینک کفیل اولسنی و تحت کفالتنه آلسنی ایستر «دیمک عین روایتی تأیید ایتکده در .

..

واجب تعالی داود علیه السلام دن واقع اولان زله بی و داود علیه السلام درحال توبه سنی قبول بیوردیغنی بیاندن صکره توبه نک کمال اخلاص و صمیمیت اوزره اولدیقندن خلعت خلافت له داود علیه السلامی مسرور و مشرف بیوردیغنی بیان ایتک و لطف کرمنی داود علیه السلام اوزرینه اظهار له ندا ایده رک ﴿يَا دَاوُدُ اِنَّا جَعَلْنَاكَ خَلِیْفَةً فِی الْاَرْضِ فَاحْکُم بَیْنَ النَّاسِ بِالْحَقِّ وَلَا تَتَّبِعِ الْهَوٰی فَيُضِلَّكَ عَنْ سَبِیْلِ اللّٰهِ﴾ بیوریور .



[ ای داود! بزنی یر یوزنده خلیفه قیلدق. خلافت سکا توجه ایدنجه سن ناس  
بیننده عدالتله حکم ایت. سن آرزوی نفسکه تابع اولما که سنی طوغری یولدن چیقارماسون. ]  
یعنی؛ یا داود! بز عظیم الشان سنک اخلاصه استغفار ندنصکره سکا عارض اولان  
حالات بشریه یی قالدیردق و سنی یر یوزینه خلیفه قیلدق. بناء علیه؛ بزم طرفزدن سن  
نیابت ایت. چونکه؛ یر یوزی محل فساد اولدیغندن انواع فتنه و فسادله طولو اولدیغنی  
جهتله نظام و انتظام بر خلیفه نك وجودینه محتاجدر. ایشه شو احتیاجه بناء بزنی خلیفه  
قیلدق که ناس آردسند عدالتله حکم ایدسک و ناس سایه کده سایبان اولسون و عدالتکدن  
قلبری راحت بولسون و حکمده و فصل حقوقده هوا و هوسکه اتباع ائمه و عموم حکمکده  
کتاب الله رجوع ایت مخالفت ائمه که طوغری یولدن چیقمیه سک. اکر بز نهی ایتدکد-  
نصکره نفسک هوا سنه اتباع ایدرسک او اتباعک سنی طوغری یولدن چیقاریر.

فخر رازینک بیانی و جهله انسانلر بالطبع مدنی اولدیغنی جهتله عدالتله حکمه  
احتیاج ضروریدر. زیرا؛ انسان کندی باشنه معیشتنی تأمین ایدمزن. آنجق منتظم بر  
قصبه موجود اولوب او قصبهده انسانلر تقسیم اعمال قاعده سنه رعایتله هر بری بر صنعتله  
مشغول اولارق بر احتیاجک دفعنی اختیار و او جهتله تعیشتنی تأمین ایدر و جهله افرادک  
صناعی او جماعتک مصالحنی انتظامنه قویقم صورتیه یا شانابیه جکندن البته انسانلر جمعیتله  
یا شامق ضرور تندهدر.

بر محله اجتماع ایدن بر جوق جماعات بیننده منازعات و مخاصمات و یکدیگری نك حقوقه  
تجاوز و ظلم و عدوان ضروری اولدیغندن شو منازعاتی قطع ایدم جک و ظلم و عداوتی قالدیره جق  
قاهر و جمله یه کندی طایتدیرمش امری نافذ بر رئیس حکومت البته لازمدر. بناء علیه؛ مصالح  
عالمک انتظام تام تحتنده جریانی آنجق سیاسته واقف بر رئیس قاهر و قادرله اولابیه جکندنه شبهه  
یوقدر. اکر بو آدم عدالتله حکم ایدر ایشنی و سوزینی شریعتیه تطبیق ایدرسه مصالح  
عالم منتظم اولاجنی کبی خیرات قابولری آچیلیر و معیشتده وسعت حاصل اولور. بناء  
علیه؛ آخرک حقوقه تجاوز حاجت قالماز. اما او رئیس حکومتک حکمی هوا و هوسنه  
تابع اولور و شریعتیه تماس ایتمزه عالمک تخریبینه سبب اولور. زیرا ظلمله حکم؛ عالمک  
خرابنه بادی اولدیغنی کبی ناس بیننده هرج و مرجی موجب اولارق رزق قابولری قاپانیر

و ناسک معیشتی طارالیر و عاقبت ظلم او ملکتک خرابنه سبب مستقل اولور. بناء علیه؛ شو  
حکمته بناء جناب حق کتب سماویه نك جمله سنده عدالتله امر ایتشددر. ایشه؛ شو  
ایچنده بولوندیغمن زمانده مملکت اسلامیهده واقع اولان هرج و مرج و حکومت خرسیانیه نك  
اتفاقیه مملکت اسلامیه یی یر یر استیلا لری و هر آن تراید ایدن قحط و غلا و ضیق معیشت  
و ناسده اولان ذل و مسکنت و سائر راحتسز قلقلرک جمله سنک اسبابی رجال حکومتک جهالتی  
وهوا و هوسلرینه تبعیتلری و ظلم و تعدینک تعم ایتمی و ارباب امورک شریعتک احکامیه  
عمل ایتمه سی و زمانه سفهاسنک ترقیاتی کفر یانده و مدنی سفلیانده آرا مالرندن متولددر  
و بو احوال تأثیریه مملکتلر زیر و زبر اولوب کیدیورده حالا ییلمق و متنبه اولمقده یوقدر.  
اصحنا الله واصلحهم آمین یا معین.

..

واجب تعالی هوایه اتباعک ضلاله سبب اولاجنی بیاندن صوکره ضلالک عاقبتده  
اولاجق و خامتی بیان ایتک اوزره ﴿إِنَّ الَّذِينَ يَضِلُّونَ عَنْ سَبِيلِ اللَّهِ لَهُمْ عَذَابٌ  
شَدِيدٌ بِمَا نَسُوا يَوْمَ الْحِسَابِ﴾ بیوریور.

[ شول کیمسه لرکه آنلر طریق السیدن چیقیدلر. آنلر ایچون حساب کوتی  
اونوتدقلرندن طولایی شدتلی عذاب وارددر. ]

یعنی؛ یا داود! سن هوا ی نفسکه تابع اولما که طریق حقندن چیقمیه سک. زیرا؛  
طریق حقندن چیقانلر ایچون شدتلی عذاب وارددر. چونکه؛ بوم آخرتی اونوتدقلری  
ایچون هر شیئه حسارت ایدوب حل و حرمتی آرا مادقلرندن دنیاده و آخرتده عذابه  
مستحققلردر. شو حالده انسانلر هوا و هوسلرینه اتباع ایتمه سونلر که طوغری یولدن چیقوب  
عذابه مستحق اولمه سونلر.

بو آیت جلیله؛ هوایه اتباعدن نهیک علنی و اتباعدن نشأت ایدن و خامتی بیانله نهیک  
حکمتنی اعلان ایتشددر. آیتده عدالتله حکم ایله امر و هوایه اتباعدن نهی؛ هر نه قدر  
داود علیه السلامه ایسهده بزم ایچونده عمل واجیدر. چونکه؛ بزدن اول کچن انیانک



شریعتی الله تعالی بزه قرآنده حکایه ایدرسه منسوخ اولمادجه بزم ایچون او حکم عین شریعتدر . بناء علیه ؛ داود علیه السلامه امر ونهی بزهده عین امر ونهیدر .  
یوم آخرتی اونوتماق حقه اتباعه وهویه مخالفته سبب اولدیغه اشارت ایچون طریق حقندن چیقائلره عذاب شدیدک سببی آخرتی اونوتملری اولدیغی بیان بیورمشدر .  
شوحالده آخرتی خاطرده طوتمق انسانلر ایچون بر مرشد کامل دیمکدر . چونکه ؛ آخرت خاطرده اولدجه انسان فنا ایشه جرأت ایده مز . زیرا ؛ جرأت ایدرسه جزا کوره جکئی بیلیر .

..

واجب تعالی کافرلرک یوم حسابی اونوتدقلری جهته عذاب شدید مستحق اولدقلری بیاندن صوکره یوم حساب موجود اولاجفندن اونوتولاجق برکون اولمادیغی اثبات ایتک اوزره ﴿ وَمَا خَلَقْنَا السَّمَاءَ وَالْأَرْضَ وَمَا بَيْنَهُمَا بَاطِلًا ذَلِكَ ظَنُّ الَّذِينَ كَفَرُوا فَوَيْلٌ لِلَّذِينَ كَفَرُوا مِنَ النَّارِ ﴾ بیوریور .

[ کوکلری ویری وآنلرک آره سنده اولان موجوداتی بز باطل اولارق خلق ایتدک اما شو باطل اولارق خلق اولوندیغی ظن ایتک کافرلرک ظنیدر . بناء علیه هلاک عظیم ؛ شو ظن فاسد واعتقاد باطل اوزره بولونان کافرلر ایچوندر وآنلر جهنمک الک درین محنده بولونا جقلردر . ]

یعنی ؛ اولولری نه دن احیا ایدوب جزا ویرمه یلم وآنلرک دنیاده ایشله دکلری عمللری نه دن حساب ایتیم ؛ البته حساب ایدوب هرکسک جزاسنی ویره جکز . زیرا ؛ بز کوکلری وکوکلرده بولونان موجوداتی ویرلری ویرلرده بولونان موجوداتی وآنلرک آره سنده بولونان مخلوقاتی عبث وباطل اولارق خلق ایتدک که اولمش کیمسه لری احیا ایتک باطل وعبث اولسون ، عبث اولاماز . چونکه ؛ هر برلری برچوق حکمت ومصلحتی متضمن اولارق خلق ایتدک . زیرا ؛ عبث خلق ایتک بزم شان الوهیت مزه لایق اولاماز . ایشه شو بطلان اوزره خلق اولوندیغی ادما ایتک ایماندن اعراض ایدن کافرلرک ظنیدر وبو ظن فاسدلری سببیه انواع عذابه مستحق اولملردر . بو طالمک خلق اولونمسنده کی

حکمت ؛ انسانلری اولدکدن صوکره دیرلتمک ومؤمن کامله کوزل جزا وکافره چیرکین جزا ویرمکدر .

فخررازی وخازنک بیسانلری وجهله بو آیت ؛ حشره دلالت ایدر . زیرا واجب تعالی نیک انسانلری خلق ایتمی ؛ یا مجرد منفعت ایچون ، یاخود مجرد آنلری اضرار ایچون ویاخود منفعت ومضرتدن خالی عبثدر . مجرد اضرار ایچون خلق ایتک ؛ باطلدر . چونکه ؛ واجب تعالی رحیمدر . رحیم اولان ذات الوهیه مجرد اضرار ایچون خلق ایتک لایق اولاماز . کذلک عبث اولارق خلق ایتک دخی باطلدر . زیرا ؛ واجب تعالی عبثله اشتغالدن مزهدر . شوحالده انسانلری خلق ایتک مجرد منفعت ایچوندر . لکن او منفعت ؛ خلق ایدن خالقک امرینه امتثال ونهیندن اجتناب ایتک شرطیه مشروطدر ، یوقسه هیچ بریسه رعایت ایتز معطل برکیمسه نیک او منفعتدن استفاده ایتمی لازمکمز . بومنفعت ؛ منفعت اخرویه در ، دنیویه دکلدر . زیرا منفعت دنیویه ؛ غایت آز وسربیع الزوال اولدیغندن منفعت دینمه دکز واعتباردن ساقط اولوب قیعی یوقدر . شو حالده طالمک خلقتی عبث اولمایوب منفعتی متضمن اولوب منفعت ده منفعت اخرویه اولونجه طالمک خلقتی آخرته دلالت ایتدیکی جهته بو آیت آخرته وانسانلرک حشرینه دلالت ایدر . زیرا ؛ حشر اولمایجه انسانلر او منفعتدن انتفاع ایده مزلر . بناء علیه ؛ حشرک وجودی لازمدر که هرکس عملنک جزاسنی کورسون .

..

واجب تعالی آخرتک وجودینه ایکنجی دلیلی بیان ایتک اوزره ﴿ أَمْ نَجْعَلُ الَّذِينَ آمَنُوا وَعَمِلُوا الصَّالِحَاتِ كَالْمُفْسِدِينَ فِي الْأَرْضِ أَمْ نَجْعَلُ الْمُتَّقِينَ كَالْفُجَّارِ ﴾ بیوریور .

[ یوقسه بز مؤمنلری وعمل صالحله عمل ایدنلری ارضی افساد ایدنلرکی قیلارمی بز ویاخود متقیلری کافرلرکی قیلارمی بز ؟ ]

یعنی ؛ ایمان ایدن مؤمنلری وعمل صالح ایشله یمن عامللری انواع فسق و فجورله بر یوزینی افساد ایدن مفسدلرکی می قیلارز ؛ البته مفسدلر مؤمنلرکی قیلماز وکذلک



او امره امتثال ونواهيدين اجتناب ايدن متغير كافرلر كي قيلنماز . زيرا بونلري مساوي قيلمق؛ عدالته منافيدر . چونكه؛ مفسدلري كمال جهالت وبلاهت وطينتريتك خباتي ايله برابر طينت طاهره صاحبلي اولان صالحلره مساوي ظن ايتمك قدر جهالت و حماقت اولاما . شو حالد ايلرله كوتولر مساوي اولاماينجه ايلر اي جزاسني وكوتولرده كوتو جزاسني كوزمك عقله وحكمته موافقدر . زيرا؛ شو ايكي صنف مساوي اولسه عبادتله قباحتك مساوي اولسي لازمكولور . بوايسه ادني عقل اولانلرك عندنده بيله باطلدر . بناء عليه؛ ايلر كوتولردن آريلاجق و هر كس عملنك جزاسني كوره جك بر كون لازمدر كه او كونده يوم آخرت ويوم جزادر . ايشته او كونده مؤمن صالحلر اعلاء عليينه رفع وكافر وفاجرلر ايسه اسفل سافلينه رد اولونا جقلردر . بوجهته عدالت الهيه او كونده تجلي ايدم جك كه ايلرك قدری ترفيع وكوتولرك قدری تنزيل اولونسون . زيرا؛ فرقه اولي نظر الهيه رتبه بالا اصحابنددر . فرقه ثانيه ايسه دركه سفالته تنزل ايتمش بر طاقم خذله سفهادندر . بناء عليه؛ ايكي فرقه نك مساوي اولاميه جني طبعيدر .

بيضاوينك بياني وجهله آتده استفهاملر؛ فرقين بيشره مساراتي انظر ايجوندر . مؤمنلره كافرلر بيننده مساوات اولاميه جني كي مؤمنلردن صالح اولانلره فاجر اولانلرك دخي مساوي اولاميه جقلري بيان اولونمشدر . اتقا؛ بالحمد لله رب العالمين امتثال ايتكمدر .

\*\*

واجب تعالى داود عليه السلام قصه سني بيان نصكره على سبيل الوعظ حيينه خطاب ايتكم اوزره ﴿كِتَابُ أَنْزَلْنَاهُ إِلَيْكَ مُبَارَكٌ لِيَدَّبَّرُوا آيَاتِهِ وَلِيَتَذَكَّرَ أُولُوا الْأَلْبَابِ﴾ بيوريور .

[يا اكرم الرسل؛ قرآن بر بويوك كتابدر ، بزآني سكا انزال ايتدك . سكا انزالك حكمتي؛ آنك آيتلريني دوشونمك وعقل صاحبليتك معناسني تذكر ايتلريد .] زيرا؛ اوكتابده خير كثير اولديغندن ارباب عقولاك آنك معانيسني دوشونوب مقتضاسيله عمل ايتلري و اوخير كشيردن مستفيد اولملري مطلوبدر .

قرآنك عظمت شاننه اشارت ايجون كتاب لفظي نكره اولارق وارد اولمشدر . زيرا؛ كتابده كي تنوين تعظيم دلالت ايتديكندن نكره اولارق وارد اولسي عظمت شاننه دلالت ايتديكي كي واجب تعالى نك انزالني كندني ذاته نسبت بيورمسي دخي دلالت ايدر . مبارك؛ ضمير كثير معناسنه اولديغندن قرآنك خير كثير متضمن اولديني دخي بيان اولونمشدر . چونكه قرآن عظيم الشان؛ كتب سابقه نك فوايديني جامع واولين و آخريتك احكامني حامل و منافع دينيه و دنويه اوزرينه مشتمل اولديغندن او كتابله عمل ايدن انسانلرك سعادتله كافلدر . بناء عليه؛ اوكتابه يوليله ياپيشان هر سعادت نائل اولور . ايشته بزم او كتابي سكا انزالم؛ آيتلرينك اسلوبنده و كلماتك حسن انتظامنده ارباب تفكر تأمل ايتسونلر وعقل سليم صاحبلي معناسني دوشونسونلر وموجيله عمل ايلسونلر ايجوندر . بوايتده كافرلرك تفكردن خالي وعقلدن عاري اولدقلرينه اشارت وارددر . چونكه؛ تأمل ايتسه لردي ايمان ايدرلردي . ايمان ايتمه ملري عقل سليم صاحبي اولمادقلرينه دلالت ايدر .

\*\*

واجب تعالى داود عليه السلامه واقع اولان لطف و كرمندن بعضيلريني بيانن صوكره داود عليه السلامه بك بويوك احسان الهی اولان سليمان عليه السلامك بعض احوالي بيان ايتكم اوزره ﴿وَوَهَبْنَا لِذَاوُدَ سُلَيْمَانَ نِعْمَ الْعَبْدُ إِنَّهُ أَوَّابٌ﴾ بيوريور . [بز داوده سليمان ويردك ، نه كوزل قولدر سليمان . زيرا؛ هر امورنده بزه رجوع ايديجيدر .]

يعني؛ بز خلافت خلعتيله داود عليه السلامه اكرام ايتدكدن صوكره سليمان آكا ويردك . سليمان عليه السلام پدرينه وارث اولارق ملكني وخلافتني و اسمني و مراسم دينني و ملتني محافظه ايديجي نه كوزل بر قولزدر . زيرا؛ هر حالنده وجهله امورنده وجميع اوقاتنده بزه مراجعتله تفويض امور ايديجيدر . بناء عليه؛ بزم عندمزرده مقبول وحضورمزرده مكرمدر .



انسان ایچون هر امورنده جناب حقه تفویض امور ایتک بک بویوک بر مزیت اولدیفنه  
یوآیت دلالت ایدر . چونکه ؛ جناب حقه ایشنی ایصارلامقده انسانک کندی عجزینی  
اعتراف اولدینی کبی جناب حقه عظمتی ده اقرار اولدیفندن حقه تفویض امور ایتک  
اک بویوک بر عبادتدر .

..

واجب تعالی سلیمان علیه السلامی داود علیه السلامه احسان ایتدیکنی بیاندنصکره  
سلیمان علیه السلامک مناقبی بیان ایتک اوزره ﴿ اِذْ عَرَضَ عَلَيْهِ بِالْعِشِيِّ الصَّافِيَاتُ  
الْجِيَادُ ﴾ بیوریور .

[ ذکر ایت ای حیم ! شول زمانی که اوزمانده سلیمان علیه السلام اوزرینه  
ایکندی وقتندن صوکره اوچ آیاغی اوزرنده دورور وغایت کوزل یورور آتله عرض  
اولندی . ]

فخر رازی وقاضینک بیانلری وجهله سلیمان علیه السلام واقع اولان بر غزاسنده  
بیک عدد آت اغتام ایتمش . بر کون محاربه اسباب وآلاتی تفتیش وادوات سائره سنی  
حاضرلامقله مشغول اولدینی وعسکرینی معاینه ایتدیکنی بر زمانده آلات محاربه نیک اک  
قوتلیسی اولان آتله ده معاینه اولونمسی امر ایدر ، فقط امر ایتدیکنی زمان ایکندی  
وقته تصادف ایدر . آتله برربر معاینه دن کچیررکن غفلت اولونور ، ایکندی نمازینک  
وقتی فوت اولور .

صافن ؛ بر آیاغنک اوزرنه دورور دیمکدر . فرس جنسده بر آیاغنک اوزرنه دونمک  
اوصاف مدوحه دندر . چونکه ؛ محاربه انسانده آتله بینن بر کیمسه نیک آتی بر آیاغی اوزرینه  
دوندورمسی ایجاب ایدر . زیرا ؛ ایستهدیکنی زمان مطلوب وجهه اوزره دورسه دشمندن  
قورتولایلیر والا دشمن آله کچر اسیر اولور . سلیمان علیه السلام اوزرینه عرض اولونان  
آتله اوصافندن بریسی ده غایت سریع یورورلردی . چونکه آتله اوصاف مدوحه سندن  
بریسی ده سریع السیر اولمقدر . آتله آیاق اوزره دوردقلرنده اوچ آیاقلرینک اوزرنده  
دورور ، دردنجی آیاقلرینک اوچنی باصارلردی . جناب حق سلیمان علیه السلامه عرض

اولونان آتله شو بیان اولونان اوصافله ثنا بیورمشدرکه آتله ده بو اوصاف مدوح  
اولوب بو اوصاف ده اکثریا عرب آتله ده بولونور .

..

واجب تعالی حضرت سلیمان علیه السلام عرض اولوندینی زمانده جاری اولان احوالی بیان  
ایتک اوزره ﴿ فَقَالَ اِنِّي اخْبَيْتُ حُبَّ الْخَيْرِ عَنْ ذِكْرِ رَبِّي حَتَّى تَوَارَتْ بِالْحِجَابِ \*  
رُدُّوْهَا عَلَيَّ فَطَفِقَ مَسْحًا بِالسُّوقِ وَالْاَغْنَقِ ﴾ بیوریور .

[ آتله عرض اولونمسی اوزرینه سلیمان علیه السلام « بن آتله خیره محبت ایدر  
کبی محبت ایتدم ، ربکم ذکرندن مشغول اولدم . حتی کونش غائب اولدی رد ایدک  
آتله بکا » دیدکدن صوکره سلیمان علیه السلام آتله یاقلاشدی ، آیاقلرینی و بیونلرینی  
کسیدی فقرايه تصدق ایتدی . ] چونکه ؛ آتله شریعتده آتله آتی ییمکده کراحت یوقدی .

یعنی ؛ سلیمان علیه السلام (دمشق شام) و (نصیبین) جهتلرینه غزا ایتک مراد ایتدیکنی  
وقته اوکله وقته مخصوص اولان عبادتی ادادن صوکره کرسیسی اوزرینه اوتورارق  
آلات حربی کوزدن کچیررکن نوبت آتله کلدیکنی زمان ایکندی عبادتنک زمانی اولوب  
آتله رسم کچیدی اجرا اولونونجه یه قدر عبادتنک زمانی فوت اولدیفنی تذکر ایدنجه کمال  
اسقندن ونفسنی لوم ایتک اوزره « بن آتله خیره محبت ایدر کبی محبت ایتدم . بناء علیه ؛  
آتله بنی ذکر اللهدن مشغول ایتدیلر آتله محبتی اختیار ایتدم حتی کونش غائب اولدی .  
دوندورک آتله بکا ویرک » دیدی . آتله یقین ککنجه واقع اولان نقصانی تدارکده باشلادی .  
قیلیجی قینندن صیپردی ذکر الهی بی اونوندیران آتله آیاقلرینی و بیونلرینی کسیدی .  
چونکه مقصدی ؛ بالکله آتله محبتی قینندن چیقارمق و رضاء الهی بی طلب ایچون  
فوت اولان اورادینه کفارت اولارق تصدق ایتمکدی

فخر رازی وخازنک بیانلری وجهله حضرت علیدن وارد اولان روایت نظر آیکندی  
عبادتنی فوت اولونجه سلیمان علیه السلام کونشه مؤکل اولان ملکره امر ایتدی . ملکره  
واقع اولان وحی الهی واذن سبحانی ايله ملکر کونشی کیری دوندوردیلر . سلیمان



عليه السلام عبادتي ادا ايند كدن صوكره كوفش محله عودت ايندى . بعده بيك آتلك طقوز يوزنى قربان ويوزنى دامزاق ايچون ابقا ايلدى . آتلك آتى ييك شريعت سليمانده مباح اولديغدن آتى كسمك دخى مباح ايدى .

مسح؛ بعض روايته نظراً محاربه به مخصوص اولديغنه اشارت ايچون آتلك اياقلىرى ويونلرى طاعنه مقدمه كناه در . بوكا نظراً (فطقق مسحاً بالسوق والاعناق) نظمتك معناسى : [سليمان عليه السلام آتلك اياقلىرى ويونلرى طاعنلاق صورتيله محاربه ايچون آتلى حبس وحفظ ايندى] ديمكدر وبوروايت صحته دها زياده يقين اولسه كر كدر .

شوآينده بيان اولوندينى وجهله بر قاج روايت موجود ايسده اصح اولان : سليمان عليه السلام غزا مراد ايتتى اوزرينه آتلى تفتيش ايچون كرسيلى اوزرينه اوتوردى . آتلى تماشا ايندى وديدى كه « بنم بونلره محبت دنيا ايچون دكلدر ، بلکه اللهم امرى رينه كترمك ايچوندر . بناء عليه : بونلره خيره محبت ايدر كى محبت ايتدم » بويله ديد كدن صوكره آتلى قوشويه صالديردى . حتى آتلى كوز او كندن غائب اولدى . بعده آتلى كبرى كلديكنده كرسيلى ايندى ، بالذات آتلك اياقلىرى ويونلرى مبارك الليله مسح ايندى وصيغادى . مسحدن مقصد ؛ آتلى دشمنى دفعده يارديمك قوتلىسى وخيرلىسى اولديغدن آتلى تعظيم وائى باقلمق لازم اولديغنى سواريلره تفهيم وامور سياسته ومملكوت محافظه پادشاهلرك كندى الليله ايشه كيريشملرى اهم والزم اولديغنه اشارت ايتك وآتلك مرض وسقطى اولوب اولماديغنى كنديسنك دها اى بيلديكى بيلديرمكدر . ايشه شوجهتله تفسير ؛ الفاظ آتله دها موافق اولديغدن ايكندى نمازنى كچيرمك وغضبه نوب آتلى كسمك كى كلفلردن وارسته در .

بو آينده آتله فير تسميه قلمشدر . چونكه آت ؛ بر جوق خيره وسيله در . حتى بزم بيغمه بزم « الحيل معقود بنواصيا الخير الى يوم القيامة » بيورمشدر كه « يوم قيامته قدر آتلك آلىن صاچنده خير باغلى » ديمكدر .

خلاصه ؛ حرب ايچون آتلك اى يورومسى و سائر اوصاف ممدوحه بى جامع اولمى وآلات حربك سفردن اول تفتيش اولونمى وصاحب امور اولان كيمسه نك آلات حربى بالذات كندى تفتيش ايدوب آخره اينانامسى وجنس آتلك انواع خيرات

سبب اولمى وآلات حرب اولان آتلك معلول اولوب اولماديغنى معايه ايتك حرب حاضر لانان حكومت ايچون اهم والزم اولديغنى بوآيندن مستفاد اولان فوائد جمله سنددر . بناء عليه ؛ قوتى تقدير ايتدمدن ايشه باشلايانلرك هر زمان مغلوب اولديغنى وبولك ياريسنده قالدغنى كورولمكده در .

..

واجب تعالى سليمان عليه السلامك آلات حربى بالذات كندى معايه ايتديكى بياندن صوكره بعض حزن وبره جاك شيرله مبتلا اولديغنى بيان ايتك اوزره ﴿ وَلَقَدْ قَتَلْنَا سُلَيْمَانَ عَلَى كُرْسِيِّهٖ جَسَداً ثُمَّ أَنَابَ ﴾ قَالَ رَبِّ اغْفِرْ لِي وَهَبْ لِي مُلْكًا لَا يَنْبَغِي لِأَحَدٍ مِّنْ بَعْدِي إِنَّكَ أَنْتَ الْوَهَّابُ ﴿ بيوربور .

[ الله حق ايچون محقق بز سليمانى مبتلا قيلدق وكرسيلى اوزرينه آخر بر جسمى قويدق . بوآيندن صوكره بزه رجوع ايندى وكال اخلاصه ديدى كه « اى بنم ربم ! بى مغفرت بيور وبكا برمك احسان ايت كه او ملك بندن صوكره هيچ بر كيمسه لايق اولماسون . زيرا ؛ سن كاليله عطيه وبريحي وقوللريك احسان ايديجيسك . ]

يعنى « سليمان عليه السلامك كرسيلى اوزرينه برجسد قومقله محقق سليمانى بز مبتلا قيلدقد نصكره سليمان عليه السلام كال اخلاصه تضرع ونياز ايدرك بزه رجوع ايندى وديدى كه « يارب ! بندن صادر اولان زله بى مغفرت بيور وبندن صوكره بر كيمسه لايق اوليه جق برمكى يكا ويركه بنم معجزدم اولسون » .

فخر رازى وقاضينك بيانلرى وجهله امر دينى امر دنيا اوزرينه تقديم لازم اولديغنه اشارت ايچون سليمان عليه السلام ، استغفار عظيم برمك ايسته مى اوزرينه تقديم بيورمش واستغفار نعمت آخريه سبب اولديغنى كى نعمت دنيا بى جلبه دخى سبب اولديغدن دنيا بى طلب اوزرينه تقديم اولونمشدر .

سليمان عليه السلامك مبتلا اولديغنى فتنة عظيمة كلنجه ؛ اهل تفسيرك بو خصوصه دائر بر جوق روايتلرى وار ايسده بونلردن اصح اولان شويله در : سليمان عليه السلامك



بر اوغلو دنیایه کلدی. شیاطینک او اوغلانی قتل ایتمه قرار ویردکری آکلا نیجه سلیمان علیه السلام آتی صاقلی بر محله بیوتورکن بر کون میت اولدینی حالده اوغلان سلیمان علیه السلام کرسیسی اوزرنده بولوندی. سلیمان علیه السلام بونی کورونجه بو اوغلانک محافظه سی جناب حقه تفویض ایتیوبده کندی بالذات محافظه سنی سنی ایتدیکی جهته خطا ایتدیکنی بیلدی و در حال سجده یه قاپاندی واستغفاره مسارعت ایتدی.

یا خود کرسی اوزرینه قونیلان جسد له مراد؛ سلیمان علیه السلام کرسیسی در. چونکه؛ بعض روایت نظر آ سلیمان علیه السلام خسته اولدی. کآن کرسیسی اوزرنده خسته لنگ شدتندن عارض اولان ضعفندن طولای روحدن عاری بر جسد کی بولوندیغندن کرسی اوزرینه بر جسد قونمقله مبتلا اولدینی بیان اولونمشدر که امور سلطنتی در بر ایزه به ملک در برده خسته لغیره کنایه در. والحاصل بعضه اسباب دره طولای و موجودی عارضه اولانده ضعف دره ناشی جسد له تعبیر اولونمشدر.

یا خود سلیمان علیه السلام بر کون «بو کیجه بن یتیم خاتونه معامله زوجیه ده بولوناچم هر برندن بر اوغلان طوغوب اعداء دینله مجاهده ایده جکله» دییه رک یمین ایتدی ولکن ان شاء الله دیمدیکندن یا نکز بر خاتون حامله اولوب دیکر لری حامله اولماز و او حامله اولان خاتون یارم انسان صورتنده بر چو جق کتیروب کرسی اوزرنده سلیمان علیه السلام قوجاغنه ویریلنجه سلیمان علیه السلام ان شاء الله لفظی ترک ایتک کندی حقه زله اولدینی بیلدی وهمان سجده یه قاپاندی. بناء علیه؛ کرسی اوزرینه وضع اولونان جسد له مراد؛ بوباریم موجودی و فتنه ایله مرادده بواولسه کریمه. یوقسه بعض قصاصلرک شیطان، سلیمان علیه السلام مهرینی چالوب و سلیمان صورتنه کیره رک کرسیسی اوزرنده قرق کون حکومت ایتدی. عنواننده حکایه ایتدکری شیر من کل الوجوه مردود در اصلی و اساسی اولماق بر طاقم یالاندن عبارتدر.

چونکه بو مثللو حکایه لر عقله و شرعه مخالفدر. زیرا؛ شیطان انیاء فحاح صورتنه تمثلدن ممنوعدر. اگر شیطان ایچون انیا صورتنه کیرمک ممکن اولسه ایدی هیچ بر شریعت و نبوت دعوا سنده بولونانله اعتماد اولونماق لازم کلیددی. چونکه؛ نبی صورتنده کورونن

کیسه نک نبی اولما یوب باشقه بر شخص اولق احتمالی هر زمان موجود اولدیغندن اصلاً اعتماد اولمازدی. كذلك شریعتی تبلیغه مأمور اولان علما و صلحایه دخی اعتماد اولمازدی. آنلرک صورتنه تمثل ایده رک خلقی اضلال ایچون بر طاقم شیر ایجاد ایتک هر زمان موجود اولور و هیچ بر طوغری سوزه و سوبله یه اعتماد اولماز و هر شیدن امنیت قالدی. بو ایسه ادیانک بالکلیه اعتماددن سقوطی ایجاب ایتدیکندن شیطان ارباب شریعتک صورتلرینه تمثلدن ممنوعدر. بناء علیه؛ قصاصلرک حکایه لری یالان و افترا در. چونکه؛ حکمت شریعت مخالف در و بو کی یالانلری بزم زمانزده اولدینی کی هر زمانده موجود اولان بر طاقم دینسرلر ادیانی تزییف ایتک مقصدینه بناء کتب دینه ایجه فرصت بولمقله ادخال ایتدیلر و کتب سابقه نک تحریف لری ده بو مثللو مقصد مفسده منی واقع اولمشدر. سلیمان علیه السلام کندندن باشقه سنی لایق اولماق بر ملک ایسته سی دنیایه رغبت ایتدیکندن و یا میل و محبتدن دکلدر، بلکه دنیانک حالی آحاد امته بیلدیرمک ایچوندر. چونکه؛ ناسدن بعضیلری لذات دنیایه محبت ایتدک لردن «سعادت دنیا پشیندر، سعادت آخرت ایسه ویرمه سیه در. پشین اولان دنیای ویرمه سیه دیکشمک مشکدر» دیرلردی. بونک اوزرینه سلیمان علیه السلام «یارب! بکا بر ملک ویرکه بشر ایچون ممکن اولان مالکک اک بویوکی اولسون و آنکله برابر بنم آکا رغبت ایتدیکمی هر کس کورسونلر و دنیانک دگری اولما دینی بیلسونلر» دییه تضرعه بولوندی.

یا خود ملک ایله مراد؛ قوت و قدر در. بو کانظراً معنای نظم: [یارب! بکا بر قوت و قدرت ویرکه او قدرته بن بعض شیرله قادر اولایم، آنله غیری بر کیسه قادر اولماسون بو بنم معجزه م اولسون و نبوتک صدقه دلالت ایتسون] دیمکدر.

خلاصه؛ مقصد صحیحه بناء انسان ایچون دنیا متاعی طلب ایتک صحیح و جائز اولدینی بو آیتدن مستفاد اولان فوائد جمله سندن در. چونکه؛ صحیح اولسه سلیمان علیه السلام ایسته مزیدی. حالو که ایسته دیکنی جناب حق بو آیتله بیان بیورمشدر، او حالده صحیحدر.

..

واجب تعالی سلیمان علیه السلام بک بویوکی بر ملک ایتدیکنی بیاندن صوکره



سلیان علیہ السلامه ویریلن معجزاتندن بعضیلرینی بیان ایتک اوزره ﴿فَسَخَّرْنَا لَهُ الرِّيحَ تَجْرِي بِأَمْرِهِ رُخَاءً حَيْثُ أَصَابَ﴾ وَالشَّيَاطِينَ كُلَّ بَنَّاءٍ وَغَوَّاصٍ ﴿وَآخِرِينَ مُقَرَّنِينَ فِي الْأَصْفَادِ﴾ بیوریور .

[ بز سلیمان روزکاری مطیع و منقاد قیلدق . روزکارملایم اولدینی حالده امر سلیمانله ایستهدیکی یره یورور و بنا یا یچی و دکرزه طالیچی اولدقلری حالده شیطانلری آکا اطاعت ایدیچی قیلدق و شیطاندن عاصی اولان بر قسمی دخی مطیع قیلدق که زنجیرلرله بربری یاننده سلیمان علیہ السلام آنلری باغلادی . ]

یعنی ؛ سلیمان علیہ السلام زله سندن استغفار ایدهدک عالمده کیمسه به نصیب اولیه جق بویوک بر ملک طلبنده بولونونجه بز آنک ایستهدیکی شیئی ویردک و روزکاری آنک امرینه اطاعت ایدیچی قیلدق . بناء علیه روزکار هر زمان آنک امرینه باقاردی و غایت لطیف و زحمتسز سلیمان علیہ السلام ایستهدیکی یره ایستهدیکی زمان کوتورور و هر هانکی طرفه امرایسه او طرفه کیدردی . کذلک جینلری ده بز آنک امرینه مطیع و حکمنه راضی قیلدق که آنلرک بر قسمی ابنیه یا مقله مشغول ایدی . بناء علیه ؛ سلیمان علیہ السلام آنلره ایستهدیکی کبی عجیب و غریب قوناقلر و قیشلهلر و قلعهلر یایدیرردی که بشر ایچون اولیه محکم ابنیه یا مقله ممکن دکلدی . دیگر بر قسمی ده دکردن اینچی و مرجان کبی قیمتی شیلری چیقارمقله مشغوللردی . فخر رازی و خازنک بیانلری و جهله دکردن اول اینجو چیقارتان سلیمان علیہ السلامدر . جینلره ایستهدیکی و جهله ایستهدیکی قدر اینجو چیقارتیردی . بوصورتله خدمت سلیمانده استخدام اولونان جینلر اطاعتده بولونانلردی . بر قسمی ده شیطانک عاصیلری و طاعتدن خارجلری ایدی . بناء علیه ؛ آنلری سلیمان علیہ السلام بربری یاننده زنجیرلر ایله باغلامق و حبس ایتک صورتیه ناس اوزرندن آنلرک شروفسادلرینی دفع ایدردی .

بعضیلرک شو خدمات شاقیه قادر اولان شیطانلرک جسملری کتیف اولسه بز کورورردک . حالبوکه کوره میورزوا کر اجسام لطیفه ایسه شویان اولونان اعمال شاقیه قادر اولامازلر واکر شو بیان اولونان قوتی حائر اولسه لردی کندیلرینه لعنت ایدن اهل ایمانی هلاک ایدر و مملکتلرینی خراب ایدرلردی ، حالبوکه اهلاک و تخریبده بولونمیلرلر ، عنواننده

ایراد ایتدکلری سئواله جواب اوله رق و آنلر جسم کشفدرلر . بزم کورمدیکمزدن آنلرک اولاماسی لازمکلمز . چونکه ؛ بز اجسام کشفدن بر جوق موجوداتی کوره میورز . حالبوکه بولر موجودو کورولمسی ده ممکندر . مثلاً اطبانک خرده بین ایله کوردکلری و کشف ایتدکلری میقروبلر موجود اولدقلری حالده بز کوره میورز « دینور . یا فوره » شیاطینک اجسامی لطیفدر . یعنی الوان ورنکدن خالیدر ، لکن صلابتی اولدیفندن بیان اولونان قوتی حائردر . چونکه لوندن عاری معناسنجه لطافت قوته مانع دکلدر . سلیمان علیہ السلام امری وجه اوزره بر طاقم خدمات شاقیه قادر اولمزدن آنلره دشمن اولان اهل ایمانی اهلاک و مملکتلرینی تخریبه قادر اولملری لازمکلمز . چونکه ؛ ابلیس بی آدمه عداوتی بیان ایتدیکی زمان یالکز اهل ایمانی اغفال و اضلال ایده جکنه یمین و عهد ایتدیکی کبی جناب حق اهل ایمانه لطف اولارق آنلری اهل ایمانی اغراء و اضلالندن ماعدا باشقه جهتلردن تسلطدن منع ایتشددر . بناء علیه ؛ خدمات شاقیه قادرلرایسه ده مملکتلری تخریبه و اهالی بی اهلاکه قادر دکلدر « دیبه جواب ویریلور .

..

واجب تعالی سلیمان علیہ السلامه ویردیکی نعمتلردن بعضیلرینی بیاندن صوکرده او نعمتلرک جلالت شاننه اشارت و او نعمتلری استعمالده سلیمان علیہ السلامک خیر اولدیفنی بیان ایتک اوزره ﴿ هَذَا عَطَاؤُنَا فَامْنُنْ أَوْ أَمْسِكْ بِغَيْرِ حِسَابٍ﴾ بیوریور .

[ ایشته شویان اولونان نعمتلر سکا مخصوص ویرکیمز و احسانمزددر . سکا مخصوص اولونجه یا سلیمان ! ایسترسه ک سن او نعمتدن ایستهدیکک کیمسه لره ویر مستحققره مباح اولان حققلرینی ویرمکه آنلره احسانکی تعداد ایت ، ایسترسه ک نفسک ایچون طوت کیمسه به ویرمه مخیرسک و سنک اوزرینه ویروب ویرمه مکده بزم طرفمزدن سئوال یوقدر . ] زیرا ؛ ویروب ویرمه مک امری سکا مفوضدر .

خلاصه ؛ جناب حقک احسان ایتدیکی نعمتلردن زکات و فطره کبی واجب اولاندن حاعدا فقرایه تصدق انسانک یداختیارنده اولوب ایسترسه مستحققره احسان ایدر ثواب



آلیر ایسته مزسه ویرمز اجرندن محروم اولور . شوقدرکه واجب اولسادینی ایچونه ویرمدیکندن طولای عذاب اولونماز .

..

واجب تعالی سلیمان علیه السلامی نعمتلی مستحققرینه صرف ایدوب ایتمه ملک جهنده بخیر قیلدینی بیاندن صوکره بخیر قیلدینک حکمتی بیان ایتک اوزره

﴿ وَإِنَّ لَهُ عِنْدَنَا لَزُلْفَىٰ وَحُسْنَ مَّآبٍ ﴾ بیوریور .

[سلیمان علیه السلام ایچون بزم عندمزده قربیت مغنویه وحسن عاقبت واردر] بناء علیه  
احسانمزی استعمالده بز آنی بخیر قیلدق ایسته دیک کی استعماله مأذوند .  
بیضاوینک بیانی وجهله سلیمان علیه السلام دنیاده هیچ کیمسه یه نصیب اولماقد  
ملک عظیم صاحب اولدینی کی آخرتده دخی قربیت تامه یه وکوزل مرجه نائل اولاجفته  
بو آیت دلالت ایدر .

..

واجب تعالی داود و سلیمان علیهما السلام دنیاچه یک بویوک نعمتله نائل و بعض  
حزن ویره جک برچوق ابتلا یله ده مبتلا اولدق لرینی بیانله بزم پیغمبریمزی تسلیه بیوردینی  
کی ایوب علیه السلام قصه سی ذکرله دخی تسلیه ایتک اوزره ﴿ وَاذْكُرْ عَبْدًا مِّنَّا  
أَيُّوبَ إِذْ نَادَىٰ رَبَّهُ أَنِّي مَسَّنَّ الشَّيْطَانُ بَنَصْبٍ وَعَذَابٍ ﴾ بیوریور .

[ ذکر ایت یا اکرم الرسل ! قولمز ایوبی شول زمانده که اوزمانده ربسه ندا ایتدی  
ودیدی که « مشقت والملة شیطان بنی مس ایتدی » . ]

یعنی ؛ ای حبییم ! ذکر ایت عبدمز ایوبک مبتلا اولدینی مشقتلی و اومشقتله  
صبر و متانتی که صاعقه غنده و خسته لغنده صبرینه خلل کتیرمدیکی کی مرضنده شکرینی  
دخی نقصان یامادی .

بیضاوینک بیانه نظراً ایوب علیه السلام اسحق علیه السلام اوغلو ( عیص ) ک

اوغلودر . حرمی ، یعقوب علیه السلام قیزی ( لیا ) در . ایوب علیه السلامی کمال لطف  
ورضانه اشارت ایچون واجب تعالی نفسه مضاف قیلمشدر . ایوب علیه السلام جناب حقه  
تضرعنده « ای بنم ربم ! شیطان برطاقم محنت و مشقتله بکا طوقوندی . سکشکایت  
مضطر اولدم . بن سنک قولکم قدرتم بتدیکی قدر سکا اطاعته عهد و میثاق ایتدم ،  
مرحمت بیور . زیرا ؛ سندن باشقه التجا ایده جک بر کیمسه یوقدر ، دیمکه نیازده بولوندی .  
ایوب علیه السلام ابتلا سنک سینده اختلاف اولونمشدر : بعض روایتله نظر آ ایوب  
علیه السلام بر قیون کسر اکل ایدر ، قومشونه بر شی ویرمدیکندن مبتلا اولمشدر .  
کرچه قومشونه اوقیون آتندن بر مقدار ویرمکه قومشونی ممنون ایتک واجب دکل  
ایسه ده فقط آنک حالی دوشونمک افضل اولدینندن بوفضیلتی ترک ایتک ایوب علیه السلام  
حقنده زله اولدینندن ابتلا سنه سبب اولمشدر . یا ضو مالی یک جوق ایدی و مملکتی بر  
کافر ملکک جوارنده اولدینی حالده اوملک اوزرینه غزا ایتدیکندن مبتلا اولمشدر .  
صحیح اولان ابتلا سی ؛ بر زله صدورندن نشأت ایتمه مش بلکه ترفیع درجات ایچوند .  
ایوب علیه السلام ابتلا سنه کلنجه ؛ ایکی نوعدر : برنجیسی ؛ بزمه اولده نعمتک

زوالیدر . ایکنجیسی ؛ و جهون بویلمز عارضه اولده خسته تقرر . ایسته ایوب علیه السلام  
عارض اولان کدری بیان صره سنده سولش اولدینی سوزنده ابتلا سی ایکی نوع اولدیننه  
اشارت ایچون ایکی نوع لفظیله بیان ایتمش و دیمشدر که « بنی شیطان نصب و عذابه مس ایتدی » .  
حاصل اولان الم ؛ شیطانک و سوسه سیله اولدینندن شیطان مضاف قیلمشدر . چونکه  
صادر اولان زله یه سبب ؛ شیطانک و سوسه سی اولوب و سوسه ایسه محن و مشقتله سیله اولدینندن  
ایوب علیه السلام محنتی شیطانه نسبت اولونمشدر ، یوقسه اولمی خلق ایدن الله تعالی در .  
زیرا ؛ شیطانک ناس اوزرنده امراض و آلام خلقه قدرتی یوقدر . اکر شیطانک بومثللو  
آلام واکداری و امراض و اسقامی خلقه قدرتی اولش اولسه ایدی کندی حیات و نماز  
و مرض و محنت شیطاندنمیدر و یا خود الله تعالی دنمیدر یلنمز شهلی بر حالده اولمی لازم  
کلیدی . بو ایسه باطلدر . زیرا ؛ بوکی شیرله قادر اولسه انبیا ، اولیا و علما کی  
سومدیک کیسه لری اضرار ایدردی . چونکه ؛ خیره صرف افکار ایتیه جکی طبیعتک



اقتضاسیدر. حالبوکه وقوعات بونک عکسفی اثبات ایتمکدهدر. بناء علیه؛ امراض وآلام، حیات وممات جمله سنک خالق الله تعالی در.

فخر رازی ونیسابورینک بیانلری وجهله شیطانک وسوسه سنک کیفیتده اختلاف وارد، شویله که: ایوب علیه السلامک خسته لنی زیاده له نجه شیطان نعم سابقه بی وآلام حاضره بی ذکرله ایوب علیه السلامی راحتسز ایدردی. یا هور شیطان وسوسه صورتهله کلیر عاقبت بولامیه جغندن بحثله ذهنی مشغول ایدردی. یا هور حرمنه زوجک بکاطاعت ایدرسه بن خسته لنی کیده ریرم دیر وحرمی ده ایوب علیه السلامه سویله دیکنده ایوب علیه السلام راحتسز اولوردی. ایشه شو بیان اولونان صورتلردن هرهانکی صورتهله وسوسه ایدرسه ایتسون ایوب علیه السلامک راحتسز لنی موجب اولدیغندن جناب حقه تضرع ونیازه باشلایارق « یارب! بنی شیطان مس ایتدی شری بندن قالدر » دیمشدر. شو تفصیلاتدن آکلاشیلدینی وجهله شیطانک ایوب علیه السلامی وسوسه سنده

ایکی احتمال وارد: برنجیسی؛ بعضه خصوصیات مقننه وسوسه ایتمکه ایوب علیه السلامه زلزلک صدورینه سبب اولمیسیر. ایکنجیسی؛ ترفیع درجات ایمونه ایوب علیه السلامه عارضه اولاره خسته لک اوزادینی زمانه وسوسه ویرمکه قلب نبویه برینی محزون واولاد وعیالنی اضلوله نصری اتمیسیر. چونکه؛ خازنک بیاننه نظراً بعض روایتده ایوب علیه السلامک خسته لنی اون سکز سنه قدر اوزامش ومرض اوزادقچه شیطان وسوسه دن کیری طورمامش وبناء علیه جناب حقه شکایت ایتشدر.

ایوب علیه السلامک خسته لنی اهالی به نفرت ویره جک بر خسته لاق دکلدی. زیرا؛ انبیاء عظام حضراتی ناسه نفرت ویره جک علل وامراضدن مصونلردر. چونکه؛ انبیاء فخام حضراتی ناسی حقه دعوت ودنیوی واخلوی منفعتلرینی خلقه تبلیغه مأمور اولدقلردن ناسله اختلاط وانسیت ایتملری لازمدر. بناء علیه؛ ناسک کندیقلردن نفرت ایده جکی امراضدن سالم اولملری البته لازمدر. اگر سالم اولمسلر انبیادن مطلوب اولان مصلحت وبهت اولونمزالرنده کی حکمت ضایع اولاجغندن خلقی ارشاده مأمور اولان کیمسه لرده خلقک نفرت ایده جکی بر شی ظهور ایتز. شو حالده ایوب علیه السلامک

خسته لنی حقننه بعض قصاصلرک حکایه لری ویازدقلری شیلر یالاندر. زیرا؛ قواعد شرع شریفه وعقله ومنطقه مخالفدر. بناء علیه؛ مؤمن اولان کیمسه بومثللو حکایه لره سمع اعتبار ایتز. اوت! خسته لنی واردی، فقط صبری وتحملی چوقدی وشکایتی شیطاندن اولوب خسته لغندن دکلدی.

..

واجب تعالی ایوب علیه السلامک شیطاندن شکایتنی بیاندن صوکره شکایتنی قبول ایدوب خسته لغندن خلاصک سیدنی تعریف ایتدیکنی بیان ایتک اوزره ﴿ اَزْ كُضِّ بِرِّ جَلِّكَ هَذَا مُعْتَسِلٌ بَارِدٌ وَشَرَابٌ ﴾ بیوریور.

[ یا ایوب! وور آیاغکی یره. آیاغکی ووردیفک یردن چقان صوغسل اولوناجق وایچیله جک برصوئوق صودر. ]

یعنی؛ ایوب علیه السلام کال اخلاصه بزه التجا ودعاسنک قبولنی رجا ایدنجه بزم عنایت ازلیه من ومرتحت سبحانیه من ظهور ایدره ک علی طریق الالهام بز آکا دیدک که « یا ایوب! آیاغکی یره وور. اوخلدن چیقاجق صوبی کوزله. اوصو چیقنجه بیقائمنی کندینه تعلیم وتنبیه اولمق اوزره » ایشه شو صوصو سنک غسل ایده جکک وشقایاب اولاجکک صوئوق برصودر، دیمکه شفا بولاجغنی بیان ایتدک وبوامریزه امثالاً غسل ایتدی وایچدی ولطف وکریمزله عاقبت بولدی. زیرا؛ وجودینک طیشنه عارض اولان حرارت بیقائمسيله وباطنه عارض اولان خسته لاقده ایچمسيله بالکلیه زائل اولدی، اسکی عاقبتی یرینی بولدی.

بعض مفسرینک « بیکار ایکی ظهور ایتدی. بری صیجاق صوکه آنکه بیقاندی. دیکری ده صوئوق صو ایدی که آتی ده ایچدی » دیمشلر سه ده آیتک ظاهری بیکارک ایکی اولمسه مساعد دکلددر. زیرا؛ بیقانا جق صویک صوئوق اولدینی صراحة بیان اولوندینی کی لفظ آیت ده مفرد اولارق وارد اولمشدر.

..



واجب تعالى ايوب عليه السلام عافيتي بالبيان جسم نبويلرى شفاياب اولدقدن  
صوكره واقع اولان لطف الهى بي بيان ايتك اوزره ﴿ وَوَهَبْنَا لَهُ أَهْلَهُ  
وَمِثْلَهُمْ مَعَهُمْ رَحْمَةً مِنَّا وَذِكْرًا لِّأُولَى الْأَلْبَابِ ﴾ بيوريور .

[ بز ايوبه اهلى واهيله برابر آنلرك برمثلى ويردك . زيرا شو ويرديكمز ؛ بز دن  
ايوبه احسان وعقل صاحبلىنه وعظ ونصيحت اولسون كه هر كس بوندن عبرت آلسون . ]  
يعنى ؛ ايوب عليه السلام صحتى يرينه كلنجه بزه سجده ايله عبادت ونعمتمزه شكر  
ايتد كدن وذا تمزه اخلاصه مشغول اولدقدن صكره وفات ايدن چوققلىرى تماميله ويرديكمز  
كبي بز دن ايوبه احسان وساثر ارباب عقوله وعظ اولسون ايچون آنلرك برمثلى دها ويردك كه  
عقل صاحبلىرى ايوب عليه السلام صبر ومسانتله ظفرياب اولديغنى تذكر ايدرك بلالا  
ومصائبك نزولنده آكا اقتدا ايتسونلر ويلسونلر كه صبرك عافيتى سلامتدر .

بيضاوينك بيانى وجهله ايوب عليه السلام اهلى واولادىنى ويرمك ؛ اولد كدن  
صوكره ديرلتمك صورتيله ميدر يا ضرر باشدن طاغيلدقدن صوكره طولامق صورتيله ميدر  
ويا ضرر آنلرك ايكي مثلى ويرمك صورتيله ميدر ؛ علما آره سنده اختلاف واردر . چونكه ؛  
ايتك ظاهر لفظنده بيان اولونان توجيهرلك جمله سنه مساعده واحتمال واردر .

..

واجب تعالى ايوب عليه السلام عافيت بولدقدن صوكره خسته لغنده واقع اولان بعض  
شيلرك اكلى ايچون كلن امر الهى بي بيان ايتك اوزره ﴿ وَخُذْ بِذِكْرِكَ خِصْفًا فَاضْرِبْ  
بِهِ وَلَا تَحْنُتْ ﴾ بيوريور .

[ « سن الكه بر طوتام اوت آل، آنكه حرمكه وور يمينكده حانت اولما ديدك . ]  
يعنى ؛ بز عظيم الشان ايوبك صحتى اعاده وجميع آلام واكدارىنى ازاله ايتد كدن  
صوكره خسته لنى زماننده حرمى (ليا) كه يعقوب عليه السلام قيزى وياخود (رحيمه) كه  
حضرت يوسفك اوغلو افرامك قيزينه خسته لغندن عافيت بولورسه يوز دكنك وورمق

اوزره واقع اولان يميندن برائتى تعليم ايتك اوزره « يوز بارچدن باغلامش الكه بر  
طوتام اوت آل، آنكه حرمكه يوزى ده اصابت ايدرجه سنه بردفه وور كه يمينكده حانت  
اولما ديدك .

فخر رازى وبيضاوينك بيانلىرى وجهله حرمى بر حاجت ايچون كيتديكده بر آز  
كچ كلديكندن غضب ايدرك « خسته لغندن ائى اولورسم سكا يوز دكنك ووريم .  
حيره رك يمين ايتشدى . ايشته بو يمينى يرينه كلك اوزره سهولت تعليمى جناب حق بو  
ايتده بيان بيورمش وايوب عليه السلام حرمه لطف ايتديكده دخى اشارت ايتشدى .  
چونكه ؛ ايوب عليه السلام حرمى چوق خدمت ايتديكندن ايوب عليه السلام آكا چوق  
حبت ايدردى ولكن نه چاره كه غضب حالنده يمين ايتشدى . بناء عليه ؛ ايوب عليه السلام  
حجته وحرمنك حسن خدمته مكافات اولمق اوزره جناب حق بوتسيلاتى تعليم بيورمش  
وهر ايكيسى ده مسرور ايتشدى . زيرا ؛ الله تعالى نك سويكي قوللرينه مرحمتى بولدر ،  
فقط هنر، جناب حق راضى قيلمق ومرتضى جابه استحقاق كسب ايتمكدركه اصل ايتك  
مشكل جهتي ده بوراسيدرك بوقسه جناب حق ديله ديكي وجهه اوزره قوللرينك مشكلاتى حل ايدر  
وايشلرني تسهيل بيورر . شورخصت شرعيه الى يومنا هذا باقيدرك . چونكه ؛ بز دن اولكچن  
ايتيانك شريعتى جناب حق قرآنده بزه بيان ايدنجه او حكم بزم ايچون ده عين شريعتدر .

..

واجب تعالى ايوب عليه السلام احسانه وحسن مكافاته لايق اولديغنى بيان ايتك  
اوزره ﴿ اِنَّا وَجَدْنَاهُ صَابِرًا نِّعْمَ الْعَبْدُ إِنَّهُ أَوَّابٌ ﴾ بيوريور .

[ بز محقق ايوبى صبر ايديجى بولمق ، نه كوزل قولزدر ايوب ؛ ] زيرا ؛ هرامورنده  
بزه صوك درجه رجوع ايديجيدرك .

يعنى ؛ بز عظيم الشان ايوب عليه السلام احسان ايتدك . فصل احسان ايتمه لم ؛ البته  
احسان ايدرز . زيرا ؛ اوزرينه هجوم ايدن بالمله بلالايه بز آنى صبر ايديجى بولمق . نه  
كوزل عيبدرك ايوب كه خسته لغتك شدتنده بيله فزع و فرياد ايتدى . چونكه ؛ جميع  
امورنده بزه رجوع وامورىنى بزه توكيل وتقويض ايدر .



فخر رازى وقاضينك بيانلى وجهله ايوب عليه السلام جناب حقه شيطاندن شكاي  
ايدوب خسته لغندن شكاي ايمه مشدر. دشمندن دوسته شكاي جائز اولديغندن شو شكاي  
صبرينه مانع دكلدر. مع مافيه شيطانك وسوسه سى دين حقنده اولديغندن جناب حق ايوب  
عليه السلامى صبريله ثنا بيور مشدر. بناء عليه ؛ بر كيمسه نك خسته لغنده مرضك دفعي  
ايچون جناب حقه التجاسى شكاي عدا اولونماديني جهته صبرينه مانع دكلدر واجرينه نقصان  
كلز. شو حالده خسته لغنده عافيت ايسته مك وشفا سنى آرامق وطيبه مراجعت ايدوب  
علاج ايچمك واسباب تحرى اتمك شكاي تندن معدود دكلدر. كذلك خسته لرك تكيه لره  
وتربه لره كيمسى واوتكيه لره وتربه لره ياتان ذواتك حرمتنه جناب حقه دعا ايمسى وشفا  
ايسته مسى توكلنه وصبرينه مانع اولماز.

\*\*

واجب تعالى ايوب عليه السلامك قصه سنى ذكرله رسولنى تسليه بيور دينى كى ابراهيم  
واسحق ويعقوب عليهم السلامك قصه لرينى ذكرله دخى تسليه ايمك اوزره ﴿وَإِذْ كُنَّا عِبَادًا لَّهِ  
إِبْرَاهِيمَ وَإِسْحَاقَ وَيَعْقُوبَ أُولَى الْأَيْدِي وَالْأَبْصَارِ﴾ بيوريور.

[ ذكر ايت اى رسول ذى شان ! قوللر يمز ابراهيم واسحق ويعقوبى كه آنلر  
طاعتده قوت و مراسم دينيه ده بصيرت صاحبلىدر. ]

يعنى ؛ اى حبيب ! اجداد كدن ابراهيم عليه السلامك حالنى ذكر ايت و نارم  
ادخال اولونديغنده صبرينى دوشونكه سنده قومكدن كورديكك اذيه آنك كى صبرم  
دوام ايده سك و ابراهيمك اوغلو اسحق عليه السلامى دخى ذكر ايت كه بر چوق محن  
ومشقة كوكس كرى ويعقوب عليه السلامك ، اوغلو يوسف غائب ايدوب چوق سنه لره  
حزن و كدر ايچنده وقت كچيرديكنى ذكر ايت كه متسلى اولاسك و آنلرك اخلاق  
حميده لرينى ذكرله ناس عبرت آلسون ومتصح اولسونلر و اوصاف حميله لرنده آنلره  
اقتدا ايتسونلر. زيرا ؛ آنلره اقتدا ايمك لازمدر. چونكه ؛ آنلر اطاعت السيه ده  
قدرت كامله و احكام دينده معرفت تامه صاحبلىدر. بناء عليه ؛ آنلره اقتدا ايدنلر

فوز وفلاح صاحبي اولدقلى كى سعادت دارينه دخى نائل اولورلر. چونكه ؛ آنلر  
اصحاب توحيدك و ارباب كشفك مقتداه لريدر.

بيضاوينك بيانى وجهله بو آيتده ذكر اولونان پيغمبران ذیشانك اعمال قويه و بصيرت  
تامه لرينى ذكرله جاهلله تعريض اولونمشدر. زيرا ؛ عنود جاهلله آنلره نسبتله كور، طويل  
و كوت (كوتوروم) مثابه سنده درلر. چونكه ؛ فخر رازينك بيانى وجهله نفس ناطقه انسانيه  
ايچون ايمكى قوت واردر ؛ بريسى ؛ قوه عامدر كه آندن صدور ايدن اطاعت السيه در.  
عملك اكثريسى آل ايله اولديغندن مذكور ذوات فحملك عمللر منه ايدى يعنى اللرب  
تعبير اولونمش و (اولى الايدى) دينمشدر. علم و عرفانده بصيرتك مدخلى زياده اولدينى جهته  
عرفانلر منه ابصار ايله تعبير اولونمشدر. ديكرى ؛ قوه عالمدر كه آندن صدور ايدن  
معارفك اشرفى معرفت الله در. بوايكيدن ماعدا ايله مشغول اولق عبث و لغودر. بناء عليه ؛  
علم و عملدن خالى اولان جهله كور و طويل كيمسه لره منزله سنده در. زيرا ؛ علمى  
اولماديغندن كوره و عملى اولماديغندن چولاغه و كوته بكمزه درلر.

﴿إِنَّا أَخْلَصْنَاهُمْ بِخَالِصَةٍ ذِكْرَى الدَّارِ \* وَإِنَّهُمْ عِنْدَنَا لَمِنَ الْمُصْطَفَيْنَ الْأَخْيَارِ﴾

[ آنلر نصل مقتداه اولماسونلر. آنلر مقتداه درلر. زيرا ؛ آنلرى بى خصصت  
حميده صاحبي و اخلاق حميده لريله ممتاز قيلدق كه او خصصت حميده ؛ دار آخرتى ذكردر  
و آنلر بزم غنيمتده نبوت ايچون منتخب خيرلى قوللر يمزدر. چونكه ؛ آنلرك نظرلرينك  
نهایه سى امر آخرتدر و دائماً خير طلب ايمكدر. بناء عليه ؛ مستجاب الدعوه و دنياده  
ذكر جميل و آخرتده رفع درجات صاحبلىدر. ]

ايسته بو آيت جليله دن آكلا شيلدينى وجهله انسانلر ايچون اك بويوك وظيفه ؛ انبياء  
عظامه اقتدا و آنلرك اخلاقيله تخلق ايمكدر. زيرا ؛ سعادت انسانيك جمله سى آنلره  
اقتدا ايمكده در ، يوقسه زمانمزه كى سفها گروهى كى آروپا كافرلرينى تقليد ايمكده  
سعادت يوق ، بلكه عين سقامت و فلاكت عظيمه واردر. اوت ارباب صنايعدن ولو كافر  
اولسون صنعت اوكرنك لازمدر ، لكن آنلرك عادات اسلاميه مغاير اولان عادتلرينى  
خلاصة البيان : اون ايكنچى جلد - ٢٦



آلق لازم دکدر . آنلرک عاداتی عادات اسلامیة اوزرینه ترجیح ایتک غضب الهی بی جالبدر و وقوعات روز مرهده بوکا شاهددر .

﴿ وَاذْكُرْ إِسْمَاعِيلَ وَالْيَسَعَ وَذَا الْكِفْلِ وَكُلٌّ مِنَ الْأَخْيَارِ ﴾

[ ذکر ایت یا اکرم الرسل ! اجداد کدن اسمعیل علیه السلام والیسع وذا الکفل حضراتی . زیرا ؛ بونلرک جمله سی اختیار دندر . ] چونکه ؛ بونلر قدر الهی به وقضاء سبحانی به فصل راضی اولدیله و صبر ایتدیله و بر چوق محن و مشقته تحمل ایتدیله و کوکس کردیله . بناء علیه ؛ انسانلر آنلرک مسلکته سلوک ایدوب اخلاق نقطه سندن آنلرک مقتدابه اولملری لازمدر . ( الیسع ) حضرتلری ( یحطوب ) ک اوغلیدر . الیاس علیه السلام بنی اسرائیل اوزرینه حکم ایتک ایچون آنی خلیفه تعیین ایتشدی . بیضاوینک بیاننه نظراً ( ذا الکفل ) ، ( الیسع ) ک عمیدی اوغلودر . یاخود ایوب علیه السلامک اوغلو ( بشر ) ک اوغلودر و بنی اسرائیلک شرندن فرار ایتش اولان یوز عدد نیلری حمایه ایدوب کفیل اولدیقندن کندیسنه ( ذا الکفل ) دینشددر .

﴿ هَذَا ذِكْرٌ ﴾

[ شو ذکر اولونان انبیاء عظامک مناقبلی بر ذکر جمیل و مناقب شریفه در . ] زیرا ؛ آنلرک جلالت قدرلری و شان و شرفلری وارددر . بناء علیه ؛ آنلره اقتدا ایدنلر فوز و فلاح بولاجقلرندن آنلره اقتدا لازم اولدیبنی توصیه اولونمشدر . اوحالده انسان دائم ایشنده و سوزنده انبیاء عظام حضرتانه اقتدا ایتلیدرکه دنیاده و آخرتده سعاده نائل اولسون .

..

واجب تعالی انبیاء عظامدن بعضیلرینک مناقبلی ذکرله قومنک سفاهتلی اوزرینه صبر ایتسنی رسولنه توصیه ایتدکدن صوکره اهل خیرک نائل اولاجقلری درجهلری بیانله دخی صبر اولونمسنی توصیه ایتک اوزره ﴿ وَإِنَّ لِلْمُتَّقِينَ لَحُسْنَ مَآبٍ ﴾

بیوریور .

[ حرام اولان شیلردن اجتناب ایدن ارباب اتقا ایچون عندالوهیتزده حسن مرجع وارددر . ] زیرا ؛ آنلر رضاء باری بی تحصیل و غضب سبحانیدن صاقینمق ایچون بوتون حرام اولان شیلردن نفسلری و قایه و بالعموم اوامره امتثاله سعی ایتدکلرندن عاقبت حسنیه نائل اولاجقلری محققدر . چونکه اتقا ؛ جمیع سعاداته سببدر . بناء علیه ؛ انسان اتقا ایتلیدرکه اتقاسی سایه سنده بوآیتده بیان اولونان کوزل مرجعه نائل اولسون .

..

واجب تعالی متقیلر ایچون حسن مآب اولدیغنی بیاندن صوکره حسن مآبی تفسیر و مآبی بیان ایتک اوزره ﴿ جَنَّاتٍ عَدْنٍ مُمْتَحَنَةٍ لَّهُمْ الْأَبْوَابُ ﴾ \* مُتَكَبِّرِينَ فِيهَا يَدْعُونَ فِيهَا بِفَاكِهَةٍ كَثِيرَةٍ وَشَرَابٍ \* وَعِنْدَهُمْ قَاصِرَاتُ الطَّرْفِ أَثَرَابٌ ﴿ بیوریور .

[ اومتقیلر ایچون حاضرلانا حسن مآب ابدی اولارق اقامت اولوناچق جتلردرکه آنلر ایچون قابولری آچیلمشدر . اومتقیلر جتلرده کرسیلر اوزرنده اولدقلری حالده چوق میوهلر و شرابلر ایستلر و اهل جتنک یانلرنده زوجهلری وارددرکه او زوجهلرک کوزلری آنجق زوجلرینه منحصر و زوجلرینک غیری به باقازلر . ]

یعنی ؛ متقیلر ایچون مهیا اولان جتلر عمره اسمیله مسمی اولان جتلردرکه اوجتلرک قابولری آچیق، یوللری کنیش، اصلا ازدحام یوق و هرکس ایسته دیکی قابولردن کیرر ، مانع اولمادیغنی کبی پرده دخی یوقدر . جتنده صندالیه و قولتوقلر اوزرنده کمال استراحتله چوق میوهلر و شرابلر ایستلر و آنلرله تلطیف اولونورلر و هر نه ایستلرله ایسته دکلری اللرینه ایسته دکلری زمان کلیر آرزولری اصلا کیری قالماز .

بیضاوینک بیانی وجهله جتنده مآ کولات و مشروبات مجرد تلذذ ایچون اولوب تغدی ایچون اولمادیغنه اشارت ضمنتده جنت نعمتلرندن بالکثر فاکیه نک و شرابک ذکر یله اکتفا اولونمشدر . جتنده هر نوع میوه بولوناچغه اشارت ایچون ( فاکه ) کثره توصیف اولونمشدر . جنت نعمتلرینک الک مهمی نکاح و تزوج اولدیغنه اشارت ایچون جناب حق



نسوانی صراحة ذکر ایتشد. اهل جنتك متعدد زوجہ لری وار ایسه ده بینلرنده غیرت و حسد کبی اخلاق فاسده اولماز . زیرا ؛ جمله سی عدالت و کمال لطافت و ملاححت اوزره اولدقلرندن بینلرنده کوچوکلک و بویوکلک اولمایوب حسن جمال جهندن مساوی اولوب اصلا تفاوت اولمادینی جهته جمله سنک اشتها سی و میلی مساوی اولور ، یکدیگرینه ترجیح اولماز . بناء علیه ؛ بربرلرینی قیصقامق یوقدر و اکثریسی انسانلرک اعمال مرضیه و اخلاق حسنه لرندن خلق اولونمش حوریلردر و هپسنک اوتوز اوچر یاشنده اولاجقلری مرویدر .

\*\*

واجب تعالی اهل جنتك کمال راحتلرینی بیاندنصرکه اهل جنته طرف التهمیدن واقع اولاجق تلطیفی بیان ایتک اوزره ﴿ هَذَا مَا تُوعَدُونَ لِيَوْمِ الْحِسَابِ ﴾ إِنَّ هَذَا لَرْزُقُنَا مَالَهُ مِنْ نَفَادٍ ﴿ بیوریور .

[ای اهل جنت ! ایسته شو سزك حضوریکزده بولونان نعمتلر کتب سماویه ده رسوللرک لسانیه یوم حساب ایچون سزه وعد اولونان نعمتلردر . ایسته شونعمتلر بزم سزه کمال جود و کرمزدن و یردیکمز رزقزدز ، اورزق ایچون توکه نمک یوقدر .] بناء علیه ؛ بیک ، ایچک کیفکزه باقک .

﴿ هَذَا ﴾

[ایسته شونی ای بیلک و آلاک که حقیقت بوندن عبارتدر .] بوندن باشقه شیطانک و عوامک اغفالاتنه قائلایک . زیرا اعتقاد حق ؛ بودر ، بونک خلافتی اعتقاد ایتک باطلدر . بناء علیه ؛ بواعتقاد اوزره ثبات ایتک لازمدر .

\*\*

واجب تعالی اهل جنتك احوالی بیاندنصرکه اهل نارک احوالی بیان ایتک اوزره ﴿ وَإِنَّ لِلطَّاغِينَ لَشَرَّ مَأْبٍ ﴾ جَهَنَّمَ يَصْلَوْنَهَا فَيَنْشَأُونَ مِنْهَا ﴿ بیوریور .

[طاعات التهمیدن چیقمش اولان عاصیلر ایچون مرجع شر واردر . ایسته او شر اولان مرجع ؛ جهنمدر . عاصیلر جهنمه داخل اولورلر . نه فنا دوشکدر اهل جهنمک دوشکی .]

یعنی ؛ احکام شرعیه من خارجنه چیقان و شهوات نفسانیه لرینه تبعیت ایدن عاصیلره واریلاجق شر موقع واردر ، او موقعه واریرلر . زیرا ؛ انلر عصیانده غیریلری تجاوز ایتدکلرندن واره جقلری محک شری غیریلرندن زیاده در . چونکه جزا ؛ جانیته کوره در . اهل جهنمک ، عمللرندن حاصل اولمش عقربلر و ییلانلر ایچنده کمال رذالتله جهنمه کیررلر و انواع حسرتله ابدی جهنمده قالیرلر . بناء علیه ؛ نه کوتو دوشک اوزرنده قالیرلرکه او دوشک عین جهنم آتشدیر .

﴿ هَذَا فَلْيَذوقُوهُ حَمِيمٌ وَغَسَّاقٌ ﴾ وَآخِرُ مِنْ شَكْلِهِ أَزْوَاجٌ ﴿

[ایسته شو جهنم آتشی آنلرک محللریدر . اورایه داخل اولونجه آنلره طرف التهمیدن « طادک سزاوجهنم عذابندن ، ایسته سزك جزا کزدر » دنیلور و شو کوستریلن عذاب و طامالری تکلیف اولونان آتش و شراب . آنلرک یوزلرینی کباب ایدرجه سنه صیجاق صودر . زیرا ؛ آنلر مرضی التهمینک خلافتنه ایسته مش اولدقلری شهوات نفسانیه آتشلرینک یاقمش و قیزدیرمش اولدینی صولرله باغیر صاقلری یانار و آنلرک ایچدکاری صولرک بر قسمی ده اهل جهنم یاندجه آنلرک وجودلرندن آقان قانی ایریندر و دیگر بر قسمی غایت صوتوق صوکه ایچنجه آغزلرنده طوگمق صورتیه معذب اولورلر .] چونکه ؛ جهنم آتشی نصل یاقارسه جهنمده بولونان زمهریر طبقه لرینک صوتوقلری ده اودرجه ده مشکلدر . بناء علیه ؛ عذاب جهنم صیجاقله اولدینی کبی صوتوقله دخی اولاجقدر ، بلکه جهنمده آتش طبقه لرندن زمهریر طبقه لرینک عذابی ده اشد تلیدر . جهنمده عذابلر متعده بر جهنمده نوعلری بولونمیرنمده و عذاب اوزره عذاب اولمیرنمده ازواج دیمشدر .

فخر رازی و نيسابورینک بیانلری وجهله اهل نارک غلظت طبیعتلری سببیه دنیاده اللهک قوللرینه صوتوق بولوندقلری جهته زمهریرله معذب اولوناجقلری کبی اللهک قوللرینی اصلاح ایچون وضع اولونان قوانین التهمینک خارجنه چیقوب حدود التهمیدن



غفلت ایدره رك عليم وحكيم اولان واجب تعالى نك احكامندن اعراضه مستحق اولدقلری  
جهنم عذابيله دخی معذب اولاجقلردر .

..

واجب تعالى اهل جهنمك بعض عذابلری بیاندن صوكره جهنمه كیرن رئیسلك  
تابعلى جهنمه كیروب صیقیشنجه فریاد ایتدكلرنده جهنمك خزینه دارلى طرفلرندن  
ویریلن جوابی بیان ایتك اوزره ﴿ هَذَا فَوْجٌ مُّقْتَحِمٌ مَّعَكُمْ ﴾ بیوریور .

[«ای» رئیسلك! شو سرك آرقه كزده سزی طارالتانلر سركله جهنمه كیریجی بر  
جماعت كه دنیاده آنلر سرك اتباعكزدر . فصل كه دنیاده سزی تقلید ایدره رك آرقه كزدر .  
کیدرلردی . كذاك آخرتده دخی سرك آرقه كزدرن جهنمه كیرمشلردر . بناء علیه آنلرك  
تضیقندن سرك قورتولماكز ممكن اولاماز . دیمكله زبانلر اهل جهنمك فریادینی ردایدلرلر .]  
چونكه ؛ دنیاده اتباعلرندن نه قدر ممنون اولورلرسه آخرتده او قدر صیقینتی كوره جكلری  
شبهه سزدر .

یعنی ؛ اهل جهنم جهنمه كیرد كدنصكره آرقه دن كلنلرله یرلری طارالتنجه فریاد  
وقغانه باشلارلر ویرلرینك طارالتدیرلامسنى ایستلرلر وزبانلر طرفندن آنلره « دنیاده سرك  
تابعلریكز سركله جهنمه كیره جكلردر » دیمكله جواب ویرلر .

..

واجب تعالى شو جواب اوزینه سویله یه جكلری سوزلری علی طریق الحکایه بیان ایتك  
اوزره ﴿ لَأَمْرٌ حَبَأَ بِهِمْ أَنَّهُمْ ضَالُوا النَّارِ ﴾ بیوریور .

[ رؤسا یعنی متبوعلر دیرلر كه « آنلرایچون وسعت یوق واولماسون . زیرا آنلرده بزم  
كی جهنمه داخل اولیجیلردر و آنلر بزم اتباعمزددر . بناء علیه ؛ بوللغه لایق دكلردر . ]

..

واجب تعالى متبوعلرینك سوزلری ایشیدن تابعلك مخصوصه طریقله سویلدكلری

سوزلری حکایه صورتيله بیان ایتك اوزره ﴿ قَالُوا بَلْ أَنْتُمْ لَأَمْرٌ حَبَأَ بِكُمْ أَنْتُمْ  
قَدْ مَتَّوْهُ لَنَا فَبَشِّرْ الْقَرَارُ ﴾ بیوریور .

[ رئیسلرینه جواب اولارق اتباع كروهی معارضه طریقله دیرلر كه ؛ بلكه آنلر  
ضالالتلریله بزی اضلال ایدن وبولدن چیقاران متبوعلریمزددر . بناء علیه ؛ ای  
رئیسلك! سرك حقكزده ( لامرحبا بكم ) دنیللك لایقدر . یعنی وسعت اولماق سزه  
لایقدر ، تضیقنه شایان سزسكز . زیرا ؛ جهنمه كیرمكلكمز سبب اولان كفری بزه تقدیم  
وكفری بزه تلقین وایجاد ایدن سز اولدیغكزدن علیه كزده دعایه لایق سكر . بناء علیه ؛  
سرك كی متبوعلك و بزم كی تابعلك قرار ایدره جكلری محل نه چیركین محلدر جهنم . ]  
مرحبا ؛ بك بول اولسونه راحت اول دیمكدر . شو حالده ( لامرحبا بكم ) بكرزده  
وسعت اولاسونه طار اولسونه دیمكدر .

اهل نارك بربريله شو بیان اولونان وجه اوزره منازعه ایدوب چكیشمكدن خالی  
قالیه جقلرینه بوآیت دلالت ایدر . چونكه ؛ انسانلرك طوقدقلری ایشك عاقبتده فائق  
ظهور ایدنجه « سندن اولدی ، بندن اولمادی ، فلانندن اولدی ، كی صوجه صاحب  
چیقمامق و منازعه ایتك بودنیاده دخی عادتدر . ایشه عین حالك آخرتده دخی ظهور ایدره جكی  
بوآیتده جناب حق بیان بیورمشدر .

مرحبا ؛ بودنیاده اهل ایمانك اونوردقلری مجلسلرده یكدیگرینه قارشى نعلی ایتدكلری  
التفات ومرتبهلر . بناء علیه ؛ بومنوال اوزره هر مجلسده دعا ایدوب بربری ممنون ایتك  
وكوكلنی آلق عادات اسلامیه دندر . بو عادتك اهل جنت آره سنده دخی جریان ایدره جكنه  
بو آیت دلالت ایدر . چونكه ؛ اهل جهنمك بو بولده التفاتی برندن منع ایتسی اهل  
جنتك منع ایتیه جكلرینه دلیلدر .

..

واجب تعالى اهل نارك بربرلرینه معارضه ایدره جكلری بیاندن صوكره اتباع كروهك



جناب حقه تضرع و نیاز ایدہ جکری بیان ایتک اوزره ﴿قَالُوا رَبَّنَا مَنْ قَدَّمَ لَنَا هَذَا فَزِدْهُ عَذَابًا ضَعُفًا فِي النَّارِ﴾ بیوریور .

[ دنیاہ فقرا کروہی اضلال ایدن رئیسری آخرتہ فقرا کروہی توبیخ ایتدکن صوکرہ دیرلر کہ ای بزم ربمز! بزم شو کفری تقدیم و تلقینہ اضلال ایدوب آلدانان رئیسلمزک عذابی جہنمہ ایکی قات یاپ . ] زیرا ؛ آنلر کندیلری ضلالندہ اولدقلری کی بزیدہ اضلال ایتدیلر . بناء علیہ ؛ بزم کی یالکز ضلاللہ اکتفا ایتدیلر . زیرا ؛ بزلی دہ کندیلری کی یولدن چیغارمغہ سعی ایتدیلر « دیمکله تشفی صدر ایدرلر . خازنک بیانی وجہلہ کنڈینک ضلالیلہ اکتفا ایتیموب باشقلری بیاضلال ایدنلرک عذابلری ایکی قات اولور . زیرا ؛ بریسی ضلالک دیکری اضلالک جزاسیدر . چونکہ هر کسک جزاسی ؛ عملہ کورہدر . بناء علیہ ؛ بو کیلرک عذابلری ایکی قات اولوق آنلر حقلرندہ ظلم اولمازکہ کندی استحقاقلریدر .

رسول اللہک « برکیمسہ برکوتوعات ایجاد ایدرسہ او عادتک وبالی اونک اوزرینہ اولدینی کی الی یوم القیام او عادتق ایشلہ یئرک وبانک برملی دخی ایجاد ایدن کیمسہنک اوزرینہ اولاجتی » بیان بیورمسی دہ بومعنائی تأیید ایدر .

واجب تعالی دنیاہ بوکی کفری وسائر کناہلرہ هر کی ترغیب ایدنلرک انواع عذابہ معذب اولاجقلری بیاندن صوکرہ آنلر آرہ سندہ جریان ایدہ جک محاورہلری بیان ایتک اوزره ﴿وَقَالُوا مَا لَنَا لَنَرِي رِجَالًا كُنَّا نَعُدُّهُمْ مِنَ الْأَشْرَارِ \* أَتَّخَذْنَاهُمْ سِحْرِيًّا أَمْ أَزَاغَتْ عَنْهُمْ الْأَبْصَارُ﴾ بیوریور .

[ جہنمہ کیرنجہ اورئسلر دیرلر کہ « بزم نہ اولدی کہ دنیاہ ارادلدن عد ایتدیکمز برطاقم رجللری کورمیورز . حتی بز آنلری استہزا ایدر وآت مسخرہ اتخاذا ایدردک ، یوقسہ کوزلریمز آنلری کورمکدن یا گدیہی ؟ » دیمکله دنیاہ بکنمڈکلری فقرا کروہنک جہنمہ کندیلری ایلہ برابر بولونما دقلرندن بحث ایدر . ]

یعنی ؛ رئیسلمز انواع عذابہ دوچار اولونجہ دیرلر کہ « بزم نہ اولدی و کوزیمز نہ کی شی عارض اولدی کہ برطاقم فقرای اعتباردن ساقط اولدقلری جہتلہ آرہ مزده ارادل کروہندن عد ایدر و اہمیت و برمزک . شیمدی بز آنلری کورمیورز . حالو کہ دنیاہ بز آنلری مجلسمزده او یونجاق اتخاذا ایدردک ، یوقسہ دنیاہ کی اعتقادلری کی آنلر جہنمہ کیرمدیلری و یا خود بزم کال اضطراب و المزدن کوزلریمز آنلری کورمکدن امتناع می ایدیور ؟ . ایشہ رؤسا یویلہ دیمکله جہنمہ فقراء مسلمینی کورمڈکلرینہ اظہار اسف ایدرلر . خلاصہ ؛ بودنیادہ اتباعی اضلال ایدن رؤسانک جہنمہ کیردکلرندہ فقراء مسلمینی کورہ مدکلرینہ تأسف ایدہ جکلری بوآیتدن مستفاد اولان فوائد جملہ سندر .

واجب تعالی اہل نارک خاصہلری بیاندن صوکرہ بوخاصہنک حق اولوب واقع اولاجتی بیان ایتک اوزره ﴿إِنَّ ذَلِكَ لَحَقٌّ تَخَاضُمُ أَهْلِ النَّارِ﴾ بیوریور .

[ یا اکرملرسل ! ایشہ شو اہل ناردن حکایہ اولونان سوزلر حق و ثابتدر ، البتہ واقع اولاجقدر . ] چونکہ ؛ آنلر جہنمہ کیرنجہ ینلرندہ بوکی مکالہ جریان ایدہ جکندہ شک یوقدر . زیرا ؛ رؤسانک اتباعنہ اتباعک رؤسایہ ( لامرجباً ) ایلہ دعادہ و مقابلہدہ بولونا جقلری خصوصتدن باشقہ برشی دکدر . بونکہ برابر دنیاہ اہل ایمانی استہزا ایدوب اکلہ نیر ایکن و آنلرلہ ہم مجلس اولوب آنلری کوچوک کورہرک کندیلرینک مجلسندہ بولونملری مناسب کورمیوب شرار ناسدن عد ایدرکن کندیلرینک جہنمہ کیروب آنلرک کیرمدیکنی کورونجہ اہل ایمانی جہنمہ کورہ مدکلرندن طولانی محزون اولاجقلری حق در وعذابلری اوزرینہ عذابدر .

واجب تعالی اہل جہنمک خاصہلری بیاندن صوکرہ سورہنک بدایہ سندہ بیان اولونان حقه دعوتی تا کید ایتک اوزره ﴿قُلْ إِنَّمَا أَنَا مَثَدِرٌ وَمَا مِنَ اللَّهِ إِلَّا اللَّهُ الْوَاحِدُ الْقَهَّارُ﴾ بیوریور .



[ ای حبیلم! سن کافرله خطاباً دی که « بن آنجق حقه اجابت ایتمین منکرلری قور قوتوجی یم و واحد قهار اولان الله تعالی دن ماعدا معبود بالحق یوقدره. » ] بناءً علیه ۴  
مشرکله اعتقادلری باطلدر و شو باطل اعتقاد صاحبیلری قور قوتوق وظیفه رسالت  
جمله سنددر. زیرا ۴ باطل اعتقاد اوزره ترتب ایده جک عذابی بیانله منع ایتمک لازمدر که  
آخرته اعتذاره مجاللری قالماسون .

بویآیت جلیله ۴ مسائل اعتقادیه دن رسول اللهک وظیفه سی انذار اولدیغنی والله تعالی نک  
وحدانیتنی و صفت قهر ایله متصف اولدیغنی بیان ایتمش و رسول اللهک انذار ایتمکی  
عاصیلری تهدید ایچون آیتک آخرنده قهار اسم شریفی وارد اولمشر . بناءً علیه ۴ اللهک  
قهار اولدیغنی بیان بر کیمسه نک قهر الهی بی ایجاب ایده جک افعال دن احتراز ایتمی  
لازمدر .

..

واجب تعالی قهار اولدیغنی بیاندنصرکه ربوبیت صفتیه متصف اولدیغنی بیان ایتمک  
اوزره ﴿ رَبُّ السَّمَوَاتِ وَالْأَرْضِ وَمَا بَيْنَهُمَا الْعَزِيزُ الْغَفَّارُ ﴾ بیوریور .

[ الله تعالی کوکله ویرک و آنلرک آره سنده اولان مخلوقاتک ربسیدر و هر امورنده  
هر کسه غالب و توبه ایدن قوللرینک کناهلرینی مغفرت ایدیجیدر . ] یعنی واحد قهار  
اولان الله تعالی عالم علوی و عالم سفلی و آنلرک آره سنده اولان موجوداتی کالنه ایصال  
ایتمک صورتیه تربیه ایدیجیدر . چونکه هر امورنده غالب و درگاه الوهیتته التجا ایدن  
عاصیلرک کناهلرینی کمال مبالغه ایله عفو ایدیجیدر .

ابوالسعود افندیکنک بیانی وجهله واجب تعالی ، تهدیدی متضمن اولان قهار اسمی  
مقابلنده ربوبی و رغیبی مشعر اولان رب و غفار اسملرینی ذکر بیورمشر . چونکه رب  
اسم شریفی ۴ هر شیئی تربیح طریقیدر کالنه ایصال ایتمک ایلر هر و کرمی مشعر اولدیغنی کبی  
غفار اسمی ده کناهلری عفو ایده جکی مشعردر . شو حالده بویآیت ۴ هم تهدید هم ده رغیبی  
متضمندر . بناءً علیه ۴ واجب تعالی به عبادت ایتمک واجبدر . زیرا ۴ عذابندن قور قولور ،  
چونکه ۴ قهاردر . واجب تعالی نک فضل و احسانی امید ایتمک لازمدر ، چونکه ۴ غفاردر .

﴿ قُلْ هُوَ نَبَأٌ عَظِيمٌ \* أَنْتُمْ عَنْهُ مُعْرِضُونَ ﴾

[ ای نبی ذیشان! سن آنلره دی که « الله تعالی نک عالم علویت و سفلیتک تربیه سنی  
خبر و یرمی بویوک بر خبردر . ای عاصیلر! سز اوخبردن اعراض ایدیجیسکز. » ]  
چونکه ۴ برلکنی و نبوتک حقانیتنی و حشری و نشری خبرک خبر عظیم اولدیغنی آنلره  
خبر و یردی که دیکله سونلر مستفید اولسونلر و اهمیتسز عدا یتسونلر . زیرا ۴ کرک وحدانیه  
و کرک نبوته و کرک احوال آخرته متعلق اولان مسائل اصول اعتقاددن اولدیغنی جهته  
شو اعتقادانده استقامت سبب سعادت اولدیغندن اهمیتی وارددر . بناءً علیه ۴ اهلای جائز  
اولاماز که عکسی سبب سقالتدر . شو حالده بو اعتقادک حق اولدیغنی بیان ایتمک ۴ انسان  
ایچون بویوک بر خبردر . بو مثللو خبرک بویوکلکنی تصدیق ایتمیلر جناب حقه شرک  
ایتمکدن دنیا و آخرته رذیل و رسوای اولاجقلردر . ای مشرکله! سزلر  
بو خبره التفات ایتمز اعراض ایدرسکز . بناءً علیه ۴ دنیا و رذیل و آخرته رسوای  
اولاجقسکز .

فخر رازینک بیانی وجهله بو آیتده انسانلری عقائد دینه ده نظر و استدلاله و کمال  
اهمیتله دوشونمکه و تفکر ایتمکه ترغیب وارددر . چونکه ۴ بومطالب یک عالی اولدیغندن  
مسامحه ایله اکتفا جائز اولاماز . زیرا ۴ انسان اعتقادده حتی بولورسه سعادت قابولری  
وا کر اعتقادده باطل اوزره اولورسه شقاوت قابولری آچیلدیغندن اعتقادده تقلیدمقبول  
دکلدر ، بلکه کمال بصیرتله استدلال لازم اولدیغنه بو آیت دلالت ایدر . زیرا ۴ جناب  
حق اعراض ایدنلری ذم ایتمشدر که اعتقاد باطل اوزره اولانلرک عذابی ایدیدر .

..

واجب تعالی بو خبرک خبر عظیم اولدیغنی بیاندنصرکه خبرک جانب السهیدن اولدیغنی  
تحقیق ایتمک اوزره ﴿ مَا كَانَ لِي مِنْ عِلْمٍ بِالْمَلَأِ الْأَعْلَى إِذْ يَخْتَصِمُونَ ﴾ ۴ ان یوحی  
إِلَّيَّ إِلَّا أَنَّمَا أَنَا نَذِيرٌ مُبِينٌ ﴾ بیوریور .



[ یا اکرملرسل ! شو خبرک بویوک بر خبر اولدیغنی بیانله برابر آنلره دی که « بنم ایچون آنلرک مخاصمه لری زمانده ملاء اعلی اولان اهل سنانک احوالنه داتر علم اولمادی و بکا وحی اولونمادی ، آنحق بنم سزی آچیقندن انذار ایدیجی اولدیغ وحی اولوندی . ]  
زیرا ؛ بنم سزه هر خبرم وحی الهی ایلدر . چونکه ؛ بنم نه ملککک احوالنه و نه ده حضرت آدم دینبری کچمش زمانه علمم یوقدر و بالخاصه جناب حقک حضرت آدمی خاق بیوره جفنده ملککله بیلرندده جریان ایدن مباحثاته و سائر خصوصاته دخی علمم اولمادیجی کبی علمک حصوله اسباب عادیه دخی توسل ایتدیکم حالده او وقده جریان ایدن سوزلری سزه خبر ویرمکککم البته وحی ایلدر . چونکه بنم بیلیمکککم و حیدن باشقه بر سببده یوقدر . بناء علیه هر خبرمده بویلهجه وحی ایلدر . کذلک ملائککککک احوالی سزه وحی ایلده خبر ویرمککککمه کی حکمت ؛ آنحق سزی انذار ایتمککککدر . بناء علیه حضرت آدمله ابلیس آره سنده اولان مخاصماتی حکایه دن مقصد ؛ حسن اخلاقه ترغیب و سوء اخلاقدن منع و زجردر . شو حالده ای کافرلر ! بو خبرلر اسباب عادیه ایلده اولمایوب آنحق وحی ایلده اولونجه سزک ایمان ایتمکککک لازمدر . چونکه ؛ اعتراضه بحالکککک یوقدر « دیمکله مشرککری نبوتکی تصدیقه دعوت ایت .  
فخر رازی و نیسابورینک بیانلری وجهله مخلوقات دروه مقسمدر : برنجیسی ؛  
مردکککدر که بوآیتده ملاء اعلی ایلده مراد ؛ ملکککدر . آنلر ایچون عقل واردر ، لکن قوه شهوانیه یوقدر . بناء علیه ؛ ایشلری دائماً عبادت و خیردر . ایکنجیسی ؛ بهائمدر که آنلر ایچون قوه شهوانیه واردر ، لکن عقل و علم یوقدر . بناء علیه ؛ مکلف دکککدر . اوچنجیسی ؛ جماداتدر که آنلر ایچون علم ، عقل و شهوتدن هیچ بر شی یوقدر ، آنحق انسانلرک منفعتی ایچون خلق اولونمش شیلدر . دردنجیسی ؛ انسانر که علم ، عقل و شهوات نفسانیه صاحبدر . بناء علیه ؛ حضرت آدم خلق اولوندینی زمان انسانک شهوت صاحبی اولدیغندن یر یوزینی انسانلرک افساد ایده جکککری و قوه غضبیه لری سببیه یکدیککری قتله جرأتله سفک دمایه قدر ایلروله جکککری ملکککک بیان ایتشلردی . واجب تعالی آنلرک شوبیاننه « سزک بیلیمدیکککری بن بیلورم . زیرا ؛ انسانده فساد

داعی شهوت و سفک دمای داعی غضب وار ايسه ده آنلرده اولان عقل آنلری معرفته محبت و خدمت مولایه سوق ايدر . بناء علیه ؛ سز عاقبتی بیلهمز سککک ، دیمکله جواب ویرمشدی . شو حالده انسانک خلق اولونمسانده کی حکمت ؛ علم ، عبادت ، طاعت و معرفتدر . یوقسه جهل ، کبر و تمرد دککدر . زیرا جهل و تمرد ؛ صفت بهائمدر . بناء علیه انسان اوزرینه واجب اولان ؛ علم و عرفان کبی کمالات انسانیه بی محصله سبی ایلده صفات بهائمندن احتراز ایتمککدر که ابلیس کبر و عنادله دنیاده و آخرتده ضرر کورجی اولدی . حضرت آدم ايسه علم ، حلم و تواضع کسوده سنی بورونمککله درجات عالییه نائل اولمشدر .

..

واجب تعالی اجمالاً ملاء اعلايه اشارتدن صوکره تفصیلاً بیان ایتک اوزره  
﴿ اِذْ قَالَ رَبُّكَ لِلْمَلٰٓئِكَةِ اِنِّیْ خَالِقُ بَشَرًا مِّنْ طِیْنٍ ﴾ بیوریور .

[ ذکر ایت ای رسول ذیشان ! شول زمانی که او زمانده ربک تعالی ملککله خطاباً « محقق بن چاموردن بر بشر خلق ایده جکم » دیمکله حضرت آدمک خلق اولوناجقنی ملککله بیلیدردی . ]

فخر رازینک بیانی وجهله بوآیتده ذکر اولونان طین ؛ صلصاله رحماً مسنونه و زرايه شامل اولمیفنمره دیگر آیتلرده ذکر اولونان صلصاله و حماً مسنوندن خلق اولندیغنی بیانه منافی دککدر . بناء علیه ؛ آیتلر بینه تناقض یوقدر .

بوقصه بی بومقامده ذکر دن مقصد ؛ حسد و کبر کبی اخلاق رذیله نک نه کبی فلاکتی موجب اولدیغنی بیانله انسانلری بو مثللو اخلاق فاسده دن منع ایتمککدر . زیرا ابلیسک جناب حقه اعتراضی ؛ حضرت آدمه حسدی و کبری سببیه در . چونکه ؛ کبرله حسد آنک دنیاده و آخرتده رذیل و رسوای اولسنه سبب اولمشدر . ایشته قریش مشرکککک رسول الله قارشی کبر و حسدلری رسول الله منازعه به بادی اوله یغندن ابلیس کبی آنلرکده خسران ایدیلرینه سبب اولاجغنه اشارت اولونمشدر . بناء علیه ؛ کبر و حسد سببیه ابلیسک



باشنه کلن بلیه بی دوشون برکیمسه نک کبر وحسدن احترازی کندییی ایچون اهم والزم کورمی لازمدر .

..

واجب تعالی حضرت آدمی خلق ایده جگنی بیاندن سوکره خلق ایدنجه جریان ایدن احوالی بیان ایتک اوزره ﴿ فَإِذَا سَوَّيْتُهُ وَنَفَخْتُ فِيهِ مِنْ رُوحِي فَقَعُوا لَهُ سَاجِدِينَ ﴾ بیوریور .

[ بن عظیم الشان آدمک جسدینی تسویه ایدوب وروحدن اوفوروب حیاتی جسدینه افاضه ایتدیکم زمان ملکله سجده ايله امرم کلنجه بز ملکله خطاباً دیدک که « سز آدمه تعظیم ایتک اوزره سجده صورتيله یره قابانک » . ] وشو امریمز اوزرینه :

﴿ فَسَجَدَ الْمَلَائِكَةُ كُلُّهُمْ أَجْمَعُونَ ﴾ إِلَّا ابْلِيسَ اسْتَكْبَرَ وَكَانَ مِنَ الْكَافِرِينَ ﴿ [ ملکله هبسی بردن سجده ایتدیلر ، آنجق ابلیس سجده ایتمدن کندینی بویوک عد ایتمله کافرلر زمره سندن اولدی . ]

یعنی ؛ ملکله چاموردن انسان خلق ایده جگمی خبر ووروب آنک اجزاسنی عناصر مختلفدن ترکیب ایده رک صورت انسانیه سنی تصویر و تعدیل ایدوب حیات انسانیه کندیسيله حاصل اولان جوهر روحی بدننه افاضه ایتدیکم وقتده ملکله سجده ايله امر ایدنجه وقت کچیرمکسزین حضرت آدمه تعظیم و تکریم صورتيله ملکله کایسی سجده به قاپاندیلر که هیچ بریسی سجده به مخالفت ایتدیکی کی تقدم وتأخر دخی اولقسزین جمعیسی بردن سجده ایتدیلر . فقط ابلیس سجده ايله امریمزه امتثال ایتدی . زیرا ؛ کندینی حضرت آدمدن بویوک عد ایتدی . بناء علیه ؛ آدم علیه السلامه قارشى تواضع کوستره مدی وکافرلر زمره سته التحاق ایتدی . شوخالده کبر وغروری کفرینه سبب اولمشدر .

فخر رازی و خازنک بیانلری وجهله بو آیت جلیله ؛ انسانک روحله جسددن مرکب اولوب جسدک ترکیبندن حاصل اولان استعداد و قابلیت اوزرینه روحک فیضان

ایده جگنه دلالت ایدر . چونکه ؛ جناب حق اعضانک تسویه سنی وروحک نفخی برابر اولارق بیان بیورمشدر که خلقت انسانک بو ایکسيله حاصل اولدیغنی بیانددر .

نفخ ايله مراد ؛ روحی جسمه افاضه در ، یوقسه حقیقته نفخ یوقدر . زیرا ؛ نفخک معنای حقیقیسی اوفورمک اولدیغندن جناب حق اوفورمکدن مزهدر ولکن روح امر الهی ايله بدن انسانه جریان ایتدیکندن واجب تعالی ذاته مضاف قیلمشدر . روح لله مراد ؛ هیات کنده سید حاصل اولده شیدر . حضرت آدمه تعظیم ایچون کرک جسد آدمی تسویه و کرک روحنی افاضه بی واجب تعالی ذاته مضاف قیلمشدر .

..

واجب تعالی ابلیسک آدم علیه السلامه تعظیم صورتيله سجده دن امتناع ایتدیکی بعد الیایان سجده دن امتناعک سینی سئوال ایتدیکی بیان ایتک اوزره ﴿ قَالَ يَا ابْلِيسُ مَا مَنَعَكَ اَنْ تَسْجُدَ لِمَا خَلَقْتُ بِإِيْدِي اَسْتَكْبَرْتَ اَمْ كُنْتَ مِنَ الْغَالِينَ ﴾ بیوریور .

[ ابلیس سجده دن امتناع ایدنجه جناب حق ابلیسه خطاباً دیدی که « ای ابلیس ! بنم قدرتمله خلق ایتدیکم آدمه تعظیم ایچون سجده ایتمدن سنی نه کبی شی منع ایتدی ، یوقسه امریمزه امتثالدن کبرمی ایتدک و بز حکممه اطاعتدن نفسنی دها بویوکمی عد ایتدک و یاخود کندیکی دها بویوک مرتبه علوتده بولونلرک زمره سندنمی ظن ایتدک ؟ » ] جناب حق اشبو عتاب الهیسیله ابلیسک سجده دن امتناعک سینی سئوال ایتدی وایکی جهته توبیخ و تکدیر بیوردی . چونکه امر الهی به مخالفت ایدنلر ؛ هر زمان توبیخه مستحق وسفاله محکومدرلر .

واجب تعالی ابلیسه امتناعک سینی سئوالدن سوکره ابلیسک نفسنده اولان کبرک مانع اولدیغنه اشارت ایتمشدر که استکبارک امر منکر اولدیغنی استفهام نظری ايله بیان بیورمشدر .

..



واجب تعالی ابلیسک ویرمش اولدینی جوابی علی طریق الحکایه بیان ایتک اوزره  
﴿ قَالَ أَنَا خَيْرٌ مِنْهُ خَلَقْتَنِي مِنْ نَارٍ وَخَلَقْتَهُ مِنْ طِينٍ ﴾ بیوریور .

[ ابلیس جوابنده دیدی که « بن آدمدن خیرلیم . زیرا ؛ سن بنی آتشدن خلق ایتدک و آدمی چاموردن خلق ایتدک . آتش ایسه چاموردن خیرلیدر . » ] ایشته ابلیس بویه دیمکه کندیکنک خیرلی اولدیغنی ادعا ایتدی و جناب حقتک سؤالنده شق ثانی اختیار ایلدی و کندیکنک ماده سی و صورتی آدمک ماده سی و صورتندن خیرلی اولدیغنی بلا پروا سویله دی و عناصر اربعه ایچندن آتشک مکانی یوکسک طبقه ده اولدیغندن کندیکنک مرتبه عالیه اصحابندن اولدیغنی و چامور عناصرک سفلیسی و قدر و اعتبار و مکان جهتندن ادناسی اولدیغنی بیانله چاموردن خلق اولونان آدم علیه السلامک کندنندن دها آشاغی اولدیغنی ادعا ایتدی و « اعلانک ادنایه سجده ایتسیله امری موافق کورمدم » دیمکه سجده ایتدیکنک سببی بیان ایتک ایستدی .

فخر رازینک بیانی وجهله انسانک خلقته کمال اعتنا و شأنه تعظیم ایچون جناب حق انسانک خلقتنی کندی قدرته نسبت ایتشدر . چونکه ؛ جمله مخلوقات کندی قدرتیله خلق اولوندیغنی حالده انسانک خلقتنی کندی قدرته نسبتله تخصیص ایتک ؛ البته تعظیم و تکریمدر .

بو آیتده ابلیسک دعواسی ؛ اوج مقرری جاعدر : برنجی مقدمه ؛ شیطانک اصل ماده سی آتشره اولدیغنی بیان ایتکدر . بو مقدمه مسلمدر ، اعتراض یوقدر . چونکه ؛ آتشدن خلق اولوندیغنی جناب حق بالذات بیان بیورمشدر .

ایکنجی مقدمه ؛ آتشک طوبراقدره افضل اولسیدر . حالوکه بومقدمه یا کلیشدر ، مسلم دکلدردر . زیرا ؛ طوبراق آتشدن افضلدر . چونکه ؛ طوبراق امین و مصلحدر . بناء علیه طوبراق ؛ کندیینه امانت ایدیلن دانه لری تمامیه محافظه ایتدیکی کبی نباتاتی میوه ویره رک صاحبنه برچوق منافع تأمین ایدر . آتش ایسه بونک عکسنه در . زیرا ؛ خاشدر ، مفسددر . بناء علیه ؛ آتشره هر نه تسلیم اولونسه افساد و اتلاف ایتمکه صاحبنی اضرار ایدر . طوبراق آتشی سوندورمکه غلبه ایتدیکی جهته دخی افضلدر . چونکه غالب ؛ مغلوبدن البته افضل اولور .

اوچنجی مقدمه ؛ اصل خبری اولاره سِيَرْنَا فِي سَمَاءٍ مَعْلُومَةٍ خبری اولسیدر . ایشته بو مقدمه ممنوع و بر چوق دلیلاره مردود و واقع نفس الامرده بوکا شاهددر . چونکه اشجار مشمره نک اساسی ؛ طوبراق و کولک اساسی ؛ آتشدر . حالوکه اشجار مشمره کولدن افضلدر . زیرا ؛ آغاجلردن انسانلر انتفاع ایدرلر . کذلک حبیب و نسیب اولان بر جاهلدن نسیب اولمایان بر عالم افضلدر . یعنی ابلیسک ماده اصلیه سی اولان آتشک حضرت آدمک اساسی اولان طوبراقدن افضل اولدینی تسلیم اولونمش اولسه بيله آتشک فرعی اولان ابلیسک افضل اولسی لازمکمز . شو حالده ابلیسک قیاسی فاسددر ، بناء علیه ؛ قبوله شایان دکلدردر .

ابلیسک کفرینه سبب ؛ امر النہی به مخالفت و اعتراض و ذم ایتسی و قیاسله کندی حقی کوسترمکه چالشمسیدر ، یوقسه یالکز امره مخالفتی دکلدردر . چونکه امر وجوبیه مخالفت ؛ عصیان ایجاب ایدرسده کفری ایجاب ایتز . شیطان ایسه یالکز مخالفتله کتفا ایتدی ، بلکه برطاقم اعتراض و قیاسلره جناب حقه قارشی کلدیکی کبی امرالنہینک حکمه موافق اولمادیغندن دخی بحث ایتدی و خلافت کندی مناسب کوردی و آدم علیه السلامک خلافت اهل اولمادیغندن بحثله جناب حقه مقابله ده بولوندی . واجب تعالی نک تنسیبی مناسب کورمه مک ؛ کفری ایجاب ایتدیکندن ابلیس کافر اولمشدر .

ایشته زمانمزدده احکام شرعیه نک بعضیلرینک حاشا مصلحته موافق اولمادیغنی درمیان ایدن و اسلام کسوه سی آتشدن احکام شرعیه بی قبول ایتمین برچوق کافر سفیهر وارددر . اوت ؛ برکیمسه احکامک موجیه عمل ایتز ایسه فاسق اولور ، آنجق احکامه اعتراض ایتدیکی جهته کافر اولسی لازمکمز . اگر احکامه اعتراض ایدرسه اوزمان کافر اولور .

\*\*

واجب تعالی ابلیسک اطاعتدن خروج ایتدیکنی بیاندن صوکره اطاعت النہی دن چیقدیغنه بناء درکاه الوهیتدن طرد اولوندیغنی بیان ایتک اوزره ﴿ قَالَ فَأَخْرِجْ مِنْهَا فَإِنَّكَ رَجِيمٌ ﴾ وَإِنَّ عَلَيْكَ لَعْنَتِي إِلَى يَوْمِ الدِّينِ ﴿ بیوریور .



[ ابلیس عصیان ایدنجه جناب حق «مادامکه سن عاصی اولدک، چیق جتدن. زیرا؛ سن حضور الهیمن مردودسک و یوم قیامتہ قدر لغتم محقق سنک اوزریکه نازل اولاجقدر» دیمکله شیطانی طرد ایتدی. ]

یعنی؛ ابلیسک حضرت آدمه سجده ایتمه سی اوزرینه واجب تعالی «یا ابلیس! سن امره مخالفت ایدنجه طاعتدن چیقمقلغمکه مجازات اولارق نعمت جتدن چیق. زیرا؛ سن حضورمه لایق دکلسک و یوم قیامتہ قدر رحمتدن اوزاق اولماقغه مستحقسک» بیوردی. فخر رازی و نيسابورینک بیانلری وجهله بو آیتده رجم؛ سمدنه یاربزلر شیطانی طرد ایتلک معنانه اولوب لغت ده رحمت الهیهده محروم اولسی مراد اولونجه رجم و لغت باشقه باشقه معناری افاده ایتدکلری جهته آیتده تکرار یوقدر. یاخود رجم؛ مطلقاً رحمت الهیهده طرد و تبعیدینی یانه اولوب لغت ایسه طرد و تبعیدک الی یوم القیام درامنی یانه اولدیغی جهته تکرار یوقدر. یاخود رجم؛ هیندره و یا سمدنه و یا عزت حضورده طرد معنانه اولوب لغت ایسه رحمت الهیهده طرد معنانه اولدیغی هیندره تکرار یوقدر.

بوآیتده (الی) لفظی یوم قیامتده لغتک انتہاسنی اشعار ایدرسده نصوص سائر لغتک یوم قیامتدهده باقی اولاجغه صراحة دلالت ایتدیکندن بوآیتدن مستفاد اولان انتہا؛ تأویل اولونور، شویله که: دار دنیا رحمت کسب استحقاق ایدجک محل اولدیغندن دنیاده لغت الی یوم القیام باقی اولونجه دنیاده رحمته اصلاً کسب استحقاق ایدمه یکن کیمسه ایچون آخرتده دخی لغتک باقی اولاجنی اولویتله ثابتدر. یاخود دنیاده دوام یالکزی لغت اولوب آخرتده ایسه انواع عذابہ دوچار اولونجه لغتی اونوتاجنی جهته مبتلا اولدیغی عذابہ نسبتله کآن لغت نهایت بولمش کبی اولاجقندن کنایه در.

شوایت جلیله دن آکلاشیلدیغی وجهله اولجه شیطان عبودیت نقطه سنده دوام ایتمش ایکن حسدی و کبری سببیه امر الهی به رد و اعتراض طریقله مخالفت ایتدیکندن کوزل صورتی چیرکین بر صورتہ تبدل و بناء علیه؛ جسم نورانیسی ظلمانی به انقلاب ایتشد.

چونکه؛ عبادتله حاصل اولان نورایتک معصیتله ظلمانه تحول ایدجکی شبه سزدر. ایشته شواساسه بناء در که بر آز زمان عبادتله مشغول اولان انسان یولدن چیقارق صلاح حالی فسادده کیشنجه کوزل سیاسنک چیرکین برسیایه تبدل ایتدیکی هر زمان کور و لمکده در. بناء علیه اعتبار؛ خاتمه یه در. شو حالده انسان ایچون لازم اولان جناب حقدن توفیق ایسته مک و حسن خاتمه تمناینده بولونمقدر. زیرا؛ هر ایشده حسن خاتمه اولمازسه امکلرک بوشه کیده جکی شبه سزدر.

بوآیت جلیله ده (فاخرج منها) امری؛ هیندره میور و یاخود صورت اصلیهده میور دیمکدر. چونکه؛ بیان اولوندیغی وجهله شیطانک بدایه خلقی غایت بیاض، نورانی و کوزل ایکن جناب حق آنک کوزلکنی چیرکینلک و نورایتی ظلمانیته و بیاضلغی سیاهلغی تبدیل بیورمشدر. شو حالده معنای نظم: [ای شیطان! سن خلقت اصلیهک اولان صورت حسنه دن چیق. زیرا؛ سن عزت حضور مزدن مردودسک] و یاخود [سمواتدن چیق] دیمکدر.

خلاصه؛ شیطان جتدن و یاسادن و یاخود خلقت اصلیه سنندن چیقمسيله امر الهینک وارد و حضور الهین مطرود اولوب الی یوم القیام لغت الهیه مظهر اولدیغی بوآیتدن مستفاد اولان فوائد جمله سننددر. بناء علیه؛ شیطانک مطرود و ملعون اولدیغنی انکار ایدن بر کیمسه کافر اولور. زیرا؛ شیطانک مطرود اولدیغنی نص قطعی ایله ثابتدر. دلیل قطعی ایله ثابت اولان بر حکمی انکار؛ کفر در.

..

واجب تعالی ابلیسک طرد ابدی به دوچار اولونجه رحمت الهیه دن مأیوس اولدیغنی بیاندنصکره شومأیوسیتی اوزرینه سویلیدیکی سوزلری و واقع اولان استرحاماتی بیان ایتلک اوزره ﴿قَالَ رَبِّ فَأَنْظِرْنِي إِلَى يَوْمِ يُبْعَثُونَ﴾ قَالَ فَإِنَّكَ مِنَ الْمُنْظَرِينَ ﴿إِلَى يَوْمِ الْوَقْتِ الْمَعْلُومِ﴾ بیوریور.

[شیطان «یارب! بکا یوم قیامتہ قدر مهلت ویر» دیدی. شیطانک شومئیسنی ترویج



اولق اوزره واجب تعالی « سن علمی بکامنحصر اولان وقته قدر مهلت ویریلنلردنسک »  
بیوردی .

یعنی ؛ ابلیس رحمت الهیه دن مایوس اولونجه مناجات واسترحام صورتیه « ای  
ربم ادرکاه الوهیتدن طرد ایدنجه یوم قیامته قدر بکامهلت ویر » دیدی . آنک شوطلی اوزرینه  
جناب حق « ای ابلیس ! بنم عندمده معلوم اولان وقته قدر سن مهلت ویریلنلردنسک  
واووقته قدر سکا مساعده محق قدر . بناء علیه ؛ اووقته قدر سکا اولوم یوقدر » بیوردی .  
فخر رازی و خازنک بیانلری وجهله شیطانک مهلت ایسته مکدن مقصدی ؛ بنی آدمدن  
اخذ انتقامه فرصت بولق و اولومدن قورتولقدرد . چونکه ؛ یوم قیامتدن صوکره اولوم  
اولیه جغنی بیلیدی . زیرا ؛ جناب حق قیامته قدر اولوم اولوب قیامتدن صوکره اولوم اولیه جغنی  
خبر ویرمشدی که قیامته جمله ذی روحله برابر هلاک اولوب تکرار حیات بولدقن  
صوکره اولوم یوقدر . بومساعده نک ازله مقدر اولوب یکی بر مساعده اولمادیقنه اشارت  
ایچون مهلتک وقوعنی قطعیة دلالت ایدن جمده اسمیه ایله اخبار بیورمشدر .

بعض ظالمیره واجب تعالی نک مساعده سی شیطانیه مساعده قیلندندر که حقنده اییلکه  
علامت صایلاماز . چونکه ؛ عمری اولدجه شیطان کبی ظلمله وعلمی افسادله مشغول  
اولاجغندن کون بکون کناهی زیاده لیهیر و آخرتده کناهی نسبتنده عذابی تزیاید ایده جکندن  
او مساعده آنک حقنده عین عذابدر .

خلاصه ؛ شیطانک مساعده طلبی اوزرینه جناب حقک یوم قیامته قدر مساعده بیوردینی  
بوآیتدن مستفاد اولان فوائد جمله سندندر .

\*\*

واجب تعالی شیطانک شومساعده اوزرینه قیامته قدر بنی آدمه مسلط اولوب اغوا  
واضلال ایده جکم دیدیکنی بیان ایتک اوزره ﴿ قَالَ فَبِعِزَّتِكَ لَا غَوِيَّتُهُمْ أَجْمَعِينَ \*  
إِلَّا عِبَادَكَ مِنْهُمْ الْمُخْلِصِينَ ﴾ بیوریور .

[ شیطان « سن بکا مهلت ویرنجه یارب ! سنک عزت جلالک حق ایچون بنی آدمک

جمیعینی اغوا واضلال ایدرم ، آنجق آنلردن سنک خالص قوللرک مستنادر . [ زیرا ؛  
آنلری اغوا ایده مهلم » دیمکه خصومتنی اظهار ایتدی .

یعنی ؛ جناب حق شیطانیه یوم قیامته قدر مساعده ایدنجه شیطان بنی آدمه خصومتنی  
اظهار ایده رک دیدی که « یارب ! سنک عزت شانیه یمین ایدرم که بن آنلری طریق توحیددن  
چیقاریر ، یوللرینی شاشیرتیرم وجهله سنی سکا عصیانه تشویق ایدرم ، آنجق آنلردن سکا اخلاص  
اوزره ایمان و عبادت ایدنلری اضلال ایده مهلم که آنلرک اخلاصی بنم یولدن چیقارمقلغمه  
مانعدر . چونکه ؛ اخلاصلری سببیه رحمتکدن امیدلری و غضبکدن قورقولری و نارجهنی  
کوزلری اوکنه کتیردکلری ایچون بنم اضلال آنلره تأثیر ایتمز .

فخر رازی و نیسابورینک بیانلری وجهله شیطانک خالص قوللری استنادن مقصدی ؛  
یالاندن احتراز ایتکدر . زیرا ؛ استننا ایتکسزین « بنی آدمک جمیعینی اضلال ایدرم »  
دیمش اولسه ایدی اضلال ایده میه جکی برچوق صلحا بولونقله کلامنده یالان ظهور ایده جکی  
محقق اولدینی جهته کلامنی استننا ایله ایراد ایتشدرد . شوحالده شیطانک شو استنناسی ؛ اهل  
ایمان ایچون بویوک بردرسدر . چونکه ؛ شیطان یالاندن احتراز ایدنجه اهل ایمانک دها  
زیاده احتراز ایتسی لازم اولدینی کبی یالان اولق احتمال اولان یرده سوزینه استننا علاوه  
ایتمسی ده لازمدر که یالاندن قورتولسون .

خلاصه ؛ جناب حقک شیطانیه مساعده سی اوزرینه شیطانک بنی آدمی اضلال ایتکه  
یمین و اخلاص اوزره اولان انسانلری اضلال ایده میه جکنی اقرار و اعتراف ایتدیکی  
واخلاص تامک شیطانک اغوا سنه مانع اولاجنی بوآیتدن مستفاد اولان فوائد جمله سندندر .

\*\*

واجب تعالی شیطانیه مساعده سی و شیطانک بنی آدمی اضلال ایده جکنه عزم ایتدیکی  
بیاندن صوکره واقع اولان بیانانک حق اولدینی بیان ایتک اوزره ﴿ قَالَ فَالْحَقُّ وَالْحَقَّ  
أَقُولُ ﴾ بیوریور .

[ ای شیطان ! ثابت وواقع اولاجق شی بودنیاده بنم سکا دیدیکمدر . ] زیرا ؛  
بنم سنی عزت حضورمدن طرد و تبعیدم و سکا مهلت ویرمکلکم حقدر و سنک اضلالک



اوزرینه ترتب ایدمک احکامده بن آنحق حق سویلرم . زیرا ؛ حقک غیری برشی سویلک ذات الوهیت مزده تصور اولونماز . بناء علیه ؛ بیاناً تمزک جمله سی حق وثابتدر .

..

واجب تعالی بیانانک حق اولدیغنی بیاندن صوکره شیطانک اضلالی اوزرینه ترتب ایدمک احکامی بیان ایتک اوزره ﴿ لَا مَلَأَنَّ جَهَنَّمَ مِنْكَ وَمِمَّنْ تَبِعَكَ مِنْهُمْ أَجْمَعِينَ ﴾ بیوریور .

[ ای ابلیس ! ذات الوهیت میمن ایدرم که البته سندن وسکا تبعیت ایدن بنی آدمک جمیع سندن جهنمی طولدورورم . ]

یعنی ؛ حق وثابت اولان ذات الوهیت حق ایچون سنی وسکا تبعیت ایدن انسانلری وجهله کزی جهنمه طولدورر جزای سزا کزی ویریرم . زیرا ؛ ضال ومضل جمله کزی جهنم عذابله معذب قیلاجم محققدر .

﴿ قُلْ مَا أَسْأَلُكُمْ عَلَيْهِ مِنْ أَجْرٍ وَمَا أَنَا مِنَ الْمُتَكَلِّفِينَ ﴾

[ یا اکرم الرسل ! سکا وحی اولونان احکامی تمامیه تبلیغ ایتدکدن صوکره سن دی که « ربمکن کلن امری ونهی سزه تبلیغمه اجرت ایستهتم وبنده قرآنی کندی عنددن کلفتله ایجاد ایدنلردن دکم » . ]

﴿ إِنَّ هُوَ إِلَّا ذِكْرٌ لِلْعَالَمِينَ ﴾

[ زیرا ؛ قرآن اولمادی ، آنحق جمله عالمه موعظه اولدی . ] چونکه قرآن ؛ انس وجنی هدایت سوک وآنلره دنیوی وآخروی منفعتلری بیان ایدر بر ذکر عظیم ووعظ بلیغدر .

﴿ وَلَتَعْلَمُنَّ نَبَأَهُ بَعْدَ حِينٍ ﴾

[ ذات الوهیت میمن ایدرم که سز قرآنک خبری صادق ووعیدانک حق اولدیغنی بر آرزمان صوکره البته بیلیرسکز . ]


یعنی ؛ سز وفات ایدوب یوم قیامتده قبری کزدن قالدیف کزده بوتون کزلی اسرار میدانم چیقدیغنی زمان قرآنک حق اولدیغنی وکلفتله میدانم کلدیکنی وایدورمه برشی اولمادیغنی البته بیلیرسکز .

خلاصه ؛ امر دینی طلب وتحقیقه غایت احتیاط ایدمک دینه دعوت ایدن کیمسه نک حالنی و صورت دعوتی کمالیه دوشونمک لازم اولدیغنی وبو مقامده دینه دعوت ایدن رسول اللهک دعوتی اوزرینه اجرت ایسته مدیکی وحالبوکه یالان اولارق بویه بردعوائی ایدوران کیمسه نک البته دنیایه ومال جمع ایتمکه میل ورغبتی اولاجنی میدانم ایکن رسول اللهک بویه شیلره تنزل ایتمهدیکی حلاله دینه دعوته صوک درجه غیرت ایتدیکی ودعوتک کیفیت کلهجه دعوت ایتدیکی دینک صحتی بیلیمک برچوق کلفتله محتاج اولمادیغنی وبلکه دینک صحتنه شهادت عقل کافی اولدیغنی بوآیتله بیان اولونمشدد . چونکه ؛ رسول الله اولو اللهک وجودی اقراره وثانیاً ذات الوهیتی لایق اولمادق نقائصدن تنزیه و صفات کمالیه ایله متصف اولدیغنی اعتقاد وثالثاً شریک ونظیردن منزله اولدیغنی اعتقاد و رابعاً جمادات خسیسه قییلندن اولان ومنفعت ومضرته قادر اولمایان پوتلره عبادتی ترکه وهامساً ارواح مقدسه اولان ملکوره وثانیایه تعظیمه وسادماً قیامت اقراره و آخرتی دوشونمکه دعوت بیورمشدر . ایشته بیان اولونان شو اصول سه که دین الهی ودین محمدیه معتبر اولوب عقول سلیمه تسلیمده وافکار صحیحه قبولده تردد ایتهدیکی جهته دعوت اولونان دین شواصول اوزره مؤسس اولوب رسول الله طرفندن کلفتله یالنه برشی اولمادیغنی بوآیت دلالت ایدر . شو حلاله کوتو اعتقاد وجهل وغناد اوزره امرار اوقات ایدنلر عاقبت قرآنک صحتی ومضمونی اولان اصول مذکورده نک حق اولدیغنی البته بیلجکگرینی بیانله عاصیلری تهدید بیورمش وسورۃ جلیلیه ختام ویرمشدر .



رومی بیک اوچیز یکرمی طغوز سنه سی ایلونک اون اوچنچی جمه کونه تصادف ایدن عربی بیک اوچیز اوتوز بر سنه سی شوالنک یکرمی دردنجی کونی قوشاق وقتی بو سورده نک ترجمه سی بمعونه تعالی ختام بولشددر .





## خطا، صواب حدولی

| صحیفه | سطر | خطا                    | صواب                    |
|-------|-----|------------------------|-------------------------|
| ۲     | ۱   | الَنْبِ                | النَّبِيِّ              |
| ۴     | ۱۴  | انباعله امر            | اتباعله امر             |
| ۱۳    | ۲   | يالكز برسوزيله         | ياالكز برسوز ايله       |
| ۱۴    | ۲۰  | وَمُوسِ                | وَمُوسَى                |
| ۱۵    | ۲۰  | قرار                   | اقرار                   |
| ۲۹    | ۲۰  | اَلْخَوْفُ             | اَلْخَوْفُ              |
| ۳۷    | ۷   | بدر                    | بدر                     |
| ۴۲    | ۳   | وآزو                   | وآرزو                   |
| ۴۷    | ۵   | تزین                   | تزين                    |
| ۴۸    | ۱۷  | عليهما السلام ره لرنده | عليهما السلام آره لرنده |
| ۵۸    | ۲۱  | فِي الَّذِينَ          | فِي الَّذِينَ           |
| ۷۰    | ۷   | هـ                     | هـ                      |
| ۷۱    | ۱۷  | يسته ديكي              | ايسته ديكي              |
| ۷۹    | ۳   | بلا ذن                 | بلا اذن                 |
| ۸۸    | ۱۹  | بوونوب                 | بورونوب                 |
| ۱۳۸   | ۱۸  | اِذَا الظَّالِمُونَ    | اِذَا الظَّالِمُونَ     |
| ۱۳۹   | ۱۲  | ايدرك                  | ايدردك                  |
| ۱۴۵   | ۴   | ياقلاشديران دكلدر      | ياقلاشديران شي دكلدر    |
| ۱۵۶   | ۱۲  | هر كى                  | هر كسك                  |
| ۱۶۱   | ۲   | يدانه                  | ميدانه                  |

کتابخانه عمومی  
شماره ثبت کتابخانه: ۱۳۰۰۰۰۰۰۰۰  
تاریخ ثبت: ۱۳۰۰/۰۰/۰۰

## صواب

| صحیفه | سطر | خطا            | صواب             |
|-------|-----|----------------|------------------|
| ۱۷۲   | ۶   | لطقنده         | لطقته            |
| ۱۷۸   | ۲۱  | او حاله        | او حاله          |
| ۱۸۳   | ۱۲  | حِيَةٍ         | خَلِيَةٍ         |
| ۲۱۰   | ۱۰  | اشرفی          | اشراقی           |
| ۲۲۶   | ۱۷  | وَشَى          | وَحْشَى          |
| ۲۲۸   | ۷   | نُحَى          | نُحْيَى          |
| ۲۲۹   | ۶   | فانما نكتب     | فانما تكتب       |
| ۲۳۶   | ۱   | أَرْسَلِينَ    | أَلْمُرْسَلِينَ  |
| ۲۴۴   | ۱۴  | وفاندن         | وفاندن           |
| ۲۵۳   | ۱   | ذُرِّيَّتَهُمْ | ذُرِّيَّتَهُمْ   |
| ۲۶۳   | ۲۰  | اهله           | اهل              |
| ۲۷۶   | ۱   | حي اولونانلرك  | وحى اولونانلرك   |
| ۲۷۸   | ۱۸  | وآنلره كوكسده  | وآنلره آل كوكسده |
| ۲۷۹   | ۱۵  | سورلرى         | سوزلرى           |
| ۲۸۰   | ۱۵  | نقطه دن        | نطفه دن          |
| ۲۸۷   | ۸   | عالمك          | عالمك            |
| ۳۰۷   | ۸   | ( زف )         | ( زف )           |
| ۳۰۹   | ۱۹  | آرقدا سلرينه   | آرقدا شلرينه     |
| ۳۱۳   | ۱۱  | طاننده         | طاباننده         |
| ۳۲۳   | ۲   | الله تعالى بي  | الله تعالى به    |
| ۳۳۳   | ۲   | كآل خلاصه      | كآل اخلاصه       |
| ۳۴۳   | ۱۶  | بوعاته         | بوعاده           |
| ۳۴۵   | ۴   | كولكه سون      | كولكه اولسون     |

کتابخانه عمومی  
شماره ثبت کتابخانه: ۱۳۰۰۰۰۰۰۰۰  
تاریخ ثبت: ۱۳۰۰/۰۰/۰۰



| صفحه | سطر | خطا                | صواب               |
|------|-----|--------------------|--------------------|
| ۳۵۵  | ۲   | حَتَّى             | حَتَّى             |
| ۳۶۴  | ۱۶  | ذِكْرِي            | ذِكْرِي            |
| ۳۶۱  | ۴   | كَذَابُ            | كَذَابُ            |
| ۳۶۶  | ۱۱  | وَمَا يَذُنُّهُمَا | وَمَا يَذُنُّهُمَا |
| ۳۶۶  | ۲۱  | اتِّقَاء           | اتِّقَاء           |
| ۳۶۷  | ۴   | أَهْنَالِكَ        | أَهْنَالِكَ        |
| ۳۷۶  | ۳   | أَوَيْكِي          | أَوَيْكِي          |
| ۳۹۲  | ۱۱  | أَمْرَ أَيْتَسَه   | أَمْرَ أَيْتَسَه   |
| ۳۹۲  | ۱۲  | جِنِيلَرِي         | جِنِيلَرِي         |
| ۳۹۲  | ۱۶  | جِنِيلَرَه         | جِنِيلَرَه         |
| ۴۱۳  | ۱۵  | أُولَدِنْدِيغَنِي  | أُولَدِنْدِيغَنِي  |

## اوره ايلکينجي جلدك فهرستی

|     |  |    |  |
|-----|--|----|--|
| ۷۰  | خاتونك رسول الله هبه سي مهر مقامنده اولديني              | ۲  | سوره اهراب   |
| ۷۳  | رسول اللهك زوجه لرندن ايسته ديك ايله انيسته مخير اولديني | ۵  | بركيمسه ده ايكي قلب اولمادي  |
| ۷۷  | بلاذن رسول اللهك خانه سنه كيرمك جائز اولمادي             | ۸  | ظهارة متعلق مسائل واجني برچوجه اوغلو   |
| ۸۱  | حجاب آيتنه دائر تفصيلات                                  | ۱۱ | ديمكله اوغلو اولمادي   |
| ۸۵  | صلوات شريفه نك لزومي                                     | ۱۱ | بركيمسه نك كنديسي، نسبك غيري به نسبت   |
| ۸۷  | اهل ايمانه اذانك بويوك كنه اولديني                       | ۱۱ | حرام اولديني   |
| ۸۹  | تسترسوانك فوائدينه وآنده اولان حكمته دائر تفصيلات        | ۱۱ | ازواج مطهراتك جمله مؤمنلك والده لري اولديني  |
| ۹۲  | اهل ايمانه كيزلي اذ ايدنلك حكم شرعي                      | ۱۴ | انيادن ميثاق آلنديني   |
| ۹۵  | اهل جهنمك جهنمه محاوره لري                               | ۲۱ | مناقلرك اهل ايماني اغفال ايچون سوزلري  |
| ۹۶  | جناب حقك حضرت موساي قومك افتراسندن تبرئسي                | ۲۳ | زمان ايجاي بعض بلده نك اسمني دكيشدير مكد   |
| ۹۸  | انسانك امانتي قبولي ونفسنه ظالم اولديني                  | ۲۶ | برأس اولمادي   |
| ۱۰۰ | سوره مباء  | ۲۶ | محاربه دن فرارك اجله قائده سي اولمادي  |
| ۱۰۰ | جناب حقك حمده استحقاق                                    | ۳۳ | رسول اللهده اقتدايه شايدان خصلت حميده اولديني                                      |
| ۱۰۴ | احكام شريعتي ابطاله سمي ايدنلك جزاري شدتلي عذاب اولاجني  | ۳۵ | اهل ايمانك هر حالده عهدنده ثبات وعهديني ايفا ايتديني                               |
| ۱۰۹ | عالم مكوماته باقارق حشره استدلاك لزومي                   | ۳۸ | بنی قريظه يهوديلرينك اهلاكي  |
| ۱۱۰ | حضرت داوده طاغرك اطاعتي وآنده دميرك يوموشاق اولسي        | ۴۱ | رسول اللهك ازواجني بخير قيلديني  |
| ۱۱۲ | حضرت داوده زره باعسيه امرك ورودی                         | ۴۵ | ازواج مطهراتك كنهاهلرينه عذاب ايكي قات اولديني كي عبادتلرينه ثوابك ده ايكي اولاجني |
| ۱۱۳ | حضرت سليمان باقير معدنك آقديني وجنيلرك اتقيادي           | ۴۸ | قاديبلره زينتلريني كوسترمه مك لازم اولديني   |
| ۱۱۷ | حضرت سليمانك وفاته آغاج قوردنك دلالت                     | ۵۳ | اللهك و رسولنك امرينه قارشى مؤمنلر ايچون خيار اولمادي                              |
| ۱۱۹ | قوم سباء دائر تفصيلات                                    | ۵۷ | رسول الله حضرت زينبك نكاح اولديني  |
| ۱۲۱ | سبل عمره دائر تفصيلات                                    | ۶۰ | رسول اللهك خاتم الانبيا اولديني  |
| ۱۲۴ | قوم سباك محل بركت اولان قريه لرك خراب                    | ۶۳ | اللهه چوق ذكر ايتك لازم اولديني  |
|     |  | ۶۷ | كافرله ومناقلره اطاعت جائز اولمادي   |
|     |  | ۶۸ | زفاف اولادن طلاق ويريلن خاتونه عدت لازم كلديكي                                     |



- اولسنه دعالی سبيله قریه لرك خراب اولدینی ۱۲۹  
 مشركرك مذهبلرینی تفصیل ۱۳۵  
 رسول اللهك بالجمله انسانلره رسول اولدینی ۱۴۲  
 اهل كفرك غنالی عنادینه وعدم ایمانینه سبب اولدینی ۱۴۶  
 آیات الهیه بی ابطاله سمی ایدنلرك عاقبتلری عذاب و خسارند ۱۵۰  
 آیتلری انكار و دینی ابطاله سمی ایدنلره وارد اولاجق خطاب ۱۵۵  
 دین اسلامی تدقیق حقیقه تفكرك لزومی ۱۵۸  
 باطل اولان پوت پرستلك اعاده اولونامیه جنی ۱۶۱  
 اهل كفرك آخرتده ایمان ایده جكلی ولكن آخرتده ایمان فائده ایتمه جکی ۱۶۴
- سوره فاطر** ۱۶۴  
 ملكرك قنادرلی اولدینی بیان ۱۶۴  
 انسانلرك نعمت الهیه بی ذكرله شكر ایتلری لازم اولدینی ۱۶۹  
 حیات دنیا به مغرور اولماق و شیطانك سوزینه آلدانماق لازم اولدینی ۱۷۱  
 كو تو عمل صاحبك ائی عمل صاحبنه مساوی اولامیه جنی ۱۷۴  
 حیلہ یاپانلرك حیللرینك هلاك اولدینی ۱۷۹  
 كافرله مؤمنی آجی و طاتلی صورله تشبیه ۱۸۲  
 الله تعالى نك ایسترسه انسانلری كیده روبر برینه دیگر بر مخلوق كتیره جکی ۱۸۸  
 جناب حقك انسانلری كناهلردن اوج وجهله تنفیر ایتدیکی ۱۹۱  
 هر امتده بر نبی ویا انذار ایدر علما بولوندیغندن امتلك اعتذاری قبول اولمادی ۱۹۳  
 فرض اولان زكاتی علناً ویرمك اولادر ۱۹۸  
 امت محمدیه نك قرآنه وارث اولوب اوج قسمه منقسم اولدینی ۲۰۰  
 اهل جنته جنتده مشقت و یورغونلق كبی شیلرك طوقیمیه جنی ۲۰۴
- ۲۰۷ كافرلرك ابدأ معذب اولمارینه سبب ابدأ كفره نیتلریدر ۲۱۰  
 ظالمرك بربرینه وعدلری غروردن عبارت اولدینی ۲۱۳  
 حیلہ ، صاحبك آياغنه دولاشدینی ۲۱۷  
 انسانلركناهلری سببيله مؤاخذه اولوغش اولسهلردی بر یوزنده هیچ بر حیوان ترك اولونمازدی ۲۱۹
- سوره بس** ۲۱۹  
 قرآنك انزالنده كی حكمت ۲۲۲  
 آثارك خیره شمولى ولوح محفوظده هر شیك یازلی اولدینی ۲۲۸  
 انطاکیه اهالیسنك حضرت عیسانك رسوللرینی تكذیبیلری ۲۳۱  
 رسوللره بز سزكه تشام ایدرز دیکلری ۲۳۴  
 حبیب نجارك قومنه نصایحنه دائر تفصیلات ۲۳۶  
 واجب تعالی نك قوللرینه نعمتلی تعدادله حشره استدلالی ۲۴۶  
 قره واپوری و طیاره وسائر بنیدلره قرآنله استدلال ۲۵۳  
 اهل كفرك قیامتدن سؤالری و آكاجواب ۲۵۸  
 اهل جنتك زوجهلری ایله برابر كر سیلر اوزرنده استراحت ایده جكلی ۲۶۳  
 اهل جهنمك اهل جنتدن آیرلمرینه دائر خطاب الهی ۲۶۶  
 حاصیلرك عصیانلرینه اعضالرینك شهادت ایده جکی ۲۶۹  
 رسول اللهك عن قصد شعر سویه مدهدی ۲۷۴  
 حیواناتده انسانلر ایچون منافع كتیره بولوندی ۲۷۶  
 کیكده حیات اولوب اولمادیغنه دائر بیانات ۲۸۲  
 شیلر آغاجده آتشك خلق اولوندی ۲۸۳

- ۲۸۶ **سوره صافات** ۳۵۸ **سوره ص**  
 ۲۸۹ ساء دنیاك شیطاندن حفظی و آكا طائد تفصیلات ۳۵۸  
 ۲۹۶ اهل كفرك عذاب كورونجه هلاكه چاغیره جكلی ۳۶۰  
 ۳۰۰ اهل كفرك بكدیكرینه عطف جرم ایده جكلی ۳۶۳  
 ۳۰۵ جنتده مؤمنلرك نعمتلرینك نوعی و اوصافی دیکلری ۳۶۷  
 ۳۰۷ اهل جنتك نسوانلرینك اوصاف مدوحهلری ۳۷۱  
 ۳۱۲ زقوم آغاجك فتنه اولدینی و سائر اوصافی حضرت داودك مناقبی ۳۷۵  
 ۳۱۵ كافرلرك بابالرینی تقلیدلری و تقلیدك مذموم داوده كیردكلی ۳۸۰  
 اولدینی ۳۸۵  
 ۳۱۷ حضرت نوحك جناب حقه نداسی و كرب سایمان علیه السلامك مناقبی ۳۸۶  
 عظیمدن خلاصی حضرت سلیمانك محاربه ایچون حاضرلارنان ۳۸۹  
 حضرت ابراهیمك قلب سلیم صاحب اولوب آتلی معاینه سی و آكا دائر تفصیلات ۳۹۰  
 پدرینه سؤالی حضرت سلیمانك بویوك بر ملك ایسته می اوزرینه استغفاری تقدیمی ۳۹۴  
 ۳۲۴ حضرت ابراهیمك خسته لغنده یالان اولمادی ۳۹۸  
 و پوتلری قیردینی حضرت ایوبك مناقبی و خسته لغنه دائر تفصیلات ۳۹۹  
 ۳۲۷ حضرت ابراهیمك آتشدن چیققدنصكره دماسی و بر اوغلان ایسته می ۴۰۰  
 ۳۲۸ حضرت ابراهیمك رؤیاسی و اوغلونق قربان ویمینده حانت اولماسی ایچون تعالیمات ایتكده مأمور اولدینی و آكادائر تفصیلات ۴۰۳  
 ۳۳۶ حضرت موسی ایله برادرینه جناب حقك احسانی ۴۰۵  
 ۳۳۸ الیاس علیه السلامك قومنی ایمانه دعوتی ۴۰۶  
 ۳۴۱ حضرت لوطك اولادی و اتباعیه برابر عذابدن نجات بولدی ۴۱۲  
 ۳۴۲ حضرت یونسك قصه سی ۴۱۴  
 ۳۴۵ حضرت یونسك دكزدن چیقوب قباق یاراغیله كولك لندیکی ۴۱۶  
 ۳۵۲ ملكرك عند الهیه مقاملرینك معلوم و عبادتده دواملری ۴۲۰  
 ۳۵۶ كافرلرك حویلره عذاب نازل اولدیغنده بعض ظالملره جناب حقك مساعده سی ۴۲۰  
 حاللری شیطان مساعده سی قیلندن اولدینی





الكتاب الثاني في

عقد

...





